


Parnai Yiang Sursĩ -
Kinh Thánh tiếng Bru



Bru, Eastern: Parnai Yiang Sursĩ - Kinh Thánh tiếng Bru
Bible

**Parnai Yiang Sursĩ - Kinh Thánh tiếng Bru
Bru, Eastern: Parnai Yiang Sursĩ - Kinh Thánh tiếng
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022

2f74bcbe-d4f1-5386-8c30-29d0147bb706

Contents

Mathia	1
Mac	79
Luca	126
Yang	205
Ranáq Táq	261
Rô-ma	337
Côr-ntô Muoi	373
Côr-ntô Bar	406
Ca-lati	427
Ê-phê-sô	439
Phi-lip	450
Cô-lusê	458
Tê-salô-naca Muoi	466
Tê-salô-naca Bar	474
Ti-muthê Muoi	478
Ti-muthê Bar	488
Atít	495
Phi-lamôn	499
Hê-brơ	501
Yacỗ	526
Phi-er Muoi	535
Phi-er Bar	544
Yang Muoi	550
Yang Bar	559
Yang Pái	561
Yude	563
Sapáh Baih	567

atông nheq tữh cūai dáng tẽ
Yiang Sursĩ cõt sớt.

Mathia Chĩc Atông Parnai O Tẽ Yê-su Crĩt Santoiq Atông

Mathia bữn ramúh Lê-vi hữ. Án la manoaq tẽ tốp muoi chít la bar náq ca rien tẽ Yê-su. Tẽ nhũang, án la cūai parôm ít práq thẽq. Án chĩc saráq nâi sám 50 toâq 60 cumo ntun Yê-su canõt. Mathia chĩc atông parnai o tẽ Yê-su, án ca Yiang Sursĩ khoiq ữq tâng Parnai Par-ữq Tiaq. Tam Mathia chĩc parnai o nâi yõn tốp I-sarel dáng raloaih, parnai nâi tở cõn yõn ống cūai I-sarel sâng, ma yõn nheq tữh cūai.

Mathia chĩc atông tẽ nheq đõi tamoong Yê-su. Án atông tẽ Yê-su canõt, roap batẽm, ramóh yiang Satan chim, cóp pỏq atông parnai Yiang Sursĩ. Yê-su táq ranáq salẽh sa-ữi ramúh. Án palai satoaq máh cūai a-ĩ ớt tâng máh vil cruang Cali-lê. Chớ, tẽ ki án chõn chu vil Yarusalem. Ớt tâng ntỏq ki án chĩuq noau táq án, noau téh án tâng aluang sangcáng. Chớ án cuchĩt cóp tamoong loah.

Mathia chĩc atông yõn hái dáng Yê-su la thâi bữn chớch lứq. Cóp án bữn ốc roan rangoaiq, đõq aloõh ngê tẽ phễp rit Yiang Sursĩ, cóp

*Atông Tẽ Achúc Achiac
Yê-su
(Luca 3:23-38)*

¹ Yê-su Crĩt toâq tẽ tống toiq Davĩt; cóp Davĩt toâq tẽ tống toiq A-praham. Nheq tữh ramúh achúc achiac Yê-su la neq:

² A-praham la mpoaq I-sac. I-sac la mpoaq Yacóp. Yacóp la mpoaq Yuda cóp nheq tữh sẽm ai án. ³ Yuda la mpoaq Pharêt cóp Sê-rah; mpiq alóí bar náq ki la Tamar. Pharêt la mpoaq Hê-trôn. Hê-trôn la mpoaq Aram.* ⁴ Aram la mpoaq Ami-nadap. Ami-nadap la mpoaq Nasôn. Nasôn la mpoaq Sal-môn. ⁵ Sal-môn la mpoaq Bô-at; mpiq Bô-at la Rahap. Bô-at la mpoaq Ô-bê; mpiq Ô-bê la Rutõ. Ô-bê la mpoaq Yê-sai. ⁶ Yê-sai la mpoaq puo Davĩt.

Davĩt la mpoaq Sa-lamôn; cóp mpiq Sa-lamôn la Batsi-ba. Tẽ nhũang mpiq án la lacuoi Uria. ⁷ Sa-lamôn la mpoaq Rê-habũam. Rê-habũam la mpoaq Abia. Abia la mpoaq Asa. ⁸ Asa la mpoaq Yê-hô-saphat. Yê-hô-saphat la mpoaq Yô-ram. Yô-ram la mpoaq Usiah. ⁹ Usiah la mpoaq Yô-tham. Yô-tham la mpoaq Ahat. Ahat la mpoaq Hê-sakia. ¹⁰ Hê-sakia la mpoaq Ma-nasê. Ma-nasê la mpoaq

* 1:3 1:3 Ramúh Aram noau đõq Ram hữ.

Amôn. Amôn la mpoaq Yô-sia. ¹¹ Yô-sia amia Yê-cania cốp nheq tữh sêm ai án bo cũai Ba-bulôn dững asuoi cũai I-sarel pỡq ốt pỡ cruang Ba-bulôn ễn.

¹² Vót noau cốp dững cũai I-sarel pỡ cruang Ba-bulôn, ngkíq Yê-cania amia Sial-tiel. Sial-tiel la mpoaq Saru-babel. ¹³ Saru-babel la mpoaq Abi-yut. Abi-yut la mpoaq Alia-kim. Alia-kim la mpoaq Asô. ¹⁴ Asô la mpoaq Sadôc. Sadôc la mpoaq Achim. Achim la mpoaq E-li-yut. ¹⁵ E-li-yut la mpoaq E-lia-sơ. E-lia-sơ la mpoaq Mathan. Mathan la mpoaq Yacốp. ¹⁶ Yacốp la mpoaq Yô-sep. Yô-sep la cayac Mari. Mari la mpiq Yê-su, án ca noau đợc Crít.†

¹⁷ Ngkíq, tễ dỡi A-praham toau toaq dỡi Davít la muoi chít la pỡn dỡi cũai. Noap tễ dỡi Davít toaq dỡi noau cốp cũai I-sarel dững pỡ cruang Ba-bulôn la muoi chít la pỡn dỡi cũai. Cốp tễ dỡi noau cốp cũai I-sarel dững pỡ cruang Ba-bulôn toau toaq dỡi Yê-su Crít la muoi chít la pỡn dỡi cũai tễ.

*Sết Yê-su Crít
(Luca 2:1-7)*

¹⁸ Yê-su Crít sết puai máh parnai nâi atỡng. Mari, mpiq Yê-su, khiq sampuoq Yô-sep. Yô-sep tỡ yũah racoaiq Mari, Mari khiq ốt mumiaq chơ tễ Raviei Yiang Sursĩ. ¹⁹ Yuaq Yô-sep la

cũai mantoat, án tỡ ễq yỗn Mari casiet táq noau. Án ốt chanchóm tâng mứt án ễ táh Mari, ma tỡ ễq noau dáng. ²⁰ Bo án noâng ốt chanchóm ngê ki, án láu mpáu. Án hữm ranễng Yiang Sursĩ tễ paloỡng toaq pỡ án. Ranễng ki pai neq: “Yô-sep oi! Mớí la cũai tễ tống toiq Davít. Mớí chỡi pê pahỡm ít Mari táq lacuoi mớí, yuaq án ốt mumiaq cỗ tễ Raviei Yiang Sursĩ. ²¹ Nỡ-ra án canốt con samiang. Mớí cóq amứh con ki la Yê-su, yuaq án ễ chuai amoong nheq tữh cũai cốp táh lôih alói.”

²² Nheq ranáq nâi cõt santruoq cốp parnai Yiang Sursĩ khiq atỡng saccoaiq na cũai tang bỗq Yiang Sursĩ tễ mbỗq. ²³ Cũai ki khiq pai neq:

“Chumat bữn manoaq cumữr plot ốt mumiaq,
chơ án canốt con samiang.

Noau amứh con ki Ê-manual.”*[☆]

(Santoiq Ê-manual nâi parlong loah la ‘Yiang Sursĩ ốt cốp hái’.)

²⁴ Tữ Yô-sep tamỡ, án trữh nheq máh santoiq ranễng Yiang Sursĩ atỡng án yỗn ít Mari táq lacuoi. ²⁵ Ma án tỡ bữn bẻq parnỡi cốp Mari yỗn toau toaq tangái Mari canốt con samiang clúng. Cốp án amứh con ki la Yê-su.

† **1:16** 1:16 Ramứh ‘Crít’ parlong loah la ‘án ca Yiang Sursĩ rườh đợc chuai amoong cũai’. * **1:23** 1:23 Ê-sai 7:14

2

Cũai Tamoi Toâq Tễ Angia Mandang Loõh

1 Yê-su khoiq sết tâng vil Bet-lahem, cruang Yudê, bo dôi Hê-rôt cõt puo. Vót ki bữn cũai rien tễ mantỏr toâq pữ vil Yaru-salem tễ cruang alói coah angia mandang loõh. 2 Alói blóh neq: “Pở léq manoaq mbõiq sết, ma nỡ-ra án cõt puo tộp Yuda? Hếq khoiq hữm mantỏr án tễ angia mandang loõh. Ngkíq hếq toâq ẽ sang toam án.”

3 Từ puo Hê-rôt sâng ốc nâi, án sâng croõq lứq, cóp nheq máh cũai tâng vil Yaru-salem la sâng croõq tê.

4 Ngkíq Hê-rôt parõm nheq từh cũai sốt tộp tềng rit sang Yiang Sursĩ, cóp máh cũai yống rit tộp I-sarel tâng cruang ki. Án blóh alói neq: “Pở léq Crít sết?”

5 Alói ta-õi neq: “Crít sết tâng vil Bet-lahem, cruang Yudê. Yuaq bữn manoaq tang bõq Yiang Sursĩ khoiq chĩc tễ mbõq neq:

6 ‘Ở vil Bet-lahem tâng cruang Yuda ời!

Mới la vil bữn chóc tỡ bữn cacót,

khân talĩ cóp máh vil canõh tâng cruang Yuda.

Yuaq bữn manoaq toâq tễ mới, án bữn chóc sốt toâr lứq.

Án ayông máh cũai proai cứq, la cũai I-sarel.’ ”☆

7 Vót ki Hê-rôt arô clõp máh cũai rien tễ mantỏr. Chơ án blóh alói ki samoât samõi neq: “Bo léq anhia hữm mantỏr ki loõh?”

8 Ngkíq án ón tộp rien tễ mantỏr pỡq chu vil Bet-lahem, cóp án atõng alói neq: “Anhia pỡq chuaq samoât samõi con ki. Toâq anhia tamóh con ki, anhia toâq atõng cứq nỡ. Cứq ẽ pỡq sang án tê.”

9 Moâm alói tamúng parnai puo atõng, alói pỡq loah. Alói hữm loah mantỏr ki õt coah angia mandang loõh. Mantỏr ki pỡq nhũang alói, cóp tangút rayư ntốq con ki õt. 10 Toâq cũai rien tễ mantỏr hữm loah mantỏr ki, alói sâng bũi hỡr lứq.

11 Từ alói mut tâng đống, alói hữm con ki cóp Mari, mpiq án. Alói sacõh racól sang con ki. Chơ alói pớh hỹp ca bữn crơng ngoaih aloõh yõn con ki, bữn: yềng, trâm, cóp siet phuom.

12 Chơ Yiang Sursĩ atõng loah alói toâq parnáu mpáu yõn alói chõi chu nõng pỡ đống Hê-rôt. Ngkíq alói chu pỡ cruang alói, ma alói chu na rana canõh ẽn.

Yô-sep, Mari, Cóp Con Pỡq Pỡ Cruang Ê-yip-tô

13 Toâq vót cũai rien tễ mantỏr chu, chơ ranềng Yiang Sursĩ toâq loah pỡ Yô-sep na parnáu mpáu, pai neq: “Mới yuor toáp, đừng con cóp mpiq án loõh cóp

põq chu cruang Ê-yip-tô. Anhia õt dĩ cruang ki voai toau cứq atõng loah anhia yõn chu, yuaq puo Hê-rôt yoc ẽ cachĩt con ki.”

¹⁴ Ngkĩq Yô-sep yuor tayúng. Bo noâng canám án dĩng con cốp mpiq con ki mut õt cruang Ê-yip-tô ẽn. ¹⁵ Alói õt pở ki toau toâq tangái Hê-rôt cuchĩt.

Ranáq nâi lứq rapĩeiq máh parnai Yiang Sursĩ khoiq pai na cũai tang bõq Yiang Sursĩ tẽ mbõq neq: “Cứq arô con samiang cứq loõh tẽ cruang Ê-yip-tô.”☆

Hê-rôt Cachĩt Nheq Tữh Con Samiang

¹⁶ Toâq Hê-rôt dáng cũai rien tẽ mantõr phẻq án, ngkĩq án sâng ùan lứq. Án ón noau cachĩt nheq tửh carnẽn samiang tẽ bar cumo asẽng tâng vil Bet-lahem cốp máh vil õt mpễn vil ki. Án noap tẽ tangái cũai rien tẽ mantõr khoiq atõng yõn án dáng.

¹⁷ Ngkĩq cõt rapĩeiq parnai Yê-ramia, la cũai tang bõq Yiang Sursĩ, khoiq pai tẽ mbõq neq:

¹⁸ “Noau sâng sường cuclõiq cucling tẽ vil Rama;

la sường Rachel nhiam atẻh sanhữ máh con án.

Án tở bữn tamúng máh san-toiq noau aliam án,

yuaq con án tở bữn noâng.”☆

Yô-sep, Mari, Cốp Con Chu Tẻ Cruang Ê-yip-tô

¹⁹ Vót Hê-rôt cuchĩt chơ, ngkĩq ranẻng Yiang Sursĩ toâq loah pở Yô-sep tâng cruang Ê-yip-tô na parnáu rláu mpáu sĩa. ²⁰ Ranẻng ki pai neq: “Yuor tayúng. Dĩng con cốp mpiq án chu loah pở cruang I-sarel, yuaq cũai yoc ẽ cachĩt con ki khoiq cuchĩt chơ.”

²¹ Ngkĩq Yô-sep yuor tayúng, dĩng con cốp mpiq con ki chu loah pở cruang I-sarel.

²² Ma toâq Yô-sep sâng noau pai Achê-lau cõt puo tâng cruang Yudê, pláih loah Hê-rôt mpoaq án, ngkĩq Yô-sep tở khỏn chu pở ki. Ma Yiang Sursĩ toâq atõng loah án na parnáu rláu mpáu. Ngkĩq án pỏq õt pở cruang Cali-lê ẽn. ²³ Án toâq õt tâng vil Na-sarẻt. Ngkĩq cõt rapĩeiq samoât parnai cũai tang bõq Yiang Sursĩ pai tẽ mbõq neq: “Noau đõq án la cũai Na-sarẻt.”

3

Yang Ca Táq Batẻm
(Mac 1:1-8; Luca 3:1-18; Yang 1:19-28)

¹ Bo ki, Yang táq batẻm toâq atõng tẽ ngê Yiang Sursĩ pở ntỏq aiq tâng cruang Yudê. ² Án atõng neq:

“Cóg anhia ngin lôih lêq cõt mút tamái ên, yuaq khoiq cheq lúq chơ tangái Yiang Sursĩ táq sôt.”

³ Ê-sai la cūai tang bỗq Yiang Sursĩ, khoiq atōng tễ Yang neq:

“Bữn sường sabau atōng casang tễ ntốq aiq neq:

‘Cóg anhia atức rana yỗn Ncháu hái.

Cháh báng yỗn tanoang rana yỗn án pỗq.’ *☆

⁴ Yang nài đốq tâc tampác noau táq toâq sóc charán lac-da. Cóp án cantoân parnoân ngcâr tâng ngkĩng án. Án cha lam cóp nguaiq đốq khĩal tễ aruih. ⁵ Bữn cūai proai tễ vil Yaru-salem cóp chũop nheq cruang Yudê, dếh cūai ốt mpễr crông Yôr-dan hữ toâq pờ án. ⁶ Alói ngin lôih, chơ Yang táq batêm yỗn alói tâng crông Yôr-dan.

⁷ Tữ Yang hữm cứng cūai tễ tốp Pha-rasi cóp tốp Sada-sê toâq pờ án, ểq án táq batêm yỗn alói, ngkíq án pai cóq alói neq: “Anhia la pla ariang cusân tur. Anhia tở tềq viaq vót tễ Yiang Sursĩ táq anhia toâq án táq máh cūai lôih tâng tangái parsôt.

⁸ Cóg anhia táq ranáq o. Nài la tếc anhia khoiq ngin lôih lêq cõt mút tamái ên.

⁹ Chỗi chanchóm anhia tềq viaq vót tễ tột cỗ anhia pai neq: ‘A-praham la achúc

achiac hếq.’ Cúq atōng anhia samoât lúq, khân Yiang Sursĩ yoc, tềq án ỉt tamáu cóp tềng cõt tống toiq A-praham. ¹⁰ Sanua ariang pai bữn muoi pla achât payur cheq nỡm aluang. Nỡm aléq ma tở bữn cõt palâi o noau ể tamư, chơ sarpút tâng ũih.

¹¹ Cúq táq batêm yỗn anhia na đốq, la táq tếc anhia ngin lôih lêq cõt mút tamái ên. Ma án ca toâq ntun cúq, án ki bữn chóc clũi tễ cúq. Cúq tở bữn dũ chóc dếh ayểq cộp án, yuaq chóc cúq la cacót lúq. Án ki ể táq batêm yỗn anhia na Raviei Yiang Sursĩ cóp ũih. ¹² Atĩ án yống taving, chơ án u-ũm nheq tữh saro án. Aléq chong, ki án đốq tâng sanic. Aléq hũat, ki án apống tâng ũih blữ tở nai pát yỗn cat nheq.”

Yang Táq Batêm Yỗn Yê-su

(Mac 1:9-11; Luca 3:21-22)

¹³ Bo ki Yê-su loõh tễ cruang Cali-lê pỗq chu crông Yôr-dan, yuaq án ểq Yang táq batêm yỗn án. ¹⁴ Ma Yang suon tở ểq táq batêm yỗn án. Yang pai neq: “PfiEQ lúq la anhia táq batêm yỗn cúq. Cỗ nốq anhia toâq pờ cúq ểq cúq táq batêm yỗn anhia?”

¹⁵ Ma Yê-su ta-õi loah bỗq Yang neq: “Sanua cóq mới táq batêm yỗn cúq. Ngkíq, hái cóq táq dũ ramứh Yiang Sursĩ ớn hái táq.”

Moâm Yê-su pai ngkiq, chơ Yang táq batêm yõn Yê-su.

¹⁶ Moâm Yê-su roap batêm, chơ án chõn tẽ dõq. Chơ paloõng samoât riang noau pớh, cớp Yê-su hữm Raviei Yiang Sursĩ sễng tẽ paloõng ariang chóm tariap, chơ póc tâng tở án. ¹⁷ Muoi próh ki bữn sương Yiang Sursĩ sabau atõng tẽ paloõng neq: “Nâi la Con cúq, án ca cúq ayooq lứq. Ntróu án táq, la cúq bủi pahõm nheq.”

4

Yiang Satan Chim Yê-su Ê Radững Án Táq Lôih
(Mac 1:12-13; Luca 4:1-13)

¹ Vót ki Raviei Yiang Sursĩ dững Yê-su pớq chu ntốq aiq, yõn yiang Satan chim Yê-su ẽ radững án táq ranáq lôih. ² Yê-su ót sana nheq pỏn chít tangái pỏn chít sadâu. Vót ki án sâng panhieih lứq. ³ Chơ yiang Satan toâq toâp pỡ Yê-su, cớp pai neq: “Khân mới lứq Con Yiang Sursĩ, âu mới táq máh tamáu nâi yõn cõt cớng sana.”

⁴ Ma Yê-su ta-õi án neq: “Tâng tâm saráq Yiang Sursĩ khoi q chĩc neq:

‘Cũai tỡ bữn tamoong cõ
nhơ tẽ cha cớng sana
sâng,

ma cũai bữn tamoong cõ
nhơ tẽ dũ santoiq loõh
tẽ bõq Yiang Sursĩ.’ ”*

⁵ Vót ki yiang Satan dững Yê-su mut tâng vil Yarusalem, la vil miar khong Yiang Sursĩ. Án yõn Yê-su chõn tayững tâng anũol Dõng Sang Toâr, ⁶ cớp án pai neq: “Khân mới lứq Con Yiang Sursĩ, âu mới pớng asễng, yuaq tâm saráq Yiang Sursĩ khoi q chĩc neq:

‘Yiang Sursĩ lứq ón máh
ranễng án tẽ paloõng
bán kĩaq níc mới.

Alói lứq dỡ mới toâq atĩ alói,
tỡ yõn ayững mới cõt
bóc chũl ntróu tâng
tamáu.’ ”*

⁷ Ma Yê-su ta-õi loah án neq: “Ma lứq tâng tâm saráq Yiang Sursĩ án khoi q pai neq tẽ:

‘Anhia chõi chim Yiang
Sursĩ, Ncháu an-
hia.’ ”*

⁸ Chơ yiang Satan dững Yê-su chõn tâng cóh sarõih lứq ẽn. Án sapáh yõn Yê-su hữm nheq máh cruang sớt, cruang toâr cớp dũ ramứh chóc tâng cutểq nâi. ⁹ Cớp án atõng Yê-su neq: “Nheq tữh ramứh nâi cúq ẽ chiau yõn mới, khân mới sacõh racól sang cúq.”

¹⁰ Yê-su ta-õi án neq: “Mới priang yờng tẽ nâi, yiang Satan. Yuaq tâng tâm saráq Yiang Sursĩ khoi q chĩc chơ neq:

* 4:4 4:4 Patâp Loah 8:3 * 4:6 4:6 Ūat Khẽn 91:11-12 * 4:7 4:7 Patâp Loah

6:16 * 4:10 4:10 Patâp Loah 6:13

'Cóc anhia sang toam Yiang Sursĩ la Ncháu anhia, cóp táq ống ranáq án sâng.' *[☆]

11 Chơ yiang Satan loõh toáp tễ Yê-su, cóp ranẽng Yiang Sursĩ tễ paloõng toáp chuai Yê-su.

Yê-su Tabỏq Táq Ranáq Án Tâng Cruang Cali-lê
(Mac 1:14-15; Luca 4:14-15)

12 Toáp Yê-su sâng noau khoiq cõp Yang, ngkíq án pởq pở cruang Cali-lê. 13 Moâm án loõh tễ vil Nasarêt, chơ án mut õt tâng vil Cabê-na-um ẽn. Vil nãi õt tâng tor đởq mut, cheq raloan cruang Sa-bulôn cóp cruang Nep-tali. 14 Án táq ngkíq yõn cõt rapĩeq máh parnai Ê-sai, la cũai tang bỏq Yiang Sursĩ 15 khoiq pai neq:

"Cruang Sa-bulôn cóp cruang Nep-tali ời!

Cruang anhia õt yáng tooh crõng Yôr-dan, bân rana pởq chu cóng Cali-lê. Cruang Cali-lê bữn cũai tở cõn cũai I-sarel õt.

16 Máh cũai ca õt tâng nỏq canám, alóí bữn hữm ỏc poang tráh lủq.

Cóp máh cũai õt tâng nỏq cuchĩt, alóí bữn hữm poang claq chu alóí." *[☆]

17 Noap tễ ki, Yê-su tabỏq atõng tễ ngê Yiang Sursĩ. Án atõng neq: "Cóc anhia ngin lỏih lêq cõt mút tamái ẽn, yuaq cheq chơ Yiang Sursĩ táq sỏt."

Yê-su Ớn Põn Náq Ca Chuaq Sĩaq Puai Án

(Mac 1:16-20; Luca 5:1-11)

18 Bo Yê-su pởq mpở tor cóng Cali-lê, án hữm bar náq sễm ai, Si-môn (noau đởq Phi-er) cóp Anrê. Alóí ki õt yoang alieiq tâng cóng, yuaq alóí la cũai táq ranáq chuaq sĩaq. 19 Yê-su pai cóq alóí neq: "Anhia puai cứq, chơ cứq táq yõn anhia cõt cũai chuaq cũai samoat anhia chuaq sĩaq tễ."

20 Bo ki toáp alóí táh alieiq; chơ alóí puai Yê-su.

21 Yê-su pởq bĩq ẽn; chơ án hữm bar náq sễm ai canỏh ẽn ramứh Yacở cóp Yang. Alóí bar náq õt clam loah alieiq tâng tuoc parnỏi cóp mpoaq alóí, ramứh Sê-badê. Yê-su arô bar náq sễm ai ki. 22 Bo ki toáp alóí bar náq táh tuoc, cóp pởq tễ mpoaq alóí, chơ puai Yê-su.

Yê-su Atõng Cóp Táq Bán Máh Cũai A-ĩ

(Luca 6:17-19)

23 Yê-su pởq chũop cruang Cali-lê atõng tâng máh đõng sang cũai I-sarel parnai o tễ Yiang Sursĩ táq sỏt. Cóp án táq bán máh cũai tễ đũ

* 4:16 4:16 Nỏq canám cóp nỏq cuchĩt la sacâm tễ cũai tở yũah dáng tễ ngê Yiang Sursĩ. Ma poang claq cóq alóí, yõn alóí dáng tễ ngê Yiang Sursĩ tễ.

☆ 4:16 4:16 Ê-sai 9:1-2

ramúh alóí a-ĩ. ²⁴ Mách ranáq Yê-su táq cõt parhan dũ ntốq tâng cruang Si-ri. Cóp noau dững pở án clúng cũi ca bữn sa-ữi ramúh a-ĩ neq: a-ĩ tráuq, yiang sâuq payỏh, a-ĩ yúh cusong, cúp a-ĩ coang tở. Yê-su táq bán neq tữh cũi a-ĩ ki. ²⁵ Ngkíq clúng lứq cũi puai Yê-su. Alóí toâq tể cruang Cali-lê, cruang De-ca-palot, vil Yaru-salem, cruang Yudê, cúp cruang yáng tooh công Yô-dan hỡ.

5

Yê-su Atỡng Bo Ớt Tâng Cớh
(Luca 6:20-23)

- ¹ Toâq Yê-su hữm clúng lứq cũi ớt ngki, án chõn tâng cớh; chớ án tacu. Tởp rien tể án tacu cheq án.
² Chớ Yê-su tabỏq atỡng alóí neq:
³ “Bốn lứq cũi aléq ngin mút pahỏm alóí tở bữn o ntróu,
yuaq Yiang Sursĩ cõt sớt tâng mút pahỏm alóí.
⁴ Bốn lứq cũi aléq sâng ngua tâng dời nâi,
yuaq nữ-ra Yiang Sursĩ toâp aliam alóí.
⁵ Bốn lứq cũi aléq bữn mút lamên,
yuaq nữ-ra Yiang Sursĩ yỏn alóí ndỏm cớc cutểq nâi.
⁶ Bốn lứq cũi aléq ểr áiq yoc ể táq ranáq tanoang o,
yuaq nữ-ra Yiang Sursĩ yỏn alóí bữn ariang pahỏm alóí yoc.

- ⁷ Bốn lứq cũi aléq sâng ayooq táq cũi canỏh,
yuaq nữ-ra Yiang Sursĩ sâng ayooq táq alóí tê.
⁸ Bốn lứq cũi aléq bữn mút pahỏm tở bữn lỏih ntróu,
yuaq nữ-ra alóí bữn hữm Yiang Sursĩ.
⁹ Bốn lứq cũi aléq radững ốc ratoí,
yuaq nữ-ra Yiang Sursĩ đốq cũi ki la con acái án.
¹⁰ Bốn lứq cũi aléq ramóh máh ramúh túh coat cớ tian alóí puai ngê Yiang Sursĩ,
yuaq nữ-ra alóí bữn ndỏm ntốq Yiang Sursĩ sớt tâng paloong.
¹¹ “Bốn lứq anhia toâq cũi canỏh sieu anhia, táq anhia, cúp tũn anhia táq neq máh ốc sâuq, cớ anhia puai ngê cứq. ¹² Cớq anhia ớt bủi cúp ỡn chỡ, yuaq nữ-ra anhia bữn kia sa-ữi tâng paloong. Yuaq máh cũi tang bỏq Yiang Sursĩ tể mbỏq khoíq chũuq noau táq alóí machớng anhia tê.”

Yê-su Atỡng Tể Boi Cớp Ớc Poang

(Mac 9:50; Luca 14:34-35)

- ¹³ “Anhia la samoât riang boi yỏn cũi canỏh ớt tâng cớc cutểq nâi. Ma khậ boi cõt ntiah, nỏq ể táq yỏn cõt báq loah? Lứq tở tẻq táq ntróu noâng boi ki. Háit tởh táh yỏn cũi tĩn chíq.
¹⁴ “Anhia la samoât riang poang claq yỏn neq cũi

tâng cốc cutêq nâi. Anhia la samoât riang muoi vil toâr tâng anũol cóh. Tở bữn noau têq capáng chíq poang tễ vil ki. ¹⁵ Machóng ki tê, tở bữn noau tacât chóp tóu, chơ catúp chók khang. Ma lứq noau đọq tâng rông yỗn poang claq chu nheq tữh cũai tâng đống. ¹⁶ Machóng ki tê, anhia cóq yỗn poang tễ anhia claq yỗn cũai canỏh hữm. Ngkíq toâq alỏi hữm máh ranáq o anhia táq, alỏi lứq khễn Mpoaq anhia tâng paloống.”

Yê-su Atởng Tễ Phễp Rit Mỏi-se Yỗn

¹⁷ “Anhia chỏi chanchóm cứq toâq pỡ nâi ẽ pupút chíq phễp rit Mỏi-se, tở la ngê máh cũai tang bỗq Yiang Sursĩ tễ mbỏq. Cứq tở bữn toâq ẽ pupút ngê ki, ma cứq toâq ẽ yỗn ngê ki cõt rapĩeiq. ¹⁸ Cứq atởng anhia samoât lứq, khân noâng bữn paloống cóp cutêq, lứq tở bữn pút muoi ỏc ntróu tễ phễp rit nâi toau sỏt nheq đỏi. ¹⁹ Ngkíq, khân cũai aléq táh muoi ỏc ntróu tễ phễp rit ki cóp atởng cũai canỏh yỗn táh tê, cũai ki tở têq cõt sỏt ntróu tâng tốp Yiang Sursĩ sỏt. Ma cũai aléq ma trỉh phễp rit ki cóp atởng yỗn cũai canỏh trỉh tê, cũai ki cõt sỏt lứq tâng tốp Yiang Sursĩ sỏt. ²⁰ Ngkíq cứq atởng anhia, khân anhia

yoc ẽ mut tâng tốp Yiang Sursĩ sỏt, anhia cóq puai ngê Yiang Sursĩ yỗn o clữi tễ máh cũai yống rit cóp máh cũai Pha-rasi.”

Yê-su Atởng Tễ Cũai Mút Nsỏq

(Luca 12:57-59)

²¹ “Anhia khoi q sâng chơ noau atởng tễ mbỏq neq: ‘Anhia chỏi cachĩt cũai. Cũai aléq ma cachĩt cũai canỏh,

noau lứq sữq án.’^{*}

²² Ma cứq atởng anhia neq: Khân cũai aléq sâng nsỏq mút chók sễm ai án, Yiang Sursĩ lứq sữq cũai ki. Aléq ralỏih cóp sễm ai, cóp pai sễm ai án neq: ‘Mỏi sacũl lứq,’ ki têq cũai tâng đống sang parchĩn. Ma cũai aléq báih cóp pupap sễm ai án, cũai ki Yiang Sursĩ apóng tâng pống sarloac. ²³ Ngkíq, khân anhia đững cớng ẽ chiau sang yỗn Yiang Sursĩ pỡ prông sang, ma anhia sanhữ loah sễm ai anhia noâng ũan cóp anhia, ²⁴ cóq anhia đọq cớng sang ki tâng đống sang. Chơ cóq anhia pỉh chu ra-o loah cóp sễm ai anhia voai. Ki nỏq anhia chiau sang cớng yỗn Yiang Sursĩ.

²⁵ “Toâq anhia ralỏih cóp cũai canỏh, cóp cũai ki ẽ đững anhia pỡq ramỏh cũai sỏt, cóq anhia pruum ratoi loah bo anhia tở yũah toâq pỡ cũai sỏt. Khân anhia tở bữn pruum ratoi chái, cỏh lờ

^{*} 5:21 5:21 Loỏh Tễ Ê-yip-tỏ 20:13; Patáp Loah 5:17

cũai sớt ki dừng anhia toâq
pữ cũai sớt hỡn ễn yỗn án
rasữq anhia. Ngkíq cũai sớt
ki ẽ chiau anhia yỗn noau
kháng anhia tâng cuaq tũ.
26 Anhia tỡ têq loỏh tễ cuaq
toau anhia culáh dũ nheq
máh práq cũai sớt ki pai.

*Yê-su Atỡng Tễ Cũai Cooc
Lacuoì Tỡ La Cayac Noau*

27 “Anhia khoiq sâng noau
atỡng neq:

‘Chỗi cooc lacuoì tỡ la cayac
cũai canỏh.’[☆]

28 Ma cứq atỡng anhia
neq: Cũai aléq ma nhêng
chu cũai mansêm cớp mút
pahỏm án chanchỏm yoc ẽ
bữn mansêm ki, lỏih mút
pahỏm cũai ki la machớng
án khoiq cooc mansêm ki
chớ. 29 Khân ỏc moat anhia
ma dừng anhia táq lỏih,
cớq anhia culáiq táh chíq
ỏc moat ki. O hỡn anhia pút
ỏc moat anhia sâng, saláng
anhia pút nheq tở chác tâng
pống sarloac. 30 Cớp khân
atĩ anhia ma dừng anhia táq
lỏih, cớq anhia cớh voang
chíq atĩ ki. O hỡn anhia
pút atĩ sâng, saláng anhia
pút nheq tở chác tâng pống
sarloac.

*Yê-su Atỡng Tễ Cũai Táh
Lacuoì*

(*Mathia 19:9; Mac 10:11-
12; Luca 16:18*)

31 “Bữn noau khoiq chĩc
neq:

‘Cũai aléq ma yoc táh lacuoì
án,

án cớq táq choaiq ratáh
yỗn lacuoì.’[☆]

32 Ma cứq atỡng anhia neq:
Khân cũai aléq táh lacuoì
án ma lacuoì án tỡ bữn bẻq
parnỏi cớp samiang canỏh,
cũai ki táq yỗn lacuoì án cõt
lỏih khân án ỉt cayac tamái.
Cớp cũai canỏh noap án bữn
lỏih samoât riang án cooc
lacuoì noau.

*Yê-su Atỡng Tễ Cũai Thễ
Dũan*

33 “Anhia khoiq sâng chớ
noau pai tễ mbỏq neq:

‘Khân anhia thễ dũan ntróu
ma taléq ramứh Yiang
Sursĩ,

ki anhia tỡ têq táh.’[☆]

34 Ma cứq atỡng anhia neq:
Khân anhia ẽ pruam ntróu,
anhia chỗi taléq ramứh
ntróu. Chỗi taléq paloỏng,
yuaq paloỏng la ntốq Yiang
Sursĩ ỏt. 35 Chỗi taléq cớc
cutểq, yuaq cutểq la Yiang
Sursĩ toáp ndỏm. Chỗi taléq
vil Yaru-salem, yuaq vil ki la
vil Yiang Sursĩ, án ca Puo Sốt
Toâr. 36 Cớp anhia chỗi taléq
dẻh plỡ sóc anhia, yuaq
anhia tỡ têq táq muoi ntreh
sóc cloc tỡ la cũm. 37 Khân
pẻiq, ki anhia pai ‘Pẻiq.’
Khân tỡ pẻiq, ki anhia pai
‘Tỡ pẻiq.’ Khân anhia pai
sa-ữi santoiq canỏh, ỏc ki
toâq tễ yiang Satan.

*Yê-su Atỡng Tễ Cũai
Carláh Dỏq*
(*Luca 6:29-30*)

[☆] 5:27 5:27 Loỏh Tễ Ê-yip-tỏ 20:14; Patập Loah 5:18 [☆] 5:31 5:31 Patập Loah
24:1 [☆] 5:33 5:33 Nghỉ Proai 30:2

38 “Anhia khioq sâng chơ
noau pai neq;
‘Moat pláih loah moat;
canẽng pláih loah
canẽng.’[☆]

39 Ma cứq atõng anhia neq;
Chõỉ carláh đõq chỏq cũai
táq anhia. Khân noau
tapáh rêng báng anhia coah
atoam, ki cóq anhia sato
yõn án tapáh coah avêr hỡ.
40 Khân noau đừng anhia
toâq ramóh cũai sữq cõ yoc
ẽ ỉt au tâng clõng tẽ tở anhia,
ki anhia tũot đẽh au tuar
yáng tiah hỡ, chơ yõn pỡ án.
41 Khân noau ẽp anhia yõn
pỡq muoi ki-lô-mết, ki cóq
anhia pỡq loâng bar ki-lô-
mết cóp án. 42 Khân cũai
aléq sêq ntróu tẽ anhia, an-
hia yõn án aki. Cóp khân
cũai aléq yoc ẽ mian ntróu tẽ
anhia, ki anhia yõn án mian.

Yê-su Atõng Cóq Ayooq
Máh Cũai Par-ũal
(Luca 6:27-28, 32-36)

43 “Anhia khioq sâng chơ
noau pai neq;
‘Cóp anhia ayooq yóu anhia,
cóp kêt cũai ca yoc ẽ táq
anhia.’[☆]

44 Ma cứq atõng anhia neq;
Cóp anhia ayooq máh cũai
yoc ẽ táq anhia, cóp cóq an-
hia câu yõn cũai ca táq túh
coat anhia. 45 Táq ngkíq an-
hia lứq cõt con acái Mpoaq
anhia tâng paloõng. Yuaq
án yõn moat mandang án
claq pỡ cũai o cóp cũai loái.

Cóp án yõn mia rooh cũai
tanoang o, cóp cũai tở bữn
tanoang o. 46 Khân anhia
ayooq óng cũai ayooq anhia
sâng, ki ntróu Yiang Sursĩ
yõn anhia bữn cóng? Lứq
samoât, cũai ỉt práq thẽq la
táq machóng ki tẽ. 47 Cóp
khân anhia tabõp tabéh o
óng sẽm ai anhia sâng, ki
anhia tở bữn salẽh ntróu tẽ
cũai canõh. Đẽh cũai tở nai
sâng tẽ Yiang Sursĩ la táq
machóng ki tẽ. 48 Ngkíq,
cóq anhia bữn mút pahõm
samoât Mpoaq anhia tâng
paloõng, án tở bữn óq muoi
ramứh o ntróu.

6

Yê-su Atõng Tẽ Chuai
Máh Cũai Cadĩt

1 “Cóp anhia nhêng
samoât! Toâq anhia táq
ranáq Yiang Sursĩ, anhia
chõỉ táq yáng moat cũai ẽq
noau hữm. Khân anhia táq
ngkíq, Mpoaq anhia tâng
paloõng tở bữn yõn cóng tẽ
ranáq anhia táq.

2 “Toâq anhia ẽ chuai cũai
cadĩt, anhia chõỉ apáh yõn
cũai canõh dáng, ẽq noau
khẽn anhia. Sa-ũỉ náq cũai
đõq táq ngkíq tâng đõng
sang cóp tâng rana. Alóỉ
ẽq lứq cũai canõh hữm cóp
khẽn alóỉ. Ma cứq atõng
anhia samoât lứq, alóỉ ki
khioq bữn chơ cóng alóỉ.

3 Ma toâq anhia ẽ chuai cũai
cadĩt, cóq anhia táq rangiac,

☆ 5:38 5:38 Loõh Tẽ Ê-yip-tỏ 21:24; Lê-vi 24:20; Patáp Loah 19:21 ☆ 5:43 5:43

Lê-vi 19:18 * 6:3 6:3 Tâng parnai Créc rana nài pai neq: ‘Chõỉ yõn aĩ avêr
dáng aĩ atoam táq ntróu.’

chối yõn cũai canõh hũm.*
 4 Lứq anhia táq rangiac, ma
 Mpoaq anhia tâng paloõng
 hũm máh ranáq anhia táq,
 cớp án yõn anhia bữn cóng
 tẽ máh ranáq anhia táq.

Yê-su Atõng Tẽ Parnai
Câu
(Luca 11:2-4)

5 "Toâq anhia câu, anhia
 chối tũoiq cũai ca táq nan
 sâng. Cũai ki đốq tayúng
 câu tâng đống sang cớp tâng
 rana, ẽq cũai hũm alóí câu,
 chơ khẽn alóí. Cứq atõng
 anhia samoât lứq, alóí ki
 khoiq bữn chơ cóng tẽ ranáq
 alóí táq. 6 Ma toâq anhia
 câu, cớq anhia mut tâng
 clống miar cớp catáih toong.
 Ớt nốq ki anhia câu pữ
 Mpoaq anhia, ca anhia tữ
 bữn hũm. Ma lứq án hũm
 anhia câu tâng nốq clộp
 ki, cớp án culáh cóng yõn
 anhia.

7 "Toâq anhia câu, an-
 hia chối câu alúp-adữq tữ
 cõt ốc ariang cũai tữ bữn
 dáng ngê Yiang Sursĩ. Alóí
 chanchóm cớq câu sa-ữi san-
 toiq nốq têq Yiang Sursĩ
 sâng. 8 Anhia chối táq riang
 alóí ki. Lứq Mpoaq an-
 hia tâng paloõng dáng chơ
 ramứh ntrứu anhia ốq tẽ
 nhũang anhia tữ yũah sếq tẽ
 án.

9 "Ngkíq toâq anhia câu
 cớq anhia câu neq:
 'Cucõh Mpoaq hếq ớt tâng
 paloõng!

Sếq anhia yõn nheq tữh cũai
 yám noap ramứh an-
 hia.

10 Sếq anhia cõt sốt nheq tữh
 cũai tâng cutếq nãi.

Cớp sếq anhia yõn noau trĩh
 ngê anhia tâng cutếq
 nãi
 machóng noau trĩh ngê
 anhia tâng paloõng
 tẽ.

11 Sếq anhia yõn hếq khám
 cha tangái nãi.

12 Sếq anhia táh lôih hếq,
 machóng hếq táh lôih
 noau táq chóq hếq.

13 Sếq anhia chối yõn hếq
 ramóh ốc chim ntâng
 lứq,

cớp chối yõn yiang Sa-
 tan radững hếq táq
 ranáq sâuq.

Yuaq nheq ramứh sốt, nheq
 ramứh chóc, cớp
 nheq ramứh ang-ữr
 ớt níc cớp anhia,
 sốt đỏi lơi cumo.
 Amen.†

14 "Khận anhia táh lôih
 cũai canõh táq chóq anhia,
 Mpoaq anhia tâng paloõng
 táh tẽ lôih anhia táq. 15 Ma
 khận anhia tữ bữn táh lôih
 cũai canõh táq chóq anhia,
 Mpoaq anhia tâng paloõng
 tữ bữn táh tẽ lôih anhia táq.

Yê-su Atõng Tẽ Ót Sana

16 "Toâq anhia ót sana ẽ
 sang Yiang Sursĩ, anhia chối
 táq moat múh chựq ngốq ri-
 ang cũai táq nan sâng. Alóí
 ki táq yõn moat múh alóí
 chựq ẽq cũai canõh dáng

† 6:13 6:13 Bữn choáiq tiaq ca tữ bữn bữn parnai parsốt nãi

alói ót sana. Cứq atõng anhia samoât lứq, alói ki khioq bữn roap chơ cóng tễ ranáq alói táq. ¹⁷ Ma toáq anhia ót sana ẽ sang Yiang Sursĩ, cóq anhia culĩaq moat múh cốp siet sóc pôi. ¹⁸ Chõỉ yõn cũai canõh dáng anhia ót sana. Ma óng Mpoaq anhia toáp, án ca anhia tỡ bữn hữm, án hữm máh ranáq cõp anhia táq. Cốp án culáh cóng tễ máh ranáq anhia táq.

Yê-su Atõng Tễ Cũai Sốc
(Luca 12:33-34)

¹⁹ “Anhia chõỉ parõm pachủm sanốc nữn tâng dõỉ nãi, yõn lamooh cốp saréh cha, cốp savẽng dõq mut tutuoiq. ²⁰ Ma cóq anhia pachủm mun tâng paloõng, la nốq tỡ bữn lamooh cốp saréh cha, cốp tỡ bữn savẽng mut tuoiq ỉt. ²¹ Yuaq nốq aléq anhia dõq máh mun anhia, mút pahõm anhia õt chanchỏm níc chu nốq ki.

Yê-su Sacâm Ốc Poang
Tâng Tỡ Cũai
(Luca 11:34-36)

²² “Moat cũaj la samoât riang tabong yõn tỡ. Khân moat anhia ma hữm, ki nheq tỡ anhia cõt poang tẽ. ²³ Ma khân moat anhia cõt sỡm, nheq tỡ anhia cõt canám til-nhil tẽ. Cốp khân ngê anhia chanchỏm poang, ma tỡ bữn lứq poang, ki anhia cõt canám lứq lỡ.

Yê-su Atõng Tễ Cờng
Crớu Cũai

(Luca 16:13; 12:22-31)

²⁴ “Lứq tỡ bữn cũai aléq ma tẽq cõt sũl yõn bar náq ncháu. Pẽiq án kêt ncháu nãi, ma ayooq ncháu ki, tỡ la án yám ncháu nãi, ma mumat ncháu ki.

“Machớng ki tẽ anhia tỡ tẽq puai ngê Yiang Sursĩ pñiap cốp ngê ham sanốc tâng dõỉ nãi.

²⁵ “Yuaq ngkíq cứq atõng anhia, chõỉ cọng tễ sana anhia ẽ cha, dõq anhia ẽ nguaiq, cốp tampác anhia ẽ tấc. Lứq samoât, hái bữn tamoonng la toâr hỡn tễ hái bữn sana cha. Cốp hái bữn tỡ chác la toâr hỡn tễ hái bữn tampác tấc. ²⁶ Anhia nhẽng chu máh chỏm pâr tâng paloõng. Án tỡ bữn choat choi, tỡ bữn sot, cốp tỡ bữn parõm dõq sana ntrớu tâng dõng. Ma lứq Mpoaq anhia tâng paloõng chửm siem án. Casõn anhia, Yiang Sursĩ pasếq hỡn tễ máh chỏm. ²⁷ Tỡ bữn cũai aléq ma tẽq to anhúq án yõn cõt cuti hỡn cõ tễ án cọng la-õq.

²⁸ “Cốp nỏq anhia ma lua cút la-õq tễ máh tampác tấc? Anhia nhẽng chu piar bát. Piar ki tỡ bữn túh táq ranáq ntrớu tễ tampác tấc. ²⁹ Ma cứq atõng anhia samoât lứq, puo Sa-lamôn ca sóc lứq, án tỡ bữn sóp tampác nõuq ỉn piar nãi. ³⁰ Lứq Yiang Sursĩ toáp yõn piar bát cõt nõuq. Ma piar ki tamoonng mahõỉ sâng.

Tangái nâi án cháh; tangái parnõ án rangôm. Lứq samoât, clũi tẽ piar ki Yiang Sursĩ yõn anhia bũn tampác tâc. Cỗ nõq anhia sa-âm bĩq lứq?

³¹ “Ngkĩq anhia chõĩ clong, cốp pai neq: ‘Nõq hái ẽ táq yõn bũn sana cha, bũn đõq nguaiq, tở la bũn tampác tâc tâng tangái ntun?’ ³² Mách ramứh nâi, cũai tở bũn dáng Yiang Sursĩ dốq clong. Ma Mpoaq anhia tâng paloõng khoiq dáng chơ, anhia cóq bũn máh ramứh ki. ³³ Nhũang lứq, cóq anhia chuaq Yiang Sursĩ yõn cõt sốt tâng mút pahõm anhia cốp chuaq ngê tanoang o tẽ án. Chơ án lứq chuai anhia bũn máh ramứh ki. ³⁴ Ngkĩq anhia chõĩ clong ntróu tẽ tangái parnõ. Parnõ la pún parnõ. Túh coat tangái léq, anhia chũuq tangái ki.

7

Yê-su Atõng Manoaq Chõĩ Tểq Manoaq
(Luca 6:37-38, 41, 42)

¹ “Anhia chõĩ tểq cũai canõh, đõq Yiang Sursĩ tở bũn tểq loah anhia. ² Yuaq maléq anhia tểq cũai canõh, ki Yiang Sursĩ tểq loah anhia máh ki tê. Cốp maléq anhia noap lôih yóu, ki Yiang Sursĩ noap lôih anhia máh ki tê. ³ Nõq anhia hũm brẽh tâng moat yóu, ma anhia tở bũn dáng khlẽc pian catáng moat anhia? ⁴ Cốp nõq anhia

clõq pai chóq yóu neq: ‘Yõn cứq taváih ít chíq brẽh tẽ moat mới,’ ma anhia tở bũn dáng khlẽc pian sadal chíq moat anhia? ⁵ Anhia la cũai ẽm bĩq parnai sâng! Cóp anhia ít chíq khlẽc pian tẽ moat anhia voai. Ki nõq tềq anhia hũm raloaih, cốp tềq ít brẽh tẽ moat yóu.

⁶ “Anhia chõĩ ít crong miar khong Yiang Sursĩ, chơ yõn chíq acho. Cốp chõĩ ít crong ngoaih, chơ yõn chíq alic. Mách charán ki tở dáng pasếq. Moâm án tĩn sapiar crong ki, chơ án píp loah cáp anhia.”

Yê-su Ón Cóq Sếq, Chuaq, Cốp Cucốq
(Luca 11:9-13)

⁷ “Khân anhia sếq, ki anhia bũn. Khân anhia chuaq, ki anhia ramóh. Khân anhia cucốq toong, ki noau pớh yõn. ⁸ Yuaq dũ náq cũai ca sếq, ki án bũn. Aléq chuaq, ki án ramóh. Aléq cucốq toong, ki noau pớh yõn. ⁹ Mách anhia ca bũn con chơ, khân con anhia sếq bẽng, ki anhia yõn án tamáu tở? ¹⁰ Cốp khân án sếq sĩaq, ki anhia yõn án cusân tở? ¹¹ Anhia la moang cũai loai, ma noâng anhia dáng yõn crong o pở con anhia. Casõn Mpoaq anhia tâng paloõng, án lứq yõn crong o hõn tẽ ki ẽn, khân cũai sếq tẽ án.

¹² “Ngkĩq máh ranáq ntróu anhia yoc cũai canõh táq chóq anhia, cóq anhia táq machóng ki tê chóq

alói. Táq ngkíq, anhia puai samoat samoi máh phếp rit Yiang Sursĩ patâp na Mòi-se, cốp na cũai tang bỗq án.”

Yê-su Atông Tễ Toong Cóp Rana Hễp
(Luca 13:24)

13 “Cóq anhia mut ngoah toong hễp, yuaq toong la-a cốp rana toâr, ki pỡq chu pống sarloac. Cứng cũai rườh pỡq rana ki. 14 Ma ngoah toong hễp cốp rana coat, ki pỡq chu ntốq ta-moong. Mỗ bĩq náq cũai ramóh rana ki.”

Yê-su Atông Tễ Aluang Cóp Palâi
(Luca 6:43-44)

15 “Cóq anhia nhềng samoat, ngcõh bữn cũai táq nan tang bỗq Yiang Sursĩ toâq pỡ anhia. Roâp alói la samoat charán cũu ma mút pahõm alói la samoat acho cruang, pla lứq. 16 Têq anhia saccoal alói toâq anhia hữm máh ranáq alói táq. Nõm sarlia tacõng tỡ nai cõt palâi nho. Cóp nõm sarlia cáng tỡ nai cõt palâi tarúng. 17 Aluang o cõt palâi o, cốp aluang sâuq cõt palâi sâuq. 18 Aluang o tỡ têq cõt palâi sâuq, cốp aluang sâuq tỡ têq cõt palâi o. 19 Aluang aléq tỡ bữn cõt palâi o, ki noau poâiq, chơ sarpút tâng ùih. 20 Machóng ki tê, anhia têq saccoal cũai táq nan tang bỗq Yiang Sursĩ toâq anhia hữm máh ranáq alói táq.”

Yê-su Pai Tỡ Bữn Dữ Náq Têq Mut Tâng Ntốq Yiang Sursĩ Sốt
(Luca 13:25-27)

21 “Tỡ bữn dữ náq dờq cứq Ncháu ma têq mut tâng ntốq Yiang Sursĩ sốt tâng paloõng. Ông alói ca táq puai rangữh Mpoaq cứq tâng paloõng toâp têq mut. 22 Toâq tangái ki, bữn sa-ữi cũai pai chóq cứq neq: ‘Ncháu ơi! Ncháu ơi! Nho ramữh anhia hếq atõng par-nai Yiang Sursĩ. Nho ramữh anhia hếq tuih yiang sâuq cốp táq sa-ữi ranáq salêh.’ 23 Ma cứq ta-õi alói neq: ‘Cứq tỡ bữn dáng anhia. An-hia pỡq chíq tễ nâi. Anhia la cũai táq ranáq sâuq.’”

Yê-su Atông Tễ Táq Dõng Tâng Tamáu Tỡ La Tâng Chũah
(Luca 6:47-49)

24 “Ngkíq, cũai aléq tamúng cốp trĩh parnai cứq atõng nâi, án la samoat cũai rangoaiq patúng dõng tâng tamáu lantar. 25 Toâq mia choân, dờq ralôq, cốp cuyal rapuq hập, ma dõng ki tưng tỡ bữn dóm, yuaq cũai patúng dõng tâng tamáu. 26 Ma cũai aléq tamúng santoiq cứq, ma án tỡ bữn trĩh parnai ki, án ki la samoat cũai sacũl patúng dõng tâng chũah. 27 Toâq mia choân, dờq ralôq, cốp cuyal rapuq hập, dõng ki sarũq cõt ralõh nheq!”

Máh Cũai Ca Tamúng Yê-su Atông Sâng Dót Lứq

28 Moâm Yê-su atông máh parnai ki, máh cūai clúng ốt mpêr ki sâng dót lúq tể parnai án atông, 29 yuaq án atông ariang án la cūai bữn chóc lúq, cốp tở bữn ariang cūai yống rit dốq atông.

8

Yê-su Táq Bán Cūai A-ĩ Tut
(Mac 1:40-45; Luca 5:12-16)

1 Toâq Yê-su sêng tể cớh, bữn clúng cūai puai ntun clĩ án. 2 Bữn manoaq sami-ang a-ĩ tut toâq sacốh racốl choâng moat Yê-su, cốp pai neq: “Ncháu ơi! Khân Ncháu yoc, Ncháu tềq táq yõn cớq cõt bán.”

3 Yê-su satoaq atĩ tâng cūai a-ĩ ki, cốp pai neq: “Cớq yoc. Yõn mới cõt bán.”

Bo ki toâp cūai a-ĩ tut cõt bán. 4 Chơ Yê-su patâp án neq: “Chõi atông yõn cūai canốh dáng tể ranáq nâi. Ma cóq mới pớq apáh tở mới yõn cūai tềng rit sang Yiang Sursĩ nhêng. Chơ mới chia sang yõn Yiang Sursĩ máh ramứh Mũi-se patâp tể mbốq. Nâi la tếc apáh yõn cūai canốh dáng mới khoiq cõt bán chơ.”

Yê-su Táq Bán Muoi Náq Cūai Sũl Tahan
(Luca 7:1-10)

5 Bo Yê-su mut tâng vil Cabê-na-um, bữn manoaq cūai Rô-ma, án sốt muoi culám tahan, án toâq pở Yê-su cốp sểq neq: 6 “Ncháu ơi!

Manoaq cūai táq ranáq tâng dống cớq a-ĩ coang tráuq lúq.”

7 Yê-su ta-õi án neq: “Cớq lúq pớq táq yõn án cõt bán.”

8 Ma cūai sốt tahan ki pai neq: “Ncháu ơi, cớq tở khón pớq coaiq Ncháu yõn mut tâng dống cớq. Ma cớq sểq Ncháu pai sâng yõn cūai táq ranáq cớq cõt bán la dũ chơ. 9 Cớq bữn cūai sốt cớq, cốp cớq cõt sốt cūai canốh tề. Khân cớq ớn cūai nâi: ‘Pớq!’ ki án pớq. Khân cớq ớn cūai ki: ‘Toâq pở nâi!’ ki án toâq. Khân cớq ớn cūai táq ranáq cớq: ‘Táq neq!’ ki án táq.”

10 Bo Yê-su sâng santoiq ki, án sâng dót lúq. Chơ án pai chóc máh cūai ốt mpêr án neq: “Cớq atông anhia samoât lúq, cớq tở nai hữm noau tể cūai I-sarel ma sa-âm riang cūai nâi. 11 Cốp cớq atông anhia neq tề: Nỡ-ra bữn clúng cūai toâq tể angia mandang loỏh, cốp angia mandang pât. Alói bữn tacu cha tâng ntốq Yiang Sursĩ sốt tâng paloông parnơi nưng A-praham, I-sac, cốp Yacóp. 12 Ma máh cūai I-sarel ca noau dốq proai Yiang Sursĩ, mỗ tở bữn sa-âm, Yiang Sursĩ ẽ sarpút alói tâng ntốq canám, la ntốq nhiam cu-õi puprốh cốp carũot canềng tabang sâng túh arức lúq.”

13 Moâm ki, Yê-su atông cūai sốt tahan ki neq: “Mũi chu pở dống. Máh ọc mũi sa-âm, ki lúq mới bữn.”

Bo ki toáp sũl cũai sốt tahan ki cõt bán.

Yê-su Táq Bán Cứng Cũai
(Mac 1:29-34; Luca 4:38-41)

¹⁴ Bo Yê-su mut tâng đồng Phi-er, án hữm yacán Phi-er bẻq tua cõ án a-ĩ cutâu tở. ¹⁵ Yê-su satoaq tâng tở ayoaq ki, chơ ốc cutâu cõt pút nheq. Án yuor cốp aloõh sana yõn Yê-su cha.

¹⁶ Toâq tabũ noau dững pở Yê-su cứng cũai bữn yiang sâuq payõh. Yê-su tuih aloõh yiang sâuq ki na láih parnai án. Cốp án táq bán dũ náq cũai ca a-ĩ canõh hỡ. ¹⁷ Án táq ranáq ki yõn cõt rapĩeiq máh santoiq Ê-sai, la cũai tang bõq Yiang Sursĩ, khoiq pai neq:

“Án chũuq tanhĩ ốc túh tang hái,
cốp ỉt dững nheq ramứh hái a-ĩ.”*

Cóq Hái Táq Nổq Ế Puai Ngê Yê-su Crĩt
(Luca 9:57-62)

¹⁸ Toâq Yê-su hữm cứng cũai ốt pẻn án, chơ án ớn tởp rien along án coah tooh clóng. ¹⁹ Bữn manoaq cũai yõng rit toâq pở án cốp pai neq: “Thâi ơi! Pở léq thâi pởq, cứq puai thâi pở ki tê.”

²⁰ Ma Yê-su ta-õi án neq: “Ayoõng bữn cựp, chóm bữn sóh, ma Con Yiang Cõt Cũai tở bữn ntốq yõn án bẻq.”

²¹ Bữn manoaq ễn ca rien tẻ án, pai neq: “Ncháu ơi! Yõn mpoaq cứq cuchĩt voai. Toâq moâm cứq túp mpoaq cứq, cứq lứq puai Ncháu.”

²² Ma Yê-su ta-õi án neq: “Mới puai cứq sâng. Dỡq yõn alới ca tở bữn muoi mút cốp cứq, chửm siem alới ca tở bữn muoi mút cốp cứq.”*

Yê-su Sươq Cuyal Cốp Dỡq
(Mac 4:35-41; Luca 8:22-25)

²³ Chơ Yê-su chõn tâng tuoc, cốp tởp rien tẻ án puai án tê. ²⁴ Vót ki, santar bữn rapuq hập lứq táq yõn dỡq lampóh lampoáp rêng lứq tâng tuoc mán tuoc ể dớp. Ma bo ki Yê-su bẻq. ²⁵ Tởp rien tẻ Yê-su pởq amoaih án, pai neq: “Ncháu ơi! Chuai tôh! Hái cheq ể cuchĩt chơ!”

²⁶ Yê-su ta-õi alới neq: “Nổq anhia ngcõh? Nổq anhia sa-âm bĩq lứq?”

Chơ Yê-su yuor tayứng sươq cuyal cốp dỡq lampóh. Ngkiq dỡq cốp cuyal tangút toáp. ²⁷ Dũ náq cũai sâng dót lứq cốp pai neq: “Nổq cũai nâi? Dẻh cuyal rapuq cốp dỡq lampóh ma tẻq án!”

Yê-su Táq Bán Bar Náq Ca Bữn Yiang Sâuq Payõh
(Mac 5:1-20; Luca 8:26-39)

²⁸ Toâq Yê-su clong toâq coah tooh clóng ki, án mut tâng cruang Yê-rasê.† Án ramóh bar náq cũai bữn

* 8:17 8:17 Ê-sai 53:4 * 8:22 8:22 Tâng parnai Créc, santoiq Yê-su pai ki la: ‘Dỡq yõn cũai cuchĩt túp cũai cuchĩt.’ † 8:28 8:28 Bữn noau dỡq ramứh ntốq nâi la Ca-dara.

yang sâuq payõh ntõm loõh tẽ clõm cumuiq. Alõi tachoat lủq; cõp tỡ bữn noau khõn pha ntõq alõi õt. ²⁹ Bo alõi hữm Yê-su, alõi hẽ casang lủq neq: “O Con Yang Sursĩ ơi! Ntróu anhia yoc ẽ táq chỏq hẻq? Hẻq tỡ yũah ngư chũuq tõi q bap. Ma anhia ẽ táq yõn hẻq chũuq tõi q bap sanua tỡ?”

³⁰ Cheq ntõq ki bữn muoi cantõh alic sa-ũri lủq õt chuaq cha. ³¹ Yang sâuq ki sẻq cucõh Yê-su neq: “Khân anhia lủq tuih aloõh hẻq, sẻq anhia yõn hẻq mut tâng cantõh alic ki.”

³² Yê-su ón yang sâuq ki neq: “Anhia pỡq toáp!”

Chơ yang sâuq ki loõh toáp tẽ tỡ cũai ki cõp mut tâng cantõh alic ẽn. Chơ cantõh alic ki lủh chái lủq tẽ leh tarhar, pỡng chu clõng đõq, chơ cuchĩt clooc nheq. ³³ Mách cũai bán alic lủh chu vil cõp atõng dũ ỏc tẽ alõi bar nỏq ca yang sâuq payõh, yõn noau dáng tẽ. ³⁴ Chơ dũ nỏq cũai tâng vil ki loõh tẽ vil ẽ ramõh Yê-su. Toáq alõi hữm Yê-su, alõi sẻq án loõh chíq tẽ cruang alõi.

9

Yê-su Táq Bán Cũai A-ĩ Coang

(Mac 2:1-12; Luca 5:17-26)

¹ Yê-su chõn loah tâng tuoc. Chơ án clong loah yáng tooh đõq clõng, cõp mut tâng vil án. ² Bữn máh

cũai samiang dững pỡ Yê-su manoaq a-ĩ coang. Án bẻq tâng cantrang. Yê-su hữm mút alõi ki sa-âm lủq. Ngkĩq án pai chỏq samiang a-ĩ coang ki neq: “Yõu ơi! Chõi ngcõh ntróu! Lõih mới cứq táh yõn!”

³ Bo ki bữn cũai yõng rit õt ngki tẽ. Alõi tẻng tâng mút neq: “Cũai nãi yoc ẽ táq chỏc máh Yang Sursĩ tẽ. Ngkĩq máh santõiq án pai la machõng án acrieiq Yang Sursĩ chơ.”

⁴ Ma Yê-su khoiq dáng alõi chanchỏm ngkĩq. Chơ án blỏh alõi neq: “Nỏq anhia chanchỏm ỏc sâuq ngkĩq tâng mút anhia? ⁵ Santõiq alẻq anhia sâng ien hõn yõn cứq atõng? Ien cứq atõng cũai a-ĩ coang neq: ‘Lõih mới cứq táh yõn,’ tỡ la ‘Mới yuor tayúng, chơ pỡq.’ ⁶ Ma sanua cứq ẽ táq yõn cũai a-ĩ nãi cõt bán, đõq yõn anhia dáng samoat samõi, cứq Con Yang Cõt Cũai bữn chỏc tâng dõi nãi. Cứq tẻq táh lõih cũai.”

Moâm ki Yê-su atõng cũai a-ĩ coang neq: “Cứq ón mới yuor tayúng! Mới ít dõl cantrang mới! Chơ mới chu loah pỡ đõng mới!”

⁷ Chơ cũai a-ĩ ki yuor tayúng cõp chu pỡ đõng án. ⁸ Bo cũai clũng ki hữm ranỏq nãi, alõi sâng dỏt lủq, cõp alõi khẻn Yang Sursĩ cõ án yõn cũai bữn chỏc ngkĩq.

Yê-su Arô Mathia
(Mac 2:13-17; Luca 5:27-32)

⁹ Chơ Yê-su loõh tễ nốq ki. Bo án pởq án hữm manoaq samiang ramứh Mathia tacu táq ranáq tâng đồng noau parôm ít práq thềq. Yê-su ón án neq: “Mớỉ puai cứq!”

Chơ Mathia yuor tayứng cốp puai Yê-su.

¹⁰ Moâm ki Yê-su tacu cha tâng đồng Mathia. Ôt ngki bữn cứng cũai toáq cha parnơi nứng Yê-su cốp tốp rien tễ án. Alớỉ ki la cũai parôm ít práq thềq cốp máh cũai lờih canõh hỡ. ¹¹ Bữn cũai tễ tốp Pha-rasi hữm ốc ki, chơ alớỉ blớh tốp rien tễ Yê-su neq: “Nốq thài anhia cha parnơi cốp cũai parôm ít práq thềq cốp cũai lờih canõh?”

¹² Tữ Yê-su sâng alớỉ pai ngkíq, án ta-õi alớỉ neq: “Cũai bán o tỡ bữn sễq yõn noau palai. Ma óng cũai a-ĩ sâng cóq sễq yõn noau palai. ¹³ Tâng tâm saráq Yiang Sursĩ tễ mbốq, án khoi q pai neq:

‘Cứq yoc anhia manoaq ay-ooq táq manoaq

hỡn tễ cứq yoc anhia dứng máh charán chiau sang yõn cứq.’

Cóq anhia pởq rien yõn dáng raloaih santoiq ki. Cứq tỡ bữn toáq pở nài đởq arô

cũai ca ngin alớỉ tanoang o, ma cứq toáq pở nài đởq arô cũai ca dáng alớỉ bữn lờih.”

Yê-su Atởng Tễ Ót Sana
(Mac 2:18-22; Luca 5:33-39)

¹⁴ Moâm ki tốp rien tễ Yang toáq pở Yê-su, cốp alớỉ blớh án neq: “Nốq tốp hếq cốp tốp Pha-rasi đởq rườh tangái ót sana, đởq hếq chanchóm tễ ngê Yiang Sursĩ sâng, ma tốp rien tễ thài, alớỉ tỡ bữn táq machớng hếq?”

¹⁵ Yê-su ta-õi alớỉ neq: “Khân bữn samiang ít lacuoi, bo yóu án pởq racoai q cốp án, alớỉ sâng bũ. Ma tữ alớỉ chu tễ racoai q, alớỉ miar ốt. Tữ ki alớỉ ót sana đởq sanhữ loah yóu alớỉ.*

¹⁶ “Tỡ bữn noau tamoal aroai q tamái tâng tampác khoi q anhõh. Khân noau táq ngkíq, ramoal ki carón cốp ra-ốc aroai q anhõh. Ngkíq raháq ki cõt la-a lứq ễn.

¹⁷ Cốp tỡ bữn noau chiaq blớng tamái tâng aluoi ngcâr khoi q tiaq chơ. Khân noau táq ngkíq, blớng ki cõt puai q, cốp acán pa-át ki táq yõn aluoi ngcâr padõh. Chơ aluoi ngcâr cốp blớng ki pút neq. Ma blớng tamái cóq chóq tâng aluoi ngcâr tamái.”†

* **9:15** 9:15 Tâng parnai nài, Yê-su sacâm án la samoat cũai ít lacuoi. Bo Yê-su noâng ốt cốp tốp rien tễ án, alớỉ noâng chi-cha. Ma tữ án chõn chu paloõng, alớỉ ót sana tễ đởq chanchóm loah máh santoiq án khoi q atởng alớỉ. † **9:17** 9:17 Yê-su atởng tễ aroai q cốp blớng la sacâm cũai ca bữn mút pahõm tiaq, tỡ tẻq ít parnai tamái Yê-su atởng alớỉ. Óng alớỉ ca bữn mút tamái sâng tẻq ít parnai ki.

Yê-su Táq Bán Bar Náq Mansêm
(Mac 5:21-43; Luca 8:40-56)

18 Bo Yê-su atõng alóí ki, bữn manoaq samiang ndõm muoi đồng sang tốp I-sarel toâq pở Yê-su. Cũai ki sacõh racõl yáng moat Yê-su, cốp pai neq: “Con mansêm cứq khoiq cuchĩt chơ. Cứq sẽq thâi toâq satoaq atĩ tâng tở án, chơ án bữn tamooing loah.”

19 Ngkíq Yê-su yuor tayúng pởq parnoi cốp mpoaq con ki. Dẽh tốp rien tẽ Yê-su hỡ pởq.

20 Bo ki bữn manoaq mansêm toâq yáng cĩ Yê-su. Mansêm ki a-ĩ toõh siet khoiq muoi chít la bar cumo chơ, ma aham tở nai yốt. Ngkíq án satoaq tuoiq chêu au tuar Yê-su. 21 Mansêm ki chanchóm tâng mút án neq: “Khân cứq satoaq tampác Yê-su, cứq lứq cõt bán.”

22 Yê-su pih luliaq chu cĩ. Tữ án hữm mansêm ki, chơ án pai neq: “Niang ơi, mới chõi ngcõh ntróu. Cõ mới sa-âm, tở mới cõt bán chơ.” Bo ki toâp mansêm ki cõt bán.

23 Moâm ki Yê-su mut tâng đồng cũai ndõm đồng sang tốp I-sarel. Án hữm alóí nhiam u-õi casang lứq. 24 Án atõng alóí neq: “Nheq tữh anhia loõh toâp tẽ đồng nâi! Mansêm nâi tở bữn cuchĩt; án bẻq sâng!”

Ma máh cũai ki cacháng cốp ayê ra-ac Yê-su. 25 Toâq

máh cũai cứng loõh nheq tẽ đồng, Yê-su mut tâng đồng mansêm ca khoiq cuchĩt. Chơ án tếc atĩ amõq ki. Ngkíq amõq ki yuor tayúng. 26 Ranáq nâi cõt parhan la-ũt la-ũi dũ ntõq tâng cruang ki.

Yê-su Táq Bán Bar Náq Cũai Sũt Moat

27 Tữ Yê-su loõh tẽ ntõq ki, bữn bar náq cũai sũt moat puai ntun cĩ án. Alóí sabau casang lứq neq: “Ncháu ơi! Ncháu ca tẽ tổng toiq puo Davĩt! Sẽq Ncháu sarũiq táq hẻq nứng!”

28 Bo Yê-su mut tâng đồng, bar náq cũai sũt ki toâq pở án. Yê-su blóh alóí neq: “Anhia lứq sa-âm cứq tẻq táq ranáq nâi tở?”

Alóí bar náq ki ta-õi neq: “Hẻq lứq sa-âm, Ncháu ơi!”

29 Chơ Yê-su satoaq atĩ tâng moat alóí bar náq ki, cốp án pai neq: “Machóng anhia sa-âm, lứq cõt ngkíq!”

30 Ngkíq moat bar náq ki cõt blang loah. Ma Yê-su patâp alóí samoât lứq neq: “Anhia chõi atõng yõn cũai canõh dáng tẽ ỏc nâi!”

31 Ma vót alóí loõh tẽ đồng ki, alóí atõng la-ũt la-ũi tẻ ranáq Yê-su táq tâng dũ ntõq tâng cruang ki.

Yê-su Táq Bán Cũai Ngong

32 Bo bar náq cũai sũt moat loõh tẻ ntõq ki, bữn cũai canõh dửng pở Yê-su manoaq cũai ngong. Án cõt ngong cõ bữn yiang sâuq

táq án. ³³ Moâm Yê-su tuih aloõh yang sâuq tẽ cũai ngong ki, chơ cũai ngong ki tẽq táq nẵng loah. Nheq tữh cũai cứng ki sâng dốt lữq, cốp alới pai neq: “Hái tở nai hữm ranáq nneq toáq pữ cruang I-sarel!”

³⁴ Ma tốp Pha-rasi pai neq: “Yiang ca sốt nheq máh yang sâuq, yang ki toáp yõn cũai nãi bữn chớq tẽq tuih aloõh yang sâuq.”

Yê-su Sâng Sarũiq Táq Máh Cũai

³⁵ Yê-su pữq sa-óh vil toár vil cót, atẵng tẵng máh dống sang cũai I-sarel. Án atẵng parnai o tẽ Yiang Sursĩ táq sốt, cốp án táq bán dũ ramứh cũai bữn a-ĩ. ³⁶ Toáq án hữm cũai cứng, mút án sâng sarũiq táq máh cũai ki, yuaq alới tở dáng táq ntrầu, cốp alới parsáng-parsaiq, samoát riang charán cữu ốq cũai mantán. ³⁷ Ngkíq Yê-su pai chớq tốp rien tẽ án neq: “Saro tẵng sarái la-a khoiq chĩn lữq chơ, ma bữn bĩq náq cũai pữq sot saro ki. ³⁸ Cóq anhia câu sẵq tẽ Ncháu sarái, yõn án ớn sa-ũĩ náq pữq sot saro ki.”

10

Tốp Muoi Chít La Bar Náq Rien Tẽ Yê-su
(Mac 3:13-19; Luca 6:12-16)

¹ Yê-su arô tốp muoi chít la bar náq rien tẽ án toáq pữ án. Án yõn alới bữn chớq tẽq tuih aloõh yang sâuq tẽ

tỏ cũai cốp tẽq táq bán dũ ramứh cũai a-ĩ. ² Ramứh tốp muoi chít la bar náq ayững atĩ Yê-su la neq: dẫu lữq la Si-môn, án ca noau đốq Phi-er hỡ, cốp Anrê a-ẽm Si-môn. Ntun ẽn, bữn bar náq sẵm ai, alới la con sami-ang Sê-badê, ramứh Yacỡ cốp Yang. ³ Ntun ẽn, bữn Phi-lip, Batê-lami, Thô-mat, cốp Mathia, la cũai parỏm ỉt práq thẵq. Bữn Yacỡ con samiang Al-phê, cốp Thadê. ⁴ Bữn Si-môn Sê-lôt cốp Yuda I-cari-ôt, án ca chểq Yê-su yõn noau cachĩt.

Yê-su Ớn Tốp Muoi Chít La Bar Náq Pữq Atẵng
(Mac 6:7-13; Luca 9:1-6)

⁵ Yê-su ớn muoi chít la bar náq nãi pữq táq ranáq án. Án patáp alới neq: “Anhia chõĩ pữq chu cruang cũai tở cữn cũai I-sarel, cốp chõĩ mut tẵng vil cũai Sa-mari. ⁶ Ma anhia pữq chu cũai I-sarel sâng; alới la samoát riang charán cữu khoiq cłc rana. ⁷ Anhia pữq atẵng neq: ‘Khoiq cheq lữq chơ Yiang Sursĩ táq sốt!’ ⁸ Cóq anhia táq bán máh cũai a-ĩ, cốp amoong cũai ca khoiq cuchĩt. Cóq anhia táq bán cũai a-ĩ tut cốp tuih aloõh yang sâuq tẽ tỏ cũai. Anhia khoiq roap chơ máh ramứh cữq chuai miat anhia. Ngkíq sanua cóq anhia chuai miat cũai canỏh tẽ. ⁹ Anhia chõĩ dưỡng yẵng, práq, tở la sapoan tẵng toai anhia. ¹⁰ Chõĩ poac tũĩ riang cũai

susêq cớng sana tễ cũai canõh. Chõỉ dững muoi ploah au canõh, tỡ la muoi cu cớp canõh, tỡ la muoi ntreh ralõng canõh ẽn. Cũai aléq ma táq ranáq chuai cũai canõh, cóq cũai ki chuai loah yõn án ki bữn cớng sana.

11 “Bo anhia toáq pỡ vil toàr tỡ la vil cót, cóq anhia mut tâng vil ki cóp chuaq cũai ca roap cóp tabõp tabéh o anhia. Chớ anhia õt tâng đống cũai ki toau toáq tangái anhia loõh tễ vil ki. 12 Bo anhia mut tâng đống, cóq anhia blóh carhan o cóp cũai tâng đống sũ ki. 13 Khân cũai tâng đống ki roap tabõp tabéh o anhia, ki anhia câu yõn alóỉ bữn bán sũan ien khẽ. Ma khân alóỉ tỡ bữn roap tabõp tabéh o anhia, ki anhia chõỉ câu ngkíq yõn alóỉ. 14 Khân bữn muoi đống tỡ la muoi vil, ma cũai tỡ bữn tabõp tabéh anhia o cóp tỡ ẽq tamứng parnai anhia atõng, bo anhia loõh tễ ntốq ki cóq anhia trutrẻh phõn cutẻq tễ ayũng, táq tẻc cũai tâng ntốq ki tỡ bữn roap anhia. 15 Cớq atõng anhia samoát lứq, toáq tangái Yiang Sursĩ rablớh nheq tữh cũai, án táq yõn alóỉ ca õt tâng vil ki bữn túh coat hỡn tễ cũai tâng vil Sadôm cóp vil Camô-rỡ tễ mbốq.”

*Yê-su Atõng Tễ Ramúh
Tứh Coat
(Mac 13:9-13; Luca 21:12-*

19; 12:11-12)

16 “Nâi! Cớq ớn anhia pỡq samoát riang charán cũu pỡq mpúng dĩ acho cruang. Ngkíq cóq anhia rangoiq khểuq riang cusân, cóp khữn mantoat o ariang chóm tariap. 17 Cóq anhia nhềng o cũai canõh, yuaq alóỉ ẽ cớp anhia, chớ dững anhia toáq pỡ cũai sớt. Cóp alóỉ toàn anhia tâng máh đống sang tốp I-sarel. 18 Cỗ anhia puai cớq, bữn cũai canõh ẽ dững anhia toáq pỡ cũai sớt cóp toáq pỡ cũai puo hỡ. Ngkíq anhia bữn atõng tễ ngê cớq yáng moat alóỉ, cóp yáng moat cũai tỡ cõn cũai I-sarel hỡ. 19 Toáq noau dững anhia pỡ cũai sớt, anhia chõỉ đơng nhũang ntrứu anhia yoc ẽ pai. Bo ki anhia lứq bữn roap máh santoiq anhia yoc ẽ pai. 20 Santoiq ki tỡ bữn tễ anhia bữm, ma santoiq ki loõh tễ Raviei Mpoaq anhia tâng paloõng. Án atõng yõn anhia dáng santoiq ki.

21 “Lứq sễm ai ẽ cớp rat-uaq sễm ai, cóp chiau yõn noau cachĩt, cóp mpoaq táq machớng ki tẻ chóq con án. Con acái ra-ũan chóq mpiq mpoaq alóỉ, cóp alóỉ chiau mpiq mpoaq yõn noau cachĩt alóỉ. 22 Nheq tữh cũai lứq kêt anhia cỗ tian anhia puai ngê cớq. Ma cũai aléq rơi tanhữ toau sớt anhúq án, Yiang Sursĩ lứq chuai amoong cũai ki. 23 Toáq cũai táq túh coat chóq anhia tâng

muoi vil, ki anhia lúh pởq chu vil canỏh ẻn. Cúq atởng anhia samoát lứq, anhia tở yủah táq moám máh ranáq anhia ẻ táq tâng dủ vil tâng cruang cũai I-sarel nhũang cúq Con Yiang Cỏt Củai toáq loah pở cutẻq nái.

24 “Án ca rien tở bủn toáh hỏn tẻ thái. Cỏp án ca sủl tở bủn toáh hỏn tẻ cũai ncháu. 25 Ngkíq, án ca rien cóq pruam chửuq túh coat machỏng thái án tẻ. Cỏp án ca sủl cóq pruam chửuq túh coat machỏng ncháu án tẻ. Khân noau acrieiq án ca ncháu đổng, pai án la ramứh Bên-sabul,* ntâng hỏn ẻn noau acrieiq cũai canỏh tâng đổng ki.”

Yẻ-su Atởng Chỏi Ngỏh Củai
(Luca 12:2-9)

26 “Ngkíq anhia chỏi ngỏh cũai canỏh. Tở bủn ramứh ntrứu noau pul cutooq sanua, ma chumát ramứh ki noau tở tẻq pul cutooq noáng. Cỏp ranáq ntrứu noau táq clỏp sanua, chumát noau tở tẻq táq clỏp noáng. 27 Máh santoiq ntrứu cúq atởng anhia sanua, cóq anhia atởng loah santoiq ki yỏn dủ náq cũai canỏh dáng tẻ. Cỏp santoiq ntrứu cúq atởng yỏn ỏng tỏp anhia sáng, cóq anhia atởng loah santoiq ki yỏn dủ cruang canỏh dáng tẻ. Nái la samoát riang cúq atởng anhia tâng ntỏq canám, mỏ

anhia atởng loah santoiq ki tâng ntỏq poang trách ẻn.

28 Anhia chỏi ngỏh cũai tẻq cachít tỏ anhia, ma raviei anhia alớ tở tẻq cachít. Ma cóq anhia ngỏh ỏng Yiang Sursỉ sáng, yuaq Yiang Sursỉ tẻq cachít tỏ anhia, cỏp raviei anhia tẻq án apỏng tâng pỏng sarloac. 29 Anhia đỏq chỏng bar lám chỏm tẻc-tẻc, ma kia án nghẻl lứq. Ma khân bủn muoi lám chỏm tẻc-tẻc ki cuchít, lứq Mpoaq anhia tâng paloỏng khoiq dáng tẻ ramứh ki. 30 Dủ ntrẻh sóc tâng plở anhia, lứq Yiang Sursỉ khoiq nghỉ chỏ. 31 Ngkíq, anhia chỏi ngỏh ntrứu noáng, yuaq rangứh anhia la Yiang Sursỉ pasẻq hỏn tẻ sa-ủi lám chỏm tẻc-tẻc.

32 “Củai alẻq ma ngỉn yáng moat cũai canỏh, pai án puai muoi mút cỏp cúq, machỏng ki tẻ cúq ngỉn loah án yáng moat Mpoaq cúq tâng paloỏng. 33 Ma cũai alẻq calỏih cúq yáng moat cũai canỏh, machỏng ki tẻ cúq calỏih loah án yáng moat Mpoaq cúq tâng paloỏng.”

Yẻ-su Atởng Cóq Anhia Ayooq Án Hỏn Tẻ Củai Canỏh
(Luca 12:51-53; 14:26-27)

34 “Anhia chỏi chanchỏm cúq toáq pở nái yỏn dủ náq cũai tâng cutẻq nái ỏt ien khẻ. Cúq toáq pở nái tở bủn táq yỏn cũai ỏt ien khẻ,

* 10:25 10:25 Ramứh Bên-sabul nái la machỏng cỏp yiang Satan tẻ.

ma lứq cứq dững pla dau.
 35 Cứq toâq đởq táq yỗn
 manoaq tở bữn pruam chỏq
 manoaq. Con samiang ẽ chíl
 mpoaq. Con mansẽm ẽ chíl
 mpiq. Cumân ẽ chíl yacán.
 36 Dẻh cũai ớt muoi đổng sũ
 la manoaq cõt par-ũal chỏq
 manoaq.✱

37 “Cũai alẻq ma ayooq
 mpiq mpoaq hữn tẻ án ay-
 oooq cứq, cũai ki tở bữn pẻiq
 cõt cũai cứq. Cỏp cũai alẻq
 ma ayooq con samiang tở
 la con mansẽm hữn tẻ án
 ayooq cứq, cũai ki tở bữn
 pẻiq cõt cũai cứq. 38 Cũai
 alẻq ma tở bữn ỉt dẻi aluang
 sangáng án bữm, chơ puai
 cứq, cũai ki tở bữn pẻiq cõt
 cũai cứq. 39 Cũai alẻq ma
 pasẻq rangủh án tâng đẻi
 nâi, rangủh cũai ki lứq pứt.
 Ma cũai alẻq ma chũuq pứt
 rangủh án tâng đẻi nâi cở
 tian án ẽ puai cứq, raviei
 cũai ki lứq bữn tamooong
 mantái níc.”

*Yẻ-su Atởng Tẻ Cỏng Cũai
 Ca Chuai*
 (Mac 9:41)

40 “Cũai alẻq tabởp tabẻh
 o anhia, la samoât án tabởp
 tabẻh o cứq tẻ. Cỏp cũai
 alẻq tabởp tabẻh o cứq, la
 samoât án tabởp tabẻh o
 Ncháu ca ỏn cứq toâq tẻ.
 41 Cũai alẻq tabởp tabẻh o
 chỏq cũai tang bẻq Yiang
 Sursĩ yuaq án la tang bẻq
 Yiang Sursĩ, cũai ki bữn
 cỏng ỉn cũai tang bẻq Yiang
 Sursĩ tẻ. Cỏp cũai alẻq tabởp

tabẻh o cũai tanoang o, yuaq
 án la cũai tanoang o, cũai
 ki lứq bữn cỏng machỏng
 cũai tanoang o tẻ. 42 Khân
 cũai alẻq yỗn manoaq cũai
 cacỏt lứq tâng tởp rien
 tẻ cứq nguaiq muoi cachoc
 đởq leng yuaq cũai cacỏt ki
 sa-âm cứq, lứq samoât án
 ca chuai tở bữn ỏq cỏng tẻ
 ranáq án táq.”

11

*Yẻ-su Atởng Tẻ Yang Ca
 Táq Batẻm*
 (Luca 7:18-35)

1 Moâm Yẻ-su patập tởp
 muoi chít la bar náq rien tẻ
 án máh ỏc ki; chơ án loỏh tẻ
 ntỏq ki, cỏp pẻq atởng tâng
 máh vil mpẻ ki ẻn.

2 Bo ki Yang noâng ớt tâng
 cuaq tũ. Án sâng noau
 táq ntởng tẻ ranáq Crít táq.
 Ngkíq án ỏn cũai tẻ tởp rien
 tẻ án toâq pở Yẻ-su. 3 Án ỏn
 alẻi ki blẻh Yẻ-su neq: “Thâi
 ỏi! Lứq ma tở bữn, thâi
 la manoaq Yiang Sursĩ rườh
 đởq chuai amoong nheq tẻh
 cũai? Tở la cỏq hẻq nguang
 cũai canỏh ẻn?”

4 Yẻ-su ta-ỏi alẻi neq: “An-
 hia chu atởng loah Yang tẻ
 máh ranáq anhia khoiq sâng
 cỏp khoiq hữm. 5 Cũai sũt
 cõt blang. Cũai yỏt tẻq
 pupỏq. Cũai a-ỉ tut cõt
 bán. Cũai túng cõt sâng.
 Cũai khoiq cuchít tẻq yuor
 tamooong loah. Cỏp máh cũai
 cadít bữn sâng tẻ parnai o tẻ

Yiang Sursĩ. ⁶ Bốn lứq cũai ca tở bữn táh ngê cừq.”

⁷ Toâq tốp rien tể Yang chu loah pở án, chơ Yê-su atởng tể Yang yỗn cũai clứng ki dáng. Án blớh alóí neq: “Bo anhia pởq ramóh Yang tâng ntốq aiq, ntróu anhia yoc ể hữm tâng ntốq ki? Anhia yoc ể hữm cuyal phát bát túng-tooc tở? ⁸ Khân tở bữn ngkíq, ntróu anhia yoc ể hữm? Anhia yoc ể hữm manoaq sóp au nêuq tở? Cũai sóp au nêuq ki ốt tâng đống puo. ⁹ Ma ntróu anhia yoc ể hữm tâng ntốq ki? Anhia yoc ể hữm cũai tang bỗq Yiang Sursĩ tở? Cừq atởng anhia samoât lứq, Yang la cũai tang bỗq Yiang Sursĩ tê, ma án bữn chóc toâr hỡn tể cũai tang bỗq canốh. ¹⁰ Tâng tâm saráq Yiang Sursĩ tể mbỗq, cũai tang bỗq Yiang Sursĩ khoiq chĩc atởng saccoaiq tể Yang neq:

‘Cừq Yiang Sursĩ ón cũai ranẻng cừq pởq nhữang,
dỏq thừan rana yỗn mới.’[☆]

¹¹ Cừq atởng anhia samoât lứq, nheq tữh cũai ca mansẻm canốt tâng cốc cutẻq nâi, tở bữn noau toâr hỡn tể Yang, án ca dỏq táq batẻm. Ma cừq atởng anhia neq tê: Cũai alẻq ma tở bữn toâr ntróu tâng tốp Yiang Sursĩ sớt, lứq Yiang Sursĩ

yỗn cũai ki bữn chóc clữi tể chóc Yang. ¹² Tể tangái Yang táq batẻm toau toâq sanua, bữn cũai atởng tể Yiang Sursĩ táq sớt. Sa-ữi lứq cũai yoc ể mut tâng tốp Yiang Sursĩ sớt, ma alóí chanchỏm alóí tẻq mut cổ nhỡ tể rẻng alóí bữm. ¹³ Yiang Sursĩ khoiq atởng saccoaiq nỡ-ra án táq sớt, na cũai tang bỗq Yiang Sursĩ tể mbỗq cớp na phẻp rit Mỏi-se. Án atởng na alóí ki toau toâq dỏi Yang. ¹⁴ Khân anhia sa-âm santoiq noau pai tể mbỗq tể Ê-li, ngkíq anhia tẻq dáng Yang nâi la machỏng Ê-li tê. ¹⁵ Alẻq bữn cutừ yoc ể tamửng, ki tamửng.

¹⁶ “Máh cũai tâng dỏi nâi la samoât ntróu? Máh cũai tâng dỏi nâi la riang carnẻn ốt lỏiq tâng nchỏh. Muoi tốp carnẻn ki arỏ yỏu alóí, ¹⁷ pai neq: ‘Hẻq khoiq plỏng tarỉal cớp lỏiq táq rayuac. Ma anhia tở bữn mut ayừn cớp puan sarai nửng hẻq! Cớp hẻq lỏiq tanứh cũai cuchỉt, ma anhia tở bữn pruum mut nhiam u-ổi nửng hẻq!’ ¹⁸ Yang toâq pở nâi, án tở bữn nguaiq cha riang cũai canốh, mỏ án cha óng lam cớp nguaiq dỏq khỉal. Ngkíq noau pai án bữn yiang sỏuq. ¹⁹ Ma cừq Con Yiang Cốt Cũai, cừq toâq nguaiq cha machỏng cũai canốh tê. Ngkíq noau pai cừq neq: ‘Ki! Án ki nguaiq cha tham lứq! Cớp án cốt yỏu cớp cũai

☆ 11:10 11:10 Ma-laki 3:1

parôm ìt práq thêq, cốp cũai lôih canõh hõ!' Ma cũai ran-goaiq, nõ-ra cũai canõh ngin án la lứq rangoaiq, yuaq alóih hữm máh ranáq án táq."

Bữn Vil Tờ Êq Sa-âm Yê-su
(Luca 10:13-15)

²⁰ Chơ Yê-su sâng ngua lứq, yuaq máh cũai tâng vil án khoiq táq sa-ũĩ ranáq salêh, tờ bữn ngin lôih lêq cõt mút tamái ên. ²¹ Ân pai chók alóih neq: "Bap lứq toâq pở anhia ca õt tâng vil Cờ-sín! Cốp bap lứq yõn anhia ca õt tâng vil Bet-sada! Khân cứq ma táq ranáq salêh tâng vil Ti-rơ cốp vil Sadôn machống cứq khoiq táq tâng vil anhia, ki dũn chơ máh cũai tâng vil ki ngin lôih lêq cõt mút tamái ên. Cốp dũn chơ alóih ki tâc tampác tanúh, cốp pức bõh tâng tở alóih, táq tếc alóih sâng ngua cõ alóih bữn lôih. ²² Ma cứq atõng anhia, toâq tangái Yiang Sursĩ rablớh nheq từh cũai, tangái ki án sâng sarũiq táq chók cũai tâng vil Ti-rơ cốp vil Sadôn hỡn tễ án sâng sarũiq táq chók anhia. ²³ Anhia ca õt tâng vil Cabê-na-um ơ! Anhia chanchóm têq chõn bữm chu paloõng tờ? Nỡ-ra Yiang Sursĩ apõng anhia tâng põng sarloac. Khân cứq ma táq ranáq salêh tâng vil Sadôm machống cứq khoiq táq tâng vil anhia, ki vil Sadôm noâng níc toau

sanua. ²⁴ Ma cứq atõng anhia, toâq tangái Yiang Sursĩ rablớh nheq từh cũai, tangái ki án sâng sarũiq táq chók cũai tâng vil Sadôm hỡn tễ án sâng sarũiq táq chók anhia."

Aléq Bữn Túh Coat Ntróu Cók Toâq Pở Yê-su
(Luca 10:21-22)

²⁵ Bo ki Yê-su câu neq: "Mpoaq ơ! Mpoaq la Ncháu paloõng cốp cutêq! Cứq sa-õn mới, yuaq mới khoiq apáh ngê mới yõn cũai ar-iang carnễn cacót, alóih ca tờ yũah rien ntróu. Ma mới cutooq ngê nâi tễ cũai rangoaiq, alóih ca rien sa-ũĩ. ²⁶ Lứq p̄ieiq, Mpoaq ơ! Cứq khễn mới, yuaq ốc ki o lứq yáng moat mới. ²⁷ Dũ ramúth Mpoaq cứq khoiq chiau yõn cứq. Tờ bữn noau dáng Con Yiang Sursĩ; lứq ống Mpoaq án toâp dáng án. Cốp tờ bữn noau dáng Mpoaq tâng paloõng; lứq ống Con án toâp dáng án. Cũai aléq Con Yiang Sursĩ rườh, lứq án apáh yõn cũai ki dáng tễ Mpoaq tâng paloõng."

²⁸ Moâm Yê-su câu ngkíq, chơ án pai neq: "Nheq từh anhia ca lakéh lakiei cốp dõl crong ntâng ơ! Yõn anhia toâq pở cứq! Cứq ẽ táq yõn anhia cõt pứt lakéh lakiei. ²⁹ Cứq bữn mút pahõm khũn, cốp cứq tờ bữn chuaq êq noau khễn cứq. Cók anhia ìt máh ngê cứq atõng anhia, cốp cók

anhia rien tễ cứq. Ngkíq raviei anhia bữn ốt ien khẽ níc. ³⁰ Yuaq raluang cứq la khẽ, cốp pardõl cứq la nghẽ.”

12

Yê-su Atõng Tễ Rit Tangái Rlu

(Mac 2:23-28; Luca 6:1-5)

¹ Bo ki bữn muoi Tangái Rlu, Ê-su cốp tốp rien tễ án mut tâng sarái noau chỏh saro bali. Bo alói mut tâng sarái ki, tốp rien tễ Ê-su sâng panhieih. Ngkíq nton alói pỡq, nton alói rút cha saro bali. ² Toáq cũai Pharsi hữm ngkíq, alói pai chỏq Ê-su neq: “Ki! Tốp rien tễ thâi táq tỡ cõt rit cuang tâng Tangái Rlu.”

³ Ma Ê-su ta-õi loah alói neq: “Nỏq riang pai anhia tỡ nai doc tâng tâm saráq Yiang Sursĩ tễ puo Davĩt khoiq táq ntrớu? Davĩt cốp tốp puai án, alói sâng panhieih lứq. ⁴ Ngkíq Davĩt mut tâng đống sang Yiang Sursĩ. Án cốp yóu án cha bẽng noau đốq yáng moat Yiang Sursĩ. Ma puai phếp rit cũai I-sarel, ki án cốp yóu án tỡ têq cha bẽng ki. Yuaq bẽng ki ống máh cũai tễng rit sang Yiang Sursĩ sâng têq cha. ⁵ Cốp riang pai anhia tỡ nai doc tâng phếp rit Mũi-se tễ máh cũai tễng rit sang Yiang Sursĩ đốq mut táq ranáq tâng Đống Sang Toár tâng Tangái Rlu? Ma

tỡ bữn noau pai alói ki táq lỏih. ⁶ Ma cứq atõng anhia neq: Ớt nỏq nâi sanua bữn manoaq toár hỡn tễ Đống Sang Toár ki. ⁷ Tâng tâm saráq Yiang Sursĩ tễ mbỏq, án atõng neq:

‘Cứq yoc anhia manoaq ayooq táq manoaq

hỡn tễ cứq yoc anhia đưng máh charán chiau sang yỗn cứq.’*

Khân lứq anhia đấng raloaih tễ santoiq ki, lứq anhia tỡ khỏn pai alói ki bữn lỏih cỗ táq ranáq tâng Tangái Rlu. ⁸ Cứq, Con Yiang Cõt Cũai, la Ncháu tê Tangái Rlu.”

Yê-su Táq Bán Cũai Yỗt Atĩ

(Mac 3:1-6; Luca 6:6-11)

⁹ Ê-su pỡq tễ nỏq ki, chớ án mut tâng đống sang tốp I-sarel. ¹⁰ Ớt ngki bữn manoaq cũai yỗt atĩ. Máh cũai tâng đống sang ki blớh Ê-su neq: “Puai rit hái, têq tỡ hái táq bán cũai a-ĩ tâng Tangái Rlu?”

Cũai blớh ngkíq, la alói chuaq ralíh yoc ể cauq Ê-su.

¹¹ Ê-su ta-õi alói neq: “Khân manoaq tễ anhia ma bữn charán cũu sapủl tâng prúng tâng Tangái Rlu, lứq án acốq cũu ki aloỏh tễ prúng, pĩeiq tỡ? ¹² Yiang Sursĩ pasêq rangứh cũai hỡn tễ án pasêq rangứh charán cũu. Yuaq ngkíq têq hái manoaq chuai manoaq tâng Tangái Rlu.”

13 Chơ Yê-su atỡng cũai yốt atĩ ki neq: “Mớỉ aloỏh atĩ mớỉ!”

Tữ cũai ki aloỏh atĩ, chơ atĩ án cớt bán toập, cớt o loah machớng atĩ coah canỏh tẻ. 14 Mách cũai Pha-rasi loỏh tẻ đống sang, cớp alớỉ sarhống ẻ cachĩt Yê-su.

15 Tữ Yê-su dáng alớỉ ẻ cachĩt án, ngkĩq án loỏh tẻ nốq ki, cớp bữn cứng cũai puai án. Cớp Yê-su táq bán dữ náo cũai a-ĩ ki.

16 Yê-su patập alớỉ chỏỉ yỏn cũai canỏh dáng án la noau.

17 Án patập ngkĩq yỏn cớt rapĩeiq máh santoiq Ê-sai, la cũai tang bỗq Yiang Sursĩ, khoiq pai tẻ mbỗq neq:

18 “Nải la cũai táq ranáo cứq, án ca cứq khoiq rườh chơ.

Cứq ayooq lứq án, cớp mứt pahỏm cứq sâng bủi lứq cớp án.

Cứq yỏn án bữn Raviei cứq. Cớp nữ-ra án đứng ỏc tanoang tapứng yỏn dữ cruang cũai.

19 Án tở bữn rasuon cớp tở bữn pai casang chỏq noau.

Cớp án tở bữn loi casang ntrớu tâng vil.

20 Mách cũai la samoat ri-ang aroỏng khoiq lết nanỏr,

ma án tở bữn déh tữm; cớp alớỉ ariang chớp tóu lalũ ẻ pát, ma án tở bữn pupát tữm,

toau toập tangái ỏc tanoang tapứng tẻ Yiang Sursĩ toập.

21 Nheq tữh cũai ỏt nguang án chuai amoong alớỉ.”*

Yê-su Cớp Bên-sabul

(Mac 3:20-30; Luca 11:14-23; 12:10)

22 Vót ki noau đứng pở Yê-su manoaq samiang ca bữn bar ramứh a-ĩ. Moat án sũt cớp bỗq án ngong, yuaq yiang sáoq táq án. Yê-su táq yỏn moat án cớt blang cớp yỏn án tẻq táq nống loah.

23 Nheq máh cũai ki sâng đót lứq. Cớp alớỉ blớh neq: “Yê-su nải la cũai tẻ tống toiq puo Davĩt, án ca hái nguang tở?”

24 Ma toập tởp Pha-rasi sâng cũai cứng pai ngkĩq, alớỉ pai neq: “Án nải tuih aloỏh yiang sáoq cỏ nhơ yiang Bên-sabul yỏn án bữn chỏc táq ranáo ki. Yiang Bên-sabul nải la sốt nheq yiang sáoq.”*

25 Yê-su dáng sarnỏm alớỉ chanchỏm ngkĩq. Chơ án pai chỏq alớỉ neq: “Khân bữn muoi cruang ma manoaq rachĩl manoaq, tở bữn cớt noâng cruang. Cớp khân bữn muoi vil tở la muoi đống ma manoaq rachĩl manoaq, tở bữn cớt noâng vil tở la đống. 26 Khân yiang Satan ma tuih tởp án bữm, tởp ki lứq cớt ratáh. Chơ tở bữn cớt tởp noâng. 27 Anhia pai cứq tuih aloỏh yiang sáoq

* 12:21 12:21 Ê-sai 42:1-4 * 12:24 12:24 Bữn noau đốq yiang Satan la ramứh yiang Bên-sabul hữ.

cỗ nhơ yiang Bê-n-sabul yỗn cứq bữn chớq táq ranáq ki. Ma khân cũai puai anhia mỗ táq ranáq machớng ki tê, anhia tỡ bữn pai alới bữn chớq tễ yiang Bê-n-sabul. Yuaq ngkíq, bữn cũai tễ tỗp anhia toáp tểq loah anhia. ²⁸ Ma khân cứq tuih aloỏh yiang sâuq cỗ Raviei Yiang Sursĩ yỗn cứq táq, lứq ranáq ki apáh yỗn anhia dáng Yiang Sursĩ táq sớt khoi q toáp chớ pỡ anhia.

²⁹ “Khân noau yoc ẽ mut đống cũai bán rêng cớp ỉt nheq cớng án, cớq noau chớq chít cũai ki voai. Ki nốq tềq talỏh đống cũai ki cớp ỉt máh cớng án.†

³⁰ “Cũai aléq ma tỡ bữn pruam muoi mút cớp cứq, cũai ki lứq tỡ ẽq cứq. Cớp cũai aléq ma tỡ bữn táq ranáq đốq chuai cũai canỏh yỗn pruam cớp cứq, la machớng cũai ki tỡ ẽq yỗn cũai canỏh puai ngê cứq. ³¹ Ngkíq cứq atớng anhia neq: Cũai aléq ma bữn lỏih ntrứu, cớp cũai aléq ma acrieiq ramứh Yiang Sursĩ, nheq ramứh lỏih ki táh tềq. Ma khân cũai aléq acrieiq Raviei Yiang Sursĩ, lứq Yiang Sursĩ tỡ nai táh lỏih ki. ³² Cũai aléq ma pai sâuq tề cứq Con Yiang Cốt Cũai, lứq Yiang Sursĩ táh lỏih ki. Ma khân cũai aléq ma pai sâuq tễ Raviei Yiang Sursĩ, lứq Yiang Sursĩ tỡ nai táh lỏih

ki tễ đỏi nài toau toáp đỏi ntun.”

Aluang Cớp Palài
(Luca 6:43-45)

³³ Yê-su atớng ẽn neq: “Khân ẽ bữn palài o, cớq bữn nỡm aluang o. Khân bữn nỡm tỡ o, ki palài la tỡ o tê. Khân anhia hữm palài, ki anhia dáng đễh nỡm. ³⁴ Anhia la samoát cusân bữn pih! Nốq anhia cũai sâuq ma tềq pai santoiq o? Ngê ntrứu tâng mút pahỏm cũai, bớq cũai ki pai aloỏh. ³⁵ Cũai mantoat o bữn ngê o tâng mút pahỏm án. Ngkíq ranáq o loỏh tễ mút cũai ki. Cớp cũai loài bữn ngê sâuq tâng mút pahỏm án. Ngkíq ranáq sâuq loỏh tễ mút cũai ki. ³⁶ Ma cứq atớng anhia neq: Cũai atớng parnai tỡ cốt ốc, Yiang Sursĩ ẽ rablớh án tễ ốc ki, toáp tangái Yiang Sursĩ rablớh nheq tữh cũai. ³⁷ Yuaq ngkíq, Yiang Sursĩ ẽ rablớh anhia tễ máh santoiq anhia pai. Khân anhia pai santoiq o, ki án dáng anhia la cũai tanoang o. Ma khân anhia pai santoiq tỡ o, ki án dáng anhia la cũai sâuq cớp án táq tột anhia.”

Tỗp Pha-rasi Sẻq Yê-su Táq Ranáq Salẻh
(Mac 8:11-12; Luca 11:24-32)

³⁸ Vớt ki, bữn cũai yống rit cớp cũai tễ tỗp Pha-rasi sẻq tễ Yê-su neq: “Thài ơi! Hẻq

† 12:29 12:29 Yê-su pai ngkíq cỗ án ẽq alới dáng neq: ‘Khân cứq yoc ẽ talỏh máh cớng yiang Satan, cớq cứq bán rêng hỡn tễ án. Ki nốq tềq cứq talỏh chít cớng án.’

yoc ẽ hữm thài táq ranáq salẽh.”

³⁹ Ma Yê-su ta-õi alóí neq: “Cũai tâng dõĩ nâi la loãi lứq, cớp alóí tở ẽq sang noâng Yiang Sursĩ. Anhia sêq tẽ cớq muoi ramứh tếc salẽh, ma cớq tở bữn táq yõn. Anhia khoiq bữn chơ ramứh tếc salẽh tẽ Yô-na, la cũai tang bõq Yiang Sursĩ tẽ mbõq. ⁴⁰ Yô-na õt tâng púng sĩaq toâr bữn pái tangái pái sadâu. Machóng ki tẽ cớq Con Yiang Cõt Cũai õt tâng ping cumuiq tâng cutẽq bữn pái tangái pái sadâu tẽ.”

⁴¹ Yô-na pỡq atõng parnai Yiang Sursĩ pỡ vil Ni-navê. Chơ cũai tâng vil ki ngin lôi h lêq cõt mút tamái ẽn. Ngkíq, máh cũai ki ẽ tếc cũai tâng dõĩ nâi toâq tangái Yiang Sursĩ rablớh nheq tữh cũai. Yuaq sanua, tâng ntốq nâi bữn manoaq toâr hữn tẽ Yô-na! ⁴² Cớq puo mansẽm tẽ mbõq ca sớt cruang Sê-ba, án lứq tếc cũai tâng dõĩ nâi toâq tangái Yiang Sursĩ rablớh nheq tữh cũai. Án têq tếc ngkíq yuaq án toâq tẽ cruang yõng lứq yoc ẽ tamứng ngê rangoaiq tẽ puo Sa-lamôn atõng. Ma sanua, tâng ntốq nâi bữn manoaq rangoaiq hữn tẽ Sa-lamôn!

⁴³ “Toâq yiang sâuq loõh vót tẽ tở cũai, chơ yiang sâuq ki pỡq tâng ntốq sa-õt chuaq ntốq án têq rlu, ma án tở bữn ramóh. ⁴⁴ Chơ án chanchóm neq: ‘Cớq ẽ

chu loah pỡ ntốq cớq khoiq loõh tẽ nhũang.’ Tữ án chu loah pỡ ntốq ki, án hữm ống ntốq miat sâng. Ntốq ki bráh briel, cớq crong tâng ntốq ki khoiq atức carsiat chơ. ⁴⁵ Chơ án pỡq dừng achu tapul náq yiang sâuq canõh ẽn yõn õt parnoi cớp án tâng ntốq ki. Alóí la sâuq hữn tẽ án. Ngkíq thrõq cũai ki sâuq clừi tẽ nhũang ẽn. Lứq samoât dõĩ sâuq nâi la machóng riang ki tẽ.”

Mpiq Cớp Sẽm Ai Yê-su
(Mac 3:31-35; Luca 8:19-21)

⁴⁶ Bo Yê-su noâng táq ntõng cớp cũai clứng ki, bữn mpiq cớp sẽm ai án õt tayúng yoah tiah. Alóí yoc táq ntõng cớp án. ⁴⁷ Bữn manoaq cũai toâq atõng Yê-su neq: “Ki! Mpiq cớp sẽm ai thài õt yáng tiah. Alóí yoc ẽ táq ntõng cớp thài.”

⁴⁸ Ma Yê-su blớh án neq: “Noau la mpiq cớq, cớp noau la sẽm ai cớq?”

⁴⁹ Chơ Yê-su sadoi chu tốp rien tẽ án, cớp án pai neq: “Nâi la mpiq cớp sẽm ai cớq! ⁵⁰ Máh cũai táq puai ngê Mpoaq cớq tâng paloõng, alóí la lứq sẽm ai sẽm õi cớp mpiq cớq.”

13

Parnai Sacâm Cũai Trứh Ốc
(Mac 4:1-9; Luca 8:4-8)

¹ Tâng tangái ki Yê-su loõh tẽ dống cớp pỡq tacu cheq

tor đởq clóng. ² Bữn cứng cūai ớt rôm pẽr án. Ngkíq án chõn tacu tâng tuoc. Ma máh cūai cứng ki noâng ớt tayúng tâng tor. ³ Chơ Yê-su atõng máh cūai ki sa-ũi ramúh toâq parnai sacâm. Án atõng neq: “Bữn manoaq cūai pỡq trứh ố. ⁴ Bo án trứh, bữn ố satooh tâng rana. Chơ chớ m srúh tọt chíq ố ki. ⁵ Bữn ố canõh satooh tâng cutẽq cada, pũn moang lantar. Ố ki dát chái lứq, yuaq cutẽq ki tở bữn yarũ. ⁶ Ma toâq moat mandang loõh phũac lứq, bát ki cõt khõ, yuaq rêh án tở bữn yarũ. Án roõh, chơ cuchĩt. ⁷ Bữn ố canõh ẽn satooh tâng cutẽq bữn rêh bát sarlia. Tữ bát sarlia ki dát, án ếc chíq bát mbõiq dát tẽ ố cūai ki trứh. ⁸ Cóp bữn ố canõh ẽn satooh tâng cutẽq o. Ố ki dát o cóp cõt palai o. Muoi nỡm cõt muoi culám ố. Muoi nỡm canõh cõt tapoât chíq ố. Cóp muoi nỡm canõh ẽn cõt pái chíq ố. ⁹ Aléq bữn cutũr yoc ẽ tamúng, ki tamúng.”

Nỏq Yê-su Atõng Toâq Parnai Sacâm?

(Mac 4:10-12; Luca 8:9-10)

¹⁰ Tõp rien tẽ Yê-su toâq pỡ án cóp blóh án neq: “Cõ nỏq thâi atõng toâq parnai sacâm chỏq máh cūai ki?”

¹¹ Yê-su ta-õi alóí neq: “Cõ Yiang Sursĩ khoiq yõn anhia dáng chơ máh parnai car-tooq tẽ Yiang Sursĩ táq sớt,

ma án tở bữn yõn alóí ki dáng. ¹² Cūai aléq khoiq bữn chơ, cứq yõn cūai ki bữn sa-ũi lứq ẽn. Ma cūai aléq ốq, máh ốc cūai ki khoiq bữn, lứq cõt pứt loah nehq. ¹³ Cứq atõng cūai ki toâq parnai sacâm, la cõ alóí nhẽng ma alóí tở bữn hũm, alóí tamúng ma alóí tở bữn sâng, cóp alóí tở bữn dáng ntróu thág. ¹⁴ Ngkíq, cõ tẽ alóí ki cõt rapĩeiq santoiq Ê-sai, cūai tang bõq Yiang Sursĩ khoiq pai neq:

“Tam anhia tamúng níc,
ma anhia tở bữn sapúh.

Tam anhia nhẽng níc,
ma lứq anhia tở bữn hũm ntróu thág.

¹⁵ Yuaq nehq tữh cūai nâi bữn mút coang,
ngkíq alóí cupát chíq cutũr, tở ếq sâng.
Cóp alóí canhĩt chíq moat, tở ếq hũm.

Khân moat alóí lứq hũm,
cutũr alóí lứq sâng,
cóp mút pahõm alóí lứq dáng,
cõh lơ alóí ẽ pĩh loah lêq cõt mút tamái ẽn,
chơ cứq tahâu yõn alóí cõt bán.*

¹⁶ “Ma anhia bữn ốc bốn sa-ũi lứq. Anhia bữn moat tẽq hũm cóp bữn cutũr tẽq sâng. ¹⁷ Cứq atõng anhia samoat lứq, bữn sa-ũi nác cūai tang bõq Yiang Sursĩ tẽ mbõq, cóp bữn cứng cūai tanoang o canõh tẽ, nehq tữh alóí ẽr áiq yoc ẽ

* 13:15 13:15 Ê-sai 6:9-10

hữm máh ranáq anhia hữm sanua, ma alóí tở dáng bữn hữm. Cóp alóí ki yoc lứq sâng máh ốc anhia sâng sanua, ma alóí tở dáng bữn sâng.

Yê-su Atỡng Tễ Parnai Sacâm Trứh Ốc
(Mac 4:13-20; Luca 8:11-15)

¹⁸ “Ngkíq, anhia tamúng yỗn chềng parnai sacâm tễ manoaq trứh ốc la sacâm ntróu. ¹⁹ Bữn cūai tamúng parnai o tễ Yiang Sursĩ táq sốt, ma án tở bữn sapúh ntróu. Chơ yiang Satan toâq pữr ít chíq parnai o ki tễ mút pahỏm án. Cūai ki samoât riang cutểq noau tĩn tâng rana. Ốc ki satooh, ma tở bữn dách ntróu. ²⁰ Bữn cūai canỏh samoât riang cutểq cada pữn moang lan-tar. Tữ noau atỡng parnai Yiang Sursĩ, án tamúng parnai ki. Chái lứq án ít cóp pruam sa-âm parnai ki bữi ỡn lứq. ²¹ Ma án tở bữn cõt rêh yarũ. Ngkíq án bữn tamoong mahỏi sâng. Khân bữn túh coat toâq pữ án cỗ tian án sa-âm parnai Yiang Sursĩ, ki án tở bữn sa-âm noâng. ²² Bữn cūai canỏh samoât riang cutểq bữn rêh bát sarlia. Tữ noau atỡng parnai Yiang Sursĩ, án tamúng parnai ki. Ma mút án ốt lua cứt tâng dời nài, cóp án ham sốc bữn. Máh ramứh ki éc chíq parnai Yiang Sursĩ yỗn tở bữn cõt palái ntróu. ²³ Ma bữn cūai

canỏh samoât riang cutểq o. Tữ noau atỡng parnai Yiang Sursĩ, án tamúng parnai ki cóp án sâng samoât samoi. Án ki cõt palái. Muoi nỏm cõt palái muoi culám ốc. Muoi nỏm canỏh cõt palái tapoât chít ốc. Cóp muoi nỏm canỏh ẻn cõt palái pái chít ốc.”

Yê-su Sacâm Saro Cóp Bát Canỏh

²⁴ Yê-su atỡng alóí toâq parnai sacâm ẻn neq: “Yiang Sursĩ táq sốt la samoât riang manoaq samiang choat saro o tâng sarái án. ²⁵ Ma bữn muoi sadâu, bo nheq tữh cūai bẻq, án ca sâng ũan chóq cūai ndỏm sarái, án mut trứh ốc payuac yoaq nian tâng sarái ki. Moâm cūai ki trứh ốc, chơ án loỏh tễ sarái. ²⁶ Toâq saro ki dách cóp parlủm, ốc payuac dách tẻ. ²⁷ Ngkíq máh cūai táq ranáq yỗn ncháu ki toâq atỡng ncháu alóí neq: ‘Ncháu ơi! Lứq ma tở bữn, ncháu choat ống ốc saro sâng tâng sarái ncháu? Khân ngkíq, ki tễ léq payuac yoaq nian ki toâq?’ ²⁸ Ncháu ta-ỡi alóí neq: ‘Bữn manoaq ca sâng ũan chóq cứq táq ranáq ki.’ Alóí ca táq ranáq ki blớh sĩa neq: ‘Ncháu yoc hẻq pỡq rợq chíq nỏm payuac yoaq nian ki tở?’ ²⁹ Ncháu ki ta-ỡi loah neq: ‘Tở bữn. Cứq ngcỏh bo an-hia rợq nỏm payuac, anhia lứq rợq dẻh nỏm saro hỡ. ³⁰ Háí đợq nỏm saro cóp

nữm payuac ki dách parnoi
yỗn toau toâq ngư tangái
hái sot. Từ tangái ki toâq,
cứq ón alói ca sot saro neq:
Anhia rợq chíq nữm payuac
voai. Chơ anhia curóm cớp
apống tâng ùih máh nữm ki.
Moâm ki, anhia sot saro cớp
chóq tâng ntốq cứq đợq.' "

*Yê-su Sacâm Tễ Ốc Cacót
Clũ Tễ Canốh*

(Mac 4:30-32; Luca 13:18-
19)

³¹ Yê-su atỡng alói toâq
parnai sacâm sĩa neq:
"Yiang Sursĩ táq sốt la
samoât riang muoi ốc
cuplốq lavúng. ³² Bữn cũai
ĩt ốc nâi đưng trứh tâng
sarái ản. Ốc nâi la cacót hỡn
nheq tễ máh ốc canốh. Ma
toâq án dách, án toâr hỡn
nheq tễ máh bát canốh. Ắn
cốt samoât aluang, têq chớm
táq sóh tâng abểng ản."

*Yê-su Sacâm Cờng Táq
Yỗn Bểng Mi Cốt Pluoih*

(Luca 13:20-21; Mac 4:33-
34)

³³ Yê-su atỡng alói muoi
parnai sacâm ễn neq: "Yiang
Sursĩ táq sốt la samoât riang
cờng noau táq yỗn bểng
mi cốt pluoih. Bữn mansẽm
ĩt manhũt cờng ki; chơ án
talóc cớp bốt mi tâng adêh
pống. Chơ bốt mi ki cốt
pluoih neq."

³⁴ Yê-su atỡng dũ ramứh
nâi na parnai sacâm chóq
cũai cứng ki. Ắn tỡ bữn
atỡng alói ốc ntróu khân tỡ
bữn atỡng na parnai sacâm.

³⁵ Ắn táq ngkíq yỗn cõt
rapĩeq santoiq manoaq tang
bốq Yiang Sursĩ tễ mbốq
khoiq pai tễ Yê-su neq:

"Bo cứq táq ntỡng cớp alói,
cứq atỡng toâq parnai
sacâm tễ ốc cartooq
tễ tangái Yiang Sursĩ
tểng paloông cớp
cutêq."*

*Yê-su Atỡng Tễ Parnai
Sacâm Saro Cớp Bát Canốh*

³⁶ Moâm ki Yê-su yỗn cũai
cứng ki chu; chơ án mut
tâng đống. Tỗp rien tễ án
toâq sễq tễ án neq: "Thâi
oi! Hếq sễq thâi aloỏh ngê
tễ parnai sacâm saro cớp
payuac yoaq nian."

³⁷ Yê-su ta-ỡi alói neq: "Ắn
ca choat saro o la Con Yiang
Cốt Cũai. ³⁸ Sarái sacâm
tễ máh cruang tâng cutêq
nâi. Ốc o sacâm tễ neq
tữh cũai ca cốt con acái
Yiang Sursĩ. Payuac yoaq
nian sacâm tễ neq tửh cũai
ca cốt con acái yiang Satan.

³⁹ Ắn ca choat payuac yoaq
nian la yiang Satan, án ùan
Ncháu sarái ki. Ngư sot saro
la tangái Yiang Sursĩ rablớh
nheq tửh cũai. Alói ca sot
saro, la máh ranểng Yiang
Sursĩ. ⁴⁰ Alói ễ rợq cớp
curóm payuac, chơ apống
tâng ùih. Machóng ki tễ
Yiang Sursĩ ễ táq chóq cũai
tâng tangái án rablớh neq
tữh cũai. ⁴¹ Con Yiang Cốt
Cũai ễ ón ranểng án pợq dũ
ntốq án sốt, yỗn parốm máh

cũai táq lôih cốp máh cũai paryông cũai canõh táq lôih. 42 Chơ ranẽng ki ẽ apõng máh cũai lôih tâng põng sarloac. Ntốq ki alóí chũuq tõi q bap lứq. Alóí nhiam u-õĩ cốp carũot canẽng tabang cõ sâng túh coat lứq. 43 Bo ki máh cũai tanoang o bũn õt tâng ntốq Mpoaq alóí tâng paloõng sớt. Alóí cõt samoât riang moat mandang claq tâng ntốq ki. Aléq bũn cutũr yoc ẽ tamúng, ki tamúng.”

Yê-su Sacâm Mun Moat Noau Túp Tâng Sarái

44 “Yiang Sursĩ táq sớt la samoât noau túp cớng moat lứq tâng sarái. Toâq cũai canõh ramóh cớng ki, án cuból yõn clõp loah, cốp án ỡn lứq. Chơ án chu chềq nheq máh mun tâng đống án, chơ án pỡq chõng tâm sarái ki.”

Yê-su Sacâm Tẽ Hõt Tiaq

45 “Yiang Sursĩ táq sớt la samoât riang manoaq chuaq yoc ẽ chõng hõt tiaq o lứq. 46 Toâq án ramóh muoi ốc hõt o hỡn tẽ canõh, chơ án pỡq chềq chíq nheq máh mun án. Moâm ki án pỡq chõng ốc hõt tiaq ki.”

Yê-su Sacâm Tẽ Alieiq Táq Sĩaq

47 “Cốp cứq sacâm neq: Yiang Sursĩ táq sớt la samoât riang alieiq sĩaq noau yoang tâng đỡq. Án cốp dũ ramứh sĩaq. 48 Tũ sĩaq chuat pôn alieiq, máh cũai chuaq sĩaq ti alieiq achõn tâng tor. Chơ

alóí tacu pác sĩaq. Sĩaq o, alóí chóq tâng adũ. Sĩaq sĩaq, alóí táh. 49 Toâq tangái Yiang Sursĩ rablớh nheq từh cũai, án táq machớng ki tẽ. Án ỡn máh ranẽng án pỡq pác cũai. Alóí ẽ parõm máh cũai, cốp cayoah cũai sĩaq tẽ cũai tanoang o. 50 Chơ alóí ẽ apõng chíq máh cũai sĩaq tâng põng sarloac. Tâng ntốq ki alóí chũuq tõi q bap lứq. Alóí nhiam u-õĩ cốp carũot canẽng tabang cõ sâng túh arúc lứq.”

51 Moâm ki Yê-su blớh tốp rien tẽ án neq: “Máh ramứh nãi, anhia sapúh nheq ma tỡ bũn?”

Alóí ta-õĩ án neq: “Oq. Hếq sapúh chơ.”

52 Yê-su atõng ẽn neq: “Yuaq ngkíq, dũ náq cũai yõng rit tốp I-sarel ca khoiq rien tẽ ngê Yiang Sursĩ táq sớt, tẽq atõng tẽ ngê tiaq cốp ngê tamái yõn cũai canõh dáng. Nãi la samoât riang cũai ncháu đống aloõh mun án tẽ cớng tiaq cốp cớng tamái.”

Yê-su Chu Pỡ Vil Na-sarêt (Mac 6:1-6; Luca 4:16-30)

53 Toâq Yê-su atõng moâm parnai sacâm ki, án loõh tẽ ntốq ki. 54 Án chu loah pỡ vil án, la vil Na-sarêt. Ồt ngki án tabỏq atõng tâng đống sang tốp I-sarel. Alóí ca tamúng santoiq án atõng ki sâng dớt lứq. Chơ alóí blớh neq: “Tẽ léq án bũn ngê rangoaiq nãi? Cốp yuaq

nỏq án têq táq ranáq salêh ki? ⁵⁵ Lứq ma tở bữn, án nâi la con cūai Chiang táq pian? Lứq ma tở bữn, Mari la mpiq án, cớq Yacõ, Yô-sê,* Si-môn, cớq Yude la a-ẽm án? ⁵⁶ Cớq lứq ma tở bữn, máh amuaq án ốt muoi vil cớq hái? Ma tẽ léq án bữn máh ngê ki?"

⁵⁷ Chơ alói mumat Yê-su; alói sâng ũan lứq án atõng ngkíq. Yê-su atõng alói ẽn neq: "Khân bữn manoaq cūai tang bỗq Yiang Sursĩ pỡq atõng tâng vil canõh, cūai tâng vil ki lứq yám noap án. Ma khân án atõng tâng vil án bữm, cớq tâng đõng án bữm, alói ki tở bữn yám noap án."

⁵⁸ Ngkíq Yê-su tở bữn táq sa-ũi ranáq salêh tâng vil ki, cõ alói tở bữn sa-âm.

14

*Noau Cachĩt Chĩq Yang,
Án Ca Táq Batẽm*

(Mac 6:14-29; Luca 9:7-9)

¹ Bo ki puo Hê-rôt sâng parnai noau atõng tẽ Yê-su.

² Án atõng cūai ranẽng án neq: "Lứq án nâi la Yang ca đốq táq batẽm. Án yuor tamoong loah tẽ ping. Ngkíq yuaq án bữn chóc têq táq ranáq salêh."

³ Hê-rôt pai ngkíq yuaq tẽ nhũang án khiq ớn tahan cõp cớq chỏq Yang, chơ chỏq tâng cuaq. Hê-rôt táq ngkíq cõ tian Hê-rô-dia, lacuoi án.

Dâu lứq Hê-rô-dia la lacuoi Phi-lip, a-ẽm Hê-rôt. ⁴ Yang khiq atõng puo Hê-rôt neq: "Yiang Sursĩ tở ẽq mới ỉt lacuoi a-ẽm mới!"

⁵ Ngkíq Hê-rôt ẽ cachĩt Yang, ma án ngcõh cūai proai, yuaq alói pai Yang la cūai tang bỗq Yiang Sursĩ.

⁶ Ma toâq muoi tangái Hê-rôt táq pêl bũi sanhữ tangái mpiq canõt án; chơ con cumũr Hê-rô-dia, toâq puan sarai yáng moat máh cūai tamoi ki. Cớq Hê-rôt sâng bũi lứq. ⁷ Án ữq cớq án thể dũan chỏq mansẽm ki neq: "Ntróu mới sêq, cứq lứq yõn aki."

⁸ Ngkíq mansẽm ki sêq ar-iang mpiq án khiq ớn neq: "Cứq sêq plỡ Yang, án ca đốq táq batẽm. Sêq mới chỏq plỡ án tâng padien sanua toâp!"

⁹ Puo sâng ngua lứq. Ma cõ án khiq thể dũan yáng moat máh tamoi, ngkíq án ớn noau táq ariang mansẽm ki sêq. ¹⁰ Án yõn noau mut cõh tacong Yang tâng cuaq. ¹¹ Noau chỏq plỡ Yang tâng padien cớq dũng asuoi yõn mansẽm ki. Chơ mansẽm ki chiau yõn mpiq án. ¹² Moâm ki tởp rien tẽ Yang toâq ỉt tữp tở Yang, cớq alói pỡq atõng Yê-su tẽ ranáq nâi.

*Yê-su Siem Cūai Sõng
Ngìn Náq*

(Mac 6:30-44; Luca 9:10-17; Yang 6:1-14)

* 13:55 13:55 Yô-sê nâi noau đốq Yô-sep hữ.

13 Tữ Yê-su sâng tễ ranáq ki, án loõh tễ nốq án õt. Án chõn tâng tuoc cớp pớq chu nốq tở bữn noau õt, yoc ẽ õt manoaq án sâng. Ma clúng cũi sâng noau pai án pớq; ngkiq alói loõh tễ vil, cớp pớq ayững puai Yê-su.

14 Tữ Yê-su sêng tễ tuoc, án hữm cũi clúng ki. Án sâng saruiq táq chóq alói, chơ án táq bán máh ốc a-ĩ alói.

15 Cheq moat mandang tahõr, tốp rien tễ Yê-su toâq pớ án, pai neq: “Nốq nâi yong tễ cũi õt, cớp moat mandang khoiq cheq sadâu chơ. Sêq thâi ớn máh cũi clúng nâi chu tễ nâi mut tâng vil mpễn nâi yõn alói chõng bữm crong sana cha.”

16 Yê-su ta-õi alói neq: “Alói tở bữn cớq chu tễ nâi. Anhia toâp yõn alói bữn crong sana cha.”

17 Ma alói atõng Yê-su neq: “Hêq tở bữn ntróu ẽ yõn alói cha. Bữn ớng sỡng lám bẽng cớp bar lám sĩaq sâng.”

18 Yê-su ớn alói neq: “Dững bẽng cớp sĩaq pớ cớq.”

19 Yê-su ớn máh cũi clúng ki tacu tâng cutêq. Chơ án ỉt sỡng lám bẽng cớp bar lám sĩaq. Án tapoang achõn chu paloõng cớp sa-õn Yiang Sursĩ yõn bữn crong sana cha nâi. Moâm ki án pỉh bẽng ki. Chơ án chiau yõn tốp rien tễ án tampêq yõn máh cũi ki cha. 20 Nheq tữh cũi cha pasâi dũ náq.

Moâm alói cha, tốp rien tễ Yê-su parõm loah máh ngcáh bữn muoi chít la bar cruo. 21 Nheq tữh cũi ca cha ki, sám sỡng ngin náq, noap ớng cũi carsai sami-ang, ma tở bữn noap cũi mansẽm cớp carnẽn.

Yê-su Tayáh Tâng Cloong Dỡq Clóng

(Mac 6:45-52; Yang 6:16-21)

22 Moâm ki Yê-su ớn tốp rien tễ án chõn tâng tuoc cớp pớq nhũang án pớ yáng tooh dỡq ki. Chơ án ớn máh cũi clúng ki chu pớ vil alói. 23 Vót cũi clúng ki chu nheq, Yê-su chõn tâng cóh manoaq án ẽ câu ngki. Toâq sadâu chơ, Yê-su õt manoaq án tâng cóh ki. 24 Ma tốp rien tễ Yê-su õt tâng tuoc mpững dĩ clóng. Bữn dỡq lampóh clúh tuoc alói hập lứq, yuaq cuyal õt ploaq níc tuoc alói.

25 Cheq paloõng rừm-rừm Yê-su toâq pớ alói. Án tayáh tâng cloong clóng dỡq. 26 Tữ tốp rien tễ Yê-su hữm án tayáh pớq tâng cloong clóng dỡq, alói sâng ngcõh lứq, cớp alói pai neq: “Nâi la yiang cumuiq, oiq!”

Ngkiq alói hẽr casang lứq cõ alói sâng ngcõh.

27 Bơ ki toâp Yê-su atõng alói neq: “Yõn mút anhia õt ien khẽ. Nâi la tở cớq. Anhia chõi ngcõh ntróu.”

28 Chơ Phi-er pai neq: “Ncháu ơi! Khân lứq Ncháu, cớq sêq Ncháu yõn cớq pớq

ayững tâng cloong dờq toâq pữ Ncháu.”

²⁹ Yê-su ta-õi án neq: “Toâq pữ nâi!”

Chơ Phi-er sêng tễ tuoc. Án tayáh tâng cloong dờq ễ toâq pữ Yê-su.

³⁰ Ma bo Phi-er sâng cuyal phát tâng tở án, án sâng ngcõh lứq. Chơ toâq án ễ cloâm asêng tâng dờq, án arô casang lứq neq: “Ncháu ơi! Chuai tồh!”

³¹ Bo ki toâp Yê-su satoâp atĩ Phi-er, cớp âc achõn án tễ dờq. Cớp Yê-su atõng án neq: “Mới sa-âm bĩq lứq! Nổq mới tở bữn sa-âm samoât samoi?”

³² Chơ Yê-su cớp Phi-er chõn tâng tuoc, cớp cuyal tở bữn phát noâng. ³³ Tởp rien tễ Yê-su ca õt tâng tuoc ki, alói cucõh sang Yê-su, cớp pai neq: “Lứq samoât Ncháu la Con Yiang Sursĩ!”

Yê-su Chuai Cũai A-ĩ Tâng Cruang Canê-saret
(Mac 6:53-56)

³⁴ Vớt alói clong clóng dờq, alói toâq pữ cruang Canê-saret. ³⁵ Cũai tâng cruang ki saccoal Yê-su. Ngkíq alói atõng yõn noau dững máh cũai a-ĩ tâng cruang ki toâq pữ Yê-su. ³⁶ Cớp alói sễq tễ Yê-su yõn máh cũai a-ĩ têng satoaq chểu au tuar án. Cũai aléq ma satoaq, ngkíq tở cũai ki cõt bán.

15

Yê-su Atõng Tễ Rit Achúc Achiac
(Mac 7:1-13)

¹ Ntun ki bữn máh cũai tễ tởp Pha-rasi cớp tễ tởp yõng rit, alói toâq pữ Yê-su tễ vil Yaru-salem, cớp alói blóh Yê-su neq: ² “Nổq tởp rien tễ thâi tở bữn puai phễp rit achúc achiac hái? Nổq nhũang alói chi-cha ma alói tở bữn ariau atĩ puai phễp rit ki?”

³ Yê-su ta-õi alói neq: “Nổq anhia táh chíq ốc Yiang Sursĩ patâp, ma anhia puai rit anhia bữm ễn? ⁴ Lứq Yiang Sursĩ khoiq patâp neq: ‘Cớq anhia yám noap mpiq mpoaq anhia.*

Cớp cũai aléq ma lóc acrieiq mpiq mpoaq, cũai ki cóq chũuq cuchĩt.’*
⁵ Yiang Sursĩ atõng ngkíq, ma anhia atõng neq: ‘Têq noau pai chók mpiq mpoaq neq: “Máh ramứh cứq têng chuai anhia, ki cứq khoiq ữq sang yõn Yiang Sursĩ chơ.”

⁶ Khân ngkíq, tở chuai mpiq mpoaq la thối.’ Ma cũai ki lứq tở bữn yám noap mpiq mpoaq án. Ngkíq anhia patõng níc tễ rit cũai, ma anhia táh chíq máh ốc Yiang Sursĩ patâp. ⁷ Anhia la cũai táq nan sâng! Lứq pĩeiq máh santoiq Ê-sai pai tễ an-

hia neq: ⁸ ‘Máh cũai nâi khễn cứq óng bỗq sâng,

* 15:4 15:4 Loõh Tễ Ê-yip-tô 20:12; Patâp Loah 5:16 * 15:4 15:4 Loõh Tễ Ê-yip-tô 21:17; Lê-vi 20:9

ma mút pahõm alói õt
yong tẽ cứq.

⁹ Alói sang cứq ma alói sang
tõ cõt ốc.

Alói atõng rit cốp phễp
rit cũai chõng aloõh
sâng.' "☆

*Ntróu Táq Yõn Cũai Cõt
Sâuq?*

(Mac 7:14-23)

¹⁰ Moâm ki Yê-su arô cũai
cứng toâq pở án. An atõng
alói neq: "Anhia tamúng
yõn samoât! ¹¹ Nheq từh
cơng sana cũai chóq tâng
bõq tõ bữn táq yõn cũai
cõt sâuq. Ma ngê ca bữn
tâng mút, bõq lứq pai aloõh,
chơ ngê ki táq yõn cũai cõt
sâuq."

¹² Moâm ki tốp rien tẽ Yê-
su toâq atõng án neq: "Thâi
dáng ma tõ bữn, tốp Pha-
rasi sâng ùan lứq tẽ máh
santoiq thâi pai adóh ki?"

¹³ Yê-su ta-õi alói toâq par-
nai sacâm neq: "Khân nỡm
aluang aléq ma Mpoaq cứq
tâng paloõng tõ bữn chóh,
nữ-ra Yiang Sursĩ rợq chíq
nỡm aluang ki. ¹⁴ Ngkíq,
anhia chõ chanchóm ntróu
tẽ alói. Alói la samoât ri-
ang cũai sũt moat ma yoc
ẽ ayông cũai sũt canõh.
Ngkíq alói sapúl parnoi tâng
prúng."

¹⁵ Chơ Phi-er sễq tẽ Yê-su
neq: "Sễq thâi atõng raloaih
tẽ ốc sacâm ki."

¹⁶ Yê-su blóh alói neq:
"Nốq anhia la tõ bữn sapúh
riang cũai canõh tê tỡ?"

¹⁷ Anhia tỡ yũah sapúh sĩa?
Crong sana mut tâng bõq,
lũn chu púng, chơ loõh na
parnõq. ¹⁸ Ma ngê cốp
santoiq ntróu loõh tẽ bõq,
máh ngê ki loõh tẽ mút
pahõm. Ngê ki táq yõn cũai
cõt sâuq. ¹⁹ Máh ốc sâuq ca
chõng loõh tẽ mút cũai la
neq: chanchóm ranáq sâuq,
cachĩt cũai, cooc lacuoi tỡ
la cayac noau, tỡ bữn lacuoi
cayac ma bẻq parnoi, tu-
tuoiq, thũ cũai, cốp lốc
acrieiq. ²⁰ Nheq ramúh nâi
táq yõn cũai cõt lôih. Ma
khân cũai cha sana ma án tỡ
bữn ariau atĩ, ốc ki tõ bữn
lôih ntróu."

*Manoaq Mansẽm Tẽ Cru-
ang Cana-an Sa-âm Samoât
Samoi*

(Mac 7:24-30)

²¹ Vót ki Yê-su loõh tẽ ntốq
ki, mut tâng cruang mpễr vil
Ti-rơ cốp vil Sadôn. ²² Bữn
mansẽm tẽ tốp Cana-an ca õt
tâng cruang ki toâq pở Yê-
su, cốp pai casang lứq neq:
"Ncháu ơi! Ncháu tẽ tống
toiq puo Davĩt! Sễq Ncháu
sarũiq táq cứq núng. Con
mansẽm cứq bữn a-ĩ hập
lứq, bữn yiang sâuq payõh
níc án."

²³ Ma Yê-su tỡ bữn ta-õi
án ntróu. Tốp rien tẽ Yê-su
toâq pở Yê-su cốp pai neq:
"Sễq thâi ớn mansẽm nâi
chu, yuaq án puai níc hái,
rasẻq rasuong sa-ĩr lứq."

²⁴ Yê-su ta-õi neq: "Yiang
Sursĩ ớn cứq toâq ớng pở tốp

I-sarel sâng. Alói la samoât riang charán cũu clốc rana.”

25 Moâm Yê-su pai ngkiq, mansêm ki toâq pở Yê-su cốp pai neq: “Cucốh Ncháu cứq ơi! Sếq Ncháu chuai cứq nứng!”

26 Ma Yê-su ta-ỡi neq: “Tở p̄ieiq ỉt crong sana carnễn; chơ tôi chíq yỗn acho cha.”

27 Mansêm ki ta-ỡi Yê-su, pai neq: “Lứq p̄ieiq Ncháu pai. Ma acho tềq cha rabéq rayâl ca sarũoi pữn cachơng cha.”

28 Chơ Yê-su ta-ỡi mansêm ki: “Mới la mansêm sa-âm sạmoât samoi. Ramứh mới sếq, lứq cứq yỗn mới bữn.”

Bo Yê-su pai ngkiq, con mansêm ki cõt bán toâp.

Yê-su Táq Bán Clứng Cũai A-ỉ

29 Yê-su loỏh tể ntốq ki, pởq cheq clóng Cali-lê ễn. Chơ án chỏn tacu tâng dũal.

30 Clứng cũai toâq pở án. Alói dứng pở Yê-su máh cũai bữn sa-ữi ramứh a-ỉ neq: Cũai yỗt, cũai sũt moat, cũai ngong, cũai ralỉh, cốp clứng cũai a-ỉ canỏh hỡ. Alói đờq máh cũai a-ỉ ki cheq ayũng Yê-su. Chơ Yê-su táq bán nheq máh cũai a-ỉ ki.

31 Máh cũai ki sâng dớt lứq toâq alói hữm cũai ngong ma tềq táq ntống, cũai ralỉh ma cõt o loah, cũai yỗt ma tềq pupởq, cũai sũt ma cõt poang. Alói khễn Yiang Sursĩ, la Yiang tốp I-sarel sang.

Yê-su Siem Pỗn Ngìn Náq (Mac 8:1-10)

32 Yê-su arô tốp rien tể án toâq pở án, cốp pai neq: “Cứq sâng sarũiq táq lứq chóq máh cũai clứng nâi, cỗ alói ỡt cốp cứq nheq pái tangái chơ, cốp alói ốq crong sana cha. Cứq tở ểq yỗn alói chu púng miat sâng, cỗh lơ alói dỏm veq tâng rana.”

33 Tốp rien tể Yê-su blớh án neq: “Nốq hái ể táq yỗn bữn crong sana siem cũai clứng nâi, yuaq ntốq nâi yơng lứq tể cũai ỡt?”

34 Yê-su blớh loah alói neq: “Sếq lám bễng anhia bữn?”

Alói ta-ỡi neq: “Hếq bữn tapul lám bễng cốp bar pái lám sĩaq sâng.”

35 Yê-su ớn cũai clứng ki tacu tâng cutểq. 36 Chơ án ỉt tapul lám bễng cốp bar pái lám sĩaq ki. Án sa-ỡn Yiang Sursĩ yỗn bữn crong cha nâi. Moâm ki án pỉh bễng cốp sĩaq avơi yỗn tốp rien tể án; chơ alói tampểq yỗn cũai clứng ki cha. 37 Nheq tữh cũai ki cha pasai nheq. Chơ tốp rien tể Yê-su parỏm loah sana clũi alói cha, bữn poân tapul crơ. 38 Nheq tữh cũai ca cha ki, sám pỗn ngìn náq, noap ống cũai carsai samiang, tở bữn noap cũai mansêm cốp carnễn. 39 Moâm ki Yê-su ớn cũai clứng ki chu. Chơ án chỏn tâng tuoc pởq chu cruang Ma-cadan ễn.

16

Tốp I-sarel Sêq Yê-su Táq Ranáq Salêh

(*Mac 8:11-13; Luca 12:54-56*)

¹ Bữn máh cũai tễ tốp Pha-rasi cốp tốp Sa-dusê toâq pữ Yê-su. Alói yoc ẽ chim án. Ngkíq alói sêq muoi tếc tễ Yê-su, án lứq bữn chóc tễ Yiang Sursĩ, ma tở bữn. ² Ma Yê-su ta-õi alói neq: “Bo moat mandang cheq ẽ pát, khân bữn sarõng cusâu, anhia pai: ‘Parnõ lứq phũac.’ ³ Cốp toâq tarựp paloõng mbõiq poang rừm-rừm, khân anhia hữm sarõng cusâu sĩa, anhia pai neq: ‘Tangái nãi lứq mia choân.’ Ngkíq anhia dáng tếc tễ ramúl, mia tở la phũac, ma anhia tở bữn dáng ntrớu tếc Yiang Sursĩ yõn anhia dáng tễ ngê án tâng dõi nãi. ⁴ Cũai tâng dõi nãi loái lứq, cốp alói tở ẽq trĩh Yiang Sursĩ. Alói sêq tễ cừq muoi tếc salêh, ma cừq tở bữn táq yõn. Alói bữn chơ tếc salêh tễ Yô-na, la cũai tang bõq Yiang Sursĩ tễ mbõq.”

Chơ Yê-su loõh tễ alói, cốp pữq chu canõh ẽn.

Yê-su Atõng Tễ Ranáq Tốp Pha-rasi Cốp Tốp Sa-dusê Táq

(*Mac 8:14-21*)

⁵ Toâq tốp rien tễ Yê-su yang yáng tooh dõq clóng, alói khlĩr dững bẽng. ⁶ Chơ Yê-su atõng alói neq: “Anhia

õt yõn khêuq. Cóp anhia õt yong tễ crong táq yõn bẽng mi cõt pluoih tễ tốp Pha-rasi cốp tốp Sa-dusê.”

⁷ Alói ki sarhõng táq ntõng loah parnai Yê-su pai. Cốp alói manoaq atõng manoaq neq: “Án atõng ngkíq, yuaq hái tở bữn dững bẽng.”

⁸ Tở Yê-su sâng alói pai ngkíq, án atõng ẽn alói neq: “Dót oiq, anhia tở bữn sa-âm samoât samõi! Nõq anhia sarhõng tễ ốq bẽng cha? ⁹ Nõq anhia tở yũah sapúh? Anhia sanhữ ma tở bữn tễ sỡng lám bẽng cừq khoiq siem yõn sỡng ngin náq cũai cha? Bo ki anhia parõm loah bữn sêq cruo clũi tễ cũai ki cha? ¹⁰ Cốp anhia sanhữ ma tở bữn tễ tapul lám bẽng cừq siem yõn põn ngin náq cũai cha? Bo ki anhia parõm loah bữn sêq cruo clũi tễ cũai ki cha? ¹¹ Toâq cừq atõng anhia tễ crong táq yõn bẽng mi cõt pluoih tễ tốp Pha-rasi cốp tốp Sa-dusê, nõq anhia tở bữn dáng ốc ki la parnai sacâm sâng?”

¹² Moâm Yê-su pai ngkíq, tốp rien tễ án dáng Yê-su tở bữn lứq atõng tễ crong táq yõn bẽng mi cõt pluoih. Ma án atõng tễ ngê tốp Pha-rasi cốp tốp Sa-dusê atõng.

Phi-er Ngin Yê-su

(*Mac 8:27-30; Luca 9:18-21*)

13 Toàq Yê-su mut tâng cruang cheq vil Sê-sarê Philip, án blóh tốp rien tể án neq: “Máh cũai pai cứq Con Yiang Cốt Cũai la noau?”

14 Alóí ta-ôi neq: “Bữn cũai pai thâi la Yang ca đốq táq batểm. Bữn cũai pai thâi la Ê-li. Cóp bữn cũai canỏh ẻn pai thâi la Yê-ramia, tở la manoaq tang bỗq Yiang Sursĩ.”

15 Yê-su blóh loah alóí neq: “Ma anhia ẻn pai cứq la noau?”

16 Chơ Si-môn Phi-er ta-ôi Yê-su neq: “Thâi la Crít, án ca Yiang Sursĩ rườh đốq chuai amoong cũai. Thâi la Con Yiang Sursĩ, án ca tamoaq mantái.”

17 Chơ Yê-su atởng loah Phi-er neq: “Bổn lứq mới, Si-môn con Yô-na! Ốc nâi tở bữn tể cũai atởng, ma ốc nâi Mpoaq cứq tâng paloỏng yỏn mới dáng.

18 Cứq atởng mới, mới la samoât riang tamáu, ngkíq mới bữn ramứh Phi-er ẻn.* Cóp cỗ nhơ ốc mới ngin ki, cứq yỏn sa-ủi náq cũai mut tâng tốp sa-âm cứq. Chóc tể yiang sâuq tở têq riap ntróu tốp ki. 19 Cứq yỏn mới bữn chóc tâng tốp Yiang Sursĩ sỏt.† Ngkíq ramứh ntróu mới pruam, lứq Yiang Sursĩ pruam ramứh ki tể. Cóp ramứh ntróu mới tở bữn pruam, Yiang Sursĩ tở bữn pruam ramứh ki tể.”

20 Moâm Yê-su pai ngkíq, án patâp tốp rien tể án chỏi yỏn noau canỏh dáng án la Crít, án ca Yiang Sursĩ rườh đốq chuai amoong cũai.

Yê-su Atởng Tể Án Chũuq Túh Coat Cóp Cuchít
(Mac 8:31-9:1; Luca 9:22-27)

21 Vớt tể ki Yê-su tabỗq atởng raloaih lứq yỏn tốp rien tể án dáng. Án pai neq: “Cứq cóq pỗq chu vil Yaru-salem. Ớt ntốq ki cứq cóq chũuq sa-ủi ramứh túh coat. Máh cũai sỏt nheq sâu, máh cũai sỏt tốp tểng rit sang Yiang Sursĩ, cóp máh cũai yỏng rit, alóí ẻ táq cứq. Chơ alóí cachít chíq cứq, ma catâm tangái pái cứq yuor tamoaq loah.”

22 Moâm ki Phi-er dửng Yê-su loỏh cóp án. Chơ án sươq Yê-su neq: “Ncháu cứq ơi! Cứq sẻq Yiang Sursĩ chuai yỏn máh ốc nâi chỏi yỏn toàq pở Ncháu!”

23 Yê-su pít mieiq cóp atởng chỏq Phi-er neq: “Ớ yiang Satan, mới ớ coah clĩ cứq! Mới ẻ catáng cứq, tở yỏn táq moâm ranáq cứq! Mới tở bữn chanchỏm tể ranáq Yiang Sursĩ! Ma mới chanchỏm tể ngê cũai sâng!”

24 Moâm ki Yê-su atởng tốp rien tể án neq: “Khân bữn cũai aléq yoc ẻ puai cứq, cóq án táh chíq ngê

* 16:18 16:18 Tâng parnai Créc, ramứh Phi-er parlong loah la ‘tamáu’.

† 16:19 16:19 Tâng parnai Créc rana nâi pai: ‘Cứq yỏn mới bữn con cachũo.’

án bữm. Cóg án ít dõl alu-
ang sangcáng án bữm, cóp
cóg án puai cứq. ²⁵ Cũai
aléq ma paséq rangúh án
bữm, cũai ki lứq pút rangúh
án. Ma cũai aléq ma chiuq
pút rangúh án cõ tian án
puai ngê cứq, rangúh cũai
ki lứq tở nai pút. ²⁶ Khân
cũai aléq ma bữn túc palẽc
cơng cróu tâng dõl nãi,
ma án táh chíq rangúh án
bữm, ntróu la kia yõn án?
Cóp acán ntróu cũai tẽq
raléq loah yõn rangúh án?
²⁷ Nỡ-ra Con Yiang Cõt Cũai
lứq toáq loah parnõi cóp
ranẽng Yiang Sursĩ, cóp án
bữn chóc ang-ữr tẽ Mpoaq
án tâng paloõng. Bo ki án
yõn nheq tữh cũai bữn cóg
puai loah máh ranáq alóí
khoi q táq. ²⁸ Cứq atõng
anhia samoát lứq, bữn cũai
tayúng ntốq nãi sanua, alóí
tở yũah cuchĩt toau toáq alóí
bữn hữm Con Yiang Cõt Cũai
táq sớt.”

17

*Roáp Yê-su Cõt Mpha Ĕn
(Mac 9:2-13; Luca 9:28-36)*

¹ Vót tapoát tangái ĩn Yê-
su dũng Phi-er, cóp alóí
bar náq sẽm ai Yacõ cóp
Yang, chõn nũng án tâng
cóh sarõih. Ống alóí põn
náq toáp õt ngki. ² Ngkíq Yê-
su samblót cõt roáp mpha
ĩn yáng moat alóí pái náq
ki. Mieiq án cla q samoát
riang moat mandang. Cóp
tampác án cõt cloc sarbal

moat. ³ Cóp alóí pái náq
ki hữm Mõi-se cóp Ê-li táq
ntõng cóp Yê-su. ⁴ Chơ Phi-
er atõng Yê-su neq: “Ncháu
ơi! Háí õt nãi la o lứq. Khân
Ncháu ĩ bữn, ki hếq ĩ táq
pái lám nloâh, muoi lám yõn
Ncháu, muoi lám yõn Mõi-
se, cóp muoi lám ĩn yõn Ê-
li.”

⁵ Bo Phi-er noâng pai,
bữn ramú l cloc sẽng clũom
catáng alóí. Cóp bữn sương
sabau atõng tẽ ramú l ki neq:
“Nãi la Con cứq, án ca cứq
ayooq lứq. Ntróu án táq,
lứq cứq bũi nheq. Ntróu
án atõng anhia, cóg anhia
tamúng cóp trĩh án.”

⁶ Tữ alóí pái náq tốp rien
tẽ Yê-su sâng sương ki, alóí
pũp muoi tatứp tâng cutếq.

⁷ Yê-su toáq satoaq alóí ki,
cóp án pai neq: “Anhia yuor
tayúng! Chõi ngcõh ntróu!”

⁸ Ngkíq alóí tapoang
achõn, hữm ống manoaq Yê-
su sâng.

⁹ Bo alóí ki sãng tẽ cóh, Yê-
su patáp alóí pái náq ki neq:
“Anhia chõi atõng yõn noau
canõh dáng máh ramú h an-
hia khoi q hữm toau toáq
tangái cứq, la Con Yiang Cõt
Cũai, cuchĩt, chơ tamoong
loah tẽ ping.”

¹⁰ Chơ tốp rien tẽ Yê-su
blóh án neq: “Nốq cũai yõng
rit pai Ê-li cóq toáq nhũang
Crĩt?”

¹¹ Yê-su ta-õĩ loah alóí ki
neq: “Lứq Ê-li toáq nhũang,
dõq atúc dũ ramú h yõn
tamái loah. ¹² Ma cứq atõng

anhia, lúq Ê-li khoiq toâq chơ, cốp cũai tở bữn dáng tở la sacoal án. Ma ranáq ntróu noau yoc ẽ táq chók án, ki lúq alóí khoiq táq chơ. Nỡ pra alóí ẽ táq machóng ki tê chók cúq, Con Yiang Cốt Cũai.”

¹³ Moâm ki, alóí tốp rien tẽ Yê-su dáng Yê-su pai Ê-li la sacâm tẽ Yang ca táq batẽm.

Yiang Sâuq Payõh Con Samiang

(Mac 9:14-29; Luca 9:37-43a)

¹⁴ Bo alóí ki chu loah pở cũai chừng, ki bữn manoaq samiang toâq pở Yê-su. Án sacóh racól, cốp án pai neq: ¹⁵ “Ncháu ơi! Cúq sêq Ncháu sarũiq táq con samiang cúq, yuaq con cúq bữn a-ĩ yúh casong. Toâq án múh án dóm tâng ùih tở la tâng đờq. ¹⁶ Cúq khoiq đừng án pở tốp rien tẽ Ncháu chơ, ma alóí ki tở tềq táq bán.”

¹⁷ Ngkíq Yê-su ta-õi neq: “Anhia cũai ơi! Máh anhia ca ớt tâng đời nãi, lúq anhia tở bữn sa-âm, cốp anhia loai lúq. Noâng máh léq dũn cúq ớt cốp anhia? Cốp noâng dũn máh léq, cúq cóq chũuq tanhĩr anhia tở bữn sa-âm cúq? Đừng asuoi con ki toâq pở cúq!”

¹⁸ Chơ Yê-su sươq yiang sâuq yõn án loõh chíq tẽ tở con ki. Tữ yiang sâuq loõh tẽ tở con ki, con ki cõt bán.

¹⁹ Vót tẽ ki, Yê-su ớt parnoi cốp ống tốp rien tẽ án. Alóí

blóh Yê-su neq: “Nốq hếq ma tở riap tuih aloõh yiang sâuq ki?”

²⁰ Yê-su ta-õi alóí neq: “Ốc ki la cõ anhia tở bữn lúq sa-âm. Cúq atõng anhia samoat lúq, khân anhia lúq sa-âm, lúq pai ốc sa-âm anhia toâr máh muoi ốc cuplốq lavúng sâng, ki tềq anhia ớn cóh nãi neq: ‘Cúq ớn mới pởq tẽ nốq nãi pởq ớt chu nốq canõh ki ẽn!’ Khân anhia ma bữn ốc sa-âm ngkíq, lúq cóh ki pởq. Khân anhia ma sa-âm samoat samoi, ki ranáq ntróu anhia yoc ẽ táq, lúq cõt ranáq ki. ²¹ Cũai aléq yoc riap tuih aloõh yiang sâuq máh nãi, cóq cũai ki câu samoat samoi cốp ớt cha sana cõ yoc ẽ chanchóm tẽ ngê Yiang Sursĩ.”*

Yê-su Atõng Sĩa Tẽ Án Chũuq Cuchĩt

(Mac 9:30-32; Luca 9:43b-45)

²² Bo nheq tốp rien tẽ Yê-su rôm tâng cruang Cali-lê, Yê-su atõng alóí neq: “Cheq chơ noau chiau cúq, Con Yiang Cốt Cũai, pở aĩ cũai sốt. ²³ Lúq alóí cachĩt cúq, ma catâm tangái pái cúq yuor tamoong loah.”

Ngkíq tốp rien tẽ án sâng ngua lúq.

Yê-su Yõn Práq Thẽq

²⁴ Bo Yê-su cốp tốp rien tẽ án toâq pở vil Cabê-na-um, ki cũai tốp Dõng Sang Toâr chát máh cũai I-sarel cóq

* 17:21 17:21 Sa-ũi tâm saráq tẽ mbóq tở bữn bữn rana 21 nãi.

yỗn práq chuai tâng Dống Sang. Alói toâq pở Phi-er cốp alói blóh án neq: “Thâi mới yỗn práq pở đống sang tê, ma tở bữn?”

²⁵ Phi-er ta-ôi neq: “Lứq án yỗn tê.”

Từ Phi-er mut tâng đống, Yê-su blóh toâp án neq: “Si-môn ơi! Ntróu mới chanchóm, máh puo tâng đỏi nâi parôm ít práq tê noau? Alói ít práq tê cruang alói bữm, tở la tê cruang ca alói khoiq chíl riap?”

²⁶ Phi-er ta-ôi Yê-su neq: “Lứq alói ít tê cruang canốh.”

Ngkíq Yê-su pai ẽn: “Khân ngkíq, lứq máh cũai ốt tâng cruang bữm, ki alói tở bữn yỗn práq ntróu.† ²⁷ Ma hái tở ẽq alói ca parôm práq ki sâng ngua cốp hái. Ngkíq mới pởq tabáih sĩaq tâng đởq clóng. Sĩaq tê dâu mới bữn ki, mới cáh bởq. Chơ mới ít muoi ọc práq tê bởq án. Práq ki dũ yỗn hái yỗn práq thêq Dống Sang ki. Chơ mới đừng achu yỗn alói ca parôm práq thêq.”

18

Noau Toâr Clữi Nheq Tê Canốh?

(Mac 9:33-37, 42-48; Luca 9:46-48; 17:1-2)

¹ Bo ki tốp rien tê Yê-su toâq pở án cốp blóh neq: “Tâng tốp Yiang Sursĩ

sốt, noau toâr hờn nheq tê canốh?”

² Yê-su arô manoaq carnễn cốp yỗn án tayứng mpứng dĩ tốp alói. ³ Chơ Yê-su pai neq: “Cứq atởng anhia samoât lứq, khân anhia tở bữn ralêq mút cốp cõt samoât riang carnễn nâi, lứq anhia tở têq mut tâng tốp Yiang Sursĩ sốt. ⁴ Cũai aléq ma asểng tở yỗn cõt samoât riang carnễn nâi, cũai ki cõt toâr clữi nheq tê canốh tâng tốp Yiang Sursĩ sốt. ⁵ Cốp cũai aléq ma roap manoaq carnễn máh nâi cồ án sa-âm cứq, cũai ki roap đêh cứq tê.

⁶ “Cũai aléq ma radừng manoaq carnễn ca khoiq sa-âm cứq, yỗn tở bữn sa-âm noâng cứq, o lứq la noau alễu tamáu toâr tâng tacong án cốp apống án tâng đởq mut, nhữang án ẽ toâq radừng carnễn ki calốih táh cứq. ⁷ Coat lứq yỗn cũai tâng đỏi nâi, yuaq bữn sa-ữi ramứh ẽ radừng alói táq lôih. Máh ramứh ki lứq cõt, ma bap lứq toâq pở cũai ca radừng cũai canốh táq lôih.

⁸ “Ngkíq, khân atĩ tở la ayừng anhia ma radừng anhia táq lôih, cóq anhia cồh voang chíq atĩ tở la ayừng ki. Khaq anhia tamoong cốp bữn mut tâng ntốq Yiang Sursĩ sốt bữn atĩ tở la ayừng talút, saláng bữn dũ bar lám atĩ tở la ayừng ma Yiang Sursĩ voang anhia tâng pống

† **17:26** 17:26 Yê-su sacâm Dống Sang Yiang Sursĩ la samoât riang cruang án bữm.

sarloac. ⁹ Cóp khân ớc moat anhia ma radững anhia táq lôih, cóq anhia culáiq voang táh chíq ớc moat ki. Khaq anhia pút muoi ớc moat ma bữn tamooŋg, saláŋg bữn dũ bar ớc moat ma Yiang Sursĩ voang anhia tâng pốŋg sarloac.”

Yê-su Sacâm Charán Cũu Pút Ma Ramóh Loah
(Luca 15:3-7)

¹⁰ “Anhia nhêng o! Chỗi mumat muoi noaq aléq tễ máh carnêŋ nâi. Yuaq cúq atốŋg anhia neq: Máh ranêŋg Yiang Sursĩ tâng paloốŋg bán kĩaq níc carnêŋ ki. Máh ranêŋg ki ốt níc yáŋg moat Mpoaq cúq tâng paloốŋg. ¹¹ Con Yiang Cốt Cũai toáq pở cutêq nâi, cở ể chuai amooŋg máh cũai c্লóc rana.*

¹² “Nốq anhia chanchóm? Khân bữn manoaq samiang bữn muoi culám cũu, ma khân muoi lám cũu án c্লóc rana, ntróu cũai ki táq? Lứq án đốq takêh chíh takêh lám tâng lểŋg, chơ án chỏn toáp tâng cóh đốq chuaq ravoát muoi lám cũu ca khoiq c্লóc rana ki. Lứq tở? ¹³ Cúq atốŋg anhia samoát lứq, khân án ramóh loah cũu ki, án lứq sâŋg bũ hỏn tễ cũu takêh chíh takêh lám ca tở bữn pút. ¹⁴ Machốŋg ki tễ Mpoaq anhia tâng paloốŋg tở ểq yỏn pút muoi noaq tễ carnêŋ nâi.”

Yê-su Atốŋg Tễ Sễm Ai Ca Táq Lôih

¹⁵ “Khân bữn manoaq sễm ai ma táq lôih chóq mới, cóq mới pốq sươq cóp atốŋg án, ốŋg anhia bar náq sâŋg. Khân án tamửŋg santoiq mới, ki án cốt loah sễm ai mới. ¹⁶ Ma khân án tở bữn tamửŋg santoiq mới, cóq mới đửŋg muoi tở la bar náq ểŋ, chơ pốq loah pở án. Táq ngkíq anhia puai phễp rit Yiang Sursĩ khoiq patáp, đốq yỏn bar pái náq ểŋ atốŋg yỏn dáng raloaih án bữn lôih.* ¹⁷ Ma khân án tở bữn tamửŋg tễ bar pái náq ki, chơ anhia atốŋg yỏn nheq tữh tốp sa-âm dáng tễ. Cóp khân án tở bữn trỉh tốp sa-âm, chơ anhia táq chóq cũai ki ariang án la cũai tở bữn sa-âm, tở la ariang án la cũai parốm práq thễq.

¹⁸ “Cúq atốŋg anhia samoát lứq, ramứh ntróu anhia pruum, lứq Yiang Sursĩ pruum ramứh ki tễ. Cóp ramứh ntróu anhia tở bữn pruum, Yiang Sursĩ tở bữn pruum ramứh ki tễ. ¹⁹ Cóp lứq samoát cúq atốŋg anhia tễ, khân bữn bar náq ốt tâng cốt cutêq nâi, ma pruum muoi mút sễq muoi ramứh ntróu tễ Yiang Sursĩ, Mpoaq cúq tâng paloốŋg lứq yỏn anhia bữn ớc ki. ²⁰ Yuaq toáq bar pái náq ốt rôm parnơi yoc ể puai ngê cúq, cúq lứq ốt parnơi cóp

* **18:11** 18:11 Sa-ữi tâm saráq tễ mbốq tở bữn bữn rana 11 nâi. ✱ **18:16** 18:16 Patáp Loah 19:15

alói.”

Yê-su Atông Tê Cūai Tu Práq

²¹ Moâm ki Phi-er toâq pở Yê-su cớp blóh án neq: “Ncháu ơi! Khân sễm ai cớq táq lòi h chớq cớq, sếq trồ cớq cóq táh lòi h án? Tapul trồ pég tở, Ncháu?”

²² Yê-su ta-ôi loah án neq: “Cớq tở bữn pai óng tapul trồ sâng. Ma cóq anhia táh lòi h án tapul chít trồ tapul.”

²³ “Yiang Sursĩ táq sốt la samoat riang manoaq cūai puo. Puo ki ẽ blóh loah práq tễ cūai tu án. ²⁴ Dâu lứq noau dững pở puo, cūai ca tu án tở dáng sếq triêu práq. ²⁵ Cūai ki tở bữn ntróu ẽ culáh práq puo. Ngkíq puo ón noau dững chềq chíq án, cớp chềq dểh con lacuoi án yỗn cõt sũl cūai canốh. Cớp noau chềq dểh mun án hỡ. Nheq práq kia ki, chớ ỉt culáh práq tu puo. ²⁶ Ma cūai tu ki sacốh racól yáng moat puo, cớp án pai neq: ‘Sếq cucốh puo. Sếq puo chỏi cartál yũah. Hếq sếq sâi sa lua cứt voai, chớ hếq lứq culáh dũ yỗn puo.’ ²⁷ Tữ puo ki sâng cūai ki cuap ngkíq, án sâng sarũiq táq chớq cūai ki. Chớ án táh nheq máh práq cūai ki tu án. Cớp án yỗn cūai ki chu.

²⁸ “Ma tữ cūai ki loốh tễ puo, án ramóh manoaq yớu ca tu án. Yớu ki tu án bĩq práq sâng. Ma án cháp tacong yớu ki, cớp pai neq: ‘Mới culáh toáp práq mới

tu cớq.’ ²⁹ Cūai tu án ap tâng cutếq, cớp sếq cuap án neq: ‘Mới chỏi cartál yũah. Cớq sếq sâi sa lua cứt voai, chớ cớq lứq culáh dũ yỗn mới.’ ³⁰ Ma án tở pruum. Án yỗn noau cớp cūai tu án, dững kháng tâng cuaq toau toâq cūai ki culáh dũ nheq práq án. ³¹ Toâq cūai canốh ca táq ranáq puo, hữm án táq ngkíq, alói sâng ngua lứq. Chớ alói chu atông puo. ³² Ngkíq puo arô loah cūai ki. Án pai chớq cūai ki neq: ‘Mới la cūai sâuq la-ốq. Cớq táh nheq máh práq mới tu cớq cở mới cuap cớq. ³³ Ma nốq mới tở bữn ayooq táq yớu machống cớq ayooq táq mới?’ ³⁴ Puo ki sâng cutâu lứq. Chớ án ón noau chớq cūai ki tâng cuaq tữ toau cūai ki culáh dũ nheq práq puo ki.”

³⁵ Chớ Yê-su atông ễn neq: “Machống ki tề Mpoaq cớq tâng paloống ẽ táq chớq anhia, khân anhia tở bữn táh lòi h yỗn sễm ai anhia tễ mút pahốm anhia.”

19

Yê-su Atông Tê Cūai Táh Lacuoi
(Mac 10:1-12)

¹ Moâm Yê-su atông san-toiq ki, án loốh tễ cruang Cali-lê; chớ mut pở cruang Yudê ễn yáng tooh crống Yôr-dan. ² Ồt ngki bữn chững cūai puai án, cớp Yê-su táq bán nheq ramứh cūai ki bữn a-ĩ.

³ Bữn cũai tễ tốp Pha-rasi toàq pở Yê-su yoc ẽ chim án. Alói blóh án neq: “Puai phễp rit hái, têq cũai samiang táh lacuoi án khân án sâng yoc, ma tở bữn?”

⁴ Yê-su ta-ôi loah alói: “Lứq anhia khoiq doc chớ tâng tâm saráq Yiang Sursĩ án pai neq:

‘Dâu lứq Yiang Sursĩ tểng cũai samiang cớp cũai mansêm.’[☆]

⁵ Cớp Yiang Sursĩ pai ẽn neq: ‘Yuaq ngkíq cũai samiang ẽ yoah tễ mpiq mpoaq, chớ ốt parnoi cớp lacuoi án ẽn.

Ngkíq alói bar náq lacuoi cayac cớt máh muoi noaq sâng.’[☆]

⁶ Alói tở bữn cớt noàng bar náq. Ma alói cớt manoaq sâng. Ngkíq, cở Yiang Sursĩ amóh alói yõn cớt lacuoi cayac, tở têq cũai aléq caryoah yõn cớt ratáh.”

⁷ Cũai Pha-rasi ki blóh Yê-su ẽn neq: “Ma Mói-se khoiq patáp hêq, khân cũai aléq yoc ẽ táh lacuoi, án cóq táq choaiq ratáh yõn cũai canõh dáng. Ngkíq án têq táh lacuoi án.”[☆]

⁸ Ma Yê-su ta-ôi alói neq: “Cở tian anhia bữn mứt pahõm coang lứq, cớp tở ẽq tamứng parnai Yiang Sursĩ, ngkíq yuaq Mói-se patáp anhia têq táh lacuoi. Ma tễ râu Yiang Sursĩ tểng túc culám khám ramứh, án tở bữn yõn táq ngkíq. ⁹ Ngkíq

cứq atõng anhia neq: Cũai aléq táh lacuoi, ma lacuoi án tở bữn bẻq parnoi cớp samiang canõh, ma án ỉt mansêm canõh ẽn, án táq lờih samoat án cooc lacuoi noau tề.”

¹⁰ Tốp rien tễ Yê-su atõng án neq: “Khân lacuoi cayac ma tở têq ratáh, khaq chớ ỉt noàng lacuoi cayac.”

¹¹ Yê-su ta-ôi alói neq: “Máh santoiq cứq atõng anhia nài, tở bữn dũ náq cũai riap ỉt noap santoiq nài. Ông alói ca Yiang Sursĩ chuai sâng riap ỉt santoiq nài. ¹² Bữn cũai tở ẽq ỉt lacuoi yuaq tở alói tở bữn o tễ tangái mpiq alói canõt. Bữn cũai canõh tở ẽq ỉt lacuoi yuaq bữn noau khoiq lát alói. Cớp bữn cũai canõh tở ẽq ỉt lacuoi yuaq alói yoc ẽ táq ranáq Yiang Sursĩ nheq rangứh rahở alói. Cũai aléq rời ỉt noap máh santoiq nài, yõn cũai ki ỉt noap.”

Yê-su Câu Yõn Carnẽn
(Mac 10:13-16; Luca 18:15-17)

¹³ Bữn cũai dừng máh carnẽn toàq pở Yê-su ẽq Yê-su satoaq atĩ tâng carnẽn ki, cớp câu yõn alói. Ma tốp rien tễ Yê-su sươq máh cũai ca dừng carnẽn ki. ¹⁴ Yê-su pai neq: “Anhia yõn carnẽn ki toàq pở cứq. Chớ catáng alói, yuaq tâng tốp Yiang Sursĩ sớt bữn ông cũai

☆ 19:4 19:4 Saráq Tễ Dâu 1:27; 5:2 ☆ 19:5 19:5 Saráq Tễ Dâu 2:24 ☆ 19:7 19:7 Patáp Loah 24:1-4

ca bữn mút pahõm samoat carnẽn.”

¹⁵ Moâm Yê-su satoaq atĩ tâng máh carnẽn ki, chơ án põq tẽ ntõq ki.

Cũai Póng Ca Sốc

(Mac 10:17-31; Luca 18:18-30)

¹⁶ Bữn manoaq samiang toaq pở Yê-su. Án blóh Yê-su neq: “Thâi ơi! Ranáq o ntróu cóq cứq táq dõq tẽq cứq bữn tamoong mantái?”

¹⁷ Yê-su ta-õi án neq: “Nõq mới blóh cứq tẽ ranáq o? Ống Yiang Sursĩ toáp lứq o. Khân mới yoc ẽ bữn tamoong mantái, cóq mới trĩh nheq ốc Yiang Sursĩ patáp.”

¹⁸ Cũai samiang ki blóh loah neq: “Ốc patáp ntróu?”

Yê-su ta-õi án neq: “Chõi cachĩt cũai; chõi cooc lacuoi tở la cayac noau; chõi tu-tuoig; chõi táq ntõng laug; ¹⁹ yám noap mpiq mpoaq;☆ cóp ayoog yóu machóng mới ayoog tở mới bữm.”☆

²⁰ Cũai póng ki ta-õi loah neq: “Dũ ốc patáp ki cứq khoiq trĩh chơ. Ma ốc ntróu ẽn cứq tở yũah táq?”

²¹ Yê-su atõng loah án neq: “Khân mới yoc ẽ táq yõn dũ nheq, ki cóq mới põq chẽq nheq máh mun mới, chơ ỉt práq ki chuai yõn máh cũai cadĩt. Khân mới táq ngkíq, mới lứq bữn mun ngoaih tâng paloõng. Chơ mới toáp puai cứq.”

²² Moâm Yê-su pai ngkíq, cũai póng ki põq tẽ ki cóp án sâng ngua lứq, cõ án la cũai sốc bữn.

²³ Moâm ki Yê-su atõng tốp rien tẽ án neq: “Cứq atõng anhia samoat lứq, coat lứq yõn máh cũai sốc mut tâng tốp Yiang Sursĩ sôt.

²⁴ Cóp cứq atõng anhia ẽn neq: Charán lac-da ma luaiq hõng srúm, khẽ hõn tẽ cũai sốc mut tâng tốp Yiang Sursĩ sôt.”

²⁵ Tữ tốp rien tẽ Yê-su sâng ngkíq, alóí sâng dót lứq cóp alóí blóh neq: “Khân ngkíq, noau tẽq mut tâng tốp Yiang Sursĩ sôt?”

²⁶ Yê-su nhêng chu alóí cóp atõng alóí neq: “Cũai tở tẽq táq bữm ranáq ki, ma Yiang Sursĩ tẽq táq nheq tữh ranáq.”

²⁷ Phi-er ta-õi Yê-su neq: “Hẽq khoiq táh nheq dũ ramứh hẽq bữn, yuaq hẽq puai thâi. Ngkíq nữ-ra hẽq bữn roap cóng ntróu?”

²⁸ Yê-su ta-õi alóí neq: “Cứq atõng anhia samoat lứq, tâng dõr tamái, bo cứq Con Yiang Cõt Cũai tacu tâng ntõq cứq sôt, bo ki muoi chít la bar náq anhia ca puai cứq, lứq bữn tacu tâng ntõq cứq sôt, dõq rasũq muoi chít la bar tốp cũai I-sarel. ²⁹ Cóp khân cũai aléq táh dõng, táh sẽm ai sẽm ời, táh mpiq mpoaq, táh con acái, tở la táh sarái nia, cõ án ẽ puai ngê cứq, cũai ki lứq bữn

loah hõn tễ máh ramúh án táh tễ nhũang. Cóp chumát cũai ki bữn tamoong mantái hõ. ³⁰ Ma sa-ữi nác cũai ca toâr sanua, chumát alóí cõt cacót ên. Cóp sa-ữi nác cũai ca cacót sanua, chumát alóí cõt toâr ên."

20

Yê-su Sacâm Tễ Cũai Táq Ranác Tông Nương Palái Nho

¹ "Yiang Sursĩ táq sốt la samoât riang cũai ncháu nương nho. Tễ cláih lữq án pợq chuaq cũai tuthẽ táq ranác tông nương án.

² Ncháu ki pruum yõn cóng pỡ cũai tuthẽ ki muoi tangái muoi ớc práq. Chơ án ớn alóí pợq táq ranác tông nương án. ³ Toâq mandang cháh, án pợq chuaq sĩa cũai tuthẽ yõn táq ranác tông nương án. Án pợq tông đồng, chơ án ramóh máh cũai tayúng ngki tỡ bữn táq ranác ntrầu. ⁴ Ngkíq án atõng alóí neq: 'Anhia pợq táq ranác tông nương cứq. Cứq yõn anhia bữn cóng tễ máh ranác anhia táq.'

⁵ "Ngkíq alóí ki pợq. Toâq mandang toâng cóp mandang priang, ncháu ki pợq sĩa chuaq cũai tuthẽ cóp ớn noau pợq táq tông nương án. ⁶ Cóp toâq moat mandang ralóh, ncháu ki pợq sĩa pỡ đồng. Án ramóh cũai canõh ên ca tỡ bữn táq ranác ntrầu tễ. Chơ án blóh máh cũai ki neq: 'Nốq nheq

tangái anhia õt níc nnâi, tỡ bữn táq ntrầu?'

⁷ "Alóí ki ta-õi neq: 'Cỗ tỡ bữn noau arô hếq yõn tuthẽ.'

"Ngkíq ncháu ki pai chóg alóí neq: 'Chơ, anhia pợq táq tông nương cứq tễ.'

⁸ "Toâq tabữ khoiq cheq sadâu, ncháu ki ớn ranềng án neq: 'Pợq arô máh cũai tuthẽ cóp yõn práq cóng pỡ alóí. Nhũang lữq, án yõn alóí ca toâq táq ntun. Moâm ki, yõn alóí ca toâq táq nhũang ên.'

⁹ "Alóí ca táq ranác bo mandang ralóh toâq pỡ ncháu; chơ ncháu yõn alóí bữn muoi noaq muoi ớc práq. ¹⁰ Ngkíq máh cũai ca toâq táq ranác nhũang, alóí chanchóm alóí bữn práq sa-ữi hõn tễ cũai ca táq ntun. Ma tỡ alóí toâq pỡ ncháu, ncháu ki yõn alóí bữn muoi noaq muoi ớc práq tễ. ¹¹ Moâm alóí ít práq, chơ alóí rasuon cóp ncháu ki. ¹² Alóí pai neq: 'Máh cũai toâq táq ntun, alóí táq mahõi sâng. Ma hếq, ki hếq táq nhứp bữ. Hếq chiũq tiang phũac cóp chiũq lakéh nheq tangái. Ma nốq ncháu yõn práq cóng hếq machóng alóí ki.'

¹³ "Ma ncháu ki ta-õi manoaq tễ alóí ki neq: 'Yৌ ơi! Cứq tỡ bữn lóp anhia. Anhia khoiq pruum cóp cứq chơ, anhia táq muoi tangái, cứq yõn anhia muoi ớc práq. ¹⁴ Ngkíq anhia ít práq cóng

anhia, chơ anhia chu. Kân cúq ẽ yõn máh cũai ca toâq táq ntun lĩ-ralĩ cóp anhia, 15 ki têq cúq táq ngkíq cóp práq cúq, ma tở bữn? Nớq anhia sâng ngua toâq anhia hữm cúq táq ranáq o?" "

16 "Ngkíq, alóí ca ntun thág, nỡ-ra alóí lứq bữn nhũang. Cóp alóí ca nhũang sanua, nỡ-ra alóí ntun thág."

Yê-su Atỡng Tễ Án Chũuq Túh Coat
(Mac 10:32-34; Luca 18:31-34)

17 Bo Yê-su chõn chu vil Yaru-saleh, án dững ống tộp rien tễ án sâng pớq cóp án. Bo alóí pớq tâng rana, Yê-su atỡng alóí neq: 18 "Anhia tamứng! Háỉ chõn pỡ vil Yaru-saleh. Ớt ngki noau ẽ chiau Con Yiang Cốt Cũai pỡ atĩ máh cũai sớt tộp tễng rit sang Yiang Sursĩ cóp máh cũai yớng rit. Alóí ki ẽ anoat án cóq cuchĩt. 19 Chơ alóí ẽ chiau án pỡ cũai tở cõn cũai I-sarel hỡ. Cũai ki ayê ra-ac án, proaih án, cóp téh án tâng aluang sangcáng. Ma catâm tangái pái, án yuor tamoong loah."

Bar Lám Con Samiang Sê-badê
(Mac 10:35-45)

20 Moâm ki, lacuoi Sê-badê cóp bar náq con samiang án toâq pỡ Yê-su. Mansẽm ki sacõh racõl yáng moat Yê-su cóp sễq muoi ramứh tễ Yê-su. 21 Yê-su blóh án

neq: "Ramứh ntróu mới yoc ẽ bữn?"

Mansẽm ki ta-õi neq: "Sễq thâi yõn bar lám con cúq nâi tacu manoaq coah atoam, manoaq coah avêr thâi toâq thâi cõt sớt."

22 Ma Yê-su ta-õi alóí pái náq ki neq: "Anhia tở dág dếh ốc anhia sễq! Rơi tở, anhia nguaiq muoi tangan cóp cúq?"*

Alóí bar náq ki ta-õi án neq: "Hếq rơi."

23 Chơ Yê-su atỡng loah alóí neq: "Lứq nỡ-ra anhia cóq nguaiq muoi tangan cóp cúq tê. Ma cúq tở têq yõn anhia tacu coah atoam cóp coah avêr cúq. Ranáq nâi ống Mpoaq cúq toáp têq ruoh."

24 Từ muoi chít náq canõh tâng tộp rien tễ Yê-su khoi q sâng ranáq nâi, alóí ũan lứq chóq bar náq sễm ai ki. 25 Ngkíq Yê-su arô tộp ki toâq pỡ án. Cóp án atỡng alóí neq: "Anhia khoi q dág chơ cũai sớt tâng dõi nâi, alóí yoc cũai proai táq sũl alóí; chơ alóí padâm cóp táq túh coat lứq cũai proai. 26 Ma anhia chõỉ táq samoat ngkíq. Cũai aléq yoc ẽ cõt toâr tâng tộp anhia, cóq án cõt ayũng atĩ anhia. 27 Cóp cũai aléq ma yoc ẽ cõt toâr cũỉ nheq tễ canõh tâng tộp anhia, cóq án cõt sũl anhia. 28 Machóng ki tê, Con Yiang Cốt Cũai khoi q toâq tở ẽq noau hâu án, ma án

* 20:22 20:22 Từ Yê-su pai 'nguaiq muoi tangan', án sacâm tễ 'chũuq túh coat'.

yoc ẽ hâu cũai canõh. Cóp án pláih rangúh án chũuq cuchĩt tang yõn nheq tũh cũai tẽq bũn tamooing.”

Yê-su Táq Bán Bar Náq Cũai Sũt Moat
(Mac 10:46-52; Luca 18:35-43)

29 Bo Yê-su cóp tốp rien tẽ án loõh tẽ vil Yê-ri-cô, bũn cứng cũai puai án. 30 Bũn bar náq samiàng sũt moat õt tacu kẽng rana. Tũh alóit sâng Yê-su põq pha cheq alóit, alóit sabau casang lứq neq: “Ncháu tẽ tống toiq Davĩt ơi! Sẽq Ncháu sarũiq táq hẽq nũng!”

31 Mách cũai cứng ki nhòp alóit bar náq cũai sũt ki, cóp atõng alóit neq: “Chõitabõq!”

Ma alóit sabau casang lứq ẽn: “Ncháu tẽ tống toiq Davĩt ơi! Sẽq Ncháu sarũiq táq hẽq nũng!”

32 Ngkĩq Yê-su tangút. Án arô bar náq ki cóp blóh alóit neq: “Ramúh ntróu anhia yoc cúq táq yõn anhia?”

33 Alóit ta-õi neq: “Ncháu ơi! Sẽq Ncháu táq yõn moat hẽq cõt blang!”

34 Yê-su sâng sarũiq táq alóit, chơ án satoaq atĩ tâng moat alóit. Bo ki toâp moat alóit cõt blang. Chơ alóit puai Yê-su.

21

Yê-su Mut Tâng Vil Yaru-salem
(Mac 11:1-11; Luca 19:28-40; Yang 12:12-19)

1 Tũh alóit cheq ẽ toâq vil Yaru-salem, khoiq toâq vil Bê-phayê õt tâng palic dũal O-li-vê, Yê-su ớn bar náq tốp rien tẽ án neq: 2 “Anhia mut tâng vil yáng moat anhia ki. Bo anhia toâq ramõh vil, anhia ramóh muoi acán aséh dẽn cóp con án, noau chõq dõq tâng lác ngki. Anhia leh cóp tẽc bar lám charán ki dũng põ cúq. 3 Khân bũn noau blóh anhia neq: ‘Nõq anhia táq ngkĩq?’ ki anhia ta-õi neq: ‘Ncháu hái yoc ẽ mian. Moâm án mian, chơ án dũng culáh loah yõn anhia.’”

4 Mách ramúh nâi rapĩeiq santoiq cũai tang bõq Yiang Sursĩ khoiq pai tẽ mbõq neq: 5 “Cóq anhia pau atõng cũai proai tâng vil Yaru-salem neq:

‘Anhia nhẽng ki! Puo anhia ntôm ẽ toâq põ anhia.

Án la cũai asẽng tẽ.

Cóp án tacu tâng aséh dẽn, la aséh lơ-lơ.’”*

6 Ngkĩq alóit bar náq tốp rien tẽ Yê-su põq táq samoât Yê-su khoiq ớn alóit. 7 Alóit dũng põ Yê-su con cóp acán aséh dẽn ki. Cóp alóit sũn tampác alóit tâng cloong aséh ki. Chơ Yê-su chõn õt tâng aséh ki. 8 Cứng lứq cũai sũn tampác alóit tâng

rana. Bữn cũai mut tâng aruih catráiq déh rambũ đõq sữn tâng rana hỡ. ⁹ Án ca pỡq nhũang, cớp án ca puai ntun, alóỉ pruam triau casang lứq neq: “Ô-sana! Lứq khễn án ca tễ tống toiq puo Davĩt! Sẻq Yiang Sursĩ yõn ỏc bốn pỡ cũai ca toaq nhỡ ramứh Ncháu. Ô-sana! Lứq khễn Yiang Sursĩ!”*✧

¹⁰ Bo Yê-su mut tâng vil Yaru-salem, nheq tữh cũai ỏt tâng vil ki parlỏng nhêng, cớp alóỉ blỏh neq: “Cũai nài la noau?”

¹¹ Cũai cứng ki ta-ỏi neq: “Nài lạ Yê-su. Án la cũai tang bỏq Yiang Sursĩ tễ vil Na-sarết, cruang Cali-lê.”

Yê-su Mut Tâng Dỏng Sang Toâr

(Mac 11:15-19; Luca 19:45-48; Yang 2:13-22)

¹² Yê-su mut tâng nhỏh Dỏng Sang Toâr. Cớp án tuih aloỏh nheq tữh cũai chẻq chỡng tâng dỏng sang. Án cutỏl cachỡng noau lẻq práq cớp cachỡng noau tacu chẻq chỏm tariap. ¹³ Án atỡng alóỉ neq: “Tâng tâm saráq Yiang Sursĩ tễ mbỏq khoiq pai neq:

‘Noau đõq đõng cứq la đõng câu sẻq.’*✧

Ma anhia khoiq táq đõng nài cõt ariang cựp yõn cũai savẻng mut tooq!”

¹⁴ Moâm ki, bữn máh cũai sũt cớp cũai yỏt toaq pỡ Yê-su tâng Dỏng Sang Toâr. Chỡ Yê-su táq bán alóỉ ki.

¹⁵ Ma máh cũai sỏt tốp tẻng rit sang Yiang Sursĩ, cớp máh cũai yỏng rit, alóỉ sâng cutâu lứq tâng mút tử alóỉ hữm Yê-su táq ranáq salẻh lứq, cớp tử alóỉ sâng carnẻn triau cupo casang lứq neq: “Ô-sana! Lứq khễn án ca tễ tống toiq puo Davĩt!”

¹⁶ Ngkíq alóỉ blỏh Yê-su neq: “Thài sâng ma tỡ bữn máh carnẻn nài triau cupo?”

Yê-su ta-ỏi alóỉ neq: “Lứq cứq sâng. Nỏq riang pai anhia tỡ nai doc tâng tâm saráq Yiang Sursĩ? Án khoiq atỡng neq:

‘Yiang Sursĩ ỏi, anhia táq yõn bỏq carnẻn cacót lứq,

đẻh alóỉ ca noâng pu tóh ũat khễn anhia.’*✧

¹⁷ Moâm ki Yê-su loỏh tễ alóỉ, cớp pỡq chu vil Bẻ-thani ẻn. Sadâu ki án bẻq tâng vil ki.

Yê-su Táq Yõn Nỡm Alu-ang Cõt Roỏh

(Mac 11:12-14, 20-24)

¹⁸ Poang tarựp parnỡ, bo Yê-su pỡq tâng rana chu loah pỡ vil Yaru-salem, án sâng panhieih. ¹⁹ Án hữm nỡm tarúng kẻng rana, chỡ án pỡq cheq nỡm aluang ki. Án hữm ỏng sala miat, tỡ bữn palai ntrớu. Ngkíq án

* **21:9** 21:9 Santoiq ‘ô-sana’ parlỏng loah la ‘chuai amoong’, tỡ la ‘sa-ỏn lứq’, tỡ la ‘khễn’. ✧ **21:9** 21:9 ũat Khễn 118:25-26 ✧ **21:13** 21:13 Ê-sai 56:7; Yẻ-ramia 7:11 ✧ **21:16** 21:16 ũat Khễn 8:2

atông nôm aluang ki neq: “Chumat mới tở bữn cõt palai noâng!”

Bo ki tập nôm aluang ki cõt roõh.

²⁰ Tở tập rien tể Yê-su hữm ranáq nãi, alói sâng dót lứq cốp alói blóh án neq: “Nỏq nôm aluang nãi cõt roõh cháil lứq?”

²¹ Yê-su ta-õi neq: “Cứq atông anhia samoat lứq, khân anhia sa-âm samoat samoi cốp tở bữn bữn mút catơn-tơn, anhia têq táq machóng cứq khoi q táq chóq aluang nãi tê. Cốp anhia têq táq ranáq canõh hỡ. Têq anhia ớn cóh nãi neq: ‘Mới ravih cốp sapil asêng chu đờq mut.’ Chơ cóh ki lứq ravih. ²² Khân anhia sa-âm samoat samoi, ramứh ntróu anhia câu sêq, lứq anhia bữn ramứh ki.”

Noau Blóh Yê-su Tể Chóc Án
(Mac 11:27-33; Luca 20:1-8)

²³ Yê-su mut loah pỡ nchõh Dõng Sang Toâr. Bo án atông máh cũai tâng ki, bữn máh cũai sớt tập tểng rit sang Yiang Sursĩ cốp máh cũai sớt nheq sâu, alói toâq pỡ ki tê, cốp blóh án neq: “Tể léq thài bữn chóc táq ranáq salễh nãi? Noau yõn thài bữn chóc nãi?”

²⁴ Yê-su ta-õi alói neq: “Cứq ẽ blóh anhia muoi ramứh tê. Khân anhia ma ta-õi cứq, ki cứq atông tê anhia noau yõn cứq bữn chóc đờq táq ranáq nãi. ²⁵ Ranáq batểm Yang táq, tể léq án

bữn chóc táq ranáq ki, tể Yiang Sursĩ tở la tể cũai?”

Chơ alói manoaq sarhõng manoaq neq: “Khân hái ta-õi án pai: ‘Ranáq batểm nãi toâq tể Yiang Sursĩ,’ ngkêq án blóh loah hái neq: ‘Khân ngkiq, nỏq anhia tở bữn sa-âm Yang?’ ²⁶ Ma khân hái ta-õi án pai: ‘Ranáq batểm nãi chõng toâq tể cũai,’ ki hái ngcõh cũai proai, yuaq alói sa-âm Yang la cũai tang bõq Yiang Sursĩ.”

²⁷ Ngkiq alói ta-õi Yê-su neq: “Hêq tở dáng.”

Chơ Yê-su ta-õi loah alói neq: “Chơ! Cứq tở bữn atông tê yõn anhia dáng noau yõn cứq bữn chóc táq máh ranáq nãi.”

Parnai Sacâm Tể Bar Náq Con Samiang

²⁸ “Ntróu anhia chanchóm tể parnai sacâm nãi? Bữn manoaq, án bữn bar lám con samiang. Mpoaq ki toâq pỡ án ca ai, cốp ớn án neq: ‘Con ơi! Tangái nãi mới pỡq táq ranáq tâng nưong hái, nớ ai.’ ²⁹ Con ki ta-õi neq: ‘Cứq tở ẽq pỡq táq.’ Ma ntun ễn án chanchóm loah; chơ án pỡq táq tâng nưong ki.

³⁰ “Chơ mpoaq ki toâq pỡ án ca a-ễm ễn, cốp ớn án machóng ki tê. Con ki ta-õi neq: ‘Ờq.’ Ma án tở bữn pỡq.

³¹ “Bar náq con samiang ki, aléq lứq trĩh cốp puai mút pahõm mpoaq?”

Alóí ta-õí Yê-su neq: “Án ca ai.”

Chơ Yê-su atõng ẽn neq: “Cứq atõng anhia samoat lứq, máh cũai parõm práq thẽq cớp máh mansẽm chẻq tỗ, lứq alóí bữn mut tâng tộp Yiang Sursĩ sốt nhũang anhia. ³² Yuaq Yang khoiq toâq apáh anhia rana tanoang o, ma anhia tỗ bữn sạ-âm án. Ma máh cũai parõm práq thẽq cớp máh mansẽm chẻq tỗ, alóí lứq noap santoiq Yang. Anhia khoiq hữm chơ máh ranáq ki, ma noâng anhia tỗ bữn ngin lôih lẻq cõt mút tamái ẽn, cớp anhia tỗ bữn noap santoiq Yang.”

Parnai Sacâm Tẽ Manoaq Chóh Palâi Nho Tâng Nưong
(Mac 12:1-12; Luca 20:9-19)

³³ “Anhia tamứng muoi parnai sacâm canõh ẽn neq: Bữn manoaq cũai chóh voar nho tâng nưong án. Án táq cantruang pẻn nưong ki. Án píq prúng; chơ chíp tamáu đợq pát đợq nho tâng ki. Cớp án táq sữ tâng nưong ki. Moâm ki án yõn cũai canõh táq đờ nưong án. Alóí pruum ndõm cớp mpẻq máh palâi. Chơ án pỏq cruang canõh. ³⁴ Toâq catữ palâi nho chĩn, cũai ncháu ki ớn máh sũl án toâq ít pún án tẻ alóí ca táq đờ nưong. ³⁵ Ma cũai táq đờ nưong ki cớp máh cũai sũl ncháu. Án ca manoaq, alóí toân. Manoaq ẽn, alóí cachĩt. Manoaq ẽn, alóí tám chỏq tamáu. ³⁶ Chơ

ncháu ki ớn cũai sũl canõh ẽn toâq, toâq clứng hữn tẻ nhũang. Ma alóí ca táq đờ nưong ki táq chỏq máh cũai sũl ki machóng nhũang sĩa. ³⁷ Toâq parsốt thảng, ncháu ki ớn con samiang án ẽn toâq pỏ cũai táq đờ nưong ki. Án chanchóm neq: ‘Lứq alóí yám noap con samiang cứq.’ ³⁸ Ma tữ cũai táq đờ nưong ki hữm con ncháu nưong toâq, alóí sarhống neq: ‘Án nâi la con tống ncháu. Hâi! Háicachĩt chíq án. Ngkíq nheq mun án chu pỏ hái!’ ³⁹ Chơ alóí cớp con ncháu, âc sadõh aloõh án tẻ nưong, cớp cachĩt loâng án.

⁴⁰ “Ngkíq, toâq ncháu ki pỏq chu nưong, ntróu án ẽ táq chỏq alóí táq đờ nưong án?”

⁴¹ Cũai ki ta-õí Yê-su neq: “Lứq án cachĩt máh cũai sâuq ki. Chơ án yõn cũai canõh ẽn táq đờ nưong án. Toâq ngư palâi nho chĩn, cũai canõh ki lứq tampẻq yõn ncháu nưong bữn pún án.”

⁴² Chơ Yê-su atõng loah cũai ki neq: “Nỏq riang pai anhia tỗ nai doc tâng tâm saráq Yiang Sursĩ khoiq pai neq:

‘Cốc tamáu cũai táq đổng khoiq táh,
tamáu ki noau hữm o hữn tẻ tamáu canõh.
Chơ noau ít cớp chíp bân soq đổng.
Ranáq nâi Ncháu hái toáp khoiq táq,

la ranáq salêh lúq án táq yáng moat hái.'[†]
 43 Ngkíq cúq atõng anhia neq: Yiang Sursĩ tở bữn yõn anhia mut tâng tốp án sốt, ma án yõn cũai canõh ẽn mut. Máh cũai ki ẽ táq ranáq o samoat riang cutêq amia palái o. 44 Cũai aléq ma dóm tâng tamáu nâi, án khat loâng. Ma khân tamáu nâi satooh p̄ieiq tở cũai aléq, cũai ki đươiq thánq."‡

45 Từ máh cũai sốt tốp tẽng rit sang Yiang Sursĩ cốp máh cũai Pha-rasi sâng Yê-su atõng máh parnai sacâm ki, alóí dánh Yê-su sacâm nâi pai chu alóí. 46 Alóí chuaq ngê ẽ cốp Yê-su, ma alóí ngcõh cũai proai, yuaq máh cũai sa-âm Yê-su la cũai tang bõq Yiang Sursĩ.

22

Yê-su Sacâm Tẽ Puo Táq Rabẽng Yõn Con
 (Luca 14:15-24)

1 Yê-su atõng sĩa toâq parnai sacâm canõh ẽn neq: 2 "Yiang Sursĩ táq sốt la samoat riang puo thữan racoâiq yõn con samiang án. 3 Puo ki ón máh ranẽng án p̄õq coâiq máh cũai ca án khoiq mơi, yõn toâq hâu racoâiq. Ma máh cũai ki tở ẽq toâq hâu. 4 Ngkíq puo ki ón ranẽng canõh ẽn, cốp patâp alóí neq: 'Anhia atõng

máh cũai ca khoiq mơi chơ neq: "Puo hẽq khoiq thữan racoâiq chơ. Ntroõq tở cốp ntroõq con plúm lúq khoiq án kiac moâm chơ; cốp dũ ranáq la án khoiq thữan moâm chơ. Ngkíq sêq mơi anhia toâq hâu racoâiq ki." '

5 "Ma máh cũai ca khoiq án mơi, alóí tở bữn tamúng. Alóí yoc lúq táq óng ranáq alóí sâng. Án ca p̄õq táq sarái. Án ca p̄õq chẽq chõng. 6 Máh cũai canõh cốp chíq ranẽng puo ki. Alóí nhõp, alóí toân, cốp alóí cachĩt táh ranẽng ki. 7 Ngkíq puo ki sâng ùan lúq. Chơ án ón tahan án p̄õq cachĩt loah máh cũai khoiq cachĩt ranẽng án. Cốp máh tahan ki chõng máh vil alóí hỡ. 8 Chơ puo arô loah máh ranẽng án, cốp patâp alóí neq: 'Ranáq racoâiq khoiq thữan moâm nheq chơ. Ma máh cũai cúq khoiq mơi ki, tở p̄ieiq yõn alóí toâq hâu racoâiq nâi. 9 Sanua anhia p̄õq dũ ravéh rana. Cũai aléq anhia ramóh, anhia mơi cũai ki yõn toâq hâu racoâiq nâi.' 10 Ngkíq máh ranẽng puo ki loõh p̄õq tâng rana. Cũai aléq alóí ramóh, alóí dũng cũai ki toâq hâu racoâiq puo táq. Alóí dũng máh cũai sâuq cốp máh cũai o hỡ. Ngkíq tâng clõng đõng puo bữn tadát moang cũai.

11 "Toâq puo mut tâng

† 21:42 21:42 Puai tẽ ranáq alóí táq, tamáu aléq noau chĩp tâng soq, tamáu ki táng đõng yõn cõt khâm. Tamáu ki Yê-su sacâm tẽ tở án toâp. ✧ 21:42 21:42 Ūat Khẽn 118:22-23 ‡ 21:44 21:44 Sa-ũĩ tâm saráq tẽ mbõq tở bữn bữn rana 44 nâi.

clống máh cūai toâq hâu racoâiq, án hữm muoi noaq tở bữn sớp au coi noau pớq cha racoâiq. ¹² Chơ án pai chớq cūai ki neq: ‘Yóu ơi! Nốq mới toâq hâu racoâiq ma tở bữn sớp au noau đốq hâu racoâiq.’ Ma cūai ki tở dáng ta-đi ntróu. ¹³ Chơ puo ki ón ranẽng án neq: ‘Anhia chớq ayũng atĩ án, cớp takẽl chíq án yáng tiah, tâng ntốq canám. Ntốq ki noau nhiam nhit cớp carũot canẽng tabang cõ sâng túh arúc lứq.’”

¹⁴ Chơ Yê-su pai ẽn neq: “Bữn chũng lứq cūai Yiang Sursĩ arô, ma bữn bĩaq náq sâng án rườh.”

Yê-su Atõng Tẽ Práq Thẽq
(Mac 12:13-17; Luca 20:20-26)

¹⁵ Vót ki tốp Pha-rasi pớq sarhõng cớp chi-chuaq ralíh ẽq Yê-su táq ntõng lôih. ¹⁶ Alóí ón cūai tẽ tốp alóí cớp tẽ tốp Hê-rôt toâq pữ Yê-su. Máh cūai ki atõng Yê-su neq: “Thâi ơi! Hếq dáng chơ thâi lứq cūai tanoang. Cớp thâi atõng ngê Yiang Sursĩ p̄ieiq lứq. Yáng moat thâi nheq tữh cūai la lĩ-ralĩ nheq. Yuaq ngkíq thâi tở bữn yám noap óng cūai bữn chớc. ¹⁷ Ngkíq hếq sếq thâi atõng hếq nũng. Ntróu thâi chanchóm, p̄ieiq ma tở bữn hái cóq muap práq thẽq pở puo Rô-ma?”*

¹⁸ Ma Yê-su dáng alóí chim án, ẽq án tở dáng ẽ ta-đi ntróu. Ngkíq án pai chớq alóí neq: “Anhia la ẽm bĩq parnai sâng! Nốq anhia chuaq ralíh chớq cứq? ¹⁹ Anhia yõn cứq nhêng práq thẽq ki!”

Chơ alóí dũng yõn án nhêng muoi ốc práq. ²⁰ Yê-su blóh alóí neq: “Roâp anâi cớp chĩr anâi samoât noau?”

²¹ Alóí ta-đi án: “Puo Rô-ma.”

Chơ Yê-su atõng alóí neq: “Crong puo Rô-ma, ki anhia culáh loah yõn puo Rô-ma, cớp crong Yiang Sursĩ, cóq anhia culáh loah yõn Yiang Sursĩ.”

²² Bo alóí sâng Yê-su ta-đi ngkíq, alóí sâng dót lứq. Chơ alóí loáh tẽ Yê-su, pớq ntốq canõh ẽn.

Tốp Sa-dusê Blóh Yê-su Tẽ Cūai Tamoong Loah
(Mac 12:18-27; Luca 20:27-40)

²³ Tangái ki bữn máh cūai tẽ tốp Sa-dusê toâq pữ Yê-su. Tốp Sa-dusê pai cūai khoiq cuchĩt tở tềq tamoong loah.

²⁴ Alóí ki atõng Yê-su neq: “Thâi ơi! Mõi-se khoiq chĩc atõng yõn hếq neq:

‘Khân manoaq samiang cuchĩt, ma án tở yũah bữn con,

manoaq tẽ sểm ai án cóq siem lacuoi án,

đốq patõng loah yõn án ca khoiq cuchĩt.’^{*}

* 22:17 22:17 Puo Rô-ma noau đốq Sê-sa.

☆ 22:24 22:24 Patâp Loah 25:5

25 Dõi mbốq bữn tapul nác sễm ai ốt cốp hếq. Án ca ai clúng khoi q ỉt lacuoi. Ma án cuchĩt tở yũah bữn con. Ngkĩq a-ễm ndĩ án, cốp siem lacuoi ai án. 26 Cốp machóng ki tê tễ a-ễm ndĩ toau toâq a-ễm ralốh. Nheq alóit sễm ai ki siem lacuoi ai, cốp alóit cuchĩt tê. 27 Parsốt thánq mansễm ki la cuchĩt tê. 28 Tữ cũai cuchĩt tamooing loah, mansễm ki cõt lacuoi noau, yuaq alóit tapul nác sễm ai ndõm nheq mansễm ki?"

29 Yê-su ta-õi alóit neq: "Anhia táq ntõng tở pĩeiq, yuaq anhia tở bữn dáng raloaih tễ parnai Yiang Sursĩ noau chĩc tễ mbốq, cốp anhia tở dáng dềh chóc toâr lứq tễ Yiang Sursĩ. 30 Tữ cũai cuchĩt tamooing loah, alóit tở bữn ratoit noâng cõt lacuoi cayac. Ma alóit ốt tâng paloõng machóng tốp ranễng Yiang Sursĩ tê. 31 Ma tễ ranác cũai cuchĩt chơ ma tamooing loah, nốq riang pai anhia tở nai doc parnai Yiang Sursĩ atõng anhia neq: 32 'Cứq la Yiang Sursĩ A-praham sang, I-sac sang, cốp Yacốp sang.'☆

Hái dáng cũai cuchĩt tở tềq sang Yiang Sursĩ. Ống cũai tamooing sâng tềq sang án."

33 Tữ cũai cứng sâng Yê-su pai ngkĩq, alóit sâng dốt lứq tễ máh santoiq án atõng.

Ốc Ntróu Yiang Sursĩ Patâp Toâr Clũi Nheq Tễ Canốh

(Mac 12:28-34; Luca 10:25-28)

34 Toâq tốp Pha-rasi sâng Yê-su khoi q ta-õi táq yỗn tốp Sa-dusê lúng bốq, ngkĩq alóit rôm sarhống. 35 Bữn manoaq tễ cũai ki la thâi atõng phễp rit I-sarel. Án toâq cốp blóh cồ ễ chim Yê-su. 36 Án blóh neq: "Thâi ơi! Tâng phễp rit hái, ốc patâp ntróu toâr clũi nheq tễ ốc canốh?"

37 Yê-su ta-õi án neq: "Cốp anhia ayooq Yiang Sursĩ, la Ncháu anhia, nheq tễ mút pahõm, nheq tễ rangứh rahõ, cốp nheq tễ sarnóm anhia.☆ 38 Ốc patâp nâi toâr clũi nheq tễ ốc canốh. 39 Cốp ốc patâp bar clũi tễ canốh la neq: 'Cốp anhia ayooq yóu machóng anhia ayooq tốp anhia bữm.'☆

40 Khân bữn bar ốc patâp nâi, ki bữn dũ chơ nheq ramứh phễp rit Yiang Sursĩ yỗn na Mõi-se, cốp nheq parnai cũai tang bốq Yiang Sursĩ atõng."

Santoiq Blóh Tễ Manoaq Crĩt

(Mac 12:35-37; Luca 20:41-44)

41 Bo tốp Pha-rasi rôm sarhống, Yê-su blóh alóit neq: 42 "Ntróu anhia chanchóm tễ manoaq Crĩt?

Án la tễ tống toiq noau?"

Alóí ta-ôi neq: “Án la tẽ tổng toiq puo Davĩt.”

⁴³ Ngkíq Yê-su blóh ẽn neq: “Khân ngkíq, ki nõq Raviei Yiang Sursĩ yõn puo Davĩt đõq Crĩt la Ncháu? Yuaq tẽ mbõq puo Davĩt khoiq pai neq:

⁴⁴ ‘Yiang Sursĩ atõng chóc Ncháu cứq neq:

“Mới tacu coah atoam cứq†

toau toâq tangái cứq chiau alóí ca yoc ẽ cachĩt mới,

õt pũn talang ayũng mới.” *✠

⁴⁵ Khân Davĩt đõq Crĩt la Ncháu, ki nõq tẽq Davĩt đõq cũai tẽ tổng toiq án bũm la Ncháu?”

⁴⁶ Moâm Yê-su pai ngkíq, ki tỡ bũn noau tẽq ta-ôi muoi ốc ntróu. Cóp tẽ tangái ki tỡ bũn noau khỏn blóh nõng án.

23

Yê-su Sươq Cũai Chõĩ Táq Machóng Cũai Yõng Rit Cóp Cũai Pha-rasi

(Mac 12:38-40; Luca 11:39-52; 20:45-47; 13:34-35)

¹ Moâm ki Yê-su atõng máh cũai cứng cốp tốp rien tẽ án neq: ² “Cũai yõng rit cốp cũai Pha-rasi, alóí ẽ pláih Mõi-se cõt cũai atõng anhia. ³ Ngkíq, cóq anhia trĩh cốp puai samoât máh santomai alóí atõng anhia. Ma anhia chõĩ tũoiq máh ranác alóí táq, yuaq alóí pai ống

bõq, ma alóí tỡ bũn lứq táq. ⁴ Alóí atõng anhia yõn puai phẽp rit coat lứq, samoât riang alóí yõn anhia dõl cõng nõng. Ma atĩ alóí tỡ bũn acốq chuai ntróu cõng nõng tẽ anhia.

⁵ Dũ ranác alóí táq, alóí ẽq cũai canõh hũm. Alóí chóc parnai Yiang Sursĩ tâng hõp ngcâr. Chơ alóí chóc hõp ki tâng ngcõng cốp tán tâng caliac. Cốp alóí táq cuti rampóh tâng au tuar alóí.

⁶ Alóí yoc ẽ tacu coah põng toâq noau mới alóí toâq cha. Cốp alóí yoc ẽ bũn cachõng tacu o clũĩ nheq tẽ canõh tâng đõng sang. ⁷ Alóí ẽq cũai canõh tabõp o chóc alóí bo õt cốp cũai cứng.

Cốp alóí ẽq noau đõq alóí lạ Thái. ⁸ Ma anhia chõĩ ẽq cũai canõh đõq anhia la Thái, yuaq anhia bũn ống muoi noaq Thái sâng, cốp anhia la lĩ-ralĩ nheq samoât sẽm ai. ⁹ Cốp anhia chõĩ đõq cũai tâng cutẽq nãi la Mpoaq anhia, yuaq anhia bũn ống muoi noaq Mpoaq sâng, án ca õt tâng paloõng. ¹⁰ Cốp anhia chõĩ ẽq cũai canõh đõq anhia la cũai Sõt, yuaq anhia bũn ống muoi noaq Sõt sâng. Án la Crĩt. ¹¹ Khân bũn cũai tâng tốp anhia ma yoc ẽ cõt toâr clũĩ nheq tẽ cũai canõh, cóq cũai ki cõt sũl anhia. ¹² Cũai aléq ma achõn tỡ bũm, nõ-ra cũai ki

† 22:44 22:44 Puai phẽp rit cũai I-sarel, khân cũai aléq ma alóí yoc ẽ yám noap lứq samoât, ngkíq alóí yõn cũai ki õt coah atoam alóí. * 22:44 22:44 ũat Khẽn 110:1

lứq cõt cacót. Cóp cũai aléq ma asêng tở bữm, nỡ-ra cũai ki lứq cõt toâr.

13 “Bap lứq toâq pỡ anhia cũai yống rit cóp cũai Pha-rasi, la cũai táq nan sâng! Yuaq anhia catáng tở ểq cũai mut tâng tởp Yiang Sursĩ sớt. Anhia tở ểq mut, cóp anhia catáng cũai canõh tở yõn alớ bữn mut!

14 “Bap lứq toâq pỡ anhia cũai yống rit cóp cũai Pha-rasi, la cũai táq nan sâng! Yuaq anhia lỏp máh đống cán cumai, cóp anhia câu santoiq cuti ểq noau pai anhia la tanoang o. Yuaq ngkíq, chumát tởt anhia nẵng hỡn tể cũai canõh.*

15 “Bap lứq toâq pỡ anhia cũai yống rit cóp cũai Pha-rasi, la cũai táq nan sâng! Yuaq anhia táq nheq rangứh rahỡ ểq cũai canõh táh chíq ngê tiaq alớ, chớ puai ngê anhia ển. Ma toâq alớ puai ngê anhia, anhia táq yõn alớ cõt sâuq clũi tể anhia ển; p̄ieiq lứq Yiang Sursĩ apống anhia tâng pống sarloac.

16 “Bap lứq toâq pỡ anhia ca samoât riang cũai sũt moat, ma yoc ayông cũai canõh. Anhia atởng cũai canõh neq: ‘Khân cũai aléq thể dũan ma taléq ramứh Đống Sang Toâr, ki santoiq cũai thể dũan ki tở bữn ntróu. Ma khân cũai aléq thể dũan ma án taléq ramứh yểng tâng Đống Sang Toâr,

cũai ki cóq lứq táq.’ 17 O cũai sacũl cóp ariang sũt moat oi! Ốc aléq la toâr hỡn? Yểng tâng Đống Sang Toâr, tở la đống sang ca táq yõn yểng ki cõt o yáng moat Yiang Sursĩ? 18 Cóp anhia atởng neq hỡ: ‘Khân cũai aléq thể dũan, ma án taléq ramứh prông tâng Đống Sang Toâr, parnai cũai thể dũan ki tở bữn ntróu. Ma khân cũai aléq thể dũan ma taléq ramứh crong sang tâng prông ki, cũai ki cóq lứq táq.’ 19 Anhia la samoât riang cũai sũt moat! Aléq la toâr hỡn? Crong chiau sang tâng prông sang, tở la prông ca táq yõn crong ki cõt o yáng moat Yiang Sursĩ? 20 Ngkíq, khân cũai aléq thể dũan ma taléq ramứh prông, la machóng án khoiq thể chóq crong sang tâng prông ki tể. 21 Cóp khân cũai aléq thể dũan ma taléq ramứh Đống Sang Toâr, la machóng án khoiq thể dũan chóq Yiang Sursĩ tể, yuaq Đống Sang ki la đống sang Yiang Sursĩ. 22 Cóp khân cũai aléq thể dũan ma taléq ramứh paloông, la machóng án khoiq thể dũan chóq Yiang Sursĩ tể, yuaq Yiang Sursĩ ốt tâng paloông.

23 “Bap lứq toâq pỡ anhia cũai yống rit cóp cũai Pha-rasi, la cũai táq nan sâng! Yuaq anhia chiau sang yõn Yiang Sursĩ muoi pún tể bát

* 23:14 23:14 Sa-ũi tâm saráq tể mbốq tở bữn bữn rana 14 nãi.

bai asai sakieu anhia, ma anhia tở bữn trỉh máh ốc toâr hỡn tẻ rit ki tâng phẻp rit Yiang Sursĩ. Ốc toâr ki la neq: Cỏq anhia táq ranáq tanoang tapứng, cỏq bữn mút pahỏm sarủiq táq cũai canỏh, cỏp cỏq táq pẻiẻq lứq yỏn cũai canỏh tẻq noap anhia. Cứq tở bữn yỏn anhia táh ranáq chiau sang ki, ma máh ramứh toâr hỡn, cỏq lứq anhia táq. ²⁴ Anhia la ariang cũai sủt moat ma yoc ayỏng cũai canỏh! Anhia yỏq ỉt anhui tẻ đởq nguaiq, ma khủn bữn charán lac-da, ki anhia lủn toáp.”†

²⁵ “Bap lứq toáq pở anhia cũai yỏng rit cỏp cũai Pha-rasi, la cũai táq nan sâng! Yuaq anhia bữn mút pahỏm samoát tangan cỏp padien noau ariau ẻq bráh ống yáng tiah sâng, ma tâng clống bữn moang nhỏp. Nhỏp ki la sacâm tẻ anhia rapỏn cỏp anhia cha nguaiq la-ỏq. ²⁶ Ở máh cũai Pha-rasi, anhia la sanỏq cũai sủt! Nhủang lứq cỏq anhia ariau tangan yỏn bráh yáng clống voai. Khủn anhia táq ngkẻq, yáng tiah tangan lứq cỏt bráh tẻ!

²⁷ “Bap lứq toáq pở anhia cũai yỏng rit cỏp cũai Pha-rasi, la cũai táq nan sâng! Anhia la samoát riang ping cumuiq noau asa táq bráh o lứq. Yáng tiah ping ki la o cỏp nẻuq lứq,

ma tâng clống ping ki bữn ngang cũai cuchẻt cỏp nsỏq prẻng-prẻng tháng. ²⁸ Anhia la machỏng ki tẻ. Anhia ẻq cũai canỏh pai anhia la tanoang o, ma mút pahỏm anhia bữn moang ốc lỏih, cỏp anhia táq nan sâng.

²⁹ “Bap lứq toáq pở anhia cũai yỏng rit cỏp cũai Pha-rasi, la cũai táq nan sâng! Anhia táq ping o yỏn cũai tang bỏq Yiang Sursĩ tẻ mbỏq. Cỏp anhia táq yỏn nẻuq lứq máh ping cũai tanoang o. ³⁰ Cỏp anhia đỏq pai neq hỡ: ‘Khủn hẻq ma ỏt muoi prỏq cỏp achủc achiac hẻq tẻ mbỏq ki, hẻq tở bữn táq machỏng alỏi ki bo alỏi cachẻt chẻq cũai tang bỏq Yiang Sursĩ.’ ³¹ Toáq anhia pai ngkẻq, anhia ngin, anhia la cũai tỏng toiẻ cũai ca khiẻq cachẻt cũai tang bỏq Yiang Sursĩ tẻ mbỏq. ³² Âu, anhia pỏq toáp! Anhia táq yỏn moâm máh ranáq achủc achiac anhia! ³³ Anhia la cũai ca bữn mút pahỏm lỏai lứq, pla riang cusân. Lứq anhia tở tẻq viaẻq vỏt tẻ Yiang Sursĩ rablỏh anhia cỏp takẻl anhia tâng pỏng sarloac. ³⁴ Ngkẻq cứq atỏng anhia neq: Nỏ-ra cứq ỏn máh cũai tang bỏq canỏh, máh cũai rangoaiẻq lứq, cỏp máh cũai atỏng phẻp rit toáq pở anhia. Bữn cũai tẻ tỏp ki, anhia ẻ cachẻt cỏp tẻh

† **23:24** 23:24 Yẻ-su sacâm ốc ki la neq: ‘Anhia ẻ viaẻq tở ẻq táq ranáq lỏih tở bữn toâr nừu. Ma máh ranáq lỏih toâr, ki anhia táq toáp.’

tâng aluang sangcáng. Ân ca anhia ẽ toân tâng dồng sang. Cóp án ca anhia ẽ tuih aloõh tể vil nâi õt pờ vil ki. ³⁵ Ngkíq tột alóí ca khoiq cachĩt cũai tanoang o tâng cutểq nâi, Yiang Sursĩ ẽ yõn anhia tamprêc tê tột ki, yuaq anhia la tống toiq alóí ki. Tột ki bữn tể tangái alóí cachĩt Aben la cũai tanoang o tể mbốq, cóp toau toâq alóí cachĩt Sa-chari la con samiang Ba-rachì. Anhia khoiq cachĩt chíq Sa-chari tâng clống Dồng Sang Toâr cheq cóp prông sang. ³⁶ Cúq atõng anhia samoât lứq, dũ ramứh tột ki toâq pờ anhia ca õt tâng dõĩ nâi!

³⁷ “Ơ cũai tâng vil Yarusalem, cũai tâng vil Yarusalem ơi! Anhia la cũai đốq cachĩt cũai tang bỗq Yiang Sursĩ, cóp anhia tám chốq tamáu máh cũai Yiang Sursĩ ớn yõn toâq pờ anhia. Bữn sa-ữĩ trở chơ cúq yoc parõm pachứm nheq tửh anhia samoât riang ntruoi atu cutrốc arô con án yõn õt nhựp khlap. Ma anhia tở ểq! ³⁸ Sanua cúq tở bữn clách cớ noâng dồng sũ anhia. ³⁹ Cúq atõng anhia neq: Tể nâi chumát anhia tở bữn hữm noâng cúq, toau toâq tangái anhia pai neq: ‘Bốn lứq án ca toâq nhơ ramứh Ncháu hái.’ ”✧

24

Yê-su Atõng Tể Noau

Talõh Dồng Sang Toâr

(Mac 13:1-2; Luca 21:5-6)

¹ Từ Yê-su loõh tể Dồng Sang Toâr, chơ tayáh tâng rana, tốp rien tể án toâq pờ án cóp sadoi yõn án nhêng chu dồng sang ki. ² Yê-su atõng alóí neq: “Anhia hữm máh dồng toâr ntốq nâi tở? Chumát tamáu noau táq dồng toâr nâi tở bữn ratót noâng parnoi. Ân ratáh nheq.”

Yê-su Atõng Tể Ớc Túh Coat Toâq Pờ Cũai

(Mac 13:3-13; Luca 21:7-19)

³ Bo Yê-su tacu tâng dũal O-li-vê, ống tốp rien tể án sâng toâq pờ án. Alóí blóh án neq: “Thâi ơi! Sểq thâi atõng hếq, noâng maléq dũn ranáq nâi toâq? Bữn tếc ntrứu sạpáh yõn hếq dáng thâi toâq loah pờ cutểq nâi cóp tangái parsôt?”

⁴ Yê-su ta-õi alóí neq: “Cóq anhia õt yõn khểuq. Chõĩ yõn noau phểq anhia. ⁵ Chumát bữn sa-ữĩ náq toâq clểu ramứh cúq, cóp pai neq: ‘Cutõ cúq nâi toâp la Crit!’ Cóp alóí phểq clứng cũai. ⁶ Từ anhia sâng parhan noau rachíl cheq-cheq yơng-yơng, anhia chõĩ croõq ntrứu. Ranáq nâi cóq toâq nhũang voai. Ma tở yũah toâq tangái parsôt tháng. ⁷ Tốp nâi ẽ rachíl ratáq cóp tốp ki; cruang

nâi ẽ rachil ratáq cóp cru-
ang ki. Bữn sa-ữi ntốq
ốq sana cha. Cóp bữn
sa-ữi ntốq cutếq rachâu cóp
cacut. ⁸ Máh ramứh nâi
mbốiq cõt trồ dâu. Noâng
bữn sa-ữi ramứh túh coat ẽn
ẽ toâq.

⁹ “Tâng máh tangái ki,
noau ẽ chiau anhia pở aĩ
cũai sâuq yỗn alóí cachĩt
anhia. Cóp nheq tữh cũai
lứq kêt anhia cồ tian anhia
puai ngê cứq. ¹⁰ Bo ki, bữn
sa-ữi nâq cũai khoiq puai
ngê cứq, alóí táh chíq ngê
cứq, yuaq tở rơi puai noâng.
Alóí manoaq cauq manoaq
yỗn cũai sốt cachĩt. Cóp alóí
manoaq kêt manoaq. ¹¹ Bữn
sa-ữi nâq cũai toâq cóp pai
alóí la cũai tang bỗq Yiang
Sursĩ. Ma alóí pai lauq sâng
ẽ radũng chũng cũai sarlốq
cóp alóí. ¹² Yuaq ngê sâuq
pốq pláh dũ ntốq, ngkíq cũai
ca manoaq ayooq manoaq
tẽ nhũang cõt tở bữn ayooq
noâng. ¹³ Ma máh cũai
ca rơi tanhĩr toau sốt đõĩ
tamoong, Yiang Sursĩ lứq
chuai amoong alóí. ¹⁴ Parnai
o tẽ Yiang Sursĩ táq sốt,
bữn cũai atống pláh dũ cru-
ang tâng cutếq nâi, đốq yỗn
nheq tữh cũai têq dáng.
Moâm ki, lứq toâq tangái
parsốt tháng.”

*Yê-su Atống Bữn Sa-ữi
Ramứh Túh Coat Toâq Pở
Cutếq Nâi*
(Mac 13:14-23; Luca
21:20-24)

¹⁵ “Nữ-ra anhia lứq hữm
máh ranáq, Daniel la cũai
tang bỗq Yiang Sursĩ, khoiq
pai tẽ mbốq. Daniel pai
sacoâiq, lứq bữn cũai đốq
tâng Dống Sang Toâr crớng
nhợp cóp ốc lôih ca Yiang
Sursĩ tở ẽq hữm. (Cũai
aléq doc sântoiq nâi, cóq
chanchóm yỗn samoât.)
¹⁶ Tangái ki, máh cũai tâng
cruang Yudê, cóq lúh chõn
õt tâng cóh ẽn. ¹⁷ Án ca
õt nhợp curũm đống, chõĩ
chõn ỉt noâng crớng tẽ
đống. ¹⁸ Án ca õt tâng
sarái, chõĩ chu ỉt noâng
tampác tẽ đống. ¹⁹ Tâng
tangái ki, tốiq bap lứq alóí
ca õt mumiaq cóp apu con.
²⁰ Ngkíq, cóq anhia câu sếq
chõĩ yỗn anhia lúh tâng
casâi sangết, cóq câu chõĩ
yỗn anhia lúh tâng Tangái
Rlu. ²¹ Tâng tangái ki bữn
túh coat hữn tẽ dâu Yiang
Sursĩ tểng paloống cutếq
toau toâq sanua. Cóp nữ-ra
tở bữn túh coat noâng riang
tangái ki. ²² Khân Yiang
Sursĩ tở bữn arũiq loah máh
tangái ki, lứq tở bữn noau
têq tamoong noâng. Ma cồ
án yoc ẽ chuai máh cũai án
khoiq rượh, ngkíq án arũiq
loah máh tangái ki.

²³ “Khân noau atống anhia
neq: ‘Nâi! Án ca õt nâi la
lứq Crĩt!’ tở la ‘Tíh! Án ca
õt pở ki la lứq Crĩt!’ anhia
chõĩ noap sântoiq ki. ²⁴ Yuaq
nữ pra bữn cũai tở cõn lứq
Crĩt, cóp tở cõn lứq cũai

tang bõq Yiang Sursĩ, toâq pữ nâi. Alói ẽ táq tếc salêh cốp táq rit liaq lứq đõq thũ phêq anhia. Khân têq, alói yoc ẽ rakiaug cũai ca Yiang Sursĩ khoiq ruroh. ²⁵ Nhêng samoât! Cúq atõng anhia yõn dáng nhũang tể ranáq ki tở yũah toâq.

²⁶ “Ngkiq, khân bữn noau atõng anhia neq: ‘Tíh! Bữn manoaq Crít õt tâng nốq aiq ki!’, anhia chõỉ pữq chu nốq ki. Tở la khân alói pai neq: ‘Tíh! Manoaq Crít õt tooq tâng đõng ki!’, anhia chõỉ noap. ²⁷ Yuaq cúq Con Yiang Cốt Cũai toâq la samoât riang lalieiq la-cang tể pữp moat mandang loõh toâq pữp moat mandang pát.

²⁸ “Nốq léq bữn cũai cuchĩt, nốq ki lứq bữn calang srúh rôm cha sâiq cumuiq ki.”

Yê-su Atõng Tể Con Yiang Cốt Cũai Toâq Loah Pữ Cutẽq Nâi

(Mac 13:24-27; Luca 21:25-28)

²⁹ Yê-su atõng ẽn neq: “Vót tể máh tangái túh coat lứq ki, moat mandang tở bữn claq noâng, cốp rliang casâi tở bữn tráh noâng. Mantõr satooh tể paloõng. Cốp máh ramứh bữn chóc tâng paloõng rachâu nheq. ³⁰ Tâng tangái ki tâng paloõng bữn tếc tể Con Yiang Cốt Cũai. Chơ dũ ramứh cũai tâng cutẽq nâi

nhiam u-õỉ yuaq alói sâng ngcõh. Alói hữm cúq Con Yiang Cốt Cũai, toâq mpúng dĩ ramứl, bữn chóc toâr cốp roâp ang-ữr lứq. ³¹ Cúq ẽ ớn ranẽng tể paloõng plóng lavia yõn casang lứq, đõq parõm dũ náq cũai ca cúq khoiq ruroh tể cu angia cốp tể dũ nốq pữn paloõng cutrúq nâi.”

Yê-su Sacâm Tể Aluang Tarúng

(Mac 13:28-31; Luca 21:29-33)

³² “Anhia tamúng cúq sacâm tể nỡm aluang tarúng. Khân abẽng aluang ki noâng nhuam, ki án báiq lacứp loah sala nhuam. Ngkiq anhia dáng khoiq cheq ẽ toâq casâi phũac.

³³ Machóng ki tê, khân anhia hữm nheq máh ramứh nâi toâq, anhia lứq dáng Con Yiang Cốt Cũai cheq ẽ toâq chơ. Án khoiq tamóc ngoah toong. ³⁴ Cúq atõng anhia samoât lứq, nheq tữh cũai tâng dõỉ nâi tở bữn pứt nhũang nheq ramứh ki toâq. ³⁵ Chumát paloõng cốp cutẽq cõt pứt nheq, ma santoiq cúq atõng tở nai pứt.”

Noau Tở Bữn Dáng Tangái Aléq Con Yiang Cốt Cũai Toâq Loah

(Mac 13:32-37; Luca 17:26-30, 34-36)

³⁶ “Tở bữn noau dáng tangái léq tở la bo léq ranáq ki toâq. Máh ranẽng Yiang

Sursĩ tâng paloõng, cốp Con Yiang Sursĩ la tớ bữn dáng tê tangái ki. Ông Mpoaq cứq toáp dáng tangái ki. ³⁷ Con Yiang Cốt Cũai toâq loah pở cutêq nâi la samoât riang dôi Nô-ê tễ mbỏq. ³⁸ Tâng dôi Nô-ê, nhũang raloâm đờq toâq, máh cũai tâng dôi ki cha nguaiq bữi óh lứq. Alóit ít con lacuoi mantoat tễ nling toau toâq tangái Nô-ê chõn tâng tuoc. ³⁹ Alóit tớ bữn dáng ntróu thánq ramứh ẽ toâq pở alóit. Ma bo raloâm đờq ki toâq, chơ đờq ki sakết đừng nheq alóit. Tangái Con Yiang Cốt Cũai toâq loah pở cutêq nâi la machóng ki tê. ⁴⁰ Bo ki bữn bar náq samiang õt tâng sarái. Ranẻng Yiang Sursĩ đừng chíq manoaq, ma manoaq ễn án yõn õt loah tâng sarái ki. ⁴¹ Cốp bo ki bữn bar náq mansẻm õt cuclóh saro. Ranẻng ki đừng chíq manoaq, ma manoaq ễn án yõn õt loah ngki. ⁴² Ngkíq cóq anhia trởl níc yuaq anhia tớ dáng tangái ntróu Ncháu anhia toâq loah pở anhia. ⁴³ Cóq anhia sanhữ yõn samoât tễ ốc nâi: Khân cũai ncháu đống ma dáng bo léq cũai savẻng ẽ mut tutuoiq tâng đống án, cũai ncháu đống ki trởl níc tớ yõn cũai savẻng tẻq mut tutuoiq tâng đống án. ⁴⁴ Ngkíq cóq anhia thrũan acoan níc tê, yuaq anhia tớ dáng bo léq cứq, Con Yiang

Cốt Cũai, toâq loah. Cứq lứq toâq bo tangái anhia tớ bữn chanchóm ntróu pai cứq toâq.”

Yê-su Atởng Tễ Sũl O Cốp Sũl Tờ Bữn O
(Luca 12:41-48)

⁴⁵ “Khân bữn cũai sũl ran-goaiq cốp táq ranáq o níc, ki ncháu đống lứq chóh án yõn táq sớt nhẻng saliq máh sũl canỏh. Ntróu ncháu ón siem, sũl ki lứq siem ramứh ki. ⁴⁶ Khân sũl ki táq pẻiq nheq máh ranáq ncháu án ón táq, án sâng bữi lứq bo ncháu án chu! ⁴⁷ Cứq atởng anhia samoât lứq, nỡ-ra ncháu ki yõn sũl ki kĩaq nhẻng nheq máh mun án. ⁴⁸ Ma khân sũl ki táq sảuq, cỏh lơ án chanchóm tâng mứt án neq: ‘Noâng dũn, ki nỏq ncháu cứq chu.’ ⁴⁹ Ngkíq án toân máh cũai táq ranáq ncháu án, cốp án cha nguaiq yõn bữl plẻc riang cũai canỏh tê. ⁵⁰ Bữn muoi tangái ncháu ki chu, ma sũl ki tớ bữn dáng tangái léq, cốp án tớ bữn chanchóm ntróu thánq tễ ốc ki. ⁵¹ Ngkíq ncháu ki tráh tổ sũl ki toâq pla dau. Cốp ncháu yõn sũl ki õt parnơi cốp cũai táq nan. Ntỏq ki noau nhiam cốp carừot canẻng tabang cỗ sâng túh coat lứq.

25

Yê-su Atởng Parnai Sacâm Tễ Muoi Chít Náq Cũai Cumữr

1 “Yiang Sursĩ táq sôt la samoât riang muoi chít náq cumũr cantrĩng. Alói ãt chóp tóu, chơ alói pởq crốq án ca racoâiq lacuoi. 2 Sỡng náq cumũr ki la sacũl, ma sỡng náq ẽn la rangoaiq. 3 Alói ca sacũl, ki dũng tẽ chóp tóu, ma alói tỡ bữn dũng tóu carlũi. 4 Ma alói ca rangoaiq, ki alói dũng chóp tóu cốp dũng tóu carlũi tâng bẽ canõh hỡ. 5 Ngkĩq án ca racoâiq lacuoi, yũt lủq toâq. Chơ máh cumũr ki, án ca bẻq tut, án ca bẻq langêt thág.

6 “Toâq muoi mpút noau arô casang lủq neq: ‘Ki! Án ca racoâiq lacuoi khoiq toâq chơ! Anhia pởq ramóh án!’ 7 Nheq muoi chít náq cumũr ki tamỡ, cốp alói thrũan chóp tóu alói. 8 Alói ca sacũl pai chóq alói ca rangoaiq neq: ‘Sẻq anhia kĩa h tóu anhia yỗn hẻq nửng, yuaq chóp tóu hẻq khoiq nheq tóu chơ.’ 9 Ma alói ca rangoaiq ta-õĩ neq: ‘Hẻq tỡ tẻq kĩa mỗ. Ngcõh tóu hẻq tỡ bữn dũ yỗn anhia cốp hẻq. Pĩeiq lủq la anhia pởq chỡng tẻ cũai chẻq tóu.’ 10 Ma bo alói pởq chỡng, án ca racoâiq lacuoi toâq. Chơ sỡng náq ca noâng bữn tóu, alói bữn mut hâu racoâiq án ca ãt lacuoi. Chơ noau catáih chíq toong.

11 “Vót ki, alói ca pởq chỡng tóu ki chu. Alói arô neq: ‘Ai tamái ơi! Ai

tamái ơi! Pớh toong yỗn hẻq mut tẽ!’ 12 Ma ai tamái ki ta-õĩ neq: ‘Củq atỡng anhia samoât lủq, củq tỡ dáng anhia.’”

13 Chơ Yê-su pai ẽn: “Ngkĩq cóq anhia õt trỗ níc, yuaq anhia tỡ bữn dáng tangái lẻq cốp bo lẻq Con Yiang Cốt Cũai toâq loah pở cutẻq nãi.

Yê-su Atỡng Parnai Sacâm Tẻ Pái Náq Cũai Táq Ranáq

(Luca 19:11-27)

14 “Yiang Sursĩ táq sôt la samoât riang manoaq sami-ang pởq tamoi pỡ cruang yỡng. Bo án cheq ẽ pởq, án arô cũai táq ranáq án, cốp án chiau yỗn máh cũai ki kĩaq práq mun án. 15 Cũai rangoaiq lủq, án yỗn sỡng nẻn. Cũai rangoaiq padam, án yỗn bar nẻn. Ma cũai bữn rangoaiq bĩq, ki án yỗn ớng muoi nẻn sâng* Chơ án pởq tamoi. 16 Án ca roap sỡng nẻn, án pởq chẻq chỡng toâp. Chơ án bữn lơi sỡng nẻn. 17 Án ca roap bar nẻn, án táq machớng ki tẽ. Cốp án bữn lơi bar nẻn. 18 Ma án ca roap ớng muoi nẻn, án pỉq prúng tâng cutẻq. Chơ án túp práq ki.

19 “Dũn cumo ralua casâi, ncháu ki pỉh chu. Án blớh loah tẻ máh práq án khoiq yỗn pỡ alói. 20 Cũai ca khoiq roap sỡng nẻn, án

* 25:15 25:15 Puaĩ kia práq tâng đõĩ ki, án yỗn sa-ũĩ hỡn tẻ kia práq nẻn sanua.

dững atoâq sững nển ễn pở
 ncháu án. Cóp án pai neq:
 ‘Ncháu ơi! Ncháu khoiq
 yỗn cứq sững nển, ma sanua
 cứq bữn lơi sững nển ễn.’
 21 Ncháu ki ta-ỡi án: ‘Máh
 ranáq mới táq la p̄ieiq nheq.
 Cóp mới la cũi táq ranáq
 o cóp p̄ieiq lứq. Mới khoiq
 táq o lứq tâng ramứh cacót
 nâi. Ngkíq cứq yỗn mới
 ndỡm sa-ữi ramứh toâr ễn.
 Cóp cứq yỗn mới bữn ố
 bũi ỡn ỡt parnoi cóp cứq.’
 22 Cũi ca khoiq roap bar
 nển, án dững atoâq bar nển
 canõh pở ncháu án. Cóp án
 pai neq: ‘Ncháu ơi! Ncháu
 khoiq yỗn cứq bar nển, ma
 sanua cứq bữn lơi bar nển
 ễn.’ 23 Ncháu ki ta-ỡi án neq:
 ‘Máh ranáq mới táq la p̄ieiq
 nheq. Cóp mới la cũi táq
 ranáq o cóp p̄ieiq lứq. Mới
 khoiq táq o lứq tâng ramứh
 cacót nâi. Ngkíq cứq yỗn
 mới ndỡm sa-ữi ramứh toâr
 ễn. Cóp cứq yỗn mới bữn
 ố bũi ỡn ỡt parnoi cóp cứq
 tê.’ 24 Ntun ki, cũi ca khoiq
 roap muoi nển, án toâq tê
 cóp pai neq: ‘Ncháu ơi! Cứq
 dáng mới pasếq lứq práq
 mới. Mới tở bữn táq, ma
 mới ể ít. Mới tở bữn choat,
 ma mới ể sot. 25 Ngkíq cứq
 ngcõh, chơ cứq dững túp
 práq mới tâng cutếq. Sanua
 cứq culáh loah yỗn ncháu
 práq ncháu.’ 26 Ncháu ki
 ta-ỡi án neq: ‘Mới la cũi
 loâi cóp aloah lứq. Mới
 khoiq dáng chơ cứq tở bữn
 táq, ma cứq ít. Cứq tở bữn

choat, ma cứq sot. 27 Khân
 ngkíq, o hỡn la mới yỗn cũi
 canõh voaq práq cứq. Chơ
 toâq tangái cứq chu loah,
 cứq bữn práq ki cóp bữn lơi
 hỡ. 28 Ngkíq sanua, cóq ít
 chíq práq tể cũi nâi, chơ
 yỗn pở án ca khoiq bữn
 muoi chít nển ki. 29 Yuaq án
 ca bữn sa-ữi, ki cứq yỗn án
 bữn sa-ữi lứq ễn, toau clũi
 tâc clũi cha. Ma án ca tở bữn
 bữn ntróu, ki cứq yỗn án
 ốq loâng. 30 Ma cũi ca táq
 tở bữn lơi ntróu, cóq takể
 aloõh án tể ntốq nâi, yỗn án
 ỡt tâng ntốq canám. Ntốq ki
 noau nhiam nhit cóp carũot
 canểng tabang cõ sâng túh
 arức lứq.’ ”

*Con Yiang Cốt Cũi
 Rablớh Nheq Tữh Cũi*

31 “Tữ Con Yiang Cốt Cũi
 toâq loah cốt Puo yỗn nheq
 tữh cũi, bo ki án tacu
 tâng cachơng sốt, cachơng
 ki ống Puo sâng têq tacu.
 Roâp án ang-ữr, cóp máh
 ranểng Yiang Sursĩ toâq cóp
 án tê. 32 Nheq tữh cũi
 ể rôm yáng moat án, cóp
 án ể cayoah nheq tữh cũi
 cốt bar tốp, samoât riang
 cũi mantán cayoah cũi cóp
 mbếq. 33 Chơ án yỗn máh
 cũi ỡt yoah atoam án, cóp
 án yỗn máh mbếq ỡt yoah
 avêr án. 34 Chơ Puo ki atống
 alới ca ỡt coah atoam án
 neq: ‘Mpoaq cứq lứq yỗn
 anhia bữn ố bỡn sa-ữi. An-
 hia mut táq sốt tâng ntốq
 Yiang Sursĩ khoiq thữan
 đợq mun yỗn anhia. Mun

nâi án thữan đợc yỗn an-hia tễ tangái án tễng túc ramứh tâng paloõng cớp tâng cutêq. ³⁵ Bo cứq sâng panhieih, anhia khoiq siem cứq yỗn bữn cha. Bo cứq khlac đợc, anhia khoiq yỗn cứq nguaiq. Bo cứq la cũai tamoi liaq, anhia khoiq tabõp tabéh cứq, cớp yỗn cứq mut tâng đõng anhia. ³⁶ Bo cứq ớq tampác, anhia khoiq yỗn cứq bữn tampác. Bo cứq a-ĩ, anhia khoiq pợc cláh clơ cứq. Bo cứq ỡt tũ tâng cuaq, anhia khoiq toâq sa-óh cứq.’ ³⁷ Chơ alóí ca tanoang o ki blóh neq: ‘Ncháu ơi! Bo léq hếq hữm Ncháu panhieih cớp hếq chửm siem Ncháu? Tỡ la Ncháu khlac đợc cớp hếq yỗn Ncháu nguaiq?’ ³⁸ Bo léq hếq hữm Ncháu la cũai tamoi liaq, cớp hếq tabõp tabéh o Ncháu, cớp yỗn Ncháu mut tâng đõng hếq? Tỡ la Ncháu ớq tampác, cớp hếq yỗn Ncháu bữn tampác? ³⁹ Cớp bo léq hếq hữm Ncháu a-ĩ tỡ la ỡt tũ tâng cuaq, ma hếq pợc sa-óh Ncháu?’ ⁴⁰ Ngkíq Puo ki ta-õi loah neq: ‘Cứq atõng anhia samoât lứq, bo an-hia táq máh ranáq ki chóq sễm ai cứq ca tỡ bữn noau rachuai, nâi la machõng an-hia táq chóq cứq tẻ!’

⁴¹ “Moâm ki, Puo ki atõng alóí ca ỡt coah avêr án ễn neq: ‘Anhia priang yõng tễ cứq, yuaq Yiang Sursĩ khoiq pupap anhia chơ. Án

yỗn anhia ỡt tâng ntốq bữn ỹih blữ mantái níc, la ntốq Yiang Sursĩ khoiq thữan đợc yỗn yiang Satan cớp máh ranễng yiang ki. ⁴² Bo cứq sâng panhieih, anhia tỡ bữn yỗn cứq sana cha. Bo cứq khlac đợc, anhia tỡ bữn yỗn cứq nguaiq. ⁴³ Bo cứq la cũai tamoi liaq, anhia tỡ bữn tabõp tabéh o cứq, cớp tỡ bữn yỗn cứq mut tâng đõng anhia. Bo cứq ớq tampác, anhia tỡ bữn yỗn cứq bữn tampác. Bo cứq a-ĩ cớp ỡt tũ tâng cuaq, anhia tỡ bữn pợc clơ cớp toâq sa-óh cứq.’ ⁴⁴ Chơ alóí ki blóh Puo neq: ‘Ncháu ơi! Bo léq hếq hữm Ncháu panhieih, tỡ la khlac đợc, tỡ la cõt tamoi liaq, tỡ la ớq tampác tâc, tỡ la a-ĩ cớp ỡt tũ tâng cuaq, ma hếq tỡ bữn chuai Ncháu?’ ⁴⁵ Ngkíq Puo ki ta-õi loah alóí neq: ‘Cứq atõng anhia samoât lứq, bo anhia tỡ bữn chuai máh cũai tỡ bữn noau rachuai, la machõng anhia tỡ bữn chuai cứq tẻ.’ ⁴⁶ Chơ tộp alóí ca tỡ bữn rachuai, cớq alóí mut tâng ntốq tởiq bap lứq. Ma máh cũai tanoang o, alóí bữn mut tâng ntốq bữn tamoong mantái níc.”

26

*Cũai Sốt Sarhõng Ễ
Cachĩt Yê-su
(Mac 14:1-2; Luca 22:1-2;
Yang 11:45-53)*

¹ Tữ Yê-su atõng moâm nheq parnai ki, án atõng tộp

rien tễ án neq: ² “Anhia khoi q dáng chơ, noâng bar tangái ẽn tốp I-sarel ẽ cha bũi sanhữ Tangái Loõh.* Tangái ki la tangái noau chiau cứq, Con Yiang Cõt Cũai, yõn cũai téh cứq tâng aluang sangcáng.”

³ Bo ki máh cũai sốt tốp tễng rit sang Yiang Sursĩ cốp máh cũai sốt nehq sâu, alói rôm sarhông tâng đống cũai sốt nehq tễ rit sang Yiang Sursĩ. Ramứh án la Cai-pha. ⁴ Alói sarhông đõq chuaq ngê ẽ cốp cốp cachĩt Yê-su, ma alói tở ẽq cũai canõh dáng. ⁵ Alói pai neq: “Hái tở tềq táq ngkíq tâng tangái cha bũi, yuaq ngcõh cũai cứng táq choac tâng vil.”

Manoaq Mansẽm Tõh Đõq Phuum Tâng Tở Yê-su
(Mac 14:3-9; Yang 12:1-8)

⁶ Bo Yê-su õt tâng vil Bê-thani, án õt tâng đống Si-môn, la cũai a-ĩ tut tễ nhũang. ⁷ Chơ bữn manoaq mansẽm toâq pở Yê-su. Án đưng muoi lám bẽ noau táq toâq tamáu bữn ramứh a-labat. Tâng bẽ ki bữn đõq phuum kia ntâng lứq. Bo Yê-su õt chi-cha, mansẽm ki tõh đõq phuum tâng plở Yê-su. ⁸ Tở tốp rien tễ Yê-su hữm mansẽm ki táq ngkíq, alói sâng cutâu mút, cốp alói pai neq: “Nõq mansẽm nãi táq ngkíq, cốp palõ miat mun? ⁹ Khãn chẻq đõq phuum nãi,

bữn sa-ũi práq. Tềq ỉt práq ki chuai máh cũai cadĩt!”

¹⁰ Yê-su sâng alói pai ngkíq, chơ án atõng alói neq: “Nõq anhia táq yõn mansẽm nãi ngua? Mansẽm nãi táq ranáq o lứq yõn cứq. ¹¹ Máh cũai cadĩt õt níc cốp anhia. Ma cứq tở bữn õt mantái níc cốp anhia. ¹² Mansẽm nãi khoi q tõh đõq phuum tâng tở cứq, thữan đõq yõn noau tứp cứq tâng ping. ¹³ Cứq atõng anhia samoât lứq, tâng dũ ntõq chũop cõc cutẽq nãi, toâq noau atõng parnai o tễ Yiang Sursĩ, lứq noau atõng dẻh ranáq mansẽm nãi táq hữ đõq cũai sanhữ loah án.”

Yuda Pruam Chẻq Chít Yê-su

(Mac 14:10-11; Luca 22:3-6)

¹⁴ Vót ki Yuda I-cari-õt, án la tễ tốp muoi chít la bar náq, án toâq pở cũai sốt tốp tễng rit sang Yiang Sursĩ. ¹⁵ Cốp án atõng alói neq: “Khãn cứq chiau Yê-su pở atĩ anhia, ki ntrớu anhia yõn cứq?”

Ngkíq alói pruam yõn án pái chít ỏc práq. ¹⁶ Moâm ki, Yuda chuaq ngê yoc ẽ chẻq chít Yê-su.

Yê-su Ờt Cha Parnoi Cốp Tốp Rien Tễ Án

(Mac 14:12-21; Luca 22:7-14, 21-23; Yang 13:21-30)

¹⁷ Tâng máh tangái tốp I-sarel cha bũi sanhữ Tangái

* 26:2 26:2 Tangái ki alói sanhữ tangái Yiang Sursĩ chuai yõn alói loõh tễ cruang Ê-yip-tỏ tễ mbỏq.

Loõh, nheq tapul tangái alói cha bẽng tở bữn pluoih. Tâng tangái muoi, tốp rien tễ Yê-su toâq pở án cốp blóh neq: “Ntốq léq thâi yoc hếq pởq thữan yỗn thâi cha pêl bũi?”

18 Yê-su ta-õi alói neq: “Anhia mut tâng vil, anhia ramóh manoaq ca ndõm dõng. Anhia pai chóq án neq: ‘Thâi pai khoiq cheq ẽ toâq tangái Yiang Sursĩ anoat yỗn cứq. Cứq cốp tốp rien tễ cứq yoc ẽ cha pêl bũi Tangái Loõh tâng dõng mới.’ ”

19 Ngkíq tốp rien tễ Yê-su pởq táq samoat Yê-su patâp alói. Cốp alói thữan cha pêl bũi tâng dõng ki.

20 Toâq nhứm-nhứm Yê-su tacu cha parnõi cốp muoi chít la bar náq tốp rien tễ án. 21 Bo alói chi-cha, Yê-su atõng alói neq: “Cứq atõng anhia samoat lứq, bữn manoaq tễ tốp anhia chếq chíq cứq.”

22 Nheq tữh tốp rien tễ án sâng ngua lứq, cốp chũ manoaq alói blóh Yê-su neq: “Cứq ma tở bữn, Ncháu?”

23 Yê-su ta-õi alói neq: “Án ca tốq bẽng muoi tangan cốp cứq, lứq án ki toâp chếq cứq. 24 Con Yiang Cõt Cũai cóq cuchit puai tâng tâm saráq Yiang Sursĩ khoiq atõng tễ án. Ma bap lứq cũai ca chếq Con Yiang Cõt Cũai! P̄ieiq lứq la mpiq án chõl canõt!”

25 Yuda, án ca chếq Yê-su blóh neq: “Cứq ma tở bữn, thâi?”

Yê-su atõng án neq: “Lứq p̄ieiq ariang mới pai.”

Alói Cha Nguaiq Sanhữ Tô Cốp Aham Yê-su

(Mac 14:22-26; Luca 22:15-20; Cờ-ntô Muoi 11:23-25)

26 Bo alói chi-cha, Yê-su ít bẽng. Án sa-õn Yiang Sursĩ, chơ án p̄ih bẽng ki cốp avơi yỗn máh tốp rien tễ án. Án pai neq: “Anhia roap cha; nâi la tở cứq.”

27 Vớt ki án ít tangan ẽn. Án sa-õn Yiang Sursĩ; chơ án avơi yỗn tốp rien tễ án, cốp án pai neq: “Nheq tữh anhia nguaiq. 28 Nâi la aham cứq ca loõh táq tếc Yiang Sursĩ par-ữq parnai tamái yỗn nheq tữh cũai. Nho tễ aham cứq Yiang Sursĩ táh lòi h yỗn cũai. 29 Cứq atõng anhia neq: Cứq tở bữn nguaiq noâng dờq palâi nho nâi yỗn toau toâq tangái cứq nguaiq dờq nho tamái parnõi cốp anhia tâng ntốq Mpoaq cứq sốt.”

30 Moâm alói ươt muoj cansái khẽn, chơ alói loõh tễ ki, chõn tâng dũal O-li-vê ẽn.

Yê-su Atõng Nhũang Tễ Ranáq Phi-er Táq

(Mac 14:27-31; Luca 22:31-34; Yang 13:36-38)

31 Bo ki Yê-su atõng alói neq: “Sadâu nâi toâp nheq tữh anhia lứq táh cứq. Tâng tâm saráq Yiang Sursĩ khoiq pai neq:

'Cứq yõn noau cachĩt chíq
cũai mantán cữu;
chơ tốp cữu cứq cõt pláh
chap nehq.'[☆]

32 Ma toâq cứq tamoong
loah, cứq pỡq nhũang anhia
pỡ cruang Cali-lê."

33 Phi-er atõng Yê-su neq:
"Khân nehq tữh cũai canõh
táh thâi, cứq lứq tỡ bữn táh
mỡ!"

34 Yê-su atõng loah án neq:
"Cứq atõng mới samoât lứq,
tâng sadâu nâi toâp, nhũang
ntrui tacar, mới lứq calõih
cứq pái trõ."

35 Ma Phi-er ta-õi neq:
"Khân noau cachĩt cứq cốp
thâi, la thõi. Cứq tỡ bữn
calõih mỡ!"

Cốp nehq tữh tốp ki pai
machõng Phi-er tê.

*Yê-su Câu Tâng Nương
Kê-t-se-manê
(Mac 14:32-42; Luca
22:39-46)*

36 Chơ Yê-su cốp tốp rien tẽ
án toâq pỡ n্তõq nưong Kê-
se-manê. Yê-su atõng tốp
rien tẽ án neq: "Anhia õt
tacu nâi nớ. Cứq pỡq câu pỡ
ki."

37 Ngkĩq Yê-su dũng Phi-er
cốp bar náq sễm ai con Sê-
badê pỡq nửng án. Mbõiq
ki Yê-su sâng túh ngua lứq.

38 Án atõng alớí pái náq ki
neq: "Mút cứq sâng ngua
lứq, tỡ rơi tamoong noâng.
Anhia õt acoan nâi. Anhia
trõl cốp cứq."

39 Tữ Yê-su pỡq bĩq ẽn, án
ap tâng cutẽq muoi tatúp,
cốp án câu neq: "O Mpoaq

cứq ơi! Khân mới sâng
pĩeiq, cứq sễq mới ayõq tan-
gan túh coat nâi yõn vót tẽ
cứq. Ma cứq tỡ ẽq puai
rangứh cứq bữm, ma ẽ puai
õng rangứh mới sâng."

40 Chơ Yê-su chu loah pỡ
pái náq ca rien tẽ án. Án
ramóh alớí bẻq. Chơ án blớh
Phi-er neq: "Nỏq mahúiq la
anhia tỡ rơi trõl cốp cứq?
41 Cốp anhia tamỡ cốp câu
sễq chõi yõn noau radũng
anhia táq lôih. Mút pahõm
anhia la bán rêng, ma sac
sâiq anhia la ieuq."

42 Yê-su pỡq trõ bar ẽn
câu pỡ ki sĩa. Án câu neq:
"Mpoaq cứq ơi! Khân mới
tỡ bữn ayõq tangan túh coat
nâi yõn vót tẽ cứq, ma mới
yõn cứq cốp nguaiq, ki cứq
pruam puai õng rangứh mới
sâng."

43 Chơ Yê-su chu loah pỡ
pái náq ca rien tẽ án. Án
ramóh alớí bẻq sĩa. Alớí tỡ
rơi culian; acõr moat alớí
acủp níc.

44 Yê-su pỡq sĩa tẽ alớí,
cốp án pỡq câu cõt trõ pái.
Án câu machõng santoiq tẽ
nhũang ki. 45 Chơ án chu
loah pỡ tốp rien tẽ án cốp
án pai neq: "Nỏq noâng
anhia bẻq cốp rlu níc? Ngư
cứq khoiq cheq toâq chơ.
Noau khoiq chẻq Con Yiang
Cõt Cũai, pỡ atĩ cũai lôih.

46 Yuor tayúng! Háí pỡq!
Anhia nhêng, án ca chẻq
cứq khoiq toâq chơ!"

Noau Cốp Yê-su

(*Mac 14:43-50; Luca 22:47-53; Yang 18:3-12*)

47 Bo Yê-su noâng atông alóí, Yuda la manoaq tễ tốp muoi chít la bar náq, án toâq cốp cũai cứng. Máh cũai ki toâq tễ cũai sốt tốp tềng rit sang Yiang Sursĩ, cốp cũai sốt nheq sâu. Alóí dững dau cốp cuan. 48 Án ca chềq Yê-su khoiq atông tếc yỗn máh cũai cứng ki dáng. Án khoiq atông alóí neq: “Khân anhia hữm cứq hữn aléq, lứq cutõ án oíq anhia ẽ bữn. Chơ anhia cốp án!”

49 Ngkíq Yuda toâq toâp pỡ Yê-su, cốp án pai neq: “Bán tê thâi.”

Chơ án hữn Yê-su.

50 Yê-su atông án neq: “Yóu ơi! Ranáq ntróu mới ẽ táq, ki mới táq cháí!”

Chơ noau toâq yống cốp cốp Yê-su.

51 Bữn manoaq tễ tốp puai Yê-su thot dau tễ sor. Án tráh manoaq sũl cũai sốt nheq tễ rit sang Yiang Sursĩ, pĩeiq ta-õh muoi coah cutũr.

52 Yê-su atông án neq: “Mới chóq loah dau mới tâng sor. Cũai aléq yống dau, cũai ki cuchít loah na dau. 53 Mới dáng ma tỡ bữn, khân cứq yoc, tềq cứq sễq tễ Mpoaq cứq yỗn án ớn hỡn tễ muoi chít la bar vian ranẽng án tễ paloõng toâq chuai cứq?”

54 Ma khân cứq táq ngkíq, ki tỡ bữn rapĩeiq noâng máh satoiq Yiang Sursĩ khoiq pai tâng tâm saráq án tễ

mbốq. Saráq ki atông tễ máh ranáq nâi cốp toâq.”

55 Chơ Yê-su blóh máh cũai cứng ki ên: “Nỏq anhia toâq pỡ nâi dững dau cốp cuan ẽ cốp cứq? Anhia chanchóm cứq la cũai savẽng tỡ? Cu rangái cứq õt atông tâng Dống Sang Toâr, ma anhia tỡ bữn cốp cứq. 56 Ma ranáq nâi táq yỗn cõt rapĩeiq máh satoiq tâng tâm saráq Yiang Sursĩ khoiq atông nhơ tễ cũai tang bốq Yiang Sursĩ tễ mbốq.”

Chơ máh tốp rien tễ Yê-su lúh táh chíq án.

Yê-su Tayúng Yáng Moat Cũai Sốt

(*Mac 14:53-65; Luca 22:54-55, 63-71; Yang 18:13-14, 19-24*)

57 Ngkíq alóí cốp Yê-su cốp dững án pỡ dống Cai-pha, la cũai sốt nheq tễ rit sang Yiang Sursĩ. Nheq tữh cũai sốt nheq sâu, cốp cũai yống rit, toâq rôm pỡ ntốq ki tê. 58 Phi-er puai cutuaih ntun clĩ Yê-su. Án mut tâng nchõh dống cũai sốt nheq tễ rit sang Yiang Sursĩ. Án tacu parnoi cốp ranẽng cũai sốt ki, yoc ẽ dáng ntróu alóí ẽ táq chóq Yê-su. 59 Ngkíq máh cũai sốt tốp tềng rit sang Yiang Sursĩ cốp cũai bữn chóc canõh, alóí chuaq cũai ca tềq pai apót Yê-su. Alóí yoc ẽ cachít Yê-su.

60 Bữn sa-ũi cũai toâq tũn apót Yê-su, ma tỡ bữn lứq. Sốt ki tỡ bữn ramóh muoi ốc tỡ o ntróu tễ Yê-su. Ntun

tháng bữn bar náq ẽn toâq apót Yê-su. ⁶¹ Alói pai neq: “Cũai nâi pai: ‘Têq cứq talốh Dống Sang Toâr Yiang Sursĩ. Chơ cứq táq loah pái tangái la moâm toáp.’”

⁶² Ngkíq án ca sốt nheq tẽ rit sang Yiang Sursĩ, án yuor tayúng cốp blóh Yê-su neq: “Máh cũai nâi cauq mới, lứq samoât mới pai ngkíq tở? Cốp ntróu mới yoc ẽ ta-õi loah chók alói ki?”

⁶³ Ma Yê-su ốt savur l sâng. Án tở bữn pai ntróu. Chơ án ca sốt nheq tẽ rit sang pai ẽn neq: “Cứq arô ramúh Yiang Sursĩ, án ca tamoong mantái, nhơ ramúh án cứq ón mới thẽ dũan cốp hếq, lứq mới la Crít, Con Yiang Sursĩ, ma tở bữn?”

⁶⁴ Yê-su ta-õi án neq: “Lứq p̄ieiq ariang mới pai. Ma cứq atởng loah anhia neq: Chumat anhia lứq hữm Con Yiang Cốt Cũai tacu coah atoam Yiang Sursĩ Sốt Toâr Lứq, cốp án toâq mpúng dĩ ramúh tâng paloong.”*

⁶⁵ Ngkíq án ca sốt nheq tẽ rit sang Yiang Sursĩ háq tampác án bữm, táq tếc án sâng ngua lứq. Cốp án pai chók nheq tữh cũai ki neq: “Án nâi pai ngkíq, la máh án acrieiq Yiang Sursĩ chơ. Choam hái ẽ blóh noâng cũai canốh. Anhia khoiq sâng chơ parnai án pai. ⁶⁶ Nỏq anhia chanchóm tẽ ốc ki?”

Alói ki ta-õi neq: “Lứq p̄ieiq án cók cuchĩt!”

⁶⁷ Chơ alói cuchóh tâng mieiq Yê-su, cốp chooc án. Ma bữn cũai canốh tapáh án, ⁶⁸ cốp blóh neq: “Crít ơi! Khân mới la lứq cũai tang bỗq Yiang Sursĩ, âu mới atởng hếq, noau chooc mới?”

Phi-er Calõih Yê-su
(Mac 14:66-72; Luca 22:56-62; Yang 18:15-18, 25-27)

⁶⁹ Phi-er ốt tacu tâng nchốh. Bữn manoaq mansẽm táq ranáq yỗn cũai ndõm nheq tẽ rit sang Yiang Sursĩ, toâq pở Phi-er cốp pai neq: “Mới la cũai ca ốt cốp Yê-su, cũai tẽ cruang Cali-lê.”

⁷⁰ Ma Phi-er calõih Yê-su yáng moat nheq cũai ki neq: “Cứq tở sapúh mới pai.”

⁷¹ Chơ án pởq pở ngoah toong viang. Bữn mansẽm canốh ẽn hữm án, cốp pai chók máh cũai ốt cheq ki neq: “Cũai nâi ốt cốp Yê-su, la cũai tẽ vil Na-sarết.”

⁷² Ma Phi-er calõih Yê-su sĩa, cốp án thẽ dũan: “Cứq tở dáng noau án ki!”

⁷³ Mahõi bar ẽn, bữn máh cũai ốt cheq ki toâq pở Phi-er, cốp pai neq: “Lứq samoât mới la tẽ tốp ki tê, yuaq samũong mới ỉn cũai ki.”

⁷⁴ Ma Phi-er thẽ dũan cloc plở cloc sóc. Cốp án ta-õi suon níc neq: “Cứq tở nai hữm, tở nai dáng cũai ki!”

* 26:64 26:64 Daniel 7:13

Bo ki toâp ntroui tacar.
⁷⁵ Chơ Phi-er sanhữ loah máh santoiq Yê-su khoiq atông án neq: “Nhũang ntroui tacar, mới lứq calõih cứq pái trõ.”

Ngkíq Phi-er loõh tẽ ki; chơ án nhiam la-õq lứq.

27

Yê-su Tayúng Yáng Moat Phi-lat

(*Mac 15:1; Luca 23:1-2; Yang 18:28-32*)

¹ Toâp poang tarup parnõ, mbõiq rừm-rừm, nheq tũh cũai sốt tộp tẽng rit sang Yiang Sursĩ, cốp nheq máh cũai sốt nheq sâu, alõi sarhõng cốp chuaq ngê ẽ cachĩt Yê-su. ² Alõi chõq Yê-su cốp dũng án pỡ atĩ Phi-lat cũai Rô-ma, án ca sốt tâng cruang ki.

Yuda Yác, Án Chõq Panũar Tâng Tacong Án Bũm

(*Ranáq Táq 1:18-19*)

³ Tũ Yuda, án ca khoiq chẽq Yê-su, sâng cũai sốt pai: Yê-su cóq cuchĩt, ngkíq án sâng ngua lứq cõ tẽ ranáq án khoiq táq. Chơ án dũng culáh loah pái chĩt ốc práq pỡ máh cũai sốt tộp tẽng rit sang Yiang Sursĩ, cốp máh cũai sốt nheq sâu.

⁴ Án pai neq: “Cứq khoiq táq lôih yuaq cứq khoiq chẽq manoaq ca tỡ bũn lôih ntróu.”

Ma alõi ta-õi Yuda neq: “Ốc ki tỡ bũn ntróu cốp hẽq. Tam mới!”

⁵ Ngkíq Yuda voang táh práq ki tâng Dõng Sang Toâr. Chơ án loõh yác, chõq panũar cốp sarót tacong bũm.

⁶ Máh cũai sốt tộp tẽng rit sang Yiang Sursĩ, alõi tõi q ít práq ki, cốp alõi pai neq: “Práq nâi la kia tẽ aham cũai. Ngkíq puai phẽp rit hái tỡ tẽq dõq práq nâi tâng Dõng Sang Toâr.”

⁷ Chơ alõi sarhõng. Moâm ki alõi chõng muoi tâm cutẽq toâq práq ki. Cutẽq ki alõi chõng tẽ cũai Chiang táq adéh toâq cutẽq tabát. Alõi chõng tâm cutẽq ki ien tũp cũai tẽ cruang canõh ca cuchĩt pỡ ki. ⁸ Ngkíq toau tangái nâi noau amũh cutẽq ki la Tâm Cutẽq Aham Cũai Cuchĩt. ⁹⁻¹⁰ Ngkíq cõt rapĩeq máh santoiq Yê-ramia, la cũai tang bõq Yiang Sursĩ, khoiq pai neq: “Noau ít pái chĩt ốc práq cốp chõng muoi tâm cutẽq tẽ cũai Chiang táq adéh cutẽq tabát ariang Ncháu cứq ớn cứq táq. Pái chĩt ốc práq ki la kia cũai I-sarel anoat yõn rangũh án.”*

Phi-lat Blõh Yê-su
 (*Mac 15:2-5; Luca 23:3-5; Yang 18:33-38*)

¹¹ Yê-su õt tayúng yáng moat Phi-lat la cũai Rô-ma, sốt tâng cruang ki. Phi-lat

* 27:9-10 27:9-10 Sa-chari 11:12-13

blóh Yê-su neq: “Mới la lúq puo tốp I-sarel tở?”

Yê-su ta-õi neq: “Lúq p̄ieiq mới pai.”

¹² Ngkíq máh cūai sôt tốp tềng rit sang Yiang Sursĩ, cốp cūai sôt neq sâu, alóí cauq Yê-su. Ma Yê-su tở bữn ta-õi ntróu. ¹³ Chơ Phi-lat blóh ễn: “Mới sâng ma tở bữn noau cauq mới sa-ũĩ ramứh?”

¹⁴ Ma Yê-su tở bữn ta-õi muoi ọc ntróu. Ngkíq cūai sôt ki sâng dót lúq.

Noau Rươh Yê-su Cỏq Chũuq Cuchĩt

(Mac 15:6-15; Luca 23:13-25; Yang 18:39-19:16)

¹⁵ Toâq tangái cūai I-sarel rôm cha bũi sanhữ Tangái Loỏh, alóí bữn rit cūai sôt cruang ki acláh manoaq cūai tũ puai pahỏm cūai proai rươh yoc ẽ acláh. ¹⁶ Bo ki bữn manoaq cūai tũ, ramứh Ba-raba. Dũ náq dáng neq ramứh án. ¹⁷ Ngkíq, bo cūai cứng ốt rôm ngki, Phi-lat blóh alóí neq: “Cūai aléq anhia yoc cứq acláh yỏn anhia, Ba-raba tở la Yê-su, án ca noau đởq Crĩt?”

¹⁸ Phi-lat dáng samoât lúq máh cūai sôt ki ũan lúq cốp Yê-su yuaq cūai proai alóí yoc ẽ puai Yê-su. Yuaq ngkíq alóí dừng Yê-su toâq pở án.

¹⁹ Bo Phi-lat tacu tâng nỏtốq án sữq, lacuoi án coiq par-nai pở án neq: “Mới chỏi táq ntróu chỏq cūai ki, yuaq án tở bữn táq lỏih ntróu. Tabữ mahái cứq rầu mpáu

tễ án, chơ tangái nâi cứq sâng croỏq lúq.”

²⁰ Ma neq cūai sôt tốp tềng rit sang Yiang Sursĩ, cốp máh cūai sôt neq sâu, alóí ỏn máh cūai cứng ki sễq tễ sôt yỏn acláh Ba-raba, ma cachĩt Yê-su. ²¹ Án ca sôt ki blóh cūai cứng neq: “Tề bar náq cūai nâi, anhia yoc cứq acláh noau?”

Alóí ta-õi: “Ba-raba!”

²² Phi-lat blóh ễn neq: “Khân ngkíq, ntróu anhia ẽq cứq táq chỏq Yê-su, án ca noau đởq Crĩt?”

Alóí ta-õi: “Tề án tâng aluang sangcáng!”

²³ Phi-lat blóh loah ễn: “Nỏq? Ntróu án táq lỏih chỏq anhia?”

Ma alóí ta-õi casang hỏn tễ nhũang ễn neq: “Tề án tâng aluang sangcáng!”

²⁴ Tữ Phi-lat dáng án tở tềq táq ntróu đởq chuai Yê-su, cốp án ngcỏh cūai cứng ki táq choac lúq ễn, ngkíq án ỉt đởq, chơ án ariau aũĩ yáng moat alóí, cốp án pai neq: “Nâi la cứq táq tềc, cứq tở bữn tột ntróu tễ cūai nâi cuchĩt. Ốc ki tam anhia.”

²⁵ Nheq tữh cūai cứng ki ta-õi loah neq: “Tột cūai ki cuchĩt sễq yỏn toâq pở hếq cốp toâq pở con acái hếq hỏ.”

²⁶ Chơ Phi-lat acláh Ba-raba yỏn cūai cứng ki. Ma Yê-su, Phi-lat yỏn noau proaih án. Vớt ki án chiau Yê-su yỏn alóí dừng tề án tâng aluang sangcáng.

Tahan Ayê Ra-ac Yê-su
(Mac 15:16-20; Yang 19:2-

3)

²⁷ Chơ, máh tahan Phi-lat dững Yê-su mut tâng đồng noau đốq sữq cũai. Ntốq ki bữn tahan cứng lữq toâq ốt pễ Yê-su. ²⁸ Alói tũot tampác Yê-su, cốp alói asóp án au tuar santúm ẽng. ²⁹ Alói táq carvang sarlia apưng tâng plở án. Cốp alói yỗn án yống ralõng yoah atĩ atoam. Moâm ki alói sacõh racól yáng moat án cốp ayê ra-ac án, pai neq: “Cucõh noau casai puo I-sarel!”

³⁰ Alói cuchóh tâng tở Yê-su, cốp alói ỉt ralõng toân tâng plở án. ³¹ Moâm alói ayê ra-ac án, chơ alói tũot au tuar cốp asóp loah tampác án bữm. Chơ alói dững aloõh án đốq téh án tâng aluang sangcáng.

Noau Téh Yê-su Tâng Alu-ang Sangcáng

(Mac 15:21-32; Luca 23:26-43; Yang 19:17-27)

³² Tữ alói loõh vót tễ vil, alói ramóh manoaq samiang tâng rana, ramúh Si-môn. Án la cũai tễ cruang Si-rên. Alói ẽp án đõl aluang sangcáng Yê-su. ³³ Alói toâq pữ ntốq ramúh Cô-cô-tha. Santoiq nâi parlong loah la ‘Ntốq Nhang Cantar Plở’. ³⁴ Ớt ntốq ki noau avơi yỗn Yê-su nguaiq blõng carchóc cốp cớng ntáng. Yê-su yễl, ma án tở bữn nguaiq.

³⁵ Chơ alói téh Yê-su tâng aluang sangcáng. Cốp alói

tampẽq tampác án na séng anhúq, aléq bữn la thỏi. ³⁶ Moâm ki alói tacu kĩaq Yê-su. ³⁷ Yoah pỡng plở Yê-su alói đốq muoi khlếc pian; cốp alói chĩc chũq neq: CŨAI NÂI LA YÊ-SU. ÁN LA PUO CŨAI I-SAREL. ³⁸ Ngau téh bar náq cũai savẽng cheq Yê-su tê, manoaq coah atoam, manoaq coah avêr.

³⁹ Máh cũai pỡq pha bân ki, alói culữt-culiau ayê ra-ac Yê-su. ⁴⁰ Alói pai neq: “Mới nâi ơiq ca pai ẽ talõh đồng sang Yiang Sursĩ. Chơ mới táq loah pái tangái la moâm toáp. Âu sanua mới chuai amoong loah tở mới bữm. Khân mới lữq Con Yiang Sursĩ, ki mới sếng tễ aluang sangcáng ki.”

⁴¹ Cốp máh cũai sốt tốp tễng rit sang Yiang Sursĩ, máh cũai yống rit, cốp máh cũai sốt nheq sâu, tốp alói ayê ra-ac Yê-su tê. ⁴² Alói pai neq: “Cũai canõh tềq án chuai amoong, ma tở án bữm, tở hữm tềq án chuai. Khân án lữq puo cũai I-sarel, yỗn án sếng bữm tễ aluang sangcáng ki. Khân ngkĩq, hái lữq sa-âm án tê. ⁴³ Án sa-âm Yiang Sursĩ, cốp án pai án la Con Yiang Sursĩ. Khân lữq ngkĩq, yỗn Yiang Sursĩ chuai amoong án sanua.”

⁴⁴ Cốp alói bar náq savẽng ca noau téh tâng aluang sangcáng muoi próh cốp Yê-su, alói ayê ra-ac Yê-su tê.

Bo Yê-su Cheq Ê Cuchit

(*Mac 15:33-41; Luca 23:44-49; Yang 19:28-30*)

45 Tê moat mandang toâng toau toâq moat mandang priang, cõt canám nheq tâng cruang ki. 46 Toâq mandang priang Yê-su arô casang lúq neq: “Ê-li, Ê-li, lama-sabac-tani?” Santoiq nâi parlong loah la: “Yiang Sursĩ cứq ơ! Yiang Sursĩ cứq ơ! Nớq mới táh chíq cứq?”[☆]

47 Toâq cũai tayúng cheq ki sâng Yê-su arô, alói pai neq: “Án arô Ê-li!”

48 Bữn manoaq tễ alói ki lúh ít muoi cõc aroâiq. Án alốq aroâiq ki tâng blõng nhõq, cõp án chõq aroâiq ki tâng dũi. Chơ án avõi yõn Yê-su yáp. 49 Ma cũai canõh pai neq: “Hái acoan voai. Hái nhêng Ê-li toâq chuai án, ma tõ bữn!”

50 Yê-su u-õi casang lúq ễn, chơ án ta-õh rangứh.

51 Bo ki toâp aroâiq noau yoang tâng Dõng Sang Toâr cõt raháq tễ põng toâq pũn, cõt bar sarẽc. Cutẽq cacũt, cõp máh tamáu cõt pacháh. 52 Ping cumuiq riang noau pớh bữm, yõn sa-ũi náq cũai ca puai ngê Yiang Sursĩ ca khoiq cuchit bữn tamoong loah. 53 Vốt Yê-su tamoong loah, máh cũai ca khoiq cuchit, alói loõh tễ ping, cõp alói mut tâng vil Yaru-salem. Tâng vil ki bữn cứng cũai hữm alói.

54 Bo ki bữn manoaq sõt muoi culám tahan, án õt kĩaq Yê-su. Nheq náq alói hữm cutẽq cacũt, cõp alói hữm máh ramứh canõh hõ. Ngkíq alói sâng ngcõh lúq, cõp alói pai neq: “Lúq samoât cũai nâi la Con Yiang Sursĩ!”

55 Bữn sa-ũi náq mansẽm õt yong tapoang nhêng chu Yê-su. Alói ki khoiq puai Yê-su tễ cruang Cali-lê, cõp alói chũm siem án. 56 Tâng tốp mansẽm ki bữn Mari tễ vil Mac-dala, Mari la mpiq Yacõ cõp Yô-sê, cõp mpiq alói bar náq con samiang Sê-badê.

Noau Túp Yê-su

(*Mac 15:42-47; Luca 23:50-56; Yang 19:38-42*)

57 Toâq paloõng nhứm-nhứm, bữn manoaq cũai sõc tễ vil Ari-mathê toâq. Ramứh án la Yô-sep. Án la cũai rien tễ Yê-su tê. 58 Án toâq pờ Phi-lat, cõp án sếq cumuiq Yê-su. Phi-lat ớn noau yõn cumuiq Yê-su pờ án. 59 Ngkíq Yô-sep ít cumuiq Yê-su, cõp án som toâq aroâiq tamái cõp cloc o lúq. 60 Chơ án đõq cumuiq ki tâng ping tamái khong án; ping ki noau tõt tâng tamáu cõl. Chơ án vih tamáu catáng chíq ngoah ping. 61 Mari tễ vil Mac-dala, cõp Mari canõh ễn, alói tacu tapoang nhêng chu ngoah ping.

[☆] 27:46 27:46 Ûat Khẽn 22:1

Cũai Sốt Yỗn Tahan Kĩaq Ping Yê-su

62 Mách tangái parnõ la tangái ntun tốp I-sarel thũan táq lêq. Tangái ki máh cũai sốt tốp tễng rit sang Yiang Sursĩ cóp máh cũai Pha-rasi, alói pỡq chu Phi-lat. 63 Alói pai chỏq Phi-lat neq: “Achuaih ời! Hếq sanhữ bo cũai lauq ki noâng tamoong, án pai neq: ‘Cứq cuchĩt, ma vót pái tangái cứq tamoong loah.’ 64 Ngkíq, hếq sễq achuaih yỗn noau kĩaq carsĩat ping ki toau toâq tangái pái. Chơ tốp rien tễ án tỡ têq pỡq ít tuiq tỗ cumuiq ki. Khân alói bữn tuiq, ki alói lứq atõng cũai canõh neq: ‘Yê-su cuchĩt, chơ án tamoong loah.’ Khân alói pai Yê-su tamoong loah, ốc lauq ki ntâng hỡn tễ ốc lauq noau pai án la Crĩt.”

65 Chơ Phi-lat ta-õi alói neq: “Anhia dững tahan pỡq kĩaq ping ki; tam rangứh anhia.”

66 Ngkíq alói loõh tễ ki. Chơ alói pỡq cloaih ngoah ping ki yỗn khâm lứq. Cóp alói ớn tahan kĩaq ping ki.

28

Yê-su Tamoong Loah

(Mac 16:1-10; Luca 24:1-12; Yang 20:1-18)

1 Vót Tangái Rlu, toâq tangái muoi tâng tỗn tamái, tarừp ki paloõng poang mbõiq rừm-rừm, Mari tễ vừl Mac-dala cóp Mari canõh pỡq cở ping Yê-su. 2 Bo

ki cutễq cõt cacút hập lứq, yuaq bữn ranễng Yiang Sursĩ sễng vih tamáu noau khoiq catáng ngoah ping Yê-su; chơ án tacu tâng tamáu ki. 3 Roâp ranễng ki la samoât riang lalieiq, cóp tampác án cloc ariang prễl prỉl. 4 Mách tahan kĩaq ping ki sâng ngcõh lứq cóp cangcoaih. Alói cõt samoât riang cũai cuchĩt.

5 Ranễng Yiang Sursĩ atõng mansẽm ki neq: “Anhia chõi ngcõh ntróu. Cứq dáng anhia chuaq Yê-su, án ca noau khoiq tét tâng aluang sangcáng. 6 Án tỡ bữn ớt nnâi noâng. Án khoiq tamoong loah chơ, samoât án khoiq pai tễ nhũang. Anhia toâq pỡ nâi, nhêng chu ntốq noau đởq án tễ nhũang. 7 Chơ anhia pỡq cháit atõng máh tốp rien tễ án neq: ‘Yê-su khoiq tamoong loah chơ. Sanua án pỡq nhũang anhia pỡ cruang Cali-lê. Ớt ntốq ki anhia lứq bữn ramóh án!’ Cỏq anhia sanhữ máh ốc cứq atõng anhia.”

8 Ngkíq mansẽm ki loõh tễ ntốq ping ki. Ntơn alói croỏq, ntơn alói ỡn hỡ. Alói lúh pỡq atõng máh tốp rien tễ Yê-su.

9 Bo alói pỡq, alói santar sâng Yê-su toâq ramóh alói, cóp án cubán alói neq: “Bán tễ anhia.”

Mansẽm ki toâq pỡ Yê-su, kĩau ayũng án, cóp sang án. 10 Chơ Yê-su atõng alói neq:

“Anhia chỗi ngcõh ntróu. Anhia pǝq atõng sễm ai cứq yõn alói pǝq chu cruang Cali-lê. Ồt ntốq ki alói bữn ramóh cứq.”

Cũai Sốt Yõn Mách Tahan Bữn Práq

¹¹ Bo mansễm ki pǝq tâng rana, tahan ca kĩaq ping Yê-su chu pǝ vil cớp atõng máh cũai sốt tộp tễng rit sang Yiang Sursĩ, dáng tễ dĩ ramứh alói khoiq hữm.

¹² Mách cũai sốt ki rôm sarhõng cớp máh cũai sốt nheq sâu. Chơ alói yõn práq sa-ữi pǝ máh tahan kĩaq ki.

¹³ Cớp alói atõng tahan ki neq: “Yõn anhia pai tộp rien tễ Yê-su toâq sadâu cớp ít tuiq cumuiq Yê-su bo anhia bếq. ¹⁴ Ma khân Phi-lat, án ca sốt cruang, sâng tễ ramứh nâi, hếq lứq rapai chuai anhia, yõn án tở bữn táq ntróu chốq anhia.”

¹⁵ Ngkíq máh cũai tahan ki ít práq, cớp alói táq puai riang máh parnai noau ón alói. Toau toâq tangái nâi, bữn cũai I-sarel atõng ốc ki yõn parchia yõn cũai canõh dáng.

Yê-su Ramóh Tộp Rien Tễ Án Tâng Cruang Cali-lê

(Mac 16:14-18; Luca 24:36-49; Yang 20:19-23; Ranáq Táq 1:6-8)

¹⁶ Muoi chít la muoi noaq tộp rien tễ Yê-su, alói chõn pǝ cóh tâng cruang Cali-lê pǝ ntốq Yê-su khoiq patâp alói chơ. ¹⁷ Toâq alói hữm

Yê-su, alói sang án; ma bữn án ca tở bữn sa-âm samoât samoi. ¹⁸ Yê-su toâq pǝ alói cớp atõng alói neq:

“Nheq máh ramứh chốc tâng paloõng cớp tâng cutếq, Yiang Sursĩ khoiq chiau yõn cứq chơ. ¹⁹ Ngkíq cóq anhia pǝq atõng dĩ náq cũai yõn cớt máh cũai rien tễ cứq tễ. Cóq anhia táq batễm yõn alói nhơ ramứh Mpoaq, nhơ ramứh Con, cớp nhơ ramứh Raviei Yiang Sursĩ. ²⁰ Cóq anhia atõng alói yõn trỉh dĩ ốc cứq khoiq patâp anhia. Cớp lứq cứq ồt cớp anhia mantái níc, tễ sanua toau toâq tangái parsốt.”

Mac Chĩc Atõng Parnai O Tẽ Yê-su Crĩt Santoiq Atõng

Mac bũn ramũh Yang Mac hõ. Ắn chĩc saráq nài sám 50 toáq 60 cumo ntun Yê-su canõt. Mac atõng tẽ Yê-su la manoaq ca bũn chĩc lứq. Chĩc tẽ Yê-su hái tẽq hũm bo ắn atõng parnai Yiang Sursĩ. Ắn bũn chĩc rơi tuih aloõh máh yiang sáuq, cớp ắn bũn chĩc tẽq táh lờih yõn máh cũai. Yê-su la Con Yiang Cõt Cũai. Ắn chiau dời tamoong ắn đõq tháih nheq tũh cũai tẽ ốc lờih, yõn máh cũai tẽq bũn tamoong.

Mac atõng tẽ máh ranáq Yê-su táq, hõn tẽ máh ốc Yê-su atõng. Dâu lứq, Mac chĩc tẽ Yang ca táq batẽm, tẽ Yê-su roap batẽm, cớp yiang Satan chim Yê-su. Mac atõng tẽ máh ốc Yê-su chĩuq túh coat, cớp noau téh ắn tâng aluang sangcáng; vớit ki ắn tamoong loah tẽ cuchĩt.

Yang Ca Táq Batẽm

(Mathia 3:1-12; Luca 3:1-18; Yang 1:19-28)

¹ Santoiq nài tabõq atõng parnai o tẽ Yê-su Crĩt, Con Yiang Sursĩ.

² Ê-sai la cũai tang bõq Yiang Sursĩ, khoiq chĩc atõng saccoaiq tẽ Yang neq:

“Cứq Yiang Sursĩ ớn cũai ranẽng cứq toáq nhũang mới, đõq thũan rana yõn mới.”[☆]

³ Sương ắn sabau atõng casang tẽ ntõq aiq neq:

“Cớq anhia atũc rana yõn Ncháu hái. Cháh báng yõn tanoang rana đõq ắn põq.”[☆]

⁴ Ngkĩq Yang lứq toáq. Ắn õt tâng ntõq aiq, cớp ắn táq batẽm yõn máh cũai. Ắn põq pau atõng yõn nheq tũh cũai dáng tẽ ranáq batẽm. Batẽm la táq tẽc cũai khoiq ngin lờih lẽq cõt mút tamái ẽn, đõq Yiang Sursĩ táh lờih yõn alóih. ⁵ Ngkĩq nheq tũh cũai tâng cruang Yudê cớp nheq tũh cũai tâng vil Yarusalem toáq pũ ắn. Alóih ngin lờih, chơ Yang táq batẽm yõn alóih tâng crõng Yờ-dan.

⁶ Yang đõq tậc tampác noau táq toáq sóc charán lac-da. Ắn cantoân parnoân ngcâr tâng ngkĩng. Ắn cha lam cớp nguaiq đõq khĩal tẽ aruih. ⁷ Parnai ắn atõng la neq: “Ntun cứq bũn manoaq ẽn toáq. Ắn ki sớit clũih tẽ cứq. Cứq la tỡ bũn dũ chĩc đẽh leh cansái cớp tẽ ayũng ắn, yuaq cứq bũn chĩc cacót lứq. ⁸ Cứq táq batẽm yõn anhia na đõq sâng, ma ắn táq batẽm yõn anhia na Ravieih Yiang Sursĩ.”

Yang Táq Batêm Yỗn Yê-su
(*Mathia 3:13-4:11; Luca 3:21-22; 4:1-13*)

⁹ Bữn muoi tangái Yê-su toâq tễ vil Na-sarê, cruang Cali-lê. Chơ Yang táq batêm yỗn Yê-su ốt tâng crông Yôr-dan. ¹⁰ Từ Yê-su chõn tễ đợq, án hữm paloõng samoât riang noau pớh, cớp án hữm Raviei Yiang Sursĩ sễng tễ paloõng ariang chóm tariap, chơ póc tâng tỗ án. ¹¹ Muoi prớh ki, bữn sương Yiang Sursĩ sabau atõng tễ paloõng neq: “Mới la Con ca cứq ayooq lứq. Ntrớu mới táq, la cứq bữi nheq.”

¹² Bo ki toâp Raviei Yiang Sursĩ đưng Yê-su pớq chu ntốq aiq. ¹³ Yê-su ốt tâng ntốq aiq ki nheq pỗn chít sadâu pỗn chít tangái. Chơ yiang Satan chim án, yoc ễ radững án táq lỏih.* Yê-su ốt bân ntốq charán arủih, cớp ranễng Yiang Sursĩ tễ paloõng toâq chuai án.

Yê-su Mbõihq Táq Ranáq Án Tâng Cruang Cali-lê
(*Mathia 4:12-17; Luca 4:14-15*)

¹⁴ Vớt noau khoiq chớq Yang tâng cuaq, Yê-su mut tâng cruang Cali-lê cớp atõng parnai o tễ Yiang Sursĩ. ¹⁵ Án atõng neq: “Khoiq toâq ngư chơ. Cheq chơ Yiang Sursĩ táq sốt. Ngkíq cóq anhia ngin lỏih

lêq cõt mút tamái ễn cớp sa-âm parnai o tễ Yiang Sursĩ.”

Yê-su Ốn Pỗn Náq Ca Chuaq Sĩaq Puai Án
(*Mathia 4:18-22; Luca 5:1-11*)

¹⁶ Bo Yê-su pớq tâng tor clóng Cali-lê, án hữm bar náq sễm ai ramứh Si-môn cớp Anrê. Alói yoang alieiq tâng clóng ki, yuaq alói la cũai táq ranáq chuaq sĩaq. ¹⁷ Yê-su atõng alói neq: “Anhia puai cứq; chơ cứq táq yỗn anhia cõt cũai chuaq cũai samoât anhia chuaq sĩaq nài tề.”

¹⁸ Bo ki toâp alói táh alieiq, chơ alói puai Yê-su.

¹⁹ Yê-su pớq bĩq ễn; chơ án hữm bar náq sễm ai canỏh ễn ramứh Yacỡ cớp Yang, con samiang Sê-badê. Alói ốt clam loah alieiq tâng tuoc. ²⁰ Bo ki toâp Yê-su sabau alói. Ngkíq alói yỗn mpoaq alói, Sê-badê ốt tâng tuoc cớp cũai tuthể. Chơ alói bar náq ki puai Yê-su.

Cũai Bữn Yiang Sâuq
(*Luca 4:31-37*)

²¹ Vớt ki, Yê-su cớp cũai rien tễ án mut tâng vil Cabê-na-um. Toâq Tangái Rlu Yê-su mut tâng đống sang tốp I-sarel cớp atõng ngki. ²² Mách cũai ngki sâng dốt lứq tễ parnai án atõng. Án atõng ariang cũai bữn chớq lứq, tở bữn ariang cũai yống rit đốq atõng. ²³ Tâng đống sang,

* 1:13 1:13 Yiang Satan sốt nheq yiang sấuq canỏh.

bo ki bữn manoaq cũai bữn yiang sâuq payõh. Án hẽ casang lứq neq: ²⁴ “Ntróu anhia yoc cớp hếq, Yê-su tễ vil Na-sarê? Anhia toâq pở nâi ẽ cachĩt hếq tở? Cứq saccoal anhia; anhia toâq tễ Yiang Sursĩ cớp anhia la bráh o lứq.”

²⁵ Yê-su sươq yiang sâuq ki: “Chỗ tabõq! Mớỉ loõh chíq tễ tở cũai nâi!”

²⁶ Moâm ki yiang sâuq carvút tưng-tooc cũai ki, chơ án loõh. Bo yiang sâuq loõh, án hẽ casang lứq. ²⁷ Aléq aki sâng dớt lứq. Manoaq blóh manoaq neq: “Nỏq tềq án táq ranáq nâi? Án atõng parnai tamái cớp bữn chớc salẽh. Án sươq yiang sâuq, cớp yiang ki trĩh án.”

²⁸ Chơ máh ranáq Yê-su táq cõt parhan cháỉ lứq tâng dũ vil mpễr cruang Cali-lê.

Yê-su Táq Bán Cứng Cũai A-ĩ
(*Mathia 8:14-17; Luca 4:38-41*)

²⁹ Vót Yê-su loõh tễ dống sang, án pởq parnơi cớp Yacõ cớp Yang, chơ mut tâng dống Si-môn cớp Anrê. ³⁰ Yacán Si-môn bếq tua cõ án a-ĩ cutâu tở; chơ alớỉ atõng yõn Yê-su dáng ayoaq nâi a-ĩ. ³¹ Yê-su toâq pở ayoaq ki cớp tếc ayuor án. Tữ án yuor, án cõt bán, cớp tềq loah aloõh sana yõn tamoi cha.

³² Toâq tabữ, mandang pát chơ, noau dững máh cũai

a-ĩ cớp cũai bữn yiang sâuq táq. ³³ Nheq tữh cũai tâng vil ki rôm yáng tiah cheq ngoah toong. ³⁴ Yê-su táq bán cứng cũai bữn sa-ũỉ ramứh a-ĩ. Cớp án tuih aloõh yiang sâuq tễ tở cũai hỡ. Án tở yõn yiang sâuq táq ntõng ntróu, yuaq yiang sâuq saccoal án.

Yê-su Pởq Atõng Tâng Cruang Cali-lê
(*Luca 4:42-44*)

³⁵ Toâq tarup Yê-su tamõ tễ cláih lứq, paloõng tở yũah poang. Án loõh tễ vil, chơ án pởq chu ntỏq tở bữn noau õt, yoc ẽ câu ngki. ³⁶ Si-môn cớp yóu án pởq chuaq Yê-su. ³⁷ Toâq alớỉ tamóh án, alớỉ atõng án neq: “Nheq tữh cũai chuaq ẽ ramóh thâi.”

³⁸ Yê-su ta-õỉ alớỉ neq: “Hái cóq pởq chu vil canõh ẽn, pởq chu máh vil mpễr nâi. Cứq yoc atõng tâng vil ki hỡ. Mpoaq cứq ớn cứq toâq pở nâi dỏq táq ranáq nâi.”

³⁹ Ngkíq Yê-su pởq atõng tâng máh dống sang tốp I-sarel tâng cruang Cali-lê. Án tuih aloõh yiang sâuq tễ tở cũai hỡ.

Yê-su Táq Bán Cũai A-ĩ Tut
(*Mathia 8:1-4; Luca 5:12-16*)

⁴⁰ Bữn manoaq cũai a-ĩ tut toâq pở Yê-su. Án sacõh racól cớp cucõh cucũoi pai neq: “Khân Ncháu yoc, tềq Ncháu táq yõn cứq cõt bán.”

41 Yê-su sâng sarũiq táq, chơ án aloõh aĩ satoaq cũai ki. Cóp án pai neq: “Cứq yoc. Yõn mới cõt bán.”

42 Bo ki toáp cũai ki cõt bán a-ĩ tut. Tõ án cõt o loah. 43 Yê-su ớn án chu toáp, cóp án patáp cũai ki neq: 44 “Chõĩ atõng yõn cũai canõh dáng tẽ ranáq nãi. Ma cóq mới põq apáh tẽ mới yõn cũai tẽng rit sang Yiang Sursĩ nhêng. Chơ mới chiau sang yõn Yiang Sursĩ máh ramứh Mõi-se khoiq patáp tẽ mbỏq. Nãi la tếc apáh yõn cũai canõh dáng mới khoiq cõt bán chơ.”

45 Ma từ cũai ki loõh tẽ Yê-su, án põq atõng tẽ ranáq Yê-su chuai án. Chơ santoiq nãi trởh la-ữt la-ữi. Yuaq ngkíq, khân Yê-su yoc ẽ mut tâng vil, cóq án mut clõp, tỡ yõn noau hữm án. Án õt yáng tiah vil bân ntõq tỡ bữn noau õt. Ma noâng bữn cũai tẽ dũ ntõq toáq pỡ án.

2

Yê-su Táq Bán Cũai A-ĩ Coang
(*Mathia 9:1-8; Luca 5:17-26*)

1 Vót bar pái tangái ẽn, Yê-su chu loah pỡ vil Cabê-na-um. Khoiq noau sâng han án chu toáq pỡ đồng. 2 Cũai põq rôm pỡ ki clững lứq. Tâng ngoah toong tỡ bữn ntõq mut noâng, nheq tadát chơ. Ngkíq Yê-su atõng parnai Yiang Sursĩ yõn alóĩ sâng. 3 Bữn noau dững asuoi manoaq

a-ĩ coang nheq tỡ toáq pỡ án. Põn náq samiang crang cũai a-ĩ ki. 4 Ma từ alóĩ hữm clững lứq cũai õt khĩt Yê-su chơ, alóĩ tỡ dáng na léq ẽ mut pỡ Yê-su. Ngkíq alóĩ pớh mpuol đồng choâng Yê-su õt, cõ ẽ atĩar asêng cantrang ca bữn samiang a-ĩ ki. 5 Từ Yê-su dáng mút alóĩ sa-âm lứq, ngkíq án atõng cũai a-ĩ coang ki neq: “Yõu ơi! Lõih mới cứq táh yõn.”

6 Bữn máh cũai yõng rit tacu ngki tê. Alóĩ chanchõm tâng mút alóĩ neq: 7 “Nõq cũai nãi pai ngkíq? Án yoc ẽ táq chóc máh Yiang Sursĩ tê. Ngkíq santoiq án pai la máh án acrieiq Yiang Sursĩ chơ. Tỡ bữn cũai aléq tẽq táh lõih. Ống Yiang Sursĩ toáp tẽq táh lõih.”

8 Bo ki toáp Yê-su dáng alóĩ ki chanchõm ngkíq tâng mút alóĩ. Án blóh alóĩ neq: “Nõq anhia chanchõm ngkíq? 9 Santoiq aléq anhia sâng ien hõn yõn cứq atõng? Ien cứq atõng cũai a-ĩ coang neq: ‘Lõih mới cứq táh yõn,’ tỡ la ‘Mới yuor tayúng cóp põq. Mới dững achu loâng cantrang mới?’ 10 Ma sanua cứq ẽ táq yõn cũai a-ĩ nãi cõt bán dõq yõn anhia dáng samoat samõi, cứq Con Yiang Cõt Cũai bữn chóc tâng dõĩ nãi. Cứq tẽq táh lõih cũai.”

Moâm ki Yê-su atõng yõn cũai a-ĩ coang neq: 11 “Cứq ớn mới yuor tayúng. Mới ỉt

đổi cantrang mới. Chơ mới chu loah pở đổng mới.”

12 Ngkíq cũai ki yuor tayúng. Án ít toáp cantrang án, loáh chíq tể cũai cứng ki. Tữ alóí hữm ngkíq, aléq aki sâng dót lứq cốp alóí khễn Yiang Sursĩ. Alóí pai neq: “Hái tở nai hữm ranáq nneq.”

Yê-su Ớn Lê-vi Puai Án
(*Mathia 9:9-13; Luca 5:27-32*)

13 Vót ki Yê-su pởq loah sĩa pở tor clóng. Cứng lứq cũai rôm loah pể án; chơ án atông alóí ki. 14 Bo án pởq, án hữm Lê-vi,* con samiang Al-phê, ốt tacu táq ranáq tâng đổng noau parôm ít práq thểq. Yê-su ớn Lê-vi neq: “Mới puai cứq.”

Ngkíq Lê-vi yuor tayúng puai án.

15 Moâm ki Yê-su pởq cha đỏi tâng đổng Lê-vi. Ớt ngki bữn cứng cũai parôm ít práq thểq, cốp cũai lóih canốh hỡ cha parnơi nứng Yê-su cốp tốp rien tể án. Yuaq bữn cứng cũai ki puai án. 16 Bữn cũai yống rit tể tốp Pha-rasi hữm Yê-su cha parnơi cốp cũai parôm ít práq thểq cốp cũai lóih canốh. Ngkíq cũai yống rit ki blóh tốp rien tể Yê-su: “Nốq án ki cha parnơi cốp

cũai parôm ít práq thểq cốp máh cũai lóih?”

17 Yê-su sâng alóí ki pai ngkíq; chơ án atông alóí neq: “Cũai bán o tở bữn sểq yỗn noau palai. Ma ống cũai a-ĩ sâng cóq sểq yỗn noau palai. Cứq tở bữn toáp pở nài đốq arô cũai ca ngin alóí tanoang o, ma cứq toáp pở nài đốq arô cũai ca dáng alóí bữn lóih.”

Yê-su Atông Tể Ớt Sana
(*Mathia 9:14-17; Luca 5:33-39*)

18 Máh cũai rien tể Yang cốp máh cũai Pha-rasi, alóí đốq rườh tangái đốq ớt sana cở alóí yoc chanchóm tể ngê Yiang Sursĩ. Alóí toáp blóh Yê-su neq: “Tốp rien tể Yang cốp cũai ca puai tốp Pha-rasi, alóí rườh tangái đốq ớt sana. Nốq tốp rien tể thài tở bữn táq machóng alóí ki tề?”

19 Yê-su ta-ơi loah alóí neq: “Khân bữn samiang ít lacuoi, bo yóu pởq racoaiq cốp án, alóí sâng bũi. 20 Ma tữ alóí chu tể racoaiq, alóí miar ốt. Tữ ki alóí ớt sana đốq sanhữ loah yóu alóí.†

21 “Tở bữn noau tamoal aroaiq tamái tâng tampác khoiq anhốh. Khân noau táq ngkíq, ramoal ki carón cốp ra-ốc aroaiq anhốh. Ngkíq raháq ki cõt la-a lứq ễn. 22 Cốp tở bữn noau chiaq blống tamái tâng aluoi ngcâr

* 2:14 2:14 Lê-vi noau đốq ramứh Ma-thia hỡ. † 2:20 2:20 Tâng parnai nài, Yê-su sacâm án la samoát án ít lacuoi. Bo Yê-su noâng ốt cốp tốp rien tể án, alóí noâng chi-cha. Ma tữ án chổn chu paloóng, alóí ớt sana tề cở alóí yoc chanchóm loah máh santoiq án khoiq atông alóí.

khoiq tiaq chơ. Khân noau táq ngkíq, blống ki cõt puaiq, cốp acán pa-át ki táq yõn aluoi ngcâr padõh. Chơ aluoi ngcâr cốp blống ki pút nheq. Ma blống tamái cóq chóq tâng aluoi ngcâr tamái.”‡

Yê-su Atõng Tễ Rit Tangái Rlu
(*Mathia 12:1-8; Luca 6:1-5*)

²³ Bữn muoi Tangái Rlu, Yê-su cốp tốp rien tễ án mut tâng sarái noau chóh saro bali. Nton alóí põq, nton alóí rút cha saro bali ki. ²⁴ Tốp Pha-rasi atõng Yê-su neq: “Ki! Nốq tốp rien tễ thài táq ranáq tỡ cõt rit cuang ntróu tâng Tangái Rlu.”

²⁵ Yê-su ta-õi alóí neq: “Nốq riang pai anhia tỡ nai doc tâng tâm saráq Yiang Sursĩ tễ puo Davĩt khoiq táq ntróu? Davĩt cốp tốp puai án, alóí ỏq crong sana cốp alóí sâng panhieih lứq. ²⁶ Ngkíq Davĩt mut tâng đống sang Yiang Sursĩ. Án cha cốp yõn yóu án cha tễ bẽng đốq yáng moat Yiang Sursĩ. Bẽng nài ống cũai tễng rit sang Yiang Sursĩ sâng têq cha. Bo ki Abia-tha la sốt nheq tễ rit sang Yiang Sursĩ.”

²⁷ Yê-su atõng loah alóí neq: “Yiang Sursĩ tỡ bữn tễng cũai đốq chuai Tangái Rlu, ma án tễng Tangái Rlu

đốq chuai cũai. ²⁸ Cúq, Con Yiang Cõt Cũai, la Ncháu tễ Tangái Rlu.”

3

Manoaq A-ĩ Yõt Atĩ
(*Mathia 12:9-14; Luca 6:6-11*)

¹ Bữn muoi tangái Yê-su mut tâng đống sang tốp I-sarel, cốp bữn manoaq sami-ang yõt atĩ tâng đống sang ki. ² Cốp bữn cũai canõh ốt ngki nhêng chu Yê-su, yoc ễ dáng án táq bán cũai a-ĩ ki tâng Tangái Rlu, ma tỡ bữn. Alóí chi-chuaq ỏc lôih yoc ễ cauq Yê-su. ³ Yê-su atõng cũai yõt atĩ ki neq: “Mới yuor tayúng yáng moat máh cũai nài.”

⁴ Chơ Yê-su blóh alóí ca ốt mpêr ki neq: “Khân puai rit hái, ntróu anhia sâng p̄ieiq hõn noau táq tâng Tangái Rlu? P̄ieiq noau táq o, ma p̄ieiq noau táq sâuq? P̄ieiq noau chuai amoong, ma p̄ieiq noau cachĩt? Ốc aléq anhia sâng o hõn?”

Ma alóí ki tỡ bữn ta-õi ntróu.

⁵ Yê-su carlang nhêng chu alóí ki. Án sâng ùan lứq alóí bữn mút coang. Chơ án ớn cũai a-ĩ ki neq: “Mới aloõh atĩ.”

Từ án aloõh atĩ án, chơ atĩ án cõt bán. ⁶ Ngkíq tốp Pha-rasi loõh tễ đống sang ki

‡ 2:22 2:22 Yê-su atõng tễ aroaiq cốp blống, la án sacâm cũai bữn mút pahõm tiaq, tỡ têq ít parnai tamái ca Yê-su atõng alóí. Ông alóí ca bữn mút tamái sâng têq ít parnai ki.

põq toâp ramóh tốp puai Hê-rôt. Nheq alóí ki sarhóng ẽ cachĩt chíq Yê-su.

Clúng Cũai Ớt Cheq Tor Đỡq Clóng

⁷ Vót ki Yê-su cốp tốp rien tẽ án loõh tẽ ki, chơ pỡ chu đỡq clóng. Tốp cũai clúng lứq tẽ cruang Cali-lê toâq pỡ án. ⁸ Toâq noau sâng han tẽ ranáq án táq, sa-ũĩ cũai toâq pỡ án tẽ cruang Yudê, tẽ vil Yaru-salem, tẽ cruang I-dumê, tẽ cruang yơng tẽ crống Yôr-dan, cốp tẽ cruang mpễr vil Ti-rơ cốp vil Sạdôn hỡ. ⁹ Chơ Yê-su ớn tốp rien tẽ án pỡq mian đốq muoi lám tuoc, yuaq án tở ẽq cũai clúng ki nết tở án. ¹⁰ Clúng cũai a-ĩ toâq nết yoc ẽ satoaq tở án, cõ án khiq táq yỗn bán sa-ũĩ cũai a-ĩ chơ. ¹¹ Ma tữ yiang sâuq hữm Yê-su, alóí padêh muoi tatúp yáng moat án. Alóí ki pai casang lứq neq: “Anhia lứq Con Yiang Sursĩ.”

¹² Ma Yê-su sươq yiang sâuq ki chõĩ atõng yỗn cũai canõh dáng án la noau.

Yê-su Rươh Muoi Chít La Bar Náq Rien Tẽ Án

(*Mathia 10:1-4; Luca 6:12-16*)

¹³ Yê-su chõn tâng cóh, cốp án arô yỗn toâq pỡ án máh cũai án khiq rươh. Ngkíq alóí toâq pỡ án. ¹⁴ Yê-su rươh muoi chít la bar náq ca đốq ớt cốp án. Án đốq

alóí la: tốp ayũng atĩ án, cốp án patâp alóí la chu léq alóí pỡq, ki cóq alóí atõng pỡ ki. ¹⁵ Án yỗn alóí bữn chớch tuih aloõh yiang sâuq hỡ. ¹⁶ Máh ramúh tốp muoi chít la bar náq án rươh la neq: Si-môn, án ca Yê-su amúh Phi-er; ¹⁷ Yacõ cốp a-ẽm án ramúh Yang, alóí bar náq la con samiang Sê-badê. Yê-su đốq loah ramúh alóí Bô-anet ẽn. Sautoiq Bô-anet parlong loah la ‘sanóq crứm’. ¹⁸ Bữn đêh Anrê, Phi-lip, Batê-lami, Mathia, Thô-mat, Yacõ con samiang Al-phê, Thadê, Si-môn Sê-lôt, ¹⁹ cốp Yuda I-cari-ôt, án ca chéq yỗn noau cachĩt Yê-su.

Yê-su Cốp Bên-sabul

(*Mathia 12:22-32; Luca 11:14-23; 12:10*)

²⁰ Vót ki Yê-su mut tâng muoi đốq. Chơ clúng lứq cũai pỡq rôm loah pỡ ki. Yê-su cốp tốp rien tẽ án tở têq đêh chi-cha yuaq tadát nheq cũai. ²¹ Tữ mpiq cốp a-ẽm Yê-su khiq sâng tẽ ranáq nâi, alóí toâq yoc ẽ đừng aloõh chíq Yê-su tẽ cũai clúng, yuaq alóí sâng noau pai neq: “Án la samoât cũai yúh.”

²² Bữn cũai yỗng rit sễng tẽ vil Yaru-salem. Alóí pai neq: “Yê-su têq tuih aloõh yiang sâuq cõ yiang Bên-sabul ớt cốp án cốp yỗn án bữn chớch táq ranáq ki.

* 3:22 3:22 Bữn noau đốq yiang Satan la ramúh yiang Bên-sabul hỡ.

Yiang ca sôt nehq máh yiang sâuq yõn án bữn chóc ki.”*

23 Ngkíq Yê-su arô cũi ki toâq pở án, chơ án atõng alớ toâq parnai sacâm neq: “Nỏq yiang Satan ma têq tuih tở án bữm? 24 Khân bữn muoi cruang, ma manoaq rachíl manoaq, tở bữn cõt noâng cruang. 25 Khân bữn muoi đồng sũ, ma manoaq ralõih chóc manoaq, đồng sũ ki tở bữn cõt noâng. 26 Khân tốp yiang Satan, manoaq rachíl chóc manoaq, tốp ki cõt ratáh. Án tở bữn cõt tốp noâng. Án cõt pút chíq.

27 “Tở bữn noau têq talõh đồng cũi bán rêng khân án tở bữn chóc nhũang cũi ki. Moâm ki têq án talõh đồng cũi ki cốp ít nehq cớng án.†

28 “Cứq atõng anhia samoât lứq, cũi aléq ma táq lôih ntrớu, cốp cũi aléq ma acrieiq ramứh Yiang Sursĩ, nehq ramứh ki Yiang Sursĩ têq táh. 29 Ma cũi aléq ma acrieiq Raviei Yiang Sursĩ, Yiang Sursĩ tở nai táh lôih ki. Cũi táq ranáq ki bữn lôih mantái níc.”

30 Yê-su atõng ngkíq cõ alớ ki pai neq: “Án bữn yiang sâuq.”

Mpiq Cốp Sẽm Ai Yê-su
(*Mathia 12:46-50; Luca 8:19-21*)

31 Chơ mpiq cốp sẽm ai Yê-su toâq pở ki. Alớ tayứng

yáng tiah đồng, cốp ớn noau pởq coaiq Yê-su. 32 Clứng cũi tacu pở Yê-su. Alớ atõng án neq: “Ki! Mpiq cốp sẽm ai thâi ớt yáng tiah. Alớ yoc ẽ ramóh thâi.”

33 Yê-su blớh alớ ki: “Noau la mpiq cốp sẽm ai cứq?”

34 Chơ án carlang nhêng chu máh cũi tacu pở án, cốp án pai neq: “Nâi la mpiq cốp sẽm ai cứq. 35 Alớ ca táq tapun ngê Yiang Sursĩ, alớ la sẽm ai sẽm ỡi cứq, cốp mpiq cứq.”

4

Parnai Sacâm Tẽ Cũi Trứh Ốc
(*Mathia 13:1-9; Luca 8:4-8*)

1 Yê-su tabỏq atõng cheq tor đởq clóng. Clứng lứq cũi toâq pở án. Ngkíq án chõn tacu tâng tuoc ca ớt tâng đởq. Ma nehq máh cũi clứng ki ớt tâng tor đởq. 2 Chơ án atõng alớ sa-ủi ốc toâq parnai sacâm. Án atõng neq: 3 “Anhia tamứng! Bữn manoaq cũi pỏq trứh ốc. 4 Bo án trứh, bữn ốc satooh tâng rana. Chơ bữn chóm srứh tot chạ chíq ốc ki. 5 Bữn ốc canõh satooh tâng cutêq cada, pưn moang lantar. Chái lứq ốc ki dáh, yuaq cutêq ki tở bữn yarũ. 6 Ma toâq moat mandang loõh phũac lứq, bát ki cõt khõ, yuaq rêh án tở bữn

† 3:27 3:27 Ốc ki Yê-su sacâm neq: ‘Khân cứq yoc ẽ talõh chíq cớng yiang Satan, ngkíq cốp cứq rêng hỡn tở án. Ki nỏq têq talõh chíq cớng án.’

yarũ. Án roõh, chơ cuchĩt.
 7 Bữn ốc canõh satooh tâng
 cutêq bữn rêh bát sarlia. Tữ
 bát sarlia ki dách, án éc chíq
 bát mbõiq dách tễ ốc cũai ki
 trứh. Ngkíq bát ki tỡ cõt
 palâi. 8 Cóp bữn ốc canõh ễn
 satooh tâng cutêq o. Ốc ki
 dách o cóp cõt palâi o. Muoi
 nỡm cõt pái chít ốc. Muoi
 nỡm cõt tapoát chít ốc. Muoi
 nỡm ễn cõt muoi culám ốc.”

9 Chơ Yê-su pai ễn: “Aléq
 bữn cutũr yoc ễn tamúng, ki
 tamúng.”

*Nốq Yê-su Atõng Parnai
 Sacâm
 (Mathia 13:10-17; Luca
 8:9-10)*

10 Toáq cũai cứng ki chu,
 Yê-su ốt cóp muoi chít la bar
 náq rien tễ án cóp yóu canõh
 hỡ, chơ alóí blóh án tễ par-
 nai sacâm ki. 11 Yê-su atõng
 alóí ki neq: “Yiang Sursĩ
 khoiq yõn anhia dáng chơ
 parnai cutooq tễ Yiang Sursĩ
 táq sốt; ma máh cũai canõh,
 alóí sâng parnai ki toáq par-
 nai sacâm sâng. 12 Yiang
 Sursĩ yõn alóí nhêng ma tỡ
 bữn hữm. Alóí tamúng, ma
 tỡ bữn sapúh. Khân alóí
 lứq hữm cóp lứq sâng, cõh
 lơ alóí ễn píp loah puai ngê
 Yiang Sursĩ tê, chơ Yiang
 Sursĩ táh lỏih yõn alóí tê.”*

*Yê-su Aloõh Ngê Tễ Par-
 nai Sacâm Trứh Ốc
 (Mathia 13:18-23; Luca
 8:11-15)*

13 Yê-su blóh alóí ki neq:
 “Khân anhia tỡ dáng par-
 nai sacâm nâi, nốq têq an-
 hia dáng máh parnai sacâm
 canõh? 14 Cũai cạ trứh
 ốc, la án trứh parnai Yiang
 Sursĩ. 15 Bữn cũai samoát
 cutêq noau tĩn tâng rana.
 Tữ noau atõng parnai Yiang
 Sursĩ, alóí tamúng parnai ki,
 ma yiang Satan toáq toáp.
 Chơ án ỉt chíq parnai ki
 tễ mút alóí. 16 Bữn cũai
 canõh la samoát cutêq cada,
 pũn moang lantar. Tữ noau
 atõng parnai Yiang Sursĩ,
 alóí tamúng parnai ki, cóp
 cháí lứq alóí pruum sa-âm
 parnai ki bũi lứq. 17 Ma
 rêh alóí tỡ bữn yarũ. Ngkíq
 alóí tamoong mahõĩ sâng.
 Khân bữn ốc túh coat ntrớu
 toáq pỡ alóí cõ tian alóí
 sa-âm parnai ki, chơ alóí tỡ
 bữn sa-âm noâng. 18 Bữn
 cũai canõh la samoát cutêq
 bữn rêh bát sarlia. Tữ
 noau atõng parnai Yiang
 Sursĩ, alóí tamúng parnai
 ki. 19 Ma mút alóí ốt lua
 cút máh ranáq tâng dõĩ nâi;
 alóí ham sốc bữn, cóp ham
 máh ranáq canõh hỡ. Chơ
 máh ramứh ki éc chíq par-
 nai Yiang Sursĩ, táq yõn tỡ
 bữn cõt palâi. 20 Ma bữn
 cũai canõh la samoát cutêq
 o. Tữ noau atõng parnai
 Yiang Sursĩ, alóí tamúng cóp
 ỉt samoát samõi parnai ki.
 Alóí cõt palâi. Muoi nỡm
 cõt palâi pái chít ốc. Muoi
 nỡm cõt palâi tapoát chít ốc.
 Muoi nỡm ễn cõt palâi muoi
 culám ốc.”

*Yê-su Patâp Cóc Cũai
Pasêq Parnai Ân
(Luca 8:6-18)*

21 Yê-su atông ễn neq: “Tờ bữn noau tacât chóp tóu, chơ catúp chóc kang, tờ la đợc nhưp cachơng bẻq. Ma lứq noau đợc tâng rông. 22 Machóng ki tê, ramứh ntróu noau cutooq sanua, chumát nheq tữh cũai bữn hữm raloaih máh ramứh ki. Cóp ramứh ntróu noau táq clộp sanua, chumát nheq tữh cũai bữn dáng ramứh ki tê.* 23 Aléq bữn cutữr yoc ẽ tamứng, ki tamứng.”

24 Yê-su atông alóí ễn neq: “Cóc anhia tamứng yỗn samoât máh parnai anhia sâng cứq atông. Maléq anhia tamứng tẽ parnai ki, Yiang Sursĩ yỗn anhia sapúh máh ki tê, cóp clữi tẽ ki ễn. 25 Cũai aléq khoiq bữn chơ, Yiang Sursĩ yỗn án bữn sa-ũi lứq ễn. Ma cũai aléq tờ bữn bữn, máh ốc án khoiq bữn, cõt pút loah nheq.”

*Parnai Sacâm Tẽ Yiang
Sursĩ Táq Sốt
(Mathia 13:31-32, 34;
Luca 13:18-19)*

26 Yê-su atông ễn neq: “Yiang Sursĩ táq sốt la samoât riang manoaq sami-ang choat saro tâng sarái. Moâm án choat, chơ án chu pữ đớng. 27 Sadâu án bẻq, chơ tangái án pỡq táq ranáq. Ma máh saro án khoiq choat ki chớng ẽ dách bữm. Moâm

án dách, chơ án toâr achõn. Ma cũai ncháu saro ki tờ dáng nõq ốc ki dách. 28 Cutêq apu amia saro ki yỗn dách. Nhữang lứq bữn sala. Moâm ki bữn parlúm. Ntun ễn bữn palái. 29 Toâq saro ki chĩn, ncháu ỉt liem pỡq roaiq saro án, yuaq khoiq toâq ngư roaiq chơ.”

30 Yê-su blóh ễn: “Hái ẽ pai Yiang Sursĩ táq sốt la samoât riang ntróu? Cóp hái ẽ ỉt parnai sacâm ntróu đợc atông tẽ sốt ki? 31 Sốt ki la samoât muoi ốc cuplốq lavúng. Tữ noau trứh tâng cutêq, ốc ki cacót clữi nheq tẽ ốc canõh. 32 Ma tữ án dách, án toâr luat nheq tẽ nỡm bát canõh. Án cõt abẽng toâr yỗn chóm têq táq sóh tâng ốc abẽng án.”

33 Yê-su atông parnai Yiang Sursĩ toâq sa-ũi parnai sacâm yỗn alóí têq dáng máh léq alóí têq sapúh. 34 Án tờ bữn atông alóí ntróu khân tờ bữn ỉt parnai sacâm. Ma tữ án ớt cóp ống tộp rien tẽ án sâng, án atông alóí raloaih lứq tẽ máh parnai sacâm ki.

*Yê-su Sươq Cuyal Cóp
Đỡq
(Mathia 8:23-27; Luca
8:22-25)*

35 Tangái ki toâq nhứm-nhứm Yê-su atông tộp rien tẽ án neq: “Hái yang coah tooh ki ễn.”

* 4:22 4:22 Toâq án pai ‘ramứh cutooq’ cóp ‘ramứh clộp’ Yê-su atông tẽ ramứh án atông toâq parnai sacâm.

³⁶ Chơ alóí loõh tễ cũai clúng, cốp asuoi Yê-su na tuoc. Bữn sa-ữi tuoc canõh pớq tễ. ³⁷ Ma ntun ki bữn cuyal rapuq, cốp đờq lampóh hập lứq lampaáp tâng tuoc. Đờq lampóh pardáih amut mán ẽ dóp tuoc. ³⁸ Yê-su bẻq tacõl racõl pờ soi tuoc ki. Yứu án amoaih án cốp pai neq: “Thâi ơi! Thâi tở bữn croõq hái cheq ẽ cuchĩt tở?”

³⁹ Yê-su yuor tayứng sươq cuyal cốp atõng đờq clóng neq: “Ốt o! Mới chõỉ canoãq noãng!”

Chơ cuyal tangút, cốp cõt ien khẻ loah. ⁴⁰ Chơ án blớh alóí neq: “Nớq anhia ngcõh? Nớq anhia noãng tở yũah sa-âm?”

⁴¹ Ma alóí ki sâng dớt tâng mứt. Chơ manoaq blớh manoaq neq: “Cũai nâi la noau? Nớq cuyal cốp đờq ma tềq án!”

5

Yê-su Tuih Aloõh Yiang Sâuq Tễ Tổ Cũai

(*Mathia 8:28-34; Luca 8:26-39*)

¹ Vớt Yê-su cốp tốp rien tễ án khoiқ tacáng clóng Cali-lê, alóí toãq pờ tor cruang Yê-rasê. ² Từ Yê-su sễng tễ tuoc, bo ki toãp bữn manoaq samiãng ca yiang sâuq payõh loõh tễ clõm cumuiq, cốp án toãq pờ Yê-su. ³ Án õt loãng tâng clõm cumuiq. Tở bữn noau tềq sacáp án noãng toãq sái-sô. ⁴ Sa-ữi trở chơ noau

sacáp sái-sô cốp clừong toãq panũar tâng tổ án. Ma án táq sái-sô rakiaq nheq, cốp panũar la ta-õh nheq. Tở bữn noau tềq kĩaq án noãng. ⁵ Sadâu cốp tangái án õt níc tâng clõm cumuiq cốp tâng cóh. Án hẻ níc, cốp án chĩc tổ án toãq tamáu yõn bớq. ⁶ Ma từ án hữm Yê-su tễ yớng, án lủh toãq pờ Yê-su. Án sacõh racól yáng moat Yê-su. ⁷ Án hẻ casang lứq neq: “Ntróu anhia yoc ẽ táq chóq cứq, Yê-su? Anhia la Con Yiang Sursĩ, án ca sốt clữi nheq tễ canõh. Cứq sễq anhia yáng moat Yiang Sursĩ, chõỉ táq tõiқ bap cứq.”

⁸ Án pai ngkíq yuaq án khoiқ sâng chơ Yê-su ớn án neq: “Yiang sâuq ơi! Mới loõh chíq tễ tổ cũai nâi.”

⁹ Chơ Yê-su blớh án: “Ntróu ramứh mới?”

Yiang sâuq ki ta-õi: “Hẻq clúng lứq. Ngkíq ramứh cứq la Poãl.”

¹⁰ Cũai ca bữn yiang sâuq ki sễq tễ Yê-su, chõỉ tuih yiang sâuq tễ cruang ki. ¹¹ Cheq ki bữn cóh, bữn muoi cantóh alic õt chuaq cha. ¹² Ngkíq máh yiang sâuq ki sễq tễ Yê-su neq: “Yõn hẻq mut tâng cantóh alic ki.”

¹³ Yê-su yõn alóí mut. Ngkíq yiang sâuq loõh tễ tổ cũai ki, chơ mut tâng cantóh alic ẽn. Cantóh alic ki lủh cháỉ lứq tễ leh tarhar cốp pớng chu clóng đờq, chơ

cuchit clooc nheq. Alic ki sám bar ngin lám.

14 Mách cũai bán alic lúh achu pở vil, atởng yóu tâng vil cớp yóu ca ớt pở rapoq sarái tễ máh ranáq alóí khoiq hữm. Mách cũai ki toàq salíq, ntróu ca táq cớp máh alic. 15 Từ alóí toàq pở Yê-su, alóí hữm cũai bữn poal yiang sàuq payỏh tễ nhũang, ớt tacu pở ki. Án tặc tampác cớp tở bữn yủh noàng. Ngkíq alóí sâng ngcỏh lứq. 16 Mách cũai ca hữm Yê-su táq chỏq cũai bữn yiang sàuq cớp chỏq tốp alic, alóí ki atởng yỏn cũai canỏh dáng tề.

17 Chơ máh cũai ki sễq Yê-su loỏh tễ cruang alóí. 18 Ngkíq Yê-su chỏn loah tâng tuoc sĩa. Bo ki toập cũai bữn yiang sàuq tễ nhũang ki toàq pở Yê-su, cớp sễq pởq cớp Yê-su tề. 19 Ma Yê-su tở yỏn án pởq, cớp atởng án neq: “Mới chu pở đống mới. Mới atởng yỏn yóu mới dáng tề tễ máh ranáq Ncháu khoiq táq yỏn mới, cở án sarủiq táq mới.”

20 Ngkíq cũai ki chu. Án atởng yỏn máh yóu án tâng cruang De-ca-palot dáng tễ ranáq Yê-su khoiq táq chuai án. Nheq tửh alóí sâng đót lứq.

Yê-su Táq Bán Con Mansẻm Yaru Cớp Mansẻm Canỏh Ca Satoaq Au Tuar Án (Mathia 9:18-26; Luca 8:40-56)

21 Vớt ki Yê-su chỏn tâng tuoc cớp pít loah pở tor yáng ki. Từ Yê-su toàq pở tor, bữn cứng lứq cũai toàq pở án. 22 Bữn manoaq samiang ndỏm muoi đống sang tốp I-sarel, ramứh Yaru. Án sacỏh racỏl cớp pủp cheq ayũng Yê-su. 23 Án sễq cucỏh Yê-su neq: “Con mansẻm cứq a-ỉ tráuq lứq cheq cuchit chơ. Cứq sễq thài toàq satoaq atỉ tâng tở án yỏn án cớt bán cớp tềq tamoong.”

24 Ngkíq Yê-su pởq cớp án. Cứng cũai canỏh puai Yê-su tề. Alóí ớt chũop nheq tở Yê-su, cớp alóí nết án hữ.

25 Bữn manoaq mansẻm bữn a-ỉ toỏh siet khoiq muoi chít la bar cumo chơ, ma aham tở nai yỏt. 26 Án khoiq pởq ramỏh sa-ủi náq cũai cớp chũuq sa-ủi ramứh alóí palai án. Án pứt nheq práq đởq chỡng rahâu, ma tở hữm khaq ntróu. Cớp án a-ỉ hỡn tễ nhũang ẻn. 27 Từ án sâng noau táq ntởng tễ Yê-su, án pởq ớt mpứng dĩ cũai cứng ki. Án toàq ớt yáng clỉ Yê-su; chơ án satoaq tuoiq au tuar Yê-su. 28 Án chanchỏm neq: “Khân cứq satoaq tampác Yê-su, cứq lứq cớt bán.”

29 Bo ki toập aham yỏt, cớp án sâng tâng tở án tở bữn a-ỉ noàng. 30 Yê-su dáng toập chớc loỏh tễ tở án yỏn táq ranáq nài. Ngkíq án pít

nhêng cũai cứng, chơ blóh:
“Noau satoaq au cứq?”

31 Tốp rien tễ Yê-su ta-ôi:
“Thâi hữm chơ cứng cũai
nêt thâi. Nốq noâng thâi
blóh: ‘Noau satoaq cứq?’ ”

32 Ma Yê-su luliaq nhêng
chu máh cũai cứng ki yoc
ễ dáng noau satoaq au
án. 33 Mansêm ki cangcoaih
ngcõh lứq, yuaq án dáng cõ
án satoaq tuoiq au Yê-su án
bữn cõt bán. Chơ án toâq pỡ
Yê-su, cốp pũp asêng tỗ án
cheq ayũng Yê-su. Án atõng
Yê-su tanoang lứq. 34 Chơ
Yê-su atõng án neq: “Niang
ơi! Cõ mới sa-âm, tỗ mới cõt
bán. Mới chũ ien khẽ. Mới
tỡ bữn cõt a-ĩ nneq noâng.”

35 Bo Yê-su noâng táq
ntõng cốp mansêm ki, bữn
cũai toâq tễ đống Yaru, án
ca ndõm muoi đống sang
tốp I-sarel. Cũai ki atõng
Yaru neq: “Con mansêm mới
khoiq cuchĩt chơ. Nốq mới
noâng pakhoq thâi?”

36 Ma Yê-su tỡ bữn ramíng
tễ santoiq alóí atõng. Án
atõng Yaru neq: “Chỗ
ngcõh, mới sa-âm sâng.”

37 Vót ki Yê-su yõn Phi-
er, Yacõ, cốp Yang la a-ẽm
Yacõ, pỡq nứng án. Máh
cũai canõh Yê-su tỡ yõn pỡq.
38 Tỡ alóí toâq pỡ đống Yaru,
Yê-su hữm cứng cũai nhiam
atẽh, cốp u-ôi casang lứq.
39 Án mut tâng đống, chơ án
blóh alóí neq: “Nốq anhia
nhiam u-ôi casang lứq? Con

ki tỡ bữn cuchĩt mỗ. Án bẻq
sâng.”

40 Ma alóí ayê ra-ac Yê-
su. Ngkíq Yê-su tuih aloõh
nheq alóí tễ đống. Án đũng
mpiq mpoaq mansêm ki cốp
tốp rien tễ án mut chu ntốq
noau đõq cumuiq ki. 41 Án
tếc atĩ amốq ki, cốp pai
chóq amốq ki neq: “Tali-tha
cumi.” Santoiq nâi parlong
loah la neq: “Amốq ơi! Mới
yuor tayũng!”

42 Bo ki toâp amốq ki yuor
tayũng. Cốp tẽq án pupốq.
Anhúq án bữn muoi chít la
bar cumo. Máh cũai ốt ngki
sâng dót lứq tỡ alóí hữm
amốq ki bữn tamoong loah.
43 Ma Yê-su patâp alóí neq:
“Chỗ atõng ranáq nâi yõn
cũai canõh dáng. Anhia ít
cơng sana yõn amốq nâi
cha.”

6

*Cũai Tâng Vil Na-sarẽt Tỡ
Bữn Yám Yê-su*

(*Mathia 13:53-58; Luca
4:16-30*)

1 Vót ki Yê-su loõh tễ ntốq
ki, chu loah pỡ vil án, la vil
Na-sarẽt. Tốp rien tễ án pỡq
nứng án tẽ. 2 Toâq Tangái
Rlu án pỡq atõng tâng đống
sang tốp I-sarel. Nheq tũh
cũai ca tamứng án atõng
sâng dót lứq. Alóí rablóh
neq: “Tễ léq cũai nâi bữn
santoiq nneq? Nốq án bữn
óc rangoaiq sa-ũĩ lứq? Cốp
án táq sa-ũĩ ranáq salẽh.”

3 Cốp alóí pai ẽn: “Lứq
ma tỡ bữn, án nâi la cũai

chiang táq pian, con Mari, ai alóí Yacõ, Yô-sê, Yude,* cốp Si-môn? Cốp amuaq án õt nững hái tê.”

Chơ alóí mumat Yê-su, cõ alóí sông ùan lứq án atõng ngkíq.

⁴ Yê-su atõng alóí neq: “Khân bữn manoaq cũai tang bõq Yiang Sursĩ pỡq atõng tâng vil canõh, máh cũai tâng vil ki lứq yám noap án. Ma khân án atõng tâng vil án bữm, tâng sâu án bữm, cốp tâng đống sũ án bữm, alóí ki tỡ bữn yám noap án.”

⁵ Ngkíq Yê-su tỡ têq táq sa-ũĩ ranáq salễh tâng vil án. Ma án satoaq atĩ tâng pái pỏn náq cũai a-ĩ, cốp táq yỏn alóí cõt bán. ⁶ Yê-su sông dót lứq yuaq cũai tâng vil ki tỡ bữn sa-âm. Chơ án pỡq atõng máh vil mpẻn ki ẻn.

Yê-su Ớn Tỏp Muoi Chít La Bar Náq Pỡq Atõng
(*Mathia 10:5-15; Luca 9:1-6*)

⁷ Yê-su arô tỏp muoi chít la bar náq rien tẻ án; cốp án ớn alóí pỡq chu nâi pỡq chu tíh, bar náq pỡq parnoi muoi rana. Án yỏn alóí bữn chóc tuih yiang sâuq.

⁸ Án patâp alóí neq: “Anhia chõi đững crong ntróu. Chõi đững crong sana; chõi poac tũi; cốp chõi chóc práq tâng toai. Anhia đững manoaq muoi ntrêh ralõng

sông. ⁹ Cõp, têq anhia sớp. Ma chõi sớp bar ploah au.”

¹⁰ Chơ án patâp alóí ẻn neq: “Toâq anhia mut tâng muoi vil, anhia ớt muoi đống sông toau toâq tangái anhia loỏh tẻ vil ki. ¹¹ Khân anhia mut tâng vil, ma noau tỡ bữn roap cốp tabỏp tabẻh o anhia cốp noau tỡ ẻq tamứng santoiq anhia, toâq anhia loỏh tẻ vil ki, cốp anhia trutrẻh phỏn cutẻq tẻ ayũng. Ranáq nâi cõt tẻc cũai tâng vil ki tỡ bữn roap anhia.”

¹² Ngkíq muoi chít la bar náq loỏh tẻ ki. Alóí atõng máh cũai cốp alóí ngin lỏih lẻq cõt mút tamái ẻn. ¹³ Alóí tuih aloỏh sa-ũĩ yiang sâuq. Cốp alóí atia đờq nsẻng o-li-vẻ tâng sa-ũĩ tỏ cũai a-ĩ yỏn alóí cõt bán.

Hê-rôt Cachít Yang, Án Ca Táq Batẻm
(*Mathia 14:1-12; Luca 9:7-9*)

¹⁴ Puo Hê-rôt khoiq sông tẻ máh ranáq alóí táq, yuaq ramứh Yê-su cõt trởh la-ủt la-ũĩ cu vil. Bữn cũai pai neq: “Yang ca đốq táq batẻm, khoiq yuor tamoong loah tẻ ping. Yuaq ngkíq án bữn chóc têq táq sa-ũĩ ranáq salễh.”

¹⁵ Ma bữn cũai canõh pai neq: “Án la Ê-li.”

Bữn cũai canõh ẻn pai: “Án la manoaq cũai tang bõq Yiang Sursĩ, samoât

* 6:3 6:3 Yude nâi noau đờq Yuda hỡ.

cũai tang bõq Yiang Sursĩ tẽ mbõq tẽ.”

¹⁶ Ma tũ Hê-rôt sâng noau atõng tẽ Yê-su, án pai neq: “Yang khoiq cứq ớn noau cõh tacong tẽ nhũang, sanua án tamoong loah.”

¹⁷ Hê-rôt pai ngkíq, yuaq án khoiq yõn tahan cõp Yang, cõp chóc tâng cuaq tũ. Án táq ngkíq cõ tian Hê-rô-dia, lacuoi án, sâng ũan lứq chóc Yang. Dâu lứq Hê-rô-dia nãi la lacuoi Phi-lip, a-ẽm Hê-rôt. Ma Hê-rôt ít mansẽm ki táq lacuoi án ẽn. ¹⁸ Yang khoiq atõng Hê-rôt neq: “Yiang Sursĩ tở ẽq mới ít lacuoi a-ẽm mới.”

¹⁹ Cõ ngkíq Hê-rô-dia sâng ũan lứq chóc Yang, cõp án ẽ cachĩt Yang. ²⁰ Ma án tở tẽq, yuaq Hê-rôt ngcõh Yang, cõ án dáng Yang la cũai tanoang cõp tở bữn lỏih. Ngkíq Hê-rôt đõq Yang yõn õt ien khẽ. Tũ Hê-rôt tamứng Yang táq ntõng, án cõt bar mút. Ma án yoc lứq tamứng máh santoiq Yang atõng.

²¹ Ma tangái Hê-rô-dia bữn táq Yang, la tangái Hê-rôt cha sanhữ mpiq canõt án. Ngkíq án táq muoi pẽl toâr đõq cha bũi cõp máh cũai sõt pũn án, sõt tahan, cõp cũai bữn chóc lứq tâng cruang Cali-lê. ²² Tũ con mansẽm Hê-rô-dia mut pở c lõng noau cha, án puan sarai. Hê-rôt cõp tamoi, alỏi sâng bũi lứq tẽ con

Hê-rô-dia puan. Ngkíq Hê-rôt atõng mansẽm ki neq: “Ntróu mới yoc ẽ bữn, mới sẽq tẽ cứq. Cứq lứq yõn mới aki.”

²³ Hê-rôt thẽ dũan cõp mansẽm ki neq: “Ntróu mới sẽq tẽ cứq, cứq yõn mới ramứh ki. Khãn mới yoc ẽ bữn muoi saráh cruang cứq, la cứq yõn mới.”

²⁴ Mansẽm ki loõh tẽ ki, pởq blóh mpiq án: “Ramứh ntróu mới yoc cứq sẽq tẽ án?”

Mpiq án ta-õi: “Mới sẽq plở Yang ca đõq táq batẽm.”

²⁵ Mansẽm ki lủh pởq sẽq toáp tẽ puo Hê-rôt neq: “Cứq sẽq plở Yang đõq táq batẽm. Sẽq mới chóc plở án tâng padien sanua toáp.”

²⁶ Puo sâng ngua lứq, ma cõ án khoiq thẽ dũan yáng moat máh cũai tamoi, ngkíq án tở ẽq táh parnai án khoiq ữq cõp mansẽm ki. ²⁷ Chơ puo ớn tahan pởq toáp dũng plở Yang toáq pở án. Tahan ki mut cõh tacong Yang tâng cuaq, ²⁸ chơ dũng achu plở Yang tâng padien. Hê-rôt dũng pở mansẽm ki, cõp mansẽm ki dũng achu yõn mpiq án.

²⁹ Tũ máh tốp rien tẽ Yang sâng cõt ranáq ngkíq, alỏi toáq ít tở Yang dũng túp tâng ping.

Yê-su Siem Sõng Ngìn Náo Cũai

(*Mathia 14:13-21; Luca 9:10-17; Yang 6:1-14*)

³⁰ Mách cũai ayững atĩ, ca Yê-su khoiḡ ón pḡḡ atḡng tâng dũ vil tẽ nhũang, alóí pĩ chu loah pḡ Yê-su. Alóí atḡng án tẽ nheḡ ranáḡ alóí khoiḡ táḡ, cḡp nheḡ santoiḡ alóí khoiḡ atḡng. ³¹ Yê-su atḡng loah alóí neḡ: “Hái pḡḡ óng hái sâng chu ntḡḡ tḡ bũn noau õt. Hái õt rlu ngki voai.”

Án pai ngkiḡ yuaḡ cững lữḡ cũai luloah pḡḡ chu níc, toau alóí ốḡ dếh chi-cha. ³² Chơ alóí chḡn tâng tuoc óng alóí sâng, ẽ pḡḡ muoi ntḡḡ tḡ bũn noau õt. ³³ Ma cững cũai hũm alóí pḡḡ cḡp saccoal alóí. Ngkiḡ máh cũai ki lúh tẽ vil, pḡḡ crḡḡ pḡ ntḡḡ Yê-su ẽ toâḡ. ³⁴ Tũ Yê-su sễng tẽ tuoc, án hũm cững lữḡ cũai. Án sâng sarũiḡ táḡ chḡḡ máh cũai cững ki, yuaḡ alóí la samoât riang charán cũu ốḡ cũai mantán. Chơ án tabḡḡ atḡng alóí sa-ũĩ ramứh. ³⁵ Cheḡ moat mandang tahḡr, tḡp rien tẽ Yê-su toâḡ pḡ án, cḡp atḡng án neḡ: “Ntḡḡ nâi yong tẽ ntḡḡ cũai õt, cḡp moat mandang cheḡ sadâu. ³⁶ Sễḡ thâi ón máh cũai nâi chu cḡp mut tâng vil mpễn nâi dḡḡ alóí chḡng bũm cḡng sana cha.”

³⁷ Ma Yê-su atḡng alóí neḡ: “Anhia toâp yḡn alóí bũn cḡng sana cha.”

Ngkiḡ alóí blóh Yê-su: “Thâi yoc hếḡ pḡḡ chḡng

sana toâḡ bar culám ốḡ práḡḡ† dḡḡ bũn dũ yḡn alóí cha tḡ?”

³⁸ Yê-su blóh loah alóí neḡ: “Sễḡ lám bễng anhia bũn? Anhia pḡḡ nhêng voai.”

Tũ alóí nhêng, alóí pai neḡ: “Hếḡ bũn sḡng lám bễng cḡp bar lám sĩaḡ.”

³⁹ Chơ Yê-su ón tḡp rien tẽ án tampḡḡ cũai cḡt tḡp, chơ yḡn alóí tacu tâng bát sanlan. ⁴⁰ Ngkiḡ alóí tacu bũn sa-ũĩ tḡp. Muoi tḡp bũn muoi culám náḡ. Muoi tḡp bũn sḡng chít náḡ. ⁴¹ Yê-su ít sḡng lám bễng cḡp bar lám sĩaḡ, chơ án tapoang achḡn chu paloḡng cḡp sa-ḡn Yiang Sursĩ yḡn bũn cḡng cha nâi. Moâm ki án pĩh bễng cḡp chiau yḡn tḡp rien tẽ án tampḡḡ yḡn máh cũai cha. Án tampḡḡ bar lám sĩaḡ hḡ yḡn alóí cha. ⁴² Dũ náḡ cũai cha pasâi nheḡ. ⁴³ Moâm alóí cha, tḡp rien tẽ Yê-su parḡm loah máh bễng cḡp sĩaḡ clũĩ tẽ alóí cha bũn muoi chít la bar cruo. ⁴⁴ Máh cũai carsai samiang ca cha bễng ki, sâm sḡng ngin náḡ.

Yê-su Pḡḡ Ayững Tâng Cloong Dḡḡ

(*Mathia 14:22-33; Yang 6:16-21*)

⁴⁵ Moâm ki Yê-su ón tḡp rien tẽ án chḡn tâng tuoc cḡp pḡḡ nhũang án pḡ tor yáng tooh ki pḡ vil Bet-sada.

† 6:37 6:37 Tâng parnai Créc noau dḡḡ ốḡ práḡḡ la ‘daniei’, cḡp muoi ốḡ daniei la cḡng noau tuthẽ muoi tangái.

Chơ án ớn máh cũai cứng ki chu pở vil alói. ⁴⁶ Vót alói chu, án chồn tâng cóh ẽ câu ngki. ⁴⁷ Toâq khoiq sadâu chơ tốp rien tễ Yê-su ốt tâng tuoc tâng mpúng dĩ clóng. Ma Yê-su ốt manoaq án tâng cutểq. ⁴⁸ Yê-su hữm tốp rien tễ án voah tuoc túh coat lứq, yuaq cuyal ốt ploaq níc tuoc alói. Paloõng cheq rừm-rừm chơ, Yê-su toâq pở alói. Án pởq ayững tâng cloong dờq. Án táq nan pởq luat alói. ⁴⁹ Ma tử alói hữm án pởq ayững tâng cloong dờq, alói chanchóm pai yiang cumuiq; chơ alói hễ casang lứq, ⁵⁰ yuaq dĩ náq alói hữm nheq, cốp alói sâng ngcòh lứq. Ma bo ki toâp Yê-su pai chóq alói neq: “Yỗn mút anhia ốt jien khể. Nâi la tở cứq. Chối ngcòh ntróu.”

⁵¹ Chơ án chồn tâng tuoc ốt cốp alói tễ, cốp cuyal tangút. Alói sâng dót lứq tâng mút, ⁵² yuaq alói tở bữn sạpúh tễ ranáq Yê-su táq bo án pỉh bễng tangái nhũang ki. Mút alói noâng coang.

Yê-su Chuai Cũai A-ĩ Tâng Cruang Canê-saret
(*Mathia 14:34-36*)

⁵³ Chơ alói clong dờq ki toâq pở cruang Canê-saret, cốp alói chốq tuoc tâng tor. ⁵⁴ Tử alói sễng tễ tuoc, máh cũai saccoal toâp Yê-su. ⁵⁵ Chơ alói miar lúh chu vil alói, cốp dững cũai a-ĩ chóq tâng cantrang. Khân

alói sâng Yê-su ốt pở ntốq aléq, alói dững chu ntốq ki. ⁵⁶ Pở ntốq léq Yê-su pởq, tam vil cót, vil toâ, tở la máh rapoq, noau dững cũai a-ĩ parôm pở ntốq ki. Alói sễq tễ Yê-su yỗn máh cũai a-ĩ tềq satoaq chều au tuar án. Aléq satoaq, tở án cốt bán.

7

Yê-su Atõng Tễ Rit Achúc Achiac
(*Mathia 15:1-9*)

¹ Bữn cũai tễ tốp Pha-rasi cốp cũai yống rit toâq tễ vil Yaru-salem ốt rôm pễ Yê-su. ² Alói hữm bữn cũai tễ tốp rien tễ Yê-su chi-cha ma tở bữn ariau atĩ puai phễp rit. ³ Tốp Pha-rasi cốp nheq máh cũai I-sarel, khân alói tở bữn ariau atĩ, alói tở bữn chi-cha. Ngkíq alói puai rit achúc achiac tễ mbốq samoât lứq. ⁴ Tử alói chu tễ dõng, khân atĩ alói tở bữn ariau, ki alói tở tềq chi-cha. Cốp bữn sa-ữi rit canõh hỡ alói dốq trỉh, ariang rit ariau adéh tangan. ⁵ Ngkíq máh cũai Pha-rasi cốp cũai yống rit blóh Yê-su neq: “Nốq tốp rien tễ thâi tở bữn puai rit achúc achiac hái? Nốq alói chi-cha ma tở bữn ariau atĩ puai phễp rit?”

⁶ Yê-su ta-õi alói neq: “Tễ mbốq Ê-sai atõng khoiq pỉeiq lứq tễ anhia la cũai táq nan sâng. Yiang Sursĩ ớn án chĩc neq:
'Máh cũai nâi khể cứq ống
bốq sâng,

ma mút pahõm alói õt
yong tẽ cúq.

7 Alói sang cúq, ma alói sang
tõ cõt ớc.

Alói atõng rit cốp phễp
rit cũai chõng aloõh
sâng.' "

8 Cốp Yê-su atõng ễn neq:
"Anhia khoiq táh máh ngê
Yiang Sursĩ ma anhia yõng
pacái lứq máh phễp rit
cũai."

9 Chơ Yê-su achõor alói
neq: "Pĩeiq ơiq! Cúq hũm
anhia táq o lứq táh chíq
ngê Yiang Sursĩ. Ma anhia
yõng phễp rit cũai pacái lứq.

10 Mõi-se khoiq atõng chơ
neq:

'Cóq anhia yám noap mpiq
mpoaq anhia. Khãn
cũai aléq ma lóc
acrieiq mpiq mpoaq,
cũai ki cóq chũuq
cuchĩt.'[☆]

11 Ma anhia atõng tẽq noau
pai chóc mpiq mpoaq neq:
'Máh ramứh cúq tẽq chuai
anhia, ki cúq khoiq "cõr-
ban" chơ.' (Santoiq 'cõr-
ban' parlong loah la 'khoiq
ũq sang yõn Yiang Sursĩ
chơ.')

12 Anhia pai ngkíq, la
anhia tỡ yõn cũai nãi chuai
mpiq mpoaq án. 13 Ngkíq
anhia khoiq táh chơ san-
toiq Yiang Sursĩ, ma anhia
patõng níc rit anhia bũm.
Cốp anhia táq sa-ũĩ ranáq
ngkíq tẽ."

*Ntrou Táq Yõn Cũai Cõt
Sâuq*
(*Mathia 15:10-20*)

14 Moâm ki Yê-su arô loah
cũai cứng yõn toáq pỡ
án. Cốp án atõng alói
neq: "Nheq tữh anhia cóq
tamúng cúq. Cóq anhia
dáng yõn raloaih. 15 Túc
ramứh máh cõng tẽ yáng
tiah tỡ bữn táq yõn cũai cõt
lõih. Ma ngê ca loõh tẽ
mút cũai táq yõn cũai cõt
lõih. 16 Aléq bữn cutũr yoc
ẽ tamúng, ki tamúng."*

17 Tữ Yê-su loõh tẽ cũai
cứng, chơ mut tâng đõng,
tõp rien tẽ án blõh án tẽ par-
nai sacâm ki. 18 Yê-su blõh
loah alói neq: "Nỏq anhia
tỡ yũah sapủh sĩa? Anhia
dáng ma tỡ bữn, cõng sana
tẽ yáng tiah mut tâng púng
tỡ nai táq yõn cũai cõt sãuq?
19 Lứq samoát cõng ki tỡ
bữn mut tâng mút. Ma án
mut tâng púng sâng, chơ
loõh na parnỏq."

20 Cốp Yê-su atõng ễn neq:
"Ngê ntrou ca loõh tẽ mút
cũai, ngê ki táq yõn cũai cõt
sãuq. 21 Yuaq ngê loõh tẽ
mút cũai la neq: chanchõm
ranáq sãuq, tỡ bữn lacuoi
cayac ma bẻq parnoi, tu-
tuoiq, cachĩt cũai, 22 cooc
lacuoi tỡ la cayac noau,
ham cõng yõu, táq pampla,
cakéq, táq tanghang, sa-on
cumíq, lóc acrieiq, ẽq noau
khẽn ẽq noau yám, cốp táq
yúh-yúh. 23 Nheq tữh máh
ranáq lõih nãi loõh tẽ mút
cũai cốp táq yõn cũai cõt
sãuq."

☆ 7:10 7:10 Loõh Tẽ Ê-yip-tô 20:12; 21:17; Patáp Loah 5:16; Lê-vi 20:9

* 7:16

7:16 Sa-ũĩ tâm saráq tiaq tỡ bữn bữn rana 16 nãi.

Manoaq Mansêm Sa-âm Lúq

(*Mathia 15:21-28*)

²⁴ Moâm Yê-su pai ngkíq án loõh tẽ ki, põq chu cruang pẽr vil Ti-rơ cóp vil Sadôn. Án mut tâng muoi đống. Án tở ẽq cũi canõh dáng án õt pữ ki, ma án tở têq cutooq tở án. ²⁵ Bữn mansêm toâq ap muoi tatúp cheq ayũng án. Mansêm nâi khoiq sâng tẽ ranáq Yê-su táq, cóp án bữn muoi lám con mansêm bữn yiang sâuq payõh. ²⁶ Mansêm ki la cũi Créc, khoiq canõt tâng cruang Si-ri Phê-nasi. Án sêq Yê-su tuih aloõh yiang sâuq tẽ tở con án. ²⁷ Ma Yê-su ta-õi án neq: “Pĩeiq lúq la cóq yõn carnẽn chi-cha moâm voai. Tở pĩeiq ít crong sana carnẽn, chơ tõi yõn acho cha.”

²⁸ Mansêm ki ta-õi Yê-su: “Lúq pĩeiq Ncháu pai. Ma acho têq cha máh rabéq rayâl sarũoi pũn cachơng cha.”

²⁹ Chơ Yê-su atõng mansêm ki neq: “Yuaq mới pai ngkíq, sanua têq mới chu. Yiang sâuq khoiq loõh chơ tẽ tở con mới.”

³⁰ Ngkíq mansêm ki chu pữ đống. Án hữm con án bết tâng cachơng. Cóp yiang sâuq khoiq loõh chơ tẽ tở con án.

Yê-su Táq Bán Cũi Túng Cóp Plõq

³¹ Moâm ki Yê-su loõh tẽ raloan cutêq vil Ti-rơ. Án põq luat vil Sadôn, cóp án pha cruang De-ca-palõt toâq pữ clóng Cali-lê. ³² Noau đưng atoâq pữ án manoaq cũi cutũr túng cóp bõq plõq. Alói sêq Yê-su satoaq atĩ tâng tở cũi ki yõn án têq bán nheq. ³³ Yê-su đưng aloõh ống manoaq cũi ki tẽ cũi cứng; chơ án chũiaiq bar coah ndẽm atĩ tâng hõng cutũr cũi ki. Cóp Yê-su cuchóh cóp atia đõq viaq tâng lieih cũi ki. ³⁴ Chơ Yê-su tapoang achõn chu paloõng. Án tangũh cusõh, chơ án atõng cũi ki neq: “Ep-phata.” Santoiq nâi parlong loah la: “Cóq pớh chíq!”

³⁵ Bo ki toâp cutũr cũi ki têq sâng, cóp lieih án cõt lamên. Án têq táq ntõng raloaih loah. ³⁶ Yê-su sươq alói chõi atõng yõn cũi canõh dáng. Ma tam Yê-su sươq alói máh léq, alói atõng lúq-lơ máh ki ẽn. ³⁷ Alói sâng dót lúq tâng mút, cóp alói pai neq: “Máh ranáq án táq la o nheq. Án táq yõn cũi túng têq sâng, cóp cũi plõq têq táq ntõng.”

8

Yê-su Siem Põn Ngìn Náq
(*Mathia 15:32-39*)

¹ Tâng máh tangái ki cũi cứng toâq sĩa pữ Yê-su. Yuaq alói ốq crong sana cha, ngkíq Yê-su arô tốp rien tẽ

án toâq pở án, cớp atỡng alóí neq: ² “Cứq sâng sarũiq táq lứq cũai clúng nâi, yuaq alóí ốt cớp cứq khoiq pái tangái chơ, ma alóí ốq crơng sana cha. ³ Khân cứq ớn alóí chu pở đống alóí, ma púng alóí khoiq panhieih, ngkếq alóí dóm veq tâng rana, yuaq sa-ũĩ náq tể alóí toâq tể vil yơng.”

⁴ Tốp rien tể án blóh loah án neq: “Nốq hái ể táq đốq bữn crơng sana siem máh cũai nâi yỗn cha pasâi, yuaq ntốq nâi yơng lứq tể vil cũai ốt?”

⁵ Yê-su blóh loah alóí: “Sếq lám bẻng anhia bữn?”

Alóí ta-õi: “Tapul lám.”

⁶ Chơ Yê-su ớn nheq tữh cũai tacu tâng cutếq. Án ỉt tapul lám bẻng ki, cớp án sa-õn Yiang Sursĩ yỗn bữn crơng cha nâi. Moâm ki án pĩh bẻng cớp avơi yỗn tốp rien tể án tampếq yỗn máh cũai cha. Chơ tốp rien tể án tampếq yỗn máh cũai ki.

⁷ Alóí bữn bar pái lám sĩaq cacót hỡ. Yê-su sa-õn Yiang Sursĩ yỗn bữn crơng sana nâi, chơ án ớn tốp rien tể án tampếq sĩaq hỡ. ⁸ Toâq nheq tữh cũai cha pasâi, tốp rien tể Yê-su parõm loah crơng sana clũĩ tể alóí cha, bữn poân loah tapul crơ.

⁹ Máh cũai carsai samiang tâng ntốq ki bữn sám pỗn ngin náq. Chơ Yê-su ớn cũai clúng ki chu loah pở đống alóí. ¹⁰ Vốt ki án chõn

tâng tuoc cớp tốp rien tể án, cớp alóí pởq chu cruang Dal-manu-tha ể.

Tốp Pha-rasi Blóh Tể Tể Yê-su

(*Mathia 12:38-40; Luca 12:54-56; 16:1-4*)

¹¹ Bữn cũai tể tốp Pha-rasi toâq pở Yê-su rasuon cớp án. Alóí sếq tể Yê-su muoi tểc salễh yoc ể dáng chớc án toâq tể Yiang Sursĩ, ma tở bữn. Alóí yoc ể chim Yê-su. ¹² Yê-su tangứh cusõh, chơ án ta-õi alóí neq: “Nốq cũai tâng đời nâi chuaq níc tểc salễh tể cứq? Cứq atỡng anhia samoât lứq, cứq tở bữn yỗn cũai ốt tâng đời nâi bữn tểc ntrớu.”

¹³ Moâm án pai ngkíq, chơ án loõh tể alóí. Án chõn loah tâng tuoc clong chu tor yáng ki.

Yê-su Atỡng Tể Ranáq Hê-rôt Cớp Tốp Pha-rasi

(*Mathia 16:5-12*)

¹⁴ Tốp rien tể Yê-su khlĩr đửng bẻng. Alóí bữn ống muoi lám bẻng sâng tâng tuoc. ¹⁵ Chơ Yê-su sươq alóí neq: “Cóq anhia ốt yỗn khểuq. Cóq anhia ốt yơng tể crơng táq yỗn bẻng mi cõt pluoih tể tốp Pha-rasi cớp tể Hê-rôt.”

¹⁶ Ngkíq alóí manoaq táq ntỡng cớp manoaq neq: “Án atỡng ngkíq yuaq hái tở bữn bẻng.”

¹⁷ Yê-su sâng alóí pai ngkíq, chơ án blóh alóí neq: “Nốq anhia ốt táq ntỡng pai hái tở bữn bẻng cha? Nốq

anhia noâng tở yũah sâng, tở yũah dáng sĩa? Mút anhia noâng coang tở? 18 Nỗq anhia bữn moat, ma tở bữn hữm? Anhia bữn cutũr, ma tở bữn sâng? Anhia sanhữ ma tở bữn? 19 Bo cứq pĩh sống lám bẽng, chơ siem sống ngin náq, sếq crưo anhia parôm loah tễ máh ngách anhia cha?"

Alóí ta-õi án neq: "Muoi chít la bar crưo."

20 Yê-su blóh sĩa: "Cóp bo cứq pĩh tapul lám bẽng, chơ siem pỗn ngin náq, sếq crưo anhia parôm loah máh ngách anhia cha?"

Alóí ta-õi án neq: "Tapul crưo."

21 Yê-su blóh loah alóí neq: "Anhia sapúh ma tở yũah?"

Yê-su Táq Bán Manoaq Cũai Sũt

22 Vót ki alóí toâq pở vil Bet-sada. Noau dũng atoâq pở Yê-su manoaq cũai sũt, cóp alóí sếq Yê-su satoaq án. 23 Yê-su tếc atĩ cũai sũt ki cóp dũng án loỏh yáng tiah vil. Moâm ki Yê-su pruih đởq viaq tâng moat cũai sũt cóp satoaq tở án, chơ blóh cũai sũt ki neq: "Mới hữm ntróu tở?"

24 Cũai ki tangỏq achỗn, chơ án ta-õi neq: "Cứq hữm cũai pupỏq. Ma cứq hữm alóí tở raloaih, ariang pai aluang pupỏq túng-tooc."

25 Yê-su satoaq atĩ án tâng moat cũai sũt ki muoi trở ền. Ngkíq cũai ki nhềng cloân. Moat án cởt poang loah, cóp án hữm raloaih dũ

ramứh. 26 Yê-su ón án chu loah pở đống, cóp patâp án neq: "Chỗi atởng yỗn cũai tâng vil dáng tễ ranáq nãi."

Yê-su Atởng Tễ Án Chũuq Cuchĩt

(*Mathia 16:13-23; Luca 9:18-21*)

27 Vót ki Yê-su pỏq loah cóp tốp rien tễ án. Alóí mut máh vil tâng cruang Sê-sarê Phi-lip. Bo alóí pỏq tâng rana, Yê-su blóh tốp rien tễ án neq: "Cũai đởq pai cứq la noau?"

28 Alóí ta-õi án neq: "Bữn cũai pai thâi la Yang đởq táq batễm. Bữn cũai pai thâi la Ê-li. Cóp bữn cũai canỏh ền pai thâi la manoaq tang bỗq Yiang Sursĩ."

29 Yê-su blóh alóí ền neq: "Ma anhia pai cứq la noau?"

Phi-er ta-õi án: "Thâi la Crít, án ca Yiang Sursĩ rườ đởq chuai amoong cũai."

30 Chơ Yê-su patâp alóí tở yỗn cũai canỏh dáng ỏc nãi. 31 Moâm ki Yê-su tabỏq atởng tốp rien tễ án neq: "Chumat cứq Con Yiang Cởt Cũai cóq chũuq sa-ữi ramứh túh coat. Cũai sỏt nheq sâu, máh cũai sỏt tốp tễng rit sang Yiang Sursĩ, cóp máh cũai yỏng rit, alóí ẻ kêt lứq cứq cóp cachĩt cứq. Ma vót pái tangái cứq tamoong loah."

32 Yê-su atởng parnai nãi raloaih lứq. Moâm ki, Phi-er yỗn Yê-su loỏh táq ntởng cóp án; chơ án sươq Yê-su, tở yỗn án táq ntởng ngkíq.

33 Ma Yê-su luliaq nhêng chu tốp rien tễ án, cốp án sươq Phi-er neq: “Ơ yiang Satan, mới ốt coah cĩ cứq! Mới tở bữn chanchóm tễ ngê Yiang Sursĩ. Mới chanchóm tễ ngê cūai sâng.”

Táq Nỏq Yoc Ê Tamoong Mantái

(*Mathia 16:24-28; Luca 9:23-27*)

34 Moâm ki Yê-su arô cūai cứng cốp tốp rien tễ án toâq pở án. Án atông alóí neq: “Khân cūai aléq ma yoc ẽ puai cứq, cóq án táh chíq ngê án bữm. Cóq án ỉt dõl aluang sangcáng án bữm, cốp cóq án puai cứq. 35 Cūai aléq ma paséq rangứh án bữm, rangứh cūai ki lứq pút. Ma cūai aléq ma chũuq pút rangứh án cõ tian ngê cứq cốp parnai o tễ cứq, rangứh cūai ki lứq tở nai pút. 36 Khân cūai aléq bữn túc palẽc cớng cróu tâng dõi nâi, ma án táh chíq rangứh án bữm, ntróu la kia yõn án? 37 Cốp acán ntróu cūai têq ralêq loah yõn rangứh án? 38 Cūai tâng dõi nâi tở ẽq sang Yiang Sursĩ, cốp alóí bữn lôih sa-ũĩ. Khân cūai aléq ma casiet táq tễ cứq cốp tễ parnai cứq yáng moat cūai tâng dõi nâi, ki nỡ-ra cứq, Con Yiang Cốt Cūai, casiet táq cūai ki tễ, tâng tangái cứq toâq loah parnơi cốp máh ranẽng Yiang Sursĩ. Tangái ki cứq bữn chóc ang-ũr tễ Mpoaq cứq.”

9

1 Yê-su atông alóí ẽn neq: “Cứq atông anhia samoât lứq, bữn cūai ốt tayúng ntốq nâi sanua, alóí tở yũah cuchĩt toau toâq alóí bữn hữm Yiang Sursĩ táq sôt cốp bữn chóc lứq.”

Roâp Yê-su Cốt Mpha Ên
(*Mathia 17:1-13; Luca 9:28-36*)

2 Vót tapoât tangái, Yê-su dững Phi-er, Yacõ, cốp Yang chõn cốp án tâng cóh cuti. Ống alóí pỏn náq toâp ốt ngki. Chơ Yê-su samblót cõt roâp mpha ẽn yáng moat alóí pái náq ki. 3 Tampác Yê-su cõt cloc claq sarbal moat. Tở bữn noau têq táq aroâiq cloc ariang aroâiq ki. 4 Chơ alóí hữm Ê-li cốp Mũi-se ốt ngki tễ. Alóí táq ntông cốp Yê-su. 5 Phi-er atông Yê-su neq: “Thâi ơi! Háí ốt nâi la o lứq. Hêq ẽ táq pái lám nloâh, muoi lám yõn thâi, muoi lám yõn Mũi-se, cốp muoi lám ẽn yõn Ê-li.”

6 Ma Phi-er chuaq pai tở cõt ốc, yuaq alóí pái náq sâng ngcõh lứq. 7 Chơ ramúl sễng clũom catáng alóí. Cốp bữn sương sabau atông tễ ramúl ki neq: “Nâi la Con cứq, án ca cứq ayooq lứq. Ntróu án atông, cóq anhia tamúng cốp trĩh án.”

8 Bo ki toâp alóí pái náq carlang nhêng chu nâi chu ki, ma alóí tở bữn hữm noau noâng, ống manaq Yê-su toâp ốt cốp alóí.

⁹ Bo alóí sêng tễ cóh, Yê-su patâp alóí neq: “Máh ranáq anhia khoiq hữm ki, chõỉ atõng yõn cũai canõh dáng tễ nhũang cứq, Con Yiang Cõt Cũai, cuchĩt, chơ tamoong loah tễ ping.”

¹⁰ Ngkíq alóí trĩh parnai Yê-su patâp. Ma alóí manoaq blóh manoaq: “Ntróu án pai, án tamoong loah tễ ping?”

¹¹ Chơ alóí blóh Yê-su neq: “Nỏq cũai yõng rit pai Ê-li cóq toâq nhũang Crĩt?”

¹² Yê-su ta-õỉ alóí neq: “Ê-li lứq toâq nhũang đõq atức đũ ramứh yõn cõt tamáỉ loah. Khãn ngkíq, nỏq parnai Yiang Sursĩ khoiq chĩc atõng tễ Con Yiang Cõt Cũai cóq chũuq sa-ũỉ ramứh túh coat cóp noau tở bữn yám noap án? ¹³ Ma cứq atõng anhia, lứq Ê-li khoiq toâq chơ. Ma ranáq ntróu noau yoc ẽ táq chỏq án, alóí khoiq táq chơ; cõt rapĩeiq parnai noau khoiq chĩc nhũang tễ án.”

Yiang Sâuq Payõh Con Samiang

(*Mathia 17:14-21; Luca 9:37-43a*)

¹⁴ Tữ Yê-su cóp páỉ náq ki chu loah pở yóu alóí, alóí hữm bữn cứng cũai toâq rôm mpễr tốp rien tễ Yê-su. Cóp bữn cũai yõng rit rasuon cóp alóí. ¹⁵ Tữ cũai cứng ki hữm Yê-su, alóí santar cóp lủh chu án, chơ cubán cusũan án. ¹⁶ Yê-su

blóh alóí neq: “Ntróu anhia rasuon cóp tốp rien tễ cứq?”

¹⁷ Bữn manoaq tễ cũai cứng ki ta-õỉ neq: “Thâi ỏi! Cứq đững con samiang cứq toâq pở thâi yuaq bữn yiang sâuq táq yõn án cõt ngong. ¹⁸ Toâq yiang sâuq táq án, yiang ki atáih án tâng cutẽq. Chơ rapooh loõh tễ bỗq án, án carũot canẽng tabang, cóp tở chác án cõt coang nheq. Cứq khoiq canũỉ tốp rien tễ thâi yõn alóí tuih aloõh yiang sâuq ki, ma alóí tuih tở riap.”

¹⁹ Yê-su blóh loah alóí neq: “O anhia ca õt tâng dõỉ nâỉ ỏi! Lứq anhia tở bữn sa-âm. Noâng máh léq dũn cứq õt cóp anhia? Noâng máh léq dũn cứq cóq chũuq cóp tanhĩr anhia tở bữn sa-âm. Âu, anhia đững con ki toâq pở cứq.”

²⁰ Chơ alóí đững carnẽn samiang ki toâq pở Yê-su. Tữ yiang sâuq hữm Yê-su, án carvút tứng-tooc carnẽn ki. Chơ carnẽn ki dóm tâng cutẽq, cóp palõh tở tứng-tooc. Cóp bữn rapooh loõh tễ bỗq án hõ. ²¹ Yê-su blóh mpoaq carnẽn ki neq: “Maléq dũn án a-ỉ ngkíq?”

²² Mpoaq ki ta-õỉ: “Tễ án cót cót. Sa-ũỉ trở yiang sâuq bõh án tâng ùih cóp amót án tâng đõq yõn án cuchĩt. Ma khãn têq thâi táq ntróu, sẽq thâi ayooq táq cóp chuai hếq nứng.”

23 Yê-su blóh loah án neq: “Nóq mới pai, ‘Khân têq thâi táq ntróu?’ Khân cũai aléq lúq sa-âm, ramúh ntróu la têq nheq.”

24 Bo ki toâp mpoaq ki pai casang lúq neq: “Lúq cứq sa-âm! Sêq thâi chuai cứq táh chíq mút tở bữn sa-âm!”

25 Từ Yê-su hữm cứng cũai toâq talóm parnoi, án sươq yiang sâuq ki neq: “Yiang ca táq yỗn án cõt ngong cốp túng, cứq ớn mới loõh tễ tễ án, cốp chõi mut nôâng.”

26 Yiang sâuq ki hẽ casang lúq cốp carvút con ki tưng-tooc, chơ loõh tễ tễ án. Carnẽn ki samoât riang cuchĩt, cốp sa-ữi náq pai: “Án khoi q án cuchĩt chơ.”

27 Ma Yê-su tếc yỗn án yuor, chơ án yuor tayúng.

28 Từ Yê-su cốp tốp rien tễ án mut tâng đống, chơ tốp rien tễ án blóh án neq: “Nóq hêq tuih yiang sâuq ki tở riap?”

29 Yê-su ta-õi alóí neq: “Khân anhia tở bữn câu samoât samoi, lúq anhia tở riap tuih yiang sâuq ariang án ki.”

Yê-su Atõng Loah Tễ Án Cóp Chũuq Cuchĩt

(*Mathia 17:22-23; Luca 9:43b-45*)

30 Chơ alóí loõh tễ ntốq ki, cốp pởq luat cruang Cali-lê. Ma Yê-su tở ẽq cũai canõh dáng chu léq án ẽ pởq, yuaq án yoc atõng ống tốp rien tễ án sâng. 31 Án

atõng alóí neq: “Cheq noau ẽ chiau cứq, Con Yiang Cõt Cũai, pở atĩ cũai sớt. Alóí ki lúq cachĩt cứq, ma vớt pái tangái cứq tamoong loah.”

32 Tốp rien tễ Yê-su tở bữn sapúh santoiq ki, ma alóí tở khỏn blóh án tễ ốc ki.

Noau Toâr Clũi Nheq Tễ Canõh?

(*Mathia 18:1-5; Luca 9:46-48*)

33 Moâm ki alóí toâq pở vil Cabê-na-um. Toâq alóí mut tâng đống, Yê-su blóh alóí neq: “Bo hái pởq tâng rana, ntróu anhia ratoai?”

34 Ma alóí ki ravul sâng tở dáng ntróu ẽ ta-õi, yuaq bo alóí pởq tâng rana, alóí rasuon noau tễ tốp alóí toâr clũi nheq tễ canõh. 35 Yê-su tacu cốp arô muoi chít la bar náq, chơ án atõng alóí neq: “Cũai aléq yoc ẽ táq sớt pởng yóu, án cốp cõt pưn yóu, cốp táq ranáq yỗn nheq tữh cũai canõh.”

36 Moâm kị Yê-su tếc manoaq carnẽn, cốp yỗn carnẽn ki tayúng mpúng dĩ tốp rien tễ án. Chơ án ca-ữ carnẽn ki, cốp atõng alóí neq: 37 “Cũai aléq ma roap manoaq carnẽn máh nâi cõ án sa-âm cứq, cũai ki lúq roap cứq tê. Cốp cũai aléq roap cứq, tở cõn cũai ki roap ống cứq, ma cũai ki roap đếh án ca ớn cứq toâq pở nâi.”

Cũai Aléq Ca Tờ Bữn Par-ũal, Samoát Án Chuai Hái Tê

(Luca 9:49-50; Mathia 10:42)

³⁸ Chơ Yang atỡng Yê-su neq: “Thâi ơi! Hếq khoi q hữm manoaq cũai tuih aloõh yiang sâuq, cốp án taléq ramứh thâi. Ma hếq tờ yõn án táq noâng ranáq ngkiq, yuaq án tờ bữn tể tốp hái.”

³⁹ Ma Yê-su atỡng loah án neq: “Anhia chõi catáng án, yuaq tờ bữn cũai aléq ma tềq táq ranáq salễh nhơ ramứh cứq, chơ mahõi ễn táq ntỡng tờ o tể cứq. ⁴⁰ Cũai aléq ma tờ bữn sanũi hái, nâi la riang án chuai hái tê. ⁴¹ Cứq atỡng anhia samoát lứq, khân cũai aléq yõn anhia nguaiq muoi cachoc đờq yuaq anhia bữn muoi mút cốp Crít, lứq án ki tờ bữn ỏq cóng tể ranáq án táq.”

Yê-su Atỡng Tể Noau Radững Cũai Canõh Táq Ranáq Sâuq

(Mathia 18:6-9; Luca 17:1-2)

⁴² “Khân cũai aléq ma radững manoaq carnẽn ca khoi q sa-âm cứq, yõn tờ bữn sa-âm noâng cứq, p̄ieiq lứq noau alễu tamáu toâr tâng tacong án, cốp apõng án tâng đờq mút, nhũang án ễ radững carnẽn ki calõih táh cứq. ⁴³ Khân atĩ anhia ma radững anhia táq lôih, cóq anhia cõh chíq atĩ

anhia. Khaq anhia ớt tamooong cốp bữn mut tâng ntốq Yiang Sursĩ sốt, bữn atĩ talút, saláng bữn đũ bar coah atĩ ma anhia mut tâng pống sarloac. Tâng ntốq ki bữn ùih blữ tờ nai pát. ⁴⁴ Cốp bữn mpang rooc cha sâiq cũai, ma mpang ki tờ nai cuchĩt cốp ùih tờ nai pát.* ⁴⁵ Khân ayững anhia ma radững anhia táq lôih, cóq anhia cõh chíq ayững anhia. Khaq anhia ớt tamooong cốp bữn mut tâng ntốq Yiang Sursĩ sốt bữn ayững talút, saláng bữn đũ bar coah ayững ma Yiang Sursĩ voang anhia tâng pống sarloac. ⁴⁶ Tâng ntốq ki bữn mpang rooc cha sâiq cũai, ma mpang ki tờ nai cuchĩt cốp ùih tờ nai pát. ⁴⁷ Khân moat anhia ma radững anhia táq lôih, cóq anhia culáiq chíq moat anhia. Khaq anhia pút muoi ỏc moat ma bữn mut tâng ntốq Yiang Sursĩ sốt, saláng bữn đũ bar ỏc moat ma Yiang Sursĩ voang anhia tâng pống sarloac. ⁴⁸ Tâng ntốq ki bữn mpang rooc cha sâiq cũai, ma mpang ki tờ nai cuchĩt cốp ùih tờ nai pát.

⁴⁹ “Nữ-ra đũ náq cóq ramóh túh coat, nõq tềq alóir cõt báq bĩq. ⁵⁰ Boi la crong o. Ma khân boi cõt ntiah, nõq ễ táq yõn cõt báq loah? Cóq anhia cõt samoát báq pachóc; cóq ớt ratoi parnõi, cốp manoaq saryóq

* 9:44 9:44 Sa-ũĩ tâm saráq tiaq tờ bữn bữn rana 44 cốp 46.

manoaq.”

10

*Yê-su Atông Tê Cũai Táh
Lacuoì*
(*Mathia 19:1-12; Luca
16:18*)

¹ Vót ki Yê-su loáh tể ntốq ki, pốq chu cruang Yudê cốp cruang yáng tooh crống Yô-dan. Bữn cũai cứng toâq pở án, cốp án atông alóí machống án dốq táq tể nling sĩa. ² Bữn cũai tể tốp Pha-rasi toâq blóh chim Yê-su. Alóí blóh án neq: “Puai phễp rit hái, têq cũai samiang táh lacuoì, ma tở bữn?”

³ Yê-su blóh loah alóí neq: “Ntróu Mòi-se patâp an-hia?”

⁴ Alóí ta-đi neq: “Mòi-se patâp hếq, khân cũai aléq yoc ẽ táh lacuoì, án cóq chĩc choaiq ratáh yỗn lacuoì án. Chơ têq án táh.”*

⁵ Ma Yê-su atông alóí neq: “Cỗ tian anhia bữn mút coang lứq, yuaq ngkíq Mòi-se chĩc ốc patâp ki yỗn anhia. ⁶ Ma tể dâu lứq, bo Yiang Sursĩ tểng nheq dũ ramứh, án tểng cũai samiang cốp cũai mansẽm.*

⁷ Yuaq ngkíq cũai samiang cóq yoah tể mpiq mpoaq, ma ốt parnoi cốp lacuoì án. ⁸ Chơ bar náq lacuoì cayac cốt máh muoi noaq sâng. Alóí tở bữn cốt noâng bar náq. Ma alóí cốt máh manoaq sâng. ⁹ Ngkíq,

khân Yiang Sursĩ amóh yỗn alóí cốt lacuoì cayac, tở têq cũai aléq caryoah alóí yỗn ratáh.”

¹⁰ Toâq Yê-su cốp tốp rien tể án mut loah tâng đống, tốp rien tể án blóh loah Yê-su tể ranáq ki. ¹¹ Yê-su ta-đi alóí neq: “Cũai aléq ma táh lacuoì, chơ ỉt lacuoì canốh ẽn, cũai ki la samoât án cooc lacuoì noau. ¹² Cốp khân lacuoì ma táh cayac, chơ ốt cốp cayac canốh ẽn, cũai ki la samoât án cooc cayac noau tê.”

Yê-su Câu Yỗn Carnẽn
(*Mathia 19:13-15; Luca
18:15-17*)

¹³ Vót ki noau đưng máh carnẽn toâq pở Yê-su ẽq án satoaq atĩ tâng carnẽn ki. Ma tốp rien tể Yê-su sươq cũai đưng carnẽn ki. ¹⁴ Toâq Yê-su hữm ngkíq, án nhôp tốp rien tể án, cốp án atông alóí neq: “Anhia yỗn carnẽn ki toâq pở cứq. Chỗi catáng alóí, yuaq tâng tốp Yiang Sursĩ sốt bữn ống cũai ca bữn mút pahồm samoât carnẽn. ¹⁵ Cứq atông anhia samoât lứq, cũai aléq ma tở bữn pruam yỗn Yiang Sursĩ táq sốt samoât máh carnẽn pruam, cũai ki tở têq mut tâng tốp Yiang Sursĩ sốt.”

¹⁶ Chơ Yê-su ca-ữ máh carnẽn ki; án satoaq atĩ tâng alóí, cốp câu ốc bốn yỗn alóí hữ.

* 10:4 10:4 Patâp Loah 24:1-4 * 10:6 10:6 Saráq Tể Dâu 1:27; 5:2

Cũai Samiang Sốc
(*Mathia 19:16-30; Luca 18:18-30*)

¹⁷ Bo Yê-su ntôm pởq tâng rana, bữn manoaq samiang lủh toađ pở án cớp sacốh racốl yáng moat án. Samiang ki blớh Yê-su neq: “Thâi ời! Thâi la o lủq. Ntróu cớq cóq táq, yỗn têq bữn tamoađ mantái?”

¹⁸ Yê-su blớh loah án neq: “Nỏq mới đởq cớq o? Ông Yiang Sursĩ toađ la o. ¹⁹ Mới đáng chơ ốc Yiang Sursĩ patáp: Chỗi cachĩt cũai; chỗi cooc lacuoi tở la cayac noau; chỗi tutuoiq; chỗi táq ntởng lauq; chỗi lỏp; cớp yám noap mpiq mpoaq.”*

²⁰ Samiang ki ta-ỡi Yê-su neq: “Thâi ời! Mách ramứh ki cớq khoiq táq tể bo cớq sanyỏr.”

²¹ Yê-su nhêng chu án cớp sâng ayooq lủq án. Chơ Yê-su atởng loah án neq: “Mới noâng khlaiq muoi ramứh. Cóq mới pởq chẻq nheq máh mun mới bữn, chơ tampẻq práq kia yỗn máh cũai cadĩt. Ngkĩq mới bữn mun ngoaih tâng paloỏng. Chơ mới toađ puai cớq.”

²² Từ cũai ki sâng Yê-su pai ngkĩq, án ngúc moat múh cớp loỏh tể ki; án sâng ngua lủq, yuaq án la cũai sốc.

²³ Chơ Yê-su carlang nhêng mpẻr án, cớp án atởng tởp rien tể án neq: “Coat lủq yỗn máh cũai sốc

bữn mut tâng tởp Yiang Sursĩ sốc.”

²⁴ Từ Yê-su pai ngkĩq, tởp rien tể án sâng đót lủq tâng mút. Ma Yê-su atởng alới neq: “Mách con cớq ời! Cũai ca yoc ể mut tâng tởp Yiang Sursĩ sốc, ki coat lủq yỗn án. ²⁵ Charán lac-da luaiq hỏng srúm, khẻ hỏn tể cũai sốc ma mut tâng tởp Yiang Sursĩ sốc.”

²⁶ Tởp rien tể Yê-su sâng đót lủq, cớp alới blớh loah Yê-su neq: “Khân ngkĩq, noau têq mut tâng tởp Yiang Sursĩ sốc?”

²⁷ Yê-su nhêng chu alới cớp atởng neq: “Mách cũai, tở têq táq bữm ranáq ki, ma Yiang Sursĩ têq táq nheq tữr ranáq.”

²⁸ Phi-er atởng Yê-su neq: “Nâi! Hẻq khoiq táh đũ ramứh hẻq bữn đởq puai thâi.”

²⁹ Yê-su atởng alới neq: “Cớq atởng anhia samoắt lủq, khân bữn cũai alẻq táh đổng sũ, sẻm ai sẻm ỡi, mpiq mpoaq, con acái, tở la sarái cở tian án puai cớq cớp puai parnai o tể Yiang Sursĩ, ³⁰ cũai ki lủq bữn loah tâng đỡi nâi muoi culám tở hỏn tể máh ramứh án khoiq táh, ariang đổng sũ, sẻm ai sẻm ỡi, mpiq, con, cớp sarái. Án cóq ramóh túh coat hỡ. Ma chumát án bữn tamoađ mantái. ³¹ Sa-ỡi náq cởt toađ sanua, chumát alới cởt cacótt ẻn, cớp sa-ỡi náq cacótt

* 10:19 10:19 Loỏh Tể Ê-yip-tỏ 20:12-17; Patáp Loah 5:16-21

sanua, chumát alóí cõt toâr ẽn."

Yê-su Atõng Loah Tẽ Án Chũuq Cuchĩt

(*Mathia 20:17-19; Luca 18:31-34*)

³² Yê-su cốp tốp rien tẽ án põq tâng rana chõn chu vil Yaru-salem. Yê-su põq nhũang alóí. Máh tốp rien tẽ Yê-su sâng dót lứq. Cốp máh cũai ca puai ntun alóí, cũai ki sâng croõq. Yê-su dững muoi chít la bar nác loõh tẽ cũai ki cốp atõng alóí tẽ máh ranác cheq ẽ toâq põ án. ³³ Án pai neq: "Anhia tamúng! Háí cốp chõn põ vil Yaru-salem. Ớt ngki noau ẽ chiau Con Yiang Cõt Cũai põ atĩ cũai sốt tốp tẽng rit sang Yiang Sursĩ cốp cũai yõng rit. Alóí ki anoat án cóq cuchĩt; chơ alóí ẽ chiau án põ cũai tỡ cõn cũai I-sarel hỡ. ³⁴ Cũai ki ayê ra-ac án, cuchóh tâng án, proaih án, cốp cachĩt án. Ma vót pái tangái, án yuor tamoong loah."

Yacõ Cốp Yang Sẻq Muoi Ramúh Tẽ Yê-su
(*Mathia 20:20-28*)

³⁵ Vót ki Yacõ cốp Yang, la con samiang Sê-badê, toâq põ Yê-su cốp sẻq tẽ án neq: "Thâi ơi! Hẻq ẻq thâi táq máh ỏc hẻq sẻq tẽ thâi."

³⁶ Yê-su blớh alóí neq: "Ổc ntróu anhia yoc cớq táq yõn anhia?"

³⁷ Alóí ta-õi án: "Yõn hẻq tacu manoaq coah atoam, manoaq coah avêr thâi bo thâi cõt sốt cốp bữn chóc ang-ữr."

³⁸ Yê-su ta-õi alóí neq: "Anhia tỡ dáng dẻh ỏc anhia sẻq. Rơi tỡ anhia nguaiq muoi cachoc cốp cớq? Cốp rơi tỡ anhia roap batẽm parnoi cốp cớq?"*

³⁹ Alóí ta-õi án: "Hẻq rơi."

Ma Yê-su atõng loah alóí neq: "Nỡ-ra anhia cóq nguaiq muoi cachoc cốp cớq, cốp anhia cóq roap muoi batẽm cốp cớq tẽ. ⁴⁰ Ma cớq tỡ tẻq yõn anhia tacu coah atoam cốp coah avêr cớq. Ớc ki ớng Yiang Sursĩ sâng tẻq rườh."

⁴¹ Tỡ alóí muoi chít nác canõh tâng tốp rien tẽ Yê-su sâng ranác ki, alóí ươn lứq chóc Yacõ cốp Yang. ⁴² Chơ Yê-su arô nheq tốp ki toâq põ án. Cốp án atõng alóí neq: "Anhia khoiq dáng chơ cũai sốt tâng dời nâi yoc máh cũai proai cõt sũl alóí, cốp alóí padâm cũai proai túh coat lứq. ⁴³ Ma anhia chõĩ táq samoât ngkíq. Cũai alẻq yoc ẽ cõt toâr tâng tốp anhia, cóq án cõt ayũng atĩ anhia. ⁴⁴ Cốp cũai alẻq yoc ẽ cõt toâr clũĩ nheq tẽ canõh tâng tốp anhia, cóq án cõt sũl nheq tũh cũai. ⁴⁵ Machớng ki tẽ, Con Yiang Cõt Cũai khoiq toâq põ nâi tỡ

* **10:38** 10:38 Tỡ Yê-su pai 'nguaiq muoi cachoc', án sacâm tẽ 'chũuq túh coat'. Cốp tỡ án pai tẽ 'batẽm', án sacâm tẽ án cóq 'chũuq cuchĩt'.

ẽq noau hâu án, ma án yoc ẽ hâu cũai canõh. Cóp án ralêq rangúh án đõq cuchĩt tang yõn nheq tửh cũai.”

Cũai Sũt Bữn Ramóh Yê-su
(*Mathia 20:29-34; Luca 18:35-43*)

⁴⁶ Vót ki Yê-su cóp tốp rien tẽ án toâq pữ vil Yê-ri-cô. Tữ alóı loõh tẽ vil ki parnoi cóp cứng cũai canõh, alóı ramóh manoaq cũai sũt õt susẽq kẽng rana. Ramúh án la Bati-mê con samiang Ti-mê. ⁴⁷ Tữ án sâng noau pai Yê-su tẽ vil Na-sarẽt pữq pha, chơ án sabau casang lứq neq: “O Yê-su tẽ tống toiq puo Davĩt ơ! Sẽq Ncháu sarũiq táq cứq nứng!”

⁴⁸ Bữn sa-ũı náq cũai sươq án chõı tabõq, ma án sabau casang lứq ẽn: “O anhia tẽ tống toiq puo Davĩt ơ! Sẽq anhia sarũiq táq cứq nứng!”

⁴⁹ Yê-su tangútt, chơ án ớn neq: “Arô cũai sũt ki toâq pữ nãi.”

Chơ alóı arô cũai sũt ki, cóp alóı atõng án neq: “Chõı croõq ntróu. Mớı yuor tayứng. Yê-su arô mớı.”

⁵⁰ Ngkĩq cũai ki carieiq táh au tuar án. Yóiq án yuor cóp toâq pữ Yê-su. ⁵¹ Yê-su blóh án neq: “Ntróu mớı yoc cứq táq yõn mớı?”

Cũai sũt ki ta-õı: “Thài ơ! Sẽq yõn moat cứq cõt blang!”

⁵² Yê-su atõng án neq: “Pữq! Cỗ mớı sa-âm, moat mớı cõt blang.”

Bo ki toâp moat án cõt blang, chơ án puai Yê-su tẽ.

11

Yê-su Mut Tâng Vil Yaru-salem
(*Mathia 21:1-11; Luca 19:28-40; Yang 12:12-19*)

¹ Tữ alóı cheq ẽ toâq pữ vil Yaru-salem, alóı mbõıq toâq vil Bê-phayê cóp vil Bê-thani bân palic dũal O-li-vê. Tữ alóı toâq pữ ranoâq vil ki, Yê-su ớn bar náq tẽ tốp rien tẽ án neq: ² “Anhia mut tâng vil yáng moat anhia. Bo anhia toâq ramóh vil, anhia ramóh muoi lám aséh dẽn con ca tữ bữn noau õt yũah; noau chõq đõq án tâng lác ngki. Anhia leh, chơ tẽc dừng pữ cứq. ³ Khãn bữn noau blóh anhia neq: ‘Nõq anhia táq ngkĩq?’ anhia ta-õı neq: ‘Ncháu hái yoc ẽ mian. Moâm án mian, chơ án dừng culáh loah yõn anhia.’ ”

⁴ Ngkĩq alóı bar náq pữq, cóp alóı ramóh aséh con noau chõq đõq cheq ngoah toong đõng kẽng rana. Chơ alóı leh aséh ki. ⁵ Mách cũai õt tayứng cheq ki blóh alóı neq: “Anhia leh táq ntróu aséh ki?”

⁶ Alóı bar náq ta-õı ỉn Yê-su khiq patâp; chơ máh cũai ki yõn alóı chu. ⁷ Vót alóı dừng achu aséh ki pữ Yê-su, alóı sữn tampác alóı tâng cloong aséh. Chơ Yê-su chõn õt tâng cloong aséh ki. ⁸ Bữn sa-ũı náq cũai sữn tampác alóı tâng rana.

Cũai canõh mut tâng aruih catráiq déh rambũ đõq sũn tâng rana. ⁹ Án ca põq nhũang cõp án ca puai ntun, alõi triau casang lứq neq: “Ô-sana!* Sẻq Yiang Sursĩ yõn ỏc bốn pữ cũai ca toâq nhõ ramứh Ncháu! ¹⁰ Lứq khẻn! Toâq chõ Sỏt tẻ puo Davĩt, achúc achiac hái! Ô-sana! Lứq khẻn Yiang Sursĩ!”☆

¹¹ Yẻ-su mut tâng vil Yaru-salem, chõ án mut tâng Dỏng Sang Toâr. Án carlang nhẻng neq máh ramứh mpẻ ki; ma yuaq paloỏng cheq sadâu, án loỏh tẻ ki cõp pỏq chu vil Bẻ-thani parnỏi cõp tỏp muoi chít la bar nác rien tẻ án.

¹² Poang tangái parnỏ, bo alõi pỏq tâng rana loỏh tẻ vil Bẻ-thani, Yẻ-su sâng pan-hieih. ¹³ Án hửm noâng tẻ yẻng muoi nỏm tarúng bửn sala. Yẻ-su tarỏp nhẻng aluang ki bửn palái ma tẻ bửn. Ma tử án toâq, tẻ hửm palái ntrỏu, ỏng sala miat sâng, yuaq tẻ yủah ngư tarúng palái. ¹⁴ Yẻ-su pai chỏq nỏm tarúng ki neq: “Tẻ nái chumát tẻ bửn noau cha noâng palái mới.”

Cõp tỏp rien tẻ Yẻ-su sâng án pai santiago ki.

Yẻ-su Mut Tâng Dỏng Sang Toâr
(*Mathia 21:12-17; Luca 19:45-48; Yang 2:13-22*)

¹⁵ Vỏt ki alõi toâq pữ vil Yaru-salem. Yẻ-su mut sĩa tâng Dỏng Sang Toâr. Chõ án ntỏm tuih aloỏh máh cũai chẻq chỏng tâng Dỏng Sang Toâr ki. Án cutỏl cachỏng noau lẻq práq cõp cachỏng noau tacu chẻq chỏm tariap. ¹⁶ Cõp án tẻ yõn noau đửng cỏng luloah pỏq chu táq rana tâng Dỏng Sang Toâr ki. ¹⁷ Chõ Yẻ-su pai chỏq alõi neq: “Nỏq riang pai anhia tẻ bửn dáng Yiang Sursĩ khoiq chẻc neq:

‘Noau đỏq đỏng cứq la đỏng yỏn đử tỏp cũai toâq câu sẻq.’☆

Ma anhia táq đỏng cứq cỏt ariang cựp yỏn cũai savẻng mut tooq.”

¹⁸ Máh cũai sỏt tỏp tẻng rit sang Yiang Sursĩ cõp máh cũai yỏng rit, alõi sâng Yẻ-su táq ngkít, chõ alõi chichuaq ngẻ ẻ cachít án. Alõi ngỏh Yẻ-su, yuaq clẻng lứq cũai sâng dỏt, cõp sâng pẻiq lứq máh santiago Yẻ-su atỏng. ¹⁹ Toâq tabử, Yẻ-su cõp tỏp rien tẻ án loỏh tẻ vil ki.

Aluang Khoiq Roỏh
(*Mathia 21:20-22*)

²⁰ Poang tarửp, toâq alõi pỏq pha nỏm aluang tarúng ki, alõi hửm aluang ki khoiq roỏh toâq rẻh. ²¹ Phi-er sanhử loah máh Yẻ-su khoiq pai; chõ án atỏng Yẻ-su neq:

* **11:9** 11:9 Santiago ‘ô-sana’ parlong loah la ‘sa-ỏn lứq’ tẻ la ‘khẻn’. ☆ **11:10** 11:10 Ủat Khẻn 118:25-26 ☆ **11:17** 11:17 Ê-sai 56:7

“Thâi oi! Nhêng ki! Alu-ang thâi catup tangái mahái khoi q rooh chơ.”

22 Yê-su patâp loah alói neq: “Cóg anhia sa-âm Yiang Sursĩ. 23 Cúq atōng anhia samoât lứq, khân cũai aléq pai cóh nâi neq: ‘Mói ravih, chơ sapĩl chíq chu dờq mut,’ khân cũai nâi tở bữn mút catơn-tơn, ma án sa-âm lứq samoât tễ ốc án pai lứq cõt, ranáq ki lứq cõt yỗn án.

24 Ngkíq cúq atōng anhia, ntróu anhia sêq toâq san-toi q câu, cóq anhia sa-âm lứq anhia khoi q bữn chơ ốc ki. Ngkíq chumát lứq anhia bữn.

25 “Toâq anhia tayứng câu, khân bữn cũai aléq khoi q táq lôih cóq anhia, cóq anhia táh lôih cũai ki. Ngkíq Mpoaq anhia tâng paloōng táh tê lôih anhia. 26 Khân anhia tở bữn táh lôih yốu, ngkíq Mpoaq anhia tâng paloōng tở bữn táh tê lôih anhia.”†

Noau Blóh Yê-su Tễ Chóc Ân
(*Mathia 21:23-27; Luca 20:1-8*)

27 Vót ki alói toâq loah pở vil Yaru-salem sĩa. Tữ Yê-su pởq tâng clống Dống Sang Toâr, máh cũai sốt tốp tểng rit sang Yiang Sursĩ, cóp máh cũai yống rit, cóp máh cũai sốt nheq sâu, alói ki toâq pở án. 28 Cóp alói blóh án neq: “Chóc tễ léq thâi bữn dờq táq ranáq salễh

nâi? Noau yỗn thâi bữn chóc ki?”

29 Yê-su ta-ỡi loah alói neq: “Cúq ễ blóh anhia muoi ramứh tê. Khân anhia ta-ỡi cúq, ki cúq atōng anhia noau yỗn cúq bữn chóc táq ranáq nâi. 30 Ranáq batểm Yang táq, tễ léq ranáq ki toâq, tễ Yiang Sursĩ tở la tễ cũai? Anhia ta-ỡi cúq.”

31 Chơ alói manoaq sarhóng manoaq: “Khân hái ta-ỡi án pai: ‘Ranáq batểm nâi toâq tễ Yiang Sursĩ,’ ngkếq án blóh loah hái: ‘Khân ngkíq, nỏq anhia tở bữn sa-âm Yang?’ 32 Ma khân hái ta-ỡi án: ‘Ranáq batểm nâi chống toâq tễ cũai sâng,’ ki hái ngcõh cũai proai, yuaq alói sa-âm lứq Yang la cũai tang bỗq Yiang Sursĩ.”

33 Ngkíq alói ta-ỡi Yê-su neq: “Hếq tở dáng.”

Yê-su ta-ỡi loah alói neq: “Chơ! Cúq tở bữn atōng tê anhia noau yỗn cúq bữn chóc táq máh ranáq nâi.”

12

Parnai Sacâm Tễ Manoaq Chóh Palâi Nho Tâng Nưong
(*Mathia 21:33-46; Luca 20:9-19*)

1 Yê-su tabỏq atōng alói toâq parnai sacâm neq: “Bữn manoaq sami-ang chóh voar nho tâng nưong. Án táq cantruang mpễn nưong. Án píq prúng, cóp chíp tamáu ien ễ pát dờq nho

† 11:26 11:26 Sa-ỡi tâm saráq tiaq tở bữn bữn rana 26 nâi.

tâng ki. Án táq sũ hữ dõq
 kĩaq nưong ki. Moâm ki án
 chiau yõn cũai táq dõ nưong
 ki yõn án. Alóí pruam ndõm
 pruam mpêq máh palâi.
 Chơ án põq cruang canõh.
 2 Toâq catừ palâi chĩn, ncháu
 nâi ớn sũl án toâq põ alóí ca
 táq dõ nưong án. Án ớn sũl
 ki ít pún án tẽ cũai táq dõ
 nưong. 3 Tữ cũai sũl toâq,
 máh cũai táq dõ nưong cõp
 án, toân án, cõp tuih aloõh
 án. Alóí yõn án chu miat
 sâng. 4 Chơ ncháu ki ớn
 cũai sũl canõh ễn põq põ
 ki. Ma alóí toân án tâng
 plõ, cõp táq yõn án cõt lo-
 lo miat sâng. 5 Ncháu ki
 ớn cũai sũl canõh ễn toâq
 põ ki. Ma alóí cachĩt án.
 Alóí táq samoât tẽ nhũang
 sĩa chóq cứng cũai; án ca
 alóí toân, án ca alóí cachĩt
 táh. 6 Ncháu nâi noâng bữn
 muoi lám con samiang ca
 án ayooq lứq. Toâq parsõt
 thánq, án ớn con án ễn põq.
 Án chanchóm neq: 'Alóí lứq
 yám noap con cứq.' 7 Ma
 máh cũai táq dõ nưong ki,
 manoaq sarhõng manoaq
 neq: 'Nâi la con tống ncháu.
 Hâi! Háí cachĩt chíq án.
 Ngkíq nheq mun án cõt
 khong háí ễn.' 8 Chơ alóí cõp
 cõp cachĩt án. Alóí lampõng
 án aloõh yáng tiah nưong.
 9 Nõq toáp ncháu nưong ẽ
 táq? Lứq án toâq cachĩt
 nheq máh cũai táq dõ nưong

án, cõp án chiau yõn cũai
 canõh ễn táq dõ nưong ki.
 10 Nõq riang pai anhia tở nai
 doc tâng tâm saráq Yiang
 Sursĩ án pai neq:

'Cóc tamáu cũai táq đồng
 khoiq táh,
 tamáu ki noau hữm o
 hõn tẽ tamáu canõh.
 Chơ noau ít cõp chĩp
 bân soq đồng.

11 Ranáq nâi khoiq Ncháu
 háí toáp táq,
 la ranáq salẽh lứq
 án táq yáng moat
 háí.' " *✧

12 Máh cũai sõt ca sâng Yê-
 su pai ngkíq, alóí chuaq ngê
 ẽ cõp án, cõ alóí dáng án
 atõng parnai sacâm nâi pai
 chu alóí. Ma alóí ngcõh cũai
 proai. Ngkíq alóí loõh tẽ án,
 cõp põq chu ntõq canõh ễn.

Yê-su Atõng Tẽ Práq Thẽq
(Mathia 22:15-22; Luca
20:20-26)

13 Ntun ki noau ớn cũai tẽ
 tốp Pha-rasi cõp tẽ tốp Hê-
 rôt ễn toâq põ Yê-su, yõn
 alóí chi-chuaq ốc lỏih Yê-su
 táq ntõng. 14 Tốp alóí toâq
 põ Yê-su cõp atõng án neq:
 "Thâi ơi! Hêq dáng chơ thâi
 lứq cũai tanoang. Yáng moat
 thâi nheq tữh cũai la lĩ-ralĩ
 nheq. Yuaq ngkíq, thâi tở
 bữn yám noap ống cũai bữn
 chóc sâng. Thâi atõng ngê
 Yiang Sursĩ p̄ieiq lứq. Puai
 phễp rit háí p̄ieiq ma tở bữn
 háí cóq muap práq thẽq põ
 puo Rô-ma?"

* 12:11 12:11 Puai tẽ ranáq alóí ki táq, tamáu aléq noau chĩp tâng soq, tamáu
 ki táng yõn đồng cõt khâm. Tamáu ki Yê-su sacâm tẽ tở án toáp. ✧ 12:11
 12:11 Ūat Khẽn 118:22-23

15 Ma Yê-su dáng alói táq nan sâng. Chơ án blóh loah alói neq: “Nốq anhia chuaq rali h chók cúq? Anhia dững pở cúq muoi ốc práq, yỗn cúq nhêng.”

16 Ngkíq alói dững yỗn án muoi ốc práq. Chơ án blóh loah alói neq: “Roập anâi cốp chĩr anâi la samoât noau?”

Alói ta-đi án neq: “Puo Rô-ma.”

17 Chơ Yê-su atống alói neq: “Cớng puo Rô-ma, cóq anhia culáh loah yỗn puo Rô-ma; cốp cớng Yiang Sursĩ cóq anhia culáh loah yỗn Yiang Sursĩ.”

Ma alói sâng dốt lứq Yê-su atống ngkíq.

Tổp Sa-dusê Blóh Yê-su Tễ Ốc Tamoong Loah

(*Mathia 22:23-33; Luca 20:27-40*)

18 Bữn cũai tễ tổp Sa-dusê toâq pở Yê-su. Tổp Sa-dusê pai cũai khiq cuchĩt tở tềq tamoong loah. 19 Alói atống án neq: “Thâi oi! Mũi-se khiq chĩc yỗn hái dáng, khân manoaq sami-ang cuchĩt, ma lacuoi án noâng tamoong, cốp alói tở yũah bữn con, ngkíq manoaq tễ sễm ai án cóq siem lacuoi án, dốq patống loah án ca khiq cuchĩt.*

20 Dũi mbốq bữn tapul náq sễm ai. Ai clúng khiq ít lacuoi, chơ án cuchĩt, ma tở yũah bữn con. 21 Ngkíq a-ễm ndĩ ễn siem lacuoi ai. Ma

tở yũah bữn con, khiq án cuchĩt tề. Chơ a-ễm ralốh la cốt machống máh mu ai án tề. 22 Tapul náq ễm ai ít mansễm ki táq lacuoi. Aléq la cuchĩt ma tở bữn bữn con; cốp ntun thág mansễm ki cuchĩt tề. 23 Tở máh cũai cuchĩt bữn tamoong loah, mansễm ki cốt lacuoi noau? Yuaq tapul náq ễm ai ndữm nheq mansễm ki.”

24 Yê-su atống loah alói neq: “Anhia táq ntống tở p̄ieiq, yuaq anhia tở bữn dáng raloaih tễ parnai Yiang Sursĩ ca noau khiq chĩc tễ mbốq; cốp anhia tở dáng tễ chóc sốt toâr Yiang Sursĩ. 25 Tở alói ca khiq cuchĩt bữn tamoong loah, ki alói tở bữn cốt noâng lacuoi cayac. Ma alói ốt tâng paloống machống tổp ranềng Yiang Sursĩ tề.

26 “Ma tễ ranáq cũai cuchĩt, chơ tamoong loah, nốq riang pai anhia tở nai doc tâng tâm saráq Mũi-se chĩc tễ rambũ blữ ỹih ma tở bữn cat. Pở ntốq ki Yiang Sursĩ atống Mũi-se neq: ‘Cứq la Yiang Sursĩ A-praham sang, I-sac sang, cốp Yacóp sang.’*[☆]

27 Hái dáng cũai cuchĩt tở tềq sang Yiang Sursĩ. Ống cũai tamoong sâng tềq sang án. Lứq anhia tở bữn dáng thág.”

Ốc Yiang Sursĩ Patâp Toâr

* 12:19 12:19 Patâp Loah 25:5

* 12:26 12:26 Loốh Tễ Ê-yip-tô 3:6

Clũi Nheq Tễ Canõh

(*Mathia 22:34-40; Luca 10:25-28*)

28 Bữn manoaq tễ tộp cũai yống rit toâq pỡ ki cớp sâng alới raloai ngkíq. Cớp án sâng Yê-su ta-õi o lứq, ngkíq án blớh Yê-su neq: “Tễ máh ốc Yiang Sursĩ patâp, ốc aléq toâr clũi nheq tễ ốc canõh?”

29 Yê-su ta-õi loah án neq: “Nài la ốc toâr clũi nheq tễ ốc canõh Yiang Sursĩ patâp: ‘Tộp I-sarel ơi! Anhia tamứng! Yiang Sursĩ, Ncháu hái, ống manoaq án toâp. 30 Cớq anhia ayooq Yiang Sursĩ, Ncháu anhia, nheq tễ mút pahõm anhia, nheq tễ sarnóm anhia, cớp nheq tễ rangứh rahõ anhia.’”

31 Cớp ốc patâp bar ca toâr clũi nheq tễ canõh la neq: ‘Cớq anhia ayooq yóu samoât anhia ayooq tỗ anhia bữm.’”

Ốc patâp canõh tỡ bữn clũi tễ bar ốc patâp nài.”

32 Án ca tễ tộp yống rit atõng loah Yê-su neq: “Thài ơi! Lứq tanoang thài atõng. Thài atõng pñeiq lứq, Yiang Sursĩ la manoaq án toâp. Vót tễ Yiang Sursĩ la tỡ bữn yiang aléq ma sớt. 33 Khân hái ayooq Yiang Sursĩ nheq tễ mút pahõm, nheq tễ sarnóm, cớp nheq tễ rangứh rahõ, cớp hái ayooq yóu machóng hái ayooq tỗ hái

bữm, ranáq nài o hõn tễ noau bõh charán chiau sang, tỡ la chiau sang máh crớng canõh yõn Yiang Sursĩ.”

34 Yê-su sâng án ta-õi ran-goaiq lứq, chớ Yê-su atõng loah án neq: “Khoiq cheq lứq chớ mới bữn mut tâng tộp Yiang Sursĩ sớt.”

Vót ki tỡ bữn noau khón blớh noâng Yê-su.

Santoiq Blớh Tễ Manoaq Crĩt

(*Mathia 22:41-46; Luca 20:41-44*)

35 Bo Yê-su atõng tâng Dõng Sang Toâr, án blớh neq: “Nỏq cũai yống rit pai Crĩt toâq tễ tống toiq Davĩt?

36 Ma cutỗ Davĩt toâp pai nhớ Raviei Yiang Sursĩ ớn án pai neq:

‘Yiang Sursĩ atõng chóc Ncháu cứq neq:

“Mới tacu coah atoam cứq† yõn toau toâq tangái léq cứq chiau alới ca ẽ cachĩt mới, õt pũn talang ayũng mới, cớp cõt sũl mới.””

37 Cutỗ Davĩt toâp đởq Crĩt la Ncháu. Ki nỏq tẻq Davĩt đởq cũai tễ tống toiq án bữm la Ncháu?”

Cũai cứng ki sâng bũi o lứq tễ Yê-su atõng ngkíq.

Yê-su Sươq Cũai Chõĩ Táq Machóng Cũai Yống Rit

(*Mathia 23:1-36; Luca 20:45-47*)

☆ 12:30 12:30 Patâp Loah 6:4-5 ☆ 12:31 12:31 Lê-vi 19:18 † 12:36 12:36

Puai phẻp rit cũai I-sarel, khân cũai aléq ma alới yoc ẽ yám noap lứq samoât, ngkíq alới yõn cũai ki ốt coah atoam alới. ☆ 12:36 12:36 Ủat Khển 110:1

38 Bo Yê-su atông, án pai neq hõ: “Anhia chõỉ táq machóng cũai yống rit. Alóỉ ẽq lứq sóp au tuar, cớq ẽq lứq cũai canõh tabõp o alóỉ bo alóỉ õt cớq cũai cứng. 39 Alóỉ yoc ẽ bữn cachong tacu o clũỉ nheq tẽ canõh tâng đồng sang, cớq alóỉ yoc ẽ tacu coah pỡng toađ noau mớỉ alóỉ toađ cha. 40 Alóỉ lỏp máh đồng cán cumai; chớ alóỉ câu cuti ẽq noau khẽn alóỉ la lứq tanoang o. Ma chumát tột alóỉ ntâng hỡn tẽ cũai canõh.”

Manoaq Cán Cumai Chóq Práq Sang

(Luca 21:1-4)

41 Vót ki Yê-su tacu cheq ntốq noau đốq chóq práq sang. Án nhêng chu máh cũai chóq práq sang tâng ntốq ki. Cứng cũai sốc chóq práq sang sa-ũỉ lứq. 42 Ma bữn manoaq cán cumai cadĩt lứq toađ pỡ ki. Án chóq bar ốc práq, práq ki bữn kia bĩq lứq. 43 Chớ Yê-su arô tốp rien tẽ án toađ pỡ án, cớq án atông alóỉ neq: “Cứq atông anhia samoat lứq, cán cumai cadĩt nãi, án chóq práq sang sa-ũỉ hỡn tẽ nheq máh cũai canõh. 44 Nheq tửh cũai ki chóq práq clũỉ tẽ alóỉ tặc cha; ma cán cumai nãi ốq lứq, máh léq án bữn án chóq nheq máh ki.”

13

Yê-su Atông Tẽ Ốc Túh Coat Cớq Tangái Án Toađ

Loah Pỡ Cutẽq Nãi

(Mathia 10:16-25; 24:1-44; Luca 21:5-33)

1 Từ Yê-su loah tẽ Đồng Sang Toar, bữn manoaq tẽ tốp rien tẽ án atông án neq: “Thâỉ ơi! Nhêng pỡ ki! Tamáu ki cớq Đồng Sang Toar ki o pha moâm!”

2 Ma Yê-su blớh loah án: “Mớỉ hữm đồng toar nãi tỡ? Chumát tamáu noau táq đồng toar nãi tỡ bữn ratót noâng parnõi. Án ratáh nheq.”

3 Vót ki Yê-su tacu ốt tâng dũal O-li-vê choáng Đồng Sang Toar. Phi-er, Yacõ, Yang, cớq Anrê, ống alóỉ pỗn náq toáp ốt cớq Yê-su. 4 Alóỉ blớh án: “Sẽq thâỉ atông hếq, noâng dũn maléq ranáq nãi toađ? Tểc ntróu sapáh nhũang ranáq nãi ẽ toađ?”

5 Yê-su atông alóỉ neq: “Cớq anhia ốt khểuq. Chõỉ yỗn noau phếq anhia. 6 Chumát bữn sa-ũỉ náq toađ clẽu ramứh cứq. Alóỉ pai neq: ‘Cutõ cứq toáp la Crít!’ Cớq alóỉ phếq cứng lứq cũai.

7 “Từ anhia sâng parhan noau rachıl cheq-cheq yong-yong, anhia chõỉ croỏq ntróu. Ranáq nãi cớq toađ nhũang voai. Ma tỡ yũah toađ tangái parsót thág.

8 Lứq bữn tốp nãi rachıl ratáq cớq tốp ki; cruang nãi rachıl ratáq cớq cruang ki. Bữn sa-ũỉ ntốq cutẽq rachâu cớq cacut. Cớq bữn

sa-ũi ntóq ốq sana cha. Mách ramứh nài mbõiq tể dâu sâng. Ma noâng bữn sa-ũi ramứh túh coat ên.

9 “Yuaq ngkíq cóq anhia nhêng o. Lứq noau cốp anhia cóp dững anhia toâq pở cũai sốt. Noau toân anhia tâng đống sang tốp I-sarel. Cóq anhia tayững yáng moat cũai sốt cóp cũai puo hữ cỗ tian anhia puai cứq, đốq anhia atõng yõn alóí dáng tê tể ngê cứq. 10 Tốp puai cứq cóq atõng parnai o tể Yiang Sursĩ nhũang voai, yõn nheq tữh cũai dáng. 11 Tữ noau cốp ể dững sữq anhia, anhia chõỉ croốq. Anhia chõỉ clong nhũang ntróu anhia yoc ể pai. Ma anhia pai puai santoiq Yiang Sursĩ atõng yõn anhia pai bo ki. Yuaq santoiq ki là tở cõn tể anhia, ma santoiq Raviei Yiang Sursĩ atõng. 12 Bo dõỉ ki sễm ai ể cốp ratuaq sễm ai, cóp chiau yõn noau cachĩt; mpoaq chiau con án yõn noau cachĩt. Con acái ra-ũan chóq mpiq mpoaq, cóp chiau mpiq mpoaq yõn noau cachĩt alóí. 13 Nheq tữh cũai lứq kêt anhia cỗ tian anhia puai ngê cứq. Ma cũai aléq rơi tanhĩr toau sốt anhúq án, Yiang Sursĩ lứq chuai amoong cũai ki.

14 “Nữ-ra anhia bữn hữm noau đốq tâng Đống Sang Toâr crong nhựp cóp ranáq lỏih ca Yiang Sursĩ tở ểq hữm. (Cũai aléq doc san-

toiq nài cóq chanchóm yõn samoât tể ốc nài.) Tangái ki máh cũai tâng cruang Yudê cóq lúh chõn ớt tâng cóh ển. 15 Án ca ớt nhựp curũm đống, chõỉ chõn ỉt noâng crong tể đống. 16 Án ca ớt pở sarái, chõỉ chu ỉt noâng tampác tể đống. 17 Tâng tangái ki, tởiq bap lứq alóí ca ớt mumiaq cóp apu con. 18 Cóq anhia câu sễq chõỉ yõn máh ranáq ki toâq tâng casái sangết. 19 Yuaq tâng tangái ki bữn túh coat clũỉ tể tangái dâu Yiang Sursĩ tểng paloong cutểq yõn toau toâq sanua. Cóp ntun ển tở bữn túh coat noâng riang tangái ki. 20 Khân Yiang Sursĩ tở bữn arũiq loah máh tangái ki, lứq tở bữn noau têq tamoong noâng. Ma cỗ án yoc ể chuai máh cũai án ruroh, ngkíq án arũiq loah máh tangái ki.

21 “Khân noau atõng anhia neq: ‘Nài! Án nài la lứq Crĩt!’ tở la ‘Tíh! Án ca ớt pở ki la lứq Crĩt!’, anhia chõỉ noap santoiq ki. 22 Yuaq nữ pra bữn cũai tở cõn lứq Crĩt, cóp tở cõn lứq cũai tang bõq Yiang Sursĩ toâq pở anhia. Alóí táq tếc salễh đốq thũ phẻq anhia. Khân têq, alóí yoc ể rakiauaq máh cũai ca Yiang Sursĩ khoiq ruroh yõn táq ranáq sâuq ariang alóí tê. 23 Ngkíq cóq anhia ớt khẻuq. Mách ramứh nài cứq atõng yõn anhia dáng nhũang. 24 Ma vót

tê tangái túh coat lúq, moat mandang tở bữn claq noâng, cốp rliang casâi tở bữn tráh noâng. ²⁵ Mantỏr satooh tễ paloông, cốp máh ramứh bữn chớc tâng paloông, Yiang Sursĩ táq yỗn rachâu nheq. ²⁶ Moâm ki, noau lúq hữm cứq, Con Yiang Cốt Cũai, toâq mpúng dĩ ramứl, bữn chớc sôt toâr lúq cốp roáp ang-ừ.* ²⁷ Toâq ki cứq ớn ranềng Yiang Sursĩ tễ paloông parôm dĩ náq cũai ca cứq khoi q rườh tễ dĩ púp paloông cutrúq, cốp cu angia pưn paloông cutrúq nâi."

²⁸ Yê-su atông ễn neq: "Cớq anhia tamúng ốc cứq sacâm tễ aluang tarúng. Bo abềng aluang ki noâng nhuam, án báiq lacúp sala nhuam. Ngkíq anhia dáng khoi q cheq ễ toâq casâi phũac. ²⁹ Machóng ki tê, khân anhia hữm máh ranáq nâi toâq, anhia lúq dáng Con Yiang Cốt Cũai cheq ễ toâq chơ. Án khoi q tamốc ngoah toong. ³⁰ Cứq atông anhia samoat lúq, nheq tữh cũai tâng dời nâi tở bữn pút nhũang nheq ranáq nâi toâq. ³¹ Chumat, paloông cốp cutềq cõt pút nheq, ma santoiq cứq tở nai pút.

³² "Tở bữn noau dáng tangái ntrứu tở la bo léq ranáq ki toâq. Máh ranềng Yiang Sursĩ tâng paloông cốp Con Yiang Sursĩ la tở

bữn dáng tê tangái ki. Ông manoaq Mpoaq cứq toáp dáng tangái ki.

³³ "Ngkíq cớq anhia ớt acoan cốp trồl níc, yuaq anhia tở bữn dáng bo léq ranáq nâi toâq. ³⁴ Ranáq nâi la machóng manoaq sami-ang pờq tamoi chu cruang yong. Tữ án loỏh tễ dống, án chiau máh ranáq tâng dống án yỗn cũai táq ranáq án. Cốp án patáp cũai kĩaq toong cớq ớt trồl níc.

³⁵ Ngkíq cớq anhia trồl níc, yuaq anhia tở dáng bo léq ncháu dống chu. P̄ieiq án chu sadâu tở la muoi mpút. P̄ieiq án chu ntruoi tacar tở la tarựp cớng bữn.

³⁶ Cớq anhia acoan nhềng níc. Ngcỏh lợ sarblỏl án chu, chơ án ramóh anhia bết.

³⁷ Máh santoiq cứq atông anhia sanua, cứq atông yỗn nheq tữh cũai dáng tê: Cớq anhia acoan nhềng níc!"

14

Cũai Sốt Sarhống Ễ Cachĩt Yê-su

(*Mathia 26:1-5; Luca 22:1-2; Yang 11:45-53*)

¹ Noâng bar tangái ễn tốp I-sarel ễ cha bũi sanhữ Tangái Loỏh.* Cốp alới Táq Rit Cha Bềng Mi Ớq Crọng Pluoih. Ngkíq cũai sôt tốp tềng rit sang Yiang Sursĩ cốp cũai yống rit, alới chuaq ngê yoc ễ cốp Yê-su cốp cachĩt

* 13:26 13:26 Daniel 7:13 * 14:1 14:1 Tangái ki alới sanhữ tangái Yiang Sursĩ chuai yỗn alới loỏh tễ cruang Ê-yip-tỏ tễ mbốq.

án, ma alóit tở ẽq cũai canõh dáng. ² Alóit sarhõng neq: “Hái tở têq táq ngkíq tâng tangái cha bũi. Ngcõh cũai cứng ki táq choac tâng vil.”

*Manoaq Mansẽm Tõh
Dõq Phuum Tâng Yê-su
(Mathia 26:6-13; Yang
12:1-8)*

³ Bo Yê-su õt tâng vil Bê-thani, án õt tâng dõng Simôn, la cũai ca hõih rái bũn a-ĩ tut. Bo Yê-su õt chỉ-cha, bũn manoaq mansẽm toâq cốp dũng muoi bẽ dõq phuum. Bẽ ki noau táq toâq tamáu a-labat. Dõq phuum tâng bẽ ki moat lứq, noau dõq nar. Mansẽm ki pẽng bẽ, chơ án tõh dõq phuum tâng plõ Yê-su. ⁴ Bũn cũai õt ngki tở bũn bũi án táq ngkíq, cốp alóit pai neq: “Nõq án palõ dõq phuum nâi ngkíq? ⁵ Khân chẻq dõq phuum nâi, bũn práq clũih tẽ cõng noau tũhẽ pái culám tangái. Chơ têq ỉt práq ki chuai máh cũai cadĩt.” Ngkíq alóit nhõp mansẽm ki.

⁶ Ma Yê-su atõng alóit neq: “Dõq tam án. Anhia nhõp táq ntróu mansẽm ki? Nõq anhia táq yõn án ngua? Án khoi q táq ranáq o yõn cứq. ⁷ Cũai cadĩt õt níc cốp anhia. Maléq anhia yoc ẽ chuai, ki têq anhia chuai. Ma tở cứq tở bũn õt mantái níc cốp anhia. ⁸ Ranáq ntróu têq mansẽm nâi táq, án khoi q táq chơ. Án khoi q tõh dõq phuum tâng tở cứq, dõq

thrũan nhũang noau tứp cứq tâng ping. ⁹ Cứq atõng anhia samoât lứq, tâng dũ ntõq chũop cõc cutẽq nâi, toâq noau atõng parnai o tẽ Yiang Sursĩ, lứq noau atõng dẽh ranáq mansẽm nâi táq hõ, dõq cũai sanhũ loah án.”

*Yuda Pruam Chẻq Chít
Yê-su
(Mathia 26:14-16; Luca
22:3-6)*

¹⁰ Vót ki Yuda I-cari-õt, án la tẽ tốp muoi chít la bar náq, án toâq pỡ máh cũai sõt tốp tẽng rit sang Yiang Sursĩ, cõ yoc ẽ chẻq Yê-su yõn alóit. ¹¹ Tở alóit sãng ngkíq, alóit ỡn lứq, cốp alóit ừq chang práq yõn Yuda. Chơ Yuda chỉ-chuaq ngê dõq chẻq Yê-su.

*Yê-su Cha Parnơ Cốp Tốp
Rien Tẽ Án
(Mathia 26:17-25; Luca
22:7-14, 21-23; Yang 13:21-30)*

¹² Tâng tangái cũai I-sarel Táq Rit Cha Bẻng Mi Ỗq Cờng Pluoih cốp kiac charán cũu dõq sanhũ Tangái Loõh, tangái ki tốp rien tẽ Yê-su blóh án neq: “Ntõq léq thâi yoc hẻq pỡq thrũan yõn thâi cha pẻl bũi?”

¹³ Yê-su ỡn bar náq tốp rien tẽ án neq: “Anhia mut tâng vil. Chơ anhia bũn ramóh manoaq sami-ang ayẻq aluoi dõq. Anhia puai ntun clĩ án. ¹⁴ Khân án mut dõng léq, anhia atõng ncháu dõng ki neq: “Thâi

blóh neq: Nléq clóng tamoi yõn cứq cốp tốp rien tể cứq cha pêl bũi Tangái Loõh?’
 15 Án lứq sadoi muoi clóng toâr tâng tran pờng yõn an-hia. Tâng clóng ki bũn dũ ramứh cớng tadõng. Anhia thũan yõn hái cha pờ ki.”

16 Alói bar náq loõh tể ki cốp mut tâng vil. Alói ramóh samoât Yê-su khoiq atõng alói. Chơ alói tẽng pêl cha bũi ngki.

17 Toâq nhứm-nhứm Yê-su cốp tốp muoi chít la bar náq toâq pờ ki. 18 Bo alói tacu cha, Yê-su atõng alói neq: “Cứq atõng anhia samoât lứq, bũn manoaq tể anhia ca cha parnơi cốp cứq sanua, ngkếq án chềq cứq.”

19 Alói ki sâng ngua lứq, cốp chữ manoaq alói blóh Yê-su neq: “Cứq ma tở bũn, thâi?”

20 Yê-su ta-õi alói neq: “Cũai nâi la manoaq tể muoi chít la bar náq anhia; án tốq bẽng muoi tangan cốp cứq tề. 21 Con Yiang Cốt Cũai cóq cuchit ariang tâm saráq Yiang Sursĩ khoiq atõng chơ tể án. Ma cũai ca chềq Con Yiang Cốt Cũai, bap lứq toâq pờ án. Pëiq lứq la mpiq án chõi canõt.”

Alói Cha Nguaiq Sanhũ Tở Cốp Aham Yê-su

(*Mathia 26:26-30; Luca 22:15-20; Cờ-ntô Muoi 11:23-25*)

22 Bo alói cha, Yê-su ãt bẽng. Án sa-õn Yiang Sursĩ,

chơ án pĩh bẽng cốp avoi yõn tốp rien tể án cha. Án atõng alói neq: “Anhia roap. Nâi la tở cứq.”

23 Vót ki án ãt cachoc ẽn. Moâm án sa-õn Yiang Sursĩ, án avoi yõn tốp rien tể án nguaiq. Nheq náq alói nguaiq. 24 Cốp Yê-su atõng alói neq: “Nâi la aham cứq. Aham nâi loõh táq tểc Yiang Sursĩ par-ũq parnai tamái yõn nheq tũh cũai. 25 Cứq atõng anhia samoât lứq, cứq tở nai nguaiq nõng đờq palâi nho toau toâq tangái cứq nguaiq đờq nho tamái tâng ntốq Yiang Sursĩ sốt.”

Yê-su Atõng Nhũang Tể Ranáq Phi-er Táq

(*Mathia 26:31-35; Luca 22:31-34; Yang 13:36-38*)

26 Moâm alói ãt cansái khẽn, chơ alói loõh tể ki chõn tâng dũal O-li-vê. 27 Yê-su atõng alói neq: “Ngkếq nheq tũh anhia lúh táh cứq. Tâm saráq Yiang Sursĩ khoiq atõng chơ neq:

‘Cứq yõn noau cachit chíq cũai mantán cũu, chơ tốp cũu cứq cõt pláh chap nheq.’[☆]

28 Ma toâq cứq tamoong loah, cứq pờq nhũang anhia pờ cruang Cali-lê.”

29 Phi-er atõng Yê-su neq: “Khân nheq tũh cũai lúh táh thâi, cứq lứq tở bũn táh thâi.”

30 Yê-su atõng loah Phi-er neq: “Cứq atõng mới lứq samoât, tâng sadâu nâi toâp

nhũang ntruoi tacar bar trỗ, mới lứq calđih cứq pái trỗ.”

31 Ma Phi-er ta-đi neq: “Khân noau cachĩt cứq cốp thài la thỗi. Cứq tỡ bữn calđih thài mỗ!”

Cốp nehq tữh tốp ki pai machóng Phi-er tê.

Yê-su Câu Tông Nương Kê-t-se-manê

(*Mathia 26:36-46; Luca 22:39-46*)

32 Từ alóit toâq ntốq nương Kê-t-se-manê, Yê-su atớng tốp rien tễ án neq: “Anhia ốt tacu nâi nơ. Cứq pỡq câu pỡ ki.”

33 Án dững Phi-er, Yacỗ, cốp Yang pỡq cốp án. Chơ Yê-su mbốiq sâng túh ngua lứq. 34 Án pai neq: “Cứq sâng ngua lứq, tỡ rơi ta-moong noâng. Anhia ốt acoan nâi. Anhia trỗ cốp cứq.”

35 Chơ Yê-su pỡq bĩq ẽn. Án ap tâng cutếq muoi tatứp. Án câu sếq khân tềq, yỗn ranáq nâi tỡ bữn toâq pỡ án. 36 Án câu neq: “O Mpoaq cứq ơ!† Ntróu mới ẽ táq, ki tềq mới táq. Cứq sếq mới ayốq cachoc túh coat nâi yỗn vót tễ cứq. Ma cứq tỡ ẽq puai rangứh cứq bữm. Cứq ẽ puai ớng rangứh mới sâng.”

37 Moâm ki Yê-su píp loah, cốp án ramóh alóit bếq. Chơ án blóh Phi-er neq: “Si-môn ơ! Mới bếq tỡ? Nốq mahỗi la mới tỡ rơi trỗ cốp cứq?

38 Cóq anhia tamỡ cốp câu chỗi yỗn noau radững anhia táq lóih. Mứt pahỗm anhia lứq bán rêng, ma sac sâiq anhia la ieuq.”

39 Ngkíq Yê-su pỡq câu sĩa. Án câu parnai machóng tễ nhũang. 40 Chơ án píp loah pỡ ntốq alóit ốt sĩa. Án tamóh alóit bếq sĩa, yuaq moat alóit ntâng lứq tỡ rơi culian. Alóit tỡ dáng nốq ẽ ta-đi Yê-su.

41 Ngkíq Yê-su chu loah ntốq alóit ốt trỗ pái. Cốp án blóh alóit neq: “Nốq noâng anhia bếq cốp rlu níc? Anhia chỗi bếq noâng. Khoiq toâq ngư chơ, noau chiau Con Yiang Cốt Cũai pỡ atĩ cũai lóih. 42 Yuor tayứng! Háit pỡq! Anhia nhêng! Án ca chềq cứq khoiq toâq chơ.”

Noau Cốp Yê-su

(*Mathia 26:47-56; Luca 22:47-53; Yang 18:3-12*)

43 Bo Yê-su noâng atớng ngkíq, Yuda toâq toâp. Án la tễ tốp muoi chít la bar náq rien tễ Yê-su. Cốp bữn chừng cũai dững dau cốp cuan toâq cốp Yuda tễ máh cũai sốt tốp tểng rit sang Yiang Sursĩ, tễ cũai yống rit, cốp tễ cũai sốt nehq sâu.

44 Án ca ẽ chềq Yê-su khoiq atớng tếc yỗn cũai chừng ki dáng neq: “Khân aléq anhia hữm cứq hữn, cutỗ án ki ơiq anhia ẽ bữn. Chơ anhia cốp

† 14:36 14:36 Tông parnai Yê-su pai, án đốq Mpoaq án la ‘Aba’.

án! Anhia yǒng yǒn samoát, chơ dǔng án tể nǒq ki.”

⁴⁵ Chơ Yuda toáq toáp pǒ Yê-su cốp án pai neq: “Thài ỏi!”

Chơ án hũn Yê-su. ⁴⁶ Ngkíq noau toáq yǒng cốp cốp Yê-su.

⁴⁷ Manoaq tể alóí tayǔng cheq ki thot dau tể sor, chơ tráh manoaq sũl cũai ca sǒt nheq tể rit sang Yiang Sursĩ, p̄ieiq tâng cutũr, chơ ta-õh muoi coah cutũr. ⁴⁸ Ma Yê-su blóh cũai clǔng ki neq: “Nǒq anhia toáq pǒ nài ma dǔng dau cốp cuan ẽ cốp cúq? Anhia chanchóm cúq la cũai savěng tǒ? ⁴⁹ Cu rangái cúq atǒng tâng Dǒng Sang Toár, ma anhia tǒ bũn cốp cúq. Ma ranáq nài yǒn cǒt rap̄ieiq máh tâm saráq Yiang Sursĩ khoiq atǒng tể mbǒq.”

⁵⁰ Ngkíq nheq tũh alóí ca ốt cốp Yê-su lúh táh nheq án.

⁵¹ Bũn manoaq samiang póng puai Yê-su. Án satěng ǒng prê tâng tǒ án. Noau catoâng prê án, ẽ cốp án. ⁵² Chơ án tũt táh chíq prê ki, cốp án lúh muoi rariat.

Yê-su Tayǔng Yáng Moat Cũai Sǒt
(*Mathia 26:57-68; Luca 22:54-55, 63-71; Yang 18:13-14, 19-24*)

⁵³ Tũ ki, alóí dǔng Yê-su pǒ án ca sǒt nheq tể rit sang Yiang Sursĩ. Nheq máh cũai sǒt tǒp tểng rit sang Yiang Sursĩ, cũai sǒt nheq sâu, cốp

cũai yǒng rit toáq rôm pǒ ki tẽ. ⁵⁴ Phi-er puai cutuaih ntun Yê-su, chơ án mut tâng nchǒh dǒng cũai sǒt nheq tể rit sang Yiang Sursĩ. Án tacu nghěng ùih parnǒi cốp raněng cũai sǒt ki.

⁵⁵ Máh cũai sǒt tǒp tểng rit sang Yiang Sursĩ, cốp cũai bũn chǒc canǒh chuaq ralíh tể Yê-su, ẽ cachit án. Ma alóí tǒ bũn ramóh muoi óc ntróu. ⁵⁶ Bũn sa-ũri nác cũai toáq apót Yê-su óc tǒ bũn lúq. Alóí apót ma santoiq alóí tǒ bũn ramóh parnǒi. ⁵⁷ Bũn cũai yuor tayǔng apót Yê-su neq: ⁵⁸ “Hếq khoiq sâng án pai neq: ‘Cúq ẽ talǒh dǒng sang Yiang Sursĩ ca atĩ cũai táq. Ma tâng pái tangái cúq táq loah tamái dǒng sang nài, ma tǒ bũn tể atĩ cũai táq.’ ”

⁵⁹ Ma santoiq alóí apót tǒ bũn ramóh parnǒi.

⁶⁰ Chơ án ca sǒt nheq tể rit sang Yiang Sursĩ yuor tayǔng mpúng dĩ alóí. Án blóh Yê-su neq: “Mói ẽ ta-õi ma tǒ bũn? Nǒq mới sâng tể máh óc alóí cauq mới?”

⁶¹ Ma Yê-su ốt savul sâng. Án tǒ bũn pai ntróu.

Án ca sǒt nheq tể rit sang Yiang Sursĩ blóh loah Yê-su neq: “Mói la Crít, Con án ca hếq sang toam, p̄ieiq tǒ?”

⁶² Yê-su ta-õi neq: “Lúq p̄ieiq! Chumat anhia lúq hũm Con Yiang Cǒt Cũai tacu coah atoam Yiang Sursĩ Sǒt Toár Lúq, cốp án

toâq mpúng dĩ ramúl tẽ paloõng.”[☆]

⁶³ Chơ án ca sớt nheq tẽ rit sang Yiang Sursĩ háq tampác án bữm, táq tếc án sâng ngua lứq. Cóp án pai neq: “Choam hái ẽ blớh noâng cũai canõh? ⁶⁴ Anhia khoiq sâng chơ santoiq án pai la máh án acrieiq Yiang Sursĩ chơ. Nổq anhia chanchóm tẽ ốc ki?”

Nheq tửh alới pruum muoi mút, cóp anoaat Yê-su cóc cuchĩt.

⁶⁵ Bữn cũai cuchóh tâng Yê-su. Alới tán moat án, chơ alới chooc án cóp blớh neq: “Noau chooc mới?”

Cóp máh cũai ranẽng tapáh án hữ.

Phi-er Calõih Yê-su

(*Mathia 26:69-75; Luca 22:56-62; Yang 18:15-18, 25-27*)

⁶⁶ Bo ki Phi-er noâng ốt tâng nchõh. Bữn manoaq mansẽm táq ranáq yõn án ca sớt nheq tẽ rit sang Yiang Sursĩ toâq pỡ ki. ⁶⁷ Từ án hữm Phi-er ốt nghẽng ùih, án nhẽng chu moat Phi-er cóp án pai chỏq Phi-er neq: “Mới la cũai ca ốt cóp Yê-su tẽ vil Na-sarết.”

⁶⁸ Ma Phi-er calõih Yê-su neq: “Tỡ bữn! Cúq tỡ dáng ntróu mới pai! Cúq tỡ sapúh loâng!”

Chơ Phi-er loõh tẽ ntốq ki. Ma bo ki toâp ntruoitacat. ⁶⁹ Muoi trõ ẽn mansẽm ki hữm Phi-er, cóp án atõng cũai ca ốt tayúng ntốq ki

neq: “Cũai nãi la tẽ tỗp ki tẽ.”

⁷⁰ Ma Phi-er calõih Yê-su sĩa.

Mahõi ẽn, máh cũai tayúng ki pai chỏq Phi-er neq: “Lứq samoat mới la tẽ tỗp alới ki, yuaq mới la cũai Cali-lê.”

⁷¹ Phi-er thể dũan cloc plờ cloc sóc cóp alới. Án ta-õi suon níc neq: “Anhia pai cúq tẽ tỗp án ki, ma cúq tỡ dáng nổq roáp án.”

⁷² Bo ki toâp ntruoitacat trõ bar. Chơ Phi-er sanhữ loah santoiq Yê-su khoiq atõng án neq: “Nhũang ntruoitacat bar trõ, mới calõih cúq pái trõ.”

Từ Phi-er chanchóm loah santoiq ki, chơ án nhiam la-õq lứq.

15

Yê-su Tayúng Yáng Moat Phi-lat

(*Mathia 27:1-2, 11-14; Luca 23:1-5; Yang 18:28-38*)

¹ Toâq poang tarúp parnõ, mbõiq rừm-rừm, máh cũai sớt tỗp tẽng rit sang Yiang Sursĩ, máh cũai sớt nheq sâu, cóp máh cũai yõng rit rôm sarhõng parnõi cóp máh cũai sớt canõh. Moâm alới sarhõng, alới chỏq Yê-su cóp dừng asuoi án toâq pỡ Phi-lat.* ² Phi-lat blớh Yê-su: “Mới la lứq puo I-sarel tỡ?”

Yê-su ta-õi: “Lứq p̄ieiq ariang mới pai.”

³ Máh cũai sớt tỗp tẽng rit sang Yiang Sursĩ, alới cauq

[☆] 14:62 14:62 Daniel 7:13 * 15:1 15:1 Phi-lat la cũai Rô-ma, án táq sớt nheq cruang Yudê.

Yê-su, pai án táq sa-ũri ranáq sâuq. ⁴ Chơ Phi-lat blóh loah Yê-su: “Nỏq mới tở bữn ta-õi ntróu? Mới sâng chơ noau cauq mới sa-ũri ramúh.”

⁵ Ma Yê-su tở bữn ta-õi ntróu thánq. Ngkíq Phi-lat sâng dót lứq.

Noau Rươh Yê-su Chũuq Cuchĩt

(*Mathia 28:15-20; Luca 23:13-25; Yang 18:39-19:16*)

⁶ Toâq tangái cũai I-sarel rôm cha bũi sanhữ Tangái Loỏh,[†] alóí bữn rit cũai sớt cruang ki acláh manoaq cũai tũ tẻ cuaq tam pahỏm cũai proai rươh yoc ẻ acláh.

⁷ Tangái ki tâng cuaq bữn manoaq ramúh Ba-raba. Án la tẻ tốp ẻ cheng sớt. Cóp án khoi q cachĩt cũai hữ.

⁸ Clứng cũai toâq pỏ Phi-lat, sẻq Phi-lat táq rit riang cumo nhũang sĩa. ⁹ Phi-lat blóh alóí neq: “Anhia ẻq cứq acláh puo I-sarel tở?”

¹⁰ Phi-lat dáng máh cũai sớt tốp tẻng rit sang Yiang Sursĩ sâng ũan lứq chỏq Yê-su, cỏ máh cũai proai alóí yoc ẻ puai Yê-su. Ngkíq alóí dứng Yê-su toâq pỏ án.

¹¹ Ma máh cũai sớt rit sang ón cũai clứng ki sẻq Phi-lat acláh Ba-raba, tở cỏn Yê-su. ¹² Phi-lat blóh loah alóí neq: “Ntróu anhia ẻq cứq táq chỏq cũai nâi, ca anhia đỏq puo I-sarel?”

¹³ Alóí ta-õi casang lứq neq: “Tẻh án tâng aluang sangcáng!”

¹⁴ Phi-lat blóh alóí sĩa neq: “Cỏ nỏq? Ốc ntróu án táq sâuq?”

Ma alóí ta-õi casang hỏn tẻ nhũang ẻn: “Tẻh án tâng aluang sangcáng!”

¹⁵ Phi-lat ẻq pẻi q pahỏm máh cũai proai. Ngkíq án acláh Ba-raba yỏn alóí, cóp án ón noau proaih Yê-su. Vót ki án chiau Yê-su yỏn alóí dứng tẻh tâng aluang sangcáng.

Tahan Ayê Ra-ac Yê-su

(*Mathia 27:27-31; Yang 19:2-3*)

¹⁶ Chơ tahan dứng asuoi Yê-su toâq pỏ nchỏh đổng noau đỏq sử q cũai. Alóí arỏ parỏm pachứm nheq tốp tahan ki. ¹⁷ Alóí asỏp Yê-su au tuar santứm ẻng. Cóp alóí táq carvang sarlia apửng tâng plỏ án. ¹⁸ Chơ alóí táq nan cubán cusũan án neq: “Cucỏh noau casai puo I-sarel.”

¹⁹ Alóí ayiat tâng plỏ án toâq dũi sa-ũri trỏ, cóp alóí cuchỏh tâng tỏ án. Alóí sacỏh racỏl táq nan sang án hữ. ²⁰ Moâm alóí ayê ra-ac án ngkíq, alóí tũot táh chíq au tuar ẻng ki. Chơ alóí asỏp loah tampác án bữm cóp dứng aloỏh án đỏq tẻh tâng aluang sangcáng.

Noau Tẻh Yê-su Tâng Aluang Sangcáng

(*Mathia 27:32-44; Luca 23:26-43; Yang 19:17-27*)

[†] 15:6 15:6 Tangái ki alóí sanhữ tangái Yiang Sursĩ chuai yỏn alóí loỏh tẻ cruang Ê-yip-tỏ tẻ mbỏq.

21 Bo ki bữn manoaq ramứh Si-môn tễ cruang Si-rên, mpoaq Alec-sandơ cốp Ruphu, pha na ki, án chu tễ yáng tiah vil. Tahan ki ễp yỗn án dỗl aluang sangcáng Yê-su.

22 Alói dững Yê-su toâq pỡ ntốq noau dỏq Cô-cô-tha. Santoiq nâi parlong loah la Ntốq Nhang Cantar Plỡ. 23 Chơ alói yỗn Yê-su nguaiq blống carchốc cốp cớng noau dỏq múr. Ma án tỡ ễq nguaiq. 24 Alói téh án tâng aluang sangcáng. Cốp alói ít tampác án, chơ tampêq na séng anhúq, aléc bữn la chơ.

25 Bo mandang chách tarựp ki, alói téh án tâng aluang sangcáng. 26 Cốp alói chĩc dỏq pỡng plỡ Yê-su santoiq atớng tễ án neq: NÂI LA PUO I-SAREL. 27 Alói téh bar náq cũai savềng parnỏi cốp Yê-su, manoaq coah atoam, manoaq coah avêr. 28 Ranáq nâi cõt rapieiq tâng tâm saráq Yiang Sursĩ tễ mbỏq khoiq pai neq:

“Án pruam ốt parnỏi cốp cũai sáuq lứq.”[‡]

29 Cũai ca pỡq pha ntốq noau cachĩt Yê-su, alói culũt culiau ayê ra-ac án, pai neq: “Mới nâi oiq pai mới talỏh dống sang Yiang Sursĩ, chơ mới táq loah môam toâp tâng pái tangái. 30 Âu mới sểng tễ aluang sangcáng ki, chuai amoong tỡ mới bữm!”

31 Cốp máh cũai sốt tộp tểng rit sang Yiang Sursĩ cốp nheq cũai yống rit ayê ra-ac Yê-su tễ. Alói pai neq: “Cũai canỏh tềq án chuai amoong, ma tỡ án bữm tỡ hữm tềq án chuai. 32 Khân án lứq Crĩt, puo I-sarel, yỗn án sểng tễ aluang sangcáng yỗn hái hữm. Ngkíq hái lứq sa-âm án tễ.”

Cốp bar náq ca noau téh tâng aluang sangcáng muoi prớh cốp Yê-su, alói ayê ra-ac Yê-su tễ.

Yê-su Cuchĩt
(*Mathia 27:45-56; Luca 23:44-49; Yang 19:28-30*)

33 Tễ moat mandang toâng toau toâq moat mandang priang cõt canám nheq chũop cruang ki. 34 Toâq mandang priang Yê-su arô casang lứq neq: “Ê-lô-i, Ê-lô-i, § lama-sabac-tani?”

Santoiq nâi parlong loah la: “Yiang Sursĩ cứq ơi! Yiang Sursĩ cứq ơi! Nỏq mới táh chíq cứq?”[☆]

35 Bữn cũai tayứng cheq ki sâng án arô ngkíq. Chơ alói pai neq: “Ki! Án arô Ê-li.”

36 Cốp bữn manoaq tễ alói ki lủh ít muoi cốc aroaiq. Án alốq aroaiq ki tâng blống nhỏq, cốp chỏq tâng dũi. Chơ án avoi yỗn Yê-su yáp. Án pai neq: “Hái coan voai. Hái nhêng Ê-li toâq alíh asểng án, ma tỡ bữn.”

[‡] 15:28 15:28 Sa-ữi tâm saráq tiaq tỡ bữn bữn rana 28 nâi. § 15:34 15:34 Tâng parnai Hê-brơ, parnai nâi la ‘Ê-li’. ☆ 15:34 15:34 ũat Khễn 22:1

³⁷ Ma Yê-su u-õi casang lưq, chơ ta-õh rangúh. ³⁸ Bữn aroaiq noau yoang tâng Dống Sang Toâr cõt raháq tễ pỡng toâq pũn, cõt bar sarêc. ³⁹ Bo ki bữn manoaq sớt muoi culám tahan õt tayúng yáng moat Yê-su. Tữ án hữm Yê-su ta-õh rangúh, án pai neq: “Lứq samoat cũai nâi la Con Yiang Sursĩ.”

⁴⁰ Bữn máh cũai mansẽm õt yớng-yớng tapoang nhêng chu ki tê. Pái náq tễ tộp alói la Mari tễ vil Mac-dala, Salô-mê, cốp Mari mpiq Yô-sê cốp Yacõ Cốt. ⁴¹ Tễ nhũang, bo Yê-su õt tâng cruang Cali-lê, alói pái náq mansẽm nâi dốq puai Yê-su cốp chũm siem án. Cốp õt ngki, bữn máh mansẽm ca pỡq parnõi cốp Yê-su bo án chõn chu vil Yaru-salem.

Noau Túp Yê-su

(*Mathia 27:57-61; Luca 23:50-56; Yang 19:38-42*)

⁴² Tangái ki la tangái noau thữan nhũang Tangái Rlu. Toâq paloõng tabũ cheq ntruoi mut looc, ⁴³ Yô-sep tễ vil Ari-mathê toâq pỡ Phi-lat. Án la manoaq tễ tộp cũai sớt ca noau yám lưq, cốp án nguang Yiang Sursĩ táq sớt. Án tỡ bữn ngcõh sễq tễ Phi-lat cumuiq Yê-su. ⁴⁴ Phi-lat sâng dốt lứq noau pai Yê-su khoiq cuchĩt chơ. Ngkíq án arô cũai sớt muoi culám tahan yoc ẽ blóh án Yê-su cuchĩt, ma tỡ yũah. ⁴⁵ Toâq Phi-lat dáng

tễ tahan ki pai Yê-su khoiq cuchĩt chơ, án yõn cumuiq Yê-su pỡ Yô-sep. ⁴⁶ Ngkíq Yô-sep ỉt muoi ploah aroaiq buşín. Moâm án alíh Yê-su asêng tễ aluang sangcáng, án som toâq aroaiq ki, cốp án dốq cumuiq Yê-su tâng ping noau tấc tamáu cõl. Chơ án vih tamáu catáng chíq ngoah ping. ⁴⁷ Mari tễ vil Mac-dala cốp Mari mpiq Yô-sê, alói hữm ntốq noau dốq cumuiq Yê-su.

16

Yê-su Tamoong Loah

(*Mathia 28:1-8; Luca 24:1-12; Yang 20:1-10*)

¹ Vót Tangái Rlu, chơ Mari tễ vil Mac-dala, Mari mpiq Yacõ, cốp Salô-mê, alói pái náq dững crớng phuom ẽ tia tâng cumuiq Yê-su. ² Tangái muoi tâng tón ki, poang tarup moat mandang mbõiq loõh, alói toâq pỡ ping. ³ Alói manoaq blóh manoaq neq: “Noau tềq vih tamáu tễ ngoah ping yõn hái?”

⁴ Tamáu ki toâr lưq. Ma tữ alói tapoang achõn, alói hữm khoiq noau vih tamáu ki chơ. ⁵ Tữ alói mut tâng ping, alói hữm manoaq samiang póng sớp au tuar cloc, tacu coah atoam tâng ntốq ki. Chơ alói sâng croõq. ⁶ Ma samiang ki atõng alói neq: “Chõĩ croõq ntrứu. Cứq dáng anhia chuaq Yê-su tễ vil Na-sarêt, án ca noau khoiq téh tâng aluang sangcáng. Ma án tỡ bữn

õt nnâi noâng. Ân khoiḡ tamooḡ loah chơ. Anhia nhêḡ chu ntốḡ noau đốḡ cumuiḡ án. ⁷ Chơ anhia pốḡ atốḡng tồḡp rien tể Yê-su, cớḡ Phi-er neḡ: ‘Yê-su pốḡ nhũang anhia pố cru-ang Cali-lê. Anhia pốḡ pố ki, anhia lứḡ ramóh án ari-ang án khoiḡ atốḡng anhia tể nhũang chơ.’ ”

⁸ Ngkíḡ mansẽm ki lúh loõh vót tể ping. Alóí sâng đót lứḡ, cớḡ alóí cangcoaih yuaḡ alóí sâng croốḡ lứḡ. Alóí tở khớḡn táḡ ntốḡng yõn cũai canõh dáng, miaḡ alóí croốḡ.

Mari Tể Vil Mac-dala Ramóh Loah Yê-su
(*Mathia 28:9-10; Yang 20:11-18*)

⁹ Tangái muoi tâḡng tón ki, Yê-su yuor tamooḡ loah tể ping. Tarup ki noâng cláih lứḡ án pốḡ sapáh yõn Mari tể vil Mac-dala hũm. Mari la cũai ca Yê-su khoiḡ tuih aloõh tapul lám yiang sáuḡ.*
¹⁰ Chơ Mari pốḡ atốḡng máh yóu Yê-su dáng tể ranáḡ án khoiḡ hũm. Ma yóu Yê-su õt nhiam tanúh níc. ¹¹ Tở yóu Yê-su sâng Mari pai Yê-su lứḡ tamooḡ loah, cớḡ án khoiḡ hũm Yê-su chơ, alóí tở bữḡn noap parnai án.

Yê-su Ramóh Bar Náḡ Tânḡ Rana
(*Luca 24:13-35*)

¹² Moâm ki bữḡn bar náḡ cũai canõh ẽn loõh tể vil Yaru-saleḡm. Yê-su toáḡ

sapáh tở án cớḡt roáp mpha ẽn yõn bar náḡ ki hũm. ¹³ Bar náḡ ki chu atốḡng yóu Yê-su dáng pai alóí lứḡ hũm Yê-su, ma yóu Yê-su tở bữḡn noap sĩa.

Yê-su Toáḡ Pồḡ Tồḡp Rien Tể Ân

(*Mathia 28:16-20; Luca 24:36-49; Yang 20:19-23; Ranáḡ Táḡ 1:6-8*)

¹⁴ Ntun ẽn Yê-su sapáh tở án yõn tồḡp muoi chíḡt la muoi noaq hũm án tê. Yê-su táḡ ngkíḡ bo tồḡp muoi chíḡt la muoi noaq tacu chi-cha. Cớḡ Yê-su tểḡ alóí, yuaḡ alóí bữḡn mút coang cớḡ tở bữḡn noap án lứḡ tamooḡ loah, samoát noau khoiḡ atốḡng alóí. ¹⁵ Yê-su atốḡng alóí neḡ: “Anhia pốḡ chũop đũ cru-ang pữḡn paloõḡng cutrúḡ nâi cớḡ atốḡng yõn nheḡ tữḡh cũai dáng parnai o tể cớḡḡ. ¹⁶ Cũai aléḡ ma sa-âm cớḡḡ cớḡ roap batẽm, cớḡḡ lứḡ chuai amooḡ cũai ki. Ma cũai aléḡ tở bữḡn sa-âm cớḡḡ, cũai ki cớḡḡ chũuḡḡ tồḡt án bữḡm. ¹⁷⁻¹⁸ Alóí ca lứḡ sa-âm cớḡḡ, ki alóí tềḡ táḡ ranáḡ salẽh neḡ: Nhoḡ ramứḡh cớḡḡ alóí tềḡ tuih aloõh yiang sáuḡ, tềḡ atốḡng parnai tamái, tềḡ yốḡḡ cusân ma tở bữḡn pân ntróu, tềḡ nguaiḡ crong bũl ma alóí tở bữḡn bũl, cớḡḡ tềḡ satoaq atĩ tâḡng cũai a-ĩ yõn cũai ki cớḡt bán.”

* 16:9 16:9 Choáih tiaḡ tở bữḡn bữḡn rana 9 toáḡ rana 20.

*Yê-su Chõn Loah Chu
Paloõng*

*(Luca 24:50-53; Ranáq
Táq 1:9-11)*

¹⁹ Moâm Yê-su pai ngkíq, chơ án chõn loah chu paloõng, cớp án tacu coah atoam Yiang Sursĩ. ²⁰ Chơ tồp rien tẽ Yê-su loõh pỡq chu nâi pỡq chu ki atõng parnai o tẽ Yê-su. Cớp Yiang Sursĩ chuai alói, yõn alói bữn chớc têq táq ranáq salẽh. Yuaq ngkíq cũai têq dáng samoat lứq parnai alói atõng la lứq p̄ieiq.

Luca Chĩc Atõng Parnai O Tẽ Yê-su Crĩt Santoiq Atõng

Luca cõt yóu ca pởq parnoi cóp Phau-lô, ma án tở cõn cũai I-sarel. Luca chĩc loah tẽ máh ốc án khoi q sâng noau atõng tẽ ranáq Yê-su táq, cóp tẽ ốc Yê-su atõng. Án chĩc saráq nâi sám cumo 60 ntun Yê-su canõt.

Yê-su la manoaq ca Yiang Sursĩ khoi q ruoh yõn toâq chuai amoong cũai I-sarel cóp nheq tữh cũai tâng cõc cutẽq nâi. Luca chĩc atõng tẽ ốc bũi o ca Yê-su ðừng atoâq pở cũai túh cadĩt. Án atõng tẽ muoi ranẽng Yiang Sursĩ toâq pở Mari, toâq pở tốp bán cũu, cóp toâq pở ping cumuiq bo Yê-su ta-moong loah tẽ cuchĩt.

Luca chĩc sa-ũĩ ramứh ẽn tẽ máh saráq Mathia, Mac, cóp Yang tở bũn chĩc. Ramứh ki atõng tẽ Raviei Yiang Sursĩ, tẽ ốc câu sẽq, cóp tẽ máh mansẽm ca rachuai ranáq Yê-su.

1 Ở achuaih Theu-phulo ơi! Bũn clũng cũai khoi q táq puai mút pahõm alóĩ ðõq chĩc tẽ máh ranáq Yê-su. Máh parnai ki khoi q toâq pở hái chơ. 2 Máh cũai ki dáng tẽ ranáq Yê-su cõ alóĩ bũn sâng tẽ cũai ca lứq hũm án tẽ ðâu. Chơ,

cũai ki atõng máh parnai o ki yõn hái ẽn dáng. 3 ðâu lứq, cứq khoi q rien samoât samoi lứq tẽ nheq máh ốc cũai ki atõng. Yuaq ngkĩq, cứq yoc ẽ chĩc máh ốc ki yõn mới. 4 Cứq táq ngkĩq ẽq mới dáng samoât samoi tẽ máh ốc noau khoi q atõng mới.

Ranẽng Yiang Sursĩ Atõng Tẽ Yang Ca Táq Batẽm

5 Bo ðõi Hê-rõt cõt puo tâng cruang Yudê, bũn manoaq tẽ tốp tẽng rit sang Yiang Sursĩ ramứh Sa-chari. Án la tẽ tõng toi q Abia, la cũai tẽng rit sang Yiang Sursĩ tẽ mbõq. Lacuoi Sa-chari ramứh Ê-li-sabet la tẽ tõng toi q Arõn. 6 Alóĩ bar náq nâi la cũai tanoang o yáng moat Yiang Sursĩ. Alóĩ trĩh samoât samoi máh ốc Yiang Sursĩ patâp, cóp tở bũn noau tẽq tẽq alóĩ táq lỏih. 7 Alóĩ tở bũn bũn con, yuaq Ê-li-sabet la cũai cũt, cóp alóĩ bar náq khoi q thâu hỡ.

8-9 Tốp tẽng rit sang Yiang Sursĩ bũn rit tampẽq táq ranáq cõt tốp. Bũn muoi tangái tốp Sa-chari ruoh Sa-chari na séng, yõn án mut tẽng rit sang yáng moat Yiang Sursĩ. Alóĩ yõn án mut tacât crõng phuom tâng prõng tâng clõng ðõng Sang Toâr. 10 Bo Sa-chari mut tacât crõng phuom, bũn clũng cũai õt rôm câu yáng tiah. 11 Chơ bũn ranẽng Yiang Sursĩ tẽ

paloõng toâq pở Sa-chari. Ranẽng ki tayúng coah atoam prông đốq noau tacât công phuom. ¹² Toâq Sa-chari hữm ranẽng ki, án sâng dót lứq cốp án ngcõh. ¹³ Ma ranẽng ki atõng án neq: “Sa-chari ơi! Mới chõỉ ngcõh ntróu. Yiang Sursĩ khoiқ roap chơ santonq mới câu. Ê-li-sabet, lacuoi mới, nữ-ra án canõt muoi lám con samiang. Cóp anhia amứh con ki ramứh Yang. ¹⁴ Nữ-ra mút pahõm mới sâng bũi õn lứq cõ nhơ mới bữn con samiang. Cóp cứng cũai sâng bũi tẽ toâq tangái con samiang ki canõt, ¹⁵ yuaq Yiang Sursĩ paséq án cũỉ tẽ cũai canõh. Cóp án chõỉ nguaiқ blõng sariau ntróu. Cóp án bữn Raviei Yiang Sursĩ cõt sốt tâng mút pahõm án tẽ tangái mpiq án canõt án. ¹⁶ Nữ-ra án táq yõn cứng lứq cũai I-sarel pih sa-âm loah Yiang Sursĩ, Ncháu alóỉ. ¹⁷ Nữ-ra án bữn mút pahõm cốp chóc samoât Ê-li, la cũai tang bõq Yiang Sursĩ. Án pởq nhũang Ncháu. Án táq yõn mpoaq cốp con cõt loah muoi mút. Cóp án táq yõn alóỉ ca tở bữn trĩh ngẽ Yiang Sursĩ pih táq ranáq tanoang o ẽn. Án chuai máh cũai ralêq loah mút pahõm đốq Ncháu tẽq ndõm alóỉ.”

¹⁸ Sa-chari blóh ranẽng ki neq: “Nỏq cứq tẽq dáng ỏc ki lứq pĩeiқ? Cứq cốp lacuoi cứq khoiқ thâu chơ.”

¹⁹ Ma ranẽng ki ta-õỉ án neq: “Ramứh cứq la Capriel. Cứq la ranẽng Yiang Sursĩ ca đốq tayúng yáng moat án. Án õn cứq toâq atõng yõn mới dáng tẽ ramứh o nãi. ²⁰ Sanua mới cõt ngong toau toâq tangái máh ramứh nãi toâq, yuaq mới tở bữn noap parnai cứq. Ngư máh ramứh nãi toâq, ki santruoq ariang cứq khoiқ pai.”

²¹ Bo ki bữn cứng cũai õt acoan Sa-chari yáng tiah. Alóỉ sâng salẽh Sa-chari õt dũn tâng đống sang ki. ²² Từ Sa-chari loõh, án tở tẽq táq ntõng muoi ỏc ntróu. Ngkíq, alóỉ dáng án khoiқ hữm Yiang Sursĩ sapáh baih tâng đống sang. Cóp Sa-chari atõng alóỉ toâq atĩ sâng, yuaq bõq án táq ntõng tở luoh noâng.

²³ Moâm Sa-chari táq ranáq tâng đống sang, chơ án chu pở đống án. ²⁴ Vót máh tangái ki Ê-li-sabet lacuoi Sa-chari, õt mumiaq. Chơ Ê-li-sabet õt níc tâng đống, tở bữn pởq chu léq sám sõng casâi. ²⁵ Cóp án pai neq: “Sanua cứq bũi õn lứq Yiang Sursĩ yõn cứq õt mumiaq, yõn cứq tở bữn casiet táq noâng yáng moat cũai canõh cõ cứq ỏq con.”

*Ranẽng Yiang Sursĩ
Atõng Tẽ Sết Yê-su*

²⁶ Ê-li-sabet õt mumiaq khoiқ tapoât casâi chơ. Tâng casâi ki Yiang Sursĩ õn ranẽng án, Capriel, pởq

chu vil Na-sarêtt tâng cruang Cali-lê. ²⁷ Ân dững parnai Yiang Sursĩ toâq pở manoaq cumũr ca tở nai bẻq cốp sami-ang yũah. Ramứh án la Mari. Mpiq mpoaq án khoiq par-ữq yỗn án racoaiq cốp manoaq ramứh Yô-sep. Yô-sep la tẻ tổng toiq Davít, la puo cũai I-sarel tẻ mbỏq. ²⁸ Ranẻng Yiang Sursĩ ki toâq pở Mari, cốp án pai neq: “Bán tẻ Mari. Yiang Sursĩ lứq ớt cốp mới, cốp án yỗn mới bữn ốc bốn lứq!”

²⁹ Từ Mari sâng parnai ranẻng ki pai, án sâng dớt cốp croỏq lứq. Ân tở dáng ntróu ranẻng ki ẻ pai chóq án. ³⁰ Ranẻng ki atởng án neq: “Mari ơi! Mới chổi ngcỏh ntróu, yuaq Yiang Sursĩ khoiq rườh mới yỗn bữn ốc bốn. ³¹ Tở bữn dũn mới ớt mumiaq; chớ mới canỏt muoi lám con sami-ang. Cỏq mới amứh án la Yê-su. ³² Nỏ-ra án cớt sớt, cốp noau đỏq án la Con Yiang Sursĩ ca sớt clũi nheq tẻ canỏh. Lứq Yiang Sursĩ, Ncháu hái, chóq yỗn án cớt puo machỏng achúc achiac án Davít tẻ mbỏq tẻ. ³³ Ân lứq cớt puo máh tổng toiq Yacỏp mantái níc. Ân cớt puo toau sớt nheq đỏi!”

³⁴ Mari ta-ỡi ranẻng ki neq: “Nỏq tẻq ramứh nài toâq pở cứq? Cứq tở yũah bẻq parnoi cốp cũai sami-ang alẻq?”

³⁵ Ma ranẻng ta-ỡi án neq: “Ntun nài Raviei Yiang Sursĩ

ớt cốp mới. Cốp Yiang Sursĩ ca sớt clũi nheq tẻ canỏh lứq kĩaq pasẻq níc mới. Ngkíq mới bữn con bráh o lứq. Noau đỏq con mới la Con Yiang Sursĩ. ³⁶ Mới sanhữ tẻ ỡi mới Ê-li-sabet. Ân la cũai khoiq thâu chớ, cốp noau pai án la cũai cứt. Ma sanua án ớt mumiaq muoi lám con sami-ang. Ân ớt mumiaq khoiq tapoát casai chớ. ³⁷ Yiang Sursĩ tẻq táq nheq dũ ranẻq.”

³⁸ Chớ Mari ta-ỡi neq: “Cứq la cũai táq ranẻq Yiang Sursĩ. Cứq sẻq máh ramứh mới pai yỗn lứq toâq pở cứq.”

Vót ki ranẻng pỏq tẻ Mari.

Mari Pỏq Sa-óh Ê-li-sabet

³⁹ Tâng máh tangái ki, Mari thrũan pỏq chu muoi vil tâng dũal cóh pở cruang Yudê. Ân pỏq chái lứq ẻq yỗn toâq pở vil ki. ⁴⁰ Từ án toâq, án mut tâng đổng Sa-chari, cốp án cubán Ê-li-sabet. ⁴¹ Bo Ê-li-sabet sâng Mari cubán án, ngkíq con tâng púng án rachâu. Cốp Raviei Yiang Sursĩ cớt sớt tâng mút pahỏm Ê-li-sabet. ⁴² Chớ Ê-li-sabet pai casang lứq neq: “Yiang Sursĩ lứq yỗn mới bữn ốc bốn hỏn nheq tẻ mansẻm canỏh! Cốp con cớt cớt tâng púng mới lứq bữn ốc bốn tẻ! ⁴³ Yuaq nỏq mpiq Ncháu cứq toâq sa-óh cứq? Ốc nài la toâr lứq yỗn cứq! ⁴⁴ Bo cứq sâng parnai mới cubán

cứq, con cớ t cớ tâng púng
 cứq rachâu, yuaq án sâng
 bũ tê. ⁴⁵ Bón lứq mới,
 yuaq mới sa-âm máh parnai
 Yiang Sursĩ atõng mới lứq
 cõt rapieiq!”

Mari Khẽn Yiang Sursĩ

⁴⁶ Chơ Mari pai neq:

“Cứq khẽn Ncháu cứq nheq
 rangúh.

⁴⁷ Cóp mút pahõm cứq sâng
 bũ hõr,
 yuaq Yiang Sursĩ
 la Yiang ca chuai
 amoong cứq.

⁴⁸ Cứq la cũai cớ t cớ t lứq táq
 ranáq án,
 ma nõng án nhẽng cớ t
 chuai cứq.

Tẽ sanua toau toâq ntun,
 dũ dõr cũai đõq cứq la
 cũai bũn ố c bõn,

⁴⁹ yuaq Yiang Sursĩ ca bũn
 chóc toâr lứq,
 táq ranáq o yõn cứq.

Ramúh án la bráh o lứq.

⁵⁰ Án ayoõq táq máh cũai ca
 yám án,
 tẽ dõr mbõq toau toâq
 dõr chumát.

⁵¹ Án khoiq táq ranáq toâr
 lứq toâq atĩ án toâp.

Cóp án khoiq tuih máh
 cũai ca chanchóm aló i
 toâr hõn cớ t o hõn tẽ
 cũai canõh.

⁵² Aló i ca sớ t toâr, án khoiq
 táq yõn aló i cõt tỡ bũn
 sớ t nõng.

Ma aló i ca cacót, án
 khoiq achõn aló i cõt
 toâr.

⁵³ Máh cũai ố q, án khoiq yõn
 aló i bũn dũ crong o.

Ma máh aló i ca sớ c, án
 yõn aló i chu atĩ miat.

⁵⁴ Án tỡ bũn khlĩr máh
 ố c parkhán án khoiq
 parkhán cớ p achúc
 achiac hẽq.

Cóp án khoiq chuai máh
 cũai I-sarel ca táq
 ranáq án.

⁵⁵ Án ayoõq táq A-praham
 cớ p máh tõng toiq A-
 praham mantái níc!”

⁵⁶ Moâm Mari pai máh
 santoiq ki, chơ án ố t cớ p Ê-
 li-sabet bũn pái casâi. Vớ t
 ki án chu loah pỡ đõng án.

Ê-li-sabet Sết Yang

⁵⁷ Chơ toâq ngư Ê-li-sabet
 sết con án, án sết muoi lám
 con samiang. ⁵⁸ Máh cũai
 tâng vil ki, cớ p máh sẽ m
 ai án khoiq sâng tẽ ranáq
 Yiang Sursĩ sarũiq táq Ê-li-
 sabet. Ngkĩq, aló i prum
 sâng bũ tê cớ p Ê-li-sabet.

⁵⁹ Toâq con cớ t cớ t ki bũn
 tacual tangái, aló i pỡ q táq rit
 cút yõn con aló i. Aló i yoc ẽ
 amúh án la Sa-chari, tũoiq
 ramúh mpoaq án. ⁶⁰ Ma
 mpiq án pai neq: “Tỡ bũn!
 Hái đõq ramúh án la Yang.”

⁶¹ Ma máh cũai ki pai neq:
 “Ma tâng sâu mới tỡ bũn
 noau bũn ramúh ngkĩq!”

⁶² Chơ aló i bló h mpoaq
 con ki toâq atĩ. Aló i bló h
 án ntró u án ẽ amúh con án.
⁶³ Sa-chari sẽ q muoi khlẽc
 pian cacót; chơ án chĩc tâng
 pian ki neq: “Ramúh án la
 Yang.”

Ngkíq nheq cūai ki sâng dót lúq! ⁶⁴ Bo ki toâp Sa-chari têq táq ntông loah, cóp án khễn Yiang Sursĩ. ⁶⁵ Máh cūai tâng vil ki sâng dót lúq. Cóp ranáq ki trởh la-ũt la-ũĩ dũ ntốq tâng máh dũal cóh tâng cruang Yudê. ⁶⁶ Máh cūai ca sâng tễ ramúh ki, alóí cayóm đốq tâng mút, cóp manoaq blóh manoaq neq: “Carnễn nâi nỡ-ra án cõt nốq?” Yuaq Yiang Sursĩ lúq ốt cóp án.

Sa-chari Khễn Yiang Sursĩ

⁶⁷ Chơ Sa-chari mpoaq carnễn ki bữn Raviei Yiang Sursĩ cõt sốt tâng mút pahõm án. Ngkíq án atõng parnai tễ Yiang Sursĩ neq:

⁶⁸ “Cóq hái khễn Ncháu hái, la Yiang Sursĩ cūai I-sarel sang.

Lúq án toâq chuai máh cūai án, cóp án thái alóí tễ ốc lóih.

⁶⁹ Án yõn manoaq ca bữn chóc lúq toâq chuai amoong hái.

Manoaq ki toâq tễ tống toiq puo Davĩt, la cūai táq ranáq Yiang Sursĩ.

⁷⁰ Nheq ramúh nâi Yiang Sursĩ khoiq atõng tễ mbốq

toâq máh cūai tang bỗq án ca bráh o lúq.

⁷¹ Án khoiq ữq ẽ chuai hái yõn vót tễ cūai ẽ táq hái, cóp tễ atĩ cūai kêt hái.

⁷² Án khoiq ayoóq táq achúc achiac hái.

Cóp án tỡ nai khlĩr máh ốc án khoiq par-ữq tễ nhũang.

⁷³ Án khoiq parkhán cóp A-praham

la achúc achiac hái,

⁷⁴ cóp án ữq neq: Án ẽ chuai hái

yõn vót tễ atĩ cūai ẽ táq hái.

Ngkíq, án yõn hái táq ranáq án,

tỡ bữn ngcõh ntróu;

⁷⁵ cóp hái ốt tanoang o cóp bráh o yáng moat án nheq đõĩ tamooing hái.

⁷⁶ “Con cứq ơ! Nỡ-ra noau đốq mới

la manoaq tang bỗq Yiang Sursĩ, án ca sốt clũĩ nheq tễ canõh,

yuaq mới bữn pốq nhũang Ncháu hái,

cóp cháh rana yõn án.

⁷⁷ Cóp mới lúq atõng yõn máh cūai án dáng,

la Yiang Sursĩ táh lóih alóí

yõn án têq chuai amoong alóí.

⁷⁸ Yuaq Yiang Sursĩ hái sâng sarũiq táq,

ngkíq án yõn manoaq ca án ruroh toâq pỡ hái, đốq chuai amoong cūai.

⁷⁹ Cūai ki toâq tễ paloõng, cóp án táq yõn máh cūai

tỡ bữn ngcõh cuchĩt noâng.

Cóp án ayõng hái pốq tâng rana ien khễ.”

⁸⁰ Ngkíq, con ki toâr achôn cốp mút pahõm án yoc lứq puai ngê Yiang Sursĩ. Án õt tâng ntốq aiq toau toâq tangái án tabốq táq ranáq apáh yõn máh cũai I-sarel hũm.

2

Sết Yê-su Crít (Mathia 1:18-25)

¹ Máh tangái ki Acu-tơ la puo Rô-ma, cõt sốt nheq máh cruang mpễ ki. Án ớn nheq tũh cũai pớq chĩc choaiq đống sũ, yuaq án yoc ẽ dáng máh léq cứng cũai proai án. ² Nâi la trở dâu lứq noau noap cũai, bo Curê-nia cõt sốt pũn Acu-tơ tâng cruang Si-rì. ³ Nheq tũh cũai miar chu pỡ vil alóí, đốq chĩc ramúh tâng choaiq đống sũ tâng vil alóí bũm.

⁴ Ngkíq Yô-sep loõh tễ vil Na-sarêt cruang Cali-lê. Án pớq chu cruang Yudê, vil Bet-lahem, la Vil Davít. Án mut vil nâi, yuaq án la tễ tống toiq Davít tê. ⁵ Án ẽ chĩc ramúh choaiq đống sũ pỡ ki. Cốp án đưng dẽh Mari, la mansêm noau ữq yõn án táq lacuoi. Ma Mari khoiq õt mumiaq chơ. ⁶ Bo alóí õt pỡ ki, toâq ngư Mari ẽ khuop cumo. ⁷ Chơ án sết con samiang clúng. Án a-ũl con ki toâq aroaiq, cốp chốq án tâng cuaq bát, yuaq máh đống tâng vil ki khoiq tadát nheq cũai, tỡ bũn noâng ntốq yõn alóí bết.

⁸ Bo ki bũn cũai tâng cruang ki õt bán charán cũu. Alóí õt kĩaq cũu tâng lểng sadâu ki. ⁹ Bũn manoaq ranẽng Yiang Sursĩ tễ paloõng toâq pỡ alóí. Cốp poang tễ Yiang Sursĩ claq pỡ alóí; chơ alóí sâng ngcõh lứq. ¹⁰ Ranẽng ki pai chốq alóí neq: “Chõĩ ngcõh! Cứq toâq atõng anhia muoi ramúh o cốp bũi ớn lứq yõn nheq tũh cũai. ¹¹ Tangái nâi tâng Vil Davít, bũn manoaq khoiq sết chơ đốq chuai amoong anhia. Manoaq nâi la Crít; án la Ncháu hái. ¹² Nâi la tếc yõn anhia: An-hia lứq ramóh con sâu-sâu noau acuam toâq aroaiq. Án bết tâng cuaq bát.”

¹³ Bo ki toâp bũn cứng lứq ranẽng Yiang Sursĩ õt parnơi cốp ranẽng ki. Nheq tũh alóí khẽn Yiang Sursĩ. ¹⁴ Alóí pai neq: “Lứq khẽn Yiang Sursĩ ca õt tâng paloõng. Án yõn óc ien khẽ toâq pỡ cốc cutẽq nâi, la yõn pỡ cũai Yiang Sursĩ sâng bũi pahõm.”

¹⁵ Tỡ nheq tũh ranẽng ki loõh tễ cũai bán cũu, chu loah tâng paloõng, chơ cũai bán cũu manoaq radũng manoaq neq: “Hâi! Hâi pớq chu vil Bet-lahem. Hái nhẽng ranáq khoiq toâq chơ, ariang Yiang Sursĩ khoiq atõng hái.”

¹⁶ Chơ alóí pớq cháí lứq cốp toâq toâp. Alóí ramóh Mari, Yô-sep, cốp con. Con ki bết tâng cuaq bát. ¹⁷ Toâq

alói hũm ngkiq, chơ alói pờq atõng yõn cũai canõh dáng tễ máh santoiq alói khoiq sâng tễ con ki. ¹⁸ Dũ náq cũai ca tamúng parnai tốp bán cữu atõng, alói sâng dót lứq. ¹⁹ Ma Mari cayóm đõq tâng mút án nheq ranáq nái. ²⁰ Ngkiq cũai bán cữu, nơn alói chu nơn alói khễn Yiang Sursĩ, yuaq máh ranáq alói khoiq sâng cớp hũm la lứq samoât ãn noau atõng alói.

²¹ Noap tễ tangái con ki cõt bữn tacual tangái, alói táq rit cút yõn con alói puai phễp rit cũai I-sarel. Tangái ki alói amúh con ki la Yê-su. Alói ãt ramúh ariang ranẽng Yiang Sursĩ khoiq atõng alói bo Mari tỡ yũah õt mumiaq.

Yô-sep Cớp Mari Chiau Loah Yê-su Yõn Yiang Sursĩ

²² Vót ki Yô-sep cớp Mari dũng con alói pờ vil Yaru-salem đõq táq rit sambráh puai phễp rit Mũi-se khoiq atõng cớp ẽ chiau sang con alói yõn Yiang Sursĩ. ²³ Yuaq Yiang Sursĩ patáp cũai I-sarel tễ mbốq neq:

“Dũ náq con samiang clúng cớq anhia dũng chiau sang yõn Yiang Sursĩ.”[☆]

²⁴ Cớp alói yoc ẽ chiau sang cớng yõn Yiang Sursĩ hỡ, yuaq Yiang Sursĩ patáp cũai I-sarel neq:

“Moâm mansẽm bẻq tapéh cớq án dũng muoi cáp chõm tariap tỡ la bar lám chõm tapâr con pờ đõng sang.”[☆]

Si-mê-ôn Khễn Yiang Sursĩ

²⁵ Bữn manoaq samiang tâng vil Yaru-salem ramúh Si-mê-ôn. Án la cũai tanoang o, cớp án trĩh samoât samõi lứq ngê Yiang Sursĩ. Án nguang níc tangái Yiang Sursĩ yõn manoaq toáq chuai amoong cũai I-sarel. Raviei Yiang Sursĩ õt níc cớp Si-mê-ôn. ²⁶ Cớp Raviei Yiang Sursĩ atõng yõn án dáng án tỡ bữn cuchĩt tễ nhũang án tỡ yũah hũm Crĩt, án ca Yiang Sursĩ rườh đõq chuai amoong cũai. ²⁷ Tangái ki Raviei Yiang Sursĩ dũng Si-mê-ôn mut tâng Đõng Sang Toâr. Bo ki mpiq mpoaq Yê-su dũng Yê-su pờ Đõng Sang Toâr cõ ẽ puai phễp rit I-sarel. ²⁸ Si-mê-ôn ãt ca-ữ con ki cớp án sa-õn Yiang Sursĩ neq:

²⁹ “Yiang Sursĩ ơi! Khoiq toáq chơ ranáq anhia ữq cớp cứq. Sanua khân anhia yõn cứq ca táq ranáq anhia cuchĩt, la cứq sâng bũi lứq, ³⁰ yuaq moat cứq khoiq hũm chơ án ca anhia rườh yõn chuai amoong cũai. ³¹ Ranáq nái anhia thũan yáng moat nheq tũh cũai. ³² Án lạ samoât aroam abal rana yõn máh cũai tỡ

☆ 2:23 2:23 Loah Tễ Ê-yip-tô 13:2, 12 Ê-sai 42:6; 49:6; 52:10

☆ 2:24 2:24 Lê-vi 12:8 ☆ 2:32 2:32

cõn cũai I-sarel. Nhơ án, nheq từh cũai bữn khẽn cũai I-sarel.”^{*}

³³ Mpiq mpoaq Yê-su sâng dót lứq tễ santonq Si-mê-ôn pai tễ con alóí. ³⁴ Chơ Si-mê-ôn câu sêq ốc bốn yõn alóí, cớp án atõng Mari la mpiq Yê-su neq: “Con mới nãi, Yiang Sursĩ khoiq ruroh án yõn sa-ũi náq cũai I-sarel têq ốt cheq loah Yiang Sursĩ nhơ tễ án, cớp yõn sa-ũi náq cũai I-sarel ốt yong tễ Yiang Sursĩ la cõ tễ án. Án ẽ apáh ngê Yiang Sursĩ yõn máh cũai dáng. Ma lứq bữn cứng cũai ẽ ayê ra-ac án. ³⁵ Máh ốc noau cutooq đốq tâng mút pahõm, nỡ-ra máh ốc ki cõt mpáh nheq. Cớp bữn ốc ngua toâq pỡ mới samoât pla coih tacáh tâng pahõm mới.”

³⁶ Bữn manoaq ayoaq thâu ẽn toâq pỡ ki, ramứh Ana, con Pha-nual, tốp Asêr. Án la cũai tang bõq Yiang Sursĩ tê. Tễ nhũang, án bữn cayac, cớp án ốt cớp cayac án tapul cumo. ³⁷ Moâm ki án ốt cumai. Ma bo ki án khoiq tacual chít la põn cumo chơ. Án tỡ nai loõh tễ Dõng Sang Toâr. Tangái cớp sadâu án ốt sang níc Yiang Sursĩ. Án đốq câu cớp ốt sana.

³⁸ Bo ki toâp ayoaq nãi mut chu ntốq mpiq mpoaq Yê-su ốt. Án sa-õn Yiang Sursĩ, cớp án atõng tễ con nãi chốq máh cũai ca ốt

ngcuang manoaq ca Yiang Sursĩ ruroh yõn toâq acláh vil Yaru-salem.

³⁹ Moâm mpiq mpoaq Yê-su táq nheq máh ramứh puai phêp rit Yiang Sursĩ khoiq patâp cũai I-sarel, chơ alóí chu loah pỡ dõng alóí tâng vil Na-sarêt, cruang Cali-lê. ⁴⁰ Yê-su toâr achõn cớp cõt bán rêng. Án ran-goaiq lứq. Cớp Yiang Sursĩ yõn án bữn ốc bốn sa-ũi.

Bo Anhúq Yê-su Muoi Chít La Bar Cumo

⁴¹ Dũ cumo mpiq mpoaq Yê-su đốq pỡq pỡ vil Yaru-salem đốq cha bũi sanhữ Tangái Loõh.* ⁴² Toâq Yê-su bữn muoi chít la bar cumo, alóí pỡq sĩa puai rit cha bũi tâng vil Yaru-salem. ⁴³ Moâm tangái cha bũi, alóí pỡq ẽ chu loah pỡ dõng. Ma Yê-su noâng ốt loah tâng vil Yaru-salem. Mpiq mpoaq án tỡ bữn dáng án ốt loah. ⁴⁴ Alóí chanchóm Yê-su chu cớp yóu ca pỡq parnoi. Ngkíq alóí pỡq nheq muoi tangái. Toâq sadâu alóí chuaq blớh máh sểm ai cớp yóu tễ vil alóí. ⁴⁵ Ma alóí tỡ ramóh Yê-su. Ngkíq alóí pít loah pỡ vil Yaru-salem, cớp chuaq Yê-su pỡ ki. ⁴⁶ Vót pái tangái alóí ramóh án tâng Dõng Sang Toâr. Án tacu parnoi cớp tốp thâu atõng tễ phêp rit cũai I-sarel. Án tamứng cớp blớh alóí. ⁴⁷ Máh cũai ca tamứng,

* **2:41** 2:41 Tangái ki alóí sanhữ tangái Yiang Sursĩ chuai yõn alóí loõh tễ cruang Ê-yip-tô tễ mbốq.

alói sâng dót án ta-õi ran-goaiq lúq. ⁴⁸ Toâq mpiq mpoaq Yê-su hũm án ngki, alói sâng dót lúq. Mpiq án pai chók án: “Con ời! Nổq con táq nneq chók hếq? Mpoaq mới cốp cứq hới sâng chuaq mới.”

⁴⁹ Yê-su ta-õi alói neq: “Cỗ nổq anhia chuaq cứq? Nổq anhia tở bữn dáng cứq cóq ốt tâng đống Mpoaq cứq?”

⁵⁰ Ma alói tở bữn sapúp santiago con alói pai.

⁵¹ Chơ Yê-su chu cốp mpiq mpoaq án pở vil Na-sarết. Cốp án têq nheq máh parnai mpiq mpoaq án atông. Ma mpiq án cayóm đờq tâng mút nheq máh ramúh nãi.

⁵² Từ Yê-su toâr achõn, án cõt rangoiq lúq ễn. Cốp máh ranáq án táq la o achõn ễn yáng moat Yiang Sursĩ cốp yáng moat cũai hỡ.

3

Atông Tể Ranáq Yang Táq (Mathia 3:1-12; Mac 1:1-8; Yang 1:19-28)

¹ Bo ki Tuber-rơ la puo Rô-ma, cõt sốt cruang ki khoiq muoi chít la sỡng cumo chơ. Pon-ti Phi-lat cõt sốt pưn Tuber-rơ tâng cruang Yudê. Hê-rôt cõt sốt tâng cruang Cali-lê. Phi-lip, a-ễn Hê-rôt, cõt sốt tâng cruang I-turê cốp Tra-canit; cốp Li-sanía cõt sốt tâng cruang Abi-lên.

² An-na cốp Cai-pha ndõm nheq tể rit sang Yiang Sursĩ. Bo ki parnai Yiang Sursĩ toâq

pở Yang, con samiang Sa-chari, bo án ốt tâng ntốq aiq. ³ Yang pởq pau atông tâng nheq cruang pở crông Yôr-dan tể ranáq táq batẽm. Batẽm nãi la táq tếc cũai khoiq ngin lôih lêq cõt mút tamái ễn, đờq Yiang Sursĩ táh lôih yõn alói. ⁴ Án táq machống Ê-sai la cũai tang bởq Yiang Sursĩ khoiq chĩc tể mbởq neq:

“Bữn sỡng sabau atông casang tể ntốq aiq neq:

‘Cóq anhia atúc rana yõn Ncháu hái.

Cháh báng yõn tanoang rana yõn án pởq.

⁵ Máh prúng hống tâng rana, cóq anhia cuból yõn poân.

Cốp nheq cóh cốp dũal cóq anhia táq yõn tapín.

Máh rana cooc véc, cóq anhia báng yõn tanoang.

Cốp máh rana rahíc-rahóc, cóq anhia puon yõn li loah.

⁶ Ngkíq, dũ náq cũai têq hũm cốp dáng Yiang Sursĩ lúq chuai amoong cũai!’”^{*}

⁷ Bữn cứng cũai toâq pở Yang yoc án táq batẽm yõn alói. Án atông alói neq: “Anhia la pla ariang cusân tur. Anhia tở têq viaq vót tể Yiang Sursĩ táq anhia toâq án táq máh cũai lôih tâng tangái parsốt. ⁸ Cóq anhia táq ranáq o. Nãi la tếc anhia

khoiq ngin lôih lêq cõt mút tamái ên. Chõi chanchóm anhia têq viaq vót tê tót cõ anhia pai neq: ‘A-praham la achúc achiac hếq.’ Cúq atõng anhia samoât lúq, khân Yiang Sursĩ yoc, têq án ít tamáu, chơ tẽng cõt tống toiq A-praham! ⁹ Sanua ariang pai bữn muoi pla achât payư cheq nỡm alu-ang. Nỡm aléq ma tỡ bữn cõt palâi o, noau ẽ tamư, chơ sarpút tâng ùih.”

¹⁰ Chơ máh cũi ki blớh Yang neq: “Khân ngkiq, ntróu hếq cóq táq?”

¹¹ Yang ta-đi alóí neq: “Aléq bữn bar ploah au, cóq án yõn cũi ca óq au. Aléq bữn crõng sana, cóq án táq machõng ki tê.”

¹² Bữn máh cũi parõm práq thếq toâq pỡ Yang yoc án táq batẽm yõn alóí. Alóí blớh neq: “Thâi ơi! Ntróu hếq cóq táq?”

¹³ Yang atõng alóí neq: “Anhia chõi ít práq thếq luat ngư.”

¹⁴ Cóp máh tahan blớh tê neq: “Ma hếq, ntróu hếq cóq táq?”

Yang atõng alóí neq: “Anhia chõi ếp cũi canõh cóq yõn anhia práq, cóp chõi cauq apót cũi canõh. Anhia chõi chanchóm ẽ bữn práq hỡn tẽ práq casâi anhia.”

¹⁵ Toâq cũi cứng sâng máh santoiq Yang atõng, alóí õt nguang chanchóm tẽ Yang, án la Crít ma tỡ bữn. ¹⁶ Yang atõng alóí neq:

“Cúq táq batẽm yõn anhia na đõq. Ma án ca toâq ntun cúq, án ki bữn chóc clũi tẽ cúq. Cúq tỡ bữn đũ chóc đẽh leh cansái cõp tẽ ayũng án, yuaq chóc cúq cacót hỡn tẽ án. Án lúq táq batẽm yõn anhia na Raviei Yiang Sursĩ cóp na ùih. ¹⁷ Atĩ án yõng taving đõq ùm nheq tữh saro. Aléq ca chong, ki án đõq tâng sanic. Ma aléq ca hũat, ki án apõng tâng ùih blữ tỡ nai pát, yõn cat nheq.”

¹⁸ Chơ Yang atõng sa-ũi santoiq canõh ẽn yõn cũi ki dáng parnai o tẽ Yiang Sursĩ. ¹⁹ Ma Yang tểq puo Hê-rôt, cõ án khoiq ít Hê-rô-dia, lacuoi a-ẽm án. Cóp Hê-rôt khoiq táq ranáq sâuq canõh hỡ. ²⁰ Cóp noâng án táq sâuq palúq ẽn, cõ án chóq Yang tâng cuaq.

Yang Táq Batẽm Yõn Yê-su

(*Mathia 3:13-17; Mac 1:9-11*)

²¹ Bo Yang táq batẽm yõn máh cũi ki, chơ án táq yõn Yê-su ẽn. Tữ Yê-su câu, paloõng cõt ariang noau pớh, ²² cóp bữn Raviei Yiang Sursĩ sểng tẽ paloõng ariang chóm tariap, chơ póc tâng tỡ Yê-su. Cóp bữn srong Yiang Sursĩ sabau atõng tẽ paloõng neq: “Mới la Con cúq, án ca cúq ayooq lúq. Ntróu mới táq, la cúq bũi lúq.”

*Atông Tễ Achúc Achiac
Yê-su
(Mathia 1:1-17)*

²³ Bo Yê-su tabỏq táq ranáq án bữm, án bữn sám pái chít cumo. Puai ngê cūai, Yê-su la con sami-ang Yô-sep. Cóp Yô-sep la con sami-ang He-li. ²⁴ He-li la con sami-ang Mathat. Mathat la con sami-ang Lê-vi. Lê-vi la con sami-ang Mêl-ki. Mêl-ki la con sami-ang Yanê. Yanê la con sami-ang Yô-sep. ²⁵ Yô-sep la con sami-ang Ma-tathia. Ma-tathia la con sami-ang Amôt. Amôt la con sami-ang Nahum. Nahum la con sami-ang E-sali. E-sali la con sami-ang Nakê. ²⁶ Nakê la con sami-ang Mat. Mat la con sami-ang Ma-tathia. Ma-tathia la con sami-ang Samên. Samên la con sami-ang Yô-séc. Yô-séc la con sami-ang Yô-da. ²⁷ Yô-da la con sami-ang Yô-anan. Yô-anan la con sami-ang Rê-sa. Rê-sa la con sami-ang Saru-babel. Saru-babel la con sami-ang Sial-tiel. Sial-tiel la con sami-ang Nari. ²⁸ Nari la con sami-ang Mêl-ki. Mêl-ki la con sami-ang Adi. Adi la con sami-ang Cusam. Cusam la con sami-ang El-madan. El-madan la con sami-ang E-rơ. ²⁹ E-rơ la con sami-ang Yô-sũa. Yô-sũa la con sami-ang E-lia-se. E-lia-se la con sami-ang Yô-rim. Yô-rim la con sami-ang Mathat. Mathat la con sami-ang Lê-vi. ³⁰ Lê-vi la con sami-ang Si-mê-ôn. Si-mê-ôn la con sami-ang Yuda. Yuda la con sami-ang

Yô-sep. Yô-sep la con sami-ang Yô-nam. Yô-nam la con sami-ang Alia-kim. ³¹ Alia-kim la con sami-ang Malia. Malia la con sami-ang Me-na. Me-na la con sami-ang Ma-tatha. Ma-tatha la con sami-ang Nathan. Nathan la con sami-ang Davit. ³² Davit la con sami-ang Yê-sai. Yê-sai la con sami-ang Ô-bêt. Ô-bêt la con sami-ang Bô-at. Bô-at la con sami-ang Sal-môn. Sal-môn la con sami-ang Nasôn. Nasôn la con sami-ang Ami-nadap. ³³ Ami-nadap la con sami-ang At-min. At-min la con sami-ang Arni. Arni la con sami-ang Hê-trôn. Hê-trôn la con sami-ang Pharêt. Pharêt la con sami-ang Yuda. ³⁴ Yuda la con sami-ang Yacốp. Yacốp la con sami-ang I-sac. I-sac la con sami-ang A-praham. A-praham la con sami-ang Thara. Thara la con sami-ang Nahor. ³⁵ Nahor la con sami-ang Sê-ruc. Sê-ruc la con sami-ang Rêu. Rêu la con sami-ang Pê-léc. Pê-léc la con sami-ang Ê-bêr. Ê-bêr la con sami-ang Sê-lah. ³⁶ Sê-lah la con sami-ang Cai-nan. Cai-nan la con sami-ang Apac-sat. Apac-sat la con sami-ang Sem. Sem la con sami-ang Nô-ê. Nô-ê la con sami-ang Lamec. ³⁷ Lamec la con sami-ang Mê-thu-sala. Mê-thu-sala la con sami-ang Ê-nóc. Ê-nóc la con sami-ang Yaret. Yaret la con sami-ang Maha-lalê. Maha-lalê la con sami-ang Kê-nan. ³⁸ Kê-nan la con sami-ang Ê-nôih. Ê-

nôih la con samiang Sê. Sê la con samiang Adam. Cóp Adam la con samiang Yiang Sursĩ.

4

Yiang Satan Radững Yê-su Táq Lôih
(*Mathia 4:1-11; Mac 1:12-13*)

¹ Từ Yê-su chu tễ crống Yôr-dan, Raviei Yiang Sursĩ cõt sôt tâng mút pahôm án. Raviei ki dững án pỡq chu ntốq aiq. ² Ôt ngki, yiang Satan, án ca sôt nheq yiang sâuq toâq chim Yê-su, nheq pỗn chít tangái pỗn chít sadâu, án yoc radững Yê-su táq lôih. Nheq máh tangái ki, Yê-su tỡ bữn cha ntrớu. Vót ki, án sâng panhieih.

³ Yiang Satan pai chóc Yê-su neq: “Khân mới lứq Con Yiang Sursĩ, âu mới táq tamáu nâi yỗn cõt crong sana.”

⁴ Ma Yê-su ta-ôi loah neq: “Tâng tâm saráq Yiang Sursĩ khoiq chĩc neq: ‘Cũai tỡ bữn tamoong cõ nhor tễ cha crong sana sâng.’ ”[☆]

⁵ Chơ yiang Satan dững Yê-su chõn tâng cóh. Án sapáh yỗn Yê-su nhêng muoi carbéh moat máh cruang tâng cốc cutễq nâi. ⁶ Cóp yiang Satan pai neq: “Lứq cứq yỗn mới sôt nheq từh cruang nâi, cóp cứq yỗn mới bữn máh sanốc tâng cruang

nâi, yuaq noau khoiq yỗn cứq ndõm dũ cruang nâi. Aléq cứq yoc ẽ yỗn, ki têq cứq yỗn. ⁷ Khân mới sacốh racóh sang cứq, cứq chiau nheq yỗn mới.”

⁸ Ma Yê-su ta-ôi loah neq: “Tâng tâm saráq Yiang Sursĩ khoiq chĩc neq chơ:

‘Cóc anhia sang toam Yiang Sursĩ la Ncháu anhia, cóp táq ống ranáq án sâng.’ ”[☆]

⁹ Chơ yiang Satan dững Yê-su mut tâng vil Yaru-salem. Án yỗn Yê-su chõn tayúng tâng anũol Dõng Sang Toâr. Cóp án pai neq: “Khân mới lứq Con Yiang Sursĩ, âu mới pỗng asễng, ¹⁰ yuaq tâm saráq Yiang Sursĩ khoiq chĩc neq:

‘Yiang Sursĩ lứq ón máh ranễng án tễ paloõng bán kĩaq níc mới.

¹¹ Alói lứq dỡ mới toâq atĩ alói,

tỡ yỗn ayững mới cõt bớc chũl ntrớu tâng tamáu.’ ”[☆]

¹² Ma Yê-su ta-ôi loah neq: “Tâng tâm saráq Yiang Sursĩ khoiq pai neq tê:

‘Anhia chõi chim Yiang Sursĩ la Ncháu anhia.’ ”[☆]

¹³ Moâm yiang Satan chim Yê-su dũ ramứh, chơ án loõh tễ Yê-su, acoan toâq tangái ntun.

Yê-su Atõng Tâng Vil Nasarết
(*Mathia 4:12-17; 13:53-58; Mac 1:14-15; 6:1-6*)

[☆] 4:4 4:4 Patáp Loah 8:3 [☆] 4:8 4:8 Patáp Loah 6:13 [☆] 4:11 4:11 ũat Khẽn 91:11-12 [☆] 4:12 4:12 Patáp Loah 6:16

14 Chơ Yê-su chu pở cruang Cali-lê, cốp án bữn chóc tễ Raviei Yiang Sursĩ. Cốp dũ ntốq mpễ ki noau sâng han tễ án. 15 Yê-su atởng tâng dống sang tâng cruang ki, cốp dũ náq cũai ớt ngki khễn án.

16 Chơ Yê-su pởq chu vil Na-sarêt, la vil án ớt tễ bo án noâng carnễn. Tâng Tangái Rlu án mut tâng dống sang, samoât án đốq táq tễ nling. Án tayứng ẽ doc tễ parnai Yiang Sursĩ yáng moat máh cũai tâng dống sang. 17 Bữn cũai avoi án tâm saráq Ê-sai, la cũai tang bỗq Yiang Sursĩ, khoiq chĩc tễ mbỗq. Yê-su pớh saráq ki, cốp chuaq ntốq Ê-sai chĩc neq:

18 “Yiang Sursĩ yỗn Raviei án cõt sốt tâng mút pahỗm cứq,
yuaq án khoiq ruroh cốp chóch cứq
đốq atởng parnai o tễ Yiang Sursĩ yỗn cũai cadĩt.

Án khoiq ớn cứq pởq atởng máh cũai tũ yỗn têq bữn racláh;
cốp máh cũai sũt yỗn alóit cõt blang loah.

Án ớn cứq chuai máh cũai ca tanhĩr ốc túh coat,
yỗn alóit ớt ien khễ.

19 Cốp án yỗn cứq atởng tễ cumo Yiang Sursĩ toâq chuai amoong cũai!”✧

20 Moâm Yê-su doc máh santoiq ki, chơ án catửp cốp

avoi loah yỗn cũai táq ranáq tâng dống sang ki, chơ án tacu. Dũ náq cũai tâng dống sang ki, alóit cloân chu Yê-su.

21 Án atởng alóit neq: “Máh santoiq anhia sâng cứq doc tễ tâm saráq Yiang Sursĩ, santoiq ki cõt santruoq cốp tangái nãi.”

22 Chơ máh cũai táq ntởng o tễ Yê-su, cốp alóit sâng dốt lứq máh santoiq án pai ẽm o lứq. Alóit, manoaq blóh manoaq neq: “Cũai nãi la con samiang Yô-sep, ma tở bữn?”

23 Yê-su atởng alóit neq: “Cõh lơ anhia ít parnai sacâm ẽ pai cứq neq: ‘Cũai đốq tahâu ơi! Âu mới tahâu tở mới bữm.’ Cốp cõh lơ anhia chanchóm ẽ pai cứq neq: ‘Hếq khoiq sâng chơ tễ máh ranáq salễh mới táq tâng vil Cabê-na-um. Ma sanua hếq sễq mới táq machóng ki tề tâng vil mới.’ ”

24 Yê-su atởng ẽn neq: “Cứq atởng anhia samoât lứq, máh cũai ớt muoi vil cốp cũai tang bỗq Yiang Sursĩ, alóit tở bữn yám noap cũai tang bỗq ki. 25 Cốp cứq atởng anhia samoât lứq neq: tâng dũi Ê-li bữn sa-ũĩ cán cumai tâng cruang I-sarel, bo paloởng tở bữn mia nheq pái cumo tapoât casâi. Ngkíq máh cũai tâng cruang ki cõt panhieih lứq, ốq cớng sana cha. 26 Ma Yiang Sursĩ tở bữn ớn Ê-li pởq chu

cán cumai tâng cruang I-sarel. Án ón Ê-li pǝq chu muoi noaq cán cumai tâng vil Sarê-phat, cheq cǝp vil Sadôn. ²⁷ Ê-li-sa la cūai tang bǝq Yiang Sursĩ tê. Tâng dǝi án, bǝn sa-ũi náq cūai a-ĩ tut tâng cruang I-sarel. Ma bǝn óng manoaq cūai a-ĩ tut tǝ cruang Si-ri, ramúh Naman, cǝt bán."

²⁸ Toáq máh cūai tâng dǝng sang sâng Yê-su pai ngkĩq, alóis sâng nsóq lǝq chóq Yê-su. ²⁹ Alóis yuor tayúng muoi próh, chǝr alóis sadǝh Yê-su tǝ dǝng sang cǝp dǝng án chu yáng tiah vil. Vil alóis ǝt tâng cǝh. Alóis dǝng Yê-su pǝr leh tarhar ẽ cutól án tǝ parlǝr leh ki. ³⁰ Ma Yê-su pǝq tamblǝc chíq mpúng dĩ cūai cǝng ki, chǝr luoiq loǝh vót tǝ tǝp alóis.

Yê-su Táq Bán Cūai Bǝn Yiang Sâuq
(Mac 1:21-28)

³¹ Moâm ki Yê-su pǝq chu vil Cabê-na-um, cruang Calilê. Tâng Tangái Rlu án atǝng máh cūai tâng vil ki. ³² Máh cūai ki sâng dǝt lǝq tǝ parnai án atǝng, yuaq án atǝng ariang cūai bǝn chǝc lǝq. ³³ Tâng dǝng sang ki bǝn manoaq samiang bǝn yiang sâuq payǝh. Án hǝr casang lǝq neq: ³⁴ "Nǝq anhia ẽ táq hǝq, Yê-su tǝ vil Na-sarêt? Anhia toâq pǝr nâi ẽ cachĩt hǝq tǝ? Cǝq saccoal anhia la toâq tǝ Yiang Sursĩ, cǝp anhia la án ca bráh o lǝq."

³⁵ Yê-su sǝoq yiang sâuq neq: "Chǝi tabǝq! Mǝi loǝh chíq tǝ tǝ cūai nâi!"

Yiang sâuq carvút tǝng-tooc cūai ki yáng moat nheq tǝh cūai, chǝr án loǝh cǝp tǝ bǝn táq bǝc chũl ntróu cūai ki. ³⁶ Máh cūai ca hǝm ngkĩq, alóis sâng dǝt lǝq, chǝr manoaq blǝh manoaq neq: "Santoiq ntróu ma liaq lǝq án atǝng? Cūai nâi bǝn chǝc tǝq tuih aloǝh yiang sâuq tǝ tǝ cūai, cǝp yiang sâuq trǝh án!"

³⁷ Chǝr parnai noau táq ntǝng tǝ Yê-su trǝh parhan dĩ ntǝq tâng máh vil ki.

Yê-su Táq Bán Cǝng Cūai A-ĩ
(Mathia 8:14-17; Mac 1:29-34)

³⁸ Yê-su loǝh tǝ dǝng sang, chǝr mut tâng dǝng Si-môn ẽn. Yacán Si-môn bǝn a-ĩ cutâu tǝ hâp lǝq. Chǝr alóis sǝq Yê-su táq bán yacán Si-môn. ³⁹ Yê-su tayúng cheq ayoaq ki cǝp sǝoq ǝc a-ĩ ki. Chǝr ayoaq ki cǝt bán loah, tǝq án yuor táq sana yǝn tamoi cha.

⁴⁰ Toáq mandang ngét chǝr, noau dǝng atoâq pǝr Yê-su cǝng cūai bǝn sa-ũi ramúh a-ĩ. Án satoaq atĩ tâng tǝ nheq máh cūai ki yǝn cǝt bán. ⁴¹ Án tuih yiang sâuq yǝn loǝh tǝ máh tǝ cūai hǝr. Yiang sâuq ki hǝr cǝp pai neq: "Anhia la lǝq Con Yiang Sursĩ!"

Yê-su sǝoq yiang sâuq ki chǝi tabǝq, yuaq alóis

dáng chơ án la Crít, án ca Yiang Sursĩ rươh đợc chuai amoong cũi.

Yê-su Pờq Atờng Tâng Ntốq Cũi I-sarel Ớt (Mac 1:35-39)

⁴² Poang tarup mbõiq rưm-rưm Yê-su loõh tễ vil ki. Chơ án pờq chu ntốq aiq. Bữn cứng cũi chuaq án, cớp bo alới ramóh án, alới sễq án chõil loõh tễ vil alới. ⁴³ Ma Yê-su atờng alới neq: “Cứq cớq pờq atờng parnai o tễ Yiang Sursĩ táq sớt yõn vil canõh dáng tê. Mpoaq cứq ớn cứq toaq pờ nài la cõ tễ ranáq ki.”

⁴⁴ Ngkíq Yê-su atờng tâng máh đống sang chũop cruang Yudê.

5

Yê-su Arô Tốp Cũi Rien Tễ Án (Mathia 4:18-22; Mac 1:16-20)

¹ Bữn muoi tangái Yê-su tayúng cheq tor đợc clóng Canê-saret.* Bữn cứng cũi, manoaq ranêl manoaq, yoc ễ ớt cheq Yê-su cớp tamúng án atờng parnai Yiang Sursĩ. ² Yê-su hữm bar lám tuoc cheq tor đợc. Cũi dốq chuaq sĩaq khoiq đợc tuoc bân ki. Chơ alới pooh alieiq. ³ Yê-su chõn tâng tuoc Si-môn. Cớp án ớn Si-môn loõh bĩq yõn vớt tễ tor. Yê-su tacu tâng tuoc, chơ án atờng máh cũi ca ớt tâng tor.

⁴ Moâm án atờng, án ớn Si-môn neq: “Âu mới voah aloõh tuoc mới chu ntốq đợc yarũ. Chơ anhia ruai alieiq.”

⁵ Si-môn ta-õi án neq: “Thâi ời! Hếq khoiq táq nheq sadâu, ma tở bữn chuát ntrứ. Ma khân thâi ớn, ki cứq lứq ruai alieiq.”

⁶ Chơ alới ruai alieiq, cớp bữn sĩaq chuát sa-ũil lứq, cheq ễ raháq alieiq. ⁷ Alới cuvoiq cớp sabau yóu tễ tuoc canõh, yõn lệc sĩaq chuaq alới. Yóu ki toaq chuaq, cớp alới chóq sĩaq poân tâng bar lám tuoc, táq yõn tuoc mán ễ đóp. ⁸ Tở Si-môn Phi-er hữm ranáq ki, án sacõh racól yáng moat Yê-su, cớp án pai neq: “Sễq Ncháu pang yong tễ cứq, yuaq cứq la cũi lỏih!”

⁹ Si-môn cớp yóu án sâng dót lứq cõ bữn sĩaq sa-ũil. ¹⁰ Yacõ cớp Yang, la con samiang Sê-badê, sâng dót tê hữm sĩaq sa-ũil. Alới la ndõm tê cớp Si-môn tuoc ki. Yê-su atờng Si-môn neq: “Chõil ngcõh ntrứ. Tễ nài chumát, mới lứq chuaq cũi canõh samoát mới chuaq sĩaq nài tê.”

¹¹ Chơ alới pái náq ti achõn tuoc alới tâng cóh. Alới táh nheq cu ramứh, chơ puai Yê-su.

Yê-su Táq Bán Cũi A-ĩ Tut (Mathia 8:1-4; Mac 1:40-45)

¹² Bo Yê-su ớt tâng muoi vil ki, án ramóh samiang a-ĩ

* 5:1 5:1 Đợc clóng Canê-saret la machõng clóng Cali-lê.

tut hâp lưq. Toâq cũai ki hữm Yê-su, án cucõh ap tâng cutêq yáng moat Yê-su. Án sêq tễ Yê-su neq: “Ncháu ơi! Khân Ncháu yoc, Ncháu têq táq yõn cứq cõt bán.”

¹³ Yê-su aloõh aĩ satoaq tâng tỗ cũai a-ĩ ki. Án pai neq: “Cứq yoc. Yõn mới cõt bán!”

Bo ki toâp cũai ki cõt bán thánq a-ĩ tut.

¹⁴ Yê-su patâp án neq: “Chõih atõng yõn cũai canõh dáng tễ ranáq nâi. Ma cóq mới pỡq apáh tỗ mới yõn máh cũai têng rit sang Yiang Sursĩ nhêng. Chơ mới chiau sang crơng yõn Yiang Sursĩ samoât Mõi-se khoi q patâp tễ nhũang. Nâi la tếc yõn cũai canõh dáng mới khoi q cõt bán chơ.”

¹⁵ Ma ranáq Yê-su táq yõn cũai ki cõt trởh la-ũt la-ũi. Cứng cũai toâq tamứng parnai án atõng, cốp alóih sêq án táq bán máh ramứh alóih a-ĩ. ¹⁶ Ma Yê-su đốq loõh tễ ntốq cũai õt, chơ pỡq câu pỡ ntốq parhẽ.

Yê-su Táq Bán Cũai A-ĩ Coang

(*Mathia 9:1-8; Mac 2:1-12*)

¹⁷ Bữn muoi tangái Yê-su ntôm atõng, bữn máh cũai Pha-rasi cốp cũai yõng rit cũai I-sarel toâq tacu ntốq ki tễ. Alóih toâq tễ dĩ vil tâng cruang Cali-lê, cruang Yudê, cốp toâq tễ vil Yaru-salem. Yê-su bữn chóc tễ Yiang Sursĩ têq táq bán máh cũai a-ĩ bán ntốq

ki. ¹⁸ Bữn máh cũai sami-ang crang manoaq a-ĩ coang tâng cantrang. Alóih yoc ẽ mut tâng đõng ẽ đõq án yáng moat Yê-su. ¹⁹ Ma cũai cứng tadát đõng; ngkiq alóih tỡ dáng na lếq ẽ mut. Chơ alóih crang achõn tâng mpuol đõng. Chơ alóih pớh mpuol đõng atĩar cantrang samiang a-ĩ asẽng mpứng dĩ cũai cứng yáng moat Yê-su. ²⁰ Từ Yê-su hữm alóih lưq sa-âm, ngkiq án atõng cũai a-ĩ ki neq: “Yõu ơi! Lõih mới cứq táh yõn!”

²¹ Cũai yõng rit cốp cũai Pha-rasi têng tâng mút alóih neq: “Cũai nâi la noau, ma yoc ẽ cõt chóc ariang Yiang Sursĩ tễ? Santoiq án pai la samoât án acrieiq Yiang Sursĩ. Tỡ bữn cũai aléq têq táh lõih. Ông Yiang Sursĩ toâp têq táh lõih.”

²² Ma Yê-su dáng alóih chanchóm ngkiq; chơ án blóh alóih neq: “Nỏq anhia chanchóm ngkiq? ²³ Santoiq aléq anhia sâng ien hờn yõn cứq atõng? Ien cứq atõng cũai a-ĩ coang nâi neq: ‘Lõih mới cứq táh yõn,’ tỡ la ‘Mới yuor tayứng cốp pỡq.’ ²⁴ Ma sanua cứq ẽ táq yõn cũai a-ĩ nâi cõt bán, đõq anhia dáng samoât lưq, cứq Con Yiang Cõt Cũai bữn chóc tâng dĩ nâi, cốp têq táh lõih cũai.”

Moâm ki Yê-su atõng cũai a-ĩ coang neq: “Cứq ớn mới yuor tayứng! Mới ìt dĩ dĩ cantrang mới. Chơ mới chu loah pỡ đõng mới!”

25 Chơ cũai a-ĩ ki yuor tayúng toâp yáng moat máh cũai ki. Án ít dõl cantrang án; chơ án chu pở dõng. Án khễn Yiang Sursĩ. 26 Nheq máh cũai ki sâng dót cốp ngcõh lứq. Ngkíq alóí khễn Yiang Sursĩ cốp pai neq: “Tangái nâi hái khoiq hữm ranáq salễh lứq!”

Yê-su Arô Lê-vi
(*Mathia 9:9-13; Mac 2:13-17*)

27 Vót ki Yê-su loõh tễ ntốq ki. Bo án pởq tâng rana, án hữm manoaq samiang ramứh Lê-vi,† tacu tâng dõng noau parõm ít práq thễq, yuaq án la cũai ít práq thễq. Yê-su ón án neq: “Mói puai cứq!”

28 Lê-vi táh nheq máh cớng án, chơ án yuor tayúng cốp puai Yê-su.

29 Moâm ki Lê-vi táq muoi pêl toâr roap Yê-su. Bữn clúng cũai, dếh máh cũai parõm práq thễq hỡ, toâq cha cốp alóí. 30 Ma máh cũai Pha-rasi cốp cũai yóng rit, alóí tểq tốp rien tễ Yê-su neq: “Nỏq anhia cha parnỏi cốp cũai parõm ít práq thễq cốp máh cũai lỏih?”

31 Yê-su ta-õi alóí neq: “Cũai bán o tỡ bữn cóq sễq yỏn noau palai. Ma óng cũai a-ĩ sâng cóq sễq yỏn noau palai. 32 Cứq tỡ bữn toâq pở nâi dỏq arô cũai ca ngin alóí

tanoang o, ma cứq toâq pở nâi dỏq arô cũai ca dáng alóí bữn lỏih yỏn tềq alóí ngin lỏih lềq cõt mút tamái ễn.”

Yê-su Atõng Tễ Rit Ót Sana Yoc Ê Sanhữ Yiang Sursĩ
(*Mathia 9:14-17; Mac 2:18-22*)

33 Máh cũai Pha-rasi cốp cũai yóng rit atõng Yê-su neq: “Máh tốp rien tễ Yang, sa-ữi pêl alóí ót sana cõ ễ chanchóm tễ ngê Yiang Sursĩ, cốp alóí ễ câu. Máh cũai rien tễ tốp Pha-rasi la táq machóng ki tề. Ma tốp rien tễ thâi, ki cha nguaiq níc.”

34 Yê-su ta-õi alóí toâq parnai sacâm neq: “Khân bữn samiang ít lacuoi, bo yóu án pởq racoaiq cốp án, alóí sâng bũi. 35 Ma tỡ alóí chu tễ racoaiq, alóí miar õt. Tỡ ki alóí ót sana dỏq sanhữ loah yóu alóí.”‡

36 Yê-su atõng toâq parnai sacâm ễn neq: “Tỡ bữn noau háq muoi mễng aroaiq tễ au tamái, chơ yỉh tamoal tâng au anhỏh. Khân noau táq ngkíq, au tamái ki cõt rúng, cốp ramoal ki tỡ bữn rapóc cốp au anhỏh. 37 Cốp tỡ bữn noau chiaq blống tamái tâng aluoi ngcâr khoiq tiaq. Khân noau táq ngkíq, blống ki cõt puaiq, cốp acán pa-át ki táq yỏn aluoi ngcâr padỏh. Chơ

† 5:27 5:27 Lê-vi noau dỏq ramứh Ma-thia hỡ. ‡ 5:35 5:35 Tâng parnai nâi, Yê-su sacâm án la samoat cũai ít lacuoi. Bo Yê-su noâng õt cốp tốp rien tễ án, alóí noâng chi-cha. Ma tỡ án chõn chu palỏng, alóí ót sana tề miaq alóí chanchóm loah tễ máh santoiq án khoiq atõng alóí.

aluoì ngcâr cóp blống ki pút neq. ³⁸ Ma blống tamái cóq cóq tâng aluoì ngcâr tamái. ³⁹ Cóp tở bữn noau yoc nguaiq blống tamái khân án khoiq nguaiq blống tiaq chơ, yuaq án pai neq: 'Blống tiaq lứq ẽm hữn.' "

6

Yê-su Atỡng Tễ Rit Tangái Rlu
(*Mathia 12:1-8; Mac 2:23-28*)

¹ Tâng muoi Tangái Rlu, Yê-su cóp tốp rien tể án mut tâng sarái noau chớh saro bali. Tốp rien tể Yê-su rút saro bali, chơ alóì saréh cha. ² Bữn cũai tể tốp Pha-rasi blóh alóì neq: "Nỏq anhia táq tở cõt rit cuang tâng Tangái Rlu?"

³ Yê-su ta-õì alóì neq: "Nỏq riang pai anhia tở nai doc tâng tâm saráq Yiang Sursĩ atỡng tể puo Davĩt khoiq táq ntrứu? Davĩt cóp tốp puai án sâng panhieih lứq. ⁴ Ngkíq Davĩt mut tâng đống sang Yiang Sursĩ. Án cha bẽng noau đõq yáng moat Yiang Sursĩ. Ma puai rit cũai I-sarel, án cóp yóu án tở têq cha bẽng ki. Bẽng ki ống máh cũai tểng rit sang Yiang Sursĩ sâng têq cha."

⁵ Cóp Yê-su pai ẽn neq: "Cứq, Con Yiang Cõt Cũai, la Ncháu tể Tangái Rlu."

Yê-su Táq Bán Cũai Yỗt Atĩ
(*Mathia 12:9-14; Mac 3:1-6*)

⁶ Bữn muoi Tangái Rlu ẽn, Yê-su mut atỡng máh cũai tâng đống sang. Ớt ngki bữn manoaq yỗt atĩ coah atoam. ⁷ Máh cũai yống rit cóp máh cũai Pha-rasi chuaq ngê ẽ cauq Yê-su. Ngkíq alóì tutuaiq nhêng samoat lứq chu Yê-su, yoc ẽ dáng án táq bán cũai a-ĩ tâng Tangái Rlu, ma tở bữn. ⁸ Ma Yê-su dáng alóì chanchóm ngkíq. Chơ án atỡng cũai yỗt atĩ ki neq: "Mới yuor tayứng yáng moat máh cũai nài."

Chơ cũai ki yuor tayứng toáp.

⁹ Chơ Yê-su atỡng máh cũai ớt mpẻ ki neq: "Cứq ẽ blóh anhia: Puai rit hái, nỏq hái táq tâng Tangái Rlu? Hái táq o, tở la táq sâuq? Hái chuai amoong, tở la cachit cũai?"

¹⁰ Moâm ki Yê-su carlang nhêng chu máh cũai ki, cóp án pai cóq cũai a-ĩ ki neq: "Mới aloỏh atĩ!"

Từ cũai ki aloỏh atĩ, chơ atĩ án cõt bán. ¹¹ Ngkíq máh cũai ki sâng la-ừn toáp cutâu mút, cóp alóì sarhống nỏq toáp ẽ táq cóq Yê-su.

Yê-su Rườh Muoi Chít La Bar Náq Rien Tể Án
(*Mathia 10:1-4; Mac 3:13-19*)

§ 5:38 5:38 Yê-su atỡng parnai nài tể aroaiq cóp khang blống, la án sacâm cũai bữn mút pahỏm tiaq, tở têq ít parnai tamái Yê-su atỡng alóì. Ống alóì ca bữn mút tamái sâng têq ít parnai ki.

12 Vót ki, Yê-su chôn tâng cóh, yoc ẽ câu pờ ki. Án câu sêq tẽ Yiang Sursĩ nheq sadâu ki. 13 Toâq poang tarurp, án arô máh cūai rien tẽ án, cóp án ruroh muoi chít la bar náq tẽ tốp alóí. Án đờq muoi chít la bar náq nâi la cūai ayũng atĩ án. 14 Máh cūai án ruroh la neq: Si-môn, án ca Yê-su amũh Phi-er hữ, cóp Anrê, la a-ẽm Si-môn. Bữn Yacõ, Yang, Phi-lip, Batê-lami, 15 Mathia, Thô-mat, Yacõ con sami-ang Al-phê, Si-môn Sê-lôt, 16 Yuda con sami-ang Yacõ, cóp Yuda I-cari-ôt, án ca chẻq Yê-su yõn noau cachĩt.

Yê-su Atõng Cóp Táq Bán Máh Cūai A-ĩ
(Mathia 4:23-25)

17 Vót ki, Yê-su sêng tẽ cóh parnoi cóp máh cūai rien tẽ án. Alóí tayũng tâng ntóq tapín. Ôt ngki bữn clúng cūai toâq tẽ cruang Yudê, tẽ vil Yaru-saleh, cóp tẽ tor đờq mut cheq vil Ti-rơ cóp vil Sadôn. 18 Nheq tữh cūai ki toâq ẽ tamũng Yê-su atõng, cóp ẽq Yê-su táq bán máh ramũh alóí a-ĩ. Alóí ca bữn yiang sâuq payõh la cõt bán tê. 19 Nheq tữh cūai a-ĩ ki chuaq ẽ satoaq Yê-su, yuaq Yê-su bữn chóc têq táq yõn bán nheq máh cūai a-ĩ.

Yê-su Atõng Tẽ Ốc Bõn Cóp Ốc Bap
(Mathia 5:1-12)

20 Yê-su nhêng chu tốp rien tẽ án, cóp pai neq:

“Bõn lứq anhia ca cadĩt,
yuaq Yiang Sursĩ cõt sõt
tâng mứt pahõm an-
hia!

21 Bõn lứq anhia ca panhieih
sanua,
yuaq nữ-ra anhia cõt
pasâi!

Bõn lứq anhia ca nhiam
sanua,
yuaq nữ-ra anhia cõt bũ
hữr ẽn!

22 Bõn lứq anhia bo cūai
canõh kêt anhia,
calõih anhia, sieu
anhia, cóp pai anhia
tõ o
cõ tian anhia puai ngê
Con Yiang Cõt Cūai!

23 “Bo alóí táq ngkíq, cóq
anhia sâng bũ cóp õn tam-
prũol, yuaq Yiang Sursĩ yõn
anhia bữn kia sa-ũĩ tâng
paloõng. Achúc achiac máh
cūai ki táq machõng ki tê
chóq máh cūai tang bõq
Yiang Sursĩ.

24 Ma bap lứq anhia ca sỏc
sanua,
yuaq anhia bữn ống ỏc
bõn tâng dõĩ nâi sâng!

25 Cóp bap lứq anhia ca cha
pasâi sanua,
yuaq nữ-ra Yiang Sursĩ
yõn anhia cõt pan-
hieih!

Cóp bap lứq anhia ca
cacháng sanua,
yuaq nữ-ra Yiang Sursĩ
yõn anhia nhiam u-õĩ!

26 “Bap lứq anhia toâq
nheq tữh cūai khẽn níc an-
hia. Tẽ mbỏq, achúc achiac
máh cūai ca khẽn, ki táq
machõng ki tê chóq cūai táq
nan tang bõq Yiang Sursĩ.”

Yê-su Atông Cóg Anhia Ayoog Cũai Ca Par-ũal Anhia (Mathia 5:38-48; 7:12a)

²⁷ “Cúq atông anhia ca tamúng cúq neq: Cóg anhia ayoog máh cũai ca ẽ táq anhia. Cóg anhia táq o chók cũai kêt anhia. ²⁸ Cóg anhia sêq ọc bốn yõn alói ca báih anhia. Cóp cóq anhia câu chuai alói ca táq sâuq chók anhia. ²⁹ Khân noau tapáh rêng báng anhia muoi coah, ki cóq anhia sato yõn alói tapáh muoi coah ẽn. Cóp khân noau ít au tuar anhia, ki cóq anhia tũot dẽh au tâng clống yõn alói. ³⁰ Cũai aléq sêq ntróu tẽ anhia, anhia yõn án aki. Cóp khân án ít crong ntróu tẽ anhia, anhia chõĩ sêq loah crong ki. ³¹ Cóg anhia táq chók cũai canõh machóng anhia yoc alói táq chók anhia tê.”

³² “Khân anhia ayoog ống cũai ayoog anhia, ki ntróu Yiang Sursĩ yõn anhia bũn cóng? Dẽh alói ca tở bũn puai ngê Yiang Sursĩ dốq ayoog cũai ayoog alói. ³³ Cóp khân anhia táq o chók alói ca táq o chók anhia, ki ntróu Yiang Sursĩ yõn anhia bũn cóng? Cũai tở bũn puai ngê Yiang Sursĩ, dốq táq ngkíq. ³⁴ Khân anhia yõn cũai canõh voaq práq anhia, ma anhia nguang bũn loah práq tẽ alói, ntróu Yiang Sursĩ ẽ yõn anhia bũn cóng? Cũai tở bũn puai ngê Yiang Sursĩ, alói yõn cũai canõh voaq práq alói,

ki alói nguang bũn loah práq ki. ³⁵ Ma cóq anhia ayoog cũai ca ẽ táq anhia. Cóg anhia táq o chók alói. Cóp cóq anhia yõn alói voaq práq anhia, ma anhia chõĩ nguang bũn loah práq ki tẽ alói. Ngkíq, nỡ-ra anhia lứq bũn cóng o, cóp anhia cõt con acái Yiang Sursĩ, án ca sốt clũĩ neq tẽ canõh. Yuaq án táq o chók cũai loai cóp cũai tở dáng sa-õn. ³⁶ Cóg anhia sarũiq táq cũai canõh machóng Mpoaq anhia tâng paloõng sarũiq táq anhia tê.”

Chõĩ Tẻq Cũai Canõh (Mathia 7:1-5)

³⁷ Yê-su pai ẽn neq: “Anhia chõĩ tẻq cũai canõh, ngkíq Yiang Sursĩ tở bũn tẻq anhia tê. Cóp chõĩ pai cũai canõh táq tở p̄ieiq, ngkíq Yiang Sursĩ tở bũn pai anhia táq tở p̄ieiq tê. Cóg anhia táh lỏih cũai canõh táq chók anhia; ngkíq Yiang Sursĩ táh lỏih anhia tê. ³⁸ Khân anhia yõn crong pở cũai canõh muoi crưo, ki Yiang Sursĩ lứq culáh loah anhia clũĩ tẽ ki. Máh crưo án chuai anhia, án acúr, án chiaq, cóp án chók poân vuvở yõn anhia. Yuaq maléq anhia chuai yõn yóu, Yiang Sursĩ chuai loah anhia máh ki tê.”

³⁹ Yê-su atông tốp ki toaq parnai sacâm neq: “Cũai sũt moat tở tẻq ayông cũai sũt canõh. Khân án ayông, bar náq alói sapúl tâng prúng. ⁴⁰ Ân ca rien tở bũn toar

hỡn tễ thài án. Ma dù nác ca rien, toâq án moâm rien, ngkíq án cõt samoât thài tê.

41 “Nốq anhia hữm brếh tâng moat yóu, ma anhia tở bữn dáng khlểc pian catáng moat anhia? 42 Cóp nốq anhia clốq pai chốq yóu neq: ‘Yỗn cứq taváih ít chíq brếh tễ moat mới,’ ma anhia tở bữn dáng khlểc pian sadal chíq moat anhia? Anhia la cũai ểm bĩq parnai sâng! Cóg anhia ít chíq khlểc pian tễ moat anhia voai. Ki nốq tềq anhia hữm raloaih cóp tềq ít brếh tễ moat yóu.”

Yê-su Atông Tễ Aluang Cóp Palâi

(*Mathia 7:16-20; 12:33-35*)

43 “Tở nai bữn aluang o ma cõt palâi sâuq, cóp tở nai bữn aluang sâuq ma cõt palâi o. 44 Khân anhia hữm palâi, ki anhia dáng dếh nỡm. Tở nai bữn noau cáiq palâi tarúng tễ nỡm sarlia tacông. Cóp tở nai bữn noau cáiq palâi nho tễ nỡm sarlia rayoaiq. 45 Cũai mantoat o bữn ngê o tâng mút pahõm án. Ngkíq ranác o loõh tễ mút cũai ki. Cóp cũai loài bữn ngê sâuq tâng mút pahõm án. Ngkíq ranác sâuq loõh tễ mút pahõm án. Ngê ntróu bữn tâng mút pahõm cũai, bỗq cũai pai aloõh ngê ki.”

Yê-su Atông Tễ Bar Náq Cũai Táq Dống

(*Mathia 7:24-27*)

46 “Nốq anhia đốq cứq: ‘Ncháu ơi! Ncháu ơi!’ Ma anhia tở bữn trỉh máh sântoiq cứq atông? 47 Cũai aléq toâq pỡ cứq, chơ tamúng cóp trỉh máh sântoiq cứq, cũai ki la samoât riang ntróu? 48 Cũai ki la samoât riang samiang patúng đống. Án píq prúng yỗn yarũ cóp chốq tamáu tâng ki yỗn tanũl cõt khâm. Tữ đờq toâr toâq, đờq clúh đống ki, ma đống ki tở bữn cacurt, yuaq cũai táq đống ki chốq tamáu táq yỗn khâm lứq. 49 Cũai ca tamúng sântoiq cứq, ma tở bữn trỉh, án ki la samoât samiang patúng đống tâng cutểq miat. Án píq prúng ndũl, cóp tở bữn chốq tamáu tâng prúng ki. Tữ đờq toâr toâq, đờq ki clúh đống ki hập lứq, chơ đống ki dóm cóp ralốh neq.”

7

Yê-su Táq Bán Sũl Cũai Sốt Tahan

(*Mathia 8:5-13*)

1 Moâm Yê-su pai máh sântoiq ki yỗn cũai cứng tamúng, án mut tâng vil Cabê-na-um ển. 2 Tâng vil ki, bữn manoaq cũai Rô-ma, án sốt muoi culám nác tahan. Án bữn cũai táq ranác ca án ayooq lứq. Ma cũai ki a-ĩ tráuq lứq, cheq ể cuchĩt. 3 Tữ sốt tahan ki sâng noau pai tễ Yê-su, án ớn máh cũai tễ tốp sốt neq sâu tốp I-sarel pốq pỡ Yê-su cóp sếq Yê-su toâq táq bán

cũai táq ranáq án. ⁴ Alóí ki toâq pở Yê-su, cốp sễq nheq rangúh rahở neq: “Cũai sốt tahan ki la cũai mantoat o. Ngkíq hếq sễq thâi chuai án. ⁵ Án ayoq lứq cũai I-sarel, cốp án táq đống sang yỗn hếq hỡ.”

⁶ Chơ Yê-su pởq cốp alóí. Cheq ẽ toâq pở đống, cũai sốt tahan ki ớn yóu án toâq pở Yê-su cốp pai neq: “Ncháu ơ, cứq tở khốn pởq coâiq Ncháu yỗn mut tâng đống cứq. ⁷ Cốp cứq tở bữn p̄ieiq dếh toâq pở Ncháu. Ma cứq sễq Ncháu pai yỗn cũai táq ranáq cứq cõt bán, la dũ chơ. ⁸ Cứq bữn cũai sốt cứq, cốp cứq cõt sốt cũai canỗh tê. Khân cứq ớn cũai nâi: ‘Pởq!’ ki án pởq. Khân cứq ớn cũai ki: ‘Toâq pở nâi!’ ki án toâq. Khân cứq ớn cũai táq ranáq cứq: ‘Táq neq!’ ki án táq.”

⁹ Bo Yê-su sâng sântoíq ki, án sâng dốt lứq. Chơ án pai chóq máh cũai ốt mpễr án neq: “Cứq atởng anhia samoât lứq, cứq tở nâi hữm noau tễ cũai I-sarel ma sa-âm riang cũai nâi.”

¹⁰ Máh cũai án ca sốt tahan ớn toâq pở Yê-su, alóí chu pở đống, cốp alóí hữm cũai táq ranáq sốt tahan khoiq cõt bán.

Con Samiang Cũai Cán Cumai Ớt Tâng Vil Na-in

¹¹ Tangái ntun ễn, Yê-su mut tâng vil Na-in. Tốp rien tễ án cốp cứng cũai canỗh pởq cốp án. ¹² Từ

Yê-su toâq pở ramỗh vil, p̄ieiq noau crang aloỏh cũai cuchĩt. Mpiq cũai cuchĩt la cán cumai; án bữn ống muoi lám con samiang ki toâp. Bữn cứng cũai tễ vil ki pởq parnoi cốp cán cumai ki. ¹³ Từ Yê-su hữm cán cumai ki, án sâng sarũiq táq, cốp án pai neq: “Mới chổi nhiam.”

¹⁴ Chơ Yê-su toâq satoaq hom cumuiq; cốp cũai crang hom ki tangút. Yê-su pai neq: “A-ễm ơ! Cứq ớn mới yuor!”

¹⁵ Cũai khoiq cuchĩt ki yuor tacu, cốp mbởiq táq ntởng loah. Chơ Yê-su chiau án yỗn mpiq án. ¹⁶ Nheq tữh cũai sâng ngcỏh lứq cốp alóí khể Yiang Sursĩ neq: “Manoaq tang bởq Yiang Sursĩ ca bữn chóc toâr lứq khoiq toâq pở hái chơ!”

Cốp alóí pai ễn neq: “Lứq Yiang Sursĩ toâq chuai amoong máh cũai ca puai ngê án.”

¹⁷ Ranáq Yê-su khoiq táq parhan dũ ntỏq tâng cruang Yudê cốp máh cruang mpễr ki.

Yê-su Atởng Tễ Yang Ca Táq Batễm

(*Mathia 11:2-19*)

¹⁸ Tốp rien tễ Yang toâq atởng Yang tễ ranáq alóí hữm Yê-su táq. Yang arô bar náq tốp rien tễ án, ¹⁹ cốp án ớn alóí toâq blóh Yê-su neq: “Thâi ơ! Lứq ma tở bữn thâi la manoaq Yiang Sursĩ rườh đốq chuai amoong cũai? Tở

la cóq hếq ngcuang cūai canõh ẽn?"

²⁰ Tữ bar náq ki toâq pữ Yê-su, alóí pai neq: "Yang dốq táq batẽm ớn hếq toâq blóh thâi neq: 'Thâi la manoaq Yiang Sursĩ rườh dốq chuai amoong nheq tữh cūai tở? Tở la cóq hếq ngcuang cūai canõh ẽn?' "

²¹ Bo alóí noâng ốt pữ ki, Yê-su táq bán sa-ũĩ ramứh cūai a-ĩ, bữn dếh cūai a-ĩ sari cóp cūai bữn yiang sâuq payõh hữ. Cóp máh cūai sũt moat, án táq yõn alóí cõt blang. ²² Chơ Yê-su ta-õĩ loah bar náq tốp rien tẽ Yang neq: "Anhia chu atõng loah Yang tẽ máh ranáq anhia khoi q sâng cóp khoi q hữm. Cūai sũt cõt blang. Cūai yõn tẽq pupõq. Cūai a-ĩ tut cõt bán. Cūai túng bữn sâng. Cūai khoi q cuchĩt, yuor ta-moong loah. Cóp máh cūai cadĩt bữn sâng tê parnai o tẽ Yiang Sursĩ. ²³ Bõn lứq cūai ca tở bữn táh ngê cứq!"

²⁴ Vót tốp rien tẽ Yang chu, Yê-su atõng tẽ Yang yõn máh cūai chũng ki tamứng. Cóp án blóh alóí neq: "Bo anhia pữq ramóh Yang tâng ntốq aiq, ntróu anhia yoc ẽ hữm tâng ntốq ki? Anhia yoc ẽ hữm cūai phát bát túng-tooc tở? ²⁵ Khãn tở bữn ngkíq, ntróu anhia yoc ẽ hữm? Anhia yoc ẽ hữm manoaq sóp au nêuq tở? Cūai sóp au nêuq cóp tâc cha thừơng, ki ốt tâng

dống puo. ²⁶ Ma ntróu anhia yoc ẽ hữm tâng ntốq ki? Anhia yoc ẽ hữm cūai tang bỗq Yiang Sursĩ tở? Cứq atõng anhia samoat lứq, Yang la cūai tang bỗq Yiang Sursĩ tê, ma án bữn chóc toâr hõn tẽ cūai tang bỗq canõh. ²⁷ Tâng tâm saráq Yiang Sursĩ tẽ mbỗq, khoi q cūai tang bỗq chĩc atõng saccoai q tẽ Yang neq:

'Cứq Yiang Sursĩ ớn cūai ranẽng cứq toâq nhũang mới, dốq thừan rana yõn mới.'[☆]

²⁸ Cứq atõng anhia, dù náq cūai ca mansẽm canõt tâng cutẽq nâi, tở bữn noau toâr hõn tẽ Yang ca dốq táq batẽm. Ma cứq atõng anhia neq tê: Cūai aléq ma tở bữn toâr ntróu tâng tốp Yiang Sursĩ sốt, lứq Yiang Sursĩ yõn cūai ki bữn chóc clũĩ tẽ chóc Yang."

²⁹ Máh cūai khoi q sâng santoi q Yang pai, dếh alóí ca parõm práq thẽq, nheq náq alóí ngin Yiang Sursĩ la lứq tanoang o. Ngkíq alóí yõn Yang táq batẽm yõn alóí. ³⁰ Ma máh cūai Pha-rasi cóp cūai atõng phếp rit, alóí tở ẽq ỉt, tở ẽq puai ngê Yiang Sursĩ. Ngkíq alóí tở yõn Yang táq batẽm yõn alóí.

³¹ Yê-su pai ẽn: "Máh cūai tâng dõĩ nâi la riang ntróu? ³² Máh cūai tâng dõĩ nâi la ariang carnẽn ốt

lơiq tâng nchõh. Muoi tốp carnẽn ki arô yóu alóí neq: 'Hếq khoiq plóng тари́al cốp lơiq táq rayuac. Ma anhia tở bữn mut ayũn cốp puan sarai núng hếq! Cốp hếq lơiq táq rapũp, ma anhia tở bữn pruam mut nhiam u-õi núng hếq!' ³³ Yang đốq táq batẽm toãq pở nãi, án tở bữn nguaiq cha riang cũai canõh, án cha ống lam cốp nguaiq đốq khĩal. Chơ anhia pai án bữn yiang sâuq. ³⁴ Ma cứq, Con Yiang Cốt Cũai, cứq toãq nguaiq cha machớng cũai canõh tê. Chơ anhia pai cứq neq: 'Ki! Án ki nguaiq cha tham sãng! Cốp án cốt yóu cốp cũai parõm ít práq thẽq cốp cũai lờih canõh hỡ!' ³⁵ Ma cũai ca lứq rangoiq, nõ-ra noau lứq ngin án la cũai rangoiq, yuaq alóí hữm tẽ máh ranáq án táq."

Yê-su Cha Tâng Dống Manoaq Cũai Pha-rasi

³⁶ Bữn manoaq tẽ tốp Pha-rasi mời Yê-su toãq cha muoi pêl tâng đống án. Chơ Yê-su pớq cha. ³⁷ Tâng vil ki, bữn manoaq mansẽm ca táq sa-ũĩ ranáq sâuq. Án khoiq sãng noau pai Yê-su chi-cha tâng đống cũai Pha-rasi ki; chơ án đưng muoi bẽ đốq phuom. Bẽ ki noau táq toãq tamáu ramứh a-labat. ³⁸ Mansẽm ki sacõh racól cheq ayũng Yê-su. Án nhiam, cốp sarliang moat án hoi layáp ayũng Yê-su. Chơ án chut ayũng Yê-su

toãq sóc án. Án hữn hĩt ayũng Yê-su, chơ án tở đốq phuom tâng ayũng Yê-su. ³⁹ Tở cũai Pha-rasi ca mời Yê-su hữm ngkĩq, án tẽng tâng mút án neq: "Khân cũai nãi ma lứq manoaq tang bớq Yiang Sursĩ, ki án dáng mansẽm ca satoaq án la noau. Cốp án dáng mansẽm nãi táq sa-ũĩ ranáq sâuq."

⁴⁰ Yê-su atõng cũai ki neq: "Si-môn ơi! Cứq bữn muoi santoiq yoc atõng mới."

Si-môn ta-õi: "Oq thãi. Sẽq thãi pai."

⁴¹ Chơ Yê-su pai neq: "Bữn bar náq voaq práq tẽ cũai manrai práq. Manoaq tu sỡng culám. Manoaq ẽn tu sỡng chít. ⁴² Ma bar náq ki tở bữn ntróu ẽ culáh loah yõn án ca manrai. Ngkĩq án ca manrai práq táh nheq máh práq alóí tu án. Ma tẽ bar náq ki, aléq ayoog hỡn án ca manrai práq?"

⁴³ Si-môn ta-õi: "Cứq chanchóm án ca tu sa-ũĩ ki ayoog hỡn."

Yê-su pai neq: "Lứq pĩeiq mới pai."

⁴⁴ Chơ Yê-su nhêng chu mansẽm ki cốp án atõng Si-môn neq: "Mới hữm ma tở bữn mansẽm nãi? Tở cứq toãq pở đống mới, mới tở bữn ít đốq yõn cứq ariau ayũng. Ma mansẽm nãi, án ariau ayũng cứq toãq sarliang moat án. Cốp án ít sóc án toãp chut ayũng cứq. ⁴⁵ Tở cứq toãq pở đống mới, mới tở bữn hữn

hĩt cứq puai tâng rit sar-óh tamoi. Ma mansẽm nãi, án hũn hĩt níc ayũng cứq tẽ cứq mut tâng đống toau toãq sanua. ⁴⁶ Mới tở bũn ãt đõq phuom tia tâng plõr cứq puai tâng rit sar-óh tamoi. Ma mansẽm nãi, án tõi đõq phuom moat lữq tâng ayũng cứq. ⁴⁷ Ngkĩq cứq atõng mới: Lõih mansẽm nãi sa-ũĩ lữq, ma cứq khoiq táh yõn án, yuaq án ayooq lữq cứq. Ma cũai aléq chanchõm án bũn bĩq lõih sãng yõn cứq táh, cũai ki ayooq cứq bĩq tẽ.”

⁴⁸ Chơ Yê-su atõng mansẽm ki neq: “Lõih mới khoiq táh chơ.”

⁴⁹ Mách cũai ca õt cha cõp Yê-su, alõĩ chanchõm neq: “Cũai nãi la noau, ma khõn pai án táh lõih yõn cũai?”

⁵⁰ Ma Yê-su atõng loah mansẽm ki neq: “Yiang Sursĩ khoiq chuai amoong mới chơ, yuaq mới sa-âm lữq cứq. Mới põq bán sũan ien khẽ.”

8

Mách Cũai Mansẽm Ca Põq Parnõi Cõp Yê-su

¹ Vót ki, Yê-su mut tâng sa-ũĩ vil cõt vil toãr cõp atõng parnai o tẽ Yiang Sursĩ táq sõt. Tõp muoi chít la bar náq rien tẽ án põq parnoi cõp án tẽ. ² Cõp bũn máh mansẽm hõ põq cõp Yê-su. Tẽ máh mansẽm ki bũn án ca yiang sãuq payõh, ma Yê-su khoiq tuih aloõh, cõp bũn án ca Yê-su táq bán tẽ sa-ũĩ

ramũh a-ĩ. Mách mansẽm ki, ramũh neq: Muoi la Mari tẽ vil Mac-dala. Án ca bũn tapul lám yiang sãuq khoiq loõh tẽ tõi án. ³ Bar la Yõ-ana, lacuoi Chusa. Chusa táq ranáq yõn puo Hê-rõt. Pái la Su-sana. Cõp bũn sa-ũĩ náq mansẽm canõh hõ. Nheq alõĩ ãt práq alõĩ bũm đõq chuai Yê-su cõp tõp rien tẽ án bũn crõng sana cha.

Parnai Sacãm Tẽ Cũai Trũh Ốc

(*Mathia 13:1-9; Mac 4:1-9*)

⁴ Clũng lữq cũai toãq põ Yê-su tẽ sa-ũĩ vil. Chơ Yê-su atõng alõĩ na parnai sacãm neq: ⁵ “Bũn manoaq cũai põq trũh ốc. Bo án trũh, bũn ốc satooh tâng rana. Cũai tĩn ốc ki cõp chõm tot cha. ⁶ Bũn ốc canõh satooh tâng cutẽq sa-ũĩ tamáu. Toãq ốc ki dách, án cõt roõh nheq, yuaq óq đõq. ⁷ Bũn ốc canõh satooh tâng cutẽq bũn rêh bát sarlia. Tũ bát sarlia dách, án éc chíq bát mbõiq dách tẽ ốc cũai ki trũh. ⁸ Cõp bũn ốc canõh ẽn satooh tâng cutẽq o. Ốc ki dách cõp toãr achõn, chơ cõt palãi. Muoi nõm cõt muoi culãm ốc.”

Yê-su pai ẽn neq: “Aléq bũn cutũr yoc ẽ tamũng, ki tamũng.”

Nõq Yê-su Atõng Toãq Parnai Sacãm

(*Mathia 13:10-17; Mac 4:10-12*)

⁹ Tõp rien tẽ Yê-su blõh án tẽ parnai nãi la sacãm ntrõu. ¹⁰ Yê-su ta-õĩ alõĩ neq: “Mách parnai cutooq tẽ

Yiang Sursĩ táq sốt, Yiang Sursĩ yõn anhia dáng. Ma cũai canõh tamúng biq parnai sacâm sâng. Ngkíq alóí nhêng ma tở bữn hữm; alóí tamúng ma tở bữn sapúh.”*

Yê-su Aloõh Ngê Tễ Parnai Sacâm Cũai Trứh Ớc
(*Mathia 18:13-23; Mac 4:13-20*)

11 “Ngê tễ parnai sacâm ki la neq: Ớc cũai ki trứh la sacâm tễ cũai pỡq atõng parnai Yiang Sursĩ. 12 Ớc satooh tâng rana, la sacâm tễ cũai ca tamúng parnai Yiang Sursĩ, ma yiang Satan toâq ít chíq parnai ki tễ mút pahõm alóí, táq yõn alóí tở tềq sa-âm. Chơ yõn Yiang Sursĩ tở tềq chuai amoong alóí. 13 Ớc satooh tâng cutềq bữn tamáu la sacâm tễ cũai ca tamúng parnai Yiang Sursĩ cớq sa-âm parnai ki bũi o lứq. Ma parnai ki tở bữn mut tâng mút pahõm alóí. Alóí sa-âm mahõih sâng. Chơ toâq alóí ramóh túh coat alóí tanĩq cõ tian alóí sa-âm, chơ alóí tở ềq sa-âm noâng. 14 Ớc satooh tâng cutềq bữn sa-ữi bát sarlia, la sacâm tễ cũai ca tamúng parnai Yiang Sursĩ, ma alóí lua cút tâng dõih nâi, ham sốc, cớq ham thuong. Máh ramúh ki éc chíq parnai o tễ Yiang Sursĩ, táq yõn alóí tở bữn cõt palâi. 15 Ma ốc satooh tâng cutềq o la sacâm tễ cũai ca tamúng parnai Yiang Sursĩ,

cớq alóí bữn mút pahõm o, yoc yám noap Yiang Sursĩ. Alóí cayóm đõq níc parnai ki, chơ toâq ngư bữn palâi, alóí cõt palâi sa-ữi lứq.”

Yê-su Patâp Cũai Pasếq Parnai An
(*Mac 4:21-25*)

16 “Tở bữn noau tacât chớq tóu, chơ catúp chớq kang tở la đõq nhưp cachõng bếq. Ma lứq noau đõq chớq tóu tâng rông, yõn án claq poang nheq clõng ki. Ngkíq cũai mut tâng ki tềq hữm raloaih. 17 Machõng ki tề, ramúh ntróu cứq cutooq sanua, chumát cứq yõn nheq tữh cũai dáng raloaih máh ramúh ki. Cớq ramúh ntróu cứq catáng sanua, chumát cứq tở bữn catáng noâng.

18 “Parnai ntróu anhia sâng cứq atõng, cớq anhia pasếq lứq parnai ki. Cũai aléq khoi q bữn chơ, cứq lứq yõn án bữn sa-ữi lứq ễn. Ma cũai aléq tở bữn bữn, máh ốc án bữn, lứq cõt pút loah nheq.”

Mpiq Cớq Sễm Ai Yê-su
(*Mathia 12:46-50; Mac 3:31-35*)

19 Mpiq cớq sễm ai Yê-su toâq ễ ramóh Yê-su, ma alóí tở tềq mut pỡ án, yuaq tadát máh cũai tâng đõng. 20 Bữn cũai toâq atõng Yê-su neq: “Mpiq cớq sễm ai thâi õt yáng tiah ễ ramóh thâi.”

21 Ma Yê-su atõng loah alóí neq: “Mpiq cớq sễm ai cứq

la máh cūai ca tamúng cốp trĩh parnai Yiang Sursĩ.”

Yê-su Sươq Cuyal Cốp Dỡq

(*Mathia 8:23-27; Mac 4:35-41*)

²² Bữn muoi tangái, Yê-su chõn tâng tuoc cốp tốp rien tể án. Yê-su pai chók alóỉ neq: “Hái clong yáng tooh dỡq clóng nài.”

Chơ alóỉ clong. ²³ Toâq mpúng dĩ dỡq, Yê-su bẻq. Ma bo ki bữn cuyal rapuq hập lứq, táq yõn dỡq carsaiq amut tâng tuoc, mán ẽ poân. Chơ alóỉ croõq lứq. ²⁴ Tốp rien tể Yê-su toâq amoaih án. Alóỉ pai neq: “Thâi ơi, thâi ơi! Hái cheq ẽ cuchĩt.”

Yê-su yuor tayúng. Án sươq cuyal cốp dỡq lampóh. Chơ cuyal cốp dỡq ki tangút, cốp cõt ien khẻ loah. ²⁵ Yê-su blóh tốp rien tể án neq: “Nỏq anhia tở bữn sa-âm?”

Ma alóỉ sâng dót cốp ngcõh lứq. Manoaq pai chók manoaq neq: “Cūai nài la noau? Án sươq cuyal cốp dỡq, chơ cuyal cốp dỡq trĩh án!”

Yê-su Tuih Aloõh Yiang Sâuq Tể Tỏ Cūai

(*Mathia 8:28-34; Mac 5:1-20*)

²⁶ Alóỉ clong yáng tooh dỡq clóng toâq pỡ cruang Yê-rasê. Cruang nài õt choâng cốp cruang Cali-lê. ²⁷ Bo Yê-su sẻng tể tuoc, bữn manoaq samiang tể vil ki bữn yiang sêuq payõh, toâq pỡ Yê-su. Cūai ki õt mu

rariat khoiq dũn chơ. Án tở bữn õt tâng dõng, ma án õt níc tâng clõm cumuiq. ²⁸ Tở án hữm Yê-su, án hẻ casang lứq, sacõh racól, cốp pai casang lứq neq: “Ntróu anhia yoc ẽ táq chók cứq Yê-su? Anhia la Con Yiang Sursĩ, án ca sỏt clữi nheq tể canõh. Cứq sẻq anhia chõỉ táq tỏiq bap cứq.”

²⁹ Án pai ngkíq, yuaq Yê-su khoiq ỏn án loõh tể tỏ cūai ki. Sa-ũỉ trỏ chơ yiang sêuq táq cūai ki. Cốp khân cūai canõh cốp cốp sacáp án toâq sái-sỏ, tở la clữong toâq panũar, án táq ta-õh nheq. Cốp yiang sêuq dỏq dửng án pỡq chu ntỏq aiq.

³⁰ Yê-su blóh cūai ki neq: “Ntróu ramứh mới?”

Cūai ki ta-õỉ: “Ramứh cứq la Poâl.”

Án pai ngkíq, yuaq bữn sa-ũỉ yiang sêuq õt tâng tỏ án. ³¹ Máh yiang sêuq ki sẻq Yê-su chõỉ ỏn alóỉ pỡq chu pống sarloac.

³² Tâng cóh ki bữn muoi cantóh alic sa-ũỉ lứq chuaq cha. Ngkíq máh yiang sêuq ki sẻq tể Yê-su yõn alóỉ mut tâng cantóh alic ki. Yê-su yõn alóỉ mut. ³³ Ngkíq máh yiang sêuq loõh tể tỏ cūai ki, chơ mut tâng cantóh alic ẻn. Cantóh alic ki lúh cháỉ lứq cốp pống tể leh tarhar chu clóng dỡq, chơ cuchĩt clooc nheq.

³⁴ Toâq cūai bán tốp alic hữm cõt ranáq ngkíq, alóỉ

lúh achu atōng yǒn máh cūai tâng vil cóp tâng rapoq sarái dáng. ³⁵ Clúng cūai toâq yoc ẽ nhêng ranáq ca mbõiq cõt. Alói toâq pǝ Yê-su, cóp alói hữm cūai bữn yiang sâuq payõh ki tacu cheq ayǔng Yê-su. Án tâc tampác, cóp tở bữn cõt yúh noâng. Ngkíq alói sâng ngcõh lúq. ³⁶ Máh cūai ca hữm ranáq Yê-su táq chóc cūai bữn yiang sâuq, alói atōng loah yǒn cūai ca tở bữn hữm dáng tê tể ranáq Yê-su táq yǒn cūai ki cõt bán.

³⁷ Nheq máh cūai tâng cruang Yê-rasê sêq Yê-su pǝq chíq tể cruang alói, yuaq alói sâng ngcõh lúq. Chơ Yê-su chõn tâng tuoc cóp loõh tể ntốq ki. ³⁸ Cūai ca yiang sâuq khoiq loõh tể tở, án sêq pǝq cóp Yê-su tê. Ma Yê-su ớn án chu, cóp patâp án neq: ³⁹ “Mới chu pǝ đồng mới. Chơ mới atōng loah tể dũ ranáq Yiang Sursĩ khoiq chuai mới.”

Ngkíq cūai ki pǝq dũ ntốq tâng vil án, cóp án atōng loah tể dũ ranáq Yê-su khoiq táq chuai án.

Yê-su Táq Bán Con Mansẽm Yaru Cóp Mansẽm Ca Satoaq Au Tuar Án (Mathia 9:18-26; Mac 5:21-43)

⁴⁰ Tở Yê-su chu loah coah đõq clóng ki, bữn cūai clúng tabõp án bũi o, yuaq alói acoan án tâng ntốq ki. ⁴¹ Ma bữn manoaq ramúh Yaru

toâq pǝ ki tê. Án la cūai ndõm muoi đồng sang tốp I-sarel tâng vil ki. Án sacõh racól cóp pǝp cheq ayǔng Yê-su. Án sêq Yê-su toâq pǝ đồng án, yuaq con mansẽm án a-ĩ hâp lúq. ⁴² Án bữn ống muoi lám con ki toâp. Mansẽm ki mbõiq muoi chít la bar cumo, ma a-ĩ cheq ẽ cuchĩt.

Bo Yê-su pǝq tâng rana, clúng lúq cūai nêt Yê-su. ⁴³ Cóp bữn manoaq mansẽm õt ntốq ki bữn a-ĩ toõh siet khoiq muoi chít la bar cumo, ma aham tở nai yốt. Tĩen práq án ralõh cõ yǒn noau palai, ma tở hữm bán. ⁴⁴ Án cunhoar amut coah clĩ Yê-su, chơ án cuvõ satoaq chẽu au tuar Yê-su. Bo ki toâp aham án yốt.

⁴⁵ Yê-su blóh neq: “Noau satoaq cứq?”

Ma aléq la tở bữn ngin. Chơ Phi-er pai neq: “Thâi ơi! Clúng lúq cūai õt cheq thâi, cóp alói nêt thâi.”

⁴⁶ Ma Yê-su pai loah neq: “Bữn cūai satoaq cứq, yuaq cứq sâng chóc loõh tể tở cứq.”

⁴⁷ Tở mansẽm ca satoaq au Yê-su dáng án tở tềc cutooq noâng. Ngkíq tở án cangcoaih nheq, cóp án pǝp asẽng cheq ayǔng Yê-su. Mansẽm ki ngin pǝ Yê-su yáng moat máh cūai clúng ki. Án atōng Yê-su cõ nõq án toâq satoaq au Yê-su cóp án cõt bán tháng. ⁴⁸ Yê-su ta-õĩ án neq: “Niang ơi! Cõ mới

sa-âm, tở mới cớt bán. Mới chu ien khẽ.”

⁴⁹ Bo Yê-su noâng táq nẵng cớp mansẽm ki, bữn manoaq tẽ đống Yaru, án ca ndõm đống sang, toâq pỡ Yaru cớp atõng án neq: “Con mansẽm mới khoiq cuchĩt chớ. Mới chõi pakhoq noâng thài.”

⁵⁰ Yê-su sâng cũai ki pai ngkĩq, chớ án atõng Yaru neq: “Chõi ngcõh, mới sa-âm sâng. Ngkếq con mới lứq cớt bán loah.”

⁵¹ Tữ Yê-su toâq pỡ đống Yaru, án yõn Phi-er, Yacõ, Yang, cớp mpiq mpoaq amõq ki mut tâng đống cớp án. Ma cũai canõh, án tỡ yõn mut. ⁵² Nheq máh cũai nhiam atẽh amõq ca khoiq cuchĩt. Ma Yê-su pai neq: “Chõi nhiam, Án nãi tỡ bữn cuchĩt; án bẽq sâng.”

⁵³ Alói ca sâng Yê-su pai ngkĩq, alói ayê ra-ac án, yuaq alói dáng raloaih con ki khoiq cuchĩt. ⁵⁴ Ma Yê-su tếc atĩ mansẽm ca khoiq cuchĩt, cớp án arô neq: “Amõq oi! Mới yuor tayúng!”

⁵⁵ Ngkĩq raviei amõq ki chu loah pỡ án, cớp án yuor toâp. Chớ Yê-su ớn noau yõn amõq cha sana. ⁵⁶ Mpiq mpoaq amõq ki sâng dớt lứq, ma Yê-su patâp alói chõi yõn cũai canõh dáng tẽ ranáq nãi.

9

Yê-su Ớn Tốp Muoi Chít

La Bar Náq Pỡq Atõng
(*Mathia 10:5-15; Mac 6:7-13*)

¹ Yê-su arô tốp muoi chít la bar náq rien tẽ án toâq pỡ án. Án yõn alói bữn chóc tẽq tuih aloõh yang sâuq payõh cũai, cớp tẽq táq bán máh cũai a-ĩ. ² Chớ án ớn alói pỡq atõng tẽ Yang Sursĩ táq sớt, cớp án ớn alói táq bán máh cũai a-ĩ. ³ Án patâp alói neq: “Anhia chõi đưng crong ntróu. Chõi đưng ralõng. Chõi poac tũi. Chõi đưng crong sana. Chõi đưng práq. Cớp chõi đưng bar ploah au. ⁴ Tữ anhia mut tâng vil, cóq anhia ớt muoi đống sâng toau toâq anhia loõh tẽ vil ki. ⁵ Khãn anhia mut tâng vil léq, ma noau tỡ bữn roap cớp tabõp o anhia, toâq anhia loõh tẽ vil ki, cóq anhia trutrẽh phõn cutẽq tẽ ayúng. Nãi la táq tếc cũai tâng vil ki tỡ bữn roap anhia.”

⁶ Ngkĩq alói pỡq chu vil cớt vil toâr cớp atõng parnai o tẽ Yang Sursĩ. Alói táq bán máh cũai a-ĩ.

Hê-rôt Saria Sarnóm
(*Mathia 14:1-12; Mac 6:14-29*)

⁷ Hê-rôt, án ca sớt tâng cruang Cali-lê, án sâng tẽ máh ranáq Yê-su táq. Ngkĩq án saria sarnóm, yuaq án sâng noau pai Yang dốq táq batẽm khoiq tamoong loah tẽ cuchĩt.

⁸ Bữn cũai pai Ê-li khoiq toâq loah chớ. Cớp bữn cũai

pai manoaq tang bõq Yiang Sursĩ khoiq tamoong loah tẽ cuchĩt. ⁹ Ma Hê-rôt pai neq: “Lúq cứq khoiq cõh tacong Yang, ma cũai nâi la noau, án ca cứq sâng noau pai án táq ranáq ngkíq?”

Ngkíq Hê-rôt chuaq ẽ ramóh Yê-su.

Yê-su Siem Sõng Ngìn Náp Cũai

(*Mathia 14:13-21; Mac 6:30-44; Yang 6:1-14*)

¹⁰ Máh cũai ayũng atĩ Yê-su chu atõng loah án tẽ máh ranáq alóí khoiq táq. Án dũng alóí põq cõp án chu muoi ntõq cheq vil Bet-sada. Ntõq ki tở bũn noau õt. ¹¹ Toáq máh cũai dáng Yê-su põq chu ntõq ki, ngkíq củng lữq alóí põq puai án. Yê-su tabõp tabéh alóí, cõp án atõng alóí tẽ Yiang Sursĩ táq sõt. Cõp án táq bán cũai ca a-ĩ.

¹² Cheq moat mandang tahõr, tởp rien tẽ Yê-su toáq põ án cõp pai neq: “Sẽq thâi ớn cũai củng nâi chu põ vil cõt vil toâr mpẽr nâi yõn alóí chuaq ntõq õt cõp chõng bũm crõng sana cha, yuaq ntõq nâi yõng tẽ cũai õt.”

¹³ Ma Yê-su atõng alóí neq: “Anhia toáp yõn alóí bũn crõng sana cha.”

Alóí ki pai neq: “Hếq bũn ớng sỡng lám bẽng cõp bar lám sĩaq. Thâi yoc hếq põq chõng crõng sana yõn cũai củng nâi cha tở?”

¹⁴ Ớt tâng ntõq ki bũn sám sỡng ngìn náq sami-ang carsai, ma tở bũn noap mansẽm cõp carnẽn. Chơ Yê-su atõng tởp rien tẽ án neq: “Anhia ớn nheq tữh cũai nâi tacu, muoi ntõq sám sỡng chít náq.”

¹⁵ Chơ tởp rien tẽ Yê-su ớn cũai củng ki tacu. ¹⁶ Yê-su ỉt sỡng lám bẽng cõp bar lám sĩaq. Chơ án tapoang achõn chu paloõng cõp sa-õn Yiang Sursĩ bũn crõng sana cha nâi. Moâm ki, án pĩh bẽng cõp chiau põ tởp rien tẽ án tampẽq yõn nheq tữh cũai cha. ¹⁷ Nheq tữh cũai ki cha pasâi nheq. Moâm alóí cha, tởp rien tẽ Yê-su parõm loah máh ngách bũn muoi chít la bar crũo.

Yê-su Atõng Tẽ Án Cóq Chũuq Cuchĩt

(*Mathia 16:13-28; Mac 8:27-9:1*)

¹⁸ Bũn muoi tangái bo Yê-su ntôm câu manoaq án, tởp rien tẽ án toáq põ án. Chơ Yê-su blóh alóí neq: “Máh cũai củng pai cứq la noau?”

¹⁹ Alóí ta-õi neq: “Bũn cũai pai thâi la Yang dõq táq batẽm. Bũn cũai pai thâi la Ê-li. Cõp bũn cũai canõh ển pai thâi la cũai tang bõq Yiang Sursĩ ca tamoong loah tẽ cuchĩt.”

²⁰ Yê-su blóh loah alóí neq: “Ma anhia pai cứq la noau?”

Phi-er ta-õi neq: “Thâi la Crĩt, án ca Yiang Sursĩ rườh dõq chuai amoong cũai!”

21 Yê-su patâp alóí chôi atông yõn cũai canõh dáng tễ ốc nâi. 22 Cóp án atông ễn neq: “Chumat cứq, Con Yiang Cõt Cũai, cóq chũuq sa-ữi ramúh túh coat. Mách cũai sôt nheq sâu, máh cũai sôt tốp tễng rit sang Yiang Sursĩ, cóp máh cũai yõng rit, alóí kêt cứq, cóp cachĩt cứq. Ma catâm tangái pái, cứq yuor tamoong loah.”

23 Moâm ki, Yê-su atông nheq alóí ki neq: “Khân bữn cũai aléq yoc ễ puai cứq, cóq án táh chíq ngê án bữm. Cu rangái án cóq ỉt dõĩ bữm aluang sangcáng án, cóp cóq án puai cứq. 24 Cũai aléq ma paséq rangúh án, rangúh cũai ki lứq pút. Ma cũai aléq ma chũuq pút rangúh án cõ tian án puai ngê cứq, rangúh cũai ki lứq tở nai pút. 25 Khân cũai aléq bữn túc palễc crong cróu tâng dõĩ nâi, ma án táh tở la pút rangúh án, ntróu kia yõn cũai ki? 26 Khân cũai aléq ma casiet táq tễ cứq cóp tễ parnai cứq yáng moat cũai tâng dõĩ nâi, nõ-ra cứq, Con Yiang Cõt Cũai, lứq casiet táq cũai ki tề tâng tangái cứq toâq loah pở cutêq nâi. Tangái ki cứq toâq parnoi cóp máh ranễng Yiang Sursĩ cóp bữn chóc ang-ữr tễ Mpoaq cứq. 27 Cứq atông anhia samoat lứq, bữn máh cũai ốt tayúng ntốq nâi sanua, alóí tở yũah cuchĩt toau alóí bữn hữm Yiang Sursĩ táq sôt.”

Roâp Yê-su Cõt Mpha Ễn (Mathia 17:1-8; Mac 9:2-8)

28 Vót Yê-su pai máh san-toiq ki, sám tacual tangái ễn, án dững Phi-er, Yang, cóp Yacõ chõn nững án tâng cóh dõq câu ngki. 29 Bo Yê-su câu, án samblót cõt roâp mpha ễn, cóp tampác án cõt cloc sarbal moat. 30 Bữn bar náq toâq táq ntông cóp Yê-su la Mõi-se cóp Ê-li. 31 Roâp alóí ang-ữr, cóp alóí atông tễ ranáq Yê-su táq yõn moâm toâq án chũuq cuchĩt tâng vil Yaru-salem. 32 Ma Phi-er cóp yóu án sâng ễ bẻq. Từ alóí tamõ, alóí hữm ang-ữr roâp Yê-su, cóp bar náq cũai ki tayúng cóp Yê-su. 33 Từ bar náq ki loõh tễ Yê-su, Phi-er atông Yê-su neq: “Thâi ơi! Háĩ ốt nâi la o lứq. Hẻq ễ táq pái lám nloâh, muoi lám yõn thâi, muoi lám yõn Mõi-se, cóp muoi lám ễn yõn Ê-li.”

Ma Phi-er chuaq pai tở cõt ốc.

34 Bo Phi-er noâng táq ntông, bữn ramúĩ clũom alóí. Ngkíq alóí sâng ngcõh lứq. 35 Cóp bữn srong sabau atông tễ ramúĩ ki neq: “Nâi la Con cứq, án ca cứq ayooq lứq. Ntróu án atông, cóq anhia tamúng cóp trĩh án!”

36 Từ rangiac srong ki, alóí hữm ống Yê-su sâng ốt ntốq ki. Ngkíq pái náq tốp rien tễ Yê-su tở bữn atông yõn cũai canõh dáng tễ ranáq alóí khoiq hữm,

toau toâq tangái Yê-su cuchit
cóp tamoong loah.

*Con Samiang Bữn Yiang
Sâuq Payôh*

(*Mathia 17:14-18; Mac
9:14-27*)

³⁷ Mách tangái parnở ẽn,
toâq alói sêng tẽ cóh, bữn
clúng lứq cũi toâq ramóh
Yê-su. ³⁸ Bữn manoaq tẽ
cũi clúng ki sabau casang
lứq neq: “Thâi ơi! Cứq
sẽq thâi nhêng con samiang
cứq. Cứq bữn ống muoi
lám án toâp. ³⁹ Cóp yiang
sâuq đốq payôh án. Án đốq
hẽ toâq yiang sâuq nhoac
án, chơ loõh rapooh tẽ bỗq.
Yiang ki carnhoac-carnhủl,
chơ tangút, ma án tở bữn
táh tở con cứq! ⁴⁰ Cứq khoiq
canui máh tốp rien tẽ thâi
yõn tuih aloõh yiang sâuq tẽ
tở con cứq, ma alói tuih tở
riap.”

⁴¹ Yê-su ta-õi neq: “Anhia
ơi! Anhia ca õt tâng dôi nâi
tở bữn sa-âm cóp anhia loâi
lứq! Noâng máh léq dũn
cứq cóq õt cóp anhia, cóp
chũuq anhia tở bữn sa-âm?
Dũng con ki toâq pở cứq!”

⁴² Bo carnẽn samiang ki
toâq, yiang sâuq ki carvút
cóp atáih án tâng cutẽq.
Yê-su ớn yiang sâuq loõh
toâp tẽ tở carnẽn ki. Chơ
carnẽn ki cõt bán loah. Yê-
su chiau loah án pở mpoaq
án. ⁴³ Nheq tữh cũi ki sâng
dót tẽ Yiang Sursĩ bữn chơc
toâr lứq tẽq táq ngkíq.

*Yê-su Atõng Loah Tẽ Án
Cóp Chũuq Cuchit*
(*Mathia 17:22-23; Mac
9:30-32*)

Bo máh cũi ki noâng
sâng dót tẽ ranáq Yê-su táq
ngkíq, ki Yê-su atõng tốp
rien tẽ án neq: ⁴⁴ “Anhia
tamúng yõn samoât máh
santoiq cứq atõng anhia
sanua! Cheq chơ noau ẽ
chiau cứq, Con Yiang Cõt
Cũi, pở atĩ cũi sót!”

⁴⁵ Ma alói tở bữn sapúh
santoiq ki. Yiang Sursĩ cu-
tooq ốc ki tở yõn alói dáng.
Cóp alói tở khỏn blóh Yê-su
tẽ ốc ki.

*Noau Toâr Clũri Nheq Tẽ
Canõh?*

(*Mathia 18:1-5; Mac 9:33-
37*)

⁴⁶ Tốp rien tẽ Yê-su rasuon
tẽ noau toâr clũri nheq tẽ
canõh tâng tốp alói. ⁴⁷ Yê-su
dáng alói chanchóm tẽ ốc ki.
Ngkíq Yê-su tếc muoi noaq
carnẽn yõn tayúng cheq án.
⁴⁸ Cóp án atõng tốp rien
tẽ án neq: “Cũi aléq roap
carnẽn máh nâi cũi án sa-âm
cứq, cũi ki lứq roap cứq
tê. Cóp cũi aléq roap cứq,
machóng cũi ki roap dẽh
án ca ớn cứq toâq pở nâi
tê. Cũi aléq yoc ẽ cõt toâr
clũri nheq tẽ canõh tâng tốp
anhia, cóq cũi ki cõt cacót
clũri nheq tẽ cũi canõh.”

*Aléq Ca Tở Bữn Par-ũal
Hái Samoât Án Chuai Hái*
(*Mac 9:38-40*)

⁴⁹ Yang atõng Yê-su neq:
“Thâi ơi! Hẽq khoiq hũm

manoaq cūai tuih aloõh yiang sâuq, cốp án talêq ramứh thâi. Ma hêq tở yõn án táq noâng ranáq ngkiq, yuaq án tở bữn puai hái.”

⁵⁰ Ma Yê-su atõng loah Yang neq: “Anhia chõi catáng án. Cūai alêq ma tở bữn sanũi anhia, nâi la riang án chuai anhia tê.”

Yê-su Põq Luat Vil Cūai Sa-mari

⁵¹ Cheq ẽ toâq tangái Yê-su chõn loah chu paloõng; ngkiq Yê-su chanchóm ẽ põq chu vil Yaru-salem. ⁵² Án ón máh cūai dũng parnai põq nhũang. Cūai ki mut tâng muoi vil cūai Sa-mari dõq thữan yõn Yê-su toâq.

⁵³ Ma cūai tâng vil ki tở bữn roap Yê-su, yuaq alóí dáng án ẽ põq pỡ vil Yaru-salem.

⁵⁴ Toâq Yacõ cốp Yang, la tốp rien tẽ Yê-su tê, alóí dáng óc ki, ngkiq alóí blóh Yê-su neq: “Ncháu ơi! Ncháu yoc hêq arô ùih tẽ paloõng sêng chõng chíq alóí ki tở?”

⁵⁵ Ma Yê-su luliaq nhêng chu alóí, cốp án sươq alóí chõi chanchóm ngkiq.

⁵⁶ Chơ alóí põq chu vil canõh ẽn.

Cóq Hái Táq Nõq Ẽ Puai Ngê Yê-su?

(Mathia 8:19-22)

⁵⁷ Bo alóí põq tâng rana, bữn manoaq toâq pỡ Yê-su cốp pai neq: “Thâi ơi! Pỡ léq thâi põq, cứq puai thâi pỡ ki tê.”

⁵⁸ Yê-su atõng án neq: “Ayoõng bữn cụp, chóm bữn sóh, ma Con Yiang Cõt Cūai tở bữn ntõq yõn án bêq.”

⁵⁹ Yê-su ón manoaq sami-ang canõh: “Mói puai cứq.”

Ma cūai ki ta-õi neq: “Ncháu ơi! Yõn mpoaq cứq cuchĩt voai. Toâq moâm cứq túp mpoaq cứq, cứq lữq puai Ncháu.”

⁶⁰ Yê-su atõng loah án neq: “Yõn alóí ca tở bữn muoi mút cốp cứq, yõn chũm siem bữm cūai ca tở bữn muoi mút cốp cứq.* Cóq mới põq atõng tẽ Yiang Sursĩ táq sốt.”

⁶¹ Bữn cūai canõh pai neq: “Ncháu ơi! Cứq yoc ẽ puai Ncháu tê, ma cứq sêq chu cubán đõng sũ cứq voai.”

⁶² Yê-su atõng án neq: “Cūai táq vông tâng rô, khân án yõng acán cái, cóq cūai ki chõi luliaq chu clĩ. Ngkiq rana vông lữq tanoang o. Cūai táq ranáq Yiang Sursĩ la machóng ki tê. Khân án bữn bar mút, Yiang Sursĩ lữq tở bữn táq sốt án.”

10

Yê-su Ón Tapul Chít La Bar Náq Põq Táq Ranáq Án

¹ Vót ki ẽn Yê-su rượh tapul chít la bar náq. Án ón alóí ki põq nhũang án, muoi tốp bar náq, mut nheq dũ vil dũ ntõq án chanchóm

* **9:60** 9:60 Tâng parnai Créc, santoiq Yê-su pai nâi la: ‘Yõn cūai cuchĩt túp cūai cuchĩt.’

ẽ pởq. ² Án atởng alóí ki neq: “Saro tâng sarái la-a khoiạ chĩn lứq chơ, ma bữn bĩq náq cũai pởq sot saro ki. Cóg anhia câu sễq tễ Ncháu sarái yỏn án ỏn sa-ữi náq pởq sot saro ki. ³ Anhia pởq! Cứq ỏn anhia pởq samoât riang cũu con ỏt mpúng dĩ acho cruang. ⁴ Anhia chỏi dững práq. Chỏi poac tũi riang cũai susễq. Chỏi dững bar cu cởp. Cóg toạq anhia ramóh yỏu tâng rana, anhia chỏi tacu táq ntởng cởp alóí. ⁵ Toạq anhia mut tâng đổng aléq, tễ dâu lứq anhia pai neq: ‘Sễq Yiang Sursĩ chuai yỏn đổng sũ nâi bữn bán sũan ien khễ níc.’ ⁶ Khân cũai ỏt tâng đổng ki lứq yoc Yiang Sursĩ táq yỏn alóí bữn ỏc bốn ki, ki lứq Yiang Sursĩ yỏn. Ma khân alóí tở ễq, ki Yiang Sursĩ yỏn anhia ẻn bữn ỏc bốn ki. ⁷ Cóg anhia ỏt muoi đổng sâng. Anhia chỏi pởq ỏt đổng nâi đổng ki. Cóg sana ntrớu cũai đổng ki yỏn anhia cha, ki anhia cha sana ki. Cũai táq ranáq chuai cũai canỏh, cóg cũai canỏh chuai loah án táq ki, yỏn bữn crớng sana cha. ⁸ Toạq anhia mut tâng vil, khân cũai ki roap tabởp o chỏq anhia, ngkỉq cóg anhia cha máh crớng sana alóí yỏn. ⁹ Tâng vil ki cóg anhia táq yỏn bán máh cũai a-ỉ. Cóg cóg anhia atởng alóí neq: ‘Cheq chơ Yiang Sursĩ táq sỏt anhia.’ ¹⁰ Ma toạq anhia mut tâng vil cũai, ma

cũai tâng vil ki tở bữn roap tabởp o chỏq anhia, ki cóg anhia loỏh loah chu rana cởp pai neq: ¹¹ ‘Lứq samoât, phỏn cutễq tễ vil anhia tởt tâng ayửng hếq, lứq hếq trutrẻh nheq phỏn cutễq ki tễ ayửng hếq, táq tếc anhia tở bữn roap hếq. Ma cóg anhia dáng samoât samỏi tẻ, khoiạ cheq chơ Yiang Sursĩ táq sỏt!’ ”

¹² Chơ Yẻ-su atởng ẻn neq: “Cứq atởng anhia la toạq tangái Yiang Sursĩ rablỏh nheq tữh cũai, án táq yỏn alóí ca ỏt tâng vil ki bữn túh coat hỏn tễ cũai tâng vil Sadôm tễ mbỏq.”

Yẻ-su Pupap Vil Ca Tở Ễq Sa-âm
(*Mathia 11:20-24*)

¹³ “Bap lứq toạq pở anhia tâng vil Cỏr-sín! Cởp bap lứq anhia ca ỏt tâng vil Bet-sada! Khân cứq táq ranáq salẻh tâng vil Ti-rơ cởp vil Sadôm machớng cứq khoiạ táq tâng vil anhia chơ, ki dũn chơ cũai tâng vil ki ngin lỏih lẻq cởt mút tamái ẻn. Cóg dũn chơ alóí tâc tampác tanúh, cóg pức bởh tâng tở alóí, táq tếc alóí sâng ngua cỏ alóí bữn lỏih. ¹⁴ Toạq tangái Yiang Sursĩ rablỏh nheq tữh cũai, tangái ki án sâng sarũiq táq chỏq cũai tâng vil Ti-rơ cởp vil Sadôm hỏn tễ án sâng sarũiq táq chỏq tởp anhia. ¹⁵ Cóg anhia ca ỏt tâng vil Cabẻ-na-um ọi! Anhia chanchỏm anhia tẻq chỏn bữm chu paloỏng

tở? Lứq samoât, nỡ-ra Yiang Sursĩ apõng anhia tâng põng sarloac!”

16 Chơ Yê-su atõng neq chỏq tapul chít la bar nác ki: “Cũai aléq ma tamúng santiago anhia, ki la machóng án tamúng santiago cứq tê. Cóp cũai aléq ma tỏ ẽq tamúng santiago anhia, ki la machóng án tỏ ẽq tamúng santiago cứq tê. Cóp cũai aléq tỏ ẽq tamúng santiago cứq, la machóng cũai ki tỏ ẽq tamúng santiago án ca ớn cứq toàq tê.”

Tõp Tapul Chít La Bar Nác Pít Chu Loah

17 Tõp tapul chít la bar nác ki chu loah, cốp alới sâng bũi lứq. Alới atõng Yê-su neq: “Ncháu ơi! Lứq samoât máh yiang sâuq trĩh parnai hếq bo hếq ớn alới cốp hếq talếq ramứh Ncháu!”

18 Yê-su atõng loah alới ki neq: “Cứq khiq hữm yiang Satan satooh tể paloõng chái lứq, samoât riang lalieiq.*

19 Anhia tamúng! Cứq yõn anhia bữn chỏc yõn anhia têq tĩn cusân cốp pông cutiang, cốp yõn anhia riap chít loah yiang Satan. Cốp tỏ bữn ramứh ntrớu têq táq anhia. 20 Ma anhia chõi ớn cỗ yiang sâuq trĩh anhia. Cỏq anhia ớn cỗ Yiang Sursĩ khiq chĩc ramứh anhia tâng paloõng.”

Yê-su Sa-õn Mpoaq An
(*Mathia 11:25-27; 13:16-17*)

21 Bo ki Raviei Yiang Sursĩ yõn Yê-su sâng hỡr lứq. Ngkíq án pai neq cốp Yiang Sursĩ: “Mpoaq cứq tâng paloõng ơi! Mpoaq lứq la Ncháu paloõng cốp Ncháu cốc cutểq nãi! Cứq sa-õn mới khiq apáh ngê mới yõn cũai ca samoât carnẽn cacót nãi, alới ca tỏ yũah rien ntrớu. Ma mới cutooq ngê nãi tể cũai rangoiq, alới ca khiq rien sa-ũĩ. Lứq pĩeiq, Mpoaq ơi, cứq khẽn mới, yuaq ốc ki lứq o yáng moat mới.

22 “Dũ ramứh Mpoaq cứq khiq chiau yõn cứq. Tỡ bữn cũai aléq ma dáng dũ ốc tể Con Yiang Sursĩ. Ông Mpoaq án toập dáng dũ ốc ki. Cốp tỏ bữn cũai aléq ma dáng dũ ốc tể Mpoaq tâng paloõng. Ông Con Yiang Sursĩ toập dáng dũ ốc ki. Cốp cũai aléq Con Yiang Sursĩ rườh, lứq án apáh yõn cũai ki dáng tể Mpoaq tâng paloõng.”

23 Moâm ki Yê-su pít loah moat chu tõp rien tể án. An atõng ống alới ki sâng neq: “Bõn lứq cũai aléq ma bữn hữm máh ramứh anhia hữm. 24 Cứq atõng anhia samoât lứq, bữn sa-ũĩ nác cũai tang bõq Yiang Sursĩ, cốp bữn sa-ũĩ nác puo yoc lứq ẽ hữm máh ranác anhia hữm sanua, ma alới tỏ

* **10:18** 10:18 Yê-su atõng yõn alới dáng yiang Satan, án ca sỏt nehq yiang sâuq, khiq pút chỏc án chơ.

bữn hữm. Cóp alói yoc lứq ẽ sâng máh ọc anhia sâng sanua, ma alói tở têq bữn sâng.”

Yê-su Sacâm Tẽ Cũai Sa-mari

²⁵ Bữn manoaq cũai thâi atỡng phếp rit I-sarel toâq pữ Yê-su. Án blóh chim Yê-su ẽq Yê-su tở dáng ta-õi. Án pai neq: “Thâi ơi! Ntróu cứq táq yỗn cứq bữn tamoong mantái?”

²⁶ Yê-su ta-õi neq: “Tâng phếp rit Yiang Sursĩ khoiq chĩc ntróu? Toâq anhia doc, ntróu anhia sâng tẽ parnai ki?”

²⁷ Cũai ki ta-õi loah neq: “Parnai Yiang Sursĩ atỡng neq: ‘Cóc anhia ayooq Yiang Sursĩ, la Ncháu anhia, nheq tẽ mút pahõm, nheq tẽ rangúh rahõ, cóp nheq tẽ sarnóm anhia.’”

Cóp án pai ẽn neq: ‘Cóc anhia ayooq yóu machóng anhia ayooq tở anhia bữm.’”

²⁸ Yê-su ta-õi cũai ki neq: “Lứq piẽiq mới pai. Khân mới táq ngkíq, lứq mới bữn tamoong mantái.”

²⁹ Ma cũai ki, án yoc apáh mút án, ẽq Yê-su pai án la cũai tanoang o. Ngkíq án blóh ẽn Yê-su neq: “Noau la yóu cứq?”

³⁰ Yê-su ta-õi parnai sacâm neq:

“Bữn manoaq cũai sami-ang pữq tâng rana sêng tẽ vil Yaru-salem pữq chu vil Yê-ri-cô. Bo án pữq tâng rana

ki, bữn cũai savẽng palống pữr nheq crong án. Cóp alói toân án hữ. Cheq án ẽ cuchĩt, alói lúh táh chíq án.

³¹ Tangái ki bữn manoaq tẽ tốp têng rit sang Yiang Sursĩ pữq rana ki tê. Án hữm cũai cheq ẽ cuchĩt ki, ma án pữq viaq chíq. ³² Machóng ki tê toâq cũai táq ranáq tâng dống sang. Án hữm cũai bớc ki, án toâq ngơ mahõi, chơ án pữq viaq chíq tẽ cũai ki.

³³ Ma bữn manoaq tẽ cruang Sa-mari pữq tâng rana ki tê. Án hữm cũai bớc ki, cóp án sâng sarũiq táq cũai ki. ³⁴ Án toâq pữ cũai bớc ki, tởh dõq rahâu cóp blống tâng ntốq bớc, chơ tĩan toâq aroaiq. Moâm ki án acốq cũai bớc ki achõn tâng aséh dẽn án, chơ án dững cũai ki toâq pữ dống noau siem cũai cóp yỗn cũai bẻq. Ớt ngki cũai Sa-mari ki chũm siem cũai bớc ki. ³⁵ Toâq tangái parnõ án ỉt bar ọc práq tẽ tũi án yỗn pữ cũai ncháu dống. Cóp án patâp ncháu dống ki neq: ‘Cứq sếq anhia nhêng chuai cũai nâi. Cóp nữ pra cứq chu loah rana nâi, maléq sa-ũĩ práq anhia pứt yỗn án cha, cứq culáh loah yỗn anhia.’”

³⁶ Moâm Yê-su atỡng parnai sacâm nâi, án blóh cũai ca chim án neq: “Tẽ cũai pái náq pữq rana ki, aléq la yóu manoaq savẽng noau táq kí?”

37 Án ca atõng phếp rit I-sarel ta-õi loah Yê-su neq: “Cũai ca chuai án, ki lứq yóu án.”

Ngkíq Yê-su atõng loah án neq: “Cóc mới pởq táq machóng cũai ki tê.”

Yê-su Pởq Sa-óh Mathê Cóp Mari

38 Bo Yê-su cóp tốp rien tễ án pởq tâng rana, alóí mut tâng muoi vil. Tâng vil ki bữn manoaq mansẽm, ramứh Mathê. Mathê nâi roap tabởp o chóq Yê-su yỏn Yê-su mut tâng dống án. 39 Mathê nâi bữn a-ẽm mansẽm, ramứh Mari. Mari tacu cheq ayũng Yê-su cóp tamúng parnai Yê-su atõng. 40 Ma Mathê, án miaq tál sa-ữi ranáq. Ngkíq án toâq pở Yê-su cóp pai neq: “Ncháu ơi! A-ẽm cứq yỏn manoaq cứq sâng táq ranáq nâi. Nỏq Ncháu chanchóm tễ ốc ki? Cứq sễq Ncháu ón a-ẽm cứq toâq chuai cứq nứng.”

41 Ma Yê-su ta-õi án neq: “Ờ Mathê, Mathê ơi! Coat lứq yỏn mới; mới croỏq cóp tál sa-ữi ranáq. 42 Ma bữn muoi ramứh sâng cóq mới rườh. Mari khoiq rườh chơ ramứh ki, cóp ramứh ki noau tở têq ít loah tễ án.”

11

Yê-su Atõng Tễ Santoiq Câu
(*Mathia 6:9-13; 7:7-11*)

1 Bữn muoi tangái Yê-su ỡt câu tâng muoi ntốq. Moâm án câu, bữn manoaq

tễ tốp rien tễ án sễq neq: “Ncháu ơi! Sễq Ncháu atõng hếq yỏn dáng câu, machóng Yang khoiq atõng tốp rien tễ án.”

2 Yê-su atõng alóí neq: “Toâq anhia câu, anhia câu neq:

‘Cucốh Mpoaq hếq ơi!

Sễq anhia yỏn nheq tữh cũai yám noap ramứh anhia.

Sễq anhia cõt sốt tâng mút pahỏm cũai.

3 Sễq anhia yỏn hếq khám cha tangái nâi.

4 Sễq anhia táh lôih hếq khoiq táq chơ, yuaq hếq táh lôih noau táq chóq hếq.

Sễq anhia chõỉ yỏn yiang Satan radũng hếq táq ranáq sâuq.’ ”

5 Yê-su atõng ễn tốp rien tễ án neq: “Cứq sacâm neq: Sacâm anhia bữn yóu, cóp anhia pởq dống án, ma khoiq muoi mpút, cóp anhia pai neq: ‘Ai ơi! Cứq sễq mian pái long racáu mới, 6 yuaq bữn cũai tamoi toâq pở dống cứq, ma cứq tở bữn ntróu ẽ aloỏh yỏn tamoi cha.’ 7 Cỏh lơ yóu ki ẽ ta-õi anhia neq: ‘Mới chõỉ arô cứq sanua, yuaq cứq khoiq cloaih toong chơ. Cứq cóp con acái cứq khoiq bếq. Cứq tở têq yuor ít yỏn mới.’ 8 Ma cứq atõng anhia neq: Tam yóu ki tở ẽq yuor ít racáu yỏn anhia cở anhia la yóu án, ma lứq samoât án yuor ít yỏn anhia

yuaq anhia pakhoq ntêq án. ⁹ Cóp cúq atông anhia neq: Khân anhia sêq, ki anhia bữn. Khân anhia chuaq, ki anhia ramóh. Khân anhia cucốq toong, ki noau pớh yỗn. ¹⁰ Yuaq dũ náq cũai ca sêq, ki án bữn. Aléq chuaq, ki án ramóh. Aléq cucốq toong, ki noau pớh yỗn. ¹¹ Máh anhia ca bữn con chơ, khân con anhia sêq sĩaq, anhia yỗn án cusân tở? ¹² Cóp khân án sêq tarêl ntruoi, anhia yỗn án pông catiang tở? ¹³ Anhia la moang cũai loài, ma noâng anhia dáng yỗn crong o pớ con anhia. Casõn Mpoaq anhia tâng paloõng, án lứq yỗn anhia bữn Raviei án khân anhia sêq tể án!”

Yê-su Cóp Bê-n-sabul

(*Mathia 12:22-30, 43-45; Mac 3:20-27*)

¹⁴ Bo ki Yê-su tuih aloõh yiang sâuq ca táq yỗn manoaq cũai cõt ngong. Tữ Yê-su tuih aloõh yiang sâuq, cũai ki têq táq ntông loah. Máh cũai chũng ki sâng dớt lứq. ¹⁵ Ma bữn cũai tể tốp alóí pai neq: “Án nâi tuih aloõh yiang sâuq cõ nhơ yiang Bê-n-sabul yỗn án bữn chóc táq ranáq ki. Yiang Bê-n-sabul nâi la sốt nheq máh yiang sâuq.”*

¹⁶ Cóp bữn cũai canõh yoc ẽ chim Yê-su; chơ alóí sêq muoi tếc tể án, án lứq bữn

chóc tể Yiang Sursĩ. ¹⁷ Ma Yê-su dáng alóí chanchóm ngkíq, chơ án atông alóí neq: “Khân bữn muoi cruang ma tốp nâi rachíl tốp ki, lứq tở bữn cõt noâng cruang. Cóp khân bữn muoi dống sũ ma manoaq ralõih chóc manoaq, lứq tở bữn cõt noâng dống sũ. ¹⁸ Khân tốp yiang Satan, ma manoaq rachíl manoaq, lứq tở bữn cõt noâng tốp yiang Satan. Anhia pai cúq tuih aloõh yiang sâuq cõ nhơ yiang Bê-n-sabul yỗn cúq bữn chóc. ¹⁹ Ma khân tốp puai anhia táq ranáq machóng ki tê, anhia tở bữn pai alóí bữn chóc tể yiang Bê-n-sabul. Ngkíq, lứq samoát tể tốp anhia toáp tểq anhia bữm. ²⁰ Ma khân cúq tuih aloõh yiang sâuq cõ nhơ Yiang Sursĩ yỗn cúq táq, ki ranáq nâi apáh yỗn anhia dáng Yiang Sursĩ táq sốt khoiq toáp pớ anhia chơ.

²¹ “Khân bữn cũai bán rêng lứq, cóp án bữn sa-ũri crong pla dõq rabán kĩaq crong án, cũai canõh lứq tở têq talõh crong án. ²² Ma khân bữn cũai bán rêng hõn tể án, cũai ki lứq riap chíl án, cóp ít nheq crong pla tể án, chơ tampêq yỗn cũai ca pớq parnơi cóp án.†

²³ “Cũai aléq ma tở bữn pruam muoi mút cóp cúq, cũai ki lứq tở ẽq cúq. Cóp

* **11:15** 11:15 Bữn cũai dõq yiang Satan la yiang Bê-n-sabul. † **11:22** 11:22 Yê-su sacâm neq: ‘Cúq bán rêng hõn tể yiang Satan. Ngkíq cúq têq chíl riap án, cóp ít nheq crong pla tể án, chơ tampêq yỗn máh cũai ca puai cúq.’

cũai aléq ma tở bữn dững
cũai canõh toâq pở cứq,
la machóng án tở ẽq cũai
canõh puai ngê cứq tẽ.

²⁴ “Toâq yang sâuq loõh
tẽ tở cũai, chơ yang sâuq
ki pởq tâng nốq sa-õt. Án
chuaq nốq ẽ rlu, ma án
tở bữn ramóh. Chơ án
chanchóm neq: ‘Cứq ẽ chu
loah pở nốq cứq khoiқ loõh
tẽ nhũang.’ ²⁵ Tở án chu
pở nốq ki, án hữm ớng
nốq miat. Khoiқ bráh briel,
cóp máh crong tâng nốq
ki khoiқ atức carsiat nheq
chơ. ²⁶ Chơ án pởq coaiқ cóp
dững achu tapul lám yang
sâuq yõn õt parnoi cóp án
tâng nốq ki. Máh yang ki
la sâuq hỡn tẽ án. Ngkíq
thrỏq cũai ki cõt sâuq clũi tẽ
nhũang ẽn.”

²⁷ Bo Yê-su atởng parnai
ki, bữn manoaq mansẽm tẽ
cũai cứng pai casang lứq
chóq án neq: “Bốn lứq
mansẽm ca canõt thâi, cóp
yõn thâi pu tóh!”

²⁸ Ma Yê-su atởng loah án
neq: “Ốc ki la p̄ieiq tẽ, ma
bốn hỡn tẽ ki ẽn la cũai ca
tamứng parnai Yang Sursĩ
cóp trĩh máh ốc ki!”

*Cũai Cứng Sẻq Yê-su Táq
Ranáq Salẽh*
(*Mathia 12:38-42*)

²⁹ Bo cũai cứng õt rôm
pẻ Yê-su, án atởng alới neq:
“Loai lứq máh cũai õt tâng
dỡi nâi! Alới sẻq tẽ cứq muoi
tẻc salẽh, ma cứq tở bữn táq
yõn alới. Yuaq alới khoiқ

bữn chơ tẻc salẽh tẻ Yô-na,
la cũai tang bởq Yang Sursĩ
tẻ mbỏq. ³⁰ Yô-na la muoi tẻc
salẽh yõn máh cũai tâng vil
Ni-navê. Machóng ki tẻ cứq,
Con Yang Cõt Cũai, la muoi
tẻc salẽh yõn máh cũai tâng
dỡi nâi. ³¹ Toâq tangái Yang
Sursĩ rablớh nheq tữh cũai,
mansẽm puo tẻ mbỏq ca sớt
tâng cruang Sê-ba, án tẻq
cũai tâng dỡi nâi. Án tẻq tẻq
ngkíq, yuaq án toâq tẻ cru-
ang yớng lứq yoc ẽ tamứng
ốc rangoaiқ tẻ puo Sa-lamôn.
Ma sanua, tâng nốq nâi bữn
manoaq rangoaiқ hỡn tẻ Sa-
lamôn! ³² Toâq tangái Yang
Sursĩ rablớh nheq tữh cũai,
máh cũai tẻ vil Ni-navê tẻ
mbỏq tẻq máh cũai tâng dỡi
nâi. Alới tẻq tẻq ngkíq, yuaq
toâq alới sâng parnai Yô-na
atởng, alới ngin lôih toâp
cóp lẻq cõt mút tamái ẽn.
Ma sanua, tâng nốq nâi bữn
manoaq toâr hỡn tẻ Yô-na!”

Yê-su Sacâm Tẻ Chóp Tóu
(*Mathia 5:15; 6:22-23*)

³³ Yê-su atởng ẽn neq: “Tở
bữn noau tacât chóp tóu,
chơ pul cutooq, tở la catứp
chóq khang. Ma lứq noau
dỏq tâng rông, yõn dũ náq
cũai mut tẻq hữm poang.
³⁴ Moat cũai la samoât riang
tabong yõn tở. Khân moat
anhia ma hữm, ki nheq tở
anhia cõt poang. Ma khân
moat anhia tở bữn hữm, ki
nheq tở anhia cõt canám
nheq. ³⁵ Ngkíq cóq anhia
nhềng yõn samoât. Cõh lơ

ngê anhia chanchóm poang, tở bữn lứq poang. ³⁶ Khân anhia ma puai ớc poang, cớp tở bữn puai ớc canám ntrứu, ngkíq mút pahôm anhia lứq cõt poang nheq. Nâi la samoât riang chớp tóu claq yỗn anhia têq hữm poang.”

Yê-su Tếq Máh Cũai Pha-rasi Cớp Máh Cũai Yỗng Rit (Mathia 23:1-36; Mac 12:38-40)

³⁷ Moâm Yê-su noâng atỡng ngkíq, bữn manoaq tễ tốp Pha-rasi moi Yê-su toâq cha muoi pêl pở dống án. Ngkíq Yê-su pởq cha. ³⁸ Ma cũai Pha-rasi ki, toâq án hữm Yê-su tở bữn ariau atĩ puai rit nhũang ẽ cha, án sâng dót lứq. ³⁹ Ngkíq Yê-su atỡng cũai ki neq: “Anhia tốp Pha-rasi bữn mút pahôm samoât riang tangan cớp padien noau ariau ẽq bráh ống yáng tiah, ma tâng clống moang nhợp. Nhợp ki la anhia rapón crong noau cớp anhia loai lứq! ⁴⁰ O anhia ca sacũl lứq ơi! Án ca tễng tở cũai, lứq án tễng dếh mút pahôm cũai hỡ. ⁴¹ Ma cóq anhia bữn mút pahôm yoc ẽ chuai cũai cadit. Ngkíq anhia cõt bráh dếh yáng clống cớp yáng tiah.

⁴² “Bap lứq toâq pở anhia cũai Pha-rasi! Lứq anhia chiau sang yỗn Yiang Sursĩ pún muoi chít tễ bát bai asai sakieu anhia. Ma anhia tở bữn trỉh parnai án patáp yỗn táq tanoang tapứng cớp ayooq Yiang Sursĩ samoât

samoĩ. Cứq tở bữn yỗn anhia táh ranáq chiau sang ki, ma bar ớc ntun ki la cóq anhia táq.

⁴³ “Bap lứq toâq pở anhia cũai Pha-rasi ơi! Anhia yoc lứq ẽ bữn cachong tacu o clũi nheq tễ canõh tâng dống sang. Cớp anhia yoc cũai canõh tabởp o anhia bo anhia ớt cớp cũai cứng. ⁴⁴ Bap lứq toâq pở anhia cũai Pha-rasi ơi! Anhia la samoât riang ping cumuiq noau tở bữn táq tếc. Ngkíq cũai canõh pởq cớp tĩn ping ki, ma alóit tở bữn dáng ntỏq ki la nhợp lứq.”

⁴⁵ Bữn manoaq cũai atỡng phễp rit pai chỏq Yê-su neq: “Thâi ơi! Thâi pai ngkíq, la machóng thâi tẻq hẻq ca atỡng phễp rit tê!”

⁴⁶ Yê-su atỡng án neq: “Bap lứq toâq pở anhia ca atỡng phễp rit! Anhia atỡng cũai canõh yỗn puai phễp rit coat lứq, ariang anhia yỗn alóit dỏl crong ntâng. Ma atĩ anhia tở bữn ít chuai ntrứu crong ntâng tễ alóit. ⁴⁷ Bap lứq toâq pở anhia! Anhia táq ping o yỗn cũai tang bởq Yiang Sursĩ, ma lứq achúc achiac anhia toâp khoiq cachit chít cũai tang bởq Yiang Sursĩ ki. ⁴⁸ Ngkíq, nâi la machóng anhia pruam cớp ranáq achúc achiac anhia khoiq táq, yuaq alóit khoiq cachit máh cũai tang bởq Yiang Sursĩ, chớ anhia táq ping yỗn máh cũai tang bởq ki. ⁴⁹ Ma ớc ran-

goaiq tễ Yiang Sursĩ atõng neq: 'Nõ-ra cứq ớn máh cũai tang bõq cứq cốp máh cũai ayũng atĩ cứq toâq pỡ alóí. Bữn cũai tễ tộp ki alóí ẽ cachĩt, cốp bữn cũai canõh alóí ẽ toân.' ⁵⁰ Ngkíq tột alóí ca khoiq cachĩt máh cũai tang bõq, tột ki Yiang Sursĩ yõn toâq pỡ máh cũai tâng dõĩ nãi hữ. ⁵¹ Tột ki bữn tễ tangái noau cachĩt Aben, yõn toau toâq tangái noau cachĩt Sa-chari. Noau khoiq cachĩt Sa-chari tâng clõng Dõng Sang Toâr cheq prõng sang. Cứq atõng an-hia samoât lứq, dũ ramứh tột ki lứq toâq pỡ cũai tâng dõĩ nãi!

⁵² "Bap lứq toâq pỡ anhia cũai atõng phễp rit, yuaq anhia tỡ ẽq puai ngê Yiang Sursĩ samoât lứq. Cốp khân cũai canõh yoc ẽ puai, la anhia tỡ bữn yõn! Nãi la ariang anhia cloaih ngoah toong anhia tỡ ẽq mut, cốp tỡ yõn cũai canõh mut tê!"

⁵³ Toâq Yê-su loõh tễ dõng ki, máh cũai yõng rit cốp máh cũai Pha-rasi, alóí aloõh ngê ẽ chíl Yê-su, cốp alóí blõh án tễ sa-ũri ramứh. ⁵⁴ Alóí tutuaiq tamứng níc yoc ẽ ramóh Yê-su pai ớc lõih, dõq alóí tẽq cauq án.

12

Parnai Patâp Yõn Nheq Tũh Tộp Rien Tễ Án
(*Mathia 10:26-33; 12:32; 10:19-20; Mac 8:15*)

¹ Bo ki bữn cũai tỡ dáng sếq ngin õt rôm ngki. Clứng lứq cũai, toau manoaq tĩn ayũng manoaq. Dâu lứq Yê-su atõng tộp rien tễ án neq: "Cóq anhia õt yõng tễ crong táq yõn bẽng mi cõt pluoih tễ tộp Pha-rasi. Crong ki la alóí táq nan puai ngê Yiang Sursĩ. ² Khân bữn ramứh ntróu noau pul cutooq sanua, chumát noau tỡ tẽq pul cutooq noâng. Cốp ranáq ntróu noau táq clõp sanua, chumát noau tỡ tẽq táq clõp noâng. ³ Ngkíq, santoiq ntróu anhia khoiq atõng yõn bĩq náq dáng, nõ-ra clứng lứq cũai dáng santoiq ki. Cốp ớc ntróu anhia rachâp tâng cutũr cũai tâng clõng clõp, nõ-ra dũ cruang bữn dáng tễ ớc ki.

⁴ "Anhia la yóu cứq. Cứq atõng anhia samoât lứq neq: Chõĩ ngcõh cũai ca tẽq cachĩt tỡ anhia, ma vót alóí cachĩt anhia, alóí tỡ tẽq táq ntróu chóq raviei anhia. ⁵ Ma cứq atõng anhia dáng cóq anhia ngcõh noau. Cóq anhia ngcõh Yiang Sursĩ, yuaq Yiang Sursĩ tẽq cachĩt tỡ anhia, cốp raviei anhia tẽq án apõng tâng põng sarloac. Cứq atõng anhia samoât lứq, cóq anhia ngcõh án!

⁶ "Anhia dõq chõng sõng lám chõm tẻc-tẻc, ma kia án bĩq lứq. Ma Yiang Sursĩ tỡ bữn khlĩr lám lẻq tễ máh chõm ki. ⁷ Lứq samoât, dũ ntreh sóc tâng plỡ an-hia, Yiang Sursĩ khoiq ngih

chơ. Ngkiq, anhia chõ
ngcõh ntróu noâng, yuaq
rangúh anhia Yiang Sursĩ
paséq hõn tẽ sa-ũi lám chóm
téc-téc.

⁸ “Cóp cứq atõng an-
hia neq: Cũai aléq ma
ngin yáng moat cũai canõh,
pai án puai muoi mút cóp
cứq, machóng ki tê cứq,
Con Yiang Cõt Cũai, ngin
loah cũai ki yáng moat
máh ranẽng Yiang Sursĩ.

⁹ Ma khân cũai aléq calõih
cứq yáng moat cũai canõh,
machóng ki tê cứq calõih
loah cũai ki yáng moat máh
ranẽng Yiang Sursĩ tâng
paloõng tê.

¹⁰ “Cũai aléq ma acrieiq
cứq, Con Yiang Cõt Cũai,
ki têq Yiang Sursĩ táh lõih
án. Ma khân cũai aléq ma
acrieiq Raviei Yiang Sursĩ,
lứq Yiang Sursĩ thờ nai táh
lõih cũai ki.

¹¹ “Toãq noau dũng anhia
põ dõng sang, thờ la yáng
moat cũai sõt, anhia chõ
clong nhũang ntróu anhia
yoc ẽ pai. ¹² Lứq bo ki
toãp Raviei Yiang Sursĩ ẽ
atõng anhia máh santoiq an-
hia cóq pai.”

*Yê-su Sacâm Tẽ Cũai Sốc
Bữn*

¹³ Bữn manoaq tẽ cũai
clúng ki pai chók Yê-su neq:
“Thâi ơi! Sẽq thâi ớn ai cứq
tampẽq mun mpoaq hếq yõn
cứq.”

¹⁴ Yê-su blóh cũai ki neq:
“Noau yõn cứq bữn chóc
dõq sữq anhia cóp tampẽq
mun anhia bar náq?”

¹⁵ Chơ án atõng máh cũai
mpẽr ki neq: “Anhia kĩaq
yõn samoât, ngcõh mút
pahõm anhia cõt ham dóc,
yuaq cũai thờ bữn tamoong cõ
nhơ bữn crong sa-ũi.”

¹⁶ Yê-su atõng alói toãq
parnai sacâm neq: “Bữn
cũai sốc, sarái án cõt
palâi sa-ũi lứq. ¹⁷ Cũai ki
chanchóm neq: ‘Thờ bữn
noâng ntõq cứq ẽ dõq máh
palâi tẽ sarái cứq. Nõq cứq
ẽ táq sanua?’ ¹⁸ Chơ án
chanchóm ẽn neq: ‘Cứq táq
neq: Cứq talõh dõng tiaq,
cóp táq loah dõng tamái
yõn toãr hõn ẽn. Chơ cứq
parõm dõq máh saro cóp
máh crong cứq tâng dõng
ki. ¹⁹ Chơ cứq chanchóm
neq hõ: Cứq bữn sa-ũi lứq.
Sa-ũi cumo cứq thờ bữn túh
cóq tutáq, ma cứq bữn dũ
cha. Cứq õt ien, tâc sâng,
nguaiq cha sâng.’ Ngkiq
cũai sốc ki chanchóm. ²⁰ Ma
Yiang Sursĩ pai chók cũai ki
neq: ‘Mới sacũl lứq. Sadâu
nâi toãp nheq anhúq mới.
Chơ máh sanóc mới pachúm
parõm cõt khong noau?’ ”

²¹ Chơ Yê-su pai neq:
“Machóng cũai ki tê Yiang
Sursĩ táq yõn cũai ham cóp
parõm sa-ũi crong, alói thờ
bữn sốc ntróu yáng moat
Yiang Sursĩ.”

*Yê-su Atõng Tẽ Ốc Clong
(Mathia 6:25-34)*

²² Chơ Yê-su atõng tốp
rien tẽ án neq: “Ngkiq cứq
atõng anhia neq: Anhia chõ

clơng tễ sana anhia ẽ cha
 tớ la tampac anhia ẽ tac.
²³ Hái bữn tamoong la toar
 hõn tễ hái bữn sana cha.
 Cóp hái bữn tồ chác la toar
 hõn tễ hái bữn tampac tac.
²⁴ Anhia nhềng chu chóm
 ca-ac. Chóm ki tớ bữn choat
 choi, tớ bữn sot, cóp tớ bữn
 đợq sana ntróu tâng đong.
 Ma Yiang Sursĩ lứq chừm
 siem chóm ki. Casõn an-
 hia, Yiang Sursĩ pasêq hõn
 tễ máh chóm. ²⁵ Tớ bữn
 cũai aléq ma tềq to anhúq
 án yõn cõt cuti hõn cõ tễ án
 clơng la-õq. ²⁶ Khân anhia
 ma tớ tềq táq muoi ranáq cõt
 ngkíq, nõq anhia clơng níc
 tễ ramúh canõh?

²⁷ “Anhia nhềng chu piar
 bát. Piar ki tớ bữn túh
 táq ranáq ntróu tễ tampac
 tac. Ma cứq atõng anhia
 samoat lứq neq: Puo Sa-
 lamôn ca sóc lứq, án tớ bữn
 sớp tampac nêuq ariang piar
 nái. ²⁸ Lứq Yiang Sursĩ toap
 yõn piar bát cõt nêuq. Ma
 piar tamoong mahõi sâng.
 Tangái nái án chách, tangái
 parnõ án rangôm. Lứq
 samoat, clũi tễ piar ki Yiang
 Sursĩ yõn anhia bữn tampac
 tac. Cõ nõq anhia sa-âm
 ma bĩq lứq? ²⁹ Anhia chõ
 clơng ntróu tễ cớng nguaiq
 cha. ³⁰ Máh ramúh nái
 cũai ca tớ bữn dáng Yiang
 Sursĩ đợq clơng. Ma Mpoaq
 anhia tâng paloõng khiq
 dáng chơ anhia cóq bữn
 máh ramúh ki. ³¹ Ma cóq
 anhia chuaq yõn Yiang Sursĩ
 cõt sõt tâng mút pahõm an-

hia. Khân ngkíq, án lứq yõn
 anhia bữn máh ramúh ki hõ.

³² “Anhia la yóu cứq ời!
 Anhia bĩq náq, ma chõ
 ngcõh ntróu, yuaq Mpoaq
 anhia tâng paloõng sâng bũ
 pahõm yõn anhia bữn chóc
 tâng ntốq án sõt. ³³ Cóq
 anhia chềq mun anhia; chơ
 chuai cũai cadĩt. Cóp cóq
 anhia ỉt cớng ngoaih ca tớ
 bữn tềq rúng; chơ đợq máh
 cớng ngoaih anhia tâng
 paloõng. Cớng tớ nai pút;
 savẽng tớ tềq mut tutuoiq,
 cóp lamooh la tớ tềq cha.
³⁴ Yuaq tâng ntốq aléq anhia
 đợq máh mun anhia, mút
 pahõm anhia õt chanchóm
 níc chu ntốq ki.”

*Yê-su Atõng Tễ Thữan
 Táq Ranáq*

³⁵ “Cóq anhia thữan
 nhũang cóp cóq anhia õt
 trõl níc. ³⁶ Anhia cóq táq
 machõng cũai táq ranáq
 đợq acoan ncháu alóí chu
 tễ cõl. Toaq ncháu chu,
 ncháu cucốq ngoah toong.
 Chơ alóí pớh toap yõn ncháu
 alóí. ³⁷ O lứq toaq ncháu
 chu cóp hữm máh cũai táq
 ranáq án õt coan níc cóp
 tớ bữn bếtq. Ngkíq, máh
 cũai táq ranáq ki sâng bũ
 tê, yuaq ncháu alóí khiq
 hữm alóí táq ngkíq. Cứq
 atõng anhia samoat lứq,
 ncháu ki thữan hâu loah
 alóí. Án yõn máh cũai táq
 ranáq án tacu, cóp án toap
 yõn alóí cớng sana cha.
³⁸ Pẽiq ncháu ki chu muoi
 mpút tớ la chu cláih lứq

cống bữn. Ma máh cũai táq ranáq án noâng sâng bũi óh lứq, yuaq alóí khoiáq thữan đợq chơ. ³⁹ Cóg anhia dáng neq tê la khân ncháu đống dáng bo léq cũai savẽng ẽ mut tutuoiq tâng đống án, lứq án trởl níc tở yõn cũai savẽng têq mut tutuoiq tâng đống án. ⁴⁰ Máh ki tê, cóq anhia thữan acoan níc, yuaq anhia tở dáng bo léq cứq la Con Yiang Cốt Cũai toâq loah. Cứq lứq toâq bo anhja tở bữn chanchóm ntróu tê cứq toâq.”

Noau La Sũl O Cóp Sũl Tở Bữn O?

(Mathia 24:45-51)

⁴¹ Chơ Phi-er blóh Yê-su neq: “Ncháu ơi! Ncháu atõng parnai sacâm nâi yõn ống hếq, tở la Ncháu atõng yõn dũ náq cũai hỡ?”

⁴² Yê-su ta-õi neq: “Khân bữn cũai sũl táq o cóp ran-goaiq, ncháu lứq chóh án yõn cõt sốt đợq nhêng máh cũai táq ranáq ncháu. Ntróu ncháu ón siem, án siem aki. ⁴³ Khân sũl ki táq p̄ieiq máh ranáq ncháu án ón, án sâng bũi lứq bo ncháu án chu. ⁴⁴ Cứq atõng anhia samoât lứq, nỡ-ra ncháu yõn sũl ki bán kĩaq nheq máh mun án. ⁴⁵ Ma khân sũl ki la cũai sâuq, lứq án chanchóm neq: ‘Noâng dũn, nỏq ncháu cứq chu.’ Ngkíq, án toân máh cũai táq ranáq ncháu án, dếh mansẽm dếh sami-ang, cóp án p̄ợq cha nguaiq bũl p̄lêc níc. ⁴⁶ Chơ ncháu ki chu, ma sũl ki tở bữn

dáng tangái ki, cóp án tở bữn chanchóm ntróu tẽ ọc ki. Ngkíq ncháu ki lứq tráh sũl ki, cóp án yõn sũl ki õt parnoi cóp máh cũai ca tở bữn trĩh án.

⁴⁷ “Sũl ca dáng máh ngê ncháu, ma án tở bữn thữan cóp tở bữn trĩh, ncháu lứq yõn noau toân án hập lứq. ⁴⁸ Ma sũl ca tở bữn dáng ntróu tẽ máh ngê ncháu án, cóp án táq ranáq lòi, ncháu ki yõn noau toân án bĩq sâng, yuaq án tở bữn dáng. Cũai aléq noau yõn sa-ũi, noau ngcuang bữn loah sa-ũi tê tẽ cũai ki. Cóp cũai aléq noau cõiq yõn sa-ũi, ki noau ón cũai ki culáh clũi tẽ ki ẽn.”

Yê-su Patâp Santoiq Canõh Ẽn
(Mathia 10:34-36; 16:2-3; 5:25-26)

⁴⁹ “Cứq toâq p̄ỡ nâi la samoât riang cứq dũng ùih đợq chõng cõc cutẽq nâi. Cứq yoc lứq ranáq ki vót dớh. ⁵⁰ Cứq cóq chũuq sa-ũi ramứh túh coat; cóp mút pahõm cứq túh arúc lứq toau toâq máh ranáq ki moâm! ⁵¹ Anhja chanchóm cứq toâq p̄ỡ cutẽq nâi yõn cũai õt ien khẽ tở? Tở cõn ngkíq! Cứq toâq p̄ỡ nâi, đợq táq yõn cũai cõt ratáh. ⁵² Tẽ tangái nâi toau toâq tangái ntun, khân bữn muoi đống ma bữn sỡng náq, alóí manoaq tở bữn pruam chóq manoaq. Pái náq tở bữn pruam cóp bar náq, cóp bar náq tở bữn pruam cóp pái

13

náq. ⁵³ Mpoaq tở bữn pruam cốp con samiang, cốp con samiang tở bữn pruam cốp mpoaq. Mpiq tở bữn pruam cốp con mansêm, cốp con mansêm tở bữn pruam cốp mpiq. Yacán tở bữn pruam cốp cumân, cốp cumân tở bữn pruam cốp yacán.”

⁵⁴ Yê-su atông máh cūai chững ki ẽn neq: “Toâq anhia hữm ramúl cữm toâq tẽ angia mandang pát, anhia đốq pai paloõng ẽ mia. Ki lứq mia. ⁵⁵ Cốp toâq anhia hữm cuyal phát tẽ angia cruang phũac, anhia đốq pai cruang anhia ẽ phũac tê. Ki lứq phũac. ⁵⁶ Anhia la cūai táq nan dáng sa-ũi ramủh! Anhia saccoal tếc tâng cutẽq cốp tâng paloõng, ma anhia tở bữn saccoal tếc Yiang Sursĩ yõn anhia dáng tẽ ngê án tâng dõi nâi.

⁵⁷ “Nốq anhia tở dáng rươh ốc aléq lứq p̄ieiq? ⁵⁸ Toâq anhia ralõih cốp cūai canõh, chơ cūai ki ẽ dững anhia p̄õq ramóh cūai sốt, cốp anhia pruam ratoi loah nhũang anhia tở yũah ramóh cūai sốt. Khân anhia tở bữn pruam ratoi cháih, cõh lơ cūai ki dững anhia toâq p̄õ cūai sốt yõn án rasũq anhia. Ngkĩq cūai sốt ki ẽ chiauh anhia yõn noau kháng anhia tâng cuaq tũ. ⁵⁹ Anhia tở tẽq loõh tẽ cuaq toau anhia culáh dũ nheq máh práq samoat cūai sốt ki pai.”

Phi-lat Cachĩt Máh Cūai Cali-lê

¹ Bo ki bữn cūai õt ngki atông Yê-su tẽ ranáq Phi-lat cachĩt máh cūai Cali-lê bo alói kiac charán sang Yiang Sursĩ. ² Yê-su ta-õi alói neq: “Anhia chanchóm máh cūai Cali-lê ca chiũq cuchĩt ki bữn lõih ntâng hõn tẽ máh cūai Cali-lê canõh tở? ³ Lứq tở cõn ngkĩq! Cứq atông anhia samoat lứq, khân anhia tở bữn ngin lõih lêq cõt mút tamái ẽn, anhia lứq cốp cuchĩt machóng alói ki tê. ⁴ Cốp ntróu anhia chanchóm tẽ muoi chít tacual náq cūai tâng Salũam, bo ngõl cuti ralĩh catết alói? Anhia chanchóm alói bữn lõih hõn tẽ máh cūai tâng vil Yarusalem tở? ⁵ Lứq tở cõn ngkĩq! Cứq atông anhia samoat lứq, khân anhia tở bữn ngin lõih lêq cõt mút tamái ẽn, anhia lứq cốp cuchĩt machóng alói ki tê.”

Yê-su Sacâm Tẽ Aluang Tở Bữn Cõt Palâi

⁶ Chơ Yê-su atông alói toâq parnai sacâm neq: “Bữn manoaq cūai bữn muoi nỡm tarúng dách tâng nưong án. Án p̄õq chuaq palâi tẽ nỡm ki, ma tở hữm bữn palâi. ⁷ Ngkĩq án ớn cūai kĩaq nưong ki neq: ‘Nâi! Khoiq pái cumo nâi chơ cứq toâq chuaq palâi tẽ nỡm nâi, ma cứq tở hữm án palâi ntróu. Chơ mới tamư táh chíq nỡm nâi. Án sắc cutẽq miat sâng.’ ⁸ Ma cūai kĩaq nưong

ki ta-õi neq: 'Ncháu ời! Sêq mới đợc nỡm nâi tamoong muoi cumo voai. Cúq ẽ pít prúng pẽ nỡm nâi, chơ cứq ẽ chóc phốn. ⁹ Toâq cumo ntun, khân án cõt palâi, ki hái bữn cha. Ma khân án tở bữn cõt palâi, hái tamư táh.' "

Yê-su Táq Bán Cũai Tacô Tânq Tangái Rlu

¹⁰ Bữn muoi Tangái Rlu, Yê-su atõng tâng đống sang.

¹¹ Ớt ngki bữn manoaq mansẽm cloong tacô khoiq muoi chít tacual cumo chơ, yuaq bữn muoi lám yiang sâuq táq yõn án tở têq tayúng tanoang. ¹² Toâq Yê-su hữm mansẽm ki, án arô neq: "Avia ời! Sanua, avia tở bữn a-ĩ ngkiq noâng!"

¹³ Moâm ki, Yê-su satoaq atĩ tâng tở mansẽm ki. Bo ki toâp cloong án cõt tanoang loah, cốp án khễn Yiang Sursĩ.

¹⁴ Ma cũai ndõm đống sang ki sâng ùan lứq Yê-su táq yõn bán cũai a-ĩ tâng Tangái Rlu. Ngkiq án pai chóc máh cũai ớt ngki neq: "Bữn tapoât tangái đợc hái táq ranáq. Máh tangái ki anhia têq toâq pỡ nâi yõn noau táq bán. Anhia chõi toâq sêq noau táq bán anhia tâng Tangái Rlu!"

¹⁵ Ma Yê-su atõng cũai ndõm đống sang ki neq: "Anhia la cũai táq nan sâng! Nheq tữh anhia, khân bữn ntroỏq tở la asêh ớt tâng cuaq, anhia lứq pớh yõn

án loỏh nguaiq đợc tê tâng Tangái Rlu. ¹⁶ Mansẽm nâi la tễ tống toiq A-praham machóng anhia tê, ma yiang Satan khoiq chóc án nheq muoi chít tacual cumo chơ. Nỏq tở bữn o acláh án tâng Tangái Rlu?"

¹⁷ Bo Yê-su pai ngkiq, máh cũai ca ùan án, alới sâng casiet táq lứq. Ma máh cũai proai ki sâng bũi pahõm tễ máh ranáq o Yê-su táq.

Yê-su Sacâm Tễ Ớc Bát Cốt Cốt
(*Mathia 13:31-32; Mac 4:30-32*)

¹⁸ Yê-su atõng ễn neq. "Yiang Sursĩ táq sớt la samoât ntróu? Cốp ramứh ntróu têq cứq sacâm tễ sớt ki? ¹⁹ Sớt ki la samoât riang muoi ốc cuplốq lavúng. Bữn manoaq samiang ỉt ốc cuplốq ki pớq trứh tâng sarái án. Chơ ốc ki dát cốp toâr achõn cõt samoât nỡm aluang. Têq chóm táq sóh tâng abẽng án."

Yê-su Sacâm Tễ Cờng Táq Yõn Bẽng Mi Cốt Pluoih
(*Mathia 13:33*)

²⁰ Cốp Yê-su sacâm ễn neq: "Yiang Sursĩ táq sớt la samoât riang ntróu? ²¹ Sớt ki la samoât cờng táq yõn bẽng mi cốt pluoih. Bữn mansẽm ỉt manhũt cờng ki, chơ talốc cốp bốt mi tâng adêh pống. Chơ bốt mi ki cốt pluoih nheq."

Ngoah Toong Hễp
(*Mathia 7:13-14, 21-23*)

²² Bo Yê-su pởq tâng rana ẽ pởq chu vil Yaru-salem, án veh tâng vil cõt vil toâr cốp atỡng cũai tâng máh vil ki. ²³ Bữn manoaq blớh án neq: “Ncháu ơi! Yiang Sursĩ chuai amoong cũai ống bĩq náq sâng tở?”

Yê-su atỡng nheq tữh cũai ki neq: ²⁴ “Cóq anhia cutống mut tâng ngoah toong hẽp. Cứq atỡng anhia samoât lứq, bữn cứng cũai yoc ẽ mut tâng ngoah toong hẽp ki, ma alóí tở dáng bữn mut.

²⁵ “Toâq ncháu đống yuor catáih chíq ngoah toong, nheq tữh anhia ốt tayứng yáng tiah cucốq toong cốp arô neq: ‘Ncháu ơi! Sẽq Ncháu pớh toong yỗn hẽq mut!’ Ma Ncháu ki ta-õĩ anhia neq: ‘Cứq tở dáng tẽ léq anhia toâq!’ ²⁶ Chơ anhia atỡng loah neq: ‘Hẽq khoiạ nguaiạ cha parnời cốp Ncháu, cốp Ncháu khoiạ atỡng tâng vil hẽq!’ ²⁷ Ma Ncháu ki ta-õĩ loah neq: ‘Cứq tở dáng tẽ léq anhia toâq. Anhia pang yớng tẽ cứq, yuaq anhia la moang cũai loài!’ ²⁸ Toâq nờ-ra anhia lứq nhiam cốp carừt canễng tabang cỗ sâng túh arúc lứq, bo anhia hữm A-praham, I-sac, Yacốp, cốp máh cũai tang bỗq Yiang Sursĩ ốt tâng ntốq Yiang Sursĩ sốt, ma anhia ốt yáng tiah tở tềq mut. ²⁹ Bữn máh cũai toâq tẽ angia mandang loõh, angia mandang pát, angia pỡng cốp angia pừn.

Alóí ki bữn tacu cha tâng ntốq Yiang Sursĩ sốt tâng paloõng. ³⁰ Lứq samoât alóí cacót sanua, chumát alóí cõt toâr ẽn. Cốp alóí ca toâr sanua, chumát alóí cõt cacót ẽn.”

Yê-su Ayooq Lứq Cũai Ớt Tâng Vil Yaru-salem (Mathia 23:37-39)

³¹ Bo ki bữn máh cũai tẽ tộp Pha-rasi toâq pở Yê-su cốp atỡng án neq: “Cóq thâi loõh tẽ ntốq nâi, pởq chu ntốq canõh ẽn, yuaq puo Hê-rôt ẽ cachĩt chíq thâi.”

³² Ma Yê-su ta-õĩ alóí neq: “Anhia pởq chu Hê-rôt, án ca yoc lứq đốq rathũ, cốp atỡng án neq: ‘Noâng bĩq tangái sâng cứq tuih aloõh yiang sâuq cốp táq bán máh ramứh cũai a-ĩ. Chơ toâq moâm nheq máh ranáq cứq, ki cứq lứq cuchĩt.’ ³³ Ma sanua cốp parnờ pra, cóq cứq puai ngê Yiang Sursĩ, chơ chõn chu vil Yaru-salem, yuaq cũai tang bỗq Yiang Sursĩ tở tềq cuchĩt yáng tiah vil Yaru-salem.

³⁴ “Ở vil Yaru-salem, anhia ca ốt tâng vil Yaru-salem ơi! Anhia la cũai đốq cachĩt cũai tang bỗq Yiang Sursĩ, cốp tám tamáu chốq máh cũai Yiang Sursĩ ớn toâq pở anhia. Bữn sạ-ũĩ trở chơ cứq yoc ẽ parôm pachừm nheq tữh anhia, samoât ri-ang ntruoi atu cutrốc arô con án yỗn ốt nhựp khlap. Ma anhia tở ẽq! ³⁵ Sanua cứq tở bữn cláh cớ noâng đống sũ anhia. Cứq atỡng

anhia neq: Nỡ-ra anhia tở
bữn hữm noâng cứq, toau
toâq tangái anhia pai neq:
'Bốn lứq án ca toâq nhơ
ramứh Ncháu hái.' "☆

14

*Yê-su Táq Bán Manoaq
Cũai A-ĩ Tâng Tangái Rlu*

¹ Bữn muoi Tangái Rlu, Yê-
su pởq cha muoi pêl tâng
dống manoaq cũai sớt tâng
tổp Pha-rasi. Mách cũai ốt
ngki nhêng níc chu Yê-su.
² Bữn manoaq samiàng a-ĩ u-
áih toâq pở Yê-su. ³ Yê-su
blóh máh cũai atởng phếp
rit cớp máh cũai Pha-rasi
neq: "Puai rit hái, têq hái
táq bán cũai a-ĩ tâng Tangái
Rlu tở?"

⁴ Ma alóit ốt ravul sâng,
tở bữn ta-ỡi ntróu. Ngkíq
Yê-su tếc cũai a-ĩ ki, cớp án
táq bán. Chơ Yê-su ớn án
chu. ⁵ Moâm ki Yê-su atởng
neq: "Khân bữn manoaq tể
anhia ma bữn con samiàng
tở la ntróq ma sapúl tâng
dỡq parníq tâng Tangái Rlu,
anhia lứq ác achôn bo ki
toáp, p̄ieiq tở?"

⁶ Ma alóit tở bữn ta-ỡi Yê-su
ntróu tể ốc ki.

Phếp Cớp Khữn

⁷ Yê-su hữm bữn máh
cũai tamoi rườh nốq tacu
coah pởng. Ngkíq án atởng
alóit toâq parnai sacâm neq:
⁸ "Toâq noau mơi anhia pởq
côl, anhia chõit chuaq nốq
tacu coah pởng. Cõh lơ bữn
manoaq toâr hỡn tể anhia
toâq tể. ⁹ Ngkíq cũai ca

mơi anhia toâq cớp pai neq:
'Anhia priàng nốq yỗn cũai
nâi tacu.' Ốc ki táq yỗn
anhia sâng casiet, cớp anhia
cớq pởq tacu coah pởn ễn.
¹⁰ Ma khân noau mơi anhia,
o lứq la anhia ốt coah pởn.
Chơ án ca mơi anhia toâq
cớp atởng anhia neq: 'Ai ỡi!
Sểq ai chõn tacu coah pởng.'
Ngkíq án ca mơi anhia yám
noap anhia yáng moat máh
tamoi. ¹¹ Yuaq cũai aléq ma
achôn tở bữm, nỡ-ra cũai ki
lứq cõt cacót. Ma cũai aléq
asểng tở bữm, nỡ-ra cũai ki
lứq cõt toâr."

¹² Moâm ki Yê-su atởng
cũai ca mơi án neq: "Bo
lẻq mới ể táq muoi pêl cha
bũi, tâng tarựp tở la tabữ,
mới chõit mơi yóu, tở la sểm
ai, tở la cũai sốc tâng vil
mới toâq. Cõh lơ alóit ể mơi
loah mới tể, chơ culáh dỡq
tể mới khoiq mơi alóit. ¹³ Ma
toâq mới táq muoi pêl cha
bũi, cớq mới mơi máh cũai
cadit, máh cũai ralih, máh
cũai yỗt, cớp máh cũai sũt
moat. ¹⁴ Chơ mới bữn ốc bốn
sa-ũi, yuaq cũai ki óq ntróu
ể culáh yỗn mới. Lứq Yiang
Sursĩ toáp culáh cớng mới
tang alóit tâng tangái cũai
tanoang o tamoong loah tể
cuchit."

*Yê-su Sacâm Tể Muoi Pêl
Bũi*

(Mathia 22:1-10)

¹⁵ Bữn manoaq tacu cha
nốq ki sâng Yê-su atởng

ngkíq, chơ án pai chóq Yê-su neq: “Bổn lứq alóí ca cha sana tâng ntốq Yiang Sursĩ sốt!”

16 Ma Yê-su atōng án neq: “Bữn manoaq samiang táq muoi pêl bũi, cốp án mới cứng cũai toâq cha. 17 Toâq ngư cha, án ớn ranẽng án pỡq coâiq máh cũai khoiq án mới neq: ‘Anhia toâq cha! Khoiq moâm chơ hếq tẽng sana!’ 18 Ma máh cũai án khoiq mới, ari-ang pai alóí bữn muoi mút tở ẽq pỡq. Bữn manoaq tẽ tốp alóí pai neq: ‘Cứq khoiq chỡng muoi tâm cutẽq đốq táq sarái. Cứq sếq lờih, cứq cóq pỡq nhềng salíq!’ 19 Bữn manoaq ễn pai neq: ‘Cứq khoiq chỡng sỡng cáp ntrođq. Cứq sếq lờih, cứq cóq pỡq nhềng chim ntrođq.’ 20 Cốp bữn manoaq ễn pai neq: ‘Cứq mbỡiq ít lacuoi. Ngkíq cứq tở têq pỡq.’ 21 Chơ ranẽng ki chu atōng loah ncháu án máh santoiq alóí pai. Ncháu ki sâng ũan lứq, chơ án ớn ranẽng án neq: ‘Mới pỡq chái chu máh rana đũ ravéh tâng vil, cốp pỡq coâiq máh cũai cadit, máh cũai yốt, cốp máh cũai sũt moat, yỗn alóí pỡq pỡ nâi.’ 22 Chơ ranẽng ki chu, cốp án pai neq: ‘Ncháu ơ! Cứq khoiq táq samoât ncháu ớn, ma tâng đống ncháu noâng la-a.’ 23 Chơ ncháu ki ớn ranẽng án neq: ‘Mới loỏh tẽ vil, pỡq chu rana put cốp

đũ ravéh cớt hỡ. Khận mới ramóh cũai aléq, yỗn mới cucốh cucũoi mới cũai ki toâq, đốq táq yỗn tadát đống cứq. 24 Ma máh cũai cứq khoiq mới tẽ nhũang, ki tở va manoaq têq toâq cha bũi tâng đống cứq.’ ”

Yoc Ễ Puai Yê-su, Cóq Táq Nổq?

(*Mathia 10:37-38; 5:13; Mac 9:50*)

25 Bữn cứng cũai pỡq parnơi cốp Yê-su. Chơ án pih nhềng chu alóí cốp atōng alóí neq: 26 “Khận cũai aléq yoc ễ puai ngê cứq, ma cũai ki ayooq mpiq mpoaq án, tở la con lacuoi án, tở la sểm ai sểm ỡi án, tở la án ayooq rangũh án bữm hỡn tẽ án ayooq cứq, cũai ki tở têq puai ngê cứq. 27 Cũai aléq ma tở bữn ít đốỉ bữm aluang sangcáng án bữm, cốp tở bữn puai cứq lứq samoât, cũai ki tở têq cớt cũai rien tẽ cứq. 28 Khận bữn manoaq tẽ anhia ma yoc ễ táq muoi lám đống toâr, dâu lứq cóq án tẽng máh aluang aloai crái samũ voai. 29 Khận án tở bữn táq ngkíq, cớh lơ toâq án patứng đống, ma tở bữn khâm máh crớng ễ táq moâm, chơ đũ náq cũai hữm đống ki tở bữn moâm, cốp alóí cacháng ayê án. 30 Alóí pai neq: ‘Cũai nâi khoiq táq đống, ma tở cớt moâm noâng!’ 31 Cốp khận bữn puo ca bữn muoi vian tahan, ma án ễ pỡq chíl puo ca bữn bar vian

tahan, dâu lứq puo ki cóq chanchóm nốq án ẽ táq yỗn têq riap. ³² Khân án dáng tở riap, bo puo canỏh noâng ớt yong, án cóq ớn máh ranềng án pỏq sểq tể puo ki chỏi chíl noâng, ma yỗn ớt ratoi. ³³ Machóng ki tề, khân bữn cũai tể anhia ma tở bữn táh đũ ramứh án bữn, án tở tềq cớt cũai rien tể cứq.

³⁴ “Boi la lứq crong o. Ma khân boi cớt ntiah, nốq ẽ táq yỗn cớt báq loah? ³⁵ Tở tềq táq ntrứu noâng boi ki. Háicóq voang chu cutểq. Aléq bữn cutữr yoc ẽ tamứng, ki tamứng!”

15

Charán Cữu Pút Ma Ramóh Loah
(*Mathia 18:12-14*)

¹ Bữn máh cũai parỏm práq thểq cóp cũai lỏih canỏh hữ toảq yoc ẽ tamứng Yê-su. ² Máh cũai Pha-rasi cóp máh cũai yong rit, alỏitểq Yê-su neq: “Củai nâi ớt parnỏi cóp cũai lỏih, cóp án chỉ-cha cóp alỏih hữ.”

³ Chơ Yê-su atởng alỏih toảq parnai sacâm neq: ⁴ “Khân bữn manoaq tể anhia bữn muoi culám lám cữu ma pút chíq muoi lám, lứq án đốq takêh chít takêh lám tâng lểng. Chơ án pỏq chuaq toảp muoi lám cữu ki yỗn toau án ramóh loah. Lứq tở? ⁵ Toảq án ramóh loah cữu ki, án sâng bữi lứq. ⁶ Chơ án ỉt apỏng cữu ki tâng apal, cóp đứng achu pở

đống. Vớt ki án arỏ yỏu cóp atởng alỏih neq: ‘Sanua cứq sâng bữi lứq! Cứq ramóh loah cữu khoi q pút.’ ⁷ Cứq atởng anhia neq: Machóng cóp parnai sacâm nâi, Yiang Sursĩ sâng bữi lứq khân bữn manoaq cũai lỏih ma ngin lỏih lêq cớt mút tamái ễn. Yiang Sursĩ sâng bữi tể manoaq ki clữi tể án sâng bữi tể takêh chít takêh náq ca chanchóm alỏih tanoang o cóp tở bữn cóq ngin lỏih lêq cớt mút tamái ễn.”

Yê-su Atởng Tể Ớc Práq Pút Ma Ramóh Loah

⁸ “Tở la khân bữn manoaq mansểm bữn muoi chít ớt práq, ma pút chíq muoi ớt, ntrứu án táq? Án lứq tacât chóp tóu, pễh đống, cóp nhềng chuaq nheq tâng máh soq đống toảq án ramóh loah ớt práq ki. ⁹ Toảq ramóh chơ, ngkỉq án arỏ yỏu cóp atởng alỏih neq: ‘Sanua cứq bữi lứq, yuaq cứq ramóh loah práq khoi q pút.’ ¹⁰ Cứq atởng anhia neq: Machóng parnai sacâm nâi, máh ranềng Yiang Sursĩ tâng paloỏng sâng bữi lứq bữn manoaq cũai lỏih ma ngin lỏih lêq cớt mút tamái ễn.”

Con Samiang Pút Ma Ramóh Loah

¹¹ Yê-su atởng ễn neq: “Bữn cũai mpoaq ca bữn bar lám con samiang. ¹² Con ralỏh sểq tể mpoaq án neq: ‘Mpoaq ời! Cứq sểq mới tampểq máh mun mới yỗn

hếq. Cúq yoc ẽ bữn pún cúq sanua.' Ngkíq mpoaq alóí tampẽq mun án yõn bar náq con án. ¹³ Mỗ tỡ bữn dũn, con ralõh ki ít crõng crõu án, chơ án pỡq. Án loõh tẽ cruang án, pỡq cuang pỡ cruang yõng. Ớt ngki án phõng talõh nheq. ¹⁴ Tũ án tác cha threc nheq práq án, tâng cruang ki p̄ieiq panhieih lứq. Chơ án mbõiq ỏq lứq tê. ¹⁵ Án sễq tuthẽ cớp manoaq cũai tâng cruang ki, chơ cũai ki ớn án loõh pỡq chu lẽng cớp bán alic. ¹⁶ Án sâng panhieih lứq. Án yoc ẽ cha sana alic, ma tỡ bữn noau yõn án cha. ¹⁷ Ngkíq án sarõh sarnóm, chanchóm loah neq: 'Ớ pỡ dõng mpoaq cúq bữn clúng cũai tuthẽ. Alóí cha dõi loõh clũi, parẽh par-õh. Ma cúq cheq ẽ cuchĩt khlac. ¹⁸ Cúq cớq pih chu loah pỡ mpoaq cúq, cớp atõng án neq: "Mpoaq ơi! Cúq táq lỏih chỏq Yiang Sursĩ cớp chỏq mới hỡ. ¹⁹ Cúq la cũai tỡ o. Sễq mpoaq chõi dõq nõng cúq la con. Ma cúq sễq mới yõn cúq cõt cũai tuthẽ machóng noau tê." ' ²⁰ Bo ki toáp án yuor tayũng cớp pih chu pỡ mpoaq án.

"Con ralõh ki nõng ớt tẽ yõng, mpoaq án hũm poah rapoang. Mpoaq án sâng sarũiq táq, chơ án palõng chu con. Án kĩa cớp hũn hĩt con án. ²¹ Con ki pai chỏq mpoaq án neq: 'Mpoaq

ơi! Cúq khoiq táq lỏih chỏq Yiang Sursĩ cớp chỏq mới hỡ. Cúq la cũai tỡ o. Sễq mpoaq chõi dõq nõng cúq la con.' ²² Ma mpoaq án atõng cũai sũl neq: 'Áu anhia táq chá! Dũng au o clũi nheq tẽ canõh asóp án. Chỏq sambết tâng atĩ án, cớp asóp cớp tâng ayũng án. ²³ Anhia kiac con ntrõq nín lứq hỡ. Hái cha. Hái bũi ớn, ²⁴ yuaq con cúq nài ariang án khoiq cuchĩt, ma sanua samoat riang án tamoong loah. Tẽ nhũang án khoiq pứt. Ma sanua cúq tamóh loah!' Ngkíq alóí cha bũi óh lứq.

²⁵ "Bo ki ai clúng nõng táq sarái. Tũ án chu cheq ẽ toaq dõng, án sâng srong noau ũat, noau puan sarái. ²⁶ Án arô manoaq cũai tuthẽ; cớp blõh neq: 'Ntrõu noau táq?' ²⁷ Cũai tuthẽ ta-õi neq: 'A-ẽm mới chu. Mpoaq mới khoiq kiac con ntrõq nín, yuaq con án chu bán sũan.' ²⁸ Ai clúng ki sâng cutâu lứq tâng mút án. Án tỡ ẽq mut nõng dõng. Chơ mpoaq án loõh aliam. ²⁹ Án pai chỏq mpoaq án neq: 'Tỡ dáng sễq cumo nài chơ cúq táq samoat sũl yõn mới. Ntrõu mới ớn cúq táq, cúq táq aki. Ma mới tỡ nai yõn cúq muoi lám con mbẽq dõq cúq cha bũi cớp yóu. ³⁰ Ma sanua con ralõh mới chu, cớp án khoiq phõng talõh nheq máh mun mới yõn máh

mansêm chếc tổ. Ma nôâng mới kiac con ntróq nín yỗn án.’³¹ Mpoaq án ta-ôi neq: ‘Con ơi! Mới, ki ốt níc cốp cứq. Nheq tữh cớng cứq la cõt khong mới.’³² Ma hái cóq táq bũi o, yuaq a-ễn mới samoât riang án khoiq cuchĩt, ma sanua riang án tamoong loah. Samoât riang án khoiq pút, ma sanua hái tamóh loah.’ ”

16

Yê-su Sacâm Tễ Cũai Táq Ranáq Ca Thũ Ncháu Án

¹ Yê-su atõng tốp rien tễ án neq: “Bữn manoaq cũai sốc, án bữn manoaq ayững atĩ đõq nhêng salĩq mun án. Ma noau cauq pai cũai ki talõh máh mun ncháu án.² Ngkĩq ncháu ki arô cũai ki, cốp blóh án neq: ‘Ntróu cứq sâng noau pai mới táq tỡ pĩeiq chóc cứq? Mới atõng yỗn cứq dáng máh léq mới chếc chõng, cốp máh léq mới yỗn noau voaq. Mới tỡ têq cõt nôâng cũai nhêng salĩq máh mun cứq.’³ Ngkĩq, cũai ki chanchóm neq: ‘Ncháu cứq cheq ễ táh cứq. Án tỡ yỗn cứq nhêng salĩq nôâng mun án. Nõq cứq ễ táq sanua? Cứq ốq bán rêng đõq táq sarái. Khân pốq susẽq, ki cứq casiet táq noau.’⁴ Sanua cứq dáng chơ ntróu cứq ễ táq. Chơ toâq tangái cứq tỡ bữn cõt nôâng cũai nhêng mun án, tangái ki cứq nôâng bữn yóu ca roap cứq, cốp yỗn cứq

õt tâng đõng alói.’⁵ Ngkĩq án arô máh cũai tu ncháu án, cốp án blóh cũai ca toâq nhũang neq: ‘Maléq mới tu ncháu cứq?’⁶ Cũai ki ta-ôi: ‘Cứq tu muoi culám thõng đõq tóu palâi o-li-vê.’ Ranễng ki pai neq: ‘Chơ! Cứq yỗn mới culáh sõng chít thõng sâng.’⁷ Chơ án blóh cũai canõh ễn neq: ‘Ma mới, maléq mới tu?’ Cũai ki ta-ôi: ‘Cứq tu muoi culám sanic saro.’ Ranễng ki pai neq: ‘Cứq yỗn mới culáh tacual chít sanic sâng.’⁸ Vót ki, ncháu ki khễn cũai nhêng salĩq ca sâuq ki, yuaq án táq rangoaiq. Lữq samoât, cũai tỡ bữn puai ngê Yiang Sursĩ, alói táq chóc yóu alói rangoaiq hõn tễ cũai ca puai ngê Yiang Sursĩ đõq táq chóc yóu alói.

⁹ “Cứq atõng anhia ễn neq: khân anhia bữn sa-ũi cớng sanốc, cóq anhia yỗn cũai canõh hỡ; ngkĩq máh cớng ki táq yỗn anhia bữn sa-ũi yóu. Chơ toâq tangái sanốc anhia pút nheq, tangái ki Yiang Sursĩ ễ yỗn anhia ốt tâng ntốq têq tamoong mantái níc.¹⁰ Khân anhia táq o tâng ranáq cacót, anhia lữq táq o tâng ranáq toâr tê. Cốp khân anhia ma táq tỡ o tâng ranáq cacót, anhia lữq táq tỡ o tâng ranáq toâr tê.¹¹ Ngkĩq, khân anhia tỡ bữn táq o cốp sanốc ntrũn anhia tâng đõi nâi, nõq têq Yiang Sursĩ yỗn anhia bữn mun ca tỡ nai pút tâng

paloõng? ¹² Cóp khân anhia tở bữn táq o cóp crơng noau coiq dờ cóp anhia, ki tở bữn noau ẽ chiau crơng yõn cõt khong anhia.

¹³ “Tở bữn noau têq cõt sũl yõn bar náq ncháu. P̄ieiq án kêt ncháu nâi, ma ayooq ncháu ki; tở la án yám ncháu nâi, ma mumat ncháu ki. Machóng ki tê, anhia tở têq puai ngê Yiang Sursĩ p̄riap cóp ngê ham sanóc tâng dõn nâi.”

Yê-su Patâp Ẽn

(*Mathia 11:12-13; 5:31-32; Mac 10:11-12*)

¹⁴ Mách cũai Pha-rasi ca sâng Yê-su atõng ngkíq, alóí ayê Yê-su, yuaq alóí pasêq máh crơng sanóc tâng dõn nâi. ¹⁵ Yê-su pai chóq alóí neq: “Anhia táq ranáq ẽq noau pai anhia la cũai tanoang o, ma Yiang Sursĩ dáng mút pahõm anhia. Ramúh ntróu cũai đõq chanchóm o lứq, máh ramúh ki tở bữn o ntróu yáng moat Yiang Sursĩ.

¹⁶ “Yiang Sursĩ atõng cũai na phếp rit Mõi-se, cóp na máh santoiq cũai tang bõq án atõng, toau toâq dõn Yang đõq táq batẽm. Tẽ tangái Yang toâq, bữn noau atõng parnai o tẽ Yiang Sursĩ táq sớt. Cóp dũ náq cũai yoc lứq mut tâng tốp Yiang Sursĩ sớt, ma alóí chanchóm alóí têq mut cõ nhơ tẽ rêng alóí bữm. ¹⁷ Paloõng cóp cutẽq cõt pút la khẽ hõn tẽ muoi

óc tẽ phếp rit Yiang Sursĩ cõt pút.

¹⁸ “Cũai alêq ma táh lacuoi án cóp ỉt lacuoi canõh ẽn, ranáq ki la samoât riang án cooc lacuoi noau. Cóp khân cũai alêq ma ỉt lacuoi noau táh, ranáq ki la samoât riang án cooc lacuoi noau tẽ.”

Yê-su Atõng Tẽ Cũai Sốc Bữn Cóp La-sarơ

¹⁹ “Bữn manoaq cũai sóc; án sóp au nêuq lứq, cóp cu rangái án tâc cha thương la-đq. ²⁰ Cóp bữn manoaq cũai cadĩt, ramúh La-sarơ. Noau đũng đõq án õt yáng tiah cheq ngoah toong đõng cũai sóc ki. Tở án moang mpĩh. ²¹ Án ngcuang bữn cha ngcáh mbéh tẽ cũai sóc ki. Cóp bữn acho toâq yẽl mpĩh án. ²² Vót ki, án cuchĩt, cóp ranẽng Yiang Sursĩ đũng án õt parnoi cóp A-praham. Ntun ki cũai sóc ki cuchĩt tẽ, cóp noau đũng túp án. ²³ Chơ cũai sóc ki õt tâng põng sarloac túh coat lứq. Án tapoang achõn, cóp án hữm A-praham õt yơng lứq tẽ án. Án hữm La-sarơ õt parnoi cóp A-praham. ²⁴ Ngkíq án arô casang lứq neq: ‘O A-praham, la achúc achiac cứq ơi! Sẽq anhia ayooq táq cứq nứng. Sẽq anhia ớn La-sarơ toâq p̄ cứq, cóp yõn án alốq atĩ án tâng đõq, chơ ayõq tâng lieih cứq, yuaq cứq sâng túh coat lứq tâng ũih nâi!’ ²⁵ Ma A-praham ta-õĩ án neq: ‘Con ơi! Mõi sanhữ loah tẽ bo mới

noàng tamoong, mới khoiq
thương la-ởq, ma La-sarơ
cadit cốp túh coat lứq. Ma
sanua tăng ntốq nâi án bữn
õt ien khể, ma mới õt ntốq
ki bữn túh coat lứq. ²⁶ Cốp
muoi ọc ễn, bữn sanor yarũ
cốp la-a lứq mpúng dĩ hái.
Cũai aléq ma yoc ẽ yang tẽ
ntốq hếq pởq chu mới, la
tở tềq. Cốp cũai aléq ma
yoc ẽ yang tẽ ntốq mới pởq
chu hếq, la trở tềq.’ ²⁷ Chơ
cũai sốc ki pai ễn neq: ‘Khân
ngkiq, cứq sểq anhia ớn La-
sarơ pởq chu đống mpoaq
cứq. ²⁸ Yuaq cứq noàng
bữn sỡng náq sểm ai õt
ngki. Yỗn La-sarơ catoaih
atõng alóit, đợq alóit trở bữn
mut tăng ntốq túh coat lứq
nâi.’ ²⁹ Ma A-praham pai
neq: ‘Sểm ai mới khoiq bữn
chơ parnai Mũi-se atõng cốp
parnai cũai tang bởq Yiang
Sursĩ tẽ mbỏq atõng. Yỗn
sểm ai mới tamúng cốp trĩh
santoiq alóit ki.’ ³⁰ Cũai sốc
ki pai ễn neq: ‘O A-praham,
la achúc achiac cứq ơ! Alóit
trở tamúng santoiq máh cũai
ki. Ma khân bữn cũai cuchĩt
ma tamoong loah pởq atõng
alóit, lứq alóit ngin lỏih lếq
cốt mút tamái ễn.’ ³¹ Ma A-
praham atõng loah án neq:
‘Khân sểm ai mới ma trở bữn
tamúng santoiq Mũi-se cốp
máh cũai tang bởq Yiang
Sursĩ khoiq atõng, lứq alóit
trở bữn noap tề cũai cuchĩt
ma tamoong loah.’ ”

17

*Yê-su Atõng Tẽ Táh Lỏih
(Mathia 18:6-7, 21-22;
Mac 9:42)*

¹ Yê-su atõng tốp rien tẽ án
neq: “Lứq trở bữn ởq ramứh
ca ẽ radững cũai táq lỏih,
ma bap lứq toàq pở cũai ca
radững ki. ² Khân cũai aléq
radững muoi noaq carnễn
máh nâi yỗn trở bữn sa-âm
cứq noàng, khaq noau alễu
tamáu toàr lứq tăng tacong
án cốp apởng án tăng đợq
mut tẽ nhũang án ẽ radững
carnễn ki. ³ Anhia nhềng
o mút pahồm anhia bữm!
Khân yỗu anhia ma táq lỏih
chóq anhia, cốp anhia sỡq
án. Cốp khân án ngin lỏih,
cốp anhia táh lỏih cũai ki.
⁴ Khân yỗu anhia táq lỏih
chóq anhia tapul trở tăng
muoi tangái, ma khân án
toàq ngin kho anhia tăng
tapul trở ki, pai neq: ‘Sểq
mới táh lỏih cứq,’ ngkiq cốp
anhia táh lỏih án.”

Yê-su Atõng Tẽ Ởc Sa-âm

⁵ Tốp ayũng atĩ Yê-su pai
neq: “Sểq Ncháu táq yỗn
hếq sa-âm sa-ữi lứq ễn.”

⁶ Yê-su atõng alóit neq:
“Khân ởc sa-âm anhia cacốt
máh muoi ọc cuplốq lavững
sâng, ki tềq anhia ớn nỡm
aluang nâi neq: ‘Aluang ơ,
mới rỏq chíq nỡm mới bữm,
chơ mới chớh loah tăng đợq
mut ễn,’ chơ nỡm aluang ki
lứq trĩh anhia.”

*Yê-su Atõng Tẽ Cũai Táq
Ranáq*

⁷ “Khân manoaq tẽ tốp an-
hia bữn sũl tal sarái trở la

bán charán cừu yỗn án, toâq sũl ki chu tabũ, ncháu ki tở bũn pai chóq án neq: 'Âu mới mut cha voai.'⁸ Ma án đốq pai neq: 'Âu mới aloõh công sana yỗn cứq cha. Cóp mới saráu tampác, chơ mới õt hâu cứq yỗn toau toâq moâm cứq cha. Vót ki, nõq têq mới cha.'⁹ Cóp ncháu ki tở bũn sa-õn sũl ki cõ tễ sũl ki trĩh san-toiq án ón.¹⁰ Ma anhia la machóng sũl ki tê. Toâq anhia táq moâm nheq máh ranáq Yiang Sursĩ ón anhia táq, cóq anhia pai neq: 'Hếq la sũl Yiang Sursĩ. Hếq tở bũn nguang Yiang Sursĩ khễn hếq, cõ hếq táq óng ranáq Yiang Sursĩ ón hếq táq sâng.' "

Yê-su Táq Bán Muoi Chít Náq Cũai A-ĩ Tut

¹¹ Bo Yê-su pởq chu vil Yaru-saleh, án pởq pha raloan cruang Sa-mari cóp Cali-lê.¹² Cheq án ẽ mut vil, án ramóh muoi chít náq cũai a-ĩ tut. Alóí õt yong tễ án.¹³ Alóí arô casang lứq neq: "Ncháu Yê-su oi! Sarũiq táq hếq nứng!"

¹⁴ Toâq Yê-su hữm alóí, chơ án pai: "Anhia pởq apáh tở anhia yỗn cũai tễng rit sang Yiang Sursĩ hữm."

Bo alóí pởq, alóí cõt bán a-ĩ tut.¹⁵ Manoaq tễ tốp muoi chít náq ki, toâq án hữm khiq bán chơ, ngkíq án pĩh loah pở Yê-su, cóp sa-õn Yiang Sursĩ casang lứq.¹⁶ Án cucõh u-ap yáng

moat Yê-su cóp sa-õn Yê-su. Án la cũai Sa-mari.¹⁷ Yê-su pai neq: "Bũn muoi chít náq khiq cõt bán, pĩeq tở? Ma pở léq alóí takêh náq?"¹⁸ Óng manoaq nâi toâp toâq sa-õn Yiang Sursĩ. Cóp án la cũai tễ cruang canõh."

¹⁹ Chơ Yê-su atõng án neq: "Mới yuor tayúng. Cõ mới sa-âm, mới cõt bán."

Yê-su Atõng Tễ Yiang Sursĩ Táq Sốt

(*Mathia 24:23-28, 37-41*)

²⁰ Bũn cũai tễ tốp Pharsi blóh Yê-su noâng maléq dũn nõq Yiang Sursĩ táq sốt. Yê-su ta-õi alóí neq: "Yiang Sursĩ táq sốt la án tở bũn apáh tếc yỗn cũai hữm samoât samoi.²¹ Tở bũn noau têq pai neq: 'Nâi! Yiang Sursĩ táq sốt la tâng ntốq nâi, tở la ntốq ki!' Noau tở têq pai ngkíq, yuaq Yiang Sursĩ táq sốt la tâng mút pahõm anhia."

²² Chơ Yê-su atõng tốp rien tễ án neq: "Nữ-ra lứq toâq tangái anhia sâng ẽr áiq lứq yoc ẽ hữm Con Yiang Cõt Cũai õt tâng cutẽq nâi óng muoi tangái sâng la péc toâp, ma anhia tở dáng bũn hữm.²³ Bũn cũai canõh ẽ pai chóq anhia neq: 'Con Yiang Cõt Cũai õt ntốq nâi, tở la õt ntốq ki.' Ma anhia chõĩ pởq, cóp chõĩ noap san-toiq alóí.²⁴ Ariang lalieiq la-cang tễ púp nâi toâq púp ki tâng paloõng, cứq Con Yiang Cõt Cũai toâq la machóng ki tê.²⁵ Ma nhũang tangái ki,

cứq cóq chũuq sa-ũi ramứh túh coat cóp máh cũai tâng dõih nâi calõih táh cứq. ²⁶ Từ cứq, Con Yiang Cõt Cũai, toâq loah pỡ cutẽq nâi la samoât riang dõih Nô-ê tẽ mbỏq tê. ²⁷ Tâng dõih Nô-ê, dũ náq cũai cha nguaiq bũi óh lứq, cóp alới ỉt con lacuoi mantoat tẽ nling, yõn toau toâq tangái Nô-ê chõn tâng tuoc. Chơ dờq raloâm toâq, cóp dũ náq cũai tâng dõih ki cuchĩt nheq. ²⁸ Cóp ngư cứq, Con Yiang Cõt Cũai, toâq loah la samoât riang dõih Lot tẽ mbỏq. Máh cũai tâng dõih ki cha nguaiq bũi óh lứq, alới chẻq chõng, alới choat choi, cóp táq dõng. ²⁹ Ma tangái Lot loõh tẽ vil Sadôm, Yiang Sursĩ apõng mữ cóp pla ùih samoât riang mia satooh tẽ paloõng, chơ dũ náq cũai tâng vil ki cuchĩt nheq. ³⁰ Tangái cứq, Con Yiang Cõt Cũai, toâq la machõng ki tê.

³¹ “Tâng tangái ki, khân cũai alẻq ma õt nhựp curũm dõng, cóq án chõih chõn ỉt nõng crõng tẽ dõng. Cũai táq sarái, cóq án chõih chu nõng pỡ dõng. ³² Cóq anhiã sanhữ loah tẽ lacuoi Lot tẽ mbỏq! ³³ Cũai alẻq ma pasẻq rangứh án bữm, rangứh cũai ki lứq pứt. Ma cũai alẻq chũuq pứt rangứh án, rangứh cũai ki tỡ nai pứt. ³⁴ Cứq atõng anhiã samoât lứq, tâng sadâu ki bữn bar náq bẻq muoi ntỏq.

Manoaq, Yiang Sursĩ dừng pỡq cóp án; ma manoaq ẻn, Yiang Sursĩ dỏq ngki. ³⁵ Bo ki bữn bar náq mansẻm õt cucloh saro. Yiang Sursĩ dừng chíq manoaq, ma manoaq ẻn, Yiang Sursĩ dỏq ngki. ³⁶ Cóp bo ki bữn bar náq samiang õt tâng sarái. Yiang Sursĩ dừng manoaq pỡq cóp án, ma manoaq ẻn, Yiang Sursĩ dỏq ngki.”*

³⁷ Moâm Yê-su pai ngkiq, tộp rien tẽ án blớh neq: “Ncháu ơi! Ranáq nâi bữn pỡ lẻq?”

Yê-su ta-õih alới toâq parnai sacâm neq: “Ntỏq lẻq bữn cũai cuchĩt, ntỏq ki lứq bữn chõm calang srúh rôm cha sâiq cumuiq.”

18

Parnai Sacâm Tẻ Cũai Sốt Sữq Cán Cumai

¹ Chơ Yê-su atõng tộp rien tẽ án toâq muoi parnai sacâm, yuaq án yoc alới dáng cóq alới câu níc cóp chõih pẻ pahõm. ² Án pai neq: “Bữn manoaq cũai sốt rasửq máh cũai tâng vil. Án tỡ bữn ngcõh Yiang Sursĩ, cóp án tỡ bữn yám noap cũai hỡ. ³ Tâng vil ki bữn manoaq cán cumai. Án toâq níc pỡ cũai sốt ki, cóp án pai neq: ‘Sẻq achuaih carláh dỏq chỏq cũai ca táq cứq!’ ⁴ Khoiq dũn lứq chơ cán cumai ki táq ngkiq, ma cũai sốt ki tỡ ẻq tamứng. Ma bữn

* 17:36 17:36 Sa-ũi tâm saráq tẽ mbỏq tỡ bữn bữn rana 36 nâi.

muoi tangái án chanchóm neq: ‘Cứq tở bữn ngcõh Yiang Sursĩ, cớp cứq tở bữn yám noap dếh cũai hỡ. ⁵ Ma cõ cán cumai nài toâq sếq níc tể cứq, ngkíq cứq chuai án. Khân cứq tở bữn chuai, án lứq toâq pakhoq níc cứq, cớp án táq yõn cứq sâng sa-ĩr!’ ”

⁶ Chơ Yê-su pai ẽn neq: “Anhia sâng ma tở bữn san-toiq cũai sớt ki pai? Án sữq ma án sữq tở bữn tanoang tapúng. ⁷ Ma Yiang Sursĩ, án ca rasữq p̄ieiq lứq, án ẽ chuai cũai puai ngê án, cũai ca arô án cu rangái cu sadâu. Án lứq toâq chuai alóí toáp, cớp tở bữn cro. ⁸ Cớp cứq atõng anhia dáng tê, Yiang Sursĩ sữq tanoang tapúng yõn máh cũai ca puai ngê án, cớp án táq cháí lứq. Ma tữ cứq, Con Yiang Cõt Cũai, toâq loah p̄õ cớc cutẽq nài, cứq ramóh cũai sa-âm Yiang Sursĩ nheq mút pahõm tở?”

Parnai Sacâm Tể Manoaq Cũai Pha-rasi Cớp Manoaq Cũai Parõm Práq Thẽq

⁹ Yê-su atõng ẽn toâq parnai sacâm chók máh cũai ca chanchóm alóí tanoang o hõn tể cũai canõh. ¹⁰ Án pai neq: “Bữn bar náq samiang mut tâng Dõng Sang Toâr yoc ẽ câu. Manoaq la cũai Pha-rasi, cớp manoaq ẽn la cũai parõm práq thẽq. ¹¹ Cũai Pha-rasi ki tayúng câu nguai lứq neq: ‘Cucõh Yiang Sursĩ ơi, cứq sa-õn anhia yuaq cứq tở bữn táq lóih

riang cũai canõh. Cứq tở bữn ham crong noau. Cứq tở bữn raphếq rathũ noau. Cứq tở bữn cooc lacuoi noau. Cứq sa-õn anhia, cứq tở bữn riang cũai parõm práq thẽq nài. ¹² Cứq ót sana muoi tổn bar tangái. Cớp máh mun cứq, khân bữn muoi chít pún, ki cứq chiau sang yõn anhia muoi pún.’ ¹³ Ma cũai parõm práq thẽq ki õt yong tể cũai Pha-rasi. Án tở khón tapoang achõn chu paloõng. Án trúp aơm án bữm táq tểc án sâng ngua lứq. Cớp án pai neq: ‘O Yiang Sursĩ ơi! Sếq anhia sarũiq cứq nứng, yuaq cứq la cũai lóih!’ ”

¹⁴ Chơ Yê-su pai neq: “Cứq atõng anhia samoat lứq, cũai parõm práq thẽq nài chu p̄õ dõng, án lứq cõt tanoang o yáng moat Yiang Sursĩ. Ma cũai Pha-rasi ki, tở bữn tanoang o ntróu yáng moat Yiang Sursĩ. Khân cũai aléq achõn tở yoc ẽ cõt toâr, nõ-ra cũai ki cõt cacót. Cớp cũai aléq asêng tở yõn cacót sanua, nõ-ra án lứq cõt toâr.”

Yê-su Câu Yõn Carnẽn Cõt Cốt

(*Mathia 19:13-15; Mac 10:13-16*)

¹⁵ Bữn máh cũai dững carnẽn cõt cõt toâq p̄õ Yê-su, ẽq Yê-su satoaq atĩ tâng máh carnẽn ki. Ma tốp rien tể Yê-su sươq tở yõn alóí dững máh carnẽn ki p̄õ Yê-su. ¹⁶ Ma Yê-su arô carnẽn ki

toâq pở án; chơ án pai neq: “Anhia yỗn carnễn toâq pở cứq. Chỗi catáng alóỉ, yuaq tâng tỗp Yiang Sursĩ sốt, bữn ổng cũai ca bữn mút pahỗm samoât carnễn nâi. 17 Cứq atỡng anhia samoât lứq, cũai aléq ma tở bữn pruam yỗn Yiang Sursĩ táq sốt samoât carnễn pruam, cũai ki tở tềq mut tâng tỗp Yiang Sursĩ sốt.”

Bữn Manoaq Cũai Sốt

(*Mathia 19:16-30; Mac 10:17-31*)

18 Bữn manoaq cũai sốt tâng tỗp I-sarel toâq blớh Yê-su neq: “Thâi ơi! Thâi la lứq o. Ntrớu cứq cóq táq yỗn tềq cứq bữn tamoong mantái?”

19 Yê-su blớh loah án neq: “Nốq mới đợq cứq o? Ổng Yiang Sursĩ tộp la o. 20 Mới dáng chơ máh ốc Yiang Sursĩ patâp neq: Chỗi cooc lacuoi tở la cayac noau; chỗi cachĩt cũai; chỗi tutuoiq; chỗi táq ntỡng lauq; cớp yám noap mpiq mpoaq.”*

21 Cũai ki pai neq: “Dũ ốc patâp ki cứq khoiql trĩh tễ bo cứq noâng sanyờr.”

22 Tữ Yê-su sâng án pai ngkíq, Yê-su atỡng loah án neq: “Mới noâng khlâiql muoi ramứh. Cóq mới pờq chềq nheq máh mun mới; chơ ỉt práq ki chuai máh cũai cadĩt. Khân mới táq ngkíq, mới lứq bữn mun ngoaih tâng paloõng. Chơ mới toâq cớp puai cứq.”

23 Ma tữ án sâng Yê-su pai ngkíq, án sâng ngua lứq, yuaq án la cũai sốt.

24 Yê-su hữm án sâng ngua. Chơ Yê-su atỡng ễn neq: “Máh cũai sốt, coat lứq yỗn alóỉ mut tâng tỗp Yiang Sursĩ sốt! 25 Charán lạc-da luaiql hống srứm la khể hờn tễ cũai sốt bữn mut tâng tỗp Yiang Sursĩ sốt.”

26 Máh cũai ca sâng Yê-su pai ngkíq, alóỉ blớh án neq: “Khân ngkíq, noau tềq mut tâng tỗp Yiang Sursĩ sốt?”

27 Yê-su ta-ỡi alóỉ neq: “Cũai tở tềq táq bữm ranáq ki, ma Yiang Sursĩ tềq táq nheq tữh ranáq.”

28 Chơ Phi-er atỡng Yê-su neq: “Nâi! Hếq khoiql táh dũ ramứh hếq bữn, cớ hếq ể puai thâi.”

29 Yê-su ta-ỡi máh cũai ki neq: “Cứq atỡng anhia samoât lứq, cũai aléq ma táh đống sũ, táh mpiq mpoaq, táh sễm ai, cớp táh con lacuoi, cớ án yoc Yiang Sursĩ táq sốt, 30 cũai ki lứq bữn loah clũỉ tễ máh ramứh án táh tễ nhũang. Cớp chumát án lứq bữn tamoong mantái.”

Yê-su Atỡng Sĩa Tễ Án Cóq Cuchĩt

(*Mathia 20:17-19; Mac 10:32-34*)

31 Yê-su đưng aloõh ổng tỗp rien tễ án sâng, chơ án atỡng alóỉ neq: “Anhia tamứng! Háỉ chõn pở vil Yaru-salem. Ớt tâng vil ki,

* 18:20 18:20 Loõh Tễ Ê-yip-tô 20:12; Patâp Loah 5:16-20

lứq cõt rapĩeiq máh sãntoiq cũai tang bõq Yiang Sursĩ tẽ mbõq khoiq chĩc đõq tẽ Con Yiang Cõt Cũai. ³² Noau chiau án pỡ atĩ cũai tỡ cõn cũai I-sarel. Alói ki ayê ra-ac án, lóc án, cốp cuchóh tâng tỗ án. ³³ Alói proaih án, cốp cachĩt án. Ma catâm tangái pái, án yuor tamoong loah.”

³⁴ Ma tốp rien tẽ Yê-su tỡ bữn sạpủh ntróu tẽ ốc nãi, yuaq sãntoiq Yê-su atõng la yarũ lứq. Ngkĩq alói tỡ bữn dáng raloaih tẽ ốc Yê-su atõng.

Yê-su Táq Bán Cũai Sũt Moat Tâng Vil Yê-ri-cô
(*Mathia 20:29-34; Mac 10:46-52*)

³⁵ Tữ Yê-su cheq toãq vil Yê-ri-cô, bữn manoaq cũai sũt moat ốt susẽq kẽng rana. ³⁶ Bo án sãng cũai cứng pỡq pha cheq án, án blóh neq: “Cõt ranáq ntróu toãp?”

³⁷ Máh cũai ki ta-õi án: “Yê-su tẽ vil Na-sarẽt pỡq pha cheq nãi.”

³⁸ Ngkĩq cũai sũt ki arô casang lứq neq: “O Yê-su tẽ tống Davĩt ời! Sẽq Ncháu sarũiq táq cứq nứng.”

³⁹ Cũai ca pỡq tâng rana ki sươq án chõi tabõq.

Ma án pai casang lứq ễn: “O anhia tẽ tống Davĩt ời! Sẽq anhia sarũiq táq cứq nứng.”

⁴⁰ Yê-su tangút, cốp ớn noau đứng cũai sũt ki toãq pỡ án. Tữ cũai ki toãq, Yê-su

blóh án neq: ⁴¹ “Ntróu mới yoc cứq táq yõn mới?”

Cũai sũt ta-õi Yê-su: “Ncháu ời! Sẽq Ncháu táq yõn moat cứq cõt blang!”

⁴² Chơ Yê-su atõng án neq: “Yõn moat mới cõt blang! Cỗ mới sa-âm, moat mới cõt blang.”

⁴³ Bo ki toãp moat cũai ki cõt blang. Chơ án puai Yê-su cốp khẽn Yiang Sursĩ. Tữ cũai cứng hữm ngkĩq, alói khẽn Yiang Sursĩ tẽ.

19

Yê-su Cốp Sachê

¹ Yê-su pha tâng mpứng dĩ vil Yê-ri-cô. ² Ồt tâng vil ki bữn manoaq samiang, ramứh Sachê. Án sốt máh cũai parôm práq thẽq, cốp án sốc hỡ. ³ Án yoc ẽ hữm Yê-su la noau. Ma án la cũai đến. Ngkĩq án tỡ bữn hữm Yê-su, yuaq cũai cứng catáng chíq án. ⁴ Ngkĩq án lúh pỡq nhũang máh cũai cứng. Chơ án chõn tâng nỡm lavoah* yoc ẽ hữm Yê-su pỡq pha cheq aluang ki.

⁵ Bo Yê-su toãq pỡ ntốq nỡm aluang ki, án tapoang achõn, cốp án atõng Sachê neq: “Sachê ời! Mới sễng chái, yuaq tangái nãi cứq cóq ốt đõng mới.”

⁶ Ngkĩq Sachê sễng toãp, cốp án roap chõm Yê-su bũi hỡ lứq. ⁷ Máh cũai

* 19:4 19:4 Tâng parnai Créc noau đõq aluang ki la ‘su-camôr’.

ca hũm ngkíq, alóí bubéq-bubưp neq: “Cũai tamoi nãi pữq pữ đống cũai lôi h.”

8 Ma Sachê tayứng yáng moat neq từh cũai ki cớp án atống Yê-su neq: “Ncháu ơi! Máh mun cứq, cứq ỉt tadĩ chuai máh cũai cadĩt. Cớp khân bữn cũai aléq cứq khoi q lóp án muoi pún, sanua cứq culáh loah án pồn pún.”

9 Yê-su atống án neq: “Tangái nãi Yiang Sursĩ lứq chuai amoong đống sũ nãi, yuaq anhia la tễ tống toiq A-praham machống hếq tê. 10 Cứq, Con Yiang Cốt Cũai, toaq pữ nãi yoc ẽ chuaq cớp chuai amoong máh cũai khoi q clốc rana.”

Parnai Sacâm Tễ Práq Nễn

(*Mathia 25:14-30*)

11 Moâm ki, Yê-su atống toaq parnai sacâm sĩa chốq cũai ca khoi q sâng án pai ngkíq. Án khoi q cheq ẽ toaq vil Yaru-salem chơ, cớp máh cũai chanchóm khoi q cheq ẽ toaq chơ tangái Yiang Sursĩ táq sốt tâng cruang alóí. 12 Ngkíq Yê-su pai neq: “Bữn manoaq cũai sốt pữq chu cruang canốh, cớp ẽq máh cũai sốt tâng cruang ki chốh án cốt puo tâng cruang án bữm. Vốt ki án ẽ chu loah pữ cruang án. 13 Nhũang án ẽ pữq, án arô muoi chít náq cũai táq ranáq án. Án yỗn muoi noaq muoi nễn práq,†

cớp án patâp neq: ‘Anhia táq nỏq yỗn práq nãi cốt lơi toau toaq tangái cứq chu loah.’ 14 Máh cũai proai tâng cruang án, alóí kêt án cớp tở ẽq án cốt puo alóí. Ngkíq alóí ón noau pữq atống cũai sốt toar lứq ca ẽ chốh án cốt puo neq: ‘Hếq tở ẽq cũai nãi cốt sốt hếq.’

15 “Ma cũai ki bữn cốt puo, chơ án chu loah pữ cruang án. Án arô máh cũai táq ranáq án ca khoi q roap práq, yoc ẽ dáng maléq sa-ữi alóí bữn lơi tễ práq ki. 16 Cũai toaq nhũang pai neq: ‘Ncháu ơi! Cứq bữn lơi muoi chít nễn tễ muoi nễn ncháu khoi q yỗn cứq.’ 17 Cũai sốt ki pai neq: ‘O lứq mới táq! Mới la cũai o táq ranáq cứq! Yuaq mới táq o cớp bĩaq práq nãi, ngkíq cứq ẽ chốh mới yỗn cốt sốt tâng muoi chít vil.’ 18 Bữn manoaq ễn toaq cớp pai neq: ‘Ncháu ơi! Cứq bữn lơi sỡng nễn tễ muoi nễn ncháu khoi q yỗn cứq.’ 19 Cũai sốt ki pai chốq án neq: ‘Cứq ẽ chốh mới cốt sốt tâng sỡng vil.’ 20 Cớp bữn manoaq ễn toaq cớp pai neq: ‘Ncháu ơi! Nãi la práq nễn ncháu khoi q yỗn cứq. Cứq cayóm đốq práq nãi tâng aroai q. 21 Cứq ngcốh ncháu, yuaq cứq dáng ncháu paséq lứq práq ncháu. Ncháu tở bữn táq, ma ncháu ẽ ỉt. Ncháu tở bữn choat, ma ncháu ẽ sot.’

† 19:13 19:13 Kia muoi nễn đỏi ki la li manoaq tuthẽ pái casâi.

22 Cũai sôt ki pai chók án neq: 'Mói la cũai loai lúq táq ranáq cúq! Parnai mới tểq loah mới bữm. Mói khoiq dáng chơ cúq pasếq lúq práq cúq. Cóp mới dáng cúq tở bữn táq, ma cúq ít. Cúq tở bữn choat, ma cúq sot.

23 Khân ngkíq, cồ nốq mới tở yỗn cũai canõh voaq práq cúq. Chơ, toáq tangái cúq chu loah, cúq bữn práq ki cóp lơi hỡ.' 24 Vót ki, cũai sôt ki atõng máh cũai ốt mpễr ki neq: 'Ít loah muoi nễn práq ki tể án. Chơ yỗn pở cũai ca bữn muoi chít nễn.'

25 Ma máh cũai ki atõng cũai sôt ki neq: 'Ncháu ơi! Cũai ki khoiq bữn muoi chít nễn chơ!' 26 Ma cũai sôt ki ta-õi alóí neq: 'Án ca bữn sa-ữi, cúq yỗn án bữn sa-ữi lúq ễn. Ma án ca tở bữn bữn ntróu, cúq yỗn án óq loang. 27 Ma máh alóí ca tở ẽq cúq cõt puo alóí, dững alóí pở nãi cóp cachít nheq alóí yáng moat cúq!' "

Yê-su Mut Tâng Vil Yaru-salem

(*Mathia 21:1-11; Mac 11:1-11; Yang 12:12-19*)

28 Moâm Yê-su pai ngkíq, án pỏq carlíq máh cũai ca pỏq pở vil Yaru-salem. 29 Từ cheq án ẽ toáq vil Bê-phayê cóp vil Bê-thani, pở ntốq dũal O-li-vê, án ớn bar náq tốp rien tể án pỏq nhũang.

30 Án patáp alóí ki neq: "Anhia pỏq chu vil ki. Bo anhia toáq ramỏh vil, anhia lúq

ramỏh muoi lám aséh dễn con ca tở bữn noau ốt yũah. Noau khoiq chốq đốq án pở ntốq ki. Anhia leh án cóp dững án chu cúq. 31 Khân noau blóh anhia: 'Nốq anhia leh aséh nãi?' chơ anhia ta-õi neq: 'Ncháu hái ẽ mian aséh nãi.' "

32 Chơ alóí bar náq ki pỏq, cóp alóí hữm samoát Yê-su khoiq atõng alóí. 33 Bo alóí leh aséh con ki, cũai ndõm aséh ki blóh alóí neq: "Nốq anhia leh aséh nãi?"

34 Alóí ta-õi án neq: "Ncháu hái ẽ mian aséh nãi."

35 Chơ alóí dững achu aséh dễn ki yỗn Yê-su. Moâm ki alóí ít tampác alóí sữn tâng cloong aséh ki. Chơ alóí apõng Yê-su chõn tacu tâng aséh ki. 36 Bo Yê-su pỏq, noau sữn tampác tâng rana yỗn án pỏq. 37 Từ án pỏq cheq ẽ toáq vil Yaru-salem, pở ntốq rana sễng tể dũal O-li-vê, bữn cứng cũai ca rien tể án triau cupo.

Alóí sa-õn cóp khễn Yiang Sursĩ casang lúq, yuaq alóí khoiq hữm máh ranáq salễh.

38 Alóí pai neq: "Sễq Yiang Sursĩ apõng ốc bốn yỗn puo nãi, án ca toáq pở nãi cồ Yiang Sursĩ ớn. Sễq ốc ien khễ toáq tâng paloõng cóp santoiq khễn toáq pở Yiang Sursĩ." ✧

39 Tâng cũai cứng ki bữn dễn cũai Pha-rasi hỡ. Alóí pai chók Yê-su neq: "Thài ơi! Cóq thài sươq máh cũai

rien tễ thài chồi yỗn alóí triau cupo nông.”

⁴⁰ Ma Yê-su ta-ôi alóí neq: “Khân máh cũai nâi tở bữn triau cupo ngkíq, cứq atõng anhia samoât lứq, Yiang Sursĩ lứq yỗn tamáu ẽn triau cupo.”

Yê-su Sâng Ngua Tễ Vil Yaru-salem

⁴¹ Tữ Yê-su cheq ẽ toâq vil Yaru-salem, án tapoang chu vil ki, chơ án nhiam. ⁴² Cóp án pai neq: “Tangái nâi cứq yoc lứq máh anhia ca ốt tâng vil nâi dáng, cóq anhia táq nõq yỗn tềq ốt ien khẽ. Ma sanua, ốc nâi anhia tở tềq sâng. ⁴³ Nỡ-ra toâq máh tangái cũai par-ũal anhia ẽ puon cutếq lavíng mpễr vil anhia, cóp alóí tở yỗn anhia loõh tễ vil. Alóí ẽ catáng dũ rana. ⁴⁴ Alóí ẽ cachĩt dũ náq anhia cóp talõh nheq vil anhia. Alóí tở yỗn muoi ramứh ntrứu tâng vil anhia nông plot, yuaq anhia tở bữn dáng tangái Yiang Sursĩ khoi q toâq ẽ chuai amoong anhia!”

Yê-su Mut Tâng Dõng Sang Toâr

(*Mathia 21:12-17; Mac 11:15-19; Yang 2:13-22*)

⁴⁵ Yê-su mut tâng Dõng Sang Toâr, chơ án tuĩ aloõh nheq máh cũai chềq chõng tâng ki. ⁴⁶ Án atõng alóí neq: “Tâng tâm saráq Yiang Sursĩ tễ mbốq, án khoi q pai neq: ‘Noau dõq dõng cứq la dõng yỗn câu sếq.’[☆]

Ma anhia táq dõng nâi cõt ariang cứp yỗn cũai savẽng mut tooq!”

⁴⁷ Cu rangái Yê-su atõng tâng Dõng Sang Toâr. Máh cũai sốt tốp tềng rit sang Yiang Sursĩ, máh cũai yõng rit, cóp máh cũai sốt canõh, alóí chuaq ngê ẽ cachĩt Yê-su. ⁴⁸ Ma alóí tở dáng nõq ẽ táq yỗn cachĩt Yê-su, yuaq nheq máh cũai ẽ tamứng níc santoiq án atõng.

20

Noau Blóh Yê-su Tễ Chóc Án
(*Mathia 21:23-27; Mac 11:27-33*)

¹ Bữn muoi tangái Yê-su atõng parnai o tễ Yiang Sursĩ yỗn máh cũai proai tâng Dõng Sang Toâr tamứng. Bo ki bữn máh cũai sốt tốp tềng rit sang Yiang Sursĩ, máh cũai yõng rit, cóp máh cũai sốt nheq sâu, toâq pở án cóp blóh neq: ² “Sếq thài atõng hếq tễ chóc ntrứu thài táq ranáq salẽh nâi? Noau yỗn thài bữn chóc nâi?”

³ Yê-su ta-ôi alóí neq: “Cứq yoc ẽ blóh anhia muoi ốc tề. Sếq anhia ta-ôi cứq: ⁴ Ranáq batẽm Yang táq, tễ léq ranáq ki toâq, tễ Yiang Sursĩ tở la tễ cũai?”

⁵ Chơ alóí sarhõng neq: “Khân hái ta-ôi án neq: ‘Ranáq batẽm nâi toâq tễ Yiang Sursĩ,’ ngkếq án blóh loah hái neq: ‘Khân ngkíq, nõq anhia tở bữn sa-âm

Yang?’⁶ Ma khân hái ta-õi án neq: ‘Ranáq batêm nâi chõng toâq tẽ cũai,’ chơ hái ngcõh cũai proai tám tamáu chók hái, yuaq alói sa-âm Yang la cũai tang bõq Yiang Sursĩ.”

⁷ Ngkíq alói ta-õi Yê-su neq: “Hếq tở dáng.”

⁸ Yê-su ta-õi loah alói neq: “Chơ! Cúq tở bữn atõng tẽ yõn anhia dáng noau yõn cúq bữn chóc táq máh ranáq nâi.”

Parnai Sacâm Tẽ Manoaq Chóh Palâi Nho Tâng Nương (Mathia 21:33-46; Mac 12:1-12)

⁹ Yê-su atõng máh cũai cứng ki toâq parnai sacâm neq: “Bữn manoaq chók voar nho tâng nương. Chơ án yõn cũai canõh táq đỡ nương án. Alói pruum ndõm cốp mpẽq máh palâi. Moâm ki án põq cruang canõh. ¹⁰ Toâq ngư palâi chĩn, ncháu ki ớn cũai sũl toâq pỡ alói ca táq đỡ nương án. Án ớn sũl ki ít pún án tẽ alói. Ma alói ca táq ranáq tâng nương ki toàn cũai sũl, cốp alói tuih án chu miat. ¹¹ Chơ ncháu ki ớn sũl canõh ền põq chu nương ki. Ma cũai táq đỡ nương ki toàn cũai sũl ki tẽ, cốp alói lóc acrieiq án; chơ alói tuih án yõn chu miat. ¹² Vót ki ncháu ớn manoaq sũl ền. Ma cũai táq đỡ nương ki táq sũl ki bớc chũl,

cốp alói tuih aloõh án hõ. ¹³ Chơ ncháu ki chanchõm neq: ‘Nõq ền cúq ẽ táq? Cúq ớn con samiang ca cúq pasẽq lứq ền pỡq. Lứq alói yám noap án.’ ¹⁴ Ma toâq alói ca táq đỡ nương ki hữm con samiang ncháu nương, chơ manoaq atõng manoaq neq: ‘Nâi la lứq con tống ncháu. Hâi! Hái cachĩt chíq án! Chơ máh mun án cõt khong hái!’ ¹⁵ Chơ alói ác sadõh con ncháu ki loõh tẽ nương, cốp alói cachĩt án. Ngkíq, nõq toâp ncháu ki ẽ táq chók máh cũai táq đỡ nương án? ¹⁶ Lứq án toâq cachĩt táh nheq alói, cốp án yõn cũai canõh ền táq đỡ nương án.”

Máh cũai sâng parnai ki, alói pai neq: “Chõi yõn cõt ngkíq!”

¹⁷ Ma Yê-su nhêng chu alói cốp blóh neq: “Khân tở bữn ngkíq, ntróu la ngê tẽ san-toiq tâng tâm saráq Yiang Sursĩ khoiq pai tẽ mbõq neq: ‘Cốc tamáu cũai táq đồng khoiq táh,

tamáu ki noau hữm o hõn tẽ tamáu canõh.

Chơ noau ít cốp chíp bân soq đồng.’*☆

¹⁸ Cũai aléq ma dóm tâng tamáu nâi, án khat loâng. Ma khậ tamáu nâi satooh p̄ieiq tở cũai, cũai ki lứq đươiq tháng.”

Yê-su Atõng Tẽ Práq Thẽq (Mathia 22:15-22; Mac

* **20:17** 20:17 Puai tẽ ranáq alói táq, tamáu aléq noau chíp tâng soq, tamáu ki táng yõn đồng cõt khâm. Tamáu ki Yê-su sacâm tẽ tở án toâp. ☆ **20:17** 20:17 Ûat Khẽn 118:22

12:13-17)

¹⁹ Mách cūai sôt tốp tềng rit sang Yiang Sursĩ cốp máh cūai yống rit chuaq ngê ẽ cốp toâp Yê-su, yuaq alóí dáng Yê-su atōng parnai sacâm ki tẽ alóí. Ma alóí tở khốn, yuaq alóí ngcõh máh cūai proai. ²⁰ Ma alóí tutuaiq níc tẽ Yê-su. Alóí ớn cūai pōq soc ngê tẽ án. Cūai ki táq nan cūai mantoat o, ma alóí toâq pở Yê-su yoc ẽ chuaq ralíh tẽ án. Alóí yoc ẽ cốp cốp chiau án pở atĩ cūai sôt. ²¹ Mách cūai soc ngê ki blóh Yê-su neq: "Thâi ơ! Hếq dáng chơ thâi atōng p̄ieiq níc. Cốp yáng moat thâi, nheq tữh cūai la lĩ-ralĩ nheq. Thâi atōng ngê Yiang Sursĩ p̄ieiq lứq. ²² Ngkíq hếq sếq thâi atōng hếq: Ntróu thâi chanchóm, p̄ieiq ma tở bữn hái cóq muap práq thẽq pở puo Rô-ma?"

²³ Ma Yê-su khoiq dáng alóí bữn ngê ẽ chim án; chơ án pai chóq alóí neq: ²⁴ "Anhia dững yõn cứq nhêng muoi ốc práq! Ốc práq nâi bữn roâp cốp chĩr samoât tở noau?"

²⁵ Alóí ta-ơi neq: "Puo Rô-ma."

Chơ Yê-su atōng loah alóí neq: "Crong puo Rô-ma, cóq anhia culáh loah yõn puo Rô-ma, cốp crong Yiang Sursĩ, cóq anhia culáh loah yõn Yiang Sursĩ."

²⁶ Bo Yê-su atōng yáng moat cūai clúng, máh cūai

ca chim Yê-su tở bữn ramóh muoi ốc lóih ntróu tẽ san-toiq Yê-su atōng. Ngkíq alóí sâng dót lứq Yê-su ta-ơi ngkíq. Chơ alóí tở bữn tabỏq ntróu noâng.

Tốp Sa-dusê Blóh Yê-su Tẽ Ốc Tamoong Loah
(*Mathia 22:23-33; Mac 12:18-27*)

²⁷ Bữn cūai tẽ tốp Sa-dusê toâq pở Yê-su. Tốp alóí ki pai cūai khoiq cuchĩt tở tềq tamoong loah. Alóí atōng Yê-su neq: ²⁸ "Thâi ơ! Mòi-se khoiq chĩc yõn hái dáng neq: 'Khân manoaq samiang khoiq cuchĩt, ma lacuoi án noâng tamoong, cốp alóí tở yũah bữn con, ngkíq sểm ai án cóq siem lacuoi án, đõq patōng loah án ca khoiq cuchĩt.'[☆] ²⁹ Dỡi mbỏq bữn tapul náq sểm ai. Ai clúng khoiq ỉt lacuoi. Ma án cuchĩt tở yũah bữn con. ³⁰ Ngkíq a-ẽm ndĩ án siem lacuoi ai. ³¹ Cốp machóng ki tê, tẽ a-ẽm ndĩ toau toâq a-ẽm ralóh. Tapul náq alóí la machóng nheq. Alóí cuchĩt ma tở yũah bữn con. ³² Toâq parsót thág mansểm ki cuchĩt tê. ³³ Tở máh cūai cuchĩt tamoong loah, mansểm ki cõt lacuoi noau? Yuaq alóí tapul náq ndõm nheq mansểm ki!"

³⁴ Yê-su ta-ơi alóí neq: "Mansểm samiang ỉt cõt lacuoi cayac ống tâng dỡi nâi sâng. ³⁵ Ma alóí ca sa-âm Yiang Sursĩ, lứq Yiang

Sursĩ yõn alóí tamoong loah tẽ cuchĩt, cốp án yõn alóí tamoong mantái níc. Cũai ki tở bữn ít noâng lacuoi cayac. ³⁶ Alóí la samoât riang ranẽng Yiang Sursĩ tê; alóí tở nai cuchĩt noâng. Alóí lứq cõt con acái Yiang Sursĩ, yuaq alóí khioq tamoong loah tẽ cuchĩt chơ. ³⁷ Ma tẽ ranáq cũai cuchĩt ma tamoong loah, Mõi-se khioq yõn hái dáng raloaih tẽ ốc ki, bo án chĩc atõng tẽ rambũ blữ ùih ma tở bữn cat. Ntỏq ki án đõq Yiang Sursĩ la

‘Yiang Sursĩ A-praham sang, I-sac sang, cốp Yacốp sang.’^{*}

³⁸ Têq hái dáng alóí tamoong loah tẽ cuchĩt, yuaq cũai cuchĩt tở têq sang Yiang Sursĩ. Ống alóí ca tamoong sâng têq sang án, cốp nheq tữh cũai bữn tamoong cõ nhơ tẽ Yiang Sursĩ.”

³⁹ Moâm Yê-su pai ngkiq, bữn cũai tẽ tốp yõng rit pai chóq Yê-su neq: “Thâi ơi! Lứq p̄ieiq máh santoiq thâi pai!”

⁴⁰ Vót ki, alóí tở khón blóh muoi santoiq ntróu noâng tẽ Yê-su.

Santoiq Blóh Tẽ Crĩt

(*Mathia 22:41-46; Mac 12:35-37*)

⁴¹ Yê-su blóh alóí ki neq: “Yuaq nỏq cũai đõq pai Crĩt toâq tẽ tống toiq puo Davĩt?”

⁴²⁻⁴³ Cutõ Davĩt toâp atõng tâng tâm saráq Parnai Ũat Khẽn Yiang Sursĩ neq:

‘Yiang Sursĩ atõng chóq Ncháu cứq neq:

“Mỏi tacu coah atoam cứq†

yõn toau toâq tangái cứq yõn alóí ca yoc ẽ cachĩt mới ốt pũn talang ayũng mới, cõt sũl mới.”[’]^{*}

⁴⁴ Cutõ Davĩt toâp đõq Crĩt la ‘Ncháu’. Ki nỏq têq Davĩt đõq cũai tẽ tống toiq án bữm la ‘Ncháu’?”

Yê-su Sươq Cũai Chõĩ Táq Machõng Cũai Yõng Rit
(*Mathia 23:1-36; Mac 12:38-40*)

⁴⁵ Bo cứng cũai ốt tamũng santoiq Yê-su, án atõng tốp rien tẽ án neq:

⁴⁶ “Anhia chõĩ táq machõng cũai yõng rit. Alóí yoc lứq sỏp au tuar cuti, cốp alóí yoc lứq cũai canõh tabõp o bo alóí ốt cốp cũai cứng. Alóí yoc ẽ bữn cachõng tacu o clũi nheq tẽ canõh tâng đõng sang, cốp alóí yoc ẽ tacu coah põng toâq noau mới alóí toâq cha. ⁴⁷ Alóí lỏp máh mun cán cumai, cốp alóí câu cuti lứq ẽq noau pai alóí tanoang o. Ma chumát tột alóí ntâng hõn tẽ máh cũai canõh!”

^{*} 20:37 20:37 Loõh Tẽ Ê-yip-tỏ 3:6 † 20:42-43 20:42-43 Pui phếp rit cũai I-sarel, khân cũai aléq ma yoc ẽ yám noap cũai canõh lứq samoât, ngkiq án yõn cũai ki ốt coah atoam án. ^{*} 20:42-43 20:42-43 Ũat Khẽn 110:1

21

Manoaq Cán Cumai Chóq Práq Sang

(Mac 12:41-44)

¹ Yê-su nhêng chu ntốq cūai chóq práq sang tâng Dống Sang Toâr. Án hữm cūai sốc chóq práq tâng ki. ² Cóp án hữm manoaq cán cumai cadĩt lứq, chóq bar ốc práq sâng, kia bĩq lứq. ³ Yê-su pai neq: “Cứq atống anhia samoât lứq, cán cumai nâi cadĩt lứq, ma án chóq práq sang sa-ữi hữn tể cūai canỗh. ⁴ Yuaq máh cūai canỗh chóq práq clũi tể alóit tac cha, ma cán cumai nâi ốq lứq. Máh léq án bữn, án chóq nheq máh ki.”

Yê-su Atống Tể Noau Talốh Dống Sang Toâr

(Mathia 24:1-2; Mac 13:1-2)

⁵ Bữn cūai achưng alur tể Dống Sang Toâr. Alóit pai dống sang ki nêuq lứq, yuaq noau táq toâq tamáu o. Cóp tâng dống ki bữn sa-ữi cớng nêuq o noau sang yỗn Yiang Sursĩ. ⁶ Ma Yê-su atống cūai ki neq: “Máh dống toâr anhia hữm tâng ntốq nâi, chumát tamáu noau táq dống nâi tở bữn ratót nông parnoi; án ratah nheq.”

Yê-su Atống Tể Ốc Túh Coat Toâq Pở Cūai

(Mathia 10:16-25; 24:3-14; Mac 13:3-13)

⁷ Alóit blóh Yê-su neq: “Thâi ơi! Sẻq thâi atống yỗn hẻq dáng, nông dũn malẻq

ranáq nâi toâq? Cóp bữn tể ntróu sapáh nhũang tể ranáq nâi toâq?”

⁸ Yê-su ta-ỡi alóit neq: “Cóp anhia ốt yỗn khẻuq; chỏi yỗn noau phẻq anhia. Chumát bữn sa-ữi náq toâq clẻu ramứh cứq, cóp alóit pai neq: ‘Cutố cứq nâi toâp la Crít!’ Cóp alóit pai neq tẻ: ‘Tangái parsót ẻ toâq chơ!’ Ma anhia chỏi noap santoiq alóit. ⁹ Tở anhia sâng parhan noau rachít cóp noau tampỏr ẻ cớt sốt, ki anhia chỏi croỏq ntróu. Yuaq ranáq nâi cóq toâq nhũang voai. Ma tở yũah toâq tangái parsót tháng.”

¹⁰ Yê-su atống ẻn neq: “Tangái ki bữn tốp nâi rachít ratáq cóp tốp ki, cóp cruang nâi rachít ratáq cóp cruang ki. ¹¹ Bữn sa-ữi ntốq cutẻq rachâu cóp cacut. Bữn sa-ữi ntốq ốq sana cha. Cóp bữn sa-ữi ramứh a-ỉ, manoaq tót tể manoaq. Máh ramứh túh coat nâi lứq toâq, cóp bữn sa-ữi tểc salẻh tể paloong toâq tẻ.

¹² “Ma nhũang máh ramứh ki toâq, bữn cūai cốp cóp táq túh coat lứq anhia. Alóit dửng anhia pở dống sang tốp I-sarel yỗn noau sẻq anhia, cóp alóit chóq anhia tâng cuaq hỡ. Alóit dửng anhia yáng moat máh puo cóp yáng moat máh cūai sốt la cỏ tian anhia puai ngẻ cứq. ¹³ Máh ramứh ki táq yỗn anhia tẻq atống tể ngẻ cứq. ¹⁴ Cóp anhia

chối công nhũang ntróu anhia yoc ẽ pai chóc cũai sớt ki. ¹⁵ Bo ki, cứq toáp atông anhia cốp yỗn anhia bữn ngê rangoiq têq táq ntông santonq pñeiq chóc alói ca ẽ táq anhia. Chơ alói tở têq rasuon ntróu noâng anhia. ¹⁶ Lứq mpiq mpoaq, sễm ai, khởi cuya, cốp yóu anhia ẽ chiau anhia pở atĩ cũai ẽ táq anhia. Bữn cũai tễ tốp anhia, noau cachĩt. ¹⁷ Nheq tữh cũai kêt anhia cỗ tian anhia puai ngê cứq. ¹⁸ Ma sóc tâng plở anhia tở bữn pút muoi ntreh ntróu. ¹⁹ Cỗ anhia chửuq tanhĩr níc, ngkíq yuaq anhia bữn tamooong mantái.”

Yê-su Atông Tễ Noau Talốh Vil Yaru-salem
(*Mathia 24:15-21; Mac 13:14-19*)

²⁰ “Toáq anhia hữm cứng tahan ốt mpêr vil Yaru-salem, ngkíq anhia dáng khoiq cheq noau ẽ talốh vil ki. ²¹ Bo ki, alói ca ốt tâng cruang Yudê cóq lủh chỗn ốt tâng cóh ễn. Alói ca ốt tâng vil Yaru-salem cóq loỏh tễ vil. Cốp alói ca ốt yáng tiah vil Yaru-salem cóq chối chu noâng pở vil. ²² Tangái ki la tangái Yiang Sursĩ táq máh tốp I-sarel cỗ tian alói tở trĩh, yỗn cõt rapñeiq máh santonq noau khoiq chĩc tâng tâm saráq Yiang Sursĩ tễ mbốq. ²³ Tâng tangái ki tởiq bap lứq mansễm ốt mumiaq cốp

mansễm apu con. Yuaq tangái ki la túh coat lứq toáq pở cruang nãi, cốp Yiang Sursĩ táq máh cũai nãi. ²⁴ Án ca noau poaiq toáq dau. Án ca noau cốp dững táq sũl pở cruang canốh. Cốp máh cũai tở cõn cũai I-sarel ẽ talốh nheq vil Yaru-salem toau sớt dỏi alói.”

Yê-su Atông Tễ Con Yiang Cốt Cũai Toáq Loah
(*Mathia 24:29-31; Mac 13:24-27*)

²⁵ “Vót ki, bữn tếc salễh tâng moat mandang, rliang casai, cốp máh mantở hỡ. Cốp tâng cutểq nãi bữn sa-ữi cruang cũai sâng dốt cốp ngcỏh lứq cỗ dỡq mứt lampóh cốp hỡ casang lứq. ²⁶ Cũai pút mứt cỗ alói sâng ngcỏh, cốp alói croỏq lứq yuaq máh ramứh túh coat toáq pở dũ cruang. Cốp máh ramứh bữn chóc tâng paloỏng, Yiang Sursĩ táq yỗn rachâu nheq. ²⁷ Vót ki noau hữm Con Yiang Cốt Cũai toáq mpúng dĩ ramứl; án bữn chóc sớt toâr cốp roáp ang-ữr lứq. ²⁸ Bo anhia hữm ramứh nãi toáq, anhia tayúng cốp tapoang achỗn, yuaq cheq ẽ toáq Yiang Sursĩ chuai amoong anhia.”

Parnai Sacâm Tễ Aluang Tarúng
(*Mathia 24:32-35; Mac 13:28-31*)

²⁹ Chơ Yê-su atông alói toáq parnai sacâm neq: “Anhia nhêng chu nỡm aluang

tarúng cốp chu nỡm alu-ang canõh. ³⁰ Toâq anhia hữm aluang lacúp sala, anhia dáng cheq ẽ toâq casâi phũac. ³¹ Machóng ki tê, toâq anhia hữm máh ranáq cứq atõng anhia sanua, anhia dáng Yiang Sursĩ táq sớt khoi q cheq ẽ toâq chơ. ³² Cứq atõng anhia samoât lứq, cũai táng dõĩ nâi tở bữn cuchĩt nhũang tẽ máh ramứh nâi toâq. ³³ Chumát, paloõng cốp cutẽq cõt pút nheq, ma santoiq cứq atõng tở nâi pút."

Yê-su Atõng Cóp Kĩaq O Tở Bữm

³⁴ "Cóp anhia kĩaq o tở bữm. Chõĩ yõn mút pahõm anhia yoc ẽ nguaiq cha sa-ũĩ tở la bũl plêc; cốp chõĩ clong ngcõh ỏq tác cha táng dõĩ tamoong anhia. Khân ngkĩq, táng tangái cứq toâq loah pở cutẽq nâi, ngcõh lợ anhia tở bữn chanchõm ntróu tẽ cứq toâq loah. Yuaq tangái ki cứq toâq cháĩ lứq, samoât riang taho loaih. ³⁵ Cốp tangái ki toâq pở dũ náq cũai táng cốc cutẽq nâi. ³⁶ Ngkĩq cóq anhia nguang cốp coan níc tangái ki. Cóp anhia câu yõn anhia têq viaq vót tẽ ramứh túh coat ki, cốp câu yõn Con Yiang Cõt Cũai têq ngin anhia la cũai tanoang o yáng moat án táng tangái án rablớh nheq tữh cũai."

³⁷ Cu rangái Yê-su atõng táng Dõng Sang Toâr, ma

toâq sadâu án pởq bếtq táng dũal O-li-vê. ³⁸ Toâq poang tarúp tẽ cláih bữn cứng cũai toâq pở Dõng Sang Toâr ẽ tamứng Yê-su atõng.

22

Cũai Sớt Chuaq Ngê Cachĩt Yê-su
(*Mathia 26:1-5; Mac 14:1-2; Yang 11:45-53*)

¹ Cheq ẽ toâq tangái tốp I-sarel Táq Rit Cha Bểng Mi Ỏq Crong Pluoih, la tangái alớĩ sanhữ loah Tangái Loõh.*
² Máh cũai sớt tốp tềng rit sang Yiang Sursĩ cốp máh cũai yõng rit, alớĩ chuaq ngê ẽ cachĩt Yê-su. Ma alớĩ ngcõh máh cũai proai.

Yuda Pruam Chếtq Chítq Yê-su
(*Mathia 26:14-16; Mac 14:10-11*)

³ Bo ki yiang Satan mut táng mút Yuda I-cari-ôt, la manoaq tẽ tốp muoi chít la bar náq rien tẽ Yê-su. ⁴ Chơ Yuda pởq ramóh máh cũai sớt tốp tềng rit sang Yiang Sursĩ cốp sớt cũai kĩaq Dõng Sang Toâr. Án sarhõng alớĩ nõq ẽ táq yõn bữn cốp Yê-su.
⁵ Máh cũai ki sâng ỡn lứq, cốp alớĩ ửq chang práq yõn Yuda. ⁶ Yuda khoi q pruam cốp alớĩ; chơ án chuaq rana bo léq khẽ alớĩ cốp Yê-su ma tở bữn cứng cũai ỏt cheq Yê-su.

* **22:1** 22:1 Tangái ki alớĩ sanhữ tangái Yiang Sursĩ chuai yõn alớĩ loõh tẽ cruang Ê-yip-tô tẽ mbốq.

*Yê-su Ớt Cha Parnoi Cóp
Tộp Rien Tễ Án*

(*Mathia 26:17-25; Mac
14:12-21; Yang 13:21-30*)

⁷ Từ toạq Tangái Táq Rit Cha Bểng Mi Ớq Crơng Plu-oih. Tangái ki cũai I-sarel cóq kiac charán cũu puai phễp rit Yiang Sursĩ atỡng yỗn sanhữ loah Tangái Loõh. ⁸ Ngkíq Yê-su ớn Phi-er cóp Yang neq: “Anhia pỡq tễng sana yỗn hái cha sanhữ loah Tangái Loõh.”

⁹ Ma alóí blớh Yê-su: “Ntốq aléq thài yỗn hếq pỡq thữan?”

¹⁰ Chơ Yê-su atỡng alóí neq: “Bo anhia mut tâng vil, anhia lứq ramóh manoaq samiang ayểq aluoi đởq. An-
hia puai ntun cũi cũai ki. Dống léq án mut, anhia mut dống ki tề. ¹¹ Chơ an-
hia atỡng cũai ncháu dống ki neq: “Thài yoc ể blớh mới neq: Nléq clống tamoi? Tâng clống ki cứq yoc ể cha pêl bủi sanhữ Tangái Loõh cóp tộp rien tễ cứq.”

¹² Moâm ki án lứq sadoi muoi clống toâr tâng tran pỡng yỗn anhia. Clống ki bữn dũ nheq máh crơng tadỡng. Chơ anhia thữan tâng clống ki.”

¹³ Chơ alóí bar náq pỡq, cóp alóí ramóh samoât máh Yê-su khoiq atỡng alóí. Ngkíq alóí thữan muoi pêl sanhữ Tangái Loõh. ¹⁴ Toạq ngư chi-cha, Yê-su tacu cóp tộp muoi chít la bar náq ayũng aấ án. ¹⁵ Chơ Yê-su

atỡng alóí neq: “Cứq yoc lứq ể cha nguaiq cóp anhia đởq sanhữ Tangái Loõh tễ nhữang cứq ramóh túh coat. ¹⁶ Cứq atỡng anhia samoât lứq, cứq tở bữn cha nguaiq noâng cóp anhia riang pêl nài, yỗn toau cõt rapểiq máh ramứh noau sanhữ toạq noau cha nguaiq pêl nài tâng tangái Yiang Sursĩ táq sớt.”

¹⁷ Moâm Yê-su pai ngkíq, án ỉt cachoc đởq cóp sa-ớn Yiang Sursĩ. Chơ án pai neq: “Anhia ỉt cóp tampểq đởq nài yỗn anhia nguaiq. ¹⁸ Cứq atỡng anhia samoât lứq, cứq tở bữn nguaiq noâng đởq palâi nho nài toau toạq tangái Yiang Sursĩ táq sớt.”

¹⁹ Án ỉt bễng cóp sa-ớn Yiang Sursĩ. Chơ án pỉh bễng cóp avơi yỗn alóí. Cóp án pai neq: “Bễng nài la tở cứq, ca cứq chiau yỗn anhia. Toạq anhia cha bễng nài, anhia sanhữ níc cứq.”

²⁰ Moâm alóí cha, Yê-su táq machớng ki sĩa. Án ỉt cachoc đởq, chơ án pai neq: “Đởq nài la aham cứq. Aham nài loõh táq tếc Yiang Sursĩ khoiq par-ừq parnai tamái cóp anhia.

²¹ “Ma bữn manoaq tễ an-
hia ca cha parnoi cóp cứq sanua, án lứq chểq cứq. ²² Con Yiang Cốt Cũai cóq pỡq tâng rana Yiang Sursĩ anoat yỗn án pỡq. Ma bap lứq toạq pỡ cũai ca chểq án.”

23 Chơ alóí tabốq manoaq blóh manoaq: “Noau toáp tễ tốp hái ẽ táq ranáq nâi?”

Noau Toâr Hỡn Tâng Tốp Rien Tễ Yê-su?

24 Alóí tốp rien tễ Yê-su rasuon ratuaq noau tâng tốp alóí toâr hỡn tễ canốh. 25 Yê-su atống alóí neq: “Tâng đỏi nâi, máh cũai puo yoc lứq cũai proai cốt sủl alóí. Cóp máh cũai bữn chớq, ẽq lứq noau khễn alóí, pai alóí la cũai đốq chuai yóu. 26 Ma anhia chỏi táq ngkíq. Khân cũai aléq tễ anhia ma yoc cốt toâr hỡn, cóq án cốt samoát cũai cacót. Cóp án ca ẽ cốt sốt, cóq án hâu cũai canốh. 27 Anhia hữm cũai aléq toâr hỡn, án ca tacu cha sâng, tở la án ca tểng cớng sana? Lứq án ca tacu cha ki toâr hỡn. Ma cứq ớt cóp anhia samoát cũai hâu sâng.

28 “Tốp anhia la ớt níc cóp cứq; bo cứq ramóh sa-ủi ốc túh coat, anhia tở bữn táh cứq. 29 Mpoaq cứq khoiq anoat yỗn cứq cốt sốt. Machống ki tề cứq anoat yỗn anhia cốt sốt. 30 Cứq yỗn anhia cha nguaiq parnới cóp cứq bo cứq cốt sốt. Cóp cứq yỗn anhia tacu rablốh nheq muoi chít la bar tốp cũai I-sarel.”

Yê-su Atống Nhữang Tễ Ranáq Phi-er Táq
(*Mathia 26:31-35; Mac 14:27-31; Yang 13:36-38*)

31 “Ồi Si-môn, Si-môn! Yiang Satan khoiq sẽq ẽ bữn anhia. Án yoc ẽ táq túh coat anhia, ariang noau ùm ntruo saro. 32 Ma cứq khoiq câu yỗn mới, đốq mới tở bữn pút ốc sa-âm. Tở mới sa-âm loah cứq, cóq mới chuai máh sêm ai mới, yỗn alóí sa-âm pacái lứq ễn.”

33 Ma Phi-er ta-ỡi Yê-su neq: “Ncháu ời! Cứq ẽ pớq tề cóp Ncháu. Khân noau chốq tở, tở la noau cachít, la cứq pruam cóp Ncháu.”

34 Ma Yê-su atống loah Phi-er neq: “Phi-er ời! Nhữang ntruoí tở yủah tacar, mới lứq calốih cứq pái tở.”

Yê-su Patáp Ễn Chóq Tốp Rien Tễ Án

35 Yê-su blóh tốp rien tễ án neq: “Bo cứq ớn anhia pớq ma cứq tở yỗn anhia đừng tũi, tở la toai práq, tở la cóp, bo ki anhia ốq ntróu tở?”

Alóí ta-ỡi: “Hếq tở bữn ốq ntróu.”

36 Chơ Yê-su pai ễn neq: “Ma sanua cứq atống anhia neq: Aléq bữn tũi, yỗn án đừng. Aléq bữn toai práq, yỗn án catoân. Aléq ốq dau, yỗn án chềq au, chơ chỡng dau ễn. 37 Parnai Yiang Sursĩ atống tễ cứq neq:

‘Noau noap án la cũai lỏih ariang cũai canốh tề.’[☆]

Sanua cóq cốt rapỉeiq máh santoiq ki pai tễ cứq. Cóp máh santoiq canốh noau

khoiq pai tẽ cứq la cóq cõt rapĩeiq tẽ.”

³⁸ Tõp rien tẽ Yê-su atõng án neq: “Ncháu ơi! Nãi! Khoiq bữn chơ bar pla dau.”

Chơ Yê-su ta-õi: “Ớq. Pẻq chơ.”

Yê-su Câu

(*Mathia 26:36-46; Mac 14:32-42*)

³⁹ Yê-su loõh tẽ n্তۆq ki pởq chu dũal O-li-vê ẽn, la n্তۆq án dóq pởq tẽ nling. Cóp máh tởp rien tẽ án pởq cóp án tẽ. ⁴⁰ Tữ alóí toâq pở n্তۆq ki, án atõng tởp rien tẽ án neq: “Cóp anhia câu chõỉ yõn noau radũng anhia táq lỏih.”

⁴¹ Yê-su loõh tẽ alóí bữn sám muoi chít achoang. Chơ án sacõh racól cóp câu.

⁴² Án câu neq: “Mpoaq ơi! Khân mới pruam, sẻq mới avĩaq máh ranáq ca ẽ toâq pở cứq. Ma Mpoaq chõỉ puai rangứh cứq yoc, ma puai samoat Mpoaq sâng yoc.”

⁴³ Chơ bữn manoaq ranẻng Yiang Sursĩ tẽ paloõng toâq pở Yê-su cóp chuai yõn mút pahỏm Yê-su rơi chũuq máh ranáq túh coat ki.† ⁴⁴ Yê-su sâng túh arúc lứq tâng mút pahỏm án. Chơ án câu nheq rangứh rahỏ. Bữn pahữr loõh tẽ tở án samoat riang aham tayỏq tâng cutẻq.

⁴⁵ Tữ Yê-su yuor tẽ câu, án pỉh loah pở tởp rien tẽ án. Án hữm alóí bẻq, cỏ alóí

sâng lakẻh lứq chanchỏm sa-ữi ỏc ngua. ⁴⁶ Yê-su blỏh alóí: “Nỏq anhia bẻq? Cóq anhia tamỏ! Cóp cóq anhia câu yõn vớt tẽ noau radũng anhia táq lỏih.”

Noau Cỏp Yê-su

(*Mathia 26:47-56; Mac 14:43-50; Yang 18:3-11*)

⁴⁷ Bo Yê-su noâng atõng tởp rien tẽ án, bữn cứng cũai toâq parnoi cóp Yuda, án la tẽ tởp muoi chít la bar náq rien tẽ Yê-su. Yuda ayõng máh cũai cứng ki toâq pở Yê-su. Chơ án hữn Yê-su. ⁴⁸ Ma Yê-su blỏh Yuda neq: “Nỏq mới hữn cứq, Con Yiang Cõt Cũai? Mới ẽ chẻq cứq tở?”

⁴⁹ Tữ tởp rien tẽ Yê-su hữm ỏc ntrứu ẽ toâq, alóí blỏh Yê-su: “Ncháu ơi! Pẻiq tở, hẻq tráh alóí toâq dau?”

⁵⁰ Cóp manoaq tẽ alóí tráh manoaq sũl cũai sỏt nheq tẻ rit sang Yiang Sursĩ, ta-ỏh cutữr coah atoam.

⁵¹ Yê-su atõng alóí neq: “Chõỉ! Yõn alóí tẻng táq.”

Chơ ạp atót loah cutữr cũai ki yõn án cõt bán.

⁵² Chơ Yê-su pai chỏq máh cũai sỏt tởp tẻng rit sang Yiang Sursĩ, máh tahan kĩaq Dỏng Sang Toâr, cóp máh cũai sỏt nheq sâng, alóí toâq cỏp án neq: “Nỏq anhia dũng dau cóp cuan toâq cỏp cứq samoat anhia ẽ cỏp cũai savẻng? ⁵³ Cu rangái cứq ỏt cóp anhia tâng Dỏng Sang

† **22:43** 22:43 Bữn máh tâm saráq tẻ mbỏq tở bữn bữn rana 43 cóp 44 nãi.

Toâr ma anhia tở bữn táq ntróu chóq cúq. Ma tangái nâi anhia têq puai rangúh anhia bữm, la ngê canám.”

Phi-er Calõih Yê-su
(*Mathia 26:57-58, 69-75; Mac 14:53-54, 66-72; Yang 18:12-18, 25-27*)

⁵⁴ Chơ alóí cốp Yê-su, cốp dững án toâq pở đồng cũai sớt nheq tễ rit sang Yiang Sursĩ. Phi-er puai cutuaih ntun clĩ Yê-su. ⁵⁵ Toâq alóí mut tâng nchõh đồng ki, alóí nhúq ùih. Chơ alóí tacu nghẽng ùih parnoi. Dẽh Phi-er hỡ nghẽng cốp alóí. ⁵⁶ Ma bữn manoaq mansẽm táq ranáq tâng đồng ki hữm Phi-er tacu nghẽng ùih. Án cloân chu Phi-er, chơ án pai neq: “Cũai nâi õt cốp Yê-su ki tẽ.”

⁵⁷ Ma Phi-er calõih Yê-su. Án pai neq: “Mới chõĩ la amỏq! Cúq tở dáng án ki.”

⁵⁸ Chơ mahõĩ bar ẽn, toâq cũai canõh hữm Phi-er, cốp án pai neq: “Mới la tễ tốp ki tẽ.”

Ma Phi-er ta-õi: “Cúq tở cõn tễ tốp ki dáih!”

⁵⁹ Vót ki ẽn, bữn muoi ngút, bữn manoaq samiang canõh saccoal Phi-er. Án pai: “Lúq samoât cũai nâi õt cốp Yê-su, yuaq án la cũai Cali-lê tẽ.”

⁶⁰ Ma Phi-er ta-õi: “Cúq tở dáng ntróu mới pai.”

Bo Phi-er noâng pai ngkíq, ntruoĩ tacar toâp. ⁶¹ Chơ Yê-su luliaq nhêng chu Phi-er.

Cốp Phi-er sanhữ loah tễ Yê-su khoi q pai chóq án neq: “Tễ ntruoĩ tở yũah tacar, mới calõih cúq pái tở.”

⁶² Chơ Phi-er loah tễ ki cốp án nhiam la-õq lúq.

Noau Ayê Ra-ac Yê-su
(*Mathia 26:67-68; Mac 14:65*)

⁶³ Alóí ca cốp Yê-su ayê ra-ac án cốp toân án. ⁶⁴ Alóí tán moat án, chơ pai neq: “Âu mới pai, mới ca tang bõq Yiang Sursĩ, noau chooc mới.”

⁶⁵ Cốp sa-ũĩ ramúh canõh alóí acrieiq asáh án.

Yê-su Ồt Yáng Moat Mách Cũai Sốt Tốp I-sarel
(*Mathia 26:59-66; Mac 14:55-64; Yang 18:19-24*)

⁶⁶ Toâq poang tarựp, máh cũai sớt nheq sâu, máh cũai sớt tốp tễng rit sang Yiang Sursĩ, cốp máh cũai yõng rit, alóí toâq rôm parnoi. Noau dững Yê-su toâq pở alóí. Chơ alóí blóh án neq: ⁶⁷ “Khân mới la lúq Crít, cốp mới atõng hẽq.”

Ma Yê-su ta-õi alóí neq: “Khân cúq atõng anhia, la anhia tở bữn noap cúq mỡ. ⁶⁸ Cốp khân cúq blóh anhia, la anhia tở bữn ta-õi cúq mỡ. ⁶⁹ Ma tễ nâi chumát cúq, Con Yiang Cõt Cũai, lúq õt tacu coah atoam Yiang Sursĩ Sốt Toâr Lúq.”*

⁷⁰ Chơ nheq tữh alóí blóh án: “Mới la lúq Con Yiang Sursĩ tở?”

Yê-su ta-õi neq: “Lứq p̄ieiq ariang anhia pai.”

⁷¹ Chơ alói pai neq: “Choam hái ẽ blóh noâng cūai canốh. Hái sâng tễ bỗq án toáp pai, la péq chơ.”

23

Yê-su Ớt Yáng Moat Phi-lat

(*Mathia 27:1-2, 11-14; Mac 15:1-5; Yang 18:28-38*)

¹ Bo ki nheq tốp alói ca sarhống ẽ dững asuoi Yê-su pở Phi-lat.* ² Pở ntốq ki alói cauq apót Yê-su neq: “Hếq ramóh cūai nâi radững cūai tâng cruang hái táq tở p̄ieiq. Án pai neq: ‘Anhia chỗi muap práq thễq yỗn puo cūai Rô-ma.’ Cóp án pai án toáp la Crít, puo cūai I-sarel.”

³ Phi-lat blóh Yê-su: “Lứq ma tở bữn mới la puo cūai I-sarel?”

Yê-su ta-õi án: “Lứq p̄ieiq ariang mới pai.”

⁴ Chơ Phi-lat atống máh cūai sốt tốp tềng rit sang Yiang Sursĩ, cóp máh cūai proai neq: “Cứq tở bữn ramóh muoi ốc lôi h ntróu tễ cūai nâi.”

⁵ Ma alói ón níc Phi-lat yỗn táq Yê-su. Alói pai neq: “Tễ dâu lứq cūai nâi pởq cachúc tâng cruang Cali-lê. Moâm ki án pởq cachúc pláh cruang Yudê. Sanua án toáp cachúc pở nâi ễn.”

⁶ Từ Phi-lat sâng alói pai án tễ cruang Cali-lê, án blóh

alói, Yê-su la cūai Cali-lê, ma tở bữn. ⁷ Chơ toáp Phi-lat dáng Yê-su lứq cūai Cali-lê, án dáng cūai ca sốt Yê-su la puo Hê-rôt. Chơ án ón noau dững Yê-su pở Hê-rôt, yuaq tangái ki Hê-rôt ốt tâng vil Yaru-salem tề.

Yê-su Ớt Yáng Moat Puo Hê-rôt

⁸ Từ Hê-rôt hữm Yê-su, án ón lứq. Khoiq dũn lứq chơ án yoc ẽ ramóh Yê-su, yuaq án khoiq sâng sa-ũi ramứh noau atống tễ Yê-su. Cóp án yoc ẽ hữm Yê-su táq ranáq salễh. ⁹ Chơ án blóh Yê-su sa-ũi ốc. Ma Yê-su tở bữn ta-õi án muoi ốc ntróu. ¹⁰ Máh cūai sốt tốp tềng rit sang Yiang Sursĩ, cóp máh cūai yỗng rit, alói tayứng cauq cutóh níc Yê-su. ¹¹ Chơ Hê-rôt cóp tahan án táq Yê-su samoât bỗr sanễh. Cóp alói ra-ac án. Alói asóp án au tuar samoât puo dốq sóp. Chơ alói yỗn noau asuoi loah án pở Phi-lat. ¹² Tễ tangái ki Hê-rôt cóp Phi-lat cốt ratoi loah, yuaq tễ nhũang alói ra-ũan.

Noau Rươh Yê-su Cóq Cuchit

(*Mathia 27:15-26; Mac 15:6-15; Yang 18:39-19:16*)

¹³ Chơ Phi-lat parốm loah máh cūai sốt tốp tềng rit sang Yiang Sursĩ, máh cūai sốt, cóp máh cūai proai; ¹⁴ cóp án pai chóq alói neq: “Anhia dững cūai nâi toáp pở cứq, anhia pai án

* 23:1 23:1 Phi-lat la manoaq cūai Rô-ma, án táq sốt chũop cruang Yudê.

radũng cũai táq tở p̄ieiq. Ma cứq khoiq blóh án yáng moat anhia, cốp cứq tở bữn ramóh muoi ốc lờih ntróu án táq samoât anhia cauq án. ¹⁵ Cốp Hê-rôt la tở bữn ramóh lờih ntróu tề; yuaq ngkíq án dũng loah cũai nâi pở cứq. Tở bữn ramóh ntróu án táq ma cốp roap tồt cuchĩt. ¹⁶ Ngkíq cứq ẽ toãn án, chơ cứq acláh.”

¹⁷ Puai rit tâng tangái cha bũi ki, Phi-lat cốp acláh manoaq cũai tũ.† ¹⁸ Ma máh cũai cứng ki pai muoi próh casang lứq neq: “Dũng cachĩt chíq án nâi! Acláh yỗn hếq Ba-raba!”

¹⁹ Ba-raba nâi la cũai noau khoiq chóc tâng cuaq tũ yuaq án cachúc cũai tâng vil ki, cốp án khoiq cachĩt cũai hỡ. ²⁰ Phi-lat yoc lứq acláh Yê-su; chơ án pai loah chóc cũai cứng ki. ²¹ Ma alóit pai casang lứq ễn: “Téh án tâng aluang sangcáng! Téh án tâng aluang sangcáng!”

²² Chơ Phi-lat blóh sĩa alóit cõt pái trồ neq: “Ntróu anhia hữm án táq lờih? Cứq tở bữn ramóh ốc ntróu ma tềq cachĩt án. Ngkíq cứq toãn án, chơ acláh.”

²³ Ma alóit ớn níc Phi-lat, cốp alóit pai casang lứq yỗn téh Yê-su tâng aluang sangcáng. Chơ máh parnai alóit cõt blẽng lứq. ²⁴ Ngkíq Phi-lat yỗn noau táq ariang alóit sếq. ²⁵ Cốp án acláh

Ba-raba yỗn alóit, riang alóit khoiq sếq tề adóh. Ba-raba cõt tũ yuaq án cachúc cũai tâng vil ki, cốp án khoiq cachĩt cũai hỡ. Ma Phi-lat chiau Yê-su yỗn alóit; alóit ẽ táq nỏq la tam alóit.

Noau Téh Yê-su Tâng Aluang Sangcáng

(*Mathia 27:32-44; Mac 15:21-32; Yang 19:17-37*)

²⁶ Bo alóit dũng aloỏh Yê-su tề vil, alóit ramóh manoaq ramóh Si-môn tề cruang Si-rên chu tề yáng tiah vil. Alóit cốp án, cốp ớn án đỏi aluang sangcáng Yê-su. Chơ án puai coah cũi Yê-su.

²⁷ Bữn cứng lứq cũai puai Yê-su. Bữn dểh mansẽm hỡ puai án, cốp alóit nham atếh. ²⁸ Ma Yê-su luliaq chu cũi; chơ án pai chóc alóit neq: “Mansẽm tề vil Yaru-salem ơi! Anhia chõi nham tề cứq. Ma anhia nham yỗn tở anhia cốp con acái anhia bữm. ²⁹ Nỡ-ra lứq toâq tangái noau ẽ pai neq: ‘Bổn lứq cũai cõt cốp cũai tở nai canỏt con. Cốp bổn lứq cũai bữn tóh, ma tở nai apu con.’ ³⁰ Tangái ki alóit ẽ sếq tề cóh neq: ‘Cóh ơi! Anhia ralĩh catết chíq hếq!’

“Cốp alóit ẽ sếq tề máh dũal neq: ‘Máh dũal ơi! Anhia pul culúp chíq hếq.’”☆

³¹ Chơ Yê-su sacâm ễn neq: “Khân aluang ramoong ma noau poaiq táh, ki nỏq

† 23:17 23:17 Bữn máh tâm saráq tề mbỏq tở bữn bữn rana 17 nâi. ☆ 23:30 23:30 Hô-sĩa 10:8; Sapáh Baih 6:16 ‡ 23:31 23:31 Yê-su sacâm án la samoât aluang ramoong, ma alóit ki la samoât aluang roỏh.

ễn noau ẽ táq chók aluang roõh?"‡

³² Cóp noau dững bar náq cũai lôi, ẽ cachit alói ki parnoi cóp Yê-su tê. ³³ Từ alói toâq pở ntốq noau dõq Ntốq Nghang Cantar Plõ, ntốq ki toâp noau cachit pái náq ki, téh alói tâng aluang sangcáng. Yê-su noau téh tâng aluang sangcáng mpúng dĩ. Ma bar náq cũai lôi ki, noau téh manoaq coah atoam, manoaq coah avêr Yê-su. ³⁴ Chơ Yê-su pai neq: "Mpoaq ơi! Sẻq Mpoaq táh lôi alói ca táq cứq, yuaq alói tở bữn dáng ntróu alói táq."

Chơ máh tahan tampẻq tampac Yê-su na séng anhúq, aléq bữn la thối. ³⁵ Bữn cũai sớt ớt tayúng parnoi cóp máh cũai proai yoc ẽ nhêng Yê-su. Máh cũai sớt ki ayê ra-ac Yê-su neq: "Cũai canõh ki tẻq án chuai amoong. Khân án lứq Crít, án ca Yiang Sursĩ rườh, sanua yõn án chuai amoong tở án bữm."

³⁶ Dẻh máh cũai tahan ayê ra-ac án tê. Alói avới yõn án nguaiq blống chong, ³⁷ Cóp alói pai neq: "Khân mới lứq puo cũai I-sarel, âu mới chuai amoong tở mới bữm."

³⁸ Chơ noau chĩc dõq tâng pian pởng plõ Yê-su neq: CŨAI NAI LA PUO CŨAI I-SAREL.

³⁹ Alói bar náq ca noau téh parnoi cóp Yê-su, án ca manoaq ki pai atũl Yê-su

neq: "Khân mới lứq Crít, âu mới chuai amoong tở mới, cóp chuai amoong hẻq hờ."

⁴⁰ Ma án ca manoaq ễn sươq cũai ca pai ngkiq neq: "Nỏq mới tở bữn ngcõh Yiang Sursĩ táq mới? Mới cóp án ki noau táq machớng nheq. ⁴¹ Hái la pẻiq lứq noau táq, yuaq noau carláh dõq loah tẻ máh ranáq hái khiq táq. Ma án, án tở bữn táq lôi ntróu."

⁴² Chơ cũai ca sươq ki pai chók Yê-su neq: "Yê-su ơi! Toâq mới cõt sớt nõ-ra, sẻq mới chỏi khliũ cứq."

⁴³ Chơ Yê-su ta-õi án neq: "Cứq atõng mới samoat lứq, tangái nái toâp mới bữn ớt cóp cứq tâng cruang ien khẻ tâng paloong."

Yê-su Cheq Ta-õh Rangúh (Mathia 27:45-56; Mac 15:33-41; Yang 19:28-30)

⁴⁴ Bo moat mandang ẽ cuvõ toâng, cõt canám chũop nheq cruang ki, toau toâq mandang priang.

⁴⁵ Moat mandang cõt pút chíq, cóp aroaiq noau catáng tâng Dỏng Sang Toâr chớng raháq cõt bar sarẻc. ⁴⁶ Yê-su u-õi casang lứq neq: "Mpoaq ơi! Cứq pachủh raviei cứq pở mới."*

Toâq án tangứt pai, chơ ta-õh toâp rangúh án.

⁴⁷ Bữn manoaq sớt muoi culám náq tahan, án hữm máh ranáq nái. Án khẻn Yiang Sursĩ, cóp án pai neq:

* 23:46 23:46 ũat Khẻn 31:5

“Lứq samoât cũai nâi la cũai tanoang o.”

⁴⁸ Nheq tữh cũai rôm cheq ki sâng ngua lứq. Chơ alóí chu nheq chu đống alóí. ⁴⁹ Máh cũai sarcoal Yê-su cốp máh mansêm ca puai án tễ cruang Cali-lê, alóí ớt yơng-yơng, tapoang nhềng máh ranáq noau táq chóq Yê-su.

Noau Túp Yê-su

(*Mathia 27:57-61; Mac 15:42-47; Yang 19:38-42*)

⁵⁰ Bữn manoaq ramúh Yô-sep tễ tốp sốt cũai I-sarel. Án la cũai o cốp tanoang lứq. ⁵¹ Án tỡ bữn pruan cốp tốp sốt bo alóí táq Yê-su. Án la tễ cruang Yudê, vil Ari-mathê. Cốp án ngcuang Yiang Sursĩ táq sốt. ⁵² Án pỡq chu Phi-lat cốp sếq cumuiq Yê-su. ⁵³ Chơ án toâq alih cumuiq Yê-su tễ aluang sangcáng. Án som toâq aroaiq, cốp án tữp tâng ping noau tấc tâng tamáu. Ping ki noau tỡ yũah tữp cũai. ⁵⁴ Tangái ki la noau thữan cheq ẽ toâq Tangái Rlu.

⁵⁵ Máh mansêm ca puai Yê-su tễ cruang Cali-lê pỡq tapun Yô-sep cốp nhềng ping Yê-su. Alóí hữm noau chóq cumuiq Yê-su tâng ping. ⁵⁶ Moâm ki alóí chu pỡ đống. Alóí thữan crơng phum yoc ẽ chóq tâng cumuiq Yê-su. Cốp toâq Tangái Rlu, alóí rlu tề puai ốc Yiang Sursĩ khoiq patáp.

24

Yê-su Tamoong Loah

(*Mathia 28:1-10; Mac 16:1-8, 12-13; Yang 20:1-10*)

¹ Tâng tangái muoi tâng tón ntun, tễ cláih lứq máh mansêm ki pỡq chu ping Yê-su. Alóí đững máh crơng phum alóí khoiq thữan đốq. ² Alóí hữm tamáu catáng ngoah ping ki khoiq noau vih aloõh. ³ Ma toâq alóí mut tâng ping ki, alóí tỡ bữn hữm noâng cumuiq Yê-su. ⁴ Alóí ớt tayứng ngki cỗ sâng dót lứq. Ma bo ki toâp alóí hữm bar náq samiang sớp au cloc lứq sarbal đễh moat. ⁵ Máh mansêm ki sâng ngcõh lứq, chơ alóí ngũq mieiq alóí chu cutếq. Ma samiang ki pai chóq alóí neq: “Nốq anhia chuaq cũai tamoong tâng ntốq nâi? Ntốq nâi noau đốq ống cũai cuchĩt. ⁶ Án ca anhia chuaq, án tỡ bữn ớt nnâi; án khoiq tamoong loah chơ. Anhia sanhữ nốq án pai chóq anhia bo án noâng ớt cốp anhia tâng cruang Cali-lê. ⁷ Án pai neq: ‘Con Yiang Cốt Cũai cóq toâq pỡ atĩ cũai sâuq. Chơ alóí cachĩt án, tềh án tâng aluang sangcáng. Ma catâm tangái pái án yuor tamoong loah.’”

⁸ Ngkíq mansêm ki sanhữ loah tễ máh parnai Yê-su khoiq atống. ⁹ Chơ alóí chu tễ ping. Alóí atống nheq máh ramúh nâi yỗn tốp muoi chít la muoi noaq rien tễ Yê-su đấng. Cốp alóí

atông yõn nheq máh cũai canõh dáng tê. ¹⁰ Mansẽm ca atông ramúh nâi yõn tốp ayũng atĩ Yê-su dáng la Mari, tẽ vil Mac-dala, Yô-ana, cốp Mari mpiq Yacõ. Cốp bữn mansẽm canõh hỡ pỡq cốp alói. ¹¹ Ma tốp rien tẽ Yê-su tỡ bữn noap parnai mansẽm ki pai. Alói chanchóm mansẽm ki atông tư sâng.* ¹² Ma Phi-er yuor tayúng. Án lúh toáp pỡ ping Yê-su. Án ngũq talẽn chu ping, chớ án hữm ống aroaiq miat tâng ping ki. Chớ án chu, cốp án dót lúq tâng mút án tẽ ranáq nâi.

¹³ Tangái ki toáp bữn bar náq yóu Yê-su pỡq tâng rana chu vil Êm-ma-ut. Vil ki yong tê vil Yaru-salem mán muoi chít la muoi ki-lô-mết. ¹⁴ Bo alói pỡq, alói manoaq táq ntõng cốp manoaq tẽ máh ọc alói sâng noau pai tẽ Yê-su. ¹⁵ Bo alói noâng táq ntõng ngkíq, Yê-su toáp pỡq saponq cốp alói. ¹⁶ Ma moat alói tỡ bữn saccoal Yê-su. ¹⁷ Yê-su blóh alói: “Ốc ntróu anhia ratoai tẽ adóh, manoaq táq ntõng cốp manoaq?”

Chớ alói tangút cốp moat múh alói ngua lúq.

¹⁸ Manoaq tẽ bar náq ki, ramúh Clêu-ba, blóh neq: “Nốq mới la tamoi tâng vil Yaru-salem, ma mới tỡ bữn dáng ntróu noau táq bar pái tangái nâi?”

¹⁹ Yê-su blóh: “Ramúh ntróu noau táq?”

Chớ alói atông án neq: “Máh ramúh tẽ Yê-su, cũai tẽ vil Na-sarết. Án la cũai tang bỗq Yiang Sursĩ. Salẽh lúq máh ranáq án táq cốp blẽng lúq parnai án pai yáng moat Yiang Sursĩ cốp nheq tữh cũai. ²⁰ Ma máh cũai sớt tốp tẽng rit sang Yiang Sursĩ, cốp máh cũai canõh ca sớt hếq, alói cachĩt án, téh án tâng alu-ang sangcáng. ²¹ Ma bo ki, hếq chanchóm án la cũai Yiang Sursĩ ruroh đởq chuai amoong cũai I-sarel. Sanua khoiq pái tangái nâi chớ tẽ máh ranáq ki cõt. ²² Cốp bữn mansẽm tâng tốp hếq táq ntõng yõn hếq sâng dót lúq. Alói ki pỡq tẽ cláih lúq pỡ ping Yê-su, ²³ ma alói tỡ bữn ramóh cumuiq Yê-su. Chớ alói toáp pỡ hếq cốp pai alói hữm ranẽng Yiang Sursĩ, cốp ranẽng ki atông alói pai Yê-su khoiq tamoonq loạh chớ. ²⁴ Bữn cũai canõh tẽ tốp hếq pỡq chu ping ki. Cốp alói hữm samoat máh mansẽm ki atông tê, ma alói tỡ bữn hữm Yê-su.”

²⁵ Chớ Yê-su atông alói ki neq: “Anhia la sacũl lúq, cốp cro lúq anhia sa-âm máh parnai cũai tang bỗq Yiang Sursĩ khoiq atông tẽ mbỗq. ²⁶ Nốq anhia tỡ bữn dáng Crít cóq chũuq ọc túh coat nâi, ki nốq án bữn chớc toâr lúq?”

* 24:11 24:11 Sa-ũi tâm saráq tẽ mbỗq tỡ bữn bữn rana 11 nâi.

²⁷ Chơ Yê-su ruaih loah yõn alói dáng nheq tẽ máh tâm saráq Yiang Sursĩ pai tẽ án, tẽ santoiq Mòi-se chĩc yõn toau toâq nheq parnai cũai tang bõq Yiang Sursĩ atõng.

²⁸ Cheq alói ẽ toâq vil alói yoc ẽ õt, ma Yê-su ẽ põq luat vil ki. ²⁹ Ma alói catoâng án, pai neq: “Sẽq mới õt cốp hẽq voai. Khoiq tabũ chơ, cheq ẽ sadâu.”

Ngkĩq Yê-su mut õt cốp alói. ³⁰ Toâq alói tacu chĩcha, Yê-su ìt bẽng, cốp án sa-õn Yiang Sursĩ. Chơ án pĩh bẽng cốp avoi yõn alói cha. ³¹ Bo ki alói sanhũ cốp saccoal Yê-su. Chơ sarbiet toâp Yê-su. Alói tỡ hũm án noâng. ³² Alói manoaq pai chók manoaq neq: “Lúq ma tỡ bũn, mút pahõm hái sâng bũi õn apũol bo án táq ntõng cốp hái tangái nài tâng rana, cốp bo án aloõh yõn hái parnai Yiang Sursĩ?”

³³ Chơ alói bar náq yuor toâp cốp pĩh chu loah pỡ vil Yaru-salem. Alói ramóh tốp muoi chít la muoi noaq rien tẽ Yê-su õt rôm parnoi cốp cũai canõh. Ngkĩq alói bũn sâng tê máh tốp rôm ki táq ntõng, neq: ³⁴ “Lúq samoât Ncháu hái tamoong loah! Simôn khoiq ramóh án chơ.”

³⁵ Chơ bar náq ki ẽn atõng alói ca rôm ngki tẽ máh ranáq alói khoiq hũm tâng

rana, cốp tẽ alói saccoal Yê-su bo án pĩh bẽng.

Yê-su Toâq Loah Pỡ Tốp Rien Tẽ Án
(*Mathia 28:16-20; Mac 16:14-18; Yang 20:19-23*)

³⁶ Noâng alói táq ntõng ngkĩq, cutõ Yê-su palooh mpúng dĩ alói. Cốp án pai chók alói neq: “Anhia õt ien khẽ.”

³⁷ Ma alói ngcõh lúq cốp cangcoaih, yuaq alói chanchóm cumuiq Yê-su palơ alói. ³⁸ Chơ Yê-su blóh alói neq: “Nõq anhia ngcõh? Cốp nõq anhia cõng tâng mút anhia? ³⁹ Anhia nhẽng chu ayũng atĩ cúq. Lúq cutõ cúq toâp. Cốp anhia põq satoaq chim cúq, chơ anhia dáng cũai, yuaq cumuiq tỡ bũn bũn sáiq cốp nhang riang cúq.”

⁴⁰ Moâm Yê-su pai ngkĩq, án apáh yõn alói nhẽng ayũng atĩ án.† ⁴¹ Alói noâng tỡ yũah noap, cũ alói sâng bũi la-õq cốp dót lúq. Ngkĩq Yê-su pai chók alói neq: “Anhia bũn tỡ bũn cõng sana tâng nài?”

⁴² Alói yõn pỡ án muoi béq sĩaq áng. ⁴³ Chơ án ìt cha yáng moat alói toâp.

⁴⁴ Cốp Yê-su pai chók alói neq: “Nheq máh ốc nài cúq atõng pỡ anhia bo cúq noâng õt cốp anhia. Cúp khoiq atõng anhia, cóq cõt rapĩeiq máh parnai Yiang Sursĩ atõng tẽ cúq tẽ mbõq tâng phẽp rit Mòi-se, tâng

† 24:40 24:40 Sa-ũi tâm saráq tẽ mbõq tỡ bũn bũn rana 40 nài.

parnai cūai tang bǒq Yiang Sursĩ pai, cǒp tâng tâm saráq Parnai Ũat Khẽn Yiang Sursĩ hỡ.”

⁴⁵ Chơ án atǒng yǒn alóí sapúh samoât lǔq tẽ máh parnai Yiang Sursĩ. ⁴⁶ Án atǒng alóí neq: “Khoiq noau chĩc chơ tẽ Crĩt cóq án chĩuq sa-ũĩ ốc túh coat, cǒp noau cachĩt án, ma catâm tangái pái án tamoong loah tẽ cuchĩt. ⁴⁷ Cǒp nhỡ tẽ ramứh án, cóq atǒng yǒn dũ cruang dáng, cūai cóq ngin lôih lêq cǒt mút tamái ẽn, đǒq tẽq Yiang Sursĩ táh lôih alóí. Dâu lǔq cóq atǒng tâng vil Yaru-salem. ⁴⁸ Anhia toáp cúq yǒn đũng parnai nái. ⁴⁹ Cúq toáp yǒn anhia bữn máh ramứh Mpoaq cúq khoiq ữq yǒn anhia. Ma cóq anhia acoan tâng vil Yaru-salem voai, yǒn toau anhia bữn Raviei Yiang Sursĩ sễng ốt cǒp anhia.”

Yê-su Chỗn Loah Chu Paloǒng

(Mac 16:19-20)

⁵⁰ Chơ Yê-su đũng alóí loǒh tẽ vil ki toáq pỡ vil Bê-thani ẽn. Án sacỡ bạc coah atĩ cǒp pai ốc bốn yǒn alóí. ⁵¹ Bo án noâng pai ốc bốn yǒn alóí, án loǒh tẽ alóí chỗn loah chu paloǒng. ⁵² Alóí sang Yê-su; chơ alóí chu loah pỡ vil Yaru-salem. Alóí sâng bũi lǔq. ⁵³ Alóí pỡq níc chu Đống Sang Toâr đǒq khẽn cǒp sa-ỡn Yiang Sursĩ.

Yang Chĩc Atõng Parnai O Tẽ Yê-su Crĩt Santoiq Atõng

Yang la manoaq tẽ tốp muoi chít la bar náq rien tẽ Yê-su. Án la a-ẽm Yacõ cốp con samiang Sê-badê. Án chĩc saráq nâi sám 85 toâq 90 cumo ntun Yê-su canõt.

Yang chĩc atõng pai Yê-su toâp la Parnai Yiang Sursĩ sêng pở cốc cutẽq nâi. Án cõt cũai cốp õt parnoi cốp cũai. Yang chĩc saráq nâi đõq yõn máh cũai sa-âm Yê-su la Con Yiang Sursĩ, án ca chuai amoong cũai. Cũai aléq roap sa-âm Con ki, cũai ki bữn tamooong mantái níc.

Yang chĩc loah máh ranáq salẽh đõq apáh Yê-su la manoaq chuai amoong ca Yiang Sursĩ khoiq ỹq tẽ nhũang. Yang atõng tẽ noau táq Yê-su cốp téh án tâng aluang sangcáng; án cuchĩt cốp tamooong loah. Vót ki Yê-su apáh tở án yõn tốp rien tẽ án hữm loah án.

Parnai Yiang Sursĩ Cõt Sac Sâiq Machõng Cũai Tẽ

1 Tẽ dâu lứq, bo Yiang Sursĩ tở yũah tẽng muoi ramúh ntróu, Parnai Yiang Sursĩ khoiq bữn chơ.* Án õt níc cốp Yiang Sursĩ. Án la lứq Yiang Sursĩ. 2 Án

õt cốp Yiang Sursĩ tẽ dâu lứq. 3 Nho' án, Yiang Sursĩ tẽng túc culám khám ramúh tâng pũn cốp tâng põng. Tở bữn muoi ramúh ntróu Yiang Sursĩ tẽng ma tở bữn nho' tẽ án. 4 Nho' tẽ án yuaq bữn ốc tamooong, cốp ốc tamooong ki la ốc poang yõn nheq tữh cũai. 5 Ốc poang claq tâng ntốq canám, cốp ốc canám tở riap pupát ốc poang nâi.

6-7 Bữn manoaq samiang Yiang Sursĩ ớn toâq atõng tẽ ốc poang nâi. Ramúh án la Yang. Án yoc dũ náq cũai têq sâng tẽ ốc poang nâi cốp sa-âm. 8 Yang la tở cõn ốc poang nâi, ma án toâq atõng tẽ ốc poang nâi. 9 Ốc poang nâi la Yê-su Crĩt. Án la ốc poang lứq samoát. Án toâq táq ranáq án tâng cốc cutẽq nâi. Án aclaq poang tâng mút pahõm dũ náq cũai.

10 Án õt tâng cutẽq nâi. Cutẽq nâi la án toâp tẽng, ma cũai tâng cutẽq nâi tở bữn saccoal án. 11 Án toâq pở cruang cutẽq án bữm, ma cũai ki tở bữn roap án. 12 Ma cũai aléq roap cốp sa-âm án, án yõn cũai ki bữn chóc têq cõt con acái Yiang Sursĩ. 13 Alói cõt con acái Yiang Sursĩ cõ nho' Yiang Sursĩ tẽng. Tở cõn ariang mansẽm canõt con, tở la apu amia, tở la puai ngê cũai chanchóm.

14 Parnai Yiang Sursĩ cõt

* 1:1 1:1 Parnai Yiang Sursĩ la Yê-su Crĩt.

sac sâiq machóng cũai tê. Ân ốt parnoi cốp hái. Hái khoiq hũm án bữn chóc sốt toâr lứq machóng chóc Con Yiang Sursĩ. Ân bữn mút pahõm yoc ẽ chuai miat máh cũai, cốp bữn mút pahõm p̄ieiq níc.

15 Yang p̄õq pau atõng tẽ Yê-su neq: "Cũai nâi la cứq khoiq atõng anhia neq: 'Án toâq ntun cứq, ma án bữn chóc hõn tẽ cứq. Yuaq tẽ nhũang cứq tở yũah cõt, án khoiq bữn chơ tâng paloõng.' 16 Nheq tữh hái khoiq bữn sa-ũi ớc bốn, cõ nhơ án chuai miat hái. 17 Yiang Sursĩ khoiq yõn tốp I-sarel bữn phễp rit án na Mõi-se, ma ớc chuai miat cốp ớc p̄ieiq toâq na Yê-su Crít. 18 Tở bữn cũai aléq bữn hũm Yiang Sursĩ. Ma Con Yiang Sursĩ khoiq atõng yõn máh cũai dáng tẽ Yiang Sursĩ. Yiang Sursĩ bữn ớng muoi lám Con sâng. Ân lĩ-ralĩ cốp Yiang Sursĩ, cốp án bữn muoi mút cốp Mpoaq án."

Yang La Cũai Ca Táq Batẽm
(*Mathia 3:1-12; Mac 1:1-8; Luca 3:1-18*)

19 Nâi la parnai Yang atõng bo tốp I-sarel tâng vil Yarusalem ớn bar pái náq tẽ tốp tẽng rit sang Yiang Sursĩ cốp tẽ tốp Lê-vi toâq blóh Yang neq: "Thâi la noau?"

20 Yang ngin tẽ máh ranáq án táq. Ân tở bữn cakéq ntróu. Ân ta-õi alóí neq: "Cứq tở cõn Crít."

21 Chơ alóí blóh án sĩa neq: "Khân ngkíq, thâi la noau? Thâi la Ê-li tở?"

Yang ta-õi: "Cứq tở cõn Ê-li."

Alóí blóh sĩa: "Thâi la cũai tang bõq Yiang Sursĩ ca hếq nguang tở?"

Yang ta-õi alóí: "Tở cõn."

22 Alóí blóh sĩa: "Khân ngkíq, thâi la noau? Sêq mới atõng hếq, đõq hếq chu atõng loah cũai ca ớn hếq toâq pở nâi. Sêq mới atõng hếq, mới la noau?"

23 Yang ta-õi alóí machóng parnai Ê-sai, la cũai tang bõq Yiang Sursĩ, khoiq atõng neq:

"Cứq la 'sương sabau casang tẽ ntốq aiq neq:

Cóq anhia cháh báng yõn tanoang rana yõn Ncháu hái.' "☆

24-25 Bữn cũai tẽ tốp Phariasi toâq blóh sĩa Yang neq: "Khân mới tở cõn Crít, tở la Ê-li, tở la cũai tang bõq Yiang Sursĩ ca hếq nguang, nõq mới táq batẽm yõn cũai?"

26-27 Yang ta-õi loah neq: "Cứq táq batẽm na đõq sâng, ma bữn manoaq toâq ntun cứq. Sanua án tayúng mpúng dĩ anhia, ma anhia tở bữn saccoal án. Cứq tở bữn đủ chóc dếh leh cansái cốp tẽ ayũng án, yuaq cứq la chóc cacót lứq."

28 Mách ranáq nâi cõt tâng vil Bê-thani, yáng tooh crông Yôr-dan pở ntỏq Yang đốq táq batêm.

Yang Atông Tễ Yê-su

29 Mách tangái parnở ễn, Yang hữm Yê-su toâq pở án. Yang pai neq: "Tíh! Anhia nhêng! Án la Cũu Con tễ Yiang Sursĩ. Án la riang charán noau kiac sang yỗn Yiang Sursĩ, đởq Yiang Sursĩ táh lỏih nheq tữh cũai. 30 Cứq khoi q atông chơ tễ án neq: 'Bữn manoaq toâq ntun cứq, ma án bữn chóc toâr hỡn tễ cứq. Tễ nhũang cứq tở yũah cõt, án khoi q bữn chơ tâng paloõng.' 31 Tễ nhũang, cứq tở bữn dáng án la Crít. Ma cứq khoi q táq batêm toâq đởq yỗn tốp I-sarel tềq dáng án la noau."

32 Yang atông loah máh ranáq án khoi q hữm chơ neq: "Cứq khoi q hữm Raviei Yiang Sursĩ sễng tễ paloõng ariang chóm tariap. Chơ Raviei Yiang Sursĩ ớt loâng cốp án. 33 Tangái ki cứq tở yũah dáng tề tễ máh ranáq Yê-su yoc ễ táq, ma Yiang Sursĩ ớn cứq táq batêm toâq đởq atông cứq neq: "Tữ mới hữm manoaq ca bữn Raviei Yiang Sursĩ sễng ớt, lứq án nâi la cũai táq batêm toâq Raviei Yiang Sursĩ." 34 Lứq cứq khoi q hữm chơ ốc nâi. Cứq atông anhia samoât lứq, Yê-su nâi la lứq Con Yiang Sursĩ."

Cũai Ca Rien Tễ Yê-su Nhũang Lứq

35 Tangái parnở ễn, Yang ca táq ranáq batêm ớt loah tâng ntỏq ki parnởi cốp bar náq rien tễ án. 36 Tữ án hữm Yê-su pởq pha, án nhêng chu Yê-su, cốp án pai neq: "Kì! Anhia nhêng! Án toâp la Cũu Con tễ Yiang Sursĩ."

37 Tữ bar náq rien tễ Yang sâng án pai ngkíq, alới puai Yê-su. 38 Yê-su luliaq cốp hữm alới bar náq puai án, chơ án blớh alới neq: "Ntróu anhia ễ bữn, anhia puai cứq?"

Alới ta-õi: "Thâi ớt nẻq?"

39 Yê-su ta-õi alới neq: "Anhia toâq nhêng."

Ngkíq bar náq ki puai Yê-su cốp alới hữm ntỏq Yê-su ớt. Chơ alới ớt cốp Yê-su nheq muoi tangái kì, yuaq khoi q toâq mandang ralóh chơ.

40 Anrê, a-ễm Si-môn Phier, la manoaq tễ alới bar náq ca khoi q sâng Yang atông, chơ alới puai Yê-su. 41 Anrê pởq toâp ramóh Si-môn, ai án, chơ atông án neq: "Hếq khoi q ramóh chơ Me-sia, án ca Yiang Sursĩ rườh đởq chuai amoong cũai." (Tâng parnai Créc noau đởq án la Crít.)

42 Anrê đừng Si-môn toâq pở Yê-su. Yê-su nhêng chu Si-môn cốp atông án neq: "Mới la ramứh Si-môn, con samiang Yô-na. Ma sanua cứq amứh mới ramứh tamái

ễn la Sê-pha.” (Ramúh Sê-pha tâng parnai Créc la Phi-er, cốp Phi-er parlong loah la ‘tamáu’.)

43 Mách tangái parnõ ễn Yê-su chanchóm ễ pớq chu cruang Cali-lê. Từ án pớq, án ramóh Phi-lip, cốp atõng án neq: “Cóq mới puai cứq!”

44 Phi-lip ốt muoi vil cốp Anrê cốp Phi-er. Ramúh vil ki la Bet-sada. 45 Chơ Phi-lip ramóh Na-thañal cốp atõng án neq: “Hếq khoiq ramóh chơ án ca Mõi-se khoiq chĩc tâng Tâm Saráq Phễp Rit tốp I-sarel. Cốp máh cũai tang bớq Yiang Sursĩ tễ mbớq atõng tễ cũai nãi tê. Ramúh án la Yê-su, con samiang Yô-sep tễ vil Na-sarết.”

46 Ma Na-thañal blóh neq: “Loõh lư ntróu tễ vil Nasarết?”

Phi-lip ta-õi: “Âu mới pớq nhêng saliq voai.”

47 Từ Yê-su hữm Na-thañal toãq pớ án, ki Yê-su atõng tễ Na-thañal neq: “Án nãi la cũai I-sarel lữq samoát. Án tỡ bữn bữn loãng ngê tỡ o.”

48 Na-thañal blóh Yê-su: “Nỏq thãi dáng tễ mút cứq?”

Yê-su ta-õi án neq: “Tễ nhũang Phi-lip tỡ yũah arô mới, bo mới ốt nhưp nỡm tarúng, cứq khoiq dáng chơ mới.”

49 Na-thañal pai ễn neq: “Thãi ơi! Thãi la lữq Con Yiang Sursĩ. Cốp thãi la lữq Puo cũai I-sarel.”

50 Yê-su pai neq: “Cứq mbõiq pai, ‘Cứq khoiq dáng

chơ mới bo mới ốt nhưp alu-ang ki,’ ma nỏq mới sa-âm toãp? Nỡ-ra mới bữn hữm ranáq toãr clũi tễ nãi ễn!”

51 Yê-su pai ễn: “Cứq atõng anhia samoát lữq, nỡ-ra anhia bữn hữm ranẽng Yiang Sursĩ chõn sẽng tễ paloõng cõ nhơ tễ Con Yiang Cốt Cũai.”

2

Noau Racoaiq Tâng Vil Cana

1 Vót bar tangái ễn bữn noau racoaiq lacuoi tâng vil Cana, cruang Cali-lê. Mpiq Yê-su ốt pớ ki, 2 cốp noau mới Yê-su cốp tốp rien tễ án toãq pớ ki tê. 3 Toãq blõng nho khoiq nheq chơ, mpiq Yê-su atõng Yê-su neq: “Sanua blõng alóí khoiq nheq chơ.”

4 Yê-su ta-õi mpiq án neq: “Tỡ bữn ntróu, mpiq. Nãi la tỡ cõn ranáq cứq. Ngư cứq táq tỡ yũah toãq.”

5 Ngkíq mpiq Yê-su atõng máh cũai táq ranáq neq: “Ntróu án ón anhia táq, anhia táq aki.”

6 Tốp I-sarel bữn rit cóq ariau atĩ nhũang ễ cha. Ngkíq ntỏq ki bữn tapoát lám khang tamáu đõq puai rit ki. Muoi khang tadõng bar pái chít aluoi đõq. 7 Yê-su ón cũai táq ranáq ki neq: “Sanua anhia chỏq đõq yõn poãn máh khang ki.”

Chơ alóí chỏq đõq li tambór khang. 8 Vót ki Yê-su ón alóí ễn neq: “Sanua anhia puoc đõq tễ khang

nâi; chơ aloõh yõn thâu kễ nguaiq.”

Cũai táq ranáq dững dỡq ki toáq pỡ thâu kễ. ⁹ Chơ thâu kễ nguaiq chim, ma dỡq ki khoiq cõt blống nho. Thâu kễ ki tỡ dáng tễ léq blống nâi toáq, ma cũai táq ranáq puoc dỡq ki dáng. Ngkíq thâu kễ arô cũai ca ít lacuoi, ¹⁰ cốp án pai neq: “Toáq noau mơi tamoi, noau dốq aloõh blống ẽm nhũang voai yõn tamoi nguaiq. Toáq tamoi nguaiq sa-ũĩ chơ, ki nốq noau aloõh blống ntiah ẽn. Mạ trở nâi anhia aloõh blống ẽm ntun lứq.”

¹¹ Yê-su táq yõn dỡq cõt blống tâng vil Cana cruang Cali-lê. Nâi la ranáq salẽh trở dâu lứq án táq. Án táq ngkíq dỡq apáh chóc án. Ngkíq tốp rien tễ án sa-âm án. ¹² Vót ki Yê-su, mpiq án, a-ẽm samiang án, cốp tốp rien tễ án, pỡq chu vil Cabê-na-um. Alói õt ngki bar pái tangái.

Yê-su Mut Tâng Dống Sang Toâr Tốp I-sarel

(*Mathia 21:12-13; Mac 11:15-17; Luca 19:45-46*)

¹³ Cheq ẽ toáq tangái tốp I-sarel cha sanhữ loah Tangái Loõh.* Ngkíq Yê-su chõn pỡ vil Yaru-saleh. ¹⁴ Tâng Dống Sang Toâr tốp I-sarel, Yê-su ramóh cũai chẻq chỡng ntroõq, cũu, cốp chóm tariap. Cốp bữn

cũai lêq práq hỡ tâng ntốq ki. ¹⁵ Ngkíq Yê-su táq muoi ntreh samũ dỡq proaih, chơ án proaih atũih aloõh nheq charán tễ dống sang ki, dẻch cũu cốp ntroõq. Cốp án cutól chíq máh cachõng cũai lêq práq toau máh práq sa-ar nheq. ¹⁶ Chơ Yê-su ớn cũai chẻq chóm tariap ki neq: “Anhia aloõh chíq tariap tễ ntốq nâi. Anhia chõĩ táq dống Mpoaq cừq cõt samoât dống.”

¹⁷ Tốp rien tễ Yê-su sanhữ loah tễ noau khoiq chĩc tâng tâm saráq Yiang Sursĩ tễ mbốq neq:

“Mút pahõm cừq sâng pasẻq lứq dống sang Yiang Sursĩ; cõt samoât ũih thal tâng mút pahõm cừq.”*

¹⁸ Moâm ki tốp I-sarel blớh Yê-su neq: “Tẻc ntróu thâi apáh yõn hẻq dáng thâi bữn chóc táq ranáq nâi?”

¹⁹ Yê-su ta-õĩ alói neq: “Khân talốh dống sang nâi, chơ cừq táq loah tâng pái tangái la moâm toáp.”

²⁰ Cũai I-sarel blớh loah Yê-su: “Hẻq táq dống sang nâi nheq pỡn chít tapoát cumo. Ma nốq thâi pai thâi táq dống sang nâi moâm tâng pái tangái sâng?”

²¹ Ma santoiq ki Yê-su sacâm tễ tỡ án bữm la samoât dống sang. ²² Toáq

* **2:13** 2:13 Tangái ki alói sanhữ tangái Yiang Sursĩ chuai yõn alói loõh tễ cruang Ê-yip-tô tễ mbốq. ☆ **2:17** 2:17 Ũat Khẻn 69:9

vót Yê-su cuchit, chơ ta-moong loah, tốp rien tễ Yê-su sanhữ loah tễ santoiq Yê-su pai nâi. Chơ alói noap lứq tâm saráq Yiang Sursĩ cốp máh santoiq Yê-su pai.

²³ Yê-su ốt loah tâng vil Yaru-salem máh tangái tốp I-sarel cha sanhữ loah Tangái Loõh. Bo Yê-su ốt ntóq ki bữn chũng cũi sa-âm án, yuaq alói hữm ranáq salẽh án táq. ²⁴ Ma Yê-su tở bữn noap alói, yuaq án dáng tâng mút pahõm nheq tữh cũi. ²⁵ Án tở bữn túh noau atõng án tễ mút pahõm cũi, yuaq án khoiq dáng samoat lứq chơ tễ mút pahõm cũi.

3

Yê-su Táq Ntõng Cốp Ni-cudem

¹ Bữn manoaq tễ tốp Pharsi, ramứh Ni-cudem. Án la tễ tốp sốt cũi I-sarel. ² Bữn muoi sadâu án toaq pữ Yê-su cốp pai neq: “Thâi ơi! Hếq khoiq dáng chơ thâi toaq tễ Yiang Sursĩ. Tở bữn noau têq táq ranáq salẽh machóng thâi táq, khân Yiang Sursĩ ma tở bữn chuai yõn táq máh ranáq ki.”

³ Yê-su ta-õi án neq: “Cứq atõng mới samoat lứq, khân cũi aléq ma tở bữn sết loah, án lứq tở têq hữm Yiang Sursĩ táq sốt.”

⁴ Chơ Ni-cudem blớh loah Yê-su neq: “Nỏq cũi khoiq thâu ma têq sết loah? Lứq aléq la tở têq mut noang

tâng púng mpiq cốp sết loah muoi trõ ẽn!”

⁵ Yê-su ta-õi loah án neq: “Cứq atõng mới samoat lứq, khân bữn cũi aléq ma tở bữn sết na đõq cốp na Raviei Yiang Sursĩ, cũi ki lứq tở têq mut tâng tốp Yiang Sursĩ sốt. ⁶ Khân cõt na cũi la cũi sâng, ma khân cõt na Raviei Yiang Sursĩ la bữn Raviei án tâng mút pahõm. ⁷ Mới chõi dót tễ santoiq cứq pai, anhia cóq sết loah. ⁸ Patoat cuyal phát tê, chu léq án yoc ẽ phát, lứq án phát chu ki. Mới têq sâng hõ cuyal ki, ma mới tở dáng tễ léq án toaq, cốp tở dáng chu léq án pỡq. Machóng cuyal ki tê yõn nheq tữh cũi ca sết loah na Raviei Yiang Sursĩ.”

⁹ Vót Yê-su pai ngkiq Ni-cudem blớh loah neq: “Dót oiq! Nỏq têq cũi sết loah?”

¹⁰ Yê-su ta-õi loah neq: “Mới la thâi atõng cũi I-sarel, ma mới tở bữn sapúh ramứh nâi tở? ¹¹ Cứq atõng mới samoat lứq, hếq atõng tễ máh ramứh hếq khoiq dáng, cốp hếq aloõh máh ramứh hếq khoiq hữm chơ, ma tở bữn noau tễ anhia noap santoiq hếq. ¹² Cứq khoiq atõng anhia tễ máh ramứh tâng cutẽq nâi, ma anhia tở bữn sa-âm cứq, casõn cứq atõng máh ramứh tâng paloõng ẽn, nỏq têq anhia sa-âm? ¹³ Tở nai bữn cũi chõn chu paloõng. Bữn ống manoaq sâng khoiq chõn chu paloõng. Manoaq

nâi la Con Yiang Cốt Cũai, án ca khoiq sêng tễ paloong.

14 “Tễ mbỏq Môi-se ayông cusân sapoan tâng ntốq aiq. Nỡ-ra noau ayông Con Yiang Cốt Cũai machống ki tễ. 15 Ngkíq, khân cũai aléq ma sa-âm án, cũai ki bữn tamooong mantái níc. 16 Yiang Sursĩ bữn ống muoi lám Con sâng. Cỗ án ayooq lứq nheq tữh cũai, ngkíq án yỗn Con án sêng ốt tâng cutếq nâi. Cũai aléq sa-âm Con án, raviei cũai ki tở nai cuchít pút, ma bữn tamooong mantái. 17 Yiang Sursĩ tở bữn ớn Con án sêng pở cutếq nâi đốq sữq cũai, ma Yiang Sursĩ yoc ể chuai amoong nheq tữh cũai cỗ như tễ Con án.

18 “Cũai aléq khoiq sa-âm Con Yiang Sursĩ, Yiang Sursĩ lứq tở bữn táq cũai ki. Ma cũai aléq tở bữn sa-âm, Yiang Sursĩ dadốq ể táq cũai ki, cỗ cũai ki tở bữn sa-âm Con Yiang Sursĩ. 19 Yiang Sursĩ dadốq ể táq cũai la cỗ neq: Ốc poang khoiq toâq pở cutếq nâi, ma cũai pasếq ốc canám hỡn tễ ốc poang, yuaq ranáq alóí táq la sâuq. 20 Nheq tữh cũai ca táq ranáq sâuq kêt lứq ốc poang. Alóí tở ểq ể toâq pở ốc poang, yuaq alóí ngcõh noau dáng tễ máh ranáq sâuq alóí táq. 21 Ma cũai aléq ca puai ranáq p̄ieiq, alóí yoc lứq toâq pở ốc poang. Alóí yoc ốc poang apáh alóí trĩh nheq máh ngê Yiang Sursĩ yoc alóí

táq.”

Yang Ca Táq Batễm Atờng Ễn Tễ Yê-su

22 Moâm Yê-su pai ngkíq, án cốp tốp rien tễ án mut tâng cruang Yudê. Alóí ốt pở ki táq batễm yỗn cũai. 23 Bo ki Yang táq batễm tâng ntốq Anôn cheq vil Salim, yuaq ntốq ki bữn sa-ữi đốq. Cốp máh cũai toâq níc pở Yang ểq án táq batễm yỗn alóí. 24 (Bo ki, noau tở yũah chốq Yang tâng cuaq tũ.)

25 Vót ki tốp rien tễ Yang rasuon cốp manoaq cũai I-sarel tễ rít sambráh. 26 Chơ tốp rien tễ Yang toâq pở Yang cốp atờng án neq: “Thâi ời! Manoaq ca ốt cốp thâi, bo thâi ốt yáng ki crống Yôrdan, án ca thâi khoiq atờng yỗn hếq dáng, sanua án táq batễm yỗn cũai tễ. Cốp nheq tữh cũai toâq pở án.”

27 Yang ta-ời alóí neq: “Cũai tở tềq bữn muoi ramứh ntrớu, khân Yiang Sursĩ tở bữn yỗn án bữn. 28 Anhia dáng chơ cứq khoiq pai neq: ‘Cứq tở cõn Crít. Ma Yiang Sursĩ ớn cứq toâq nhũang Crít.’ 29 Ốc nâi la samoât parnai sacâm neq: Khân bữn manoaq pởq racoâiq lacuoi, yóu án tềq pởq parnơi cốp án. Ma yóu tở tềq ndỡm lacuoi án. Manoaq án toâp tềq ndỡm. Ma yóu ca pởq cantrĩng ki, alóí lứq sâng bũi tễ. Ngkíq cứq la machống yóu ki tễ. Sanua cứq bữn moang ốc bũi óh, yuaq Crít khoiq toâq

chơ. ³⁰ Án ki cóq cõt toâr achôn, ma cóq cóq cõt cacót aẽng.

³¹ “Án ca toâq tẽ pông, án toâr clũi nheq tẽ canõh. Án ca toâq tẽ cutẽq, án sớt õng tâng cutẽq, cóp án atõng tẽ ramứh tâng cutẽq sâng. Ma án ca toâq tẽ paloõng, án toâr nheq tẽ canõh. ³² Án ki atõng máh ramứh án khoiq hũm cóp sâng chơ, ma tở bữn noau yoc ẽ tamứng san-toiq án. ³³ Aléq noap san-toiq án pai, cũai ki ngin Yiang Sursĩ la p̄ieiq lứq. ³⁴ Yiang Sursĩ khoiq ón Yê-su toâq atõng parnai Yiang Sursĩ. Yuaq ngkíq, Yiang Sursĩ yõn Yê-su bữn moang Ravieí án. ³⁵ Mpoaq ayooq Con, cóp chiau túc ramứh yõn án cõt sớt. ³⁶ Cũai aléq sa-âm Con Yiang Sursĩ, cũai ki lứq bữn tamoong mantái. Ma cũai aléq tở bữn trĩh Con ki, cũai ki tở nai bữn tamoong mantái, ma Yiang Sursĩ dadõq níc ẽ táq án.”

4

Yê-su Táq Ntõng Cóp Mansẽm Tẽ Cruang Sa-mari

¹ Tõp Pha-rasi khoiq sâng noau pai Yê-su bữn sa-ũĩ cũai rien tẽ án, cóp án táq batẽm yõn cũai sa-ũĩ hõn tẽ Yang. ² Ma lứq p̄ieiq, atĩ Yê-su tở bữn táq batẽm yõn cũai, ma õng tởp rien tẽ Yê-su toâp táq ranáq ki. ³ Tở Yê-su dáng tởp Pha-rasi khoiq sâng noau pai ngkíq,

chơ án loõh toâp tẽ cruang Yudê, cóp án p̄ih chu loah p̄õ cruang Cali-lê. ⁴ Ma rana Yê-su ẽ p̄õq, án cóq pha cruang Sa-mari. ⁵ Tâng cruang Sa-mari án toâq p̄õ vil Sukha. Vil ki cheq ntõq ruang Yacóp yõn Yô-sep con samiang án tẽ mbõq. ⁶ Cóp bữn dõq parníq tâng ntõq ki, Yacóp khoiq p̄iq tẽ mbõq. Yê-su sâng lakéh lakiei, yuaq án p̄õq níc tâng rana. Ngkíq Yê-su tacu cheq dõq parníq ki; ma khoiq cheq mandang toâng chơ.

⁷ Bữn manoaq mansẽm Sa-mari toâq õh dõq. Chơ Yê-su pai cóq mansẽm ki: “Sẽq mới yõn cóq nguaiq tê dõq mới, õi tồh!”

⁸ (Tõp rien tẽ Yê-su khoiq mut tâng vil ẽ chõng crõng sana.) ⁹ Mansẽm ki pai cóq Yê-su neq: “Âu! Nõq mới la cũai I-sarel, ma sẽq nguaiq dõq tẽ cóq? Cóq la cũai Sa-mari.”

Án pai ngkíq yuaq tởp I-sarel tở bữn ratoí cóp tởp Sa-mari. ¹⁰ Yê-su pai loah cóq án neq: “Khân mới dáng ntróu Yiang Sursĩ ẽ chuai miat, cóp khân mới dáng cũai ca sẽq nguaiq dõq tẽ mới, ngkíq mới lứq sẽq loah tẽ án; chơ án yõn mới bữn dõq tẽq yõn tamoong.”

¹¹ Mansẽm ki ta-õĩ Yê-su neq: “Thâi ời! Thâi ỏq crõng puoc dõq, cóp dõq parníq nâi yarũ lứq. Ngkíq tẽ léq thâi bữn dõq tẽq yõn

tamoong? ¹² Achúc achiac hái, Yacóp, khiq pít dờ dờq parníq nài yỗn hái. Án cốp nheq con samiang án, dếh charán dồng án, nheq từh alóit nguaiq dờq parníq nài tê tể dời mbỏq. Nỏq thài sốt hỡn tể Yacóp tỡ?”

¹³ Yê-su ta-ỡi án neq: “Cũai aléq nguaiq dờq tể parníq nài, án noâng ẽ khlac sĩa. ¹⁴ Ma cũai aléq bữn nguaiq dờq tể cứq yỗn, cũai ki tỡ nai khlac noâng. Lứq samoât, dờq cứq yỗn án cõt ariang dờq mec hoi níc tâng mút pahỡm án. Cốp dờq ki yỗn án bữn tamooong mantái.”

¹⁵ Mansẽm ki pai neq: “Thài ơi! Sẻq thài yỗn cứq nứng dờq ki. Ien cứq tỡ bữn khlac noâng, cốp tỡ bữn toâq ỡh noâng tể dờq parníq nài.”

¹⁶ Yê-su ta-ỡi án neq: “Mớit chu coâiq cayac mới pỡ dồng, chớ mới pỡq loah pỡ nài nớ.”

¹⁷ Mansẽm ki pai: “Cứq tỡ bữn bữn cayac.”

Yê-su ta-ỡi: “Lứq pĩeiq mới pai mới tỡ bữn bữn cayac. ¹⁸ Ma mới khiq bữn cayac sỡng náq chớ. Cốp samiang ca ỡt cốp mới sanua, án tỡ cỡn cayac mới. Lứq pĩeiq ariang mới khiq pai.”

¹⁹ Mansẽm ki pai loah neq: “Thài ơi! Mbỡiq nài nỏq cứq dáng thài la cũai tang bỏq Yiang Sursĩ. ²⁰ Achúc achiac hẻq khiq sang Yiang

Sursĩ dũn chớ tâng cóh nài, ma anhia tốp I-sarel pai ntốq sang Yiang Sursĩ la cóq ống tâng vil Yaru-salem sâng.”

²¹ Yê-su pai neq: “Ỗi ơi! Cứq pai samoât lứq. Cheq ẽ toâq tangái cũai ca yoc ẽ sang Mpoaq hái tâng paloõng, alóit tỡ bữn cóq sang án tâng cóh nài tỡ la tâng vil Yaru-salem.

²² Anhia tốp Sa-mari tỡ yũah dáng samoât lứq noau an-hia sang. Ma hẻq tốp I-sarel khiq dáng samoât chớ noau hẻq sang, yuaq Yiang Sursĩ chuai amoong cũai la cỗ nhớ tể tốp I-sarel. ²³ Ma cheq ẽ toâq, cốp khiq toâq chớ tangái cũai ẽ sang samoât samớit, alóit ki sang Mpoaq hái tâng paloõng nheq tể mút pahỡm cốp pĩeiq lứq. Mpoaq hái yoc lứq cũai sang án ngkíq.

²⁴ Yiang Sursĩ la lứq Yiang, tỡ cỡn cũai. Ngkíq, cũai aléq yoc ẽ sang án cóq sang nheq tể mút pahỡm cốp sang yỗn pĩeiq.”

²⁵ Moâm Yê-su pai ngkíq, mansẽm ki pai ẻn neq: “Cứq khiq dáng chớ nỡ-ra lứq toâq án ca Yiang Sursĩ rườ dờq chuai amoong cũai, án ca noau dờq ramứh Crít. Tỡ án toâq, án atỡng yỗn hái dáng tể dũ ramứh.”

²⁶ Yê-su pai chỏq án neq: “Cứq táq ntỡng cốp mới sanua, la án ki toâp.”

²⁷ Bỏ ki tốp rien tể Yê-su toâq loah pỡ án. Alóit sâng dót lứq Yê-su táq ntỡng cốp

mansêm ki. Ma tở bữn noau tẻ tộp alóí blóh mansêm neq: “Ntróu mới ể bữn?” Cóp tở bữn noau blóh Yê-su: “Nỏq thài táq ntởng cóp án?”

²⁸ Vớt ki mansêm ki táh đởq aluoi đởq án; chơ án chu atởng yỏn cũai tâng vil ki dáng. ²⁹ Mansêm ki pai neq: “Áu, anhia pởq nhêng manoaq cũai ca atởng cứq tẻ máh ranáq cứq khoiq táq. Cũai nâi lứq Crít tở?”

³⁰ Ngkíq máh cũai tâng vil ki loỏh chu ntỏq Yê-su ớt.

³¹ Bo máh cũai ca loỏh tẻ vil noâng dĩ ria rana, tộp rien tẻ Yê-su pasít án neq: “Thài ơi, chi-cha dỏi voai.”

³² Ma Yê-su ta-ởi alóí neq: “Cứq bữn cởng sana cha, ma anhia tở bữn dáng cởng ki.”

³³ Ngkíq tộp rien tẻ Yê-su, manoaq blóh manoaq neq: “Bữn cũai đởng cởng sana yỏn án cha tở?”

³⁴ Yê-su pai loah neq: “Cởng sana cứq la táq puai rangủh án ca ỏn cứq toáq, cóp táq moâm ranáq án yỏn cứq táq. ³⁵ Lứq ma tở bữn hái đởq ể pai neq: ‘Noâng pỏn casâi ển toáq catử sot?’ Ma cứq atởng anhia neq: Anhia tapoang nhêng chu sarái. Saro ki khoiq chñn chơ, cóp toáq ngư sot chơ.

³⁶ Cũai sot tâng sarái ki, lứq án roap cóng. Cóp ranáq án táq cởt palâi neq: Cũai bữn tamoong mantái. Ngkíq cũai choat cóp cũai sot, alóí mpruam sâng bủi. ³⁷ Đởq noau pai neq: ‘Cũai nâi

choat. Cũai ki sot.’ Sautoiq nâi p̄ieiq lứq. ³⁸ Cứq khoiq ỏn anhia sot tâng sarái anhia tở bữn táq. Cũai canỏh khoiq táq sarâng lứq tâng sarái ki chơ, ma anhia ỉt palâi tẻ cóng rêng alóí.”

³⁹ Cũai Sa-mari sa-ửi náq tẻ vil ki sa-âm Yê-su cỏ nhơ mansêm ki atởng alóí neq: “Cũai ki khoiq atởng cứq nheq tẻ máh ranáq cứq khoiq táq.”

⁴⁰ Ngkíq, tở cũai Sa-mari toáq pở Yê-su, alóí catoâng án yỏn ớt cóp alóí. Chơ Yê-su ớt bar tangái tâng ntỏq ki. ⁴¹ Cóp bữn sa-ửi náq ển sa-âm, toáq alóí sâng parnai Yê-su atởng. ⁴² Máh cũai sa-âm pai chỏq mansêm ki neq: “Tẻ nhũang hếq sa-âm Yê-su la cỏ tẻ mới atởng hếq, ma sanua hếq khoiq sâng parnai án atởng. Ngkíq hếq dáng samoát lứq án nâi la cũai chuai amoong nheq tữh cũai.”

Yê-su Táq Bán Con Sami-ang Cũai Sốt

⁴³ Vớt tẻ bar tangái ki, Yê-su loỏh tẻ ki ể pởq pở cruang Cali-lê. ⁴⁴ Tẻ nhũang Yê-su khoiq pai chơ neq: “Cũai tang bỏq Yiang Sursĩ, tở bữn noau yám noap án tâng cruang án bữm.”

⁴⁵ Tở Yê-su toáq pở cruang Cali-lê, máh cũai Cali-lê tabỏp án bủi o, yuaq alóí khoiq hữm máh ranáq án táq pở vil Yaru-salem tâng tangái tộp I-sarel cha bủi

puai phễp rit Tangái Loõh.*
Bo ki bữn đễh cũai Cali-lê
põq pữ vil Yaru-salem.

46 Yê-su pỏq loah pữ vil
Cana tâng cruang Cali-lê.
Tâng vil ki bo nhũang, Yê-
su khoiq táq yỏn đờq cớt
blống nho. Tâng vil ki
bữn manoaq cũai sớt bữn
con samiang bẻq tua a-ĩ pữ
vil Cabê-na-um. 47 Từ cũai
sớt nài sâng noau pai Yê-su
khoiq loõh tẻ cruang Yudê
cóp toâq pữ cruang Cali-lê,
án toâq pữ Yê-su, cúp án sẻq
Yê-su pỏq chu vil Cabê-na-
um cúp táq bán con samiang
án. Yuaq con án cheq ẻ
cuchĩt chớ. 48 Yê-su atởng
án neq: “Khân anhia tở bữn
hữm tẻc salẻh tở la ranáq
salẻh, anhia tở nai sa-âm.”

49 Cũai sớt ki ta-ỡi neq:
“Ncháu ỡi! Sẻq Ncháu pỏq
cóp cúq, satỏm bo con cúq
noâng tamoong.”

50 Yê-su ta-ỡi án neq:
“Pỏq! Mới chu. Sanua con
samiang mới lứq tở bữn
cuchĩt.”

Ngkíq cũai sớt ki sa-âm
santoiq Yê-su; chớ án chu.
51 Bo án noâng dĩ ria rana;
án ramóh cũai táq ranáq án.
Cũai ki atởng án neq: “Con
samiang ncháu môih loah
chớ.”

52 Cũai sớt ki blớh alới bo
lẻq con samiang án môih
loah. Alới atởng án neq:
“Con ncháu pút cutâu tở

tangái mahái bo mandang
priang.”

53 Chớ, cũai sớt ki sanhữ
loah bo ki Yê-su atởng án
neq: “Sanua con samiang
mới lứq tở bữn cuchĩt.”

Ngkíq cũai sớt ki cúp
nheq đống sủ án sa-âm Yê-
su. 54 Nài lạ trở bar Yê-su
táq ranáq salẻh tâng cruang
Cali-lê vớt án loõh tẻ cruang
Yudê.

5

Yê-su Táq Bán Cũai Ớt Cheq Amống

1 Ntun ki Yê-su pỏq chu
vil Yaru-salem tâng tangái
tỏp I-sarel cha bủi puai rit
alới. 2 Tâng vil Yaru-salem,
cheq ngoah toong ramứh
Ngoah Toong Cừu, bữn muoi
amống đờq. Tâng par-
nai I-sarel amống nài noau
đỏq Bê-thada. Pẻm amống
nài bữn sỡng lám ntrởn.

3 Clúng lứq cũai a-ĩ bẻq
tâng ntrởn ki: Bữn cũai
sụt, cũai yỏt, cúp cũai a-ĩ
coang. (Máh cũai a-ĩ ki ớt
acoan đờq tâng amống ki
canoâq, 4 yuaq bữn manoaq
ranẻng Yiang Sursĩ sẻng táq
yỏn đờq cớt canoâq. Toâq
đờq ki canoâq, alẻq ca sẻng
nhũang tâng đờq, tam án
a-ĩ ntrớu la cớt bán nheq.)*

5 Ntỏq ki bữn manoaq sami-
ang a-ĩ khoiq pái chít tacual
cumo chớ. 6 Yê-su hữm cũai
ki bẻq tâng ntỏq ki. Cúp

* 4:45 4:45 Tangái ki alới sanhữ tangái Yiang Sursĩ chuai alới loõh tẻ cruang
Ê-yip-tỏ tẻ mbỏq. * 5:4 5:4 Sa-ỡi tâm saráq tẻ mbỏq tở bữn bữn santoiq tâng
mpúng dĩ bar lám carvang nài.

Yê-su dáng cūai ki a-ĩ khoiq dũn lứq chơ. Ngkíq Yê-su blóh án: “Mới yoc ẽ cõt bán tở?”

7 Cūai ki ta-õi: “Achuaih oi! Tở bữn noau chuai asêng cứq tâng dờq amống nâi toâq dờq nâi canoâq. Cứq yoc ẽ sêng tê ma tở bữn satôm, yuaq bữn cūai canốh sêng chíq nhũang cứq.”

8 Yê-su atống án neq: “Mới yuor tayứng! Ỉt chĩa mới! Chơ mới pờq!”

9 Bo ki toâp cūai a-ĩ ki cõt bán thág. Án ỉt chĩa, cốp án pờq. Tangái ki la Tangái Rlu puai rit tốp I-sarel.

10 Ngkíq bữn cūai I-sarel atống cūai cõt bán ki neq: “Tangái nâi la Tangái Rlu. Puai rit hái mới tở tềq dừng chĩa mới tâng tangái nâi.”

11 Ma cūai ki ta-õi neq: “Án ca táq bán cứq a-ĩ, ớn cứq neq: ‘Mới ỉt chĩa mới; chơ mới pờq.’ ”

12 Tốp alóí blóh loah án neq: “Noau ớn mới ỉt chĩa mới; chơ mới pờq?”

13 Ma cūai ki tở bữn dáng noau táq yỗn án bán, yuaq biet chíq Yê-su tâng cūai clứng. 14 Toâq ntun ẽn, tâng Dống Sang Toâr Yê-su ramóh loah cūai khoiq bán a-ĩ ki. Chơ Yê-su atống án neq: “Sanua mới khoiq bán chơ. Mới chốí táq noâng ranáq lóih. Khân mới táq lóih, cồh lơ mới ramóh túh coat clũí tể nhũang ẽn.”

15 Cūai ki loốh tể ntốq ki, cốp án atống yỗn tốp I-sarel

dáng Yê-su khoiq táq yỗn án cõt bán.

Yê-su Atống Cūai I-sarel

16 Cỗ tian Yê-su táq máh ranáq salẽh tâng Tangái Rlu, yuaq ngkíq tốp I-sarel chuaq ngê ẽ táq án. 17 Yê-su atống alóí neq: “Mpoaq cứq noâng táq níc ranáq toau sanua, cốp cứq táq machống ki tê.”

18 Cỗ Yê-su pai ngkíq, tốp I-sarel chuaq sa-ũíi ngê ẽ cachĩt án. Alóí pai Yê-su táq bar ramứh tở pĩeiq. Tở cõn ống án táh phễp rit Tangái Rlu sâng, ma án dờq Yiang Sursĩ la Mpoaq án hờ. Án pai ngkíq la machống án pai án lĩ-ralĩ cốp Yiang Sursĩ tê.

19 Yê-su atống tốp I-sarel neq: “Cứq atống anhia samoât lứq, cứq Con Yiang Sursĩ tở têq táq muoi ốc ntróu ống manoaq cứq. Con táq puai samoât án hữm Mpoaq án táq. Ranáq ntróu Mpoaq táq, Con lứq táq machống ki tê. 20 Cỗ Mpoaq ayoóq Con, yuaq ngkíq Mpoaq apáh Con túc ranáq án táq. Nờ-ra Mpoaq ẽ apáh yỗn Con táq ranáq toâr clũí tể nâi, yỗn anhia sâng dót lứq. 21 Yuaq riang Mpoaq yỗn cūai khoiq cuchĩt têq tamoong loah, machống ki tê Con yỗn ốc tamoong pờ nheq tữh cūai án yoc ẽ yỗn. 22 Mpoaq tở bữn rablốh noau. Ma án yỗn Con án bữn chốc dờq rablốh cūai. 23 Ngkíq, cūai aléq yoc ẽ yám noap Mpoaq, cūai ki

cúq yám noap Con machóng ki tê. Cũai aléq ma tở bữn yám noap Con, cũai ki tở bữn yám noap Mpoaq tê, án ca ớn Con toâq pở cutêq nâi.

24 “Cúq atông anhia samoât lứq, cũai aléq tamúng parnai cúq, cốp sa-âm án ca ớn cúq toâq tê, cũai ki bữn tamoong mantái cốp noau tở bữn rablớh ẽ táq án noâng. Án khoiq vót tể ốc cuchít; noâng án bữn ống ốc tamoong sâng. 25 Cúq atông anhia samoât lứq, cheq ẽ toâq cốp khoiq toâq chơ tangái máh cũai khoiq cuchít, têq bữn sâng sường Con Yiang Sursĩ; chơ ravieĩ alóĩ bữn tamoong.† 26 Yuaq Mpoaq bữn chóc yỗn cũai tamoong, ngkíq án yỗn Con bữn chóc têq yỗn cũai tamoong tê. 27 Cốp Mpoaq khoiq yỗn Con bữn chóc đợc rablớh cũai, yuaq án la Con Yiang Cốt Cũai. 28 Anhia chõĩ dót santoiq nâi, yuaq lứq toâq tangái cũai khoiq cuchít cốp noau túp tâng ping, alóĩ bữn sâng sường Con ki, 29 chơ alóĩ loõh tể ping. Cũai aléq khoiq táq ranáq o, cũai ki loõh cốp tamoong ien khẽ. Ma cũai aléq khoiq táq ranáq sâuq, cũai ki loõh tê, ma noâng noau rablớh cốp yỗn roap tốt. 30 Cúq tở têq táq ntróu puai rangúh cúq bữm. Ma cúq sữq puai loah cúq sâng Mpoaq cúq sữq. Ngkíq cúq

sữq tanoang lứq, yuaq cúq tở bữn puai rangúh cúq bữm, ma cúq puai rangúh án ca ớn cúq toâq.

31 “Khân cúq atông tể ngê cúq bữm, parnai nâi tở bữn lứq ntróu. 32 Ma Mpoaq cúq atông tể cúq tê, cốp cúq dáng parnai án atông tể cúq la p̄ieiq lứq. 33 Anhia khoiq ớn noau toâq pở Yang, cốp Yang atông parnai lứq p̄ieiq. 34 Ma cúq tở bữn nhơ tể parnai cũai atông sâng. Cúq atông anhia ốc nâi yỗn Yiang Sursĩ têq chuai amoong anhia. 35 Yang la samoât tabong noau tacât yỗn poang. Anhia yoc ẽ bữn ốc poang tể án mahõĩ sâng. 36 Ma toâr hỡn tể parnai Yang khoiq atông tể cúq, la bữn ranáq Mpoaq cúq chiau yỗn cúq táq. Ngkíq ranáq nâi toáp apáh yỗn cũai dáng Mpoaq cúq ớn cúq toâq. 37 Cốp Mpoaq cúq, án ca ớn cúq toâq, án khoiq atông tể cúq. Anhia tở nai sâng sường án, tở la hữm roáp án, 38 cốp parnai án tở bữn ốt tâng mút anhia, yuaq anhia tở bữn sa-âm án ca Mpoaq ớn toâq. 39 Anhia chuaq rien sa-ữĩ tể parnai Yiang Sursĩ, yuaq anhia chanchóm têq bữn tamoong mantái cồ nhơ tể anhia rien parnai ki. Cốp parnai Yiang Sursĩ toáp atông tể cúq, 40 ma noâng anhia tở ẽq toâq pở cúq yỗn

† 5:25 5:25 Cũai cuchít la sacâm máh cũai ca tở bữn dáng cốp tở bữn sa-âm Con Yiang Sursĩ.

anhia bữn tamoong mantái.

⁴¹ “Tở bữn ntrầu khận cũai khễn cứq. ⁴² Ma cứq dáng chơ anhia. Cứq dáng anhia tở bữn ayoog Yiang Sursĩ tâng mứt pahõm anhia. ⁴³ Cứq khoiq toaq pở nâi bữn chớc tễ Mpoaq cứq, ma noâng anhia tở ẽq roap cứq. Ma khận bữn cũai canõh toaq cleũ chớc án bữm, chái lứq anhia roap án ki. ⁴⁴ Anhia yoc lứq cũai canõh khễn anhia, ma anhia tở bữn chuaq yõn Yiang Sursĩ khễn anhia; ống án toáp lứq Yiang. Ngkíq, nõq tẽq anhia sa-âm? ⁴⁵ Ma anhia chõi chanchóm cứq ẽ cauq anhia pở Mpoaq cứq. Lứq cutõ Mõi-se toáp cauq anhia, án ca anhia ngcuang chuai anhia. ⁴⁶ Ma khận anhia lứq sa-âm Mõi-se, ki anhia sa-âm cứq tê, yuaq Mõi-se khoiq chĩc tễ cứq. ⁴⁷ Ma khận anhia tở bữn sa-âm parnai Mõi-se khoiq chĩc ki, nõq anhia tẽq sa-âm parnai cứq atõng sanua?”

6

Yê-su Siem Sõng Ngìn Náq Cũai

(*Mathia 14:13-21; Mac 6:30-44; Luca 9:10-17*)

¹ Vót ki, Yê-su yang loah clóng Cali-lê. Dỡq clóng nâi noau dõq la clóng Tubê-riat hỡ. ² Clứng lứq cũai puai Yê-su, yuaq alóí khoiq hữm máh ranáq salẽh án táq bán cũai a-ĩ. ³ Yê-su

chõn tâng cóh, chơ án tacu ntốq ki cớp tộp rien tễ án. ⁴ Bo ki cheq ẽ toaq tangái tộp I-sarel cha sanhữ Tangái Loõh.* ⁵ Tữ Yê-su tapoang achõn, án hữm clứng cũai toaq pở án; chơ án pai chóq Phi-lip neq: “Ntốq aléq hái ẽ chõng crong sana yõn dũ máh cũai nâi cha?”

⁶ Yê-su blóh ngkíq yoc ẽ chim Phi-lip sâng, yuaq án khoiq dáng chơ ranáq án yoc ẽ táq. ⁷ Phi-lip ta-õi neq: “Khận noau tuthẽ bar culám tangái, chơ ít práq cóng ki chõng sana yõn máh cũai nâi cha, tở yũah dũ manoaq muoi mẽng.”

⁸ Bữn manoaq ẽn tộp rien tễ Yê-su ramứh Anrê, a-ẽm Si-môn Phi-er. ⁹ Anrê pai neq: “Bữn manoaq carnễn samiang õt nnâi. Án bữn sõng lám bẽng cớp bar lám sĩaq. Ma nõq tẽq khám yõn nheq tữh cũai nâi cha?”

¹⁰ Yê-su ta-õi án neq: “Yõn cũai clứng nâi tacu.”

Tâng ntốq ki bữn sa-ũĩ bát sanlan; chơ alóí tacu ngki. Nheq tữh cũai samiang car-sai ki bữn sám sõng ngìn náq. ¹¹ Yê-su ít bẽng ki, cớp sa-õn Yiang Sursĩ. Moâm ki án tampẽq yõn máh cũai tacu ngki. Alóí túng cha máh léq alóí yoc ẽ cha. Chơ án táq machóng ki tê cớp sĩaq. ¹² Tữ nheq tữh cũai cha pasâi chơ, Yê-su ớn tộp rien

* **6:4** 6:4 Tangái ki alóí sanhữ tangái Yiang Sursĩ chuai yõn alóí loõh tễ cruang Ê-yip-tô tễ mbốq.

tễ án neq: “Anhia parôm loah máh ngcáh mbéh clũĩ tễ alói cha. Chõi yõn khlaiq muoi ramúh ntrúu.”

¹³ Ngkiq alói parôm loah máh ngcáh tễ sǒng lám bǐng ki, bũn muoi chít la bar crư clũĩ tễ noau cha.

¹⁴ Toáq máh cūai ki hũm Yê-su táq ranáq salêh nâi, alói pai neq: “Lứq samoát, cūai nâi la manoaq tang bỗq Yiang Sursĩ, ca Yiang Sursĩ khoiq ớn toáq pữ cốc cutêq nâi.”

¹⁵ Tữ Yê-su dáng máh cūai ki chanchóm ẽ cốp án cốp ếp án yõn cõt puo, chơ án loỏh chíq tễ ntốq ki. Án chõn sĩa chu cóh ống manoaq án.

Yê-su Pữq Ayũng Tâng Cloong Dữq

(*Mathia 14:22-33; Mac 6:45-52*)

¹⁶ Toáq tabũ, tốp rien tễ Yê-su sǐng pữ tor clóng.

¹⁷ Chơ alói chõn tâng tuoc ẽ yang coah tooh clóng, pữq chu vil Cabê-na-um. Paloong khoiq canám, ma Yê-su tữ yũah toáq pữ alói.

¹⁸ Cuyal phát rêng lứq, cốp dữq canoáq. ¹⁹ Tữ tốp rien tễ Yê-su voah tuoc khoiq clũĩ tapoát ki-lô-mết chơ, alói hũm Yê-su pữq ayũng tâng cloong dữq cheq ẽ toáq pữ tuoc alói. Cốp alói sâng ngcõh lứq.

²⁰ Ma Yê-su atõng alói neq: “Nâi la cutĩ cứq. Anhia chõi ngcõh ntrúu.”

²¹ Moâm ki, alói yõn Yê-su chõn tâng tuoc; cốp bo

ki toáp tuoc alói toáq pữ tor bân ntốq alói ẽ pữq.

Yê-su Atõng Tễ Bǐng Sǐng Tễ Paloong

²² Poang tarup parnõ cūai chũng ki noâng ớt tâng tor yáng nâi. Alói dáng tabũ mahái bân ntốq nâi bũn ống muoi lám tuoc sâng. Cốp alói dáng Yê-su tữ bũn chõn tâng tuoc ki cốp tốp rien tễ án. Ma ống tốp rien tễ án toáp ớt tâng tuoc ki. ²³ Ma tangái ki bũn tuoc canỏh toáq tễ vil Tubê-riat. Tuoc nâi toáq pữ tor cheq ntốq Yê-su khoiq sa-ỡn bǐng cốp yõn cūai chũng cha. ²⁴ Tữ cūai chũng ki dáng Yê-su cốp tốp rien tễ án tữ bũn ớt noâng ntốq ki, ngkiq alói chõn tâng tuoc cốp pữq pữ vil Cabê-na-um chuaq Yê-su.

²⁵ Tữ alói ramóh Yê-su coah tooh dữq ki, alói blớh án neq: “Thâi ơi! Bo léq thâi toáq pữ nâi?”

²⁶ Yê-su ta-ỡi alói neq: “Cứq atõng anhia samoát lứq, anhia chuaq cứq tữ cõn cõ anhia khoiq hũm ranáq salêh cứq táq, ma lứq anhia chuaq cứq cõ tangái mahái anhia khoiq cha pasâi tễ crưng sana cứq yõn. ²⁷ Anhia chõi táq ranáq chi-chuaq crưng sana tâng dũi nâi. Yuaq sana nâi têq nsóq. Ma cóq anhia táq ranáq chi-chuaq crưng sana ca táq yõn anhia têq tamoong mantái. Sana nâi Con Yiang Cõt Cūai toáp têq

yõn anhia bữn, yuaq Yiang Sursĩ, Mpoaq án, khoiq yõn án bữn chóc táq ngkíq.”

28 Chơ tốp alóí blóh Yê-su neq: “Hếq cóq táq ntróu đợc táq ranáq Yiang Sursĩ yõn hếq táq?”

29 Yê-su ta-õi alóí neq: “Ranáq Yiang Sursĩ yõn anhia táq la neq: Cóq anhia sa-âm án ca Yiang Sursĩ ớn toâq pở nâi.”

30 Tốp alóí blóh sĩa: “Tếc salễh ntróu thâi ể táq yõn têq hếq hữm cóp sa-âm thâi? Ntróu noâq thâi ể táq? 31 Achúc achiac hếq tể mbỏq cha bễng tể paloõng tâng ntốq aiq. Ốc nâi noau khoiq chĩc chơ tâng tâm saráq Yiang Sursĩ neq:

‘Án yõn alóí cha bễng ca sễng tể paloõng.’”*

32 Yê-su ta-õi loah alóí neq: “Cứq atõng anhia samoât lứq, tở cõn Mõi-se yõn anhia cha bễng tể paloõng. Ma óng Mpoaq cứq toâp yõn anhia cha bễng lứq samoât, la bễng án asễng tể paloõng.

33 Bễng Yiang Sursĩ yõn ki sễng tể paloõng, cóp bễng nâi yõn nheq tữh cũai bữn tamooing.”

34 Alóí ta-õi loah neq: “Thâi ơi! Sễq thâi yõn hếq bữn níc bễng ki.”

35 Yê-su atõng alóí neq: “Cứq nâi toâp la bễng yõn cũai bữn tamooing. Cũai aléq toâq pở cứq, cũai ki tở nâi

sâng panhieih. Cóp cũai aléq sa-âm cứq, cũai ki tở nâi khlac.

36 “Ma lứq samoât cứq atõng anhia chơ, anhia khoiq hữm cứq, ma noâng anhia tở bữn sa-âm cứq.

37 Nheq máh cũai ca Mpoaq cứq yõn toâq pở cứq, lứq cũai ki toâq pở cứq. Cóp nheq tữh cũai ca toâq pở cứq, cứq tở nâi tuih alóí.

38 Yuaq cứq sễng tể paloõng tở cõn cứq ể puai rangứh cứq bữm, ma cứq ể puai rangứh án ca ớn cứq toâq pở nâi. 39 Rangứh án ca ớn cứq toâq la neq: Án tở ểq yõn pứt manoaq tể máh cũai ca án khoiq yõn cứq bữn. Cóp toâq tangái

parsót án yoc cứq yõn nheq tữh cũai ki tamooing loah tể ping. 40 Yuaq Mpoaq cứq yoc nheq tữh cũai dáng Con án cóp sa-âm Con án, lứq bữn tamooing mantái. Cóp toâq tangái parsót cứq yõn nheq tữh cũai ki tamooing loah tể ping.”

41 Moâm Yê-su pai ngkíq, cũai I-sarel ki loai bubéq-bubựp tể Yê-su, yuaq án khoiq pai: “Cứq la bễng sễng tể paloõng.”

42 Tốp alóí pai neq: “Lứq ma tở bữn cũai nâi la Yê-su, con Yô-sep? Háí dáng mpiq mpoaq án. Nốq án têq pai án sễng tể paloõng?”

43 Yê-su ta-õi alóí ki neq: “Anhia chõỉ loai noâng tở

* 6:31 6:31 Loõh Tể Ê-yip-tô 16:4; Nê-hamia 9:15; Ûat Khển 78:24-25

cốt ố. ⁴⁴ Khân Mpoaq cứq tâng paloông, án ca ớn cứq toâq pở nâi ma tở bữn tếc cũiai yỗn toâq pở cứq, lứq tở bữn noau tềq toâq pở cứq. Cóp toâq tangái parsốt, cũiai aléq ca toâq pở cứq, cứq yỗn cũiai ki bữn tamoong loah tể ping. ⁴⁵ Noau khoiq chĩc tâng tâm saráq cũiai tang bỗq Yiang Sursĩ neq:

‘Yiang Sursĩ ẽ arĩen nheq tữh alói.’[☆]

Cũiai aléq tamứng sântoiq Mpoaq cóp rien tể án, cũiai ki lứq toâq pở cứq. ⁴⁶ Lứq tở bữn noau hữm Mpoaq tâng paloông, ma ống án ca toâq tể Yiang Sursĩ toâp khoiq hữm Mpoaq. ⁴⁷ Cứq atống anhia samoât lứq, cũiai aléq ma sa-âm cứq, cũiai ki lứq bữn tamoong mantái. ⁴⁸ Cứq la bễng yỗn máh cũiai bữn tamoong. ⁴⁹ Achúc achiac anhia khoiq cha mana tể paloông tâng ntốq aiq, ma noâng alói cuchĩt. ⁵⁰ Ma bễng nâi sễng tể paloông; khân cũiai aléq cha bễng nâi, cũiai ki tở bữn cuchĩt noâng. ⁵¹ Cứq la bễng tamoong ca khoiq sễng tể paloông. Khân cũiai aléq cha bễng nâi, cũiai ki bữn tamoong mantái. Bễng nâi la sâiq cứq, ca cứq lứq yỗn nheq tữh cũiai bữn tamoong mantái.”

⁵² Moâm Yê-su pai ngkiq, cũiai I-sarel rasuon ratuaq cóp blớh neq: “Nốq tềq cũiai nâi yỗn hái cha sâiq án?”

⁵³ Yê-su atống loah alói neq: “Cứq atống anhia samoât lứq, khân anhia tở bữn cha sâiq Con Yiang Cốt Cũiai cóp tở bữn nguaiq aham án, anhia tở tềq bữn tamoong mantái. ⁵⁴ Cũiai aléq cha sâiq cứq cóp nguaiq aham cứq, cũiai ki bữn tamoong mantái; cóp toâq tangái parsốt, cứq yỗn án tamoong loah tể ping. ⁵⁵ Yuaq sâiq cứq la crong sana pĩeiq lứq, cóp aham cứq la crong nguaiq pĩeiq lứq. ⁵⁶ Cũiai aléq cha sâiq cứq cóp nguaiq aham cứq, cũiai ki ốt muoi mút cóp cứq, cóp cứq ốt muoi mút cóp án. ⁵⁷ Mpoaq cứq tâng paloông, án ca yống nỡm ốc tamoong, án khoiq ớn cứq toâq. Cứq tamoong cỗ nhơ Mpoaq cứq tâng paloông yỗn cứq tamoong. Machóng ki tề, cũiai aléq cha cứq, cũiai ki bữn tamoong cỗ nhơ cứq. ⁵⁸ Nâi la bễng sễng tể paloông. Bễng nâi mpha tể bễng tể paloông ca achúc achiac hái cha tể mbốq. Alói cha mana ki, ma noâng alói cuchĩt. Ma cũiai aléq cha bễng cứq yỗn, cũiai ki bữn tamoong mantái.”

⁵⁹ Máh sântoiq nâi Yê-su atống tâng đống sang tốp I-sarel tâng vil Cabê-na-um.

⁶⁰ Sa-ữi náq tể tốp puai Yê-su tamứng Yê-su atống ngkiq, cóp alói pai neq: “Coat lứq sântoiq án atống nâi. Noau tềq dáng máh ốc ki?”

61 Yê-su dáng tốp puai án bubéq-bubup ngkíq; chơ án atōng alóí neq: “Toâq anhia sâng ốc nâi, anhia tở ếq puai noâng tở?” 62 Khân ngkíq, nốq anhia chanchóm khân anhia hữm Con Yiang Cốt Cũai chõn loah chu nốq án ốt tể nhũang? 63 Lứq Raviei Yiang Sursĩ toâp táq yõn raviei cũai bữn tamoong, ma sâiq cũai tở bữn kia ntróu. Mách santoiq cứq khoiq atōng anhia, santoiq ki atōng tể raviei, cốp santoiq ki tềq yõn tamoong. 64 Ma noâng bữn cũai tể anhia tở bữn sa-âm cứq.”

Yê-su pai ngkíq, yuaq án khoiq dáng tể nhũang chơ cũai aléq tở bữn sa-âm án, cốp án dáng chơ tâng tốp án toâp bữn manoaq chềq án. 65 Cốp Yê-su pai ễn neq: “Ngkíq cứq khoiq atōng anhia tể nhũang chơ, khân Mpoaq cứq tở bữn yõn noau toâq pở cứq, lứq tở bữn noau tềq toâq pở cứq.”

66 Từ Yê-su pai máh santoiq ki, bữn sa-ữi náq tể tốp ca puai án pih chu, tở ếq puai noâng án. 67 Yê-su blóh tốp muoi chít la bar náq ễn: “Anhia yoc ể loõh tê tở?”

68 Si-môn Phi-er ta-õi loah neq: “Ncháu ơi! Tở bữn noau hếq ể puai noâng. Ống Ncháu toâp bữn parnai yõn cũai tềq tamoong mantái. 69 Hếq sa-âm cốp

dáng samoât lứq, Ncháu la án ca Yiang Sursĩ ruoh, cốp Ncháu la án ca bráh o lứq.”

70 Chơ Yê-su ta-õi neq: “Cứq khoiq ruoh anhia muoi chít la bar náq. Ma bữn manoaq tể anhia puai ngé yiang sâuq.”

71 Yê-su pai ngkíq la án pai tể Yuda, con samiang Si-môn I-cari-ôt. Yuda la tể tốp muoi chít la bar náq, ma nữ pra Yuda lứq chềq yõn noau cachĩt Yê-su.

7

*Yê-su Atōng Tâng Vil Yaru-salem Tâng Tangái Chóh Nloah**

1 Vót ki Yê-su pởq pláh nheq cruang Cali-lê. Án tở ếq mut tâng cruang Yudê, yuaq cũai I-sarel tâng cruang ki yoc ể cachĩt án. 2 Ma bo cheq ể toâq tangái tốp I-sarel cha bũi sanhữ Tangái Chóh Nloah, 3 sểm ai Yê-su atōng án neq: “O mới loõh chíq tể nốq nâi, cốp pởq chu cruang Yudê ễn, đốq máh cũai ca puai mới tềq hữm máh ranáq salễh mới táq. 4 Yuaq khân cũai aléq yoc cũai canõh dáng ramứh án, ki án tở bữn táq ranáq cutooq. Mách ranáq ntróu mới táq, cốp mới apáh yõn dũ náq tềq hữm.”

5 Ma lứq sểm ai Yê-su toâp tở bữn sa-âm án. 6 Ngkíq Yê-su ta-õi alóí neq: “Tở yũah toâq ngư cứq apáh yõn dũ

* 7: 7:0 Tangái Chóh Nloah la tangái tốp I-sarel táq nloah ốt dờ tapul tangái đốq sanhữ tangái tể mbốq alóí ốt tâng nốq aiq.

naq dáng. Ma ngư anhia pởq, bo léq la têq. ⁷ Mách cūai tâng dơi tờ têq kêt anhia, ma alói kêt cứq yuaq cứq pai máh ranáq alói táq la sáuq lứq. ⁸ Yỗn anhia pởq cha bũi sanhữ Tangái Nloáh. Cứq tờ yũah pởq, yuaq ngư cứq pởq tờ yũah toâq.”

⁹ Moâm Yê-su pai ngkiq, án noâng ốt tâng cruang Cali-lê.

¹⁰ Ma vót sễm ai án khoiq pởq Yê-su pởq tê, ma án pởq tooq tuoiq. ¹¹ Bân ntốq alói cha bũi, cūai I-sarel chuaq Yê-su cốp blớh neq: “Nléq án ki?”

¹² Cốp bữn cứng cūai ki táq ntông tễ Yê-su. Bữn án ca pai neq: “Yê-su la cūai o.”

Ma án ca pai: “Tờ cỡn. Yê-su la cūai đốq rathũ cūai canốh.”

¹³ Ma tờ bữn noau khón pai yỗn cūai canốh tamứng, yuaq alói ngcốh cūai sốt tốp I-sarel.

¹⁴ Tâng tapul tangái noau cha bũi sanhữ Tangái Nloáh. Ma catâm tangái pỗn Yê-su pởq chu Dống Sang Toâr, cốp án tabốq atông tâng ntốq ki. ¹⁵ Tốp cūai I-sarel sâng dót lứq, cốp alói blớh neq: “Nốq án nãi tờ yũah rien, ma án dáng sa-ữi lứq?”

¹⁶ Yê-su ta-ỡi alói neq: “Mách santoiq cứq atông anhia tờ bữn toâq tễ cứq bữm, ma santoiq ki toâq tễ án ca ớn cứq toâq pỡ nãi.

¹⁷ Khân cūai aléq yoc ễ puai rangứh Yiang Sursĩ, cūai ki

bữn dáng raloaih lứq santoiq cứq atông toâq tễ Yiang Sursĩ, tờ la santoiq ki toâq tễ cứq bữm. ¹⁸ Cūai aléq atông parnai tễ án bữm, cūai ki chuaq ễq noau khễn án. Ma cūai aléq táq ranáq ễq noau khễn án ca ớn cūai ki toâq, cūai ki la cūai lứq p̄ieiq, cốp án tờ bữn bữn muoi ốc ntróu tờ p̄ieiq tâng mút án. ¹⁹ Mũi-se khoiq yỗn anhia bữn phễp rit Yiang Sursĩ. Ma tờ bữn noau tễ anhia trĩh phễp rit ki. Yuaq nốq anhia yoc ễ cachĩt cứq?”

²⁰ Cūai cứng ki ta-ỡi Yê-su neq: “Thâi la samoât yiang sáuq payốh. Noau yoc ễ cachĩt thâi?”

²¹ Yê-su ta-ỡi loah alói: “Cứq khoiq táq muoi ranáq salễh tâng Tangái Rlu mbốiq muoi trở sâng; ma anhia sâng dót. ²² Mũi-se yỗn anhia táq rit cút. Ma khân p̄ieiq tâng Tangái Rlu, lứq anhia táq tê rit ki. (Ma lứq samoât rit nãi tờ bữn toâq tễ Mũi-se, ma rit nãi toâq tễ achúc achiac anhia.)

²³ Khân anhia têq táq rit cút yỗn con samiang anhia tâng Tangái Rlu tờ ễq táh phễp rit Mũi-se, nốq anhia ũan cứq cỗ cứq táq bán cūai a-ĩ tâng Tangái Rlu? ²⁴ Khân anhia hữm cūai táq ntróu, anhia chỗi coáp tểq án. Ma khân anhia yoc ễ tểq án, cốp anhia tutuaiq yỗn dáng samoât lứq voai.”

²⁵ Bữn cũi tễ vil Yarusalem blóh neq: “Cũi nài tở, ca noau ẽ cachĩt? ²⁶ Ma sanua án ntôm atông yỗn máh cũi tamúng, cốp tở hữm noau pai ntrứu án. Cũi sốt dáng nâng tở án nài la Crít? ²⁷ Hái khoiq dáng chơ tễ léq Yê-su nài toâq, ma tữ Crít toâq, tở bữn noau dáng tễ léq án toâq.”

²⁸ Ngkíq Yê-su atông casang lứq tâng Dổng Sang Toâr neq: “Anhia dáng cứq víq? Cốp anhia dáng tễ léq cứq toâq tở? Tở cữn cứq chổng ẽ toâq. Ma án ca ớn cứq toâq, án ki la Yiang Sursĩ ca p̄ieiq lứq. Ma lứq samoât, anhia tở bữn dáng án. ²⁹ Ma cứq dáng án, yuaq cứq toâq tễ án, cốp án ớn cứq toâq.”

³⁰ Moâm Yê-su pai ngkíq, bữn cũi yoc ẽ cốp án, ma tở bữn noau aloỏh atĩ yống án, yuaq tở yũah toâq ngữ án cóq cuchĩt. ³¹ Ma tễ cũi clúng ki bữn sa-ũi nác pruum sa-âm Yê-su. Alói blóh neq: “Khân Crít toâq, lứq án táq ranác salễh o clũi tễ án nài táq tở?”

³² Tốp Pha-rasi sâng cũi clúng ki táq ntởng neq ngkíq tễ Yê-su. Ngkíq tốp Pha-rasi cốp máh cũi sốt tốp tểng rit sang Yiang Sursĩ, alói ớn ranễng alói p̄oq cốp Yê-su. ³³ Ma Yê-su pai neq: “Noâng bĩq tangái sâng cứq ớt cốp anhia. Vót ki cứq chu loah p̄o án ca ớn cứq toâq. ³⁴ Tangái ki anhia chuaq cứq, ma anhia tở

ramóh cứq. Cốp ntốq cứq ớt, anhia tở tềq p̄oq toâq ntốq ki.”

³⁵ Ngkíq cũi I-sarel ki manoaq blóh manoaq: “Ntốq léq cũi nài ẽ p̄oq, ma hái chuaq tở ramóh án? Nâng án ẽ p̄oq p̄o cũi I-sarel ca ớt cruang yớng, đốq atông alói ca tở cữn cũi I-sarel tâng cruang ki tở? ³⁶ Adóh án pai neq: ‘Anhia chuaq cứq, ma anhia tở bữn ramóh cứq.’ Cốp án pai neq hữ: ‘Ntốq cứq ớt, anhia tở tềq toâq p̄oq chu ntốq ki.’ Ntrứu toâp án pai ngkíq?”

³⁷ Tangái parsốt noau cha bũi Tangái Chóh Nloâh, tangái ki la toâr clũi tễ máh tangái nhũang. Tâng tangái ki Yê-su yuor tayứng cốp atông casang lứq neq: “Khân cũi sâng ẽ khlac, cóq án toâq p̄o cứq cốp nguaiq. ³⁸ Cũi aléq sa-âm cứq, cũi ki cõt samoât đốq yỗn tamoong, án hoi níc tễ mút pahỏm cũi ki. Ốc ki khoiq noau chĩc tâng tâm sarác Yiang Sursĩ tễ mbỏq.”

³⁹ Yê-su pai ngkíq, án atông tễ Raviei Yiang Sursĩ. Cũi aléq sa-âm Yê-su, nữ-ra cũi ki lứq bữn roap Raviei Yiang Sursĩ. Ma tangái ki Raviei Yiang Sursĩ tở yũah toâq, yuaq Yê-su tở yũah cuchĩt cốp chỏn chu paloỏng.

⁴⁰ Tữ máh cũi sâng Yê-su pai ngkíq, Bữn noau pai neq: “Cũi nài la lứq Cũi Tang Bỏq ca Yiang Sursĩ rườh.”

41 Ma cũai canõh pai neq: “Lứq samoât án nâi la Crít.”

Ma bữn cũai canõh ẽn pai neq: “Crít tở bữn toâq tẽ cruang Cali-lê. 42 Tâm saráq Yiang Sursĩ tẽ mbỏq pai Crít toâq tẽ tống toiq Davít. Cóp Crít cóq cõt tâng vil Betlahem la vil Davít khoi q õt.”

43 Ngkíq cũai cứng ki muoi tốp pai nneq, muoi tốp pai ngkíq, tẽ Yê-su. 44 Tâng tốp ki bữn cũai yoc ẽ cốp Yê-su, ma tở bữn noau aloõh aĩ yống án.

Cũai Sốt Tốp I-sarel Tở Bữn Sa-âm

45 Vớt ki manoaq tẽ tốp kĩaq Dõng Sang Toâr chu loah pở máh cũai sốt tốp tẽng rit sang Yiang Sursĩ, cóp pở tốp Pha-rasi hỡ. Máh cũai sốt ki blóh cũai kĩaq ki: “Nỏq anhia tở bữn cốp án?”

46 Cũai ki ta-õi neq: “Hếq tở nai sâng cũai aléq táq ntõng ariang cũai nâi.”

47 Tốp Pha-rasi blóh loah: “Anhia noap tê máh parnai án phếq atõng tở? 48 Léq anhia hữm cũai sốt tở la cũai tẽ tốp Pha-rasi ma sa-âm án? 49 Ma cũai cứng nâi la sacũl; alóit tở dáng ntróu tẽ phếp rit Mõi-se. Ngkíq yuaq Yiang Sursĩ dadỏq ẽ táq alóit ki.”

50 Bữn manoaq tẽ tốp cũai sốt ki, ramứh Ni-cudem. Những ki án khoi q toâq ramóh Yê-su. Án blóh cũai sốt canõh neq: 51 “Khân puai rit hái, tẽq tở hái sữq cũai

khân tở yũah blóh án tẽ ranáq án táq?”

52 Máh cũai sốt ki ta-õi Ni-cudem neq: “Mỏi la toâq tẽ cruang Cali-lê tê tở? Khân mới chuaq salíq tâng tâm saráq Yiang Sursĩ, mới lứq tở bữn ramóh ntỏq aléq ma atõng tẽ cũai tang bỏq Yiang Sursĩ toâq tẽ cruang Cali-lê.”

53 Moâm ki tốp alóit loõh tẽ Dõng Sang Toâr cóp chu loah pở dõng alóit.†

8

Mansẽm Ca Cooc Cóp Samiang

1 Ma Yê-su chõn tâng dũal O-li-vê. 2 Toâq poang tarựp Yê-su pởq sĩa chu Dõng Sang Toâr. Ồt ntỏq ki bữn cũai rôm mpẽr án cứng lứq. Ngkíq án tacu cóp atõng alóit. 3 Tốp cũai yống rit cóp tốp Pha-rasi dững pở án manoaq mansẽm ca cooc cóp samiang. Alóit yõn mansẽm ki tayúng mpúng dĩ máh cũai õt pẽr Yê-su. 4 Cóp alóit atõng Yê-su neq: “Thâi ơi! Bữn cũai ramóh mansẽm nâi cooc cóp samiang. 5 Tâng phếp rit hái, Mõi-se khoi q atõng hếq, khân cũai aléq táq tở o ngkíq, cóq cachĩt án tám chỏq tamáu. Ma nỏq thâi pai tẽ ốc nâi?”

6 Alóit blóh ngkíq yoc ẽ chim Yê-su. Alóit chuaq ngê ẽ cauq án. Ma Yê-su ngũq asẽng chĩc toâq

† 7:53 7:53 Sa-ũi tâm saráq tẽ mbỏq tở bữn bữn rana 7:53 toâq 8:11.

ndēm atĩ án tâng cutēq.
 7 Từ alóí ca dững mansēm
 ki blóh níc án, Yê-su yuor
 cóp atōng alóí neq: “Khân
 bữn manoaq tễ anhia ma
 tở bữn lôih ntróu, yỗn án
 ki tám nhũang tamáu chóc
 mansēm nâi.”

8 Chơ Yê-su ngũq asểng
 chĩc sĩa tâng cutēq.

9 Từ alóí sâng Yê-su pai
 ngkĩq, alóí miar loỏh tễ
 ntốq ki, máh cũai thâu loỏh
 nhũang, toau noâng ống Yê-
 su cóp mansēm ki sâng ốt
 ngki. 10 Yê-su yuor tayứng
 cóp blóh mansēm ki neq:
 “Niang ơ! Pở lếq chơ máh
 cũai tểq mới? Alóí noâng ể
 táq tột mới tở?”

11 Mansēm ki ta-ỡi neq:
 “Tở bữn noau noâng, Ncháu
 ỡi.”

Yê-su atōng án neq:
 “Ngkĩq cứq tở bữn táq tột
 mới tễ. Têq mới chu; ma
 chỏi táq lôih noâng.”

*Yê-su Atōng Sĩa Máh Cũai
 I-sarel*

12 Yê-su atōng ển máh cũai
 I-sarel neq: “Cứq la ốc poang
 yỗn nheq tữh cũai. Cũai
 aléq puai cứq, lứq án tở bữn
 pởq tâng ntốq canám, ma án
 bữn ốc poang. Cũai aléq bữn
 ốc poang nâi, cũai ki bữn
 đễ ốc tamoonng hỡ.”

13 Tốp Pha-rasi atōng Yê-
 su neq: “Sanua thâi atōng tễ
 ngê thâi bữm. Ngkĩq hếq tở
 tềq noap parnai thâi.”

14 Yê-su ta-ỡi alóí neq:
 “Tam cứq atōng tễ ngê cứq
 bữm, ma parnai cứq lứq

pĩeiq, yuaq cứq dáng tễ lếq
 cứq toâq cóp chu lếq cứq ể
 pởq. Ma anhia tở bữn dáng
 tễ lếq cứq toâq cóp chu lếq
 cứq ể pởq. 15 Anhia sữq cũai
 canỏh puai ngê tâng dôi nâi
 sâng, ma cứq tở bữn sữq
 aléq yũah. 16 Ma khân cứq
 sữq, máh santoiq cứq pai la
 pĩeiq lứq, yuaq Mpoaq ca ớn
 cứq toâq, án ốt cóp cứq tễ;
 tở cỡn cứq ốt manoaq cứq
 sâng. 17 Tâng phễp rit anhia
 noau khoiq chĩc neq: Khân
 bữn bar náq pai machóng,
 ki tềq noap ỉt ốc ki. 18 Cứq
 atōng tễ tở cứq bữm, cóp
 Mpoaq ca ớn cứq toâq khoiq
 atōng tễ cứq tễ.”

19 Chơ tốp Pha-rasi blóh
 Yê-su: “Mpoaq thâi ốt
 nléq?”

Yê-su ta-ỡi alóí neq: “An-
 hia tở bữn dáng cứq tở la
 Mpoaq cứq. Khân anhia ma
 dáng cứq, lứq anhia dáng
 Mpoaq cứq tễ.”

20 Yê-su atōng máh san-
 toiq nâi tâng Dống Sang
 Toâr cheq ntốq noau dốq
 chóc práq sang. Ma tở bữn
 noau cốp án yũah, yuaq ngư
 án cóq cuchĩt tở yũah toâq.

21 Moâm ki Yê-su atōng
 loah alóí neq: “Nỡ-ra cứq
 lứq pởq tễ anhia. Anhia
 chuaq cứq, ma anhia lứq
 cuchĩt tâng ốc lôih anhia
 bữm. Ntốq cứq pởq, anhia
 tở tềq pởq chu ntốq ki.”

22 Chơ cũai I-sarel blóh
 neq: “Nốq án pai hái tở tềq
 pởq chu ntốq án pởq? Nâng
 án ể yác tở?”

23 Ma Yê-su pai ên: “Anhia toâq tễ pưn, ma cứq toâq tễ pông. Anhia cõt tễ cutễq nâi, ma cứq tở bữn cõt tễ cutễq nâi. 24 Cứq khoiq atông anhia chơ, toâq anhia cuchit, anhia noâng bữn lôih. Khân anhia tở bữn sa-âm cứq la án ca chuai amoong anhia, toâq anhia cuchit, anhia noâng bữn lôih.”

25 Alói blóh Yê-su neq: “Thâi la noau?”

Yê-su ta-õi alói: “Cứq la án ca khoiq atông anhia tễ dâu lứq ki. 26 Cứq noâng bữn sa-ũi ốc ên ễ tẻq anhia. Ma án ca ớn cứq toâq la tanoang lứq. Cứq atông yỗn nheq tữh cũai dáng máh sântoiq cứq khoiq sâng tễ án.”

27 Ma cũai ki tở bữn sapúh Yê-su atông tễ Mpoaq tâng paloông. 28 Ngkíq Yê-su atông alói neq: “Toâq tangái anhia tẻh Con Yiang Cõt Cũai tâng aluang sangcáng, tangái ki anhia lứq dáng raloaih cứq la noau. Cóp bo ki anhia lứq dáng raloaih cứq tở bữn táq puai ngê cứq bữm, ma máh sântoiq cứq atông la sântoiq Mpoaq cứq khoiq atông cứq. 29 Án ca ớn cứq toâq, án ớt níc cốp cứq. Án tở bữn yỗn cứq ớt manoaq, yuaq ranáq cứq táq, la cứq ẻq án sâng bủi pahỏm.”

30 Tữ noau sâng Yê-su pai ngkíq, sa-ũi náq sa-âm án.

Yê-su Atông Tễ Cũai Sũl Cóp Tở Bữn Sũl

31 Yê-su atông cũai I-sarel ca khoiq sa-âm án neq: “Khân anhia trỉh parnai cứq atông, lứq samoât anhia cõt cũai puai cứq. 32 Chơ anhia bữn dáng ốc p̄ieiq la ntróu; cốp ốc p̄ieiq nâi acláh anhia tễ cõt sũl.”

33 Ma máh cũai ki ta-õi Yê-su neq: “Hẻq la tống toiq A-praham. Hẻq tở nai cõt sũl noau. Nỏq thâi pai acláh hẻq tễ cõt sũl?”

34 Yê-su atông alói neq: “Cứq atông anhia samoât lứq, cũai alẻq táq lôih, cũai ki cõt sũl ốc lôih ki. 35 Khân cũai alẻq yoc ễ táh cũai sũl, ki tẻq án táh, ma con samiang án bữm, án tở nai táh. Con ki ớt níc tâng đống án. 36 Ngkíq khân Con Yiang Sursĩ acláh anhia, lứq samoât anhia tở bữn sũl noâng. 37 Cứq dáng anhia la tễ tống toiq A-praham. Ma noâng anhia ẻ cachit cứq, yuaq anhia tở ẻq tamứng parnai cứq atông. 38 Cứq atông máh sântoiq cứq khoiq hữm tễ Mpoaq cứq, ma anhia táq puai máh sântoiq anhia khoiq sâng tễ mpoaq anhia.”

39 Cũai ki pai neq: “A-praham la mpoaq hẻq.”

Ma Yê-su pai loah neq: “Khân anhia lứq tễ tống A-praham, cóq anhia táq ranáq machóng A-praham tẻ. 40 Cứq atông anhia ốc p̄ieiq ca cứq khoiq bữn tễ Yiang Sursĩ, ma anhia chanchóm ẻ cachit cứq. A-praham tở bữn táq riang

ngkíq. ⁴¹ Anhia táq puai ranáq mpoaq anhia, ma mpoaq anhia tở cõn A-praham.”

Alóí ta-õí Yê-su neq: “Hếq la tở cõn con saríh. Hếq bữn ớng muoi noaq Mpoaq sâng. Yiang Sursĩ lứq Mpoaq hếq.”

⁴² Ma Yê-su atõng loah alóí neq: “Khân Yiang Sursĩ lứq Mpoaq anhia, ngkíq anhia ayooq cúq, yuaq cúq toâq tễ Yiang Sursĩ. Sanua cúq õt nâi, cúq tở bữn toâq puai ngê cúq bữm, ma Yiang Sursĩ ớn cúq toâq. ⁴³ Nốq anhia tở bữn sapúh parnai cúq atõng? Anhia tở bữn sapúh, yuaq anhia tở ếq tamúng parnai cúq. ⁴⁴ Anhia la con acái yiang Satan. Án la mpoaq anhia. Cóp anhia yoc lứq puai ngê mpoaq anhia. Tễ dâu lứq, yiang Satan đốq ể cachít cũai. Án tở bữn yống ốc p̄ieiq, yuaq tở bữn muoi ốc p̄ieiq ntróu ớt tâng mút án. Từ án táq ntõng satoiq lauq, án táq ntõng parnai án bữm, yuaq án đốq lauq níc, cóp án la mpoaq ốc lauq. ⁴⁵ Ma cõ cúq atõng anhia ốc p̄ieiq, ngkíq anhia tở bữn sa-âm cúq. ⁴⁶ Bữn noau tễ anhia bữn tếc tẽq cauq cúq táq lôih tở? Khân cúq atõng lứq p̄ieiq, ki nốq anhia tở bữn sa-âm cúq? ⁴⁷ Cũai ca lứq con Yiang Sursĩ, ki án tamúng parnai Yiang Sursĩ atõng. Ma anhia tở ếq tamúng parnai Yiang Sursĩ, yuaq anhia tở cõn con Yiang Sursĩ.”

Yê-su Atõng Tễ A-praham

⁴⁸ Mách cũai I-sarel lóc acrieiq Yê-su neq: “P̄ieiq ma tở bữn hếq pai mới la cũai Sa-mari, cóp mới bữn yiang sâuq payõh hõ?”

⁴⁹ Yê-su ta-õí alóí neq: “Cúq tở bữn bữn yiang sâuq. Cúq yám noap Mpoaq cúq sâng, ma anhia tở bữn yám noap cúq. ⁵⁰ Cúq tở bữn chuaq ếq noau khẽn cúq. Ma bữn manoaq chuaq ốc ki yõn cúq. Án ki sữq anhia cóp cúq. ⁵¹ Cúq atõng anhia samoât lứq, khân bữn cũai trĩh samoât samõi parnai cúq, cũai ki tở nai cuchít.”

⁵² Từ Yê-su pai ngkíq, cũai I-sarel pai neq: “Sanua hếq dáng samoât lứq mới bữn yiang sâuq. A-praham khoiq cuchít chơ. Cóp máh cũai tang bỗq Yiang Sursĩ la khoiq cuchít nheq tẽ. Ma sanua mới pai khân bữn cũai trĩh parnai mới, cũai ki tở nai cuchít. ⁵³ Mới la tâh hõn tễ achúc achiac hếq A-praham tở? A-praham khoiq cuchít, cóp cũai tang bỗq Yiang Sursĩ la cuchít tẽ. Mới chanchóm mới la noau?”

⁵⁴ Yê-su ta-õí alóí neq: “Khân cúq ma khẽn tở cúq bữm, ki tở bữn loõh lữr ntróu. Án ca khẽn cúq la Mpoaq cúq, án ca anhia ngin pai Yiang anhia. ⁵⁵ Anhia tở bữn dáng án, ma cúq dáng án. Khân cúq pai cúq tở bữn dáng án, ki cúq táq ntõng lauq machóng anhia tẽ. Ma lứq cúq dáng án, cóp cúq trĩh parnai án. ⁵⁶ A-praham

la achúc achiac anhia, án ẽ áiq lúq yoc ẽ hũm cúq toâq pở cutẽq nâi. Án khoiq hũm óc nâi chơ; ngkíq án ớn lúq.”

⁵⁷ Mách cūai I-sarel ki pai neq: “Dỡi mới tở yũah bữn sỡng chít cumo. Nỏq mới pai mới khoiq hũm A-praham?”

⁵⁸ Yê-su ta-õi loah alới neq: “Cúq atõng anhia samoât lúq, nhũang A-praham tở yũah cõt, cúq khoiq bữn chơ.”

⁵⁹ Moâm Yê-su pai ngkíq, cūai I-sarel ỉt tamáu ẽ tám án. Ma Yê-su tamblóc chít tâng cūai cứng ki; chơ án loỏh chít tẽ Dỡng Sang Toâr.

9

Yê-su Táq Blang Cūai Sũt

¹ Bo Yê-su pởq, án hũm manoaq cūai sũt moat tẽ mpiq canõt. ² Tỏp rien tẽ Yê-su blớh Yê-su neq: “Thâi ơi! Noau táq lôih yõn cūai nâi cõt sũt moat tẽ mpiq canõt án? Án, tở la mpiq mpoaq án táq lôih?”

³ Yê-su ta-õi alới neq: “Tở cõn cõ án, tở la mpiq mpoaq án, táq lôih. Ma lúq Yiang Sursĩ ẽ apáh ranáq toâr lúq na cūai sũt nâi. ⁴ Bo noâng tangái, hái cóq táq ranáq án ca ớn cúq toâq. Toâq sadâu, hái tở tẽq táq ranáq ntróu noâng. ⁵ Bo cúq õt tâng cutẽq nâi, cúq la óc poang yõn nheq tữh cūai.”

⁶ Moâm Yê-su pai ngkíq, án cuchóh tâng cutẽq. Án carchóc đởq viaq cớp cutẽq yõn cõt lúq. Chơ án atia lúq

tâng moat cūai sũt ki. ⁷ Yê-su ớn cūai sũt ki neq: “Pởq! Mới pởq culĩaq moat tâng amống Salũam.”

(Santoiq Salũam parlong loah la ‘Noau Ớn.’) Ngkíq cūai sũt ki pởq culĩaq moat án, cớp án pĩh chu pở dỡng. Moat án cõt blang.

⁸ Cūai õt muoi vil cớp án, cớp máh cūai ca khoiq hũm án õt susẽq cha tẽ nhũang, alới blớh neq: “Nâi la cūai sũt ca đởq tacu susẽq cha, pĩeiq tở?”

⁹ Bữn cūai ta-õi: “Lúq án.” Ma cūai canỏh pai: “Tở cõn án. Roâp cūai nâi ỉn cūai sũt ki sâng.”

Ma cūai ki pai neq: “Cúq nâi la lúq cūai sũt ki.”

¹⁰ Ngkíq alới blớh án: “Khân mới lúq cūai sũt ki, cõ nỏq moat mới cõt blang?”

¹¹ Án ta-õi alới neq: “Bữn manoaq samiang ramứh Yê-su, án talóc lúq, chơ atia tâng moat cúq, cớp án ớn cúq pởq culĩaq moat tâng amống Salũam. Ngkíq cúq pởq culĩaq moat cúq tâng amống ki, chơ moat cúq cõt blang.”

¹² Alới blớh loah neq: “Nlẻq cūai ki sanua?”

Cūai ki ta-õi: “Cúq tở dáng pở lẻq án.”

Tỏp Pha-rasi Blớh Cūai Ca Blang Moat

¹³ Moâm ki noau đởng cūai sũt ca khoiq cõt blang toâq pở tỏp Pha-rasi. ¹⁴ Tangái Yê-su talóc lúq cớp táq yõn moat cūai sũt cõt

blang la Tangái Rlu. ¹⁵ Ngkíq tốp Pha-rasi blóh cūai sūt ki neq: “Nốq toáp mới táq ma moat mới cõt blang?”

Cūai sūt ta-õi alóí neq: “Cūai ki atia lúq tâng moat cứq. Chơ cứq pớq culĩaq moat; ngkíq sanua cứq hữm raloaih.”

¹⁶ Bữn cūai tể tốp Pha-rasi pai neq: “Cūai nài tở bữn toáp tể Yiang Sursĩ, yuaq án táh phễ rit Tangái Rlu.”

Ma bữn cūai canõh pai neq: “Nốq cūai lôi h ma tềq táq ranáq salễh nneq?”

Chơ tốp Pha-rasi caryoah cõt bar tốp, muoi tốp pai nneq, muoi tốp pai ngkíq.

¹⁷ Ngkíq tốp Pha-rasi blóh sĩa cūai sūt ki neq: “Ntróu mới pai tể cūai ca táq moat mới cõt blang?”

Cūai sūt ki ta-õi neq: “Án la cūai tang bỗq Yiang Sursĩ.”

¹⁸ Ma máh cūai I-sarel tở yũah noap cūai ki lứq sūt ma cõt blang loah. Ngkíq alóí pớq coaìq mpiq mpoaq án. ¹⁹ Chơ alóí blóh mpiq mpoaq án neq: “Án nài lứq con samiang anhia tở? Lứq án sūt tể tangái anhia canõt án tở? Cỗ nốq sanua moat án cõt blang?”

²⁰ Mpiq mpoaq án ta-õi neq: “Hếq pai samoat lứq, án la lứq con samiang hếq. Cóp hếq hữm moat án sūt tể tangái hếq canõt án. ²¹ Ma nốq moat án cõt blang sanua, la hếq tở dáng tề. Cóp hếq tở dáng nâng noau

táq yỗn án cõt blang. Anhia blóh án. Án khoi q carsai chơ. Án tềq atõng anhia.”

²² Mpiq mpoaq cūai sūt pai ngkíq, cỗ alóí ngcõh tốp I-sarel. Yuaq tốp I-sarel khoi q patáp chơ, cūai aléq ma pai Yê-su la manoaq Yiang Sursĩ rươh đờq chuai amoong cūai, cūai ki tở tềq rôm noâng tâng đống sang alóí. ²³ Yuaq ốc ki mpiq mpoaq cūai sūt ki pai neq: “Án khoi q carsai chơ. Anhia blóh án.”

²⁴ Muoi trỏ ễn tốp Pha-rasi arô cūai sūt ki cốp pai neq: “Cóq mới khễn ống Yiang Sursĩ sâng. Hếq khoi q dáng chơ cūai ki la cūai lôi h.”

²⁵ Ma cūai sūt ki ta-õi neq: “Cứq tở dáng án la cūai lôi h ma tở bữn. Cứq dáng ống muoi ramứh sâng. Bo nhũang moat cứq sūt, ma sanua moat cứq cõt blang!”

²⁶ Chơ tốp Pha-rasi blóh loah án neq: “Cūai ki táq ntróu yỗn mới? Nốq toáp án táq yỗn moat mới cõt blang?”

²⁷ Cūai sūt ki ta-õi neq: “Cứq khoi q atõng anhia chơ, ma anhia tở bữn tamứng. Nốq noâng anhia ễq cứq atõng sĩa? Anhia ễ puai án tề tở?”

²⁸ Tốp Pha-rasi sâng nsóq lứq tâng mút alóí; chơ pai neq: “Mới la puai ngê cūai ki! Ma hếq puai ngê Mũi-se! ²⁹ Hếq dáng Yiang Sursĩ khoi q atõng na Mũi-se. Ma

cũai ki, hếq tở dáng tể lếq án toàq.”

³⁰ Cũai sũt ta-õi neq: “Dót ơiq! Anhia tở dáng tể lếq án toàq, ma án khoiq táq yõn moat cứq cõt blang! ³¹ Hái dáng chơ Yiang Sursĩ tở bữn tamứng cũai lờih, ma án tamứng cũai yám noap án cốp puai ngê án. ³² Tể dẫu Yiang Sursĩ tểng cốc cutêq nâi, tở nai sâng bữn cũai tềq táq cũai sũt tể tangái mpiq án canõt ma cõt blang. ³³ Khân cũai ki tở bữn toàq tể Yiang Sursĩ, án tở tềq táq muoi ranáq salễh ntrứu.”

³⁴ Ma tốp Pha-rasi pai ễn neq: “Mới la cũai lờih tể tangái mpiq mới canõt! Nỗq mới ma yoc ễ atõng hếq?”

Vót ki alới tuih aloõh án.

³⁵ Yê-su sâng alới tuih cũai sũt ki. Chơ án toàq ramóh cũai ki cốp blóh án neq: “Mới sa-âm Con Yiang Cõt Cũai tở?”

³⁶ Cũai sũt ta-õi: “Thâi ơi, án ki la noau? Sễq thâi atõng cứq dáng án. Cứq yoc ễ sa-âm án tể.”

³⁷ Yê-su pai loah: “Mới khoiq hữm chơ án; án ca táq ntõng cốp mới sanua, la án ki toáp.”

³⁸ Ngkíq cũai sũt ki ta-õi: “Ncháu ơi! Lứq cứq sa-âm!”

Chơ án cucốh sang Yê-su.

³⁹ Yê-su pai ễn: “Cứq toàq pở cốc cutêq nâi đõq pác cũai. Cứq táq yõn cũai sũt

cõt blang, cốp táq yõn cũai moat poang o cõt sũt.”*

⁴⁰ Bữn cũai tể tốp Pha-rasi sâng Yê-su pai ngkíq. Alới blóh Yê-su neq: “Thâi pai hếq la cũai sũt tể tở?”

⁴¹ Yê-su ta-õi alới neq: “Khân anhia ngin anhia la cũai sũt, anhia tở bữn bữn lờih ntrứu. Ma sanua anhia pai anhia poang o, ngkíq lờih anhia noàng õt níc cốp anhia.”

10

Cũai Mantán O

¹ Yê-su pai ễn neq: “Cứq atõng anhia samoat lứq, cũai alếq ma tở bữn mut tâng cuaq charán cũu na ngoah, ma án mut na canõh, án la cũai savễng cốp yoc ễ tutuoiq. ² Án ca mut na ngoah, án ki la cũai mantán cũu. ³ Cũai kĩaq ngoah cuaq pớh toong yõn cũai mantán cũu mut, cốp máh cũu tamứng sường án arô. Án talếq ramứh cũu, cốp án dừng aloõh máh cũu tể cuaq. ⁴ Toàq án ayõng máh cũu, án pởq nhũang, cốp máh cũu puai án, yuaq cũu ki saccoal samừng án. ⁵ Ma cũu tở bữn puai cũai liaq. Lứq án lúh tể cũai liaq, yuaq án tở bữn saccoal samừng cũai ki.”

⁶ Yê-su atõng parnai sacâm nâi, ma cũai ki tở bữn sapúh ntrứu án atõng.

* **9:39** 9:39 Rana nâi Yê-su sacâm cũai alếq bữn lờih ma toàq ngin pở án, ki án tấh lờih ki. Ốc ki la samoat cũai sũt ma cõt blang loah. Ma cũai alếq pai án tở bữn lờih ntrứu, Yê-su tở tềq táh lờih án. Ốc ki la samoat cũai moat poang o, ma cõt sũt.

⁷ Ngkíq Yê-su atông loah alóí neq: “Cúq atông anhia samoât lúq, cúq la ngoah cuaq charán cữu. ⁸ Nheq tữh cũi ca toâq tễ nhũang cúq, la moang cũi savêng cốp cũi tutuoiq. Ma tốp cữu tở bữn tamúng alóí. ⁹ Cúq la ngoah cuaq. Cũi aléq mut na ngoah cuaq, cũi ki bữn tamoong. Têq án mut loõh chuaq cha cốp án ramóh níc crong sana. ¹⁰ Cũi savêng mut yoc ễ tuoiq, yoc ễ cachit, cốp yoc ễ talõh pupút sâng. Ma cúq toâq yõn máh cữu bữn tamoong, cốp tở bữn ốq muoi ramúh ntróu.

¹¹ “Cúq la mantán o. Mantán o chiau rangúh án pláih yõn cữu têq tamoong. ¹² Cũi tuthễ bán cữu, án tở bữn ndõm cữu. Khân án hữm acho cruang toâq, án lúh táh nheq cữu. Ngkíq acho cruang palõng cáp cữu; chơ máh cữu lúh pláh chap. ¹³ Cũi tuthễ lúh yuaq án la cũi bán thể sâng. Án tở bữn paséq ntróu cữu. ¹⁴⁻¹⁵ Cúq la cũi mantán o. Mpoaq tâng paloõng dáng cúq, cốp cúq dáng Mpoaq tâng paloõng; machóng ki tê cúq dáng máh cữu cúq, cốp cữu cúq dáng cúq. Cúq bũi pláih rangúh cúq yõn máh cữu cúq. ¹⁶ Bữn cữu canõh la khong cúq tê, ma tở bữn ốt tâng cuaq nái. Cúq cóq pở pong tê máh cữu

ki. Nỡ-ra cữu ki tamúng srong cúq. Chơ cõt muoi tốp sâng, cốp bữn manoaq sâng la mantán. ¹⁷ Mpoaq tâng paloõng ayooq lúq cúq, yuaq cúq bũi pahõm chũuq cuchit. Cúq chũuq cuchit đõq têq cúq tamoong loah. ¹⁸ Noau tở têq cachit rangúh cúq, ma cúq chõng bũi pahõm chũuq cuchit. Cúq bữn chóc cuchit ngkíq. Cốp cúq bữn chóc têq táq rangúh cúq tamoong loah. Chóc nái la Mpoaq cúq yõn cúq bữn.”

¹⁹ Moâm Yê-su pai ngkíq, tốp I-sarel caryoah cõt bar tốp. ²⁰ Muoi tốp pai neq: “Lúq samoât bữn yiang sâuq payõh án. Án la cũi yúh. Nốq anhia tamúng satoiq án?”

²¹ Ma tốp canõh pai: “Khân lúq bữn yiang sâuq payõh, mỗ têq án atông máh satoiq ki. Nốq cũi bữn yiang sâuq, ma têq táq blang cũi sũt moat?”

Tốp I-sarel Tở Ếq Sa-âm

²² Toâq casái sangết tâng vil Yaru-salem, tốp I-sarel cha bũi sanhữ tangái alóí bữn loah đõng sang tễ mbốq.* ²³ Yê-su mut tâng Đõng Sang Toâr, cốp án luloah pởq chu tâng Ntrõn Sa-lamôn. ²⁴ Tốp I-sarel rôm pễ Yê-su, cốp alóí blóh án neq: “Maléq dũn nõng

* **10:22** 10:22 Tangái ki alóí sanhữ achúc achiac alóí asa Đõng Sang tâng sám 164 cumo nhũang tễ Yê-su canõt, vót cũi Si-ri talõh đõng ki khiq pái cumo nhũang. Chơ cũi I-sarel bữn sang toam loah tâng Đõng Sang ki.

thâi yõn hếq ngõh-rangõh
ngcuang? Khân thâi la Crĩt,
sếq thâi atõng yõn hếq dáng
raloaih.”

²⁵ Yê-su ta-õi alói neq:
“Cứq khoiq atõng anhia chơ,
ma anhia tở bữn noap.
Ranáq cứq táq la cõ nhơ
Mpoaq cứq yõn cứq bữn
chóc; ranáq ki apáh cứq
toâq tễ Yiang Sursĩ. ²⁶ Ma
anhia tở bữn sa-âm cứq,
yuaq anhia tở cõn tốp cũu
cứq. ²⁷ Cũu cứq tamúng
sương cứq. Cứq dáng án,
cóp án puai cứq. ²⁸ Cứq yõn
án tamoong mantái; ngkíq
án tở nai cuchĩt. Cũai aléq
la tở têq sadõh án tễ atĩ
cứq. ²⁹ Mpoaq cứq bữn chóc
toâr clũi nheq tễ canõh. Án
yõn cứq bữn cũu ki. Cũai
aléq tở têq sadõh cũu ki tễ
atĩ Mpoaq cứq. ³⁰ Cứq cóp
Mpoaq cứq la muoi.”

*Tốp I-sarel Yoc Ê Táq Yê-
su*

³¹ Tữ Yê-su pai ngkíq, tốp
I-sarel ìt tamáu yoc ẽ tám
chóq Yê-su. ³² Ma Yê-su
atõng alói neq: “Cứq khoiq
táq sa-ũĩ ranáq o ìn Mpoaq
cứq ớn cứq táq. Cõ tian tễ
ranáq aléq ma anhia ẽ tám
tamáu chóq cứq?”

³³ Tốp I-sarel ki ta-õi loah:
“Hếq tở bữn tám cõ tian tễ
máh ranáq mới táq. Ma
hếq ẽ táq mới cõ mới acrieiq
ramứh Yiang Sursĩ. Mới la
cũai miat sâng, ma mới ngin
mới la Yiang Sursĩ tễ.”

³⁴ Yê-su atõng loah alói
neq: “Tâng phếp rit anhia,
bữn cũai chĩc đốq chơ Yiang
Sursĩ khoiq pai neq:

‘Anhia cõt samoât máh
yang tễ.’^{*}

³⁵ Háı dáng chơ parnai Yiang
Sursĩ la lứq p̄ieiq. Cóp Yiang
Sursĩ đốq alói ca roap parnai
án la ‘yang’ tễ. ³⁶ Ma cứq
nâi, Mpoaq cứq khoiq ruroh
cứq, cóp án ớn cứq toâq p̄
cốc cutếq nâi. Ngkíq, nốq
anhia pai cứq acrieiq ramứh
Yiang Sursĩ toâq cứq pai cứq
la Con Yiang Sursĩ? ³⁷ Khân
cứq tở bữn táq ranáq Mpoaq
cứq, anhia chõĩ sa-âm cứq.
³⁸ Ma khân cứq táq ranáq
Yiang Sursĩ, ma anhia noâng
tở ếq sa-âm cứq, cóq an-
hia sa-âm máh ranáq cứq
táq. Ngkíq anhia têq dáng
samoât lứq. Mpoaq cứq
õt muoi mứt cóp cứq, cóp
cứq õt muoi mứt cóp Mpoaq
cứq.”

³⁹ Moâm Yê-su pai ngkíq,
tốp I-sarel chi-chuaq ngê sĩa
ẽ cốp Yê-su. Ma Yê-su viaq
chíq tễ alói; chơ alói tở dáng
bữn cốp án.

⁴⁰ Yê-su clong loah crõng
Yôr-dan cóp p̄õq chu ntốq
Yang đốq táq batêm tễ
nhuang. Yê-su õt ntốq ki
voai, ⁴¹ cóp clúng cũai toâq
p̄ án. Alói pai neq: “Yang
tở bữn táq muoi ranáq salẽh
ntróu, ma máh parnai án
atõng tễ cũai nâi la p̄ieiq
nheq.”

^{*} 10:34 10:34 Ûat Khẽn 82:6

⁴² Ngkíq bữn sa-ũĩ nác tâng ntốq ki sa-âm Yê-su.

11

La-sarơ Cuchĩt

¹ Bữn manoaq samiang ramứh La-sarơ, cớt a-ĩ. Án ốt tâng vil Bê-thani parnơi cốp sễm ỡi án, Mathê cốp Mari. ² Mari la mansễm ca tồh đờq phuom tâng tồ Yê-su tễ nhũang, cốp án chut ayũng Yê-su toâq sóc án bữm. La-sarơ, cũai ca a-ĩ la amiang Mari. ³ Bar nác sễm ỡi ki ớn cũai pờq atỡng Yê-su neq: “Ncháu ỡi! Án ca Ncháu ayooq lứq, sanua án a-ĩ.”

⁴ Tữ Yê-su sâng ngkíq, án pai neq: “La-sarơ lứq a-ĩ, ma án tở bữn cuchĩt mỗ. Cỗ tễ án a-ĩ nãi, cũai bữn khễn Yiang Sursĩ cốp Con Yiang Sursĩ.”

⁵ Yê-su ayooq Mathê, Mari, cốp La-sarơ. ⁶ Tữ Yê-su sâng han La-sarơ a-ĩ, án ốt loah tâng ntốq ki bar tangái ễn. ⁷ Vót bar tangái, Yê-su atỡng tốp rien tễ án neq: “Hái píp chu loah pờ cruang Yudê.”

⁸ Ma tốp rien tễ Yê-su atỡng án neq: “Thâi ỡi! Lẻq bữn dũn yũah tốp I-sarel pờ ki yoc ễ tám tamáu chỏq thâi. Ma nỏq sanua thâi yoc píp loah pờ ki?”

⁹ Yê-su ta-ỡi alới neq: “Pên tangái tâng cutễq nãi bữn poang, ma tở bữn? Khân bữn cũai pờq tâng tangái, án tở bữn dỏm; án tẻq hữm, yuaq poang. ¹⁰ Ma khân án pờq tâng sadâu, lứq án

dỏm; án tở báng hữm, yuaq canám.”

¹¹ Moâm Yê-su pai ngkíq, án pai ễn neq: “Yóu hái, La-sarơ, bẻq langêt, ma sanua cứq ễ pờq amoaih án.”

¹² Tốp rien tễ Yê-su ta-ỡi neq: “Ncháu ỡi! Khân án bẻq, ki moai tê.”

¹³ Yê-su atỡng tễ La-sarơ khoiq cuchĩt, ma tốp rien tễ Yê-su chanchỏm Yê-su pai La-sarơ bẻq sâng. ¹⁴ Ngkíq Yê-su atỡng alới raloaih lứq neq: “La-sarơ khoiq cuchĩt chơ. ¹⁵ Cứq ỡn tê cứq tở bữn toâq bo án a-ĩ. Ma sanua cứq pờq yỗn anhia tẻq sa-âm samoât samỡi. Chơ sanua hái pờq pờ La-sarơ.”

¹⁶ Moâm ki Thô-mat, án ca noau đờq ramứh Di-dim hỡ, án pai chỏq yóu canỏh ca rien tễ Yê-su neq: “Hái pờq tê, đờq hái pruam cuchĩt parnơi cốp thâi.”

Yê-su Aliam Bar Nác Sễm Ỗi

¹⁷ Tữ Yê-su toâq pờ ntốq ki, án sâng noau pai khoiq pỏn tangái chơ noau tữp La-sarơ. ¹⁸ Vil Bê-thani mán bữn pái ki-lỏ-mẻt tẻ vil Yaru-salem, ¹⁹ cốp sa-ũĩ nác tễ tốp I-sarel pờq bẻq aliang Mathê cốp Mari, yuaq amiang alới khoiq cuchĩt.

²⁰ Tữ Mathê sâng noau pai Yê-su mbỡiq toâq ramỏh vil, chơ án pờq crỏq Yê-su. Ma Mari noâng ốt ndỏng. ²¹ Mathê pai chỏq Yê-su neq: “Ncháu ỡi! Khân Ncháu ốt pờ nãi bo ki, amiang cứq

tở bữn cuchĩt mỗ. ²² Ma cứq dáng dẽh sanua ramũh ntróu Ncháu sễq tễ Yiang Sursĩ, lứq án yỗn.”

²³ Yê-su atõng Mathê neq: “Amiang mới lứq tamoong loah.”

²⁴ Chơ Mathê pai neq: “Cứq dáng amiang cứq tamoong loah tâng tangái parsốt. Tangái ki nheq tữh cũai khoiq cuchĩt bữn tamoong loah.”

²⁵ Yê-su atõng loah Mathê neq: “Cutõ cứq toâp yỗn cũai cuchĩt yuor tamoong loah, cớp cứq yỗn alóit tẽq bữn tamoong. Cũai aléq sa-âm cứq, toâq án cuchĩt, ki noâng án tamoong. ²⁶ Cớp cũai aléq noâng tamoong cớp sa-âm cứq, án tở nai cuchĩt. Mới sa-âm ốc nãi tở?”

²⁷ Mathê ta-õih neq: “Lứq cứq sa-âm, Ncháu! Cứq sa-âm Ncháu la Crĩt, Con Yiang Sursĩ, án ca Yiang Sursĩ ớn toâq pữ cớc cutẽq nãi.”

²⁸ Moâm Mathê pai ngkĩq, án chu pữ dõng, chơ án rachâp cớp Mari, a-ẽm án, neq: “Thâi toâq chơ. Án yoc ẽ ramóh mới.”

²⁹ Tữ Mari sâng ngkĩq, yóiq toâp án yuor cớp pữq chu Yê-su. ³⁰ Yê-su tở yũah mut tâng vil. Noâng án õt bân ntốq Mathê ramóh án. ³¹ Cũai I-sarel bẽq aliang Mari, alóit hữm Mari yuor cháit lứq cớp loõh tễ dõng; ngkĩq alóit puai ntun clĩ án. Alóit chanchóm án

pữq nhiam pữ ping amiang án.

³² Tữ Mari pữq chu Yê-su, án hữm Yê-su cớp án ap cheq ayũng Yê-su, pai neq: “Ncháu ơi! Khân Ncháu õt pữ nãi bo ki, amiang cứq tở bữn cuchĩt mỗ.”

³³ Tữ Yê-su hữm Mari nhiam, cớp máh cũai I-sarel ca puai Mari nhiam tẽ, ngkĩq Yê-su sâng sarũiq cớp ngua lứq. ³⁴ Án blóh neq: “Bân léq anhia tữp án?”

Alóit pai: “Ncháu ơi! Sanua hái pữq nhẽng.”

³⁵ Yê-su nhiam. ³⁶ Ngkĩq cũai I-sarel pai: “Âu! Hữm! Án ayooq lứq La-sar’!”

³⁷ Ma bữn cũai canõh pai neq: “Án nãi khoiq táq cũai sũt moat cõt blang. Bo La-sar’ tở yũah cuchĩt, tẽq nâng tở án táq bán La-sar’?”

La-sar’ Tamoong Loah

³⁸ Yê-su toâq pữ ping. Mút án sâng ngua lứq sĩa. Ping nãi tâng cựp, cớp tamáu toâr catáng chíq ngoah cựp.

³⁹ Yê-su ớn neq: “Cóq anhia vih aloõh chíq tamáu tễ ngoah cựp.”

Ma Mathê, amuaq cũai cuchĩt ki, pai neq: “Ncháu ơi! Khoiq pa-õih chơ, yuaq án õt ngki khoiq pỗn tangái.”

⁴⁰ Yê-su blóh ẽn neq: “Cứq khoiq atõng anhia chơ ma tở bữn, khân anhia sa-âm, anhia lứq hữm chóc ang-ũr tễ Yiang Sursĩ?”

⁴¹ Ngkĩq alóit vih tamáu. Chơ Yê-su tapoang achõn

chu paloõng cốp pai neq: “Mpoaq cúq ơi! Cúq sa-õn mới khiq tamúng cúq. 42 Cúq dáng mới tamúng níc cúq, ma cúq pai ngkíq ẽq cũai õt cheq cúq nãi dáng lứq samoât mới ớn cúq toâq pở nãi.”

43 Moâm Yê-su pai ngkíq, án arô casang lứq: “La-sarơ ơi! Mới loõh tễ ki!”

44 Chơ án ca cuchĩt ki loõh tễ ping. Atĩ cốp ayũng án nheq noau som aroaiq. Cốp bữn aroaiq cuom mieiq cốp plở án. Yê-su ớn alớ neq: “Anhia leh chíq aroaiq noau som tễ tổ án, cốp yõn án chu.”

Cũai Canõh Chuaq Ngê Cachĩt Yê-su
(*Mathia 26:1-5; Mac 14:1-2; Luca 22:1-2*)

45 Ngkíq máh cũai I-sarel ca bẻq aliang Mari, alớ hữm ranáq Yê-su táq. Ngkíq alớ sa-âm Yê-su tễ. 46 Ma bữn cũai tễ tổp I-sarel ki pởq chu tổp Pha-rasi cốp atõng alớ tễ máh ranáq Yê-su khiq táq. 47 Ngkíq tổp Pha-rasi cốp máh cũai sốt tổp tềng rit sang Yiang Sursĩ, alớ arô nheq tữh cũai sốt tổp I-sarel; chơ alớ sarhõng. Alớ pai neq: “Cũai nãi táq ranáq salẽh sa-ũĩ lứq chơ. Nỏq hái ẽ táq sanua? 48 Khãn hái yõn án táq níc ngkíq, nheq tữh cũai sa-âm nheq án. Chơ cũai Rô-ma toâq talõh Dõng Sang Toâr hái cốp cruang hái.”

49 Tễ tổp ki bữn manoaq ramúh Cai-pha. Cumo ki án cõt cũai sốt nheq tễ rit sang Yiang Sursĩ. Án pai neq: “Anhia tở dáng ntróu thánq. 50 Anhia tở bữn tuaiq. Khãn dỏq cũai nãi, proai hái lứq cuchĩt nheq, cốp dõng cruang hái la ralõh nheq tễ. Khaq hái yõn manoaq nãi cuchĩt, salánq nheq tữh cũai hái cuchĩt.”

51 Ma Cai-pha tở bữn chõng ẽ pai cõ loõh tễ mút án bữm. Yuaq máh ố Cai-pha atõng tễ Yê-su cuchĩt tang máh cũai I-sarel, lứq Yiang Sursĩ toâp yõn án atõng saccoaiq, yuaq bo ki án sốt nheq tễ rit sang Yiang Sursĩ. 52 Cốp Yê-su tở bữn cuchĩt tang ống cũai I-sarel sâng, ma án cuchĩt tang yõn dũ náq con acái Yiang Sursĩ. Sanua máh cũai ki õt parsáng-parsaiq sa-ũĩ nỏq, ma nõ-ra alớ rôm cõt muoi tổp sâng. 53 Noap tễ tangái ki, tổp I-sarel chi-chuaq ngê ẽ cachĩt Yê-su. 54 Ngkíq Yê-su tở bữn pởq noâng parnơi cốp cũai cứng tễ tổp I-sarel. Ma án pởq chu nỏq aiq cheq vil Ep-ra-im. Án õt ngki cốp tổp rien tễ án.

55 Cheq toâq tangái cũai I-sarel cha sanhữ Tangái Loõh.* Ngkíq cứng cũai õt yáng tiah vil Yaru-salem mut tâng vil, yoc ẽ puai rit sambráh nhũang tangái alớ ẽ cha táq rit. 56 Máh

* 11:55 11:55 Tangái ki alớ sanhữ tangái Yiang Sursĩ chuai alớ loõh tễ cruang Ê-yip-tô tễ mbỏq.

cũai ki chuaq níc Yê-su. Alóí ốt tayúng tâng Dông Sang Toâr, cốp manoaq blóh manoaq neq: “Nốq mới chanchóm, án ẽ toâq cha bũi sanhữ tangái ki tê, ma tở bữn?”

⁵⁷ Mách cũai sốt tốp tềng rit sang Yiang Sursĩ cốp tốp Pha-rasi, alóí khoi q patâp neq: Khân cũai aléq dáng ntốq Yê-su ốt, cóq án toâq cuchõiq alóí dáng tê, yuaq alóí yoc ẽ cốp án.

12

Mari Tớh Tớu Phuom Tâng Tô Yê-su
(*Mathia 26:6-13; Mac 14:3-9*)

¹ Noâng tapoât tangái ẽn nốq tốp I-sarel cha sanhữ Tangái Loõh. Tangái ki Yê-su pớq pớ vil Bê-thani, la ntốq La-sarơ ốt. La-sarơ la cũai ca Yê-su khoi q amõih tể cuchit. ² Ốt ntốq ki alóí roap chõm Yê-su. Mathê aloõh cớng sana yõn alóí cha, cốp La-sarơ tacu cha parnõi cốp alóí. ³ Bo ki Mari ít bẽ đõq phuom noau đõq nar. Đõq phuom ki kia ntâng lứq. Mari tớh đõq phuom ki tâng ayũng Yê-su, chơ án chut ayũng Yê-su toâq sóc án. Chũop đống sâng hõi phuom chanchức. ⁴ Bữn manoaq tốp rien tể Yê-su, ramứh Yuda I-cari-ôt, án ca cheq ẽ chềq Yê-su, pai neq: ⁵ “Nốq án tở bữn chềq đõq phuom ki, chơ ít práq

kia ki chuai cũai cadit? Kia đõq phuom nãi li cốp práq cóng noau tuthẽ tâng pái culám tangái.”

⁶ Án pai ngkíq, tở cõn án yoc ẽ chuai cũai cadit, ma án yoc ẽ plớq práq ki, yuaq án la cũai yõng práq chõng tâng tốp rien tể Yê-su. ⁷ Ma Yê-su pai neq: “Đõq tam án. Lứq p̄ieiq án thữan đõq đõq phuom nãi yõn tangái noau tữp cứq. ⁸ Cũai cadit ốt níc cốp anhia. Ma cứq tở bữn ốt níc cốp anhia.”

⁹ Mách cũai I-sarel sâng noau pai Yê-su ốt tâng vil Bê-thani. Ngkíq cứng lứq alóí pớq chu ki tê. Alóí tở bữn pớq yoc ẽ ramóh ống Yê-su sâng, ma alóí yoc ẽ hữm La-sarơ hữ, án ca Yê-su amõih loah tể cuchit. ¹⁰ Ngkíq máh cũai sốt tốp tềng rit sang Yiang Sursĩ chichuaq ngê ẽ cachit dểh La-sarơ hữ, ¹¹ yuaq cõ tian La-sarơ, cứng cũai I-sarel táh rit tiaq alóí, chơ sa-âm Yê-su ẽn.

Yê-su Mut Tâng Vil Yaru-salem

(*Mathia 21:1-11; Mac 11:1-11; Luca 19:28-40*)

¹² Mách tangái parnõ ẽn, cứng cũai toâq cha bũi sanhữ Tangái Loõh, alóí sâng Yê-su cheq ẽ mut tâng vil Yaru-salem. ¹³ Ngkíq alóí ít ngoong po cốp pớq crốq Yê-su. Alóí triau cupo casang lứq neq: “Ô-sana!*

* 12:13 12:13 Santoiq ‘ô-sana’ parlong loah la ‘sa-õn lứq’ tở la ‘khẽn’.

Sễq Yiang Sursĩ yỗn ốc bốn pữ cũai ca toâq nhơ ramóh Ncháu. Lứq khễn puo cũai I-sarel."*

14 Yê-su ramóh muoi lám aséh dễn con, chơ án tacu tâng cloong aséh ki machớng noau khoiq chĩc tâng tâm saráq Yiang Sursĩ tễ mbốq neq:

15 "Vil Yaru-salem ơi! Chỗi ngcõh ntrớu.

Sanua puo anhia ntôm ễ toâq chơ.

Án tacu tâng aséh dễn lơ-lơ."*

16 Tangái ki tỗp rien tễ Yê-su tỡ yũah dáng raloaih tễ parnai nãi. Ma vớտ Yê-su cuchĩt cớp tamoong loah, ki nốq alới sapúh tễ parnai Yiang Sursĩ atỡng tễ Yê-su. Cớp alới sanhữ loah alới khoiq táq rapĩeiq máh parnai Yiang Sursĩ pai tễ Yê-su.

17 Máh cũai ca hữm Yê-su arô La-sarơ loỏh tễ ping cớp yỗn án tamoong loah, alới atỡng la-ữt la-ữi tễ ranáq nãi. 18 Yuaq ngkĩq bữn chững cũai pỡq ramóh Yê-su tễ, cỗ alới khoiq sâng Yê-su táq tếc salễh nãi. 19 Chơ tỗp Pha-rasi, manoaq táq ntỡng cớp manoaq neq: "Ki! Anhia hữm tỡ? Nheq tữh cũai khoiq puai án. Táq nốq la hái tỡ rơi án mỗ."

Yê-su Atỡng Tễ Án Cớq Cuchĩt

20 Tangái cha sanhữ ki bữn cũai Créc pỡq chu vil Yaru-salem yoc ễ sang toam pỡ ki tễ. 21 Tỗp cũai Créc ki toâq pỡ Phi-lip, la cũai tễ vil Bet-sada, cruang Cali-lê. Alới sễq tễ Phi-lip neq: "Achuaih ơi! Hếq yoc ễ ramóh Yê-su."

22 Phi-lip pỡq atỡng Anrê; chơ Anrê cớp Phi-lip toâq atỡng Yê-su. 23 Yê-su ta-ỡi alới neq: "Cheq ễ toâq ngư Yiang Sursĩ apáh chớc ang-ữr Con Yiang Cốt Cũai. 24 Cứq atỡng anhia samoât lứq, khân bữn muoi ốc sa-pua noau chớh tâng cutễq, amoat ki padốh, chơ ốc ki cớտ pứt. Khân noau tỡ bữn chớh ốc ki, án noâng níc muoi ốc. Ma khân noau chớh, ốc ki cớտ sa-ữi palãi. 25 Cũai aléq pasếq rangữh án tâng dỡi nãi, rangữh cũai ki lứq pứt. Ma cũai aléq tỡ bữn pasếq rangữh án tâng dỡi nãi, cũai ki lứq bữn tamoong mantái níc. 26 Cũai aléq yoc ễ táq ranáq cứq, cớq cũai ki puai cứq. Ntốq aléq cứq ốt, án lứq ốt ntốq ki tễ. Cớp cũai táq ranáq cứq, Mpoaq cứq lứq roap apỗng án tễ.

27 "Sanua mút cứq sâng túh arúc lứq. Ma tềq tỡ cứq pai neq: 'Mpoaq ơi! Chuai cứq yỗn viaq tễ ốc cuchĩt nãi?' Cứq tỡ tềq pai ngkĩq, yuaq cứq toâq pỡ cutễq nãi đốq chũuq ốc cuchĩt ki. 28 Mpoaq ơi, sễq mới táq yỗn cũai khễn

ramúh ang-ũr mới!"

Moâm Yê-su pai ngkíq, sường Yiang Sursĩ atõng tẽ paloõng neq: "Cúq khoiq táq yõn cũai khẽn ramúh ang-ũr cúq, cốp nõ-ra cúq táq machóng ki sĩa."

²⁹ Clúng cũai õt ngki sâng sường ki samoât crúm. Bữn án ca pai ranẽng Yiang Sursĩ tẽ paloõng táq ntõng cốp Yê-su. ³⁰ Ma Yê-su pai neq: "Sường nãi atõng yõn anhia, tở cõn yõn cúq. ³¹ Sanua toâq ngư Yiang Sursĩ rablớh máh cũai tâng cutẽq nãi. Cốp sanua án tuih aloõh yiang ca sớt tâng cutẽq nãi. ³² Ma tử noau ayõng cúq tâng aluang sangcáng, cúq lứq tếc dững nheq tữh cũai toâq pở cúq."

³³ Yê-su pai ngkíq, án yoc atõng yõn cũai dáng na ntrớu án cuchĩt. ³⁴ Máh cũai clúng ki atõng án neq: "Phẽp rit hẽq atõng pai Crít la tamoong mantái níc. Ngkíq nõq thâi pai Con Yiang Cõt Cũai cóq noau ayõng án tâng aluang sangcáng? Noau la Con Yiang Cõt Cũai?"

³⁵ Yê-su ta-õi alóí neq: "Anhia bữn ốc poang nõng bĩq tangái sâng. Sanua cóq anhia pởq tâng ốc poang nãi, yuaq anhia tở bữn dáng bo léq sarblíng toâq ốc canám. Chơ anhia tở dáng ẽ pởq chu léq nõng. ³⁶ Bo anhia nõng bữn ốc poang, cóq anhia sa-âm ốc ki, đõq

anhia cõt samoât con acái ốc poang ki."

Moâm Yê-su pai ngkíq, án loõh tẽ tốp alóí, cốp pởq tooq chíq tẽ alóí.

Tốp I-sarel Nõng Tở Êq Sa-âm

³⁷ Tam Yê-su khoiq táq sa-ũri ranáq salẽh yáng moat alóí, ma nõng alóí tở bữn sa-âm án. ³⁸ Ngkíq cõt rapĩeq santonq Ê-sai, cũai tang bõq Yiang Sursĩ, khoiq chĩc tẽ mbõq neq:

"Ncháu ơi! Noau nõq sa-âm parnai hẽq atõng?"

Noau toâp bữn hữm chóc toâr lứq tẽ Yiang Sursĩ?"*

³⁹ Tốp I-sarel ki tở dáng sa-âm, cõ Ê-sai khoiq chĩc tâng ntõq canõh neq:

⁴⁰ "Yiang Sursĩ táq yõn moat alóí cõt sũt, cốp táq yõn mút alóí cõt coang.

Ngkíq moat alóí tở tẽq hữm. Cốp mút alóí tở tẽq dáng.

Alóí tở ẽq toâq pở cúq đõq cúq táq yõn alóí cõt bán."*

⁴¹ Ê-sai pai santonq ngkíq, yuaq án atõng saccoaiq tẽ án hữm chóc ang-ũr Yê-su. Ngkíq yuaq án atõng santonq ki tẽ Yê-su.

⁴² Ma nõng bữn sa-ũri nác sa-âm Yê-su, dẽh cũai sớt hỡ. Ma alóí ca sa-âm tở bữn atõng yõn cũai canõh dáng alóí sa-âm, yuaq alóí ngcõh

tốp Pha-rasi tuih aloõh alói tể đồng sang. ⁴³ Ngkíq alói ẽq cũai canõh khẽn alói clũi tể alói ẽq Yiang Sursĩ khẽn alói.

⁴⁴ Vót ki Yê-su atõng casang lứq neq: “Cũai aléq sa-âm cứq, cũai ki tở bữn sa-âm ống cứq sâng, ma án sa-âm dếh án ca ớn cứq toâq pở nãi. ⁴⁵ Cũai aléq hữm cứq, cũai ki hữm dếh án ca ớn cứq toâq tề. ⁴⁶ Cứq la ọc poang yõn cốc cutẽq nãi. Ngkíq cũai aléq sa-âm cứq, cũai ki tở bữn ốt noâng tâng ọc canám. ⁴⁷ Cũai aléq tamứng parnai cứq, ma tở bữn trĩh parnai ki, cứq tở bữn tểq án. Yuaq cứq tở bữn toâq pở nãi ẽ tểq cũai, ma cứq toâq ẽ chuai amoong nheq tữh cũai. ⁴⁸ Cũai aléq kêt cứq, cốp tở bữn ỉt parnai cứq, lứq bữn parnai tểq cũai ki. Toâq tangái parsốt, máh parnai cứq khoiq atõng ki toâp tểq án. ⁴⁹ Cứq tở bữn atõng tể ngê cứq bữm. Ma Mpoaq ca ớn cứq toâq pở nãi, án toâp khoiq ớn cứq atõng máh santoiq cứq khoiq pai. ⁵⁰ Cứq dáng máh ọc án patâp tềq yõn cũai bữn tamoong mantái. Ngkíq máh ọc cứq pai, cứq pai puai santoiq Mpoaq khoiq ớn cứq pai.”

13

Yê-su Ariau Ayũng Tốp Rien Tể Án

* **13:1** 13:1 Tangái ki alói sanhữ tangái Yiang Sursĩ chuai alói loõh tể cruang Ê-yip-tô tể mbốq.

¹ Noâng muoi tangái ẽn nõq cũai I-sarel cha sanhữ Tangái Loõh.* Tangái ki Yê-su dáng khoiq cheq ẽ toâq chơ tangái án pởq tể cutẽq nãi cốp chu loah pở Mpoaq án. Án ayooq nheq tữh cũai tâng cốc cutẽq nãi ca bữn muoi mút cốp án. Án ayooq lứq alói toau sốt clũiq.

² Yê-su cốp tốp rien tể án rôm cha pêl tabữ. Yiang Satan khoiq táq tâng mút pahõm Yuda, con samiang Si-môn I-cari-õt, yõn án chéq chíq Yê-su. ³ Yê-su dáng Mpoaq án khoiq yõn án bữn chóc tềq sốt dĩ ramứh. Cốp án dáng án toâq tể Yiang Sursĩ, cốp cheq án ẽ chu loah pở Yiang Sursĩ. ⁴ Ngkíq Yê-su yuor tayứng tể ntóq án cha. Án tũot au tuar, cốp án ỉt khán cuti catoân tâng ngkĩng. ⁵ Moâm ki Yê-su chók đờq tâng cuban, chơ tabốq ariau ayũng tốp rien tể án. Cốp án ỉt khán cuti tể ngkĩng án, chơ chut ayũng alói. ⁶ Tữ án toâq pở Si-môn Phi-er, chơ Phi-er blóh án neq: “Ncháu ơi! Ncháu ẽ ariau ayũng cứq tở?”

⁷ Yê-su ta-õi án neq: “Mới tở bữn sapủh tể ranáq cứq táq sanua, ma ntun mới lứq dáng raloaih.”

⁸ Phi-er pai ẽn chók Yê-su neq: “Tở p̄ieiq mỗ Ncháu ariau ayũng cứq.”

Ma Yê-su ta-õi án neq: “Khân cứq tở bữn ariau mới, mới tở bữn cõt muoi mút cốp cứq.”

9 Chơ Si-môn Phi-er pai neq: “Khân lứq ngkíq, Ncháu oi, chõi ariau ổng ayững sâng. Ma ariau dểh aĩ cốp plở cứq hỡ!”

10 Yê-su pai chócq án neq: “Cũai aléq khoiq mpoi đởq, neq tở án khoiq bráh chơ. Moâm mpoi, cóq ariau loah ổng ayững sâng. Sanua anhia khoiq bráh chơ, ma noâng manoaq tể anhia tở bữn bráh.”

11 Yê-su pai manoaq tể alói tở bữn bráh, yuaq án khoiq dáng chơ cũai ể chểq án.

12 Moâm Yê-su ariau ayững alói, án sốp loah au tuar án, cốp án tacu loah bân ntốq án cha sĩa. Án blóh alói neq: “Anhia sapúh ma tở, cứq táq ranáq nãi chócq anhia?” 13 Anhia đởq cứq la Thài cốp Ncháu. Lứq pñeiq anhia pai ngkíq. Lứq samoat cứq bữn bar ramứh ki. 14 Cứq la Ncháu anhia cốp Thài anhia, ma cứq ariau ayững anhia. Ngkíq anhia cóq manoaq ariau ayững manoaq machóng ki tể. 15 Cứq táq đởq paryống anhia yỗn tềq anhia táq machóng cứq khoiq táq yỗn anhia. 16 Cứq atống anhia samoat lứq, cũai sũl tở bữn toâr hỡn tể ncháu án, cốp cũai ranềng tở bữn toâr

hỡn tể cũai ca ón án pởq. 17 Khân anhia dáng neq ramứh nãi, cốp anhia puai samoat samoi, anhia bữn ốc bỗn lứq. 18 Ma cứq tở bữn atống tể neq tữh anhia. Cứq dáng máh cũai ca cứq khoiq rườh. Ma lứq cõt rapñeiq parnai Yiang Sursĩ khoiq pai tể mbốq neq:

‘Bữn manoaq ca cha đỏi cốp cứq,
án ki cõt alia bar ploah ể táq cứq.’[☆]

19 “Sanua cứq atống anhia bo ranáq nãi tở yũah toâq. Ma tữ ranáq nãi toâq, ngkíq anhia tềq sa-âm cứq la án ca pai ki. 20 Cứq atống anhia samoat lứq, cũai aléq tamứng parnai cũai ca cứq ón pởq atống, la machóng án tamứng parnai cứq tể. Cốp cũai aléq tamứng parnai cứq, la machóng án tamứng án ca ón cứq toâq tể.”

Yê-su Atống Tể Manoaq Ể Chểq Chícq Án

(*Mathia 26:20-25; Mac 14:17-21; Luca 22:21-23*)

21 Moâm Yê-su pai ngkíq, án sâng túh arúc lứq tâng mút án. Chơ án pai neq: “Cứq atống anhia samoat lứq, bữn manoaq tể anhia ể chểq chícq cứq.”

22 Tởp rien tể Yê-su, alói manoaq cloân manoaq. Cốp alói sâng dót lứq, tở dáng noau Yê-su pai. 23 Cứq ca ratoi lứq cốp Yê-su, cứq ốt

☆ 13:18 13:18 Ūat Khễn 41:9 † 13:23 13:23 Toâq Yang pai tể tở án bữm, án tở bữn pai ‘Cứq’. Án pai ‘manoaq tể tởp rien tể Yê-su ca ratoi lứq cốp án’.

tĩng Yê-su bo ki.† 24 Si-môn Phi-er cuvoiq cúq cốp ón cúq neq: “Mói blóh Yê-su, án atõng tẽ noau.”

25 Ngkíq cúq síc cheq Yê-su cốp pai neq: “Sẽq Ncháu atõng cũai ki la noau?”

26 Yê-su ta-õi neq: “Sanua cúq ẽ tóq muoi mẽng bẽng tâng tangan. Chơ cúq avoĩ pữ án ca ẽ chếp cúq.”

Ngkíq Yê-su ỉt muoi mẽng bẽng. Án tóq bẽng tâng tangan, chơ án avoĩ yõn Yuda, con Si-môn I-çari-ôt. 27 Từ Yuda roap bẽng ki, bo ki toáp yiang Satan mut tâng mút án. Chơ Yê-su atõng án neq: “Ranáq ntróu mới ẽ táq, ki mới táq chái!”

28 Mách cũai tacu cha ntóq ki, alóit tở bữn sapúh tẽ san-toiq Yê-su pai chók Yuda. 29 Bữn noau chanchóm Yê-su ón Yuda pữq chõng cõng sana, tở la pữq chuai cũai cadit, yuaq Yuda yõng práq chõng tâng tốp alóit. 30 Moâm Yuda roap bẽng ki, chơ án loõh toáp. Bo ki paloõng khoiq sadâu chơ.

Yê-su Yõn Muoi Ốc Patâp Tamái

31 Vót Yuda loõh, Yê-su pai neq: “Sanua noau bữn hữm chóc ang-ữr Con Yiang Cõt Cũai. Cốp noau lứq khẽn Yiang Sursĩ cõ nhơ tẽ Con án. 32 Khãn noau khẽn chóc ang-ữr Yiang Sursĩ cõ nhơ tẽ Con án, machóng ki tẽ Yiang Sursĩ táq yõn noau khẽn chóc ang-ữr Con án cõ nhơ tẽ Yiang Sursĩ. Cốp án

táq yõn noau khẽn án toáp. 33 Mách con cúq ơi! Cúq õt cốp anhia noâng bĩq tangái sâng. Lứq anhia chuaq cúq, ma cúq atõng anhia machóng cúq khoiq atõng cũai I-sarel chơ: ‘Anhia tở têt toâq pữ ntóq cúq pữq.’ 34 Sanua cúq patâp anhia muoi ốc tamái ẽn. Ốc nãi la neq: Cóc anhia manoaq ayooq manoaq. Machóng cúq khoiq ayooq anhia, ngkíq anhia cóq manoaq ayooq manoaq tẽ. 35 Khãn anhia manoaq ayooq manoaq, nheq tữh cũai lứq dáng anhia puai ngê cúq samoât samoi.”

36 Si-môn Phi-er blóh Yê-su: “Ncháu ơi! Pữ léq Ncháu ẽ pữq?”

Yê-su ta-õi án neq: “Ntóq cúq pữq, mới tở têt puai cúq sanua. Ma nữ-ra têt mới puai cúq.”

37 Ngkíq Phi-er blóh ẽn: “Ncháu ơi! Nổq cúq tở têt puai Ncháu sanua? Cúq rơi chũuq cuchĩt cốp Ncháu.”

38 Ma Yê-su roap bỗq án neq: “Lứq samoât mới rơi chũuq cuchĩt cốp cúq tở? Cúq atõng mới samoât lứq, nhũang ntruoit tở yũah tacar, lứq mới calđih cúq khoiq pái trõ.”

14

Yê-su Atõng Tẽ Mpoaq Án

1 Yê-su atõng ẽn neq: “Anhia chõit sâng túh arúc tâng mút anhia. Sa-âm Yiang Sursĩ, cốp sa-âm cúq tẽ. 2 Tâng đõng Mpoaq cúq bữn

sa-ũi ntốq ốt. Sanua cứq pởq thữan ntốq yỗn anhia ốt. Khân ốc nâi ma tở bữn p̄ieiq, cứq tở bữn atống ốc nâi yỗn anhia. ³ Moâm cứq pởq thữan ntốq yỗn anhia ốt, cứq lứq toâq loah cốp dững anhia pởq ốt cốp cứq. Ntốq léq cứq ốt, anhia lứq ốt ntốq ki tê. ⁴ Anhia dáng chu léq cứq pởq, cốp anhia dáng chơ rana toâq pở ntốq ki.”

⁵ Ma Thô-mat blớh Yê-su neq: “Ncháu ơi! Hếq tở dáng chu léq Ncháu ể pởq. Nốq tềq hếq dáng rana toâq pở ki?”

⁶ Yê-su ta-õi án neq: “Cứq la rana pởq; cứq la ốc p̄ieiq; cốp cứq la ốc tamoong. Tở bữn noau tềq toâq pở Mpoaq cứq, khân tở bữn toâq na cứq. ⁷ Khân anhia dáng cứq, lứq anhia dáng Mpoaq cứq tê. Ma từ nâi chumát, anhia lứq dáng án, cốp anhia khoiq hữm án chơ.”

⁸ Phi-lip pai chóq Yê-su neq: “Sếq Ncháu apáh Mpoaq Ncháu yỗn hếq hữm án, la péq toâp.”

⁹ Yê-su ta-õi án neq: “Phi-lip ơi! Cứq ốt cốp anhia khoiq dũn chơ, ma nốq mới noâng tở yũah dáng cứq? Cũai aléq hữm cứq, la machóng án khoiq hữm Mpoaq cứq tê. Nốq mới sếq cứq apáh Mpoaq cứq yỗn anhia hữm án? ¹⁰ Nốq anhia tở bữn sa-âm cứq ốt muoi mút cốp Mpoaq, cốp Mpoaq ốt muoi mút cốp cứq? Máh parnai cứq atống anhia ki la tở cởn parnai

tể cứq bữm, ma lứq Mpoaq ca ốt muoi mút cốp cứq, án toâp táq máh ranáq nâi. ¹¹ Cóc anhia sa-âm cứq bo cứq pai cứq ốt muoi mút cốp Mpoaq, cốp Mpoaq ốt muoi mút cốp cứq. Ma khân anhia tở ểq sa-âm cở ngkíq, cóq anhia sa-âm cứq cở tể máh ranáq salễh cứq khoiq táq. ¹² Cứq atống anhia samoât lứq, cũai aléq sa-âm cứq, cũai ki lứq táq ranáq machóng cứq táq tê. Ma án lứq táq ranáq toâr clũi tể ki ển, yuaq sanua cứq chu pở Mpoaq cứq. ¹³ Ốc ntróu anhia sếq nhơ ramứh cứq, lứq cứq yỗn anhia bữn ốc ki. Cứq táq ngkíq ểq noau khễn chóc ang-ũr Mpoaq tâng paloông cở nhơ tể Con án. ¹⁴ Khân anhia sếq ốc ntróu nhơ ramứh cứq, lứq cứq yỗn anhia bữn ốc ki.”

Yê-su Ừq Yỗn Raviei Yiang Sursĩ

¹⁵ “Khân anhia ayooq cứq, cóq anhia trĩh nheq máh ốc cứq patâp. ¹⁶⁻¹⁷ Chơ cứq ể sếq tể Mpoaq cứq, cốp án yỗn anhia bữn Raviei lứq p̄ieiq níc. Raviei ki pláih cứq đốq chuai anhia, cốp án ốt níc cốp anhia. Ma cũai aléq tở bữn sa-âm, cũai ki tở tềq bữn Raviei nâi, yuaq alóit tở bữn saccoal cốp tở bữn dáng án. Ma anhia dáng án, yuaq án ốt níc nững anhia, cốp án ốt tâng mút pahõm anhia. ¹⁸ Cứq tở bữn táh anhia yỗn cởt riang con cumuiq. Cứq lứq toâq

loah pở anhia. ¹⁹ Noâng bĩq tangái sâng, máh cũai tâng dôi nâi tở bữn hữm noâng cứq, ma lứq anhia hữm cứq. Cỗ cứq tamoong, ngkíq nỡ-ra anhia tamoong tê. ²⁰ Toâq tangái ki anhia dáng samoât lứq cứq ốt muoi mút cốp Mpoaq cứq, cốp anhia ốt muoi mút cốp cứq machóng cứq ốt muoi mút cốp anhia.

²¹ “Cũai aléq roap ỉt máh ốc cứq patâp, cốp trĩh máh ốc ki, cũai ki lứq ayooq cứq. Mpoaq cứq ayooq án ca ayooq cứq. Cứq ayooq án ki tê, cốp cứq apáh ngê cứq yỗn án dáng.”

²² Moâm Yê-su pai ngkíq, Yuda (Yuda nâi tở cởn Yuda I-cari-ôt) blớh Yê-su neq: “Ncháu ơi, cỗ nỏq Ncháu ẽ apáh ngê Ncháu yỗn ống hếq sâng, ma Ncháu tở bữn apáh yỗn máh cũai tâng dôi nâi dáng tê?”

²³ Yê-su ta-õi án neq: “Cũai aléq ayooq cứq, cũai ki trĩh nheq parnai cứq. Mpoaq cứq lứq ayooq án. Cứq cốp Mpoaq cứq toâq pở án cốp ốt níc cốp án. ²⁴ Ma cũai aléq tở bữn ayooq cứq, cũai ki tở bữn trĩh parnai cứq. Parnai anhia sâng sanua, parnai nâi la tở cởn parnai cứq, ma parnai nâi la parnai Mpoaq ca ớn cứq toâq pở nâi.

²⁵ “Cứq khiq atởng nheq máh parnai nâi bo cứq noâng ốt cốp anhia. ²⁶ Ma Raviei Yiang Sursĩ, án ca Mpoaq cứq ớn toâq tang cứq đốq chuai anhia, Raviei ki

atởng anhia túc ramứh; cốp án ẽ chuai anhia sanhữ nheq parnai cứq khiq atởng anhia. ²⁷ Cứq yỗn anhia bữn ốc ien khể tâng mút pahỏm anhia. Cứq yỗn anhia bữn ốc ien khể tể cứq bữm. Cứq tở bữn yỗn machóng cũai tâng dôi nâi yỗn. Anhia chỏi yỗn mút pahỏm anhia sâng túh arức. Cốp anhia chỏi ngcởh ntrứu. ²⁸ Anhia khiq sâng chơ cứq pai cứq loỏh tể anhia ma nỡ pra cứq toâq loah pở anhia sĩa. Khân anhia ma ayooq cứq, ki anhia ớn tê cứq chu pở Mpoaq cứq, yuaq Mpoaq cứq toâr clữi tể cứq. ²⁹ Cứq atởng anhia nhữang bo ranáq nâi tở yũah toâq, đốq tangái léq án toâq, ngkíq anhia noap samoât samoi. ³⁰ Cứq tở tềq atởng sa-ũĩ noâng cốp anhia, yuaq yiang ca sỏt tâng cốc cutểq nâi, án cheq toâq chơ. Án ki tở bữn táq sỏt cứq. ³¹ Ma cứq táq nheq ramứh nâi yỗn nheq tữh cũai dáng samoât lứq la cứq ayooq Mpoaq cứq. Cốp cứq trĩh nheq ốc Mpoaq cứq khiq patâp cứq chơ. Sanua anhia yuor tayứng! Háỉ loỏh tể nốq nâi!”

15

Aluang Cốp Abễng

¹ Yê-su pai ễn neq: “Cứq la voar pñeiq lứq. Cốp Mpoaq cứq la án ca sama nưong. ² Abễng aléq ma tở bữn cởt palâi, án cứl táh chíq. Cốp

abêng aléq ma cõt palâi, án asa yõn bráh. Ngkíq abêng ki cõt palâi sa-ũri lứq ẽp. ³ Anhia la bráh chơ cô nhơ parnai cứq khoiq atõng anhia. ⁴ Cọq anhia õt níc muoi mút cốp cứq, chơ cứq õt níc muoi mút cốp anhia. Khân abêng aluang ma sacáh tẽ nỡm, abêng ki tỡ tẽq cõt palâi. Machóng ki tẽ, khân anhia tỡ bữn õt níc muoi mút cốp cứq, anhia tỡ tẽq cõt palâi ntróu. ⁵ Cứq la voar. Anhia la abêng. Cũai aléq õt níc muoi mút cốp cứq, cốp cứq õt níc muoi mút cốp án, án lứq cõt palâi sa-ũri. Khân anhia sacáh tẽ cứq, anhia tỡ tẽq táq ntróu. ⁶ Cũai aléq ma tỡ bữn õt níc muoi mút cốp cứq, cũai ki noau voang aloõh, ariang noau voang abêng voar tẽ. Ngkíq abêng ki cõt khõ. Chơ noau ãt abêng ki sarpút tâng ùih yõn cat nheq. ⁷ Khân anhia õt níc muoi mút cốp cứq, cốp parnai cứq õt níc tâng mút pahõm anhia, ngkíq ốc ntróu anhia sếq, lứq anhia bữn ốc ki. ⁸ Khân anhia cõt sa-ũri palâi, ngkíq cũai canõh dáng anhia lứq puai ngê cứq, cốp anhia apáh chóc ang-ũr tẽ Mpoaq cứq tẽ.

⁹ “Cứq ayooq anhia machóng Mpoaq cứq ayooq cứq tẽ. Cọq anhia yõng níc ốc ayooq tẽ cứq. ¹⁰ Khân anhia trĩh ốc cứq patâp, anhia lứq yõng níc ốc ayooq tẽ cứq, machóng cứq trĩh

nheq ốc Mpoaq cứq patâp cốp yõng níc ốc ayooq tẽ án. ¹¹ Cứq khoiq atõng anhia chơ tẽ nheq máh ramứh nâi, đốq cứq yõn anhia sâng bũi tâng mút pahõm anhia, cốp yõn anhia bữn moang ốc bũi sâng.

¹² “Ốc cứq patâp anhia la neq: Cọq anhia manoaq ayooq manoaq, machóng cứq khoiq ayooq anhia chơ. ¹³ Ốc ayooq toâr clũri nheq tẽ canõh la bữn manoaq pláih rangứh án yõn yóu. ¹⁴ Anhia la yóu cứq, khân anhia trĩh ốc cứq patâp. ¹⁵ Cứq tỡ bữn đốq noang anhia la cũai táq ranáq, yuaq cũai táq ranáq tỡ bữn dáng ntróu ncháu án táq. Ma cứq đốq anhia la yóu cứq, yuaq cứq yõn anhia dáng nheq máh ramứh cứq sâng tẽ Mpoaq cứq. ¹⁶ Anhia tỡ bữn ruroh cứq, ma cứq ruroh anhia, cốp cứq chóch anhia đốq anhia pốq cốp cõt palâi, palâi ki plot cốp chong bẻng lứq. Ngkíq ốc ntróu anhia sếq nhơ ramứh cứq, Mpoaq cứq lứq yõn anhia bữn ốc ki. ¹⁷ Nâi la ốc cứq patâp anhia: Cọq anhia manoaq ayooq manoaq.”

Yê-su Pai Cũai Tâng Dỡi Kêt Tốp Puai Ân

¹⁸ “Khân cũai tâng dỡi ma kêt anhia, cọq anhia dáng alới khoiq kêt cứq nhũang anhia. ¹⁹ Khân anhia pruum parnoi cốp cũai tâng dỡi, alới lứq ayooq anhia máh

sẽm ai tê. Ma cứq khoiq rươh anhia tẽ alói. Cóp anhia tở bữn pruam noâng cóp alói. Yuaq ngkíq alói kêt anhia. ²⁰ Cóp anhia sanhữ parnai cứq khoiq atỡng anhia neq: 'Cũai sũl tở bữn toâr hỡn tẽ ncháu án.' Khân alói khoiq táq cứq, alói lứq táq anhia tê. Khân alói tamứng parnai cứq, alói lứq tamứng parnai anhia tê. ²¹ Alói ẽ táq máh ranáq nâi chóq anhia la cõ tian cứq, yuaq alói tở bữn dáng án ca ớn cứq toâq. ²² Khân cứq tở bữn toâq atỡng alói, ki alói tở bữn dáng alói bữn lôih. Ma sanua alói tở têq suon pai alói tở bữn bữn lôih. ²³ Cũai aléq kêt cứq, lứq án kêt Mpoaq cứq tê. ²⁴ Khân cứq tở bữn táq máh ranáq yõn cũai canõh ca tở têq táq, ki alói tở bữn dáng alói bữn lôih. Ma sanua alói khoiq hữm chơ máh ranáq ki, ma noâng alói kêt cứq cóp kêt Mpoaq cứq hỡ. ²⁵ Ma ranáq nâi lứq cõt rapĩeiq máh parnai Yiang Sursĩ khoiq pai tẽ mbốq neq:

'Cứq tở bữn táq lôih ntróu,
ma alói chống kêt cứq.' ✧

²⁶ "Nỡ-ra án ca cứq ớn toâq pỡ anhia, lứq án toâq tẽ Mpoaq cứq. Án la Raviei pĩeiq níc, cóp án atỡng tẽ cứq. ²⁷ Ma anhia cóq atỡng tẽ cứq tê, yuaq anhia khoiq ớt cóp cứq tẽ dâu chơ."

16

Yê-su Atỡng Tẽ Raviei Yiang Sursĩ

¹ "Cứq atỡng anhia nheq máh ramứh nâi đốq anhia tở bữn sapúl. ² Nỡ-ra cũai I-sarel lứq tuih aloõh anhia tẽ đống sang alói. Cóp tangái ki noau cachĩt anhia, yuaq alói chanchóm alói táq ranáq Yiang Sursĩ tê. ³ Alói táq ngkíq cõ alói tở bữn dáng Mpoaq cứq, cóp alói tở bữn dáng cứq hỡ. ⁴ Cứq khoiq atỡng anhia máh ramứh nâi, đốq từ ramứh ki toâq, ki anhia sanhữ cứq khoiq atỡng anhia chơ. Tẽ nhũang cứq tở bữn túh atỡng anhia máh ramứh nâi, yuaq cứq noâng ớt cóp anhia.

⁵ "Ma sanua cứq lứq chu loah pỡ án ca ớn cứq toâq pỡ nâi, ma tở bữn noau tẽ anhia blóh cứq neq: 'Pỡ léq thâi pỡq?'" ⁶ Ma cõ cứq khoiq atỡng anhia máh ramứh nâi, ngkíq anhia sâng túh ngua lứq. ⁷ Ma sanua cứq atỡng anhia lứq pĩeiq, cõ cứq pỡq tẽ anhia, lứq cõt kia yõn anhia. Khân cứq tở bữn loõh tẽ anhia, án ca chuai anhia tở têq toâq pỡ anhia. Ma khân cứq pỡq, cứq ớn án toâq pỡ anhia. ⁸ Từ án toâq, án atỡng nheq từh cũai yõn dáng samoât lứq tẽ ốc lôih, tẽ ốc tanoang o, cóp tẽ ốc rasữq. ⁹ Án atỡng tẽ ốc lôih, yuaq cũai tở bữn sa-âm cứq. ¹⁰ Án atỡng tẽ ốc tanoang o, yuaq

cứq chu pǝ Mpoaq cứq, cớp anhia tǝ bữn hữm noâng cứq. ¹¹ Án atǝng tể ốc rasũq, yuaq Yiang Sursĩ khoiq sửq chơ yang ca sốt tâng cốc cutểq nâi, cớp yang ki khoiq roap tôt.

¹² “Noâng bữn sa-ữi ốc cứq ể atǝng anhia, ma ốc ki ntâng lứq; anhia tǝ rơi mǝ. ¹³ Ma tử toâq Raviei Ca P̄ieiq Lứq, án ayông anhia yỗn dáng nheq tể máh ốc p̄ieiq. Án tǝ bữn atǝng tể ngê án bữm, ma án atǝng anhia tể máh ốc án khoiq sâng. Cớp án atǝng anhia tể máh ốc ca tǝ yũah toâq hữ. ¹⁴ Án ể apáh chóc ang-ữr tể cứq, yuaq án ỉt tể santoiq cứq, chơ án atǝng loah yỗn anhia. ¹⁵ Nheq máh mun Mpoaq cứq la khong cứq tể. Ngkíq tềq cứq pai Raviei Yiang Sursĩ ỉt santoiq cứq, chơ atǝng loah yỗn anhia.”

Yê-su Atǝng Tể Ốc Ngua Cốt Loah Ốc Bũi Ển

¹⁶ “Tǝ bữn dũn noâng, anhia tǝ bữn hữm noâng cứq. Chơ noap tể tangái ki, tǝ bữn dũn noâng, anhia hữm loah cứq.”

¹⁷ Tǝp rien tể Yê-su manoaq blóh manoaq neq: “Ốc ntróu toáp án atǝng hái? Án pai neq: ‘Tǝ bữn dũn noâng anhia tǝ bữn hữm noâng cứq; chơ noap tể tangái ki, tǝ bữn dũn noâng, anhia hữm loah cứq.’ Cớp án pai: ‘Yuaq cứq pǝq chu Mpoaq cứq.’ ¹⁸ Cớp ntróu

án pai: ‘Tǝ bữn dũn noâng’? Hái tǝ bữn dáng ốc ntróu án atǝng yỗn hái sanua.”

¹⁹ Yê-su khoiq dáng mút alóí yoc ể blóh án. Ngkíq án atǝng alóí neq: “Cứq khoiq atǝng anhia neq: Tǝ bữn dũn noâng anhia tǝ bữn hữm noâng cứq. Chơ noap tể tangái ki tǝ bữn dũn noâng anhia hữm loah cứq. Nổq anhia manoaq blóh manoaq tể ốc nâi? ²⁰ Cứq atǝng anhia samoât lứq, nǝ pra anhia nhiam cớp anhia sâng ngua lứq, ma máh cũai tâng dǝi sâng bũi hữr lứq. Anhia lứq sâng ngua, ma ốc ngua ki lểq loah yỗn anhia cốt bũi hữr ển. ²¹ Ranáq nâi la ariang mansẽm sết con. Bo ki án sâng a-ỉ lứq, yuaq khoiq toâq khuop cumo chơ. Ma moâm án sết con, án tǝ bữn sanhữ noâng máh ốc án chũuq túh coat ki, yuaq án sâng bũi lứq án sết con tâng dǝi nâi. ²² Anhia la machóng ki tể. Sanua anhia sâng ngua lứq, ma nǝ pra cứq hữm loah anhia. Tangái ki anhia sâng bũi hữr loah, cớp tǝ bữn noau tềq ỉt ốc bũi ki tể anhia. ²³ Tâng tangái ki, anhia tǝ bữn blóh muoi ốc ntróu noâng tể cứq. Cứq atǝng anhia samoât lứq, Mpoaq cứq yỗn anhia bữn ốc ntróu anhia sểq nhơ ramứh cứq. ²⁴ Toau sanua anhia tǝ nâi sểq ntróu yũah nhơ ramứh cứq. Cớq anhia sểq, ki anhia

bữn, đợc anhia bữn moang ốc bủi sâng tâng mút pahồm anhia.

25 “Cứq khoi q atỡng anhia máh ốc nâi toâq parnai sacâm. Ma nỡ-ra cứq tỡ bữn atỡng noâng toâq parnai sacâm. Tangái ki cứq atỡng raloaih lứq yỗn anhia dáng tễ Mpoaq cứq. 26 Tâng tangái ki, anhia ễ sễq nỡ tễ ramứh cứq. Cứq tỡ bữn pai cứq sễq tễ Mpoaq cứq yỗn anhia, 27 yuaq Mpoaq cứq ayooq anhia tê, cỗ anhia khoi q ayooq cứq, cốp cỗ anhia noap cứq lứq toâq tễ Yiang Sursĩ. 28 Tễ nhũang cứq loỏh tễ Mpoaq cứq, chớ cứq toâq pỡ cốc cutễq nâi. Sanua cứq loỏh tễ cốc cutễq nâi, cốp chu loah pỡ Mpoaq cứq.”

29 Moâm Yê-su pai ngkíq, tộp rien tễ án pai neq: “Sanua thâi atỡng raloaih lứq. Thâi tỡ bữn atỡng noâng toâq parnai sacâm. 30 Sanua hếq dáng chớ thâi dáng dủ ramứh, cốp tỡ bữn túh noau blớh noâng tễ thâi. Yuaq ngkíq, hếq sa-âm thâi lứq toâq tễ Yiang Sursĩ.”

31 Yê-su roap bỗq alới neq: “Sanua, lứq anhia sa-âm tỡ?”

32 Cheq ễ toâq ngư chớ anhia miar pláh chu loah đống anhia. Anhia lứq táh cứq yỗn ốt manoaq sâng. Ma lứq cứq tỡ bữn ốt manoaq, yuaq Mpoaq cứq ốt níc cốp cứq. Ma ngư ki khoi q toâq chớ. 33 Cứq khoi q atỡng

anhia chớ tễ máh ốc nâi, đợc anhia bữn ốc ien khễ cỗ anhia ốt muoi mút cốp cứq. Tâng dỡi nâi, lứq anhia ramóh sa-ữi ramứh túh coat. Ma cốp anhia ốt sabóng o! Cứq khoi q riap chớ dỡi nâi!”

17

Yê-su Sễq Tễ Mpoaq

1 Moâm Yê-su pai ngkíq, án tapoang achỗn chu paloong cốp án câu neq: “Mpoaq ơi! Ngư cứq toâq chớ. Sanua cứq sễq mới ápáh chớc ang-ữr cứq yỗn máh cũai dáng, đợc cứq Con tềq ápáh loah chớc ang-ữr mới. 2 Mới khoi q yỗn cứq Con bữn sốt dủ náq cũai. Ngkíq tềq cứq yỗn máh cũai ca mới khoi q chiau yỗn cứq bữn tamoong mantái.

3 Ốc tamoong mantái la neq: Cũai bữn dáng mới. Ổng mới toâp la Yiang pñei q lứq. Cốp alới bữn dáng Yê-su Crít, án ca mới khoi q ớn toâq pỡ cutễq nâi. 4 Cứq khoi q ápáh chớ chớc ang-ữr mới tâng cốc cutễq nâi. Cốp cứq khoi q táq moâm nheq máh ranáq mới ớn cứq táq. 5 Mpoaq ơi, sanua cứq chu ốt loah cốp mới. Cứq sễq mới yỗn cứq bữn chớc ang-ữr ốt cốp mới, machóng cứq khoi q bữn tễ nhũang mới tỡ yũah tễng cốc cutễq nâi.

6 “Máh cũai mới khoi q chiau yỗn cứq bữn tâng dỡi nâi, cứq khoi q atỡng alới tễ mới. Alới la cũai mới;

mới khoiq chiau alói yõn cúq. Cóp alói khoiq trĩh máh parnai mới. ⁷ Sanua alói dáng samoât lứq, máh ramứh mới khoiq yõn cúq la toâq nheq tẽ mới. ⁸ Yuaq cúq khoiq atõng alói chơ máh parnai mới khoiq atõng cúq; cóp alói khoiq roap ãt máh parnai ki. Alói dáng samoât lứq cúq toâq tẽ mới, cóp alói noap samoât lứq mới khoiq ớn cúq toâq pỡ nãi.

⁹ “Cúq câu sễq yõn alói ki. Cúq tỡ bữn câu sễq yõn cũai tâng dời nãi, ma cúq câu sễq yõn alói ca mới khoiq chiau yõn cúq, yuaq alói ki lứq cũai mới. ¹⁰ Nheq máh mun cúq la mun mới tẽ, cóp nheq tữh mun mới la mun cúq tẽ. Máh cũai lứq bữn khẽn chóc ang-ữr cúq cũ như tẽ alói ki puai ngê cúq. ¹¹ Cúq tỡ bữn õt noâng tâng cóc cutễq nãi. Ma alói noâng õt tâng cutễq nãi. Cóp cúq chu loah pỡ mới. Mpoaq ơi, mới la bráh o lứq! Cúq sễq mới kĩaq pasếq alói như chóc tẽ ramứh mới, la ramứh mới khoiq yõn pỡ cúq. Sễq mới táq ngkĩq đõq alói tẽq õt muoi mút, machóng hái tẽ. ¹² Bo cúq õt cóp alói, cúq kĩaq pasếq alói cũ như chóc tẽ ramứh mới, la ramứh mới khoiq yõn pỡ cúq. Cúq khoiq kĩaq alói, ma pút ống manoaq sâng. Cũai canõh tỡ bữn noau pút mỗ. Án ca pút la án ẽ pỡq chu pống sarloac, đõq cõt rapĩeiq parnai Yiang

Sursĩ atõng tẽ mbốq.

¹³ “Sanua cúq ntôm chu loah pỡ mới. Ma cúq atõng nheq máh ramứh nãi bo cúq noâng õt tâng dời nãi, đõq máh cũai nãi bữn moang ốc bũi tẽ cúq tâng mút pahõm alói. ¹⁴ Cúq khoiq atõng chơ parnai mới yõn alói. Pân ngkĩq cũai tâng dời nãi ma kêt alói, yuaq alói tỡ bữn puai ngê tâng dời nãi, machóng cúq tỡ bữn puai ngê tâng dời nãi tẽ. ¹⁵ Cúq tỡ bữn sễq mới đững alói yõn loõh tẽ dời nãi, ma cúq sễq mới kĩaq pasếq alói, yõn alói tẽq vớt tẽ atĩ yiang ca sốt máh yiang sấuq. ¹⁶ Alói tỡ bữn puai ngê tâng dời nãi machóng cúq tỡ bữn puai ngê tâng dời nãi tẽ. ¹⁷ Parnai mới la pĩeiq lứq. Cúq sễq mới cayoah alói tẽ cũai tâng dời nãi toâq parnai pĩeiq lứq tẽ mới. ¹⁸ Mới khoiq ớn cúq toâq pỡ cũai tâng dời nãi; machóng ki tẽ cúq ớn alói ca puai cúq pỡq chu máh cũai tâng dời nãi. ¹⁹ Cúq chõng cayoah bữm tẽ ngê tâng dời nãi đõq cúq õt muoi mút cóp mới. Cúq táq ngkĩq đõq alói ca puai cúq tẽq cayoah tẽ ranáq tâng dời nãi, chơ alói tẽq õt muoi mút cóp mới.

²⁰ “Cúq tỡ bữn sễq yõn ống alói nãi sâng. Ma cúq sễq yõn nheq tữh cũai ca sa-âm cúq cũ như tẽ parnai alói atõng. ²¹ Cúq sễq yõn nheq tữh alói õt muoi mút sâng, machóng mới õt muoi

mút cớp cớq, cớp cớq ốt muoi mút cớp mới. Cớp cớq sễq mới yỗn alóí ốt muoi mút cớp hái tê, đốq yỗn máh cūai tâng dũi nâi têq noap samoât lứq mới khoiq ớn cớq toâq. ²² Cớq khoiq yỗn alóí bữn chớc ang-ữr machớng mới khoiq yỗn cớq chớ, đốq alóí têq ốt muoi mút machớng hái tê. ²³ Cớq ốt muoi mút cớp alóí, cớp mới ốt muoi mút cớp cớq. Ngkíq đốq nheq từh alóí ốt muoi mút tê, yỗn máh cūai tâng dũi nâi dáng samoât lứq mới khoiq ớn cớq toâq pỡ nâi, cớp yỗn alóí dáng mới ayooq alóí machớng mới ayooq cớq tê.

²⁴ “Mpoaq oi! Máh cūai mới khoiq chiau yỗn cớq, ntốq léq cớq ốt, cớq yoc alóí ốt ntốq ki tê. Ngkíq alóí têq hữm chớc ang-ữr cớq, la chớc mới khoiq yỗn cớq bữn yuaq mới ayooq cớq tê nhũang mới tỡ yũah tềng paloong cutêq. ²⁵ Mpoaq oi! Mới la tanoang o lứq. Cūai tâng dũi nâi tỡ bữn dáng mới. Ma cớq dáng mới, cớp alóí ca puai cớq dáng mới khoiq ớn cớq toâq. ²⁶ Cớq khoiq atõng yỗn alóí dáng mới. Cớp tễ nâi chumát, cớq ể atõng ể ốc nâi đốq mới têq ayooq alóí machớng mới khoiq ayooq cớq chớ, cớp yỗn cớq têq ốt muoi mút níc cớp alóí.”

Noau Cớp Yê-su
(*Mathia 26:47-56; Mac 14:43-50; Luca 22:47-53*)

¹ Moâm Yê-su câu ngkíq, chớ án cớp tốp rien tễ án loỏh tễ ntốq ki, chớ alóí yang yáng tooh tũm Ki-trôn. Bân ntốq ki bữn nưong; chớ Yê-su cớp tốp rien tễ án mut tâng nưong ki. ² Yuda, án ca chềq Yê-su, án dáng chớ ntốq ki, yuaq Yê-su đốq rôm ngki cớp tốp rien tễ án. ³ Ngkíq Yuda ayông muoi tốp tahan, cớp máh cūai ranềng tễ tốp sốt cūai tềng rit sang Yiang Sursĩ cớp cūai Pha-rasi, dừng alóí toâq pỡ nưong ki. Alóí ayểq crong choac, chớp tóu, cớp aroam. ⁴ Yê-su khoiq dáng chớ máh ranáq ể toâq pỡ án. Ngkíq án loỏh blớh alóí ki: “Anhia chuaq noau?”

⁵ Alóí ta-õi: “Hếq chuaq Yê-su, án ca tễ vil Na-sarết.”
Yê-su ta-õi loah alóí: “Cớq nâi la án ki.”

Yuda ca chềq Yê-su, ốt tayứng parnơi cớp máh cūai ki. ⁶ Từ Yê-su ta-õi alóí neq: “Cớq nâi la án ki,” ngkíq tốp alóí ca ể cớp Yê-su lúh lalín cớp taliang dóm tâng cutêq. ⁷ Chớ Yê-su blớh loah alóí neq: “Noau anhia chuaq?”

Alóí ta-õi loah neq: “Hếq chuaq Yê-su, án ca tễ vil Na-sarết.”

⁸ Yê-su ta-õi loah alóí neq: “Cớq khoiq atõng anhia chớ, cớq nâi la án. Khân anhia chuaq cớq, anhia yỗn máh cūai nâi pốq nheq voai.”

⁹ Yê-su pai ọc ki yỗn cõt rapĩeq santonq án khoiq pai tễ nhũang neq: “Mpoaq ời, cứq tở bữn táq pút manoaq aléq tễ alóí ca mới khoiq chiau yỗn cứq.”

¹⁰ Si-môn Phi-er bữn muoi pla dau. Án thot dau tễ sor, chơ tráh sũl cũai sốt nheq tễ rit sang Yiang Sursĩ, cốp ta-õh chíq cutũr coah atoam. Ramũh cũai sũl ki la Mal-chu. ¹¹ Yê-su ỡn Phi-er neq: “Mới chốq loah dau mới tâng sor! Sanua cứq cóq nguaiq tễ cachoc Mpoaq cứq yỗn cứq nguaiq.”*

Yê-su Ớt Yáng Moat Anna

¹² Bo ki tốp tahan cốp cũai sốt tahan, đễ máh ranẽng cũai sốt tễ tốp I-sarel, nheq alóí ki cốp Yê-su; chơ chốq án. ¹³ Alóí dũng Yê-su pữ An-na, yacũn Cai-pha. Tâng cumo ki Cai-pha sốt nheq tễ rit sang Yiang Sursĩ. ¹⁴ Cai-pha la cũai atõng tốp I-sarel tễ nhũang, neq: “Khaq hái yỗn manoaq nãi cuchĩt, saláng nheq máh cũai hái cuchĩt.”

Phi-er Calõih Yê-su
(*Mathia 26:69-70; Mac 14:66-68; Luca 22:55-57*)

¹⁵ Si-môn Phi-er cốp manoaq ên tốp rien tễ Yê-su,† alóí bar náq puai Yê-su. Án ca sốt nheq tễ rit sang Yiang Sursĩ, án saccoal manoaq ki. Ngkíq án bữn

mut parnơi cốp Yê-su tâng nchõh mpẽr đống cũai sốt nheq tễ rit sang. ¹⁶ Ma Phi-er õt yáng tiah ngoah toong. Ngkíq manoaq ca sarcoal cốp cũai sốt nheq tễ rit sang, án píp loah pữ ngoah toong, cốp án sếq tễ mansẽm kĩaq toong yỗn Phi-er mut tẽ. ¹⁷ Mansẽm ca kĩaq toong blóh Phi-er neq: “Mới la tốp rien tễ cũai ki tở?”

Phi-er ta-õi: “Cứq tở cõn tễ tốp ki.”

¹⁸ Máh cũai táq ranáq cốp cũai tahan õt ntốq ki, alóí sâng sangẽt. Ngkíq alóí nhúq ùih cốp nghẽng. Phi-er tayũng nghẽng ùih parnơi cốp alóí tẽ.

Án Ca Sốt Nheq Tễ Rit Sang Blóh Yê-su

(*Mathia 26:59-66; Mac 14:55-64; Luca 22:66-71*)

¹⁹ Án ca sốt nheq tễ rit sang Yiang Sursĩ blóh Yê-su tễ tốp rien tễ án, cốp tễ parnai án atõng. ²⁰ Yê-su ta-õi neq: “Cứq khoiq atõng raloaih lứq yỗn nheq tữh cũai dáng. Cứq atõng níc tâng đống sang cót cốp tâng Đống Sang Toâr pữ ntốq nheq tữh cũai I-sarel đốq rôm. Cứq tở bữn cutooq muoi ọc ntróu tễ máh ọc cứq atõng. ²¹ Nổq anhia blóh cứq? Pĩeq lứq la anhia blóh alóí ca khoiq sâng parnai

* **18:11** 18:11 Tữ án pai ‘nguaiq tễ cachoc’, Yê-su sacâm án cóq chũuq ọc túh coat samoat Mpoaq yỗn án chũuq. † **18:15** 18:15 Toàq Yang pai ‘manoaq ên tễ tốp rien tễ Yê-su’, án pai tễ tở án bữm.

cúq atōng. Lúq alóí dǎng ntróu cúq khoiq atōng.”

22 Moâm Yê-su pai ngkiq, manoaq ranēng cūai sôt ki tapáh Yê-su cóp pai neq: “Nốq mới pai ngkiq chóc cūai ndǎm nheq tể rit sang Yiang Sursĩ?”

23 Yê-su ta-õi án neq: “Khân cúq pai tở p̄ieiq, ki s̄ẽq mới atōng cúq. Ma khân cúq pai p̄ieiq, nốq mới tapáh cúq?”

24 Moâm ki An-na ớn noau dǎng Yê-su p̄ Cai-pha, án ca sôt nheq tể rit sang Yiang Sursĩ. Ma Yê-su, noâng alóí chốq.

Phi-er Pai Sĩa Án Tở Dǎng Yê-su

(*Mathia 26:71-75; Mac 14:69-72; Luca 22:58-62*)

25 Phi-er noâng tayǎng nghēng ũih. Bữn cūai blóh Phi-er: “Mới la tốp rien tể án ki tở?”

Phi-er calōih Yê-su, pai neq: “Cúq tở cởn tể tốp án.”

26 Bữn manoaq sũl cūai sôt nheq tể rit sang Yiang Sursĩ ốt nốq ki tê. Án la s̄ẽm ai cóp cūai ca Phi-er khoiq tráh cutũr. Án blóh Phi-er neq: “Lúq ma tở, cúq khoiq hữm mới tâng nưong cóp án ki?”

27 Ma Phi-er calōih sĩa Yê-su. Bo ki toáp ntruoi tacar.

Yê-su Ớt Yáng Moat Phi-lat

(*Mathia 27:1-2, 11-14; Mac 15:1-5; Luca 23:1-5*)

28 Chơ tarup ễn, noâng cláih lúq, alóí dǎng Yê-su tể dǎng Cai-pha toâq p̄ nốq noau dốq rasũq cūai. Ma máh cūai I-sarel tở ẽq mut tâng nốq noau rasũq ki, yuaq alóí tân khân alóí mut tâng ki nhũang alóí tở yũah cha sanhữ Tangái Loõh.‡ 29 Cỗ tốp I-sarel tở ẽq mut chu nốq noau rasũq, ngkiq Phi-lat, la cūai sôt nốq ki, loõh chu alóí. Án blóh alóí neq: “Cỗ ranáq ntróu anhia cauq cūai nâi?”

30 Alóí ta-õi neq: “Khân án tở bữn táq pampla, ki hếq tở bữn dǎng án p̄ achuaih.”

31 Phi-lat atōng alóí neq: “Cóc anhia dǎng achu loah án; chơ anhia táq án puai rit anhia bữm.”

Ma cūai I-sarel kị ta-õi neq: “Hếq noau tở yõn bữn chóc cachĩt cūai.”

32 Ngkiq cõt rap̄ieiq san-toiq Yê-su khoiq atōng tể nhũang chơ. Án khoiq atōng na ntróu án cóq cuchĩt.

33 Vót ki Phi-lat mut loah chu dǎng, cóp án arô Yê-su. Án blóh Yê-su neq: “Mới la lúq puo tốp I-sarel tở?”

34 Yê-su blóh loah án neq: “Ốc nâi mới chǎng ẽ blóh, tở la cūai canõh atōng mới dǎng tể cúq?”

35 Phi-lat ta-õi neq: “Mỏ têq cúq dǎng! Cúq tở cởn tể tốp I-sarel. Cūai mới cóp cūai sôt rit sang cruang mới, alóí ki dǎng mới toâq p̄

‡ 18:28 18:28 Tangái ki alóí sanhữ tangái Yiang Sursĩ chuai alóí loõh tể cruang Ê-yip-tô tể mbốq.

cứq. Ntróu toâp mới táq lôih?"

³⁶ Yê-su ta-õi loah neq: "Cứq cõt sôt la tớ bữn tâng dũi nâi. Khân cứq cõt sôt tâng dũi nâi, ki proai cứq chíl loah tốp I-sarel, tớ yỗn alóí bữn cốp cứq. Ma chóc cứq la tớ cõn tâng dũi nâi."

³⁷ Phi-lat blóh loah: "Ngkíq mới la lứq puo tớ?"

Yê-su ta-õi neq: "Lứq p̄ieiq ariang mới pai, cứq la puo. Cứq cõt cũai tâng dũi nâi cõ yoc atõng tẽ ốc p̄ieiq. Cũai aléq bữn muoi mút cốp ốc p̄ieiq, cũai ki lứq tamứng parnai cứq."

³⁸ Phi-lat blóh loah: "Ntróu la ốc p̄ieiq?"

Moâm Phi-lat pai ngkíq, án loõh tẽ dõng cốp toâp loah pở cũai I-sarel. Án atõng alóí neq: "Cứq tớ bữn ramóh muoi ốc lôih ntróu tẽ án. ³⁹ Ma toâp tangái anhia cha sanhữ Tangái Loõh, anhia bữn rit ruroh manoaq tẽ máh cũai tũ yỗn cứq acláh. Ngkíq anhia ẽq cứq acláh puo tốp I-sarel tớ?"

⁴⁰ Alóí roap bõq Phi-lat casang lứq: "Chõih acláh án! Acláh Ba-raba!"

Ba-raba nâi la cũai tẽ tốp ẽ cheng sôt.

19

Phi-lat Chiau Loah Yê-su Pở Atĩ Cũai I-sarel

¹ Moâm ki Phi-lat arô loah Yê-su, chơ án ỏn noau proaih Yê-su. ² Tốp tahan táq carvang sarlia apứng tâng plở Yê-su, cốp alóí

asóp án au tuar santúm ẽng. ³ Chơ alóí toâq cheq án cốp ayê án pai neq: "Cucốh noau casai puo I-sarel!" Alóí tapáh án hỡ.

⁴ Phi-lat loõh loah sĩa chu cũai I-sarel, cốp án atõng alóí neq: "Nâi! Cứq dứng aloõh cũai nâi pở anhia, yỗn anhia dáng raloaih cứq tớ bữn ramóh muoi ốc lôih ntróu tẽ án."

⁵ Tũ Yê-su loõh, án noâng tapứng carvang sarlia, cốp sóp au tuar ẽng. Phi-lat atõng máh cũai cứng ki neq: "Nâi! Anhia nhêng cũai nâi!"

⁶ Tũ máh cũai sôt tốp tẽng rit sang Yiang Sursĩ, cốp ranẽng tẽ dõng sang hữm Yê-su, neq tữh alóí pai casang lứq neq: "Téh án tâng aluang sangcáng! Téh án tâng aluang sangcáng!"

Ma Phi-lat pai chóc alóí neq: "Âu anhia dứng cốp téh án tâng aluang sangcáng! Ma cứq tớ bữn ramóh muoi ốc lôih ntróu tẽ án!"

⁷ Tốp I-sarel ta-õi loah neq: "Puai phễp rit hếq, án cóq cuchĩt, yuaq án pai án la Con Yiang Sursĩ."

⁸ Tũ Phi-lat sâng santoiq ki, án croõq lứq. ⁹ Chơ án mut loah tâng dõng rasũq, cốp án blóh Yê-su neq: "Tẽ léq mới toâq?"

Ma Yê-su tớ bữn ta-õi ntróu. ¹⁰ Phi-lat pai neq: "Nốq mới tớ bữn ta-õi cứq? Mới dáng ma tớ bữn, cứq bữn chóc tẽq acláh mới,

tở la téh mới tâng aluang sangcáng?”

11 Yê-su ta-õi án neq: “Khân Yiang Sursĩ tờ bữn yỗn, lứq mới tờ têq táq ntróu chóq cứq. Ngkíq, cũai ca dững cứq pở mới, án ki bữn ọc lôih hỡn tẻ mới.”

12 Toâq Phi-lat sâng ngkíq, án chuaq ngê yoc ẽ acláh Yê-su. Ma cũai I-sarel pai casang lứq sĩa neq: “Khân achuaih acláh cũai nãi, achuaih tờ bữn ratoì noâng cớp puo Rô-ma. Cũai aléq ngin án la puo, la samoât án chíl puo Rô-ma chơ.”

13 Tữ Phi-lat sâng ngkíq, án dững aloõh Yê-su cớp án tacu tâng cachơng noau rasữq. Cachơng ki õt tâng nốq noau dõq Nchõh Tamáu, ma tâng parnai I-sarel noau dõq Ca-batha.

14 Bo ki cheq mandang cuvõ toâng tâng tangái cũai I-sarel thữan cha sanhữ Tangái Loõh.* Phi-lat atõng cũai I-sarel: “Nãi la puo anhia!”

15 Ma máh cũai ki pai casang lứq neq: “Hếq tờ ếq án! Tẻh chíq án tâng aluang sangcáng!”

Phi-lat blóh alóì sĩa: “An-hia yoc cứq tẻh puo anhia tâng aluang sangcáng tờ?”

Ma alóì ca sớt tộp tẻng rit sang Yiang Sursĩ ta-õi neq: “Án tờ cởn puo hếq! Puo hếq la ớng puo Rô-ma sâng!”

16 Moâm ki Phi-lat chiau Yê-su pở atĩ alóì yỗn tẻh

án tâng aluang sangcáng. Chơ alóì dững aloõh Yê-su tẻ nốq ki.

Alóì Tẻh Yê-su Tâng Aluang Sangcáng

(*Mathia 27:32-44; Mac 15:21-32; Luca 23:26-43*)

17 Bo alóì dững aloõh Yê-su tẻ vil, alóì yỗn án dỏl bữm aluang sangcáng án. Án toâq pở nốq noau dõq Nốq Nhang Cantar Plờ. Tâng parnai I-sarel noau dõq nốq ki la Cồ-cồ-tha. 18 Tâng nốq ki noau tẻh Yê-su tâng aluang sangcáng. Cớp bữn bar náq cũai canõh noau tẻh ngki tẻ, manoaq muoi coah aveh Yê-su. Yê-su õt mpứng dĩ bar náq ki. 19 Phi-lat chĩc tâng muoi khẻc pian, chơ án tẻh ayõng khẻc ki tâng aluang sangcáng Yê-su.

Án chĩc neq tâng khẻc ki: “YÊ-SU, CŨAI TỄ VIL NA-SARỄT. ÁN LA PUO CŨAI I-SAREL.” 20 Clứng lứq cũai I-sarel doc chửq tâng khẻc ki, yuaq nốq alóì cachĩt Yê-su la cheq vil. Cớp noau khoi q chĩc tâng khẻc ki toâq pái parnai: parnai I-sarel, parnai Rô-ma, cớp parnai Créc. 21 Ma máh cũai sớt tộp tẻng rit sang Yiang Sursĩ tẻ tộp I-sarel, alóì atõng Phi-lat neq: “Achuaih chỏi chĩc ‘án la Puo Cũai I-sarel.’ Pẻiq lứq achuaih chĩc ‘án chớng pai bữm án la puo cũai I-sarel.’”

* 19:14 19:14 Tangái ki alóì sanhữ tangái Yiang Sursĩ chuai alóì loõh tẻ cruang Ê-yip-tỏ tẻ mbốq.

²² Ma Phi-lat pai loah chóc alóí neq: “Cứq khiq chĩc moâm chơ parnai nâi. Cứq tở ẽq atức noâng.”

²³ Vót máh tahan téh Yê-su tâng aluang sangcáng, alóí ít tampác án, cốp alóí tampẽq pồn pún, manoaq muoi pún. Alóí ít au tuar Yê-su hỡ. Au nâi noau tan muoi sâiq sâng, tở bữn san-tih ntróu tẽ pỡng toâq pưn. ²⁴ Ngkíq tahan ki, manoaq atỡng manoaq: “Hái chõ háq au tuar nâi. Hái séng anhúq au nâi. Aléq bữn la chơ.”

Ngkíq cõt rapĩeiq parnai Yiang Sursĩ pai tẽ mbốq neq: “Alóí tampẽq aroâiq cứq đốq tặc, cốp séng anhúq tampác cứq.”[☆]

Ngkíq máh tahan ki táq.

²⁵ Bữn cũai mansẽm tayứng cheq aluang sangcáng Yê-su. Cũai ki la mpiq Yê-su, avia Yê-su, Mari lacuoi Clô-ba, cốp Mari tẽ vil Mac-dala. ²⁶ Tữ Yê-su hữm mpiq án cốp cứq ca ratoí lứq cốp án, ớt tayứng cheq ki, chơ án pai chóc mpiq án neq: “Mpiq ơ! Nâi la con mới.”

²⁷ Moâm ki Yê-su atỡng cứq neq: “Nâi la mpiq mới.”

Tữ ki, cứq đứng mpiq Yê-su chu ớt pỡ đống cứq.

Yê-su Cuchĩt

(*Mathia 27:45-56; Mac 15:33-41; Luca 23:44-49*)

²⁸ Vót ki Yê-su pai neq: “Cứq sâng ẽ khlac đớq.”

Án dáng khiq moâm nheq máh ranáq noau chĩc atỡng tẽ án tâng tâm saráq Yiang Sursĩ tẽ mbốq. Ngkíq yuaq án pai santoiq ki, yỗn cõt rapĩeiq cốp tâm saráq ki. ²⁹ Tâng ntốq ki bữn muoi lám khang blống nhốq. Alóí alốq muoi cốc aroâiq tâng blống ki, chơ alóí chóc tâng dũi, cốp avoi chu bỗq Yê-su. ³⁰ Moâm Yê-su yáp, chơ án pai neq: “Khoiq moâm chơ máh ranáq cứq!”

Vót ki Yê-su ngũq plỡ asẽng, chơ án ta-õh rangứh.

³¹ Tangái ki tốp I-sarel thữan đốq cha bủi tangái parnỡ, la Tangái Rlu. Tốp I-sarel tở ẽq đốq cumuiq tâng aluang sangcáng tâng Tangái Rlu; khân alóí táq ngkíq, ki tân. Ngkíq alóí sếq tẽ Phi-lat ớn noau toân ayứng cũai noau téh yỗn tacoaih, cốp ớn alóí asẽng cumuiq tẽ aluang sangcáng.

³² Ngkíq tahan toâq toân ayứng bar náq cũai noau téh parnoi cốp Yê-su yỗn tacoaih. ³³ Ma tữ tahan ki toâq pỡ Yê-su, alóí hữm Yê-su khiq cuchĩt chơ. Ngkíq alóí tở bữn toân ayứng án yỗn tacoaih. ³⁴ Ma bữn manoaq tahan ít coih choat aveh Yê-su. Chơ aham cốp đớq loõh tẽ môiq ki. ³⁵ Cứq khiq hữm máh ranáq nâi.

Lứq cứq toâp atỡng loah tẽ ranáq nâi, cốp santoiq cứq pai la pĩeiq lứq. Cứq dáng raloaih cứq pai lứq pĩeiq,

cóp cúp atõng ngkíq yõn anhia têq sa-âm. ³⁶ Nheq máh ranáq nâi toâq yõn cõt rapieiq tâng tâm saráq Yiang Sursĩ tẽ mbốq, pai neq: “Nghang án muoi ntreh la tở bữn tacoaih.”[☆]

³⁷ Cóp bữn ntốq canõh ẽn tâng tâm saráq Yiang Sursĩ pai neq:

“Alóí tapoang nhêng chu án ca alóí khoiq choat.”[☆]

Noau Túp Yê-su

(*Mathia 27:57-61; Mac 15:42-47; Luca 23:50-56*)

³⁸ Moâm ki Yô-sep tẽ vil Ari-mathê sêq tẽ Phi-lat cumuiq Yê-su. Yô-sep la cũai puai Yê-su tê, ma án puai clõp, yuaq án ngcõh tốp I-sarel. Phi-lat yõn án ít, chơ án pốq ít cumuiq Yê-su. ³⁹ Bữn dẽh Ni-cudem pốq cúp Yô-sep. Ni-cudem la cũai ca pốq sa-óh Yê-su muoi sadâu nhũang. Án dũng cớng phuom carchốc tẽ bar thữ aluang. Dớq phuom ki ntâng pái chít la pái ki-lô. ⁴⁰ Alóí bar náq ít cumuiq Yê-su, chơ som toâq aroâiq. Alóí chốq cớng phuom tâng aroâiq ki hữ, puai rit tốp I-sarel dốq thữan nhũang dũng túp cumuiq. ⁴¹ Cheq ntốq noau cachĩt Yê-su bữn muoi nưong. Tâng nưong ki bữn muoi lám ping tamái noau táq dớq, ien ẽ túp cumuiq. ⁴² Yuaq tangái ki la tangái tốp I-sarel thữan cha bũi, cúp ping ki cheq ntốq

noau cachĩt án, ngkíq alóí dũng túp Yê-su tâng ping ki.

20

Yê-su Tamoong Loah

(*Mathia 28:1-8; Mac 16:1-8; Luca 24:1-12*)

¹ Tangái muoi tâng tởn ki noâng cláih lứq, paloõng poang mbốiq rừm-rừm, Mari tẽ vil Mac-dala toâq pở ping Yê-su. Án hữm ariang noau khoiq vih tamáu toâr tẽ ngoah ping. ² Ngkíq án lúh chu atõng Si-môn Phi-er cúp cúp. Mari atõng hếq neq: “Khoiq noau ít chơ Ncháu hái tẽ ping, cúp hếq tở dáng pở léq noau dồq án.”

³ Ngkíq Phi-er cúp cúp pớq chu ping ki. ⁴ Hếq lúh, ma cúp lúh carlíq Phi-er. Ngkíq cúp toâq nhũang pở ping. ⁵ Cúp talẽn tâng ping, cúp cúp hữm ống aroâiq miat. Ma cúp tở bữn mut tâng clống ping. ⁶ Tở Si-môn Phi-er toâq, án mut toâp tâng clống ping. Án hữm ống aroâiq miat sâng. ⁷ Cúp án hữm aroâiq noau pul plở Yê-su. Aroâiq nâi ariang noau tâp dớq, chơ achúh dớq miar tẽ aroâiq noau som. ⁸ Vót ki, cúp mut tê. Cúp hữm cúp cúp noap samoât lứq. ⁹ Bo ki hếq tở yũah dáng samoât tẽ parnai Yiang Sursĩ atõng tẽ Yê-su cóq cuchĩt cúp yuor tamoong loah.

Yê-su Ramóh Mari Tê Vil Mac-dala
(*Mathia 28:9-10; Mac 16:9-11*)

¹⁰ Vót ki hếq bar náq chu loah pở dống. ¹¹ Ma Mari noâng tayúng nhiam yáng tiah ping. Bo án nhiam, án talên tâng ping. ¹² Ân hữm bar náq ranêng Yiang Sursĩ tễ paloông sớp au cloc cốp tacu pở ntốq noau đợc cumuiq Yê-su tễ nhũang. Manoaq tacu coah plở, manoaq tacu coah ayừng. ¹³ Alóí blóh Mari neq: “Avia ơi! Ntróu mới nhiam?”

Mari ta-ôi: “Khoiq noau ít Ncháu cứq, cốp cứq tở dáng pở léq noau đừng đợc án.”

¹⁴ Moâm ki Mari luliaq cốp hữm Yê-su tayúng bân ki, ma án tở bữn sacoal Yê-su. ¹⁵ Yê-su pai chốq án neq: “Avia ơi! Ntróu mới nhiam? Noau mới chuaq?”

Mari chanchóm án la cũai sama nưong ki. Ngkíq án ta-ôi neq: “Achuaih ơi! Khân achuaih đừng aloỏh án, sếq achuaih atởng yỏn cứq dáng pở léq achuaih đợc. Cứq pởq ít án.”

¹⁶ Chơ Yê-su pai chốq án: “Mari.”

Mari luliaq nhêng sĩa chu Yê-su cốp pai neq: “Ra-buni ơi!” (Santoiq ‘ra-buni’ par-long loah la ‘thai’.)

¹⁷ Yê-su atởng Mari neq: “Chỗi satoaq cứq, yuaq cứq tở yũah chỏn pở Mpoaq cứq. Ma sanua mới chu pở sễm ai cứq, cốp atởng alóí neq: ‘Cứq chỏn pở Mpoaq cứq cốp Mpoaq anhia. Cứq chỏn

pở Yiang Sursĩ cứq cốp Yiang Sursĩ anhiạ.’”

¹⁸ Mari tễ vil Mac-dala chu pở tốp rien tễ Yê-su. Ân atởng alóí neq: “Cứq khoiq hữm chơ Ncháu hái.”

Cốp án atởng alóí máh santoiq Yê-su khoiq patáp án.

Yê-su Ramóh Tốp Rien Tễ Ân

(*Mathia 28:16-20; Mac 16:14-18; Luca 24:36-49*)

¹⁹ Tangái muoi tâng tởn ki, toâq tabữ, tốp rien tễ Yê-su rôm muoi ntốq. Alóí cloaih toong báng, yuaq alóí ngcỏh cũai I-sarel. Chơ Yê-su toâq tayúng mpứng dĩ alóí. Ân pai neq: “Anhia ớt ien khể.”

²⁰ Moâm án pai ngkíq, Yê-su apáh yỏn alóí ki nhêng talang atỉ cốp aveh án. Tốp rien tễ Yê-su sâng ỏn lứq, yuaq alóí bữn hữm loah Ncháu alóí. ²¹ Yê-su atởng alóí sĩa neq: “Anhia ớt ien khể. Mpoaq cứq khoiq ỏn cứq pởq; machóng ki tễ cứq ỏn anhia pởq.”

²² Moâm Yê-su pai ngkíq, án cahở tâng alóí cốp pai neq: “Anhia roap ít Ravieí Yiang Sursĩ. ²³ Khân anhia táh lôih noau, lôih ki lứq pứt. Cốp khân anhia tở bữn táh lôih noau, lôih ki tở bữn pứt.”

Yê-su Ramóh Thô-mat

²⁴ Thô-mat, noau đợc án la Di-dim hỡ, án la tễ tốp muoi chít la bar náq tễ, ma án tở bữn ớt cốp tốp ki tâng tangái Yê-su toâq trở nhũang. ²⁵ Tở alóí

atông Thô-mat alóí khoiq hữm Ncháu alóí, ki Thô-mat tở bữn noap parnai alóí. Án pai neq: “Khân cứq tở bữn hữm rapit đéng tâng talang atĩ án, cốp khân cứq tở bữn satoaq ndểm atĩ cứq tâng rapit ki, cốp khân cứq tở bữn satoaq atĩ cứq tâng aveh án, cứq lứq tở bữn noap.”

²⁶ Vót tacual tangái ển tốp rien tể Yê-su ốt tâng đống ki sĩa. Trỗ nãi bữn đéh Thô-mat ốt cốp alóí. Alóí cloaih loah ngoah toong sĩa. Ma Yê-su toâq sĩa tayúng mpúng dĩ alóí. Yê-su pai neq: “Anhia ốt ien khể.”

²⁷ Moâm ki Yê-su pai chók Thô-mat neq: “Nãi la talang atĩ cứq. Mói aloõh ndểm atĩ mới pupor tâng talang atĩ cứq. Cốp mới aloõh atĩ mới pupor tâng aveh cứq. Mói chõỉ coang ngian noâng. Ma cốp mới sa-âm!”

²⁸ Thô-mat ta-õi toáp: “Ncháu cứq, cốp Yiang Sursĩ cứq!”

²⁹ Yê-su pai loah chók Thô-mat neq: “Yuaq mới bữn hữm cứq, ngkíq mới sa-âm. Ma bốn lứq alóí ca sa-âm cứq, ma tở nai hữm cứq.”

³⁰ Yê-su táq sa-ữi ranáq salễh canõh ển yáng moat tốp puai án, ma cứq tở bữn chĩc nheq tâng tâm saráq nãi. ³¹ Ma máh ốc khoiq chĩc tâng saráq nãi, la đợq yõn anhia ca noap Yê-su la Crĩt, Con Yiang Sursĩ. Khân anhia sa-âm ngkíq, anhia lứq bữn

tamoong mantái nhor ramúh án.

21

Yê-su Chuai Cũai Chuai Sĩaq

¹ Vót tể ki Yê-su toâq pở tốp rien tể án muoi trỗ ển pở tor clóng Tubê-riat.* Ranáq nãi la neq: ² Alóí ca ốt parnơi ntốq ki la Si-môn Phi-er, Thô-mat (noau đợq Di-dim hữ), Na-thanĩal tể vil Cana cruang Cali-lê, hếq bar náq con samiang Sê-badê, cốp bar náq canõh tốp rien tể Yê-su. ³ Si-môn Phi-er pai neq: “Cứq pởq yoang alieiq chuaq sĩaq.”

Chơ máh cũai pai neq: “Hếq pởq tê cốp mới.”

Ngkíq nheq tữh hếq chõn tâng tuoc. Ma nheq muoi sadâu ki hếq tở va bữn muoi lám sĩaq. ⁴ Poang tarựp mbõiq rừm-rừm Yê-su ốt cheq tor đợq ki, ma hếq tở bữn dáng pai Yê-su. ⁵ Yê-su sabau hếq neq: “Câi ơi! Anhia bữn sĩaq tở?”

Hếq ta-õi: “Tở va loâng!”

⁶ Yê-su pai ển: “Anhia yoang alieiq coah atoam ển, chơ anhia bữn sĩaq.”

Tữ hếq táq ngkíq, alieiq hếq chuat sĩaq sa-ữi lứq. Hếq tở rơi âc alieiq achõn tâng tuoc noâng. ⁷ Chơ, cứq atông Phi-er neq: “Án la Ncháu hái!”

Toâq Si-môn Phi-er sâng cứq pai: “Án la Ncháu hái,” ngkíq Phi-er sớp toáp au,

* 21:1 21:1 Đợq clóng nãi noau đợq la clóng Cali-lê hữ.

yuaq tễ nhũang án khoiq
tốt đởq chơ. Moâm ki án
pống tâng đởq. ⁸ Hếq puai
ntun án na tuoc. Cóp hếq
ti alieiq khoiq poân moang
sĩaq. Hếq ốt tở bữn yong
tễ tor, sám bar culám coat
sâng.†

⁹ Tữ hếq toâq pở tor, hếq
hữm ùih rahững; bữn sĩaq
cóp bẻng tâng tapéh. ¹⁰ Yê-
su ớn hếq neq: “Anhia đững
pở nâi sĩaq mbởiq chuat.”

¹¹ Chơ Si-môn Phi-er pởq
ti tập alieiq chu tor. Alieiq
ki khoiq poân moang sĩaq;
bữn muoi culám sỡng chít la
pái lám sĩaq toâr, ma alieiq
tở bữn prúh. ¹² Yê-su atởng
hếq neq: “Anhia toâq cha
voai.”

Tở bữn aléq tễ tởp rien tễ
án khỏn blóh án: “Thâi la
noau?”

Nheq tữh hếq khoiq
dáng chơ án la Ncháu
hếq. ¹³ Ngkíq Yê-su pởq
ít bẻng; chơ án avơi yỗn
hếq cha. Cóp án avơi sĩaq
hỡ. ¹⁴ Pái trở tâng nâi chơ
Yê-su ramóh tởp rien tễ án
vót tangái án yuor tamoong
loah.

*Yê-su Táq Ntởng Cóp Phi-
er*

¹⁵ Moâm cha, Yê-su blóh
Si-môn Phi-er neq: “Si-môn,
con Yô-na, ơi! Mới ayoog
cứq hỡn ngheq tễ ốc canỏh
tở?”

Phi-er ta-ỡi neq: “Oq.
Ncháu dáng chơ cứq ayoog
Ncháu.”

Chơ Yê-su atởng án neq:
“Cóq mới siem cũu con
khong cứq nơ.”

¹⁶ Muoi trở ễn Yê-su blóh
Phi-er neq: “Si-môn, con Yô-
na, ơi! Lứq mới ayoog cứq
tở?”

Phi-er ta-ỡi sĩa: “Oq.
Ncháu dáng chơ cứq ayoog
Ncháu.”

Chơ Yê-su atởng án sĩa:
“Cóq mới rabán charán cũu
cứq nơ.”

¹⁷ Muoi trở ễn Yê-su blóh
sĩa Phi-er neq: “Si-môn, con
Yô-na, ơi! Lứq samoât mới
ayoog cứq tở?”

Ngkíq Phi-er sâng ngua,
yuaq Yê-su ốt blóh níc án
khoiq pái trở chơ neq: “Lứq
samoât mới ayoog cứq tở?”

Chơ Phi-er ta-ỡi sĩa:
“Ncháu ơi! Ncháu dáng đũ
ramứh chơ. Ncháu dáng
cứq ayoog Ncháu.”

Chơ Yê-su atởng án sĩa:
“Cóq mới siem charán cũu
cứq nơ. ¹⁸ Cứq atởng mới
samoât lứq, bo mới noâng
póng, tẻq mới ít rangứh mới
bữm. Mới yoc ễ pởq chu
lẻq, mới pởq. Ma nỡ-ra toâq
mới thâu, mới lứq ayoang
atỉ mới, cóp cũai canỏh chỏq
ngkĩng mới. Chơ alới đững
mới chu ntốq mới tở ểq
pởq.”

¹⁹ Yê-su pai ngkíq, án
atởng na ntróu Phi-er
cuchít. Nỡ-ra máh cũai
hữm Phi-er lứq cuchít ngkíq,
chơ alới khẻn Yiang Sursĩ.
Moâm ki Yê-su ớn Phi-er
neq: “Cóq mới puai cứq!”

† 21:8 21:8 Tở la sám takẻh chít mẻt.

²⁰ Phi-er luliaq chu cĩ. An hũm cúq ca ratoi lúq cóp Yê-su ốt ngki tê. Cúq la án ca ốt tĩng Yê-su bo hếq chi-cha dũi pêl tabũ ki. Cúq toáp khoiq blóh Yê-su noau ẽ chếq án.

²¹ Tữ Phi-er hũm cúq, án blóh Yê-su neq: “Ncháu ơi! An nài cuchĩt na ntróu?”

²² Yê-su ta-ôi Phi-er neq: “Khân cúq yoc án tamoong toau cúq toâq loah pữ nài, bữn mới tutuaiq táq ntróu? Ma mới, cóq mới puai cúq.”

²³ Moâm Yê-su pai ngkíq, parnai ki trởh la-ũt la-ũi pữ cũi ca sa-âm Yê-su. Ngkíq alói chanchóm pai cúq tữ bữn cuchĩt noâng. Ma Yê-su tữ bữn pai cúq tữ bữn cuchĩt. Yê-su pai neq: “Khân cúq yoc án tamoong toau cúq toâq loah pữ nài, bữn mới tutuaiq táq ntróu?”

²⁴ Cutõ cúq toáp la cũi tễ tộp rien tễ Yê-su ca atõng máh ramứh nài, cóp cúq khoiq chĩc máh ramứh nài tê. Têq anhia noap ỉt, yuaq nheq parnai nài la lúq pĩeiq.

²⁵ Noâng bữn sa-ũi ranáq ễn Yê-su khoiq táq. Cúq chanchóm, khân noau yoc ẽ chĩc nheq dũi ramứh ki, nheq tữh cốc cutếq nài tữ bữn dũi ntốq ẽ đợq noâng máh tâm saráq ki.

Ranáq Tốp Puai Yê-su Táq Santoiq Atông

Saráq nâi Luca chĩc to loah saráq án chĩc nhũang atông tể dôi tamoonng Yê-su. Án chĩc saráq nâi sám 60 cumo ntun Yê-su canõt. Saráq nâi atông tể Yê-su chõn chu paloõng. Ranẽng tể paloõng ớn tốp puai Yê-su chu loah pở vil Yaru-salem cốp acoan Raviei Yiang Sursĩ sễng õt cốp alói.

Raviei Yiang Sursĩ sễng õt cốp alói yõn alói cõt clốq lứq pởq atông parnai Yiang Sursĩ, cốp ayông máh tốp sa-âm. Alói bữn chóc đốq tuih aloõh máh yiang sâuq tể tở cũai, cốp palai máh cũai a-ĩ cõt bán.

Saráq nâi atông loah máh ranáq tốp puai Yê-su khoiq táq, như tể chóc Raviei Yiang Sursĩ. Alói pởq atông parnai o tể Yiang Sursĩ tâng vil Yaru-salem, tâng cruang Yudê, tâng cruang Sa-mari, cốp toau chũop nheq pưn paloõng cutrúq nâi.

¹ Cứq la Luca coi q saráq nâi yõn yóu cứq Theu-phulo. Tể nhũang cứq khoiq chĩc muoi pở saráq yõn mới dáng sạmoat samoi máh ramứh tể Yê-su. Tâng saráq ki cứq atông nheq ranáq Yê-su khoiq táq cốp nheq ốc án khoiq atông, tể nhũang án

tở yũah chõn chu paloõng. ² Nhũang án chõn, Raviei Yiang Sursĩ yõn án patáp tốp alói ca án khoiq ruroh cõt tốp ayũng atĩ án, yõn alói dáng cóq alói táq nốq. ³ Yê-su khoiq ramóh sa-ũri ramứh túh coat. Vót án cuchĩt, án tamoonng loah, cốp án toa q loah pở tốp rien tể án. Bo ki án táq sa-ũri tếc yõn alói tềq dáng raloaih raleng án lứq tamoonng loah. Yê-su õt cốp tốp rien tể án nheq pởn chít tangái pởn chít sadâu, cốp án atông alói tể Yiang Sursĩ táq sốt. ⁴ Muoi trở bo Yê-su õt rôm cốp tốp rien tể án, án atông alói neq: “Anhia chõi loõh yũah tể vil Yaru-salem. Ma anhia õt acoan yõn toau toa q Raviei Yiang Sursĩ ca Mpoaq cứq ữq yõn anhia, samoat cứq atông anhia tể nhũang chơ. ⁵ Yuaq Yang khoiq táq batẽm yõn anhia toa q đốq, ma tở bữn đũn noa ng Raviei Yiang Sursĩ lứq toa q. Cốp án mut õt tâng mút pahõm anhia. Nâi la anhia roap batẽm tể Raviei Yiang Sursĩ.”

Yê-su Chõn Chu Paloõng

⁶ Bo tốp puai Yê-su rôm cốp án, alói blóh án neq: “Sanua Ncháu ẽ táq yõn cruang I-sarel cõt sốt bữm tở?”

⁷ Yê-su ta-õi alói neq: “Anhia tở bữn túh dáng tể ốc nâi. Máh ranáq ki ống Yiang Sursĩ toa p dáng, yuaq án toa p anoat. ⁸ Ma tở Raviei Yiang Sursĩ mut õt

tâng mút pahõm anhia, án yõn anhia riap põq atõng tẽ cúq yõn nheq tũh cũai dáng. Nõ-ra anhia bũn atõng tẽ cúq tâng vil Yaru-salem, cruang Yudê, cruang Sa-mari, cõp dũ cruang pũn paloõng cutrúq nãi.”

9 Moâm Yê-su pai ngkiq án chõn chu paloõng, cõp ramúl catáng chíq tũ án. Alói õt tâng pũn tũ bũn hũm noâng án. 10 Tũ Yê-su chõn chu paloõng, alói õt tapoang níc. Bo ki toáp bũn bar náq samiang õt cheq tũp alói. Bar náq ki sóp au cloc, 11 cõp alói pai neq: “Máh cũai tẽ cruang Cali-lê oi! Nõq anhia õt tayúng níc ntõq nãi, cõp nhêng níc chu paloõng? Yê-su ca anhia hũm chõn chu paloõng, nõ-ra án sêng loah põq cõc cutẽq nãi machóng anhia hũm án chõn sanua tẽ.”

12 Tũ tũp puai Yê-su sâng sãntoiq ki, alói sêng tẽ dũal O-li-vê, chu loah pũ vil Yaru-salem. Dũal nãi yõng tẽ vil Yaru-salem mán muoi ki-lô-mêt. 13 Alói chu loah pũ dõng alói rôm tẽ nling, cõp alói chõn tâng tran bar, mut õt tâng muoi clõng. Máh cũai rôm ngki bũn neq: Phi-er, Yang, Yacõ, Anrê, Phi-lip, Thô-mat, Batê-lami, Mathia, Yacõ con samiang Al-phê, Simôn Sê-lôt, cõp Yuda con samiang Yacõ. 14 Nheq tũh alói dõq rôm pruan câu muoi mút muoi pahõm tâng

ntõq ki. Bũn máh cũai mansẽm, dẽh Mari, mpiq Yê-su, cõp máh a-ẽm samiang Yê-su hõ rôm ngki.

15 Bũn muoi tangái ntun ẽn Phi-er yuor tayúng dõq atõng tũp sa-âm Yê-su õt rôm ngki. Tũp alói sãm muoi culám bar chút náq. Phi-er pai neq: 16 “Nheq tũh sẽm ai sẽm õi oi! Máh sãntoiq tâm saráq Yiang Sursĩ khoiq atõng tẽ mbõq, lúq hái hũm cõt rapieiq tẽ ranáq Yuda I-cari-õt khoiq táq. Yuda táq samoat Raviei Yiang Sursĩ yõn Davĩt atõng tẽ mbõq; án dũng cũai põq cõp Yê-su. 17 Án la lúq tẽ tũp hái, táq ranáq machóng hái tẽ. 18 Ma Yuda ãt práq noau chang; chơ án ayõng rana yõn noau cõp Yê-su. Moâm ki án põq chõng muoi tâm cutẽq, chơ ntun ki Yuda yác. Púng án puoih cõp padõh, chơ ruaiq án sarliei yáng tiah. 19 Tũ máh cũai õt tâng vil Yaru-salem sâng tẽ ranáq ki, alói amúh ntõq ki la Hakel-dama. Sãntoiq ki parlong loah la ‘Ntõq cutẽq bũn aham cũai cuchĩt’. 20 Nheq ramúh nãi puo Davĩt khoiq atõng chơ tâng tâm saráq Parnai Ũat Khẽn neq:

‘Sẽq anhia táq yõn dõng án cõt dõng rangual sâng,
cõp tũ bũn noau õt noâng tâng dõng ki.’✧

Cóp Davít atõng muoi san-toiq ãn tâng ntõq ki:

‘Yõn cũai canõh pláih loah ranáq án táq.’ ”*[☆]

21-22 Phi-er atõng sĩa neq: “Tõp hẽq cóq bũn loah manoaq ãn đõq táq ranáq cóp hẽq. Cóq hái ruroh manoaq ca õt cóp hẽq tẽ tangái Yang táq batẽm yõn Yê-su, yõn toau toâq tangái Yê-su chõn chu paloõng. Cũai nãi, cóq án khoiq hũm Yê-su cuchĩt cóp tamoong loah, đõq tẽq án atõng parnoi cóp hẽq yõn cũai canõh dáng.”

23 Ngkĩq alói aloõh ramứh bar náq, ma ruroh ãt õng manoaq sãng. Bar náq ki ramứh Mathiat cóp Yô-sep. Yô-sep nãi, noau đõq án Ba-saba tỡ la Yutu hỡ. ²⁴⁻²⁵ Chơ tốp alói câu neq: “Ncháu hẽq oi! Anhia dáng dũ ớc tâng mút pahõm cũai. Ngkĩq Ncháu oi, sẽq anhia apáh yõn hẽq dáng aléq tẽ bar náq nãi ca anhia ruroh yõn án táq ranáq anhia tang loah Yuda. Yuda khoiq táh ranáq nãi, cóp án põq õt tâng ntõq cũai sãng ãn.”

26 Moâm alói câu, chơ alói séng yoc ã ruroh manoaq tẽ bar náq ki. Chơ, p̄ieiq Mathiat. Ngkĩq Mathiat mut táq ranáq parnoi cóp tốp muoi chít la muoi noaq. Chơ noau đõq tốp alói muoi chít la bar náq la ayũng atĩ Yê-su Crĩt.

2

Raviei Yiang Sursĩ Toâq

1 Toâq tangái tốp I-sarel cha bũ Tangái Susot,* tốp puai Yê-su põq rôm muoi ntõq. ² Bo alói rôm, alói santar sãng bũn srong tẽ paloõng samoat srong cuyal hập lứq. Srong nãi ralõng chũop clõng đõng alói õt. ³ Alói hũm ariang lieih cõt pla ãih, chơ án caryoah cóp tót tâng tỡ dũ náq cũai. ⁴ Ki la tẽc Raviei Yiang Sursĩ mut cõt sõt tâng mút alói. Cóp alói mbõiq tẽq táq ntõng sa-ũĩ parnai cũai canõh ãn, cõ Raviei Yiang Sursĩ yõn alói pai.

⁵ Tangái ki, õt tâng vil Yaru-salem bũn cũai I-sarel tẽ dũ cruang pũn paloõng cutrúq toâq rôm pỡ ki. Alói ki puai phẽp rit Yiang Sursĩ samoat samõi lứq. ⁶ Tũ alói sãng srong ki, máh cũai toâq rôm chũng lứq pỡ đõng tốp puai Yê-su õt. Dũ náq cũai ki sãng noau táq ntõng toâq parnai alói bũm; chơ alói sãng dót lứq. ⁷ Alói sãng salẽh lứq, cóp pai neq: “Nheq tũh cũai ca atõng nãi la cũai Cali-lẽ. ⁸ Ma nõq hái sãng alói táq ntõng parnai hái bũm ma raloaih lứq? ⁹ Hái la cũai tẽ sa-ũĩ cruang, đẽh cũai tẽ cruang Bathê, Mê-dia, E-lam, Mê-sapô-tamia, Yudê, Capbadôc, Pôn-tu, Asia, ¹⁰ Phurayia, Bam-phuli, Ê-yip-tô,

☆ 1:20 1:20 Ûat Khẽn 109:8 * 2:1 2:1 Tangái Susot la sỡng chít tangái ntun Tangái Loõh.

cóp Li-bia cheq Si-rên. Cóp bữn cũai tamoi tễ cruang Rô-ma hỡ. ¹¹ Muoi pún tễ tộp hái lứq cũai I-sarel. Muoi pún ễn la cũai tễ tộp canỏh ca pruum tũoiq phễp rit I-sarel. Muoi pún hái la cũai Crêt, muoi pún la cũai Arap. Hái la cũai tễ miar cruang, ma hái têq sâng alới atỡng toâq parnai hái bữm; alới atỡng tễ máh ranáq toâr lứq Yiang Sursĩ khoi q táq.”

¹² Ngkíq nheq tữh alới santar cóp sâng dớt lứq. Chơ manoaq blớh manoaq: “Ntrớu toâp ranáq nãi?”

¹³ Ma bữn máh cũai ayê ra-ac pai neq: “Alới ki bữl blớng.”

Phi-er Atỡng Cũai Cứng

¹⁴ Chơ Phi-er cóp muoi chít la muoi noaq tộp án, alới yuor tayúng. Phi-er atỡng cũai cứng ki casang lứq neq: “Cũai I-sarel cóp nheq tữh anhia ca ớt tâng vil Yaru-salem ời! Sễq anhia tamúng yỗn samoât tễ parnai cứq atỡng anhia.

¹⁵ Anhia chanchỏm hếq bữl blớng. Ma hếq tỡ bữn bữl blớng. Mbởi q mandang cháh kễ, loan léq hếq ễ bữl?

¹⁶ Máh ỏc anhia sâng sanua, ỏc ki la lứq cũai tang bỗq Yiang Sursĩ, ramứh Yô-el, khoi q atỡng tễ mbỗq. Án pai neq:

¹⁷ Yiang Sursĩ patâp cũai neq:

Tâng máh tangái cheq ễ toâq tangái parsốt,

cứq satỏh Raviei cứq yỗn nheq tữh cũai.

Chơ máh con mansẽm sami-ang anhia, têq atỡng tang parnai cứq.

Máh cũai samiang póng tễ tộp anhia, cứq atỡng na sapáh baih.

Cóp máh cũai samiang thâu tễ tộp anhia, cứq atỡng na parnáu láu mpáu.

¹⁸ Tâng tangái ki cứq satỏh Raviei cứq tâng máh cũai táq ranáq cứq, đễh samiang mansẽm, yỗn alới têq atỡng tang parnai cứq.

¹⁹ Cứq lứq táq tếc salễh tâng paloông cóp tâng cutêq la neq: aham, ùih blữ, cóp phĩac suol achỏn.

²⁰ Moat mandang cớt canám, cóp rliang casái cớt cusâu samoât aham. Toâq anhia hữm tếc nãi, ngkíq khoi q cheq chơ Ncháu anhia ễ toâq.

²¹ Ma dũ náq cũai ca arỏ sễq nhơ ramứh Yiang Sursĩ, án lứq chuai amoong cũai ki.” ☆

²² Chơ Phi-er atỡng ễn neq: “Cũai I-sarel ời! Sễq anhia tamúng parnai cứq. Yê-su, la cũai tễ vil Na-sarêt, lứq Yiang Sursĩ yỗn án táq sa-ữi ranáq salễh cóp tếc canỏh hỡ yỗn anhia dáng samoât lứq án toâq tễ Yiang

Sursĩ. Lứq anhia khoiq sâng
 chơ án táq ranáq salêh cớp
 tếc nãi. ²³ Ma Yiang Sursĩ
 khoiq thữan ranáq nãi tẽ
 nhũang, yõn anhia têq táq
 Yê-su. Yiang Sursĩ khoiq
 dáng tẽ nhũang, anhia lứq
 chiau Yê-su toàq pở cũai
 sâuq yõn alóí cachĩt chíq án.
²⁴ Ma Yiang Sursĩ yõn Yê-
 su tamoong loah. Bo ki la
 samoat riang ọc cuchĩt chốq
 Yê-su khâm lứq, ma Yiang
 Sursĩ leh loah tẽ ọc cuchĩt
 ki. Án tở yõn ọc cuchĩt cớt
 sớt noâng Con án. ²⁵ Puo
 Davĩt khoiq atõng tẽ mbốq
 chơ máh ramứh anãi. Án pai
 neq:

‘Cứq dáng samoat lứq la
 Yiang Sursĩ õt níc cớp
 cứq.

Yuaq án õt cớp cứq,
 ngkíq tở bữn ọc ntróu
 ma táq yõn cứq cớt tở
 bữn sabóng.

²⁶ Ngkíq cứq sâng bũi óh
 lứq,
 cớp toàq cứq táq ntõng
 la bữn moang ọc bũi.

Tở bữn ntróu tở cứq cuchĩt.
 Ma cứq dáng samoat
 samơi nỡ-ra cứq ta-
 moong loah,

²⁷ yuaq anhia tở bữn táh cứq
 pở ntóq cũai cuchĩt õt.

Anhia tở bữn yõn án ca bráh
 o lứq ma cớt abuoíq.

²⁸ Anhia khoiq sadoi yõn cứq
 dáng rana pớq chu
 ntóq tamoong mantái.

Choâng moat anhia,
 mút pahõm cứq cớt
 bũi óh lứq.’ *☆

²⁹ Chơ Phi-er atõng ẽn neq:
 “Sẽm ai ơi! Cứq yoc atõng
 yõn anhia dáng raloaih lứq
 tẽ Davĩt. Án la achúc achiac
 hái. Lứq samoat án khoiq
 cuchĩt chơ, cớp noau tứp
 án tâng ping. Tangái nãi
 hái lứq dáng ntóq ping án.
³⁰ Ma Davĩt, án lứq cũai tang
 bỗq Yiang Sursĩ tê. Davĩt
 dáng samoat samơi, la Yiang
 Sursĩ pruum cớp án, nỡ-ra
 bữn manoaq tẽ tống án cớt
 puo pláih loah án.* ³¹ Davĩt
 la thrap nhũang, cớp Crĩt
 la thrap ntun. Ma Davĩt
 dáng nhũang Crĩt cuchĩt têq
 tamoong loah. Ngkíq Davĩt
 dáng samoat lứq raviei Yê-
 su tở bữn õt dũn tâng ntóq
 cũai cuchĩt õt, cớp tở Yê-su
 cuchĩt tở bữn abuoíq ntróu
 tháng.* ³² Tẽ ranáq Yê-
 su tamoong loah nãi, lứq
 moat hếq khoiq hữm. Yuaq
 ngkíq têq hếq atõng yõn an-
 hia dáng samoat. ³³ Yiang
 Sursĩ yõn Yê-su õt tacu coah
 atoam án. Ngkíq Yiang Sursĩ
 táq tếc án ayooq lứq Yê-su
 cũai tẽ canốh. Yiang Sursĩ
 yõn Raviei án pở Yê-su, ar-
 iang án khoiq ữq tẽ nhũang.
 Chơ Yê-su coiq Raviei Yiang
 Sursĩ yõn õt tâng dõi nãi
 sanua. Ngkíq ranáq anhia
 sâng cớp hữm sanua, ranáq
 nãi la lứq Raviei Yiang Sursĩ
 tồp táq. ³⁴⁻³⁵ Cớp máh

☆ 2:28 2:28 Ūat Khẽn 16:8-11 ☆ 2:30 2:30 Ūat Khẽn 132:11 ☆ 2:31 2:31
 Ūat Khẽn 16:10

santoiq Davĩt atõng, tõ cõn án pai tẽ tũ án bũm chõn chu paloõng. Ma Davĩt atõng neq:

‘Yiang Sursĩ atõng chóc Ncháu cúq neq:
Mói tacu coah atoam cúq

toau toãq tangái léq cúq yõn alói ca ẽ cachĩt mới, õt pũn talang ayũng mới, cõt sũl mới.’”[✧]

³⁶ Chơ Phi-er atõng ẽn neq: “Máh cũai I-sarel ơi! Cúq atõng yõn anhia dáng samoat lứq tẽ ốc nãi. Yiang Sursĩ yõn Yê-su cõt Ncháu nheq tũh cũai. Cóp Yiang Sursĩ yõn Yê-su cõt Crĩt, án ca Yiang Sursĩ ruroh đõq chuai amoong cũai. Ma anhia khoiq cachĩt Yê-su chơ.”

³⁷ Tũ tốp alói sãng parnai nãi, mút alói sãng lavoaiq loah. Chơ alói blóh Phi-er cốp tốp muoi chít la muoi noaq neq: “Sẽm ai ơi! Nõq hếq ẽ táq sanua?”

³⁸ Phi-er ta-õi alói neq: “Cóc anhia ngin lỏih lếq cõt mút tamái ẽn. Cóp cóq anhia roap batẽm nhơ ramứh Yê-su Crĩt. Ngkíq Yiang Sursĩ táh lỏih anhia, cốp Raviei Yiang Sursĩ õt cốp anhia tẽ. ³⁹ Lứq Yiang Sursĩ yoc ẽ yõn Raviei án pữ anhia, đẽh con acái anhia cốp cũai tẽ cruang canõh hỡ. Yiang Sursĩ la Ncháu hái, án yõn nheq tũh cũai án ruroh bũn Raviei án.”

⁴⁰ Phi-er atõng sa-ũĩ lứq ẽn tẽ ranáq Yê-su. Cóp án sươq alói neq: “Cóc anhia táh nheq máh ranáq sãuq, yõn anhia tẽq viaq vót tẽ ốc túh coat ca toãq pữ tống toiq cũai lỏih nãi.”

⁴¹ Bũn sám pái ngin náq cũai sa-âm parnai Phi-er atõng. Cóp pái ngin náq ki roap batẽm loãng, táq tếc alói sa-âm Yê-su Crĩt. Ngkíq alói pruam muoi mút cốp tốp puai Yê-su. ⁴² Alói pữq rôm níc cốp tốp ayũng atĩ Yê-su Crĩt. Alói rôm câu parnoi, cốp pĩh bẽng cha sanhữ Yê-su cuchĩt tang alói.

Tốp Sa-âm Yê-su Pruam Muoi Mút

⁴³ Nheq tũh cũai sãng đót, cốp tốp ayũng atĩ Yê-su táq sa-ũĩ ranáq salẽh ariang Yiang Sursĩ yõn alói táq.

⁴⁴ Nheq cũai sa-âm, alói cõt níc muoi mút. Máh crơng alói bũn, alói pruam chõng.

⁴⁵ Alói chếq máh mun alói; chơ parõm đõq práq alói muoi ntõq. Cũai aléq ốq, alói chuai cũai ki.

⁴⁶ Cu rangái alói pữq rôm pữ Đõng Sang Toãr. Cóp alói cha bũi parnoi hỡ, muoi tangái đõng án nãi, muoi tangái ẽn đõng án ki. Alói õt bũi óh lứq, yuaq alói bũn muoi mút muoi luam. ⁴⁷ Mantái lứq alói khẽn Yiang Sursĩ. Nheq tũh cũai tãng vil Yaru-saleh khẽn tốp sa-âm Yê-su. Cóp cu rangái Yiang Sursĩ yõn

cũai canõh sa-âm Yê-su, chơ
mut tâng tốp sa-âm Yê-su tê.

3

Cũai Yõt Cõt Bán

¹ Cu rangái toâq mandang
priang tốp puai Yê-su pờq
rôm câu tâng Dõng Sang
Toâr tốp I-sarel. Bữn muoi
tangái, Phi-er cốp Yang pờq
câu pờ ki tê. ² Alói khoiq
cheq ẽ toâq ngoah toong
noau dõq Toong Nêuq. Ớt
cheq toong ki alói hữm cũai
yõt tacu. Án yõt tẽ mpiq án
canõt. Cu rangái noau dũng
dõq án pờ ntốq ki, yõn án
sẽq práq tẽ cũai mut ngoah
toong ki. ³ Tữ cũai yõt ki
hữm Phi-er cốp Yang ẽ mut
dõng sang, án sẽq práq tẽ
alói. ⁴ Chơ Phi-er cốp Yang
cloân nhêng chu án, cốp Phi-
er pai neq: “Mới nhêng chu
hếq nâi.”

⁵ Ngkíq cũai yõt ki nhêng
chu alói. Án tếng alói ẽ yõn
án práq. ⁶ Ma Phi-er pai neq:
“Práq yẽng cứq tở bữn bữn
tê. Ma ramứh ntróu cứq
bữn, cứq yoc ẽ chuai aki.
Nhơ ramứh Yê-su Crít tẽ vil
Na-sarê, cứq ớn mới yuor
tayúng, chơ pờq!”

⁷ Phi-er tếc atí atoam cũai
yõt ki, ayuor án tayúng. Bo
ki toâp ayũng án cõt bán.
⁸ Yóiq toâp án yuor. Án pờq
na ayũng mut tâng dõng
sang manơi nũng Phi-er cốp
Yang. Nton án pờq nton
án ỡn tamprũol khễn Yiang

Sursĩ. ⁹ Nheq tữh cũai tâng
dõng sang ki hữm án pờq
ayũng cốp khễn Yiang Sursĩ.
¹⁰ Alói saccoal án la cũai dõq
crốq sẽq práq cheq ngoah
Toong Nêuq. Alói sâng dót
lứq hữm ayũng án cõt o
loah.

Phi-er Atõng Tâng Dõng Sang Toâr

¹¹ Tâng dõng sang ki bữn
muoi lám ntrõn noau dõq
Ntrõn Sa-lamôn. Phi-er cốp
Yang ớt tâng ntrõn ki; cốp
bữn án ca ayũng cõt bán
la ớt cốp alói tê. Clúng
lứq cũai lúh parlõng toâq
pờ ntốq alói ớt, cốp alói
sâng dót lứq. ¹² Toâq Phi-
er hữm cũai clúng toâq, án
atõng alói neq: “Tốp I-sarel
oi! Nốq anhia sâng dót
tẽ ranáq nâi? Nốq anhia
nhêng cloân níc chu hếq?
Anhia chanchóm hếq têq táq
bữm ranáq nâi tở? Cốp
anhia chanchóm hếq o hỡn
tẽ cũai canõh yáng moat
Yiang Sursĩ tở? Tở cõn!
Cũai nâi cõt bán la nhơ tẽ
Yê-su Crít toâp. ¹³ Yiang
Sursĩ, án ca achúc achiac hái
A-praham, I-sac, cốp Yacóp
sang, lứq Yiang Sursĩ yõn
Yê-su, la cũai ca táq ranáq
án cõt sốt toâr lứq. Ma
anhia chiau Yê-su pờ atí Phi-
lat la cũai sốt tâng cruang
nâi. Toâq Phi-lat yoc ẽ
acláh Yê-su, anhia tở yõn
án acláh. ¹⁴ Anhia calõih
táh Yê-su, la cũai tanoang
tapúng cốp bráh o lứq. Ma

anhia sêq Phi-lat acláh cūai pla ca khoiq cachit cūai.
 15 Anhia cachit Yê-su, án ca têt yôn hái tamoonq. Ma Yiang Sursĩ yôn án tamoonq loah. Hêq dáng ranáq nâi lúq p̄ieiq, yuaq hêq khoiq hũm chơ máh ranáq nâi.
 16 Lúq anhia saccoal cūai yôt nâi. Cỗ hêq sa-âm Yê-su, cốp cỗ nhơ ramúh án, cūai nâi cõt bán. Lúq Yê-su toáp táq ranáq nâi yôn moat anhia hũm.

17 “Sẽm ai ơi! Cúq dáng anhia cốp sôt anhia cachit chíq Yê-su cỗ anhia sacũl.
 18 Ma ốc nâi Yiang Sursĩ khoiq atõng chơ tẽ mbốq na cūai tang bỗq án. Alói pai Crít, án ca Yiang Sursĩ rườh đốq chuai amoong cūai, cóq chũuq sa-ũri ramúh túh coat. Parnai nâi lúq cõt santruoq cốp Yê-su.
 19 Ngkíq, cóq anhia ngin lôih lêq cõt mút tamái ễn, cốp pih loah puai ngê Yiang Sursĩ, đốq án ariau yôn bráh máh lôih anhia. Khân anhia táq ngkíq, Yiang Sursĩ lúq chuai mút pahõm anhia yôn cõt práih loah.
 20 Cốp nỡ-ra Yiang Sursĩ ớn Yê-su Crít sêng loah pỡ cutêq nâi machõng án khoiq atõng tẽ nhũang chơ.
 21 Ma sanua Yê-su cóq ốt tâng paloõng toau toáq tangái Yiang Sursĩ atức cõc cutêq nâi yôn o loah samoat án mbõiq têng tẽ dâu lúq ki. Yiang Sursĩ

khoiq atõng ngkíq tẽ mbốq na máh cūai tang bỗq án ca bráh o.
 22 Mõi-se, la manoaq tẽ cūai tang bỗq ki, pai neq: ‘Nỡ-ra Yiang Sursĩ ớn manoaq tẽ tốp hái cõt cūai tang bỗq án machõng cúq tẽ.
 Cóq anhia tamúng cốp trĩh máh ốc án atõng.
 23 Cūai alêq ma tỡ bữn trĩh parnai cūai tang bỗq Yiang Sursĩ, cūai ki tỡ têt cõt noâng cūai proai Yiang Sursĩ.’^{*}

24 “Samu-êl cốp máh cūai tang bỗq ca toáp ntun Samu-êl, nheq tữh alói khoiq atõng tẽ ranáq hái hũm tâng đõi sanua.
 25 Máh cūai tang bỗq Yiang Sursĩ ki la achúc achiac hái tẽ. Cốp hái chõng tẽ máh ramúh Yiang Sursĩ par-ũq cốp achúc achiac hái A-praham. Yiang Sursĩ par-ũq neq:

‘Nỡ-ra cỗ nhơ tẽ tống toiq mới,
 dũ tốp cūai pũn paloõng cutrúq nâi bữn roap ốc bốn.’^{*}

26 Ngkíq Yiang Sursĩ yôn Yê-su, la cūai táq ranáq án, toáq pỡ anhia voai. Án yôn anhia bữn ốc bốn nhũang lúq, cốp yôn anhia têt viaq vót tẽ ngê sâuq anhia đốq táq.”

4

Phi-er Cốp Yang Ồt Yáng

* 3:23 3:23 Patáp Loah 18:15, 18, 19

* 3:25 3:25 Saráq Tẽ Dâu 22:18

Moat Cũai Sốt

¹ Bo Phi-er cóp Yang noâng atông, máh cũai sốt tốp tềng rit sang, cũai sốt tahan kĩaq Dông Sang Toâr, cóp máh cũai Sa-dusê toâq toâp pở ntốq ki. ² Máh cũai ki ũan lứq chốq Phi-er cóp Yang, yuaq alóí bar náq atông tể Yê-su khoi q tamoo ng loah. Cóp alóí pai cồ nhơ tể Yê-su tamoo ng loah, ngki q cũai canõh tềq tamoo ng loah machó ng Yê-su tê. ³ Ngki q máh cũai sốt cồp toâp alóí bar náq, cóp khang tâng cuaq tũ. Tangái ki khoi q cheq sadâu chơ. Ngki q alóí yoc ẽ blóh bar náq ki tâng tangái parnõ ẽn. ⁴ Ma clứ ng lứq cũai sa-âm parnai alóí bar náq ki atông. Máh cũai samiang ca sa-âm bo ki, bữn sám sớ ng ngn náq.

⁵⁻⁶ Toâq tangái parnõ ẽn, máh cũai sốt tốp I-sarel, máh cũai sốt nheq sâu, cóp máh cũai yớ ng rit, nheq tữh alóí rôm tâng vil Yaru-salem. Alóí pớ q ramóh An-na, án ca sốt nheq tể rit sang Yiang Sursĩ. Cóp bữn máh cũai tể dớ ng An-na ớ t ngki tê, dếh Cai-pha, Yang, cóp Alec-sandơ. ⁷ Tốp alóí ớ n noau dứ ng Phi-er cóp Yang toâp pở alóí; chơ alóí blóh bar náq ki neq: “Noau yớ n anhia bữn chớ c táq bán cũai yố t ki? Ntrớ u ramứ h án?”

⁸ Bo ki Raviei Yiang Sursĩ cớ t sốt tâng mú t pahõ m Phi-er, chơ án pai neq: “Cũn anhi

ơ! Cứ q sế q atõ ng anhia. ⁹ Khân anhia yoc ẽ dắ ng cồ nố q hế q tề q chuai cũai yố t nâi yớ n cớ t bán, ¹⁰ có q anhia có p nheq tữ h cũai I-sarel dắ ng raloaih tể raná q nâi. Raná q nâi ớ ng Yê-su Crít toâ p tề q tá q. Yê-su la cũai tể vil Na-sarết, án ca anhia khoi q cachít na tề h án tâng aluang sangcá ng. Ma Yiang Sursĩ yớ n án tamoo ng loah. ¹¹ Á n la samoâ t cớ c tamá u cũai tá q dớ ng khoi q tá h. Ma tamá u nâi o hỡ n tể nheq tamá u canõ h; chơ noau ít có p chĩ p bân so q dớ ng. ¹² Pũ n paloõ ng nâi tở bữ n noau noâ ng tề q chuai amoong há i. Yiang Sursĩ yớ n ớ ng Yê-su toâ p tá q raná q chuai amoong há i.”

¹³ Máh cũai sốt ki sâ ng dớ t lứ q Phi-er có p Yang atõ ng clố q lứ q, yuaq alóí dắ ng bar ná q ki la cũai proai miat sâ ng có p tở bữ n rien sa-ũ i. Ma alóí dắ ng bar ná q ki cớ i ớ t có p Yê-su. ¹⁴ Ma cũai sốt ki tở dắ ng tề q ntrớ u tể raná q Phi-er có p Yang tá q, yuaq alóí hữ m cũai yố t khoi q cớ t bán chơ có p tayứ ng parnõ i cheq Phi-er có p Yang. ¹⁵ Ngki q alóí ớ n Phi-er có p Yang loõ h chí q tể ntố q alóí rôm, yuaq alóí yoc ẽ sarhõ ng tuoi q ớ ng alóí sâ ng. ¹⁶ Alóí pai neq: “Nố q há i ẽ tá q chố q bar ná q nâi? Nheq tữ h cũai tâng vil Yaru-salem khoi q hữ m chơ tể alóí tá q raná q salễ h lứ q yớ n cũai

yốt nâi. Hái tở têq suon pai alói tở bữn táq ranáq ki. ¹⁷ Ma hái chỗi yỗn ranáq nâi trởh la-ữt la-ữi yỗn cũai canõh dáng. Ngkíq cóq hái sươq alói chỗi atõng noâng tễ ramứh Yê-su.”

¹⁸ Moâm ki alói arô loah Phi-er cóp Yang mut loah pở ntốq alói sarhõng. Alói sươq bar náq ki tở yỗn pởq atõng noâng tễ ramứh Yê-su.

¹⁹ Ma Phi-er cóp Yang ta-õi máh cũai sốt ki neq: “Nỗq anhia chanchóm, ranáq aléq Yiang Sursĩ hữm o hỡn? O hếq trĩh anhia, ma o hếq trĩh Yiang Sursĩ? ²⁰ Khân hếq tở bữn pởq atõng, ki tở têq. Máh ranáq hếq hữm Yê-su táq cóp máh parnai hếq sâng án atõng, hếq cóq atõng yỗn cũai canõh dáng.”

²¹ Ma máh cũai sốt ki prut Phi-er cóp Yang tở yỗn atõng noâng parnai nâi. Moâm alói sươq ngkíq, chơ alói acláh. Alói tở têq táq ntróu chóq bar náq ki, yuaq alói ngcõh cũai proai táq loah alói. Nheq máh cũai proai khễn Yiang Sursĩ cõ án chuai cũai yốt nâi. ²² Cũai yốt nâi khoiq clữi pỗn chít cumo chơ, noap tễ mpiq án canõt.

Tỗp Yê-su Câu Yỗn Cõt Clỏq Lứq Ẽn

²³ Từ máh cũai sốt acláh Phi-er cóp Yang, alói chu loah pở tỗp alói, cóp atõng loah máh parnai cũai sốt

tỗp tễng rit sang Yiang Sursĩ cóp cũai sốt nheq sâu khoiq pai chóq alói. ²⁴ Ngkíq nheq tữh tỗp alói mpruam câu muoi mút neq: “Yiang Sursĩ Ncháu Nheq Tữh Cũai ơi! Lứq anhia toâp tễng paloõng, cóc cutếq nâi, đởq mut, cóp túc ramứh õt tâng ki. ²⁵ Tễ mbốq anhia khoiq atõng na achúc achiac hếq, Davít, tễ máh ốc Ravieí Yiang Sursĩ yỗn án atõng. Davít pai neq:

‘Cỗ nỗq máh cruang cũai tâng cóc cutếq nâi ma ũan lứq chóq Yiang Sursĩ?

Cỗ nỗq alói sarhõng ngê tở bữn cõt kia ntróu?

²⁶ Máh puo tâng cóc cutếq nâi cóp máh cũai sốt canõh sarhõng parnơi cóp pruam ẽ chíl Yiang Sursĩ cóp Puo ca Yiang Sursĩ khoiq rườh.’[☆]

²⁷ Davít khoiq atõng máh ốc p̄ieiq lứq tễ mbốq; sanua hếq hữm ốc ki khoiq toâq chơ. Hê-rôt cóp Phi-lat, alói khoiq rôm tâng vil Yarusalem parnơi cóp máh cũai I-sarel cóp máh cũai tễ cruang canõh hỡ, yoc ẽ táq Yê-su. Yê-su la cũai táq ranáq anhia ca bráh o lứq. Nừm manoaq án toâp anhia rườh đởq chuai amoong cũai. ²⁸ Máh cũai sốt ki lứq rôm parnơi cóp táq máh ốc anhia khoiq anoat tễ mbốq.

☆ 4:26 4:26 Ừat Khễn 2:1-2

29 Sanua, Ncháu hếq ơi, an-hia sâng santiago máh cũai sớt ki yoc ẽ táq hếq. Sếq anhia chuai yỗn mút hếq cõt clóq lứq ễn dỏq atỡng níc tể parnai anhia. 30 Hếq sếq anhia tahâu satoaq cũai a-ĩ yỗn cõt bán. Cóp hếq sếq anhia apáh ranáq salễh cóp tể tể chớc anhia nhợ ramứh Yê-su, án ca táq ranáq anhia, bráh o lứq.”

31 Moâm alóí câu, dống alóí rôm cõt cacút. Cóp Raviei Yiang Sursĩ cõt sớt tâng mút pahỗm alóí. Chơ alóí atỡng parnai Yiang Sursĩ clóq lứq ễn.

Tổp Puai Yê-su Pruam Chống Mun Alóí

32 Nheq tữh tổp sa-âm Yê-su cõt muoi mút muoi luam. Aléq bữn máh mun, án tở bữn ndỗm manoaq án, ma nheq tữh alóí pruam ndỗm chống mun ki. 33 Santiago tổp ayững atĩ Yê-su atỡng tể Ncháu alóí tamoong loah cõt blễng lứq. Cóp Yiang Sursĩ satỗh ốc bốn yỗn tổp alóí ca puai Yê-su. 34-35 Tâng tổp alóí tở bữn noau ốq ntróu. Aléq bữn ntốq cutểq tở la dống, cóp alóí bũi pahỗm yoc ẽ chuai yóu, alóí chếq máh mun alóí. Cóp alóí pruam parỗm práq ki, chơ dững pở tổp muoi chít la bar náq ayững atĩ Yê-su. Chơ tổp ki tampểq yỗn cũai ca ốq.

36-37 Bữn manoaq samiang ramứh Yô-sep tể sâu Lê-vi

toâq tể cỗn Sip-rơ. Án bữn muoi liang sarái, chơ án chếq sarái ki cóp dững asuoi práq kia pở tổp muoi chít la bar náq. Tổp muoi chít la bar náq dỏq án ramứh tamái Ba-naba. Santiago Ba-naba parlong loah la ‘aliam cũai bữn ốc ngua’.

5

A-nania Cóp Sapi-ra

1 Ma bữn manoaq sami-ang ramứh A-nania. Án cóp lacuoi án, ramứh Sapi-ra, alóí chếq tê muoi tâm cutểq yoc ẽ chuai yóu. 2 Muoi pún tể práq kia ki, A-nania dững asuoi pở tổp ayững atĩ Yê-su. Ma muoi pún ễn, án cutooq ít dỏq. Lacuoi án la dáng tê cayac án táq ngkíq. 3 Chơ Phi-er pai chốq A-nania neq: “A-nania ơi! Nốq mới puai rangứh yiang Satan? Mới cakéq chốq Raviei Yiang Sursĩ tể práq kia anhia chếq cutểq, cóp anhia ít dỏq muoi pún tể práq ki, ma mới yỗn ống muoi pún sâng. 4 Bo anhia tở yũah chếq, cutểq ki lứq cutểq anhia. Práq kia chếq cutểq ki la lứq práq anhia. Ma nốq anhia pai khoiq chiauh nheq práq kia cutểq ki, ma anhia ít dỏq loah muoi pún? Anhia tở bữn cakéq chốq cũai, ma lứq anhia cakéq chốq Yiang Sursĩ.”

5 Moâm Phi-er atỡng ngkíq, bo ki toáp A-nania dốm, chơ cuchit loâng. Ngkíq nheq tữh cũai sâng

crooq lúq. ⁶ Chơ máh samiang póng mut som cumuiq ki. Moâm alói som, alói dững túp toáp.

⁷ Vót ki sám chín pái adéh dôi, chơ lacuoi A-nania ễn mut tâng ntốq ki. Án tở yũah dáng pai cayac án khoi q cuchit. ⁸ Phi-er blóh án ễn neq: “Anhia dững nheq chơ máh práq kia anhia chềq cutêq ki tở?”

Mansêm ki ta-õi neq: “Oq. Práq hếq chềq cutêq ki khoi q nheq cayac cứq dững chơ.”

⁹ Phi-er pai neq: “Nốq anhia bar náq pruum muoi mút yoc ễ chim Raviei Yiang Sursĩ? Cayac mới khoi q noau dững túp chơ. Sanua alói ca túp cayac mới, khoi q chu toáp ngoah toong chơ. Sanua alói ễ dững túp mới ễn.”

¹⁰ Tữ án sâng Phi-er pai ngkíq án dóm, chơ cuchit tê. Máh cũai samiang póng mut cốp hữm án khoi q cuchit; chơ alói dững túp án cheq ping cayac án. ¹¹ Ngkíq tữ nheq tữh tốp sa-âm Yê-su cốp cũai canõh sâng tễ ranáq nâi, alói sâng ngcõh lúq.

Sa-õi Ranáq Salễh

¹² Tốp ayững atĩ Yê-su táq sa-õi ranáq salễh yáng moat máh cũai tâng vil ki. Cốp máh cũai puai Yê-su dốq rôm tâng Ntrõn Sa-lamôn tâng Dống Sang Toâr. Ngkíq alói cõt muoi mút muoi luam. ¹³ Máh cũai tở yũah

sa-âm, alói khễn tốp puai Yê-su, ma alói tở khốn mut cốp tốp puai Yê-su. ¹⁴ Ma bữn cũai sa-âm Yê-su cững la-ữt la-ữi, dếh samiang, dếh mansêm. ¹⁵ Dốq noau dững dốq máh cũai a-ĩ tâng rana yỗn bếq tâng chĩa cốp tâng cantrang. Alói ốt acoan Phi-er toáp, ếq mul Phi-er cadóp yỗn máh cũai a-ĩ cõt bán. ¹⁶ Cững cũai tễ vil canõh ca ốt cheq vil Yaru-salem, alói dững asuoi pở ki máh cũai a-ĩ cốp cũai bữn yiang sâuq payõh. Chơ máh cũai ki cõt bán nheq.

Cũai Sốt Táq Tốp Puai Yê-su

¹⁷ Ma án ca sốt nheq tễ rit sang Yiang Sursĩ cốp yớu án tễ tốp Sa-dusê, alói ũan chốq tốp muoi chít la bar náq ayững atĩ Yê-su. ¹⁸ Chơ alói cốp tốp ki cốp chốq tâng cuaq. ¹⁹ Ma toáp sadâu bữn manoaq ranễng Yiang Sursĩ pớh chíq ngoah toong cuaq tữ, cốp án dững aloõh tốp muoi chít la bar náq tễ cuaq ki. ²⁰ Ranễng ki ớn alói neq: “Anhia pớq atõng tâng Dống Sang Toâr tốp I-sarel yỗn máh cũai dáng nốq toáp Yiang Sursĩ khoi q yỗn anhia ngê tamái nâi.”

²¹ Ngkíq alói trĩh ranễng ki. Poang tarựp alói mut atõng tâng Dống Sang Toâr. Bo alói atõng ngki, án ca sốt nheq tễ rit sang Yiang Sursĩ cốp yớu án, alói mut rôm

parnoi cóp cūai sôt tốp I-sarel. Máh cūai sôt ki ớn tahan pởq coaiq tốp muoi chít la bar náq tễ cuaq tũ, chơ dững atoâq pở nốq alóí ốt rôm.

²² Ma từ tahan mut tâng cuaq tũ, alóí tở hữm noâng tốp muoi chít la bar náq. Chơ tahan ki chu atông máh cūai sôt. ²³ Alóí pai neq: “Từ hếq toâq pở cuaq tũ, hếq hữm cachữo tở bữn noau pớh yũah, cóp cūai kĩaq cuaq tũ noâng ốt ngki. Ma từ hếq pớh toong, hếq tở hữm noau noâng tâng cuaq tũ.”

²⁴ Từ án ca sôt tahan kĩaq đống sang cóp alóí ca sôt tốp tễng rit sang Yiang Sursĩ, sâng santoiq ki, alóí dốt lứq. Cóp alóí ốt chanchóm tở dáng ranáq ntróu ễn tốp muoi chít la bar náq ễ táq. ²⁵ Moâm ki bữn cūai toâq atông máh sôt ki neq: “Máh cūai anhia chóq tâng cuaq tũ bữ hái, sanua alóí atông máh cūai tâng Dống Sang Toâr.”

²⁶ Ngkíq cūai sôt tahan ki dững tahan án pởq coaiq tốp muoi chít la bar náq. Ma alóí táq ngcuai lứq, yuaq alóí ngcỏh máh cūai proai ốt ngki tám tamáu chóq alóí, khân alóí táq tachoât chóq tốp ki.

²⁷ Từ tahan ki dững tốp muoi chít la bar náq mut tayúng yáng moat cūai sôt, án ca sôt nheq tễ rit sang Yiang Sursĩ atông alóí neq: ²⁸ “Hếq khoiq sươq anhia

samoât lứq, tở yỗn anhia atông noâng tễ ngê Yê-su. Ma anhia tở trỉh hếq. Sanua parnai ki cõt parhan la-ữt la-ữi chũop vil Yaru-salem. Cóp anhia atông cūai canỏh, ểq noau pai hếq cachít Yê-su.”

²⁹ Phi-er cóp yóu án ta-đi neq: “Khaq hếq trỉh parnai Yiang Sursĩ, saláng hếq trỉh parnai cūai. ³⁰ Lứq p̄ieiq anhia khoiq cachít Yê-su tâng aluang sangcáng. Ma Yiang Sursĩ achúc achiac hái sang tễ mbỏq, án khoiq chuai Yê-su yỗn tamoong loah. ³¹ Sanua Yiang Sursĩ yỗn Yê-su ốt coah atoam án cóp cõt sôt toâr lứq, đốq án têq chuai amoong cūai. Yiang Sursĩ yoc ễ chuai tốp I-sarel, án ểq alóí ngin lỏih lêq cõt mút tamái ễn; chơ án lứq táh lỏih alóí. ³² Hếq la cūai khoiq hữm cóp atông loah tễ máh ốc ki. Cóp Raviei Yiang Sursĩ la atông ngkíq tễ. Khân cūai aléq ma trỉh parnai án, Yiang Sursĩ yỗn Raviei án ốt loâng cóp cūai ki.”

³³ Từ cūai sôt ki sâng ngkíq, alóí sâng ũan lứq ễn. Alóí yoc ễ cachít tốp muoi chít la bar náq. ³⁴ Ma bữn manoaq tễ tốp alóí yuor tayúng. Ramứh án la Camaliel, cóp án la tễ tốp Pharsi. Án la cūai atông tễ phễp rit cūai I-sarel, cóp noau yám noap lứq án. Án ớn tahan dững aloỏh tốp muoi chít la bar náq tễ nốq

ki. ³⁵ Chơ án atõng máh cūai sốt ki neq: “Sẽm ai ơi! Cóq anhia táq o dáih chók tốp muoi chít la bar náq nài. ³⁶ Cóq anhia sanhữ tễ manoaq ramứh Thêu-da. Án ẽq noau chanchóm án la cūai toâr. Bữn sám pỡn culám náq đốq puai án. Ma vót noau cachit án, tốp puai án pláh cu ntốq, cóp ranáq alóit táq cõt pút neq. ³⁷ Vót Thêu-da bữn manoaq ẽn ramứh Yuda tễ cruang Cali-lê. Án yuor chõn cõt sốt, cóp bữn cứng cūai puai án. Ma noau cachit án tẽ, cóp máh tốp puai án lủh pláh neq. ³⁸ Ngkíq cúq atõng anhia sanua, anhia chõit táq ntróu cóp alóit muoi chít la bar náq nài. Khân santonq alóit pai, cóp ranáq alóit táq chõng loõh tễ mút alóit bữm, tỡ bữn dũn ranáq ki lủq pút neq. ³⁹ Ma khân ranáq alóit táq, toâq tễ Yiang Sursĩ, ki anhia tỡ tẽq pupút. Khân anhia yoc ẽ pupút ranáq ki, lủq samoât anhia chĩl Yiang Sursĩ toâp.”

⁴⁰ Ngkíq cūai sốt ki tamứng parnai án. Alóit arô loah tốp muoi chít la bar náq yõn toâq loah pỡ alóit. Chơ alóit ón noau toân tốp ki. Cóp alóit sươq tốp ki chõit atõng noâng tễ parnai Yê-su. Moâm alóit patáp, chơ alóit acláh. ⁴¹ Tốp muoi chít la bar náq loõh tễ ntốq ki. Alóit sâng bũi lủq, yuaq Yiang Sursĩ yõn alóit riap

chũuq máh ốc túh coat cõ tian alóit yám noap ramứh Yê-su. ⁴² Cu rangái tốp alóit mut tâng Dõng Sang Toâr cóp tâng máh đõng cūai hỡ, chơ alóit atõng níc parnai o tễ Yê-su Crít.

6

Alóit Rươh Tapul Náq Nđõm Ranáq Chuai Yớu

¹ Máh tangái ki tốp puai Yê-su cõt cứng lủq ẽn. Cóp tâng tốp alóit bữn máh cūai I-sarel táq ntõng parnai Créc. Máh cūai ki voõq neq: “Cu rangái cán cumai hếq roap cớng tâc cha tỡ bữn li cóp cán cumai cūai I-sarel ca táq ntõng parnai Hê-bơ.”

² Ngkíq tốp muoi chít la bar náq parõm neq máh tốp puai Yê-su, cóp pai neq: “Tỡ p̄ieiq hếq muoi chít la bar náq ma tỡ bữn atõng noâng parnai Yiang Sursĩ cõ miaq tampẽq cớng tâc cha yõn anhia. ³ Ngkíq cóq anhia rươh tễ tốp anhia tapul náq ca rangoaiq cóp bữn Raviei Yiang Sursĩ táq sốt tâng mút alóit. Chơ hếq ẽ pachủh yõn tốp alóit tapul náq ki ẽn cõt sốt tễ ranáq tampẽq tampác sana yõn anhia. ⁴ Chơ hếq bữn câu níc, cóp bữn pỡq atõng parnai Yiang Sursĩ hỡ.”

⁵ Tỡ tốp puai Yê-su sâng santonq ki, neq tữh alóit sâng bũi lủq. Ngkíq alóit rươh Satien; án la cūai sa-âm Yê-su samoât samoi, cóp án bữn Raviei Yiang

Sursĩ sôt tâng mút pahõm án. Cóp alóí rươh cũai canõh hỡ ramúh neq: Philip, Prô-curo, Ni-canor, Tamôn, Barmê-na, cúp Nicula tẽ vil Anti-õt. Bỏ nhũang Ni-cula puai phếp rit I-sarel, ma ntun ki án sa-âm Yê-su ẽn. ⁶ Ngkíq tapul náq ki õt yáng moat tốp muoi chít la bar náq ayũng aĩ Yê-su Crít. Tốp ki câu cúp satoaq aĩ tâng alóí tapul náq, táq tếc alóí tabỏq roap táq ranáq Yiang Sursĩ. ⁷ Yuaq ngkíq parnai Yiang Sursĩ cõt rứh sa-ũĩ ntỏq, cúp bữn cứng lứq cũai tâng vil Yaru-salem mut sa-âm Yê-su. Cúp bữn sa-ũĩ náq tẽ tốp tẽng rit sang Yiang Sursĩ la sa-âm Yê-su tẽ.

Noau Cỏp Chít Satien

⁸ Satien la cũai sa-âm Yê-su pacái lứq. Cóp Raviei Yiang Sursĩ yõn án bữn chỏc tẽq táq ranáq salẽh yáng moat máh cũai. ⁹ Ma bữn cũai tẽ muoi đổng sang tốp I-sarel rasuon cúp Satien. Sa-ũĩ náq tẽ đổng sang ki la cũai sũl noau khoiq acláh. Alóí toâq tẽ vil Si-rên, tẽ vil Alec-santri, tẽ cruang Si-lasi, cúp tẽ cruang Asia. ¹⁰ Raviei Yiang Sursĩ yõn Satien ta-õĩ cũai ki rangoaiq lứq. Ngkíq tốp alóí tỡ dáng nõq ẽ pai noâng chỏq Satien. ¹¹ Chớ tốp alóí chang práq yõn cũai canõh apót Satien. Máh cũai ki pai neq: “Hếq khoiq sâng Satien acrieiq Mũi-se cúp Yiang Sursĩ.”

¹² Ngkíq tốp ki sasrúc máh cũai tâng vil ki, cũai sôt nehq sâu cúp máh cũai yõng rit, ẽq alóí táq Satien. Chớ nehq tữh alóí toâq cốp Satien cúp đũng án pỡ cũai sôt. ¹³ Alóí đũng atoâq sĩa cũai ca apót Satien neq: “Cũai nâi đốq lứq táq ntởng muomat Đổng Sang Toâr, cúp án ayê phếp rit Yiang Sursĩ hỡ. ¹⁴ Hếq khoiq sâng án pai tẽ manoaq cũai ramúh Yê-su tẽ vil Na-sarết yoc ẽ talỏh Đổng Sang Toâr cúp yoc ẽ rapĩen chít máh phếp rit Mũi-se patáp hái.”

¹⁵ Vớt ki nehq tữh cũai rôm ntỏq ki, alóí cloân níc chu Satien. Alóí hữm mieiq án cõt samoât mieiq ranẽng Yiang Sursĩ.

7

Satien Nsũar Loah

¹ Chớ án ca sôt nehq tẽ rit sang Yiang Sursĩ blớh Satien neq: “Máh ỏc alóí pai ki, lứq ma tỡ bữn?”

² Satien ta-õĩ loah neq: “Nheq tữh sẽm ai cũn anhi ời! Sẽq anhia tamứng sântoíq cứq ruaih loah. Yiang Sursĩ hái bữn chỏc ang-ũr clũĩ nehq tẽ yiang canõh; án khoiq toâq atởng achúc achiac hái A-praham tẽ mbỏq. Bỏ ki A-praham noâng õt tâng cruang Mê-sapô-tamia; án tỡ yũah pỏq chu cruang Haran. ³ Yiang Sursĩ ỏn A-praham neq: ‘Mũi loõh tẽ cruang mũi, cúp táh nehq máh sẽm ai

mới. Chơ mới pởq ốt pở cruang cứq sadoi yỗn mới ốt.*⁴ Ngkíq A-praham loỏh tễ cruang Caldê, chơ án pởq ốt pở cruang Haran ễn. Ma tử mpoaq án cuchit, Yiang Sursĩ dững án pởq ốt tâng cruang hái ốt sanua.⁵ Yiang Sursĩ tở yũah yỗn A-praham ndõm cutễq nãi. Ma Yiang Sursĩ ữq cớp A-praham cớp tống toiq án la nỡ-ra alói bữn ndõm nheq cruang nãi toau toâq dõi chễ cho.*⁶ Ma bo Yiang Sursĩ pai ngkíq chóq A-praham, A-praham tở yũah bữn con.⁶ Cớp Yiang Sursĩ atõng A-praham ễn neq: 'Nỡ-ra tống toiq mới cóq ốt tâng cruang ca alói tở bữn ndõm. Tâng cruang ki alói cõt sũl nheq pỗn culám cumo, cớp cũai ndõm alói, táq alói túh coat lứq.*⁷ Ma ntun ễn, cứq culáh dỡq chóq cũai tâng cruang ca yỗn chễ cho mới cõt sũl. Moâm ki chễ cho mới bữn loỏh tễ cruang ki, chơ bữn sang toam cứq pở ntốq nãi.'⁸ Chơ Yiang Sursĩ khoiq par-ữq cớp A-praham, cớp án ớn A-praham táq rit cút yỗn con samiang. Rit nãi la tếc án pruam cớp Yiang Sursĩ. Tử A-praham bữn con samiang, án amứh con ki I-sac. Catâm tangái tacual noap tễ canõt con ki, A-praham táq rit cút yỗn I-sac, con án. Machớng ki tễ I-sac táq tếc yỗn Yacốp, con

án. Cớp Yacốp táq tếc nãi yỗn máh con samiang án. Yacốp bữn muoi chít la bar náq con samiang. Alói ki la achúc achiac hái tễ mbỏq.

⁹ "Bữn manoaq tễ máh achúc achiac hái con Yacốp, ramứh Yô-sep. Máh ai Yô-sep ùan án. Ngkíq alói chẻq án. Chơ cũai tễ cruang Ê-yip-tô dững án cõt sũl pở cruang alói. Ma Yiang Sursĩ ốt níc cớp Yô-sep.¹⁰ Ngkíq Yiang Sursĩ chuai Yô-sep yỗn vớt tễ máh ốc túh coat noau ễ táq án. Cớp Yiang Sursĩ táq tâng mút pahõm puo cruang Ê-yip-tô sâng ayooq lứq Yô-sep. Cớp Yiang Sursĩ yỗn Yô-sep cõt rangoiq lứq. Ngkíq puo tâng cruang Ê-yip-tô chóch Yô-sep cõt sốt tâng cruang ki, cớp cõt sốt dếh tâng đồng puo hỡ.¹¹ Bo ki bữn sa-ữi cumo ốq cớng sana tâng cruang Ê-yip-tô cớp cruang Cana-an, tở bữn cớng sana ntrớu thág. Máh cũai tâng cruang ki tởiq bap lứq. Cớp achúc achiac hái tễ mbỏq ruoah chuaq cớng sana, ma tở bữn bữn.¹² Tử Yacốp sâng noau pai cruang Ê-yip-tô bữn cớng sana, ngkíq án ớn con samiang án, la máh achúc achiac hái tễ mbỏq, pởq chu cruang Ê-yip-tô trở dẫu lứq.¹³ Toâq alói pởq trở ntun ễn, Yô-sep yỗn alói dáng án la sễm ai alói. Cớp

* 7:3 7:3 Saráq Tễ Dâu 12:1 * 7:5 7:5 Saráq Tễ Dâu 12:7; 13:15; 15:18; 17:8

* 7:6 7:6 Saráq Tễ Dâu 15:13-14

Yô-sep amóh sêm ai án cóp puo tâng cruang Ê-yip-tô. ¹⁴ Ngkíq Yô-sep patâp Yacóp, mpoaq án, yôn nehq sâu án pǒq ốt cóp án tâng cruang Ê-yip-tô. Nheq tũh cũai tâng sâu án la tapul chít la sǒng náq. ¹⁵ Chơ Yacóp toâq ốt tâng cruang Ê-yip-tô. Án cóp máh achúc achiac hái tẽ mbǒq ốt loâng tâng cruang ki toau sǒt dǒi alóí. ¹⁶ Vót ki noau dǔng achu loah cumuiq alóí pǒ vil Se-kem, cóp chók tâng ping tâng cǔp A-praham khoiq chǒng tẽ máh con samiang Hamor.

¹⁷ “Khoiq cheq toâq tangái Yiang Sursĩ ẽ táq ranáq máh án khoiq ữq cóp A-praham tẽ nhũang, chơ tǒng toiq hái cǒt rǔh cǔng lǔq tâng cruang Ê-yip-tô. ¹⁸ Chơ bữn manoaq pláih cǒt puo tâng cruang Ê-yip-tô, ma tở bữn dáng ntróu tẽ Yô-sep. ✱ ¹⁹ Puo nâi dǔng túh coat lǔq máh achúc achiac hái tẽ mbǒq. Án ẽp padâm cũai mbǒiq sết con samiang cóq pǒq phǒt tâng arũih. Puo nâi ẽq yôn tǒng toiq achúc achiac hái cǒt pút nehq. ²⁰ Tâng tangái túh coat ki, mpiq Môi-se canǒt Môi-se. Yiang Sursĩ bũi lǔq cóp Môi-se. Mpiq mpoaq án rabán án tâng đǒng nehq pái casâi. ²¹ Tữ alóí tở tẽq cutooq noâng, alóí dǔng phǒt Môi-se pǒ dǔq, alóí chók tâng ra-áu cǒt. Ma bữn con

mansêm puo ramóh; chơ án ỉt táq con án. ²² Ngkíq Môi-se bữn rien nehq máh ngê rangoaiq tẽ cũai Ê-yip-tô. Chơ parnai án pai la blǐng lǔq, cóp ranáq án táq la khǐuq lǔq.

²³ “Tữ Môi-se toâr, anhúc án khoiq pǒn chít cumo, án yoc ẽ pǒq sa-óh sêm ai sêm ỏi án cũai I-sarel. ²⁴ Bơ Môi-se pǒq sa-óh, án ramóh manoaq cũai Ê-yip-tô toân manoaq cũai I-sarel. Môi-se sâng ayooq táq cũai I-sarel ki cóp yoc ẽ chuai án. Chơ Môi-se cachĩt cũai Ê-yip-tô ki. ²⁵ Môi-se chanchóm cũai I-sarel dáng Yiang Sursĩ yôn án rachuai máh cũai I-sarel. Ma cũai I-sarel tở bữn dáng tẽ ốc nâi. ²⁶ Tangái parnǒ ẽn, Môi-se ramóh bar náq cũai I-sarel cǔrchĩt. Môi-se sǔoq alóí tở yôn alóí cǔrchĩt noâng. Án atǒng alóí neq: ‘Anhia la lǔq sêm ai. Nǒq anhia manoaq nhóp manoaq, cóp manoaq táq manoaq?’ ²⁷ Ma án ca toân yóu, án cutól Môi-se cóp pai neq: ‘Noau chók mới cǒt sǒt cóp parchĩn hǐq?’ ²⁸ Mới yoc ẽ cachĩt cǔq machóng mới khoiq cachĩt cũai Ê-yip-tô tangái mahái tở?’ ✱ ²⁹ Tữ Môi-se sâng santoiq ki, án ngcǒh lǔq. Chơ án lúh tẽ cruang Ê-yip-tô pǒq ốt tâng cruang Madian ẽn. Tâng cruang ki án amia bar lám con samiang.

³⁰ “Nheq pôn chít cumo Mòi-se ốt tâng ntóq aiq cheq cóh Si-nai. Vót ki bữn manoaq ranẽng Yiang Sursĩ sapáh yõn Mòi-se hữm ùih blữ tâng prul rambũ. ³¹ Tữ Mòi-se hữm ùih, án sâng dót lữq. Chơ toâq án pởq cheq ẽ nhêng samoât lữq rambũ ki, án sâng sường Yiang Sursĩ atõng án neq: ³² ‘Cứq la Yiang Sursĩ achúc achiac anhia A-praham sang, I-sac sang, cốp Yacóp sang.’ Chơ Mòi-se cangcoaih ngcõh lữq, cốp án tở khỏn nhêng noâng chu ùih ki. ³³ Chơ Yiang Sursĩ atõng án neq: ‘Mói pũot chíq cốp tẽ ayũng mới. Ntốq cutẽq mới tayũng nâi la ntốq miar khong Yiang Sursĩ. ³⁴ Lữq cứq khoi q hữm chơ máh cũai proai cứq chũuq sa-ũi ramứh túh arúc tâng cruang Ê-yip-tô. Cứq khoi q sâng chơ máh cũai cứq cuclõiq cucling. Ngkíq cứq sêng pở nâi yoc ẽ chuai amoong alói. Ma sanua cứq ớn mới píp chu loah pở cruang Ê-yip-tô.’

³⁵ “Tẽ nhũang, Mòi-se yoc ẽ chuai tê tốp I-sarel, ma alói tở ẽq án chuai. Cốp alói pai neq: ‘Noau chớh mới cõt sôt cốp parchĩn hếq?’ Ma ranẽng Yiang Sursĩ ca ốt tâng rambũ ùih blữ ki atõng Mòi-se yõn dáng samoât lữq, la Yiang Sursĩ toáp ruroh Mòi-se yõn cõt sôt tốp I-sarel cốp chuai amoong alói. ³⁶ Ngkíq Mòi-se dũng aloõh

tốp I-sarel tẽ cruang Ê-yip-tô. Án táq máh ranáq salẽh lữq tâng cruang Ê-yip-tô cốp bo án chuai alói yang đõq mut Cusâu. Vót ki, alói toâq pở ntốq aiq; cốp alói ốt ngki pôn chít cumo. ³⁷ Mòi-se atõng tốp I-sarel neq: ‘Nữ-ra Yiang Sursĩ ớn manoaq tẽ tốp anhia atõng tang bỗq án machớng cứq tê.’ ³⁸ Mòi-se ốt cốp tốp achúc achiac hái cũai I-sarel tẽ mbỗq tâng ntốq aiq, cốp cutõ án toáp táq ntõng cốp ranẽng Yiang Sursĩ tâng cóh Si-nai. Bo ki án roap parnai ca tẽq yõn tamoong tẽ Yiang Sursĩ, chơ án atõng loah yõn hái dáng.

³⁹ “Ma achúc achiac hái tở bữn trĩh parnai ki. Alói yoc ẽ táh chíq Mòi-se, cốp alói yoc ẽ chu loah pở cruang Ê-yip-tô. ⁴⁰ Bo Mòi-se noâng ốt tâng cóh Si-nai, achúc achiac hái ớn Arôn neq: ‘Sêq mới táq rup yiang đõq ayông hái. Yuaq tở dáng ốc ntrớu khoi q toâq pở Mòi-se, la cũai dũng aloõh hái tẽ cruang Ê-yip-tô.’ ⁴¹ Ngkíq alói táq muoi lám rup ntroõq con. Chơ alói tutoõng sang rup ki. Alói cha cốp loiq bũi. Alói ớn chỡ bữn rup alói tooc bữm. ⁴² Ngkíq Yiang Sursĩ calõih chíq alói, đõq alói tĩng sang moat mandang, rliang casâi, cốp máh mantõr. Alói ngin ramứh ki la yiang alói. Ma máh ramứh ki Yiang Sursĩ

atông tâng tâm saráq cūai tang bǒq tẽ mbǒq, neq:

'Tǒp I-sarel ơi! Bo anhia ốt tâng ntǒq aiq pǎn chít cumo, cứq tở bữn ớn anhia dũng crong chiau sang yǎn cứq.

43 Lứq anhia cưỡu dǒng aroaiq yang Mô-lêc.

Cóp anhia cưỡu rup mantǒr, táq tểc anhia sang yang Rê-phan.

Acán ntróu anhia sâng yoc ẽ sang, ki anhia táq rup aki.

Cổ ốc ki, cứq chiau anhia yǎn noau dũng chu cruang Ba-bulôn.' "☆

44 Satien pai ễn neq: "Bo achúc achiac hái ốt tâng ntǒq aiq, alóí pruam dũng muoi lám Dǒng Sang Aroaiq dǒq sang toam Yang Sursĩ. Dǒng sang ki alóí táq puai ariang Yang Sursĩ khoiq atông alóí na Môi-se, cóp ariang Yang Sursĩ khoiq sapáh yǎn Môi-se hữm. 45 Achúc achiac hái tẽ mbǒq yǎn dǒi con alóí bữn ndǒm tê Dǒng Sang Aroaiq ki. Bo Yô-sũa dũng achúc achiac hái mut tâng cruang ca Yang Sursĩ khoiq ữq yǎn alóí ndǒm, alóí dũng dểh Dǒng Sang Aroaiq ki. Yang Sursĩ tuih máh cūai tâng cruang ki, chơ yǎn tǒp hái ễn ốt. Chơ Dǒng Sang Aroaiq ki noâng níc tâng cruang nâi toau tâq tangái Davĩt cǒt puo tǒp I-sarel. 46 Yang Sursĩ ayoq

lứq Davĩt. Cóp Davĩt sểq tẽ Yang Sursĩ yǎn án bữn táq dǒng toâr dǒq sang toam Yang Sursĩ achúc achiac hái, Yacóp, sang. 47 Ma Yang Sursĩ tở yǎn Davĩt táq Dǒng Sang Toâr. Yang Sursĩ yǎn Sa-lamôn, con samiang Davĩt, táq Dǒng Sang ki. 48 Ma lứq Yang Sursĩ sǒt cữi nheq tẽ canǒh, án tở bữn ốt tâng dǒng sang cūai táq. Yang Sursĩ khoiq pai na cūai tang bǒq án neq:

49 'Paloǒng cǒt cachơng yǎn cứq tacu,

cóp cǒc cutểq cǒt ntǒq cứq achúh ayũng.

Khân ngkíq, nǒq anhia chanchóm ẽ táq dǒng yǎn cứq ốt?

Cứq tở nai lakéh.

Nǒq anhia táq dǒng yǎn cứq rlu?

50 Cứq toáp tểng túc ramứh ca khoiq bữn, pǐeiq tǒ?' "☆

51 Chơ Satien atông ễn neq: "Anhia bữn mút coang lứq. Cóp cutừ anhia tở bữn tamũng ntróu tháng. Anhia tở trĩh parnai Yang Sursĩ, cóp anhia tở yǎn Raviei Yang Sursĩ cǒt sǒt tâng mút pahǒm anhia. Anhia táq machǒng tháng cóp achúc achiac anhia tẽ mbǒq. 52 Alóí ki khoiq táq túh coat máh cūai tang bǒq Yang Sursĩ. Cóp alóí cachĩt máh cūai atông saccoaiq yǎn alóí dáng nǒ-ra bữn manoaq Con

Yiang Sursĩ sêng tâng cutêq nâi. Sanua án khoiq toâq chơ pở cutêq nâi, ma anhia khoiq chêq cốp cachĩt án.
 53 Ranêng Yiang Sursĩ khoiq atông yỗn anhia dáng phễp rit tễ Yiang Sursĩ, ma anhia tở trĩh parnai ki.”

Noau Cachĩt Satien

54 Tữ cũiai sốt ki sâng máh sântoıq ki, alóı sâng la-ưn toâp tâng mút alóı. Cốp alóı carũot canêng tabang chók Satien. 55 Ma Satien bữn Raviei Yiang Sursĩ cõt sốt tâng mút pahõm án. Chơ án tapoang achõn chu paloõng, cốp án hữm chóc ang-ữr tễ Yiang Sursĩ. Cốp án hữm Yê-su õt tayứng coah atoam Yiang Sursĩ. 56 Chơ Satien pai neq: “Tíh! Anhia tapoang chu paloõng! Cứq hữm paloõng ariang noau pớh, cốp cứq hữm Con Yiang Cõt Cũiai õt tayứng coah atoam Yiang Sursĩ.”

57 Tữ máh cũiai ki sâng Satien pai sântoıq ki, alóı cupát cutũr cốp u-õı casang lứq. Chơ alóı palõng chu Satien.

58 Alóı sadõh Satien aloõh yáng tiah vil. Cốp alóı tám tamáu chók án toau cuchĩt. Tõp cũiai cachĩt Satien ớn manoaq cũiai póng, ramứh Salơ, kĩaq tampác alóı. 59 Bo alóı tám tamáu chók Satien, án câu neq: “Ncháu Yê-su ơı! Sễq anhia roap ỉt raviei cứq.”

60 Ngkíq án sacõh racól cốp pai casang lứq neq: “Ncháu ơı! Sễq anhia chõı

noap máh lỏih alóı táq chók cứq sanua.”

Moâm án pai ngkíq, chơ án cuchĩt.

8

1 Ma Salơ pruum tê cốp alóı ca cachĩt Satien.

Salơ Táq Túh Coat Tõp Puai Yê-su

Bo ki tõp puai Yê-su tâng vil Yaru-salem mbõıq ramóh noau táq túh coat lứq alóı. Ngkíq tõp alóı miar lủh mprieih nheq. Bữn án ca õt loah tâng cruang Yudê, cốp bữn án ca lủh õt pở cruang Sa-mari. Ma tõp muoi chít la bar náq ayững atĩ Yê-su Crĩt noâng õt tâng vil Yaru-salem. 2 Bữn muoi tõp samiang ca yám noap Yiang Sursĩ; alóı ỉt cumuıq Satien cốp dứng túp án. Alóı nhiam atễh án. 3 Ma Salơ ế pupút nheq máh cũiai sa-âm Yê-su. Ngkíq án pỡq chi-chuaq dũ dõng. Khân án ramóh cũiai sa-âm, án ác aloõh, dếh mansêm, dếh samiang, dứng chók tâng cuaq tũ.

Parnai O Tễ Yê-su Crĩt Toâq Pở Sa-mari

4 Máh cũiai sa-âm Yê-su ca lủh tễ vil Yaru-salem, án ca pỡq chu nâi, án ca pỡq chu ki, dỏq atông parnai o tễ Yê-su Crĩt. 5 Bữn manoaq tễ tõp ki, ramứh Phi-lip. Án sêng chu vil Sa-mari cốp atông cũiai tâng vil ki tễ Crĩt. 6 Cỗ Phi-lip táq sa-ữı ranáq salễh, ngkíq bữn chứng lứq cũiai tâng vil ki tamứng parnai

án atõng. ⁷ Bữn sa-ũi náq cũai bữn yiang sâuq payõh. Tữ Phi-lip tuih aloõh yiang sâuq tẽ máh tõ cũai, yiang ki hẽr casang lứq. Máh cũai a-ĩ coang, cốp máh cũai yõt, la án táq bán neq. ⁸ Yuaq ngkíq cũai tâng vil Sa-mari bữn moang ốc bũi.

⁹ Bữn manoaq samiang ramứh Si-môn tâng vil Sa-mari. Tẽ nhũang án la cũai mo. Cũai tẽ vil Sa-mari sâng dót lứq tẽ máh ranáq án táq. Cốp án ẽq noau khẽn cốp ẽq yõn cõt parchia pai án la mo khót lứq. ¹⁰ Máh cũai sốt cốp máh cũai proai tâng vil ki, alóí tamứng níc parnai án atõng. Alóí pai neq: “Chóc cũai nãi la samoat chóc Yiang Sursĩ tẽ.”

¹¹ Máh cũai tâng vil ki puai Si-môn, yuaq khoiq dũn chơ alóí sâng dót lứq tẽ ranáq án táq. ¹² Ma tữ Phi-lip atõng parnai o tẽ Yiang Sursĩ táq sốt, cốp tữ án atõng ngê tẽ Yê-su Crít, bữn cũai tâng vil ki sa-âm, cốp alóí roap batẽm, dẽh samiang, dẽh mansẽm. ¹³ Si-môn la sa-âm tẽ, cốp án roap batẽm. Chu léq Phi-lip pỡq, Si-môn pỡq chu ki tẽ. Ngkíq Si-môn bữn hữm máh ranáq salẽh Phi-lip táq. Án sâng dót lứq tâng mút án. Án tữ dáng nõq Phi-lip tẽq táq ranáq ngkíq.

¹⁴ Tữ tốp muoi chít la bar náq tâng vil Yaru-salem sâng noau pai cũai tâng vil Sa-mari sa-âm parnai Yiang

Sursĩ, alóí ón Phi-er cốp Yang pỡq chu ki. ¹⁵ Tữ Phi-er cốp Yang toâq pỡ vil ki, alóí câu yõn cũai ca khoiq sa-âm, sếq Yiang Sursĩ yõn Raviei Yiang Sursĩ õt cốp alóí. ¹⁶ Yuaq bo nhũang Raviei Yiang Sursĩ tữ yũah õt cốp alóí, ma alóí roap batẽm nhơ ống ramứh Yê-su sâng. ¹⁷ Tữ Phi-er cốp Yang satoaq atĩ tâng tõ cũai sa-âm, chơ Raviei Yiang Sursĩ lứq õt toâp tâng mút alóí.

¹⁸ Si-môn, tẽ nhũang la cũai mo, tữ án hữm Phi-er cốp Yang satoaq atĩ tâng tõ cũai canõh, cốp Raviei Yiang Sursĩ mút toâp tâng mút cũai ki, ngkíq án dũng práq yõn alóí yoc ẽ bữn tẽ chóc ki. ¹⁹ Si-môn pai neq: “Cứq sếq anhia yõn cứq bữn tẽ chóc nãi, dõq cứq satoaq atĩ tâng tõ cũai canõh yõn alóí bữn Raviei Yiang Sursĩ tẽ.”

²⁰ Ma Phi-er ta-õi án: “Práq mới cốp tõ mới lứq pút muoi tarừp. Nõq mới chanchóm chóc Yiang Sursĩ tẽq chõng toâq práq? ²¹ Mới tữ tẽq táq ranáq nãi, yuaq mới tữ bữn tanoang yáng moat Yiang Sursĩ. ²² Ngkíq cóq mới táh chíq ngê tiaq, chơ ít mút tamái ẽn. Cốp cóq mới câu sếq tẽ Yiang Sursĩ, moac moai án táh lòi hữm mới tẽ ranáq mới khoiq chanchóm yoc ẽ táq. ²³ Cứq hữm mút mới lieu-palieu yoc lứq táq ranáq machõng hẽq, cốp ốc loai cõt sốt tâng

mút mới.”

²⁴ Chơ Si-môn ta-ôi Phi-er neq: “Sêq mới câu sêq tễ Yiang Sursĩ yõn cứq, đõq máh ốc ki chõĩ toàq pữ cứq.”

²⁵ Moâm Phi-er cớp Yang atõng parnai Yiang Sursĩ tâng vil Sa-mari, cớp atõng tễ máh ranáq Yê-su táq ar-iang alóĩ khoiқ hữm, chơ alóĩ chu loah pữ vil Yaru-salem. Bo alóĩ pữq tâng rana, alóĩ mut atõng parnai Yiang Sursĩ tâng máh vil mpêr rana tâng cruang Sa-mari.

Phi-lip Cớp Cũai Ê-thia-bi

²⁶ Bữn muoi noaq ranẽng Yiang Sursĩ pai chóq Phi-lip neq: “Mới thữan, chơ pữq chu angia pữn. Mới pữq rana tễ vil Yaru-salem pữq chu vil Casa, la rana pữq tadáh tapúng ntốq aiq.”

²⁷ Ngkíq Phi-lip yuor tayúng, chơ pữq. Tâng rana ki án hữm manoaq samiang tễ cruang Ê-thia-bi. Samiang nãi, la ayững atĩ puo mansẽm tâng cruang Ê-thia-bi. Án kĩaq nhẽng máh sanốc Candac, la puo mansẽm ki. Samiang nãi khoiқ pữq sang toam Yiang Sursĩ tâng vil Yaru-salem.

²⁸ Ma sanua án chu pữ cruang án na sễ aséh. Án õt tâng sễ aséh ki cớp án doc tâm saráq Ê-sai, la cũai tang bõq Yiang Sursĩ, khoiқ chĩc tễ mbốq. ²⁹ Raviei Yiang Sursĩ atõng Phi-lip

neq: “Mới rapuai cũai õt tâng sễ aséh ki.”

³⁰ Phi-lip rapuai; chơ án satõm sễ aséh ki. Án sâng cũai tâng sễ aséh ki doc tễ saráq Ê-sai. Ngkíq án blóh cũai ki neq: “Máh ốc mới doc ki, mới sapúh tữ?”

³¹ Samiang ki ta-ôi Phi-lip neq: “Mỏ têq cứq dáng khân tữ bữn noau atõng cứq?”

Ngkíq án mới Phi-lip chõn tâng sễ aséh, tacu cớp án.

³² Tâng tâm saráq Ê-sai cũai ki doc neq:

“Noau dững cũai nãi samoat noau dững charán cữu đõq kiac.

Machõng noau cút sóc cữu con, ma án õt rangiac, ngkíq tê cũai nãi tữ bữn tabốq ntróu.

³³ Án tữ bữn táq lôih ntróu, ma noau ayê cớp táq án.

Alóĩ cachĩt chíq án, cớp án tữ bữn bữn con tống ntróu,

yuaq noau tữ ẽq yõn án tamoonq noàng tâng cốc cutẽq nãi.”[☆]

³⁴ Moâm án doc, cũai Ê-thia-bi blóh Phi-lip neq: “Ê-sai atõng tễ noau? Án atõng tễ tữ án bữm, ma án atõng tễ cũai canốh? Sêq mới atõng cứq.”

³⁵ Chơ Phi-lip luoh bõq atõng parnai o tễ Yê-su. Dâu lữq án atõng yõn cũai ki dáng raloaih lữq parnai nãi Ê-sai chĩc atõng tễ Yê-su. ³⁶ Bo alóĩ pữq tâng rana, alóĩ

toâq pở ntốq bữn đởq. Cũai Ê-thia-bi pai neq: “Ki! Mới nhêng đởq ki. Têq mới táq batêm yỗn cứq sanua tở?”

³⁷ Phi-lip ta-ôi án neq: “Khân lứq mới sa-âm, têq cứq táq batêm yỗn mới.”*

Cũai ki ta-ôi: “Lứq cứq sa-âm Yê-su Crít la Con Yiang Sursĩ.”

³⁸ Ngkíq cũai Ê-thia-bi yỗn sẽ aséh tangút cheq đởq. Chơ alóí bar náq sẽng chu đởq, cớp Phi-lip táq batêm yỗn án. ³⁹ Từ alóí chỗn tễ đởq, Raviei Yiang Sursĩ acốq Phi-lip đứng pở ntốq canỏh ể. Cũai Ê-thia-bi tở bữn hữm noâng Phi-lip, ma án pởq ống manoaq án ển táng rana ki, cớp mút án sâng bủi lứq. ⁴⁰ Ma Yiang Sursĩ achủh Phi-lip pở vil Asô-tut. Chơ Phi-lip atởng parnai o tễ Yê-su Crít táng dủ vil cheq rana án pởq, toau án toâq pở vil Sê-sarê.

9

Salơ Ramóh Yê-su Tâng Rana

¹⁻² Ma Salơ noâng ẫn lứq chỏq tốp puai Yê-su, cớp án yoc ể cachít nheq tốp ki. Ngkíq án pởq sẽq choaiq tễ cũai sốt nheq tễ rit sang Yiang Sursĩ yỗn án têq cớp máh cũai sa-âm Yê-su, đễh samiang, đễh mansẽm, ca ốt tâng vil Damac. Án yoc ápáh choaiq nâi yỗn cũai

sốt máh đống sang tốp I-sarel tâng vil Damac, đởq alóí dáng samoât án têq cớp cũai. Cũai án ể cớp la tốp puai Yê-su, án ể chỏq alóí cớp đứng chu vil Yarusalem. ³ Toâq cũai sốt yỗn án bữn choaiq, chơ án pởq. Bo Salơ pởq táng rana khoiq cheq ể toâq vil Damac, santar án hữm poang claq asềng tễ paloông chu tở án. ⁴ Án đóm táng cutểq, cớp án sâng sường sabau án neq: “Salơ ơi! Ở Salơ! Nốq mới táq cứq?”

⁵ Salơ ta-ôi neq: “Ncháu ơi! Anhia la noau?”

Sường ki ta-ôi loah Salơ neq: “Cứq la Yê-su. Mới táq ngkíq tở p̄ieiq chỏq cứq. ⁶ Mới yuor toâp, chơ mut táng vil. Táng vil ki bữn cũai ể atởng mới yỗn mới cóq táq ntróu.”

⁷ Máh cũai pởq cớp Salơ, alóí sâng dót lứq, tở têq tabỏq ntróu noâng, yuaq alóí sâng sường ki, ma alóí tở bữn hữm noau. ⁸ Chơ Salơ yuor tayứng. Từ án culian, moat án cõt sũt chíq. Ngkíq yóu án tếc atĩ án ayũar amut chu vil Damac. ⁹ Nheq pái tangái án tở báng hữm ntróu, cớp án tở bữn cha nguaiq ntróu.

¹⁰ Ớt táng vil Damac bữn manoaq tễ tốp puai Yê-su, ramứh A-nania. Yiang Sursĩ sapáh yỗn án hữm Yê-su. Yê-su arô án neq: “A-nania ơi!”

* 8:37 8:37 Sa-ữi tâm saráq tiaq tở bữn bữn rana 37 nâi.

A-nania ta-õi Yê-su neq: “Óq. Ntróu Ncháu ẽ bữn cứq?”

¹¹ Yê-su atõng án neq: “Cóq mới pởq sanua toáp chu rana noau đõq Rana Tanoang. Pờ ki, mới chuaq manoaq samiang tẽ vil Tarso, ramứh Salo. Án õt tâng đõng Yuda. Sanua Salo câu sẽq tẽ cứq. ¹² Cóp Yiang Sursĩ khoi q sapáh yõn Salo dáng ramứh mới, cúp yõn án hữm mới toaq satoaq atĩ tâng tở án yõn moat án cõt blang loah.”

¹³ A-nania ta-õi neq: “Ncháu ơi! Cứq sâng noau pai tẽ cũai nài, án khoi q táq túh coat lứq tốp anhia tâng vil Yaru-salem. ¹⁴ Cóp sanua án bữn choai q tẽ máh cũai sớt tốp tẽng rit sang Yiang Sursĩ yõn tẽq án cốp nheq tữh cũai sa-âm Yê-su tâng vil Damac nài.”

¹⁵ Ma Yê-su atõng A-nania neq: “Cóq mới pởq táq máh ốc cứq atõng mới, yuaq cứq khoi q rườh cũai nài. Cứq yõn án đững ramứh cứq cõt parhan đũ cruang yõn cũai I-sarel, cúp yõn cũai tở cõn cũai I-sarel, đẽh máh puo alói hỡ. ¹⁶ Cứq ẽ yõn án dáng máh ốc túh coat án cóq chũuq cõ án cõn ramứh cứq.”

¹⁷ Ngkíq A-nania pởq cúp mut tâng đõng Yuda. Án satoaq atĩ tâng Salo, cúp atõng Salo neq: “Salo ơi! Mới la sẽm ai cứq. Ncháu hái, Yê-su, khoi q ramóh mới

tâng rana. Án ớn cứq toáp pở mới đõq táq moat mới cõt blang loah, cúp án yõn Raviei Yiang Sursĩ cõt sớt tâng mút pahõm mới.”

¹⁸ Bo ki toáp samoat sarũoi chíq acán ca táq yõn moat án sũt, chơ moat án cõt poang loah. Án yuor tayứng cúp roap batẽm. ¹⁹ Án cha loah đõi, cúp án sâng bán rêng loah. Chơ án õt tâng vil Damac cúp tốp puai Yê-su bữn bĩq tangái ẽn.

Salo Atõng Tâng Vil Damac

²⁰ Chơ Salo pởq toáp chu đõng sang tốp I-sarel, cúp án atõng ngki tẽ Yê-su la lứq Con Yiang Sursĩ. ²¹ Nheq tữh cũai ca sâng satoi q án atõng, alói sâng dớt lứq. Cúp alói pai neq: “Án nài tở, ca khoi q talõh tốp puai Yê-su tâng vil Yaru-salem? Cúp án toaq pở nài cõ ẽ cốp máh cũai ca puai Yê-su. Án ẽ chỏq cúp đững alói chu pở máh cũai sớt tốp tẽng rit sang Yiang Sursĩ.”

²² Ma parnai Salo atõng cõt blẽng achõn. Tữ tốp I-sarel tâng vil Damac sâng án atõng tẽ Yê-su la manoaq ca Yiang Sursĩ rườh đõq chuai amoong cũai, ngkíq alói tở tẽq rasuon ntróu noang.

²³ Vót tẽ ki máh cũai sớt tốp I-sarel sarhõng ẽ cachĩt chíq Salo. ²⁴ Alói crỏq máh ngoah toong viang vil yoc ẽ cachĩt án. Ma Salo sâng noau pai alói ẽ cachĩt án.

25 Ngkíq, toáq sadâu tốp puai Yê-su chôn tâng viang. Alóí yõn Salơ ốt tâng achoiq; chơ alóí atĩar asẽng Salơ yáng tiah viang.

Salơ Tâng Vil Yaru-salem

26 Tữ Salơ toáq pỡ vil Yaru-salem, án yoc ẽ mut rôm cốp tốp puai Yê-su tâng vil ki tê. Ma tốp ki ngcõh lứq án, yuaq alóí tỡ bữn noap án khoiq sa-âm Yê-su. 27 Ma bữn manoaq samiang tâng tốp ki, ramứh Ba-naba. Án pỡq asuoi Salơ toáq pỡ tốp ayũng atĩ Yê-su. Cốp án atõng yõn alóí dáng Salơ khoiq hữm Yê-su tâng rana, cốp án khoiq sâng Yê-su pai chóq án. Ba-naba pai Salơ atõng parnai o tẽ Yê-su clốq lứq tâng vil Damac. 28 Ngkíq tốp ki yõn Salơ ốt cốp alóí tâng vil Yaru-salem. Án pỡq chũop nheq tâng vil Yaru-salem cốp atõng parnai o tẽ Yê-su Crĩt clốq lứq. 29 Án táq ntõng cốp sarhõng cốp muoi tốp cũai I-sarel ca táq ntõng parnai Créc. Ma máh cũai ki chi-chuaq ngê yoc ẽ cachĩt chíq án. 30 Tữ tốp puai Yê-su sâng ngkíq, alóí asuoi án pỡ vil Sê-sarê ẽn. Toáq tangái ntun ẽn alóí yõn án chu loah pỡ vil án, la vil Tarsơ.

31 Vót ki máh tốp sa-âm Yê-su tỡ bữn ramóh noâng túh coat tâng cruang Yudê, cruang Cali-lê, cốp cruang Sa-mari. Alóí pruum muoi mút, manoaq catoaih atõng manoaq tẽ ngê Yê-su Crĩt.

Cốp Raviei Yiang Sursĩ aliam mút pahõm alóí yõn ốt ien o loah. Cũai sa-âm Yê-su cõt cững lứq ẽn, cốp yám noap Ncháu.

Phi-er Pỡq Sa-óh Tâng Vil Li-da Cốp Vil Yôp-pa

32 Bo ki Phi-er dốq pỡq sa-óh dũ ntốq bữn cũai sa-âm Yê-su tâng cruang ki. Ngkíq án pỡq sa-óh tốp sa-âm tâng vil Li-da. 33 Tâng vil ki án ramóh manoaq samiang, ramứh Ê-nê, án a-ĩ coang. Án tua a-ĩ tâng chĩaou khoiq tacual cumo chơ. 34 Phi-er atõng án neq: “Ê-nê ơi! Yê-su Crĩt táq yõn mới bán. Mới yuor tayũng. Mới pĩal dốq chĩaou mới.”

Bo ki toáp Ê-nê yuor tayũng. 35 Nheq tữh cũai tâng vil Li-da cốp tâng vil Sarôn, alóí hữm Ê-nê khoiq cõt bán. Ngkíq alóí sa-âm Yê-su Crĩt tê.

36 Tâng vil Yôp-pa bữn manoaq mansẽm tâng tốp sa-âm Yê-su, ramứh Tabutha. Tâng parnai Créc noau dốq ramứh án la Dờ-ca. Mansẽm nãi táq ranáq o níc, cốp án chuai sa-ũĩ nác cũai cadĩt. 37 Bo ki án cõt a-ĩ, chơ án cuchĩt. Yóu án ỉt dốq ariau tở án puai rit alóí cơi táq. Moâm alóí ariau, chơ alóí dốq cumuiq ki tâng clống tran bar tâng dống. 38 Vil Yôp-pa nãi cheq vil Li-da. Ngkíq tữ tốp puai Yê-su tâng vil Yôp-pa sâng han Phi-er ốt tâng vil Li-da, alóí ốn bar nác pỡq coaiq Phi-er.

Alóí atõng Phi-er neq: “Sẽq mới toâq toâp pở vil hếq.”

³⁹ Chơ Phi-er pởq cốp alóí. Tữ án toâq pở dõng ki, alóí dững án chõn tâng clõng tran bar. Bữn cứng lứq máh cán cumai tâng clõng ki. Alóí nhiam cốp aloõh tampác Dờ-ca khoi q yĩh yõn alóí tẽ nhũang. ⁴⁰ Phi-er yõn nheq tữh alóí loõh tẽ clõng ki. Chơ án sacõh racól cốp án câu sẽq Yê-su Crĩt chuai Dờ-ca. Moâm án câu, chơ án pĩh nhẽng chu cumui q ki. Cốp án pai neq: “Ta-butha ơ! Mới yuor tayúng.”

Bo ki toâp mansẽm ca khoi q cuchĩt ki, án culian loah moat. Tữ án hữm Phi-er, án yuor tacu. ⁴¹ Phi-er tếc atĩ mansẽm ki yõn án yuor tayúng. Chơ Phi-er arô tốp puai Yê-su cốp máh cán cumai. Án aloõh mansẽm ki yõn nheq tữh alóí hữm mansẽm ki khoi q tamoong loah. ⁴² Tữ ranáq nãi cõt parhan chũop vil Yõp-pa, bữn cứng lứq ẽn cũai sa-âm Yê-su. ⁴³ Phi-er õt tâng vil Yõp-pa nãi tở dáng sẽq tangái ẽn. Án õt cốp manoaq samiang ramứh Si-môn. Si-môn la cũai chi-ang táq sa-ữi ramứh tẽ ngcâr charán.

10

Phi-er Cốp Cor-nai

¹ Tâng vil Sê-sarê bữn manoaq samiang ramứh Cor-nai. Án sõt muoi culám náq tahan. Tốp tahan nãi

noau dõq Tốp I-tali. ² Cor-nai la cũai o cốp khũn lứq. Án cốp nheq dõng án yám noap cốp sang Yiang Sursĩ. Án chuai práq yõn cũai cadĩt. Án câu sẽq níc tẽ Yiang Sursĩ. ³ Bữn muoi tangái, toâq mandang priang, Yiang Sursĩ sapáh yõn án hữm manoaq ranẽng Yiang Sursĩ tẽ paloõng toâq pở án cốp arô án neq: “Cor-nai ơ!”

⁴ Ma Cor-nai ngcõh lứq. Án nhẽng cloân níc chu ranẽng ki, cốp án blóh neq: “Ncháu ơ! Ntróu anhia ẽ bữn cứq?”

Ranẽng Yiang Sursĩ ta-õĩ án neq: “Yiang Sursĩ khoi q sâng chơ máh santoi q mới câu sẽq tẽ án. Cốp Yiang Sursĩ khoi q dáng tẽ práq mới chuai máh cũai cadĩt. Ngki q yuaq Yiang Sursĩ sanhữ níc mới. ⁵ Sanua mới ớn cũai pởq chuaq manoaq samiang ramứh Si-môn tâng vil Yõp-pa. Noau dõq án ramứh Phi-er hỡ. Mới sẽq án toâq pở dõng mới. ⁶ Cũai ncháu dõng Phi-er õt, ramứh Si-môn tẽ. Án la cũai chiang táq sa-ữi ramứh toâq ngcâr charán. Dõng án cheq tor dõq mựt.”

⁷ Moâm ranẽng Yiang Sursĩ loõh tẽ ki, Cor-nai arô bar náq cũai táq ranáq tâng dõng án, cốp án arô manoaq tahan hỡ. Cũai tahan nãi yám noap Yiang Sursĩ tẽ, cốp án chõng pahõm yoc ẽ chuai Cor-nai. ⁸ Cờ-nai atõng loah pái náq ki tẽ máh

santoiq ranêng Yiang Sursĩ khoiq atông án. Chơ án ón alói pờq chu vil Yôp-pa.

⁹ Máh tangái parnở khoiq cheq mandang toâng, pái náq ki noâng ốt tâng rana cheq vil Yôp-pa, Phi-er chôn tâng mpuol tapín tâng đồng án ốt, ẽ câu ngki. ¹⁰ Bo ki Phi-er sâng panhieih púng, yoc ẽ cha dôi. Ma ntôm án acoan noau táq cha, án hữm muoi ramúh Yiang Sursĩ sapáh. ¹¹ Án hữm paloông samoât riang noau pớh. Cóp án hữm ariang aroaiq la-a lứq samoât noau chốq samữ pôn chêng tâng aroaiq ki; chơ noau atiar asêng tẽ paloông. ¹² Tâng aroaiq ki bữn dũ ramúh charán, án ca pờq na ayững, án ca pờq talor, cóp án ca pâr. ¹³ Cóp Phi-er sâng sường atông án neq: “Phi-er ơi! Mới yuor tayững. Máh charán nãi tềq mới cha. Charán aléq mới yoc ẽ cha, mới ít táq charán ki.”

¹⁴ Ma Phi-er ta-ôi neq: “Ờ bữn mỗ! Cúq tở ẽq cha, Ncháu ơi! Tẽ cốt toau toâr, cúq tở nãi cha crơng ca hếq tở tềq cha puai phếp rit I-sarel.”

¹⁵ Ma sường ki atông loah Phi-er neq: “Ramúh ntróu Yiang Sursĩ yỗn mới cha, mới chỗi pai tở tềq cha.”

¹⁶ Pái trỗ sường ki atông Phi-er ngkiq. Vót ki aroaiq ki cốt samoât noau ác achôn loah chu paloông. ¹⁷ Phi-er sâng dót lứq máh ramúh

án hữm. Bo Phi-er ốt chanchóm tẽ ranáq ki, alói pái náq tẽ đồng Cor-nai bữn ramóh đồng Si-môn. Alói ốt cheq ngoah toong đồng Si-môn. ¹⁸ Alói sabau blóh neq: “Léq anhia hữm Si-môn Phi-er tâng đồng nãi tở?”

¹⁹ Ma bo Phi-er noâng ốt chanchóm tẽ máh ramúh án khoiq hữm, Raviei Yiang Sursĩ atông án neq: “Bữn pái náq toâq pờ nãi yoc ẽ ramóh mới. ²⁰ Mới sêng ramóh alói, cóp mới chỗi ngcõh ntróu pờq cóp alói, cõ cúq ón alói toâq pờ nãi.”

²¹ Ngkiq Phi-er sêng ramóh alói cóp pai neq: “Cúq la án ca anhia chuaq. Ntróu anhia ẽ bữn cúq?”

²² Alói ta-ôi án neq: “Hếq toâq pờ nãi yuaq Cor-nai, la cũai sốt muoi culám náq tahan, ón hếq toâq pờ mới. Án la cũai tanoang o, cóp án yám noap Yiang Sursĩ. Nheq tữh cũai I-sarel pai Cor-nai la cũai o. Cóp ranêng Yiang Sursĩ ón Cor-nai mới mới pờq chu đồng án đốq án bữn sâng tê tẽ óc ntróu mới ẽ atông án.”

²³ Ngkiq Phi-er yỗn alói pái náq mut tâng đồng cóp bếq ngki muoi sadâu. Toâq poang tarup parnở Phi-er cóp tapoât náq tẽ tốp puai Yê-su tâng vil Yôp-pa pờq cóp pái náq ki. ²⁴ Máh tangái pra ẽn, alói toâq pờ vil Sê-sarê. Cor-nai ốt acoan alói tâng đồng án. Cor-nai khoiq parôm máh sêm ai cóp yóu

ca án ratoi, yǎn toâq rôm pǎ dǎng án. ²⁵ Cheq Phi-er ẽ mut tâng dǎng, Cor-nai loǎh ramóh án. Cor-nai sacóh racól cucóh Phi-er; án chanchóm Phi-er la yiang. ²⁶ Ma Phi-er tếc atĩ Cor-nai yǎn yuor tayúng, cǎp án atǎng Cor-nai neq: “Mói yuor tayúng. Cúq la cũai machǎng mới tê.”

²⁷ Bo alói noâng táq ntǎng, alói mut tâng dǎng. Cǎp Phi-er hǔm cǎng cũai rôm tâng dǎng ki. ²⁸ Chơ Phi-er atǎng nheq tǎh alói ki neq: “Anhia dǎng chơ phǎp rit I-sarel tǎ yǎn cũai I-sarel ratoi cǎp cũai tǎ cruang canóh. Ma Yiang Sursĩ khoiq atǎng cúq chơ, cúq tǎ tǎq pai noâng tǎ tǎq ratoi cǎp cũai cruang canóh. ²⁹ Cǎ ngkíq cúq tǎ bǔn ngcǎh ntróu toâq pǎ nâi. Sanua cúq yoc ẽ dǎng, cǎ nǎq anhia sǎq cúq toâq pǎ nâi?”

³⁰ Cor-nai ta-õi án neq: “Tangái ntróai cúq ốt câu tâng dǎng cúq bo mandang priang máh sanua nâi. Santar bǔn manoaq tayúng yáng moat cúq. Án tâc tampác ang-ũr lǎq, ³¹ cǎp án atǎng cúq neq: ‘Cor-nai ơ! Yiang Sursĩ khoiq sâng chơ mới câu, cǎp Yiang Sursĩ khoiq dǎng chơ mới chuai cũai cadit. Ngkíq yuaq Yiang Sursĩ sanhũ níc mới. ³² Sanua cóq mới ớn cũai pǎq chu vil Yóp-pa pǎq mới manoaq samiang, ramúh Si-môn, mǎ noau dǎng án Phi-er hǎ. Mới sǎq án toâq pǎ

dǎng mới. Án ốt tâng dǎng Si-môn cheq tor dǎq mut. Si-môn nâi la cũai Chiang táq sa-ũri ramúh toâq ngcâr charán.’ ³³ Bo ki toâp cúq ớn cũai pǎq mới mới toâq pǎ nâi. Ngkíq, moai lǎq mới toâq pǎ nâi. Sanua Yiang Sursĩ hǔm chơ nheq náq hǎq ca rôm nnâi, yoc ẽ tamúng parnai Yiang Sursĩ ớn mới atǎng yǎn hǎq dǎng.”

Phi-er Atǎng Tâng Dǎng Cor-nai

³⁴ Moâm Cor-nai pai ngkíq, Phi-er atǎng alói neq: “Sanua cúq dǎng samoât samói Yiang Sursĩ táq yǎn nheq tǎh cũai cǎt lĩ-ralı nheq. ³⁵ Tâng dũ cruang, khân cũai yám noap Yiang Sursĩ cǎp táq ranáq tanoang o, Yiang Sursĩ lǎq bǔi pahǎm yǎn cũai ki cǎt con acái án tê. ³⁶ Anhia khoiq dǎng chơ Yiang Sursĩ yǎn parnai o án pǎ cũai I-sarel. Parnai nâi atǎng neq: Cũai aléq trǎh parnai o tǎ Yê-su Crít, mút pahǎm cũai ki cǎt ien khǎ níc, tǎ bǔn croǎq ntróu. Yê-su Crít la Ncháu nheq tǎh cũai. ³⁷ Anhia khoiq sâng chơ tǎ Yang, án atǎng máh cũai yǎn roap batǎm. Vót ki, Yê-su tabǎq atǎng parnai o tǎ Yiang Sursĩ tâng cruang Cali-lê. Moâm ki án atǎng tâng cruang Yudê ẽn. ³⁸ Yê-su la cũai tǎ vil Na-sarêt. Yiang Sursĩ ruroh án cǎp yǎn án bǔn Ravie Yiang Sursĩ. Ngkíq Yê-su bǔn chóc toâr lǎq. Án pǎq

chu nâi pǝq chu ki táq ranáq o cóp tuìh alooh yiang sâuq tễ tễ cũai hữ, yuaq Yiang Sursĩ ốt cóp án. ³⁹ Hếq khoiq hữm máh ranáq Yê-su táq chũop nheq cruang I-sarel cóp tâng vil Yarusalem; ngkíq hếq tềq atǝng loah anhia. Tǝp I-sarel khoiq cachĩt án na ayǝng tâng aluang sangcáng. ⁴⁰⁻⁴¹ Ma catâm tangái pái Yiang Sursĩ yǝn Yê-su tamoong loah. Từ Yê-su tamoong loah, Yiang Sursĩ yǝn tǝp hếq hữm loah tễ Yê-su. Ma Yiang Sursĩ tở yǝn nheq tữh cũai hữm tễ án. Án yǝn ống alóí ca án khoiq rưoh tễ nhũang sâng tềq hữm tễ án. Vót Yê-su tamoong loah, nheq tữh tǝp hếq bữn cha nguaiq parnoi cóp án. ⁴² Yê-su ón tǝp hếq pǝq atǝng yǝn nheq tữh cũai dáng tễ án. Cóp án ón hếq atǝng cũai dáng Yê-su la manoaq ca Yiang Sursĩ khoiq rưoh yǝn pác nheq tữh cũai, dếh cũai noâng tamoong, cóp cũai khoiq cuchĩt. ⁴³ Nheq tữh cũai tang bǝq Yiang Sursĩ tễ mbǝq, alóí khoiq chĩc tễ ranáq Yê-su táq. Cóp alóí pai cũai aléq sa-âm Yê-su, lứq Yiang Sursĩ táh lóih cũai ki nhơ tễ ramứh Yê-su."

Raviei Yiang Sursĩ Mut Tâng Mút Pahǝm Cũai Kì

⁴⁴ Bo Phi-er noâng atǝng ngkíq, Raviei Yiang Sursĩ mut cõt sôt tâng mút pahǝm

máh cũai ca tamứng Phi-er atǝng. ⁴⁵ Tapoát náq ca toâq tễ vil Yôp-pa pǝq nứng Phi-er, alóí sâng dót lứq cũai tở cǝn cũai I-sarel ma bữn Raviei Yiang Sursĩ tề. Tapoát náq ki la cũai I-sarel ca khoiq sa-âm Yê-su chơ. ⁴⁶ Alóí sâng máh cũai tâng dǝng Cor-nai táq ntǝng toâq parnai mpha cóp khẽn Yiang Sursĩ. ⁴⁷ Ngkíq Phi-er atǝng ễn neq: "Máh cũai nâi bữn Raviei Yiang Sursĩ ariang hếq bữn tễ nhũang tề. Tở bữn noau tềq catáng tở yǝn alóí roap batêm."

⁴⁸ Ngkíq Phi-er ón noau táq batêm yǝn alóí nhơ ramứh Yê-su Crĩt. Alóí ca mbǝiq roap batêm sếq Phi-er ốt cóp alóí pái pǝn tangái ễn.

11

Phi-er Atǝng Tǝp Yê-su Tâng Vil Yarusalem

¹ Vót ki tǝp muoi chít la bar náq ayǝng atĩ Yê-su cóp nheq tữh cũai sa-âm Yê-su tâng cruang Yudê, alóí sâng noau pai cũai tở cǝn cũai I-sarel khoiq sa-âm parnai Yiang Sursĩ tề. ² Bữn muoi tǝp tễ cũai sa-âm Yê-su, alóí chanchóm cũai aléq yoc ẽ puai Yê-su cóq táq rit cút samoat cũai I-sarel táq tề. Ngkíq từ Phi-er chu loah pǝ vil Yarusalem, alóí tềq án, ³ pai neq: "Mói khoiq pǝq ốt cóp tacu cha parnoi cóp cũai tở yũah táq rit cút."

⁴ Ma Phi-er ruaih loah yõn alói sâng tẽ nehq máh ranáq án khoiq hũm.

⁵ Án pai neq: “Bũn muoi tangái, bo cúq õt tâng vil Yôp-pa, cúq põq câu. Chơ Yiang Sursĩ saph yõn cúq hũm ariang aroaiq la-a lúq. Cúq hũm samoat noau chốq samũ põn chẽng tâng aroaiq ki, cốp noau atĩar asẽng tẽ paloong toaq pữ cúq. ⁶ Cúq nhẽng aroaiq ki samoat lúq. Chơ cúq hũm máh thử charán đồng cốp charán cruang, án ca põq na ayũng, án ca põq talor, cốp án ca pâr tâng põng. ⁷ Cốp cúq sâng sường atõng cúq neq: ‘Phi-er oi! Mới yuor tayũng. Máh charán nãi tẽq nehq mới cha. Charán aléq mới yoc ẽ cha, mới ít táq charán ki.’ ⁸ Ma cúq ta-õi sường ki: ‘Tõ bũn mò! Cúq tõ ẽq cha, Ncháu oi! Tẽ cốt toau toâr, cúq tõ nai cha cớng ca hẽq tõ tẽq cha puai phẽp rit I-sarel.’ ⁹ Ma sường ki atõng loah cúq: ‘Ramũh ntróu Yiang Sursĩ yõn mới cha, mới chõn pai tõ tẽq cha.’ ¹⁰ Pái trõ sường ki atõng cúq ngkíq. Vót ki, samoat noau ác achõn loah aroaiq ki chu paloong. ¹¹ Bo ki toáp bũn pái náq tẽ vil Sê-sarê õt yáng tiah đồng cúq õt. Alói toaq chuaq ẽ ramóh cúq. ¹² Cốp Raviei Yiang Sursĩ atõng cúq yõn põq cốp alói, chõn ngcõh ntróu. Ngkíq bũn tapoat náq sẽm

ai tẽ tốp puai Yê-su tâng vil Yôp-pa, alói põq cốp cúq chu đồng Cor-nai. ¹³ Cor-nai atõng hẽq tẽ án khoiq hũm ranẽng Yiang Sursĩ palooh tâng đồng án. Ranẽng ki atõng án neq: ‘Mới ớn cũai põq mới Si-môn Phi-er tâng vil Yôp-pa. ¹⁴ Phi-er lúq atõng yõn mới cốp nehq đồng mới dáng na léq Yiang Sursĩ tẽq chuai amoong an-hia.’ ¹⁵ Bo cúq atõng alói ca rôm pữ đồng ki, Raviei Yiang Sursĩ mut cõt sôt tâng mút pahõm alói machóng án mut tâng mút pahõm hái tẽ nhũang. ¹⁶ Tũ ki cúq sanhũ loah tẽ parnai Yê-su khoiq atõng hẽq tẽ nhũang neq: ‘Yang khoiq táq batẽm yõn anhia toaq dõq, ma nữ-ra Yiang Sursĩ táq batẽm yõn anhia toaq Raviei án.’ ¹⁷ Ngkíq sanua Yiang Sursĩ yõn Raviei án pữ cũai tữ cõn cũai I-sarel hõ, machóng án khoiq yõn Raviei án pữ hẽq ca sa-âm Yê-su Crít, Ncháu hái, tẽ nhũang tẽ. Nõq an-hia chanchóm cúq tẽq sươq Yiang Sursĩ tữ? Ranáq ntróu án yoc ẽ táq, ki án táq.”

¹⁸ Tũ tốp ki sâng Phi-er atõng ngkíq, alói tữ tẽq tẽq ntróu noâng. Ma alói khẽn Yiang Sursĩ neq: “Lúq Yiang Sursĩ yõn cũai tữ cõn cũai I-sarel tẽq ngin lỏih lẻq cõt mút tamái ẽn; chơ Yiang Sursĩ chuai amoong alói tẽ.”

Tốp Puai Yê-su Tâng Vil Anti-õt

19 Vót tangái noau cachĩt Satien, máh tốp puai Yê-su khoiq chĩuq sa-ũĩ túh coat. Chơ alói loõh tẽ vil Yaru-salem, án ca pỡq atũng, án ca pỡq atooc. Bữn cũai pỡq chu cruang Phê-nasi, cõn Sip-rơ, cốp chu vil Anti-ôt. Ntốq léq alói pỡq, alói atũng parnai Yiang Sursĩ tang ntốq ki. Ma alói atũng ống cũai I-sarel sâng. 20 Ma tang tốp puai Yê-su, bữn cũai samiang tẽ cõn Sip-rơ cốp cruang Si-rên pỡq chu vil Anti-ôt, cốp atũng parnai o tẽ Yê-su, Ncháu hái, yõn cũai tỡ cõn cũai I-sarel dáng tẽ. 21 Yiang Sursĩ chuai alói atũng parnai Yiang Sursĩ. Ngkĩq clứng lứq cũai sa-âm cốp puai ngê Yê-su Crĩt tẽ.

22 Tữ tốp sa-âm Yê-su tang vil Yaru-salem sâng noau pai clứng cũai tang vil Anti-ôt sa-âm Yê-su, ngkĩq alói ớn Ba-naba pỡq sa-óh vil Anti-ôt. 23 Tữ Ba-naba toâq pỡ vil ki, án hữm Yiang Sursĩ satõh sa-ũĩ ớc bốn yõn máh cũai tang vil ki. Ngkĩq Ba-naba sâng bũi tẽ, cốp án patâp cũai sa-âm ki yõn alói sa-âm pacái lứq ẽn, cốp puai ống ngê Yê-su Crĩt sâng. 24 Ba-naba la cũai mantoat o lứq. Án sa-âm Yê-su Crĩt pacái lứq. Cốp Raviei Yiang Sursĩ cõt sớt tang mứt pahõm án. Bo ki bữn clứng cũai canõh mut sa-âm Yê-su Crĩt tẽ.

25 Vót ki, Ba-naba pỡq chuaq Salơ tang vil Tarso. 26 Tữ án ramóh Salơ, án

dững Salơ pỡq chu vil Anti-ôt. Alói õt rôm parnoi cốp tốp sa-âm Yê-su tang vil ki nheq muoi cumo. Cốp alói atũng tốp ki sa-ũĩ ẽn tẽ parnai Yiang Sursĩ. Tang vil Anti-ôt noau mbõiq dõq tốp puai ngê Yê-su la Tốp Yê-su Crĩt.

27 Tang máh tangái ki bữn máh cũai tang bõq Yiang Sursĩ tẽ vil Yaru-salem pỡq chu vil Anti-ôt. 28 Bữn manoaq tẽ tốp ki ramứh A-cabut. Án yuor tayũng cốp án atũng saccoaiq san-toiq Raviei Yiang Sursĩ ớn án atũng. Án pai neq: Cheq ẽ toâq tangái máh cruang pũn paloõng cutrúq nâi ốq crớng sana cha. Chơ ntun ẽn, lứq cõt p̄ieiq ranáq ariang án pai, bo Calôt cõt puo cũai Rôma. 29 Ngkĩq tốp puai Yê-su tang vil Anti-ôt pruam yõn práq pỡ yớu ca puai Yê-su tang cruang Yudê. Maléq alói bữn, alói chuai máh ki. 30 Moâm alói parõm práq, chơ alói ớn Ba-naba cốp Salơ dững asuoi práq ki yõn pỡ cũai sớt tốp puai Yê-su tang cruang Yudê.

12

Hê-rôt Cachĩt Yacõ Cốp Cốp Phi-er

1 Bo ki puo Hê-rôt táq túh coat lứq máh tốp sa-âm Yê-su. 2 Án yõn noau tránh Yacõ, ai Yang, toâq dau. 3 Tữ Hê-rôt yõn noau cachĩt Yacõ, cũai I-sarel sâng bũi lứq. Yuaq án hữm cũai I-sarel bũi

tẽ ranáq nâi; ngkíq án cõp Phi-er ẽn. Tangái ki cũai I-sarel Táq Rit Cha Bẽng Mi Ồq Crong Pluoih. ⁴ Puo Hê-rôt chók Phi-er tâng cuaq cõp án yõn muoi chít tapoát náq tahan kĩaq Phi-er. Vót tốp I-sarel cha sanhữ Tangái Loõh,* Hê-rôt yoc ẽ cachĩt Phi-er. ⁵ Ngkíq noau kháng Phi-er tâng cuaq tũ. Ma máh tốp sa-âm Yê-su câu sếq níc Yiang Sursĩ yõn chuai Phi-er.

⁶ Sadâu ki alóí kĩaq Phi-er samoát lứq, yuaq tangái parnõ puo Hê-rôt ẽ cachĩt Phi-er. Alóí yõn Phi-er bếq mpúng dĩ bar náq cũai tahan. Alóí cũong ayững atĩ án toâq bar ntreh sái-sô. Cõp bữn tahan canõh kĩaq ngoah toong cuaq. ⁷ Ma san-tar bữn ranẽng Yiang Sursĩ tẽ paloõng palooch tâng cuaq cheq Phi-er. Cõp bữn poang claq chũop clõng cuaq ki. Ranẽng ki tatoah tâng bran Phi-er amoaih án yõn tamõ. Ranẽng ki pai chók Phi-er neq: "Mói yuor tayúng toáp!"

Bo ki toáp sái-sô cõt rakiaq tẽ atĩ Phi-er. ⁸ Cõp ranẽng Yiang Sursĩ atõng Phi-er neq: "Mói caléh loah au, cõp sớp loah cõp."

Moâm Phi-er sớp cõp, chơ ranẽng Yiang Sursĩ atõng ẽn neq: "Mói sớp au tuar, chơ puai cứq."

⁹ Ngkíq Phi-er loõh puai

ranẽng Yiang Sursĩ. Án tỡ dáng lứq samoát ranẽng ki dững án loõh tẽ cuaq, tỡ la án rláu mpáu sâng. ¹⁰ Ma toâq alóí pớq vót bar ntốq tahan kĩaq, cõp toâq pớ ngoah toong tac loõh chu yáng tiah. Toong tac ki raplớh bữm; chơ alóí loõh. Tỡ alóí pớq tâng rana, ranẽng Yiang Sursĩ cõt biet chíq, tỡ bữn hữm noâng.

¹¹ Ngkíq Phi-er dáng lứq samoát ranáq ki, tỡ cõn án láu mpáu. Cõp án chanchóm neq: "Sanua cứq dáng samoát samõi ranáq nâi lứq pĩeiq. Lứq Yiang Sursĩ yõn ranẽng án toâq chuai amoong cứq yõn vót tẽ puo Hê-rôt cachĩt cứq, cõp yõn vót tẽ máh ranáq tốp I-sarel ẽ táq cứq."

¹² Bo Phi-er noâng chanchóm tẽ ranáq ki, án toâq pớ dõng Mari, mpiq Yang Mac. Bữn cứng cũai tẽ tốp puai Yê-su õt rôm câu ngki. ¹³ Phi-er cucốq toong dõq arô cũai tâng dõng. Bữn manoaq mansẽm táq ranáq tâng dõng ki, ramứh Rô-da; án pớq nhẽng yoc ẽ dáng noau cucốq toong. ¹⁴ Tỡ mansẽm nâi sacoal samũong Phi-er, án sâng bũi lứq. Ma án khlĩr pớh toong yõn Phi-er mut, yuaq coáp án lúh atõng máh cũai tâng dõng, pai Phi-er õt tayúng yáng tiah ngoah toong. ¹⁵ Cũai õt tâng dõng

* 12:4 12:4 Tangái ki alóí sanhữ tangái Yiang Sursĩ chuai yõn alóí loõh tẽ cruang Ê-yip-tô tẽ mbốq.

ki pai chóq án neq: “Ngcõh lơ mới yúh!”

Ma án ta-õi loah neq: “Tõ bữn! Lứq án õt yáng tiah ki.”

Ma alói pai loah chóq án neq: “Sưong nâi la sưong ranêng Yiang Sursĩ ca bán kĩaq Phi-er. Tõ cõn lứq cutõ Phi-er.”

¹⁶ Ma Phi-er cucốq toong cốp arô loah sĩa yõn alói pớh toong. Tữ alói pớh toong, alói hữm lứq Phi-er. Ngkíq alói sâng dót lứq. ¹⁷ Phi-er avút atĩ sươq alói tữ yõn tabốq. Cốp án atõng alói nõq toáp Yiang Sursĩ táq yõn án bữn racláh tẽ cuaq tũ. Chơ án patáp alói neq: “An-hia atõng loah máh ốc nâi yõn Yacõ cốp máh sẽm ai hái dáng tê.”

Moâm ki Phi-er loõh pớq chu nốq canõh ẽn.

¹⁸ Mbõiq poang rừm-rừm, tahan kĩaq cuaq ki sâng croốq lứq, yuaq tữ dáng nõq cõt sarbiet chíq Phi-er tẽ cuaq. ¹⁹ Puo Hê-rôt ớn cũai pớq ravoât loah Phi-er. Ma alói tữ ramóh. Chơ puo Hê-rôt blớh loah tahan kĩaq cuaq tũ, ma alói tữ dáng nõq Phi-er bữn loõh tẽ cuaq. Ngkíq Hê-rôt yõn noau cachĩt nheq máh tahan ki. Vót ki puo Hê-rôt loõh tẽ cruang Yudê pớq õt tâng vil Sê-sarê ẽn.

Yiang Sursĩ Cachĩt Hê-rôt

²⁰ Tữ Hê-rôt õt tâng vil Sê-sarê, bữn muoi tốp cũai tẽ vil Ti-rơ cốp vil Sadôn yoc ẽ

ramóh án. Tẽ nhũang Hê-rôt ũan lứq cốp cũai tâng bar vil ki. Ma sanua alói yoc ratoi loah cốp Hê-rôt, yuaq alói nhơ tẽ crơng sana tẽ cruang Hê-rôt nõq bữn ta-moong. Ngkíq alói táq ntõng nhũang cốp manoaq ayũng atĩ puo Hê-rôt, ramứh Ba-latut. Alói ẽq Ba-latut atõng yõn puo Hê-rôt dáng alói yoc ẽ õt ratoi loah cốp án. ²¹ Tâng tangái ki puo Hê-rôt tâc tampác nêuq lứq, cốp án tacu tâng cachơng puo. Án atõng santoiq o lứq yõn cũai proai tamứng. ²² Tữ máh cũai proai tamứng án atõng, chơ alói pai casang lứq: “Parnai nâi lứq tữ cõn parnai cũai, ma lứq parnai yiang.”

²³ Bo ki toáp manoaq ranêng Yiang Sursĩ táq Hê-rôt yõn cõt a-ĩ hập lứq. Bữn bõr cha tâng púng án; chơ án cuchĩt. Yiang Sursĩ táq Hê-rôt ngkíq, yuaq án tữ bữn yám noap Yiang Sursĩ.

²⁴ Vót ki parnai Yiang Sursĩ cõt bẻng lứq ẽn, cốp cừng lứq cũai sa-âm parnai ki.

²⁵ Toãq Ba-naba cốp Salo táq moâm ranáq chuai yớu tâng vil Yaru-saleh, chơ alói píp chu loah pớ vil Anti-õt. Cốp alói dừng Yang Mac pớq cốp alói tê.

13

Raviei Yiang Sursĩ Rườh Ba-naba Cốp Salo

¹ Tốp sa-âm Yê-su tâng vil Anti-õt bữn máh cũai

tang bõq Yiang Sursĩ cõp bũn cũai canõh atõng parnai Yiang Sursĩ. Ramũh alõí la neq: Ba-naba, Si-mê-õn (noau dõq án Ni-yê hõ), Lusitut tẽ cruang Si-rên, Mananen (án la samoât sẽm ai puo Hê-rõt yuaq alõí bar náq noau rabán parnoi bo alõí nõng cacõt), cõp Salõ. ² Bũn muoi tangái bo alõí sang toam Yiang Sursĩ cõp ót sana, Raviei Yiang Sursĩ atõng alõí neq: “Anhia pác dõq miar Ba-naba cõp Salõ yõn táq máh ranáq cứq ỏn alõí táq.”

³ Moâm alõí ót sana cõp câu, chõ alõí satoaq atĩ tâng Ba-naba cõp Salõ. Cõp alõí ỏn bar náq ki põq táq ranáq samoât Raviei Yiang Sursĩ ỏn alõí táq.

Phau-lô Cõp Ba-naba Tâng Cruang Sip-rõ

⁴ Ngkĩq Ba-naba cõp Salõ loõh tẽ ki, cõp põq chu vil Sê-lusi samoât Raviei Yiang Sursĩ ỏn alõí. Tẽ yil ki alõí põq na tuoc chu cõn Sip-rõ. ⁵ Tũ alõí toâq põ cõn Sip-rõ, alõí sẽng tẽ tuoc bân vil Sa-lamít. Chõ alõí mut tâng dõng sang cũai I-sarel tâng vil ki, yoc atõng parnai o tẽ Yiang Sursĩ. Dẽh Yang Mac hõ põq cõp alõí dõq chuai alõí. ⁶ Vớt ki alõí põq tadáh chũop nheq cõn Sip-rõ toau alõí toâq põ vil Baphô. Tâng vil Baphô alõí ramóh manoaq cũai I-sarel ramũh Bayê-su. Án la cũai mo, cõp án la cũai táq nan

tang bõq Yiang Sursĩ. Bayê-su nãi, noau dõq án Ê-luma hõ. ⁷ Ê-luma õt chuai ranáq yõn cũai sõt tâng cõn Sip-rõ, ramũh Sê-yut Phalut. Sê-yut Phalut la cũai rangoaiq lứq, cõp án arô Ba-naba cõp Salõ yoc ẽ tamúng parnai Yiang Sursĩ. ⁸ Ma Ê-luma catáng tũ ẽq Sê-yut Phalut tamúng cõp sa-âm parnai ki. ⁹ Chõ Salõ, noau dõq ramũh Phau-lô hõ, án nhẽng cloãn níc chu Ê-luma. Cõp Raviei Yiang Sursĩ cõt sõt tâng mút pahõm án. ¹⁰ Án pai chõq Ê-luma neq: “Mới la cũai dõq ẽ cakéq, cõp yoc lứq raphéq rathũ. Mới la con yiang Satan. Mới yoc ẽ pupút ngê tanoang o. Nõq mới tũ ẽq cũai puai ngê tanoang o tẽ Yiang Sursĩ? ¹¹ Sanua Yiang Sursĩ táq yõn mới cõt sũt. Tũ dáng maléq dũn nõq tẽq mới hũm loah.”

Bo ki toáp Ê-luma cõt sũt. Chõ án chuchõr chuaq cũai ẽq noau tẽc án. ¹² Tũ cũai sõt cruang ki hũm ranáq ki, án sâng dõt lứq, cõp án sa-âm Yê-su Crít tẽ.

Phau-lô Cõp Ba-naba Tâng Vil Anti-õt Cruang Bisadi

¹³ Vớt ki Phau-lô cõp yõu án chõn tâng tuoc loõh tẽ vil Baphô põq chu vil Pêr-ca tâng cruang Bam-phuli. Ỏt tâng vil ki Yang Mac tũ bũn põq nõng cõp alõí, ma án chu loah põ vil Yaru-salem. ¹⁴ Chõ Ba-naba cõp Phau-lô

loõh tẽ vil Pêr-ca pỡq chu vil Anti-ôt tâng cruang Bìsadi. Tâng Tangái Rlu alóì bar náq mut rôm tâng dống sang tốp I-sarel tâng vil ki. ¹⁵ Moâm noau doc tẽ phễp rit Môì-se khoiq atỡng tẽ mbỏq yõn tốp I-sarel, cốp doc tẽ tâm saráq cũai tang bỗq Yiang Sursĩ khoiq chĩc tẽ mbỏq, alóì ca ndõm dống sang ki pai chỏq Ba-naba cốp Phau-lô neq: “Sẽm ai ơi! Khãn anhia bữn santoiq catoaih atỡng yõn hếq cõt rêng achõn, sẽq anhia atỡng yõn tốp hếq dáng tẽ.”

¹⁶ Ngkíq Phau-lô yuor tayúng cốp avút aĩ tỡ yõn alóì tabỗq. Chơ án atỡng alóì neq: “Nheq tữh sẽm ai cũai I-sarel ơi! Cốp nheq náq anhia ca yám noap Yiang Sursĩ tẽ, sẽq anhia tamúng santoiq cứq. ¹⁷ Yiang Sursĩ nheq tữh cũai I-sarel sang, án toáp khoiq rườh achúc achiac hái tẽ mbỏq. Bo alóì ốt tâng cruang Ê-yip-tô, Yiang Sursĩ yõn alóì cõt rứh chửng lứq. Toáq Yiang Sursĩ yõn tốp hái loõh tẽ cruang Ê-yip-tô, ki dũ náq cũai dáng án bữn chớq sốt toâr lứq. ¹⁸ Tốp I-sarel ốt tâng ntỏq aiq nheq pỗn chít cumo. Dốq alóì tỡ trĩh parnai Yiang Sursĩ, ma nõng Yiang Sursĩ ayooq alóì. ¹⁹ Cốp tâng cruang Cana-an, Yiang Sursĩ pupút chíq tapul cruang cũai, chơ

yõn tốp hái ễn bữn ndõm nheq cutếq tâng cruang ki. ²⁰ Ranáq ki cõt tâng sám pỗn culám sỡng chít cumo. Vót ki Yiang Sursĩ rườh cũai dỏq rasữq tốp I-sarel, toau toáq dõì Samu-êl, la cũai tang bỗq Yiang Sursĩ.

²¹ “Moâm ki tốp I-sarel sẽq Yiang Sursĩ yõn alóì bữn puo. Ngkíq Yiang Sursĩ yõn Salơ cõt puo alóì. Salơ la con samiang Ki-sơ tẽ tốp Ben-yamin, cốp án cõt puo nheq pỗn chít cumo. ²² Vót ki Yiang Sursĩ táh Salơ, cốp án chỏh Davĩt ễn yõn cõt puo. Yiang Sursĩ pai tẽ Davĩt neq:

‘Davĩt, con samiang Yê-sai, bữn muoi mút cốp cứq.

Ntrớu cứq yoc án táq, án lứq táq aki.’^{*}

²³ “Yiang Sursĩ khoiq par-ữq tẽ nhũang, án lứq yõn manoaq tẽ tống toiq Davĩt toáq chuai amoong cũai I-sarel. Manoaq nâi la Yê-su. ²⁴ Bo Yê-su tỡ yũah toáq, Yang khoiq atỡng yõn máh cũai I-sarel cóq roap batẽm, táq tếc alóì khoiq ngin lỏih lẻq cõt mút tamái ễn. ²⁵ Toáq Yang táq máh ranáq Yiang Sursĩ ón án khoiq cheq ẽ moâm chơ, án pai neq: ‘Cứq la tỡ cõn án ca anhia ngcuang. Ma ntun nâi, án ca anhia ngcuang lứq toáq. Cứq la tỡ bữn pỉeiq đẻh leh cansái cốp tẽ ayũng

^{*} 13:22 13:22 Samu-êl Muoi 13:14; ũat Khẽn 89:20

án, yuaq cúq bữn chớc cót-
cót lứq.'

²⁶ "Sẽm ai ơi! Hái ca
tẽ tống toiq A-praham, cớp
máh anhia ca yám noap
Yiang Sursĩ, Yiang Sursĩ lứq
yõn hái bữn parnai án,
dõq hái noap án tẽq chuai
amoong cũai. ²⁷ Cũai proai
tâng vil Yaru-salem cớp máh
cũai sốt alóí hỡ, alóí tỡ
bữn dáng Yê-su la Con Yiang
Sursĩ. Cu Tangái Rlu tâng
dống sang, alóí doc tẽ tâm
sarác cũai tang bỗq Yiang
Sursĩ khoiq chĩc tẽ mbỗq,
mỡ alóí tỡ bữn dáng ntróu
tẽ máh ốc tâng tâm sarác
ki. Ma toâq alóí cachĩt Yê-
su, alóí táq yõn cõt rapĩeiq
samoât cũai tang bỗq Yiang
Sursĩ khoiq atõng. ²⁸ Máh
cũai tâng vil Yaru-salem
chuaq ralíh ẽ cachĩt Yê-su,
ma alóí tỡ ramóh muoi ốc
ntróu tẽq cachĩt án. Ma
noâng alóí sếq tẽ Phi-lat yõn
án cachĩt Yê-su. ²⁹ Toâq
alóí khoiq táq moâm nheq
samoât cũai tang bỗq Yiang
Sursĩ khoiq chĩc tẽ mbỗq tẽ
Yê-su, chớ alóí alíh asẽng
Yê-su tẽ aluang sangcáng,
cớp dững tứp án tâng ping.
³⁰ Ma Yiang Sursĩ yõn Yê-
su tamoong loah tẽ cuchĩt.
³¹ Chớ án ốt clũri muoi casai
cớp alóí ca khoiq puai án
tẽ cruang Cali-lê chu vil
Yaru-salem. Sanua, tốp nãi
põq atõng cũai I-sarel ca

tỡ yũah dáng tẽ ranáq Yê-
su táq. ³²⁻³³ Ngkíq hếq
toâq atõng parnai o nãi yõn
anhia dáng tẽ, la parnai
Yiang Sursĩ khoiq par-ữq
cớp achúc achiac hái tẽ
mbỗq. Toâq Yiang Sursĩ yõn
Yê-su tamoong loah, án táq
rapĩeiq máh ốc án khoiq ữq
cớp achúc achiac hái. Yiang
Sursĩ khoiq atõng máh ốc
nãi tâng pún bar tâm sarác
Ũat Khẽn. Yiang Sursĩ pai tẽ
Yê-su neq:

'Mới la Con cúq.

Tangái nãi cúq lứq cõt
Mpoaq mới.'

³⁴ "Cớp muoi ntốq canõh
ẽn tâng tâm sarác Yiang
Sursĩ, án pai tẽ Yê-su neq:

'Cúq lứq yõn mới bữn máh
ốc bốn cúq khoiq ữq
cớp Davĩt tẽ mbỗq
chớ.'*^{*}

³⁵ "Cớp bữn ntốq canõh ẽn
tâng tâm sarác Ũat Khẽn,
Davĩt pai neq:

'Anhia tỡ yõn án ca bráh o
lứq cõt abuoiq.'*^{*}

³⁶ "Bo Davĩt noâng ta-
moong án táq máh ranáq
Yiang Sursĩ ón án táq. Ma
toâq án cuchĩt, noau tứp
án tâng ping achúc achiac
án tẽ. Tõ án cõt abuoiq.
³⁷ Ma Yê-su, Yiang Sursĩ
yõn án tamoong loah, cớp
tõ án tỡ bữn abuoiq ntróu.
³⁸⁻³⁹ Ngkíq, sẽm ai ơi, cúq
yoc anhia dáng samoât lứq,
ống manoaq Yê-su tốp tẽq

* 13:34 13:34 Ê-sai 55:3 * 13:34 13:34 Ốc nãi Yiang Sursĩ atõng tẽ Yê-su
tamoong loah, cớp Yiang Sursĩ tỡ yõn Yê-su cuchĩt noâng. * 13:35 13:35 Ũat
Khẽn 16:10

táh lôih anhia. Mách phếp rit Mòi-se yỗn anhia, tở têq yỗn anhia cõt tanoang o yáng moat Yiang Sursĩ. Ma cũai aléq sa-âm Yê-su, cũai ki lứq cõt tanoang o yáng moat Yiang Sursĩ. ⁴⁰ Ngkíq anhia nhêng o, đởq anhia têq viaq tễ ramúth túh coat cũai tang bỗq Yiang Sursĩ khoiq pai tễ mbỗq neq:

⁴¹ 'Mách anhia ca ayê ra-ac parnai Yiang Sursĩ, cóq anhia tamúng yỗn samoât.

Cóq anhia sâng croõq lứq, cóp cóq anhia cuchĩt chíq,

yuaq cúq ễ táq ranáq tâng đởi anhia ca anhia tở bữn noap,

tam noau atõng anhia chơ tễ ốc ki.' "✧

⁴² Tữ Phau-lô cóp Ba-naba loõh tễ đống sang ki, bữn cũai sễq alóit atõng loah san-toiq ki toáq Tangái Rlu ntun ễn. ⁴³ Moâm alóit rôm, alóit miar chũ. Ma bữn sa-ũĩ náq tễ tốp I-sarel cóp tễ tốp canõh ca puai phếp rit I-sarel, alóit puai Phau-lô cóp Ba-naba. Ngkíq Phau-lô cóp Ba-naba táq ntõng cóp alóit, cóp patáp alóit chõit táh máh ốc Yiang Sursĩ khoiq chuai miat alóit.

⁴⁴ Toáq Tangái Rlu ntun ễn, mán nheq tữh cũai tễ vil ki pỡq rôm yoc ễ tamúng parnai Yiang Sursĩ. ⁴⁵ Tữ cũai I-sarel hữm clứng lứq cũai rôm, alóit sâng ũan, yuaq alóit tở ễq cũai tamúng

parnai Phau-lô. Chơ alóit acrieiq Phau-lô. ⁴⁶ Ma

Phau-lô cóp Ba-naba atõng clóq lứq ễn neq: "Cóq hếq atõng yỗn anhia cũai I-sarel tamúng parnai Yiang Sursĩ nhũang tễ cũai canõh. Ma anhia tở ễq tamúng parnai nâi, samoât riang anhia tở ễq tamoong mantái. Ngkíq sanua hếq pỡq atõng cũai tở cõn cũai I-sarel ễn. ⁴⁷ Yiang Sursĩ toáp ớn hếq táq ngkíq, cóp án pai neq:

'Cúq chóch anhia yỗn cõt samoât ốc poang yỗn cũai tở cõn cũai I-sarel,

đởq nheq tữh cũai pũn paloõng cutrúq nâi bữn dáng cúq yoc ễ chuai amoong alóit.' "✧

⁴⁸ Tữ cũai tở cõn cũai I-sarel sâng parnai ki, alóit sâng bũi hỡr lứq, cóp alóit khẽn parnai Yiang Sursĩ. Mách cũai ca Yiang Sursĩ arô yỗn tamoong mantái, lứq alóit sa-âm parnai ki.

⁴⁹ Ngkíq parnai Yiang Sursĩ cõt parhan la-ũt la-ũĩ chũop máh cruang ki. ⁵⁰ Ma cũai I-sarel, pỡq sasrúc chóc máh cũai sốt tâng vil ki cóp chóc máh cũai ayoaq ca sang toam Yiang Sursĩ. Cũai ayoaq ki, aléq la yám noap lứq alóit. Ngkíq máh cũai I-sarel tuih Phau-lô cóp Ba-naba yỗn loõh chíq tễ cruang cutễq alóit. ⁵¹ Ma Phau-lô cóp Ba-naba trutrẻh phõn tễ ayũng, táq tếc cũai

tâng vil ki tở ẽq tamúng aloí. Chơ aloí pởq chu vil I-cuni ẽn. ⁵² Ma máh cũai khoíq sa-âm tâng vil Anti-ôt, aloí sâng bũ lứq, cốp Raviei Yiang Sursĩ cõt sớt tâng mút pahõm aloí.

14

Phau-lô Cốp Ba-naba Tâng Vil I-cuni

¹ Tữ Phau-lô cốp Ba-naba toâq pở vil I-cuni, aloí mut atõng sĩa tâng dõng sang tốp I-sarel. Parnai aloí pai la blẽng lứq. Ngkíq cứng cũai tẽ tốp I-sarel cốp tẽ tốp tở cõn cũai I-sarel noap cốp sa-âm Yê-su tê. ² Ma máh tốp I-sarel ca tở ẽq sa-âm parnai Yiang Sursĩ, aloí sasrúc cũai tở cõn cũai I-sarel yõn aloí ùan chóq máh cũai khoíq sa-âm. ³ Ngkíq Phau-lô cốp Ba-naba õt atõng parnai Yiang Sursĩ dũn lứq tâng vil ki. Aloí atõng clốq lứq. Cốp Yiang Sursĩ apáh yõn cũai dáng parnai aloí pai la lứq parnai Yiang Sursĩ, yuaq án yõn aloí bữn chóc têq táq ranáq salẽh. ⁴ Ma máh cũai tâng vil ki caryoah cõt bar tốp. Muoi tốp yoc ẽ puai tốp I-sarel ca tở bữn sa-âm. Ma muoi tốp ẽn yoc ẽ puai Phau-lô cốp Ba-naba. ⁵ Chơ cũai I-sarel ca tở bữn sa-âm, ki pruem cốp cũai tở cõn cũai I-sarel cốp máh cũai sớt tâng vil, aloí pai vial Phau-lô cốp Ba-naba, cốp tám tamáu chóc aloí hờ. ⁶ Ma tữ aloí

bar náq sâng ngkíq, aloí lúh aloõh chíq tẽ vil ki, pởq chu cruang Lu-cani cốp mut tâng vil Lutrơ, vil Der-bơ, cốp máh vil mpêr ki. ⁷ Tâng máh vil ki aloí atõng parnai o tẽ Yê-su Crít.

Phau-lô Cốp Ba-naba Tâng Vil Lutrơ

⁸ Tâng vil Lutrơ bữn manoaq samiang yõt ayũng tẽ mpiq án canõt. Án tở têq pupởq. ⁹ Án tamúng tê Phau-lô atõng. Tữ Phau-lô cloãn níc chu án, Phau-lô hữm án lứq sa-âm Yiang Sursĩ têq táq bán ayũng án. ¹⁰ Ngkíq Phau-lô ớn án casang lứq: “Mói yuor tayúng!”

Yóiq toâp án yuor. Chơ án pởq. ¹¹ Toâq cũai cứng hữm Phau-lô táq ranáq nãi, aloí pruem pai casang lứq toâq parnai aloí bữm, la parnai Lu-cani, neq: “Yiang ơiq aloí bar náq nãi! Yiang samblót cõt cũai!”

¹² Cốp aloí dõq Ba-naba la yiang Yubi-tở. Cốp aloí dõq Phau-lô la yiang Mer-curi, cõ án la cũai nghêl bõq ariang yiang ki tê. ¹³ Tốp sang yiang Yubi-tở, aloí bữn muoi lám prõng cheq ramõh vil. Án ca yõng tampúc yiang ki dững ntroõq tangcáh cốp piar pở ngoah toong viang vil, cõ ẽ toõng Ba-naba cốp Phau-lô. ¹⁴ Tữ Ba-naba cốp Phau-lô sâng tốp ki ẽ sang aloí, aloí háq chíq tampác bữm, táq tếc aloí tở ẽq tốp ki táq ngkíq. Chơ aloí lúh

chu cũai chững ki cốp pai casang lứq neq: “Sẽm ai ơi! Nổq anhia yoc ẽ toỡng hếq? ¹⁵ Hếq la cũai machóng anhia tê. Hếq toảq pở nài yoc ẽ atỡng anhia dáng chỗi toỡng noảng yiang canỏh, yuaq yiang ki tờ têq chuai anhia ntrầu. Ma cốp anhia sang ống Yiang Sursĩ sảng. Ống Yiang Sursĩ toảp la Yiang tamoong níc. Lứq ống Yiang Sursĩ toảp tểng paloỏng, cutểq, đởq, cốp đử ramứh tâng ki. ¹⁶ Tâng máh đời nhũang Yiang Sursĩ yỏn nheq tốp cũai puai ngẻ alới bữm. ¹⁷ Ma noảng Yiang Sursĩ táq sa-ữi tếc o yỏn nheq tửh cũai ki dáng samoắt lứq, án la Yiang ca sốt lứq. Án yỏn alới bữn li phũac mia cốp bữn crong sarnỏh, pẻiq catử. Ngkíq mút pahỏm alới cớt bửi lứq.”

¹⁸ Ma Phau-lô mán ẽ pẻ sươq alới chỗi tutoỡng án cốp Ba-naba.

¹⁹ Tờ bữn đửn noảng tốp I-sarel tể vil Anti-ôt, cruang Bi-sadi, cốp tể vil I-cuni, alới toảq. Alới radửng cũai proai tám tamáu chỏq Phaulô, ẽ cachít án. Tử alới chanchỏm pai Phaulô khoiủ cuchít chơ, alới hor aloỏh tở án yảng tiah vil. ²⁰ Ma toảq tốp sa-ảm Yẻ-su rỏm mpẻ tở Phaulô, ngkíq Phaulô yuor tayửng cốp án mut loah tâng vil ki. Máh tangái parnử ẻn Phaulô cốp Ba-naba loỏh tể

vil ki pỏq chu vil Der-bơ ẻn.

Alới Chu Pở Vil Anti-ôt Sĩa Tâng Cruang Si-ri

²¹ Tâng vil Der-bơ alới atỡng sĩa parnai o tể Yẻ-su Crít, cốp chững cũai sa-ảm Yẻ-su Crít tê. Moảm alới atỡng tâng vil Der-bơ, chơ alới pít chu loah pở vil Lutrơ, vil I-cuni, cốp vil Anti-ôt tâng cruang Bi-sadi. ²² Tâng máh vil ki Phaulô cốp Ba-naba catoaih atỡng máh cũai puai Yẻ-su yỏn alới sa-ảm nheq rangửh cốp yỏng pacái lứq máh ỏc alới khoiủ sa-ảm chơ. Alới atỡng tốp ki neq: “Khản hái yoc ẻ mut tâng ntỏq Yiang Sursĩ sốt, cốp hái chửuq sa-ữi ramứh túh coat.”

²³ Phaulô cốp Ba-naba rườ cũai tể tốp sa-ảm cu vil đởq cớt sốt tâng tốp sa-ảm vil ki. Alới rỏm câu, cốp alới ót sana. Chơ alới chiau pở Yiang Sursĩ máh cũai alới khoiủ rườ, sẽq Yiang Sursĩ bán kĩaq máh cũai ki, yuaq máh cũai ki sa-ảm Yiang Sursĩ samoắt samỏi.

²⁴ Vớt ki Phaulô cốp Ba-naba pỏq luat cruang Bi-sadi, chơ toảq pở cruang Bam-phuli. ²⁵ Alới mut tâng vil Pẻ-ca; chơ alới atỡng parnai o tể Yiang Sursĩ tâng vil ki. Moảm kị alới mut tâng vil A-talia ẻn; chơ alới chỏn tâng tuoc chu loah pở vil Anti-ôt tâng cruang Si-ri. ²⁶ Tốp sa-ảm tâng vil Anti-ôt khoiủ rỏm câu yỏn Phaulô cốp Ba-naba bo ki, nhũang alới tờ yủah pỏq atỡng. Tốp

ki khoiq sêq Yiang Sursĩ chuai alóí bar náq pǝq táq ranáq Yiang Sursĩ ruroh yǝn alóí táq. Sanua alóí bar náq khoiq táq moám chơ máh ranáq ki. ²⁷ Tữ Phau-lô cốp Ba-naba toáq loah pǝ vil Anti-ôt, alóí parǝm loah máh tǝp sa-âm Yê-su yoc atǝng loah yǝn alóí ki dáng máh ranáq Yiang Sursĩ khoiq chuai alóí táq. Cốp alóí atǝng tǝp sa-âm ki dáng Yiang Sursĩ yǝn cũai ca tǝ cǝn cũai I-sarel sa-âm parnai án tê. ²⁸ Chơ Phau-lô cốp Ba-naba ốt dũn cốp tǝp puai Yê-su tâng vil Anti-ôt cruang Si-ri.

15

Tǝp Puai Yê-su Rôm Tâng Vil Yaru-salem

¹ Vót ki bũn cũai tẽ cruang Yudê toáq atǝng tǝp sa-âm Yê-su tâng vil Anti-ôt neq: “Khân cũai aléq tǝ yũah táq rit cút puai phẽp rit Mũi-se, Yiang Sursĩ lủq tǝ nai chuai amoong cũai ki.”

² Phau-lô cốp Ba-naba tǝ bũn pruam cốp ốc ki. Ngkíq alóí rasuon la-ốq tẽ ốc nài cốp tǝp sêm ai tẽ cruang Yudê. Chơ máh tǝp puai Yê-su tâng vil ki ớn Phau-lô cốp Ba-naba, dẽh cũai canǝh tẽ tǝp ki, pǝq blóh tǝp ayũng atĩ Yê-su Crĩt cốp máh cũai sốt tǝp puai Yê-su tâng vil Yaru-salem tẽ ốc nài.

³ Tǝp sa-âm Yê-su tâng vil Anti-ôt pǝq satoáh tǝp Phau-lô cốp Ba-naba vót ramǝh vil

yǝn alóí pǝq chu vil Yaru-salem. Bo alóí pǝq chu vil Yaru-salem, alóí pha cruang Phê-nasi cốp cruang Samari. Cốp alóí atǝng máh cũai puai Yê-su tâng bar cruang ki, yǝn alóí dáng bũn cũai tǝ cǝn cũai I-sarel sa-âm tê Yê-su Crĩt. Ngkíq tữ máh cũai sa-âm Yê-su tâng bar cruang ki sâng ngkíq, alóí sâng bũi lủq. ⁴ Tữ tǝp Phau-lô cốp Ba-naba toáq pǝ vil Yaru-salem, tǝp sa-âm Yê-su tâng vil ki, dẽh tǝp ayũng atĩ Yê-su cốp máh cũai sốt canǝh, alóí cubán cusũan bũi lủq tǝp Anti-ôt ki. Chơ Phau-lô cốp Ba-naba atǝng loah tẽ máh ranáq Yiang Sursĩ yǝn alóí táq. ⁵ Ma bũn cũai tẽ tǝp Pha-rasi ca khoiq sa-âm Yê-su, alóí tayũng cốp pai neq: “Máh cũai tǝ cǝn cũai I-sarel, khân alóí yoc ẽ puai ngê Yê-su Crĩt, cốp alóí táq rit cút cốp puai máh ốc Mũi-se patáp tǝp I-sarel tẽ mbỏq.”

⁶ Ngkíq tǝp ayũng atĩ Yê-su Crĩt cốp máh cũai sốt tǝp sa-âm Yê-su, alóí rôm sarhǝng yoc ẽ tutuaiq tẽ ốc nài. ⁷ Alóí sarhǝng dũn lủq; chơ Phi-er yuor tayũng cốp pai chỏq alóí neq: “Sêm ai ơi! Khoiq anhia dáng chơ, tẽ bo ki Yiang Sursĩ ruroh cứq pǝq atǝng máh cũai tǝ cǝn cũai I-sarel đốq alóí dáng tê parnai o tẽ Yê-su Crĩt, cốp đốq alóí sa-âm tê parnai ki. ⁸ Yiang Sursĩ dáng nheq tâng mút pahǝm cũai. Cốp tữ

Yiang Sursĩ yõn cũai tở cõn cũai I-sarel bữn Raviei án machóng án khoiq yõn hái, ki án apáh yõn hái dáng án ẽq máh cũai tở cõn cũai I-sarel sa-âm án tê. ⁹ Yiang Sursĩ ayooq alóí lĩ-ralĩ cốp hái tê. Cũai aléq sa-âm án samoát samoi, án táq yõn mút cũai ki cõt o ẽn. ¹⁰ Ma sanua, nõq anhia yoc ẽ chim Yiang Sursĩ? Nõq anhia yoc ẽ ẽp cũai sa-âm ca tở cõn cũai I-sarel cóq puai phệp rit coat lứq? Phệp rit nãi, hái cốp achúc achiac hái tẽ mbỏq la tở rơi táq puai. ¹¹ Lứq tở tẽq! Hái sa-âm Yiang Sursĩ chuai amoong hái cõ nhơ tẽ ọc chuai miat Yê-su Crít, Ncháu hái. Cốp Yiang Sursĩ táq machóng nãi tê yõn máh cũai tở cõn cũai I-sarel ca khoiq sa-âm Yê-su."

¹² Moâm ki tốp alóí tở bữn pai ntróu noâng, ma alóí tamúng Ba-naba cốp Phaulô ruaih loah tẽ máh ranáq salẽh Yiang Sursĩ táq bo alóí atõng parnai án yõn cũai tở cõn cũai I-sarel. ¹³ Vót alóí bar náq ki táq ntõng moâm, chơ Yacõ ẽn pai neq: "Sẽm ai oi! Sẽq anhia tamúng santoiq cúq. ¹⁴ Si-môn Phi-er khoiq atõng hái chơ tẽ máh ranáq Yiang Sursĩ ruroh cũai tở cõn cũai I-sarel yõn alóí cõt con acái án tê. ¹⁵ Máh ranáq ca toâq sanua, cũai tang bỗq Yiang Sursĩ khoiq chĩc tẽ mbỏq neq:

¹⁶ 'Bữn muoi tangái cúq lứq toâq atức loah cruang cutẽq Davĩt, samoát noau atức muoi lảng đồng khoiq rúng ralõh.

Cúq lứq atức tamái viang vil yõn cõt samoát loah tẽ nhũang.

¹⁷ Ngkíq nheq tữh cũai tâng dũ cruang têq puai ngê cúq.

Cúq táq ngkíq yõn cũai tở cõn cũai I-sarel tẽq cõt tốp cúq tê.

¹⁸ Máh ọc nãi Yiang Sursĩ khoiq atõng tẽ mbỏq chơ.'''*

¹⁹ Yacõ pai ẽn neq: "Puai rangúh cúq la neq: Máh cũai tở cõn cũai I-sarel ca yoc ẽ puai ngê Yiang Sursĩ, hái chõĩ táq coat alóí. ²⁰ Ma cóq hái chĩc choaiq catoaih atõng alóí chõĩ cha noâng máh crong noau tutoõng. Cũai mansẽm samiang tở bữn lacuoi cayac chõĩ bẻq parnoi. Chõĩ cha sâiq charán noau éc. Cốp chõĩ cha aham charán. ²¹ Hái patâp ngkíq, yuaq cu Tangái Rly cũai I-sarel doc níc tẽ phệp rit Mõi-se tâng đồng sang tốp I-sarel dũ vil, tẽ dõĩ mbỏq toau toâq sanua."

Saráq Cơiq Yõn Cũai Tở Cõn Cũai I-sarel

²² Moâm Yacõ atõng ngkíq, tốp ayũng atĩ Yê-su cốp máh cũai sốt tốp sa-âm Yê-su, alóí pruam cốp parnai Yacõ. Alóí ruroh bar

náq, ramúh Yuda Ba-saba cóp Si-la, la cūai sôt tâng tốp puai Yê-su, yỗn alóí bar náq pỡq chu vil Anti-ôt nứng Phau-lô cóp Ba-naba.

23 Ngkíq bar náq ki dứng choaiq noau chĩc neq: “Sẽm ai ơi! Hếq la tốp ayững atĩ Yê-su Crĩt pruum cóp máh tốp puai Yê-su tâng vil Yaru-salem cóp máh cūai sôt tốp ki, đợc chĩc choaiq nâi cớiq sa-óh máh sẽm ai hếq ca tỡ cớn cūai I-sarel tâng vil Anti-ôt cruang Si-ri, cóp tâng cruang Si-lasi hỡ. 24 Hếq sâng yớu hếq khoiq atỡng anhia táq yỗn anhia cớt saria sarnóm. Ma lứq hếq tỡ bữn ớn alóí ki pỡq atỡng anhia ngkíq. 25 Ngkíq yuaq hếq pruum ớn bar náq tể tốp hếq yỗn pỡq nứng yớu hái Phau-lô cóp Ba-naba toâq sa-óh anhia. 26 Ba-naba cóp Phau-lô khoiq tỡ dáng sếq trỗ chớ alóí chũuq noau cachĩt cỗ tian alóí dứng parnai Yê-su Crĩt, Ncháu hái. 27 Ngkíq hếq ớn Yuda cóp Si-la pỡq atỡng anhia, yỗn anhia dáng raloaih lứq tể santoiq tâng choaiq nâi. 28 Raviei Yiang Sursĩ khoiq chuai hếq tềq sarhống ốc nâi; ngkíq hếq pruum tỡ ếq anhia puai phếp rit coat lứq. Ma hếq chĩc yỗn anhia pái pỗn ramúh tâng choaiq nâi yỗn anhia táq puai, la neq: 29 Anhia chổi cha noâng cớng sana noau

khoiq tutoõng. Chổi cha aham charán. Chổi cha sâiq charán noau ếc. Mansẽm samiang tỡ bữn lacuoi cayac chổi bếq parnoi. Khân anhia trĩh máh ốc patâp nâi, anhia lứq táq p̄ieiq. Máh ki toâp hếq yoc patâp anhia. Sếq Yiang Sursĩ yỗn anhia ốt bán sũan ien khể níc.”

30 Chớ tốp puai Yê-su tâng vil Yaru-salem ớn Yuda cóp Si-la pỡq nứng Phau-lô cóp Ba-naba chu pỡ vil Anti-ôt. Tỡ alóí toâq pỡ vil ki, alóí parôm tốp puai Yê-su cóp avới yỗn alóí choaiq ki. 31 Tỡ alóí doc choaiq ki, cóp alóí dáng raloaih tể máh ốc tâng ki, alóí sâng bũi lứq tể ốc yớu catoaih atỡng alóí. 32 Chớ Yuda cóp Si-la atỡng tốp puai Yê-su tâng vil ki yỗn dáng sa-ũi lứq ễn ngê Yiang Sursĩ. Yuda cóp Si-la la cūai tang bỗq Yiang Sursĩ tể. 33 Toâq Yuda cóp Si-la ốt pỡ ki khoiq dũn chớ, tốp puai Yê-su tâng vil ki carbán carsũan yỗn alóí chu ien khể pỡ vil Yaru-salem đợc ramóh loah máh cūai ca ớn alóí pỡq. 34 Ma Si-la noâng ể ốt loah tâng vil Anti-ôt.* 35 Phau-lô cóp Ba-naba noâng ốt tâng vil Anti-ôt tể. Alóí bar náq ki cóp cớng cūai canốh hỡ ốt atỡng níc parnai o tể Yê-su Crĩt tâng vil ki.

Phau-lô Cóp Ba-naba Cayoah Pỡq Miar Rana

* 15:34 15:34 Sa-ũi tâm saráq tiaq tỡ bữn bữn rana 34 nâi.

³⁶ Vót máh tangái ki, Phau-lô sarhông Ba-naba neq: "Hái! Hái pǒq sa-óh loah máh sǐm ai tâng vil hái khoiq atǒng parnai o tǐ Yê-su Crít bo nhũang. Hái yoc ẽ dǎng alói táq pǒq nǒq sanua."

³⁷ Ba-naba pruum pǒq, cǒp ẽ dǎng Yang Mac pǒq cǒp alói tē. ³⁸ Ma Phau-lô tǐ bǐn pruum yǐn Yang Mac pǒq cǒp alói, yuaq Yang Mac khoiq táh alói tâng cruang Bam-phuli tǐ nhũang ki, cǒp tǐ ẽq chuai noâng ranáq alói. ³⁹ Ngkíq Ba-naba cǒp Phau-lô rasuon tǐ ốc nâi; chơ alói miar pǒq. Ba-naba dǎng Yang Mac chǒn tâng tuoc cǒp pǒq chu cǒn Sip-rơ. ⁴⁰ Ma Phau-lô dǎng Si-la pǒq cǒp án. Toâq moâm tǐp puai Yê-su tâng vil ki câu sǐq Yiang Sursĩ chuai alói, chơ Phau-lô cǒp Si-la pǒq tē. ⁴¹ Alói pǒq pha cruang Si-ri cǒp cruang Si-lasi. Alói atǒng máh tǐp sa-âm Yê-su tâng cruang ki yǐn sa-âm pacái lǐq ẽn.

16

Ti-muthê Pǒq Nǐng Phau-lô Cǒp Si-la

¹ Moâm ki Phau-lô cǒp Si-la pǒq loah chu vil Der-bơ cǒp vil Lutrơ. Tâng vil Lutrơ alói ramóh manoaq tǐ tǐp puai Yê-su ramứh Ti-muthê. Mpiq án la cǐai I-sarel ca khoiq sa-âm Yê-su. Ma mpoaq Ti-muthê la cǐai Créc. ² Tǐp puai Yê-su

tâng vil Lutrơ cǒp vil I-cuni, alói khǐn Ti-muthê, pai án la cǐai patoat lǐq. ³ Ngkíq Phau-lô yoc ẽ dǎng Ti-muthê pǒq cǒp alói. Ma nhũang alói loǒh tē vil ki, Phau-lô yǐn Ti-muthê táq rit cǐt puai phǐp rit I-sarel. Phau-lô táq tǐc ngkíq yuaq tâng sa-ũi ntǒq alói yoc ẽ pǒq bǐn sa-ũi cǐai I-sarel. Cǒp Phau-lô ngcǒh alói ki tǐ ẽq Ti-muthê, yuaq alói dǎng mpoaq án la cǐai Créc, tǐ cǒn cǐai I-sarel. ⁴ Tǐ alói mut máh vil, alói atǒng tǐp puai Yê-su tǐ máh ốc tǐp ayǐng atĩ Yê-su cǒp máh cǐai sǐt tǐp sa-âm Yê-su tâng vil Yaru-salem khoiq pruum chơ yǐn cǐai tǐ cǒn cǐai I-sarel tēq táq puai. ⁵ Ngkíq tǐp sa-âm Yê-su tâng máh vil ki sa-âm pacái lǐq ẽn. Cǒp cu rangái bǐn sa-ũi náq cǐai mut sa-âm.

Manoaq Samiang Tǐ Cruang Ma-sadôn Arô Phau-lô

⁶ Raviei Yiang Sursĩ tǐ bǐn yǐn Phau-lô cǒp yóu án mut atǒng parnai o tǐ Yê-su Crít tâng cruang Asia. Ngkíq alói pǒq chu cruang Phu-rayia cǒp cruang Ca-lati. ⁷ Tǐ alói toâq pǐ raloan cruang Mi-sia, alói yoc ẽ mut tâng cruang Bi-thuni, ma Raviei Yiang Sursĩ tǐ yǐn alói mut. ⁸ Ngkíq alói pǒq luat cruang Mi-sia cǒp mut tâng vil Trô-at. ⁹ Toâq sadâu Yiang Sursĩ sapáh yǐn Phau-lô hǐm manoaq samiang tǐ cruang Ma-sadôn. Cǐai ki

tayúng cuclôiq chóc Phaulô neq: “Sêq mới toâq pở cruang Ma-sadôn, chuai hêq núng!”

¹⁰ Toâq Phaulô hữm sami-ang ki, Phaulô cốp yóu án, dềh cứq Luca, hêq thữan pởq chu cruang Ma-sadôn. Hêq chanchóm lứq samoât Yiang Sursĩ yoc hêq pởq atông parnai o tễ Yê-su Crĩt tâng cruang ki.

Mansêm Ramúh Li-dia Sa-âm Yê-su Crĩt

¹¹ Chơ hêq chõn tuoc tâng vil Trô-at, pởq chu cõn Samô-trasơ. Mách tangái parnở ền hêq toâq pở vil Nĩa-buli, cruang Ma-sadôn. ¹² Toâq hêq sễng tễ tuoc, hêq pởq chu vil Phi-lip. Vil Phi-lip la vil toâr tâng cruang Ma-sadôn. Cũai Rô-ma cõt sốt tâng vil Phi-lip. ¹³ Toâq Tangái Rlu hêq loõh tễ vil cốp pởq chu đởq tũm. Cheq tor đởq tũm nài tốp I-sarel đởq rôm câu. Hêq tacu cốp atông parnai o tễ Yê-su Crĩt yõn máh mansêm rôm ngki. ¹⁴ Tâng tốp ki bữn manoaq mansêm tễ vil Thia-turo, ramúh Li-dia. Án chêq aroaiq santũm ềng cát o lứq. Án la cũai sang Yiang Sursĩ tê. Cốp Yiang Sursĩ pớh mứt pahõm án yõn án noap ỉt máh ốc Phaulô atông alóí. ¹⁵ Ngkíq Li-dia cốp nheq đống sũ án roap batẽm. Moâm ki án sêq tễ hêq neq: “Khân anhia

chanchóm cứq lứq sa-âm Yê-su Crĩt, cứq sêq anhia mut ớt tâng đống cứq.”

Cỗ án rasêq níc yõn hêq mut đống án, yuaq ngkíq hêq mut ớt đống án.

Phaulô Cốp Si-la Tâng Cuaq Tũ Tâng Vil Phi-lip

¹⁶ Bữn muoi tangái, bo hêq pởq chu ntỏq hêq đởq rôm câu, hêq ramóh manoaq mansêm sũl ca bữn yiang sâuq payóh án. Mansêm nài cõt mo moaiq-mư, cốp ncháu án bữn sa-ữi práq tễ ranáq án táq. ¹⁷ Án puai Phaulô cốp hêq, cốp án pai casang lứq neq: “Cũai nài lứq táq ranáq Yiang Sursĩ ca sốt clũi nheq tễ canõh, cốp alóí atông anhia tễ ngê Yiang Sursĩ têq chuai amoong anhia.”

¹⁸ Mansêm nài atông ngkíq níc khoiq sa-ữi tangái chơ. Ma Phaulô sâng pê tamúng án ớt atông níc ngkíq; chơ Phaulô píp nhềng chu án, cốp pai chóc yiang sâuq ki neq: “Nhơ ramúh Yê-su Crĩt, cứq ớn mới loõh toáp tễ tở mansêm nài.”

Từ Phaulô pai ngkíq, yiang sâuq ki loõh toáp tễ tở mansêm ki. ¹⁹ Từ máh cũai ncháu mansêm ki dáng alóí tở bữn bữn noâng práq tễ mansêm ki cõt mo moaiq-mư, alóí cốp Phaulô cốp Si-la. Chơ alóí âc bar náq ki đừng chu ntỏq cũai sốt ớt. ²⁰ Toâq alóí ramóh cũai sốt, chơ alóí atông neq: “Bar

náq nâi la cũai tễ tỗp I-sarel. Sanua alóí radững cứng cũai táq choac tâng vil hái. ²¹ Alóí atỡng phễp rit mpha tễ phễp rit cruang hái. Hái la cũai Rô-ma; hái tỡ têq puai phễp rit alóí atỡng.”

²² Cứng lứq cũai proai rôm parnơi ễ táq Phau-lô cốp Si-la. Cốp cũai sốt ki ón noau rút tampác alóí cốp toân alóí. ²³ Moâm noau toân hập lứq, chơ alóí nhoat amut tâng cuaq tũ. Cốp cũai sốt patâp án ca ndỡm cuaq, cốp kĩaq bar náq nâi yỗn samoât. ²⁴ Ngkíq cũai ndỡm cuaq tũ ki chỏq Phau-lô cốp Si-la tâng muoi clống cuaq ca khâm lứq. Án sacáp ayững alóí toâq anúh.

²⁵ Sadâu ki, toâq muoi mpút, Phau-lô cốp Si-la câu cốp ũat khễn Yiang Sursĩ. Mách cũai tũ canốh tâng cuaq ki sâng alóí táq ngkíq. ²⁶ Ma bo ki toâp cutễq cacút hập lứq. Nheq cuaq ki cốt cacút cốp máh ngoah toong cuaq tũ cốt samoât noau pớh. Mách sái-sô noau sacáp cũai tũ cốt rakiaq nheq. ²⁷ Tỡ cũai ndỡm cuaq tũ ki tamỡ, án hữm ngoah toong raplớh. Ngkíq án thot dau tễ sor ễ choat tỡ án bữm, yuaq án chanchóm máh cũai tũ khoi q racláh nheq chơ. ²⁸ Ma Phau-lô pai casang lứq neq: “Mới chỡi yác! Nheq náq hếq noâng tâng cuaq!”

²⁹ Chơ cũai ndỡm cuaq ki arô yỗn noau dững tabong chu án. Án lúh amut chu

cuaq cháí lứq. Án sâng croỏq lứq cốp cangcoaih. Án sacốh racốl yáng moat Phaulô cốp Si-la. ³⁰ Án dững aloỏh alóí tễ cuaq, cốp án blớh alóí neq: “Yỗu ơi! Cứq cốp táq nốq yỗn cứq bữn tamoong mantái?”

³¹ Alóí ta-ỡi án neq: “Cốp mới sa-âm Yê-su, Ncháu hái, chơ mới cốp đống sũ mới lứq bữn tamoong mantái.”

³² Moâm ki, alóí atỡng án cốp nheq đống sũ án parnai o tễ Yê-su Crít. ³³ Sadâu ki noâng dĩ đốc, cũai ndỡm cuaq ki dững rahâu tahâu bớc alóí. Moâm án tahâu, chơ án cốp nheq đống sũ án roap batêm. ³⁴ Moâm ki án dững Phau-lô cốp Si-la mut tâng đống án, cốp án aloỏh crong sana yỗn alóí cha. Án cốp nheq đống sũ án sa-âm Yiang Sursĩ; ngkíq alóí sâng bũi óh lứq.

³⁵ Toâq poang tarựp parnỡ, máh cũai sốt tâng vil ki ón cũai pỡq atỡng cũai ndỡm cuaq tũ yỗn acláh Phau-lô cốp Si-la. ³⁶ Chơ cũai ndỡm cuaq tũ ki atỡng Phaulô neq: “Mách cũai sốt ón cứq acláh anhia. Sanua anhia loỏh tễ nâi. Pỡ léq anhia ễ pỡq, ki anhia pỡq ien khễ nỡ.”

³⁷ Ma Phau-lô atỡng alóí ca toâq dững parnai cũai sốt ki neq: “Hếq la cũai Rô-ma tễ. Tễ nhũang máh cũai sốt tỡ yũah radáng óc lôih hếq, ma nốq côp lứq alóí toân hếq yỗn cứng cũai hữm.

Cóp alóí chók hếq tâng cuaq tũ. Sanua alóí yoc ẽ acláh hếq, ma alóí táq clõp tở ẽq cũai canõh dáng. Hếq tở bữn pruam máh cũai sớt táq ngkíq. Alóí táq tở p̄ieiq chók hếq la cũai Rô-ma. Khân alóí yoc ẽ acláh hếq, cóq alóí toâq acláh bữm.”

³⁸ Chơ máh cũai dững san-toiq cũai sớt ki chu atõng loah cũai sớt tể máh santoiq Phau-lô patâp alóí. Tữ máh cũai sớt dáng Phau-lô cóp Si-la la cũai Rô-ma, ngkíq alóí sâng ngcõh lứq. ³⁹ Chơ máh cũai sớt ki p̄õq toâp chu cuaq tũ sếq lôih Phau-lô cóp Si-la, cóp sếq alóí loõh chíq tể vil ki. ⁴⁰ Ngkíq Phau-lô cóp Si-la loõh tể cuaq tũ, cóp mut tâng dõng Li-dia. Tâng dõng ki alóí rôm cóp atõng máh tốp puai Yê-su yõn sa-âm samoât lứq ẽn. Moâm alóí atõng, chơ alóí loõh tể vil ki.

17

Phau-lô Cóp Si-la Tâng Vil Tê-salô-naca

¹ Tữ Phau-lô cóp Si-la p̄õq luat vil Amphi-bulit cóp vil Ablô-ni, chơ alóí mut vil Tê-salô-naca ẽn. Tâng vil ki bữn muoi lám dõng sang tốp I-sarel. ² Cu Tangái Rlu, Phau-lô coi mut tâng dõng sang. Ngkíq yuaq án mut tâng dõng sang vil ki. Tâng pái Tangái Rlu Phau-lô atõng níc tể tâm saráq Yiang Sursĩ yõn máh cũai rôm ki. ³ Án atõng yõn alóí dáng

Crít, án ca Yiang Sursĩ rươh đõq chuai amoong cũai, cóq chũuq sa-ũri túh coat cóp chũuq cuchĩt; ma Crít lứq tamooing loah. Cóp án atõng alóí neq: “Yê-su, án ca cứq atõng yõn anhia dáng, án toâp la Crít.”

⁴ Bữn cũai tể tốp I-sarel noap parnai ki, chơ alóí puai ngê Phau-lô cóp Si-la. Bữn clững cũai Créc yám noap Yiang Sursĩ, alóí sa-âm Yê-su tề. Cóp bữn sa-ũri náq mansẽm ca noau yám tâng vil ki mut sa-âm tề.

⁵ Ma cũai I-sarel ca tở ẽq sa-âm, alóí sâng ũan lứq. Ngkíq alóí p̄õq chuaq cũai loai cóp cũai pampala, yõn cũai ki sasruc tâng vil ki. Alóí mut toâp tâng dõng Yasôn, chuaq Phau-lô cóp Si-la, yuaq alóí yoc ẽ cõp bar náq ki dững chu cũai clững.

⁶ Ma tữ alóí tở ramóh Phau-lô cóp Si-la tâng dõng ki, alóí cõp Yasôn cóp máh cũai tể tốp puai Yê-su ẽn. Alóí âc aloõh máh cũai puai Yê-su yõn õt tayúng yáng moat cũai sớt vil ki. Chơ alóí cauq Phau-lô cóp Si-la neq: “Bar náq cũai ki mut cruang aléq, alóí táq choac tâng cruang ki. Sanua alóí mut tâng vil hái ẽn. ⁷ Cóp Yasôn yõn bar náq ki õt tâng dõng án. Alóí ki khoiq táh phệp rit puo hái, cóp alóí pai lứq bữn puo canõh ẽn cõt sớt cruang. Ramúh puo nâi la Yê-su.”

⁸ Toâq máh cũai proai cóp cũai sớt sâng ốc alóí cauq, nehq tữh alóí táq choac lứq

ễn. ⁹ Chơ noau ón Yasôn cóp cũai tể tốp puai Yê-su cóp yỗn práq pỡ cũai sốt, đợq pruam alóitỡ bữn táq choac noàng. Moâm ki noau acláh yỗn alóitỡ chu.

Phau-lô Cóp Yóu Án Ớt Tâng Vil Bê-rê

¹⁰ Toáq sadâu ki, tốp puai Yê-su ón Phau-lô cóp Si-la pỡq chu vil Bê-rê ễn. Tỡ alóitỡ toáq vil Bê-rê, alóitỡ mut tâng đống sang tốp I-sarel vil ki. ¹¹ Cũai I-sarel tâng vil ki bữn mút lamên hỡn tể cũai tâng vil Tê-salô-naca. Alóitỡ tamứng, cóp alóitỡ yoc ễ dáng samoát lứq tể parnai Yiang Sursĩ. Ngkíq alóitỡ rien tâm saráq Yiang Sursĩ cu rangái cỗ yoc ễ dáng santoiq Phau-lô atỡng p̄ieiq lứq tể parnai Yiang Sursĩ, ma tỡ bữn. ¹² Sa-ũitỡ náq cũai I-sarel tâng vil ki sa-âm Yê-su Crít; cóp bữn cũai Créc hỡ sa-âm tê, đêh samiang cóp mansêm ca noau yám noap tâng vil ki. ¹³ Ma tỡ tốp I-sarel tâng vil Tê-salô-naca sâng Phau-lô atỡng parnai Yiang Sursĩ tâng vil Bê-rê ễn, alóitỡ pỡq tapun pỡ vil ki, cóp sasrúc máh cũai vil ki hỡ. ¹⁴ Ngkíq tốp puai Yê-su tâng vil ki yỗn Phau-lô loõh toáp, cóp pỡq chu tor đợq mút. Ma Si-la cóp Ti-muthê noàng ớt tâng vil Bê-rê. ¹⁵ Bữn cũai pỡq asuoi Phau-lô toáq pỡ vil Athên. Tỡ alóitỡ ễ pít chu, Phau-lô patáp alóitỡ yỗn atỡng

Si-la cóp Ti-muthê yỗn toáq toáp pỡ án khân têq.

Phau-lô Atỡng Tâng Vil Athên

¹⁶ Bọ Phau-lô ớt acoan alóitỡ bar náq Si-la cóp Ti-muthê tâng vil Athên, án hữm cũai tâng vil ki sang sa-ũitỡ lứq rup yiang. Chơ mút pahỡm án sâng ngua lứq. ¹⁷ Ngkíq Phau-lô atỡng níc tâng đống sang tốp I-sarel. Án atỡng cũai I-sarel cóp máh cũai ca yám noap Yiang Sursĩ. Cu rangái Phau-lô atỡng tâng đống, ễq máh cũai proai ki sâng. ¹⁸ Chơ bữn cũai tể tốp Ep-curien cóp tốp Satuoc toáq rasuon cóp án. Bar tốp ki rien tể máh ngê rangoaiq tâng đõitỡ nâi. Alóitỡ pai tể Phau-lô neq: “Án nâi la cũai sacũl. Án atỡng tỡ cõt ốc.”

Ma bữn cũai canõh pai neq: “Cõh lơ án atỡng tể yiang ca hái tỡ yũah dáng.”

Alóitỡ pai ngkíq cỗ Phau-lô atỡng tể Yê-su, cóp án pai Yê-su cuchit tamoong loah. ¹⁹ Cũai ki đứng asuoi Phau-lô toáq muoi ntốq cũai sốt đợq ễ sarhống. Ntốq nâi ớt tâng cóh Arêu-ba. Alóitỡ pai chóq Phau-lô neq: “Hếq yoc ễ dáng samoát samoi ramứh tamái ca mới atỡng la ntrứu? ²⁰ Hếq sâng liaq lứq tể ốc mới atỡng ki; chơ hếq yoc ễ dáng nheq máh ramứh tể ốc mới atỡng ki.” ²¹ (Máh cũai Athên, cóp máh cũai canõh tâng vil ki, tỡ alóitỡ sâng ranáq tamái, alóitỡ ễ áiq

lứq ẽ sarhông tẽ ranáq ki. Alóí tở ẽq táq noâng ranáq canõh.)

22 Phau-lô tayúng tâng ntốq alóí rôm tâng cóh Arêu-ba cóp atõng alóí neq: “Cũai tâng vil Athên nâi ời! Cừq khoiқ dáng chơ anhia sang toam yiang anhia samoât samoi. 23 Tữ cừq pờq tâng vil anhia, cừq hữm sa-ũi lứq prông anhia sang sa-ũi thữ yiang. Cóp cừq hữm muoi lám prông noau chĩc chũq tâng ki neq: ‘Prông nâi la prông yiang ca tở yũah dáng ramứh.’ Ngkíq anhia yoc ẽ sang yiang nâi, ma anhia tở yũah dáng. Ramứh yiang nâi cừq ẽ atõng anhia. 24 Yiang nâi la Yiang Sursĩ. Án toáp tẽng paloõng, cóp tẽng dũ ramứh tâng pưn paloõng cutrúq nâi. Án sớt nheq máh ramứh tâng pỡng paloõng cóp tâng pưn paloõng. Lứq án tở bữn õt tâng prông atĩ cũai táq. 25 Háit tở tẽq táq ntróu chuai yõn Yiang Sursĩ, yuaq án tở bữn ốq muoi ramứh ntróu. Lứq Yiang Sursĩ toáp yõn cũai tamoong, cóp yõn cũai cõt bán rêng. Cóp án tẽng dũ ramứh canõh yõn cũai hỡ. 26 Yiang Sursĩ tẽng dũ thữ cũai la cõt tẽ manoaq. Cóp Yiang Sursĩ yõn máh tộp cũai nâi õt dũ cruang chũop cốc cutẽq nâi. Ống Yiang Sursĩ toáp anoaat dũ thữ cũai, tangái alóí toáp cóp ntốq alóí õt, tẽ nhũang

tở yũah bữn cũai ki. 27 Yiang Sursĩ táq ngkíq, la yõn nheq tữh cũai tẽq chuaq án cóp tẽq ramóh án. Ma Yiang Sursĩ lứq tở bữn õt yong tẽ háit. 28 Yiang Sursĩ toáp chuai háit yõn tẽq tamoong, tẽq pupởq, cóp tẽq tutáq. Ốc nâi la samoât cũai tẽ tộp anhia khoiқ chĩc chơ neq: ‘Yuaq Yiang tẽng háit, ngkíq háit cõt con án.’ 29 Khân háit lứq con Yiang Sursĩ, háit chõĩ chanchóm Yiang Sursĩ la samoât rup noau táq toáp yẽng, práq, tở la tamáu. Nheq ramứh ki cũai chõng táq ỉn alóí chanchóm tẽ mút alóí bữm. 30 Ma tẽ nhũang Yiang Sursĩ nhêng sâng cũai táq ranáq ngkíq, yuaq alóí tở yũah dáng. Ma sanua Yiang Sursĩ atõng yõn nheq tữh cũai dáng cóq alóí ngin lòi h lêq cõt mút tamái ẽn. 31 Yuaq Yiang Sursĩ khoiқ anoaat tangái chumát án ẽ yõn manoaq ca án khoiқ ruroh toáp, án rasừq tanoang tapúng yõn nheq tữh cũai tâng cốc cutẽq nâi. Yiang Sursĩ khoiқ yõn Yê-su tamoong loah đốq táq tếc yõn noau dáng samoât lứq án ruroh Yê-su đốq rasừq nheq tữh cũai.”

32 Tữ noau sâng parnai Phau-lô pai cũai cuchĩt tẽq tamoong loah, bữn cũai ayê ra-ac Phau-lô. Ma bữn cũai pai neq: “Ntun hếq yoc ẽ tamúng sĩa tẽ ốc mới atõng nâi.”

33 Moâm ki Phau-lô loõh tẽ

ntóq ki. ³⁴ Ma bũn cũai tẽ tốp ki noap cốp sa-âm, cốp alóí pỡq nũng Phau-lô hỡ. Manoaq tẽ cũai ki ramứh Dê-ni. Án la tẽ cũai sớt đốq sarhống tâng cóh Arêu-ba. Cốp bũn manoaq mansẽm hỡ sa-âm tẽ. Ramứh án la Da-mari. Cốp bũn cũai canỗh hỡ sa-âm Yê-su.

18

Phau-lô Tâng Vil Côr-ntô

¹ Vót ki Phau-lô loỗh tẽ vil Athên, chớ pỡq chu vil Côr-ntô ẽn. ² Tâng vil ki Phau-lô ramóh manoaq samiang tẽ tốp I-sarel, ramứh Aki-la. Án la cũai tẽ cruang Pôn-tu, cốp lacuoi án la ramứh Barit-sin. Bar náq lacuoi cayac nãi mbỡiq toảq pỡ vil Côr-ntô tẽ cruang I-tali, yuaq puo Calôt tuih aloỗh nheq máh cũai I-sarel tẽ vil Rô-ma, cruang I-tali. Chớ Phau-lô pỡq sa-óh bar náq ki. ³ Án mut ỡt cốp alóí, yuaq alóí bar náq táq ranáq machống Phau-lô tẽ. Alóí táq đống toảq aroảiq; chớ chẻq đốq bũn tampác tâc sana cha. ⁴ Cu Tangái Rlu Phau-lô atõng níc tâng đống sang tốp I-sarel, ẽq cũai I-sarel cốp cũai Créc sa-âm Yê-su Crít.

⁵ Từ Si-la cốp Ti-muthê sễng tẽ cruang Ma-sadôn, alóí hũm Phau-lô cutóng atõng níc tốp I-sarel yỗn dáng samoât lửq, Yê-su la án ca alóí ỡt nguang, la án ca Yiang Sursĩ rườh đốq chuai amoong alóí. ⁶ Ma tốp I-sarel

vil ki tỡ ẽq tamứng, cốp alóí acrieiq Phau-lô. Ngkíq Phau-lô tutóh máh brẻh tẽ tampác án, táq tếc alóí tỡ ẽq tamứng santoiq án atõng. Cốp Phau-lô atõng alóí neq: “Khân anhia tỡ ẽq raviei anhia bũn ta-moong níc cốp Yiang Sursĩ, ki tam anhia. Cứq khoiq vót chớ lỏih chỏq anhia. Sanua cứq ẽ pỡq atõng cũai tỡ cõn cũai I-sarel ẽn.”

⁷ Chớ Phau-lô loỗh tẽ alóí cốp mut tâng đống Ti-tiu Yutu. Yutu la cũai sang Yiang Sursĩ tẽ, cốp đống án ỡt tĩng đống sang tốp I-sarel. ⁸ Bũn manoaq ẽn ramứh Crit-bu. Án la cũai ndõm đống sang tốp I-sarel ki. Án cốp nheq đống sũ án sa-âm Yê-su Crít. Cốp bũn clũng cũai Côr-ntô sâng parnai o tẽ Yê-su Crít, ki alóí sa-âm cốp roap batẽm.

⁹ Bũn muoi sadâu, Yê-su sapáh yỗn Phau-lô cốp atõng án neq: “Mớí chõỉ ngcõh ntróu. Cỏq mớí atõng níc parnai o tẽ cứq. Mớí chõỉ cubĩm bỗq. ¹⁰ Cứq ỡt níc cốp mớí. Cũai alẻq la tỡ tẻq táq ntróu mớí. Tâng vil nãi bũn clũng cũai cõt khong cứq.”

¹¹ Ngkíq Phau-lô ỡt tâng vil ki nheq muoi cumo tadĩ, cốp án atõng níc parnai Yiang Sursĩ.

¹² Bo Cali-ô cõt sớt tâng cruang Achai, bũn máh cũai tẽ tốp I-sarel yoc ẽ táq Phau-lô. Ngkíq alóí đũng Phau-lô chu Cali-ô yỗn parchĩn parnai. ¹³ Alóí cauq Phau-lô

neq: “Cũai nâi radững máh cũai sang Yiang Sursĩ, ma tở bữn p̄ieiq cớp phễp rit Yiang Sursĩ.”

¹⁴ Toâq Phau-lô ẽ ta-õi loah, Cali-ô atỡng tốp I-sarel ki neq: “Anhia tốp I-sarel ơi! Khân án nâi tutuoiq, tở la cachĩt cũai, tở la táq ranáq sâuq canõh, ki têq cứq parchĩn yõn anhia. ¹⁵ Ma khân anhia ùan cõ án atỡng parnai mpha tễ phễp rit anhia, ki tam anhia. Cứq tở ẽq parchĩn ốc nneq.”

¹⁶ Ngkíq cũai Cali-ô tuih aloõh alóit tễ ki. ¹⁷ Chơ máh cũai cứng ki cớp Sô-then, la cũai ndõm đồng sang tốp I-sarel tâng vil ki. Alóit toân án yáng moat ntốq noau rasữq. Ma Cali-ô táq riang tở bữn hữm.

Phau-lô Chu Loah Pở Vil Anti-ôt Tâng Cruang Si-ri

¹⁸ Phau-lô ốt tâng vil Cờntô dũn tangái. Ntun ki án cubán cusũan tốp puai Yê-su pở ki, chơ án pởq na tuoc chu vil Sen-cơ ẽn. Aki-la cớp Barit-sin pởq parnoi cớp án tê. Tâng vil Sen-cơ, Phau-lô cũah plở án táq alóng nheq, táq tếc án khoiq par-ữq muoi ramứh cớp Yiang Sursĩ. Vót ki, alóit pái náq chõn tâng tuoc pởq chu cruang Si-ri. ¹⁹ Từ alóit toâq pở vil Ê-phê-sô, Phau-lô miar pởq tễ Aki-la cớp Barit-sin. Chơ án mut tâng đồng sang tốp I-sarel, cớp án atỡng tốp I-sarel tâng đồng sang ki. ²⁰ Cũai ki sẽq án

ốt dũn cớp alóit, ma án miaq coáp ẽ pởq chu canõh ẽn. ²¹ Toâq án ẽ loõh tễ alóit, án pai neq: “Khân Yiang Sursĩ yõn, chumát cứq toâq loah pở anhia.”

Moâm án pai ngkíq, án chõn tâng tuoc pởq tễ vil Ê-phê-sô. ²² Từ án toâq pở vil Sê-sarê, án chõn sa-óh tốp sa-âm Yê-su tâng vil ki. Vót ki án pởq chu vil Anti-ôt ẽn. ²³ Án ốt tâng vil Anti-ôt sa-ữi tangái, chơ án pởq pha cruang Ca-lati cớp Phurayia. Án atỡng tốp puai Yê-su tâng bar cruang ki yõn alóit sa-âm pacái lứq ẽn.

Ablô Tâng Vil Ê-phê-sô Cớp Vil Cờntô

²⁴ Tâng máh tangái ki, bữn manoaq ramứh Ablô toâq pở vil Ê-phê-sô. Án la cũai I-sarel tễ vil Alec-santri. Santoiq án atỡng la rangoaiq lứq, cớp án dáng samoât lứq tễ tâm saráq Yiang Sursĩ. ²⁵ Bữn cũai khoiq atỡng án chơ tễ ngê Yê-su Crít. Án bữn mút pahõm yoc atỡng p̄ieiq lứq tễ Yê-su. Ma án dáng ống tễ ranáq batẽm Yang táq sâng. ²⁶ Ablô atỡng c্লóq lứq tâng đồng sang tốp I-sarel. Chơ toâq Aki-la cớp Barit-sin, sâng án atỡng ngkíq, alóit dững án pởq chu đồng alóit; chơ alóit atỡng Ablô, yõn án dáng raloaih hõn ẽn tễ ngê Yiang Sursĩ. ²⁷ Vót ki Ablô yoc ẽ pởq chu cruang Achai ẽn. Ngkíq tốp

puai Yê-su tâng vil Ê-phê-sô táq choaiq thờ yỗn án dững pở tốp puai Yê-su tâng cruang Achai, yỗn alói tabởp o án. Từ Ablô toâq pở cruang Achai, án chuai sa-ữi lứq máh tốp puai Yê-su ca khoiq sa-âm cở Yiang Sursĩ chuai miat alói. ²⁸ Toâq án atởng parnai Yiang Sursĩ yỗn máh cũi I-sarel, alói tở têq suon án. Ngkíq Ablô atởng tể tâm saráq Yiang Sursĩ yỗn alói dáng samoát lứq, Yê-su la Crít, án ca Yiang Sursĩ rườh đốq chuai amoong cũi.

19

Phau-lô Tâng Vil Ê-phê-sô

¹ Bo Ablô ốt tâng vil Côt-nô, Phau-lô ntôm pởq pha cruang án khoiq pởq tể nhũang, chơ chu loah pở vil Ê-phê-sô. Tâng vil ki án ramóh cũi sa-âm. ² Phau-lô blóh alói ki neq: “Từ anhia sa-âm, Raviei Yiang Sursĩ mut ốt tâng mút pahỏm, ma tở yũah anhia?”

Alói ta-ỡi án neq: “Hếq tở nai sâng loâng tể Raviei Yiang Sursĩ.”

³ Ngkíq Phau-lô blóh alói ễn neq: “Từ anhia roap batẽm, anhia puai ngê ntrầu?”

Alói ta-ỡi neq: “Hếq puai ngê Yang, án ca đốq táq batẽm.”

⁴ Phau-lô atởng alói neq: “Yang lứq táq batẽm yỗn cũi ca ngin lỏih lêq cởt mút tamái ễn. Ma Yang atởng yỗn cũi dáng alói cóq

sa-âm manoaq ca toâq ntun án. Manoaq nãi la Yê-su.”

⁵ Từ alói sâng ngkíq, alói roap batẽm nhơ ramứh Yê-su ễn. ⁶ Toâq Phau-lô satoaq atĩ tâng alói, Raviei Yiang Sursĩ mut toâp tâng mút alói. Chơ alói táq ntởng máh parnai ca alói tở yũah rien. Cóp alói atởng tang bởq Yiang Sursĩ. ⁷ Tốp alói bữn sám muoi chít la bar nãq cũi samiang.

⁸ Nheq pái casai Phau-lô atởng níc tâng đổng sang tốp I-sarel. Án atởng cởq lứq parnai tể Yiang Sursĩ cởt sỏt tâng mút pahỏm cũi, ểq alói sa-âm ngê ki. ⁹ Ma bữn cũi tể tốp alói bữn mút coang, tở ểq trĩh parnai ki. Cóp alói pai sãuq tể ngê Yê-su Crít. Ngkíq Phau-lô cóp máh cũi sa-âm loỏh tể ntỏq ki, chơ mut tâng đổng rien Ti-ranu ndỏm. Cu rangái Phau-lô atởng tâng đổng rien ki. ¹⁰ Phau-lô atởng tâng đổng rien ki nheq bar cumo. Ngkíq nheq tữh cũi tâng cruang Asia tamứng parnai o tể Yê-su Crít, đễh cũi I-sarel, đễh cũi tở cởn cũi I-sarel.

Con Samiang Sê-va

¹¹ Yiang Sursĩ yỗn Phau-lô bữn chỏc têq táq sa-ữi ranáq salễh. ¹² Khãn cũi ít khãn tở la tampác Phau-lô, chơ atót tâng tở cũi a-ỉ, lứq cũi a-ỉ ki cởt bán toâp, cóp yiang sãuq loỏh toâp tể tở alói. ¹³ Chơ bữn muoi tốp cũi I-sarel cởt mo cóp pởq

chu nâi chu ki yoc ẽ tuih aloõh chíq yiang sâuq tẽ tở cũai. Alói chanchóm khân alói taléq ramứh Yê-su, alói rơi tuih aloõh yiang sâuq ar-
iang Phau-lô táq. Ngkíq alói ón yiang sâuq neq: “Hếq ón mới loõh chíq tẽ tở cũai nâi cổ như hếq taléq ramứh Yê-su, án ca Phau-lô dốq atõng.”

¹⁴ Mách cũai táq ranáq ki, la tapul náq con samiang Sê-va. Sê-va la cũai sốt tởp tềng rit sang Yiang Sursĩ. ¹⁵ Ma yiang sâuq ta-õĩ tapul náq ki neq: “Yê-su cứq dáng, cóp Phau-lô cứq saccoal, ma anhia la noau?”

¹⁶ Ngkíq cũai ca bữn yiang sâuq, án palõng chu tapul náq ki. Án rêng hõn tẽ alói. Án táq alói cõt chũl hập lứq, cóp alói loõh tẽ dống ki muoi rariat. ¹⁷ Ranáq nâi cõt parchia parhan chũop vil Ê-phê-sô. Mách cũai I-sarel, cóp máh cũai tở cõn cũai I-sarel, tữ alói sâng ngkíq, nheq tữh alói sâng ngcõh lứq. Cóp sa-ũĩ náq ẽn tâng vil ki yám noap lứq ramứh Yê-su Crít, Ncháu hái. ¹⁸ Bữn cứng cũai tẽ tởp puai Yê-su ngin kho máh lôih alói, cóp alói atõng yõn cũai canõh dáng alói khoiq puai cũai mo tê. Ma sanua alói tở ẽq puai noâng. ¹⁹ Sa-ũĩ náq tẽ tởp alói táq samoât cũai mo tẽ nhũang. Ma sanua alói parõm máh saráq alói khoiq rien táq mo, chơ alói chõng yáng moat cũai cứng. Khân

tềng loah máh kia choaiq ki la sám sỡng chít ngin ỏc práq dóng liang. ²⁰ Ngkíq parnai o tẽ Yê-su Crít cõt parhan la-ũt la-ũĩ. Cóp parnai ki cõt blẽng lứq ẽn.

Mách Cũai Ê-phê-sô Ũan Lứq Tởp Yê-su Crít

²¹ Moâm ki Phau-lô chanchóm yoc ẽ pỡq pha cruang Ma-sadôn cóp cruang Achai, ẽ pỡq chu vil Yaru-salem. Án pai neq: “Vót cứq pỡq vil Yaru-salem, cứq yoc ẽ pỡq chu vil Rô-ma ẽn.”

²² Phau-lô ón bar náq Ti-muthê cóp Ê-rat pỡq nhũang án pỡ cruang Ma-sadôn. Alói ki dốq táq ranáq chuai Phau-lô. Ma Phau-lô noâng ỏt loah tâng cruang Asia.

²³ Bo ki tâng vil Ê-phê-sô bữn cứng cũai ũan lứq chóq tởp Yê-su Crít. ²⁴ Bữn manoaq tâng vil ki ramứh Dê-matri. Án la cũai chiang táq rup yiang Dian toâq práq. Án cóp yóu án bữn lơi sa-ũĩ lứq tẽ alói chẻq rup ki. ²⁵ Dê-matri arô máh yóu án cóp máh cũai ca táq ranáq machõng án. Án atõng alói neq: “Sẽm ai ơi! Anhia dáng chơ hái khoiq bữn sa-ũĩ lơi tẽ ranáq hái táq. ²⁶ Anhia hữm cóp sâng chơ tẽ ranáq cũai ramứh Phau-lô khoiq táq. Án atõng nheq tữh cũai neq: yiang atĩ cũai táq la tở cõn lứq yiang. Khoiq bữn cứng cũai noap sãtoiq Phau-lô atõng, tở cõn ỏng

tâng vil Ê-phê-sô nâi sâng ma chũop nheq cruang Asia hỡ. ²⁷ Ốc nâi lớp lứq yỗn hái. Ngcõh ranáq hái táq cõt pút miat. Cóp ngcõh tỡ bữn dũn noâng dống sang yang Dian nâi tỡ bữn noau yám noap noâng. Sanua cứng cũai tâng cruang Asia cóp nheq cruang canõh sang yang Dian nâi, ma ngcõh nỡ pra tỡ bữn noau ẽ sang noâng yang Dian.”

²⁸ Tỡ máh cũai rôm ngki sâng santoiq ki, mút alói cõt nsóq. Chơ alói pai casang lứq neq: “Toâr lứq yang Dian hái, la yang nheq tữh cũai Ê-phê-sô sang.”

²⁹ Chơ máh cũai tâng vil ki pỡq atúng pỡq atooc, pruum hỡ casang lứq. Cóp alói cốp Cai-ut cốp Ari-tac, bar náq yóu Phau-lô ca dốq pỡq parnoi cốp án. Alói la tể cruang Ma-sadôn. Cũai cứng dũng bar náq ki chu ntốq noau dốq ẽ lớiq. ³⁰ Phau-lô yoc ẽ mut tê tâng ntốq ki đốq atõng cũai cứng ki, ma tốp puai Yê-su tỡ yỗn án mut. ³¹ Bữn cũai sốt tâng cruang ki cõt yóu Phau-lô, án coiq parnai sễq Phau-lô chõi mut chu ntốq cũai cứng. ³² Chơ máh cũai cứng ki hỡ casang lứq. Manoaq hỡ pai nneq, manoaq ẽ hỡ pai ngkíq. Ma sa-ũi náq tể cũai cứng ki tỡ dáng ntróu tể alói rôm ngki. ³³ Ngkíq cũai I-sarel cutóí ón Alec-sandơ yuor tayứng

yang moat cũai cứng cóp atõng alói. Alói khoiқ atõng Alec-sandơ máh ốc alói yỗn án atõng máh cũai rôm ki. Ngkíq Alec-sandơ avút atĩ yỗn alói chõi tabõq, yuaq án yoc ẽ atõng alói chõi ũan tốp I-sarel. ³⁴ Ma tỡ cũai cứng ki saccoal Alec-sandơ la cũai I-sarel tê, cóp alói dáng cũai I-sarel tỡ bữn sang yang Dian, alói pai casang lứq ẽn mán chĩn bar adéh đõi neq: “Toâr lứq yang Dian hái, la yang nheq tữh cũai Ê-phê-sô sang.”

³⁵ Vót ki bữn manoaq tể vil Ê-phê-sô, án táq saráq yỗn cũai sốt tâng vil ki. Án sễq alói õt rangiac, yuaq án atõng alói muoi ramứh neq: “Sễm ai vil Ê-phê-sô ời! Nheq tữh cũai dáng chơ vil Ê-phê-sô bán kĩaq níc dống sang toâr yang Dian. Cóp nheq tữh cũai dáng tê hái bán kĩaq níc rup yang Dian ca sễng tể paloõng. ³⁶ Tỡ bữn noau têq suon tể ốc nâi. Ngkíq anhia õt o; chõi coáp nsóq mút. ³⁷ Alói bar náq ca anhia khoiқ dũng pỡ nâi, alói tỡ bữn tuiq crong ntróu tể dống sang yang Dian. Cóp alói tỡ bữn acrieiq yang ki. ³⁸ Khân Dê-matri cốp yóu án bữn ralĩh ntróu, yỗn alói pỡq cauq pỡ cũai sốt. Lứq tỡ bữn óq cũai parchĩn parnai. ³⁹ Khân anhia bữn óc ntróu ẽn, cóq anhia atõng yỗn cũai sốt dáng. Ngkíq la phếp rit

hái. ⁴⁰ Ma máh anhia rôm ntóq nâi sanua, cứq ngcõh lứq cũai sớt hái chanchóm pai hái yoc ẽ cheng sớt tẽ alóí. Khân cũai sớt hái ma chanchóm ngkíq, nheq náq hái tở têq pai ntróu noâng.”

⁴¹ Moâm cũai ki pai ngkíq, chơ án ớn máh cũai chừng ki loõh nheq.

20

Phau-lô Pởq Loah Pở Cru-ang Ma-sadôn

¹ Toâq vil Ê-phê-sô cõt ien loah, Phau-lô arô máh tốp puai Yê-su. Án catoaih atõng alóí yõn sa-âm pacái lứq ẽn. Moâm ki Phau-lô cubán cusũan alóí, chơ án loõh pởq chu cruang Ma-sadôn ẽn. ² Án pởq vil léq, án sa-óh tốp puai Yê-su vil ki. Cóp án catoaih atõng alóí yõn sa-âm pacái lứq ẽn. Moâm ki Phau-lô pởq chu cruang Créc ẽn. ³ Án õt tâng cruang Créc nheq pái casâi. Án chanchóm yoc ẽ pởq chu cruang Si-ri ẽn, ma án sâng noau pai tốp I-sarel yoc ẽ táq án. Ngkíq, án chanchóm o hõn án chu na cruang Ma-sadôn ẽn. ⁴ Bữn tapul náq pởq cóp án. Ramứh tapul náq ki la neq: Sô-batê con samiang Phi-rut tẽ vil Bê-rê, Ari-tac cóp Sê-cundơ tẽ vil Tê-salô-naca, Cai-ut tẽ vil Der-bơ, Ti-chacơ cóp Trô-phim tẽ cruang Asia, cóp Ti-muthê. ⁵ Tapul náq ki pởq

nhũang cóp acoan hếq tâng vil Trô-at.* ⁶ Moâm máh tangái tốp I-sarel Táq Rit Cha Bểng Mi Ớq Cờng Pluoih, hếq chõn tâng tuoc loõh tẽ vil Phi-lip. Vót sớng tangái, hếq toâq pở vil Trô-at, cóp hếq õt ngki tapul tangái.

Phau-lô Tâng Vil Trô-at

⁷ Tangái muoi tâng tớn ki, toâq sadâu, máh tốp puai Yê-su rôm cha sanhữ loah tangái Yê-su cuchĩt. Phau-lô atõng alóí tẽ plở tabữ toau toâq muoi mpút. Án atõng dũn lứq ngkíq, yuaq án chanchóm tangái parnở án yoc ẽ pởq chu canõh ẽn. ⁸ Alóí rôm tâng đống ki tran pái, cóp tâng clõng ki bữn sa-ũi chớp tóu. ⁹ Bữn manoaq samiang tatoam, ramứh Ớ-tic, án tacu tâng ngoah toong piang. Ma Phau-lô atõng dũn lứq. Ngkíq cũai tatoam ki sâng lakéh lakiei, chơ án bếq tữt. Moâm ki langêt tháng, chơ án satooh tẽ ngoah toong piang tran pái ki chu cutêq. Bữn cũai pởq acỏq án, ma án khoiq cuchĩt chơ. ¹⁰ Phau-lô sểng kĩaú án, cóp atõng neq: “Anhia chõỉ croỏq. Án lứq tamooing.”

¹¹ Chơ Phau-lô chõn loah tâng tran pởng. Án pĩh bểng cóp dừng nheq tữh yớu ki cha sanhữ Yê-su cuchĩt. Moâm ki án atõng alóí toau toâq poang. Poang tarựp án loõh tẽ tốp ki. ¹² Chơ máh

* 20:5 20:5 Phau-lô khoiq ramóh Luca tâng vil Phi-lip.

yóu cũai tatoam ca tamoong loah ki, alóí pǝq asuoi án chu dǝng. Alóí sâng bũ lúq, yuaq yóu alóí bũn tamoong loah.

Phau-lô Cóp Yóu Án Pǝq Chu Vil Mi-lê-tu Ên

¹³ Tê ki Phau-lô pǝq chu vil Asôt ên. Án pǝq ayǝng na cóh, ma hǝq pǝq na tuoc. Phau-lô chanchóm bo án toâq pǝ vil Asôt, án ẽ chǝn tuoc cóp hǝq tê. ¹⁴ Toâq hǝq ramóh loah án tâng vil Asôt, Phau-lô chǝn tuoc nǝng hǝq, chǝ hǝq pǝq parnǝi chu vil Mi-tulen. ¹⁵ Máh tangái parnǝ ẽn tuoc hǝq pǝq pha cruang Chi-ô. Máh tangái pra hǝq toâq pǝ cruang Samót. Chǝ máh tangái prái hǝq toâq pǝ vil Mi-lê-tu. ¹⁶ Tũ ki Phau-lô ẽ pǝq luat vil Ê-phê-sô cruang Asia. Án tǝ ẽq ǝt dũn tâng cruang Asia. Án yoc ẽ pǝq cháí chu vil Yaru-salem yǝn satǝm tangái tǝp I-sarel cha bũ Tangái Susot.†

Phau-lô Atǝng Cũai Sót Tǝp Puai Yê-su Tẽ Vil Ê-phê-sô

¹⁷ Ma tẽ vil Mi-lê-tu, Phau-lô coi q parnai chu vil Ê-phê-sô, yǝn máh cũai sót tǝp sa-âm Yê-su tâng vil ki toâq sa-óh án pǝ vil Mi-lê-tu. ¹⁸ Tũ alóí toâq, Phau-lô atǝng alóí neq: “Anhia khiq dǝng chǝ nǝq cóp táq bo cóp ǝt cóp anhia tẽ tangái cóp mbǝi q mut tâng

cruang Asia. ¹⁹ Cóp anhia dǝng samoât chǝ, cóp táq ranáq Yiang Sursĩ neq tẽ mút pahǝm cóp. Cóp tǝ ẽq noau yám noap cóp. Cóp cóp yoc ẽ nhiam toâq noau tǝ ẽq tapun ngê Yiang Sursĩ. Anhia dǝng chǝ cóp chǝuq sa-ũi túh coat máh tǝp I-sarel táq cóp. ²⁰ Anhia dǝng tê, ǝc aléq ma cǝt kia yǝn anhia, cóp tǝ bũn cutooq muoi ǝc ntrǝu. Cóp atǝng níc anhia, tǝ bũn ntrǝu anhia rôm cǝng tǝ la bĩq. ²¹ Cóp atǝng cũai I-sarel cóp cũai tǝ cǝn cũai I-sarel la machǝng neq; cóp atǝng cóp alóí ngin lôih lèq cǝt mút tamái ẽn cóp sa-âm samoât samǝi Yê-su, Ncháu háí. ²² Sanua Raviei Yiang Sursĩ yǝn cóp chu pǝ vil Yaru-salem. Cóp tǝ dǝng ntrǝu noau ẽ táq chók cóp pǝ ki. ²³ Ma dũ vil cóp mut, lúq Raviei Yiang Sursĩ atǝng cóp, la cóp cóp ramóh sa-ũi ramũh túh coat, cóp noau chók cóp tâng cuaq tũ hǝ. ²⁴ Ma máh ranáq ki, cóp tǝ bũn sâng ngcǝh ntrǝu. Tǝ bũn ntrǝu cóp pút rangũh. Ma cóp yoc ẽ bũn muoi ramũh sâng. Cóp yoc ẽ táq yǝn moâm máh ranáq Yê-su Crĩt, Ncháu háí, khiq ǝn cóp táq. Ranáq nái la atǝng níc parnai o tẽ Yiang Sursĩ chuai miat.

²⁵ “Cóp khiq atǝng anhia chǝ tẽ parnai Yiang Sursĩ táq sót. Ma sanua cóp ẽ atǝng anhia neq: Tẽ tangái nái an-

† 20:16 20:16 Tangái Susot la sǝng chít tangái ntun Tangái Loǝh.

hia tở bữn hữm noâng roáp cúq tâng cutêq nâi. ²⁶ Ngkíq cúq atông anhia tangái nâi samoât lứq, khân bữn cũai tể anhia ma tở êq sa-âm Yê-su Crít, cúq vót chơ tột tể ốc ki. ²⁷ Cúq khoiq atông anhia chơ nheq ngê Yiang Sursĩ. Cúq tở bữn cutooq muoi ốc ntróu. ²⁸ Ngkíq cóq anhia kĩaq rabán o tở anhia bữm. Cóp cóq anhia kĩaq rabán tộp sa-âm Yê-su samoât cũai mantán kĩaq charán cũu tê. Ranáq nâi la ranáq Raviei Yiang Sursĩ yỗn anhia táq. Tộp sa-âm Yê-su cốt con Yiang Sursĩ cở nhơ tể aham Yê-su. ²⁹ Cúq dáng samoât lứq, toâq cúq loỏh tể anhia lứq bữn cũai toâq ể talỏh tộp anhia. Cũai ki la samoât ayoông palông ể cha máh charán cũu. ³⁰ Nỡ-ra lứq bữn cũai tể tộp anhia toáp phẻq thũ anhia. Alói táq ntông languat laham êq anhia puai alói, cóp alói atông parnai tở pñeiq. ³¹ Ngkíq cóq anhia ốt o. Chỗi yỗn mút anhia yoc ể puai santoiq noau thũ. Anhia sanhữ nheq pái cumo chơ cúq ốt cóp anhia, cóp cúq atông anhia nheq tangái sadâu. Yuaq cúq sâng sarũiq táq lứq anhia, ngkíq cúq sâng yoc ể nhiam.

³² “Sanua cúq sẻq Yiang Sursĩ bán kĩaq anhia. Cóp cúq sẻq parnai Yiang Sursĩ chuai miat anhia bán kĩaq mút pahỏm anhia. Parnai ki tẻq táq yỗn anhia sa-âm

pacái lứq ễn, cóp yỗn anhia chống tê máh mun Yiang Sursĩ thrũan ể yỗn cũai án khoiq ruoh. ³³ Cúq tở nai ham tĩen práq tở la tampác noau. ³⁴ Anhia khoiq dáng chơ, atĩ cúq bữm táq ranáq yỗn cúq cóp yóu cúq bữn dũ tâc khám cha. ³⁵ Cúq khoiq apáh anhia dáng cóq hái táq ranáq sarâng lứq, ki nỏq hái tẻq chuai cũai túh cadĩt. Táq ngkíq hái lứq sanhữ loah tể santoiq Yê-su, Ncháu hái, pai neq: ‘Khân anhia yỗn cớng anhia chuai yỗn cũai canỏh, ốc ki la bũi hỏn tể anhia roap cớng cũai canỏh chuai yỗn anhia.’ ”

³⁶ Moâm Phau-lô atông máh santoiq ki, án sacỏh racól, cóp câu parnoi cóp alói. ³⁷⁻³⁸ Chơ alói kĩaq Phau-lô cóp hũn án. Alói sâng ngua lứq cóp alói nhiam cở alói sanhữ Phau-lô atông pai alói tở bữn hữm noâng roáp án tâng cutêq nâi. Vót ki alói pởq asuoi Phau-lô toâq pở tuoc.

21

Phau-lô Chu Loah Pở Vil Yaru-salem

¹ Tữ hẻq ratáh tể yóu tâng vil Ê-phê-sô, hẻq chỏn tâng tuoc pởq tanoang chu cruang Côt. Tangái ntun ễn hẻq toâq pở cruang Rô-dơ. Tể cruang ki hẻq pởq chu vil Ba-tara. ² Tể vil ki hẻq ramỏh tuoc canỏh pởq chu cruang Phê-nasi. ³ Hẻq pởq viaq cởn Sip-rơ coah angia

pun. Cóp hếq toâq pở vil Ti-rơ tâng cruang Si-ri. Tâng vil ki cũai ndõm tuoc ruoh công tể tuoc ki. ⁴ Tâng vil Ti-rơ hếq ramóh tốp sa-âm Yê-su, cóp hếq ốt cóp alóí tapul sadâu. Raviei Yiang Sursĩ yõn tốp sa-âm Yê-su tâng vil ki atõng Phau-lô chõỉ pởq chu vil Yaru-salem. ⁵ Ma catâm tangái tacual hếq chõn tuoc sĩa; chơ loõh tể alóí. Nheq dũ náq tốp sa-âm ki, mansẽm samiang, carnẽn carsai, alóí pởq satoâl hếq vót ramóh vil. Toâq tor đởq mut hếq sacóh racóí cóp câu. ⁶ Moâm câu, hếq cubán cusũan tốp alóí. Chơ hếq chõn tâng tuoc, ma alóí chu loah pở đõng alóí.

⁷ Hếq loõh tể vil Ti-rơ, chơ pởq chu vil Patô-lamai. Tâng vil ki hếq mut sa-óh tốp sa-âm Yê-su, cóp hếq ốt cóp alóí muoi tangái muoi sadâu. ⁸ Mách tangái parnở hếq loõh tể vil Patô-lamai pởq chu vil Sê-sarê ẽn. Tâng vil ki hếq ốt tâng đõng Phi-lip. Án la tể tốp alóí tapul náq ca noau ruroh yõn tampẻq công tâc sana cha tâng vil Yaru-salem. Cóp Phi-lip pởq atõng parnai o tể Yê-su Crít yõn cũai canõh sâng tê. ⁹ Án bữn pỏn lám con cumũr la cũai atõng tang parnai Yiang Sursĩ. ¹⁰ Hếq ốt pở ki pái pỏn tangái; chơ toâq manoaq samiang ramứh A-cabut tể cruang Yudê. Án la cũai tang

bỏq Yiang Sursĩ. ¹¹ Án toâq pở hếq, cóp án ỉt parnoân tể ngkĩng Phau-lô; chơ án chỏq ayũng atĩ án bữm. Án pai neq: “Raviei Yiang Sursĩ yõn cứq pai neq: Án ca ndõm parnoân nãi, nỡ-ra tốp I-sarel tâng vil Yaru-salem chỏq án machớng cứq chỏq ayũng atĩ cứq sanua. Cóp tốp I-sarel ẽ đừng án pở atĩ cũai tở cõn cũai I-sarel.”

¹² Toâq hếq sâng san-toiq nãi, hếq cóp nheq tốp sa-âm Yê-su catoaih Phau-lô chõỉ pởq noâng pở vil Yaru-salem. ¹³ Ma Phau-lô ta-õỉ hếq neq: “Anhia nhiam táq ntrớu? Sẻq anhia chõỉ catoâng cứq. Cứq tở bữn ngcõh ntrớu noau chỏq ayũng atĩ cứq, tở la noau cachĩt cứq. Cứq tở bữn ngcõh ntrớu noau táq cứq cỏ cứq cẻu ramứh Yê-su, Ncháu hái.”

¹⁴ Ngkĩq Phau-lô tở bữn trĩh parnai hếq catoaih án. Chơ hếq tở bữn pai ntrớu noâng. Hếq pai bĩq neq sâng: “Tam Yiang Sursĩ. Ranáq ntrớu Yiang Sursĩ yoc ẽ táq, lứq án táq.”

¹⁵ Vót ki hếq thừan chõn chu vil Yaru-salem. ¹⁶ Bữn cũai tể tốp sa-âm Yê-su tâng vil Sê-sarê pởq cóp hếq tê. Tâng vil Yaru-salem alóí đừng asuoi hếq pở đõng Ma-nasõn. Ma-nasõn la cũai tể cõn Síp-rơ, cóp án sa-âm Yê-su khoiq dũn chơ.

17 Từ hếq toâq pở vil Yarusalem, tốp sa-âm Yê-su tâng vil ki tabởp tabéh hếq o lứq. 18 Ma tangái parnở Phau-lô cốp hếq pởq sa-óh Yacở cốp nheq máh cũai sớt tốp sa-âm Yê-su tâng vil Yarusalem. 19 Phau-lô tabởp alóí, cốp atởng alóí nheq máh ranáq Yiang Sursĩ khoiđ chuai cũai tở cởn cũai I-sarel, cở nơ án khoiđ atởng alóí. 20 Từ alóí sâng Phau-lô atởng ngkíq, alóí khễn Yiang Sursĩ. Chơ alóí pai chóq Phau-lô neq: “Ai ơi! Mới khoiđ dáng chơ bữn sa-ữi vian náq tể tốp I-sarel khoiđ sa-âm Yê-su Crít. Alóí pai nheq tữh cũai I-sarel ca puai ngê Yê-su cóq trĩh phếp rit Mũi-se hỡ. 21 Bữn cũai cauđ mới pở cũai I-sarel, pai mới atởng tốp I-sarel tâng cruang canởh chỏi puai noâng phếp rit Mũi-se, cốp chỏi táq noâng rit cứt yỗn con samiang alóí. Cốp alóí cauđ neq hỡ: Pai mới atởng tở bữn puai noâng máh rit achúc achiac hái, la tở bữn pân ntróu. 22 Tở bữn dũn noâng alóí ca cauđ mới dáng mới toâq pở vil nâi. Ngkíq nỏq hái ể táq sanua? 23 Hếq chanchóm o lứq la mới tamứng hếq atởng. Bữn pởn náq tể tốp hếq khoiđ par-ữq muoi ramứh cốp Yiang Sursĩ, ma táq tở yũah moâm. 24 Cóq mới dũng pởn náq nâi, cốp táq machớng alóí tề puai phếp rit I-sarel, yỗn anhia cởt bráh puai rit. Práq

ntróu pởn náq ki cóq yỗn, ki mới chuai yỗn alóí bữn práq. Chơ anhia tềq cũah pở anhia alớng nheq, ngkíq tốp I-sarel lứq dáng samoât tở bữn p̄ieiq noau cauđ mới. Chơ alóí dáng mới noâng puai phếp rit Mũi-se tề. 25 Ma máh cũai tở cởn cũai I-sarel ca khoiđ sa-âm Yê-su Crít, hếq khoiđ táq choaiđ yỗn alóí dáng, ntróu hếq yoc alóí táq. Alóí cóq táq neq: chỏi cha crớng sana noau tutoởng; chỏi cha aham; chỏi cha charán noau éc; cốp mansẽm samiang tở bữn lacuoi cayac chỏi bẻq parnoi.”

26 Chơ tangái ntun, Phau-lô pởq cốp pởn náq ki táq ariang alóí khoiđ par-ữq cốp Yiang Sursĩ. Moâm ki án mut tâng Dớng Sang Toâr yỗn noau dáng raloaih noâng sếq tangái ễn án táq moâm ranáq án par-ữq cốp Yiang Sursĩ. Catâm tapul tangái ễn alóí ể chiau sang crớng đớq puai phếp rit I-sarel.

Noau Cốp Phau-lô Tâng Dớng Sang Toâr

27 Từ cheq ể nheq tapul tangái ki, bữn muoi tốp cũai I-sarel tể cruang Asia, alóí hữm Phau-lô tâng Dớng Sang Toâr. Chơ alóí sasrúc máh cũai clứng ểq alóí ũan chóq Phau-lô. Chơ cũai clứng ki cốp Phau-lô. 28 Cốp alóí pai casang lứq neq: “Nheq tữh cũai I-sarel ơi!

Anhia chuai hếq nừng! Cũai nâi oiq ca pỡq chu dũ cruang atỡng tỡ p̄ieiq tể cũai I-sarel. Án atỡng tỡ p̄ieiq tể phếp rit Mũi-se, cớp án atỡng tỡ p̄ieiq tể Dống Sang Toâr hái. Án dững cũai tỡ cỡn cũai I-sarel mut tâng Dống Sang Toâr hái hỡ. Án táq ngkíq yỗn dống sang hái tỡ bữn bráh o noâng puai rit."

29 Alói pai ngkíq, yuaq alói khoiq hữm Phau-lô pỡq cớp Trô-phim tâng rana. Trô-phim la cũai tể vil Ê-phê-sô. Ngkíq alói chanchóm Phau-lô dững Trô-phim mut tâng Dống Sang Toâr. Ma lứq Trô-phim tỡ bữn mut tâng dống sang. 30 Nheq máh cũai tâng vil ki parlống ẽ táq Phau-lô, cớp alói âc sadõh Phau-lô aloõh tể Dống Sang Toâr. Vót alói táq ngkíq, alói catáih chíq ngoah toong Dống Sang Toâr. 31 Nheq alói ki táq Phau-lô ẽq yỗn án cuchĩt. Ma bữn cũai pỡq atỡng sớt tahan Rô-ma tâng vil Yaru-salem, pai máh cũai tâng vil táq thúc-parthác ẽ cachĩt cũai. 32 Cũai sớt tahan dững cũai sớt pũn án cớp máh tahan pỡq cháit lứq chu ntốq bữn sường ra-õq ramẽq ki. Tũ máh cũai cứng hữm tahan toâq, alói tỡ bữn toân noâng Phau-lô. 33 Cũai sớt tahan pỡq cheq Phau-lô, cớp án ớn tahan cớp Phau-lô, cớp chốq án toâq bar ntreh sái-sô. Moâm ki án blóh: "Án nâi la noau? Ntróu án táq?"

34 Máh cũai cứng cu-õi pai casang lứq. Án ca pai neq, án ca pai ngkíq. Ma cũai sớt tỡ tềq sâng ọc ntróu. Ngkíq án ớn tahan dững Phau-lô chu dõn. 35 Tũ alói toâq pỡ ntruang mut dõn, máh tahan acốq Phau-lô achõn, ngcõh cũai cứng cachĩt án. 36 Yuaq cũai cứng ki puai cheq lứq cớp pai casang lứq: "Cachĩt chíq án!"

*Phau-lô Atỡng Loah Tể
Máh Ranáq Án Khoiq Táq*

37 Tũ alói cheq mut tâng dõn, Phau-lô atỡng cũai sớt tahan toâq parnai Créc neq: "Cứq sểq táq ntõng mahõi cớp mới."

Cũai sớt tahan dót lứq, cớp án blóh Phau-lô neq: "Nốq mới ma dáng parnai Créc? 38 Lứq tỡ, mới la cũai tể cruang Ê-yip-tô ca ẽ cheng sớt cruang nâi? Cớp mới dững pũn ngin náq chu ntốq aiq, chơ loõh rachĩl?"

39 Ma Phau-lô ta-õi án neq: "Tỡ cỡn. Cứq la cũai I-sarel tể vil Tarso, la vil toâr tâng cruang Si-lasi. Cứq sểq mới yỗn cứq táq ntõng cớp cũai cứng nâi."

40 Toâq cũai sớt ki yỗn Phau-lô táq ntõng cớp cũai cứng ki, chơ Phau-lô tayúng tâng ntruang, cớp avút atĩ yỗn alói chõit tabõq. Toâq alói õt rangiac, Phau-lô atỡng alói toâq parnai Hê-bơ, la parnai cũai I-sarel.

22

¹ Phau-lô atõng neq: “Máh cũn anhi sêm ai ơ! Anhia tamúng sãtoiq cúq. Cúq yoc atõng anhia dáng tẽ máh ranáq cúq táq.”

² Tũ alóí sãng Phau-lô atõng toáq parnai Hê-bơ, la parnai alóí bũm, alóí õt rangiac yoc ẽ tamúng lứq.

Chơ Phau-lô atõng ẽn neq: ³ “Cúq la lứq cũai I-sarel. Mpiq cúq canõt cúq tâng vil Tarơ cruang Si-lasi, ma tẽ bo cúq noâng cacót, cúq õt tâng vil Yaru-salem nãi. Cúq rien tẽ thâi Ca-maliel yõn dáng samoát lứq tẽ dũ ọc tâng phếp rit achúc achiac hái. Cóp cúq ẽr áiq lứq yoc ẽ puai ngê Yiang Sursĩ machóng anhia sanua. ⁴ Bo ki cúq yoc ẽ pupurt chíq ngê Yê-su. Ngkíq cúq cõp máh cũai ca puai ngê ki, dẽh mansẽm, dẽh samiang, cõp chók alóí tâng cuaq tũ yõn noau ạchit. ⁵ Án ca sõt nheq tẽ rit sang Yiang Sursĩ cõp máh cũai sõt canõh, alóí ki dáng cúq pai lứq, yuaq alóí toáp yõn cúq bũn choaiq tẽq cõp máh cũai sa-âm Yê-su tâng vil Damac. Tũ cúq apáh choaiq ki yõn máh cũai sõt tốp I-sarel tâng vil ki, alóí dáng lứq samoát cúq tẽq põq chuaq cõp cõp máh cũai puai ngê Yê-su, cõp chók dũng asuoi alóí pữ vil Yaru-salem yõn alóí roap tõt tâng vil ki.”

Phau-lô Atõng Sĩa Án Ramóh Yê-su Tâng Rana

⁶ “Cheq moat mandang toâng, cúq põq tâng rana cheq ẽ toáq vil Damac. Bo ki toáp bũn poang tẽ paloõng claq asẽng chu tỗ cúq. ⁷ Chơ cúq dõm tâng rana, cõp cúq sãng sường sabau chók cúq neq: ‘Salơ ơi! Ở Salơ! Nổq mới táq cúq?’ ⁸ Cúq ta-õĩ sường ki neq: ‘Ncháu ơi! Anhia la noau?’ Án ta-õĩ cúq neq: ‘Cúq la Yê-su tẽ vil Na-sarẽt. Mới táq ngkíq tỡ pĩeiq chók cúq.’ ⁹ Máh cũai põq cõp cúq, alóí hũm tẽ poang ki, ma alóí tỡ bũn sãng sường ntróu. ¹⁰ Chơ cúq blóh Yê-su ẽn neq: ‘Ncháu ơi! Nổq cúq ẽ táq sanua?’ Yê-su ta-õĩ loah cúq neq: ‘Mới yuor tayúng, chơ mut tâng vil Damac. Tâng vil ki bũn cũai atõng mới dáng ntróu cúq yoc mới táq.’ ¹¹ Tũ poang ki claq tâng tỗ cúq, moat cúq cõt sũt chíq. Ngkíq yờu cúq tếc ayũar cúq amut tâng vil Damac.

¹² “Tâng vil Damac bũn manoaq samiang ramứh A-nania. Án trĩh lứq phếp rit hái, cõp tốp I-sarel tâng vil ki yám noap lứq án. ¹³ A-nania toáq atõng cúq neq: ‘Salơ ơi! Mới la sêm ai cúq. Moat mới lứq cõt poang loah.’ Bo ki toáp moat cúq cõt poang loah, cõp cúq hũm A-nania. ¹⁴ Chơ án atõng cúq ẽn neq: ‘Yiang Sursĩ achúc achiac hái sang tẽ mbốq, lứq án toáp ruroh

mới yỗn dáng ngê án. Án apáh yỗn mới hữm Yê-su, án ca tanoang o lứq. Cóp án rườh mới yỗn bữn sâng sường Yê-su. ¹⁵ Yiang Sursĩ táq ngkíq đợq têq mới pờq atỡng nheq tữh cũai dáng tễ máh ramứh mới khoiq hữm cóp sâng chơ. ¹⁶ Nổq mới noâng ốt acoan? Mới yuor tayứng toáp, chơ roap batêm, cóp mới câu sễq Yê-su táh lờih mới.' "

Yê-su Ớn Phau-lô Atỡng Cũai Tỡ Cỡn Cũai I-sarel

¹⁷⁻¹⁸ "Tữ cứq chu pỡ vil Yaru-salem, cứq mut tâng Dống Sang Toâr yoc ễ câu. Bo cứq câu, cứq hữm Yê-su sapáh tỡ án, cóp atỡng cứq neq: 'Pờq cháih! Mới loỏh sanua toáp tễ vil Yaru-salem. Cũai ốt tâng vil nâi tỡ ễq tamứng santoiq mới atỡng tễ cứq.' ¹⁹ Chơ cứq ta-đi Yê-su neq: 'Ncháu ơi! Tốp nâi khoiq dáng chơ bo ki cứq đợq mut tâng đống sang ễ cốp máh cũai sa-âm Ncháu. Cóp cứq chỏq alóih tâng cuaq tữ, cồ yoc ễ cachĩt alóih. ²⁰ Bo noau cachĩt Satien cồ án atỡng parnai anhia, cứq lứq pruan tê cóp alóih cachĩt án. Cứq toáp ốt kĩaq tampác alóih.' ²¹ Ma Yê-su ta-đi loah cứq neq: 'Mới pờq cháih! Cứq ớn mới pờq chu cruang cũai tỡ cỡn cũai I-sarel.' "

Cũai Sốt Tahan Yoc Ễ Toân Phau-lô

²² Tễ dầu lứq Phau-lô atỡng cũai chửng ki, alóih

tamứng samoât lứq. Ma tữ alóih sâng án pai Yê-su ớn án pờq atỡng cũai tỡ cỡn cũai I-sarel ễn, ki alóih tỡ ễq tamứng noâng. Cóp alóih pai casang lứq neq: "Hái táh chíq cũai nâi! Cachĩt chíq án! Tỡ pĩeiq yỗn án tamoong noâng tâng cutễq nâi!"

²³ Bo cũai chửng ki pai casang ngkíq, alóih háq tampác bữm, cóp trứh cutễq phỏn, táq tếc alóih sâng nsóq lứq. ²⁴ Chơ cũai sốt tahan ớn noau dửng amut Phau-lô tâng đỗn tahan. Cóp án ớn alóih toân Phau-lô, cồ yoc ễ dáng Phau-lô táq lờih ntrớu chỏq cũai I-sarel. ²⁵ Tữ alóih chỏq Phau-lô ễ toân án, Phau-lô hữm cũai sốt muoi culám tahan ốt tayứng cheq án. Chơ án blớh cũai ki neq: "Têq tỡ noau toân cũai proai Rô-ma khân tỡ yũah radáng lờih?"

²⁶ Tữ tahan ki sâng ngkíq, án pờq atỡng toáp cũai sốt án neq: "Nổq mới ễ táq chỏq cũai nâi? Án la cũai proai cruang Rô-ma!"

²⁷ Chơ cũai sốt ki toáp toáp pỡ Phau-lô, cóp blớh án neq: "Mới atỡng cứq samoât, mới lứq cũai proai Rô-ma tỡ?"

Phau-lô ta-đi neq: "Oq. Cứq cũai proai Rô-ma."

²⁸ Cũai sốt ki pai ễn neq: "Cứq khoiq pứt práq sa-ũih lứq yoc ễ cõt proai Rô-ma."

Phau-lô atỡng loah án neq: "Ma cứq la proai Rô-ma, yuaq mpoaq cứq la cũai proai Rô-ma."

29 Từ alóí sâng Phau-lô atõng ngkíq, máh tahan ẽ táq án loõh lui-tui toáp. Cóp cũai sớt tahan ki sâng ngcõh tê, cổ án khoi q ớn noau chốq Phau-lô, la cũai proai Rô-ma.

Phau-lô Tayúng Yáng Moat Tốp Cũai Sớt

30 Cũai sớt tahan ki yoc ẽ dáng samoát lứq nốq tốp I-sarel yoc ẽ táq Phau-lô. Ngkíq tangái parnõ, cũai sớt tahan ki ớn noau leh sái-sô tẽ ayũng Phau-lô. Cóp án ớn máh cũai sớt tốp tẽng rit sang Yiang Sursĩ, cóp máh cũai sớt canõh tẽ tốp I-sarel, toáp rôm muoi ntốq. Chơ án dũng aloõh Phau-lô yõn tayúng yáng moat máh cũai sớt ki.

23

1 Phau-lô cloãn níc chu cũai sớt tốp I-sarel, cóp án pai neq: “Sẽm ai ơi! Cứq khoi q puai ngê Yiang Sursĩ nheq rangúh rahõ tẽ cứq noâng cót toau toáp tangái nài.”

2 Ma từ Phau-lô pai ngkíq, A-nania, án ca sớt nheq tẽ rit sang Yiang Sursĩ, ớn cũai õt cheq Phau-lô tapáh bỗq Phau-lô. 3 Chơ Phau-lô pai chốq án neq: “Nõ-ra Yiang Sursĩ táq mới samoát mới táq cứq sanua. Bỗq mới táq ntõng samoát riang o, ma mút pahõm mới cooc lứq. Mới yoc ẽ parchĩn cứq puai phễp rit Yiang Sursĩ,

ma toáp mới ớn noau tapáh cứq, mới táq clai q phễp rit Yiang Sursĩ.”

4 Moám Phau-lô pai ngkíq, cũai õt cheq án blóh án neq: “Nốq mới pupap cũai sớt nheq tẽ rit sang Yiang Sursĩ?”

5 Phau-lô ta-õi neq: “Sẽm ai ơi! Cứq tở bũn dáng án la cũai sớt nheq tẽ rit sang Yiang Sursĩ. Khãn cứq dáng, cứq tở bũn pai ngkíq, yuaq tâm saráq Yiang Sursĩ atõng hái neq:

‘Chõi pupap cũai sớt an-hia.’”[☆]

6 Phau-lô dáng máh cũai sớt ki cõt bar tốp. Muoi tốp ễn la Sa-dusê, ma muoi tốp ễn la Pha-rasi. Ngkíq án atõng casang lứq neq: “Sẽm ai ơi! Cứq la tẽ tốp Pha-rasi, cóp mpoaq cứq la cũai Pha-rasi tê. Hữm cứq tayúng yáng moat anhia sanua, la cổ cứq sa-âm cũai khoi q cuchĩt tẽq tamoong loah.”

7 Từ cũai sớt ki sâng Phau-lô pai ngkíq, bar tốp ki rasuon ratuaq. Ngkíq alóí cõt miar mút. 8 Tốp Pha-rasi sa-âm cũai khoi q cuchĩt tẽq tamoong loah. Alóí sa-âm bũn ranẽng Yiang Sursĩ tẽ paloõng. Cóp alóí sa-âm dũ náq lứq bũn raviei. Ma tốp Sa-dusê tở bũn sa-âm máh ốc ki. 9 Ngkíq bar tốp ki rasuon casang lứq. Bũn máh cũai yõng rit tẽ tốp Pha-rasi yuor tayúng cóp pai neq: “Hếq tở hữm ốc ntróu cũai

☆ 23:5 23:5 Loõh Tẽ Ê-yip-tô 22:28

nâi táq lôih. Cõh lơ lứq bữn raviei tở la ranẽng Yiang Sursĩ atõng án.”

¹⁰ Ngkíq bar tốp ki ralõih lứq lơ ẽn. Cũai sớt tahan ngcõh Phau-lô cuchĩt, yuaq bar tốp ki âc sarnháh án pỡq chu. Ngkíq sớt tahan ớn tahan án âc aloõh Phau-lô tẽ ntốq ki dững achu pỡ dõn. ¹¹ Ma sadâu ki, Yê-su toâq pỡ Phau-lô cớp atõng án neq: “Chõĩ ngcõh ntróu. Cứq yõn mới atõng parnai o tẽ cứq tâng vil Rô-ma, samoât mới khoiq atõng tâng vil Yarusalem nâi tẽ.”

Noau Pruum Muoi Mút Yoc Ê Cachĩt Phau-lô

¹² Poang tarúp parnõ bữn muoi tốp cũai I-sarel, alóĩ pruum muoi mút tở bữn cha nguaiq ntróu toau toâq alóĩ bữn cachĩt Phau-lô. Alóĩ thể dũan ngkíq cớp yóu alóĩ. ¹³ Alóĩ ca pruum táq ngkíq, bữn clũĩ pồn chít náq. ¹⁴ Alóĩ pỡq chu cũai sớt tốp tẽng rit sang Yiang Sursĩ, cớp máh cũai sớt canõh tâng tốp I-sarel, pai neq: “Nheq náq tốp hếq khoiq thể dũan tở bữn cha nguaiq ntróu yõn toau toâq hếq bữn cachĩt Phau-lô. ¹⁵ Sanua sếq anhia cớp nheq tữh cũai sớt tốp I-sarel táq choaiq yõn cũai sớt tahan, ớn án dững aloõh loah Phau-lô. Anhia táq nan ẽ blóh loah Phau-lô. Chơ hếq õt crốq dĩ ria rana. Hếq bữn cachĩt Phau-lô nhũang án toâq pỡ anhia.”

¹⁶ Ma p̄ieiq ramon Phau-lô sâng alóĩ pai ngkíq. Chơ án chu toâp pỡ dõn tahan; cớp án atõng yõn Phau-lô dáng tẽ máh ốc ki. ¹⁷ Phau-lô arô cũai sớt muoi culám náq tahan, cớp atõng án neq: “Mới dững asuoi samiang póng nâi pỡ cũai sớt nheq tữh tahan. Án bữn muoi ramúh ẽ atõng cũai sớt dáng.”

¹⁸ Ngkíq tahan ki dững ramon Phau-lô pỡ cũai sớt, cớp atõng án neq: “Phau-lô, án ca õt tâng cuaq tũ, sếq cứq dững samiang póng nâi pỡ mới. Tatoam nâi yoc ẽ ramóh mới.”

¹⁹ Cũai sớt ki tếc atĩ samiang póng, dững án yõng tẽ cũai canõh, chơ blóh án: “Ntróu mới yoc atõng cứq?”

²⁰ Cũai póng ta-õĩ neq: “Máh tốp I-sarel pruum ẽq sớt alóĩ sếq achuaih dững asuoi loah Phau-lô pỡ cũai sớt alóĩ tangái parnõ. Alóĩ táq nan yoc ẽ blóh loah Phau-lô. ²¹ Ma achuaih chõĩ tamúng parnai alóĩ. Yuaq bữn clũĩ pồn chít náq khoiq thể dũan tở bữn cha nguaiq ntróu toau alóĩ bữn cachĩt Phau-lô. Alóĩ ẽ õt crốq dĩ ria rana acoan Phau-lô toâq, chơ ẽ cachĩt án. Alóĩ khoiq thữan chơ, ma noâng alóĩ acoan achuaih ta-õĩ alóĩ.”

²² Cũai sớt ki patáp samiang póng ki neq: “Chõĩ atõng cũai canõh dáng tẽ santoiq mới mbõiq atõng cứq sanua.”

Moâm án patâp ngkíq, án yõn samiang póng ki chu.

Tõp Tahan Dũng Asuoi Phau-lô Põ Phê-lit

²³ Cũai sõt tahan arô bar náq cũai sõt tahan muoi culám náq, cốp án ón alóí neq: “Anhia thũan dõq bar culám tahan põq na ayũng, tapul chít tahan põq na aséh, cốp bar culám tahan ẽn yõn dũng coih. Sadâu nâi yõn nheq tũh anhia põq chu vil Sê-sarê. ²⁴ Anhia thũan aséh yõn Phau-lô õt; chơ anhia dũng asuoi Phau-lô yõn án toâq põ Phê-lit, la cũai sõt cruang nâi.”

²⁵ Moâm ki cũai sõt tahan ki chĩc choâiq atõng Phê-lit neq: ²⁶ “Cứq la ramũh Calôt Lusia chĩc choâiq nâi cõiq sa-óh achuaih Phê-lit.

²⁷ Cứq táq choâiq nâi sẽq atõng achuaih bĩq tẽ cũai nâi. Tõp I-sarel cõp cốp ẽ cachĩt án. Ma tũ cứq dáng án la cũai proai Rô-ma, ngkíq cứq cốp tõp tahan cứq põq ít án tẽ ntõq alóí ẽ cachĩt án. ²⁸ Cứq yoc ẽ dáng samoât lữq ramũh ntróu án táq lõih chõq alóí. Chơ cứq dũng amóh án cốp cũai sõt tõp I-sarel yoc ẽ tamũng ntróu alóí ẽ blóh án. ²⁹ Cứq dáng tõp I-sarel ũan cũai nâi, yuaq alóí chanchõm án tở bũn puai phẽp rit alóí. Ma cứq tở ramóh muoi ốc lõih ntróu án táq yõn noau tẽq chõq án tâng cuaq tũ cốp cachĩt án. ³⁰ Ma tũ cứq sâng tõp I-sarel pruum muoi mứt

yoc ẽ cachĩt án dĩ ria rana, ngkíq cứq yõn án toâq põ achuaih. Cốp cứq ón tõp I-sarel põq chu achuaih tẽ. Ntróu alóí yoc ẽ cauq, ki yõn alóí cauq põ achuaih.”

³¹ Ngkíq tõp tahan trĩh santoiq sõt alóí. Sadâu ki alóí dũng asuoi Phau-lô põ vil Anti-batri. ³² Mách tangái parnõ ẽn tahan ca põq ayũng chu loah põ dõn. Ma alóí ca põq na aséh, noâng põq cốp Phau-lô. ³³ Tũ alóí toâq põ vil Sê-sarê, alóí avõr choâiq põ cũai sõt, cốp alóí chiau Phau-lô yõn án. ³⁴ Moâm cũai sõt doc choâiq ki, án blóh Phau-lô neq: “Mới tẽ cruang léq?”

Phau-lô ta-õi neq: “Cứq la cũai tẽ cruang Si-lasi.”

³⁵ Tũ án sâng Phau-lô pai ngkíq, án atõng loah Phau-lô neq: “Acoan cũai ca cauq mới toâq põ nâi voai, cứq yoc tamũng ốc ntróu mới ẽ atõng cứq.”

Moâm án pai ngkíq, án ón noau kĩaq Phau-lô tâng dõng toâr puo Hê-rõt khoiq táq.

24

Tõp I-sarel Cauq Loah Phau-lô

¹ Catâm sõng tangái ntun ẽn, A-nania, án ca sõt nheq tẽ rit sang Yiang Sursĩ, cốp cũai sõt tõp I-sarel, dẽh Tet-tulu, nheq náq alóí toâq põ vil Sê-sarê tẽ. Tet-tulu la cũai noau mian dõq rapai

chuai yóu. Nheq tũh alóí cauq Phau-lô yõn achuaih sôt ki tamúng.

² Toâq noau dũng Phau-lô pở ntốq alóí rôm, Tet-tulu cauq Phau-lô neq:

“Cứq sễq lóih, cứq yoc ẽ táq ntống cốp achuaih sanua. Hếq sa-õn achuaih yuaq sanua hếq bữn õt ien khễ lứq. Cốp cruang hếq cõt bữn lứq, yuaq achuaih táq ranáq o lứq yõn cruang hếq. ³ Achuaih ơi! Hếq yám noap lứq achuaih, cốp hếq sa-õn lứq achuaih. ⁴ Hếq dáng achuaih sa-ũri miaq, ma hếq sễq táq ntống bĩq cốp achuaih tễ Phau-lô nâi. ⁵ Cũai nâi, aléq la tở ẽq hữm án. Án pởq cruang aléq, án talõh cũai I-sarel cruang ki. Cốp án paryõng máh cũai yõn puai ngê Yê-su tễ vil Nasarết hỡ. ⁶ Án táq ranáq tở p̄ieiq tâng đống sang hếq. Yuaq ngkíq hếq cốp án. ⁷ Hếq yoc ẽ parchĩn án puai phễp rit hếq. Ma Lusia ca sôt tahan, toâq cháí lứq, cốp án sadõh Phau-lô rêng lứq tễ hếq.* ⁸ Cốp Lusia ớn hếq toâq pở achuaih hỡ. Khân achuaih blớh Phau-lô, lứq achuaih dáng tễ máh ốc hếq atống tễ án la lứq p̄ieiq.”

⁹ Moâm Tet-tulu pai ngkíq, chơ máh tốp I-sarel õt ntốq ki pai lứq p̄ieiq nheq máh ốc ki.

Phau-lô Cốp Phê-lit

¹⁰ Moâm ki, achuaih sôt ki yõn Phau-lô ẽn atống tễ máh ốc ki. Chơ Phau-lô atống neq: “Achuaih ơi! Cứq dáng achuaih khoiq parchĩn cững lứq cũai cốp sa-ũri cumo chơ tâng cruang nâi. Ngkíq, achuaih ơi, cứq bữn lứq bữn atống san-toiq nâi yõn achuaih dáng. ¹¹ Mbõiq muoi chít la bar tangái nhũang nâi, cứq pởq chu vil Yaru-salem yoc ẽ sang toam Yiang Sursĩ. Khân achuaih yoc ẽ dáng samoât samoi tễ ốc nâi, bữn cũai canõh atống ariang cứq tề. ¹² Tốp I-sarel nâi tở bữn ramóh cứq rasuon cốp noau tâng Đống Sang Toâr, tở la tâng đống sang cót, tở la ntốq canõh tâng vil Yaru-salem. ¹³ Ma alóí chống ẽ cauq apót cứq. Khân lứq alóí bữn tếc, ki yõn alóí aloõh. Ma alóí tở bữn bữn tếc ntróu. ¹⁴ Ma bữn muoi ramứh lứq p̄ieiq alóí cauq. Ramứh ki la cứq puai ngê tamái yoc ẽ sang toam Yiang Sursĩ. Yiang Sursĩ la Yiang tốp hếq sang. Tốp sôt cũai I-sarel nâi chanchóm ngê tamái nâi la tở bữn p̄ieiq. Ma lứq cứq sa-âm tề dũ ramứh Mòi-se cốp cũai tang bỗq Yiang Sursĩ khoiq chĩc đốq tâng tâm saráq Yiang Sursĩ tễ mbỗq. ¹⁵ Cốp cứq nguang Yiang Sursĩ táq yõn cũai cuchit bữn tamoong loah, đễh cũai tanoang o, đễh cũai cooc machống alóí

* 24:7 24:7 Sa-ũri tâm saráq tiaq tở bữn bữn rana 7 nâi cốp muoi pún tễ dâu rana 8.

ngcuang tê. ¹⁶ Yuaq ngkíq cúq cutóng táq ranáq o níc chók Yiang Sursĩ cóp chók máh cũai, đợq mút cúq tở têq tểq loah cúq.

¹⁷ “Ngkíq, vót cúq pờq chu canõh bữn bĩq cumo, chơ cúq chu loah pờ vil Yaru-salem. Cúq đưng achu đêh práq đợq chuai cũai tâng cruang cúq. Cóp cúq đưng crong ẽ chiau sang yõn Yiang Sursĩ tê. ¹⁸ Ngkíq cúq mut tâng Đổng Sang Toâr yoc ẽ chiau máh crong sang ki. Cúq táq ngkíq yuaq cúq khoiq par-ữq muoi ramứh cóp Yiang Sursĩ, cóp cúq khoiq táq moâm chơ. Bo ki cúq tở bữn đưng chững cũai mut tâng Đổng Sang Toâr, cóp nheq náq hếq ốt o tâng ki. ¹⁹ Ma bữn muoi tốp cũai I-sarel tể cruang Asia toâq pờ đổng sang ki. Khân cúq táq lôih ntrớu chók alóí, cóq alóí pờq cauq cúq pờ achuaih. ²⁰ Ma máh cũai I-sarel ốt nnâi sanua, alóí khoiq blóh cúq chơ. Khân alóí ramóh muoi ốc ntrớu cúq táq lôih chók alóí, yõn alóí atõng achuaih dáng. ²¹ Ma bữn muoi ramứh toâp cúq khoiq pai casang lứq yáng moat alóí. Cúq pai neq: ‘Hữm cúq tayúng yáng moat anhia sanua, la cõ cúq sa-âm cũai khoiq cuchít têq tamoong loah.’ ”

²² Tở achuaih Phê-lit sâng máh parnai nâi, án chanchóm yoc ẽ parchĩn loah tangái ntun ẽn. Chơ án pai neq: “Toâq Lusìa,

án ca sốt tahan tâng vil Yaru-salem, toâq pờ nâi, cúq parchĩn loah anhia.”

Phê-lit khoiq dáng sa-ữi chơ tể ngê tốp puai Yê-su. ²³ Chơ Phê-lit ốn tahan kĩaq Phau-lô tâng đổng. Ma án patâp tahan chõi catáng yóu Phau-lô mut sa-óh tở la chuai án.

²⁴ Bữn bĩq tangái ẽn Phê-lit toâq loah pờ ntốq án đốq parchĩn cũai. Lacuoi án, ramứh Dơ-rusi, toâq cóp án tê. Dơ-rusi la cũai I-sarel. Phê-lit ốn noau đưng Phaulô toâq pờ án. Án ẽq Phaulô atõng án tể ranáq sa-âm Yê-su Crít. ²⁵ Phaulô atõng Phê-lit pai Yiang Sursĩ yoc cũai bữn mút tanoang o. Cóp Yiang Sursĩ yoc cũai têq viaq ranáq sâuq. Cóp án pai chumát Yiang Sursĩ lứq rablớh nheq tữh cũai. Tở Phê-lit sâng máh santoiq ki, án sâng ngcõh lứq; chơ án atõng Phaulô neq: “Sanua cúq miaq. Khân nỡ pra cúq tở bữn miaq ntrớu, cúq arô loah mới, yuaq cúq yoc ẽ tamúng ẽn mới atõng cúq.”

²⁶ Ma bo ki, Phê-lit ngcuang Phaulô aloõh yõn án práq chang án acláh. Ngkíq yuaq án arô Phaulô sa-ữi trổ yõn táq ntõng. ²⁷ Vót bar cumo, bữn manoaq ramứh Pờ-siu Phê-tu pláih loah Phê-lit cõt sốt tâng cruang ki. Ma Phê-lit yoc tốp I-sarel ốt bũi cóp án. Ngkíq án đợq níc Phaulô, cóp tở bữn acláh.

25

Phau-lô Sêq Yõn Puo Rô-ma Toâp Pachĩn Yõn Án

1 Phê-tu cõt sôt mbõiq pái tangái sâng tâng cruang ki, chơ án loõh tẽ vil Sê-sarê p̃q sa-óh vil Yaru-salem. 2 Tâng vil ki máh cũai sôt tốp tẽng rit sang Yiang Sursĩ, cốp nheq máh cũai sôt tốp I-sarel, alóí cauq Phau-lô chók Phê-tu. 3 Alóí sêq Phê-tu yõn Phau-lô chu p̃ vil Yaru-salem, yuaq alóí khoiq pruam ẽ cachĩt Phau-lô tâng rana. 4 Ma Phê-tu atõng alóí neq: “Yõn Phau-lô t́ng õt tũ tâng vil Sê-sarê. Tõ bữn dũn noâng cứq chu loah p̃ vil ki. 5 Ngkíq anhia ón cũai tẽ tốp anhia p̃q cốp cứq chu vil Sê-sarê. Khãn Phau-lô táq lờih ntróu chók anhia, yõn anhia cauq án p̃ vil ki.”

6 Toâq Phê-tu õt tâng vil Yaru-salem cốp alóí sám muoi chít tangái, án chu loah p̃ vil Sê-sarê. Cốp máh tangái parnõ án mut tacu tâng ntóq đốq án parchĩn parnai. Án ón noau dũng Phau-lô toâq p̃ án. 7 Tũ Phau-lô toâq, cũai I-sarel tẽ vil Yaru-salem lavíng mp̃ Phau-lô cốp cauq án, pai án táq lờih toâr lứq. Ma alóí chõng cauq sâng; alóí ốq tếc ntróu. 8 Chơ Phau-lô pai neq: “Lứq cứq tõ bữn táq lờih ntróu chók phẽp rit tốp I-sarel, tõ la chók Đõng Sang Toâr, tõ la chók puo Rô-ma.”

9 Ma Phê-tu chõng pahõm cũai I-sarel ẽq alóí ayoog án. Ngkíq án blóh Phau-lô neq: “Mới pruam chu p̃ vil Yaru-salem đốq cứq parchĩn anhia p̃ vil ki tõ?”

10 Phau-lô ta-õi án neq: “Tõ p̃ieiq noau parchĩn p̃ vil ki. Ntốq nãi toâp la lứq p̃ieiq yõn noau parchĩn cũai Rô-ma. Achuaih khoiq dáng chơ cứq tõ bữn táq ranáq sâuq ntróu chók tốp I-sarel. 11 Khãn cứq tõ bữn trĩh phẽp rit anhia, ki anhia cachĩt cứq la thõih, cứq chũuq cuchĩt. Ma khãn alóí cauq cứq tõ bữn p̃ieiq, ki anhia tõ tẽq chiau cứq p̃ alóí. Sanua cứq sêq puo Rô-ma toâp parchĩn cứq.”

12 Moâm Phau-lô pai ngkíq, Phê-tu sarhõng loah cốp yóu án. Chơ án pai chók Phau-lô neq: “Mới sêq puo Rô-ma parchĩn mới, ki cứq yõn mới p̃q chu puo Rô-ma.”

Phê-tu Atõng Acri-pa Tẽ Phau-lô

13 Tõ bữn dũn tangái, puo Acri-pa cốp amuaq án, ramứh Bê-ranit, p̃q chu vil Sê-sarê ẽ sa-óh achuaih Phê-tu. 14 Alóí bar náq õt ngki khoiq pái p̃n tangái, chơ Phê-tu atõng puo Acri-pa tẽ Phau-lô neq: “Bữn manoaq cũai tũ p̃ nãi tẽ tangái Phê-lit noâng cõt sôt cruang nãi. Phê-lit tõ yũah acláh án. 15 Tũ cứq p̃q p̃ vil Yaru-salem, máh cũai sôt tốp tẽng rit sang Yiang

Sursĩ, cốp máh cũai sôt nheq sâu tẽ tốp I-sarel, nheq alóí cauq án ẽq cúq táq coat án. ¹⁶ Ma cúq ta-õi tốp I-sarel neq: ‘Rit cũai Rô-ma la neq: Tở têq táq coat cũai khân tở yũah radáng lôih. Cóg bữn bar coah ramóh parnõi đốq cũai noau cauq têq ta-õi tẽ máh ốc noau cauq án.’ ¹⁷ Ma tử tốp I-sarel toâq pỡ vil Sê-sarê nâi, cúq parchĩn toâp parnai ki. Khân tangái nâi alóí toâq, ki tangái parnỡ cúq parchĩn. ¹⁸ Tẽ nhũang cúq chanchóm Phau-lô bữn lôih toâr lứq. Ma tử cúq sâng noau cauq án, cúq tở hữm ốc ntróu lôih toâr. ¹⁹ Alóí cauq Phau-lô ống tẽ rit sang sâng. Cốp alóí pai tẽ manoaq cũai ramứh Yê-su hỡ. Alóí ki pai Yê-su lứq khoi q củchĩt thánq, ma Phau-lô pai Yê-su khoi q tamoong. ²⁰ Ngkĩq cúq dót sarnóm, tở dáng nốq ẽ parchĩn yỗn alóí. Ngkĩq yuaq cúq blóh Phau-lô, án pruam ẽ chu pỡ vil Yarusalem ma tở bữn. Cúq chanchóm o lứq cúq parchĩn alóí pỡ vil ki. ²¹ Ma Phau-lô sếq puo Rô-ma toâp parchĩn án. Ngkĩq cúq ớn noau kĩaq án yỗn toau toâq tangái cúq têq coi q án pỡ puo Rô-ma.”

²² Moâm Phê-tu atống ngkĩq, Acri-pa ta-õi án neq: “Cúq yoc ẽ tamứng tẽ santoi q án pai.”

Chơ Phê-tu atống Acri-pa neq: “Lứq samoât tangái parnỡ mới bữn sâng santoi q

án.”

²³ Máh tangái parnỡ Acri-pa cốp Bê-ranit tấc tampác nêu q o lứq, chơ alóí mut tâng ntốq noau đốq rasũq. Cốp bữn máh cũai toâq hâu alóí pỡ đống ki. Tâng ntốq ki bữn cũai sôt tahañ sa-ũĩ lứq, cốp bữn máh sôt cũai proai tâng vil ki hỡ. Ngkĩq Phê-tu ớn noau đứng Phaulô toâq pỡ ntốq ki. ²⁴ Chơ Phê-tu pai neq: “Puo Acri-pa cốp máh sếm ai cũn anhi ỏi! Anhia hữm cũai ca nheq tữh cũai I-sarel cauq pỡ cúq. Alóí cauq án tâng vil Yarusalem cốp tâng vil nâi hỡ. Alóí sếq níc tẽ cúq, yỗn cúq cachĩt chíq án. ²⁵ Ma cúq tở bữn ramóh ốc lôih ntróu têq cachĩt án. Ma sanua án khoi q sếq yỗn puo Rô-ma toâp parchĩn án. Ngkĩq cúq chanchóm yoc ẽ coi q án pỡ puo Rô-ma. ²⁶ Ma sanua cúq tở dáng ẽ chĩc ramứh ntróu tâng choai q đốq atống puo Rô-ma dáng raloaih tẽ Phau-lô táq lôih. Ngkĩq cúq đứng Phau-lô pỡ nheq tữh anhia cốp pỡ puo Acri-pa. Sếq anhia blóh án yỗn dáng raloaih ốc ntróu toâp án táq lôih, ien cúq chĩc choai q atống yỗn puo Rô-ma dáng. ²⁷ Cúq chanchóm tở bữn o khân coi q cũai tử pỡ puo Rô-ma, ma tở bữn radáng lôih án.”

26

Phau-lô Atống Loah Yáng Moat Acri-pa

¹ Moâm Phê-tu pai ngkíq, Acri-pa pai chók Phau-lô neq: “Ntróu mới yoc ẽ táq ntông, mới atông sanua.”

Chơ Phau-lô avút atĩ cốp pai neq: “Puo Acri-pa ơi!
² Cúq sâng bũi lứq bũn táq ntông cốp anhia tẽ máh ốc tốp I-sarel cauq cúq. ³ Yuaq anhia dáng sa-ũĩ tẽ máh phếp rit tốp I-sarel, cốp máh ốc cũai I-sarel đốq sarhông. Ngkíq cúq sêq anhia tamúng yõn samoat tẽ ốc cúq ẽ atông anhia.

⁴ “Máh cũai I-sarel dáng nheq tẽ máh ranáq cúq táq bo cúq noâng póng ốt tâng cruang cúq, cốp tâng vil Yaru-salem. ⁵ Khân alóí yoc, têq alóí pai cúq la cũai Pha-rasi. Cốp anhia khoiq dáng chơ tốp Pha-rasi trĩh phếp rit I-sarel clũĩ nheq tẽ tốp canõh. ⁶ Ma sanua cúq tayúng yáng moat anhia cõ tian cúq sa-âm santoiq Yiang Sursĩ khoiq par-ữq cốp achúc achiac hếq tẽ mbốq. ⁷ Nheq tửh muoi chít la bar tốp tâng cruang I-sarel sang toam Yiang Sursĩ cu tangái sadâu. Cốp alóí nguang níc máh ốc Yiang Sursĩ khoiq ữq cốp alóí. Ngkíq puo ơi, cõ cúq nguang ốc nãi, yuaq alóí ũan cúq cốp cauq cúq. ⁸ Nốq anhia sâng salẽh Yiang Sursĩ têq táq yõn cũai cuchit cõt tamoong loah?

⁹ “Tẽ nhũang, cúq chanchóm p̄ieiq lứq cúq táq túh coat máh cũai ca puai

ngê Yê-su tẽ vil Na-sarêt. ¹⁰ Máh cũai sôt tốp têng rit sang Yiang Sursĩ tâng vil Yaru-salem yõn cúq bũn chóc têq chók máh tốp puai Yê-su tâng cuaq. Khân cũai sôt yoc ẽ cachit alóí, ki cúq pruam tẽ. ¹¹ Khoiq sa-ũĩ trổ chơ cúq táq alóí, ẽq alóí táh chíq ngê Yê-su cốp acrieiq ramúh án. Cúq táq ngkíq sa-ũĩ ntốq tâng đống sang tốp I-sarel. Cúq sâng ũan lứq chók máh cũai sa-âm Yê-su. Cốp cúq p̄oq táq alóí tâng máh cruang canõh hỡ.”

Phau-lô Atông Loah Án Ramóh Yê-su Tâng Rana

¹² “Bũn muoi tangái, cúq p̄oq chu vil Damac, yoc ẽ cốp máh cũai sa-âm Yê-su. Máh cũai sôt tốp têng rit sang Yiang Sursĩ khoiq táq choaiq yõn cúq têq cốp cũai sa-âm. ¹³ Puo ơi, toaq moat mandang toâng tangái ki, bo cúq noâng p̄oq tâng rana cheq ẽ toaq p̄o vil Damac, cúq hũm poang cla q tẽ paloong. Poang ki clũĩ poang tẽ moat mandang. Án cla q chũop nheq tở cúq cốp yóu ca p̄oq núng cúq. ¹⁴ Nheq tửh hếq dóm proac prêq tâng cutêq. Cốp cúq sâng srong sabau atông cúq toaq parnai cúq bũm, la parnai Hê-bơ neq: ‘Salơ ơi! Ở Salơ! Nốq mới táq cúq? Mới táq ngkíq la ariang tariac noau clõh múh ẽ tếc án chu tĩh, ma án nhanhơ ẽ p̄oq chu canõh, tở ẽq puai ncháu án. Mới

táq ngkíq la coat lúq yǒn mới.’¹⁵ Chơ cúq ta-ǒi sương ki neq: ‘Ncháu ơi! Anhia la noau?’ Sương ki ta-ǒi loah cúq neq: ‘Cúq la Yê-su. Mới táq ngkíq tở pǐeiq chók cúq.’¹⁶ Ma sanua mới yuor tayúng. Cúq toâq pở mới sanua cở cúq yoc mới táq ranáq cúq. Cóp cúq yoc mới atǒng yǒn cũai canǒh dáng tê tể máh ramúh mới hữm sanua, cóp máh ramúh cúq apáh mới nữ-ra hỡ. ¹⁷Cúq chuai mới yǒn vót tể máh cũai I-sarel cóp máh cũai tở cởn cũai I-sarel ca ẽ táq mới. Cúq ớn mới pởq atǒng máh cũai tở cởn cũai I-sarel. ¹⁸Toâq mới atǒng alóí tể máh parnai tể cúq, lúq cúq pớh mút pahỏm alóí yǒn alóí têq táh chíq ngê sâuq, chơ puai ngê o ẽn. Cóp cúq yǒn alóí tở bữn cởt sũl noâng yiang Satan, ma yǒn alóí puai ớng ngê Yiang Sursĩ sâng. Chơ cúq táh lỏih alóí, cóp cúq yǒn alóí chống tê máh mun cúq pruam ẽ yǒn cũai sa-âm cúq.’ ”

Phau-lô Atǒng Sĩa Tể Ranáq Án Khoiq Táq Chơ

¹⁹ “Ngkíq, puo Acri-pa ơi, cúq trỉh nheq máh ốc Yê-su khoiq atǒng cúq tể paloǒng. ²⁰ Cúq atǒng dũ náq cũai cóq alóí ngin lỏih lêq cởt mút tamái ẽn, cóp cóq alóí puai ớng ngê Yiang Sursĩ sâng. Cóp cúq atǒng alóí cóq alóí táq ranáq o níc, đốq cũai canǒh dáng samoât

samơi alóí khoiq ngin lỏih lêq cởt mút tamái ẽn. Cúq atǒng máh ramúh nài tâng vil Damac nhũang, chơ cúq atǒng ntun ẽn tâng vil Yarusalem cóp tâng nheq cruang Yudê hỡ. Moâm ki cúq atǒng pở cruang cũai canǒh ẽn. ²¹ Cở cúq táq ranáq nài yuaq cũai I-sarel cóp cúq tâng Dỏng Sang Toâr, cóp ẽ cachĩt cúq. ²² Ma toau toâq tangái nài Yiang Sursĩ chuai cúq tở yǒn noau têq cachĩt cúq. Ngkíq cúq têq tayúng atǒng parnai o yǒn nheq tữh cũai sâng, dếh cũai toâr cóp cũai cởt. Cúq atǒng loah máh parnai Yiang Sursĩ yǒn na Mỏi-se cóp na cũai tang bỏq án tể mbỏq atǒng saccoaiq. ²³ Alóí pai Crĩt, án ca Yiang Sursĩ rườh đốq chuai amoong cũai, cóq chũuq sa-ữi túh coat, cóp noau cachĩt án. Chơ án tamoong loah nhũang tể cũai canǒh. Án la samoât riang poang claq yǒn cũai I-sarel cóp cũai tở cởn cũai I-sarel hỡ.”

²⁴ Moâm Phau-lô atǒng máh santoiq ki, Phê-tu pai casang lúq neq: “Phau-lô ơi! Mới lúq cũai yủh! Cở mới rien sa-ữi lúq, ngkíq yuaq mới cởt yủh!”

²⁵ Ma Phau-lô ta-ǒi án neq: “Achuaih Phê-tu ơi! Cúq tở bữn yủh. Máh parnai cúq atǒng la lúq pǐeiq. ²⁶ Puo Acri-pa ơi! Cở anhia dáng chơ máh ramúh nài, ngkíq yuaq cúq khỏn atǒng anhia.

Máh ốc nâi tở bữn noau cu-tooq. Ngkíq cứq dáng anhia khoi q dáng samoât samoi máh ramứh nâi. ²⁷ Puo Acri-pa oi! Anhia lứq sa-âm máh parnai cũai tang bỗq Yiang Sursĩ khoi q chĩc tở? Cứq dáng lứq samoât anhia sa-âm tê.”

²⁸ Ma Acri-pa ta-õi Phau-lô neq: “Nỏq mới atởng pahõi sâng, ma chanchóm cứq ẽ mut sa-âm Yê-su tê bớh?”

²⁹ Chơ Phau-lô ta-õi loah án neq: “Dũn tở la mahôi, tở bữn ntróu. Cứq sễq Yiang Sursĩ yỗn anhia cớp nheq tữh cũai ca tamứng satoi q cứq sanua, sa-âm machớng cứq sa-âm tê. Ma cứq tở ẽq noau táq anhia ariang noau chỏq cứq toâq sái-sô nâi.”

³⁰ Moâm Phau-lô pai ngkíq, puo Acri-pa, achuaih Phê-tu, Bê-ranit, cớp nheq tữh cũai ốt ntỏq ki, alói yuor tayứng. ³¹ Cớp alói pai neq: “Phau-lô lứq tở bữn lôi h ntróu yỗn tềq noau cachĩt, tở la chỏq án tâng cuaq.”

³² Chơ Acri-pa atởng Phê-tu neq: “Khân Phau-lô tở bữn sễq puo Rô-ma parchĩn án, ki tềq hái acláh án.”

27

Phau-lô Pờq Pờ Vil Rô-ma

¹ Toâq cũai sốt ki thrũan coi q Phau-lô pờ cruang I-tali, cứq Luca pờq cớp Phau-lô tê. Cũai sốt ki chiau Phau-lô cớp máh cũai tũ canỏh pờ Yulo, la cũai sốt muoi culám náq tahan. Tốp sốt tahan ca noau đởq Tốp Acu-tơ. ² Hếq

chỗn tuoc tâng vil A-tramit. Tuoc nâi ẽ pờq chu máh vil ca ốt cheq tor đởq mut tâng cruang Asia. Bữn manoaq yóu pờq cớp hếq, ramứh Ari-tac tễ vil Tê-salô-naca, cruang Ma-sadôn. ³ Máh tangái parnở hếq toâq pờ vil Sadôn. Yulo sâng ayooq táq Phau-lô; chơ án yỗn Phau-lô pờq sa-ỏh yóu án tâng vil ki, cớp yỗn yóu Phau-lô chuai án. ⁴ Chơ hếq loỏh tễ vil Sadôn, ma cuyal phát hập lứq ẽ dũng đêh tuoc. Ngkíq tuoc hếq pờq viaq coah cỗn Sip-rơ coah angia mandang loỏh. ⁵ Vót ki hếq pờq luat cruang Si-lasi cớp cruang Bam-phuli; chơ toâq pờ vil Mi-ra tâng cruang Lisia.

⁶ Tâng vil ki, án ca sốt muoi culám tahan chuaq tuoc canỏh ẽn. Toâq án ramóh muoi lám tuoc ca toâq tễ vil Alec-santri ẽ pờq chu cruang I-tali; chơ án yỗn hếq chỗn tâng tuoc ki. ⁷ Tở dáng sễq tangái noâng hếq ngcuai pờq. Coat lứq cuyal phát. Mán tở toâq pờ vil Cơ-nit. Ma vót ki cuyal phát hập lứq ẽn. Ngkíq hếq pờq luat ntỏq noau đởq Sal-môn pờq cheq tor đởq cỗn Crêt ẽn. ⁸ Hếq pờq pờ tor đởq coah pũn cỗn Crêt, cớp hếq pachỏq tuoc bân ntỏq đởq viq ving cheq vil Lasê.

⁹ Hếq ốt dũn lứq tâng vil ki; chơ hếq yoc ẽ pờq ẽn, ma casái ki khoi q cheq nheq cumo chơ. Casái ki paloỏng

mia choân lúq, cốp cuyal rapuq; coat lúq pǒq na tuoc. Ngkíq Phau-lô sươq alóí neq: “Sẽm ai ơ! ¹⁰ Khân hái pǒq tể ntốq nâi sanua, cứq chanchóm hái ramóh sa-ũĩ túh coat. Tở bữn pút ống crong cốp tuoc sâng, ma tở hái la cuchĩt tề.”

¹¹ Ma cũai sốt muoi culám tahan ki tở bữn noap santoiq Phau-lô atống. An noap santoiq cũai dững tuoc, cốp cũai ncháu tuoc. ¹² Ntốq đởq viq ving ki tở bữn o đởq tuoc tâng casâi sangết. Ngkíq moâm alóí sarhông máh cũai ca ẽ pǒq tâng tuoc ki, bữn cứng hỡn tể cũai yoc ẽ pǒq. Alóí cutóng ẽ pǒq pữ vil Phê-nit tâng cõn Crêt. Alóí yoc ẽ ốt vil ki tâng casâi sangết, yuaq vil ki bữn ntốq viq ving o hỡn tể vil Lasê.

Bữn Rapuq Tâng Dởq

Mut

¹³ Tở alóí hữm cuyal phát laviei o, máh cũai tâng tuoc ki chanchóm tềq pǒq. Ngkíq alóí leh tuoc, chơ hếq pǒq cheq tor đởq cõn Crêt. ¹⁴ Ma tở bữn dũn noâng cuyal rapuq hập lúq tể angia cõn Crêt ki. ¹⁵ Cốp cuyal ki clúh tuoc rêng lúq. Ngkíq hếq tở tềq abĩat noâng tuoc hếq, yuaq cuyal ốt dững níc tuoc hếq. ¹⁶ Ngkíq tuoc hếq pǒq luat coah angia pũn cõn cót bữn ramứh Co-da. Ốt ngki cuyal laviei bĩq. Ngkíq tuoc cacót hếq ti coah clĩ, hếq riap âc achõn tâng tuoc toâr hếq ẽn. ¹⁷ Moâm

hếq achõn tuoc cacót ki, chơ hếq ỉt proat, tán tuoc toâr ẽn, ngcõh án pacháh. Cũai dững tuoc hếq, ngcõh tuoc hếq mut bân ntốq sa-ũĩ chũah, noau đởq Sir-tơ. Ngkíq alóí yial máh aroaiq noau yoang tâng tuoc yõn cuyal clúh dững. Chơ alóí tở bữn voah noâng tuoc; alóí ỉt ống cuyal dững sâng. ¹⁸ Máh tangái parnở cuyal phát hập lúq ẽn. Ngkíq máh cũai dững tuoc hếq voang asẽng nheq máh crong alóí patiang tâng đởq. Alóí ẽq tuoc cõt nghẽl. ¹⁹ Chơ máh tangái pra ẽn, hếq voang dểh aroaiq cốp sarva tâng đởq. ²⁰ Sa-ũĩ tangái chơ, hếq tở bữn hữm noâng moat mandang cốp mantở, yuaq rapuq hập lúq. Hếq tở bữn nguang tềq bữn tamoong noâng.

²¹ Khoiq sa-ũĩ tangái chơ hếq tở bữn chi-cha ntróu. Ngkíq Phau-lô tayúng yáng moat nheq cũai tâng tuoc hếq, cốp án atống alóí ki neq: “Sẽm ai ơ! Khân anhia trĩh parnai cứq atống tể nhũang, anhia tở bữn loõh tể cõn Crêt ki. Chơ hái tở bữn ramóh túh coat nâi, cốp crong hái la tở bữn pút. ²² Ma sanua anhia chõĩ ngcõh ntróu. Nheq náq hái ca ốt tâng tuoc nâi tở bữn noau cuchĩt. Ma pút ống tuoc sâng. ²³ Anhia khoiq dáng chơ cứq la cũai táq ranáq Yiang Sursĩ. Sadâu mahái bữn ranẽng Yiang

Sursĩ tẽ paloõng toâq pở
 cứq. ²⁴ Án atõng cứq neq:
 ‘Phau-lô ơi! Mới chõĩ ngcõh
 ntróu. Cóq mới ramóh puo
 Rô-ma. Cõ Yiang Sursĩ ay-
 oõq lứq mới, ngkiq án chuai
 nheq tữh cũai ca õt parnoi
 cóp mới tâng tuoc nâi, yõn
 tở bữn cuchĩt.’ ²⁵ Ngkiq
 sễm ai ơi, anhia chõĩ ngcõh
 ntróu. Cứq sa-âm samoât
 samõi máh santoiq Yiang
 Sursĩ ữq cóp cứq. Lứq án
 táq nheq máh ốc ki. ²⁶ Ma
 cuyal nâi lứq dững hái toâq
 pở muoi cõn; chơ hái raclõng
 nheq chu cõn ki.”

²⁷ Nheq muoi chít la põn
 tangái cuyal dững tưng-
 tooc tuoc hếq pởq tâng dờq
 mụt Atria-tic. Tâng sadâu
 muoi chít la põn, cheq muoi
 mpút, cũai dững tuoc hếq
 chanchóm tuoc khiq cheq
 toâq tor chơ. ²⁸ Ngkiq alóĩ
 chiaq dờq, yoc ẽ dáng maléq
 yarũ. Toâq alóĩ dáng dờq ki
 yarũ bar chít achoang. Alóĩ
 pởq bĩq ẽn, alóĩ chiaq sĩa,
 chơ alóĩ dáng dờq ki yarũ
 muoi chít la sõng achoang.
²⁹ Alóĩ ngcõh tuoc hếq clủ
 tamáu, chơ cõt pacháh. Alóĩ
 bữn põn cõc tac ntâng,
 ngkiq alóĩ chỏq panũar; chơ
 alóĩ apõng tac ki tẽ soi tuoc
 tâng dờq, ẽq tuoc õt dớng
 muoi ntốq. Cóp alóĩ câu níc
 ẽq yõn poang cháĩ. ³⁰ Máh
 cũai ca dững tuoc hếq asẽng
 loah tuoc cõt tâng dờq. Alóĩ
 pai alóĩ yoc ẽ apõng cõc tac
 canõh hữ tâng dờq cheq plờ

tuoc. Ma alóĩ táq nan sâng,
 ốc lứq la alóĩ ẽ lủh luoiq tẽ
 tuoc. ³¹ Ma Phau-lô atõng
 nheq máh tahan tâng tuoc
 hếq neq: “Khân cũai dững
 tuoc hái ma tở bữn õt níc
 tâng tuoc, nheq tữh anhia
 lứq cuchĩt nheq.”

³² Ngkiq cũai tahan cút
 panũar noau chỏq tuoc cõt
 ki; chơ alóĩ táh loâng.

³³ Sadâu ki khiq cheq ẽ
 poang, Phau-lô atõng yõn
 nheq náq cũai tâng tuoc ki
 chi-cha dõĩ. Án pai neq:
 “Khoiq nheq muoi chít la
 põn sadâu chơ anhia tở bữn
 cha ntróu. ³⁴ Cứq sễq anhia
 cha yõn tẽq anhia tamoong.
 Lứq samoât anhia tở bữn
 bớq chũl ntróu.”

³⁵ Moâm Phau-lô pai
 ngkiq, án ỉt bẽng; chơ án
 câu sa-õn Yiang Sursĩ yáng
 moat nheq tữh cũai tâng
 tuoc ki. Moâm ki án pĩh
 bẽng, cóp án cha. ³⁶ Từ alóĩ
 ki hữm Phau-lô táq ngkiq,
 alóĩ sâng bũi tê tâng mụt
 alóĩ. Ngkiq alóĩ cha tê.
³⁷ Tâng tuoc hếq bữn bar
 culám tapul chít tapoât náq.
³⁸ Moâm nheq tữh cũai ki
 cha pasâi, chơ hếq apõng
 táh nheq saro tẽ tuoc, ẽq yõn
 tuoc cõt nghễ loah.

Tuoc Ki Cõt Pacháh Chít

³⁹ Toâq poang tarup, nheq
 tữh cũai tâng tuoc hếq tở
 bữn noau dáng tháng tor
 ki. Ma cũai dững tuoc hữm
 muoi ntốq viq ving tâng tor
 ki. Alóĩ cutóng dững tuoc
 amut tâng viq ving ki. ⁴⁰ Alóĩ

cút táh chíq panũar chốq cốc tac yỗn satooh chíq tâng đốq. Cốp alóí leh chíq acán abĩat tuoc ki. Alóí chõn yoang loah aroaiq tâng plớ tuoc yỗn cuyal clúh đưng, ẽq tuoc hếq pốq tanoang chu tor ntốq bữn viq ving ki. ⁴¹ Ma tuoc hếq cáh tâng chũah. Chơ samoat noau chi-chít plớ tuoc tâng chũah tưng loâng. Cốp yoah soi tuoc đốq lampoáp níc; chơ táq yỗn soi tuoc cõt pacháh nheq.

⁴² Ngkíq tahan tâng tuoc hếq, alóí chanchóm yoc ẽ cachĩt nheq máh cũai tũ tâng tuoc ki. Alóí ngcõh cũai tũ ki lôi chu tor, chơ lúh chíq chu canõh. ⁴³ Ma cũai sốt tahan ki, án tở ẽq noau cachĩt Phau-lô. Ngkíq án tở yỗn tahan cachĩt máh cũai tũ. Chơ án ớn máh cũai tâng tuoc, aléq dáng lôi, ki pống nhũang cốp lôi chu tor. ⁴⁴ Máh cũai tở dáng lôi, án ớn alóí ít pian cốp crong ca chuai yỗn alóí têq lôi amut chu tor. Ngkíq nheq náq hếq toâq nheq pỡ tor. Aléq la tở bữn bớc chũl ntróu mỗ.

28

Phau-lô Ớt Tâng Cỗn Mal-ta

¹ Tữ hếq toâq pỡ tor cỗn, noau atống hếq ramứh cỗn ki la Mal-ta. ² Máh cũai ớt tâng cỗn ki ayoaq táq lứq hếq. Paloống noâng mia, alóí hữm hếq sangết lứq. Ngkíq alóí chuaq ùih parlúng, chơ alóí nhúq yỗn

hếq nghểng. ³ Phau-lô chuaq ùih tẽ. Toâq án ẽ chốq tâng tapéh, bữn muoi lám cusân loõh tẽ nlũiq ùih ki, chơ tot atĩ án, tở bữn táh noâng. ⁴ Toâq cũai tâng cỗn ki hữm Phau-lô ayống cusân tot atĩ án, manoaq atống manoaq neq: “Cõh lơ cũai nâi khoiq cachĩt cũai. Ngkíq yiang yỗn án cóq cuchĩt tẽ. Án vớt tẽ đốq, ma án cuchĩt na cóh ẽn.”

⁵ Ma Phau-lô trutrếh cusân ki apống tâng tapéh ùih, cốp atĩ án tở bữn a-ĩ ntróu. ⁶ Cũai tâng cỗn ki nhềng, cốp alóí tểng atĩ án cõt áih, chơ án dóm cuchĩt toáp. Alóí ớt cloân nhềng đũn lứq, ma Phau-lô tở bữn pân ntróu. Chơ alóí pai neq ẽn: “Cũai nâi lứq yiang.”

⁷ Cũai sốt cỗn ki la ramứh Pupliu. Cheq ntốq hếq ớt tâng tor đốq mut ki, cũai sốt bữn tâm cutêq la-a. Ngkíq án tabõp tabéh hếq o lứq, cốp án yỗn hếq ớt cốp án pái tangái. ⁸ Mpoaq Pupliu a-ĩ cutâu tở cốp a-ĩ ayoam hỡ. Ngkíq Phau-lô mut tâng clogg mpoaq Pupliu bếq, cốp câu chuai yỗn án. Án satoaq atĩ tâng tở achuaih ki; chơ mpoaq Pupliu cõt bán toáp. ⁹ Tữ máh cũai tâng cỗn ki sâng ngkíq, alóí ca bữn a-ĩ toâq pỡ Phau-lô. Cốp nheq tữh alóí cõt bán tẽ. ¹⁰ Ngkíq máh cũai tâng cỗn ki tabõp tabéh cốp yám noap hếq. Cốp toâq tangái hếq ẽ loõh tẽ cỗn ki, alóí thữan sa-ũi lứq

crông chuai hếq.

Phau-lô Toâq Pờ Vil Rô-ma

¹¹ Hếq ốt tâng cõn ki nheq pái casâi. Vót ki hếq chõn tâng muoi lám tuoc ca toâq tể vil Alec-santri. Tuoc nâi bữn ramóh Yiang Cartuan. Tuoc nâi khoiq ốt tâng cõn ki yõn nheq máh casâi sangết. ¹² Chơ hếq toâq pờ vil Suracusơ, cốp ốt ngki pái tangái. ¹³ Tể vil ki hếq pờq na tuoc chu vil Rêc-yum ên. Máh tangái parnữ cuyal phát tể cữ tuoc, ngkiq bar tangái sâng hếq toâq toâp pờ vil Puti-uli. ¹⁴ Toâq hếq sêng tể tuoc, hếq ramóh cũai tể tốp sa-âm Yê-su tâng vil ki. Alóí sếq tốp hếq ốt cốp alóí tapul tangái. Moâm ki hếq pờq tâng rana pờq chu vil Rô-ma. ¹⁵ Tốp puai Yê-su tâng vil Rô-ma khoiq sâng han hếq toâq. Chơ alóí pờq crốq hếq dĩ ria rana. Muoi tốp tể alóí ramóh hếq tâng vil Dõng Apiu. Muoi tốp ên ramóh hếq tâng vil noau đõq Páí Ntốq Cũai Rlu. Từ Phau-lô hữm cũai tể tốp puai Yê-su, án sa-õn Yiang Sursĩ, cốp mút án cõt sabóng loah.

Phau-lô Atõng Tể Yê-su Tâng Vil Rô-ma

¹⁶ Ớt vil Rô-ma, cũai sốt tahan yõn Phau-lô têq ốt ntốq aléq án sâng yoc ể ốt. Ma noâng bữn cũai tahan kĩaq níc án. ¹⁷ Từ hếq ốt tâng vil Rô-ma khoiq pái tangái, Phau-lô arô máh cũai

sốt tốp I-sarel tâng vil ki toâq pờ án; chơ án atõng alóí neq: “Sểm ai ơi! Cừq tở bữn táq lôih ntróu chốq cũai hái. Cốp cừq tở bữn táh máh phêp rit tống toiq hái tể mbốq atõng. Ma alóí chõng ể cốp cừq tâng vil Yaru-salem, cốp chiau cừq pờ cũai Rô-ma. ¹⁸ Máh cũai Rô-ma blóh cừq tể ranáq cừq táq. Ma alóí tở bữn ramóh muoi ốc ntróu têq cachĩt cừq. Ngkiq alóí yoc ể acláh cừq. ¹⁹ Ma cõ tốp I-sarel tở ểq noau acláh cừq, ngkiq yuaq cừq sếq puo Rô-ma ên parchĩn cừq. Ma cừq tở bữn cauq ntróu cũai hái. ²⁰ Ngkiq cừq arô anhia toâq pờ nâi cõ cừq yoc ể ramóh anhia. Cốp cừq yoc atõng anhia dáng samoát samơi tể cừq. Yuaq cừq sa-âm án ca nheq tữh cũai I-sarel nguang, ngkiq noau chốq cừq toâq sái-sô nâi.”

²¹ Moâm Phau-lô atõng ngkiq, tốp I-sarel ta-õi án neq: “Hếq tở bữn roap choaiq ntróu tể cruang Yudé atõng tể mới. Cốp hếq tở bữn sâng noau voóq ntróu tể mới. ²² Ma hếq sâng dót lứq, tâng dĩ vil noau pai sâuq tể tốp sa-âm Yê-su. Ngkiq sanua hếq yoc ể tamúng tể mới, nõq mới chanchóm tể ốc ki.”

²³ Alóí pruam pờq rôm loah tangái ntun ên cốp Phau-lô. Chơ toâq tangái ki bữn sa-ũĩ lứq ên cũai I-sarel

toâq rôm tâng đống Phau-lô chang. Tễ tarup toau toâq tabũ Phau-lô atõng alói tễ Yiang Sursĩ táq sốt. Án atõng alói tễ phễp rit Môise, cốp tễ saráq cũai tang bỗq Yiang Sursĩ khoi q chĩc tễ mbỗq. Án ẽq alói dáng, chơ sa-âm Yê-su. ²⁴ Tễ tốp I-sarel ki, bữn alói ca noap parnai Phau-lô atõng. Ma bữn alói ca tỡ ẽq noap. ²⁵ Tốp I-sarel tỡ bữn pruum muoi mút. Chơ alói loõh, ma Phau-lô atõng ẽn chỏq alói neq: “Máh parnai Ê-sai atõng tang Raviei Yiang Sursĩ tễ mbỗq chỏq achúc achiac hái, parnai ki lứq pĩei q. Án atõng neq:

²⁶ ‘Mới cóq pỡq atõng tốp I-sarel nãi neq:

“Lứq anhia tamứng níc, ma anhia tỡ bữn sâng.

Anhia nhêng níc, ma anhia tỡ bữn hữm.”

²⁷ Yuaq cũai nãi bữn mút coang,

ngkĩq alói cupât chíq cutũr, tỡ ẽq sâng.

Cốp alói canhĩt chíq moat, tỡ ẽq hữm.

Khân moat alói hữm, cutũr alói sâng, cốp mút pahõm alói dáng,

cõh lơ alói ẽ pĩh loah lêq cõt mút tamái ẽn,;

chơ cúq tahâu yõn alói cõt bán.’”[☆]

²⁸ Phau-lô atõng tốp I-sarel ki ẽn neq: “Sanua cóq anhia dáng yõn samoât, parnai o

tễ Yê-su Crĩt toâq pỡ cũai tỡ cõn cũai I-sarel hỡ. Alói yoc lứq tamứng, cốp alói noap ỉt parnai nãi.”

²⁹ Moâm Phau-lô pai ngkĩq, nheq tốp I-sarel ki loõh tễ ntốq ki, chơ alói rasuon loah tễ ngê Phau-lô atõng.*

³⁰ Chơ Phau-lô õt tâng đống án chang ki nheq bar cumo. Cốp án tabõp o lứq nheq tữh cũai ca toâq pỡ án. ³¹ Án atõng clốq lứq tễ parnai Yiang Sursĩ táq sốt. Cốp án atõng parnai o tễ Yê-su Crĩt, Ncháu hái, hỡ. Tỡ bữn cũai aléq catáng án.

☆ 28:27 28:27 Ê-sai 6:9-10

*

28:29 28:29 Sa-ũĩ tâm saráq tiaq tỡ bữn bữn

rana 29 nãi.

Choaiq Thõ Phau-lô Chĩc Yõn Cũai Tâng Vĩl Rô-ma Santoiq Atõng

Phau-lô chĩc choaiq thõ nãi cõiq yõn cũai sa-âm õt tâng vĩa Rô-ma. An chĩc choaiq thõ nãi sám 57 toaq 58 cumo ntun Yê-su canõt. Phau-lô pai an yoc ẽ táq ranáq Yiang Sursĩ tâng vĩa Rô-ma; vót ki an yoc ẽ põq atõng parnai Yiang Sursĩ chu cruang Sapên hõ.

Dâu lữq Phau-lô chĩc bĩq đõq carbán alõi; moâm ki an atõng máh cũai sa-âm tâng vĩa Rô-ma dáng án câu níc yõn alõi. Cóp án atõng cũai I-sarel cóp cũai tở cõn cũai I-sarel dáng cóq alõi cõt ratoĩ loah cóp Yiang Sursĩ nhõ tẽ Yê-su Crĩt, cõ tian dũ náq cũai õt yõng tẽ Yiang Sursĩ cóp táq sũl óc lõih nheq. Phẽp rit I-sarel tở tẽq chuai amoong cũai.

Thõ nãi Phau-lô chĩc đõq catoaih máh cũai sa-âm cóp táq nõq yõn cõt tanoang o choàng moat Yiang Sursĩ. Tâng thõ nãi Phau-lô atõng samoat lữq la dũ náq cũai tẽq õt tanoang o yáng moat Yiang Sursĩ õng nhõ alõi sa-âm Yê-su Crĩt sâng. Cóp cũai tẽq bũn tamoong tamái la nhõ tẽ õt ratoĩ cóp Yê-su. Raviei Yiang Sursĩ chuai cóp ayõng cũai sa-âm yõn

tẽq alõi bũn óc ien khẽ cóp óc bũi hõr tâng dõĩ tamoong alõi.

¹ Cũq la Phau-lô chĩc choaiq thõ nãi cõiq sa-óh anhia. Cũq la cũai táq ranáq yõn Yê-su Crĩt. Yiang Sursĩ toáp ruroh cũq táq ranáq ayũng atĩ Yê-su cóp arõ cũq yõn atõng parnai o tẽ án. ² Tẽ mbõq Yiang Sursĩ ỹq yõn parnai o nãi na cũai tang bõq án chĩc óc nãi tâng Tâm Saráq Yiang Sursĩ. ³ Parnai o nãi atõng tẽ Con Yiang Sursĩ. Con Yiang Sursĩ cõt machõng con cũai tẽ tâng cutẽq nãi. An lữq toaq tẽ tõng toiq puo Davĩt. ⁴ Vót Con Yiang Sursĩ cuchĩt, án tamoong loah cõ nhõ Raviei Yiang Sursĩ bũn chõc toar lữq. Ngkĩq noau dáng samoat samõi án la lữq Con Yiang Sursĩ. Con Yiang Sursĩ nãi la Yê-su Crĩt, Ncháu hái. ⁵ Nhõ án, Yiang Sursĩ chuai miat cũq, cóp yõn cũq bũn táq ranáq ayũng atĩ án yõn cũai dũ cruang sa-âm cóp trĩh án. ⁶ Anhia la tõp ki tẽ, yuaq Yiang Sursĩ đõq anhia la tõp sa-âm Yê-su Crĩt. ⁷ Ngkĩq cũq chĩc choaiq nãi cõiq sa-óh anhia tâng vĩa Rô-ma. Yiang Sursĩ ayooq lữq anhia. An đõq anhia la tõp sa-âm án. Cũq sũq Yiang Sursĩ, Mpoaq hái, cóp Yê-su Crĩt, Ncháu hái, chuai anhia, yõn anhia õt bán sũan ien khẽ níc.

Phau-lô Yoc Ê Sa-óh Vil Rô-ma

⁸ Dâu lứq, cứq sa-õn Yiang Sursĩ cứq sang, nhơ Yê-su Crĩt, cõ anhia khoiq sa-âm. Mách santoiq atõng tẽ anhia sa-âm khoiq parhan tâng dũ cruang. ⁹ Yiang Sursĩ khoiq dáng chơ máh parnai cứq câu níc yõn anhia. Cứq táq ranáq yõn Yiang Sursĩ, cốp cứq atõng parnai o tẽ Con án nheq rangúh rahõ cứq. ¹⁰ Cứq câu sễq níc tẽ Yiang Sursĩ yoc ẽ pỡq sa-óh anhia. Khân Yiang Sursĩ yõn, tỡ bữn dũn noâng cứq lứq pỡq chu nốq anhia õt. ¹¹ Cứq ẽr áiq lứq yoc ẽ ramóh anhia, yuaq cứq yoc atõng anhia tẽ ngê Yiang Sursĩ khoiq yõn cứq dáng, đõq anhia tẽq sa-âm pacái hõn ẽn. ¹² Táq ngkíq, hái manoaq chuai manoaq. Cứq atõng chuai anhia, cốp anhia atõng chuai cứq. Ngkíq hái sa-âm pacái lứq ẽn. ¹³ Sễm ai oi! Cứq yoc anhia dáng cứq chanchóm ẽ toâq pỡ anhia sa-ũi trỗ chơ, ma cứq tỡ yũah bữn pỡq. Cứq yoc lứq máh ranáq cứq táq yõn cõt palâi tâng tốp anhia, machóng cốp cũai canõh tẽ, alới ca tỡ cõn cũai I-sarel. ¹⁴ Cứq tu dũ náq cũai ca cứq tỡ yũah atõng parnai o tẽ Yiang Sursĩ. Cóq cứq atõng máh cũai Créc cốp máh cũai tỡ cõn cũai Créc. Cóq cứq atõng máh cũai ran-goaiq cốp máh cũai sacũl.

¹⁵ Yuaq ngkíq, cứq ẽr áiq lứq yoc atõng parnai o tẽ Yiang Sursĩ yõn anhia õt tâng vil Rô-ma tẽ.

Yiang Sursĩ Chuai Amoong Hái Cỗ Nhơ Hái Sa-âm

¹⁶ Cứq tỡ bữn casiet táq ntróu atõng parnai o tẽ Yê-su Crĩt, yuaq Yiang Sursĩ bữn chóc chuai amoong cũai cỗ nhơ parnai ki. Cũai aléq ma sa-âm samoât samơi parnai ki, lứq Yiang Sursĩ chuai amoong cũai ki. Dâu lứq Yiang Sursĩ chuai amoong cũai tẽ tốp I-sarel. Ntun ẽn, án chuai amoong cũai tỡ cõn cũai I-sarel hõ. ¹⁷ Parnai o nâi atõng hái ốc ntróu hái táq yoc ẽ õt tanoang o yáng moat Yiang Sursĩ. Khân hái yoc ẽ õt tanoang o yáng moat Yiang Sursĩ, hái cóq sa-âm. Moâm ki hái sa-âm pacái lứq ẽn. Tâng tâm saráq Yiang Sursĩ tẽ mbốq noau khoiq chĩc chơ neq: "Mách cũai tanoang o, lứq alới bữn tamoong, cỗ nhơ alới sa-âm Yiang Sursĩ samoât samơi."✧

Dũ Náq Cũai Bữn LôiH

¹⁸ Yiang Sursĩ õt tâng paloõng. Án sâng ũan lứq chóq cũai bữn lôiH cốp táq níc ranáq sâuq. Mách cũai ki pupât chíq ốc p̄ieiq cỗ tian alới táq níc ranáq tỡ o. ¹⁹ Tỡ cõn alới tỡ bữn dáng ốc p̄ieiq tẽ Yiang Sursĩ. Yuaq Yiang Sursĩ khoiq apáh chơ ốc ki yõn alới. ²⁰ Moat

cũai lứq tở têq hữm Yiang Sursĩ tở la chớc án. Ma têq alóí hữm máh ramứh án khoi q tễng. Ngkíq alóí têq dáng raloaih óng Yiang Sursĩ toáp bữn chớc toár clữi nheq tễ canỏh, noap tễ tangái án tễng paloỏng cutễq toau toâq sanua. Cóp alóí tở têq suon pai alóí tở dáng ntrớu tễ Yiang Sursĩ. ²¹ Lứq alóí khoi q dáng tê Yiang Sursĩ, ma alóí tở bữn noap án la Yiang Sursĩ. Cóp alóí tở bữn sa-ỏn áp. Ma alóí chanchỏm níc tễ ỏc tở bữn cớ t kia ntrớu. Ngkíq mút sacũl alóí cớ t sacũl lứq ẻn. ²² Alóí pai alóí la rangoiq, ma lứq samoât alóí sacũl lứq. ²³ Yiang Sursĩ tở nai pứt. Ma noâng alóí tở ẻq sang án. Alóí yoc ẻ sang rup cũai, rup chỏm, rup cusân, cúp rup charán canỏh hỡ. Ma máh ramứh ki lứq cuchĩt.

²⁴ Ngkíq Yiang Sursĩ calỏih alóí, cúp yỏn alóí táq ranáq sâuq puai mút alóí yoc. Ngkíq alóí táq ỏc sâuq salẻh lứq manoaq táq tở o chỏq tở manoaq. ²⁵ Alóí táh chíq ỏc pẻiq tễ Yiang Sursĩ; chớ alóí yỏng ỏc tở pẻiq ẻn. Alóí sa-âm cúp sang crớng Yiang Sursĩ tễng. Ma alóí tở bữn sang Yiang Sursĩ, án ca tễng túc culám khám ramứh. Óng Yiang Sursĩ toáp hái cóq khẻn mantái níc. Amen.

²⁶ Ngkíq Yiang Sursĩ calỏih alóí yỏn alóí tít táq puai

mút sâuq alóí yoc. Bữn máh mansẻm tở ẻq bẻq noâng cúp samiang. Ma alóí yoc ẻ bữn mansẻm ratuaq mansẻm. ²⁷ Máh samiang la machớng ki tê. Alóí tở ẻq ẻ bữn noâng mansẻm. Ngkíq mút pahỏm alóí dec-padéc yoc ẻ táq ranáq sâuq, yoc ẻ bữn samiang ratuaq samiang. Cỏ tian alóí táq ranáq sâuq ngkíq, alóí roap tở t yỏn tở alóí bữm.

²⁸ Yuaq alóí tở ẻq Yiang Sursĩ ndỏm mút pahỏm alóí, ngkíq Yiang Sursĩ calỏih alóí yỏn ngẻ sâuq ẻn ndỏm mút pahỏm alóí. Ranáq alóí táq tở bữn cớ t kia ntrớu. ²⁹ Mút pahỏm alóí bữn moang ỏc sâuq. Alóí loái lứq; alóí ham crớng noau; alóí táq sâuq chỏq yỏu; alóí manoaq sa-on tễ manoaq; alóí cachĩt cũai; alóí ralỏih; alóí cakẻq; alóí kêt yỏu; alóí voỏq sâuq yỏu; ³⁰ alóí pai santoiq sasrúc; alóí kêt Yiang Sursĩ; alóí lỏc-lár yỏu; alóí ẻq cũai canỏh achưng alur cúp khẻn alóí; alóí khẻuq lứq táq ranáq sâuq; alóí tở bữn trỉh parnai mpiq mpoaq; ³¹ alóí sacũl lứq; alóí ửq tư sâng; alóí ỏq mút ayoỏq yỏu; alóí tở bữn sâng sarủiq táq yỏu. ³² Alóí khoi q dáng chớ Yiang Sursĩ anoa t cũai táq ngkíq cóq cuchĩt. Ma noâng alóí tở ẻq táh ranáq ki, cúp alóí sâng bủi yỏn yỏu táq ngkíq tẻ.

Yiang Sursĩ Rablớh Dũ Náp Cũai

1 Ngkíq anhia chõĩ chanchóm Yiang Sursĩ tở bữn rablớh anhia. Anhia đốq tểq cũai canõh táq lờih, ma toâq anhia toâp táq lờih, la machóng anhia tểq tở anhia bữm. 2 Hái dáng chơ Yiang Sursĩ rablớh máh cũai táq ranáq ngkíq; cốp Yiang Sursĩ rablớh p̄ieiq lứq. 3 Anhia tểq cũai canõh táq lờih, ma anhia táq machóng ki tê, anhia chõĩ chanchóm Yiang Sursĩ tở bữn rablớh anhia. 4 Yiang Sursĩ sarũiq táq anhia sa-ũĩ lứq, cốp án tanhĩr níc anhia. Ma nớq anhia noâng yoc sadẽng ốc ki? Yiang Sursĩ sarũiq táq anhia cõ án yoc anhia ngin lờih lêq cõt mút tamái ẽn. 5 Anhia bữn mút coang lứq, tở ẽq tamứng Yiang Sursĩ cốp tở ẽq ngin lờih. Táq ngkíq la samoât anhia parõm đốq máh ốc lờih yõn toau toâq tangái Yiang Sursĩ rablớh nheq tữh cũai. Tangái ki, Yiang Sursĩ lứq apáh án rablớh tanoang lứq dũ náp cũai. 6 Tâng tangái ki, Yiang Sursĩ lứq culáh cóng yõn dũ náp cũai, puai loah máh ranáq alóĩ khoiq táq. 7 Bữn cũai cutóng níc táq ranáq o cõ alóĩ yoc lứq õt ntốq ang-ũr cốp Yiang Sursĩ. Alóĩ yoc án khẽn alóĩ, cốp yõn alóĩ tở bữn cuchĩt. Máh cũai ki Yiang Sursĩ yõn tamoong mantái níc. 8 Ma bữn cũai bữn mút pahõm

đốq rasuon loah. Alóĩ tở ẽq trĩh ốc p̄ieiq. Alóĩ yoc ẽ trĩh ống ốc tở p̄ieiq sâng. Yiang Sursĩ sâng cutâu mút lứq chóq cũai ki, cốp án ùan lứq chóq alóĩ. 9 Tangái ki ốc bap cốp ốc ngua toâq pở dũ náp cũai ca táq ranáq sâuq. Dâu lứq ốc nâi toâq pở máh cũai I-sarel; ntun ẽn ốc nâi toâq pở máh cũai tở cõn cũai I-sarel hỡ. 10 Ma máh cũai táq ranáq o, Yiang Sursĩ yõn alóĩ õt cốp án. Án khẽn alóĩ, cốp án yõn alóĩ õt ien khẽ níc. Dâu lứq ốc nâi toâq pở máh cũai I-sarel; ntun ẽn ốc nâi toâq pở máh cũai tở cõn cũai I-sarel hỡ. 11 Yuaq yáng moat Yiang Sursĩ dũ náp cũai la lĩ-ralĩ nheq.

Hái Cóp Trĩh Phễp Rit Yiang Sursĩ

12 Cũai tở cõn cũai I-sarel tở bữn dáng phễp rit Yiang Sursĩ atõng na Mõi-se. Khân alóĩ ma táq lờih, tở bữn ntróu alóĩ dáng tở la tở bữn dáng tể phễp rit Mõi-se. Yiang Sursĩ noâng rablớh cốp táq alóĩ. Cốp máh tốp I-sarel ca dáng chơ phễp rit Mõi-se, toâq alóĩ táq lờih, Yiang Sursĩ rablớh cốp táq alóĩ puai phễp rit Mõi-se. 13 Yuaq cũai tở bữn õt tanoang o yáng moat Yiang Sursĩ cõ alóĩ dáng phễp rit Yiang Sursĩ yõn na Mõi-se. Ma lứq samoât, cũai õt tanoang o yáng moat Yiang Sursĩ cõ alóĩ trĩh phễp rit ki. 14 Cũai tở cõn cũai I-sarel,

alóí tở bữn bữn phễp rit Mòi-se. Ma toâq mút pahõm alóí chanchóm ẽ táq ranáq o, ốc chanchóm ki cõt samoât phễp rit yõn alóí. ¹⁵ Cũai aléq táq ngkíq, ki alóí apáh alóí bữn phễp rit tâng mút pahõm alóí. Cóp sarnóm alóí bữm apáh ngkíq tê, yuaq sarnóm alóí tểq tở la bẻng ranáq alóí táq. ¹⁶ Mách ramứh ki, Yiang Sursĩ ẽ apáh nữ-ra toâq tangái án yõn Yê-su Crít rablớh nheq tữh cũai. Tangái ki án rablớh máh ốc cutooq tâng mút pahõm cũai.

Tổp I-sarel Cóp Phễp Rit Yiang Sursĩ

¹⁷ Ma máh anhia ca ngin anhia la cũai I-sarel, cỗ anhia ươ tể phễp rit Yiang Sursĩ, cóp anhia pai mantôar anhia ốt cheq Yiang Sursĩ. ¹⁸ Anhia pai anhia khoiq dáng chơ ranáq Yiang Sursĩ yoc anhia táq, cóp anhia dáng rườh sâuq cóp o, yuaq anhia khoiq rien phễp rit Mòi-se. ¹⁹ Anhia chanchóm anhia la cũai ayông cũai sũt moat, alóí ca tở yũah dáng tể ngê Yiang Sursĩ. Anhia pai anhia la samoât tabong yõn alóí ca ốt tâng ntốq canám. ²⁰ Anhia chanchóm anhia la máh thài atõng cũai sacũl, alóí ca tở yũah dáng ntróu tể ngê Yiang Sursĩ. Cóp anhia cõt samoât thài atõng carnẻn, yuaq anhia atõng cũai yõn dáng bĩq sâng tể ngê Yiang Sursĩ. Anhia pai ngkíq, yuaq

anhia chanchóm cỗ anhia bữn phễp rit Yiang Sursĩ, anhia dáng cóp sapúh dũ ốc. ²¹ Anhia atõng cũai canỏh, ma anhia tở bữn atõng yõn tở anhia bữm. Anhia atõng cũai canỏh: “Chỗi tutuoiq!” Ma anhia toáp tutuoiq. ²² Anhia atõng cũai canỏh: “Chỗi ỉt lacuoi noau!” Ma anhia toáp ỉt lacuoi noau. Anhia pai anhia sâng a-ĩ lứq tâng mút toâq cũai canỏh sang máh rup atĩ cũai táq, ma anhia toáp mut tuoiq ỉt rup ki tể đống sang alóí. ²³ Anhia khẻn tở bữm, pai anhia bữn phễp rit Yiang Sursĩ, ma anhia tở bữn trỉh phễp rit ki. Ngkíq anhia táq yõn Yiang Sursĩ casiet táq. ²⁴ Tâm saráq Yiang Sursĩ tể mbốq khoiq pai tể anhia cũai I-sarel neq: “Cỗ tian anhia, ngkíq máh cũai tở cõn cũai I-sarel ma mumat Yiang Sursĩ.”

²⁵ Anhia tổp I-sarel đốq táq rit cứt đờq apáh anhia puai ngê Yiang Sursĩ. Khân anhia trỉh phễp rit Yiang Sursĩ, tểc ki lứq cõt kia yõn anhia. Ma khân anhia tở bữn trỉh phễp rit ki, tểc anhia táq ki tở bữn cõt kia ntróu. ²⁶ Mách cũai tở cõn cũai I-sarel tở bữn táq tểc ki. Ma khân alóí trỉh phễp rit Yiang Sursĩ, Yiang Sursĩ nhẻng chu alóí samoât alóí bữn tểc ki tê. ²⁷ Anhia tổp I-sarel bữn tâm saráq phễp rit Yiang Sursĩ chơ, cóp anhia táq rit cứt đờq apáh anhia puai ngê Yiang Sursĩ.

Ma noâng anhia tở bữn trỉh phễp rit Yiang Sursĩ. Ma alói ca tở cởn tốp anhia, lứq alói tở bữn táq tếc ki, ma noâng alói trỉh phễp rit Yiang Sursĩ. Táq ngíq alói apáh anhia tốp I-sarel la cũai lỏih. ²⁸ Khân ngíq, noau la lứq cũai I-sarel? Tở bữn dũ náq tễ tống toiq Yacóp ca táq rit cút puai phễp rit Môise, la lứq cũai I-sarel. ²⁹ Ma máh cũai sa-âm cớp trỉh samoát samoi, cũai ki la lứq cũai I-sarel yáng moat Yiang Sursĩ. Yiang Sursĩ lứq khễn cũai ki, tở cởn cũai khễn alói. Cũai ki la machớng alói bữn tếc tâng mút alói, tở cởn tếc tâng tở. Tếc ki Raviei Yiang Sursĩ táq tâng mút pahôm cũai ki. Phễp rit la tở tềq táq ranáq nài tâng mút pahôm.

3

Tở Bữn Noau Ớt Tanoang O Yáng Moat Yiang Sursĩ

¹ Khân ngíq, cớt cũai I-sarel bữn kia ntróu yáng moat Yiang Sursĩ tở? Cớp táq rit cút alói bữn kia ntróu tở? ² Lứq bữn kia! Tốp I-sarel khoiq roap sa-ũi ốc toâr tễ Yiang Sursĩ. Ốc toâr clũi tễ canỏh la Yiang Sursĩ yỏn tốp I-sarel kĩaq tâm saráq án. ³ Lứq bữn cũai tễ tốp I-sarel tở bữn sa-âm Yiang Sursĩ, ma Yiang Sursĩ noâng táq tapun máh santoiq án khoiq ữq chớ.

⁴ Tam nheq tữh cũai tâng cốc cutêq nài táq ntởng lauq, ma hái dáng Yiang Sursĩ la lứq tanoang; án atởng moang ốc p̄ieiq sâng. Tâng tâm saráq Yiang Sursĩ tễ mbỏq bữn noau khoiq chĩc tễ Yiang Sursĩ neq:

“Têq cũai dáng anhia tanoang o
toâq alói sâng parnai
anhia pai.

Toâq anhia rasữq,
anhia bữn riap níc.”^{*}

⁵ Cũai tâng dời yoc ẽ pai neq: “Khân hái táq ranáq lỏih, ranáq lỏih ki apáh yỏn cũai dáng raloaih la Yiang Sursĩ lứq tanoang o. Ngíq Yiang Sursĩ táq tở bữn p̄ieiq khân án táq hái cớ tian hái táq ranáq lỏih.”

⁶ Ma lứq samoát hái tở tềq pai Yiang Sursĩ táq tở bữn p̄ieiq! Khân Yiang Sursĩ tở bữn lứq tanoang, nỏq tềq án rablớh nheq tữh cũai?

⁷ Bữn cũai blớh neq: “Khân cũai khễn Yiang Sursĩ, cớp alói bữn dáng án atởng tanoang lứq cớ alói sâng cứq atởng tở p̄ieiq, ki nỏq Yiang Sursĩ tềq cứq táq lỏih?”

⁸ Chớ bữn án ca ẽ pai neq: “Âu! Hái táq sâuq palứq! Ngíq noau bữn khễn Yiang Sursĩ sa-ũi hỡn ễn.”

Cớp bữn cũai tũn cứq, pai cứq atởng ngíq tề. Ma nỡ-ra Yiang Sursĩ lứq táq máh cũai pai ngíq.

^{*} 3:4 3:4 Ừat Khễn 51:4

9 Ntróu hái pai tễ máh ốc ki? Cũai I-sarel o hỡn tễ cũai canốh tỡ? Lứq tỡ cỡn ngkíq! Cứq khoiq atống chớ, cũai I-sarel cớp cũai tỡ cỡn cũai I-sarel la machống nheq. Dũ náq la cũai lỏih. 10 Tạng tâm saráq Yiang Sursĩ tễ mbốq noau khoiq chĩc neq:

“Tỡ bữn noau ốt tanoang o yáng moat Yiang Sursĩ, lứq tỡ va manoaq.☆

11 Tỡ bữn noau sâng cớp dáng tễ ngê Yiang Sursĩ.

Cớp tỡ bữn noau ravoát Yiang Sursĩ.

12 Dũ náq alới nguai chíq tễ Yiang Sursĩ; chớ alới ốq kia loàng.

Tỡ bữn noau táq ranáq o, lứq tỡ va manoaq.

13 Máh sương cũai táq ntống samoát ping cumuiq noau pớh, nsốq lứq.

Lieih alới đốq pai ốc raphếq. Cớp bớq alới aloỏh san-toiq samoát pih cusân tur.☆

14 Bớq alới táq ntống moang santoiq lóc-lár cớp ntáng ahớ.

15 Chái lứq alới yoc ẽ cachĩt cũai canốh.

16 Ntốq léq alới pớq, alới talốh ntốq ki,

cớp alới táq yỗn noau sâng ngua lứq.

17 Alới tỡ dáng ốt ratoi cớp yớu.

18 Cớp alới tỡ bữn ngcốh thắng Yiang Sursĩ.”☆

19 Ngkíq hái dáng, Yiang Sursĩ yỗn tốp I-sarel bữn phễp rit cớ án ếq alới puai samoát samới phễp rit ki. Yiang Sursĩ táq ngkíq yỗn dũ náq alới dáng alới bữn lỏih. Cũai aléq la tỡ tềq suon pai án tỡ bữn bữn lỏih.

20 Ngkíq tỡ bữn cũai aléq tềq pai án cớt tanoang o yáng moat Yiang Sursĩ cớ nhớ án trĩh phễp rit Mỏi-se. Lứq samoát, Yiang Sursĩ yỗn phễp rit ki pỡ nheq tữh cũai yỗn alới dáng alới bữn lỏih.

Yiang Sursĩ Táq Yỗn Cũai Tềq Ốt Tanoang O Yáng Moat Án Cớ Nhớ Yê-su Crĩt

21 Ma sanua Yiang Sursĩ khoiq apáh yỗn máh cũai dáng tềq alới ốt tanoang o yáng moat Yiang Sursĩ. Phễp rit Yiang Sursĩ yỗn na Mỏi-se atống tễ ốc nái. Cớp cũai tang bớq Yiang Sursĩ tễ mbốq khoiq atống ngkíq tề. Mạ ốc nái hái tỡ bữn bữn cớ hái puai phễp rit.

22 Yiang Sursĩ táq yỗn cũai ốt tanoang o yáng moat án cớ nhớ alới sa-âm Yê-su Crĩt. Án táq ngkíq yỗn dũ náq cũai sa-âm, yuaq án ayooq dũ náq cũai lĩ-ralĩ. 23 Dũ náq cũai bữn lỏih; ngkíq alới tỡ bữn bữn roap ang-ữr tễ Yiang Sursĩ. 24 Ma Yiang Sursĩ chuai miat cũai yỗn tềq ốt tanoang o yáng moat án. Án yỗn Yê-su Crĩt sểng chĩl chuai alới. 25 Yiang

☆ 3:10 3:10 ũat Khển 14:1-3; 53:1-3 3:18 Ê-sai 59:7-8

☆ 3:13 3:13 ũat Khển 140:3 ☆ 3:18

Sursĩ yõn Yê-su Crĩt cuchĩt tang cũai, đõq tẽq án táh lôih cũai. Khãn cũai aléq noap Yê-su Crĩt cuchĩt tang alóı, ngkıq Yiang Sursĩ lứq pupúrt nheq máh lôih alóı. Yiang Sursĩ táq ngkıq, đõq apáh án táq tanoang tapúrtng lứq bo án táh lôih yõn cũai tẽ dõı nhũang, yuaq Yiang Sursĩ khoıq dáng nhũang chơ nỡ-ra Yê-su lứq cuchĩt tang cũai ki. Ngkıq Yiang Sursĩ tanhĩr sâng máh lôih cũai táq tẽ nhũang Yê-su tỡ yũah cõt. ²⁶ Ma sanua Yiang Sursĩ yoc ẽ apáh án tanoang tapúrtng lứq. Ngkıq án táq yõn cũai tẽq õt tanoang o yáng moat án, cõ alóı sa-âm Yê-su.

²⁷ Khãn Yiang Sursĩ khoıq táq ngkıq yõn hái, bữn noau tẽq pai án táq bữm ranáq o tỡ? Lứq tỡ tẽq. Cõ nớq alóı tỡ tẽq pai ngkıq? Cõ Yiang Sursĩ tỡ yõn máh cũai õt tanoang o yáng moat án yuaq alóı trĩh phẽp rit Mõi-se. Yiang Sursĩ táq yõn máh cũai tẽq õt tanoang o yáng moat án, la cõ alóı sa-âm sâng. ²⁸ Ngkıq hái dáng samoát samõı máh cũai tẽq õt tanoang o yáng moat Yiang Sursĩ cõ nhơ alóı sa-âm, tỡ cõn cõ nhơ alóı trĩh phẽp rit Mõi-se. ²⁹ Anhia chanchóm Yiang Sursĩ chuai ống cũai I-sarel sâng tỡ? Án chuai ma tỡ bữn máh cũai tỡ cõn cũai I-sarel? Lứq samoát, Yiang Sursĩ chuai nheq tữh

cũai, tỡ cõn ống cũai I-sarel sâng. ³⁰ Bữn ống muoi Yiang Sursĩ sâng. Tõp I-sarel tẽq bữn mút tanoang o yáng moat Yiang Sursĩ, khãn alóı sa-âm. Cóp cũai tỡ cõn tẽ tõp I-sarel tẽq bữn mút tanoang o yáng moat Yiang Sursĩ tẽ, khãn alóı sa-âm, la machóng nheq. ³¹ Khãn hái sa-âm Yê-su Crĩt, hái pupúrt chíq phẽp rit Yiang Sursĩ yõn na Mõi-se tỡ? Lứq tỡ bữn ngkıq! Khãn hái sa-âm Yê-su, hái noap phẽp rit ki la lứq pẽıq.

4

A-praham Ớt Tanoang O Yáng Moat Yiang Sursĩ Cõ Án Sa-âm

¹ Sanua cứq yoc atõng an-hia tẽ A-praham, la achúc achiac tõp I-sarel tẽ dẫu lứq. ² Khãn A-praham õt tanoang o yáng moat Yiang Sursĩ cõ tẽ ranáq án táq, ki tẽq án khẽn tõ án bữm. Ma lứq samoát án tỡ tẽq khẽn ngkıq yáng moat Yiang Sursĩ. ³ Tâm saráq Yiang Sursĩ tẽ mbỏq khoıq pai tẽ A-praham neq:

“A-praham sa-âm Yiang Sursĩ;
ngkıq Yiang Sursĩ noap án la cũai tanoang o.”

⁴ Cứq sacâm neq: Khãn bữn cũai tuthẽ, án cóq bữn práq cóng án. Práq ki hái tỡ tẽq pai ncháu án chuai miat sâng. Ma práq ki la cóng án táq ranáq. ⁵ Ma Yiang Sursĩ chuai cũai lôih yõn cõt

tanoang o yáng moat án, la cõ cũai ki sa-âm, tở cõn cõ nhơ cũai ki táq ranáq ntróu. ⁶ Tễ mbỏq, puo Davĩt khoiq atõng machóng ki tễ. Án pai bốn lứq cũai ca Yiang Sursĩ khoiq noap tanoang o, cõ nhơ alóỉ sa-âm, tở cõn cõ tễ ranáq alóỉ táq. ⁷ Davĩt pai neq:

“Bốn lứq máh cũai ca Yiang Sursĩ táh lỏih yõn.

Án khoiq pul clờp chơ lỏih alóỉ,

tở bữn noau hữm noâng.

⁸ Bốn lứq cũai ca Yiang Sursĩ tở bữn noap noâng lỏih alóỉ.”*

⁹ Ốc bốn nài toáq pở óng cũai táq rit cút tở? Tở cõn ngkíq! Ốc bốn nài lứq toáq đếh pở cũai tở bữn táq rit cút hỡ. Háỉ dáng chơ tễ A-praham, Yiang Sursĩ noap án tanoang o la cõ án sa-âm.*

¹⁰ Bo léq Yiang Sursĩ noap A-praham tanoang o? Nhữang tở la ntun A-praham táq rit cút? Lứq Yiang Sursĩ noap A-praham tanoang o bo án tở yũah táq rit cút, tở cõn ntun án táq tếc ki. ¹¹ Vót Yiang Sursĩ noap A-praham tanoang o, chơ A-praham táq rit cút đờq apáh mút pahõm án tanoang o. Ma A-praham bữn mút tanoang o cõ nhơ án sa-âm, tễ nhữang án tở yũah táq rit cút. Ngkíq A-praham cõt samoát achúc achiac cũai tở bữn táq rit cút tễ, khân alóỉ sa-âm

Yiang Sursĩ án tễq noap alóỉ tanoang o. ¹² Cóp A-praham la achúc achiac máh alóỉ ca táq rit cút tễ. Ma án tở bữn achúc achiac alóỉ cõ alóỉ táq rit cút. Ma lứq án cõt achúc achiac alóỉ, yuaq alóỉ sa-âm machóng án sa-âm tễ nhữang án tở yũah táq tếc cút.

Cũai Aléq Yoc Ẽ Bữn Ốc Yiang Sursĩ Ủq, Cóq Án Sa-âm

¹³ Yiang Sursĩ khoiq ủq cóp A-praham cóp nheq tống toiq A-praham la Yiang Sursĩ lứq yõn alóỉ ndõm máh cruang cutẽq nài. Yiang Sursĩ ủq ngkíq la cõ nhơ A-praham sa-âm, tở cõn cõ án trỉh phễp rit Mỏi-se. Cõ nhơ A-praham sa-âm, ngkíq Yiang Sursĩ noap A-praham tanoang o. ¹⁴ Khân Yiang Sursĩ ủq chuai óng máh cũai ca puai phễp rit Mỏi-se, ki tở bữn kia ntróu háỉ sa-âm, cóp tở bữn lứq ntróu tễ ốc Yiang Sursĩ khoiq ủq cóp A-praham cóp tống toiq A-praham hỡ. ¹⁵ Khân cũai aléq ma táh phễp rit Yiang Sursĩ, lứq Yiang Sursĩ táq cũai ki. Ma khân Yiang Sursĩ tở bữn yõn phễp rit ntróu, ki háỉ tở tễq pai noau bữn lỏih.

¹⁶ Máh ốc Yiang Sursĩ khoiq ủq cóp A-praham, lứq ốc ki toáq pở A-praham cõ nhơ án sa-âm. Yiang Sursĩ táq ngkíq, yuaq án yoc ẽ

* 4:8 4:8 Ủat Khển 32:1-2

* 4:9 4:9 Saráq Tễ Dâu 15:6

chuai miat máh tổng toiq A-praham. Án ẽ chuai alóí ca puai phẽp rit Mói-se, cốp án ẽ chuai alóí ca sa-âm ariang A-praham sa-âm tê. Ngkíq A-praham la samoât achúc achiac dũ náq cũai sa-âm. 17 Nái la machóng noau khoiq chĩc tẽ A-praham tâng tâm saráq Yiang Sursĩ tẽ mbốq. Noau chĩc neq:

“Cứq táq yõn mới cõt achúc achiac sa-ũĩ cruang.”*

A-praham sa-âm santoiq Yiang Sursĩ. Cốp máh ốc Yiang Sursĩ khoiq ữq, ốc ki lứq toâq. Yiang Sursĩ lứq chuai cũai cuchĩt yõn têq tamoong loah. Cốp Yiang Sursĩ têq táq ốc tỡ bữn bữn yõn cõt bữn. 18 A-praham khoiq vót ngư amia con, ma noâng án nguang Yiang Sursĩ yõn án bữn con samiang, yuaq Yiang Sursĩ khoiq ữq. Ngkíq A-praham sa-âm án lứq cõt achúc achiac sa-ũĩ cruang, yuaq Yiang Sursĩ khoiq ữq cốp án neq: “Tổng toiq mới lứq cõt sa-ũĩ cruang.”* 19 A-praham khoiq thâu lứq chơ. Anhúq án cheq muoi culám cumo. Cốp Sara, lacuoi án, khoiq vót ngư amia con. Ma noâng A-praham sa-âm níc. 20 Án tỡ bữn tỗh voal ntrou tâng mút pahõm án tẽ ốc Yiang Sursĩ ữq cốp án. Ma án sa-âm pacái lứq. Cốp án khẽn níc Yiang Sursĩ. 21 A-praham dáng samoât

samoĩ, Yiang Sursĩ têq táq máh ốc án khoiq ữq chơ. 22 Ngkíq Yiang Sursĩ noap A-praham la cũai tanoang o yáng moat án.* 23 Tâng tâm saráq Yiang Sursĩ tẽ mbốq noau khoiq chĩc neq:

“Yiang Sursĩ noap án tanoang o cõ án sa-âm.”

Án ca khoiq chĩc ốc ki, án tỡ bữn atõng tẽ ống A-praham sâng. 24 Ma án atõng dẽh tẽ hái hỡ, yuaq Yiang Sursĩ noap hái tanoang tê khân hái sa-âm Yiang Sursĩ táq yõn Yê-su, Ncháu hái, tamoong loah tẽ cuchĩt. 25 Yiang Sursĩ chiau Yê-su cuchĩt cõ tian lỏih hái. Cốp án yõn Yê-su yuor tamoong loah yõn hái têq ốt tanoang o yáng moat Yiang Sursĩ.

5

Hái Ốt Tanoang O, Ki Hái Bữn Ốc Ien Khẽ

1 Yuaq Yiang Sursĩ yõn hái ốt tanoang o yáng moat án cõ nhơ hái sa-âm, ngkíq hái ốt muoi mút cốp Yiang Sursĩ cõ nhơ Yê-su Crĩt, Ncháu hái. 2 Cõ hái sa-âm Yê-su, ngkíq hái têq toâq sêq pỡ Yiang Sursĩ cốp nguang án chuai miat hái. Cốp hái sâng bũi lứq, yuaq hái nguang tangái hái bữn ốt cốp Yiang Sursĩ tê. 3 Tỡ bữn ống ngkíq sâng, ma hái sâng bũi tê toâq hái ramóh túh coat. Yuaq hái dáng, khân

* 4:17 4:17 Saráq Tẽ Dâu 17:5 * 4:18 4:18 Saráq Tẽ Dâu 15:5 * 4:22 4:22 Saráq Tẽ Dâu 15:6

hái tanhĩr túh coat sanua, ốc ki arĩen yỗn hái rơi tanhĩr ốc túh coat ntun hỡ. ⁴ Khãn hái rơi tanhĩr ốc túh coat, Yiang Sursĩ lứq sâng bũi cớp hái. Khãn hái dáng Yiang Sursĩ sâng bũi cớp hái, ngkĩq hái ngcuang Yiang Sursĩ chuai hái. ⁵ Khãn hái ngcuang níc ốc ki, hái tỡ bữn cớt ngua ntróu, yuaq Yiang Sursĩ khoiq yỗn Raviei án ốt tâng mút pahỡm hái. Cớp Raviei Yiang Sursĩ atống hái la Yiang Sursĩ ayooq lứq hái.

⁶ Bo hái tỡ tềq táq ntróu đốq chuai amoong tỗ hái bữm, lứq bo ki toáp toáp ngư Crĩt cuchĩt tang máh cũai lỏih. ⁷ Lỏq náq cũai rơi pruum pláih mang án đốq chuai yóu, tam yóu án la cũai mantoat. P̄ieiq lớ bữn bĩq náq rơi chũuq cuchĩt tang yóu, khãn yóu án lứq cũai o. ⁸ Ma hái la moang cũai lỏih, ma noang Crĩt cuchĩt tang hái. Yiang Sursĩ táq ngkĩq đốq apáh án ayooq hái sa-ũĩ lứq. ⁹ Nhớ Yê-su cuchĩt tang hái, ngkĩq hái cớt tanoang o yáng moat Yiang Sursĩ. Hái tỡ bữn ngcõh noang Yiang Sursĩ táq hái tâng tangái án táq máh cũai lỏih. ¹⁰ Bo nhũang, hái par-ũal cớp Yiang Sursĩ, ma sanua hái cớt ratoi loah cớp án cồ nhớ Con án chũuq cuchĩt tang hái. Cồ hái ốt ratoi cớp Yiang Sursĩ, ngkĩq hái ngcuang án chuai amoong hái cồ nhớ Yê-su tamooq loah tể cuchĩt. ¹¹ Ma

clũĩ tể ki ền, hái cớt bũi o cớp Yiang Sursĩ cồ nhớ Yê-su Crĩt, Ncháu hái, táq yỗn hái cớt ratoi loah cớp Yiang Sursĩ.

Adam Cớp Yê-su Crĩt

¹² Tể dẫu lứq ốc lỏih toáp pỡ cốc cutểq nãi la cồ tian tể manoaq.* Cớp ốc cuchĩt toáp la cồ tian ốc lỏih ki. Ốc cuchĩt nãi toáp pláh dũ tỗ cũai pũn paloong cutrúq nãi, yuaq dũ náq cũai bữn lỏih. ¹³ Tể nhũang Yiang Sursĩ tỡ yũah yỗn phễp rit na Mỏi-se, ốc lỏih khoiq bữn chớ tâng cốc cutểq nãi. Ma bo Yiang Sursĩ tỡ yũah yỗn phễp rit án, hái tỡ tềq pai cũai táq lỏih cồ alới táh phễp rit Yiang Sursĩ. ¹⁴ Ma tể dỡi Adam toau toáp dỡi Mỏi-se, dũ náq cũai lứq cuchĩt, đếh cũai tỡ bữn táq lỏih ariang Adam, án ca tỡ bữn trĩh parnai Yiang Sursĩ. Adam la ngỏl yỗn nheq tữh cũai; machống Yê-su, án ca toáp ntun la ngỏl yỗn nheq tữh cũai tể.

¹⁵ Ma bar ngỏl ki tỡ bữn machống. Muoi la ngỏl ốc lỏih; muoi la ngỏl ốc chuai miat. Clũng lứq cũai cuchĩt cồ tian Adam táq lỏih. Ma toáp clũĩ tể ốc ki la Yiang Sursĩ chuai miat cũai cồ nhớ Yê-su Crĩt. Ngkĩq clũng lứq cũai tềq tamooq cồ nhớ Yê-su Crĩt chuai miat alới. ¹⁶ Yiang Sursĩ chuai miat la mpha tể ranáq lỏih

* 5:12 5:12 Cũai manoaq ki bữn ramứh Adam.

Adam táq. Cỗ tian manoaq Adam táq lôih, ngkíq Yiang Sursĩ anoat dũ náq cũai cóq cuchĩt. Ma cỗ nhơ Yiang Sursĩ chuai miat hái, ngkíq tở bữn ntrớu hái bữn lôih sa-ữi, hái têq ốt tanoang o yáng moat án. ¹⁷ Cỗ tian manoaq Adam táq lôih, ngkíq dũ náq cũai cóq cuchĩt ariang án tê. Ma toâr clũi tễ ki la ranáq Yê-su Crĩt chuai hái. Cỗ nhơ manoaq Yê-su Crĩt, Yiang Sursĩ chuai miat hái yỗn cõt tanoang o yáng moat án. Cóp án yỗn hái bữn tamoong parnơi tâng nốq án sốt.

¹⁸ Ngkíq, cỗ tian tễ muoi ranáq lôih, Yiang Sursĩ ma anoat dũ náq cũai cóq cuchĩt. Machóng ki tê, cỗ nhơ tễ muoi ranáq o, Yiang Sursĩ yỗn nheq tữh cũai têq ốt tanoang o yáng moat án, cóp yỗn alóit bữn tamoong. ¹⁹ Clứng lứq cũai cõt lôih cỗ tian manoaq Adam tở bữn trĩh Yiang Sursĩ. Machóng ki tê, clứng lứq cũai têq ốt tanoang o yáng moat Yiang Sursĩ, cỗ nhơ manoaq Yê-su Crĩt trĩh Yiang Sursĩ. ²⁰ Yiang Sursĩ yỗn phễp rit án na Mũi-se, yuaq án yoc ễ yỗn cũai dáng alóit bữn lôih sa-ữi. Tam cũai táq lôih sa-ữi lứq, ma Yiang Sursĩ noâng chuai miat cũai clũi tễ ốc lôih alóit khoiq táq. ²¹ Tễ nhũang, ốc lôih cõt sốt tâng mút pahõm cũai. Cỗ tian ốc lôih, ngkíq yuaq cũai cuchĩt. Ma sanua Yiang

Sursĩ yỗn ốc chuai miat ễn cõt sốt tâng mút pahõm cũai. Ngkíq cũai têq bữn mút pahõm tanoang o, cóp bữn tamoong mantái níc cỗ nhơ Yê-su Crĩt, Ncháu hái.

6

*Lôih Táq Yỗn Cũai Cuchĩt;
Yê-su Táq Yỗn Cũai Tamoong*

¹ Khân ngkíq, nốq hái ễ pai? O hái táq lôih níc, yỗn Yiang Sursĩ têq chuai hái sa-ữi lứq ễn tở? ² Lứq tở p̄ieiq ngkíq! Hái la samoat cũai cuchĩt. Khân cũai khoiq cuchĩt chơ, alóit tở têq táq lôih noâng. ³ Nốq riang pai anhia tở bữn dáng tễ phễp rit táq batẽm? Bo hái roap batẽm, hái táq tếc hái bữn muoi mút cóp Yê-su Crĩt. Nài la samoat riang hái cuchĩt cóp Yê-su tê. ⁴ Từ hái roap batẽm, la samoat hái pruaq cuchĩt parnơi cóp Yê-su, cóp samoat noau tứp hái parnơi cóp Yê-su tê. Ma cỗ nhơ tễ chóc án, Yiang Sursĩ táq yỗn Yê-su tamoong loah tễ cuchĩt. Cóp án táq machóng ki tê yỗn hái têq tamoong loah cóp cõt tamái ễn.

⁵ Khân hái lứq pruaq cuchĩt parnơi cóp Yê-su, ngkíq hái lứq bữn tamoong loah machóng án tê. ⁶ Hái dáng samoat samoi mút tiaq hái khoiq cuchĩt parnơi cóp Crĩt tâng aluang sangcáng. Bo ki Yiang Sursĩ pupút nheq ốc lôih tễ mút tiaq; chơ hái tở bữn sâng yoc ễ táq

noâng ranáq lôih. ⁷ Khân cūai khoiq cuchĩt chơ, ngkíq yiang Satan tở têq radũng noâng án táq ranáq lôih. ⁸ Khân hái ma cuchĩt parnoi cốp Crĩt, ngkíq hái sa-âm hái lứq bữn tamoong loah parnoi cốp án tê. ⁹ Hái khoiq dáng chơ Crĩt tamoong loah tễ cuchĩt, cốp án tở nai cuchĩt noâng. Ớc cuchĩt tở rơi táq ntróu án. ¹⁰ Crĩt cuchĩt muoi trở sâng đợ chuai cūai lôih. Chơ sanua án tamoong loah đợ táq máh ranáq Yiang Sursĩ yỗn án táq. ¹¹ Machóng ki tê, cóq anhia chanchóm anhia la samoât cūai cuchĩt, tở têq táq noâng ranáq lôih. Ma cóq anhia chanchóm anhia la samoât cūai tamoong loah tê, yỗn anhia táq máh ranáq Yiang Sursĩ yỗn anhia táq.

¹² Chỗi yỗn ớc lôih táq sốt noâng tâng mút anhia; ngkíq anhia tở bữn puai noâng rangũh anhia bữm. ¹³ Chỗi chiau tở anhia yỗn ranáq lôih samoât mút sấuq đợc yoc ẽ táq. Ma cóq anhia chiau tở anhia yỗn Yiang Sursĩ, yuaq Yiang Sursĩ khoiq yỗn anhia tamoong loah tễ cuchĩt, cốp án chuai anhia yỗn táq ranáq tanoang o. ¹⁴ Ớc lôih tở têq cõt sốt noâng anhia. Cốp phễp rit Mũi-se tở têq cõt sốt noâng anhia tê. Ma lứq ớc chuai miat tễ Yiang Sursĩ toáp cõt sốt anhia.

Táq Tanoang O

¹⁵ Khân ngkíq, nốq hái ẽ pai? Sanua Yiang Sursĩ chuai miat hái, cốp phễp rit Mũi-se tở bữn sốt noâng hái. Ngkíq, hái têq táq ranáq lôih tở? Lứq tở têq! ¹⁶ Nốq riang pai anhia tở bữn dáng, khân anhia trĩh ngê aléq, anhia lứq cõt sũl ngê ki. Ngkíq, khân anhia trĩh ngê sấuq, ki anhia cõt sũl yỗn ngê sấuq. Chơ cóng tễ ngê sấuq la anhia cuchĩt. Ma khân anhia trĩh ngê Yiang Sursĩ, ki anhia cõt sũl yỗn Yiang Sursĩ. Cốp Yiang Sursĩ yỗn anhia bữn cóng la anhia bữn mút tanoang o yáng moat án. ¹⁷ Cúq sa-ỗn lứq Yiang Sursĩ! Bo tễ nhũang anhia samoât sũl yỗn ngê sấuq, ma sanua anhia trĩh nheq rangũh rahỡ máh ớc pĩeiq tễ Yê-su Crĩt, ca noau khoiq atỡng anhia. ¹⁸ Yiang Sursĩ khoiq acláh anhia tễ cõt sũl ranáq lôih, cốp án táq yỗn anhia cõt sũl ranáq tanoang o ẽn. ¹⁹ Cúq atỡng anhia toáq parnai sacâm nũi ẽq anhia sâng raloaih lứq. Bo nhũang anhia chiau tở anhia cõt sũl táq ranáq sấuq sâng. Ngkíq mút pahỡm anhia cõt sấuq lứq ẽn. Ma sanua cóq anhia chiau tở anhia yỗn cõt sũl ranáq tanoang o. Ngkíq mút pahỡm anhia cõt bráh o lứq.

²⁰ Bo anhia cõt sũl ngê sấuq, anhia tở têq chanchóm ntróu tễ ranáq tanoang o. ²¹ Ngê anhia puai

bo ki cõt kia ntróu? Lúq tở bữn cõt kia ntróu. Sanua anhia sâng casiet táq lúq cõ tian ranáq sâuq ki, yuaq cóng tễ ngê sâuq la anhia cuchĩt. ²² Ma sanua Yiang Sursĩ khoiq acláh anhia tễ ngê sâuq. Ngkíq, anhia cõt sũl Yiang Sursĩ ẽn. Cóng tễ ốc ki la anhia bữn mút bráh o cốp anhia bữn tamooong mantái níc. ²³ Yuaq cóng tễ ốc lôih la hái cuchĩt. Ma Yiang Sursĩ chuai miat yõn hái bữn tamooong mantái níc cõ nhơ Yê-su Crĩt, Ncháu hái.

7

Sacâm Tễ Lacuoi Cayac

¹ Sễm ai ơi! Anhia la cũai khoiq dáng chơ tễ phễp rit Mũi-se. Ngkíq anhia dáng cóq cũai trĩh phễp rit bo noâng tamooong. Khân cuchĩt, cũai tở bữn trĩh noâng. ² Cúq sacâm neq: Khân bữn manoaq mansễm khoiq bữn cayac, phễp rit patáp cóq mansễm ki ốt cốp cayac án toau nheq dũi cayac án. Ma vót cayac án cuchĩt, mansễm ki racláh tễ parnai án khoiq ữq cõt lacuoi. ³ Ngkíq, khân cayac án noâng tamooong, ma án ốt cốp samiang canốh, lúq noau dũi án la ‘mansễm ẽ cachĩt cayac’.* Ma khân cayac án khoiq cuchĩt chơ, án tở bữn táq lôih ntróu khân án chuaq cayac tamái.

Cốp tở bữn noau dũi án la ‘mansễm ẽ cachĩt cayac’.

⁴ Ngkíq sễm ai ơi, anhia la machóng ki tễ. Cõ nhơ Crĩt khoiq cuchĩt, ngkíq la samoât anhia cuchĩt tễ. Chơ phễp rit Mũi-se tở tềq pai ntróu noâng tễ anhia. Ma Crĩt khoiq tamooong loah tễ án cuchĩt. Ngkíq, o yõn anhia cõt muoi mút cốp án, dũi anhia tềq táq ranáq o yõn Yiang Sursĩ. ⁵ Bo hái tở yũah sa-âm, hái puai rangứh hái bữm. Ngkíq phễp rit Mũi-se táq yõn mút pahỡm hái chanchóm ẽ táq ranáq lôih sa-ữi lúq ẽn. Tở hái táq ranáq ki, hái bữn cóng la hái cuchĩt. ⁶ Ma sanua phễp rit Mũi-se tở tềq pai ntróu noâng hái, yuaq hái samoât khoiq cuchĩt chơ. Ngkíq hái tở bữn táq noâng ranáq tiaq puai phễp rit noau khoiq chĩc chơ. Ma sanua hái táq ranáq tamái ẽn cõ nhơ Raviei Yiang Sursĩ yõn hái bữn mút tamái.

Ốc Lôih Loỏh Tễ Phễp Rit Tở?

⁷ Khân ngkíq, nốq hái ẽ pai? Tềq hái pai phễp rit Mũi-se lôih tở? Lúq tở cõn ngkíq! Phễp rit ki apáh yõn hái dáng ốc lôih la ntróu. Lúq samoât, cúq tở bữn dáng cúq táq lôih na sa-on cumíq ẽ bữn crớng yóu, khân phễp rit ki tở bữn pai neq: “Anhia chũi sa-on cumíq ẽ bữn crớng yóu.”*[☆]

* 7:3 7:3 Tở la ‘mansễm cooc noau’.

☆ 7:7 7:7 Loỏh Tễ Ê-yip-tô 20:17; Patáp

⁸ Ma toâq phễp rit ki apáh yỗn cứq dáng cứq táq lờih ham crong noau, chơ mút cứq cõt ham sa-ũi lứq ển. Ma khân cứq tỡ bữn dáng tễ phễp rit Yiang Sursĩ, cứq tỡ bữn dáng ọc ntróu la lờih, tỡ la ọc tỡ bữn lờih. ⁹ Bọ nhũang cứq tỡ yũah dáng tễ phễp rit Yiang Sursĩ, ngkíq cứq chanchóm cứq la cũai o. Ma toâq tangái cứq dáng ọc patâp tễ Yiang Sursĩ, tangái ki cứq dáng cứq la cũai lờih lứq. ¹⁰ Ốc ki la samoât cứq cuchĩt. Yiang Sursĩ yỗn ọc patâp ki yuaq án ểq cũai têq tamoong. Ma tỡ cứq dáng tễ ọc patâp ki, cứq dáng cứq cóq cuchĩt cỗ tian cứq tỡ bữn trĩh ọc patâp ki. ¹¹ Ốc lờih tâng mút pahõm cứq phễq yỗn cứq tỡ bữn trĩh ọc patâp tễ Yiang Sursĩ. Ngkíq, ọc lờih nâi radũng yỗn cứq cuchĩt.

¹² Ngkíq hái dáng phễp rit tễ Yiang Sursĩ la lứq bráh o. Cóp máh ọc Yiang Sursĩ patâp la tỡ bữn sâuq ntróu, tanoang o nheq. ¹³ Khân ngkíq, ọc o nâi táq yỗn cứq cuchĩt tỡ? Lứq tỡ cõn ngkíq! Ống ọc lờih toâp táq yỗn cứq cuchĩt. Ma phễp rit tễ Yiang Sursĩ apáh cứq bữn lờih. Ngkíq phễp rit ki la o, cóp phễp rit ki apáh lờih cứq la sâuq lứq.

Cũai Bữn Bar Mút

¹⁴ Hái dáng Raviei Yiang Sursĩ yỗn hái trĩh phễp rit Yiang Sursĩ. Ma cứq đốq ỉt rangũh cứq bữm. Ngkíq,

samoât cứq chềq tỡ bữm yỗn táq sũl ngê sâuq. ¹⁵ Cứq hữm salễh lứq cứq táq. Máh ranáq o cứq yoc ể táq, cõt cứq tỡ bữn táq. Ma máh ranáq sâuq cứq tỡ ểq táq, cõt cứq táq. Cứq đót lứq, tỡ dáng nõq cứq ma táq ngkíq. ¹⁶ Khân cứq tỡ ểq táq ranáq sâuq, ma noâng cứq táq, ki mút cứq ngin phễp rit tễ Yiang Sursĩ la lứq p̄ieiq. ¹⁷ Ngkíq mút cứq bữm tỡ ểq táq ranáq sâuq, ma ọc lờih tâng mút cứq radũng cứq táq ranáq sâuq. ¹⁸ Cứq dáng chơ tỡ bữn muoi ọc o ntróu ốt tâng mút cứq, khân puai rangũh cứq bữm. Lứq pai mút cứq chanchóm ể táq o, ma cứq tỡ rơi táq o. ¹⁹ Máh ranáq o cứq yoc ể táq, cõt cứq tỡ bữn táq. Ma máh ranáq sâuq cứq tỡ ểq táq, cõt cứq táq. ²⁰ Khân cứq táq máh ranáq cứq tỡ ểq táq, ki tỡ cõn cứq yoc ể táq ngkíq, ma ọc lờih ca ốt tâng mút cứq táq ngkíq.

²¹ Ngkíq riang pai cứq bữn bar mút. Toâq cứq sâng yoc ể táq ranáq o, cõt cứq táq ranáq sâuq ển. ²² Mút cứq yoc lứq puai phễp rit Yiang Sursĩ. ²³ Ma ariang bar ngê ki rachĩl tâng mút pahõm cứq. Sarnóm cứq yoc ngê o. Ma tỡ cứq cõt samoât sũl ngê sâuq. ²⁴ O, bap lứq cứq! Noau rơi chuai cứq yỗn têq racláh tễ ngê sâuq ca ể cachĩt cứq? ²⁵ Cứq sa-õn Yiang Sursĩ yuaq Yê-su Crĩt, Ncháu hái, rơi chuai

cứq ngkíq!

Khân Yê-su Crít tở bữn chuai, ki cứq la neq: Mứt cứq yoc ẽ puai phễp rit Yiang Sursĩ, ma tở cứq noâng yoc ẽ puai ngê sâuq.

8

Raviei Yiang Sursĩ Ớt Cóp Hái

¹ Sanua, máh cũiai ớt muoi mứt cóp Yê-su Crít tở bữn ngcõh noâng Yiang Sursĩ táq alói. ² Khân puai ngê sâuq, hái cóq cuchĩt. Ma cõ nhơ hái ớt muoi mứt cóp Yê-su Crít, ngkíq Raviei Yiang Sursĩ chuai hái yõn viaq tễ cuchĩt cõ tian hái táq lôih. ³ Phễp rit Yiang Sursĩ tở tẻq chuai amoong cũiai, yuaq tở bữn noau rơi trĩh phễp rit ki samoat samoi. Ma Yiang Sursĩ yõn Con án sẻng tẻng cutẻq nái. Con ki bữn tở machỏng cũiai tẻ, ma án tở bữn táq lôih ntróu. Ngkíq Con Yiang Sursĩ chũuq cuchĩt tang máh cũiai lôih. Chơ ọc lôih tở tẻq táq sỏt noâng tẻng mứt hái. ⁴ Sanua hái puai rangứh Raviei Yiang Sursĩ sẻng, hái tở bữn puai noâng rangứh hái bữm. Ngkíq hái tẻq táq o puai phễp rit Yiang Sursĩ. ⁵ Máh cũiai puai rangứh alói bữm, alói chanchỏm tẻ ranáq tẻng đỏi nái sẻng. Ma máh cũiai puai rangứh Raviei Yiang Sursĩ, alói chanchỏm tẻ ranáq Yiang Sursĩ sẻng. ⁶ Máh cũiai táq ranáq puai sarnỏm alói yoc, kia tẻ ranáq

alói táq la cuchĩt. Ma máh cũiai táq ranáq puai Raviei Yiang Sursĩ, kia tẻ ranáq alói táq la bữn tamoong mantái cóp bữn ớt ien khẻ. ⁷ Khân hái puai rangứh hái bữm, la hái par-ũal cóp Yiang Sursĩ, yuaq hái tở ẻq puai phễp rit Yiang Sursĩ. Lứq pai hái yoc, la hái tở rơi puai phễp rit án. ⁸ Ngkíq, máh cũiai puai rangứh alói bữm, alói tở tẻq táq yõn Yiang Sursĩ sẻng bũi pahỏm.

⁹ Ma anhia bữn Raviei Yiang Sursĩ ớt tẻng mứt pahỏm anhia. Ngkíq anhia tở bữn puai noâng rangứh anhia bữm, ma anhia puai rangứh Raviei Yiang Sursĩ. Cũiai alẻq ma tở bữn bữn Raviei Crít ớt tẻng mứt án, cũiai ki lứq tở bữn ớt muoi mứt cóp Crít. ¹⁰ Tở hái cóq cuchĩt cõ tian ọc lôih. Ma khân Crít ớt tẻng mứt hái, ngkíq raviei hái ớt tamoong mantái níc, yuaq Yiang Sursĩ noap hái la cũiai tanoang o. ¹¹ Yiang Sursĩ khoiẻ yõn Yê-su tamoong loah tẻ cuchĩt. Ngkíq khân anhia bữn Raviei Yiang Sursĩ ớt tẻng mứt anhia, nẻ-ra Yiang Sursĩ táq yõn anhia tamoong loah tẻ cuchĩt tẻ. Yiang Sursĩ táq ngkíq la nhơ tẻ Raviei án ớt cóp anhia.

¹² Ngkíq, sẻm ai oi, hái tở bữn tu noâng tẻ ngẻ tiaq. Hái tở bữn puai noâng rangứh hái bữm. ¹³ Yuaq khân anhia puai rangứh anhia bữm, nẻ-ra anhia cuchĩt. Ma khân anhia tở bữn trĩh

noâng rangúh anhia bữm cồ
 nhơ Raviei Yiang Sursĩ ốt
 cốp anhia, nỡ-ra anhia lứq
 bữn tamoong. ¹⁴ Nheq tửh
 cũai ca puai rangúh Raviei
 Yiang Sursĩ, alóỉ la con acái
 Yiang Sursĩ. ¹⁵ Toạq an-
 hia bữn Raviei Yiang Sursĩ
 tâng mút anhia, anhia lứq
 cõt con acái Yiang Sursĩ;
 anhia tỡ bữn noâng ariang
 cũai sũl. Chơ anhia tỡ bữn
 ngcõh noâng samoat cũai
 sũl đốq ngcõh. Cồ nhơ
 hái bữn Raviei Yiang Sursĩ,
 ngkíq hái tềq arô Yiang Sursĩ
 neq: “Mpoaq ơi!”* ¹⁶ Raviei
 Yiang Sursĩ toáp chuai mút
 pahõm hái yõn dáng samoat
 samõi hái la lứq con acái
 Yiang Sursĩ. ¹⁷ Khân hái
 lứq con acái Yiang Sursĩ,
 hái ngcuang bữn ndõm tề
 mun án parnõi cốp Crĩt.
 Cốp khân hái chũuq túh coat
 parnõi cốp Crĩt, nỡ-ra hái
 bữn ốt ien khẽ cốp án tâng
 paloõng tề.

*Máh Con Acái Yiang Sursĩ
 Acoan Ốc Tỡ Yũah Toạq*

¹⁸ Cứq chanchóm neq: Tỡ
 bữn ntróu hái chũuq ốc túh
 coat sanua, yuaq nỡ-ra hái
 bữn ốc o pha moâm. Tangái
 ki Yiang Sursĩ yõn hái ốt
 cốp án, bữn chóc ang-ữr
 parnõi cốp án tề. ¹⁹ Yiang
 Sursĩ khoiq tềng túc culám
 khám ramúh tâng pũn cốp
 tâng põng. Dũ ramúh ốt
 ngõh-rangõh ngcuang tangái
 Yiang Sursĩ apáh nheq tửh

con acái án. ²⁰ Nheq máh
 ramúh Yiang Sursĩ tềng la
 tỡ bữn o yũah, yuaq Yiang
 Sursĩ anoat máh ramúh ki
 cốp acoan ngcuang tangái ki
 tề. ²¹ Sanua máh ramúh
 nãi cốp cuchĩt cốp abuoiq.
 Ma toạq tangái nheq con
 acái Yiang Sursĩ bữn chóc
 ang-ữr parnõi cốp án, dũ
 ramúh Yiang Sursĩ khoiq
 tềng lứq cõt o ễn, chơ
 tỡ bữn cuchĩt cốp abuoiq
 noâng. ²² Hái dáng chơ
 dũ ramúh tâng paloõng cốp
 tâng cutểq ramóh ốc bap,
 tể mbỏq toau sanua. Ốc
 ki la samoat máh ramúh ki
 u-õỉ túh coat ariang mansẽm
 đốq u-õỉ toạq khuop cumo.
²³ Hái la u-õỉ machóng ki
 tề, yuaq hái ểr aĩq ngcuang
 tangái Yiang Sursĩ apáh hái
 lứq con acái án. Yiang
 Sursĩ khoiq yõn Raviei án ốt
 tâng mút hái, yõn hái dáng
 samoat lứq nỡ-ra hái bữn
 tỡ tamái ễn. ²⁴ Bo Yiang
 Sursĩ chuai amoong hái, án
 ữq yõn hái bữn tỡ tamái.
 Ngkíq hái ngcuang bữn ốc
 ki. Khân hái bữn chơ ốc
 hái ngcuang, hái tỡ bữn túh
 ngcuang noâng. Nỗq hái
 noâng ngcuang ốc hái khoiq
 bữn chơ? ²⁵ Ma sanua hái tỡ
 yũah bữn ốc Yiang Sursĩ ữq
 yõn hái. Ngkíq hái ốt tanhĩr,
 cốp hái ngcuang nỡ-ra hái
 lứq bữn ốc ki.

²⁶ Cốp Raviei Yiang Sursĩ
 yoc ể chuai hái, yuaq hái la
 sacũl lứq, tỡ dáng nỗq ể câu

* 8:15 8:15 Tâng parnai Aram, Phau-lô đốq táq ntõng án đốq ‘mpoaq’ la ‘aba’.

sẽq tẽ Yiang Sursĩ. Toâq hái cuclõiq ma tở bữn luoh, lứq Raviei Yiang Sursĩ toâp dững santoiq hái câu ki atoâq pở Yiang Sursĩ. ²⁷ Yiang Sursĩ lứq dáng dũ ốc tâng mứt pahõm cũai. Cóp án dáng tê Raviei Yiang Sursĩ câu tang yõn cũai sa-âm. Raviei Yiang Sursĩ câu ngkíq, án puai samoât lứq ngê Yiang Sursĩ.

²⁸ Hái dáng chơ máh cũai Yiang Sursĩ arô yõn puai ngê án, la cũai ca ayooq lứq án, ốc ntróu toâq pở alóí, lứq Yiang Sursĩ táq yõn cõt o tẽ ốc ki. ²⁹ Tẽ dâu lứq Yiang Sursĩ khoiq dáng chơ hái, cóp án chanchóm ẽ táq yõn hái cõt samoât Con án tê. Ngkíq Yê-su Crít la con clúng Yiang Sursĩ, cóp hái ca toâq ntun, la máh a-ẽm Yê-su. ³⁰ Ngkíq Yiang Sursĩ arô hái, yuaq án khoiq chanchóm ẽ táq ranáq nâi tẽ dâu lứq chơ. Yuaq Yiang Sursĩ khoiq arô hái, ngkíq án táq yõn hái ốt tanoang o yáng moat án. Yuaq Yiang Sursĩ khoiq táq yõn hái ốt tanoang o yáng moat án, ngkíq án táq yõn hái bữn ốt manơi nững án, cóp chống chóc ang-ữr án tê.

Yiang Sursĩ Ayooq Lứq Hái

³¹ Nổq hái ẽ pai tẽ ranáq nâi? Khân Yiang Sursĩ lứq chuai hái ngkíq, tở bữn noau têq táq ntróu chóc hái. ³² Yiang Sursĩ khoiq yõn Con

án cuchĩt tang hái. Khân án khoiq chuai hái ngkíq, hái dáng samoât lứq án chuai tê máh ramứh hái yoc ẽ bữn dõq têq táq ranáq án. ³³ Tở bữn ntróu noau cauq hái ca Yiang Sursĩ khoiq ruroh, yuaq Yiang Sursĩ toâp noap hái tanoang o. ³⁴ Cóp tở bữn ntróu noau tẻq hái cõ tian lờih hái, yuaq Yê-su Crít toâp ốt coah atoam Yiang Sursĩ, cóp án rapai chuai hái chóc Yiang Sursĩ. Yê-su Crít khoiq cuchĩt tang hái, cóp án khoiq tamoong loah tẽ cuchĩt. ³⁵ Yê-su Crít ayooq lứq hái, cóp tở bữn muoi ốc ntróu têq cayoah hái tẽ ốc ayooq ki. Khân hái ramóh túh arức, tở la túh cadĩt, tở la noau táq hái, tở la hái pan-hieih khlac, tở la ốq tampác tâc, tở la ramóh croốq, tở la noau trách toâq dau, lứq samoât máh ramứh nâi tở têq táq yõn Yê-su Crít tở bữn ayooq hái. ³⁶ Machóng noau khoiq chĩc tâng tâm saráq Yiang Sursĩ tẽ mbốq neq:

“Cõ tian hẻq puai ngê anhia, ngkíq cu rangái noau chuaq ngê ẽ cachĩt hẻq.

Noau nhêng chu hẻq samoât noau nhêng chu charán cũu cheq ẽ cachĩt.”*

³⁷ Ma tở bữn ntróu máh ốc túh coat nâi toâq pở hái, cõ nhơ án ca ayooq hái chuai hái yõn riap. ³⁸⁻³⁹ Cứq dáng samoât samơi tở bữn muoi ốc ntróu têq cayoah hái tẽ

óc ayooq Yiang Sursĩ. Khân toâq óc cuchĩt, toâq óc ta-moong, toâq ranêng Yiang Sursĩ tễ paloong, toâq yang canõh, toâq ranáq tâng dõĩ nâi tở la tâng dõĩ ntun, toâq cũai sõt, toâq óc tễ põng tở la tễ pũn, tở la toâq ramứh ntróu canõh ẽn, lứq ramứh aléq la tở têq táq yõn Yiang Sursĩ tở bữn ayooq hái. Án ayooq níc hái, yuaq hái õt muoi mút cớp Yê-su Crĩt, Ncháu hái.

9

Phau-lô Ayooq Tốp I-sarel

¹ Cứq yoc anhia dáng muoi ramứh lứq p̄ieiq. Cứq la cũai sa-âm Crĩt, cớp Raviei Yiang Sursĩ dáng cứq atõng tanoang lứq. Cứq tở bữn cakéq ntróu. ² Cứq yoc anhia dáng neq: Cứq sâng ngua lứq, cớp óc ngua nâi tở nai pút. ³ Hõn tễ dũ ramứh canõh tâng dõĩ ta-moong cứq, cứq yoc õt muoi mút cớp Crĩt. Ma khân cứq cớq chũuq ratáh tễ Crĩt, đõq chuai yõn cũai I-sarel sa-âm án, cứq lứq sâng bũi ratáh toâp. Yuaq cứq ayooq sễm ai cứq, la cũai I-sarel, clũĩ tễ cứq ayooq tở cứq bữm. ⁴ Tốp I-sarel la samoât con acái Yiang Sursĩ tễ. Alóĩ khoiq hữm chóc Yiang Sursĩ chơ. Yiang Sursĩ khoiq yõn alóĩ kĩaq parnai án cớp phễp rit án. Alóĩ sang Yiang Sursĩ khoiq dũn

lứq chơ. Cớp Yiang Sursĩ khoiq par-ữq cớp alóĩ. ⁵ Alóĩ la muoi tống toiq cớp A-praham, I-sac, cớp Yacốp. Bo Crĩt cõt cũai, án la tễ tốp I-sarel tễ. Án toâp sõt toâr clũĩ nheq tễ canõh. Án lĩ-ralĩ cớp Yiang Sursĩ. Cớq noau khẽn án mantái níc. Amen.

Yiang Sursĩ Rươh Cũai

⁶ Cứq tở bữn pai máh parnai Yiang Sursĩ ữq tở bữn cõt kia ntróu. Ma lứq samoât tở bữn dũ náq tễ tốp I-sarel cõt con acái Yiang Sursĩ. ⁷ Cớp Yiang Sursĩ tở bữn rươh dũ náq con A-praham ma đõq alóĩ la lứq tống toiq A-praham. Yiang Sursĩ khoiq atõng A-praham neq: “Nhõ tễ I-sac cứq táq yõn mới bữn máh óc cứq khoiq ữq cớp mới.”*

⁸ Ốc nâi la neq: Máh cũai tễ con tống A-praham, tở cõn nheq tữh alóĩ la con acái Yiang Sursĩ rươh. Ma máh cũai Yiang Sursĩ khoiq par-ữq cớp alóĩ, ống alóĩ ki toâp la lứq con acái Yiang Sursĩ. ⁹ Yuaq Yiang Sursĩ khoiq ữq cớp A-praham neq: “Noâng muoi cumo ẽn cứq ẽ toâq loah pở mới. Tangái ki, Sara lacuoi mới lứq bữn muoi lám con samiang.”*

¹⁰ Cớp cứq atõng muoi ramứh ẽn tễ Rê-be-ca, lacuoi I-sac, achúc achiac hái. Tữ Rê-be-ca õt mumiaq, Yiang Sursĩ atõng án neq: “Toâq tangái mới sễt

con, mới lứq bữn bar lám con samiang.”

11-12 Cóp Yiang Sursĩ atỡng án ẽn neq: “Nỡ-ra con ndĩ sớt hỡn tẽ con clúng.”*

Yiang Sursĩ pai ngkiq tẽ nhũang Rê-be-ca tỡ yũah sết con. Yiang Sursĩ tỡ bữn ruroh cõ tẽ ranáq o tỡ la ranáq sâuq alóí bar náq táq. Ma Yiang Sursĩ ruroh puai ốc án khoiq chanchóm tẽ nhũang. ¹³ Noau khoiq chĩc tẽ bar náq con samiang Rê-be-ca tâng tâm saráq Yiang Sursĩ tẽ mbốq neq:

“Cứq ayooq Yacốp, ma cứq kêt Ê-sau.”*

¹⁴ Nốq hái yoc ẽ pai tẽ ốc ki? Hái ẽ pai Yiang Sursĩ táq tỡ pĩeiq tỡ? Lứq tỡ cõn ngkiq! ¹⁵ Yuaq Yiang Sursĩ khoiq atỡng Mũi-se neq: “Tam cứq! Khân cứq sâng ayooq táq cũai aléq, ki cứq ayooq. Cóp khân cứq sâng sarũiq táq cũai aléq, ki cứq sarũiq.”*

¹⁶ Ngkiq ốc ki tam Yiang Sursĩ. Khân án sâng ayooq táq, ki án ayooq. Cũai tỡ tẽq chanchóm ntróu tỡ la táq ntróu ẽ bữn ốc ki. ¹⁷ Tâng tâm saráq Yiang Sursĩ tẽ mbốq noau khoiq chĩc la Yiang Sursĩ pai chóq puo cruang Ê-yip-tô neq:

“Cứq yõn mới cõt sớt, yuaq cứq ẽ ápáh chớch cứq la toâr lứq.

Cóp cứq yoc dũ cruang tâng cốc cutẽq nãi dáng ramứh cứq.”*

¹⁸ Ngkiq tam Yiang Sursĩ. Khân án sâng yoc, ki án ayooq táq cũai. Khân án sâng yoc ẽ táq yõn mút alóí coang, ki án táq.

¹⁹ Cõh lợ anhia ẽ blớh cứq neq: “Khân ngkiq, nốq Yiang Sursĩ tẽq hái, pai hái bữn lóih? Yuaq hái tỡ rơi táq ốc sâuq ntróu khân Yiang Sursĩ tỡ bữn yõn hái táq.”

²⁰ Ma cứq ta-õi loah anhia neq: “Ờ sểm ai ơi! Nốq anhia khón pai ngkiq chóq Yiang Sursĩ? Adéh cutẽq tỡ tẽq suon cốp cũai mial án neq: ‘Nốq mới táq roáp cứq nneq?’ ”

²¹ Án ca mial bar bẽng adéh tẽ muoi cốc cutẽq, tẽq án mial muoi bẽng nêuq o, ma muoi bẽng ẽn o padam sâng. Tam mút án yoc.

²² Machóng ki tê, Yiang Sursĩ ndõm nheq tũh cũai. Án bữn mút cutâu lứq chóq cũai ca táq moang ranáq sâuq. Ngkiq, nỡ-ra án pupút alóí ki. Ma Yiang Sursĩ yoc ẽ ápáh chớch án tê. Ngkiq án ót dũn chóq cũai táq ranáq sâuq. ²³ Yiang Sursĩ táq ngkiq, yuaq án yoc ápáh yõn hái dáng án bữn chớch toâr lứq, cốp án ayooq táq hái sa-ũĩ lứq. Án ruroh hái tẽ mbốq yõn hái tẽq chớch tê chớch ang-ũr án. ²⁴ Yuaq

* 9:11-12 9:11-12 Saráq Tẽ Dâu 25:23 * 9:13 9:13 Ma-laki 1:2-3 * 9:15 9:15 Loõh Tẽ Ê-yip-tô 33:19 * 9:17 9:17 Loõh Tẽ Ê-yip-tô 9:16

ngkiq Yiang Sursĩ arô hái,
 đẽ cũi I-sarel cớp cũi tở
 cõn cũi I-sarel. ²⁵ Machóng
 ki tê Hô-sĩa khoiq chĩc tẽ
 mbỏq ỏc Yiang Sursĩ atõng
 saccoaiq neq:

“Tẽ nhũang cứq tở bữn đõq
 alói la proai cứq,
 ma sanua cứq đõq alói
 la proai cứq tê.

Bo nhũang cứq tở bữn ayooq
 alói,
 ma sanua cứq ayooq lứq
 alói. ²⁶ Pở ntỏq Yiang
 Sursĩ khoiq pai chỏq
 cũi ki neq: ‘Anhia
 tở cõn proai cứq,’ lứq
 ntỏq ki toáp noau đõq
 cũi ki la con acái
 Yiang Sursĩ, án ca ta-
 moong mantái.”[☆]

²⁷ Cớp Ê-sai la cũi tang
 bỏq Yiang Sursĩ, án pai tẽ
 tởp I-sarel neq:

“Tởp I-sarel la chũng lứq.
 Alói rứh rường cõt
 samoat chũah tâng
 tor đõq mut,
 ma Yiang Sursĩ chuai
 amoong bĩq náq sâng
 tẽ tởp alói.

²⁸ Chái lứq Yiang Sursĩ táq
 moâm máh parnai án
 khoiq pai.

Án ẽ culáh cớng yõn
 đũ náq cũi tâng cớc
 cutẽq nãi.”[☆]

²⁹ Cớp Ê-sai khoiq pai tẽ
 nhũang neq:

“Sanua hái noâng bĩq náq
 sâng.

Khân Yiang Sursĩ Sốt Toâr
 Lứq ma tở bữn yõn
 hái bữn tởng toiq,
 ki vil hái cõt pút nheq,
 machóng vil Sadôm
 cớp vil Camô-rơ tê.”[☆]

Tởp I-sarel Tở Ếq Sa-âm

³⁰ Khân ngkiq, nõq hái ẽ
 pai tẽ ỏc nãi? Hái ẽ pai neq:
 Máh cũi tở cõn tẽ tởp I-
 sarel, tở bữn chuaq yoc ẽ ỏt
 tanoang o yáng moat Yiang
 Sursĩ, ma lứq alói bữn ỏc ki,
 cõ alói sa-âm. ³¹ Ma máh
 cũi tẽ tởp I-sarel chanchỏm
 alói ỏt tanoang o yáng moat
 Yiang Sursĩ cõ alói puai phẽp
 rit Mũi-se. Ma alói tở bữn
 bữn ỏc ki. ³² Yuaq nõq alói tở
 bữn bữn? Yuaq alói tở bữn
 sa-âm. Alói chanchỏm alói
 cớq táq puai phẽp rit sâng.
 Ngkiq Yê-su Crĩt cõt samoat
 tamáu tâng rana yõn tởp I-
 sarel. Alói tở ếq sa-âm; ỏc ki
 la samoat alói tũl tamáu ki.
³³ Yiang Sursĩ khoiq pai chớ
 tâng tâm saráq án tẽ Yê-su
 Crĩt neq:

“Cứq yõn manoaq ỏt tâng vil
 Si-ôn.

Án la samoat tamáu.
 Cũi cudõh tamáu nãi,
 chớ alói chanchũi.
 Alói cudõh, chớ alói
 đóm.

Ma cũi aléq sa-âm án,
 cũi ki tở nãi pút ỏc
 ngang.”[☆]

10

*Yiang Sursĩ Yoc Chuai
 Amoong Nheq Tũh Cũi*

☆ 9:25 9:25 Hô-sĩa 2:23 ☆ 9:26 9:26 Hô-sĩa 1:10 ☆ 9:28 9:28 Ê-sai 10:22-23

☆ 9:29 9:29 Ê-sai 1:9 ☆ 9:33 9:33 Ê-sai 8:14; 28:16

1 Sễm ai ơi! Mút cứq sâng yoc lứq Yiang Sursĩ chuai amoong nheq tữh tốp I-sarel, cớp cứq đốq câu ngkíq. 2 Cứq hữm alóí ể áiq yoc ể puai ngê Yiang Sursĩ, ma alóí tở dáng táq nốq yỗn p̄ieiq. 3 Alóí tở bữn dáng Yiang Sursĩ khoiq atõng rana yỗn cũai têq ốt tanoang o yáng moat án. Ma alóí puai ngê alóí bữm chuaq yoc ể bữn ốc ki. Alóí tở ểq puai rana Yiang Sursĩ khoiq atõng cũai yỗn têq ốt tanoang o yáng moat án. 4 Cũai aléq ma sa-âm Crĩt, cũai ki cõt tanoang o yáng moat Yiang Sursĩ. Ma cũai aléq ma trĩh phễp rit Mũi-se sâng, cũai ki tở bữn ốt tanoang o yáng moat Yiang Sursĩ.

5 Mũi-se khoiq atõng chơ tể cũai yoc ốt tanoang o yáng moat Yiang Sursĩ, cõ nhơ alóí trĩh phễp rit Yiang Sursĩ. Án atõng tể alóí neq: “Cũai aléq ma táq p̄ieiq dũ ốc tể phễp rit Yiang Sursĩ, cũai ki lứq bữn tamoong cõ nhơ tể ốc ki.”*

6 Ma Yiang Sursĩ atõng cũai ca sa-âm, têq án ốt tanoang o yáng moat Yiang Sursĩ, la neq: “Anhia chõi pai: ‘Noau rơi chõn chu paloõng, đốq p̄õq coaiq Crĩt sễng chuai hái?’ 7 Cớp anhia chõi pai: ‘Noau rơi sễng chu p̄ưn p̄ớ ntốq raviei cũai cuchĩt ốt,

đốq sễng coaiq Crĩt tamoong loah tể cuchĩt?’ ”*

8 Ma ntróu parnai Yiang Sursĩ pai tể ốc tanoang o nãi? Lứq án pai neq:

“Ốc ki tở bữn yơng tể anhia.

Têq anhia ngin na bõq

cớp sa-âm samoat samoi tâng mút anhia.”

Nãi la machóng santom hểq khoiq atõng anhia chơ yỗn anhia sa-âm Yê-su Crĩt.

9 Khãn bõq anhia ngin Yê-su la Ncháu anhia, cớp mút anhia sa-âm samoat samoi Yiang Sursĩ khoiq yỗn Yê-su tamoong loah tể cuchĩt, ki lứq Yiang Sursĩ chuai amoong anhia. 10 Hái ốt tanoang o yáng moat Yiang Sursĩ, la cõ nhơ mút pahõm hái sa-âm án. Cớp Yiang Sursĩ chuai amoong hái, la cõ nhơ bõq hái ngin pai Yê-su Crĩt la Ncháu hái. 11 Tâng tâm saráq Yiang Sursĩ tể mbõq noau khoiq pai chơ neq:

“Cũai aléq ma sa-âm án, cũai ki lứq tở nai pút ốc nguang.”*

12 Yáng moat Yiang Sursĩ tở bữn mpha ntróu cũai I-sarel cớp cũai tở cõn cũai I-sarel. Ngkíq Yê-su Crĩt, Ncháu hái, yỗn sa-ữi ốc bõn p̄ớ dũ náq cũai ca sễq tể án. 13 Yuaq tâm saráq Yiang Sursĩ tể mbõq pai neq:

“Dũ náq cũai ca arô sễq nhơ ramứh Yiang Sursĩ,

* 10:5 10:5 Lê-vi 18:5 * 10:7 10:7 Patáp Loah 30:11-14 * 10:11 10:11 Ê-sai 28:16 * 10:13 10:13 Yê-el 2:32

án lứq chuai amoong alói.”☆

14 Ma nốq têq cũai câu sếq tể án, khôn alói tở yũah sa-âm án? Cóp nốq têq alói sa-âm án, khôn alói tở yũah bữn sâng ntróu tể án? Cóp nốq alói têq bữn sâng tể án, khôn tở bữn noau pốq atống alói? 15 Cóp nốq cũai têq pốq atống alói, khôn tở bữn noau chuai yỗn alói pốq? Tâng tâm saráq Yiang Sursĩ tể mbốq noau khoiq pai neq: “Nêuq o lứq ayũng cũai dững parnai o yỗn cũai canỗh dáng.”☆

16 Ma lứq tở bữn dù náq cũai yoc ẽ tamứng parnai o tể Yê-su Crít. Machóng Ê-sai khoiq pai tể mbốq neq:

“Ncháu cứq ơi! Noau noâq sa-âm tể parnai hếq atống?”☆

17 Ma khôn cũai yoc ẽ sa-âm, cóq alói tamứng nhũang. Cóp parnai ca alói cóq tamứng nhũang, la parnai o tể Yê-su Crít.

18 Ma cứq ẽ blóh anhia neq: Tốp I-sarel khoiq sâng parnai nâi ma tở yũah? Lứq alói khoiq sâng chơ, yuaq tâm saráq Yiang Sursĩ atống tể mbốq pai neq:

“Khoiq noau atống chơ ngê ki chũop nheq tâng cốc cutếq nâi.

Lứq ngê ki pláh toâq pờ dù pứp paloống cutếq.”☆

19 Cứq ẽ blóh anhia ẽn neq: Nốq tốp I-sarel tở bữn dáng tở? Mũi-se khoiq atống máh Yiang Sursĩ pai tể mbốq neq:

“Cứq táq yỗn anhia sa-on cumíq tể cũai tở cữn cũai I-sarel;

cứq táq yỗn anhia sâng ũan cữ tể cũai tở bữn dáng ntróu.”☆

20 Cóp Ê-sai atống tang bốq Yiang Sursĩ clốq lứq neq:

“Alói ca tở bữn chuaq cứq, ki alói ramóh cứq.

Cóp alói ca tở bữn sếq tể cứq, cứq lứq yỗn alói dáng ngê cứq.”☆

21 Cóp Yiang Sursĩ pai ẽn tể tốp I-sarel neq:

“Nheq muoi tangái cứq sacố atĩ ẽ roap chỏm cũai nâi,

ma alói tở bữn trĩh cứq, cóp alói chíl níc cứq.”☆

11

Yiang Sursĩ Noâng Chuai Amoong Cũai I-sarel

1 Chơ cứq ẽ blóh anhia neq: Yiang Sursĩ khoiq táh tốp I-sarel tở? Lứq tở bữn! Cứq nâi toâp la cũai I-sarel. Cứq la tể tống toiq A-praham tê. Cóp cứq la tể tốp Ben-yamin. 2 Yiang Sursĩ khoiq rườh tốp I-sarel tể mbốq chơ. Toau sanua án tở bữn táh alói. Anhia khoiq dáng chơ máh parnai Yiang Sursĩ

☆ 10:15 10:15 Ê-sai 52:7 ☆ 10:16 10:16 Ê-sai 53:1 ☆ 10:18 10:18 ũat Khễn 19:4 ☆ 10:19 10:19 Patâp Loah 32:21 ☆ 10:20 10:20 Patâp Loah 32:21

☆ 10:21 10:21 Ê-sai 65:2

atông Ê-li, án táq ranáq
Yiang Sursĩ tế mbốq. Ê-li
cauq tốp I-sarel chốq Yiang
Sursĩ, pai neq:

³ “Yiang Sursĩ ơi! Alói ki
khoiq cachĩt chơ máh
cũai tang bỗq anhia.
Cóp alói talốh đễ
prông sang anhia hỡ.

Ổng manoaq cứq toáp
noâng bữn tamoong.
Cóp alói chi-chuaq ẽ
cachĩt đễ cứq hỡ.”☆

⁴ Ma ntróu Yiang Sursĩ
ta-đi Ê-li? Yiang Sursĩ ta-đi
án neq:

“Cứq noâng bữn tapul ngin
nác cũai samiang tế
tốp I-sarel ca sang
cứq.

Lứq alói tỡ bữn pruan
sacốh racól sang yiang
Ba-al.”☆

⁵ Sanua la machống ki tê.
Noâng bĩq nác sâng cũai I-
sarel ca Yiang Sursĩ khoiq
rườh, yuaq án bữn mút
pahỏm ẽ chuai miat alói.

⁶ Án rườh alói cớ ản ẽ chuai
miat alói, tỡ cởn cớ alói táq
ranáq o. Khân án rườh alói
cớ alói khoiq táq ranáq o,
ngkíq ốc ki tỡ tềq pai noâng
án chuai miat. ⁷ Khân ngkíq,
nốq hái ẽ pai? Hái ẽ pai neq:
Nheq tữh cũai I-sarel yoc
ẽ ốt tanoang o yáng moat
Yiang Sursĩ. Ma bĩq lứq alói
ramóh ốc ki. Ổng alói ca
Yiang Sursĩ rườh sâng bữn
ốc ki. Ma alói ca tỡ ẽq sa-âm,

mút alói cõt coang lứq ễn.
⁸ Tâm saráq Yiang Sursĩ pai
neq:

“Toau sanua, Yiang Sursĩ táq
yỗn mút alói tỡ tềq
sapúh.

Alói bữn moat, ma alói
tỡ bữn hữm.

Alói bữn cutữr, ma alói
tỡ bữn sâng.”☆

⁹ Cóp Davit pai tế mbốq neq:
“Alói nguaiq cha bũi níc.

Alói tỡ bữn chanchỏm
croốq criat ntróu toáp
pờ alói.

Ngkíq Yiang Sursĩ ơi!

Cứq sếq anhia táq yỗn
ốc alói cha bũi cõt
samoat acáp

tỡ la alieiq yỗn alói
ramóh túh coat sa-ủi.

¹⁰ Cứq sếq anhia táq yỗn
moat alói cõt sũt.

Cóp cứq sếq anhia táq yỗn
cloong alói cõt tacô,
đốq alói chũuq a-ĩ níc.”☆

¹¹ Ngkíq cứq yoc ẽ blóh
anhia neq: Cớ tốp I-sarel
tỡ bữn sa-âm Yê-su sanua,
ngkíq Yiang Sursĩ lứq táh
tháng alói ki tỡ? Lứq tỡ
bữn! Cớ tốp I-sarel tỡ bữn
sa-âm, ngkíq Yiang Sursĩ ma
chuai amoong máh cũai tỡ
cởn cũai I-sarel ễn. Yiang
Sursĩ táq ngkíq yỗn mút
pahỏm tốp I-sarel cõt sa-on
cumíq yoc ẽ bữn machống
cũai ki tê. ¹² Cớ tốp I-sarel
tỡ ẽq trĩh Yiang Sursĩ, ngkíq
máh cũai ạnốh ễn bữn ốc
bốn sa-ủi tế Yiang Sursĩ. Cớ
tốp I-sarel táq lôih, ngkíq

☆ 11:3 11:3 Puo Muoi 19:18 ☆ 11:4 11:4 Puo Muoi 19:18 ☆ 11:8 11:8 Patáp
Loah 29:4; Ê-sai 29:10 ☆ 11:10 11:10 ũat Khển 69:22-23

Yiang Sursĩ chuai cũai tở cởn cũai I-sarel ẻn. Khân ngkĩq, ki hỏn tẻ ki ẻn nỏ-ra Yiang Sursĩ chuai nheq tửh cũai toạq máh cũai I-sarel sa-âm Yẻ-su Crít tẻ.

Yiang Sursĩ Chuai Amoong Cũai Tở Cởn Cũai I-sarel

¹³ Sanua cứq yoc atởng anhia ca tở cởn cũai I-sarel. Yiang Sursĩ ỏn cứq atởng parnai án yỏn anhia bửn sâng tẻ. Ngkĩq cứq táq ranáq nái nheq rangứh rahỏ cứq. ¹⁴ Cứq táq ngkĩq, la cứq ẻq tởp I-sarel cởt sa-on cumiq tẻ anhia. Moac moai bửn muoi tởp tẻ alói sa-âm tẻ, chớ Yiang Sursĩ chuai amoong cũai ki tẻ. ¹⁵ Toạq Yiang Sursĩ táh cũai I-sarel ca tở bửn sa-âm, án ỉt anhia ca tở cởn cũai I-sarel ẻn cởt muoi mút cớp án. Ma nỏ-ra Yiang Sursĩ arỏ loah máh cũai I-sarel. Chớ ntrớu cởt kia tẻ ỏc ki? Kia tẻ ỏc ki la cũai cuchít bửn tamoong loah.

¹⁶ Cứq sacâm neq: Khân ỉt muoi lám bẻng mi, chớ chiau sang muoi bẻq yỏn Yiang Sursĩ, nheq máh bẻng ki cởt khong Yiang Sursĩ tẻ. Khân sang rẻh alu-ang yỏn Yiang Sursĩ, chớ nheq máh abẻng la cởt khong án tẻ. ¹⁷ Khân abẻng o-li-vẻ tâng nường ma noau cứl táh, chớ noau ỉt abẻng o-li-vẻ tẻ arủih ẻn chot pláih bân abẻng noau khoiq cứl ki. Tởp an-hia ca tở cởn cũai I-sarel

la samoát abẻng o-li-vẻ tẻ arủih. Ma sanua anhia bửn roap rẻng cớp ỏc tamoong tẻ cũai I-sarel. ¹⁸ Anhia chỏi chanchỏm anhia o hỏn tẻ tởp I-sarel. Khân anhia chanchỏm ngkĩq, cớq an-hia dáng neq tẻ: Abẻng tở bửn amoong rẻh, ma rẻh amoong abẻng. ¹⁹ Cỏh lỏ anhia ca tở cởn cũai I-sarel yoc ẻ pai neq: “Yiang Sursĩ cứl táh abẻng tiaq tẻ nỏm ki yuaq án ẻ chot hẻq ẻn tâng nỏm ki.”

²⁰ Lứq pẻiq anhia pai. Ma Yiang Sursĩ cứl táh alói ki, cỏ alói tở bửn sa-âm. Cớp án chot anhia tâng ki cỏ anhia sa-âm. Ngkĩq anhia chỏi chanchỏm anhia o hỏn tẻ tởp I-sarel. Ma cớq anhia ngcỏh Yiang Sursĩ. ²¹ Khân Yiang Sursĩ cứl táh abẻng tiaq tẻ nỏm ki cỏ alói tở bửn sa-âm, lứq án táq machỏng ki tẻ chỏq anhia, khân an-hia tở bửn sa-âm. ²² Ngkĩq hái dáng Yiang Sursĩ sarủiq táq cũai, cớp án táq cũai. Án táq máh cũai tở bửn sa-âm. Ma án sarủiq táq anhia sa-ủi lứq, khân anhia táq pỏq níc tâng ỏc sarủiq ki. Ma khân anhia tở bửn táq ngkĩq, Yiang Sursĩ lứq cứl táh anhia machỏng alói ki tẻ. ²³ Ma nỏ-ra khân tởp I-sarel sa-âm, Yiang Sursĩ chot loah alói. Yiang Sursĩ tẻq chot loah alói tâng ntỏq án khoiq cứl tẻ nhũang. ²⁴ Anhia ca tở cởn cũai I-sarel la samoát abẻng tẻ nỏm o-li-vẻ dáh tâng arủih. Ma Yiang Sursĩ chot anhia

tâng nỡm o-li-vê án chón
tâng nưong án asa. Tốp I-
sarel la samoât abêng tiaq
tẽ nỡm o-li-vê Yiang Sursĩ
chón. Khân Yiang Sursĩ tẽq
chot abêng tẽ arũih, ki khẽ
hỡn ẽn Yiang Sursĩ chot loah
abêng tiaq ki tâng nỡm tiaq.

*Nỡ-ra Yiang Sursĩ Chuai
Amoong Cũai I-sarel*

²⁵ Sẽm ai ời! Cựq yoc
anhia dáng tẽ ramứh cutooq
nâi, đởq anhia tỡ bữn ốt
pai anhia dáng hỡn tẽ cũai
canỗh. Bữn muoi tốp cũai I-
sarel bữn mút pahỡm coang.
Ma moâm án arô máh cũai
tỡ cõn cũai I-sarel ca án
khoi q rưoh, ki án arô cũai
I-sarel ẽn. ²⁶ Tữ tangái ki
toâq, Yiang Sursĩ lữq chuai
amoong nheq tữh tốp I-sarel.
Tâng tâm saráq Yiang Sursĩ
tẽ mbỏq khoi q pai neq:

“Án ca chuai amoong cũai ẽ
toâq tẽ vil Si-ôn.

Án táq yõn tống toi q
Yacóp tỡ bữn táq lôih
noâng.

²⁷ Tữ cứq táh lôih alóí, lữq
tangái ki cứq táq yõn
moâm
nheq máh ốc cứq khoi q
parkhán cốp alóí tẽ
mbỏq.”*

²⁸ Cũai I-sarel sa-ũĩ náq
tỡ ẽq sa-âm parnai o tẽ Yê-
su Crít. Ngkíq alóí par-ũal
chóq Yiang Sursĩ. Cỗ alóí
táq ngkíq, sanua anhia ca tỡ
cõn cũai I-sarel bữn sa-âm
Yê-su Crít tẽ. Ma tốp I-sarel

la cũai ca Yiang Sursĩ khoi q
rưoh tẽ nhũang, ki Yiang
Sursĩ noâng ayooq alóí, cỗ
án khoi q par-ũq cốp achúc
achiac alóí. ²⁹ Yiang Sursĩ
tỡ nai ralêq loah máh ốc án
khoi q ỹq chơ. Ốc ntróu án
yõn, án tỡ nai ít loah. Cốp
cũai án khoi q rưoh, án tỡ
nai táh. ³⁰ Tẽ nhũang anhia
tỡ bữn trĩh Yiang Sursĩ. Ma
sanua Yiang Sursĩ ayooq táq
anhia pláih tốp I-sarel ca tỡ
ẽq trĩh án. ³¹ Sanua tốp I-
sarel tỡ bữn trĩh Yiang Sursĩ,
cốp alóí sâng ũan lữq Yiang
Sursĩ chuai anhia. Ma nỡ-ra
Yiang Sursĩ lữq sarũiq táq
alóí machóng án sarũiq táq
anhia sanua tẽ. ³² Yiang
Sursĩ khoi q yõn dũ náq cũai
cõt samoât cũai tũ la cỗ alóí
tỡ bữn trĩh, đởq tẽq án apáh
ốc án sarũiq táq chóq dũ náq
alóí.

Khẽn Yiang Sursĩ

³³ Ô! Rangoai q lữq Yiang
Sursĩ! Án dáng dũ ramứh.
Hái tỡ rơi noap máh ốc án
dáng. Cốp hái tỡ tẽq dáng
máh ranáq án yoc ẽ táq cốp
máh sarnóm án chanchóm.
³⁴ Tâng tâm saráq Yiang
Sursĩ tẽ mbỏq noau khoi q
blớh neq:

“Bữn cũai aléq tẽq dáng
sarnóm Yiang Sursĩ
tỡ?

Tỡ la cũai aléq tẽq tĩeih
atõng Yiang Sursĩ?*

³⁵ Tỡ bữn cũai aléq tẽq pai
Yiang Sursĩ tu án muoi
ramứh ntróu,

cỗ án khoi q yỗn Yiang Sursĩ tễ nhũang chơ.”

³⁶ Lứq Yiang Sursĩ toập khoi q tễng túc culám khám ramứh tâng pưn cớp tâng pỡng. Dữ ramứh ki la khong án. Cớp án toập sốt dữ ramứh án khoi q tễng. Cớq hái khễn níc Yiang Sursĩ sốt dời lơi cumo. Amen.

12

Ranáq Cũai Táq Tờ Bữn Machóng

¹ Sễm ai ơi! Yuaq Yiang Sursĩ sarũiq táq anhia sa-ũĩ lứq, ngkíq cứq sễq anhia chiau tỗ anhia pỡ Yiang Sursĩ. Táq ngkíq, tỗ anhia la samoât charán noau kiac sang miar khong Yiang Sursĩ, ma noâng anhia tamooing. Lứq pĩei q anhia sang Yiang Sursĩ máh ki, cớp Yiang Sursĩ sâng bũi lứq anhia táq ngkíq. ² Anhia chõi puai ngê tâng dời nãi. Ma cớq anhia yỗn Yiang Sursĩ lếq mút cớp sarnóm anhia yỗn tềq chanchóm ngê tamái ễn. Táq ngkíq, anhia lứq dáng ranáq ntróu Yiang Sursĩ yoc anhia táq. Ranáq ki la o yỗn anhia, cớp o yỗn Yiang Sursĩ tề. Cớp ranáq ki la tỡ bữn lờih ntróu yỗn anhia táq.

³ Cứq sa-ỡn Yiang Sursĩ khoi q chuai miat yỗn cứq bữn atõng anhia dữ náq neq: Anhia chõi chanchóm luat ngư tễ ranáq Yiang Sursĩ yỗn anhia táq. Ma cớq anhia chanchóm yỗn pĩei q tễ

ramứh ki, yuaq anhia dáng Yiang Sursĩ khoi q yỗn anhia táq ranáq ki puai ốc sa-âm án khoi q yỗn anhia. ⁴ Tỗ cũai cớq bữn sa-ũĩ ramứh nốq tềq cõt tỗ. Cớp dữ ramứh ki bữn miar ranáq táq. ⁵ Machóng ki tề, hái ca khoi q sa-âm Crít la clứng, ma hái cõt muoi tỗp. Ngkíq sanua hái pruam manoaq chuai manoaq. ⁶ Nheq tữh hái bữn miar ranáq Yiang Sursĩ yỗn hái táq. Khãn án yỗn cũai aléq atõng tang parnai Yiang Sursĩ, cớq cũai ki atõng parnai ki puai máh án sa-âm. ⁷ Cũai aléq ma Yiang Sursĩ yỗn táq ranáq rachuai tâng tỗp sa-âm, cớq cũai ki táq ranáq ki. Cũai aléq ma Yiang Sursĩ yỗn táq ranáq atõng cũai canõh, cớq cũai ki táq ranáq ki. ⁸ Cũai aléq ma Yiang Sursĩ yỗn atõng catoaih yóu, cớq cũai ki táq ranáq ki. Cũai aléq ma Yiang Sursĩ yỗn táq ranáq rachuai yóu, cớq cũai ki rachuai nheq rangứh rahỡ. Cũai aléq ma Yiang Sursĩ yỗn cõt sốt tâng tỗp sa-âm, cớq cũai ki cutóng táq ranáq sốt. Cớp cũai aléq ma Yiang Sursĩ yỗn bữn mút sâng sarũiq táq yóu, cớq cũai ki sâng bũi táq ranáq ki.

Ốc Patáp Yỗn Tỗp Sa-âm

⁹ Cớq anhia ayooq yóu lứq samoât; chõi ayooq ống bỗq sâng. Cớp cớq anhia viaq nheq máh ranáq sấuq, ma táq ống ranáq o

sâng. ¹⁰ Cóg anhia manoaq ayooq manoaq samoât anhia la sêm ai. Cóg cóq anhia achôn yếu toâr hõn tẽ anhia. ¹¹ Anhia chõĩ aloah táq ranáq máh Yiang Sursĩ yõn anhia táq. Ma cóq anhia táq ranáq ki nheq rangúh rahõ anhia. ¹² Cóg anhia sâng bũĩ o bo anhia õt nguang Yiang Sursĩ chuai anhia. Cóg cóq anhia tanhĩr níc máh ốc túh coat toâq pỡ anhia. Cóg anhia câu sêq níc tẽ Yiang Sursĩ. ¹³ Khân bữn noau tẽ tốp sa-âm ma túh cadĩt, cóq anhia chuai cũai ki. Cóg anhia táq poang moat múh chók cũai tamoi ca toâq pỡ anhia. ¹⁴ Cóg anhia sêq Yiang Sursĩ táq o chók cũai ẽ táq anhia. Anhia chõĩ pacho pasrĩh alói. ¹⁵ Khân bữn cũai ma ramóh ốc bũĩ, cóq anhia sâng bũĩ ỡn cóp alói tẽ. Khân bữn cũai ma ramóh túh coat, cóq anhia nhiam cóp alói tẽ. ¹⁶ Cóg nheq từh anhia bữn muoi mút sâng. Anhia chõĩ achõn tỗ bữm. Ma cóq anhia õt ratoĩ cóp cũai cadĩt. Cóg chõĩ chanchóm anhia la rangoaiq clũĩ tẽ cũai canõh.

¹⁷ Khân bữn cũai táq sâuq chók anhia, anhia chõĩ carláh đờq chók alói. Ma cóq anhia cutóng táq ranáq o níc, yõn nheq từh cũai hữm anhia la cũai o. ¹⁸ Khân tẽq, cóq anhia cutóng nheq rangúh rahõ đờq tẽq anhia

õt ien khẽ cóp dũ náq cũai. ¹⁹ Sêm ai ỡi! Cúq ayooq anhia sa-ũĩ lúq. Cúq patâp anhia neq: Chõĩ carláh đờq chók cũai canõh. Cóg anhia yõn Yiang Sursĩ toâp táq alói ca táq anhia. Tâng tâm saráq Yiang Sursĩ, án khoiq pai neq:

“Cúq toâp tẽq carláh đờq yõn cũai.

Lúq samoât cúq culáh cóng yõn dũ náq cũai, puai ranáq alói táq.”*[☆]

²⁰ Ntốq canõh tâng tâm saráq Yiang Sursĩ án pai ẽn neq:

“Khân cũai par-ũal anhia ma sâng panhieih, cóq anhia yõn án cha.

Khân án sâng ẽ khlac đờq, cóq anhia yõn án nguaiq.

Anhia táq ngkĩq, cũai ki lúq sâng casiet táq tẽ án ẽ táq anhia.”*[☆]

²¹ Chõĩ yõn ngê sâuq radũng anhia táq ranáq tỡ o. Ma cóq anhia táq níc ranáq o. Ngkĩq anhia riap chíh máh ngê sâuq.

13

Cũai Sa-âm Cóg Táq Nỏq Cóp Cũai Sốt?

¹ Cóg dũ náq anhia trĩh parnai máh cũai sốt anhia. Lúq Yiang Sursĩ toâp chók cũai ki yõn cõt sốt. Khân Yiang Sursĩ tỡ bữn ruroh, cũai ki tỡ tẽq cõt cũai sốt.

* **12:19** 12:19 Patâp Loah 32:35 * **12:20** 12:20 Tâng rana nãi án pai: ‘Khân anhia táq ngkĩq, samoât anhia parõm đờq rahũng ùih tâng plõ án.’ * **12:20** 12:20 Pali Panha 25:21-22

² Ngkíq khân cūai aléq ma tở ẽq trĩh cūai sớt, la samoât án tở ẽq trĩh Yiang Sursĩ tê. Cūai ki lứq ramóh sa-ũĩ ớc túh coat. ³ Yiang Sursĩ tở bữn chóch cūai sớt yỗn táq cūai táq ranáq o. Ma Yiang Sursĩ chóch cūai sớt yỗn manrap cūai táq ranáq sấuq. Khân anhia tở ẽq cūai sớt manrap anhia, cóq anhia táq ranáq o. Ngkíq máh cūai sớt lứq ngin anhia la cūai o. ⁴ Cūai sớt táq ranáq yỗn Yiang Sursĩ, đợc cõt kia yỗn anhia. Ma khân anhia táq ranáq sấuq, anhia cóq ngcõh cūai sớt anhia, yuaq alóĩ tẽq táq anhia. Yiang Sursĩ yỗn alóĩ bữn chóc manrap cūai táq ranáq sấuq. ⁵ Ngkíq cóq anhia trĩh máh cūai sớt, ma anhia chõĩ trĩh alóĩ cõ anhia ngcõh noau manrap sâng, ma cóq anhia trĩh alóĩ cõ anhia dáng ớc nãi la lứq o. ⁶ Machóng ki tê, cóq anhia muap cớng pở cūai sớt, yuaq alóĩ roap cớng nãi cõ alóĩ táq ranáq Yiang Sursĩ. ⁷ Ngkíq, anhia cóq yỗn dũ náq bữn roap máh ramúh p̄ieiq alóĩ cóq roap. Khân p̄ieiq anhia yỗn práq thẽq, ki anhia yỗn. Khân p̄ieiq anhia yỗn cớng noau chát, ki anhia yỗn cớng ki. Khân p̄ieiq anhia yám noap, ki anhia yám noap. Khân p̄ieiq anhia khễn, ki anhia khễn.

Ớc Toâr Clũĩ Nheq Tẽ Canõh La Ayooq Yóu

⁸ Moâm anhia culáh nheq máh ramúh anhia tu, anhia noâng tu muoi ramúh. Ramúh ki la cóq anhia manoaq ayooq manoaq. Cūai aléq ma ayooq yóu, cūai ki lứq táq puai samoât samoi phếp rit Yiang Sursĩ yỗn na Mũi-se. ⁹ Yiang Sursĩ patâp neq:

“Chõĩ cooc lacuoi tở la cayac noau.

Chõĩ cachĩt cūai.

Chõĩ tutuoiq.

Chõĩ ham cớng noau.”^{*}

Máh ớc patâp nãi, cóp máh ớc canõh ca Yiang Sursĩ khoiq patâp, ki cõt muoi ớc sâng. Khân hái trĩh ớc patâp nãi samoât samoi, lứq hái trĩh dũ ớc patâp canõh tê. Ớc patâp toâr clũĩ nheq tẽ canõh la neq: Cóq anhia ayooq yóu machóng anhia ayooq tở anhia bữm. ¹⁰ Cūai aléq ma ayooq yóu samoât samoi, cūai ki tở nai táq sấuq chóc yóu. Ngkíq, khân hái ayooq yóu, hái lứq trĩh dũ ớc Yiang Sursĩ patâp.

¹¹ Cóq hái cutóng táq ranáq ki, yuaq hái dáng cheq ẽ toâq tangái Yê-su yỗn hái loõh tẽ cutẽq nãi. Yuaq tangái ki khoiq cheq hỡn tẽ tangái hái mbõĩq sa-âm. Ngkíq, cóq hái chéng-cachéng ớt nguang tangái ki. ¹² Chõĩ táq noâng ranáq tâng đõĩ nãi. Ranáq ki la samoât noau táq tâng

^{*} 13:9 13:9 Loõh Tẽ Ê-yip-tô 20:13-17; Patâp Loah 5:17-21

sadâu. Ma sanua cheq ẽ toâq tangái Yê-su toâq loah pữ cutẽq nâi. Nâi la samoât riang cheq ẽ poang tarup. Ngkíq, cóq hái táh nheq máh ranáq noau dốq táq tâng canám. Hái táq máh ranáq Yiang Sursĩ yõn hái táq sâng. Ranáq ki la samoât ranáq noau dốq táq tâng poang. ¹³ Dũ ranáq hái táq, cóq hái táq o ariang cũai táq ranáq tâng poang. Táq ngkíq, hái tở bữn ngcõh ntróu cũai canõh hữm máh ranáq hái táq. Anhia chõi cha tôn-tín. Chõi bũl blõng. Chõi bẻq parnoi khân tở bữn lacuoi cayac. Chõi táq pampila. Chõi ralõih. Cóp chõi sa-on cumíq. ¹⁴ Ma cóq anhia sẻq Yê-su Crít, Ncháu anhia, kĩaq mút pahõm anhia. Cóp anhia chõi chanchóm noâng ẽ puai ngê sâuq ariang mút pahõm anhia yoc.

14

Manoaq Chõi Tẻq Manoaq

¹ Khân bữn cũai alẻq khoiq sa-âm Yê-su chơ, ma án tở yũah dáng sa-ũi tẻ ngê ki, cóq anhia roap cũai ki bũi o. Cóp anhia chõi rasuon cóp án tẻ máh ramứh án tở yũah dáng raloaih. ² Bữn cũai tẻ tộp hái, alỏi chanchóm alỏi tẻq cha dũ ramứh crơng sana, tở bữn lôih ntróu. Ma bữn máh cũai tở yũah dáng raloaih, alỏi chanchóm tở bữn o cha sâiq. ³ Alỏi ca cha dũ ramứh crơng sana tở tẻq mumat

alỏi ca tở bữn cha sâiq. Cóp alỏi ca tở bữn cha sâiq tở tẻq pai cũai cha dũ ramứh sana bữn lôih. Manoaq tở tẻq tẻq manoaq, yuaq Yiang Sursĩ khoiq noap cũai ki la con acái án. ⁴ Nẻq anhia clỏq lửq tẻq cũai táq ranáq yõn ncháu canõh? Lửq ớng ncháu án toâp tẻq tẻq án táq ranáq o, tở la tở o. Cóp Yiang Sursĩ bữn chóc tẻq chuai cũai ki yõn táq ranáq o.

⁵ Bữn cũai chanchóm cóq dốq miar máh tangái noau cóq puai rit sang Yiang Sursĩ. Ma bữn cũai canõh chanchóm cu rangái la machớng nheq. Cóq dũ náq tutuaiq yõn samoât, ntróu Yiang Sursĩ ẻq án táq tẻ ốc nâi. ⁶ Án ca dốq miar muoi tangái yõn puai rit sang Yiang Sursĩ, án táq cõ án yám noap Yiang Sursĩ. Cóp án ca cha dũ ramứh crơng sana, án táq ngkíq la án yám noap Yiang Sursĩ tẻ, yuaq án sa-õn Yiang Sursĩ yõn crơng sana ki. Machớng ki tẻ, án ca tở bữn cha dũ ramứh crơng sana, án táq ngkíq la án yám noap Yiang Sursĩ tẻ. Cóp án sa-õn Yiang Sursĩ tẻ án bữn crơng sana cha. ⁷ Tở bữn ớng tamoong yõn cutỏ án bữm, cóp tở bữn cuchít yõn cutỏ án bữm. ⁸ Khân hái tamoong, la hái tamoong yõn Yiang Sursĩ. Cóp khân hái cuchít, hái cuchít yõn Yiang Sursĩ. Ngkíq khân hái tamoong tở la cuchít, hái táq ranáq yõn Yiang Sursĩ.

⁹ Yuaq ngkíq, Crít khoiq cuchĩt cốp án tamoong loah tẽ cuchĩt, đõq tẽq án cõt Ncháu máh cũai ca noâng tamoong cốp máh cũai ca khoiq cuchĩt. ¹⁰ Ngkíq, nõq anhia ma ẽ tẽq sẽm ai anhia? Cốp nõq anhia mumat sẽm ai anhia? Nõ-ra nheq tũh hái cóq tayúng yáng moat Yiang Sursĩ đõq án rablõh hái. ¹¹ Yuaq noau chĩc chơ tâng tâm saráq Yiang Sursĩ tẽ mbõq neq:

“Yiang Sursĩ khoiq pai neq:
 ‘Lứq samoât cứq ta-
 moong mantái níc.

Ngkíq nõ-ra dũ náq cũai
 toâq sacõh racól
 choâng moat cứq.

Cốp dũ náq cũai lứq
 ngin cứq toâp la Yiang
 Sursĩ.’ ”✧

¹² Ngkíq nõ-ra nheq tũh hái cóq ngin yáng moat Yiang Sursĩ máh ranáq hái táq tâng dõi nãi.

Chõĩ Paryõng Yõu Táq Lõih

¹³ Yuaq ngkíq, hái manoaq chõĩ tẽq noâng manoaq. Ma cóq hái chanchõm neq: Hái chõĩ táq yõn sẽm ai cõt pẽ pahõm tở la táh chíq ngê Yiang Sursĩ. ¹⁴ Cõ cứq õt muoi mút cốp Yê-su, Ncháu hái, ngkíq cứq dáng samoât samõi dũ ramứh cõng sana tở bữn lõih ntróu yõn cũai cha. Ma khân bữn cũai canõh chanchõm bữn cõng sana Yiang Sursĩ tở ẽq án cha, ngkíq cõng sana ki la

lõih yõn án cha. ¹⁵ Khân anhia cha muoi ramứh ntróu, ma sẽm ai anhia chanchõm lõih cha ramứh ki, sẽm ai ki lứq sâng ngua toâq alóĩ hữm anhia cha ramứh ki. Anhia táq ngkíq, la samoât anhia tở bữn ayoõq sẽm ai anhia. Anhia chõĩ yõn cõng sana anhia cha ma táq yõn sẽm ai anhia táh chíq ngê Yiang Sursĩ, yuaq Crít khoiq cuchĩt tang cũai ki tẽ. ¹⁶ Khân anhia ẽ táq ranáq ca anhia chanchõm o, ma sẽm ai anhia pai ranáq ki lõih, ki o anhia chõĩ táq. ¹⁷ Yiang Sursĩ tở bữn yõn cũai mut tâng tốp án sớt la cõ tẽ cõng alóĩ cha tở la nguaiq. Ốc ki la tở bữn toâr ntróu. Ma Yiang Sursĩ yõn máh cũai mut tâng tốp án sớt cõ alóĩ bữn mút tanoang o, alóĩ õt ien khẽ cóp yõu, cóp alóĩ õt bũi níc cõ nhơ Raviei Yiang Sursĩ õt tâng mút pahõm alóĩ. ¹⁸ Cũai aléq ma táq ranáq Crít ngkíq, Yiang Sursĩ lứq sâng bũi cốp án, cốp cũai canõh hữm án la cũai o tẽ. ¹⁹ Ngkíq, cóq hái cutóng õt ratoĩ cốp yõu, cóp cóq hái manoaq chuai manoaq yõn bữn ốc sa-âm pacái lứq ẽn.

²⁰ Dũ ramứh cõng sana la o yõn cũai cha. Ma khân sẽm ai anhia hữm anhia cha cõng sana ca án chanchõm Yiang Sursĩ tở ẽq án cha, cõh lơ án cha tẽ cõng sana ki. Chơ án táq ranáq ca án chanchõm lõih khân án

táq, cốp án nguai chíq tễ ngê Yiang Sursĩ. Khân ngkíq, la samoât anhia talốh ranáq Yiang Sursĩ cồ tian sana anhiạ cha. ²¹ O hỡn anhia chỏi cha sáiq, chỏi nguaiq blống, chỏi táq ranáq canốh, khân ranáq ki táq yốn sểm ai anhia táq lờih cốp tỡ ểq sa-âm noâng. ²² Khân anhia chanchốm ranáq anhia táq tỡ bữn lờih ntrớu, ki o anhia đốq ốc ki tâng mút pahốm anhia, yuaq Yiang Sursĩ dáng mút pahốm anhia. Bồn lứq cũai táq ranáq ma mút pahốm án tỡ bữn tanĩq án táq lờih. ²³ Ma khân cũai aléq chanchốm án bữn lờih khân án cha muoi ramứh crớng sana ntrớu, ma noâng án cha clốq, ki án táq lờih, yuaq án tỡ bữn táq ranáq ki cồ yoc ể trĩh Yiang Sursĩ. Dữ ranáq cũai táq, khân alớit tỡ bữn táq cồ yoc ể trĩh Yiang Sursĩ, ranáq ki lứq lờih.

15

Cũai Aléq Ca Sa-âm Pacái Cóq Chuai Yóu Canốh

¹ Hái sa-âm pacái chớ, cóq hái rachuai yóu ca tỡ yũah sa-âm pacái. Hái chỏi táq yốn pñeiq pahốm hái bữm. ² Ma dữ náq hái cóq táq o yốn cũai canốh tềq sa-âm pacái lứq ể. ³ Táq ngkíq hái tũoiq Crít, yuaq án tỡ bữn táq yốn bũ pahốm án bữm. Tâng tâm saráq Yiang Sursĩ tễ mbốq noau khoiq

chĩc saccoaiq tễ santonq Yê-su pai chốq Yiang Sursĩ neq:

“Santonq noau ayê ra-ac anhia, sanua toáq pỡ cứq ển.”^{*}

⁴ Mách santonq noau khoiq chĩc tâng tâm saráq Yiang Sursĩ tễ mbốq, noau chĩc đốq atống hái. Ngkíq, tềq hái ốt ngcuang máh ramứh o Yiang Sursĩ ể táq yốn hái, cồ parnai Yiang Sursĩ aliam hái cốp chuai hái yốn rơi tanhĩr. ⁵ Cứq sểq Yiang Sursĩ, án ca táq yốn anhia tềq tanhĩr, cốp án ca aliam níc anhia, táq yốn anhia cồt muoi mút muoi pahốm puai Yê-su Crít. ⁶ Khân anhia táq ngkíq, anhia bữn muoi mút muoi parnai khển Yiang Sursĩ, la Mpoaq Yê-su Crít, Ncháu hái. ⁷ Ngkíq, cóq anhia manoaq táq o chốq manoaq samoât Crít khoiq táq o chốq anhia chớ, đốq máh cũai bữn khển Yiang Sursĩ cồ tễ ranáq anhia táq. ⁸ Cứq atống anhia dáng neq: Crít táq ranáq rachuai tốp I-sarel, yốn alớit tềq dáng parnai Yiang Sursĩ la lứq pñeiq, yuaq Yiang Sursĩ khoiq táq máh ốc án khoiq ữq cốp achúc achiac alớit tễ mbốq. ⁹ Cốp Yê-su táq yốn cũai tỡ cõn cũai I-sarel tềq khển Yiang Sursĩ tề, yuaq Yiang Sursĩ sâng ayooq táq alớit. Noau khoiq chĩc saccoaiq tễ Yê-su tâng tâm saráq Yiang Sursĩ tễ mbốq neq:

^{*} 15:3 15:3 ũat Khển 69:9

“Lứq cứq khễn anhia yáng
moat cūai tở cởn cūai
I-sarel.

Cóp cứq ũat khễn
ramúh anhia.”*[☆]

10 Tâng ntốq canốh tâng
tâm saráq Yiang Sursĩ noau
khoiq chĩc neq:

“Máh anhia tở cởn cūai I-
sarel ơ!

Cóq anhia ốt bũi óh parnoi
cóp tốp ca Yiang Sursĩ
rườh!”*[☆]

11 Cóp bũn ntốq canốh ễn
noau khoiq chĩc neq:

“Nheq tữh anhia ca tở cởn
cūai I-sarel!

Cóq anhia khễn Yiang
Sursĩ!

Dũ tốp cūai cóq khễn níc
án!”*[☆]

12 Bũn muoi ntốq canốh ễn
tâng tâm saráq Yiang Sursĩ,
Ê-sai khoiq chĩc neq:

“Tễ tống toiq Yê-sai bũn
muoi lám con sami-
ang.*

Án cõt sốt cūai tở cởn cūai
I-sarel,

cóp alói nguang án
chuai amoong alói.”*[☆]

13 Cứq sễq Yiang Sursĩ, án
ca nỡm ốc nguang, chuai
anhia yỗn ốt bũi óh níc
cỗ nhợ anhia sa-âm. Cóp
cứq sễq án yỗn Raviei án
chuai anhia bũn mút pahỏm
nguang níc.

Ranáq Phau-lô Táq

14 Sễm ai ơ! Cứq dáng
anhia la cūai patoat o cóp
dáng sa-ũi lứq. Ngkíq anhia
têq manoaq catoaih atởng

manoaq. 15 Ma cứq tở
bũn ngcỏh ntróu chĩc choaih
thở đốq catoaih atởng an-
hia. Cứq tở bũn ngcỏh, yuaq
Yiang Sursĩ khoiq rườh cứq
yỗn táq ranáq nãi. 16 Yiang
Sursĩ yỗn cứq cõt ayững atĩ
Yê-su Crít, đốq atởng cūai
tở cởn cūai I-sarel máh par-
nai o tễ Yiang Sursĩ. Cứq
yoc ễ chiau alói pở Yiang
Sursĩ cõt samoat crớng noau
chiau sang, ễq Yiang Sursĩ
sâng bũi pahỏm. Raviei
Yiang Sursĩ toáp táq yỗn alói
cõt cūai miar đốq táq ranáq
Yiang Sursĩ. 17 Yuaq cứq bũn
muoi mút cóp Yê-su Crít,
ngkíq cứq sâng bũi pahỏm
táq máh ranáq Yiang Sursĩ
yỗn cứq táq. 18 Cứq tở
têq pai ntróu tễ ranáq Yiang
Sursĩ yỗn cūai canốh táq.
Ma têq cứq ưo tễ ranáq Crít
chuai cứq táq. Ranáq nãi
la neq: Yiang Sursĩ yỗn cūai
tở cởn cūai I-sarel sa-âm tễ,
cỗ alói tamứng santoiq cứq
atởng, cỗ alói hũm ranáq
cứq táq, 19 cóp cỗ Raviei
Yiang Sursĩ yỗn cứq bũn
chóq táq ranáq salễh cóp
táq tếc canốh yỗn cūai hũm.
Ngkíq cứq khoiq atởng par-
nai o tễ Crít tâng dũ ntốq
tễ vil Yaru-salem toau toáp
pở cruang I-luri-cum. 20 Cứq
táq ngkíq cỗ cứq yoc lứq
atởng parnai o tễ Yê-su Crít
yỗn alói ca tở yũah sâng

☆ 15:9 15:9 Samu-êl Bar 22:50; ũat Khễn 18:49 ☆ 15:10 15:10 Patáp Loah
32:43 ☆ 15:11 15:11 ũat Khễn 117:1 * 15:12 15:12 Yê-sai la mpoaq Puo
Davít. ☆ 15:12 15:12 Ê-sai 11:10

ntróu tể án. Cúq tở ểq pởq atông pở ntốq khoiq bữn cũai pởq atông chơ. Khân cúq táq ngkiq, la samoât cúq táq đống tâng tanang cũai canốh khoiq thữan chơ.
 21 Noau khoiq chĩc tâng tâm saráq Yiang Sursĩ tể mbốq neq:

“Máh cũai tở yũah sâng parnai o tể Yiang Sursĩ, nỡ-ra alóí bữn sâng tể.
 Cóp alóí ca tở yũah dáng tể án,
 nỡ-ra alóí bữn dáng tể.”*

Ranáq Phau-lô Yoc Ể Táq Nỡ-ra

22 Cỗ cúq miaq táq ranáq ki, yuaq ngkiq cúq tở yũah toâq sa-óh anhia. Ma khoiq sa-ữi trở chơ cúq yoc ể toâq pở anhia. 23 Tể dũn lứq chơ cúq ểr áiq yoc ể toâq pở anhia, cóp sanua cúq táq moâm chơ ranáq cúq tâng cruang nãi. 24 Toâq cúq bữn pởq pở cruang Sapên, cúq ể mut sa-óh tâng vil anhia voai. Cúq yoc lứq ramóh anhia. Toâq moâm cúq sa-óh anhia, cúq sểq anhia chuai yỗn cúq pởq pở cruang Sapên.

25 Ma sanua cúq pởq pở vil Yaru-salem yoc ể chuai máh tốp sa-âm ốt tâng vil ki. 26 Máh cũai sa-âm tâng cruang Ma-sadôn cóp cruang Achai, alóí bũ pahồm parốm práq đốq chuai máh cũai sa-âm tâng vil Yaru-salem ca túh cadĩt lứq.

27 Máh cũai tâng cruang Ma-sadôn cóp cruang Achai, alóí tở cõn cũai I-sarel. Ma alóí bũ pahồm yoc ể chuai máh cũai sa-âm tâng tốp I-sarel. Alóí tu tốp I-sarel tể, yuaq tể nhũang cũai I-sarel khoiq chuai yỗn alóí bữn dáng parnai o tể Yiang Sursĩ. Ngkiq, o yỗn alóí chuai cớng yỗn cũai I-sarel ca túh cadĩt. 28 Tở moâm cúq chiau cớng yỗn cũai sa-âm ốt tâng vil Yaru-salem, chơ cúq ể pởq pở cruang Sapên ể. Ma cúq ể mut sa-óh anhia tâng vil Rô-ma bo cúq pởq pở ki. 29 Cúq dáng, tở cúq toâq pở anhia, cúq đững ốc bốn puan tể Crĩt yỗn anhia.

30 Cỗ anhia ốt muoi mút cóp Yê-su Crĩt, Ncháu hái, cóp cỗ Raviei Yiang Sursĩ chuai anhia manoaq ayooq manoaq, ngkiq cúq sểq anhia prua câu yỗn cúq. Cóp yỗn hái câu sểq tể Yiang Sursĩ nheq rangứh rahỡ hái.

31 Cúq sểq anhia câu yỗn cúq tềq vớt tể atĩ alóí tở bữn sa-âm Yê-su tâng cruang Yudê. Cóp sểq anhia câu chuai cúq tể máh ranáq cúq ể táq đốq chuai alóí ca sa-âm tâng vil Yaru-salem, yỗn alóí bũ pahồm roap cớng ki. 32 Moâm ki, khân Yiang Sursĩ yỗn, cúq toâq pở anhia bữn mút pahồm bũ óh lứq. Chơ hái prua ốt sar-óh bũ ỡn. 33 Cúq sểq Yiang Sursĩ, án ca yỗn hái ốt ien khể, ốt nic cóp

anhia. Amen.

16

Phau-lô Blóh Cahan Yóu

¹ Cúq sêq anhia roap tabõp tabéh o sêm õi hái, ramúh Phê-bê. Án táq ranáq Yiang Sursĩ tâng tốp sa-âm tâng vil Sen-cơ. ² Sêq anhia roap chõm án ariang Ncháu yoc hái roap dũ náq cũi ca khoiq sa-âm án. Cúq sêq anhia chuai mansêm nâi ntróu án sêq tễ anhia, yuaq án khoiq chuai sa-ữi cũi, đêh cúq hữ.

³ Cúq yoc ẽ cahan Aki-la cốp lacuoi án, Barit-sin. Alói bar náq ki táq ranáq Yê-su Crĩt parnoi cốp cúq. ⁴ Alói bar náq ki pruum muoi mút cuchĩt tở la tamoong, la alói tở bữn táh cúq. Ngkíq cúq sa-õn alói. Cốp dũ tốp sa-âm ca tở cõn tễ tốp I-sarel, ki sa-õn alói tê. ⁵ Cúq ẽ cahan tê tốp sa-âm ca đốq rôm tâng đống alói bar náq ki.

Cúq cõiq parnai sa-óh yóu cúq, Ê-panê. Tễ dâu lứq manoaq án toáp sa-âm Crĩt tâng cruang Asia. ⁶ Cúq ẽ cahan Mari, án ca cutóng lứq táq ranáq yõn anhia. ⁷ Cúq ẽ cahan Antrô-nic cốp Yunia. Alói bar náq nâi la muoi tốp cốp cúq. Cốp alói õt tũ parnoi cốp cúq tê. Mách cũi atõng parnai o tễ Yê-su Crĩt, alói yám noap lứq bar náq nâi. Cốp bar náq nâi sa-âm Crĩt nhũang cúq. ⁸ Cúq ẽ cahan Amplia tê. Án la yóu cúq samoat lứq, yuaq hếq

sa-âm Ncháu parnoi. ⁹ Cúq ẽ cahan Ur-ban, án ca táq ranáq Crĩt parnoi cốp cúq. Cốp cúq ẽ cahan yóu cúq, Sa-tachi. ¹⁰ Cúq ẽ cahan Apel tê. Án khoiq apáh án lứq bữn muoi mút cốp Crĩt. Cốp cúq ẽ cahan dũ náq cũi tâng đống sũ Ari-tabul. ¹¹ Cúq ẽ cahan Hê-rô-dien, án ca muoi tốp cốp cúq. Cốp cúq ẽ cahan dũ náq cũi tâng đống sũ Narsit ca khoiq sa-âm Yê-su.

¹² Cúq cõiq parnai sa-óh bar náq sêm õi Tri-phan cốp Tri-phôt. Alói ki táq ranáq Ncháu tê. Cốp cúq cõiq santonq sa-óh sêm õi cúq, Parsit. Án ki sarâng lứq táq ranáq Ncháu. ¹³ Cúq ẽ cahan Ruphu, cốp mpiq án. Ruphu la cũi sa-âm Ncháu pacái lứq, cốp mpiq án la samoat riang mpiq cúq tê. ¹⁴ Cúq cõiq parnai sa-óh Asun-crit, Plê-côn, Her-mêt, Pa-truba, Her-mat, cốp máh sêm ai canõh ca õt cốp alói. ¹⁵ Cúq ẽ cahan tê Phalô-lacô, Yuli, Narê cốp amuaq án, Ô-lumpa, cốp dũ náq cũi sa-âm ca õt parnoi cốp alói.

¹⁶ Sêq anhia manoaq cubán o chóq manoaq. Ngkíq noau dáng anhia manoaq ayooq manoaq. Nheq máh tốp sa-âm Crĩt õt nnâi, alói blóh cahan anhia tê.

Anhia Chõĩ Tamúng Par-nai Noau Sũĩ

¹⁷ Sêm ai ơi! Cúq yoc ẽ patáp anhia, cốp anhia

nhêng yõn samoât! Bữn cūai yoc ẽ carchúc ẽq an-hia ralõih. Cóp alóí ẽ radũng anhia táq ranáq sâuq. Ranáq alóí táq mpha tẽ noau khoiq atõng anhia tẽ ngê Yiang Sursĩ. Ngkíq o yõn anhia viaq chíq tẽ alóí. ¹⁸ Yuaq cūai ki puai rangũh alóí bữm. Alóí tỡ ẽq táq ranáq Crĩt, Ncháu hái. Alóí yoc ẽ raphẽq cūai noâng sacũl. Alóí khẽn anhia cóp táq ntõng santoiq ẽm o lứq chók anhia. Ma santoiq alóí tỡ bữn lứq ntróu. ¹⁹ Dũ cru-ang khoiq sâng chơ anhia lứq trĩh parnai Yiang Sursĩ. Ngkíq cứq sâng bũi lứq. Cứq ẽq anhia cõt roan rangoiq đõq táq ranáq o, ma anhia chõĩ roan rangoiq đõq táq ranáq sâuq. ²⁰ Lứq Yiang Sursĩ toáp yõn hái õt ien khẽ. Tỡ bữn dũn noâng án lứq chuai anhia chíl riap yiang Satan. Cứq sễq Yê-su, Ncháu hái, chuai níc anhia.

Yóu Phau-lô Cahan Sa-óh

²¹ Ti-muthê, án ca táq ranáq Yiang Sursĩ parnoi cóp cứq, án coi q parnai sa-óh anhia. Lusi-ut, Yasôn, cóp Susi-pathơ, alóí cahan anhia tê. Alóí la muoi sâu cóp cứq. ²² Cứq la ramũh Têr-tiu chĩc choai q thỡ nãi chuai Phau-lô. Cứq yoc ẽ cahan nheq tũh anhia tê, yuaq hái bữn muoi mút cóp Yê-su Crĩt, Ncháu hái.

²³ Cai-ut coi q parnai ca-han anhia tê. Án sâng bũi pahõm chũm siem cứq tâng đõng án. Cóp án sễq cūai sa-âm pỡq rôm pỡ đõng án. Ê-rat ẽ cahan anhia tê. Án la cūai yõng práq tâng vil Cõt-ntô. Cuar-tu ẽ cahan anhia tê. Án la sễm ai hái. ²⁴ Cứq sễq Yê-su Crĩt, Ncháu hái, chuai miat anhia. Amen.*

Khẽn Yiang Sursĩ

²⁵ Cóq hái khẽn Yiang Sursĩ, án ca têq táq yõn mút pahõm anhia sa-âm pacái lứq parnai o tẽ Yê-su Crĩt, ariang cứq khoiq atõng an-hia chơ. Yiang Sursĩ khoiq apáh chơ parnai nãi yõn hái dáng. Tẽ tangái Yiang Sursĩ tẽng paloõng cutẽq, án cu-tooq parnai nãi, ²⁶ ma án yõn cūai tang bõq án chĩc saccoai q đõq tẽ santoiq nãi. Chơ sanua án yõn nheq tũh cūai dáng. Yiang Sursĩ la Yiang tamoong mantái níc. Án toáp ớn cóq atõng yõn dũ cruang dáng tê parnai nãi, đõq nheq tũh cūai têq sa-âm cóp trĩh parnai nãi. ²⁷ Hái cóq khẽn Yiang Sursĩ cũ nhỡ tẽ Yê-su Crĩt. Ống án toáp dáng dũ ramũh. Cóq hái khẽn níc án sốt đõĩ lơi cumo. Amen.

* 16:24 16:24 Sa-ũĩ tâm saráq tiaq tỡ bữn bữn rana 24 nãi.

Choaiq Thở Muoi Phau-lô Chĩc Yỗn Cũai Tâng Vil Côn-ntô Santoiq Atởng

Phau-lô chĩc choaiq thờ nãi cơiq sa-óh tốp sa-âm ốt tâng vil Côn-ntô sám 55 cumo ntụn Yê-su canốt. Phau-lô yoc ẻ chuai alóỉ yỗn chĩl riap máh ốc túh coat alóỉ ramóh tâng đỏi tamoong alóỉ, cỗ alóỉ sa-âm. Bo ki, Côn-ntô la vil toâr ca puai rit cuang cũai Créc. Vil toâr nãi bữn ramứh parchia parhan lứq cỗ tể ranáq chẻq chỡng cốp cỗ tể alóỉ sang sa-ữỉ ramứh yiang.

Máh ramứh Phau-lô catoaih la atởng tể caryoah tâng tốp sa-âm, tể rit lacuoi cayac tâng tốp sa-âm, tể rit cuang bo sang toam, cốp tể máh ramứh Raviei Yiang Sursỉ chuai tâng tốp sa-âm. Phau-lô pai tốp sa-âm la samoât tở Yê-su Crĩt. Yê-su la plỡ cốp cũai sa-âm la samoât tở án, cốp dũ ramứh tâng tở bữn miar ranáq táq.

Pún 13 tâng saráq nãi apáh yỗn hái dáng ramứh toâr clũỉ nheq tể canóh la ốc ayooq.

1-2 Cứq Phau-lô chĩc choaiq thờ nãi cơiq sa-óh tốp sa-âm Yiang Sursỉ tâng vil Côn-ntô. Yiang Sursỉ rượh cứq yỗn cõt ayũng atỉ Yê-su Crĩt. Cốp bữn Sô-then ốt parnỏi cốp

cứq tê. Án la cũai sa-âm Yê-su machớng hái.

Hẻq cơiq parnai cahan nheq tữh cũai ca Yiang Sursỉ khoiқ rượh yỗn sa-âm án. Máh cũai ki pruam muoi mút cốp Yiang Sursỉ cỗ nư Yê-su Crĩt. Dù cruang bữn sa-ữỉ náq cũai sa-âm Yê-su Crĩt. Anhia cốp alóỉ la muoi tốp. Bo alóỉ câu, alóỉ talẻq ramứh Yê-su Crĩt tê. Án la Ncháu alóỉ cốp Ncháu hái tê. ³ Cứq sẻq Yiang Sursỉ, Mpoaq hái, cốp Yê-su Crĩt, Ncháu hái, chuai miat anhia, cốp yỗn anhia ốt bán sũan ien khẻ níc.

Ốc Bốn Toáq Cỗ Nư Yê-su Crĩt

⁴ Cứq sa-ỡn níc Yiang Sursỉ, án khoiқ chuai miat anhia nư Yê-su Crĩt. ⁵ Yuaq anhia ốt muoi mút cốp Yê-su Crĩt, ngkỉq anhia dáng samoât samỏi tể ốc pẻiq, cốp anhia dáng atởng raloaih lứq tể ốc pẻiq ki. ⁶ Parnai o tể Yê-su Crĩt cõt pacái lứq tâng mút pahỏm anhia, ⁷ toau anhia tở bữn ốq muoi ramứh o ntróu tể Yiang Sursỉ, bo anhia ốt acoan Yê-su Crĩt, Ncháu hái, toáq loah pỡ cutẻq nãi. ⁸ Yiang Sursỉ lứq táq yỗn mút pahỏm anhia sa-âm pacái níc toau toáq tangái Yê-su Crĩt, Ncháu hái, toáq loah pỡ cutẻq nãi. Tangái ki Yê-su tở bữn tẻq anhia bữn lỏih ntróu. ⁹ Hái tẻq sa-âm Yiang Sursỉ samoât samỏi. Yiang Sursỉ khoiқ

rườh anhia yỗn ốt muoi mút cớp Con án la Yê-su Crít, Ncháu hái.

Máh Tỗp Sa-âm Cayoah Cốt Sa-ữi Tỗp Cốt

¹⁰ Sễm ai ơi! Nhơ tễ chớc Yê-su Crít, Ncháu hái, cứq sễq anhia pruam muoi parnai sâng, yỗn anhia tỡ bữn cayoah cốt sa-ữi tỗp. Cớq anhia pruam muoi mút, cớp puai ống muoi ngê sâng.

¹¹ Sễm ai ơi! Bữn cũai tễ đống sữ Clô-ê, alới khoiq atỡng cứq dáng anhia rasuon sa-ữi trỗ. ¹² Sanua cứq bữn muoi ốc yoc ê táq ntỡng cớp anhia. Bữn cũai tễ anhia pai neq: “Cứq puai ngê Phau-lô.” Án ca pai: “Cứq puai ngê Ablô.” Án ca pai: “Cứq puai ngê Phier.” Cớp bữn án ca pai: “Cứq puai ngê Crít.” ¹³ Khân ngkíq, ariang pai bữn sa-ữi Crít! Lứq samoât, Phau-lô tỡ bữn cuchít tang anhia tâng aluang sangcáng! Cớp tỡ nai bữn cũai aléq arô ramứh Phau-lô ma táq batễm yỗn anhia.

¹⁴ Cứq sa-ỡn Yiang Sursĩ, cứq tỡ bữn táq batễm yỗn sa-ữi náq cũai tễ tỗp anhia. Ma cứq táq batễm yỗn ống Crit-bu cớp Cai-ut sâng.

¹⁵ Ngkíq tỡ bữn noau têq pai alới roap batễm đốq cốt tỗp cứq. ¹⁶ Ở cứq khlĩr! Cứq táq batễm yỗn Sê-phana cớp đống sữ án hỡ. Ma cũai canốh, cứq tỡ bữn sanhữ táq batễm yỗn alới. ¹⁷ Crít

tỡ bữn ớn cứq táq batễm yỗn cũai. Ma án ớn cứq atỡng parnai o tễ án. Cứq atỡng parnai ki, ma cứq tỡ bữn atỡng ngê rangoaiq cớp santoiq yarũ yỗn coat anhia dáng. Khân cứq atỡng ngkíq, Crít cuchít tâng aluang sangcáng tỡ bữn cốt kia ntrầu yỗn anhia.

Chớc Tễ Crít Cớp Ốc Rangoiq Tễ Yiang Sursĩ

¹⁸ Khân hái atỡng tễ Yê-su cuchít tâng aluang sangcáng chớq máh cũai tỡ ểq ể sa-âm Yiang Sursĩ, alới pai parnai ki la parnai cũai yủh. Ma hái ca Yiang Sursĩ khoiq chuai amoong, hái dáng samoât lứq Yiang Sursĩ bữn chớc têq chuai amoong cũai nhơ tễ parnai ki. ¹⁹ Tâng tâm saráq Yiang Sursĩ noau khoiq chĩc neq:

“Cứq ể pupút máh ốc rangoaiq tễ cũai rangoaiq.

Cớp cứq ể táq yỗn cũai ca rien sa-ữi,

ốc alới rien cốt tỡ bữn kia ntrầu.”^{*}

²⁰ Ngkíq cũai rangoaiq, noâng rangoaiq tỡ? Cũai rien sa-ữi, noâng dáng sa-ữi tỡ? Cớp cũai khểuq táq ntỡng, noâng khểuq tỡ? Lứq samoât tỡ bữn ngkíq, yuaq Yiang Sursĩ khoiq táq yỗn ngê rangoaiq tâng dời nãi cốt sacũl miat sâng.

²¹ Rangoiq lứq Yiang Sursĩ! Án táq yỗn cũai tỡ têq dáng tễ ngê án cỗ alới

puai ngê rangoaiq alóí bũm. Ma Yiang Sursĩ bũ pahõm chuai amoong cũai sa-âm án, cõ nhơ tẽ parnai hái atõng, ma máh cũai tâng dõĩ nãi, alóí pai parnai hái atõng la parnai yúh. ²² Cũai I-sarel đốq yoc ẽ hũm tếc salẽh, cốp cũai Créc đốq yoc ẽ chuaq ốc rangoaiq. ²³ Ma hái, lứq hái atõng tẽ ngê Crĩt, án ca cuchĩt tâng aluang sangcáng. Ốc ki cũai I-sarel tở ẽq tamứng. Cốp cũai tở cõn cũai I-sarel pai ốc ki la cũai yúh pai. ²⁴ Ma máh cũai Yiang Sursĩ khoiq arô, đễh cũai I-sarel, đễh cũai tở cõn tốp I-sarel, máh cũai ki dáng Crĩt bũn chớc cốp ốc rangoaiq tẽ Yiang Sursĩ. ²⁵ Bũn cũai yoc ẽ pai Yiang Sursĩ la sacũl, ma ốc sacũl tẽ Yiang Sursĩ rangoaiq hõn tẽ máh ốc rangoaiq cũai. Alóí pai Yiang Sursĩ la ieuq, ma ốc ieuq tẽ Yiang Sursĩ la rêng hõn tẽ ốc rêng cũai.

²⁶ Sẽm ai ơi! Cóp anhia tutuaiq tẽ cũai tâng tốp anhia. Puai ngê cũai, bĩq náq alóí la cũai rangoaiq. Bĩq náq alóí la cũai sớt. Cốp bĩq náq alóí la cũai noau yám noap. ²⁷ Ma Yiang Sursĩ khoiq ruroh máh cũai sacũl táq yõn cũai rangoaiq cõt casiet; cốp máh cũai proai miat táq yõn cũai sớt toar cõt casiet. ²⁸ Yiang Sursĩ khoiq ruroh máh cũai tở bũn khũr tâng dõĩ nãi. Án ruroh

máh cũai noau đốq saryẽ. Cóp án ruroh máh cũai tở bũn kia ntróu. Yiang Sursĩ ruroh ngkĩq, cõ án ẽ pupút dũ ramứh cũai chanchóm toar cốp o tâng cutẽq nãi. ²⁹ Ngkĩq tở bũn cũai aléq tẽq õt yáng moat Yiang Sursĩ. ³⁰ Ma Yiang Sursĩ khoiq yõn anhia õt muoi mút cốp Yê-su Crĩt. Cõ nhơ tẽ Yê-su Crĩt, hái bũn ốc rangoaiq tẽ Yiang Sursĩ. Hái bũn õt tanoang o yáng moat Yiang Sursĩ, hái cõt bráh o, cốp hái bũn ốc chuai amoong la nhơ Yê-su khoiq cuchĩt tang hái. ³¹ Ngkĩq, cõt rapĩeiq máh tâm saráq Yiang Sursĩ khoiq pai tẽ mbốq neq:

“Cũai aléq yoc ẽ mangkhẽn, cốp án mangkhẽn tẽ ranáq Yiang Sursĩ.”☆

2

Phau-lô Atõng Tẽ Yê-su Cuchĩt Tâng Aluang Sangcáng

¹ Sẽm ai ơi! Bo cứq toaq atõng anhia ốc pĩeiq tẽ Yiang Sursĩ, cứq tở bũn atõng santoiq languat laham cốp santoiq yarũ. ² Bo cứq õt cốp anhia, cứq chanchóm ẽ atõng anhia tẽ ống Yê-su Crĩt cuchĩt tâng aluang sangcáng sâng. Cứq tở bũn atõng tẽ ngê canõh. ³ Ma bo cứq toaq pở anhia, cứq sâng ieuq tuar cốp cứq cangcoaih cõ ngcõh lứq. ⁴ Santoiq cốp ngê cứq atõng anhia, cứq tở bũn atõng toaq santoiq

êm ariang cũai rangoaiq đốq pai. Ma lứq cứq atông anhia nơ tễ chóc Raviei Yiang Sursĩ. ⁵ Ngkíq anhia sa-âm cồ nơ chóc tễ Yiang Sursĩ; anhia tở bữn sa-âm cồ anhia sâng tễ ốc rangoaiq cũai atông.

Ốc Rangoaiq Tễ Yiang Sursĩ

⁶ Ma lứq samoat hếq atông ốc rangoaiq tê yỗn cũai ca khoiq sa-âm pacái lứq. Ma ốc rangoaiq nãi tở bữn machóng ốc rangoaiq tễ cũai tâng đỏi nãi, tở la tễ cũai sốt tâng đỏi nãi. Nỡ-ra chóc cũai sốt ki cõt pút.

⁷ Ốc rangoaiq hếq atông la toađ tễ Yiang Sursĩ. Bo nhũang án cutooq đốq ốc ki, ma sanua án yỗn cũai dáng. Tễ dâu Yiang Sursĩ tở yũah tễng paloong cutêq, án khoiq thữan đốq ốc rangoaiq nãi yỗn hái bữn chóc ang-ữr tễ án. ⁸ Máh cũai sốt tâng đỏi nãi tở bữn dáng tễ ốc rangoaiq nãi. Khân alóí dáng ốc rangoaiq nãi, alóí tở bữn cachit Ncháu hái tâng aluang sangcáng, án ca bữn chóc ang-ữr. ⁹ Ma tâng tâm saráq Yiang Sursĩ tễ mbốq, noau khoiq chĩc neq:

“Moat cũai tở nai hữm,
cutũr cũai tở nai sâng,
cóp mút pahõm cũai tở
nại chanchóm ntróu
tễ ốc Yiang Sursĩ khoiq
thữan yỗn máh cũai
ayooq án.”*

¹⁰ Ma Yiang Sursĩ khoiq yỗn hái dáng ốc ki nơ Raviei án. Raviei Yiang Sursĩ dáng dũ ramứh, đễng ngê yarũ tễ Yiang Sursĩ. ¹¹ Ma máh cũai, manoaq tở bữn dáng ngê manoaq. Alóí miar dáng bữm ngê alóí. Machóng ki tê, ống Raviei Yiang Sursĩ sâng dáng ngê Yiang Sursĩ. ¹² Hái tở bữn roap ngê tâng đỏi nãi, ma hái khoiq roap ngê Raviei Yiang Sursĩ, yỗn hái tềq dáng tễ dũ ranáq Yiang Sursĩ chuai miat hái.

¹³ Ngkíq hếq tở bữn atông santoiq hếq khoiq rien tễ cũai rangoaiq. Ma hếq atông santoiq Raviei Yiang Sursĩ atông hếq. Hếq atông ốc pñeiq tễ Yiang Sursĩ, yỗn máh cũai bữn Raviei Yiang Sursĩ ốt tâng mút pahõm alóí. ¹⁴ Ma máh cũai tở bữn bữn Raviei Yiang Sursĩ ốt tâng mút pahõm alóí, ki alóí tở tềq bữn máh ốc Yiang Sursĩ atông na Raviei án. Cũai ki chanchóm ốc ki la ốc sacũl. Khân alóí ốq Raviei Yiang Sursĩ, alóí tở bữn sapúh tễ ốc ki. ¹⁵ Cũai ca bữn Raviei Yiang Sursĩ ốt tâng mút pahõm án, lứq cũai ki dáng tutuaiq máh ngê Yiang Sursĩ. Ma cũai canõh, alóí tở dáng tutuaiq ntróu tễ ngê cũai bữn Raviei Yiang Sursĩ. ¹⁶ Tâng tâm saráq Yiang Sursĩ tễ mbốq, noau khoiq blóh neq:

“Cũai aléq tềq dáng sarnóm Yiang Sursĩ?”

Cóp cūai aléq tēq tēih
atōng Yiang Sursĩ?"*
Ma hái lúq bữn sarnóm Crĩt
õt tâng mút pahõm hái.

3

Máh Cūai Ca Táq Ranáq Yiang Sursĩ

1 Sēm ai oi! Bo cứq
õt cóp anhia, cứq tỡ tēq
atōng anhia ĩn cūai puai ngē
Raviei Yiang Sursĩ samoât
samoi, yuaq anhia noâng
puai rangứh anhia bữm.
Bo ki anhia tỡ yũah sa-âm
pacái. Anhia la samoât cūai
mbõiq sa-âm Crĩt. 2 Tangái
ki cứq khoiq atōng anhia tễ
ngē Yiang Sursĩ. Ma cứq
atōng anhia máh ngē khẽ
sâng, yõn anhia tēq cháit
dáng. Cứq tỡ bữn atōng
máh ngē coat, yuaq anhia
tỡ tēq dáng yũah tễ ngē
coat ki.* Cóp toau toâq
sanua, anhia tỡ tēq dáng
yũah tễ ớc coat ki, 3 cõ anhia
noâng ĩt rangứh anhia bữm.
Khân anhia manoaq noâng
sa-on tễ manoaq, cóp an-
hia ralõih, anhia noâng puai
rangứh anhia bữm samoât
riang cūai canõh tē. 4 Bữn
cūai pai: "Cứq la cūai tễ
tõp rien tễ Phau-lô." Cóp
án ca pai: "Cứq la cūai tễ
tõp rien tễ Ablô." Anhia
pai ngkĩq, la anhia machóng
cūai tỡ yũah sa-âm. 5 Ma
Ablô la noau? Cóp Phau-lô
la noau? Hếq bar náq la óng
cūai táq ranáq Yiang Sursĩ

sâng. Hếq radũng anhia
yõn anhia sa-âm Yiang Sursĩ.
Yiang Sursĩ toâp yõn hếq bar
náq táq ranáq án, manoaq
muoi ranáq. 6 Cứq la cūai
dâu lúq atōng parnai o tễ
Yiang Sursĩ yõn anhia. Nãi
la samoât riang cứq chóh.
Ma Ablô atōng anhia ntun
cứq. Nãi la samoât riang
án rooh. Ma lúq samoât,
óng Yiang Sursĩ toâp yõn
nõm ki dát. 7 Ngkĩq, án
ca atōng nhũang cóp án ca
atōng ntun, la machóng. Ma
óng Yiang Sursĩ toâp tēq yõn
óc ki padõh cóp toâr achõn.
8 Yáng moat Yiang Sursĩ,
cūai chóh cóp cūai rooh la
machóng. Ma nõ-ra, alóit
bữn cóng puai loah ranáq
alóit khoiq táq.

9 Hếq bar náq táq ranáq
Yiang Sursĩ parnoi, ma
anhia la samoât riang rô
Yiang Sursĩ; cóp anhia la
samoât riang đống Yiang
Sursĩ táq. 10 Cứq la samoât
riang cūai Chiang táq đống
cõ nhơ Yiang Sursĩ chuai
miat yõn cứq dáng ngē ki.
Cứq táq óng tanang sâng,
ma bữn cūai canõh ễn táq
moâm đống ki. Ma máh
cūai ca táq đống, cóq alóit
táq yõn carsiat tâng tanang
ki. 11 Yuaq bữn óng muoi
tanang sâng Yiang Sursĩ táq.
Tanang ki la Yê-su Crĩt. Tỡ
tēq noau táq tanang mpha
tễ Yê-su Crĩt. 12 Bữn cūai táq
đống carsiat o tâng tanang

* 3:2 3:2 Phau-lô sacâm ngē khẽ la samoât đõq tóh, ma ngē coat la samoât sana cūai carsai cha.

ki. Alói táq toâq yễng, práq, cốp tamáu. Ma bữn cũai canõh táq đống toâq aluang, aho, cốp sapo toâq pláng.†
 13 Toâq tangái parsôt, bữn ùih chim máh ranáq cũai táq, o ma tở bữn. Cỗ bữn ùih chim, ngkíq cũai tềq dáng máh ranáq alói táq p̄ieiq ma tở bữn. 14 Khân bữn cũai ma táq đống toâq cớng moat, đống án tở bữn cat; cốp Yiang Sursĩ yõn án bữn cớng. 15 Ma khân bữn cũai ma táq đống toâq cớng tở bữn khâm, đống án lứq cat. Yiang Sursĩ noâng chuai amoong án. Ma máh ranáq án táq, lứq cõt pút samoât riang ùih cat.

Máh Cũai Sa-âm La Samoât Đống Sang Yiang Sursĩ

16 Nỏq ariang pai anhia tở bữn dáng, tốp anhia ca sa-âm la samoât đống sang Yiang Sursĩ, cốp Raviei Yiang Sursĩ ốt tâng mút pahõm anhia. 17 Khân cũai aléq talõh đống sang Yiang Sursĩ, Yiang Sursĩ lứq pupút cũai ki, yuaq Yiang Sursĩ paséq lứq đống sang án. Cốp anhia toáp lứq samoât đống sang ki.

18 Anhia chõih phéq mút anhia bữm. Khân bữn noau tề anhia ma chanchóm án rangoiq cô án puai ngê tâng dõih nâi, yõn án táh chíq ngê rangoiq ki, chơ ãt ngê

rangoiq tề Yiang Sursĩ ẽn. 19 Ngê ntróu cũai tâng dõih nâi chanchóm rangoiq lứq, yáng moat Yiang Sursĩ ngê ki la sacũl miat. Tâng tâm saráq Yiang Sursĩ tề mbõq, noau khoiq chĩc neq:

“Yiang Sursĩ dáng máh ngê cũai rangoiq đốq lỏp yóu,
 cốp án catáng máh ngê alói ẽ táq.”*

20 Cốp tâng tâm saráq Yiang Sursĩ ntốq canõh bữn noau khoiq chĩc neq:

“Lứq Yiang Sursĩ dáng máh sarnóm cũai rangoiq chanchóm la tở bữn khữr ntróu.”*

21 Ngkíq anhia chõih achõn cũai yõn manoaq hõn tề manoaq. Yuaq dũ ramứh ki anhia ndõm parnoi, 22 dếh Phau-lô, Ablô, Phi-er, cốp dũ ramứh tâng cốc cutếq nâi, ốc tamoong tở la ốc cuchĩt, dếh ramứh sanua cốp ramứh chumát. Nheq tữh ramứh ki, anhia ndõm parnoi. 23 Lứq Crít ndõm nheq tữh anhia. Cốp Yiang Sursĩ ndõm Crít.

4

Ổng Yiang Sursĩ Sâng Tềq Pai Cũai O Tở La Tở O

1 Cốp anhia chanchóm tề hếq ca táq ranáq Crít. Lứq Yiang Sursĩ rườh hếq yõn kĩaq parnai o tề án, la máh parnai o án tở yũah yõn

† 3:12 3:12 Phau-lô sacâm cũai táq đống carsiat la cũai atõng ốc p̄ieiq tề ngê Yiang Sursĩ. Cũai táq đống toâq aluang, aho, cốp sapo toâq pláng, la sacâm cũai atõng ốc tở bữn p̄ieiq tề ngê Yiang Sursĩ. * 3:19 3:19 Yop 5:12-13 * 3:20 3:20 Ừat Khển 94:11

cũai dáng. ² Khân bữn cũai
 kĩaq ramứh ntróu, cóq cũai
 ki bữn mút tanoang tapứng,
 yỗn cũai ca ón án têq sa-âm.
³ Tờ bữn ntróu anhia, tờ
 la cũai canỏh, pai o tờ la
 pai sấuq tễ cứq. Đễh cứq
 bữm la tờ têq pai cứq o, tờ
 la sấuq. ⁴ Cứq chanchỏm
 cứq tờ bữn lỏih ntróu. Ma
 óc cứq chanchỏm ki tờ bữn
 táq yỗn cứq ỏt tanoang o
 yáng moat Yiang Sursĩ. Ông
 Yiang Sursĩ toáp têq pai cứq
 la tanoang, tờ la tờ bữn
 tanoang. ⁵ Ngkĩq, anhia chỏi
 coáp pai cũai canỏh o, tờ
 la tờ bữn o, bo Yê-su tờ
 yũah toáq loah pỏ cutễq nài.
 Toáq tangái Yê-su toáq loah,
 án lứq apáh máh óc cũai
 cutooq, cóp án táq yỗn dũ
 náq cũai dáng tễ máh ngê
 ỏt tâng mút pahỏm cũai.
 Tangái ki Yiang Sursĩ khễn
 alỏi, puai loah ranáq alỏi
 khoiq táq.

*Cũai Táq Ranáq Yê-su
 Chũuq Sa-ữi Ramứh Túh Coat*

⁶ Sễm ai ơi! Cứq yoc an-
 hia dáng raloaih lứq; yuaq
 ngkĩq cứq sacâm tễ cứq
 cóp Ablỏ. Cứq yoc anhia
 rien tễ hếq, đỏq anhia tờ
 bữn táq mpha tễ óc Yiang
 Sursĩ atởng tễ mbỏq. Tờ
 pỉeiq anhia achỏn cũai nài,
 ma asễng cũai ki. ⁷ Tễ
 noau anhia dáng pai cũai
 nài o, ma cũai ki sấuq?
 Dũ ramứh anhia bữn, lứq
 Yiang Sursĩ toáp yỗn anhia
 bữn ramứh ki. Khân Yiang

Sursĩ yỗn anhia bữn ngkĩq,
 nỏq anhia pai anhia chỏng
 bữn bữm? ⁸ Sanua anhia
 chanchỏm anhia khoiq dáng
 dũ ramứh tễ ngê Yiang Sursĩ,
 cóp anhia chanchỏm anhia
 la cũai rangoaiq lứq! Anhia
 chanchỏm anhia cỏt samoat
 puo, ma hếq tờ yũah cỏt
 ngkĩq! Cứq yoc lứq anhia
 cỏt puo, yỗn hái têq cỏt puo
 parnỏi! ⁹ Ma cứq chanchỏm
 Yiang Sursĩ khoiq yỗn hếq,
 la cũai ayửng atĩ Yê-su Crít
 ỏt pụn nheq tữh cũai canỏh.
 Hếq la samoat cũai tũ noau
 anoat cóq cuchít yáng moat
 dũ náq cũai tâng cốc cutễq
 nài, cóp yáng moat máh
 ranễng Yiang Sursĩ tâng
 paloỏng hỡ. ¹⁰ Hếq khoiq
 sa-âm Crít nhũang anhia,
 ma cũai canỏh pai hếq la
 cũai noâng sacũl. Ma an-
 hia sa-âm Crít ntun hếq,
 ma anhia pai anhia khoiq
 bữn dũ ngê rangoaiq tễ Crít
 chớ. Hếq la cũai ieuq ot,
 ma anhia la cũai bán rêng
 lứq. Cũai canỏh yám noap
 anhia; ma hếq, noau tờ bữn
 yám noap ntróu. ¹¹ Toau
 sanua hếq noâng panhieih
 níc. Tampác hếq tâc la
 nheq anhỏh. Noau táq níc
 hếq; cóp ntỏq hếq ễ ỏt la
 óq. ¹² Hếq táq ranáq lakẻh
 lứq đỏq bữn cớng sana
 cha. Khân noau lóc hếq, ki
 hếq câu óc bốn yỗn cũai ki.
 Khân noau táq hếq, ki hếq
 chũuq tanhữr sâng. ¹³ Khân
 noau tũn apót hếq, hếq ta-ởi
 santoiq languat laham chỏq

alói. Toau tangái nâi, cũai tâng dôi nâi nhêng chu hếq samoât créq!

Phau-lô La Ngôl Yỗn Cũai Côn-ntô Tũoiq

¹⁴ Cúq tớ bữn chĩc sãntoiq nâi yỗn anhia sâng casiet. Ma cúq chĩc atõng anhia, yuaq anhia la samoât máh con cúq ayooq lứq. ¹⁵ Tờ bữn ntróu bữn muoi vian náq cũai atõng anhia tẽ ngê Crĩt, ma cúq nâi toáp nhũang lứq atõng parnai Yê-su Crĩt yỗn anhia. Ngkíq óng cúq toáp la samoât mpoaq anhia. ¹⁶ Ngkíq cúq sếq anhia tũoiq cúq. ¹⁷ Yuaq ngkíq cúq ón Ti-muthê toáp pỡ anhia, đốq atõng anhia yỗn dáng raloaih tẽ ngê cúq puai Yê-su Crĩt. Ti-muthê la samoât con cúq ayooq lứq tê. Têq anhia noap án toáp án atõng anhia tẽ ngê Yê-su Crĩt. Ngê ki, cúq đốq atõng máh tốp sa-âm yỗn dáng.

¹⁸ Bữn cũai tẽ anhia chanchóm alói bữn chóc tẽ Yiang Sursĩ sa-ũi hỡn tẽ cúq bữn. Alói chanchóm cúq tớ bữn toáp sa-óh anhia. ¹⁹ Ma khân Yiang Sursĩ yỗn, lứq tớ bữn dũn noáng cúq toáp sa-óh anhia. Ngkíq cúq tẽq dáng cũai ca chanchóm alói bữn chóc, tớ la chống ẽ pai sâng alói bữn chóc. ²⁰ Yiang Sursĩ apáh án sôt tâng mút pahõm cũai, cõ tẽ ranáq alói táq, tớ cõn cõ tẽ sãntoiq alói pai. ²¹ Ntróu anhia yoc ẽ bữn bo cúq toáp pỡ anhia? Anhia ẽ bữn dũi, ma anhia

ếq cúq ayooq anhia cốp bữn mút lamên chốq anhia?

5

Cũai Tâng Vil Côn-ntô Táq Ranáq Sâuq

¹ Cúq khoiq sâng noau atõng tẽ manoaq samiang tâng tốp anhia táq ranáq sâuq lứq. Án cooc lacuoi mpoaq án. Ranáq ki khoiq parhan dũ ntốq. Máh cũai tớ yũah sa-âm Yiang Sursĩ, lứq alói tớ nai táq ranáq sâuq ngkíq. ² Nốq anhia noáng chanchóm anhia la cũai o yáng moat Yiang Sursĩ? Nốq anhia tớ bữn sâng ngua tẽ ranáq sâuq ki? O lứq la anhia tuih aloõh chíq cũai táq ngkíq. ³ Tam cúq õt yớng tẽ anhia, ma mút pahõm cúq õt parnoi níc cốp anhia. Cõ Yê-su, Ncháu hái, yỗn cúq bữn chóc, tẽq cúq pai anhia cóq táq nốq chốq cũai táq ranáq sâuq. ⁴⁻⁵ Cúq patáp neq: Toáp anhia rôm la samoât cúq rôm parnoi cốp anhia tẽ. Bo ki, cóq anhia chiau án ca táq ranáq sâuq yỗn yiang Satan táq tỗ án, đốq ravieí án bữn tamong toau toáp tangái Ncháu toáp loah pỡ cutếq nâi. Anhia tẽq táq ngkíq cõ anhia bữn chóc tẽ Yê-su, Ncháu hái.

⁶ Tờ pĩeiq anhia mangkhẽn pai anhia la cũai o yáng moat Yiang Sursĩ. Anhia khoiq dáng nứm ốc sacâm tẽ cớng táq yỗn bẽng mi cõt pluoih neq: “Khân bữn bĩq cớng pluoih, ma

anhia talóc cốp bốt mi, lứq
 nheq bốt mi ki cõt pluoih
 nheq.”⁷ Cờng pluoih nâi la
 sacâm tễ ọc lôih. Cóg anhia
 ít tời chíq cờng pluoih tiaq
 tễ mút pahôm anhia yỗn
 anhia têq bữn mút tamái
 ẻn. Yê-su Crít khoiq cuchĩt
 tang hái chơ. Ngkíq hái
 cõt mút tamái ẻn. Yê-su
 la samoât charán cũu ca
 máh cũai I-sarel đốq kiac
 cha sanhữ Tangái Loõh.*
⁸ Yuaq ngkíq, cóq hái sanhữ
 tangái ki, cốp cha bẻng mi
 ốq cờng pluoih. Ma o yỗn
 hái cha bẻng mi ốq cờng
 pluoih. Nâi la samoât riang
 hái tở bữn bữn noâng lôih
 cốp hái puai samoât samơi
 ngê p̄ieiq.

⁹ Tâng choaiq thờ cứq
 cơiq yỗn anhia tễ nhũang,
 cứq khoiq atởng anhia chỗi
 ratoi cốp cũai ca tở bữn
 lacuoi cayac ma bẻq parnơi.
¹⁰ Tâng choaiq thờ ki, cứq tở
 bữn ớn anhia chỗi ratoi cốp
 cũai tở yũah sa-âm ca tở bữn
 lacuoi cayac ma bẻq parnơi,
 tở la ham cờng noau, tở la
 lỏp noau, tở la sang yiang
 canõh. Khân anhia tở ẻq
 hữm máh cũai ki, cóq an-
 hia loõh tễ cốc cutẻq nâi!
¹¹ Ma tâng choaiq thờ ki, cứq
 khoiq atởng anhia tễ cũai
 sa-âm, ma noâng alóit táq
 ranáq sâuq na tở bữn lacuoi
 cayac ma bẻq parnơi, tở la
 ham cờng noau, tở la sang
 yiang canõh, tở la voỏq sâuq

cũai canõh, tở la bũl blống,
 tở la lỏp noau. Cứq patâp
 anhia neq: Chỗi cha parnơi
 cốp máh cũai ki.

¹²⁻¹³ Tở cõn ranáq cứq
 rablớh máh cũai ca tở yũah
 sa-âm. Lứq Yiang Sursĩ toâp
 rablớh alóit. Ma máh cũai
 sa-âm tâng tốp anhia, cóq
 anhia rablớh! Cóg anhia
 tuih aloõh samiang ca táq
 ranáq sâuq tễ tốp anhia.

6

*Chỗi Yỗn Cũai Tở Yũah
 Sa-âm Sữq Anhia Ca Khoiq
 Sa-âm*

¹ Khân bữn tâng tốp sa-âm
 anhia, manoaq ralỏih chỏq
 manoaq, nỏq anhia khỏn
 toâq pở cũai tở bữn sa-âm
 yỗn alóit parchĩn anhia?
 P̄ieiq lứq, anhia toâq pở
 máh cũai khoiq sa-âm, yỗn
 alóit parchĩn anhia. ² Anhia
 dáng ma tở bữn, nỡ-ra cũai
 sa-âm Yiang Sursĩ, bữn chỏc
 rablớh nheq tữh cũai? Khân
 nỡ-ra anhia mạ rablớh đũ
 náq cũai, nỏq ọc cacót lứq
 ma anhia tở têq parchĩn?
³ Anhia dáng ma tở bữn,
 nỡ-ra hái bữn chỏc rablớh
 đẻh ranẻng Yiang Sursĩ tâng
 paloỏng hỡ? Khân ngkíq,
 p̄ieiq lứq la hái rasửq máh
 ranáq tâng đởi nâi. ⁴ Ngkíq
 khân cũai tâng tốp anhia ma
 ralỏih tễ ngê tâng đởi nâi,
 nỏq anhia yỗn cũai tở bữn
 sa-âm parchĩn anhia? ⁵ Cứq
 pai ngkíq yỗn anhia sâng
 casiet. Nỏq ariang pai ốq

* 5:7 5:7 Tangái ki alóit cha sanhữ tangái Yiang Sursĩ chuai alóit loõh tễ cruang Ê-yip-tô tễ mbỏq.

cũai rangoaiq tâng tốp anhia đợq parchĩn yõn anhia. ⁶ Ma anhia noâng manoaq ralõih chỏq manoaq, cớp anhia yõn cũai tỡ bữn sa-âm parchĩn parnai yõn anhia!

⁷ Khãn tâng tốp sa-âm anhia bữn manoaq ralõih chỏq manoaq, nãi la tếc apáh anhia tỡ bữn puai ngê Yiang Sursĩ samoât samõi. Pĩeiq lứq anhia chũuq cũai canõh táq anhia. Cớp pĩeiq lứq anhia chũuq noau ít cớng anhia. ⁸ Ma lứq tâng tốp anhia toáp manoaq táq manoaq, cớp manoaq ít cớng manoaq! ⁹⁻¹⁰ Anhia dáng chớ la Yiang Sursĩ tỡ bữn cõt sớt tâng mút pahõm máh cũai táq ranáq sấuq. Anhia chõĩ phẻq tỡ anhia bữm, lứq Yiang Sursĩ tỡ bữn cõt sớt tâng mút pahõm cũai táq ranáq neq: Tỡ bữn lacuoi cayac ma bẻq parnoi, sang yiang canõh, cooc lacuoi tỡ la cayac noau, mansẽm ẻ bữn rato mansẽm, samiang ẻ bữn rato samiang, tutuoiq, ham cớng noau, bũl blõng, voỏq sấuq noau, cớp lỏp cớng noau. ¹¹ Bữn cũai tâng tốp anhia táq ranáq ki tẻ nhũang. Ma sanua, cõ nhớ Yê-su Crĩt, Ncháu hái, cớp cõ nhớ Raviei Yiang Sursĩ, Yiang Sursĩ khoiq ariau mút pahõm anhia; án yõn anhia táq ranáq án ẻn, cớp án yõn anhia ỏt tanoang o yáng moat án.

Cỏq Anhia Viaq Tẻ Ranáq Sấuq Tỡ Bữn Lacuoi Cayac Ma Bẻq Parnoi

¹² Bữn noau pai neq: “Máh ranáq cứq yoc ẻ táq, ki tẻq cứq táq,” ma tỡ cõn dũ ranáq ki cõt kia yõn anhia. Lứq noau pai: “Máh ranáq cứq yoc ẻ táq, ki tẻq cứq táq.” Ma cứq tỡ ẻq tỡ cứq cõt sũl ranáq ki. ¹³ Yiang Sursĩ khoiq tẻng cũai bữn púng yõn đợq cớng sana. Cớp án tẻng cớng sana yõn púng tỡ bữn sâng panhieih. Ma nữ-ra Yiang Sursĩ lứq pupút neq bar ramứh ki. Machớng ki tẻ Yiang Sursĩ tỡ bữn tẻng tỡ cũai đợq yõn cũai tỡ bữn lacuoi cayac ma bẻq parnoi. Yiang Sursĩ tẻng tỡ cũai đợq khẻn án, cớp Yiang Sursĩ kĩaq pasẻq níc tỡ cũai. ¹⁴ Chỏc Yiang Sursĩ khoiq táq yõn Yê-su tamoong loah tẻ cuchĩt, cớp nữ-ra án yõn hái bữn tamoong loah ariang Yê-su tẻ.

¹⁵ Anhia dáng ma tỡ bữn, dũ náq cũai tâng tốp sa-âm la samoât muoi pún tẻ tỡ Crĩt? Ngkíq nõq anhia chanchỏm, o tỡ khãn cứq ít muoi pún tẻ tỡ Crĩt, chớ amóh pún ki parnoi cớp mansẽm chẻq tỡ? Lứq tỡ tẻq táq ngkíq! ¹⁶ Cớp anhia dáng ma tỡ bữn, cũai alẻq đợq ẻ pỡq langỏp mansẽm chẻq tỡ, alới bar náq ki cõt samoât muoi sảiq sâng? Tâng tâm saráq Yiang Sursĩ tẻ mbỏq, án khoiq pai neq:

“Lứq bar náq ki cõt riang muoi sâiq sâng.”☆

17 Ma khân anhia chiau sang tở anhia yỗn Ncháu hái, chơ anhia cõt muoi mút muoi pahôm cốp án.

18 Cóg anhia viaq yỗn vót tễ máh ngê sâuq tở bữn lacuoi cayac ma bẻq parnoi. Ngê sâuq nâi la mpha tễ ngê sâuq canõh, yuaq ngê sâuq nâi táq tở o chóq tở bữm.

19 Anhia dáng ma tở bữn, tở anhia la samoât riang dống sang yỗn Raviei Yiang Sursĩ ốt? Lứq Yiang Sursĩ toập yỗn anhia bữn Raviei án. Anhia tở bữn ndõm tở anhia bữm, ma lứq Yiang Sursĩ toập ndõm tở anhia. 20 Yuaq án khoiq chõng anhia toâq kia ntâng lứq, ngkíq cóq anhia yám noap án na chiau tở anhia.

7

Phau-lô Atõng Tễ Ỉt Lacuoi Cayac

1 Sanua cừq yoc chĩc ta-õi anhia tễ máh ọc anhia khoiq chĩc yỗn cừq. Cừq chanchóm o khân cũai tở bữn ỉt lacuoi cayac. 2 Ma dỏq anhia tẻq viaq tễ ngê sâuq tở bữn lacuoi cayac ma bẻq parnoi, ki o yỗn dũ náq samiang ỉt lacuoi, cốp dũ náq mansẽm chuaq cayac.

3 Cayac cóq ỉt rangứh lacuoi. Cốp lacuoi cóq ỉt rangứh cayac. 4 Mansẽm khoiq bữn cayac chơ, án tở tẻq ndõm tở án bữm, ma cayac án

ndõm tở án. Machóng ki tẻ, samiang khoiq bữn lacuoi tở tẻq ndõm tở án bữm, ma lacuoi án ndõm tở án. 5 Ma khân bar náq lacuoi cayac ma pruan tở bữn bẻq parnoi bĩaq tangái, miaq yoc ẻ câu, ki tẻq anhia táq ngkíq. Ma vót ki cóq anhia bẻq parnoi loah sĩa yỗn yiang Satan tở tẻq radững anhia táq ranáq sâuq ẻ bữn cũai canõh. 6 Santoiq nâi cừq tở bữn ớn anhia, ma cừq chanchóm o yỗn anhia táq. 7 Cừq yoc nheq tữh cũai táq machóng cừq tẻ tở bữn yoc ẻ ỉt lacuoi. Ma Yiang Sursĩ yỗn dũ náq cũai, manoaq mpha tễ manoaq; án ca tẻq táq ranáq nâi, án ca tẻq táq ranáq ki.

8 Sanua cừq yoc atõng máh cũai tở yũah ỉt lacuoi tở la cayac, cốp máh cán cumai neq: O lứq la anhia tở bữn ỉt lacuoi tở la cayac riang cừq tẻ. 9 Ma khân anhia tở rơi ốt ngkíq, ki tẻq anhia ỉt lacuoi tở la cayac. Khaq anhia ỉt lacuoi tở la cayac saláng anhia yoc níc ẻ bữn noau.

Phau-lô Atõng Máh Cũai Ca Khoiq Ỉt Lacuoi Cayac

10 Máh cũai khoiq bữn lacuoi tở la cayac, Ncháu khoiq ớn alói neq: “Lacuoi tở tẻq táh cayac.” (Ớc nâi tở cõn cừq patáp.) 11 Khân án táh cayac, cóq án chõi chuaq noâng cayac, tở la cóq án chu loah pở dống cayac án.

☆ 6:16 6:16 Saráq Tễ Dâu 2:24

Cóp cayac ẽn, la tớ têq táh tê lacuoi.

¹² Cúq patáp máh cũai khoiq sa-âm chơ, khân alóí bữn lacuoi tớ yũah sa-âm, ma lacuoi án pruam ốt níc cóp án, cóq án chổi táh lacuoi án. (Ốc nài tớ bữn tẽ Ncháu patáp, ma cúq bữm patáp.) ¹³ Cóp khân bữn mansêm khoiq sa-âm chơ

ma án bữn cayac tớ yũah sa-âm, ma cayac án noâng yoc ẽ bữn án, cóq án chổi táh cayac án. ¹⁴ Khân bữn cayac tớ yũah sa-âm, ma lacuoi khoiq sa-âm chơ, lứq Yiang Sursĩ táq o cóq cayac ki tê, cồ nhơ tẽ lacuoi án sa-âm. Cóp khân bữn lacuoi tớ yũah sa-âm, ma cayac án khoiq sa-âm chơ, lứq Yiang Sursĩ táq o cóq lacuoi án cồ nhơ cayac án sa-âm. Khân Yiang Sursĩ tớ bữn chuai alóí ngkíq, lứq máh con alóí la samoât riang con cũai tớ yũah sa-âm tê. Ma sanua Yiang Sursĩ lứq chuai con alóí, samoât riang máh con cũai sa-âm tê. ¹⁵ Ma khân cũai tớ yũah sa-âm yoc ẽ táh lacuoi tớ la cayac ca khoiq sa-âm chơ, ki têq án táh. Khân ngkíq, lacuoi tớ la cayac ca khoiq sa-âm tớ bữn cóq catoâng án. Lứq Yiang Sursĩ ẽq hái ca cõt lacuoi cayac ốt ratoí. ¹⁶ O mansêm ca khoiq cõt lacuoi oi! Nỡ-ra têq cồng bữn mới chuai cayac mới yõn án sa-âm tê, khân mới lứq puai ngê Yê-su Crít. Cóp samiãng ca cõt cayac oi! Nỡ-ra têq

cồng bữn mới chuai lacuoi mới yõn án sa-âm tê, khân mới lứq puai ngê Yê-su Crít.

Dũ Náq Cũai Cóq Táq Máh Ranáq Yiang Sursĩ Yõn Án Táq

¹⁷ Cúq patáp ọc nài yõn dữ tộp sa-âm. Dũ náq anhia cóq táq máh ranáq Yiang Sursĩ rườh yõn anhia cóp ón anhia táq. ¹⁸ Khân bữn cũai I-sarel khoiq táq rit cút, puai phếp rit I-sarel, ma án sa-âm Yê-su Crít, chổi yõn án táh tếc ki. Cóp khân bữn cũai tớ yũah táq rit cút, ma án sa-âm Yê-su Crít, chổi yõn án táq tếc ki tâng tở án. ¹⁹ Táq rit cút tớ la tớ bữn táq, la tớ bữn ntróu. Ma ọc toâr lứq la cóq trính samoât samóí máh ọc Yiang Sursĩ patáp. ²⁰ Ranáq ntróu anhia cớ chuáq cha bo anhia tớ yũah sa-âm, ki cũuq anhia táq ranáq ki. ²¹ Khân anhia la cũai sũl bo Yiang Sursĩ yõn anhia sa-âm, ki anhia chổi chanchóm ntróu tẽ anhia la cũai sũl. Ma khân ncháu anhia tớ bữn yõn anhia cõt sũl noâng, ki têq anhia táq ranáq canõh ẽn. ²² Khân Yiang Sursĩ yõn anhia sa-âm án bo anhia noâng cõt cũai sũl, cóq anhia sanhữ Ncháu khoiq acláh anhia. Cóp khân Yiang Sursĩ yõn anhia sa-âm ma anhia tớ cõn cũai sũl, cóq anhia sanhữ sanua anhia cõt sũl yõn Crít ẽn. ²³ Yiang Sursĩ khoiq chõng anhia toáq kia ntâng lứq. Ngkíq anhia chổi cõt

sũl noâng ngê cũai. ²⁴ Sễm ai ơi! Ranaq ntróu anhia coi chuaq cha bo anhia tở yũah sa-âm, ki cũuq anhia táq ranaq ki, ma cóq anhia puai ngê Yiang Sursĩ hữ.

Phau-lô Atông Tễ Cũai Ca Tở Yũah Bữn Lacuoi Cayac

²⁵ Sanua cứq yoc atông anhia tễ cumữ tở yũah bữn cayac. Bo nhũang Ncháu tở bữn ón cứq atông tễ ramứh nãi. Ma cũ Ncháu ayooq táq cứq, ngkíq têq anhia sa-âm cứq.

²⁶ Yuaq dỏi nãi bữn sa-ũĩ túh coat, cứq chanchóm o lữq cũai tở bữn ỉt lacuoi cayac. ²⁷ Ma khân anhia khoiq bữn lacuoi chơ, ki chõĩ táh lacuoi anhia. Cóp khân anhia tở yũah bữn lacuoi, o anhia chõĩ ỉt lacuoi. ²⁸ Ma khân anhia yoc ẽ ỉt lacuoi, ki tở bữn lỏih ntróu. Cóp khân cumữ yoc ẽ chuaq cayac, la tở bữn lỏih ntróu tê. Ma máh cũai bữn lacuoi tở la cayac chơ, alóĩ bữn sarnóm coat hỡn tễ cũai tở bữn bữn lacuoi tở la cayac. Cứq ẽq anhia viaq vót tễ sarnóm coat ki.

²⁹ Sễm ai ơi, cứq atông anhia máh ốc nãi, yuaq tangái parsót khoiq cheq ẽ toâq chơ. Ngkíq khân cũai bữn lacuoi, tở la tở bữn lacuoi, la tở bữn ntróu. ³⁰ Cóp cũai sâng ngua, tở la bũi, tở la bữn chỡng cớng, ốc ki tở bữn toâr ntróu. ³¹ Cóp cũai táq ranaq ẽq yỗn bữn tâc cha tâng dỏi nãi, cóq alóĩ chõĩ yoc luat ngư, yuaq

nữ-ra máh cớng tâng dỏi nãi cõt pút nheq.

³² Cứq tở ẽq anhia cớng níc tễ ranaq tâng dỏi nãi. Máh cũai ca tở yũah ỉt lacuoi, têq alóĩ táq níc ranaq Yiang Sursĩ, yuaq alóĩ ẽq yỗn bũi pahỡm Yiang Sursĩ.

³³ Ma máh cũai khoiq ỉt lacuoi, cóq alóĩ cutóng táq ranaq tâng dỏi nãi, yuaq alóĩ ẽq yỗn bũi pahỡm lacuoi alóĩ. Ngkíq alóĩ puai bar rana. ³⁴ Machớng ki tê,

mansễm tở yũah bữn cayac, tở la mansễm ca óq noâng cayac, alóĩ mpha tễ mansễm bữn cayac. Alóĩ têq puai níc ngê Yiang Sursĩ, yuaq alóĩ yoc táq ranaq Yiang Sursĩ nheq mút pahỡm cóp nheq tở chác alóĩ. Ma mansễm ca bữn cayac, cóq alóĩ cutóng táq ranaq tâng dỏi nãi tê, yuaq alóĩ ẽq yỗn bũi pahỡm cayac alóĩ.

³⁵ Cứq pai ngkíq chóq anhia, yuaq cứq yoc ẽ chuai anhia. Cứq tở bữn catáng anhia. Ma cứq yoc anhia dáng tễ ốc p̄ieiq cóp ốc o yỗn anhia têq táq ranaq Yiang Sursĩ nheq rangứh rahỡ anhia.

³⁶ Khân bữn cumữ tatoam khoiq đởq voan, ma alóĩ chanchóm tở ẽq racoâiq yũah, ki o. Ma khân vót tễ ki samiàng ki chanchóm án táq tở p̄ieiq chóq mansễm ki, cóp án tở rơi rabán noâng tở án, ki o yỗn án racoâiq. Ma án tở bữn lỏih ntróu. ³⁷ Ma khân samiàng

ki tở bữn noau tẽih án, ma án chanchóm o lứq tở bữn racoâiq, ki o tê. ³⁸ Ngkíq cũai racoâiq, la án táq o, ma cũai tở bữn racoâiq, ki án táq o hỡn ẽn.*

³⁹ Mansẽm ca bữn cayac chớ, án tở têq chuaq cayac canỏh toau nheq dỡi ta-moong cayac án. Ma vớt cayac án cuchĩt, án têq chuaq cayac tamái. Ma cóq án chuaq cũai samiang ca sa-âm Yiang Sursĩ. ⁴⁰ Ma puai ngê cứq, khân roi án ớt manoaq, lứq án bốn hỡn. Máh ki toáp cứq atởng an-hia. Cóp cứq chanchóm Raviei Yiang Sursĩ atởng cứq tẽ ramứh nãi.

8

Phau-lô Atởng Tẽ Crong Tutoỏng Sang Yiang Canỏh

¹ Sanua cứq yoc atởng an-hia tẽ crong noau tutoỏng sang yiang canỏh. Anhia pai anhia khoiq dáng sa-ũi chớ. Khân anhia chanchóm ngkíq, ki anhia achỏn tở bữm. Ma tở bữn ntróu anhia dáng sa-ũi. Ốc toâr lứq la anhia dáng ayooq yóu cóp chuai yóu yỏn sa-âm pacái lứq ẽn. ² Cũai aléq chanchóm án dáng sa-ũi chớ, ki án tở yũah dáng tẽ máh ốc án cóq dáng. ³ Cũai aléq ma ayooq Yiang Sursĩ, lứq Yiang Sursĩ dáng cũai ki.

* **7:38** 7:38 Tâng pái rana nãi, bữn noau parlong pai Phau-lô atởng tẽ cũai mpoaq bữn con cumữr khoiq vớt ngư ít cayac. Khân án yỏn con cumữr án chuaq cayac, la án táq o. Ma khân án yỏn con án tở bữn chuaq cayac, la án táq o hỡn ẽn.

⁴ Ngkíq sanua, cứq yoc atởng anhia tẽ cha crong noau tutoỏng sang máh rup yiang. Hái khoiq dáng chớ, rup ki tở bữn kia ntróu loảng. Cóp hái khoiq dáng chớ bữn ống muoi noaq Yiang Sursĩ toáp la lứq Yiang. ⁵ Bữn sa-ũi yiang tâng paloỏng cóp tâng cốc cutẽq nãi, noau đốq sang cóp yám noap, cõt samoât ncháu alóí. ⁶ Ma hái bữn ống Yiang Sursĩ sâng, án la Mpoaq hái tâng paloỏng. Án khoiq tẽng túc culám khám ramứh, cóp án yỏn hái ta-moong đốq khẽn án. Cóp hái bữn ống muoi lám Ncháu sâng, án la Yê-su Crĩt. Yiang Sursĩ tẽng túc culám khám ramứh cỏ như tẽ án, cóp hái bữn tamoong la cỏ như tẽ án tê.

⁷ Ma tở bữn dũ náq cũai dáng tẽ ramứh ki. Bữn cũai tẽ tốp sa-âm, toau sanua alóí noâng pai yiang alóí đốq sang tẽ nhũang la lứq yiang. Cóp khân alóí cha crong tu-toỏng, la samoât alóí noâng yám noap yiang ki. Mút cũai ki tở yũah pacái; yuaq ngkíq alóí sâng lỏih khân alóí cha sana noau tutoỏng. ⁸ Dũ ramứh crong sana, tở bữn chuai yỏn hái cõt o yáng moat Yiang Sursĩ tam hái cha, tở la tở bữn cha crong ki.

⁹⁻¹⁰ Dũ ramứh crong sana

anhia têq cha, ma cóq anhia táq yõn o cóq cũai sa-âm tở yũah pacái. Khân alóí hũm anhia ca dáng sa-ũi, ma cha crớng noau tutoõng tâng đống sang yang canõh, ỏc ki ariang anhia radũng alóí yõn cha tũoiq anhia tẽ. Ngkíq anhia táq yõn alóí bũn lỏih. ¹¹ Ngkíq, cõ tẽ anhia dáng sa-ũi ki, anhia táq yõn sẽm ai anhia ca tở yũah sa-âm samoat samoi cõt táh chíq Yiang Sursĩ. Ma lứq Crít cuchít tang alóí tẽ. ¹² Ngkíq, khân anhia táq lỏih cóq sẽm ai anhia ca tở yũah sa-âm pacái, ki anhia bũn lỏih cóp Crít. ¹³ Khân cóq cha sana ntróu, ma táq yõn sẽm ai cóq cõt lỏih, ki cóq tở ẽq cha noang crớng sana ki toau sỏt đỏi cóq, đỏq sẽm ai cóq tở bũn cõt lỏih.

9

Ngẽ Ayũng Atĩ Yẽ-su Crít

¹ Cóq la ayũng atĩ Yẽ-su Crít. Ranáq ntróu cóq yoc ẽ táq, tẽq cóq táq. Lứq samoat moat cóq khoiq hũm Yẽ-su, Ncháu hái. Cõ cóq táq ranáq Yiang Sursĩ, ngkíq yuaq anhia cõt cũai sa-âm. ² Bũn cũai tở bũn noap cóq cõt ayũng atĩ Yẽ-su Crít, ma lứq cóq táq ranáq ki yõn anhia. Anhia khoiq bũn muoi mút cóp Yẽ-su Crít cõ tẽ cóq atõng anhia. Ngkíq anhia la samoat tẽc cóq lứq cõt ayũng atĩ Yẽ-su Crít.

³ Alóí ca tẽq cóq, cóq tẽq blóh loah alóí neq: ⁴ Pĩeiq tở, khân cóq sẽq alóí ca tamúng parnai cóq chũm siem cóq? ⁵ Pĩeiq lứq la cóq bũn lacuoi pỏq táq ranáq Yiang Sursĩ parnoi cóp cóq. Cóp tốp sa-âm cóq siem hẽq machớng tốp sa-âm khoiq siem Phi-er, máh a-ẽm Ncháu hái, cóp cũai ayũng atĩ Yẽ-su Crít canõh tẽ, lứq tở? ⁶ Yuaq nõq anhia chanchóm ống Ba-naba cóp cóq sâng cóq siem tở hẽq bũm? ⁷ Lứq tở nai bũn tahan aléq ma tở bũn roap práq cóng. Cóp tở nai bũn cũai táq nưong, ma tở bũn cha palái tẽ nưong ki. Cóp tở nai bũn cũai mantán charán cũu, ma tở bũn cha sáiq cũu. ⁸ Cóq pai ngkíq, cóq sacâm puai ngẽ cũai đỏq pai. Ma tâng phẽp rit Mỏise, án khoiq atõng machớng ki tẽ. ⁹ Án pai neq:

“Bo ntroỏq tĩn racong saro yõn chuai anhia, anhia chỏi cusũm bỏq án.

Cóq anhia yõn án cha tẽ, yuaq án táq ranáq yõn anhia.”☆

Bo Yiang Sursĩ atõng ngkíq, án tở bũn atõng tẽ ống ntroỏq sâng. ¹⁰ Ma lứq samoat Yiang Sursĩ atõng santoiq ki yõn hái hỡ. Khân bũn bar náq pruum táq sarái, manoaq choat cóp manoaq ẽn sot, lứq alóí bar náq pruum bũn cóng tẽ

ranáq alóí táq. ¹¹ Hếq khoiq atõng anhia tẽ parnai Yiang Sursĩ, ki cõt samoât hếq chóh cuplốq tâng mút anhia. Ngkíq, khân hếq sếq anhia chuai hếq yõn bữn cớng sana cha, anhia chanchóm hếq táq tỡ pñeiq tỡ? ¹² Khân bữn cũai canõh toáq atõng anhia, ki anhia yám noap lứq alóí, cớp anhia yõn alóí bữn cớng sana. Ma pñeiq lứq la anhia yám noap hếq hõn tẽ cũai ki, yuaq hếq toáp la cũai dáu lứq toáp atõng anhia. Ma hếq tỡ bữn sếq ntróu tẽ anhia. Hếq chũuq dũ ramứh túh coat đốq tỡ bữn catáng parnai o tẽ Yê-su Crít. ¹³ Anhia khoiq dáng chơ, cũai táq ranáq tâng Dống Sang Toâr, lứq alóí ít cớng sana tẽ dống sang. Cớp cũai tẽng cớng sang tâng prông sang Dống Sang Toâr, lứq alóí ít cha muoi pún tẽ cớng chiau sang ki. ¹⁴ Machóng ki tê, Yiang Sursĩ khoiq ớn máh cũai ca tamứng parnai o tẽ án, cóq alóí siem cũai atõng alóí.

¹⁵ Ma cớq tỡ nai sếq ntróu tẽ anhia. Cớp cớq tỡ bữn chĩc choaiq thỡ nãi đốq sếq anhia chuai cớq. Khaq cớq cuchĩt, saláng yõn noau pai cớq sếq anhia chuai cớq. ¹⁶ Cớq tỡ tềq ớt ntróu cõ tẽ cớq atõng parnai o tẽ Yiang Sursĩ, yuaq Yiang Sursĩ toáp ớn cớq atõng. Khân cớq tỡ bữn atõng parnai o tẽ Yiang Sursĩ, bap lứq toáp pỡ cớq.

¹⁷ Khân cớq chống yoc ẽ táq ranáq nãi, ki cớq bữn cớng. Ma cớq tỡ bữn chống ẽ táq; lứq Yiang Sursĩ toáp ớn cớq. Ngkíq cớq tỡ tềq suon pai ntróu. ¹⁸ Ngkíq ntróu la cớng cớp lơi yõn cớq? Cớng cớp lơi cớq la neq: Cớq sâng bũ pahõm toáq cớq atõng parnai o tẽ Yiang Sursĩ. Cớq atõng sâng, ma cớq tỡ bữn ít cớng ntróu tẽ cũai. Khân cớq yoc ẽ ít, lứq tềq cớq ít riang cũai canõh.

¹⁹ Cớq tỡ bữn sũl yõn cũai aléq, ma cớq táq samoât riang sũl yõn dũ náq cũai. Cớq táq ngkíq ếq yõn clứng cũai sa-âm Yê-su Crít cõ nhơ cớq atõng alóí. ²⁰ Bo cớq atõng máh cũai I-sarel, cớq cõt samoât cũai I-sarel yõn alóí tềq sa-âm Yê-su Crít cõ cớq atõng alóí. Cớq tỡ bữn puai noâng phếp rit Mũi-se, ma bo cớq atõng cũai puai rit, cớq ớt machóng alóí tê, yõn tềq alóí sa-âm Yê-su Crít cõ cớq atõng alóí. ²¹ Machóng ki tê, cớq cõt samoât cũai tỡ cõn tốp I-sarel, yõn alóí tềq sa-âm Yiang Sursĩ cõ nhơ cớq atõng alóí. Cớq ớt machóng alóí, ma cớq tỡ bữn táh ngê Yiang Sursĩ cớp ngê Yê-su Crít. ²² Cớq cõt samoât máh cũai tỡ bữn sa-âm pacái tê, đốq alóí tềq sa-âm pacái lứq ẽn. Ngkíq cớq cõt samoât yóu ratoi cớp dũ náq cũai, đốq alóí tềq sa-âm Yê-su Crít. Dũ ranáq cớq táq, cớq ếq máh cũai sa-âm

Yê-su Crît cõ tẽ ranáq ki.
 23 Dũ ranáq cứq táq, cứq ẽq
 cũai canõh dáng tẽ parnai o
 Yiang Sursĩ. Ngkíq cứq bữn
 ọc bốn tẽ parnai ki tê.

24 Khân bữn sa-ũi náq cũai
 lúh tampling, bữn manoaq
 sâng têq bữn roap cóng tẽ
 án lúh cháí. Ngkíq cóq
 anhia táq machóng cũai ki
 tê. Cóq anhia cutóng puai
 ngê Yê-su Crît yõn anhia bữn
 roap cóng. 25 Nheq tữh cũai
 ca yoc ẽ tampling, cóq alóí
 cutóng rien cóp rabán o tỗ
 alóí bữm. Cõ nốq alóí táq
 ngkíq? Cõ alóí yoc ẽ bữn
 cóng tẽ lúh tampling. Cóng
 ki pút cháí lứq. Ma hái,
 cóq hái cutóng rien níc tẽ
 ngê Yê-su Crît, yuaq hái yoc
 ẽ bữn cóng ca tỡ nai pút.
 26 Ngkíq cứq táq cutóng níc
 yoc ẽ bữn cóng ki, samoát
 riang cứq lúh tanoang yõn
 cháí toáq. Cứq la samoát
 riang cũai tampling rachooc
 tê; cứq tỡ bữn chooc táq nan
 sâng. Machóng ki tê, cứq
 tỡ bữn táq nan táq ranáq
 Yiang Sursĩ. 27 Cứq táq coat
 lứq tỗ cứq bữm, đõq téh
 ếp mút cứq yõn dáng trĩh.
 Cõh lơ toáq moâm cứq atõng
 cũai canõh, cứq toáp tỡ dáng
 bữn roap cóng cõ cứq táq tỡ
 pñeíq.

10

*Sacâm Cũai I-sarel Tẽ
 Mbỏq*

✧ 10:7 10:7 Loõh Tẽ Ê-yip-tô 32:6

1 Sẽm ai ời! Cứq atõng
 anhia yõn sanhữ loah máh
 achúc achiac hái tẽ mbỏq,
 bo alóí õt tâng ntốq aiq, cóp
 tẽ ramúl ca Yiang Sursĩ yõn
 õt cadóp kĩaq alóí. Chơ
 alóí pỡq tadáh mpúng dĩ
 đõq mút. 2 Bo ramúl cadóp
 alóí, cóp bo alóí pỡq tadáh
 mpúng dĩ đõq mút, ki alóí
 lứq pruum muoi mút cóp
 Mõi-se. 3 Nheq tữh alóí bữn
 cha muoi ramứh công sana
 nhơ tẽ chóc Yiang Sursĩ.
 4 Cóp nheq tữh alóí bữn
 nguaiq muoi ramứh đõq nhơ
 tẽ chóc Yiang Sursĩ, yuaq
 alóí nguaiq đõq hoi tẽ tamáu
 ca õt cóp alóí. Tamáu ki
 la sacâm tẽ Crît. 5 Ma bữn
 sa-ũi náq tẽ tốp alóí táq
 yõn Yiang Sursĩ tỡ bữn bũi
 pahõm. Ngkíq yuaq máh
 cũai ki cuchĩt nheq tâng
 ntốq aiq.

6 Máh ranáq ki cõt tếc yõn
 hái tỡ bữn táq puai nõng
 máh ngê sấuq, machóng
 máh cũai khoi q cuchĩt ki
 táq. 7 Anhia chõĩ sang
 yiang canõh, machóng alóí
 ki sang. Tâng tâm saráq
 Yiang Sursĩ tẽ mbỏq, án
 khoi q pai neq:

“Alóí tacu cha nguaiq bo alóí
 sang yiang canõh.

Moâm ki, alóí tayúng
 ayũn ayốq tanghang
 lứq.”✧

8 Cóq hái chõĩ bẻq parnơi
 khân tỡ bữn lacuoi cayac, ar-
 iang alóí ki táq. Muoi tangái
 bữn 23,000 náq cuchĩt, yuaq

alói táq ngkíq. ⁹ Hái chôi chim Yiang Sursĩ, machóng alói ki táq. Ngkíq cusân tot clúng lúq cũai, chơ alói cuchít yuaq alói táq ngkíq. ¹⁰ Cóp cóq anhia chôi loai lúp-búp níc, machóng alói ki loai. Cỗ alói táq ranáq sâuq ngkíq, yuaq ranêng Yiang Sursĩ tễ paloóng cachít alói.

¹¹ Dũ ramứh ki Yiang Sursĩ táq chóc achúc achiac hái, đợc apáh cóp atông yỗn hái dáng. Cóp noau khiq chĩc máh ramứh ki đợc sươq hái tê, yuaq đõn hái nâi khiq cheq ễ toâq tangái parsốt chơ. ¹² Ngkíq, khân cũai aléq chanchóm án sa-âm pacái lúq, cóq án nhêng yỗn o mút pahồm án, cõh lơ ngê sâuq têq radững án. ¹³ Dũ ramứh sâuq ca toâq ễ radững anhia la machóng ngê sâuq ễ radững cũai canõh tê. Ma khân anhia sa-âm Yiang Sursĩ samoât samoi, lúq án yỗn mút pahồm anhia tỡ bữn yoc ễ puai máh ngê sâuq ki. Bo máh ngê sâuq ki toâq ễ radững anhia, lúq Yiang Sursĩ avĩaq yỗn anhia vót tễ ngê sâuq ki. Ngkíq ngê sâuq ki tỡ têq radững anhia.

Chôi Sang Yiang Canõh

¹⁴ Ngkíq sễm ai ơi, anhia chôi sang yiang canõh. ¹⁵ Cúp atông anhia machóng cúp đợc atông cũai rangoiq tê. Cóq anhia chanchóm bữm tễ máh ngê cúp atông.

¹⁶ Bo hái nguaiq đợc tễ tang gan ca sacâm tễ aham Crít, lúq bo ki hái pruam muoi mút puai ngê án. Chơ hái sa-õn Yiang Sursĩ yỗn hái nguaiq aham Con án. Cúp bo hái pĩh bễng cha sacâm tễ sac sâiq Crít, lúq bo ki hái pruam muoi mút puai ngê án. ¹⁷ Hái bữn ống muoi lám bễng sâng yỗn nheq tữh hái bữn cha. Ngkíq yuaq nheq náq hái ma cõt muoi mút muoi pahồm sâng, yuaq nheq tữh hái cha chổng tễ muoi lám bễng ki.

¹⁸ Cúp yoc anhia chanchóm tễ cũai I-sarel. Toâq alói cha crơng chiau sang yỗn Yiang Sursĩ, alói pruam muoi mút puai ống ngê Yiang Sursĩ sâng. ¹⁹ Cúp táq ntông ngkíq, ntróu cúp ễ pai? Cúp yoc ễ pai la yiang canõh cóp crơng tutoóng ki o yỗn cũai tỡ? ²⁰ Lúq tỡ cõn ngkíq! Cúp ễ pai neq: Crơng cũai tỡ cõn cũai I-sarel chiau sang, lúq alói sang yỗn yiang sâuq, tỡ cõn alói sang yỗn Yiang Sursĩ. Cúp cúp tỡ ễq anhia pruam muoi mút cóp yiang sâuq. ²¹ Anhia tỡ têq nguaiq tễ tangan Ncháu, chơ nguaiq tễ tangan yiang canõh hỡ. Cúp anhia tỡ têq cha crơng sana tễ Ncháu, chơ cha crơng sana tễ yiang canõh hỡ. ²² Anhia sang yiang canõh, cõ anhia ễq Yiang Sursĩ ũan cóq anhia tỡ? Anhia chanchóm anhia bán rêng hỡn tê Yiang Sursĩ tỡ?

Cóq Anhia Chanchóm Níc Tễ Yôu Ca Tờ Yũah Sa-âm Pacái

23 Anhia đốq pai neq: “Máh ranáq ntróu cứq yoc ẽ táq, ki têq cứq táq.” Ma máh ranáq ki tờ bữn cõt kia neq. Lứq noau pai: “Máh ranáq ntróu cứq yoc ẽ táq, ki têq cứq táq.” Ma tờ bữn dũ ramứh têq chuai yỗn yôu anhia sa-âm pacái.

24 Cóq anhia chỏi ỉt rangứh anhia bữm, ma cóq anhia ỉt rangứh cũai canốh. 25 Têq anhia cha dũ ramứh sâiq anhia chỡng, ma o yỗn anhia chỏi blóh ntróu tễ sâiq ki yỗn mút anhia tờ bữn tanĩq anhia bữm. 26 Tâng tâm saráq Yiang Sursĩ tễ mbốq, án khoiq pai neq:

“Máh cruang tâng pưn paloống cutrúq nâi cốp dũ ramứh ốt tâng ki,

la Yiang Sursĩ toáp ndỡm.”☆

27 Khân cũai tờ yũah sa-âm Yê-su Crít, ma mới anhia toáq cha cốp alới, cốp khân anhia yoc ẽ pỡq, ki têq anhia cha dũ ramứh alới aloốh yỗn anhia cha. Ma anhia chỏi blóh ntróu tễ sana ki đốq mút pahỡm anhia tờ bữn tanĩq anhia bữm. 28 Ma khân cũai aléq atống anhia neq: “Crong nâi khoiq noau tutoống chớ,” anhia chỏi cha crong ki, đốq cũai ca atống anhia tờ bữn sâng ngua tễ anhia táq lỏih. 29 Cứq tờ bữn pai tễ mút

pahỡm anhia, ma cứq tamốr mút pahỡm cũai ki. Cỗh lơ anhia yoc ẽ blóh cứq neq: “Hếq dáng, khân hếq cha crong sana nâi la tờ bữn ntróu. Ngkíq, cỗ nốq hếq tờ têq cha yuaq cũai canốh chanchóm pai tờ têq cha? 30 Khân hếq sa-ốn Yiang Sursĩ án yỗn hếq bữn crong sana cha ki, nốq cũai canốh noâng ẽ tểq hếq khân hếq cha crong ki?”

31 Toáq anhia cha, tờ la nguaiq, tờ la táq ranáq ntróu, cóq anhia táq dũ ramứh ki yỗn noau khễn Yiang Sursĩ. 32 Cóq anhia táq o níc chóq tốp I-sarel, chóq cũai tờ cỡn cũai I-sarel, cốp chóq cũai khoiq sa-âm, đốq alới tờ bữn pê pahỡm cỗ tễ ranáq anhia táq. 33 Ngkíq dũ ranáq cứq táq, cứq yoc ẽ táq yỗn dũ náq cũai sâng bủi o tễ ranáq ki. Cứq tờ bữn chanchóm yoc ẽ táq o chóq tốp cứq bữm, ma cứq yoc ẽ táq o yỗn dũ náq cũai, ểq Yiang Sursĩ têq chuai amoong alới.

11

1 Ngkíq cóq anhia tũoiq cứq, machống cứq tũoiq Crít tê.

Atống Tễ Máh Mansẽm Ca Sa-âm Yiang Sursĩ

2 Cứq khễn anhia, yuaq anhia sanhữ níc cứq, cốp anhia trỉh máh parnai cứq khoiq atống anhia. 3 Ma cứq yoc anhia dáng raloaih

☆ 10:26 10:26 Ūat Khễn 24:1

neq: Yiang Sursĩ cõt plõ Crĩt; Crĩt cõt plõ cũai samiang; cóp cayac cõt plõ lacuoi. ⁴ Khãn bữn manoaq samiang câu tở la atõng parnai Yiang Sursĩ yõn cũai canõh, ma án tapung crong ntróu tâng plõ án, ki án táq yõn Crĩt cõt casiet, yuaq Crĩt la plõ yõn cũai samiang. ⁵ Ma khãn bữn manoaq mansẽm câu tở la atõng parnai Yiang Sursĩ yõn cũai canõh, ma án tở bữn tapung khãn tâng plõ, ki án táq yõn cayac án casiet, yuaq cayac la plõ yõn lacuoi. Ốc ki la samoat riang noau khoiq cũah nheq sóc tẽ plõ mansẽm ki.* ⁶ Khãn mansẽm tở bữn tapung ntróu tâng plõ án, o yõn án cũah nheq sóc tẽ plõ. Ma khãn mansẽm ki sâng casiet cũah nheq sóc tẽ plõ án, khaq án tapung khãn. ⁷ Cũai samiang chõit tapung ntróu tâng plõ, yuaq Yiang Sursĩ tẽng samiang tũoiq mút pahõm án bữm. Ngkĩq, cõ nhơ tẽ samiang yuaq noau bữn khẽn Yiang Sursĩ. Cóp cõ nhơ tẽ mansẽm yuaq noau bữn khẽn cũai samiang. ⁸ Yiang Sursĩ tở bữn tẽng samiang tẽ tở mansẽm, ma lứq Yiang Sursĩ tẽng mansẽm tẽ tở samiang. ⁹ Cóp Yiang Sursĩ tở bữn tẽng samiang đõq yõn mansẽm, ma án tẽng mansẽm đõq

yõn samiang. ¹⁰ Yuaq ngkĩq, bo máh mansẽm rôm sang Yiang Sursĩ, cóp alóit tapung khãn tâng plõ alóit, táq tẽc alóit cõt hõn tẽ máh samiang yáng moat ranẽng Yiang Sursĩ tẽ paloõng.† ¹¹ Ma yáng moat Yiang Sursĩ, cũai mansẽm cóq poâng samiang, samiang cóq poâng mansẽm. ¹² Tẽ dâu lứq Yiang Sursĩ tẽng mansẽm tẽ tở samiang. Ma ntun ẽn, dũ náq samiang loõh tẽ tở mansẽm. Ma nheq ramứh ki toát tẽ Yiang Sursĩ.

¹³ Cóq anhia chanchóm tẽ ramứh nãi neq: O ma tở o, bo mansẽm câu sễq tẽ Yiang Sursĩ, ma tở bữn tapung ntróu tâng plõ? ¹⁴ Cũai samiang đõq chanchóm khãn alóit đõq sóc cuti, ki alóit cõt casiet. ¹⁵ Ma khãn mansẽm đõq sóc cuti, ki noau hữm o, yuaq sóc la machóng crong alóit tapung tâng plõ. ¹⁶ Ma khãn bữn noau yoc ẽ rasuon tẽ ốc nãi, cứq ẽ pai neq: Hẽq cóp dũ tởp sa-âm, tở bữn táq mpha ntróu tẽ ốc nãi bo hẽq sang toam Yiang Sursĩ.

Cha Nguaiq Sanhữ Ncháu

¹⁷ Máh santoiq patáp ntun nãi cứq tở bữn khẽn anhia, yuaq toát anhia rôm sang Yiang Sursĩ, anhia táq ranáq lỏih clũit tẽ anhia táq ranáq o. ¹⁸ Dâu lứq, cứq khoiq

* **11:5** 11:5 Tâng dõit ki, khãn mansẽm aléq táq yõn cayac án casiet, noau cũah nheq sóc án đõq táq tẽc. † **11:10** 11:10 Tở la 'táq tẽc alóit bữn chóc yáng moat ranẽng Yiang Sursĩ'.

sâng noau pai tễ tộp sa-âm anhia neq: Bo anhia rôm sang Yiang Sursĩ, tộp nâi ratáh tễ tộp ki. Cóp cứq chanchóm lứq p̄ieiq noau atông ọc ki. ¹⁹ Toâq tộp anhia caryoah cõt sa-ũĩ tộp, anhia apáh yõn cũai canõh dáng tộp aléq lứq sa-âm Yiang Sursĩ. ²⁰ Bo anhia rôm cha sanhữ Yê-su cuchĩt tang anhia, anhia tở bữn puai rit ki samoât samõi. ²¹ Yuaq tâng ranáq cha bũi ki, dù náq anhia miar cha. Ngkíq bữn án ca tở khám cha, cóp bữn án ca bũl plêc. ²² Nỏq ariang pai anhia ỏq đống cóq pỏq cha nguaiq tâng đống sang? Nỏq anhia tở bữn yám noap tộp sa-âm Yiang Sursĩ? Cóp nỏq anhia táq yõn cũai cadĩt sâng casiet? Ntróu anhia yoc cứq atông tễ ramứh nâi? Anhia yoc cứq khễn anhia tở? Lứq cứq tở bữn khễn anhia!

²³ Yuaq cứq khoiq atông anhia chơ tễ máh ramứh Ncháu hái khoiq yõn cứq dáng. Tâng sadâu noau chẻq Yê-su, sadâu ki Yê-su, Ncháu hái, ít muoi lám bẻng. ²⁴ Chơ án sa-õn Yiang Sursĩ cóp pĩh bẻng ki. Cóp án pai neq: “Bẻng nâi la tở cứq, khoiq cuchĩt tang anhia. Toâq anhia cha bẻng nâi, anhia sanhữ níc cứq.”

²⁵ Machóng ki tê, moâm alói cha bẻng, chơ Yê-su ít tangan đởq cóp án pai neq: “Đởq nâi la tẻc Yiang Sursĩ par-ữq parnai tamái cóp an-

hia, cõ nhơ tễ aham cứq. Toâq anhia nguaiq đởq nâi, anhia sanhữ níc cứq.”

²⁶ Ngkíq, bo léq anhia cha bẻng nâi cóp nguaiq đởq tẻ tangan nâi, la anhia táq tẻc Ncháu hái khoiq cuchĩt tang anhia. Cóp anhia táq ranáq nâi toau toâq tangái Ncháu hái toâq loah pở cutẻq nâi.

²⁷ Yuaq ngkíq, cũai aléq ma cha bẻng nâi tở la nguaiq đởq nâi, ma án cha nguaiq tở p̄ieiq, la machóng án táq lỏih chỏq tở cóp aham Yê-su tê. ²⁸ Ngkíq cũai aléq ma cha bẻng nâi cóp nguaiq đởq nâi, cóq án tutuaiq loah mút án bữm. Ki nỏq tẻq án cha nguaiq. ²⁹ Khân bữn cũai aléq cha nguaiq ma tở bữn yám noap bẻng cóp đởq nâi la sacâm tẻ tở Yê-su, lứq Yiang Sursĩ táq án. ³⁰ Cõ ngkíq anhia bữn sa-ũĩ a-ĩ tacóh, cóp bữn án ca cuchĩt pút hữ. ³¹ Ma khân hái tutuaiq mút pahõm hái bữm nhũang cha nguaiq, hái lứq bữn vớt tẻ Yiang Sursĩ ẻ táq hái. ³² Yiang Sursĩ táq hái ngkíq la cõ án yoc ẻ manrap hái, cóp án ẻq hái bữn vớt tẻ án táq máh cũai tở bữn sa-âm.

³³ Ngkíq sẻm ai ời, bo anhia rôm cha parnoi yoc ẻ sanhữ Yê-su cuchĩt tang anhia, cóq manoaq acoan manoaq. ³⁴ Khân bữn cũai aléq sâng panhieih, yõn án cha nhũang pở đống án voai. Ngkíq Yiang Sursĩ tở

bữn têq anhia táq tở p̄ieiq bo anhia rôm.

Ma máh ramúh canõh, bo cúq toáq p̄õ anhia, cúq ẽ atõng anhia ẽn.

12

Ramúh Raviei Yiang Sursĩ Chuai

¹ Sêm ai oĩ! Sanua cúq yoc atõng anhia tẽ máh ramúh Raviei Yiang Sursĩ chuai yõn cũiai táq. Cúq yoc anhia dáng raloaih tẽ ốc ki. ² Bo anhia tở yũah dáng ntróu tẽ ngê Yiang Sursĩ, lúq bo ki noau radũng níc anhia sang sa-ũĩ ramúh yiang; ma máh yiang ki tở bữn têq chuai amoong anhia ntróu. ³ Yuaq ngkíq, cóq anhia dáng raloaih neq: Cũiai aléq ma bữn Raviei Yiang Sursĩ ốt cóp án, cũiai ki tở têq pupap Yê-su, pai neq: “Nữ-ra Yiang Sursĩ lúq táh Yê-su.”

Cóp khân Raviei Yiang Sursĩ tở bữn ốt cóp án, cũiai ki tở têq ngin pai neq: “Yê-su la Ncháu.”

⁴ Máh ramúh Raviei Yiang Sursĩ yõn la mpha thữ nheq. Ma bữn ống muoi Raviei Yiang Sursĩ sâng têq yõn máh ramúh ki. ⁵ Bữn sa-ũĩ ranáq mpha noau têq táq puai ngê Yiang Sursĩ, ma dữ ranáq ki bữn ống manoaq Ncháu sâng ndõm. ⁶ Dữ náq cũiai bữn miar ranáq táq, ma bữn ống Yiang Sursĩ sâng yõn cũiai bữn máh ranáq ki. ⁷ Raviei Yiang Sursĩ yõn dữ náq cũiai sa-âm bữn ngê o, đõq manoaq

têq chuai manoaq tâng tốp sa-âm. ⁸ Án ca Raviei Yiang Sursĩ yõn bữn ốc rangoaiq đõq atõng cũiai canõh. Án ca Raviei Yiang Sursĩ yõn dáng tẽ sa-ũĩ ngê. ⁹ Án ca Raviei Yiang Sursĩ yõn têq sa-âm Yiang Sursĩ samoat samoi. Án ca Raviei Yiang Sursĩ yõn bữn chóc têq táq bán cũiai a-ĩ. ¹⁰ Án ca Raviei Yiang Sursĩ yõn bữn chóc têq táq ranáq salẽh. Án ca Raviei Yiang Sursĩ yõn atõng tang bõq Yiang Sursĩ. Án ca Raviei Yiang Sursĩ yõn bữn ngê rangoaiq đõq tutuaiq máh ngê tẽ yiang canõh cóp ngê tẽ Yiang Sursĩ. Án ca Raviei Yiang Sursĩ yõn têq táq ntõng parnai mpha. Cóp án ca Raviei Yiang Sursĩ yõn têq aloõh ngê parnai. ¹¹ Dữ ranáq ki ống muoi Raviei Yiang Sursĩ toáp yõn. Ngkíq, máh ramúh Raviei Yiang Sursĩ yõn, án lúq yõn dữ náq cũiai bữn, ma manoaq mpha tẽ manoaq.

Phau-lô Sacâm Tẽ Tở Cũiai Bữn Sa-ũĩ Ramúh

¹² Tở cũiai bữn sa-ũĩ ramúh. Ma nheq máh ramúh ki cõt muoi tở sâng. Machóng ki tê, nheq máh cũiai sa-âm cõt muoi tốp, cóp tốp ki la sacâm tẽ tở Crít. ¹³ Cỗ nhơ Raviei Yiang Sursĩ, nheq tữh hái roap batẽm cõt muoi tốp, đêh cũiai I-sarel, cóp cũiai tở cõn cũiai I-sarel, đêh cũiai sũl, cóp cũiai tở cõn cũiai sũl. Dữ náq hái bữn

Raviei Yiang Sursĩ ốt tâng mút pahõm.*

14 Cóg bữn sa-ữi ramứh nỏq têq cõt tở cũai, tở cõn ống muoi ramứh sâng.

15 Khân ayũng pai neq: "Cứq tở cõn atĩ. Ngkíq cứq tở cõn tễ tở," ayũng ki pai ngkíq la tở p̄ieiq, yuaq án la tễ tở tê.

16 Cóp khân cutữr pai neq: "Cứq tở cõn moat. Ngkíq cứq tở cõn tễ tở," cutữr ki pai ngkíq la tở p̄ieiq, yuaq án la tễ tở tê. 17 Khân tở ma bữn ống moat, nỏq án têq sâng?

Cóp khân tở ma bữn ống cutữr, nỏq án têq sâng hõi? 18 Ma bo Yiang Sursĩ tễng tở cũai, án tễng sa-ữi ramứh puai mút án yoc ẽ tễng. 19 Khân bữn ống muoi ramứh sâng, lứq tở têq cõt tở. 20 Ma hái dáng samoat lứq, cóq bữn sa-ữi ramứh, nỏq têq cõt tở.

21 Ngkíq moat tở têq pai chỏq atĩ neq: "Mỏi tở têq táq ntróu chuai cứq." Cóp plở tở têq pai chỏq ayũng neq: "Mỏi tở têq táq ntróu chuai cứq!" 22 Ma lứq bữn sa-ữi ramứh tâng tở hái, ma hái chanchóm tở bữn toâr ntróu. Ma tở hái cóq bữn dũ ramứh ki. 23 Cóp máh ramứh hái chanchóm tở bữn toâr ntróu tâng tở hái, ramứh ki hái đốq pasang hữn tễ ramứh canõh. Ma máh ramứh hái chanchóm toâr, cõt hái tở bữn pasang ramứh ki. 24 Ma máh ramứh ki, tở bữn túh

pasang. Lứq Yiang Sursĩ tễng dũ ramứh tâng tở hái yõn ốt parnoi. Cóp máh ramứh hái chanchóm tở bữn toâr ntróu, Yiang Sursĩ yõn cõt toâr lứq ẽn. 25 Ngkíq máh ramứh tâng tở hái tở têq ratah. Ma máh ramứh ki manoaq chuai manoaq. 26 Khân muoi ramứh tâng tở ma sâng a-ĩ, lứq dũ ramứh tâng tở sâng a-ĩ tê. Cóp khân muoi ramứh tâng tở ma sâng bũi, lứq dũ ramứh tâng tở sâng bũi tê.

27 Nheq tữh anhia la tốp sa-âm Crít. Ngkíq anhia la riang tở án. Dũ náq anhia la muoi ramứh tễ tở án. 28 Cóp Yiang Sursĩ khoiq ruroh dũ náq anhia yõn táq ranáq tâng tốp sa-âm. Án ca cõt ayũng atĩ Yê-su Crít. Án ca cõt cũai tang bỏq Yiang Sursĩ. Án ca cõt thài. Án ca têq táq ranáq salẽh. Án ca bữn chỏc têq táq bán cũai a-ĩ, tở la chuai yóu, tở la nhêng saliq tốp sa-âm, tở la táq ntõng parnai mpha. 29 Ma tở bữn dũ náq cũai têq cõt ayũng atĩ Yê-su Crít, tở la atõng tang bỏq Yiang Sursĩ, tở la cõt thài. Tở bữn dũ náq cũai bữn chỏc têq táq ranáq salẽh, 30 tở la táq bán cũai a-ĩ, tở la táq ntõng toâq parnai mpha, tở la aloõh ngê parnai mpha ki. 31 Bữn sa-ữi ramứh Raviei Yiang Sursĩ yõn anhia. Ngkíq cóq anhia ẽr áiq yoc ẽ bữn ramứh o

* 12:13 12:13 Tâng parnai Créc án pai: 'Yiang Sursĩ yõn hái nguaiq muoi Raviei sâng.'

hõn tễ canõh.

Sanua cứq yoc atõng an-hia tễ ramứh toâr clũi nheq tễ canõh.

13

Mút Pahõm Ayooq

¹ Lứq pai têq cứq táq ntõng nheq máh parnai cũai, cớp nheq parnai ranẽng Yiang Sursĩ hõ, ma khân cứq tỡ bữn mút pahõm ayooq, ngkíq parnai cứq pai la samoât noau toân parnõh tỡ la parkeh sar sâng. ² Lứq pai têq cứq atõng nheq tễ ngê Yiang Sursĩ, cớp lứq pai cứq dáng nheq ramứh cũai têq rien cớp nheq ramứh cutooq hõ, cớp lứq pai cứq sa-âm sa-ũri lứq, têq cứq táq yõn cóh ravih, ma khân cứq tỡ bữn mút pahõm ayooq, ki cứq tỡ bữn khlừr ntróu.

³ Lứq pai cứq yõn nheq crong cróu cứq pỡ cũai cadit, tỡ la cứq chũuq yõn noau chõng chíq tỡ cứq, ma khân cứq tỡ bữn mút pahõm ayooq, ki cứq tỡ bữn cõt kia ntróu.

⁴ Mút pahõm ayooq la laviei chỏq cũai canõh, cớp yoc ẽ chuai cũai canõh. Mút pahõm ayooq tỡ bữn sa-on, tỡ bữn khẽn tỡ án bữm, cớp tỡ bữn ốt chỏq yóu. ⁵ Cũai ca bữn mút pahõm ayooq tỡ bữn ốq rit phếp, tỡ bữn ỉt ngê án bữm, tỡ bữn coáp nsóq. cớp tỡ bữn noap lỏih cũai canõh. ⁶ Mút pahõm ayooq tỡ bữn sâng bũi ranáq tỡ o, ma án sâng bũi ranáq

o cớp ranáq p̄ieiq. ⁷ Mút pahõm ayooq tỡ nai sâng ũan chỏq cũai ẽ táq án. Án sa-âm níc. Án ngcuang níc ramứh o. Cớp án tanhĩr níc máh ramứh túh coat.

⁸ Ông muoi ramứh sâng tỡ nai cõt pút; ramứh ki la mút pahõm ayooq. Nheq ramứh cũai atõng tễ ngê Yiang Sursĩ, nỡ-ra noau tỡ bữn atõng noâng. Cớp máh parnai mpha cũai dốq atõng, nỡ-ra tỡ bữn noâng parnai ki. Cớp nheq máh ngê cũai dốq rien tâng dũi nâi, nỡ-ra cõt pút nheq. ⁹ Yuaq nheq ramứh hái rien la hái tỡ dáng samoât; cớp nheq máh ngê hái atõng tễ parnai Yiang Sursĩ la hái tỡ dáng samoât. ¹⁰ Ma nỡ-ra hái ốt cớp án, hái bữn ốc lứq samoât. Chơ máh ramứh tỡ bữn lứq samoât cõt pút nheq.

¹¹ Bo cứq noâng carnẽn, cứq táq ntõng ariang carnẽn táq ntõng, cứq sâng ariang carnẽn sâng, cứq chanchóm ariang carnẽn chanchóm. Ma tỡ cứq cõt carsai, cứq táh nheq ngê carnẽn. ¹² Sanua la samoât hái nhêng tâng kếng ma tỡ raloaih. Ma nỡ-ra samoât hái nhêng choâng-rachoâng. Sanua cứq dáng bĩq sâng, ma nỡ-ra cứq dáng nheq, samoât Yiang Sursĩ dáng cứq sanua. ¹³ Tâng dũi nâi bữn pái ốc toâr lứq. Muoi la ốc sa-âm, bar la ốc ngcuang, pái la ốc ayooq. Ma tễ pái ốc nâi, ốc toâr clũi nheq tễ canõh la ốc ayooq.

14

Phau-lô Atông Tê Ramúh Raviei Yiang Sursĩ Chuai

¹ Ngkíq, cóq anhia cutóng chuaq yõn bữn mút pahõm ayooq. Cóq cóq anhia ẽr áiq lứq yoc ẽ bữn máh ramúh Raviei Yiang Sursĩ yõn. Ramúh toâr lứq tẽ máh ramúh Raviei Yiang Sursĩ yõn la atõng tang bõq Yiang Sursĩ. ² Cũai aléq ma atõng toâq parnai mpha, cũai ki tở bữn táq ntõng cóp cũai, ma án táq ntõng cóp Yiang Sursĩ, yuaq cũai tở bữn dáng tẽ parnai ki. Raviei Yiang Sursĩ yõn án pai ngê cutooq tẽ Yiang Sursĩ. ³ Cũai aléq ma atõng tang bõq Yiang Sursĩ, cũai ki atõng yõn cũai canõh têq sa-âm pacái lứq ẽn. Án catoaih atõng cóp aliam cũai hữ. ⁴ Cũai aléq ma atõng toâq parnai mpha, cũai ki táq yõn sa-âm pacái óng mút án bữm. Ma cũai aléq atõng tang bõq Yiang Sursĩ, lứq án táq yõn tốp sa-âm cõt sa-âm pacái lứq ẽn.

⁵ Cúq yoc lứq nheq tữh anhia têq táq ntõng toâq parnai mpha; ma hõn tẽ ki ẽn, cúq yoc anhia têq atõng tang bõq Yiang Sursĩ. Cũai aléq atõng tang bõq Yiang Sursĩ, ki án táq ranáq o hõn tẽ cũai atõng toâq parnai mpha. Ma khân bữn cũai aléq têq aloõh ngê parnai mpha, ki o tê yõn án pai toâq parnai mpha. Án táq yõn

tốp sa-âm cõt sa-âm pacái hõn ẽn. ⁶ Sẽm ai ơi! Khân cúq toâq pở anhia, ma atõng toâq parnai mpha, ki ntróu cõt kia yõn anhia? Ma khân cúq toâq atõng anhia tẽ máh ngê Yiang Sursĩ sapáh cúq, tở la máh ngê cúq dáng tẽ án, tở la máh ngê tở yũah toâq, tở la máh óc p̄ieiq tẽ ngê Yiang Sursĩ, máh óc ki lứq cõt kia yõn anhia.

⁷ Cúq ẽ sacâm tẽ crong lampõiq. Máh crong ki tở bữn toâr ntróu. Ma khân noau tở dáng plóng tarial tở la tapáih achúng, mỗ táq ngkíq, máh cũai ca tamúng ki tở bữn sâng bũ ntróu tẽ srong ki. ⁸ Cóp khân noau plóng lavia arô máh tahan pởq rachíl, ma cũai plóng tở p̄ieiq, máh cũai tahan lứq tở bữn dáng thữan ntróu. ⁹ Machóng ki tê, khân bõq anhia atõng tở bữn raloaih, máh cũai ca tamúng ki, lứq tở bữn dáng ntróu tẽ anhia atõng. Yuaq santoiq anhia pai tở bữn cõt óc ntróu. ¹⁰ Pũn paloõng cutrúq nãi bữn sa-ũi parnai. Ma dũ parnai ki cõt óc nheq. ¹¹ Ma khân cúq sâng cũai táq ntõng tẽ parnai cúq tở bữn dáng, cũai ca táq ntõng ki nhèng chu cúq samoât cũai cruang canõh. Cóq cúq nhèng chu án samoât cũai cruang canõh tê. ¹² Ngkíq, khân anhia ẽr áiq yoc ẽ bữn ramúh ca Raviei Yiang Sursĩ yõn, cóq anhia chuaq yõn bữn ramúh o hõn tẽ

canõh, đợc anhia têq chuai tộp sa-âm cõt rêng lứq ẽn tẽ ngê Yiang Sursĩ.

13 Cũai aléq ma atõng toâq parnai mpha, cóq án câu sễq Yiang Sursĩ yõn án têq aloõh ngê tẽ parnai ki. 14 Khân cứq câu toâq parnai mpha, ngkíq mút pahõm cứq lứq câu, ma cứq tỡ bữn dáng ntróu tẽ ốc ki. 15 Khân ngkíq, nõq cứq ẽ táq? Cứq táq neq: Cứq câu toâq parnai mpha, cóp cứq câu toâq parnai cứq bữm hỡ. Cóp bo cứq ủaat khễn Yiang Sursĩ, cứq ủaat toâq parnai mpha, cóp cứq ủaat toâq parnai cứq bữm hỡ. 16 Khân anhia câu sa-õn Yiang Sursĩ tàng mút anhia toâq parnai mpha, ki nõq têq cũai ốt ngki pruam câu muoi mút cóp anhia? Lứq alóí tỡ bữn dáng sãntoíq ntróu anhia câu. 17 Khân anhia câu sa-õn Yiang Sursĩ toâq parnai mpha, la mỗ o, ma parnai câu ki tỡ bữn chuai cũai canõh sa-âm pacái lứq ẽn.

18 Cứq sa-õn Yiang Sursĩ, án yõn cứq táq ntõng toâq parnai mpha sa-ũĩ hõn tẽ nheq tữh anhia. 19 Ma bo cứq rôm cóp tộp sa-âm, cứq yoc lứq atõng sõng ốc yõn alóí dáng raloaih, hõn tẽ cứq yoc atõng muoi vian ốc toâq parnai mpha.

20 Sễm ai ơi! Tẽ ramứh táq ntõng toâq parnai mpha, anhia chõĩ tũoiq sãmoat riang sarnóm carnễn tỡ yũah

dáng ntróu. Ma cóq anhia tũoiq sãmoat riang sarnóm carsai. Ma tẽ ngê sãuq, pĩeiq lứq anhia tũoiq sãmoat riang sarnóm carnễn cacót lứq. 21 Tàng tâm saráq Yiang Sursĩ tẽ mbốq noau khoiq chĩc neq:

“Yiang Sursĩ pai neq: ‘Nỡ-ra cứq ón cũai tẽ cruang canõh pợq atõng cũai I-sarel.

Lứq cũai ki atõng toâq parnai mpha tẽ parnai I-sarel.

Ma cũai I-sarel nõng tỡ ẽq tamứng sãntoíq cứq.’”✧

22 Ngkíq, táq ntõng toâq parnai mpha la tếc yõn cũai tỡ yũah sa-âm, tỡ cõn tếc yõn cũai khoiq sa-âm. Ma ramứh atõng tang bỗq Yiang Sursĩ la tếc yõn máh cũai khoiq sa-âm chớ, tỡ cõn yõn máh cũai tỡ yũah sa-âm.

23 Ngkíq, khân nheq tộp sa-âm rôm muoi ntốq, cóp dũ náq alóí táq ntõng toâq parnai mpha, cũai ca tỡ yũah sa-âm, tỡ la cũai khoiq sa-âm ca tỡ nai sãng noau táq ntõng parnai mpha, alóí ẽ pai tộp sa-âm ki la cũai yũh. 24 Ma khân anhia atõng tang bỗq Yiang Sursĩ bo cũai ki mut, lứq alóí dáng mút alóí bữn lỏih, cỗ alóí sãng sãntoíq anhia atõng. Cóp alóí dáng nõ-ra Yiang Sursĩ ẽ rablớh alóí. 25 Ngê sãuq ntróu alóí cutooq tãng mút alóí, lứq alóí tỡ bữn cutooq

noâng. Ma alói sacôh racól sang Yiang Sursĩ, cốp alói pai neq: “Lứq samoât Yiang Sursĩ ốt cốp anhia.”

Táq O Bo Anhia Rôm Sang

²⁶ Khân ngkíq, nỏq ẽ táq? Bo anhia rôm parnoi anhia táq neq: Án ca bữn cansái ủat khên Yiang Sursĩ, án ca bữn ngê án ẽ atõng, án ca atõng máh ramứh Yiang Sursĩ sapáh yõn án, án ca táq ntõng toâq parnai mpha, cốp án ca têq aloõh ngê tẽ parnai mpha ki. Máh ranáq anhia táq, cốp anhia táq yõn tốp sa-âm cõt sa-âm pacái lứq ẽn. ²⁷ Khân bữn máh cũai yoc táq ntõng toâq parnai mpha, yõn bar tở la pái náq sâng táq ntõng ngkíq, ma cốp chũ manoaq. Cốp cốp bữn cũai canõh parlong tẽ santoiq alói pai. ²⁸ Ma khân ỏq cũai parlong, p̄ieiq lứq cũai ca yoc atõng toâq parnai mpha, chõĩ atõng bo noau rôm sang. Ma têq án táq ntõng ống án cốp Yiang Sursĩ. ²⁹ Khân bữn bar pái náq yoc atõng tẽ ngê Yiang Sursĩ, ki yõn alói atõng, ma máh cũai ốt ntỏq ki cốp tutuaiq yõn samoât tẽ ỏc alói atõng p̄ieiq ma tở bữn. ³⁰ Bo alói atõng, khân bữn manoaq ẽn ốt ntỏq ki, ma án bữn muoi ramứh Yiang Sursĩ sapáh yõn án, cốp cũai atõng nhũang ki tangút voai. ³¹ Khân táq ngkíq, đũ náq anhia chũ manoaq, têq atõng tẽ ngê Yiang Sursĩ

yõn đũ náq tâng tốp sa-âm dáng cốp sa-âm pacái lứq ẽn. ³² Cũai ca atõng tẽ ngê Yiang Sursĩ, têq alói ruroh tam alói sâng p̄ieiq. ³³ Yiang Sursĩ tở ẽq hái táq nỏq thõĩ nõi thai, ma án yoc hái táq o parnoi. Máh tốp sa-âm canõh đốq táq machóng ki tê.

³⁴ Bo anhia rôm, máh ayoaq avia cốp ốt rangiac. Chõĩ yõn alói loai ntróu bo anhia rôm. Cốp alói tở têq cõt sôt máh cũai samiang. Tâng parnai Yiang Sursĩ tẽ mbỏq, án khoiq atõng máh ki chơ. ³⁵ Khân bữn ỏc ntróu alói yoc ẽ blóh, cốp alói chu blóh cayac alói pở đống. Tở bữn o ayoaq avia loai bo anhia rôm sang Yiang Sursĩ. ³⁶ Tở bữn p̄ieiq khân anhia chanchóm tốp anhia sa-âm nhũang tẽ tốp canõh, cốp ống tốp anhia toâp dáng parnai Yiang Sursĩ.

³⁷ Khân bữn noau tẽ anhia chanchóm án la cũai dáng atõng tang bỗq Yiang Sursĩ, tở la bữn Raviei Yiang Sursĩ ốt cốp án, cốp cũai ki dáng samoât lứq tê Yiang Sursĩ toâp ón cứq chĩc máh phễp rit nãi. ³⁸ Ma khân án tở bữn tamúng santoiq ki, ki anhia chõĩ rabũl cốp án. ³⁹ Ngkíq sễm ai ơi, cốp anhia ẽr áiq yoc ẽ atõng tang bỗq Yiang Sursĩ, ma anhia chõĩ catáng alói ca yoc atõng parnai mpha. ⁴⁰ Cốp anhia táq đũ ramứh yõn o cốp carsiat.

15

Crît Tamoong Loah Tẽ Cuchĩt

¹ Sẽm ai ơi! Sanua cúq yoc atõng loah parnai o tẽ Yiang Sursĩ ca cúq khoiq atõng anhia. Anhia khoiq ít chơ parnai ki, cốp anhia sa-âm pacái lúq ngê ki. ² Cỗ tẽ parnai o ki Yiang Sursĩ lúq chuai amoong anhia. Ma khân mút anhia tở bữn sabóng o, tở la anhia sa-âm hõiq sâng, cúq tở bữn pai Yiang Sursĩ chuai amoong anhia.

³ Cúq khoiq atõng anhia ngê toâr clũĩ nheq tẽ canõh ca Yiang Sursĩ atõng cúq. Ngê ki la neq: Crît khoiq cuchĩt cỗ tian lôih hái, puai tâng tâm saráq Yiang Sursĩ tẽ mbốq khoiq atõng chơ.

⁴ Noau khoiq tứp Crît, ma catâm tangái pái Yiang Sursĩ chuai amoong loah án puai tâng tâm saráq Yiang Sursĩ tẽ mbốq khoiq atõng. ⁵ Vót án bữn tamoong loah, Phi-er cốp tốp muoi chít la bar náq lúq hữm tở án. ⁶ Vót ki ẽn, bữn clũĩ sỡng culám náq puai ngê án, lúq hữm tở án tê. Cũai tẽ tốp ki bữn án ca khoiq cuchĩt, án ca noâng tamoong toau toâq sanua. Alói noâng tamoong, ki sa-ũĩ hỡn tẽ alói khoiq cuchĩt. ⁷ Vót ki, Yacõ hữm tẽ Yê-su. Cốp ntun ẽn nheq tữh cũai ayũng atĩ Yê-su hữm án tê. ⁸ Chơ ntun thág, cúq ẽn hữm án. Ngkíq cúq cõt samoât carnẽn mbõiq sết ca tở bữn thống. ⁹ Cúq la cũai ayũng

atĩ Yê-su Crît cacót hỡn tẽ cũai canõh. Cúq tở dáng nõq Yiang Sursĩ yõn cúq táq ranáq ki, yuaq cúq khoiq táq túh coat lúq yõn máh tốp sa-âm án. ¹⁰ Ma cúq bữn táq ranáq nãi cỗ Yiang Sursĩ chống ẽ chuai miat cúq. Ma óc án chuai miat ki bữn kia tê, cỗ cúq táq ranáq Yiang Sursĩ cutóng hỡn tẽ cũai ayũng atĩ Yê-su Crît canõh. Tở cõn cúq tẽq táq ranáq ki, ma Yiang Sursĩ toáp chống chuai cúq; yuaq ngkíq, cúq tẽq táq ranáq ki. ¹¹ Khân anhia sa-âm parnai o tẽ Yê-su Crît, ki tở bữn ntróu cúq atõng, tở la cũai ayũng atĩ canõh atõng anhia, yuaq parnai ki la machóng, cốp anhia lúq sa-âm Yê-su Crît tamoong loah tẽ cuchĩt.

Hái Tamoong Loah Tẽ Cuchĩt

¹² Ma khân hếq pai Crît khoiq tamoong loah, nõq bữn cũai tẽ anhia ma pai máh cũai cuchĩt tở tẽq tamoong loah? ¹³ Khân máh cũai cuchĩt ma tở tẽq tamoong loah, ki Crît tở bữn tamoong loah tê. ¹⁴ Cốp khân Crît ma tở bữn tamoong loah, máh ngê hếq khoiq atõng anhia la tở bữn lúq ntróu, cốp anhia sa-âm la tở bữn cõt kia ntróu tê. ¹⁵ Hỡn tẽ ki ẽn, hếq la cũai táq ntõng lauq sâng, yuaq hếq khoiq atõng anhia pai Yiang Sursĩ lúq táq yõn Crît tamoong loah. Ma óc ki tở bữn lúq ntróu, khân cũai

khoiq cuchit ma tờ têq tamoonq loah. ¹⁶ Khân cūai cuchit ma tờ têq tamoonq loah, Crīt lứq tờ bữn tamoonq loah tê. ¹⁷ Cóp khân Crīt ma tờ bữn tamoonq loah, ốc anhia sa-âm ki tờ bữn cõt kia ntróu, cóp anhia noâng chũuq bữm lờih anhia. ¹⁸ Chơ máh cūai sa-âm Crīt cuchit, ngkiq alóí cuchit thánq cóp tờ nai tamoonq loah. ¹⁹ Khân hái sa-âm Crīt, ma ốc ki chuai hái bo hái noâng tamoonq tâng đời nài sâng, ngkiq hái bap hỡn tẻ nheq tửh cūai canốh.

²⁰ Ma lứq samoát Crīt khoiq tamoonq loah chơ. Ngkiq án tamoonq loah nhũang tẻ nheq máh cūai khoiq cuchit, cóp án la tẻc apáh yỏn hái dáng máh cūai cuchit têq tamoonq loah. ²¹ Ốc cuchit toáq pở cutẻq nài la cở tian tẻ manoaq samiang. Ma ốc tamoonq loah toáq la cở nhe tẻ manoaq samiang tê. ²² Yuaq đũ náq cūai cóq cuchit la cở tian Adam. Machóng ki tê, yuaq đũ náq cūai têq tamoonq loah, la cở nhe Crīt. ²³ Ma Crīt tamoonq loah nhũang tẻ cūai canốh. Cóp ntun ẻn, toáq tangái án toáq loah pở cutẻq nài, máh cūai puai ngê án lứq bữn tamoonq loah tê. ²⁴ Vót ki, lứq toáq tangái parsót. Bo ki Crīt cõt sớt đũ ramứh yiang, đũ ramứh sớt, cóp đũ ramứh chóc. Cóp tangái ki,

Crīt chiau loah máh chóc án yỏn Yiang Sursĩ, Mpoaq án. ²⁵ Crīt cóq cõt sớt toau toáq tangái án riap đũ ramứh par-ủal án. Toáq tangái ki, đũ ramứh ốt pụn talang ayũng Crīt. ²⁶ Ốc par-ủal parsót thánq la ốc cuchit. ²⁷ Yiang Sursĩ khoiq pai chơ án ẻ táq yỏn đũ ramứh ốt pụn talang ayũng Crīt. Ma Yiang Sursĩ tờ bữn pai đẻh án ốt pụn Crīt, yuaq Yiang Sursĩ toáq yỏn Crīt bữn cõt sớt. ²⁸ Moám Yiang Sursĩ yỏn đũ ramứh ốt pụn Con án, chơ Con án lứq cõt pụn án. Ngkiq đũ ramứh la Yiang Sursĩ sớt nheq. ²⁹ Khân cūai cuchit ma tờ bữn tamoonq loah, cở nỏq bữn cūai tẻ anhia chanchóm alóí têq roap batẻm tang máh cūai ca khoiq cuchit? Cở nỏq alóí yoc ẻ táq ngkiq, khân máh cūai cuchit ma tờ bữn tamoonq loah? ³⁰ Cóp nỏq hẻq chũuq túh coat cu rangái đỏq atởng cūai tẻ ngê ki, khân cūai cuchit ma tờ bữn tamoonq loah? ³¹ Sẻm ai ơi! Cứq bủi lứq cóp anhia yuaq hái pruam sa-âm Yẻsu Crīt, Ncháu hái. Ngkiq yuaq cứq têq atởng anhia raloaih lứq neq: Cu rangái la samoát riang cứq cuchit. ³² Cứq chũuq sa-ủi ramứh túh coat tâng vil Ê-phẻ-sỏ; ma khân cūai khoiq cuchit tờ bữn tamoonq loah, ntróu la kia yỏn cứq? Khân ngkiq, khaq hái puai cūai ca pai

neq: “Hâi! Hái nguaiq cha palúq, yuaq tở dáng tangái léq hái cuchĩt.”✧

33 Ma anhia chõi sapúl tẽ máh parnai cūai ca ẽ raphếq anhia; khân anhia ratoì cốp cūai táq ranáq sâuq, lúq anhia tốt táq samoât alóì tẽ. 34 Cóp anhia rapĩen loah sarnóm yoc ẽ táq ranáq pĩeiq, cốp tở bữn yoc táq lóih noâng, yuaq bữn cūai tẽ anhia tở yũah dáng raloaih tẽ ngê Yiang Sursĩ. Cúq pai ngkĩq ẽq anhia sâng casiet.

Cūai Khoiq Cuchĩt Ma Tamoong Loah Cõt Roáp Nỏq Ẽn?

35 Cõh lợ bữn cūai ẽ blớh neq: “Nỏq cūai cuchĩt ma tẽq tamoong loah? Cūai ki bữn tở cốp roáp nỏq?”

36 Anhia sacũl lúq! Bo anhia chớh muoi ốc cuplốq tâng cutếq, khân anhia tở bữn cuból ốc ki, án tở tẽq dách. 37 Khân anhia chớh ốc saro tở la ốc canốh, toáq ốc ki dách, roáp án mpha tẽ ốc anhia chớh. 38 Yiang Sursĩ tẽng dũ ốc bữn miar roáp, puai pahõm án yoc ẽ tẽng.

39 Dũ ramúh sâiq la mpha nheq. Sâiq cūai, sâiq chớh, sâiq sĩaq, cốp sâiq charán canốh, dũ ramúh sâiq ki la mpha nheq.

40 Cốp bữn ramúh canốh hỡ ớt tâng paloõng cốp tâng cutếq. Máh ramúh ớt tâng paloõng, bữn poang cốp nêuq o mpha tẽ máh ramúh ớt tâng cutếq. Cốp

máh ramúh ớt tâng cutếq nêuq mpha tẽ máh ramúh ớt tâng paloõng. 41 Bữn poang tẽ moat mandang, tẽ rliang casâi, cốp tẽ mantỏr; dũ ramúh poang ki la nêuq mpha. Cốp dũ ốc mantỏr la nêuq mpha tẽ.

42 Cūai khoiq cuchĩt ma tamoong loah, la machớng ki tẽ. Toáq noau túp tở cūai, tở ki abuoìq nheq. Ma toáq cūai ki tamoong loah, tở án tở nai abuoìq noâng. 43 Tở cūai tâng dõi nâi la ieuq cốp tở bữn o ntrầu. Ma toáq cūai tamoong loah tẽ cuchĩt, tở án la rêng cốp nêuq o lúq. 44 Toáq cūai cuchĩt, bo noau túp, án bữn sac sâiq machớng cūai canốh tẽ. Ma toáq án tamoong loah, tở án cõt mpha tẽ sac sâiq bo án tở yũah cuchĩt. Bo hái tamoong hái bữn tở ariang cūai canốh tẽ, ma toáq hái cuchĩt cốp tamoong loah hái bữn tở mpha ẽn. 45 Tâng tâm saráq Yiang Sursĩ tẽ mbốq, án khoiq atõng neq:

“Bữn manoaq cūai tẽ dâu lúq, ramúh Adam;
Yiang Sursĩ tẽng tở án yõn tamoong.”✧

Ma Yê-su la samoât Adam ca toáq ntun tháq; án bữn chớc tẽq táq yõn cūai bữn tamoong loah. 46 Tẽ dâu lúq Yiang Sursĩ yõn cūai bữn tở đốq ớt tâng dõi nâi. Ma ntun ẽn, Yiang Sursĩ yõn cūai bữn tở mpha ẽn đốq ớt tâng

paloông. ⁴⁷ Án ca tễ dâu lứq, Yiang Sursĩ tềng toâq cutêq. Ma án ca toâq ntun, án toâq tễ paloông. ⁴⁸ Máh cūai tở bữn sa-âm, alóí tũoiq ngê Adam, án ca toâq tễ cutêq. Ma máh cūai sa-âm, alóí tũoiq ngê Yê-su, án ca toâq tễ paloông. ⁴⁹ Sanua nheq tữh hái bữn roâp samoât án ca Yiang Sursĩ tềng tễ cutêq. Ma nỡ-ra, hái bữn roâp samoât án ca toâq tễ paloông.

⁵⁰ Sễm ai ơi! Nâi la ngê cứq yoc anhia dáng: Sac sâiq cớp aham cūai tở têq ốt tâng ntốq Yiang Sursĩ sốt. Ramứh ntrớu ca rúng cớp abuoiq, ki tở têq ốt cớp ramứh tở bữn rúng cớp tở bữn abuoiq.

⁵¹⁻⁵² Sanua cứq yoc atống anhia muoi ốc ca anhia tở yũah dáng: Nheq tữh hái tở bữn cuchĩt, ma cháí lứq, tở toâq muoi carbéh moat, tở hái samblót cõt roâp mpha ễn. Bo ki hái sâng sường noau plóng lavia tâng paloông. Chơ máh cūai khoiq cuchĩt bữn yuor ta-moong loah, cớp alóí tở nai cuchĩt noâng. Cớp nheq tữh hái lứq bữn roâp mpha ễn.

⁵³ Tở rúng cớp abuoiq, cõt tở tở bữn rúng cớp tở bữn abuoiq noâng. Cớp tở đốq cuchĩt, cõt tở tở bữn cuchĩt noâng. ⁵⁴ Ngkíq, khân tở rúng cớp abuoiq ma cõt tở tở bữn rúng cớp tở bữn abuoiq, cớp tở đốq cuchĩt ma

cõt tở tở bữn cuchĩt, ngkíq cõt santruoq máh santoiq tâng tâm saráq Yiang Sursĩ tễ mbốq pai neq:

“Ốc cuchĩt khoiq pút chơ; án tở têq cachĩt noâng cūai.”[☆]

⁵⁵ “Ơ Ốc cuchĩt ơi! Pỡ léq chơ ốc mới riap?

Mới tở têq táq noâng cūai.”[☆]

⁵⁶ Cỗ máh cūai bữn lờih, ngkíq yuaq ốc cuchĩt bữn chóc têq cachĩt alóí. Cớp cūai dáng alóí bữn lờih cỗ bữn phễp rit tễ Yiang Sursĩ.

⁵⁷ Ma sa-ỡn Yiang Sursĩ sa-ữi lứq! Nhơ Yê-su Crít, Ncháu hái, Yiang Sursĩ táq yỗn hái bữn riap ốc cuchĩt, cớp án táq yỗn hái bữn riap ốc lờih hỡ.

⁵⁸ Ngkíq sễm ai ơi, cóq anhia sa-âm samoât samoi. Chõi yỗn ngê canốh radững anhia. Cóq anhia cutóng táq níc ranáq Yiang Sursĩ, yuaq anhia dáng ranáq ntrớu an-hia táq yỗn Yiang Sursĩ la tở bữn ốq kia.

16

Cūai Sa-âm Parốm Práq Chuai Cūai Sa-âm Canốh

¹ Sanua cứq yoc atống an-hia tễ ranáq parốm práq đốq chuai cūai sa-âm ca cadĩt. Cóq anhia táq machống cứq atống máh tốp sa-âm tâng cruang Ca-lati tề. ² Cu

tốn, tâng tangái muoi, dũ náq anhia cóq đốq muoi pún tễ máh ramứh Yiang Sursĩ yỗn anhia bữn tâng

tapoât tangái nhũang. Anhia đợc cớng ki tâng đợc anhia, toau cứq toâq pở anhia. Táq ngkiq anhia tở bữn túh parôm noâng tangái cứq toâq. ³ Từ cứq toâq, cứq ón máh cũai anhia rườ yỗn alói đừng cớng ki pở tốp sa-âm, tâng vil Yaru-salem. Cóp cứq táq choaiq yỗn alói dáng anhia yoc ẽ chuai tốp sa-âm tâng vil alói. ⁴ Khân p̄ieiq cứq p̄oq p̄o ki, alói tềq p̄oq muoi p̄o h cốp cứq.

*Phau-lô Chanchóm Ế
Toâq Sa-óh*

⁵ Cứq chanchóm ẽ p̄oq p̄o cruang Ma-sadôn. Vót cứq p̄oq chu cruang ki, cứq ẽ p̄oq sa-óh anhia hỡ. ⁶ Cứq tở dáng maléq đũn cứq ốt cốp anhia, p̄ieiq nheq casâi sangết cớng bữn. Vót ki, ntốq aléq cứq yoc ẽ p̄oq, tềq anhia chuai cứq p̄oq chu ntốq ki. ⁷ Cứq tở ẽq toâq pở anhia ma ốt mahỏi sâng, chớ p̄oq toâp. Cứq yoc ẽ ốt đũn cốp anhia, khân Yiang Sursĩ yỗn. ⁸ Ma cứq ẽ ốt tâng vil Ê-phê-sô nâi toau toâq tangái noau cha bũi Tangái Susot,* ⁹ yuaq ntốq nâi bữn cứng cũai yoc ẽ tamứng parnai cứq atớng. Cốp bữn tề sa-ũi náq tở ẽq tamứng santoiq cứq.

¹⁰ Khân Ti-muthê toâq sa-óh anhia, ki anhia tabởp tabéh o án, yuaq án táq ranáq Ncháu hái machớng

cứq tề. ¹¹ Chỗi yỗn noau tề anhia ayê ra-ac án cồ án la cũai póng. Ma cóq anhia chuai án p̄oq bán sũan ien khẽ, yỗn án tềq chu loah pở cứq. Cứq ngcuang án chu parnoi cốp máh cũai sa-âm ca ẽ toâq pở nâi.

¹² Sanua cứq yoc atớng tề Ablô. Án la sễm ai hái tề. Sa-ũi trớ chớ cứq yoc án toâq sa-óh anhia, ma án tở ẽq p̄oq yũah. Ma ntun ẽn, khân án tở bữn miaq ntrớu, án lứq toâq sa-óh anhia.

*Patâp Cốp Carbán
Carsũan*

¹³ Cóq anhia nhêng o, sa-âm samoât samoi, cốp bữn mút pahôm clốq. ¹⁴ Đũ ranáq ntrớu anhia táq, cóq anhia manoaq ayooq manoaq.

¹⁵⁻¹⁶ Anhia khoiq dáng chớ tề Sê-phana cốp nheq đợc sũ án. Alói la cũai dâu lứq sa-âm Yê-su Crít tâng cruang Créc. Cốp alói cutóng lứq táq ranáq chuai tốp sa-âm nheq rangứh rahỡ alói. Sễm ai oi! Cứq sễq anhia trĩh cũai ngkiq, cốp trĩh máh cũai táq parnoi cốp alói.

¹⁷ Cứq sâng bũi lứq bữn Sê-phana, Phờ-tu-natu, cốp Achai-cơ toâq sa-óh cứq. Alói toâq chuai cứq la ariang nheq tửh anhia toâq chuai cứq tề. ¹⁸ Cốp alói táq yỗn mút cứq sâng bũi lứq machớng alói khoiq táq yỗn anhia tề. Cóq anhia yám noap lứq cũai táq ngkiq.

* 16:8 16:8 Tangái Susot la sỡng chít tangái ntun Tangái Loỏh.

19 Mách tốp sa-âm tâng cru-ang Asia blóh carhan anhia. Aki-la cóp Barit-sin, cóp máh tốp sa-âm ca rôm tâng đống alóí, nheq tữh alóí carhan anhia tê. Alóí ayooq anhia la cõ anhia sa-âm machóng alóí tê. 20 Dũ náq cũai sa-âm tâng ntốq nâi blóh carhan anhia tê. Sẻq anhia manoaq cubán o chốq manoaq. Ngkíq noau dáng anhia manoaq ayooq manoaq.

21 Santoiq parsốt nâi la atĩ cúq bữm chĩc đốq sa-óh anhia.

22 Cũai aléq ma tở bữn ayooq Ncháu hái, nỡ-ra cũai ki cõt pút. O Ncháu hẻq ơi! Sẻq anhia toâq cháí pỡ cutẻq nâi!

23 Cúq sẻq Yê-su, Ncháu hái, chuai miat anhia.

24 Mút pahỡm cúq sâng ayooq lứq anhia, cõ anhia sa-âm Yê-su Crít machóng cúq tê.

Choaiq Thở Bar Phau-lô Chĩc Yỗn Cũai Tâng Vil Côn-ntô Santoiq Atởng

Phau-lô chĩc choaiq thờ bar nâi cơiq sa-óh tốp sa-âm tâng vil Côn-ntô sám 56 cumo ntun Yê-su canốt. Bo án chĩc choaiq thờ muoi, Phau-lô tở bữn bũi cốp tốp sa-âm tâng vil ki, yuaq alới táq tở pĩeiq, cốp bữn cũai tâng vil ki yoc ẽ chĩl loah Phau-lô.

Tâng thờ bar nâi, Phau-lô sâng bũi loah yuaq tốp alới ca chĩl án tể nhũang dáng loah ranáq alới táq la tở pĩeiq, cốp alới ngin lỏih, chớ cốt ratoi loah cốp Phau-lô. Phau-lô chĩc thờ nâi ẽq tốp sa-âm ốt tâng vil Côn-ntô rachuai con acái Yiang Sursĩ ốt tâng cruang Yudê.

Tâng máh pún parsót, Phau-lô atởng tể án cốt ayững atĩ Yê-su Crĩt la cỗ Yiang Sursĩ toập rườh cốp chớh án. Án pai ngkĩq yuaq bữn cũai tâng vil Côn-ntô tở bữn noap án, cốp alới achỗn tở chóm pai alới bữn chớch lĩ-ralĩ cốp tốp ayững atĩ Yê-su tể.

1 Cựq Phau-lô chĩc choaiq thờ nâi cơiq sa-óh tốp sa-âm Yiang Sursĩ tâng vil Côn-ntô cốp nheq tữh tốp sa-âm tâng cruang Achai. Yiang Sursĩ khoiq rườh cứq yỗn cốt

ayững atĩ Yê-su Crĩt. Bữn đễh Ti-muthê hỡ ốt parnoi cốp cứq. Án la cũai sa-âm Yê-su machóng hái tể. ² Cựq sễq Yiang Sursĩ, Mpoaq hái, cốp Yê-su Crĩt, Ncháu hái, chuai miat anhia, cốp yỗn anhia ốt bán sũan ien khẻ níc.

Phau-lô Sa-ỗn Yiang Sursĩ
³ Hái sa-ỗn lứq Yiang Sursĩ, Mpoaq Yê-su Crĩt, Ncháu hái. Án la Mpoaq ca bữn mút pahỏm ayooq hái. Án la Yiang ca aliam hái. ⁴ Dũ ramứh túh coat hẻq ramỏh, án lứq aliam níc hẻq. Yuaq án aliam hẻq, ki hẻq cốp aliam loah máh cũai canỏh tể toáq alới ramỏh túh coat. ⁵ Khân hẻq ramỏh túh coat cỗ tian hẻq puai ngê Crĩt, ốc Crĩt aliam hẻq la sa-ữi hỡn tể ốc hẻq chĩuq. ⁶ Ngkĩq, khân hẻq ma ramỏh túh coat, hẻq chĩuq túh coat cỗ hẻq yoc ẽ aliam anhia, cốp yoc Yiang Sursĩ chuai amoong anhia. Khân Yiang Sursĩ aliam hẻq, la samoát án aliam anhia tể, cốp án yỗn anhia rơi tanhĩr máh ốc túh coat samoát hẻq đốq ramỏh tể. ⁷ Hẻq bữn ốc nguang tể anhia, la anhia tở bữn táh ngê Yê-su Crĩt, yuaq hẻq dáng samoát lứq, toáq anhia chĩuq túh coat riang hẻq chĩuq, Yiang Sursĩ lứq aliam anhia machóng án aliam hẻq tể.

⁸ Máh sễm ai oi! Hẻq yoc anhia dáng raloaih tể ốc túh coat ca toáq pỏ

hếq, bo hếq ốt tâng cruang Asia. Tuh coat ki luat ngư thâng. Hếq chanchóm tở bữn tamoong noâng. ⁹ Hếq la samoât riang cūai noau khoiq anoat cóq cuchĩt. Ốc ki toâq pở hếq, la dỏq táq yỗn hếq tở bữn ỉt rangúh bữm, ma ỉt ống rangúh Yiang Sursĩ sâng. Yiang Sursĩ la Yiang bữn chóc têq chuai amoong máh cūai khoiq cuchĩt. ¹⁰ Lứq samoât Yiang Sursĩ khoiq chuai amoong hếq tở yỗn hếq cuchĩt, cốp sanua án noâng chuai amoong hếq, cốp hếq ngcuang nờ-ra án chuai amoong hếq sĩa. ¹¹ Ma sếq anhia câu chuai hếq nứng. Ngkíq máh ramúh o ể toâq pở hếq cở nhơ clứng cūai câu yỗn hếq. Chơ máh cūai ki bữn sa-ỡn Yiang Sursĩ cở án chuai hếq.

Phau-lô Bữn Mút Pahôm Sabóng

¹² Hếq sâng bủi lứq tể muoi ốc neq: Mút pahôm hếq dáng samoât lứq, tâng dời tamoong hếq, hếq tở bữn bữn bar mút, ma hếq táq samoât samoi níc chóq anhia cốp chóq máh cūai tâng dời nài. Hếq táq ngkíq, hếq tở bữn ỉt ngê rangoaiq tể dời nài, ma hếq táq ngkíq cở nhơ Yiang Sursĩ chuai miat hếq. ¹³⁻¹⁴ Sanua hếq tở bữn chĩc ốc yarũ yỗn anhia, táq yỗn anhia tở dáng doc cốp tở bữn sapúh. Cốp máh ốc

anhia dáng bĩq tể hếq, ki hếq yoc anhia dáng sa-ũi ể. Ngkíq toâq tangái Yê-su, Ncháu hái, toâq loah pở cutểq nài, hếq sâng tanga pahôm cở nhơ tể anhia, cốp anhia sâng tanga pahôm cở nhơ tể hếq.

Yuaq Nỏq Phau-lô Tở Yũah Píh Loah Pở Vil Côn-ntô

¹⁵ Yuaq ốc ki, cứq chanchóm ể mut sa-óh anhia khoiq bar trỏ chơ, dỏq anhia têq sâng bủi. ¹⁶ Cứq khoiq chanchóm ể sa-óh anhia nhũang voai, bo cứq pờq chu cruang Ma-sadôn. Cốp toâq cứq chu loah tể cruang Ma-sadôn, cứq chanchóm ể mut sa-óh anhia sĩa, dỏq anhia chuai cứq têq pờq chu cruang Yudê ể. ¹⁷ Tở cứq pai ể táq ngkíq, anhia chanchóm cứq saria sarnóm tở? Cốp anhia chanchóm cứq la samoât cūai sâuq ca dỏq pai bar parnai tở? ¹⁸ Machóng anhia têq sa-âm Yiang Sursĩ la p̄ieiq níc, ngkíq anhia têq sa-âm cứq tở bữn pai bar santoiq: 'p̄ieiq' cốp 'tở p̄ieiq'. ¹⁹ Cứq, Si-la,* cốp Ti-muthê khoiq atống anhia tể ngê Yê-su Crĩt la Con Yiang Sursĩ. Tâng Yê-su Crĩt tở bữn bar santoiq: 'p̄ieiq' cốp 'tở p̄ieiq', ma tâng Yê-su Crĩt bữn muoi ốc p̄ieiq sâng. ²⁰ Dũ ốc Yiang Sursĩ khoiq parkhán cốp cūai, la máh ốc p̄ieiq, cở

* 1:19 1:19 Si-la nài noau dỏq Si-lavan hỡ.

nhớ Yê-su Crít. Nhớ tể Yê-su, ngkiq hái têq pai 'Amen', đợq noau khễn Yiang Sursĩ. ²¹ Lứq Yiang Sursĩ tôp táq yỗn hái sa-âm ngê Crít pacái lứq. Án tôp rươh hái đợq táq ranáq án. ²² Cớq Yiang Sursĩ táq tếc hái lứq khong án. Án yỗn Raviei án ốt tâng mút pahôm hái đợq cõt tếc nữ-ra án táq moâm ranáq chuai amoong hái.

²³ Cứq sễq Yiang Sursĩ hữm tâng mút pahôm cứq, cứq pai lauq tở la pai lứq. Cứq tở yũah toâq pở vil Côn-ntô, la yuaq cứq yoc ễ viaq tể anhia bữn ọc ngua cở tian cứq. ²⁴ Tở cởn cứq yoc ễ ễp anhia yỗn sa-âm nneq tở la sa-âm ngkiq, yuaq anhia khoiq sa-âm samoât samoi chơ. Ma hếq yoc ễ chuai anhia yỗn anhia bữn moang ọc bũi sâng.

2

¹ Ngkiq, cứq khoiq chanchóm samoât lứq chơ tở ễq pởq sa-óh noâng anhia, khân cứq toâq ma táq yỗn anhia cõt ngua. ² Khân cứq táq yỗn anhia sâng ngua, ki noau ễn têq táq yỗn cứq cõt bũi? Lứq samoât ống anhia tôp têq táq ngkiq. Ma nữq anhia têq táq ngkiq, khân cứq táq yỗn anhia sâng ngua? ³ Cứq khoiq chĩc chơ ọc ki tâng choaiq thờ yỗn anhia. Bo cứq toâq pở anhia, cứq tở ễq sâng ngua cở tể anhia, yuaq anhia la

cũai ca đợq táq yỗn cứq sâng bũi. Cứq dáng samoât lứq, khân cứq sâng bũi, lứq anhia sâng bũi tê. ⁴ Bo cứq chĩc choaiq thờ ki yỗn anhia, mút cứq sâng ngua cớq coat la-đq toau sarliang moat cứq hoi. Cứq chĩc ngkiq, cứq tở ễq táq yỗn anhia sâng ngua, ma cứq yoc anhia dáng cứq ayooq lứq anhia.

Án Ca Táq Lôih, O Yỗn Anhia Tách Lôih Án

⁵ Khân bữn cũai aléq ma khoiq táq yỗn cũai canỏh sâng ngua, ki án tở bữn táq yỗn ống cứq sâng cõt ngua, ma lứq án táq yỗn cũai tể tốp anhia sâng ngua tê. Cứq tở ễq tểq án luật ngư, ngkiq yuaq cứq tở bữn pai án táq yỗn nheq tữh anhia sâng ngua. ⁶ Pẻq chơ anhia manrap cũai ki. ⁷ Sanua o yỗn anhia tách lôih án cớq aliam án, đợq án tở bữn cõt pẻ pahôm cở tể ọc ngua ki. ⁸ Cứq sễq anhia apáh cũai ki dáng anhia ayooq án. ⁹ Yuaq ngkiq cứq ma chĩc choaiq thờ ki yỗn anhia: cứq yoc ễ tởm mút anhia, anhia lứq trĩh máh ọc cứq atờng ma tở bữn. ¹⁰ Khân anhia tách lôih noau, cứq tách lôih cũai ki tê. Toâq cứq tách lôih án, cứq táq ngkiq yáng moat Crít, yuaq cứq yoc ễ chuai anhia. ¹¹ Cứq yoc ễ táq yỗn yiang Satan tở têq riap noâng hái, yuaq hái khoiq dáng chơ tể ngê án ễ táq.

*Phau-lô Atông Tể Án Ồt
Tâng Vil Trô-at*

12 Tể nhũang ki, bo cứq toâq pở vil Trô-at đởq atông parnai o tể Crít, ngkíq Ncháu hái khoi q pớh rana yỗn cứq têq táq ranáq tâng ntốq ki. 13 Ma mút cứq sâng tở bữn bữi, yuaq cứq tở bữn ramóh Atít, sễm ai hái, pở ki. Ngkíq, moâm cứq cubán máh cũai tâng vil ki, chơ cứq pởq chu cruang Ma-sadôn ễn.

*Hái Têq Riap Cỗ Nhơ Crít
Chuai*

14 Lứq sa-ỡn Yiang Sursĩ! Án yỗn hếq riap níc la cỗ nhơ Crít. Hếq la samoât riang hỡi phuom pláh dũ ntốq, yuaq Yiang Sursĩ yỗn hếq atông dũ náq cũai dáng tể Crít. 15 Hếq cõt samoât trâm ca Crít chớng ễ sang toam Yiang Sursĩ. Hỡi phuom ki táq yỗn dũ náq cũai têq sâng phuom, đễh cũai Yiang Sursĩ chuai amoong, cớp cũai Yiang Sursĩ ễ pupút hỡ. 16 Hỡi ki táq yỗn máh cũai Yiang Sursĩ ễ pupút cõt ariang hỡi cớng bữl, cớp táq yỗn alóí cuchít. Ma yỗn máh cũai Yiang Sursĩ ễ chuai amoong, hỡi ki la riang hỡi phuom, cớp táq yỗn alóí bữn ta-moong. Noau toâp p̄ieiq yỗn táq ranáq nâi? 17 Hếq tở bữn riang cũai canốh ca atông parnai Yiang Sursĩ ma cõt

samoât cũai chếq chớng yoc ễ bữn lời. Ma cỗ Yiang Sursĩ ớn hếq táq ranáq nâi, ngkíq hếq atông samoât samoi lứq yáng moat án, yuaq hếq ồt muoi mút cớp Crít.

3

*Atông Tể Ngê Yê-su Crít
La O Hỡn Tể Puai Phếp Rit
Môi-se*

1 Anhia chanchóm cứq ntôm khễn loah tở cứq bữm tở? Cứq tở bữn túh cớq bữn choai q khễn đởq apáh yỗn anhia, tở la choai q tể anhia đởq apáh yỗn cũai canốh dáng cứq la noau. 2 Anhia toâp la samoât riang choai q khễn ca cứq đởq tâng mút pahồm cứq. Khân noau yoc ễ dáng tể cứq, ki têq noau nhêng tể ranáq anhia táq. 3 Noau dáng raloaih, anhia la samoât riang chửq ca Crít toâp chĩc, ma cứq la cũai đứng asuoi choai q ki. Choai q ki noau tở bữn chĩc toâq đởq mức, ma noau chĩc toâq Raviei Yiang Sursĩ, la Yiang ca tamoong mantái. Cớp noau tở bữn chĩc tâng tamáu,* ma lứq noau chĩc tâng mút pahồm cũai.

4 Cứq têq pai santoi q ki yuaq cứq sa-âm Yiang Sursĩ samoât samoi cỗ nhơ tể Crít. 5 Ma máh ranáq ntrớu cứq chanchóm ễ táq, cứq tở têq táq bữm ranáq ki, ma ớng Yiang Sursĩ toâp yỗn cứq têq táq. 6 Yiang Sursĩ yỗn cứq

* 3:3 3:3 Toâq án pai 'chĩc tâng tamáu', án atông tể phếp rit Yiang Sursĩ yỗn na Môi-se.

têq atông tể ngê tamái án yỗn cứq dáng. Ngê tamái nâi tở bữn ariang phễp rit Mòi-se yỗn. Ma ngê tamái nâi toâq tể Raviei Yiang Sursĩ. Khân hái puai phễp rit Mòi-se yỗn, ki hái lứq cuchĩt, ma khân hái puai ngê tamái ca toâq tể Raviei Yiang Sursĩ, hái lứq bữn ta-moong.

7 Phễp rit Yiang Sursĩ yỗn na Mòi-se tể mbốq, án chĩc đốq tâng tamáu. Bo Yiang Sursĩ yỗn Mòi-se phễp rit ki, Mòi-se hữm ọc poang tể Yiang Sursĩ claq chu ntốq án ốt. Ngkíq máh cũi I-sarel tở riap nhêng chu mieiq Mòi-se, yuaq poang tể mieiq Mòi-se sarbal moat alóí. Ma poang ki ngcuai pút tể mieiq Mòi-se. Khân phễp rit tiaq ca dũng ọc cuchĩt ma noâng bữn chóc ang-ữr, 8 hỡn tể ki ễn ngê tamái tể Raviei Yiang Sursĩ bữn chóc ang-ữr clũí tể ki. 9 Khân ngê ca dũng tột yỗn cũi bữn chóc ang-ữr, ngkíq ngê ki táq yỗn cũi cõt tanoang o yáng moat Yiang Sursĩ lứq bữn chóc ang-ữr clũí tể ki ễn. 10 Khân ngê nhũang bữn ang-ữr, ma toâq ngê ang-ữr clũí tể ki ễn, chơ ngê ca bữn ang-ữr tể nhũang cõt ariang tở bữn ang-ữr noâng. 11 Ngkíq, khân ngê nhũang bữn chóc ang-ữr ma ngcuai pút samoat ọc poang ngcuai pút, ki ngê ntun ca ốt mantái níc lứq bữn chóc ang-ữr hỡn

tể ngê nhũang ễn.

12 Cỗ cứq sa-âm ngkíq, cứq atông ngê ki clốq lứq. 13 Cứq tở bữn táq riang Mòi-se táq tể mbốq; án ít khán cốp pul mieiq án, án tở ểq yỗn cũi I-sarel hữm poang ca ngcuai pút tể mieiq án. 14 Ma máh cũi I-sarel ki bữn mút coang. Cốp toau tangái nâi, toâq alóí doc tể saráq phễp rit tiaq, alóí tở bữn hữm raloaih, samoat riang bữn khán pul chíq moat alóí. Ma ống cũi bữn muoi mút cốp Crĩt sâng têq pút khán ki tể án. 15 Toau tangái nâi, toâq alóí doc tể tâm saráq Mòi-se chĩc, alóí tở bữn sâng raloaih, samoat riang bữn muoi mễng khán pul chíq mút pahõm alóí. 16 Ma toâq cũi aléq pih sa-âm Ncháu, bo ki toâp mút pahõm cũi ki sâng raloaih, samoat riang khán tở bữn pul noâng. 17 Ncháu nâi la Raviei Yiang Sursĩ, cốp cũi aléq bữn Raviei Yiang Sursĩ ốt cốp án, mút pahõm cũi ki sâng ien khẽ níc. 18 Ngkíq nheq tữh hái ca sa-âm Yê-su Crĩt chơ, hái tở bữn noâng riang khán pul mieiq hái. Ma hái la samoat kếng claq ang-ữr lứq tể Ncháu hái. Cốp cỗ Raviei Yiang Sursĩ táq ranáq tâng mút pahõm hái, ngkíq cu rangái mút pahõm hái cõt o achõn, cõt samoat riang mút pahõm Ncháu hái tể.

4

Phau-lô Atông Tể Yê-su

Crît, Ncháu Hái

¹ Cúq bữn táq ranáq nâi cõ Yiang Sursĩ sarũiq táq cúq. Yuaq ngkĩq cúq tở bữn sâng pê pahõm ntróu.

² Cúq tở bữn phéq cũai yõn alóí sa-âm ngê Yiang Sursĩ. Cóp cúq tở bữn atõng mpha ntróu tễ parnai Yiang Sursĩ. Cúq táh nheq máh ranáq clõp cóp ọc casiet. Ma yáng moat Yiang Sursĩ cúq atõng pĩeiq níc. Cúq chanchóm dũ náq cũai lứq pruum cóp cúq tễ máh ọc ki tê.

³ Ma khân noau pai cúq atõng parnai cutooq, cũai pai ngkĩq la cũai tở ẽq tamúng tễ parnai ki. Cóp nỡ-ra Yiang Sursĩ lứq pupút cũai ki. ⁴ Alóí tở ẽq sa-âm, cõ yiang Satan pul chíq mút pahõm alóí. Ngkĩq alóí tở tẽq hữm chóc ang-ữr parnai o tễ Crît, án ca machóng Yiang Sursĩ. ⁵ Cúq tở ẽq anhia puai ngê cúq, ma cúq ẽq anhia puai õng ngê Yê-su Crît, Ncháu hái, sâng. Cúq la cũai táq ranáq yõn anhia cõ cúq ayooq Yê-su. ⁶ Yiang Sursĩ khoiq pai chơ neq: “Cóq bữn ọc poang claq tâng ntóq canám.” Án toáp táq tâng mút pahõm cúq yõn tẽq cúq dáng chóc ang-ữr tễ Yiang Sursĩ ca án apáh na Crît yõn hái hữm.

Phau-lô Sacâm Tễ Adéh Cutêq

⁷ Hếq la samoât riang adéh cutêq miat. Hếq bữn ngê o

tễ Yiang Sursĩ la samoât án đõq crong ngoaih tâng adéh cutêq ki. Án táq ngkĩq yõn dũ náq cũai tẽq dáng máh ranáq o hếq tẽq táq la toáp tễ Yiang Sursĩ, tở cõn toáp tễ hếq. ⁸ Sa-ữi trở chơ noau sarlũm hếq, ma alóí tở dáng bữn. Sa-ữi trở chơ hếq sâng dót sarnóm, ma hếq tở bữn pê pahõm. ⁹ Sa-ữi trở noau táq cóp ẽ cachĩt hếq, ma Yiang Sursĩ tở bữn táh hếq. Cóp sa-ữi trở noau srúm hếq tâng cutêq, ma Yiang Sursĩ tở yõn alóí cachĩt hếq. ¹⁰ Dũ trở hếq põq táq ranáq Yiang, ki hếq mán cuchĩt machóng Yê-su tê. Nâi la tếc yõn dũ náq cũai tẽq dáng Yê-su lứq tamoong cóp án chuai hếq hỡ. ¹¹ Tâng dõĩ tamoong hếq, noau chiau níc hếq yõn noau cachĩt, cõ tian hếq táq ranáq Yê-su. Nâi la tếc Yê-su lứq tamoong tâng tở hếq. ¹² Ngkĩq hếq chũuq níc noau ẽ cachĩt hếq, đõq anhia bữn tamoong níc.

¹³ Tâng tâm saráq Yiang Sursĩ tễ mbỏq noau khoiq chĩc neq:

“Cúq khoiq sa-âm;
yuaq ngkĩq cúq
atõng.”^{*}

Hếq sa-âm machóng cũai ki tê. Ngkĩq yuaq hếq atõng. ¹⁴ Hếq dáng án ca khoiq yõn Yê-su, Ncháu hái, tamoong loah tễ cuchĩt, án lứq yõn hếq tamoong loah parnơĩ cóp Yê-su tê, cóp án yõn

nheq từh hái ốt parnơi yáng moat án. ¹⁵ Dũ ramứh nâi toâq cô án yoc ẽ chuai anhia. Cóp khân Yiang Sursĩ chuai miat cứng cũai, ki alóí câu sa-õn Yiang Sursĩ cóp khễn chóc ang-ữr án sa-ũĩ lứq ẽn.

¹⁶ Ngkíq hếq tở bữn sâng pê pahõm ntróu. Tở hếq ntôm ẽ cõt rúng, ma mút pahõm hếq ntôm tamoong loah cu rangái. ¹⁷ Ốc túh coat hếq chiuq tâng dõĩ nâi la padam sâng cóp mahõĩ sâng. Cóp ốc túh coat nâi táq yõn hếq bữn chóc ang-ữr tâng dõĩ ntun ca tở nâi pút. ¹⁸ Hái tở bữn nhêng chu ramứh tâng dõĩ nâi ariang moat hái đốq hữm, ma hái nhêng níc chu ramứh tâng dõĩ ntun ca moat hái tở yũah hữm. Ramứh hái hữm sanua, ki ốt mahõĩ sâng, ma máh ramứh hái tở yũah hữm, ki ốt mantái níc.

5

Ntốq Ốt Tâng Paloõng

¹ Tở hái la samoat riang đống aroaiq hái ốt dõĩ tâng dõĩ nâi. Ma hái dáng toâq đống nâi anhõh cóp rúng, hái bữn đống tamái tâng paloõng. Đống ki ốt mantái níc, yuaq Yiang Sursĩ toâp táq đống ki, tở cõn atĩ cũai táq. ² Ma sanua hái noâng cuclõiq cucling yoc ẽ bữn tở tamái ốt tâng paloõng, la samoat riang hái ẽ sóp tampác tamái. ³ Yuaq toâq hái bữn tở tamái, ki raviei

hái tở bữn ốq tở ốt tâng paloõng. ⁴ Sanua hái ốt cuclõiq níc tâng dõĩ nâi yuaq hái sâng tở ẽq ẽ táh tở nâi, ma hái ẽr áiq yoc ẽ bữn tở tamái tâng dõĩ ntun. Ốc ki la samoat riang ốc tamoong mantái clũom nheq ốc tamoong tâng dõĩ nâi. ⁵ Yiang Sursĩ khoiq thữan ngkíq yõn hái. Án khoiq yõn hái bữn Raviei án đốq cõt tếc án lứq táq moâm máh ốc án khoiq ứq.

⁶ Ngkíq hái sa-âm samoat lứq, cóp hái dáng bo tở hái noâng tamoong tâng dõĩ nâi, hái ốt yong tở ntốq Ncháu ốt. ⁷ Hái tamoong la cõ nhơ tở hái sa-âm, tở cõn cõ nhơ tở máh ramứh hái hữm. ⁸ Hái sa-âm samoat lứq, cóp hái chanchóm o hõn hái cuchĩt, chơ ốt parnơi cóp Ncháu hái. ⁹ Ma hõn tở ốc ki ẽn, hái yoc ẽ táq yõn Ncháu hái sâng bũĩ pahõm cóp hái, tở bữn ntróu hái ốt tâng dõĩ nâi tở la tở bữn ốt. ¹⁰ Toâq tangái Crĩt rablõh nheq từh cũai, dũ náq hái lứq ốt tayúng yáng moat án; chơ hái bữn roap cóng puai loah ranáq hái khoiq táq bo hái noâng tamoong, ranáq o tở la ranáq sâuq.

Hái Ốt Ratoi Loah Cóp Yiang Sursĩ Cõ Nhơ Crĩt

¹¹ Hếq dáng ngcõh Yiang Sursĩ chơ. Ngkíq yuaq hếq atõng cũai canõh yõn sa-âm án tở. Yiang Sursĩ khoiq dáng dũ ramứh tâng mút

pahôm hếq. Cóp hếq yoc anhia dáng tê máh ramúh tâng mút pahôm hếq. ¹² Hếq pai ngkíq, hếq tở ẽq anhia chanchóm hếq khễn tở bữm. Ma hếq yoc anhia bữn ốc o atông tể hếq. Ngkíq anhia tềq ta-õi suon máh cūai yoc ẽ ốt tể ranáq alóí táq. Alóí táq o yáng moat cūai ẽq yỗn cūai hữm, ma mút pahôm alóí tở bữn o ntróu. ¹³ Bữn máh cūai yoc ẽ pai hếq la cūai yúh. Khân hếq yúh, la cữuq hếq táq ranáq Yiang Sursĩ. Cóp khân hếq tở bữn yúh, hếq yoc ẽ chuai anhia. ¹⁴ Ốc ayooq tể Crít ndõm níc hếq. Ngkíq hếq chanchóm neq: Khân bữn manoaq cuchít tang dũ náq cūai, ốc ki la samoat riang dũ náq cūai ki cuchít tể. ¹⁵ Án khoi q cuchít tang dũ náq cūai, đốq alóí ca noâng tamoong tở bữn puai noâng rangúh alóí bữm, ma puai rangúh án ca cuchít tang yỗn alóí cóp khoi q tamoong loah.

¹⁶ Ngkíq tể tangái nâi toau toâq tangái ntun, hếq tở bữn chanchóm noâng tể cūai canõh, tam alóí o tở la tở bữn o puai ngê cūai đốq chanchóm. Bo nhũang hếq chanchóm tê máh ki tể Crít, ma sanua hếq tở bữn chanchóm noâng ngkíq. ¹⁷ Ngkíq khân cūai aléq bữn muoi mút cóp Crít, cūai ki lứq cõt tamái loah. Máh ngê tiaq khoi q

pút nheq. Chơ toâq ngê tamái ễn. ¹⁸ Nheq ranáq nâi Yiang Sursĩ táq cõ nhơ tể Crít. Yiang Sursĩ khoi q pruam yỗn hái tềq ratoi loah cóp án, cóp án yỗn hếq atông loah yỗn cūai canõh dáng. ¹⁹ Hếq atông neq: Cõ nhơ Crít, Yiang Sursĩ táq yỗn dũ náq cūai tềq ratoi loah cóp án. Án tở bữn noap noâng máh lôi h alóí. Cóp án yỗn hếq bữn parnai nâi đốq atông loah yỗn cūai canõh dáng tể.

²⁰ Hếq la cūai dững parnai Crít pở anhia. Yiang Sursĩ toâp ón hếq atông tang parnai án. Nhơ tể ramúh Crít, hếq sếq anhia cõt ratoi loah cóp Yiang Sursĩ. ²¹ Yê-su Crít tở bữn lôi h ntróu, ma Yiang Sursĩ khoi q yỗn án chũuq cuchít tang lôi h hái. Cõ hái ốt muoi mút cóp Yê-su, ngkíq hái cõt tanoang o yáng moat Yiang Sursĩ.

6

¹ Hếq la cūai pruam táq ranáq parnoi cóp Yiang Sursĩ. Án khoi q chuai miat anhia. Yuaq ngkíq, hếq sếq anhia chõỉ táh máh ốc án chuai miat anhia. ² Yiang Sursĩ khoi q atông tâng tâm saráq án tể mbốq neq:

“Toâq ngư cứq ẽ chuai miat anhia,
cứq sâng sường mới
câu.
Cóp toâq ngư cứq yoc ẽ
chuai amoong anhia,

cứq lứq chuai.”*
 Lứq samoât, tangái nâi toâp
 Yiang Sursĩ ẽ chuai anhia,
 cớp tangái nâi toâp án lứq
 chuai amoong anhia.

*Máh Cũai Táq Ranáq
 Yiang Sursĩ, Cớq Alóí Tanhĩr
 Ramúh Túh Coat*

³ Hếq tở bữn táq ntróu yỗn
 cũai canỏh tở ẽq sa-âm, tở la
 yỗn alóí tềq tềq máh ranáq
 hếq táq. ⁴ Ma dũ ranáq
 hếq táq, hếq apáh hếq lứq
 táq ranáq Yiang Sursĩ la neq:
 Hếq tanhĩr máh ramúh túh
 coat, túh cadĩt, cớp ốc tởiq
 bap; ⁵ hếq chũuq noau toân,
 noau carál hếq tâng cuaq tũ,
 cớp noau sasrúc ẽq noau táq
 hếq. Hếq táq ranáq lakéh
 lứq; tâng sadâu hếq ốq bếq;
 cớp hếq ốq crong sana cha,
⁶ cớ hếq bữn mút bráh o
 yáng moat Yiang Sursĩ; cớ
 hếq dáng ngê Yê-su Crĩt,
 hếq chũuq noau táq; hếq
 chuai yóu; hếq bữn Ravieĩ
 Yiang Sursĩ ốt cớp hếq; hếq
 ayooq yóu samoât samoi;
⁷ hếq atõng parnai o tẽ Yiang
 Sursĩ; cớp hếq bữn chóc tẽ
 Yiang Sursĩ. Hếq ốt tanoang
 o yáng moat Yiang Sursĩ, nâi
 la samoât riang hếq yõng
 crong choac tâng bar coah
 atĩ. ⁸ Bữn cũai khễn hếq,
 cớp bữn cũai ayê ra-ac hếq.
 Bữn cũai voỏq sâuq tẽ hếq,
 ma bữn cũai pai hếq la cũai
 o. Bữn cũai calauq hếq, ma
 bữn cũai pai hếq atõng p̄ieiq
 lứq. ⁹ Bữn cũai pai hếq la

cũai liaq, ma bữn cũai saccoal
 hếq. Sa-ũĩ trỏ chơ hếq mán
 ẽ cuchĩt, ma noâng hếq bữn
 tamooq. Toâq Yiang Sursĩ
 manrap hếq, ma án tở bữn
 táq yỗn hếq cuchĩt. ¹⁰ Sa-ũĩ
 trỏ chơ hếq sâng túh ngua,
 ma noâng Yiang Sursĩ yỗn
 hếq sâng bũi níc. Hếq cadĩt
 lứq tâng dôi nâi, ma hếq
 chuai yỗn cứng cũai cõt sốc
 bữn. Hếq la samoât riang
 cũai ốq ntróu thág, ma hếq
 bữn dũ ramúh tẽ Yiang Sursĩ
 yỗn hếq.

¹¹ O máh cũai Côn-ntô
 ơi! Hếq khoiq atõng an-
 hia samoât samoi lứq, cớp
 hếq ayooq anhia nheq mút
 pahõm hếq. ¹² Tở cõn hếq
 tở bữn ayooq anhia, ma
 anhia tở bữn ayooq hếq.
¹³ Sanua cứq atõng anhia
 samoât anhia la con acái
 cứq: Hếq yoc anhia táq chóc
 hếq machóng hếq táq chóc
 anhia. Hếq yoc anhia ayooq
 hếq nheq mút pahõm anhia.

*Yê-su Crĩt Cớp Yiang Sa-
 tan*

¹⁴ Anhia chõĩ pruum muoi
 ngê* cớp cũai tở bữn sa-âm
 Yê-su Crĩt. Ngê tanoang o
 tở bữn pruum cớp ngê sâuq.
 Ốc poang tở bữn pruum cớp
 ốc canám. ¹⁵ Crĩt tở bữn
 pruum cớp yiang Satan. Cớp
 cũai sa-âm tở tềq pruum cớp
 cũai tở bữn sa-âm. ¹⁶ Dõng
 sang Yiang Sursĩ mpha tẽ
 rup yiang sâuq. Lứq hái
 toâp la dõng sang Yiang

* 6:14 6:14 Tâng parnai Créc án pai: ‘Chõĩ chõng muoi raluang tở la patu.’

Sursĩ. Yiang Sursĩ khoiq pai neq:

“Cứq lứq ớt nừng alói,
cóp táq pởq cóp alói.
Cứq cõt Yiang Sursĩ alói,
cóp alói cõt cũai proai
cứq.”☆

17 Cóp Yiang Sursĩ khoiq pai neq hữ:

“Cóc anhia loõh cóp ớt miar
tể cũai tở bữn sa-âm
cứq,
cóp chõi satoaq máh
cơng tở bữn bráh
puai rit.

Chơ cứq lứq ngin anhia la
con cứq.☆

18 Cứq cõt Mpoaq anhia,
cóp anhia cõt con sami-
ang con mansẽm cứq.

Ngkíq Yiang Sursĩ Sốt Toâr
Lứq pai.”☆

7

1 Ngkíq yóu ca hếq ayoq
lứq ời! Yuaq hái sâng máh
santoiq par-ữq ki, cóq hái
táq yõn tở cóp mút pahõm
hái cõt bráh nheq tể cu
ramúh sâuq, yõn têq hái táq
moâm dũ ranáq o, cõ hái
yám noap Yiang Sursĩ.

*Phau-lô Sâng Bũi Pahõm
Cõ Tể Cũai Cờ-ntô*

2 Sêq anhia ayoq loah
hếq. Hếq tở bữn táq sâuq
ntróu chók noau. Hếq tở
bữn radũng noau táq sâuq.
Cóp hếq tở bữn lỏp noau.

3 Cứq pai ngkíq la tở cõn cứq
ẽ tểq anhia, yuaq hếq khoiq
atõng anhia chơ hếq ayoq
lứq anhia. Hếq bũi pahõm

cuchĩt tở la tamoong parnõi
cóp anhia. 4 Cứq noap
samoat lứq anhia táq p̄ieiq
níc. Cứq đốq khẽn anhia
yáng moat cũai canõh. Cứq
noâng chiũq túh coat sa-ũĩ
lứq, ma toâq cứq chanchóm
tể anhia, ranáq ki aliam mút
pahõm cứq.

5 Bo hếq toâq pở cruang
Ma-sadôn, hếq tở bữn ớt ien
khẽ ntróu. Pẽn hếq bữn
moang túh coat, cóp noau
yoc ẽ táq hếq. Tâng mút
pahõm, hếq bữn moang ố
ngcõh. 6 Ma Yiang Sursĩ,
án ca aliam máh cũai bữn
ốc ngua, án aliam mút hếq
na yõn Atĩt toâq pở hếq.

7 Tở bữn óng ốc ki sâng,
ma hếq sâng bũi cõ anhia
táq ranáq o chók án. Án
khoiq atõng hếq, pai anhia
yoc lứq ramóh cứq, cóp an-
hia sâng ngua tể ranáq lỏih
anhia khoiq táq chók cứq
tể nhũang; ma sanua anhia
bữn mút pahõm bũi o loah
chók cứq. Yuaq ngkíq cứq
sâng bũi la-õq.

8 Khân choaiq thỡ cứq
khoiq coiq yõn anhia tể
nhũang, ma táq yõn anhia
sâng ngua mahúiq sâng, ki
cứq chanchóm cứq tở bữn
táq lỏih ntróu chĩc choaiq
ki. Ma tở cứq dáng anhia
sâng ngua cõ tian tể choaiq
ki, cứq sâng ngua tể cứq
chĩc ngkíq. 9 Ma sanua cứq
sâng bũi ỡn lứq, tở cõn cứq
ỡn cõ anhia ngua, ma cứq

8 Khân choaiq thỡ cứq
khoiq coiq yõn anhia tể
nhũang, ma táq yõn anhia
sâng ngua mahúiq sâng, ki
cứq chanchóm cứq tở bữn
táq lỏih ntróu chĩc choaiq
ki. Ma tở cứq dáng anhia
sâng ngua cõ tian tể choaiq
ki, cứq sâng ngua tể cứq
chĩc ngkíq. 9 Ma sanua cứq
sâng bũi ỡn lứq, tở cõn cứq
ỡn cõ anhia ngua, ma cứq

õn cõ nhơ ốc ngua ki Yiang Sursĩ táq yõn anhia dáng ngin lôih. Ngkíq cứq tở bữn táq lôih ntrớu chỏq anhia. ¹⁰ Ốc ngua tễ Yiang Sursĩ táq yõn cũai ngin lôih lêq cõt mút tamái ẽn yõn Yiang Sursĩ têq chuai amoong. Háit tở têq pai ốc ngua ki la tở o. Ma khân cũai bữn ốc ngua cõ puai ngê tâng dõih nâi, ốc ki táq yõn cuchĩt. ¹¹ Cỏq anhia chanchỏm tễ máh ốc o ca toạq pở anhia, cõ Yiang Sursĩ yõn anhia bữn ốc ngua tễ nhũang. Sanua anhia yoc lứq trĩh ngê Yiang Sursĩ. Anhia suon loah khân noau pai anhia pruam cớp ranáq sảuq. Anhia yoc ẽ chĩ loah ngê sảuq. Anhia ngcõh Yiang Sursĩ. Anhia yoc lứq ramóh loah cứq. Anhia ẽr áiq yoc ẽ táq ranáq o. Cớp anhia táq o bo anhia manrap cũai táq ranáq sảuq. Anhia táq ngkíq, anhia apáh yõn cũai canõh dáng anhia tở bữn pruam cớp ranáq sảuq.

¹² Cứq chĩ choạiq thờ nhũang ki la tở cõn cõ cũai táq sảuq, tở la cõ cũai chũuq ốc sảuq ki. Ma cứq chĩ choạiq thờ ki ẽq anhia dáng yáng moat Yiang Sursĩ, anhia ayooq lứq hếq. ¹³ Ốc ayooq ki aliam mút pahỏm hếq. Ma hếq sảng bũi lứq ẽn, tở hếq hữm Atĩt sảng bũi, yuaq anhia khoiq táq yõn mút pahỏm án cõt lahõih loah. ¹⁴ Cứq khoiq khẽn anhia chỏq Atĩt, cớp ốc hếq

khẽn ki lứq cõt pĩeiq, ngkíq hếq tở bữn sảng casiet. Hếq atõng pĩeiq ốc níc chỏq anhia, cớp santoiq hếq atõng tễ anhia yõn Atĩt dáng, máh ốc ki cõt pĩeiq tễ. ¹⁵ Ngkíq Atĩt ayooq anhia sa-ũih lứq ẽn tở án sanhữ loah tễ anhia khoiq trĩh parnai án, cớp anhia yám noap lứq án. ¹⁶ Cứq sảng bũi lứq tễ, yuaq cứq sa-âm samoát lứq anhia táq níc ranáq o.

8

Cũai Ma-sadôn Bữn Mút Pahỏm Ayooq Yỏu

¹ Sẻm ai ơi! Cứq yoc anhia dáng tễ ốc Yiang Sursĩ chuai miat máh tốp sa-âm tâng cruang Ma-sadôn. ² Alỏi ki khoiq chũuq tỏiq bap ntâng lứq, cớp alỏi la cũai túh cadĩt lứq, ma alỏi bữn mút pahỏm sảng bũi la-ỏq. Ngkíq mút alỏi sảng yoc lứq ẽ chuai cũai canõh. ³ Cứq atõng samoát lứq tễ alỏi, la alỏi chõng ẽ yõn bữm máh práq alỏi, cớp alỏi yõn clũi tễ alỏi chanchỏm ẽ yõn. ⁴ Alỏi rasẻq níc yoc ẽ bữn tễ pún tễ ranáq chuai práq yõn máh tốp sa-âm tâng vil Yaru-salem. ⁵ Alỏi táq clũi tễ hếq chanchỏm alỏi têq táq. Ma dẫu lứq, alỏi chiau sang tở alỏi yõn Yiang Sursĩ, cớp alỏi pruam muoi mút cớp hếq tễ. Ngkíq alỏi puai rangứh Yiang Sursĩ samoát samỏi. ⁶ Ngkíq hếq ỏn Atĩt pỏq pở anhia yõn

án chuai máh ranáq an-hia táq tẽ nhũang ma tở yũah moâm, la ranáq an-hia parôm práq đõq ẽ chuai yóu. ⁷ Anhia dáng sa-ũi chơ tẽ máh ranáq neq: An-hia sa-âm samoât samõi, an-hia rangoiq lứq atõng cũai canõh, anhia dáng sa-ũi ngê tẽ Yiang Sursĩ, anhia cutóng táq ranáq Yiang Sursĩ, cớp anhia ayooq lứq hếq. Sanua hếq yoc anhia táq palứq ẽn tẽ ranáq chuai yóu.

*Cóq Anhia Táq Moâm
Máh Ranáq Anhia Ẽ Táq*

⁸ Cúq pai ốc ki, la cúq tở bữn ớn anhia táq. Ma cúq yoc atõng anhia dáng bữn cũai canõh rachuai yóu, alóí táq nheq rangũh rahõ. Ngkíq cúq yoc ẽ chim anhia, anhia lứq bữn mút pahõm ayooq, ma tở bữn. ⁹ Yuaq anhia dáng chơ Yê-su Crĩt, Ncháu hái, bữn mút pahõm chuai miat anhia neq: Bo án tở yũah sễng pở cóc cutêq nâi án sốc lứq, ma án chõng táq yõn án cõt cadĩt ẽn yuaq án ẽ chuai anhia. Án cõt cadĩt đõq yõn anhia ẽn têq cõt sốc.

¹⁰ Puai pahõm cúq tẽ ranáq nâi, cúq yoc atõng anhia neq: Tẽ cumo hái anhia khoiq sâng chơ yoc ẽ táq ranáq chuai yóu, cớp anhia tabỏq parôm práq ẽ táq ranáq ki. ¹¹ Ngkíq sanua, cóq anhia táq yõn moâm ranáq ki! Máh léq anhia têq

chuai, ki anhia chuai máh ki. Ariang anhia khoiq sâng yoc ẽ táq tẽ nhũang, sanua cóq anhia cutóng táq yõn moâm. ¹² Khân anhia ma bữn mút pahõm yoc ẽ chuai yóu, ki anhia yõn maléq la têq. Yiang Sursĩ yoc anhia yõn cớng ca anhia bữn, tở cõn cớng ốq la cóq anhia yõn.

¹³ Cúq tở bữn ớn anhia ỉt nheq máh cớng anhia, chơ yõn cũai cadĩt. Khân anhia táq ngkíq, anhia ẽn cõt cadĩt. Cúq yoc ẽ táq yõn đũ náq cũai bữn lĩ-ralĩ. ¹⁴ Sanua anhia bữn sa-ũi. Ngkíq têq anhia chuai cũai ca ốq. Toâq nỡ-ra khân alóí bữn, ma anhia ốq, têq alóí chuai loah yõn anhia tê. Ngkíq manoaq chuai manoaq. ¹⁵ Tâng tâm saráq Yiang Sursĩ tẽ mbỏq án khoiq pai neq:

“Án ca khoiq parôm sa-ũi,
la tở bữn clũi.
Ma án ca parôm bĩq,
la tở bữn ốq.”^{*}

*Phau-lô Ớn Atĩt Cớp Bar
Náq Canõh Pởq Ỉt Práq Tẽ Vil
Côr-ntô*

¹⁶ Cúq sa-õn Yiang Sursĩ, án táq yõn mút pahõm Atĩt yoc lứq ẽ chuai anhia machõng hếq tê. ¹⁷ Án tamừng santoiq hếq ớn án pởq sa-óh anhia, ma hỡn tẽ ki ẽn, án chanchóm bữm yoc ẽ pởq. ¹⁸ Hếq ớn án pởq parnoi cớp manoaq sễm ai

^{*} 8:15 Loõh Tẽ Ê-yip-tô 16:18

canõh đõq atõng parnai o tẽ
Yiang Sursĩ. Tõp sa-âm tâng
dũ ntõq khẽn níc cũai nãi,
cõ án atõng lứq rangoiq.
19 Ma muoi ớc ễn, máh tõp
sa-âm khoiq rươh án, yõn
põq cớp hếq pỡ vil Yaru-
salem, đõq đứng práq hếq
mbõiq parõm. Hếq yoc ẽ táq
moâm ranáq nãi, yõn máh
cũai bữn khẽn Yiang Sursĩ,
cớp yõn alóí dáng hếq bữn
mút pahõm yoc ẽ chuai alóí.

20 Hếq yoc ẽ viaq tẽ cũai
canõh pai hếq ít tâc cha tẽ
práq ki. 21 Tỡ cõn hếq yoc
ẽ táq o ống yáng moat Yiang
Sursĩ sâng, ma hếq yoc ẽ táq
o yáng moat cũai hỡ.

22 Cớp bữn manoaq ễn hếq
ón pỡq parnõi cớp alóí bar
nác. Hếq khoiq chim cũai
nãi sa-ũĩ trõ chơ, ngkíq hếq
dáng án bữn mút pahõm
yoc ẽ chuai yóu. Cớp sanua
án ẽr áiq lứq yoc ẽ chuai,
yuaq án dáng anhia sa-âm
samoat samõi. 23 Atĩt nãi,
án táq ranáq parnõi cớp
cứq ẽ chuai anhia. Ma
bar nác cũai ca pỡq parnõi
cớp án, la cũai ranẽng tẽ
máh tõp sa-âm. Alóí táq
ranáq ẽq noau bữn khẽn
Crĩt. 24 Ngkíq sếq anhia
ayooq alóí pái nác ki. Khãn
anhia táq ngkíq, máh tõp
sa-âm bữn dáng anhia bữn
mút pahõm ayooq alóí, cớp
alóí dáng tê bo hếq khẽn
anhia, hếq pai pĩeiq lứq.

9

Hái Táq Nỏq Đõq Chuai Cũai Sa-âm

1 Cứq tỡ bữn túh chĩc
ntróu ễn yõn anhia tẽ ranáq
ẽ chuai tõp sa-âm canõh,
2 yuaq cứq dáng anhia yoc
lứq rachuai. Ngkíq cứq
đõq khẽn anhia pỡ cũai
tâng cruang Ma-sadôn pai
neq: “Máh cũai tâng vil Côn-
ntô tâng cruang Achai, alóí
khoiq thữan tẽ cumo hái
chơ ẽ chuai tẽ ranáq nãi.”

Ngkíq bữn chứng cũai yoc
ẽ chuai tê, yuaq alóí dáng
tẽ anhia. 3 Ma sanua, cứq
ón alóí pái nác toáq pỡ an-
hia, yoc ẽ dáng anhia khoiq
thữan máh práq anhia ẽ
chuai, ma tỡ yũah. Cứq tỡ
ẽq noau pai cứq khẽn anhia
tỡ pĩeiq. 4 Cõh lơ, khãn
cũai tẽ cruang Ma-sadôn ma
toáq parnõi cớp cứq, ma
hữm anhia tỡ yũah thữan
ntróu tẽ práq nãi, ki cứq
sâng casiet táq, cớp anhia
casiet tê, yuaq cứq khoiq
pai anhia thữan moâm chơ.
5 Ngkíq, cứq chanchóm o
yõn pái nác ki toáq pỡ an-
hia nhũang cứq, đõq alóí
thữan nhũang tẽ máh práq
anhia khoiq ữq ẽ yõn. Tữ
cứq toáq, anhia khoiq táq
moâm chơ, cớp cũai canõh
dáng anhia samoat, anhia
lứq yoc ẽ chuai yóu, tỡ cõn
noau ếp anhia.

6 Cớq anhia sanhữ níc neq:
Án ca choat bĩq saro, ki án
sot bĩq tê. Ma án ca choat

sa-ũi, ki án sot sa-ũi tê. ⁷ Dũ nác cũai cóq chuai yóu puai mút pahôm án sâng yoc. Chỗ ếp án cóq yỗn cũi tể án yoc ẽ yỗn, yuaq Yiang Sursĩ ayooq cũai ca bũi pahôm yoc ẽ yỗn. ⁸ Yiang Sursĩ tềq yỗn anhia bũn hữn tể máh ramứh anhia cóq bũn yỗn tềq tamooq; cóp hữn tể ki ẽn, án yỗn anhia bũn khám dũ ramứh đợq anhia tềq táq máh ranác o anhia yoc ẽ táq. ⁹ Tâm sarác Yiang Sursĩ pai neq:

“Án tampềq crong án yỗn máh cũai cadĩt,
cóp máh ranác tanoang
o án táq,
ranác ki õt mantái
níc.”[☆]

¹⁰ Yiang Sursĩ, yỗn ốc saro đợq cũai choat, cóp án yỗn ốc ki cõt palái đợq cũai bũn cha. Án toáp yỗn anhia bũn ốc saro yỗn anhia dũ choat, cóp án táq yỗn ốc ki cõt palái sa-ũi lứq, đợq anhia tềq táq ranác o. ¹¹ Lứq samoât, Yiang Sursĩ ẽ yỗn anhia bũn sa-ũi, đợq anhia tềq chuai sa-ũi tê. Cóp toáp hếq đũng práq ca anhia ẽ chuai cũai cadĩt, alóit lứq sa-õn Yiang Sursĩ cũi nhơ tể anhia chuai alóit. ¹² Ngkíq bũn bar ramứh o cõt tể ranác anhia chuai yóu. Muoi, la anhia chuai máh cũai cadĩt. Bar, la mút pahôm cũai ki sâng bũi la-õq ẽ sa-õn Yiang Sursĩ. ¹³ Ranác anhia táq ki, cõt tểc yỗn cũai canõh dáng anhia

puai samoât samoi ngê Yê-su Crít, riang anhia khoiq pai chơ. Ngkíq cũai ki khễn Yiang Sursĩ, cóp alóit sâng bũi tê anhia chuai alóit cóp chuai cũai canõh hỡ. ¹⁴ Cóp alóit câu yỗn anhia nheq tể mút pahôm cóp ayooq lứq anhia, cũi Yiang Sursĩ khoiq chuai miat alóit sa-ũi la-õq. ¹⁵ Sa-õn Yiang Sursĩ sa-ũi lứq, yuaq án khoiq chuai miat yỗn cũai bũn ốc o cũi tể hái tềq chanchóm.

10

Phau-lô Atõng Tể Ranác
Án Táq

¹ Cừq la Phau-lô yoc ẽ sếq muoi ốc tể anhia. Bũn cũai pai cừq la cũai clóq lứq bo cừq õt yong tể anhia. Ma từ cừq toáp pỡ anhia, cừq cõt clac ẽn. Cũi Crít bũn mút laviei cóp khũn, cừq tũoiq án tê, cóp cừq yoc ẽ sếq tể anhia neq: ² Từ cừq toáp pỡ anhia, sếq anhia chõi yỗn cừq apáh ốc clóq chóq máh cũai tể tốp anhia ca chanchóm hếq táq ranác puai ngê tâng dõi nãi. ³ Tam hếq õt tâng dõi nãi, ma bo hếq rachíl cóp máh ngê sâuq, hếq tỡ bũn ìt ngê tâng dõi nãi. ⁴ Crong choac hếq yõng la mpha tể crong choac tâng dõi nãi. Yuaq Yiang Sursĩ toáp yỗn crong choac hếq, crong ki rêng lứq, đợq tềq hếq talõh đõn toár lứq toáp na crong choac

ki. Cỗ nhơ crơng choac ki,
⁵ hếq riap talốh máh ngê tở
 bữn pñeiq, cớp dũ ngê noau
 chanchóm toâr hỡn tể ngê
 Yiang Sursĩ. Cớp hếq tềq
 tềh ếp máh mút pahồm cũai
 đốq trĩh ngê Crĩt. ⁶ Toâq an-
 hia trĩh samoât samoi, ngkĩq
 hếq thữan ẽ manrap alói ca
 tở bữn trĩh.

⁷ Anhia đốq nhêng chu
 hếq, ma anhia tở bữn dáng
 tể mút pahồm hếq. Khân
 bữn cũai tể anhia pai anhia
 bữn muoi mút cớp Crĩt, ki
 hếq lứq bữn machống ki
 tề. ⁸ Cỗh lơ anhia chanchóm
 cứq atống luat ngư tể máh
 chốc Ncháu hái yỗn cứq
 bữn. Ma cứq tở bữn sâng
 casiet ntróu toâq cứq pai
 ngkĩq. Ncháu hái khoiq
 yỗn cứq bữn chốc ki đốq
 cứq chuai anhia yỗn sa-âm
 pacái lứq ẽn, tở cữn án yỗn
 cứq chốc đốq talốh anhia.
⁹ Cứq tở ẽq anhia chanchóm
 cứq chĩc choâiq thỡ đốq
 prut anhia yỗn cữt ngcõh.
¹⁰ Yuaq bữn cũai pai cứq
 neq: “Choâiq thỡ tể án atống
 rêng cớp blểng lứq, ma bo
 án ốt parnoi cớp hái, án ieuq
 cớp máh santoiq án pai la tở
 bữn blểng ntróu.”

¹¹ Cũai đốq pai ngkĩq cóq
 dáng tề neq: Santoiq hếq
 chĩc tâng choâiq thỡ bo hếq
 ốt yớng tể anhia la machống
 santoiq hếq atống bo hếq ốt
 parnoi cớp anhia tề.

¹² Hếq tở ẽq tarlĩ cớp máh
 cũai achỗn tở. Alói ngin
 alói la cũai o, ma hếq tở

khón ngin hếq la cũai o.
 Alói puai ngê alói bữm khân
 yoc ẽ dáng aléq la o cớp
 aléq tở bữn o. Alói táq
 ngkĩq la sacũl lứq! ¹³ Hếq
 tở bữn achỗn tở yỗn luat
 tể máh ranáq Yiang Sursĩ
 khoiq ruroh yỗn hếq. Ma hếq
 táq máh ranáq Yiang Sursĩ
 khoiq anoat yỗn hếq táq
 sâng. Cớp án yỗn hếq táq
 ranáq atống anhia. ¹⁴ Ngkĩq,
 cỗ Yiang Sursĩ toâp yỗn hếq
 toâq pỡ anhia, tở cữn hếq
 chống ẽ luat ngư tể ốc án
 anoat bo hếq atống anhia
 parnai o tể Crĩt. ¹⁵ Máh
 ranáq Yiang Sursĩ yỗn cũai
 canốh táq, hếq tở bữn achỗn
 tở pai hếq táq ranáq ki.
 Khân hếq táq ngkĩq, hếq
 táq luat ranáq máh Yiang
 Sursĩ khoiq ruroh yỗn hếq.
 Ma hếq yoc lứq anhia sa-âm
 pacái lứq ẽn, yỗn hếq tềq táq
 ranáq toâr hỡn ẽn tâng tốp
 anhia, samoât Yiang Sursĩ
 chiau yỗn hếq táq. ¹⁶ Moâm
 ki hếq tềq atống parnai
 o tể Yê-su Crĩt tâng cru-
 ang canốh hỡ, yớng tể cru-
 ang anhia. Hếq tở ẽq táq
 ranáq Yiang Sursĩ tâng ntốq
 khoiq bữn noau táq chỡ, hếq
 ngcõh noau pai hếq achỗn
 tở, yuaq hếq táq ranáq ca
 Yiang Sursĩ khoiq chiau yỗn
 cũai canốh táq.

¹⁷ Tâng tâm saráq Yiang
 Sursĩ tể mbốq án khoiq pai
 neq:
 “Khân cũai aléq yoc ẽ
 mangkhẽn,

cóg án mangkhẽn tẽ
ranáq Yiang Sursĩ.”[☆]
18 Yuaq cūai ca khẽn tũ bũm,
ranáq ki la tũ bũn o; ma cūai
ca Ncháu hái khẽn toáp, ốc
ki la lứq o.

11

*Phau-lô Atõng Tẽ Mách
Cūai Ca Atõng Ngê Tũ P̄ieiq*

1 Khãn anhia sâng cừq
atõng samoát cūai sacũl
sanua, cừq s̄ẽq anhia chũuq
tamúng mahõĩ santonq cừq.
2 Cừq ẽr áiq lứq ẽq anhia
ayooq Yiang Sursĩ. Cừq
sacâm anhia la samoát riang
manoaq cumũr tũ nai bẽq
cóp samiang aléq yũah. Cừq
khoiq pruam ẽ yõn anhia cõt
samoát lacuoi yõn manoaq
cayac sâng. Cayac nãi la
Crĩt. 3 Ma cừq cõng ngcõh
noau radũng anhia yõn táh
chíq ngê o tẽ Crĩt, machõng
cusân rangoiq tẽ mbõq thũ
mansẽm Ê-va yõn táq ranáq
lõih. 4 Khãn bũn cūai
toáp p̄r anhia, cóp atõng
tẽ manoaq Yê-su ma mpha
tẽ Yê-su hẽq khoiq atõng
anhia, tũ la bũn Raviei Yiang
Sursĩ mpha tẽ Raviei Yiang
Sursĩ anhia khoiq bũn, tũ la
bũn parnai o tẽ Yiang Sursĩ
mpha tẽ parnai o tẽ Yiang
Sursĩ ca anhia khoiq sa-âm
chơ, ma đốq cháiq lứq anhia
noap ỉt santonq ki! 5 Cừq
chanchóm, cừq tũ bũn p̄e
muoi ramũh ntróu tẽ alóiq ca
atõng ốc tũ p̄ieiq. Anhia

noap alóiq ki la cūai ayũng
atĩ Yê-su Crĩt ca o lứq. 6 Lứq
cừq tũ bũn rien sa-ũĩ đốq tẽq
atõng rangoiq, ma lứq cừq
dáng samoát samõi tẽ ngê
cừq yoc atõng. Anhia khoiq
dáng raloaih chơ ốc ki la lứq
p̄ieiq, cõ anhia khoiq hũm
ranáq cừq táq cóp anhia.

7 Cừq tũ bũn ỉt cõng
ntróu tẽ anhia, bo cừq atõng
anhia parnai o tẽ Yiang
Sursĩ. Cóp cừq asẽng tũ
bũm táq yõn anhia bũn ốc
bõn tẽ Yiang Sursĩ. Cừq táq
ngkíq la lõih tũ? 8 Bo cừq
táq ranáq cóp anhia, bũn
tõp sa-âm canõh chuai cừq
práq casái. Nãi la samoát
riang cừq tuoiq tẽ alóiq, chơ
yõn anhia ẽn. 9 Bo cừq
õt cóp anhia, toáp cừq ốq,
cừq tũ bũn s̄ẽq muoi ramũh
ntróu tẽ anhia, yuaq bũn
cūai sa-âm tẽ cruang Ma-
sadôn toáp chuai cõng yõn
cừq. Bo ki cừq tũ ẽq anhia
tũh táh cóq siem cừq, cóp
nũ-ra la cừq tũ ẽq tẽ. 10 Cõ
nhơ ốc p̄ieiq tẽ Crĩt õt tâng
mút pahõm cừq, cừq atõng
anhia neq: Tũ bũn cūai aléq
tâng cruang Achai ma tẽq
cusũm bõq cừq, tũ yõn cừq
atõng tẽ cừq tũ bũn ỉt muoi
ramũh ntróu tẽ anhia. 11 Cõ
nõq cừq atõng anhia ngkíq?
Cõ cừq tũ bũn ayooq anhia
tũ? Ma Yiang Sursĩ khoiq
dáng chơ cừq ayooq lứq an-
hia. 12 Ma nũ pra la mỗ
cừq tũ bũn ỉt cõng tẽ anhia,

yỗn alóí ca khễn tỗ bữm tỡ
 têq pai noâng alóí táq ranáq
 Yiang Sursĩ lĩ-ralĩ cốp cúq.
 13 Nheq tữh cũai ki tỡ bữn
 lứq ayũng atĩ Crít. Alóí táq
 ntông lauq sâng. Alóí táq
 nan alóí la cũai ayũng atĩ
 Crít. 14 Ma cúq tỡ bữn sâng
 dốt ntróu! Yuaq yiang Satan
 toâp khểuq táq nan án la
 ranễng Yiang Sursĩ ca poang
 lứq. 15 Ngkiq tỡ bữn salễh
 ntróu khân ranễng yiang Sa-
 tan táq nan alóí táq ranáq
 tanoang o. Ma toâp tangái
 parsốt, alóí bữn cóng puai
 loah máh ranáq alóí khoiq
 táq.

*Phau-lô Chũuq Sa-ữi
 Ramúh Túh Coat*

16 Muoi trỗ ễn cúq yoc
 atông anhia neq: Anhia chỗi
 chanchóm cúq la cũai yủh
 toâq cúq atông ngkiq. Ma
 khân anhia chanchóm cúq
 la cũai yủh, cúq sễq an-
 hia tamứng santiago cúq voai
 yỗn têq cúq khễn bĩq tỗ
 cúq bữm tê. 17 Cúq pai ố
 nâi, tỡ cõn Yiang Sursĩ yỗn
 cúq pai, ma cúq pai ngkiq,
 la ariang parnai cũai yủh
 sâng. 18 Khân bữn cứng
 cũai canỗh khễn tỗ alóí bữm
 puai ngê cũai, ki cúq têq
 khễn machóng ki tê. 19 Âu,
 anhia ca rangoiq lứq! Nỗq
 noâng anhia tamứng par-
 nai cũai sacũl? 20 Anhia
 chũuq alóí táq yỗn anhia cõt
 samoât sũl alóí, tỡ la lỏp
 mun anhia, tỡ la ễq anhia
 yám noap alóí, tỡ la lỏc-lár
 anhia. 21 Cúq sâng casiet

táq khân cúq ma táq ranáq
 ngkiq chỏq anhia!

Ma khân bữn noau roi
 khễn tỗ án bữm, ki cúq roi
 khễn ngkiq tê. Sanua cúq
 atông samoât cũai yủh sĩa.
 22 Alóí ki la cũai Hê-brơ, lứq
 tỡ? Cúq la ngkiq tê. Alóí
 ki la cũai I-sarel tỡ? Cúq la
 ngkiq tê. Alóí tễ tống toiq
 A-praham, pĩeiq tỡ? Cúq la
 ngkiq tê. 23 Alóí táq ranáq
 yỗn Crít, lứq tỡ? (Sanua
 cúq atông samoât cũai yủh
 sĩa.) Lứq cúq táq ranáq
 ki hỡn tễ alóí. Cúq khoiq
 chũuq táq ranáq lakẻh lakiei
 sa-ữi hỡn tễ alóí. Cúq khoiq
 ớt tũ sa-ữi trỗ hỡn tễ alóí.
 Cúq khoiq chũuq noau toân
 sa-ữi trỗ hỡn tễ alóí. Cúq
 khoiq mán cuchít sa-ữi trỗ
 hỡn tễ alóí. 24 Sỡng trỗ chơ
 cũai I-sarel proaih cúq bữn
 pái chít takẻh taláp. 25 Pái
 trỗ chơ noau toân cúq toâq
 aluang. Muoi trỗ cúq chũuq
 noau tám tamáu chỏq cúq.
 Pái trỗ chơ cúq ớt tâng tuoc,
 ma tuoc ki cõt rúng dỏp
 chíq tâng đờq. Ngkiq cúq ớt
 tâng cloong đờq bữn muoi
 tangái muoi sadâu. 26 Sa-ữi
 trỗ cúq pỡq tâng rana, cúq
 ramóh croỏq tễ đờq toâr.
 Cúq ramóh croỏq tễ cũai
 rapốn. Cúq ramóh croỏq tễ
 cũai muoi cruang cốp cúq.
 Cúq ramóh croỏq tễ cũai
 miar cruang cốp cúq. Cúq
 ramóh croỏq tâng vủl. Cúq
 ramóh croỏq tâng ntốq aiq.
 Cúq ramóh croỏq tâng đờq
 mut. Cốp cúq ramóh croỏq

tễ cũai táq nan alói la cũai puai ngê Yiang Sursĩ. ²⁷ Cúq khoiq chĩuq túh chĩuq coat, chĩuq sa-ũĩ trỗ ốq bẻq, chĩuq panhieih khlac. Toâq sa-ũĩ trỗ cúq tỡ bữn chi-cha, cốp sa-ũĩ trỗ cúq sâng sangết, ốq tampác. ²⁸ Cốp muoi ốc ẻn, cu rangái cúq chanchóm níc tễ dũ tốp sa-âm, ngcõh alói tỡ bữn puai noâng ngê Yiang Sursĩ samoât samoi. ²⁹ Khân bữn cũai aléq ma tỡ bữn puai ngê Yiang Sursĩ samoât samoi, ki mút cúq yoc ẻ chuai án ki puai samoât samoi. Cốp khân bữn cũai aléq noau radững táq lôih, ki cúq sâng ngua cốp án ca radững.

³⁰ Khân cúq ma cóq khễn tỡ cúq bữm, ki cúq khễn tễ máh ramứh cúq ieuq tuar. ³¹ Lứq Yiang Sursĩ dáng cúq tỡ bữn pai lauq. Yiang Sursĩ nâi la Mpoaq Yê-su Crít, Ncháu hái. O yỗn hái khễn án mantái níc. ³² Bo cúq ốt tâng vil Damac, bữn ayững a-tĩ puo A-rata, án ớn tahan án kĩaq ngoah toong vil ki yoc ẻ cốp cúq. ³³ Ma bữn cũai canõh, alói chuai cúq. Alói chóc tỡ cúq tâng achoiq. Chơ alói a-tĩar asẻng cúq chu cutẻq tễ hỏng viang vil ki. Ngkĩq cúq bữn vót tễ a-tĩ alói ca ẻ cốp cúq.

12

Phau-lô Atởng Tễ Muoi Ramứh Salẻh Án Khoiq Hữm Tễ Nhũang

¹ Khân cúq khễn tỡ cúq bữm, cúq dáng ốc ki tỡ bữn cõt kia ntrứu. Ma cúq yoc ẻ atởng ẻn yỗn anhia dáng tễ ramứh Yiang Sursĩ sapáh yỗn cúq hữm. Cốp cúq yoc ẻ atởng tễ ngê Yiang Sursĩ khoiq atởng yỗn cúq dáng. ²⁻³ Khoiq bữn muoi chít la pỗn cumo chơ tễ cúq chõn chu paloõng. Cúq tỡ bữn dáng tễ la tỡ cúq pỡq, tỡ la ớng raviei cúq pỡq sâng. Ớng Yiang Sursĩ sâng dáng ốc ki. Ma lứq cúq dáng cúq pỡq. ⁴ Ớt tâng paloõng cúq sâng santoiq noau pai, ma cũai tỡ tẻq táq ntởng santoiq ki. Án pai santoiq ki chóc cúq, án tỡ yỗn cúq táq ntởng loah yỗn cũai canõh dáng. ⁵ Tễ ốc ki, cúq tẻq khễn tỡ cúq. Ma cúq tỡ ẻq khễn ngkĩq. Cúq yoc ẻ khễn tễ máh ramứh cúq ieuq sâng. ⁶ Khân cúq yoc ẻ khễn tễ ốc ki, ki cúq tỡ bữn samoât cũai yủh, yuaq ốc ki la lứq pĩeiq. Ma cúq tỡ bữn khễn ngkĩq, yuaq cúq tỡ ẻq cũai chanchóm luat ngư tễ cúq. Cúq ẻq noau tutuaiq ớng tễ ranáq cúq táq cốp parnai cúq atởng sâng.

⁷ Ma Yiang Sursĩ tỡ ẻq yỗn cúq ốt tễ máh ramứh o án khoiq sapáh cúq. Ngkĩq án yỗn cúq chĩuq muoi ramứh a-ĩ. Ramứh a-ĩ kị la samoât pál sarlia tâng tỡ cúq. Cốp ramứh a-ĩ ki la samoât riang ranẻng yiang Satan táq cúq. ⁸ Khoiq bữn pái trỗ chơ cúq

câu sêq tễ Ncháu hái yỗn ramứh a-ĩ ki cõt pút. ⁹ Ma Ncháu hái pai neq chók cừq: “Cừq chuai miat mới; nài la dũ yỗn mới, yuaq bo mới cõt ieuq, ki chóc cừq cõt bán rêng hỡn.”

Ngkíq cừq sâng bũi ỡn lứq atỡng tễ máh ramứh ieuq tuar tễ cừq, yỗn chóc tễ Crít ỡt níc cốp cừq. ¹⁰ Cừq sâng bũi lứq toâq cừq sâng ieuq, tỡ la noau ayê ra-ac cừq, tỡ la cừq chũuq ramứh túh coat, tỡ la noau táq cừq, tỡ la cừq ramóh tởiq bap cỗ cừq táq ranáq Crít, yuaq bo cừq sâng ieuq, bo ki Crít yỗn cừq bán rêng.

Phau-lô Chanchóm Níc Tễ Cũai Côn-ntô

¹¹ Cừq khoiq táq ntỡng samoât riang cũai yúh cỗ anhia táq yỗn cừq táq ntỡng ngkíq. Lứq p̄ieiq la anhia khễn cừq. Cừq la cũai tỡ bũn khlữr ntróu, ma cừq tỡ bũn pê muoi ốc ntróu tễ alóí ca anhia chanchóm táq ranáq ayũng atĩ Yê-su Crít o lứq. ¹² Cừq khoiq táq chơ sa-ũĩ ranáq salễh bo cừq ỡt cốp anhia. Bo cừq táq ngkíq, cừq chũuq sa-ũĩ ramứh túh coat tễ. Ranáq salễh ki táq tếc cừq la ayũng atĩ Yê-su Crít samoât samoi. ¹³ Bũn muoi ngê sâng cừq táq cốp anhia mpha tễ cừq dốq táq cốp máh tốp sa-âm canốh. Ngê ki la neq: Cừq tỡ bũn yỗn anhia túh siem cừq. Cừq sêq lỏih anhia yuaq cừq táq tỡ p̄ieiq ngkíq!

¹⁴ Sanua cừq yoc ễ toâq loah pỡ anhia. Cõt pái trỗ tâng nài cừq toâq pỡ anhia. Ma cừq táq machóng tễ nhũang sĩa. Cừq tỡ bũn yỗn anhia túh siem cừq, yuaq cừq tỡ bũn yoc ễ chuaq mun anhia, ma cừq yoc ễ chuaq mút pahỡm anhia sâng. Lứq samoât, con tỡ bũn siem mpiq mpoaq, ma mpiq mpoaq siem con. ¹⁵ Cốp cừq sâng bũi lứq pút nheq mun cừq cốp nheq rangứh cừq yoc ễ chuai yỗn anhia. Ma toâq cừq ayooq anhia sa-ũĩ hỡn, ki anhia ayooq cừq bĩq ỡn tỡ?

¹⁶ Bũn cũai tễ tốp anhia pai cừq neq: “Lứq hái dáng án ki tỡ bũn ỉt crong ntróu tễ hái. Ma ngcỏh án lộp hái ngê canốh ma hái tỡ bũn dáng.”

¹⁷ Máh cũai cừq ớn toâq pỡ anhia, alóí chuaq u-ĩt crong ca anhia yỗn cừq tỡ? ¹⁸ Cừq khoiq ớn Atĩt cốp manoaq cũai sa-âm canốh toâq pỡ anhia. Anhia hũm Atĩt nài chuaq u-ĩt crong anhia tỡ? Lứq tỡ bũn, yuaq Atĩt cốp cừq, hếq bũn ống muoi ngê sâng cốp hếq táq muoi ranáq sâng.

¹⁹ Cỗh lợ anhia chanchóm khoiq dũn chơ cừq chống ễ lểc loah yáng moat anhia. Lứq tỡ p̄ieiq anhia chanchóm ngkíq! Ma dũ ramứh cừq atỡng, la cừq atỡng yáng moat Yiang Sursĩ, yuaq cừq bũn muoi mút cốp Crít. Máh anhia ca cừq ayooq lứq ời! Dũ ranáq

cứq táq, cứq yoc ẽ chuai anhia yõn sa-âm pacái lứq ẽn. ²⁰ Cứq ngcõh bo cứq toâq pỡ anhia, cứq tỡ bữn sâng bũi cớp anhia, hữm anhia táq ranáq sâuq, cớp anhia tỡ bữn bũi toâq cứq atõng anhia tẽ ranáq ki. Cứq ngcõh anhia táq sa-ữi ranáq sâuq neq: Ralõih, manoaq sa-on tẽ manoaq, chái nsóq, ham cớng sa-ữi, acrieiq asáh noau, voõq tỡ o tẽ noau, yoc ẽ õt, cớp anhia sasrúc cũai canõh. ²¹ Cứq ngcõh bo cứq toâq pỡ anhia, Yiang Sursĩ táq yõn cứq sâng casiet tẽ anhia, chớ cứq ẽ nhiam yuaq sa-ữi náq tẽ anhia khoiq táq ranáq lõih, ma tỡ yũah ngin lõih ki. Ranáq lõih ki la neq: Alóí ham yoc ẽ táq ntõng la sarmũaq, alóí bẻq parnõi ma tỡ bữn lacuoi cayac, cớp alóí táq tanghang lứq.

13

Parnai Atõng Cớp Cubán

¹ Pái trõ tâng nâi chớ cứq toâq sa-óh anhia. Tũ cứq toâq pỡ anhia, hái pruum táq puai tâm saráq Yiang Sursĩ tẽ mbỏq pai neq:

“Khân bữn bar pái náq ma cauq cũai canõh táq lõih,

ki tẽq noau noap ãt parnai alóí.”[☆]

² Bo cứq toâq pỡ anhia trõ bar, cứq khoiq sừoq anhia ca táq lõih. Cớp sanua, cứq õt yõng tẽ anhia, ma cứq yoc ẽ pai sĩa chỏq anhia neq: Bo

lẻq cứq toâq pỡ anhia trõ ntun ẽn, ki anhia tỡ tẽq viaq vót tẽ cứq manrap anhia, cớp manrap dẻh cũai canõh ca táq lõih tẽ. ³ Cứq pai ngkíq yuaq anhia chuaq tẻc yoc ẽ dáng cứq lứq atõng tang Crít ma tỡ bữn. Bo Crít táq ntróu cớp anhia, án tỡ bữn ieuq ntróu, ma án bán rẻng lứq. ⁴ Tỏ án lứq ieuq bo án chũuq cuchít tâng aluang sangcáng, ma sanua án tamoong cõ nhớ chỏc toâr lứq tẽ Yiang Sursĩ. Tỏ hẻq la ieuq machóng tỏ Yê-su tẽ, ma bo hẻq táq ranáq cớp anhia, hẻq tamoong parnõi cớp Yê-su cõ nhớ chỏc tẽ Yiang Sursĩ.

⁵ Cỏq anhia chanchỏm loah, anhia lứq sa-âm ngẻ Yê-su Crít, ma tỡ bữn. Cớp cỏq anhia chim mút anhia bữm. Anhia khoiq dáng chớ Yê-su Crít õt tâng mút pahõm anhia. Khân anhia tỡ bữn dáng ỏc ki, ki anhia tỡ bữn sa-âm samoát samõi. ⁶ Moâm anhia chim ngkíq, cứq chanchỏm anhia lứq dáng hẻq la cũai puai ngẻ Yiang Sursĩ samoát samõi. ⁷ Hẻq câu sẻq tẽ Yiang Sursĩ yõn án chuai anhia chõi táq ranáq sâuq ntróu. Hẻq táq ngkíq, tỡ ẻq noau khẻn hẻq, ma hẻq yoc anhia táq o níc, tỡ bữn ntróu noau khẻn hẻq, tỡ la tỡ bữn khẻn. ⁸ Lứq hẻq tỡ tẽq táq ranáq ntróu đỏq chúl ngẻ pẻiq, ma hẻq tẽq táq o sâng puai ngẻ pẻiq.

[☆] 13:1 13:1 Patập Loah 19:15

⁹ Hếq sâng bũi lứq, khân hếq ieuq ma anhia bán rêng. Cỗ ngkíq hếq câu yỗn anhia pít cốt o loah ariang tể nhũang.

¹⁰ Cứq chĩc choaiq thờ nãi yỗn anhia bo cứq noâng ốt yong tể anhia, yuaq bo léq cứq toâq pỡ anhia cứq tỡ ểq manrap anhia puai chóc Ncháu khoiq yỗn cứq. An yỗn cứq bữn chóc ki đõq chuai anhia sa-âm pacái hỡn ển, tỡ cõn cứq ể talõih anhia.

¹¹ Parnai parsốt cứq atõng anhia la neq: Chu bán nỡ anhia! Cóq anhia pít cốt o loah ariang tể nhũang. Cóq anhia tamứng santoiq cứq sươq anhia. Cóq anhia pruum muoi mút. Cóq anhia manoaq ratoi cốp manoaq. Chơ Yiang Sursĩ lứq ayooq anhia cốp yỗn anhia ốt bán sũan ien khể níc.

¹² Sếq anhia manoaq cubán o chóc manoaq. Ngkíq noau dáng anhia lứq manoaq ayooq manoaq.

¹³ Dũ náq cũai sa-âm, alóih blớh cahan anhia tể.

¹⁴ Cứq sếq Yê-su Crít, Ncháu hái, chuai miat anhia. Cứq sếq Yiang Sursĩ ayooq níc anhia. Cốp cứq sếq Raviei Yiang Sursĩ ốt níc cốp anhia.

**Choaiq Thõ
Phau-lô Chĩc
Yõn Cũai Tâng
Cruang
Ca-lati
Santoiq Atõng**

Phau-lô chĩc choaiq thõ nãi coi q yõn tốp sa-âm tâng cruang Ca-lati sám 50 toaq 58 cumo ntun Yê-su canõt.

Tâng cruang Ca-lati bữn cũai atõng la cóq puai phẽp rit Mõi-se, ki nõq tẽq õt tanoang o yáng moat Yiang Sursĩ. Phau-lô chĩc thõ nãi đõq atõng loah yõn tốp sa-âm õt tâng cruang Ca-lati dáng raloaih, tở bữn tũh cóq táq puai phẽp rit cũai I-sarel, yuaq đũ náq cũai cõt tanoang o yang moat Yiang Sursĩ la cõ alói sa-âm Yê-su. Phau-lô coi q thõ yõn cũai Ca-lati đõq ayõng loah con acái Yiang Sursĩ õt tâng cruang ki dáng loah táq nõq yõn pĩei q.

Phau-lô atõng yõn alói dáng raloaih chóc án la toaq tẽ Yiang Sursĩ toáp. Cóq ranáq án táq la tở cõn tẽ cũai, ma Yiang Sursĩ arô án đõq atõng loah parnai Yiang Sursĩ yõn cũai tở cõn cũai I-sarel. Phau-lô atõng yõn alói dáng cũai cõt tanoang o yáng moat Yiang Sursĩ la nhơ alói sa-âm sâng.

Parsõt tâng choaiq thõ nãi, Phau-lô chĩc yõn alói dáng, tam alói tở bữn tũh

puai noâng phẽp rit cũai I-sarel, ma cóq alói tamoong tâng õt saryóq cóp sa-âm Yê-su Crĩt pacái lứq.

*Phau-lô Chĩc Sa-óh Cũai
Ca-lati*

¹⁻² Cũq la Phau-lô chĩc choaiq thõ nãi coi q sa-óh nehq tốp sa-âm Yê-su tâng cruang Ca-lati. Cũq la cũai ayũng atĩ Yê-su Crĩt, án ca Yiang Sursĩ yõn tamoong loah. Lứq samoat Yê-su Crĩt cóp Yiang Sursĩ, Mpoaq hái, ruroh cũq cóp ớn cũq táq ranáq nãi. Tở cõn tẽ cũai ruroh. Ngkĩq cũq táq choaiq thõ nãi yoc ẽ sa-óh anhia. Cóq nehq tũh cũai sa-âm Yê-su õt ntõq nãi yoc ẽ cahan anhia tẽ.

³ Cũq sẽq Yiang Sursĩ, Mpoaq hái, cóp Yê-su Crĩt, Ncháu hái, chuai miat anhia, cóp yõn anhia õt bán sũan ien khẽ níc. ⁴ Yê-su Crĩt chõng chĩuq cuchĩt cõ tian lòi hái. Cóq án rachuai yõn hái tẽq viaq vót tẽ nehq ranáq tở o tâng dõr sáup nãi. Ngkĩq máh ranáq Yê-su táq la rapĩei q cóp rangũh Yiang Sursĩ, Mpoaq hái, yoc. ⁵ Ngkĩq cóq noau khẽn níc ống Yiang Sursĩ sâng sõt dõr lói cumo. Amen.

*Tở Bữn Ngẽ Canõh Tẽq
Chuai Amoong*

⁶ Cũq dót tẽ, cháit lứq anhia táh chíq Yiang Sursĩ. Lứq Yiang Sursĩ ruroh anhia yõn anhia bữn tamoong níc la nhơ Crĩt chuai miat anhia. Sanua anhia chanchóm ngẽ

canõh ẽn chuai amoong anhia. ⁷ Lứq samoat tở bữn bữn ngê canõh mỗ têq chuai amoong anhia. Ma bữn cũai canõh toâq pở anhia ẽq anhia clóc clu parnai o tễ Yê-su Crít. ⁸ Khân bữn cũai aléq toâq pở anhia, lứq pai dểh tở cúq, dểh ranẽng Yiang Sursĩ tễ paloõng, yoc atõng anhia parnai mpha ẽn tễ parnai o tễ Yê-su Crít máh hếq khoi q atõng anhia tễ nhũang chơ, cúq ẽq Yiang Sursĩ pupap chíq cũai ki. ⁹ Ngkíq cúq atõng loah sĩa santoiq nâi yõn anhia, khân cũai aléq atõng parnai mpha ẽn tễ parnai o tễ Yê-su Crít máh anhia khoi q sa-âm chơ, cúq ẽq Yiang Sursĩ pupút chíq cũai ki.

¹⁰ Cúq pai ngkíq anhia chanchóm cúq ẽq cũai pai cúq la cũai o tở? Tở cõn! Cúq ẽq ống Yiang Sursĩ sâng pai cúq la cũai o. Khân cúq yoc ẽ õt o yáng moat cũai sâng, cúq tở têq táq ranáq Crít.

Yiang Sursĩ Rươh Phau-lô

¹¹ Sễm ai ơi, cúq yoc anhia dáng raloaih lứq, parnai o tễ Yê-su Crít ca cúq atõng anhia, parnai nâi lứq tở cõn tễ ngê cũai. ¹² Parnai nâi cúq tở bữn roap tễ cũai. Ma cúq roap tễ Yê-su Crít sapáh yõn cúq dáng. Tở bữn cũai aléq atõng cúq. ¹³ Anhia khoi q sâng chơ nheq ranáq cúq táq bo cúq puai ngê tởp I-sarel. Tễ nhũang ki

cúq táq túh coat lứq yõn nheq tữh tởp sa-âm Yê-su. Cúq ẽ pupút chíq nheq máh tởp sa-âm Yê-su. ¹⁴ Tâng tangái ki, cúq trĩh nheq phễp rit tởp I-sarel clũi nheq tễ alói ca muoi prôq cớp cúq. Mút pahõm cúq yoc lứq puai phễp rit tởng toiq cúq tễ mbỏq. ¹⁵ Ma Yiang Sursĩ, án chuai miat cúq, cớp án rươh cúq yõn táq ranáq án tễ mpiq tở yũah canõt cúq. Toâq án arô cúq, án sâng bũi pahõm ¹⁶ apáh yõn cúq dáng raloaih Yê-su Crít la lứq Con án. Yiang Sursĩ táq ngkíq yõn cúq têq atõng parnai o tễ Yê-su Crít yõn máh cũai tở cõn cũai I-sarel dáng parnai nâi tê. Ngkíq cúq tở bữn sarhõng máh ngê nâi cớp cũai canõh. ¹⁷ Cớp cúq tở bữn chu sarhõng cớp tởp ayũng atĩ Yê-su Crít tâng vil Yaru-salem, alói táq ranáq nâi nhũang cúq. Ma lứq cúq pỏq pở cruang Arap. Vót ki cúq chu pở vil Damac ẽn.

¹⁸ Nheq pái cumo nõq cúq chu pở vil Yaru-salem, yoc ẽ sa-oh Phi-er. Cúq õt cớp án nheq muoi chít la sỡng tangái. ¹⁹ Ma tởp ayũng atĩ Yê-su Crít canõh, ki cúq ramóh ống Yacở sâng, la a-ẽm Nchậu. ²⁰ Máh ốc cúq chĩc yõn anhia sanua la pĩei q lứq. Khân cúq ma pai lauq, ki Yiang Sursĩ dáng.

²¹ Ntun ki cúq loõh tễ vil Yaru-salem mut tâng cruang Si-ri cớp cruang Si-lasi. ²² Lứq samoat nheq

tổp sa-âm Yê-su tâng cruang Yudê, alói tở yũah hũm roâp cứq. ²³ Ma nheq alói ki sâng noau pai tở cứq neq: "Lứq cũai nâi oiq, táq hái tễ nhũang. Tâng tangái ki án ẽq yõn pút nheq máh ngê tễ Yê-su Crít. Ma sanua án atõng níc yõn cũai canõh dáng ngê nâi."

²⁴ Ngkíq nheq tữh alói ki khẽn Yiang Sursĩ cõ nhơ tễ cứq.

2

Phau-lô Ramóh Cũai Sốt Tốp Sa-âm

¹ Vót muoi chít la põn cumo voai, cứq chõn loah pở vil Yaru-salem. Cóp bar náq ẽn, Ba-naba cóp Atít, alói pởq parnơi cóp cứq tẽ. ² Cứq chu pở vil Yaru-salem yuaq Yiang Sursĩ ón cứq chu. Cứq atõng óng alói ca táq plở tâng tốp sa-âm Yê-su tâng vil Yaru-salem, yõn alói dáng nheq máh ramứh cứq khoiq atõng chơ yõn cũai tở cõn cũai I-sarel. Máh ranáq cứq khoiq táq chơ, cóp máh ranáq cứq táq sanua hữ chuai cũai tở cõn cũai I-sarel, cứq tở ẽq máh ranáq ki tở bữn cõt kia ntróu. ³ Atít ca pởq cóp cứq, án tở cõn cũai I-sarel. Ma alói ca táq plở tâng tốp sa-âm Yê-su, alói tở bữn pai ntróu Atít cóq táq rit cút puai phếp rit I-sarel. ⁴ Ma bữn cũai canõh, alói táq nan sâng mut tâng tốp sa-âm Yê-su. Alói ki yoc Atít táq rit ki. Alói la samoât

cũai sếp-niem tutuaiq yoc ẽ dáng nõq noau tở bữn ẽp tốp puai Yê-su yõn puai p̄ieiq lứq phếp rit I-sarel. Alói ẽq hái táq sũl puai phếp rit alói. ⁵ Machút la hếq tở ẽq trĩh ngê alói, yuaq hếq tở ẽq anhia chanchóm Yê-su chuai amoong óng cũai ca puai phếp rit I-sarel sâng.

⁶ Ma máh cũai táq plở ki, alói tở bữn atõng muoi ốc tamái ntróu mpha tễ cứq khoiq atõng. Lứq samoât alói ki sốt ma tở bữn sốt, la tở bữn ntróu yõn cứq. Yiang Sursĩ tở bữn nhèng yáng tiah sâng. ⁷ Ma lứq cũai táq plở ki dáng samoât chơ, Yiang Sursĩ toâp ón cứq atõng parnai o tễ Yê-su Crít yõn cũai tở cõn cũai I-sarel dáng tẽ, samoât Yiang Sursĩ ón Phi-er atõng tốp I-sarel. ⁸ Lứq samoât Yiang Sursĩ chuai yõn cứq cõt ayũng atĩ án dòq atõng cũai tở cõn cũai I-sarel samoât Yiang Sursĩ chuai Phi-er cõt ayũng atĩ án dòq atõng cũai I-sarel. ⁹ Ramứh alói ca táq plở ki, la Yacõ, Phi-er, cóp Yang. Alói dáng samoât lứq Yiang Sursĩ chuai cứq, cóp alói prua yõn bar náq hếq, cứq cóp Ba-naba, noâng atõng yõn cũai tở cõn cũai I-sarel. Ma sanua alói noâng ốt atõng tốp I-sarel. ¹⁰ Cóp alói patâp yõn hếq bar náq sanhữ chuai níc cũai cadit. Ma ốc ki lứq cứq yoc táq tễ nhũang tẽ.

*Phi-er Táq Tở P̄ieiq Tânq
Vil Anti-ôt*

¹¹ Ma tữ Phi-er toâq pở vil Anti-ôt cứq tayúng yáng moat án, cớq cứq sươq án táq ranáq tở bữn p̄ieiq. ¹² Tể dâu Phi-er chi-cha parnơi cớq cũai tở cởn cũai I-sarel. Ma tữ Yacở cớiq máh cũai án, yỗn alóiq pởq toâq pở vil Anti-ôt, ngkíq Phi-er tở ểq cha noâng cớq cũai tở cởn cũai I-sarel. Án ngcởh tởp I-sarel chanchóm pai án táh chíq phễp rit I-sarel.

¹³ Ngkíq nheq tữh tởp I-sarel ca sa-âm Yê-su tânq vil Anti-ôt, alóiq tũoiq machóng Phi-er tê. Toau dểh Ba-naba, la táq patoat ki tê. Ngkíq nheq tữh alóiq dánh chơ ranáq nâi la lứq tở p̄ieiq. ¹⁴ Tữ cứq hữm alóiq ki tở bữn puai tanoang parnai o tể Yê-su Crít, cứq atống Phi-er yáng moat nheq tữh cũai ki neq: “Mới la cũai I-sarel. Ma cụt mới toáp tở bữn puai phễp rit I-sarel. Nớq tềq mới pasit níc cũai tở cởn cũai I-sarel yỗn alóiq puai nheq phễp rit ki?”

¹⁵ “Lứq samoât hái la cũai I-sarel tể tangái mpiq hái canốt. Ngkíq hái mpha tể cũai tở cởn cũai I-sarel. ¹⁶ Ma hái dánh lứq samoât cũai ca puai nheq phễp rit I-sarel, alóiq tở bữn ốt tanoang o yáng moat Yiang Sursĩ. Cớq alóiq sa-âm ống Yê-su Crít sâng, ki nớq tềq alóiq ốt tanoang o yáng moat Yiang Sursĩ. Hữm Yiang Sursĩ noap hái tanoang o, la cở

hái khoiq sa-âm Yê-su Crít, tở bữn cở hái puai phễp rit I-sarel. Lứq samoât khân cũai puai ống phễp rit I-sarel sâng, Yiang Sursĩ tở bữn noap alóiq ốt tanoang o yáng moat án. ¹⁷ Tữ hái sa-âm Crít ma yoc ể ốt tanoang o yáng moat Yiang Sursĩ, ngkíq hái dánh hái la cũai bữn lóih yáng moat Yiang Sursĩ. Khân santoiq nâi la lứq p̄ieiq, lứq Crít táq yỗn hái cốt lóih tở? Tở cởn! Tở nai ngkíq!”

¹⁸ Ma lứq samoât, khân cứq ể ỉt loah máh ngê cứq khoiq táh tể nhũang chơ, ki cứq cốt lóih lứq. ¹⁹ Bo cứq noâng trỉh phễp rit I-sarel, cứq dánh samoât phễp rit ki tở tềq táq yỗn cứq ốt tanoang o yáng moat Yiang Sursĩ. Ngkíq sanua phễp rit I-sarel tở bữn ndởm noâng cứq. Cớq sanua cứq yoc ể trỉh ống ngê Yiang Sursĩ sâng. ²⁰ Ngkíq, cứq ariang cứq cuchit cớq Crít tâng alu-ang sangcáng tê. Cứq tamoong sanua tở bữn rangứh cứq. Ma cứq tamoong la cở tể rangứh Crít. Hữm cứq noâng tamoong sanua la cở cứq sa-âm Con Yiang Sursĩ. Án khoiq ayooq cứq cớq án chửuq cuchit tang cứq. ²¹ Cứq tở bữn nguai tể Yiang Sursĩ ca chuai miat. Khân cũai puai nheq phễp rit I-sarel ma tềq ốt tanoang o yáng moat Yiang Sursĩ, ki Crít cuchit lỏp miat.

3

Nỏq Táq Yỗn Raviei Yiang Sursĩ Ớt Cóp Anhia?

¹ Cũai Ca-lati ọi! Anhia la cũai sacũl! Noau cãng anáng cayoah anhia, chơ radững anhia pỡq tâng rana tỡ p̄ieiq? Yuaq tễ nhũang anhia dáng samoât chơ tễ Yê-su Crĩt cuchĩt tâng aluang sangcáng. ² Cũq blớh yoc ẽ dáng muoi ramứh sâng tễ anhia. Anhia bữn Raviei Yiang Sursĩ ớt cốp anhia cồ anhia trĩh phễp rit I-sarel, ma cồ anhia sa-âm parnai o tễ Yê-su Crĩt? ³ Nỏq anhia sacũl la-ỡq? Tễ dẫu anhia tềq ớt o cốp Yiang Sursĩ la cồ nhơ Raviei Yiang Sursĩ ớt cốp anhia. Ma sanua nỏq anhia chanchóm anhia tềq ớt o cốp Yiang Sursĩ la cồ anhia táq ranáq puai ngê anhia bữm? ⁴ Anhia khoiq chĩuq sa-ũi ramứh túh coat cồ anhia sa-âm parnai o tễ Yê-su Crĩt. Nheq ramứh túh coat ki cõt kia tỡ bữn? Lứq ramứh ki cõt kia yỗn anhia. ⁵ Ngkĩq cũq ẽ blớh loah anhia neq: Tữ Yiang Sursĩ yỗn anhia bữn Raviei án cốp án táq ranáq salêh yỗn anhia, án táq nheq ranáq nâi cồ anhia puai phễp rit I-sarel ma nỏq? ⁶ Ramứh nâi machóng cốp A-praham tễ mbỏq tề. Cồ án sa-âm ngê Yiang Sursĩ, ki yuaq Yiang Sursĩ noap án la cũai

tanoang o.✱ ⁷ Ngkĩq anhia tềq dáng samoât, la cũai aléq ma sa-âm Yiang Sursĩ, ớng alới ki sâng lứq cõt tống toiq A-praham. ⁸ Yiang Sursĩ yỗn cũai tỡ cõn cũai I-sarel ớt o yáng moat án tề, cồ alới sa-âm nheq ngê án. Lứq samoât tâm saráq Yiang Sursĩ tễ mbỏq pai saccoaiq tễ ramứh ki. Parnai ki atõng tễ A-praham neq:

“Cũq yỗn ớc bốn pỡ nheq tữh cruang,

la cồ tễ mới.”✱

⁹ Ngkĩq, khân cũai aléq ma sa-âm Yiang Sursĩ machóng A-praham, ki alới bữn ớc bốn ariang án tề.

¹⁰ Mách cũai ca chanchóm alới tềq ớt o yáng moat Yiang Sursĩ cồ alới puai phễp rit I-sarel, alới ki tỡ tềq vót tễ Yiang Sursĩ calõih táh. Yuaq tâm saráq Yiang Sursĩ khoiq atõng neq:

“Cũai aléq tỡ bữn trĩh dũ ớc phễp rit noau khoiq chĩc đõq

tâng Tâm Saráq Phễp Rit Yiang Sursĩ,

cũai ki Yiang Sursĩ lứq calõih táh chíq án.”✱

¹¹ Ngkĩq hái khoiq dáng raloaih lứq chơ, tỡ bữn noau ớt tanoang o yáng moat Yiang Sursĩ cồ alới puai phễp rit I-sarel. Ma tâm saráq Yiang Sursĩ atõng neq:

“Cũai cõt tanoang o yáng moat Yiang Sursĩ la cồ alới sa-âm.

✱ 3:6 3:6 Saráq Tễ Dẫu 15:6 ✱ 3:8 3:8 Saráq Tễ Dẫu 12:3; 18:18; 22:18 ✱ 3:10 3:10 Patáp Loah 27:26 ✱ 3:11 3:11 Ha-bacũc 2:4

Cóp cūai ki bữn ta-
moong níc.”☆

12 Ma cūai ca puai phễp rit I-
sarel, alóit táq mpha tễ cūai
sa-âm. Tâm saráq Yiang
Sursĩ atõng neq:

“Cūai aléq ma trĩh dũ ốc tễ
phễp rit I-sarel,
cūai ki lứq bữn tamooong
cỗ nhơ tễ ốc ki.”☆

13 Ma Crĩt chuai hái yõn
racláh tễ phễp rit I-sarel.
Chơ hái bữn vót tễ ốc Yiang
Sursĩ calõih táh hái. Yê-su
rơi thái hái ngkíq, cỗ án bữn
mút pahõm chũuq yõn Yiang
Sursĩ calõih táh chíq án tang
hái. Ngkíq tâm saráq Yiang
Sursĩ atõng tễ ramứh nãi
neq:

“Cūai aléq cuchĩt na
ayõng tâng aluang
sangcáng,
lứq Yiang Sursĩ pupap
cūai ki.”☆

14 Ngkíq sanua neq ốc bốn
Yiang Sursĩ khoiq ữq cóp A-
praham tễ mbỏq chơ, sanua
yõn toâq dếh cūai tỡ cõn
cūai I-sarel hỡ, cỗ neq
ranáq Yê-su Crĩt khoiq táq
chơ. Cóp neq tữh hái tềq
bữn Raviei Yiang Sursĩ cỗ hái
sa-âm Yê-su Crĩt sâng.

*Yiang Sursĩ Ủq Cóp A-
praham*

15 Sễm ai ơi! Cúq yoc
atõng anhia muoi ramứh
parnai sacâm máh cūai cơi
táq. Bữn bar náq, khân
ốc ntróu alóit parkhán, ki

tỡ bữn noau tềq táh muoi
ramứh tễ ốc ki. Cóp tỡ bữn
noau tềq tữm muoi ramứh
ntróu ển tâng ốc ki. 16 Ngkíq
Yiang Sursĩ pruum cóp A-
praham cóp manoaq tễ tống
toiq án. Ma Yiang Sursĩ tỡ
bữn pruum cóp neq tữh
tống toiq A-praham. Án
pruum cóp õng manoaq
sâng tễ tống toiq A-praham;
án nãi la Crĩt.☆ 17 Cúq
atõng anhia neq: Yiang
Sursĩ parkhán cóp A-praham
neq pỗn culám pái chít
cumo tễ nhũang phễp rit I-
sarel tỡ yũah toâq. Ngkíq
phễp rit I-sarel tỡ tềq táh cóp
tỡ tềq pupút chíq ốc Yiang
Sursĩ khoiq parkhán cóp A-
praham. 18 Khân phễp rit I-
sarel ma tềq chuai amoong
hái, lứq samoât ramứh nãi
ariang án pupút chíq neq
ốc Yiang Sursĩ parkhán cóp
A-praham tễ nhũang chơ.

19 Khân ngkíq, ki nỏq
Yiang Sursĩ ma yõn phễp rit
I-sarel? Lứq phễp rit nãi
toâq yõn hái dáng samoât
hái bữn lôih. Ma phễp rit nãi
Yiang Sursĩ yõn toau tangái
Crĩt toâq, án la cūai tễ tống
toiq A-praham ca Yiang Sursĩ
ữq yõn. Yiang Sursĩ yõn
cūai I-sarel bữn phễp rit nãi
na ranẽng Yiang Sursĩ tễ
paloõng cóp na cūai atoâq
parnai.* 20 Ma tữ Yiang Sursĩ
ữq cóp A-praham, lứq tễ bỗq
án toâp ữq, tỡ bữn túh cóq

☆ 3:12 3:12 Lê-vi 18:5 ☆ 3:13 3:13 Patập Loah 21:23 ☆ 3:16 3:16 Saráq Tễ

Dâu 12:7; 13:15; 24:7 * 3:19 3:19 Cūai ‘atoâq parnai’ la Mõi-se.

bữn cũai canõh ma atõng tang án.

Yiang Sursĩ Yõn Phễp Rit Án Kĩaq Hái

²¹ Ngkíq phễp rit I-sarel tở bữn ratoi cớp máh ốc Yiang Sursĩ ữq tễ nhũang tở? Lứq tở bữn ngkíq! Khân phễp rit Yiang Sursĩ yõn ma tềq chuai amoong cũai, ki cũai tềq ốt o yáng moat Yiang Sursĩ cớ nhơ alới trỉh phễp rit ki. ²² Ma tâng tâm saráq Yiang Sursĩ án khoiq atõng chơ, nheq tữh cũai tâng pưn paloõng cutrúq nài ốt pưn chóc ốc lôih. Ma cũai aléq sa-âm Yê-su Crít, cũai ki tềq bữn roap máh ramứh Yiang Sursĩ par-ữq cớ alới sa-âm.

²³ Ma tễ nhũang, bo Crít tở yũah toáq, Yiang Sursĩ khoiq yõn phễp rit án đốq kĩaq níc hái samoát noau kĩaq cũai tũ. Hái ốt níc ngkíq toau toáq tangái Yiang Sursĩ apáh yõn hái tềq sa-âm Crít.

²⁴ Ngkíq phễp rit ki ốt rabán hái toau tangái Crít toáq. Toáq tangái ki hái tềq ốt tanoang o yáng moat Yiang Sursĩ cớ hái sa-âm. ²⁵ Ma tữ hái sa-âm, tở bữn cớq bữn phễp rit ntrứu noàng rabán kĩaq hái.

²⁶ Sanua nheq tữh anhia cõt con acái Yiang Sursĩ cớ anhia sa-âm Yê-su Crít. ²⁷ Nheq tữh anhia khoiq roap batẽm chơ cớ nhơ Crít. Ngkíq anhia cõt samoát anhia sớp đời tamoong Crít. ²⁸ Sanua tở bữn mpha ntrứu cũai I-sarel cớp cũai tở cõn

cũai I-sarel, cũai sũl cớp cũai tở bữn sũl, cũai samiàng cớp cũai mansẽm. Tâng Yê-su Crít nheq tữh cũai cõt lĩ-ralĩ muoi mút muoi pahõm sâng. ²⁹ Khân lứq Crít cõt Ncháu anhia, anhia la riàng tống toiq A-praham tề, cớp anhia bữn nheq ốc Yiang Sursĩ ữq cớp A-praham tễ nhũang tề.

4

¹ Chơ cớq ẽ atõng anhia muoi parnai sacâm ẽn. Bữn manoaq sốc lứq, án bữn mulám con cõt cõt. Khân mpoaq án cuchít, ki con ki ẽn ndõm nheq máh mun mpoaq. Ma bo án noàng carnẽn, noau tở yõn án ndõm yũah mun ki. Án la cõt samoát riàng cũai sũl. ² Bữn cũai kĩaq rabán níc án toau yõn toáq tangái mpoaq án khoiq anoat đốq yõn án tềq ndõm máh mun ki. ³ Hái la samoát carnẽn ki tề. Bo hái tở yũah sa-âm, hái cõt sũl yõn máh ngê tâng đời nài. ⁴ Ma toáq ngư Yiang Sursĩ khoiq anoat đốq, ki án yõn Con án sễng tâng cutẽq nài. Án yõn cũai mansẽm canõt Con án. Cớp Con nài ốt pưn chóc phễp rit I-sarel tề. ⁵ Án thái loah hái tễ phễp rit I-sarel ca hái cõt sũl, đốq hái tềq cõt con Yiang Sursĩ samoát con ramia án tề.

⁶ Yõn anhia dáng raloaih anhia lứq cõt con Yiang Sursĩ, Yiang Sursĩ yõn Raviei án mut tâng mút pahõm

anhia. Ngkíq Raviei Yiang Sursĩ chuai yõn hái khón đõq Yiang Sursĩ la Mpoaq hái. ⁷ Sanua anhia tõ bũn ariang cũai sũl nõang, ma lứq anhia cõt ariang con ramia Yiang Sursĩ chơ. Cỗ anhia lứq cõt con Yiang Sursĩ, ngkíq tẽq anhia chõng mun án tẽ.

Phau-lô Yoc Lứq Cũai Ca-lati Puai Ngê Pẽiq

⁸ Tẽ nhũang anhia tõ yũah dáng ngê Yiang Sursĩ, anhia táq sũl máh ramũh tõ cõn lứq yiang. ⁹ Ma sanua anhia khoiq chuaq ramóh Yiang Sursĩ chơ. Ma pẽiq lứq la Yiang Sursĩ chuaq ramóh anhia. Khân ngkíq, ki nõq anhia yoc ẽ pih táq sũl loah máh ngê tâng dõi nãi? Máh ngê nãi tõ bũn blẽng cốp tõ tẽq chuai anhia. ¹⁰ Anhia nõang noap tangái, casai, cốp cumo tampân. Anhia chanchóm anhia tẽq õt tanoang o cốp Yiang Sursĩ cỗ anhia táq ngkíq. ¹¹ Ma khân anhia chanchóm ngkíq, ki lakéh miat cứq atõng yõn anhia parnai o tẽ Yê-su Crĩt.

¹² Sẽm ai ơi! Cứq sẽq anhia cõt machóng cứq tẽ, yuaq cứq khoiq cõt machóng anhia ca tõ bũn puai phẽp rit I-sarel. Cốp anhia tõ bũn táq lỏih ntróu chỏq cứq. ¹³ Anhia dáng chơ, tẽ dẫu lứq cứq atõng parnai o yõn anhia, la cỗ tẽ chác cứq a-ĩ tacóh. ¹⁴ Ma lứq pai tẽ chác cứq tõ bũn o, ma anhia tõ bũn ayê tõ la

kết savẽ cứq. Ma lứq anhia roap chõm cứq samoat anhia roap chõm ranẽng Yiang Sursĩ tẽ paloõng, tõ la samoat anhia roap chõm Yê-su Crĩt toáp. ¹⁵ Tangái ki anhia bũi lứq cốp cứq. Ma sanua, ntróu ca táq anhia tõ bũn bũi nõang riang tẽ nling? Lứq cứq dáng tangái ki khân rơi anhia culaiq chíq ốc moat anhia chuai yõn cứq, ki lứq anhia culaiq. ¹⁶ Cứq atõng anhia lứq parnai pẽiq, ma nõq sanua anhia cõt par-ũal chíq cốp cứq?

¹⁷ Ma cũai canõh ca atõng parnai tõ bũn pẽiq, alói táq nan ayooq lứq anhia. Alói yoc ẽ cayoah anhia tẽ cứq. Moâm ki alói ẽq anhia ỉt mút pahõm alói. ¹⁸ Khân cũai aléq yoc ẽ atõng parnai lứq samoat yõn anhia, ki o lứq tẽ. Tõ bũn ntróu cứq õt cốp anhia, tõ la tõ bũn õt. ¹⁹ Anhia la samoat con ramia cứq tẽ. Sanua cứq a-ĩ lứq tâng mút cứq, clũi tẽ mansẽm canõt con. Cứq yoc Crĩt cõt sớt tâng mút pahõm anhia. ²⁰ Cốp cứq yoc lứq õt parnoi cốp anhia sanua, đõq khẽ sarhõng cốp anhia. Ma sanua cứq õt yong tẽ anhia, ngkíq cứq sâng dót lứq tõ dáng nõq cứq ẽ táq.

Parnai Sacâm Tẽ Bar Náq Mansẽm

²¹ Cứq yoc ẽ blóh cũai tẽ anhia ca yoc ẽ puai níc phẽp rit I-sarel neq: Anhia

dáng ma tở bữn, phễp rit ki atỡng ramứh ntróu yỗn anhia? ²² Tâng phễp rit ki noau khoiq chĩc atỡng tễ A-praham, án bữn bar lám con samiang, muoi lám tễ lacuoi sũl, muoi lám tễ lacuoi tở bữn sũl. ²³ Lạcuoi sũl, án canốt con samiang ariang noau tề. Ma lacuoi tở bữn sũl, ki án canốt con cồ Yiang Sursĩ khoiq ữq yỗn án bữn con samiang. ²⁴⁻²⁵ Parnai nâi la parnai sacâm tề. Bar nâq mansẽm nâi la samoât bar ngê Yiang Sursĩ parkhán yoc ẽ chuai cũai. Muoi rana ki, la án yỗn phễp rit án yỗn cũai trĩh. Yiang Sursĩ yỗn phễp rit nâi tâng cóh Si-nâi. Cỏh Si-nâi nâi tâng cruang Arap noau đởq cóh Hacar hỡ. Ramứh lacuoi sũl A-praham la Hacar. Ngkĩq Hacar la samoât riang vil Yaru-salem tâng đởi sanua. Cỏp cũai tâng vil Yaru-salem, alới bữn muoi mút samoât Hacar, yoc ẽ puai níc ống phễp rit I-sarel sâng. Ngkĩq alới cõt sũl samoât mpiq alới tề. ²⁶ Ma hái ca bữn muoi mút yoc ẽ puai ngê Yê-su Crĩt, riang vil Yaru-salem tamái tâng paloống la samoât mpiq hái. Mpiq nâi tở cởn cũai sũl. ²⁷ Tâng tâm saráq Yiang Sursĩ tễ mbỏq noau khoiq atỡng tễ ramứh nâi neq:

“O mansẽm cũt ời! Mới chỏi

ngua ntróu.

Mới ca tở coi ramóh a-ĩ khuop cumo, cóq mới ỡn apũol;

yuaq mansẽm cayac táh, ki bữn con sa-ữi hỡn tễ mansẽm cayac tở nai táh.”^{*}

²⁸ Sanua sễm ai ời, an-hia cõt con ca Yiang Sursĩ par-ữq, ỡn I-sac. ²⁹ Tâng tangái ki tễ mbỏq, con samiang ca canốt ariang noau tề, con ki táq túh coat níc con samiang ca canốt na Ravieĩ Yiang Sursĩ. Cỏp đởi sanua la machóng ki tề. ³⁰ Ma ntróu tâm saráq Yiang Sursĩ tễ mbỏq atỡng tễ ramứh nâi? Án atỡng neq:

“Tuih chíq lacuoi sũl cỏp con samiang án.

Lứq samoât, con tễ cũai sũl tở tềq rachóng mun mpoaq

parnói cỏp con tễ lacuoi tở hữn sũl.”^{*}

³¹ Ngkĩq sễm ai ời, hái tở bữn con cũai sũl, ma hái la con cũai tở bữn sũl.*

5

Chỏi Yỗn Phễp Rit Canỏh Chỏq Loah Anhia

¹ Crĩt khoiq acláh hái tễ túh coat puai phễp rit. Cồ Crĩt khoiq acláh, ngkĩq an-hia nhêng yỗn o mút pahỡm anhia chỏi táq sũl loah phễp rit ki.

² Cứq la Phau-lô atỡng yỗn anhia dáng samoât, khân

^{*} 4:27 4:27 Ê-sai 54:1 ^{*} 4:30 4:30 Saráq Tễ Dâu 21:10 * 4:31 4:31 Phau-lô pai ngkĩq, án ẽ pai neq: ‘Hái tở bữn ỡt tanoang o cỏp Yiang Sursĩ cồ hái tềq phễp rit. Ma lứq hái ỡt tanoang o cỏp Yiang Sursĩ cồ hái sa-âm sâng.’

anhia táq rit cút puai phếp rit I-sarel, ki Crít tở bữn cõt kia ntróu yỗn anhia. ³ Cúq yoc atõng loah yỗn anhia dáng samoât lứq ẽn. Cũai aléq ca táq rit cút, cóq cũai ki trĩh nheq máh ọc canõh tẽ phếp rit I-sarel hỡ.

⁴ Khân bữn noau tẽ anhia chanchóm yoc ẽ ốt tanoang o yáng moat Yiang Sursĩ cõ anhia trĩh phếp rit I-sarel sâng, lứq samoât anhia leh bữm tẽ Crít. Ngkíq anhia cõt pút chíq máh ngê Yiang Sursĩ yoc ẽ chuai miat anhia. ⁵ Ma hái, hái ngcuang ốt tanoang o yáng moat Yiang Sursĩ cõ hái sa-âm. Cóp hái sa-âm cõ nhơ Raviei Yiang Sursĩ chuai hái. ⁶ Tữ Yê-su Crít chuai amoong hái, tở bữn ntróu hái táq rit cút, tở la tở bữn. Ngê toâr clũi nheq tẽ canõh la hái sa-âm. Ngkíq cõ hái sa-âm, yuaq hái bữn mút pahõm ayooq.

⁷ Cúq hữm bo nhũang anhia puai ngê Yê-su Crít lứq samoât. Ma sanua cúq dót lứq, tở dáng noau catáng chíq tở yỗn anhia puai noâng ngê p̄ieiq tẽ Yiang Sursĩ. ⁸ Lứq samoât, Yiang Sursĩ tở bữn catáng anhia. Ân toáp arô yỗn anhia sa-âm. ⁹ Bữn cũai pai neq: “Bĩq lứq cớng pluoih táq yỗn nheq bẽng mi cõt pluoih.”*

¹⁰ Ma lứq cúq dáng la

Ncháu chuai nứng anhia yỗn anhia tở bữn puai ngê canõh. Ma máh cũai ca táq yỗn anhia dót sarnóm, cóq alóí chiũq tột bữm tẽ Yiang Sursĩ. ¹¹ Sẽm ai ơi, bữn noau cauq cúq pai cúq atõng nheq tữh cũai cóq táq rit cút khân yoc ẽ ốt o yáng moat Yiang Sursĩ. Khân cúq ma pai ngkíq, ki cũai I-sarel tở bữn ẽ táq cúq, cóp alóí tở bữn sâng ũan ntróu cúq atõng tẽ aluang sangcáng Yê-su Crít. ¹² Ngkíq máh cũai ca atõng anhia cóq táq rit cút, cúq ẽq alóí lát bữm!

¹³ Sẽm ai ơi! Anhia khoiq cõt racláh chơ. Ma anhia chõĩ ít rangứh anhia bữm; chơ táq puai sac sâiq yoc. O hỡn anhia manoaq ayooq manoaq, manoaq chuai manoaq. ¹⁴ Nheq phếp rit Yiang Sursĩ cõt rap̄ieiq nheq tâng muoi ọc patáp neq: Cóq anhia ayooq yóu machóng anhia ayooq tở anhia bữm.* ¹⁵ Ma khân anhia manoaq táq manoaq samoât charán racáp ratuaq, ngkíq cóq anhia nhêng o, cõh lơ cháĩ lứq tốp anhia cõt rúng nheq.

Bar Ngê Cũai Têq Puai

¹⁶ Ngkíq cúq ớn anhia neq: Cóq anhia puai ống ngê Raviei Yiang Sursĩ sâng. Táq ngkíq anhia tở bữn ít rangứh anhia bữm. ¹⁷ Rangứh anhia ẽ bữn la mpha tẽ Raviei Yiang Sursĩ yoc. Cóp rangứh

* 5:9 5:9 Phau-lô sacâm neq: Khân bữn manoaq tở bữn o tâng tốp anhia, nỡ-ra án yỗn nheq tữh anhia tót cõt tở bữn o tẽ. ✱ 5:14 5:14 Lê-vi 19:18

Raviei Yiang Sursĩ ẽ bũn la mpha tẽ mút pahõm anhia yoc. Bar ngê nãi lứq miar nheq. Ngkíq ranáq ntróu anhia chanchóm ẽ táq, anhia tở riap táq ranáq ki. ¹⁸ Ma khân anhia puai níc óng ngê Raviei Yiang Sursĩ sâng, ngkíq anhia tở bũn túh trĩh noâng phếp rit I-sarel.

¹⁹ Ma khân anhia puai rangúh anhia bũm, ngkíq anhia lứq táq nheq ranáq sâuq neq: Anhia tở bũn lacuoi cayac ma bẻq parnoi. Anhia ham yoc ẽ táq ntõng sarmũaq. Anhia bũn mút pahõm loai lứq. ²⁰ Anhia sang yiang canõh. Anhia táq mo. Anhia rakêt ralõih níc. Anhia manoaq sa-on tẽ manoaq. Anhia ra-ũan. Anhia tampõr ẽ cõt toâr hõn tẽ cũai canõh. Anhia caryoah cõt sa-ũi tốp. Anhia chanchóm tốp anhia o hõn tẽ tốp canõh. ²¹ Anhia ham cớng yóu. Anhia bũl blõng. Anhia cha tôn-tín. Cóp anhia táq ranáq sâuq canõh hỡ samoat ngkíq, khân anhia puai rangúh anhia bũm. Ngkíq cúq yoc ẽ atõng loah sĩa yõn anhia dáng samoat lứq. Cũai táq ranáq sâuq ngkíq, alói tở tẻq tamooong tâng ntỏq Yiang Sursĩ sớt.

²² Ma khân lứq anhia puai óng ngê Raviei Yiang Sursĩ sâng, ki anhia cõt palai neq: Anhia bũn mút ayooq. Anhia bũi o níc. Anhia bũn mút pahõm õt ien khẻ níc. Anhia bũn mút chĩuq tanhĩr.

Anhia bũn mút pahõm ẽ chuai. Anhia táq o chỏq cũai canõh. Anhia táq yõn cũai canõh tẻq noap anhia. ²³ Anhia bũn mút laviei. Cóp anhia tẻq rabán tở anhia bũm. Khân anhia táq ranáq o ngkíq, lứq anhia trĩh nheq phếp rit Yiang Sursĩ. ²⁴ Cũai alẻq bũn muoi mút cóp Yẻsu Crĩt, cũai ki khoiẻq táh chớ máh sac sâiẻq án yoc. Ngkíq alói tở bũn yoc puai noâng rangúh alói bũm. ²⁵ Khân hái ma bũn tamooong cõ nhỡ tẻ Raviei Yiang Sursĩ, ngkíq cóq hái puai óng ngê Raviei Yiang Sursĩ sâng. ²⁶ Hái chõỉ táq ẻẻq noau khẻn hái. Hái manoaq chõỉ ayẻ manoaq. Cóp manoaq chõỉ sa-on ntróu tẻ manoaq.

6

*Manoaq Ayooq Manoaq;
Manoaq Chuai Manoaq*

¹ Sẻm ai oỉ! Khân bũn noau tâng tốp anhia ma lớ táq lỏih, cóq anhia táq puai ngê Raviei Yiang Sursĩ, ngcuai atõng án, yõn án tẻq atức loah mút tamái. Cóp anhia nhẻng yõn o mút anhia bũm, cõh lớ anhia ẻn táq lỏih. ² Khân cũai tâng tốp anhia ma ramóh túh coat, ki cóq anhia manoaq rachuai manoaq. Anhia táq ngkíq, anhia lứq puai ngẻ Crĩt. ³ Khân bũn noau tở bũn lứq toâr ntróu, ma án chớng chanchóm sâng pai án toâr, lứq mút án phẻẻq án bũm. ⁴ Cóq dũ náq

nhêng loah ranáq án bữm yỗn dáng lứq samoât ranáq ki cõt kia ma tở bữn. Ngkíq án dáng bữm ranáq ki o ma tở o. Án tở bữn túh tampling ranáq án cớp ranáq cũai canõh, ⁵ yuaq dũ náq cũai cóq táq ranáq án bữm.

⁶ Khân cũai aléq atõng parnai o tễ Yê-su Crít, cũai ca rien tễ án, cóq chuai yỗn án ca atõng ki.

⁷ Cũai aléq chanchóm têq án phêq Yiang Sursĩ, lứq cũai nâi phêq tở án bữm. Lứq samoât, cũai chớh cuplốq ntróu, nỡ-ra án bữn palâi tễ cuplốq ki. ⁸ Khân anhia chớh cuplốq yoc ẽ puai rangúh anhia bữm, ki nỡ-ra anhia bữn palâi la anhia cuchĩt pút. Ma khân anhia chớh cuplốq yoc ẽ trĩh ngê Raviei Yiang Sursĩ, ki nỡ-ra anhia bữn palâi la anhia tamoonng níc nhơ Raviei Yiang Sursĩ. ⁹ Ngkíq hái chõĩ lakéh lakiei táq ranáq o. Khân hái tở bữn pê pahõm tễ ranáq hái táq, ki nỡ-ra hái bữn roap kia.* ¹⁰ Bo léq hái têq chuai, cóq hái chuai yỗn nheq tũh cũai; nhũang lứq la cóq hái chuai máh yóu hái tâng tốp sa-âm.

Phau-lô Sươq Loah Cũai Ca-lati

¹¹ Cũtõ cúq toáp chĩc thờ nâi yỗn anhia. Sêq anhia nhêng maléq toáp chũq cúq chĩc yỗn anhia sanua.

¹² Máh cũai ca yoc ẽ ếp

anhia táq rit cúq puai phếp rit I-sarel, alóĩ ẽq cũai canõh pai alóĩ lứq puai ngê Yiang Sursĩ. Ma alóĩ yoc ẽ viaq tễ tốp I-sarel táq túh coat alóĩ cõ alóĩ sa-âm Crít cuchĩt tâng aluang sangcáng. ¹³ Ma tốp alóĩ ca khoiq táq rit cúq, lứq samoât, alóĩ toáp tở bữn puai máh phếp rit I-sarel. Ma alóĩ yoc anhia táq tếc ki, cõ alóĩ yoc ẽ õt, pai anhia trĩh parnai alóĩ. ¹⁴ Ma cúq nâi, cúq yoc ẽ khễn tễ aluang sangcáng Yê-su Crít, Ncháu hái, sâng. Lứq samoât, tâng aluang sangcáng ki nheq ramúh tâng dõĩ nâi khoiq cuchĩt pút chơ tễ cúq. Cớp cúq khoiq cuchĩt pút tễ tễ nheq ramúh ki. ¹⁵ Tở bữn ntróu cũai táq rit cúq, tở la tở bữn táq rit ki. Ma ốc toáp lứq la neq: Cóq cũai cõt loah tamái. ¹⁶ Cúq sêq Yiang Sursĩ sarũiq táq dũ náq cũai ca puai ngê ki, cóp yỗn mút pahõm alóĩ õt ien khẽ níc. Tốp ki la lứq tốp I-sarel ca Yiang Sursĩ ndõm.

¹⁷ Nâi la parnai parsốt thánq cúq atõng anhia, chõĩ yỗn cũai aléq catáng noang cúq, yuaq máh rapit tâng tở cúq cõt tếc apáh yỗn noau dáng cúq la samoât sũl yỗn Yê-su.

¹⁸ Sêm ai ơi! Cúq sêq Yê-su Crít, Ncháu hái, ốt cóp anhia cóp chuai miat anhia. Amen.

* 6:9 6:9 Tâng parnai Créc ntốq nâi pai: 'ki nỡ-ra hái susot sa-ũĩ.'

Choaiq Thờ Phau-lô Chĩc Yõn Cũai Tâng Vil Ê-phê-sô Santoiq Atõng

Phau-lô chĩc choaiq thờ nài cõiq sa-óh tốp sa-âm tâng vil Ê-phê-sô sám 61 toaq 62 cumo ntun Yê-su canõt. Phau-lô atõng tẽ ranáq Yiang Sursĩ ẽ táq nõ-ra đõq parõm dũ máh ramứh tâng paloõng cớp tâng cớc cutẽq yõn Yê-su cõt sớt nheq.

Phau-lô atõng tẽ Yiang Sursĩ arõ ruroh hái õt ratoi cõt muoi mút cớp Yê-su Crĩt. Án pai Yiang Sursĩ táh lờih hái la cõ án ayoõq cớp chuai miat hái. Phau-lô ớn alới cớq yõn Raviei Yiang Sursĩ cõt sớt tâng mút pahõm alới.

Phau-lô ỉt sa-ữi ốc sacâm đõq atõng tẽ hái cõt muoi mút cớp Yê-su Crĩt. Án pai tốp sa-âm samoat riang tỗ, mỗ Yê-su la plờ. Tốp sa-âm la riang muoi lám đõng, mỗ Yê-su la samoat tamáu ợ táq yõn đõng cõt khâm. Tốp sa-âm la riang lacuoi, mỗ Yê-su la cayac. Dũ máh ốc sacâm nài yõn hái dáng raloaih Yê-su Crĩt ayoõq hái, chĩuq cuchĩt tang hái, acláh lờih hái, chuai miat hái, cớp yõn hái õt tanoang o choang moat Yiang Sursĩ.

¹ Cớq la Phau-lô chĩc choaiq thờ nài cõiq sa-óh tốp sa-âm tâng vil Ê-phê-sô, alới ca puai samoat samõi Yê-su Crĩt. Cớq la cũai Yiang Sursĩ ruroh yõn táq ranáq ayũng aĩ Yê-su Crĩt. ² Cớq sếq Yiang Sursĩ, Mpoaq hái, cớp Yê-su Crĩt, Ncháu hái, chuai miat anhia, cớp yõn anhia õt bán sũan ien khẽ níc.

Máh Ốc Bốn Yiang Sursĩ Chuai Miat

³ Cớq hái khẽn Yiang Sursĩ, la Mpoaq Yê-su Crĩt, Ncháu hái. Yiang Sursĩ khoiq yõn hái bữn nheq tữh ramứh o tâng paloõng yõn chuai mút pahõm hái, cõ nhơ hái õt muoi mút cớp Crĩt. ⁴ Tẽ tangái Yiang Sursĩ tỡ yũah tẽng cớc cutẽq nài, án khoiq ruroh hái chơ yõn cõt cũai án. Án ruroh hái yõn hái cõt cũai miar táq õng ngẽ Yiang Sursĩ sâng, cớp yõn hái tỡ bữn lờih ntróu yáng moat án. Cõ án ayoõq hái, ⁵ án khoiq anoat hái yõn cõt con acái án cõ nhơ tẽ Yê-su Crĩt. Mút pahõm án sâng yoc ngkĩq, chơ lứq án táq ngkĩq. ⁶ Đõq hái khẽn Yiang Sursĩ, án ca chuai miat hái sa-ữi lứq, yuaq hái õt muoi mút cớp Con án ca án ayoõq lứq.

⁷ Cõ nhơ tẽ aham Crĩt, tẽq Yiang Sursĩ thái loah hái cớp táh lờih hái yuaq mút pahõm án sâng yoc ẽ chuai miat hái sa-ữi lứq. ⁸ Ốc

chuai miat án yõn clũi cliei, cốp án yõn hái cõt rangoiq cốp dáng raloaih. ⁹ Án yõn hái dáng máh ngê án cutooq tẽ nhũang, dũ máh ramứh án yoc ẽ táq yõn hái cõ nhơ tẽ Crĩt. ¹⁰ Nỡ-ra toâq ngư, Yiang Sursĩ táq moâm máh ramứh án khoiq tẽng tẽ nhũang, cốp án yõn cõt ratoi loah nheq máh ramứh tâng paloõng cốp tâng cutẽq. Chơ Crĩt táq sôt nheq máh ramứh ki.

¹¹ Máh ramứh ntróu Yiang Sursĩ anoat, lứq cõt nheq máh ramứh ki tâng cốc cutẽq nâi. Cốp án anoat yõn hái cõt con án lứq samoât nhơ Crĩt. ¹² Án táq ngkíq đõq hếq ca cõt cũai dâu lứq nguang tẽ Crĩt, cóq hếq khễn chóc ang-ữr Yiang Sursĩ.

¹³ Cốp anhia ẽn, toâq anhia tamứng parnai p̄ieiq, la parnai Yiang Sursĩ chuai amoong cũai, anhia khoiq sa-âm tê. Cốp Yiang Sursĩ táq tếc anhia la cũai án toâq án yõn anhia bữn Raviei án, ariang án khoiq ữq tẽ nhũang. ¹⁴ Yiang Sursĩ yõn hái bữn Raviei án, đõq cõt tếc p̄õ hái, la nỡ-ra án toâq ỉt hái yõn hái õt cốp án. Chơ hái bữn khễn chóc ang-ữr tẽ án sa-ữi lứq ẽn.

Phau-lô Câu

¹⁵ Từ cừq sâng anhia sa-âm lứq Yê-su, Ncháu hái, cốp anhia ayooq lứq nheq máh cũai sa-âm, ¹⁶ ngkíq

cừq tỡ bữn rlu noâng sa-õn Yiang Sursĩ cõ tẽ anhia, cốp tỡ nai khĩr câu yõn anhia. ¹⁷ Cừq sếq Yiang Sursĩ, án ca Yê-su Crĩt, Ncháu hái, sang, án ca Mpoaq toâr lứq cốp bữn chóc ang-ữr, cừq sếq án yõn anhia bữn Raviei án, đõq anhia cõt rangoiq, cốp sapáh ngê Yiang Sursĩ yõn anhia dáng sa-ữi lứq ẽn. ¹⁸ Cừq sếq án pớh pahõm anhia yõn cõt poang. Ngkíq tẽq anhia dáng máh ramứh ntróu tẽq anhia nguang cõ Yiang Sursĩ arô anhia. Cốp tẽq anhia dáng sa-ữi ramứh án chuai yõn anhia. Án yõn anhia cốp nheq tữh cũai sa-âm canõh chõng parnoi mun án. ¹⁹ Cốp tẽq anhia dáng maléq toâr chóc án chuai yõn hái sa-âm án. Chóc Yiang Sursĩ chuai yõn hái la toâr lứq cốp rêng lứq, ²⁰ machóng chóc án chuai yõn Crĩt tamoong loah tẽ cuchĩt cốp õt parnoi coah atoam án tâng paloõng. ²¹ Án yõn Crĩt cõt sôt hờn tẽ nheq ramứh sôt, ramứh toâr, ramứh bán rêng, cốp nheq ramứh canõh cũai đõq yám tâng dõi nâi cốp toâq dõi ntun hỡ. ²² Yiang Sursĩ đõq dũ ramứh õt pưn talang ayũng Yê-su, cốp án yõn Yê-su cõt samoât plõ yõn tộp sa-âm. ²³ Tộp sa-âm la samoât riang tỗ án. Plõ cóq bữn tỗ nỏq tẽq cõt cũai. Machóng ki tê Yê-su cóq bữn tộp sa-âm. Ma nheq tữh

máh ramúh ki cóq bữn Yê-su.

2

Tamoong Tễ Cuchĩt

¹ Tễ nhũang, anhia samoât riang cuchĩt, yuaq anhia tở bữn trĩh Yiang Sursĩ cóp anhia táq lôih níc. ² Bo nhũang ki anhia puai níc máh ranáq tâng dôi nâi, cóp anhia trĩh yiang ca sôt nheq yiang tâng cóc cutễq nâi. Máh cũai tở bữn trĩh Yiang Sursĩ, lứq yiang ki cõt sôt alóí. ³ Bo ki nheq hái cõt muoi santrúq cóp alóí tề. Hái puai rangúh hái bữm. Ntróu hái sâng ẽ táq, la hái táq. Ntróu hái yoc ẽ ít, ki hái ít. Ngkíq Yiang Sursĩ sâng cutâu lứq chóq hái machóng án sâng cutâu chóq cũai canõh tề. ⁴⁻⁵ Ma yuaq Yiang Sursĩ ayooq hái sa-ũĩ lứq, án bữn mút pahõm sâng sarũiq táq lứq hái. Hái la samoât riang cuchĩt cõ hái táq lôih, ma Yiang Sursĩ yõn hái cõt tamoong loah parnõi cóp Crĩt. Ốc ki án chuai miat sâng toâq án chuai amoong anhia. ⁶ Án yõn hái tamoong loah parnõi cóp Yê-su Crĩt, cóp án yõn hái õt parnõi cóp Yê-su Crĩt tâng paloõng. ⁷ Án táq ngkíq yoc ẽ apáh yõn máh dôi ntun bữn dáng án ayooq hái luat ngư, cóp chuai miat hái nhơ Yê-su Crĩt.

⁸ Yiang Sursĩ chuai amoong anhia la án chuai miat sâng cõ anhia sa-âm

án. Anhia tở bữn táq ntróu, ma án chõng ẽ chuai sâng. ⁹ Anhia tở tềq táq ramúh ntróu yõn Yiang Sursĩ chuai amoong anhia, ngkíq anhia tở tềq õt ntróu. ¹⁰ Hái la lứq Yiang Sursĩ toâp tềng, cóp án tềng hái yõn cõt muoi mút cóp Yê-su Crĩt dõq táq ranáq o. Máh ranáq ki Yiang Sursĩ khoiq thrũan nhũang yõn hái táq.

Tõp I-sarel Cóp Tõp Cũai Canõh Cõt Muoi Tõp

¹¹ Anhia la tở cõn cũai I-sarel. Cũai I-sarel dõq anhia la 'cũai ốq tếc', cóp alóí dõq tốp alóí bữm la 'cũai bữn tếc', yuaq alóí khoiq táq rit cút puai phễp rit cũai I-sarel. Ma tếc nâi la tếc cũai táq tâng tồ sâng. ¹² Bo ki anhia õt yong tễ Crĩt. Anhia miar tễ tốp I-sarel. Anhia tở bữn dáng máh ramúh Yiang Sursĩ ữq chuai tốp I-sarel. Lứq tâng dôi tamoong anhia, anhia tở bữn nguang ntróu tễ Yiang Sursĩ chuai anhia. ¹³ Ma anhia ca õt yong lứq tễ Yiang Sursĩ tễ nhũang, sanua anhia õt cheq tề, cõ nhơ tễ aham Crĩt.

¹⁴ Lứq Crĩt toâp táq yõn hái bar tốp cõt ratoí loah, yuaq Crĩt khoiq talõh táh viang ca táq yõn bar tốp hái par-ũal tễ nhũang. ¹⁵ Tồ Crĩt toâp pupút chíq phễp rit tiaq Yiang Sursĩ patâp cũai I-sarel tễ nhũang. Án táq yõn bar tốp ki raclũoq loah; chơ alóí cõt muoi mút, manoaq

ratoi cốp manoaq. ¹⁶ Nho Crít cuchit tang alói, alói cõt máh muoi santrúq cõt ratoi loah cốp Yiang Sursĩ. Chơ alói tở bữn par-ũal noâng. ¹⁷ Crít sễng atỡng parnai ien khễ yỗn anhia ca ốt yong tễ Yiang Sursĩ. Cốp án atỡng parnai ien khễ yỗn alói ca ốt cheq Yiang Sursĩ hỡ. ¹⁸ Nho tễ Crít, bar tốp hái têq toâq pỡ Yiang Sursĩ, Mpoaq hái, yuaq hái bữn Raviei án ốt cốp hái.

¹⁹ Ngkíq anhia tở bữn noâng riang cũai liaq, cốp riang cũai tễ cruang canõh. Anhia cốp nheq cũai sa-âm canõh la samoât muoi cruang. Anhia la muoi đồng sũ Yiang Sursĩ. ²⁰ Anhia la samoât crơng noau táq đồng. Máh tốp ayững atĩ Yê-su cốp máh cũai tang bỗq Yiang Sursĩ la samoât tanang đồng ki. Yê-su Crít toâp la samoât tamáu ca táq yỗn đồng cõt khâm. ²¹ Nho tễ án, noau patững đồng ki yỗn cõt đồng sang miar khong Yiang Sursĩ. ²² Cốp nho tễ án, anhia cõt samoât crơng noau co táq đồng yỗn Yiang Sursĩ ốt, na Raviei án.

3

*Yiang Sursĩ Rươh Phau-lô
Đỗq Chuai Cũai Tở Cỡn Cũai
I-sarel*

¹ Yuaq ngkíq, cứq Phaulô câu sễq Yiang Sursĩ chuai anhia. Sanua cứq ốt tũ cõ tian cứq táq ranáq Yê-su Crít chuai anhia ca tở cỡn cũai

I-sarel. ² Lứq anhia khoiq sâng chơ Yiang Sursĩ ớn cứq táq ranáq nãi cõ án bữn mút pahõm yoc ễ chuai miat anhia. ³ Yiang Sursĩ khoiq sapáh yỗn cứq dáng ngê án cutooq tễ nhũang. Cứq khoiq chĩc bĩq chơ yỗn anhia dáng tễ ốc ki. ⁴ Khâm anhia doc parnai ki, anhia bữn dáng cứq khoiq sâng parnai cutooq tễ Crít. ⁵ Tễ nhũang cũai tở yũah dáng ngê nãi, ma sanua Yiang Sursĩ sapáh nho Raviei án yỗn tốp ayững atĩ án cốp tốp tang bỗq án dáng tễ. ⁶ Ngê cutooq ki la neq: Nho parnai o tễ Yê-su Crít, lứq cũai tở cỡn cũai I-sarel la chống tễ mun nãi. Têq alói cõt muoi tốp cốp cũai I-sarel. Cốp têq alói bữn tễ máh ramứh Yiang Sursĩ ứq chuai nho Yê-su Crít.

⁷ Cứq Phaulô la cũai dững parnai o nãi, yuaq Yiang Sursĩ chuai miat cứq yỗn táq ranáq nãi. Nho chóc tễ án, yuaq cứq rơi táq. ⁸ Tở cứq bữm la tở bữn bữn chóc ntrớu. Máh cũai canõh tâng tốp sa-âm, alói bữn chóc hỡn tễ cứq. Ma Yiang Sursĩ noâng rươh cứq yỗn cứq bữn táq ranáq bũ hỡn nãi, la dững parnai o tễ Yê-su Crít toâq pỡ cũai tở cỡn cũai I-sarel. Lứq parnai nãi o clũi nheq tễ canõh. ⁹ Cốp Yiang Sursĩ yỗn cứq apáh yỗn nheq cũai hữm ranáq Yiang Sursĩ yoc ễ táq sanua. Tễ nhũang Yiang Sursĩ tễng paloõng

cutêq, án khoiq chanchóm
 ẽ táq ranáq nâi, ma án tở
 yũah apáh. ¹⁰ Ma sanua
 Yiang Sursĩ apáh ngê án,
 yuaq án yoc máh ramúh sôt
 cốp máh ranẽng án tâng
 paloõng hũm tốp hái sa-âm
 án. Chơ alóí ngin pai lứq
 rangoaiq Yiang Sursĩ. ¹¹ Tê
 nhũang án tở yũah tẽng
 muoi ramúh ntróu, lứq án
 khoiq chanchóm ẽ táq ranáq
 nâi. Chơ lứq án táq nhơ Yê-
 su Crít, Ncháu hái. ¹² Nhơ
 tẽ Yê-su Crít, têq hái sâng
 clóq lứq toâq pở Yiang Sursĩ,
 yuaq hái khoiq sa-âm Yê-su
 chơ. ¹³ Ngkíq cúq sêq anhia
 chõỉ ngua ntróu noau táq
 cứq cõ tian cứq chuai anhia.
 Máh ramúh túh coat ki cõt
 kia yõn anhia.

Crít Ayooq Hái

¹⁴ Ngkíq, cúq sacõh racól
 yoah moat Mpoaq tâng
 paloõng. ¹⁵ Máh tốp tâng
 paloõng cốp tâng cõc cutêq
 nâi clẽu ramúh án. ¹⁶ Cứq
 sêq Yiang Sursĩ, án ca bữn
 chóc ang-ữr clũỉ nheq tẽ
 canõh, satõh ốc bán rêng
 tâng mút pahõm anhia, cốp
 táq yõn anhia sa-âm pacái
 lứq nhơ tẽ Raviei án chuai
 anhia. ¹⁷ Cứq sêq yõn Crít
 lứq ớt tâng mút pahõm
 anhia cõ anhia sa-âm án.
 Cốp cứq sêq yõn ốc ayooq
 tâng mút pahõm anhia
 cõt pacái lứq, samoât rêh
 aluang tở la tanang đõng ớt
 tâng cutêq. ¹⁸⁻¹⁹ Lứq mút
 pahõm Crít ayooq hái, la

tở rơi noap noâng. Ma cứq
 yoc anhia cốp nheq tũh cũai
 sa-âm dáng raloaih maléq
 la-a, maléq cuti, maléq
 sarõih, cốp maléq yarũ ốc
 ayooq tẽ Crít. Cứq ẽq anhia
 bữn poân máh ki tê yõn
 anhia puai ống ngê Yiang
 Sursĩ nheq rangúh rahõ
 anhia.

²⁰ Lứq khễn ramúh án
 ca táq dũ ramúh tâng mút
 pahõm hái. Chóc án têq táq
 clũỉ tẽ hái sêq tẽ án, cốp clũỉ
 tẽ hái têq chanchóm. ²¹ Sêq
 nheq ramúh khễn tẽ cũai
 sa-âm toâq pở Yiang Sursĩ
 nhơ tẽ Yê-su Crít, toau sôt
 nheq dõỉ. Amen.

4

Cũai Bữn Miar Ranáq Táq

¹ Cứq Phau-lô bữn muoi
 ramúh cứq ẽ sêq tẽ anhia.
 Cứq la cũai tũ cõ cứq táq
 ranáq Ncháu hái. Cứq sêq
 anhia táq pởq yõn p̃ieiq tâng
 ranáq Yiang Sursĩ khoiq arô
 yõn anhia táq. ² Anhia
 chõỉ mantoâr. Cóc anhia
 ỉt pahõm yóu. Cóc anhia
 chũuq tanhĩr cõ anhia ayooq.
³ Cóc anhia cutóng ớt muoi
 mút cốp Raviei Yiang Sursĩ,
 manoaq chuai manoaq yõn
 anhia têq ớt ien khẽ.

⁴ Anhia la samoât muoi
 tở, pruum roap muoi Raviei,
 cốp crốq ngcuang muoi
 ramúh Yiang Sursĩ pruum
 cốp anhia. ⁵ Hái bữn ống
 muoi Ncháu, hái chõng
 muoi ngê sa-âm, cốp muoi
 batẽm. ⁶ Bữn ống muoi

noaq Yiang Sursĩ sâng. Án la Mpoaq nheq tũh cũai; án sốt nheq tũh, án chuai nheq tũh, cóp án ốt nheq tũh.

⁷ Yiang Sursĩ yõn dũ náq hái bũn miar ranáq táq nhơ tể Crĩt chuai hái. ⁸ Yiang Sursĩ atõng tể mbỏq tể Crĩt neq:

“Bo án chõn loah chu põng, án põh achõn cũai tũ lũng lứq.

Cóp án yõn máh crõng mpon pờ máh cũai.”^{*}

⁹ Toáq parnai ki pai “chõn loah,” nõq anhia chanchóm? Lứq án khoiq sễng nhũang toáq pờ cutẽq nái. ¹⁰ Án ca sễng cóp án ca chõn loah tâng paloõng la ống manoaq sâng. Ngkíq án tẽq ốt dũ nốq cu nơi.

¹¹ Án yõn muoi tốp cũai cõt ayũng atĩ án; muoi tốp cõt tang bõq án; muoi tốp dũng parnai án yõn cũai tở yũah dáng; muoi tốp ndõm dõng sang; cóp muoi tốp ẽn atõng loah tể ngê án yõn raloaih. ¹² Án táq ngkíq yõn dũ náq cũai sa-âm bũn miar ranáq táq yõn án, dõq yõn tốp án tẽq cõt toár achõn tâng Crĩt. ¹³ Ngkíq, ntun ẽn hái cõt muoi mút muoi pahõm tâng ngê hái sa-âm cóp ngê hái dáng tể Con Yiang Sursĩ. Hái toár achõn cõt samoát carsai, yõn toau hái cõt samoát riang Crĩt tẽ. ¹⁴ Hái tở bũn nõng samoát carnẽn, cóp riang dõq chanchoác tở la riang

cuyal phát, dũng hái mahõi chu nái, mahõi chu ki, yuaq hái tở bũn puai parnai cũai ẽ phẻq hái. Alói ki dõq atõng ẽm cóp khẻuq lứq ẽq cũai puai parnai tở pĩeiq. ¹⁵ Ma cóq hái atõng parnai pĩeiq tể mút pahõm ayoõq. Ngkíq hái cõt carsai, hái cõt samoát Crĩt, án ca cõt plờ tâng tốp sa-âm. ¹⁶ Nhơ tể plờ, dũ ramứh tẽq ratót parnoi, chơ cõt muoi tở. Khân dũ ramứh nái ma táq pĩeiq, ki tẽq nheq tở cõt bán rêng cóp toár achõn, manoaq ayoõq manoaq.

Ngê Tamái Tể Crĩt

¹⁷ Ngkíq cứq sễq atõng cóp sươq anhia nhơ tể Ncháu hái, anhia chõi táq pờq nõng ariang cũai tở yũah sa-âm. Alói ki puai ngê alói bũm, la ngê tở bũn cõt kia ntróu. ¹⁸ Mút pahõm alói samoát canám, yuaq alói ốt yõng tể ngê tamoong tể Yiang Sursĩ. Alói tở bũn dáng tể ngê ki, yuaq mút alói cõt coang ngian. ¹⁹ Alói tở dáng casiet nõng, chơ alói táq cu ramứh sấuq tam pahõm alói sâng yoc.

²⁰⁻²¹ Ma anhia, lứq anhia khoiq tamứng parnai tể Crĩt, cóp anhia khoiq rien tể án, chơ anhia tở bũn táq ngkíq. Yuaq tâng Yê-su bũn ống ốc pĩeiq sâng. ²² Ngkíq cóq anhia táh chíq ngê tiaq, la ngê anhia dõq puai tể nhũang. Bo ki mút anhia

phếq yỗn anhia sâng yoc ế táq ranáq sarnoah tỗ bữm. ²³ Ma sanua cóq anhia cõt tamái loah tâng mút pahõm anhia. ²⁴ Chơ cóq anhia ỉt ngê tamái ễn, cõt samoât Yiang Sursĩ ca tễng hái, cóp táq ranáq tanoang o puai ngê p̄ieiq tễ án.

²⁵ Ngkíq, anhia chõỉ táq ntõng lauq noâng. Dũ náq anhia cóq táq ntõng ốc p̄ieiq sâng cóp yỗn anhia, yuaq hái la parnõi nheq tâng tỗp Yê-su Crĩt. ²⁶ Toâq anhia sâng cutâu mút, chõỉ yỗn mút cutâu radũng anhia táq ranáq lôih. Cóp chõỉ đốq mút pahõm cutâu toau toâq tangái parnõ. ²⁷ Chõỉ pớh rana yỗn yiang Satan têq radũng anhia táq ranáq lôih. ²⁸ Án ca đốq tutuoíq, cóq án chõỉ tutuoíq noâng. Ma cóq án chuaq ranáq táq yỗn bữn dũ tâc khám cha, cóp têq án chuai cũai túh cadĩt hữ. ²⁹ Chõỉ yỗn parnai sâuq loõh tễ bỗq anhia. Ma cóq anhia pai ống parnai chuai yỗn, cóp parnai cõt kia yỗn alóỉ ca tamứng.

³⁰ Chõỉ táq yỗn Raviei Yiang Sursĩ sâng ngua tễ anhia, yuaq Raviei Yiang Sursĩ ốt cóp anhia la cõt tếc Yiang Sursĩ rườh anhia đốq nỡ-ra anhia bữn ốt cóp án. ³¹ Cóq anhia táh chíq ốc anhia đốq ũan, cóp ốc anhia sâng nsóq cóp cutâu. Cóp cóq anhia táh chíq casang bỗq, pai

yỗn, cóp kêt cũai canõh. ³² Cóq anhia chuai yỗn, bữn mút lamên chóq yỗn, cóp táh lôih yỗn táq chóq anhia, machóng Yiang Sursĩ khoíq táh lôih anhia nhơ tễ Crĩt.

5

Ốt Tâng Poang

¹ Ngkíq cóq anhia tũoiq Yiang Sursĩ samoât con tũoiq mpoaq ca ayooq lứq án. ² Nheq đõỉ tamooing anhia, cóq anhia ayooq níc, samoât Crĩt ayooq hái. Án chiau sang tỗ án, cõt samoât cớng noau chiau sang yỗn Yiang Sursĩ ếq Yiang Sursĩ sâng phuom, yỗn hái cõt ratoỉ loah cóp Yiang Sursĩ.

³ Anhia chõỉ chanchóm tâng mút yoc ế bếq parnõi khân tỡ cớn lacuoi cayac, tỡ la táq ranáq nhợp apô, tỡ la ham cớng noau. Lứq ranáq ki tỡ bữn p̄ieiq yỗn cũai ca Yiang Sursĩ đốq miar khong án. ⁴ Anhia chõỉ táq ntõng santoiq sarmũaq, santoiq yủh, cóp santoiq tỡ cõt rayám. Ma cóq anhia táq ntõng parnai sa-õn Yiang Sursĩ. ⁵ Têq anhia dáng samoât samõi neq: Pái ramứh cũai nâỉ tỡ têq chống mun tâng tỗp Yiang Sursĩ cóp Crĩt sốt. Muoi, cũai ca tỡ bữn lacuoi cayac ma bếq parnõi. Bar, cũai đốq táq nhợp apô. Pái, cũai ham, yuaq cũai ham la samoât án puai yiang canõh. ⁶ Chõỉ yỗn cũai aléq phếq anhia

atông parnai tở cõt ốc. Lứq samoât cỗ tian máh ramúh nâi, Yiang Sursĩ sâng cutâu mút lứq chóq cũai ca tở bữn trĩh án. ⁷ Cóg anhia viaq yong tễ cũai đốq táq ngkíq.

⁸ Tễ nhũang, anhia coi ốt tâng ntốq canám, ma tữ anhia sa-âm Ncháu anhia ốt tâng ntốq poang ễn. Ngkíq cóq anhia táq pốq sanốq anhia ốt tâng ntốq poang. ⁹ Máh ramúh noau táq tâng ntốq poang la ramúh o, ramúh tanoang, cóp ramúh p̄ieiq. ¹⁰ Cóg anhia chi-chuaq yỗn dáng máh ramúh ca táq yỗn Ncháu hái sâng bũi pahôm. ¹¹ Anhia chõĩ ốt cóp cũai đốq táq ranáq tở bữn cõt kia, ar-iang noau táq tâng ntốq canám. Ma cóq anhia apáh máh ranáq ki. ¹² Máh ramúh alóĩ táq cutooq ki, la hái sâng casiet tở ẽq dểh pai. ¹³ Nheq máh ranáq cũai đốq táq, toáq noau apáh máh ranáq ki tâng ntốq poang, tềq hái hữm o ma tở bữn. ¹⁴ Cóp máh ramúh hái hữm tâng ntốq poang ma o, ki lứq samoât o. Ngkíq noau pai: "Tamỗ anhia ca bếq, tamoong anhia ca khoiq cuchĩt. Chơ Crĩt aclaq poang yỗn anhia."

¹⁵ Ngkíq cóq anhia táq yỗn carsiat dõĩ tamoong anhia. Chõĩ táq samoât cũai sacũl, ma cóq anhia táq samoât cũai rangoaiq. ¹⁶ Khãn anhia hữm ranáq o ntróu anhia tềq táq, ki o yỗn anhia táq

toáp, yuaq hái dáng dõĩ nâi lứq sâuq. ¹⁷ Anhia chõĩ sacũl, ma cóq anhia tutuaiq yỗn dáng raloaih ranáq ntróu Yiang Sursĩ yoc anhia táq. ¹⁸ Anhia chõĩ bũl blống, táq rúng tỗ anhia bữm. Ma cóq anhia yỗn Raviei Yiang Sursĩ cõt sốt tâng mút pahôm anhia. ¹⁹ Toáq anhia táq ntông parnoi, cóq anhia taléq máh parnai khễn Yiang Sursĩ cóp máh cansái ươt khễn án. Cóg anhia ươt cóp sâng bũi pahôm toáq anhia khễn Ncháu. ²⁰ Cóp cóq anhia sa-ỗn níc Yiang Sursĩ, Mpoaq hái, dũ ramúh ntróu án yỗn pở anhia. Cóg anhia sa-ỗn án nhơ ramúh Yê-su Crĩt, Ncháu hái.

Ốc Patáp Yỗn Lacuoi Cóp Cayac

²¹ Cóg anhia manoaq ỉt pahôm manoaq, cỗ anhia yám noap Crĩt. ²² Anhia ca lacuoi, cóq anhia ỉt pahôm cayac anhia, samoât anhia ỉt pahôm Ncháu hái tề. ²³ Yuaq cayac cõt plở yỗn lacuoi án, samoât Crĩt cõt plở yỗn máh tốp sa-âm. Lứq Crĩt toáp chuai amoong tỗ án, la tốp sa-âm. ²⁴ Máh ki tề cóq lacuoi ỉt pahôm cayac án, samoât tốp sa-âm ỉt pahôm Crĩt.

²⁵ Cóp anhia ca cayac, cóq anhia ayooq lacuoi anhia machống Crĩt ayooq tốp sa-âm. Án chũuq cuchĩt tỗ án bữm tang yỗn tốp sa-âm. ²⁶ Án táq ngkíq đốq yỗn tốp

sa-âm cõt miar khong Yiang Sursĩ cóp yõn mút pahõm alóí cõt bráh na dõq,* nhõ tẽ parnai án atõng. ²⁷ Ngkíq nõ-ra Crĩt ẽ ỉt bũm tốp ki, án yoc alóí nêuq o, bráh briel, cóp ốq bân tanĩq, samoát tãtoam ẽ ỉt lacuoi ca tỡ bũn sêl padĩq, sangot sangĩu, tỡ la bũn muoi ramũh canõh tỡ bũn o. ²⁸ Mách ki tẽ, cóq cayac ayooq lacuoi án samoát án ayooq tỡ án bũm. Án ca ayooq lacuoi, lứq án ayooq tỡ án bũm. ²⁹ Tỡ nai bũn cũai ma kêt tỡ án bũm. Án chũm siem cóp asa tỡ án. Machõng ki tẽ Crĩt táq cóp tốp sa-âm, ³⁰ yuaq hái la samoát tỡ án. ³¹ Tãng parnai Yiang Sursĩ tẽ mbõq noau khioq chĩc neq:
 “Yuaq ốc ki cũai samiang cóq yoah tẽ mpiq mpoaq,
 chơ ớt parnõi cóp lacuoi án;
 ngkíq alóí bar náq cõt máh manoaq sãng.”[☆]
³² Parnai nãi bũn ngê yarũ lứq, ma cứq atõng tẽ Crĩt cóp tốp sa-âm. ³³ Ma ngê nãi atõng tẽ lacuoi cayac tẽ. Cayac cóq ayooq lacuoi samoát án ayooq tỡ án bũm. Cóp lacuoi cóq yám noap cayac án.

6

Con Cóp Mpoaq

¹ Anhia ca con, cóq anhia trĩh mpiq mpoaq anhia, cõ

Yiang Sursĩ yoc anhia táq ngkíq. Ốc ki, lứq pñeiq yõn anhia táq. ² Yiang Sursĩ patáp tẽ mbõq neq:

“Cóq anhia yám noap mpiq mpoaq anhia.”[☆]

Ốc patáp nãi la patáp dẫu lứq ca Yiang Sursĩ pruum yõn ốc bõn. Án pai neq:

³ “Cứq yõn anhia táq pỡq ien khẽ,
 cóp ớt cóng tamoong dũn tãng cóc cutẽq nãi.”

⁴ Anhia ca mpoaq, anhia chõĩ ra-ac con anhia yõn alóí sãng nsóq, ma cóq anhia rabán o alóí yõn trĩh cóp puai ngê Ncháu.

Sũl Cóp Ncháu

⁵ Anhia ca cũai sũl, cóq anhia trĩh máh cũai ncháu anhia tãng dõĩ nãi. Cóq anhia ngcõh cóq yám noap alóí nheq tẽ mút pahõm. Cóp cóq anhia trĩh alóí machõng anhia trĩh Crĩt tẽ. ⁶ Anhia chõĩ táq ranáq o yáng moat alóí sãng, ẽq alóí khẽn anhia. Ma cóq anhia táq samoát sũl Crĩt, táq nheq rangũh rahõ máh ranáq Yiang Sursĩ yoc anhia táq. ⁷ Cóq anhia táq bũĩ o yuaq anhia táq yõn Yiang Sursĩ, tỡ bũn yõn cũai, ⁸ yuaq anhia dáng máh ranáq o anhia táq, lứq anhia bũn cóng tẽ Yiang Sursĩ, cũai sũl tỡ la tỡ bũn sũl puai ranáq án táq.

⁹ Cóp anhia ca ncháu, cóq anhia táq machõng ki tẽ

* 5:26 5:26 ‘na dõq’ la noau roap batẽm. ☆ 5:31 5:31 Saráq Tẽ Dẫu 2:24

☆ 6:2 6:2 Loõh Tẽ Ê-yip-tô 20:12; Patáp Loah 5:16

chóq sũl anhia. Anhia chõl canũh alói. Yuaq alói cóp anhia chõng muoi Ncháu tâng paloõng, án ca rasũq cũai machõng nheq.

Cơng Choac Tẽ Yiang Sursĩ

¹⁰ Santoiq parsõt nâi la neq: Nho chóc rêng lứq tẽ Ncháu hái, cóq anhia cõt rêng lứq tâng mút pahõm anhia. ¹¹ Cóq anhia thũn yõn dũ máh cơng choac tẽ Yiang Sursĩ, đõq anhia rachĩl riap máh ngê pla yiang Satan yoc ẽ táq anhia. ¹² Lứq hái tở bũn rachĩl cóp cũai, ma hái rachĩl cóp máh ramũh sõt, ramũh chóc, ramũh pla, cóp máh yiang sũuq tâng cóc cutẽq nâi cóp tâng paloõng. ¹³ Ngkĩq cóq anhia ỉt máh cơng choac Yiang Sursĩ chuai yõn anhia. Chơ toãq tangái rachĩl tẽq anhia riap, cóp moãm anhia chĩl, anhia tẽq tayũng táng.

¹⁴ Cóq anhia ỉt ngê pĩeiq tẽ Yiang Sursĩ, samoât tahan sacáp tac tâng ngkĩng án. Cóq anhia ỉt ngê tanoang o, samoât tahan sớp au tac. ¹⁵ Cóq anhia ỉt ngê yoc ẽ đũng parnai o tẽq hái õt ratoi loah cóp Yiang Sursĩ, samoât tahan sớp cõp tac. ¹⁶ Cóq anhia ỉt ngê sa-âm, samoât tahan đũng khẽ. Ngkĩq anhia tẽq pupât chíq máh saráh ùih yiang sũuq yoc ẽ táq anhia. ¹⁷ Cóq anhia ỉt ngê Yiang Sursĩ chuai amoong anhia, samoât tahan tapũng muoc tac tâng

plõ. Cóq anhia đũng parnai Yiang Sursĩ, samoât tahan đũng dau. Parnai ki la samoât dau tẽ Raviei Yiang Sursĩ. ¹⁸ Cóq anhia câu níc máh parnai Raviei Yiang Sursĩ yõn anhia câu. Anhia chõl aloah câu, ma cóq anhia kĩaq samoât samõi. Cóp cóq anhia câu chuai máh cũai ca sa-âm. ¹⁹ Sẽq anhia câu chuai cứq tẽ toãq cứq ẽ táq nõtõng, yõn cứq dáng parnai ntróu cứq atõng, yõn cứq atõng clõq lứq parnai cutooq tẽ Yiang Sursĩ. ²⁰ Cứq la cũai atoãq parnai yõn Yiang Sursĩ. Cõc cứq đũng parnai ki yuaq noau chóq cứq tâng cuaq. Ma cứq sũq anhia câu chuai cứq, yõn cứq tẽq táq nõtõng parnai ki clõq lứq, máh cứq cóq atõng.

Phau-lô Cuban Alói

²¹ Máh ramũh ca toãq pở cứq, lứq Ti-chacơ tẽq atõng yõn anhia dáng. Ti-chacơ la sũm ai cứq ayooq lứq, cóp án sarâng lứq táq ranáq Yiang Sursĩ. ²² Cứq yõn án toãq pở anhia đõq án atõng anhia máh ramũh ntróu toãq pở hẽq, cóp đõq yõn án aliam mút pahõm anhia tẽ.

²³ Cứq sũq Yiang Sursĩ, Mpoaq hái, cóp Yê-su Crĩt, Ncháu hái, yõn nheq máh cũai sa-âm bũn õt bán sũan ien khẽ, cóp bũn mút pahõm ayooq cóp sa-âm. ²⁴ Cứq sũq Yiang Sursĩ chuai miat nheq tũh cũai ca ayooq

Yê-su Crĩt, Ncháu hái, tở nai
cốt pút.

Choaiq Thở Phau-lô Chĩc Yõn Cũai Tâng Vil Phi-lip Santoiq Atõng

Phau-lô chĩc choaiq thờ nài cõiq sa-óh tốp sa-âm tâng vil Phi-lip. Án chĩc sám 63 cumo ntun Yê-su canõt. Bo ki, Phau-lô õt tũ tâng vil Rô-ma. Phau-lô cõiq thờ sa-óh tốp sa-âm tâng vil Phi-lip đõq sa-õn tẽ máh crõng alóiq khoiq chuai án bo án ốq lứq.

Choaiq thờ nài, apáh Phau-lô ayooq lứq tốp sa-âm tâng vil Phi-lip. Ngkíq Phau-lô chĩc đõq anhoac-anhoai tốp sa-âm tâng vil Phi-lip yõn dáng asẽng tỗ, machõng Yê-su Crĩt khoiq táq chơ. Chõĩ ốt, cõp chõĩ mumat yóu.

Phau-lô atõng yõn alóiq dáng alóiq bữn roap ốc tamoon mantái cõ nhơ ốc chuai miat tẽ Yiang Sursĩ, tở cõn cõ alóiq táq puai phẽp rit cũai I-sarel. Choaiq thờ nài atõng tẽ ốc bũ hữr, ốc ien khẽ, cõp ốc chũuq tanhĩr tâng dõĩ tamoon.

1 Cũq la Phau-lô chĩc choaiq thờ nài cõiq sa-óh nheq tũh cũai sa-âm tâng vil Phi-lip, đẽh alóiq ca táq sõt tâng tốp sa-âm, cõp alóiq ca táq ranáq chuai cũai sõt tâng tốp sa-âm. Cõp bữn

đẽh Ti-muthê cõiq sa-óh anhia tẽ. Hẽq bar náq la cũai ca pruum táq ranáq yõn Yê-su Crĩt. ² Cũq sũq Yiang Sursĩ, Mpoaq hái, cõp Yê-su Crĩt, Ncháu hái, chuai miat anhia cõp yõn anhia ốt bán sũan ien khẽ níc.

Phau-lô Câu Yõn Cũai Phi-lip

³ Toáq cũq chanchóm tẽ anhia, cũq sa-õn Yiang Sursĩ, ca cũq sang. ⁴ Cõp bo cũq câu yõn anhia, ki mút pahõm cũq sâng bũ lứq, ⁵ yuaq anhia khoiq pruum muoi mút cõp cũq táq ranáq atõng parnai o tẽ Yê-su Crĩt, tẽ tangái anhia mbõiq sa-âm toau toáq tangái nài. ⁶ Ngkíq, cũq dáng lứq samoát, Yiang Sursĩ, án ca khoiq táq ranáq o nài tâng mút pahõm anhia, lứq án táq níc toau yõn moám tâng tangái Yê-su Crĩt chu loah pở cõc cutẽq nài.

⁷ Lứq pĩeiq cũq chanchóm ngkíq tẽ anhia, yuaq mút pahõm cũq ayooq lứq nheq tũh anhia. Yiang Sursĩ khoiq chuai miat cũq yõn rơi chũuq sa-ũĩ ramũh túh coat, cõ yoc ẽ táq ranáq án. Cõp anhia chũuq parnoi cõp cũq nheq ramũh ki tẽ bo cũq ốt tâng cuaq tũ, cõp bo cũq atõng parnai o tẽ Yê-su Crĩt, tở la cũq ốt tayũng yáng moat cũai sõt yõn alóiq blóh cũq. ⁸ Lứq Yiang Sursĩ dáng cũq ayooq lứq nheq tũh anhia machõng mút pahõm Yê-su Crĩt ayooq anhia tẽ.

⁹ Cúq câu máh ốc nâi yỗn anhia: Cúq sễq Yiang Sursĩ yỗn anhia manoaq ayoog manoaq cu rangái sa-ữi hỡn ẻn. Cóp muoi próh ki, cúq sễq án yỗn anhia bữn mút rangoaiq, cóp yỗn anhia tẻq dáng ngẻ alẻq la o cóp ngẻ alẻq tỡ bữn o, ¹⁰ yỗn anhia tẻq rườh ngẻ o clữi nheq tẻ canỏh. Ngkíq, toỏq tangái Crít chu loah pỡ cutẻq nâi anhia tỡ bữn cutooq ốc sỏuq ntróu tỏng mút anhia, cóp tỡ bữn noau tẻq tẻq anhia táq lỏih. ¹¹ Cúq yoc anhia bữn moang ốc tanoang o sỏng tỏng pahỏm anhia. Ớng Yẻ-su Crít toỏp tẻq yỗn anhia bữn máh ốc ki. Chớ cũai canỏh bữn yám noap cóp khẻn Yiang Sursĩ.

Phau-lô Ớt Tũ Cốt Kia Yỗn Tỏp Sa-ỏm

¹² Sẻm ai ời! Cúq yoc anhia dáng máh ốc túh coat ca toỏq pỡ cúq, máh ốc ki khoiẻ chuai clứng cũai ẻn yỗn mut sa-ỏm Yẻ-su Crít. ¹³ Ngkíq, nheq tữh cũai tahan ớt đống puo, cóp nheq tữh cũai canỏh hỡ, nheq tữh alỏi ki dáng cúq ớt tũ yuaq cúq táq ranỏq Crít. ¹⁴ Cóp cỗ cúq ớt tũ, bữn clứng lứq sẻm ai hái sa-ỏm Nchỏu hái pacái lứq ẻn. Chớ alỏi sỏng clỏq lứq ẻn ởtởng parnai o tẻ Yiang Sursĩ. Alỏi tỡ bữn ngcỏh ntróu.

¹⁵ Lứq samoỏt, bữn máh cũai ởtởng tẻ ngẻ Crít cỗ alỏi yoc ẻ cớt toỏr, cóp yoc ẻ

rasuon sỏng. Ma bữn đẻh cũai ca ởtởng tẻ ngẻ Crít cỗ alỏi bữn mút ẻ táq o. ¹⁶ Alỏi nâi ởtởng ngkíq cỗ alỏi bữn mút ayoog lứq cúq, cóp alỏi dáng Yiang Sursĩ yỗn cúq táq ranỏq ởtởng parnai o tẻ Yẻ-su Crít toỏq cũai blỏh cúq tẻ ngẻ ki. ¹⁷ Ma tỏp ca yoc ẻ rasuon ki, alỏi ởtởng ngẻ Crít, ma tỡ bữn lứq samoỏt. Alỏi ởtởng ngẻ ki cỗ alỏi yoc ẻ raching ngẻ cóp cúq, cóp alỏi chanchỏm ẻ táq coat yỗn cúq bo cúq noỏng ớt tũ nâi.

¹⁸ Ma tỡ bữn ntróu ốc ki. Cúq sỏng bữi lứq bữn cũai ởtởng tẻ ngẻ Crít, tam alỏi ki bữn mút pẻiẻq tỡ la tỡ bữn pẻiẻq. Cóp cúq dáng nỡ-ra cúq noỏng sỏng bữi. ¹⁹ Yuaq cúq dáng cỗ anhia câu yỗn cúq, cóp cỗ Raviei Yẻ-su Crít chuai cúq, ki nỡ-ra noau aclỏh cúq tẻ cuaq nâi. ²⁰ Mút pahỏm cúq sỏng tỡ ẻq táq muoi ramứh ntróu yỗn cúq sỏng casiet. Ma cúq yoc lứq yỗn mút pahỏm cúq cớt clỏq ởtởng tẻ ngẻ Crít sanua, machỏng cúq khoiẻ ởtởng tẻ nhủang. Cúq yoc lứq yỗn cũai canỏh bữn yám noap Crít cỗ nhớ tẻ cúq, tỡ bữn ntróu cúq cuchít tỡ la tamoong. ²¹ Khỏn cúq tamoong, la cúq puai rangứh Crít sỏng; ma khỏn cúq cuchít, ốc nâi la o hỡn ẻn yỗn cúq. ²² Ma khỏn tỡ cúq noỏng tamoong tỏng đỏi nâi, cúq dáng ranỏq cúq táq

lứq bữn kia. Ngkíq, cứq tở
dáng rươh ngê ntróu. ²³ Bữn
bar ngê cứq yoc. Muoi
la cứq yoc cuchit yỗn tềq
cứq pỏq ỏt cớp Crít. Nâi
la o lứq yỗn cứq. ²⁴ Bar
la cứq yoc noâng tamoong
tâng dõi nâi. Nâi la o lứq
yỗn anhia. ²⁵ Yuaq ỏc ki,
cứq dáng samoát samõi cứq
noâng ỏt cớp anhia tâng dõi
nâi dỏq chuai anhia sa-âm
sa-ữi lứq ễn, cớp dỏq yỗn
anhia sâng bũi ỗn. ²⁶ Ngkíq,
bo cứq toâq loah pỏ anhia,
tềq anhia khễn Yê-su Crít
sa-ữi lứq ễn cũ tể cứq.

²⁷ Cớq anhia táq pỏq yỗn
p̄ieiq níc, yuaq anhia la cũai
puai parnai o tể Yê-su Crít.
Ngkíq, khân cứq toâq pỏ
anhia, tở la tở bữn toâq, cứq
dáng anhia ỏt muoi mút,
cớp sa-âm pacái máh parnai
o tể Yê-su Crít, dềh anhia
pruam táq cutóng lứq yỗn
cũai canỏh tềq sa-âm par-
nai ki. ²⁸ Anhia chỏi ngcỏh
máh cũai yoc ễ táq anhia.
Khân anhia tở bữn ngcỏh
cũai ễ táq anhia, nâi la tểc
yỗn alới dáng nỡ-ra Yiang
Sursĩ lứq pupút alới, cớp án
yỗn anhia tamoong mantái
níc. ²⁹ Lứq Yiang Sursĩ khoiq
rươh anhia yỗn táq ranáq
Crít, ma án tở bữn yỗn an-
hia sa-âm sâng. Lứq án
yỗn anhia chũuq túh coat tề
củ tian anhia puai ngê Crít.
³⁰ Sanua anhia chũuq túh
coat machóng anhia khoiq
hữm cứq chũuq tể nhũang,

cớp machóng anhia sâng
noau pai cứq noâng chũuq
sanua tề.

2

Cớq Anhia Tũoiq Crít

¹ Ngkíq, khân Crít atõng
chuai anhia củ anhia ỏt
muoi mút cớp án, cớp khân
án ayooq aliam anhia, cớp
khân Raviei Yiang Sursĩ ỏt
parnõi cớp anhia, cớp khân
Crít sâng sarũiq ayooq táq
anhia, ² ngkíq cớq anhia
pruam muoi mút, pruam
ayooq, pruam táq parnõi,
cớp pruam puai muoi ngê
yỗn cứq bữn moang ỏc bũi
níc. ³ Anhia chỏi táq ranáq
ntróu ma tampỏr yoc ễ puai
rangứh anhia bữm, tở la
ễq noau khễn anhia. Ma
cớq anhia bữn mút tở ễq
noau khễn anhia, cớp cớq
anhia ỉt mút pahỏm yóu cớp
noap alới o hỡn tể anhia.
⁴ Anhia chỏi chuaq ễq yỗn
bũi pahỏm anhia bữm, ma
cớq anhia chuaq ễq yỗn bũi
pahỏm cũai canỏh hỡ.

⁵ Cớq anhia bữn muoi
mút muoi pahỏm cớp Yê-su
Crít. ⁶ Yê-su Crít la machóng
tháng Yiang Sursĩ, ma án
tở bữn pasếq chóc án lĩ-ralĩ
cớp Yiang Sursĩ. ⁷ Ngkíq
án táh bữm chóc án, cớp
cốt machóng cũai tề. Bo ki
án cốt samoát riang cũai sũl
ễn. ⁸ Bo án cốt cũai, án
tở bữn ỏt án la Con Yiang
Sursĩ, ma án trĩh ngê Yiang
Sursĩ samoát samõi toau án
chũuq cuchit tâng aluang
sangcáng. ⁹ Yuaq ngkíq,

Yiang Sursĩ yõn án cõt sõt toâr lứq, cốp yõn án bữn ramứh o clũi nheq tẽ canõh. ¹⁰ Yiang Sursĩ táq yõn dũ ramứh tâng paloõng, tâng cốc cutẽq, cốp tâng pũn cutẽq, toâq alỏi sâng ramứh Yê-su, cốp alỏi sacõh racól sang án. ¹¹ Cốp dũ náq cũai cốp ngin Yê-su Crít la Ncháu. Ngkíq noau bữn khễn Yiang Sursĩ, Mpoaq hái.

Cóq Anhia Táq Ranáq O, Yuaq Yiang Sursĩ Khoiq Chuai Amoong Anhia

¹² Yóu cứq ời! Bo cứq õt cốp anhia, anhia khoiq trĩh níc santoiq cứq. Sanua cứq õt yong tẽ anhia. Ma cứq sễq anhia trĩh parnai cứq atõng hõn tẽ nhũang ển. Cỗ Yiang Sursĩ khoiq chuai amoong anhia, ngkíq cóq anhia táq níc ranáq án. Cốp cóq anhia ngcõh cốp yám noap án. ¹³ Anhia tẽq táq ngkíq, yuaq Yiang Sursĩ tộp radững mút pahõm anhia sâng yoc ẽ táq cốp rơi táq yõn bũi pahõm Yiang Sursĩ.

¹⁴ Dũ ranáq anhia táq, cóq anhia chõi bubéq-bubựp cốp chõi rasuon. ¹⁵ Ngkíq anhia cõt con Yiang Sursĩ, ca tỡ bữn lôih yáng moat án, cốp tỡ bữn noau tẽq pai anhia táq sâuq. Khân anhia táq ngkíq, anhia la ariang mantõr claq tâng sadâu, yuaq dõih anhia la loài lứq cốp cũai yoc ẽ puai níc ngê sâuq. ¹⁶ Anhia táq yõn alỏi dáng tê parnai tẽq yõn

alỏi bữn tamoong mantái. Ngkíq, toâq tangái Crít chu loah pỡ cutẽq nãi, cứq tẽq sâng bũi lứq, yuaq máh ranáq cứq khoiq táq nheq rangứh rahõ cứq la cõt kia sa-ũi lứq. ¹⁷ Anhia khoiq sa-âm ngê Yiang Sursĩ chơ. Ngkíq anhia la samoât riang crong noau chiau sang yõn Yiang Sursĩ. Khân cứq ma cóq chũuq cuchit cỗ cứq atõng anhia parnai tẽ Yê-su Crít, ki aham cứq la samoât dỡq noau dỡq hĩng tâng crong noau ẽ chiau sang yõn Yiang Sursĩ. Khân ngkíq, ki cứq bữn ọc bũi lứq parnoi cốp anhia. ¹⁸ Cốp cứq ẽq anhia sâng bũi parnoi cốp cứq tê tẽ ọc ki.

Phau-lô Atõng Tẽ Ti-muthê Cốp Ep-aprôt

¹⁹ Khân Ncháu Yê-su yõn, ki cứq ớn Ti-muthê cháit toâq pỡ anhia yõn cứq bữn dáng dũ ramứh tẽ anhia yõn cứq sâng bũi pahõm tê. ²⁰ Tỡ bữn noau pruum muoi mút cốp cứq lua cứt yõn anhia ariang Ti-muthê. ²¹ Nheq tữh cũai puai rangứh alỏi bữm. Alỏi tỡ bữn puai rangứh Yê-su Crít. ²² Ma anhia khoiq dáng chơ mút pahõm Ti-muthê. Cốp anhia dáng hếq bar náq la ariang con cốp mpoaq táq parnoi atõng tẽ ngê Yê-su Crít. ²³ Ngkíq, toâq cứq dáng raloaih ọc ntróu noau ẽ táq cốp cứq, ki cứq nguang yõn Ti-muthê cháit toâq pỡ anhia.

24 Cóp khân Ncháu hái chuai yõn cứq, ki cứq nchóm tở bữn dũn noâng cứq pởq pở anhia tề.

25 Ma sanua cứq chanchóm p̄ieiq cứq cóq ón Ep-aprôt chu loah pở anhia. Án la sễm ai hái, cóp án táq ranáq parnơi cóp cứq. Hếq bar náq ariang tahan ốt muoi tốp. Cóp án la ranẽng ca anhia ón toâq chuai cứq, tễ dũ ramứh cứq yoc ẽ bữn. 26 Án ẽr áiq lứq yoc ẽ ramóh loah anhia, cóp án sanhữ níc anhia, yuaq án dáng anhia khoiq sâng chơ án cõt a-ĩ. 27 Lứq samoât án a-ĩ khoiq mán ẽ cuchĩt. Cóp cứq sâng ngua lứq bo ki. Ma Yiang Sursĩ khoiq ayooq táq án. Cóp Yiang Sursĩ khoiq ayooq táq cứq hỡ bo án táq bán Ep-aprôt yõn cứq tở bữn sâng ngua tữm ẽn. 28 Ngkíq, cứq ón án pởq toâp pở anhia, đởq anhia sâng bũi toâq hữm loah án, cóp ốc cứq ngua cõt taiq bĩq tề. 29 Cóp anhia roap tabởp tabéh o án, machóng anhia đởq tabởp tabéh máh cũai sa-âm Ncháu hái. Cóp cóq anhia yám noap máh cũai táq ariang Ep-aprôt, 30 yuaq án mán cuchĩt cõ án táq ranáq Crĩt. Án tở bữn pasêq ntróu rangứh án, đởq tềq tang anhia táq ranáq chuai cứq.

3

Ngê Tanoang O

1 Parsốt thánq, sễm ai ời, cứq patâp yõn anhia bữn mút pahôm sâng bũi níc cõ anhia ốt muoi mút cóp Ncháu hái. Cứq tở bữn sâng lakéh ntróu chĩc loah máh ngê nãi yõn anhia, yuaq ngê nãi la o yõn anhia. 2 Cóp anhia viaq tễ cũai táq ranáq sâuq, alóí ca ón anhia cóq táq rit cút. Alóí ki la riang acho. 3 Lứq hái la cũai puai ngê Yiang Sursĩ samoât samói, tở bữn ntróu hái táq rit cút táq tếc tang tở, tở la tở bữn táq. Hái sang Yiang Sursĩ cõ nhơ tễ Raviei án, Cóp hái sâng bũi ón lứq cõ hái ốt muoi mút cóp Yê-su Crĩt. Hái tở bữn puai ngê cũai, chơ chanchóm hái ốt o yáng moat Yiang Sursĩ cõ tễ ranáq hái táq bữm.

4 Khân cứq yoc ẽ khễn tở cứq bữm, ki tềq cứq pai neq: Cứq khoiq trĩh phễp rit I-sarel hỡn tễ cũai cạnỏh. 5 Bo mpiq cứq mbởiq sết cứq bữn tacual tangái, mpiq mpoaq cứq đừng yõn noau táq rit cút yõn cứq. Cứq la cũai I-sarel tễ tốp Ben-yamin, cõt con cũai I-sarel lứq samoât. Cứq la tễ tốp Pha-rasi ca puai samoât lứq phễp rit Yiang Sursĩ yõn na Mòi-se. 6 Cứq khoiq ẽr áiq lứq yoc ẽ táq ranáq Yiang Sursĩ. Ngkíq, cứq khoiq cốp chíq máh cũai sa-âm Yê-su Crĩt, cóp táq alóí. Khân atông tễ máh ranáq cũai táq yoc ẽ ốt tanoang o yáng moat Yiang Sursĩ cõ puai phễp rit Mòi-

se, ki tở bữn noau têq tểq cừq táq lôih ntróu.

7 Tể nhũang, cừq nchóm máh ranáq ki la cõt kia yõn cừq, ma sanua cừq nchóm tở bữn o ntróu máh ramứh ki, yuaq cừq yoc ẽ cõt muoi mút cóp Crít ẽn. 8 Lứq samoât, cừq hữm dũ ramứh canõh la sáuq nheq, khân mpha tể ngê Yê-su Crít. Ma cừq õt muoi mút cóp Yê-su Crít, Ncháu cừq; ramứh ki la o clũi tể nheq ramứh canõh. Lứq samoât cừq hữm dũ ramứh canõh cõt samoât crớng nhợ; chớ cừq yoc ẽ táh toáp, yõn têq cừq õt muoi mút cóp Crít. 9 Cóp cừq yoc ẽ puai muoi ngê cóp án. Cừq tở bữn õt tanoang o yáng moat Yiang Sursĩ cõ cừq trĩh phễp rit Mũi-se, ma cừq õt tanoang o yáng moat án la cõ cừq sa-âm Crít. Yiang Sursĩ toáp táq yõn cũai têq õt o yáng moat án cõ alới sa-âm. 10 Cừq ẽr áiq lứq yoc ẽ dáng Crít, cóp chóc ca khoiq chuai yõn án tamoong loah tể cuchĩt. Cừq yoc ẽ chớng tể máh ramứh túh coat án chũuq. Cóp cừq yoc ẽ bữn tể mút pahõm machớng án bữn bo án chũuq cuchĩt; 11 chớ cừq ngcuang têq tamoong loah tể cuchĩt tể.

12 Cừq tở bữn pai cừq bữn máh ramứh ki chớ, tở la cừq khoiq bữn mút pahõm tở bữn lôih ntróu noang. Ma lứq cừq táq cutóng níc yoc ẽ bữn óc ki, yuaq Yê-su

Crít khoiq arô cừq yõn bữn muoi mút cóp án. 13 Sểm ai ơi! Cừq tở bữn chanchóm cừq khoiq bữn mút pahõm ngkiq chớ. Ma bữn muoi ramứh nãi cừq táq: Cừq tở bữn nchóm noang tể máh ramứh ca khoiq vót, ma cừq yoc ẽ bữn máh ramứh cừq tở yũah bữn. 14 Ngkiq, cừq táq cutóng níc ariang cừq tampling lúh. Chớ cừq lúh tanoang lứq yõn cháit toáp, yuaq cừq yoc ẽ bữn cớng tampling ỉn Yiang Sursĩ khoiq ứq yõn alới ca lúh pĩeiq. Cớng nãi, Yiang Sursĩ arô cừq yõn õt parnơi cóp án nhợ tể Yê-su Crít.

15 Ngkiq, nheq tữh hái ca sa-âm dũn chớ, cóq hái pruam muoi mút, chanchóm tể ngê ki. Ma khân bữn cũai chanchóm mpha tể ngê ki, nỡ-ra Yiang Sursĩ lứq sapáh yõn án dáng raloaih tể ngê ki tể. 16 Ma tở bữn ntróu óc ki. Ngê ntróu hái khoiq dáng chớ tể Yiang Sursĩ, cóq hái puai níc ngê ki yõn samoât samơi.

Phau-lô Yoc Cũai Phi-lip Tũoiq Riang Án

17 Sểm ai ơi! Cừq sểq an-hia tũoiq riang cừq tể. Bữn cũai puai hểq, samoât hểq la ngól. Cóq anhia nhềng cóp táq machớng cũai ki tể. 18 Cừq khoiq atõng anhia sa-ữi trỗ chớ, cóq sanua cừq sâng yoc ẽ nhiam atõng loah yõn anhia sĩa neq: Bữn clứng cũai yoc ẽ

pupút neq máh ngê atông tể Crít cuchit tâng aluang sangcáng. ¹⁹ Nỡ-ra Yiang Sursĩ pupút chíq máh cūai ki. Alói puai máh ngê sâuq tể tở alói sâng yoc. Ngkíq máh ngê ki cõt riang yiang alói. Bo alói táq ranáq sâuq, alói khễn tở alói bữm, ma máh cūai canõh, ki alói sâng casiet táq ranáq ki. Alói ki chanchóm ống ngê tâng dõi nâi sâng. ²⁰ Ma hái, hái la cūai proai cruang Yiang Sursĩ sốt tâng paloõng. Cóp hái nguang níc Ncháu hái, Yê-su Crít, toâq loah tể paloõng yõn táq moâm ranáq chuai amoong hái. ²¹ Tangái ki án táq yõn tở hái cõt chíq tamái ẽn. Tở hái sanua la tở bữn o ntróu, ma tở tamái ki cõt ang-ữr ariang tở Yê-su tê. Yê-su têq táq ngkíq yuaq án bữn chóc toâr lứq. Têq án táq yõn neq tữh ramứh cõt ariang sũl án.

4

Parnai Patâp Canõh

¹ Sễm ai ơi! Cứq ayoõq lứq anhia, cóp cứq yoc lứq ramóh loah anhia. Anhia la cūai táq yõn mút cứq sâng bũ. Cóp anhia la ariang cóng ca Yiang Sursĩ yõn cứq. Ngkíq, cứq patâp anhia cóq anhia sa-âm Ncháu hái pacái lứq.

² Cứq sễq Yudia cóp Sintukê yõn alói cõt ratoi loah pruam muoi mút sa-âm Ncháu hái. ³ Sít-sucơ ơi! Mới la yếu cứq samoât

samoĩ. Cứq sễq mới chuai nứng alói bar náq mansẽm ki. Alói bar náq ki chíuq sa-ữi túh coat parnoi cóp cứq tê, bo hếq táq ranáq puai ngê Yê-su Crít. Cóp bữn Clê-man cóp cūai canõh hữ táq ranáq parnoi cóp cứq. Máh ramứh cūai ki khoiq bữn chơ tâng pơ saráq noau chĩc ramứh cūai bữn tamooing mantái.

⁴ Cóq anhia bữn mút pahõm sâng bũ níc, cõ anhia õt muoi mút cóp Ncháu hái. Cóp cứq patâp ọc ki muoi trõ ẽn: Cóq anhia bữn mút pahõm sâng bũ níc.

⁵ Cóq anhia táq yõn dũ náq cūai dáng anhia bữn mút pahõm khũn. Ncháu hái khoiq cheq ẽ chu chơ. ⁶ Anhia chõĩ cọng tể ramứh ntróu. Ma toâq anhia câu sễq ntróu tể Yiang Sursĩ, bo anhia sễq cóq anhia sa-õn án. ⁷ Ngkíq, cõ anhia bữn muoi mút cóp Yê-su Crít, Yiang Sursĩ lứq yõn anhia bữn mút pahõm sâng ien khẽ. Cóp ọc ien khẽ ki kĩaq níc mút pahõm anhia cóp sarnóm anhia. Ớc ien khẽ ca Yiang Sursĩ yõn tâng mút pahõm anhia ki clũĩ tể cūai têq chanchóm.

⁸ Sễm ai ơi! Nâi la santoiq parsót cứq yoc patâp anhia: Khân bữn ọc ntróu la o lứq cóp p̄ieiq noau khễn, ki cóq anhia chanchóm níc tể ọc ki. Ớc ki la neq: ọc p̄ieiq, ọc sangcún, ọc tanoang o, ọc tở bữn lôih, ọc ayoõq, cóp

máh ốc ntróu la noau pai o.
 9 Ốc ntróu anhia khoiq rien,
 khoiq dáng, khoiq sâng, cốp
 khoiq hữm cứq táq, cốp an-
 hia tũoiq máh ốc ki. Ngkíq
 Yiang Sursĩ, án ca ndõm ốc
 ien khẽ, án lứq ốt parnoi níc
 cốp anhia.

*Phau-lô Sa-õn Cũai Vil
 Phi-lip Chuai Án*

10 Cứq sâng bũi lứq cốp
 sa-õn Ncháu hái, anhia
 khoiq chanchóm yoc ẽ chuai
 cứq. Tẽ nhũang anhia khoiq
 chanchóm yoc ẽ chuai cứq
 tê, ma bo ki anhia tở dáng
 bữn chuai yũah. 11 Cứq
 pai ngkíq tở cõn cõ cứq ốq,
 yuaq cứq khoiq téh ếp yõn
 sâng bũi bữn bĩq tở la sa-ũi.
 12 Cứq khoiq ramóh chơ túh
 cadĩt cốp sốc bữn. Tâng
 đõi tamoong cứq, cứq khoiq
 ramóh pasai cốp panhieih,
 sốc cốp cadĩt, cốp cứq têq
 sâng bũi nheq máh ramứh
 ki. 13 Máh ramứh ntróu cứq
 têq táq, lứq cõ nhơ bán rêng
 tẽ Yê-su Crĩt.

14 Ma anhia táq lứq o toâq
 anhia chuai cứq, bo cứq
 ramóh túh coat. 15 Tốp Phi-
 lip ơi! Anhia dáng chơ bo
 cứq tayoâq pớq atõng par-
 nai o tẽ Yê-su Crĩt, toâq cứq
 loõh tẽ cruang Ma-sadôn,
 ống anhia tốp sa-âm tâng vil
 Phi-lip sâng bữn mút pahõm
 chuai cứq. 16 Bo cứq ốt tâng
 vil Tê-salô-naca anhia cõiq
 cõng yõn cứq khoiq bar
 trõ. 17 Cứq tở bữn pai ngkíq
 cõ cứq yoc ẽ bữn cõng tẽ
 anhia, ma cứq yoc anhia bữn

ốc bốn tẽ Yiang Sursĩ. 18 Ma
 sanua cứq bữn dũ chơ, clũi
 tâc, clũi cha. Cứq tở bữn
 khlaiq muoi ramứh ntróu,
 yuaq Ep-aprôt khoiq đũng
 yõn pớ cứq chơ máh ramứh
 anhia cõiq ẽ chuai cứq. Máh
 ramứh ki la ariang cõng
 phuom noau chiau sang yõn
 Yiang Sursĩ. Lứq Yiang Sursĩ
 roap cõng ki, cốp án sâng
 bũi pahõm anhia sang án
 ngkíq. 19 Yiang Sursĩ la
 sốc la-ốq. Ngkíq dũ ramứh
 ntróu anhia cốp bữn đõq táq
 ranáq án, lứq án chuai yõn
 anhia bữn ramứh ki, la cõ
 nhơ anhia bữn muoi mút
 cốp Yê-su Crĩt. 20 Cốp hái
 khẽ níc Yiang Sursĩ, Mpoaq
 hái, sốt đõi lơi cumo. Amen.

Parnai Carhan

21 Cứq cõiq parnai sa-óh
 dũ náq anhia ca pruam muoi
 mút cốp Yê-su Crĩt. Máh
 sễm ai ca ốt parnoi cốp cứq,
 alóiq cõiq parnai sa-óh anhia
 tê. 22 Cốp dũ náq tốp sa-âm
 blóh cahan anhia, đẽh alóiq
 ca táq ranáq tâng đõng puo
 Rô-ma hỡ.

23 Cứq sễq Yê-su Crĩt,
 Ncháu hái, chuai miat anhia.

Choaiq Thõ Phau-lô Chĩc Yõn Cũai Tâng Vil Cô-lusê Santoiq Atõng

Phau-lô chĩc choaiq thõ nâi coiq sa-óh tốp sa-âm tâng vil Cô-lusê, cruang Asia. Án chĩc sám 60 cumo ntun Yê-su canõt. Án chĩc thõ nâi cõ tian án sâng han bữn máh cũai atõng alóit tở p̄ieiq tẽ parnai Yiang Sursĩ. Alóit atõng cũai sa-âm cóq yám noap cóp sang ranẽng Yiang Sursĩ tâng paloõng, cóp cóq táq rit cút puai phẽp rit I-sarel. Cũai ki pai bữn sa-ũĩ thữ crong sana la tân, cóp alóit atõng sa-ũĩ ọc canõh hõ.

Phau-lô chĩc máh ọc p̄ieiq lứq đõq chí loah máh ọc ki. Án pai Yê-su Crĩt bữn chóc yõn hái bữn roap ọc tamoong tẽ án. Máh santoiq ca noau atõng tở p̄ieiq, táq yõn tốp sa-âm cõt caryoah, chơ õt yong tẽ Yiang Sursĩ. Cõ nhơ tẽ Yê-su, Yiang Sursĩ tẽng paloõng cutẽq; cóp cõ nhơ tẽ Yê-su, Yiang Sursĩ parõm pachứm dũ náq cũai yõn p̄ih loah chu án. Ớng Yê-su toáp tẽq yõn cũai bữn tamoong mantái. Phau-lô atõng sa-ũĩ ọc đõq hái ỉt tác tâng dõit tamoong hái.

1 Cúq la Phau-lô chĩc choaiq thõ nâi. Cúq la cũai

Yiang Sursĩ ruroh yõn táq ayũng atĩ Yê-su Crĩt. Cóp Ti-muthê, la sẽm ai hái, án cahan tê anhia.

2 Cúq chĩc choaiq thõ nâi coiq sa-óh tốp sa-âm ca puai Crĩt nheq rangúh õt tâng vil Cô-lusê. Cúq sẽq Yiang Sursĩ, Mpoaq hái, chuai miat anhia cóp yõn anhia õt bán sũan ien khẽ níc.

Phau-lô Câu Yõn Tốp Cô-lusê

3 Toáq hẽq câu yõn anhia, hẽq sa-õn níc Yiang Sursĩ, Mpoaq Yê-su Crĩt, Ncháu hái, 4 yuaq hẽq khoiq sâng chơ anhia lứq sa-âm Yê-su Crĩt, cóp anhia bữn mút pahõm ayooq nheq tữh cũai ca puai ngê Yê-su Crĩt.

5 Anhia bữn mút pahõm ngkĩq, cõ anhia khoiq sâng chơ parnai p̄ieiq, la parnai o tẽ Yiang Sursĩ; chơ anhia dáng án ữq yõn anhia bữn ọc bốn nõ-ra tâng paloõng.

6 Parnai o tẽ Yiang Sursĩ lứq toáq pở cruang canõh hõ riang án toáq pở anhia. Cóp parnai nâi cõt palâi tâng mút pahõm cũai cruang ki machớng anhia khoiq sâng án cõt palâi tâng mút pahõm anhia tê, tẽ tangái anhia khoiq sâng cóp dáng raloaih lứq parnai p̄ieiq tẽ Yiang Sursĩ chuai miat anhia. 7 Parnai nâi anhia khoiq sâng tẽ Ê-phapra, la yóu ratoi lứq cóp cúq. Hẽq bar náq pruam parnoi táq ranáq yõn Crĩt. Ê-phapra atõng anhia parnai nâi pláih loah

hếq, yuaq hếq tở têq toâq pở anhia. ⁸ Cóp Ê-phapra atông loah yỗn hếq dáng Raviei Yiang Sursĩ khoiq yỗn anhia bữn mút pahõm ayooq.

⁹ Ngkíq, tử tangái hếq sâng parnai ki, hếq câu níc yỗn anhia. Hếq sếq Yiang Sursĩ yỗn anhia dáng sa-ữi hỡn tể máh ramứh Yiang Sursĩ sâng yoc, cóp hếq sếq yỗn anhia cõt roan rangoiq cóp dáng raloaih lứq ễn nhơ tể Raviei Yiang Sursĩ. ¹⁰ Hếq câu ngkíq đợc anhia têq táq ranáq p̄ieiq yáng moat Ncháu hái, yỗn án bữn mút pahõm bũi níc cóp anhia, cóp yỗn anhia cõt palai tể ranáq o anhia táq. Cóp hếq sếq yỗn anhia dáng sa-ữi ễn tể ngê Yiang Sursĩ. ¹¹ Hếq sếq Yiang Sursĩ yỗn chóc án chuai níc anhia. Chóc án la clũi nheq tể chóc canõh. Khân anhia bữn chóc nâi, anhia rơi chũuq níc dũ ramứh túh coat, cóp anhia noâng sâng bũi. ¹² Cóp hếq sa-ỡn Yiang Sursĩ, Mpoaq hái, án yỗn anhia bữn roap tê máh mun án ễ yỗn nheq tữh tốp sa-âm, alói ca ớt tâng ọc poang tráh. ¹³ Án chuai yỗn hái loõh chíq tể santrúq yiang sâuq táq sớt tâng ntốq canám. Cóp án yỗn Yê-su Crĩt ễn táq sớt hái, la Con án ayooq lứq. ¹⁴ Yuaq Yê-su khoiq cuchĩt tang hái, ngkíq Yiang Sursĩ têq thái loah hái cóp táh lôih hái.

¹⁵ Tở bữn noau coi hữm Yiang Sursĩ. Ma cũai aléq hữm Yê-su, ki machóng án khoiq hữm Yiang Sursĩ tê. Cóp Yê-su ớt parnoi cóp Yiang Sursĩ tể tangái Yiang Sursĩ tở yũah tểng muoi ramứh ntróu. ¹⁶ Lứq nhơ tể Yê-su, Yiang Sursĩ tểng nheq tữh ramứh tâng paloõng cóp tâng cộc cutêq nâi, máh ramứh hái têq hữm cóp máh ramứh hái tở têq hữm. Yiang Sursĩ toâp tểng nheq ramứh sớt cóp nheq ramứh chóc tâng p̄õng cóp tâng pưn nhơ Yê-su cóp yỗn Yê-su. ¹⁷ Yê-su khoiq bữn chơ tể nhũang Yiang Sursĩ tở yũah tểng nheq ramứh ki. Cóp Yê-su kĩaq nheq ramứh ki yỗn alói tở bữn cõt rúng. ¹⁸ Cũai cóq bữn plờ nốq têq tamoong: machóng ki tê máh tốp sa-âm Yiang Sursĩ cóq bữn Yê-su nốq têq cõt tamoong mantái. Yê-su la samoât plờ yỗn tốp sa-âm. Nhũang lứq Yê-su toâp cuchĩt ma têq tamoong loah. Yuaq ngkíq, án cõt toâr hỡn nheq tể ramứh canõh. ¹⁹ Yiang Sursĩ sâng bũi pahõm yỗn Con án bữn chóc lĩ-ralĩ machóng án tê. ²⁰ Cóp nhơ tể Yê-su, Yiang Sursĩ yỗn dũ ramứh tâng cộc cutêq nâi cóp tâng paloõng cõt ratoi loah cóp án. Án táq ngkíq cõ tể Con án cuchĩt satõh aham tâng aluang sangcáng.

anhia lúq ốt yơng tễ Yiang Sursĩ, cớp sarnóm anhia chĩ níc Yiang Sursĩ cõ anhia táq ranáq sáuq. ²² Ma cutõ Yê-su toáp khoiq chĩuq cuchĩt đợq yõn anhia têq cõt ratoi loah cớp Yiang Sursĩ. Án táq yõn anhia têq tayưng yáng moat Yiang Sursĩ bữn mút bráh o; lúq tỡ bữn noau têq tểq anhia, cớp Yiang Sursĩ tỡ bữn hữm lôi h ntróu. ²³ Lúq anhia têq tayưng ngkíq, khân anhia sa-âm níc parnai o tễ Yê-su Crĩt, cớp mút anhia ốt khâm ariang aluang bữn rêh cuchĩt yarũ. Ngkíq tỡ bữn noau têq radưng anhia yõn táh chíq máh ramúh anhia ngcuang tễ parnai Yiang Sursĩ, chớ puai parnai canõh. Parnai o tễ Yê-su Crĩt ca anhia khoiq sâng chớ, lúq parnai nãi toáp pỡ nheq tữh cũai canõh hỡ. Cúq Phau-lô toáp la cũai đưng parnai ki.

*Yiang Sursĩ Rươh Phau-lô
Yõn Táq Ranáq Án*

²⁴ Sanua cúq sâng bũi pahõm chĩuq máh túh coat yõn anhia. Máh ốc túh coat Yê-su khoiq chĩuq, án chĩuq yõn tộp sa-âm, la tỡ án. Ma máh ốc túh coat ca tỡ yũah moâm, sanua cúq ễn chĩuq. ²⁵ Yiang Sursĩ khoiq rươh cúq yõn táq ranáq chuai tộp sa-âm. Ma ranáq ki la yõn anhia dáng samoat samơi nheq tữh parnai án. ²⁶ Tễ mbốq parnai nãi ariang noau cutooq, yuaq cũai tỡ

têq dáng yũah parnai nãi. Ma sanua Yiang Sursĩ apáh yõn cũai sa-âm bữn dáng parnai ki. ²⁷ Yiang Sursĩ yoc ễ yõn máh cũai sa-âm dáng parnai cutooq nãi bữn ramúh pasêq lúq. Cớp Yiang Sursĩ yõn cũai tỡ cõn cũai I-sarel dáng tễ ramúh nãi. Ramúh pasêq nãi la Crĩt ốt tâng mút pahõm anhia. Ngkíq anhia ngcuang bữn ốt parnoi cớp án tâng nốq ang-ữr tâng paloõng. ²⁸ Hếq atõng níc tễ Crĩt. Hếq sươq atõng nheq tữh cũai cớp nheq parnai rangoaiq, yuaq hếq yoc alới cõt carsai puai ngê Crĩt. ²⁹ Hữm cúq rơi cutóng táq ranáq nãi, la cõ Crĩt chuai tâng mút pahõm cúq yõn cúq têq táq.

2

¹ Cúq yoc anhia dáng raloaih lúq tễ mút pahõm cúq. Mút cúq sâng yoc lúq chuai anhia. Cớp cúq yoc ễ chuai tễ máh cũai sa-âm ốt vil Lau-dusia, dềh alới ca tỡ nãi hữm tỡ cúq. ² Cúq yoc alới cõt muoi mút, manoaq chuai manoaq, manoaq aliam manoaq. Cúq yoc lúq yõn sarnóm alới dáng tutuaiq bữm ngê pasêq lúq, yõn têq alới dáng raloaih lúq ngê cutooq tễ Yiang Sursĩ. Ngê cutooq nãi la Crĩt toáp. ³ Tâng Crĩt bữn dũ ramúh pasêq. Ramúh pasêq ki la ốc rangoaiq, cớp ốc noau têq dáng tễ ngê Yiang Sursĩ.

4 Cúq atông anhia parnai ki, yuaq cúq ngcõh cũai canõh toađ pở anhia atông parnai nêuq lứq ẽq yõn anhia puai ngê alói. 5 Sanua tở cúq tở bữn õt cốp anhia, ma mút pahõm cúq õt níc cốp anhia. Cốp cúq bũi lứq khân mút anhia õt sabóng o yống níc máh ngê anhia khoiq sa-âm tẻ Crít.

Bữn Crít La Dữ Chơ

6 Máh parnai anhia khoiq sa-âm chơ tẻ Yê-su Crít, Ncháu hái, cóq anhia táq pởq puai níc parnai ki. 7 Cóq anhia yõn parnai ki dách talor tâng mút anhia, cốp cóq anhia toár achõn tâng ốc sa-âm, máh noau khoiq atông anhia chơ. Cốp cóq anhia bữn mút pahõm sa-õn mantái níc.

8 Cóq anhia nhêng samoat, cõh cũai canõh tuoiq ít chíq ngê nâi tẻ mút pahõm anhia. Cũai ki pai cóq anhia khêuq cốp o lứq, ma parnai ki thũ sâng cốp tở bữn cõt kia ntróu. Alói ki puai phếp rit cũai cốp ngê tâng dõi nâi sâng, alói tở bữn puai Crít. 9 Lứq samoat, nheq máh ngê Yiang Sursĩ õt nheq cốp Crít bo án cõt cũai. 10 Cốp khân anhia bữn Crít tâng mút pahõm, anhia bữn dữ chơ, tở bữn khlaiq muoi ramúh ntróu, yuaq Crít ndõm nheq máh ramúh sớt cốp nheq máh ramúh chóc.

11 Puai phếp rit cũai I-sarel, alói táq rit cút táq tẻc tâng tở alói. Anhia bữn tẻ

tẻc, ma tẻc ki tở cõn cũai táq. Tẻc ki Crít toáp táq yõn anhia, cốp tẻc ki la anhia táh chíq ngê tiaq. 12 Anhia la samoat noau tứp parnoi cốp Crít bo anhia roap batẽm. Cốp samoat anhia tamoong loah parnoi cốp Crít tẻ, cõ anhia sa-âm Yiang Sursĩ táq yõn Crít tamoong loah tẻ cuchĩt. 13 Tẻ nhũang, la ariang anhia cuchĩt, yuaq anhia táq sa-ữi lôi h cốp anhia tở bữn puai phếp rit Yiang Sursĩ yõn cũai I-sarel. Ma Yiang Sursĩ táq yõn anhia tamoong loah parnoi cốp Crít, cốp án khoiq táh nheq lôi h anhia. 14 Cúq sacâm neq: Máh ramúh ntróu hái táq lôi h cóq Yiang Sursĩ, la samoat Yiang Sursĩ khoiq chĩc nheq máh ramúh ki tâng choaiq. Chơ án ít choaiq ki tẻh đởq tâng alu-ang sangcáng Crít. Chơ Crít cuchĩt đởq pupút chíq máh ramúh lôi h ki. 15 Toađ Crít cuchĩt, án apáh yõn nheq tữh cũai hũm án khoiq chĩ riap chơ nheq ramúh chóc cốp nheq ramúh sớt, yuaq án cuchĩt ma tamoong loah.

16 Ngkíq anhia chõi noap parnai noau tẻq anhia tẻc cớng anhia nguaiq tở la cha, cốp tẻ tangái cha bũi Casai Loõh Tamái, tở la tangái anhia đởq rlu sang Yiang Sursĩ, tở la tangái anhia cha bũi sanhữ án. 17 Máh ramúh nâi Yiang Sursĩ patáp tẻ nhũang đởq táq tẻc yõn cũai dáng nõ-ra lứq bữn

Crît. Ma sanua bữn chơ Crît. Chơ máh ramúh tếc ki la tở bữn ntrớu noâng. ¹⁸ Ngkíq anhia chõỉ yõn alóỉ ki tếc anhia pai anhia táq tở pñeỉq. Cóp anhia chõỉ noap parnai alóỉ pai chóc anhia ẽq anhia táq túh coat tở anhia bữm yoc ẽ puai ngê Yiang Sursĩ. Alóỉ ki atởng yõn anhia cóq táq ngkíq, cóp alóỉ yoc ẽ dũng anhia sang ranẽng Yiang Sursĩ tẽ paloõng. Alóỉ ki pai alóỉ dáng ngê Yiang Sursĩ cõ alóỉ khoỉq hữm Yiang Sursĩ sapáh yõn alóỉ. Ngkíq alóỉ chanchỏm alóỉ toạt hỡn cóp dáng sa-ũỉ hỡn tẽ cũai canỏh. Ma alóỉ chanchỏm tở pñeỉq. ¹⁹ Alóỉ khoỉq ratah tẽ Yê-su Crît. Ngkíq alóỉ la samoat cũai ỏq plỡ. Yê-su la samoat plỡ, cóp tốp sa-âm la samoat tở án. Cũai cóq bữn plỡ nõq tẽq tamoong cóp toạt achỏn. Machỏng ki tẽ, khân Yê-su Crît táq sỏt hái, lứq hái tẽq cõt muoi mút muoi pahỏm, cóp hái tẽq toạt achỏn tâng ngê Yiang Sursĩ.

Hái Cuchĩt Cóp Tamoong Loah Parnỏi Cóp Crõt

²⁰ Khân anhia khoỉq cuchĩt parnỏi cóp Crõt chơ, nõq tẽq noau ẽp anhia puai phẽp rit tâng dõỉ nải? ²¹ Phẽp rit ki pai: “Chõỉ yõng cớng nải. Chõỉ cha chim tở la tớt sana ki.”

²² Ma máh ramúh nải nữ-ra cõt pứt nheq. Cóp phẽp rit ki loỏh tẽ bỏq cũai

sâng. ²³ Anhia sâng parnai alóỉ ki la ariang pñeỉq tẽ. Alóỉ khoỉq tẽng bữm rit sang. Alóỉ táq nan asẽng tở, cóp alóỉ patáp yõn anhia táq túh coat tở anhia bữm. Ma parnai ki tở bữn cõt kia ntrớu, cóp tở bữn chuai ntrớu yõn cũai tẽq viaq vớt tẽ ngê sỏuq.

3

¹ Khân anhia khoỉq tamoong loah parnỏi cóp Crõt, cóq anhia chuaq máh ramúh tâng paloõng, pở nỏq Yê-su tacu coah atoam Yiang Sursĩ.

² Cóq anhia tutuaiq níc máh ramúh tâng pỡng. Chõỉ tutuaiq máh ramúh tâng dõỉ nải. ³ Anhia la samoat khoỉq cuchĩt chơ, cóp nheq dõỉ tamoong anhia, la samoat noau culỏq clờp parnỏi cóp Crõt, cõ anhia ỏt muoi mút cóp Yiang Sursĩ. ⁴ Sanua hái ỏt muoi mút cóp Crõt. Ngkíq toạt tangái noau hữm Crõt chu loah pở cutẽq nải, bo ki noau hữm anhia ỏt cóp án bữn chỏc ang-ũỉ riang án tẽ.

Ngê Tiaq Cóp Ngê Tamái

⁵ Yuaq ngkíq, cóq anhia táh chíq nheq máh ngê tâng dõỉ nải. Ngê nải la neq: Mansẽm samiang tở bữn lacuoi cayac ma bẻq parnỏi, táq ranáq tanghang, raveh ravoỏh yoc ẽ bữn noau, yoc ẽ táq ranáq sỏuq, cóp ham cớng sanỏc tâng dõỉ nải. Alóỉ ham cớng sanỏc tâng dõỉ nải, ki machỏng alóỉ sang yiang canỏh. ⁶ Cõ nheq

máh ramúh nâi, yuaq Yiang Sursĩ cutâu mút lúq chók máh cūai ca tở bữn trĩh par-nai án. ⁷ Tễ nhũang anhia đốq táq tê máh ramúh ki, bo anhia noâng puai ngê ki.

⁸ Ma sanua cóq anhia táh chíq máh ramúh neq: Két cūai canõh, nsóq cóp cūai canõh, yoc ẽ táq cūai canõh, acrieiq cūai canõh, cóp táq ntõng sarmũaq. ⁹ Ma cóq manoaq chõĩ táq ntõng lauq chók manoaq, yuaq anhia khoiq táh chơ ngê tiaq cóp ranáq tiaq. ¹⁰ Cóp anhia khoiq ít chơ ngê tamái. Bữn ngê tamái nâi hái rien níc tễ Yiang Sursĩ. Ngkíq hái cõt ariang ngê án ca khoiq tễng hái tê. ¹¹ Aléq bữn ngê tamái nâi, ki tở bữn ntróu án la cūai I-sarel, tở la tở cõn cūai I-sarel. Tở bữn ntróu án khoiq táq rit cút puai phệp rit I-sarel, tở la tở bữn táq. Tở bữn ntróu án la tễ cruang Créc, tở la cruang Rô-ma, tở la cruang canõh ẽn. Tở bữn ntróu án la cūai sũl, tở la tở bữn cūai sũl. Khân aléq bữn Crĩt tâng mút pahõm án, nâi la dũ chơ, yuaq Crĩt la toâr clũĩ nheq tễ canõh, cóp Crĩt õt tâng mút pahõm dũ náq anhia.

¹² Cõ Yiang Sursĩ ayooq anhia, ngkíq án ruroh anhia. Án đõq anhia miar tễ cūai canõh yõn anhia táq ranáq án sâng. Ngkíq cóq anhia ít mút pahõm neq: Mút pahõm sarũiq táq chók cūai canõh, mút pahõm yoc ẽ chuai yóu, mút pahõm tở

bữn õt sác, mút pahõm tutuaiq ngê yóu, mút pahõm laviei chók cūai canõh. ¹³ Cóq anhia manoaq chũuq manoaq, cóp manoaq táh lỏih manoaq. Khân bữn cūai aléq táq lỏih chók anhia, anhia chõĩ noap lỏih cūai ki táq. Ariang Ncháu khoiq táh lỏih anhia, machóng ki tê cóq anhia táh lỏih noau táq chók anhia. ¹⁴ Cóp clũĩ tễ máh ramúh nâi ẽn, cóq anhia ít mút pahõm ayooq. Khân hái bữn mút pahõm ayooq, ki tẻq hái cõt muoi mút muoi pahõm õt ratoi níc cóp yóu. ¹⁵ Cóq anhia yõn ọc ien khẽ tễ Crĩt ndõm tâng mút pahõm anhia. Lúq Yiang Sursĩ arô anhia ẽq anhia õt ratoi nheq muoi mút cóp án. Cóp cóq anhia bữn mút pahõm sa-õn níc. ¹⁶ Cóq anhia yõn parnai Crĩt cõt pacái lúq tâng mút pahõm anhia, yõn anhia cõt rangoiq tẻq manoaq atõng manoaq, manoaq sũoq manoaq. Cóq anhia ũat máh cansái khẽn Yiang Sursĩ tở la atõng ngê án. Cóp toâq anhia ũat, cóq anhia bữn mút pahõm sa-õn Yiang Sursĩ. ¹⁷ Parnai ntróu anhia pai, cóp ranáq ntróu anhia táq, cóq anhia táq cõ anhia puai ngê Yê-su, Ncháu hái. Cóp nton anhia táq, nton anhia sa-õn Yiang Sursĩ, Mpoaq hái, nhơ Yê-su.

Ngê Ồt O Cóp Cūai Muoi Đõng

18 Mách anhia ca lacuoi, cóq anhia ít pahõm cayac anhia. Khân anhia táq ngkíq, ki lúq p̄ieiq yõn anhia ca khoiq sa-âm Ncháu.

19 Mách anhia ca cayac, cóq anhia ayooq lacuoi anhia. Cóq anhia chõĩ dũng túh lacuoi anhia.

20 Mách anhia ca con acái, cóq anhia trĩh láih parnai mpiq mpoaq anhia, yuaq ranáq nài táq yõn bũ pahõm Yiang Sursĩ.

21 Mách anhia ca mpoaq, cóq anhia chõĩ rakhẽu con anhia, cõh lơ alóĩ sâng p̄e pahõm.

22 Mách anhia ca cũai sũl, cóq anhia trĩh láih parnai ncháu anhia tâng dõĩ nài, máh ranáq alóĩ ớn anhia táq. Anhia chõĩ táq ranáq o ống yáng moat alóĩ sâng, ẽq alóĩ khẽn anhia. Ma cóq anhia táq nheq mút pahõm anhia, yõn Yiang Sursĩ hũm o ranáq anhia táq. 23 Ntróu anhia táq, cóq anhia táq nheq rangũh rahõ anhia. Cóq anhia táq yõn Yiang Sursĩ, tở cõn yõn cũai, 24 yuaq anhia dáng tẽ Yiang Sursĩ anhia bũn cóng cóp mun án. Ncháu anhia la Yê-su Crít, cóp anhia táq ranáq yõn án. 25 Ma cũai aléq táq ranáq sâuq, lúq Yiang Sursĩ culáh yõn án cóng sâuq tê, yuaq Yiang Sursĩ culáh cóng puai loah máh ranáq táq.

4

1 Mách anhia ca cũai ncháu, cóq anhia táq

tanoang o chók cũai sũl anhia. Cóq cóq anhia táq yõn alóĩ lĩ-ralĩ. Yuaq anhia dáng, anhia bũn tê Ncháu. Ncháu anhia ki õt tâng paloõng.

Phau-lô Sẽq Alóĩ Câu Chuai Án

2 Anhia chõĩ cõt lakéh câu. Cóq cóq anhia câu lúq samoat tẽ mút pahõm anhia. Anhia chõĩ câu tâng bõq sâng. Cóq cóq anhia câu sa-õn. 3 Sẽq anhia câu chuai hẽq, sẽq Yiang Sursĩ pớh rana yõn hẽq têq atõng ngê cutooq tẽ Crít. Cõ cúq atõng ngê ki yuaq noau chók cúq tâng cuaq. 4 Cóq anhia sẽq Yiang Sursĩ chuai cúq yõn cúq têq atõng raloaih lúq ngê cutooq ki, yuaq lúq p̄ieiq la cúq atõng ngê ki.

5 Cóq anhia õt patoat o chók cũai tở bũn sa-âm. Cóq cóq anhia chanchóm ống tẽ ranáq táq ca bũn kia. 6 Cóq anhia táq nõtõng yõn cõt ẽm parnai anhia, ariang raveh khoiq noau chók boi chơ. Ngkíq têq anhia dáng nõq p̄ieiq anhia ta-õĩ nheq tũh cũai canõh.

Yóu Phau-lô Sa-óh Tốp Cô-lusê

7 Miar tở cúq, cúq khoiq ớn Ti-chacơ atõng yõn anhia dáng. Ti-chacơ la sẽm ai cúq ayooq lúq. Cóq án táq sarâng lúq ranáq Yiang Sursĩ parnoi cóp cúq. 8 Cúq khoiq ớn án toâq pở anhia dõq atõng anhia dáng máh ramũh ca toâq pở cúq. Cóq

cứq ớn án aliam anhia. ⁹ Cóp Ô-nasim hỡ cứq yỗn toàq pỡ anhia. Ô-nasim la sễm ai cứq ayooq tẻ, cóp án la cũai patoat lứq. Tẻ nhũang án ốt muoi vil cóp anhia. Chơ alới bar náq nài atỡng yỗn anhia dáng máh ranáq cớt tâng ntốq nài.

¹⁰ Ari-tac, án la ốt tữ parnoi cóp cứq. Án cóiq parnai sa-óh anhia. Cóp Mac hỡ, án cóiq parnai sa-óh anhia tẻ. Án la sễm ai Ba-naba. Mac nài cứq khioq atỡng anhia chơ tẻ nhũang; khân án toàq pỡ anhia, cóq anhia catoàng án yỗn án ốt bũi cóp anhia. ¹¹ Cóp Yô-sũa, án ca noau đốq ramứh Yutu hỡ, án cóiq parnai sa-óh anhia tẻ. Ớng alới pái náq sâng la cũai I-sarel ca ốt chuai cứq táq ranáq Yiang Sursĩ. Cóp alới aliam mút cứq.

¹² Ê-phapra, án la tẻ tộp anhia tẻ, cóp án pruam táq ranáq yỗn Yê-su Crít. Án cóiq parnai sa-óh anhia tẻ, cóp án câu níc nheq mút pahỡm yỗn anhia. Án đốq sễq Yiang Sursĩ yỗn anhia ốt patoat o tỡ bữn khláiq muoi ramứh ntróu tẻ máh ngẻ Yiang Sursĩ yoc anhia puai. ¹³ Cứq atỡng yỗn anhia dáng tẻ Ê-phapra nài, án ayooq lứq anhia cóp án chuai anhia. Cóp án ayooq cóp chuai tẻ alới ca ốt tâng vil Lau-dusia cóp vil Hier-pulit. ¹⁴ Luca cóp Dẻ-ma ẻ sa-óh anhia tẻ. Luca la cũai cói tahâu, ca hái ayooq lứq.

¹⁵ Sễq anhia cubán máh sễm ai hái tâng tộp sa-âm, ốt vil Lau-dusia. Cóp sễq anhia cubán Numpha cóp tộp ca rôm tâng đống án. ¹⁶ Moâm anhia doc choaiq thỡ nài, cứq sễq anhia cóiq yỗn cũai sa-âm pỡ vil Lau-dusia, yỗn alới bữn doc tẻ. Cóp sễq anhia ỉt choaiq thỡ cứq chĩc yỗn alới ki; chơ doc loah choaiq thỡ ki tâng tộp anhia. ¹⁷ Sễq anhia atỡng cóp Archip neq: “Cóp mới nhềng samoât lứq ranáq Yiang Sursĩ yỗn mới táq, cóp táq ranáq ki yỗn moâm.”

¹⁸ Lứq samoât atĩ cứq, la Phau-lô, chĩc parnai sa-óh parsốt nài. Sễq anhia sanhữ cứq noàng ốt tâng cuaq. Cứq sễq Yiang Sursĩ chuai miat anhia.

Choaiq Thờ Muoi Phau-lô Chĩc Yõn Cũai Tâng Vil Tê-salô-naca Santoiq Atõng

Phau-lô chĩc choaiq thờ nãi coiq sa-óh tốp sa-âm tâng vil Tê-salô-naca, cru-ang Ma-sadôn. Án chĩc sám 51 cumo noap tẽ tangái Yê-su canõt. Phau-lô cõt samoat cũai trứh cuplõq yõn bữn máh cũai sa-âm Yiang Sursĩ tâng ntõq án trứh. Ma máh cũai I-sarel kêt án cốp yóu án, cốp alóit tuih aloõh alóit tẽ vil. Ntun ki, Phau-lô ớn Ti-muthê chu sa-óh loah tốp sa-âm tâng vil Tê-salô-naca. Bo án ớt tâng vil Cõr-ntô, Phau-lô sâng han tẽ tốp sa-âm táq ranáq Yiang Sursĩ tâng vil Tê-salô-naca.

Tâng choaiq thờ nãi Phau-lô anhoac catoaih tốp sa-âm. Án sa-õn Yiang Sursĩ cõ nhơ tốp sa-âm tâng vil Tê-salô-naca bữn óc sa-âm cốp óc saryóq yóu. Án ta-õi máh santoiq alóit blóh án tẽ ranáq Yê-su sêng loah trõ bar. Khân bữn cũai sa-âm ca cuchĩt nhũang tangái Yê-su sêng loah trõ bar, cũai ki bữn tamoong mantái tở? Noâng maléq dũn nõq Yê-su toâq loah? Cốp Phau-lô atõng tốp sa-âm cóq cutóng táq ranáq Yiang Sursĩ bo noâng ớt acoan Yê-su toâq loah.

¹ Cũq la Phau-lô chĩc choaiq thờ nãi coiq sa-óh tốp sa-âm ớt tâng vil Tê-salô-naca. Cốp alóit bar náq Si-la cốp Ti-muthê coiq parnai sa-óh anhia tê. Anhia bữn muoi mút cốp Yiang Sursĩ, Mpoaq hái, cốp Yê-su Crĩt, Ncháu hái. Cũq sêng Yiang Sursĩ chuai miat anhia cốp yõn anhia ớt bán sũan ien khẽ níc.

Phau-lô Sa-õn Bữn Cũai Sa-âm Tâng Vil Tê-salô-naca

² Bo hếq câu, hếq sa-õn Yiang Sursĩ cõ tẽ nheq tữh anhia, cốp hếq tở bữn khlĩr câu yõn anhia. ³ Hếq sanhữ níc yáng moat Yiang Sursĩ, Mpoaq hái, anhia táq ranáq puai ngê sa-âm Yiang Sursĩ. Hếq sanhữ anhia ayooq yóu sa-ữi lứq; ngkĩq anhia táq cutóng lứq chuai yóu. Cốp hếq sanhữ anhia yống pacái lứq óc anhia nguang la Yê-su Crĩt, Ncháu hái, toâq loah pở cutêq nãi. ⁴ Sêm ai ơi! Hếq dáng chơ Yiang Sursĩ ayooq lứq anhia, cốp án khoiq ruroh anhia yõn ớt muoi mút cốp án. ⁵ Toâq hếq dững parnai o tẽ Yiang Sursĩ toâq pở anhia, parnai ki cõt blẽng hữn tẽ parnai cũai dốq táq ntõng, yuaq Raviei Yiang Sursĩ yõn anhia dáng samoat samơ parnai ki la p̄ieiq lứq. Anhia khoiq hữm chơ máh ranáq hếq táq bo hếq ớt cốp anhia, cõ hếq sâng ayooq anhia. ⁶ Ngkĩq anhia khoiq tũoiq hếq machóng anhia tũoiq

Ncháu hái tê. Tam anhia ramóh sa-ũĩ ramũh túh coat, ma nôang anhia bũn mút bũi roap parnai hếq atõng, yuaq Raviei Yiang Sursĩ toáp yõn anhia bũn ốc ki. ⁷ Anhia táq ngkíq, anhia la samoât riang ngôl yõn dũ náq cũai sa-âm tâng cruang Ma-sadôn cốp cruang Achai. ⁸ Lứq parnai o tễ Ncháu trởh la-ũt la-ũĩ tễ anhia, tỡ bũn tâng cruang Ma-sadôn cốp cruang Achai sâng, ma lứq parnai noau atõng tễ anhia sa-âm Yiang Sursĩ, parnai ki khoiq pláh dũ ntốq chơ. Ngkíq hếq tỡ bũn túh atõng nôang alóí ki tễ anhia, ⁹ yuaq dũ náq alóí khoiq dáng chơ cốp atõng loah hếq tễ anhia. Alóí pai anhia khoiq tabõp tabéh hếq o lứq bo hếq toâq pỡ anhia. Alóí pai anhia khoiq táh nheq crõng sang yiang sâuq, chơ pích chu Yiang Sursĩ. Alóí pai sanua anhia táq ranáq Yiang Sursĩ ễn, án ca Yiang p̄ieiq lứq cốp Yiang tamoong mantái níc. ¹⁰ Cốp anhia ngcuang Con Yiang Sursĩ sễng loah tễ paloõng. Con án la Yê-su, án ca Yiang Sursĩ khoiq yõn tamoong loah tễ cuchĩt, An chuai amoong hái yõn vót tễ ốc túh coat toâq Yiang Sursĩ táq cũai nõ-ra.

2

*Ranáq Phau-lô Táq Tâng
Vil Tê-salô-naca*

¹ Sêm ai ơi! Lứq anhia dáng samoât samơi chơ,

bo hếq toâq pỡ anhia, máh ranáq hếq táq cốp anhia la tỡ bũn ốq kia. ² Cốp anhia dáng tê tễ nhũang hếq tỡ yũah toâq pỡ anhia máh cũai tâng vil Phi-lip, alóí táq hếq, cốp alóí pai ì-par-ĩ hếq. Ma nôang Yiang Sursĩ yõn mút hếq cõt clốq lứq atõng parnai o tễ Yiang Sursĩ yõn anhia. Tỡ bũn ntróu cũai yoc ẽ catáng hếq. ³ Bo hếq atõng anhia, nheq máh santoiq hếq atõng la p̄ieiq lứq. Mút pahõm hếq tỡ bũn ìt rangũh hếq bũm, cốp hếq tỡ bũn thũ anhia. ⁴ Ma hếq atõng níc máh parnai Yiang Sursĩ yoc hếq atõng, yuaq án khoiq rườh hếq chơ, cốp án noap hếq atõng parnai o tễ án. Hếq tỡ bũn atõng ểq bũi mút pahõm cũai, ma hếq atõng ểq yõn bũi pahõm Yiang Sursĩ sâng, yuaq án toáp chim mút pahõm hếq. ⁵ Anhia dáng chơ bo hếq atõng anhia, hếq tỡ bũn pai ẽm santoiq chõng pahõm anhia yõn anhia chuai loah hếq. Ốc nâi Yiang Sursĩ lứq dáng. ⁶ Khân hếq ểq anhia yám noap hếq, ki tềq hếq yõn anhia táq ngkíq, yuaq hếq la ayũng atĩ Crít. Ma hếq tỡ bũn chuaq ốc ki tễ anhia, tỡ la tễ cũai canõh. ⁷ Bo hếq ốt cốp anhia hếq bũn mút lamên chóq anhia samoât riang mpiq chũm siem con án mbõiq amia. ⁸ Cỗ hếq ẽr áiq lứq yoc ẽ chuai anhia, ngkíq hếq tỡ

bữn ổng atông parnai o tể Yiang Sursĩ sâng, ma lứq hếq roi dếh chũuq cuchĩt tang anhia hỡ. Hếq roi táq ngkĩq, la cồ hếq ayoouq lứq anhia. ⁹ Sễm ai ơi! An-hia sanhữ tê bo hếq ốt cốp anhia, hếq táq ranáq lakéh lứq, dòq hếq chũm bữm cớng sana cha. Tangái cốp sadâu hếq táq níc yỗn tỡ bữn noau tể anhia túh siem hếq. Hếq táq ngkĩq bo hếq atông parnai o tể Yiang Sursĩ yỗn anhia. ¹⁰ Anhia khoiq hữm chớ dỡi tamoong hếq bo hếq ốt cốp anhia ca cũi sa-âm. Anhia khoiq dáng hếq bữn mút pahõm bráh o, tanoang tapúng, cốp tỡ bữn noau tềq tểq hếq táq ranáq lờih ntróu. Lứq Yiang Sursĩ dáng tê ốc ki. ¹¹ Anhia dáng hếq khoiq táq cốp dũ náq anhia samoat riang mpoaq táq yỗn con án. ¹² Hếq khoiq atông anhia. Hếq khoiq aliam an-hia. Cốp hếq khoiq radũng níc anhia yỗn táq ranáq o yáng moat Yiang Sursĩ, án ca arô anhia yỗn mut tâng ntốq án sốt, cốp yỗn anhia chống tê chớc ang-ữr tể án.

Tốp Sa-âm Tâng Vil Tê-salô-naca Khoiq Chũuq Sa-ữi Túh Coat

¹³ Hếq sa-õn níc Yiang Sursĩ, yuaq toáq hếq atông anhia parnai o tể Yiang Sursĩ, anhia khoiq ỉt nheq parnai ki. Anhia noap parnai ki la lứq parnai Yiang Sursĩ, tỡ cõn parnai cũi chống ể pai sâng. Lứq

samoat parnai ki la parnai tể Yiang Sursĩ. Parnai ki ntôm táq ranáq tâng anhia ca sa-âm. ¹⁴ Sễm ai ơi! Bo ki anhia túoiq riang tốp sa-âm tâng cruang Yudê, alói ca ốt muoi mút cốp Yê-su Crĩt. Alói chũuq sa-ữi ốc túh coat tốp I-sarel táq, machống an-hia chũuq máh túh coat yóu anhia táq chốq anhia tê. ¹⁵ Máh tốp I-sarel ca khoiq cachĩt Yê-su, Ncháu hái, cốp alói cachĩt dếh cũi tang bỗq Yiang Sursĩ hỡ. Alói táq dếh hếq hỡ. Alói táq ngkĩq, Yiang Sursĩ tỡ bữn bũi ntróu cốp alói. Alói catáng tỡ yỗn cũi canõh tềq puai ngê Yiang Sursĩ. ¹⁶ Lứq alói tỡ ểq hếq atông cũi tỡ cõn cũi I-sarel yỗn tềq Yiang Sursĩ chuai amoong alói ki tê. Péq chớ lờih tốp I-sarel táq. Sanua toáq ngư Yiang Sursĩ táq alói.

¹⁷ Sễm ai ơi! Riang hếq nài, bo hếq ratáh tể anhia, hếq chanchóm tỡ bữn dũn noâng hếq toáq loah pỡ an-hia. Chớ sanua hếq sanhữ lứq anhia, cốp hếq ểr áiq yoc ể ramóh loah anhia. Mút hếq ốt níc cốp anhia, ma tỡ hếq ốt yớng tể anhia. ¹⁸ Hếq chanchóm yoc ể toáq loah pỡ anhia. Riang cứq Phaulô nài, cứq khoiq bar pái tỡ chanchóm ể toáq pỡ anhia, ma yiang Satan catáng níc hếq. ¹⁹ Cồ nõq hếq tềq dáng Yê-su sâng bũi cốp hếq? Cồ nõq hếq tềq sâng bũi ỡn? Cốp nõq hếq tềq pai hếq táq

ranáq o yáng moat Yê-su, Ncháu hái, toâq tangái án toâq loah pở cutêq nâi? Lứq samoât hêq bữn nehq máh ọc ki la cở tễ anhia. ²⁰ Lứq samoât noau khễn hêq la cở tễ anhia, cớp mút pahỡm hêq sâng bữi ỡn lứq la cở tễ anhia.

3

Phau-lô Êr Áiq Yoc Ê Pởq Sa-óh Alói

¹ Ngkíq, toâq cứq sâng tở rơi chũuq noâng yuaq tở bữn sâng han ntrứu tễ anhia, cứq pruum ớt manoaq cứq tâng vil Athên. ² Cớp cứq ỡn Ti-muthê pởq pở anhia. Án la sễm ai hái, cớp án táq ranáq Yiang Sursĩ parnoi cớp cứq. Hêq bar náq atởng parnai o tễ Yê-su Crít. Cứq khoiq ỡn án toâq pở anhia yõn án patâp anhia yống pacái lứq máh ọc anhia khoiq sa-âm chớ, cớp atởng anhia sa-âm sa-ữi lứq ễn. ³ Cứq tở ểq noau tễ anhia táh chíq ngê Yiang Sursĩ cở tian anhia ramóh túh coat. Anhia khoiq dáng chớ Yiang Sursĩ khoiq anoat yõn hái chũuq ọc túh coat. ⁴ Bo hêq noâng ớt cớp anhia, hêq khoiq atởng anhia neq: “Lứq samoât, nỡ-ra hái ramóh sa-ữi ọc túh coat.” Cớp anhia dáng máh ọc ki lứq toâq pở anhia chớ. ⁵ Yuaq ngkíq, cứq sâng tở rơi acoan noâng, chớ cứq ỡn Ti-muthê toâq pở anhia. Cứq yoc ể dáng anhia noâng sa-âm ma tở bữn. Cứq ngcõh

yang Satan radũng anhia táh chíq ngê Yiang Sursĩ. Khân lứq ngkíq, máh ranáq hêq atởng anhia la lóp miat.

⁶ Ma sanua Ti-muthê khoiq loõh tễ anhia, chu loah pở cứq. Án atởng cứq santoiq hỡr lứq tễ anhia. Án pai anhia noâng sa-âm, cớp anhia manoaq ayooq manoaq. Án pai anhia sanhữ níc cứq, cớp anhia ểr áiq lứq yoc ể ramóh cứq, machóng cứq ểr áiq yoc ể ramóh anhia tễ. ⁷ Ngkíq sễm ai ời, mút cứq cởt bữi loah cở cứq sâng anhia noâng sa-âm samoât samoi. Tở bữn ntrứu cứq chũuq tởiq bap cớp túh cadít. ⁸ Sanua cứq tamoong bữi lứq, yuaq anhia noâng sa-âm Ncháu hái pacái lứq. ⁹ Cứq sa-ỡn Yiang Sursĩ sa-ữi lứq cở anhia sa-âm samoât samoi. Ngkíq, cứq bữn ọc bữi hỡr lứq yáng moat Yiang Sursĩ. ¹⁰ Cu rangái cu sadâu cứq câu nehq rangứh rahỡ, sễq Yiang Sursĩ yõn cứq ramóh loah anhia. Cứq yoc lứq ể chuai anhia máh ramứh anhia tở yũah dáng raloaih tễ ngê Yiang Sursĩ yõn anhia tềq sa-âm pacái lứq ễn.

¹¹ Cứq sễq Yiang Sursĩ, Mpoaq hái, cớp Yê-su Crít, Ncháu hái, chuai yõn cứq bữn toâq pở anhia. ¹² Cứq sễq Ncháu hái chuai yõn anhia manoaq ayooq manoaq sa-ữi lứq ễn, cớp yõn anhia ayooq nehq tữh cũai canõh

hỡ, machóng cứq ayooq
 nheq tữh anhia tê. ¹³ Ngkíq
 án táq yõn anhia bữn mút
 pahõm pacái lứq, cớq Yiang
 Sursĩ, Mpoaq hái, tỡ bữn
 tểq anhia táq lôih ntróu
 tâng tangái Yê-su, Ncháu
 hái, toâq loah pỡ cutểq nâi.
 Án toâq parnơi cớq nheq tữh
 cũai sa-âm án.

4

*Phau-lô Patâp Yõn Cũai
 Ớt O Yáng Moat Yiang Sursĩ*

¹ Sểm ai ơi! Cỗ hái ớt
 muoi mút cớq Yê-su, Ncháu
 hái, cứq yoc ẽ sểq anhia
 muoi ramứh ẽn. Cứq sểq
 anhia táq pỡq ariang anhia
 khoiq rien tể hểq chớ, yõn
 Yiang Sursĩ sâng bũi cớq
 anhia. Lứq anhia khoiq
 táq ngkíq chớ, ma cứq sểq
 anhia puai ngê ki samoât
 lứq ẽn. ² Anhia dáng chớ
 máh parnai hểq khoiq patâp
 anhia cỗ Yê-su, Ncháu hái,
 ón hểq atõng ọc ki. ³ Yiang
 Sursĩ yoc anhia bữn mút
 pahõm bráh o yáng moat án.
 Cớq án tỡ ểq anhia mansểm
 samiang bểq parnơi khân tỡ
 bữn lacuoi cayac. ⁴ Cớq dũ
 náq anhia dáng rabán o tỡ
 anhia bữm yõn anhia bữn
 mút bráh o yáng moat Yiang
 Sursĩ, cớq yõn cũai canõh
 hữm anhia la cũai patoat o.
⁵ Anhia chõih raveh ravoõh
 yoc ẽ bữn noau, riang cũai
 tỡ yũah sa-âm dốq táq, yuaq
 alóit tỡ yũah dáng ntróu tể
 ngê Yiang Sursĩ. ⁶ Anhia chõih
 tũoiq máh ranáq sâuq ki,

cớq anhia chõih manoaq yoc
 ẽ bữn lacuoi manoaq. Khân
 cũai aléq ma táq ngkíq,
 ki Yiang Sursĩ yõn cũai ki
 ramóh sa-ũih ọc bap. Bo
 hểq noâng ớt cớq anhia, hểq
 khoiq atõng cớq sươq anhia
 tể ọc ki chớ. ⁷ Lứq Yiang
 Sursĩ tỡ bữn arô hái yõn táq
 ranáq sâuq chốq tỡ hái bữm,
 ma lứq Yiang Sursĩ arô hái
 yõn ớt bráh o yáng moat án.
⁸ Ngkíq cũai aléq ma tỡ ểq
 tamúng sântoíq nâi, tỡ cõn
 án táh ngê cũai, ma lứq cũai
 ki táh chíq ngê Yiang Sursĩ,
 án ca khoiq yõn anhia bữn
 Raviei án chớ.

⁹ Ma tể ramứh anhia
 manoaq ayooq manoaq, ki
 cứq tỡ bữn túh chĩc ntróu
 yõn anhia, yuaq anhia khoiq
 rien tể Yiang Sursĩ chớ
 yõn manoaq ayooq manoaq.
¹⁰ Lứq samoât, anhia khoiq
 táq ngkíq chốq sểm ai hái
 tâng cruang Ma-sadôn. Ma
 sểm ai ơi, cứq sểq anhia bữn
 mút pahõm ayooq sa-ũih lứq
 ẽn. ¹¹ Cớq anhia cutóng táq
 ranáq o yõn anhia têq ớt
 ien khể cớq yóu nheq dõih
 tamoong anhia. Anhia chõih
 coâp tũeih yóu. Cớq cớq atĩ
 anhia táq sarâng lứq yõn
 bữn cớng sana cha. Máh ọc
 nâi hểq khoiq patâp anhia
 tể nhũang chớ. ¹² Hểq ểq
 anhia táq ngkíq yõn anhia
 têq ớt o yáng moat máh cũai
 tỡ yũah sa-âm Yê-su Crĩt,
 cớq yõn anhia têq chuaq
 bữm cớng sana cha, dốq

tở bữn noau túh siem anhia.

*Yê-su Crít Toâq Loah Pờ
Cutêq Nâi*

13 Sễm ai ơ! Cứq ễq anhia dáng samoât samơi tễ alới ca khoiq cuchit, đợq anhia tờ bữn sâng ngua a-riang cũai tờ bữn ngcuang Yiang Sursĩ yỗn hái tamooong loah. 14 Khân hái sa-âm Yê-su khoiq cuchit bữn tamooong loah, machóng ki tễ hái sa-âm Yiang Sursĩ yỗn cũai sa-âm ca khoiq cuchit toâq loah parnoi cớp Yê-su tễ. 15 Cứq atõng anhia máh parnai Ncháu hái khoiq yỗn cứq dáng chơ neq: Hái ca tờ yũah cuchit, toâq tangái Yê-su toâq loah, hái tờ bữn pờq ramóh án nhũang máh alới ca khoiq cuchit. 16 Toâq ki, bữn sường noau ón casang lứq, bữn sường án ca sốt ranễng Yiang Sursĩ tâng paloõng, cớp sường noau plóng lavia Yiang Sursĩ; bo ki toâp Ncháu hái sễng tễ paloõng. Bo ki máh cũai sa-âm Crít ca khoiq cuchit, lứq alới bữn tamooong loah, cớp alới pờq ramóh Yê-su nhũang hái ca tờ yũah cuchit. 17 Vót ki, hái ca noâng tamooong, lứq Yiang Sursĩ parõm hái yỗn ỡt parnoi cớp alới tâng ramóh. Ngkíq hái bữn ramóh Ncháu hái tâng paloõng. Cớp hái ỡt mantái níc cớp án. 18 Cớq anhia sanhữ níc santoiq ki.

Chơ anhia manoaq aliam manoaq toâq parnai ki.

5

*Ngcuang Tangái Yê-su
Toâq Loah*

1 Sễm ai ơ! Bo lếq, tờ la tangái ntróu, ranáq ki toâq, cứq tờ bữn túh cóq chĩc atõng anhia. 2 Yuaq anhia khoiq dáng chơ tangái Ncháu hái toâq loah pờ cutêq nâi la samoât riang cũai savễng mut tutuoiq tâng sadâu. 3 Tữ cũai pai neq: “Bữn ien khễ chơ, tờ bữn túh coat ntróu noâng,” lứq tangái ki toâp ốc cuchit toâq pờ alới, cớp alới tờ tềq viaq vót tễ ốc ki. Ốc ki santar toâq ariang mansễm sâng a-ĩ khuop cumo.

4 Ma sễm ai ơ, anhia tờ bữn ariang cũai bếq sadâu cớp tờ bữn dáng ntróu. Ngkíq, anhia tờ bữn santar ntróu toâq tangái Yê-su toâq loah pờ cutêq nâi, ariang cũai đợq santar toâq cũai savễng mut tutuoiq tâng đống alới. 5 Nheq tữh anhia la cũai puai ngê Yiang Sursĩ chơ, ngkíq anhia la ariang cũai ỡt tâng ntốq poang, cớp ariang cũai khoiq tamỡ chơ. Hái la con Yiang Sursĩ, hái tờ bữn ariang cũai ỡt tâng ntốq canám cớp cũai ca bếq sadâu. 6 Ngkíq, hái chõi táq noâng ariang alới ca tờ bữn sa-âm. Alới ki la samoât cũai bếq níc. Ma hái cóq ỡt

* 5:6 Cũai bếq sacâm tễ cũai tờ bữn chanchóm ntróu tễ ngê Yiang Sursĩ. Cớp cũai ỡt trởl níc sacâm tễ cũai ca chanchóm níc tễ ngê Yiang Sursĩ.

trỗi níc.* Cóp cóq hái dáng rabán o tổ hái bũm. ⁷ Cũai đốq bết la tâng sadâu, cóp cũai đốq bũl blống la tâng sadâu tê. ⁸ Ma hái ca puai ngê Yiang Sursĩ la samoât cũai khoiq tamỡ. Ngkíq, cóq hái rabán o tổ bũm. Cóp cóq hái sa-âm samoât samỡ, cóp ayooq níc yóu. Nài la riang hái sớq au tac tâng aơm hái bo hái pớq rachíl. Cóp hái ngcuang níc bũn ớt parnỡ cóp Yê-su. Nài la riang hái tapưng muoc tac tâng plỡ. ⁹ Yiang Sursĩ tỡ bũn arô hái cõ án ẽ táq hái, ma án arô cõ yoc ẽ chuai amoong hái nhỡ tẽ Yê-su Crít, Ncháu hái. ¹⁰ Yê-su toáp cuchít tang hái yõn hái têq ớt parnỡ cóp án toáp tangái án toáp loah pỡ cutẽq nài. Tangái ki tỡ bũn ntróu hái khoiq cuchít tỡ la noâng tamoong. ¹¹ Ngkíq, cóq anhia manoaq aliam manoaq, cóp manoaq atõng manoaq yõn mút pahõm anhia cõt sa-âm pacái lứq ẽn, samoât anhia đốq táq tẽ nling chỡ.

Ớc Patáp Canõh

¹² Sẽm ai ơi! Cúq sẽq anhia yám noap máh cũai sớt tâng tốp sa-âm. Yiang Sursĩ ruoh alói yõn radũng anhia táq ranáq o, cóp yõn alói arĩen anhia puai ngê Yiang Sursĩ. ¹³ Cóp anhia bũn mút pahõm ayooq níc alói, cõ alói táq sa-ũĩ ranáq

chuai anhia. Cóp cóq anhia manoaq saryóq manoaq.

¹⁴ Sẽm ai ơi! Cúq sẽq anhia táq neq: Suroq alói ca yoc ẽ ỉt rangúh alói bũm;† aliam cũai bũn mút clac; atõng alói ca tỡ bũn dáng sa-ũĩ tẽ ngê Yiang Sursĩ; cóp tanhĩr chóq dũ náq cũai. ¹⁵ Anhia manoaq chõĩ carláh đốq chóq manoaq. Ma cóq anhia ravoât manoaq táq o chóq manoaq, cóp táq o níc chóq dũ náq cũai.

¹⁶ Cóp anhia ớt bũi o níc. ¹⁷ Cóp anhia câu cóp chõĩ tangút. ¹⁸ Ốc ntróu toáp pỡ anhia, cóq anhia sa-õn Yiang Sursĩ, yuaq án toáp yõn ốc ki toáp. Nheq ốc nài, Yiang Sursĩ yoc anhia bũn cõ anhia ớt muoi mút cóp Yê-su Crít.

¹⁹ Anhia chõĩ táq yõn Raviei Yiang Sursĩ sâng ngua tẽ anhia. ²⁰ Chõĩ calauq cũai tang bỗq Yiang Sursĩ. ²¹ Cóp anhia chim ốc ntróu noau atõng anhia. Aléq la o, ki anhia ỉt. ²² Ma aléq tỡ o, ki anhia chõĩ ỉt.

²³ Cúq sẽq Yiang Sursĩ, án ca ndõm ốc ien khẽ, táq moâm máh ranáq án ẽ táq tâng mút pahõm anhia. Cúq sẽq án táq yõn mút anhia cõt bráh o. Cóp cúq sẽq án kĩaq níc raviei anhia, mút pahõm anhia, cóp đốq noau tỡ bũn têq tẽq anhia táq lỏih tâng tangái Yê-su Crít, Ncháu hái, toáp loah pỡ cutẽq nài. ²⁴ Yiang Sursĩ khoiq arô anhia. Ngkíq

† 5:14 5:14 Tỡ la 'alohah'.

cúq dáng lứq samoât án táq
nheq máh ramúh cúq câu
yỗn anhia.

²⁵ Sễm ai ơi! Cúq sẽ
anhia câu chuai hếq nứng.

²⁶ Sẽq anhia manoaq cubán
o chóq manoaq. Ngkíq noau
dáng anhia manoaq ayooq
manoaq.

²⁷ Cúq sẽq anhia yáng
moat Ncháu hái, yỗn anhia
doc choâiq thỡ nâi yỗn dũ
nâq sễm ai bữn sâng tê.

²⁸ Cúq sẽq Yê-su Crít,
Ncháu hái, chuai miat anhia.

Choaiq Thỡ Bar Phau-lô Chĩc Yỗn Cũai Tạng Vil Tê-salô-naca Santoiq Atỡng

Choaiq thỡ nài atỡng tễ Yê-su toâq loah trỗ bar. Mách cũai sa-âm ngcuang tangái ki, mỗ cõt ranáq ravál ranhóq tạng tốp sa-âm tạng vil Tê-salô-naca. Phau-lô chĩc thỡ bar nài sám vớt tapoât casâi ntun thỡ muoi, đốq ta-đi cốp atức loah máh santoiq noau khoi q atỡng tỡ p̄ieiq tễ ốc nài.

Phau-lô atỡng yỗn máh cũai dáng cóq bữn tếc ntrầu nhũang Yê-su toâq loah. Tếc nài la máh cũai bữn mút loâi cốp sâuq luat ngư, cốp bữn “manoaq cũai loâi hỡn tễ cũai canỗh toâq nhũang voai” đốq chíl loah Yiang Sursĩ. (Pún 2:3)

Phau-lô atỡng raloaih tễ acoan ngcuang. Án pai toâq alớ ramóh túh coat, cóq alớ sa-âm pacái lứq. Tam noau cốp kháng tạng cuaq, cóq alớ sarâng, cốp chõi cõt pê táq ranáq o.

¹ Cứq la Phau-lô chĩc choaiq thỡ nài coi q sa-óh tốp sa-âm ốt tạng vil Tê-salô-naca. Đếh Si-la cốp Ti-muthê coi q parnai sa-óh anhia tề. Anhia bữn muoi mút cốp Yiang Sursĩ, Mpoaq hái, cốp Yê-su Crít, Ncháu hái. ² Cứq sếq Yiang Sursĩ,

Mpoaq hái, cốp Yê-su Crít, Ncháu hái, chuai miat anhia cốp yỗn anhia ốt bán sũan ien khể níc.

Phau-lô Câu Yỗn Tốp Sa-âm Tạng Vil Tê-salô-naca

³ Sểm ai ời! Lứq p̄ieiq hếq sa-ỡn níc Yiang Sursĩ cỗ tễ anhia. Hếq yoc sa-ỡn án yuaq anhia sa-âm án cu rangái rêng achỗn ển, cốp anhia manoaq ay-ooq manoaq sa-ũi achỗn tề. ⁴ Ngkíq, hếq đốq khể anhia yáng moat máh tốp sa-âm pỡ ntốq canỗh. Hếq khể anhia, yuaq anhia bữn mút pahỡm sa-âm samoât samoi, anhia tanhữ níc noau táq anhia, cốp anhia chũuq đũ ramứh túh coat toâq pỡ anhia.

⁵ Đũ ranáq anhia táq ngkíq la cõt tếc apáh raloaih lứq Yiang Sursĩ táq tanoang lứq toâq án rườh anhia. Yiang Sursĩ hữm anhia la cũai o, ngkíq án yỗn anhia ốt tạng ntốq án sốt. Anhia chũuq sa-ũi ramứh túh coat sanua, la cỗ anhia yoc ốt tạng ntốq ki. ⁶ Yiang Sursĩ tanoang tapúng níc. Ngkíq nỡ-ra Yiang Sursĩ lứq carláh đờq tang anhia chóq cũai ể táq anhia sanua. ⁷ Tạng tangái ki, Yiang Sursĩ yỗn anhia ca chũuq máh ốc túh coat sanua tỡ bữn ramóh túh coat ntrầu noâng; cốp hếq bữn ốt ien khể machóng anhia tề. Yiang Sursĩ táq ngkíq tạng tangái Yê-su, Ncháu hái, sểng loah tễ paloỡng.

Án sêng parnoi cốp máh ranêng ca bữn chóc tể án. ⁸ Toâq alói sêng, alói bữn pla ùih đợc chổng máh cũi ca tở bữn dáng Yiang Sursĩ cốp tở bữn trĩh parnai o tể Yê-su Crĩt, Ncháu hái. ⁹ Máh cũi ki cóq ramóh túh coat mantái níc, yuaq Ncháu hái tở ẽq hữm noâng alói. Alói cóq ốt yơng tể chóc sốt toâr lứq khong Ncháu hái ¹⁰ tâng tangái Yê-su toâq loah pở cutểq nâi, yỗn dũ nác cũi sa-âm bữn khễn cốp yám noap án. Anhia lứq ốt tâng tốp ki tê, yuaq anhia khoiq sa-âm parnai hếq atỡng anhia.

¹¹ Ngkíq yuaq hếq câu níc yỗn anhia. Hếq sếq Yiang Sursĩ, Mpoaq hái, chuai anhia yỗn táq pợq rapĩeiq samoat án khoiq rươh anhia. Cỗ nhơ tể chóc Yiang Sursĩ, hếq sếq án chuai anhia táq moâm dũ ốc o cốp dũ ranác anhia chanchóm ẽ táq cỗ anhia sa-âm án. ¹² Khân anhia táq ngkíq, lứq cũi canỏh bữn khễn ramứh Yê-su, Ncháu hái, cỗ tể anhia. Cốp Yê-su Crĩt lứq khễn loah anhia tê, cỗ nhơ Yiang Sursĩ cốp Yê-su Crĩt, Ncháu hái, chuai miat hái.

2

Manoaq Loài Hồn Tể Cũi Canỏh

¹ Sểm ai ơi! Sanua cứq yoc atỡng anhia tể tangái Yê-su Crĩt, Ncháu hái, toâq loah pở cutểq nâi, cốp hái bữn

rôm parnoi cốp án. ² Bữn cũi tũn cứq, pai cứq atỡng tangái Yê-su toâq loah khoiq toâq chơ. Chũi noap alói ca pai cứq atỡng saccoaiq tể tangái ki, tở la pai cứq chĩc tâng choaiq thỡ máh ốc ki. Cứq sếq anhia chũi dớt cốp chũi ngcỏh ntrầu tể ốc ki. ³ Chũi yỗn noau thũ anhia ngkíq. Nhũang Yê-su toâq loah, bữn cứng cũi táh ngê Yiang Sursĩ, cốp bữn manoaq cũi loai hỡn tể canỏh toâq nhũang voai. Manoaq nâi la án ca Yiang Sursĩ anoat cóq cuchĩt pứt. ⁴ Cũi loai ki, án tampỏr sốt cốp dũ ramứh yiang noau đợc sang. Án achỗn tở án bữm, pai án la toâr hỡn tể yiang canỏh, ẽq noau sang án. Cốp án mut tacu tâng Đống Sang Toâr Yiang Sursĩ; chơ án pai án toập la Yiang Sursĩ.

⁵ Anhia sanhữ ma tở bữn, bo cứq noâng ốt cốp anhia cứq khoiq atỡng anhia chơ tể nheq ốc ki? ⁶ Ma sanua bữn muoi ramứh catáng chíq yỗn ốc ki tở tềq toâq yũah. Anhia khoiq dáng tể ramứh nâi chơ. Ma toâq ngư manoaq cũi loai ki toâq, lứq án toâq. ⁷ Ranác loai khoiq bữn chơ, ma ranác ki noau táq clộp. Ma máh ốc loai cứq khoiq chĩc ki, ốc ki tở tềq toâq yũah, yuaq noâng bữn noau catáng. Khân án ca catáng ma tở bữn catáng noâng, ốc loai ki lứq toâq. ⁸ Chơ bữn cũi loai

hỡn tễ cũai canỗh, án toâq tê. Chơ Yê-su, Ncháu hái, cachit án toâq carhỡ loỗh tễ bỗq Ncháu. Tâng tangái Yê-su toâq loah pỡ cutễq nãi, nhỡ tễ chớc ang-ữr tễ án, án táq pupút chíq manoaq cũai loái ki. ⁹ Án ca loái ki toâq tễ chớc yiang Satan, án tềq táq ranáq salễh cớp án táq tếc yỗn cũai canỗh sâng dốt. Ma máh ranáq án táq, tỡ bữn lứq ntrớu. ¹⁰ Án táq sa-ữi ranáq sâuq ễ rathũ máh cũai ca Yiang Sursĩ cheq ễ pupút. Yiang Sursĩ ễ pupút alóí yuaq alóí bữn mút pahỡm tỡ ễq ễ sa-âm ốc p̄ieiq ca Yiang Sursĩ tềq chuai amoong alóí. ¹¹ Ngkíq yuaq Yiang Sursĩ yỗn alóí ki bữn ngê tỡ p̄ieiq, yỗn alóí sa-âm máh ốc noau thũ alóí. ¹² Ngkíq nheq tữh alóí tỡ ễq sa-âm ốc p̄ieiq tễ Yiang Sursĩ, ma alóí sâng bũi táq ranáq tỡ bữn tanoang; nỡ-ra Yiang Sursĩ lứq táq alóí.

Yiang Sursĩ Rườh Yoc Ễ Chuai Amoong Cũai Tê-salô-naca

¹³ Ma anhia, sễm ai ời, Yiang Sursĩ ayooq lứq anhia. Ngkíq lứq p̄ieiq hếq sa-ỡn án, yuaq án khiq rườh yoc ễ chuai amoong anhia tễ dâu lứq chơ. Án táq yỗn anhia cõt con acái án cỗ nhỡ Raviei Yiang Sursĩ táq yỗn bráh mút pahỡm anhia, cớp cỗ nhỡ anhia sa-âm ốc p̄ieiq tễ Yê-su Crít. ¹⁴ Ngkíq yuaq Yiang Sursĩ arô anhia, la cỗ

nhỡ parnai o tễ Yê-su máh hếq khiq atõng anhia. Án arô anhia yỗn tềq ỡt bũi o níc parnơi cớp Yê-su Crít, Ncháu hái, tâng paloõng. ¹⁵ Ngkíq, sễm ai ời, cớq anhia ỡt sabõng níc, chõỉ yỗn noau radững anhia táh chíq ngê Yiang Sursĩ. Cớp cớq anhia yỗng pacái lứq máh ốc hếq khiq atõng anhia toâq bỗq hếq tỡ la toâq choaiq thỡ hếq.

¹⁶ Yê-su Crít, Ncháu hái, cớp Yiang Sursĩ, Mpoaq hái, khiq ayooq hái cớp chuai miat hái chơ. Án aliam níc hái, cớp hái nguang nỡ-ra lứq bữn ỡt bũi o níc cớp án. ¹⁷ Cứq sễq án táq yỗn mút pahỡm anhia sa-âm sa-ữi lứq ễn. Cớp cứq sễq án táq yỗn mút anhia cõt pacái lứq, yỗn anhia tềq táq dũ ranáq o cớp tềq atõng dũ parnai o.

3

Phau-lô Sễq Tỗp Sa-âm Câu Chuai Nứng

¹ Sễm ại ời! Muoi ramứh ễn, cứq sễq anhia câu chuai nứng hếq, yỗn parnai Yiang Sursĩ toâq chái dũ ntốq, cớp tỡ bữn noau catáng parnai ki. Cớp sễq anhia câu yỗn dũ náq cũai yám noap parnai ki machõng anhia tề. ² Cứq sễq anhia câu yỗn hếq bữn vót tễ atĩ cũai pampla cớp loái, yuaq tỡ bữn nheq tữh cũai ma sa-âm parnai o tễ Yiang Sursĩ. ³ Ma Ncháu hái, án la lứq samoát. Tềq hái

sa-âm án. Lứq án yỗn anhia bữn mút pahõm sa-âm pacái lứq, cớp án kĩaq anhia yỗn yang Satan tở têq táq anhia. ⁴ Ncháu hái yỗn hếq bữn mút pahõm têq noap anhia táq sanua cớp nỡ-ra hỡ máh ramứh hếq khoiq patâp anhia. ⁵ Hếq sễq Ncháu radững anhia dáng ayooq yớu máh Yang Sursĩ ayooq anhia tê. Cớp hếq sễq Crít yỗn anhia bữn mút rơi tanhữ túh coat machóng án tê.

Anhia Chỗi Aloah

⁶ Sanua sễm ai ơi, nhỡ ramứh Yê-su Crít, Ncháu hái, hếq patâp anhia ốt yớng tễ cũai sa-âm ca aloah táq ranáq. Alói ki tở bữn puai máh ngê anhia khoiq rien tễ hếq. ⁷ Anhia khoiq dáng chớ, pĩeiq lứq la anhia tũoiq machóng hếq tê tễ ốc nãi. Bo hếq ốt cớp anhia, hếq tở bữn aloah ntróu. ⁸ Hếq tở bữn cha miat cớng sana anhia. Ma lứq hếq táq ranáq lakéh lứq. Hếq táq níc tangái cớp sadâu yỗn tở bữn noau tễ anhia túh siem hếq. ⁹ Lứq hếq bữn chóc têq cha cớng sana anhia. Ma hếq yoc ễ táq ngól yỗn anhia têq tũoiq machóng hếq táq tê. ¹⁰ Bo hếq noâng ốt cớp anhia, hếq khoiq patâp anhia neq: “Khân bữn noau ma aloah táq ranáq, ki chỗi yỗn án cha.”

¹¹ Hếq pai ngkíq, yuaq hếq khoiq sâng chớ noau pai bữn cũai tễ anhia aloah táq ranáq. Alói ki pỡq chu nãi

pỡq chu ki yoc ễ tễih cũai canõh sâng. ¹² Nhỡ tễ Yê-su Crít, Ncháu hái, hếq patâp cớp sươq cũai ki cớq alói cutóng táq ranáq alói bữm, ki nốq alói bữn cớng sana cha. ¹³ Ma anhia, sễm ai ơi, cớq anhia chỗi sâng lakéh táq ranáq o. ¹⁴ Khân bữn noau tễ anhia ma tở ểq trữh máh santoiq hếq chĩc atõng tâng choaiq thỡ nãi, ki anhia chỗi ốt tampóng cớp cũai ki, táq yỗn alói sâng casiet. ¹⁵ Ma anhia chỗi nhẽng cũai ki la ariang cũai par-ũal. Ma cớq anhia sươq alói ariang anhia đốq sươq sễm ai anhia tê.

Parnai Cubán

¹⁶ Cứq sễq Yang Sursĩ, án ca ndõm ốc ien khễ, yỗn án chuai anhia sâng bữi óh níc tễ dũ ranáq anhia táq. Hếq sễq Ncháu hái ốt níc cớp anhia.

¹⁷ Cứq, Phau-lô, chĩc toâq atĩ cứq bữm máh parnai cubán parsót nãi. Dũ choaiq thỡ cứq chĩc, cứq chĩc ngkíq níc ramứh cứq.

¹⁸ Cứq sễq Yê-su Crít, Ncháu hái, chuai miat anhia.

Choaiq Thõ Muoi Phau-lô Chĩc Yõn Ti-muthê Santoiq Atõng

Phau-lô chĩc choaiq thõ muoi nâi coi q sa-óh Ti-muthê. Án chĩc sám 63 toaq 65 cumo ntun Yê-su canõt. Ti-muthê la samiang póng ca dóq táq ranáq cóp Phau-lô bo alóí põq atõng parnai o tẽ Yê-su Crĩt. Mpiq Ti-muthê la cũai I-sarel, ma mpoaq án la cũai Créc.

Phau-lô ón Ti-muthê õt loah tâng vil Ê-phê-sô dóq rachuai tốp sa-âm tâng vil ki, bo Phau-lô põq atõng chu vil canõh. Phau-lô chĩc choaiq thõ nâi dóq catoaih Ti-muthê tẽ ranáq ayõng tốp sa-âm tâng vil Ê-phê-sô. Án atõng tẽ ruroh cũai yõn cõt plõ tâng tốp sa-âm. Án ón Ti-muthê chuai cán cumai con cumuiq, cóp tutuaiq cũai ca atõng ngê tỡ bữn pĩeiq. Án atõng tẽ ranáq yõng tĩen práq yõn pĩeiq.

¹ Cúq Phau-lô, la ayũng atĩ Yê-su Crĩt, yuaq Yiang Sursĩ cóp Yê-su Crĩt ón cúq táq ranáq ki. Yiang Sursĩ lứq chuai amoong hái. Cóp hái ngcuang níc Yê-su Crĩt toaq loah põ cutẽq nâi. ² Cúq chĩc choaiq thõ nâi coi q sa-óh Ti-muthê. Mói la samoat con cúq tê, yuaq mới sa-âm Yê-su Crĩt cõ nhõ cúq atõng mới. Cúq sêq Yiang Sursĩ,

Mpoaq hái, cóp Yê-su Crĩt, Ncháu hái, chuai miat mới, cóp ayooq táq mới, cóp yõn mới õt bán sũan ien khẽ níc.

Bữn Cũai Atõng Tẽ Ngê Yiang Sursĩ, Ma Tỡ Bữn Pĩeiq

³ Cúq yoc mới õt loah tâng vil Ê-phê-sô voai, riang cúq khioq ón mới chõ bo cúq ẽ põq chu cruang Ma-sadõn. Bữn cũai õt tâng vil ki atõng ngê tỡ pĩeiq. Cóp mới sũoq alóí chõ yõn alóí atõng noang ngkĩq. ⁴ Cóp sũoq alóí chõ atõng noang parnai nsũar tỡ bữn pĩeiq. Alóí dóq rien níc tẽ choaiq noau chĩc ramũh achúc achiac alóí, ma lứq óc ki tỡ bữn chuai yõn alóí dáng tẽ ngê Yiang Sursĩ. Ốc ki táq yõn noau yoc ralõih sãng. Ma cũai aléq yoc ẽ dáng tẽ ngê Yiang Sursĩ, cóq cũai ki sa-âm. ⁵ Cúq yoc mới patáp yõn alóí bữn mút pahõm ayooq tâng pái ramũh neq: Muoi la mút pahõm tỡ bữn lôih ntróu, bar la sarnóm bráh o, pái la sa-âm Yiang Sursĩ samoat samoi. ⁶ Ma bữn cũai cõt samoat án clõc rana, chõ án nguai chíq tẽ pái ramũh ki. Alóí ki dóq táq ntõng tỡ cõt óc. ⁷ Alóí yoc lứq cõt thâi atõng tẽ phẽp rit Mõi-se. Ma alóí tỡ bữn dáng ntróu máh óc alóí pai. Alóí chanchóm máh óc ki la pĩeiq, ma máh óc ki tỡ bữn pĩeiq ntróu.

⁸ Hái dáng phẽp rit nâi la lứq o, ma cũai atõng tẽ phẽp rit, cóq án atõng

p̄ieiq. ⁹ Ma Yiang Sursĩ tở bữn tễng phễp rit nâi yỗn cũai táq ranáq tanoang o. Ma lứq án táq yỗn cũai neq; Alóí ca tở ẽq trĩh phễp rit; alóí ca tở ẽq noau cõt sốt alóí; alóí ca tở bữn yám noap Yiang Sursĩ; alóí ca táq ranáq lỏih; alóí ca bữn mút tở ngcỏh; alóí ca puai ngê tở bữn cõt kia ntróu; alóí ca cachĩt mpiq mpoaq tở la cũai canỏh; ¹⁰ alóí ca tở bữn lacuoi cayac ma bẻq parnoi; mansẻm ca ẻ bữn ratuaq mansẻm, samiang ca ẻ bữn ratuaq samiang; alóí ca tuoiq cớp chẻq cũai; alóí ca táq ntởng lauq; alóí ca rathẻ tở bữn lứq; cớp alóí ca táq ranáq raclaiq tẻ ỏc p̄ieiq Yiang Sursĩ. ¹¹ Ớc p̄ieiq nâi la parnai o tẻ Yiang Sursĩ. Yiang Sursĩ bữn chớc sốt toâr lứq, cớp án la nỏm ỏc bốn. Yiang Sursĩ toâp yỗn cứq atởng parnai o tẻ án yỗn cũai canỏh dáng.

Phau-lô Sa-ỏn Yiang Sursĩ Ayoq Án

¹² Cứq sa-ỏn Yê-su Crĩt, Ncháu hái, án noap cứq cõt cũai táq ranáq án, cớp án yỗn cứq rơi táq ranáq ki. ¹³ Bo nhũang cứq đốq acrieiq ramứh Yê-su, cớp cứq táq túh coat lứq máh cũai puai ngê án; cứq la cũai tachoat lứq. Ma Yiang Sursĩ noâng sarũiq táq cứq, yuaq cứq la cũai sacũl, cớp tở yũah sa-âm án. ¹⁴ Yiang Sursĩ chuai miat cứq la-ỏq

chơ, đốq cứq tẻq sa-âm Yê-su Crĩt cớp dáng ỏc ayoq tẻ án. ¹⁵ Yê-su Crĩt toâq pở cớc cutẻq nâi cỗ án yoc ẻ chuai amoong máh cũai ca bữn lỏih. Santoiq nâi la lứq p̄ieiq. O yỗn dũ náq cũai roap ỉt santoiq nâi. Dũ náq cũai bữn lỏih, ma lỏih cứq ntâng hỏn tẻ cũai canỏh. ¹⁶ Ma Yiang Sursĩ noâng sarũiq táq cứq, đốq yỗn Yê-su Crĩt apáh án bữn mút tanhử chớq máh cũai lỏih, yuaq cứq táq lỏih sa-ủi hỏn tẻ cũai canỏh. Ngkíq, cứq la samoat ngỏl đốq paryỏng máh cũai sa-âm Yê-su thrap ntun, yỗn tẻq alóí táq riang cứq tẻ, chơ alóí bữn tamoong mantái. ¹⁷ Yiang Sursĩ la Puo tở nai pứt. Tở nai noau hửm roâp án. Cớp án tở nai cuchĩt. Ớng manoaq án toâp lứq Yiang Sursĩ. Cớq hái yám noap cớp khẻn án sốt đỏi lơi cumo. Amen.

Phau-lô Patâp Ti-muthê

¹⁸ Ti-muthê ỏi, mới la samoat con ramia cứq tẻ. Ngkíq cứq yoc yỗn mới dáng cớq mới táq ntróu. Bữn cũai tang bỗq Yiang Sursĩ khoiq atởng santoiq o tẻ mới. Cớq mới ỉt loah máh santoiq alóí atởng, yỗn santoiq ki cõt samoat crớng choac, đốq tẻq mới riap chỉl máh ngê sâuq. ¹⁹ Cớq mới yỏng pacái níc ỏc sa-âm Yê-su. Cớp cớq mới táq o níc yỗn mút pahỏm mới tở tẻq tẻq tở mới bửm. Bữn cũai táq ranáq, ma mút

pahôm alói dáng alói táq lôih. Cũai ki samoât talôh bũm mút alói sa-âm Yê-su Crít. ²⁰ Bũn bar náq cũai táq ngkíq, la Hi-manê cốp Alec-sandơ. Cúq khoi q chiau alói pở atĩ yang Satan, yỗn yang ki ẽn sốt alói, đợc alói lap cốp tở bũn pai noâng tẽ Yang Sursĩ tở o.

2

Atông Tẽ Santoiq Câu Sẻq

¹ Ngkíq, tẽ dẫu lứq cúq patâp neq: Cóq anhia câu sẻq Yang Sursĩ chuai dũ náq cũai. Cốp cóq anhia sa-ôn níc Yang Sursĩ. ² Cóq anhia câu sẻq Yang Sursĩ chuai máh puo cốp máh cũai sốt canõh hỡ, yỗn tẻq đỏi tamoong hái ớt ien khẻ, cốp tẻq hái ớt sangcún đợc puai ngê Yang Sursĩ samoât samoi. ³ O lứq hái câu yỗn dũ náq cũai, cốp ọc ki táq yỗn bũi pahôm Yang Sursĩ, án ca chuai amoong hái. ⁴ Yang Sursĩ yoc ẽ chuai amoong dũ náq cũai, cốp án ẻq nheq tửh cũai dáng samoât samoi tẽ ngê án. ⁵ Bũn ống manoaq Yang Sursĩ sâng. Cốp bũn ống manoaq sâng ớt mpúng dĩ đợc partoâq parnai yỗn Yang Sursĩ cốp máh cũai. Manoaq nâi la Yê-su Crít. ⁶ Yê-su pláih mang án bũm chũuq cuchít tang dũ náq cũai. Toâq tangái Yang Sursĩ rươh, án yỗn cũai dáng tẽ parnai o nâi. ⁷ Lứq Yang Sursĩ toâp ớn cúq cõt

ayũng atĩ án, cốp án yỗn cúq cõt cũai atông cũai tở cõn cũai I-sarel. Cúq atông alói tẻ ọc sa-âm Yê-su Crít, cốp cúq atông máh ngê pẻi q tẻ án. Santoi q cúq atông la pẻi q lứq. Cúq tở bũn atông lauq ntróu.

⁸ Máh samiang tâng tốp anhia, toâq alói câu tâng đống sang, alói đợc yuor tayũng cốp sacở atĩ. Ma ntốq alẻq alói câu, cúq yoc alói bũn mút pahôm tở bũn lôih, tở bũn sâng ũan, cốp tở bũn ralỏih.

Ớc Patâp Yỗn Máh Cũai Mansẻm

⁹ Cúq yoc tẻ máh mansẻm tâc tampác carsiat o ma tở bũn ốt sác ntróu, cốp tở bũn ẻq noau khẻn alói. Tở bũn túh ntróu mansẻm cóq clan sóc, tở la pasang tở toâq yẻng tở la cọng ngoaih canõh. Cốp tở bũn túh cóq tâc tampác kia ntâng. ¹⁰ Ma o lứq mansẻm ca puai ngê Yang Sursĩ táq níc ranáq o. Cốp alói táq ngkíq, đợc cũai canõh tẻq khẻn alói la cũai mantoat. ¹¹ Bo anhia rôm sang Yang Sursĩ, yỗn mansẻm ớt rangiac bo noau atông, cốp yỗn alói trỉh dũ ọc máh ramứh noau atông alói. ¹² Bo anhia atông, cúq patâp anhia tở yỗn mansẻm atông tẻ ngê Yang Sursĩ. Cốp chỏi yỗn alói cõt sốt hỡn tẻ cũai samiang. Ma yỗn alói ớt rangiac. ¹³ Yuaq Yang Sursĩ tẻng Adam nhũang, ma Yang

Sursĩ têng Ê-va ntun. ¹⁴ Cóp yiang Satan tở bữn phêq Adam, ma án phêq mansêm, chơ mansêm ki bữn lôi. ¹⁵ Yuaq ngkiq Yiang Sursĩ ma yỗn mansêm bữn sa-ũĩ a-ĩ bo alói canốt con. Ma Yiang Sursĩ noâng chuai amoong alói, khân alói táq níc ranáq neq: Sa-âm samoat samoi, ayooq yóu, ốt mantoat o yáng moat Yiang Sursĩ, cóp dáng rabán o tở bữm.

3

Cũai Táq Ranáq Tâng Tốp Sa-âm

¹ Santoiq nài la p̄ieiq lứq: Khân cũai aléq chanchóm yoc ẽ cõt sốt tâng tốp sa-âm, cũai ki chanchóm ẽ táq ranáq o. ² Cũai ẽ cõt sốt tâng tốp sa-âm cóq án táq yỗn cũai canõh tở têq têq án. Cóq án bữn ống muoi lám lacuoi. Cóq án dáng tutuaiq máh ramứh toáq pở án. Cóq án dáng rabán o tở án bữm. Cóq án ốt mantoat o. Cóq án dáng roap tamoi. Cóq án dáng atõng raloaih. ³ Cóq án chõĩ ham blống. Cóq án tở bữn coáp khlõh mút. Ma cóq án khũn phễp, cóp tở bữn coáp nsóq. Cóq án chõĩ ham práq. ⁴ Cóp cóq án dáng radững o đồng sũ án, đõq máh con án têq trĩh cóp yám noap án. ⁵ Khân án tở dáng radững o đồng sũ án bữm, nõq têq án radững o máh tốp sa-âm Yiang Sursĩ. ⁶ Cũai mbõiq sa-âm Yê-su Crĩt, chõĩ yỗn án cõt sốt

tâng tốp sa-âm. Cõh lơ án bữn mút pahõm yoc ốt, chơ Yiang Sursĩ táq án machóng Yiang Sursĩ táq yiang Satan tê. ⁷ Ma cũai cõt sốt tâng tốp sa-âm, cóq bữn dẽh cũai tở yũah sa-âm noap án la cũai o. Khân tở bữn ngkiq, cõh lơ án cõt casiet cóp chuat tâng rabang yiang Satan.

⁸ Máh cũai ẽ rachuai ranáq cũai sốt tâng tốp sa-âm, cóq alói bữn mút sangcún tê. Cóq alói chõĩ táq ntõng san-toiq bambar. Cóq alói chõĩ ham blống. Cóq alói chõĩ ham práq. ⁹ Cóp cóq alói yõng pacái máh ốc p̄ieiq alói sa-âm Yê-su Crĩt, ariang Yiang Sursĩ khoiq yỗn alói dáng chơ. Cóq alói bữn mút pahõm tở bữn têq tở bữm. ¹⁰ Nhũang alói ẽ mut táq ranáq tâng tốp sa-âm, cóq anhia chìm alói voai. Khân cũai canõh tở bữn têq alói, ki têq alói mut táq ranáq ki.

¹¹ Machóng ki tê, lacuoi alói cóq bữn mút khũn. Cóq alói chõĩ voõq sâuq cũai canõh. Cóq alói dáng rabán o tở alói bữm. Cóp cóq alói táq yỗn cũai canõh têq noap alói.

¹² Cũai rachuai ranáq tâng tốp sa-âm, cóq alói bữn ống muoi lám lacuoi. Cóp cóq alói têq radững o con acái cóp đồng sũ alói. ¹³ Khân alói táq ranáq o đõq rachuai yóu, ngkiq cũai canõh yám noap alói, cóp mút pahõm alói cõt clóq lứq đõq táq

ranáq Yê-su Crît, yuaq alói sa-âm lúq án.

Cỗ Nỗq Phau-lô Patâp Ti-muthê?

¹⁴ Sanua cứq chĩc choaiq thõ nâi coi q yõn mới, ma tở bữn dùn noâng cứq chanchóm ẽ toâq pở mới. ¹⁵ Ma khân cứq toâq cro, choaiq thõ nâi atõng yõn mới dáng tẽ con acái Yiang Sursĩ cóq táq ntróu. Máh con acái nâi la tốp sa-âm Yiang Sursĩ. Alói la samoât tanũl cóp prang tâng đống, cóp parnai p̄ieiq tẽ Yiang Sursĩ la samoât riang sarpo. Machóng tanũl cóp prang đống sarpo, ngkĩq tẽ tốp sa-âm đống parnai p̄ieiq tẽ Yiang Sursĩ. ¹⁶ Tở bữn noau tẽq rasuon tẽ máh ốc hái sa-âm ca toâr cóp yarũ lúq. Ốc nâi la neq:

Yê-su Crît toâq pở cutẽq nâi;
án cõt sac sâiq machóng
cũai tẽ.

Raviei Yiang Sursĩ apáh án
lúq tanoang o.

Ranẽng Yiang Sursĩ tẽ
paloõng khoiq hũm
án.

Noau khoiq atõng tẽ án yõn
cũai tở cõn cũai I-sarel
dáng tẽ.

Bữn cũai tâng dũ cruang
sa-âm án.

Cóp án khoiq chõn loah chu
paloõng chơ.

4

*Cũai Ca Atõng Ốc Tở
P̄ieiq*

¹ Raviei Yiang Sursĩ atõng raloaih lúq, toâq dõi ntun bữn cũai táh ngê sa-âm Yê-su Crît, chơ alói ỉt ngê máh yiang dốq raphẽq ẽn. Cóp alói puai ngê máh yiang sâuq ki. ² Alói ca táq nan sâng ẽq cũai canõh pai alói atõng p̄ieiq, ma tẽ ốc lúq alói atõng moang ốc lauq. Mút pahõm alói tở bữn chanchóm ẽ táq ranáq o, samoât noau apat toâq tac cutâu ngư. ³ Alói pai tở o ỉt lacuoi. Cóp alói atõng tở o cha sa-ũĩ ramúh crong sana. Ma Yiang Sursĩ tẽng dũ ramúh crong sana yõn máh cũai sa-âm án, cóp yõn alói dáng ốc p̄ieiq tẽ án. Tẽq alói cha cóp sa-õn án. ⁴ Dũ ramúh Yiang Sursĩ khoiq tẽng la o nheq. Tẽq hái roap cóp sa-õn Yiang Sursĩ tẽng crong sana ki yõn hái. ⁵ Cỗ nhơ tẽ parnai Yiang Sursĩ pai, cóp cỗ nhơ tẽ hái câu sa-õn án, ngkĩq dũ ramúh crong sana la o yõn hái cha.

Ranáq Ti-muthê Táq

⁶ Khân mới atõng dũ ramúh nâi yõn sêm ai hái dáng, ki mới táq ranáq o yõn Yê-su Crît. Ngkĩq ốc mới sa-âm cóp ngê o mới puai chũm siem raviei mới yõn toâr achõn. ⁷ Mới chõĩ tamúng máh ốc noau nsũar tâng dõĩ nâi ca tở bữn cõt kia ntróu. Cóp chõĩ tamúng máh tampân tiaq ariang ayoaq thâu dốq atõng. Ma o

lứq mới rien níc tễ ngê Yiang Sursĩ yỗn mút pahõm mới sa-âm pacái lứq ễn. ⁸ Khân hái téh ếp rien yỗn tỗ hái cõt bán rêng, ốc nâi bữn kia bĩq. Ma khân hái téh ếp rien ngê Yiang Sursĩ yỗn mút hái cõt pacái lứq ễn, ốc nâi bữn kia yỗn dõi tamooŋg sanua cốp dõi ntun tê. ⁹ Ốc nâi la pĩeiq lứq. O yỗn cũai roap ỉt cốp sa-âm samoât samõi. ¹⁰ Ngkíq hái táq cutóng lứq cốp tampõr ễ táq ranáq o, yuaq hái sa-âm Yiang Sursĩ, án ca tamooŋg mantái níc. Cốp án chuai amoong nheq tữh cũai ca sa-âm án samoât samõi.

¹¹ Máh ốc nâi cứq ớn mới patáp cốp atõng raloaih lứq yỗn cũai canõh. ¹² Chõỉ táq yỗn cũai canõh ayê ra-ac mới cõ tian mới la cũai póng. Ma cóq mới cõt ngòl yỗn cũai sa-âm la neq: Cóq mới atõng o níc, cóq mới ốt khữn phễp níc, cóq mới ayoog níc cũai canõh, cóq mới sa-âm samoât samõi, cốp cóq mới bữn mút pahõm tỗ bữn lỏih ntróu. ¹³ Bo cứq tỗ yũah toađ, cóq mới doc níc parnai Yiang Sursĩ yỗn cũai canõh sâng, cốp cóq mới atõng patáp alỏi. ¹⁴ Mới chõỉ nguai tễ máh ramứh Raviei Yiang Sursĩ chuai yỗn mới bo cũai tang bõq Yiang Sursĩ pai Yiang Sursĩ chuai yỗn mới bữn máh ramứh ki, cốp bo cũai sớt tâng tỗp sa-âm satoaq atĩ tâng tỗ mới.

¹⁵ Dũ ramứh Yiang Sursĩ khoiđ chuai yỗn mới bữn, cóq mới táq cutóng nheq rangứh. Ngkíq dũ náq cũai têq dáng mới cõt o cartuon achõn. ¹⁶ Cóq mới nhềng o mút pahõm mới, cốp cóq mới nhềng o máh ngê mới atõng. Khân mới táq ngkíq, Yiang Sursĩ lứq chuai amoong mới cốp máh cũai ca tamứng parnai mới tê.

5

Ranáq Ntróu Ti-muthê Táq Yỗn Tỗp Sa-âm

¹ Mới chõỉ pai tacáh toađ mới sươq máh cũai samiang thâu, ma cóq mới pai laviei ariang mới atõng mpoaq mới. Máh alỏi ca noađg póng, cóq mới táq chóq alỏi ariang sễm ai mới. ² Máh cũai mansễm thâu, cóq mới táq chóq alỏi ariang mpiq mới. Cốp máh mansễm noađg póng, cóq mới táq o chóq alỏi ariang amuaq mới.

³ Cóq mới yám noap máh cán cumai ca ốq cũai chuai. ⁴ Ma khân cán cumai noađg bữn con cốp châu, ki o yỗn alỏi ki apáh mút pahõm puai ngê Yiang Sursĩ na alỏi siem án, yuaq ranáq nâi la alỏi culáh loah cóng yỗn mpiq mpoaq, ayoaq achuaih. Máh ranáq ki la o yáng moat Yiang Sursĩ. ⁵ Ma cán cumai ốq cũai chuai, án nguang ớng Yiang Sursĩ toáp chuai án, cốp án câu sếq níc tễ Yiang Sursĩ cu rangái cu

sadâu. ⁶ Ma khân cán cumai ìt rangúh án bũm cốp yoc ẽ puai ốc bũi tâng dũi nãi sâng, lứq pai mansẽm ki noâng tamoong, ma riang án khoiq cuchĩt chơ. ⁷ Cốp mới atõng alóit máh ốc nãi yõn cũai canõh tở têq têq alóit. ⁸ Ma khân bũn noau tở ẽq siem sẽm ai, tở la cũai tâng dõng sũ, cũai ki la samoat riang án táh ngê sa-âm Yê-su Crĩt tê. Ngkĩq án cõt sâuq hõn tẽ cũai tở yũah sa-âm.

⁹ Chõit chĩc ramúh cán cumai tâng choaiq bũn ramúh cán cumai tốp sa-âm noau chuai, khân anhúq án tở yũah toaq tapoat chĩt cumo. Cốp cốp án la mansẽm bũn ống muoi lám cayac sâng. ¹⁰ Cốp bũn cũai canõh khẽn án, pai án táq ranáq o nĩc neq: Án rabán o con acái án. Án táq o chóc cũai tamoi. Án táq o chóc nheq tũh tốp sa-âm samoat riang án cõt sũl alóit. Án chuai cũai ramóh túh coat. Cốp án táq dũ ranáq o canõh hõ.

¹¹ Ma máh cán cumai noâng póng, mới chõit chĩc ramúh alóit tâng pơ choaiq ki. Cõh lơ alóit chuaq cayac tamái ẽn, chơ alóit táh chíq ngê Crĩt. ¹² Ngkĩq alóit táq lỏih, yuaq alóit táh máh ốc par-ũq tẽ dâu. ¹³ Cốp alóit cõt aloah, yoc ẽ mut dõng nãi dõng ki táq ntõng sa-ũĩ santoiq tở cõt ốc. Ma hõn tẽ ki ẽn, alóit voõq sâuq yóu,

cốp táq ntõng sa-ũĩ ốc tở o hõ. ¹⁴ Ngkĩq cứq chanchóm o yõn mansẽm cumai noâng póng, yõn alóit têq chuaq cayac tamái, cốp bũn con ẽn, cốp táq sarâng ranáq alóit tâng dõng sũ. Khân alóit táq ngkĩq, cũai ca ẽ talỏh tốp sa-âm lứq tở têq têq alóit. ¹⁵ Bũn bĩq náq cán cumai khoiq táh ngê Yiang Sursĩ; chơ alóit puai ngê yiang Saturan ẽn. ¹⁶ Khân mansẽm khoiq sa-âm chơ, ma bũn cán cumai ốt tâng dõng sũ án, cốp án chũm siem cán cumai ki. Táq ngkĩq ranáq nãi tở bũn toaq pở nheq tũh tốp sa-âm. Ngkĩq tốp sa-âm têq chuai cán cumai canõh, alóit ca ốq noau chũm siem.

Tốp Sa-âm Cóp Chuai Cũai Sốt Alóit

¹⁷ Máh alóit ca sốt tốp sa-âm, khân alóit táq ranáq o cốp atõng ngê Yiang Sursĩ sarâng lứq, cốp tốp sa-âm yám noap cốp chuai alóit yõn bũn dũ tác khám cha. ¹⁸ Tâng tâm saráq Yiang Sursĩ khoiq pai neq:

“Bo ntroõq tĩn saro yõn anhia,
anhia chõit cusũm bõq án.

Cóp anhia yõn án cha tê,
yuaq án táq ranáq yõn anhia.”☆

Cốp tâm saráq Yiang Sursĩ pai neq tê:

“Máh cũai tuthẽ, cốp alóit bũn cớng alóit.”☆

19 Khân bữn noau yoc ẽ tẻc cũai sớt tâng tốp sa-âm, khân tở bữn bar pái náq cũai mỡ pruam cóp án, ngkíq mới chõỉ noap ốc ki. 20 Ma khân bữn cũai sớt tốp sa-âm, ma lứq táq lờih, cóq mới sươq án yáng moat cũai sa-âm canõh, yõn cũai canõh tở ẽq táq lờih ngkíq tê.

Ốc Patâp Canõh

21 Yáng moat Yiang Sursĩ cóp Yê-su Crít, cóp yáng moat ranẽng Yiang Sursĩ tâng paloong hữ, cứq patâp mới neq: Mới cupõt yõn khâm máh ốc cứq khoiq patâp mới. Ma mới chõỉ táq mpha chóq cũai nâi cóp cũai ki. Cóq mới táq machóng nheq chóq dũ náq cũai. 22 Mới chõỉ coâp satoaq atĩ tâng cũai canõh táq tẻc án cõt cũai táq ranáq Yiang Sursĩ. Cõh lơ ntun ẽn khân cũai ki táq lờih, noau pai mới bữn lờih machóng án ki tê. Cóq mới õt mantoat o níc, chõỉ yõn mút pahõm mới bữn lờih.

23 Cõ púng mới bữn sa-ũỉ ramứh a-ĩ, ngkíq mới chõỉ nguaiq ống đờq miat. Ma o yõn mới nguaiq bĩq blong nho đờq chuai púng mới yõn cõt bán.

24 Bữn cũai táq lờih, hái hữm lờih alóỉ raloaih lứq. Cóp Yiang Sursĩ lứq tẻc lờih ki tẻ nhũang cũai ki tở yũah toâq yáng moat án. Ma bữn cũai canõh táq lờih tê, ma hái tở bữn hữm yũah lờih alóỉ. Ma toâq

tangái parsót, lứq hái dáng lờih alóỉ. 25 Machóng ki tê bữn cũai táq ranáq o, hái hữm raloaih lứq ranáq alóỉ táq. Ma khân hái tở bữn hữm raloaih ranáq o ki, mỡ noâng Yiang Sursĩ hữm. Alóỉ tở tẻq cutooq tẻ án máh ranáq o alóỉ táq.

6

Ốc Patâp Yõn Cũai Sũl Ca Sa-âm Yê-su

1 Nheq tữh cũai sũl, cóq alóỉ yám noap ncháu alóỉ. Khân alóỉ táq ngkíq, cũai canõh tở tẻq acrieiq ramứh Yiang Sursĩ cóp mumat ngê án, cõ tian cũai sũl ki. 2 Cũai sũl ca bữn ncháu sa-âm Yê-su Crít, lứq alóỉ cõt máh sêm ai yáng moat Yiang Sursĩ. Ma cóq cũai sũl ki chõỉ palũỉ cũai ncháu án. Sũl ki cóq táq ranáq sarâng hõn tẻ nhũang ẽn, yuaq ncháu án la cũai sa-âm tê. Cóp tâng tốp sa-âm manoaq cóq ayoaq manoaq. Máh ốc ki cóq mới patâp cóp atõng níc yõn alóỉ dáng.

Cũai Ca Atõng Ốc Tở P̄ieiq Ẽ Cõt Sốc

3 Bữn cũai atõng ngê mpha tẻ ngê Yiang Sursĩ, cóp ngê alóỉ tở bữn pruam cóp parnai p̄ieiq tẻ Yê-su Crít, Ncháu hái. Cóp alóỉ tở bữn pruam yám noap Yiang Sursĩ samoat samoi. 4 Máh cũai ki yoc ẽ achõn tở alóỉ bữm, ma lứq alóỉ tở bữn dáng ntróu tháng. Cũai ki ham yoc ralõih cóp rasuon níc sâng.

Chơ cõt neq: Manoaq sa-on tễ manoaq, manoaq êq hỡn tễ manoaq, manoaq acrieiq manoaq, manoaq chanchỏm tỡ o tễ manoaq, ⁵ manoaq racáiq manoaq. Mút pahỏm alới la loái lứq, cớp alới khoiq pứt chơ máh ỏc p̄ieiq. Alới chanchỏm khân alới atỏng tễ ngê Yiang Sursĩ, ki alới lứq cõt sỏc.

Mút Pahỏm Ham Cờng Sanỏc

⁶ Ma cũai yám noap Yiang Sursĩ samoát samỏi, lứq cũai ki cõt sỏc, ma sỏc án la mpha tễ sỏc tâng đỏi nái. Án tỡ bữn yoc clũi tễ Yiang Sursĩ yỏn. ⁷ Tễ dẫu mpiq hái canỏt, hái tỡ bữn đứng cờng ntrứu mut tâng đỏi nái. Cớp toáq hái cuchĩt, hái tỡ tẻq đứng cờng ntrứu puai hái. ⁸ Ngkĩq, khân hái bữn dũ tặc khám cha, chơ hái tỡ bữn ham noâng clũi tễ ki. ⁹ Ma máh cũai yoc ẻ cõt sỏc tâng đỏi nái, ngê sấuq lứq radứng alới yỏn ham sa-ủi ỏc tỡ bữn kia ntrứu, cớp táq yỏn alới ramóh sa-ủi ỏc coat arức. Nái la samoát riang alới chuat tâng acáp. Ngkĩq alới chỏng talỏh tỡ alới bữm, cớp ravieĩ alới cuchĩt pứt neq. ¹⁰ Ớc ham práq yẻng, la nỡm yỏn dũ ramứh ỏc sấuq. Máh cũai ham práq yẻng, ki samoát alới clỏc rana tỡ bữn sa-âm noâng ngê Yiang Sursĩ, cớp mút pahỏm alới bữn moang ỏc gua.

Ớc Patáp Ễn Yỏn Ti-muthê

¹¹ Ma cớq mới viaq neq máh ỏc tỡ o ki, yuaq mới la cũai táq ranáq Yiang Sursĩ. Ngkĩq cớq mới táq níc neq: Ớt tanoang o, bữn mút pahỏm yám noap Yiang Sursĩ, sa-âm samoát samỏi, ayooq yớu, tanhĩr níc, cớp ớt khũn mantoat o. ¹² Ngê mới sa-âm tễ Yiang Sursĩ cớq mới ratáng chĩl loah yiang Satan, tỡ yỏn án talỏh chĩq ngê ki, yỏn mới riap yỏng pacái lứq máh ỏc tamoong mantái ki. Lứq Yiang Sursĩ yỏn mới bữn ỏc tamoong nái bo mới khoiq ngin mới sa-âm samoát samỏi yáng moat cũai cứng. ¹³ Yáng moat Yiang Sursĩ, án ca yỏn dũ ramứh tẻq tamoong, cớp yáng moat Yẻ-su Crĩt, án ca ngin p̄ieiq lứq tễ ngê Yiang Sursĩ yáng moat Pon-ti Phi-lat, ki cứq patáp mới neq: ¹⁴ Cớq mới yỏng pacái lứq máh ỏc Yiang Sursĩ khoiq patáp mới chơ. Cớq mới trĩh dũ ỏc ki samoát samỏi, yỏn noau canỏh tỡ tẻq tẻq mới, toau toáq tangái Yẻ-su Crĩt, Ncháu hái, toáq loah pỡ cutẻq nái. ¹⁵ Ớng Yiang Sursĩ toáp tẻq rườh tangái ki. Yiang Sursĩ la nỡm ỏc bỗn. Ớng án toáp la sỏt toáp clũi tễ canỏh. Án la Puo toáp clũi tễ puo canỏh. Cớp án la Ncháu toáp clũi tễ ncháu canỏh. ¹⁶ Ớng Yiang Sursĩ toáp bữn tamoong níc tỡ nai cuchĩt. Án ớt tâng ntỏq bữn poang hỡn tễ poang canỏh.

Tõ bữn cũai aléq ma tềq nhêng chu poang ki. Tề dôi mbỏq toâq dôi sanua tõ bữn cũai aléq ma bữn hữm roáp Yiang Sursĩ. Cóp dềh dôi ntun hữ, la tõ bữn noau tềq hữm. Cóp hái yám noap chóc sôt toâr cóp ang-ữr án tái mantái. Amen.

Ớc Patâp Yỗn Cũai Sốc Bữn

¹⁷ Cóp mới atông cũai sốc bữn tâng dôi nâi, chỗi yỗn alói ớt, cóp yỗn alói sa-âm Yiang Sursĩ samoât samoi. Chỗi yỗn alói poâng crơng sanốc alói tâng dôi nâi, yuaq crơng sanốc ki, tõ bữn ớt mantái níc cóp alói. Ma cóp alói sa-âm Yiang Sursĩ, yuaq án yỗn hái bữn dũ ramứh crơng sa-ữi la-ớq, chuai yỗn hái ớt bũi o níc. ¹⁸ Cóp mới atông yỗn alói táq ranáq o níc. Ngkíq alói cõt sóc ốc o tâng mút pahõm alói. Cóp alói chỗi pasếq sanốc alói tâng dôi nâi, ma cóp alói bữn mút pahõm yoc ẽ chuai cũai canỏh tề crơng sanốc alói. ¹⁹ Táq ngkíq, samoât alói parõm ốc bốn puan yỗn alói bữm. Ốc bốn puan nâi tõ nai cõt pút. Cóp táq ngkíq, tềq alói bữn roap ốc tamoong mantái níc.

Ớc Patâp Parsốt Yỗn Ti-muthê

²⁰ Ti-muthê ơi! Cóp mới kĩaq o máh ngê Yiang Sursĩ khoi q yỗn mới chơ. Cóp mới viaq tề parnai sâuq tâng dôi nâi cóp tề alói ca yoc lứq

táq ntông tõ cõt ốc. Alói ki chanchóm alói la cũai ran-goaiq, ma lứq alói tõ bữn rangoaiq ntróu. ²¹ Bữn cũai khoi q táq ntông ngkíq, ma alói ki cłóc rana tề ốc sa-âm. Cúp sếq Yiang Sursĩ chuai miat nheq tữh anhia.

Choaiq Thờ Bar Phau-lô Chĩc Yỗn Ti-muthê Santoiq Atỡng

Phau-lô chĩc choaiq thờ bar nâi coiq sa-óh Ti-muthê sám 67 cumo ntun Yê-su canốt. Phau-lô chĩc thờ nâi bo án ốt tũ tâng vil Rô-ma. Án dáng án cheq ẽ cuchĩt. Ngkĩq yuaq án chĩc thờ nâi coiq sa-óh Ti-muthê la ariang con samiang ca án ayooq lứq. Án patâp Ti-muthê chõĩ sâng casiet tẽ án, ma cóq án chĩuq túh coat ariang tahan o Yê-su Crĩt.

Án ớn Ti-muthê nhẽng o tẽ cũai atỡng tở bữn p̄ieiq parnai o tẽ Yiang Sursĩ. Cóp án pai neq: “Dũ ốc tâng Tâm Saráq Yiang Sursĩ, lứq Yiang Sursĩ toâp yỗn cũai chĩc máh ốc ki. Ngkĩq nheq ốc ki la o đõq atỡng cũai tẽ ngê Yiang Sursĩ, đõq sươq cũai táq ranáq sâuq, đõq chuai cũai yỗn táq ranáq o ẽn, cóp đõq cũai dáng cóq táq ntrớu yỗn tẽq ốt tanoang o yáng moat Yiang Sursĩ.” (Pún 3:16)

Phau-lô nguang tở bữn đũn noâng án lứq bữn ốt cóp Yiang Sursĩ, cóp án pai Yiang Sursĩ khoi q thrũan cóng o yỗn án tâng paloõng.

¹ Cúq Phau-lô la ayũng atĩ Yê-su Crĩt, yuaq Yiang Sursĩ rươh cúq táq ranáq ki. Án ớn cúq p̄õq atỡng yỗn cũai

dáng Yiang Sursĩ khoi q ữq yỗn hái bữn tamoong mantái nhơ tẽ Yê-su Crĩt. ² Cúq chĩc choaiq thờ nâi coiq sa-óh Ti-muthê. Mớĩ la samoât con cúq ayooq lứq. Cúq sễq Yiang Sursĩ, Mpoaq hái, cóp Yê-su Crĩt, Ncháu hái, chuai miat mớĩ, cóp sarũiq táq mớĩ, cóp yỗn mớĩ ốt bán sũan ien khẽ níc.

Phau-lô Ayooq Cóp Catoaih Atỡng Ti-muthê

³ Cúq la cũai táq ranáq Yiang Sursĩ machõng achúc achiac cúq khoi q táq tẽ mbõq tẽ. Mứt pahõm cúq tở bữn tẽq cúq tẽ ranáq ki. Cu rangái sadâu cúq sanhữ lứq mớĩ. Bo léq cúq câu, cúq câu níc yỗn mớĩ. Cúq sa-õn Yiang Sursĩ sa-ũĩ lứq mớĩ sa-âm án samoât samớĩ. ⁴ Cúq sanhữ lứq tangái hái ratah, cúq hũm sarliang moat mớĩ hoi. Ngkĩq cúq yoc lứq p̄õq sa-óh mớĩ, đõq yỗn mứt pahõm cúq bữn moang ốc bũi. ⁵ Cúq sanhữ tẽ mớĩ sa-âm lứq Yiang Sursĩ machõng ayooq mớĩ, Lô-it, cóp mpiq mớĩ, Yunit, sa-âm tẽ nhũang. Cúq dáng samoât samớĩ mớĩ sa-âm machõng alóĩ ki tẽ. ⁶ Yuaq ngkĩq, cúq patâp mớĩ yỗn sanhữ níc máh ramúh Yiang Sursĩ chuai yỗn mớĩ táq, bo cúq satoaq atĩ cúq tâng plõ mớĩ táq tẽc mớĩ tabõq táq ranáq Yiang Sursĩ. Khãn mớĩ sanhữ nheq ốc ki, ngkĩq samoât riang pla ùih racát níc tâng mứt pahõm mớĩ.

⁷ Yiang Sursĩ tở bữn yõn hái bữn mút pahõm clac, ma án yõn hái bữn mút pahõm clõq, mút pahõm ayooq yóu, cớp mút pahõm dáng rabán o tở bữm. ⁸ Ngkĩq mới chõi sâng casiet atõng tễ ngê Ncháu hái. Cớp mới chõi sâng casiet tễ cớq õt tũ cõ tian cớq táq ranáq án. Ma khân túh coat ntróu toáq pở mới cõ tian parnai o tễ Yê-su Crĩt, cớq mới chũuq, yuaq Yiang Sursĩ lứq yõn mới rơi chũuq máh túh coat ki. ⁹ Lứq Yiang Sursĩ chuai amoong hái, cớp án arô hái yõn cõt con acái án. Án táq ngkĩq, tở bữn cõ tễ ranáq hái táq. Ma án táq ngkĩq, la cõ án sâng yoc ẽ chuai miat hái nhơ Yê-su Crĩt. Cớp án tẽng ẽ táq ngkĩq tễ nhũang tở yũah tẽng paloõng cutẽq. ¹⁰ Ma sanua án apáh yõn hái dáng án ẽ chuai miat hái, cõ Yê-su Crĩt, án ca chuai amoong hái, khoiq toáq chơ. Yê-su Crĩt khoiq chĩl riap chơ ốc cuchĩt, cớp cõ nhơ parnai o tễ án, khoiq apáh yõn hái dáng hái tẽq bữn tamoong mantái.

¹¹ Lứq Yiang Sursĩ ớn cớq pởq pau parnai o nãi. Án yõn cớq cõt ayũng atĩ Yê-su Crĩt, cớp atõng ngê án. ¹² Yuaq cớq táq ranáq nãi, cớq chũuq sa-ũĩ ramứh túh coat. Ma cớq tở bữn casiet táq ntróu, yuaq cớq khoiq dáng chơ án ca cớq sa-âm. Cớp cớq dáng án rơi kĩaq

pacái níc toau toáq tangái parsõt nheq ngê án yõn cớq atõng.

¹³ Cớq mới yõng pacái lứq nheq ngê cớq khoiq atõng mới. Ngê nãi la ngòl ốc pĩeiq yõn mới tẽq puai. Ngê nãi atõng tễ ốc sa-âm cớp ốc ayooq tễ Yê-su Crĩt. ¹⁴ Raviei Yiang Sursĩ lứq ốt tâng mút pahõm hái. Cõ chóc tễ án, cớq mới kĩaq pacái níc máh ngê Yiang Sursĩ khoiq yõn mới bữn chơ.

¹⁵ Mới khoiq dáng chơ nheq máh cũai ốt tâng cruang Asia khoiq táh cớq, dẽh alóĩ bar náq Phi-calu cớp Hêr-mukên. ¹⁶ Ma cớq sễq Yiang Sursĩ ayooq pasẽq nheq dõng sũ Ô-nasi-phuro, yuaq sa-ũĩ trở chơ án aliam mút pahõm cớq sâng bũi loah. Án tở bữn sâng casiet cõ cớq ốt tũ. ¹⁷ Bo án toáq pở vil Rô-ma, án chuaq níc cớq toau ramóh. ¹⁸ Mới khoiq dáng chơ nheq máh ranáq o án táq chuai cớq tâng vil Ê-phê-sô. Ngkĩq cớq sễq Yiang Sursĩ sâng ayooq táq án tâng tangái parsõt.

2

Cũai Táq Ranáq Yê-su Crĩt Cớq Chũuq Túh Coat

¹ Ngkĩq, Ti-muthê ơi, mới la samoât con samiang cớq. Cớq mới sa-âm pacái lứq, yuaq Yê-su Crĩt khoiq chuai miat mới. ² Dũ ốc mới khoiq sâng cớq atõng yáng moat cũai cứng, cớq mới atõng loah máh ốc ki yõn cũai ca

mới noap samoât, đốq alóí têt atōng cūai canōh ẽn. ³ Mới la samoât riang tahan Yê-su Crít. Ngkíq cóq mới chũuq túh coat ariang tahan o đốq chũuq têt. ⁴ Khân cūai aléq cõt tahan, án tở bữn chanchóm noâng tễ ranáq cūai proai, yuaq án yoc ẽ ãt mút pahõm cūai sõt án. ⁵ Khân bữn cūai yoc tampling sansrúm, cóq án táq puai máh ngê noau atōng cūai tampling. Khân án tở bữn táq p̄ieiq ngkíq, ki án tở têt bữn cóng noau yõn cūai lúh tampling riap. ⁶ Cóq án ca táq sarái sarâng, cūai ki cóq bữn roap cóng tễ ranáq án táq. Palái ki culáh loah rêng án. ⁷ Cóq mới tutuaiq yõn dáng samoât máh ngê cứq sacâm adóh. Chơ Ncháu hái yõn mới dáng raloaih tễ ngê ki. ⁸ Cóq mới sanhữ níc neq: Yê-su Crít, án ca tễ tống toiq Davít, khoiq tamoong loah tễ cuchit, machóng parnai o cứq khoiq atōng chơ. ⁹ Cỗ tian cứq atōng parnai o nãi, ngkíq yuaq cứq ramóh sa-ũĩ túh coat, cóp noau chốq cứq samoât riang noau chốq cūai táq ranáq sáuq. Ma parnai Yiang Sursĩ noau tở têt chốq. ¹⁰ Ngkíq, cứq chũuq đũ ramúh túh coat nãi yõn Yê-su Crít têt chuai amoong máh cūai Yiang Sursĩ khoiq ruroh, đốq cūai ki bữn õt mantái níc cóp Yê-su Crít. ¹¹ Santoiq cứq atōng nãi la p̄ieiq lứq:

Khân hái khoiq pruam cuchit parnoi cóp Yê-su, lứq nữ-ra hái bữn tamoong parnoi cóp án têt. ¹² Khân hái chũuq ỏc túh coat sanua, lứq nữ-ra hái bữn sõt parnoi cóp Yê-su têt. Khân hái calõih Yê-su tâng đõih nãi, lứq nữ-ra án calõih hái têt. ¹³ Khân hái táh parnai án, ki tam hái. Ma án tở nai táh máh parnai án khoiq ữq tễ nhũang. Lứq án tở têt calõih ngê án bữm.

Cóq Puai Ngê Yiang Sursĩ Samoât Samõi

¹⁴ Cóq mới sươq máh cūai tễ tốp sa-âm yáng moat Yiang Sursĩ yõn alóí sanhữ chõj ralõih ntróu. Khân alóí ralõih, ỏc ki tở bữn cõt kia ntróu, ma ỏc ki táq yõn mút cūai ca tamúng cõt tở ẽq sa-âm noâng. ¹⁵ Khân ranáq ntróu Yiang Sursĩ yõn mới táq, cóq mới táq cutóng níc ranáq ki yõn mút pahõm Yiang Sursĩ sâng bũi níc cóp mới. Ngkíq, mới la riang cūai Chiang táq ranáq; mới tở bữn casiet ntróu tễ ranáq mới táq, yuaq mới atōng tanoang lứq tễ parnai Yiang Sursĩ. ¹⁶ Ma cóq mới viaq tễ ngê noau sarhóng mpha tễ ngê Yiang Sursĩ, cóp parnai tở cõt ỏc, yuaq parnai ki radững cūai yõn õt yong tễ

ngê Yiang Sursĩ. ¹⁷ Parnai ki la samoât riang bớc rơiq cõt la-a lứq. Bar nác ca táq ntõng parnai ki, la Hi-manê cớp Phi-lết. ¹⁸ Alóỉ bar nác ki khoiq táh chíq ốc p̄ieiq; chơ alóỉ pai tangái hái ta-moong loah tễ cuchĩt khoiq vót chơ. Ngkíq bữn cũai sa-âm tễ nhũang, ma sanua alóỉ tở ẽq sa-âm noâng. ¹⁹ Ma noâng bữn cũai sa-âm samoât samơi lứq. Cũai ki la samoât riang tanang đống Yiang Sursĩ tễng. Tanang ki khâm lứq, tở bữn noau rơi talốh. Tâng tanang ki Yiang Sursĩ khoiq chĩc santơiq neq: “Yiang Sursĩ dáng chơ máh cũai án.”^{*} Cớp án chĩc neq hỡ: “Cu nác ca ngin pai án arô ramứh Yiang Sursĩ, cớq án pang yơng tễ ranác sâuq.”

²⁰ Tâng đống cũai sốc la bữn sa-ũỉ ramứh tangan. Bữn tangan noau táq toâq yễng tở la práq. Cớp bữn tangan canốh noau táq toâq aluang, tở la cutểq. Bữn cớng ca bữn kia ntâng lứq, cớp bữn cớng ca bữn kia nghễ lứq. ²¹ Khân cũai aléq dáng rươh ỉt ốc o cớp tở ẽq táq ranác sâuq, cũai ki la samoât tangan moat, đợ miar yỗn Ncháu tấc. Cũai ki tềq táq ranác o yỗn Yiang Sursĩ. Lứq Yiang Sursĩ khoiq tểng tâng mút pahồm án nhũang yỗn cũai ki tềq táq ranác o. ²² Chơ, cớq mới viaq yỗn vót tễ máh ranác

sac sâiq cũai noâng póng đốq yoc ẽ táq. Ma cớq mới chuaq máh ngê neq: Ớt tanoang o yáng moat Yiang Sursĩ, sa-âm samoât samơi, ayooq níc yớu, ốt ratoi níc cớp yớu. Máh ranác nài alóỉ ca sang Yiang Sursĩ cớp bữn mút bráh o yáng moat án đốq táq. ²³ Ma cớq mới viaq tễ alóỉ atõng ngê sacũl, tở la rasuon tễ ốc alóỉ tở bữn dáng, yuaq ranác ki đốq táq yỗn cũai ralốih. ²⁴ Ma án ca pruum táq ranác yỗn Yiang Sursĩ, cớq án tở bữn ralốih, ma cớq án bữn mút lamèn chốq đũ nác cũai. Cớq án khêuq atõng yỗn cũai canốh dáng, cớp tở bữn coâp nsóq mút. ²⁵ Bo án atõng alóỉ ca yoc ẽ rasuon cớp án, cớq án bữn mút laviei. Cõh lơ Yiang Sursĩ chuai alóỉ ki ngin lốih lêq cõt mút tamái ên, cớp yỗn alóỉ dáng samoât samơi ngê p̄ieiq tễ án. ²⁶ Khân alóỉ táq ngkíq, alóỉ tở bữn yoc puai noâng ngê yiang Satan. Nài la samoât riang alóỉ bữn racláh tễ acáp yiang Satan.

3

Máh Tangái Parsót Bữn Sa-ũỉ Cũai Sâuq

¹ Cớq mới dáng tê neq: Cheq ẽ toâq tangái parsót, lứq bữn sa-ũỉ túh coat toâq voai. ² Bo ki cũai yoc ẽ ỉt mút pahồm bữm, cớp ham práq. Alóỉ khễn tở bữm, cớp alóỉ ốt. Alóỉ voỏq sâuq tễ

^{*} 2:19 2:19 Ngh Proai 16:5

cũai canõh. Alói tõ bữn trĩh parnai mpiq mpoaq. Alói tõ dáng sa-õn. Alói tõ bữn yám noap Yiang Sursĩ. ³ Alói tõ dáng ayoq cũai canõh. Alói tõ ẽq ratoi cốp yóu. Alói tũn apót yóu. Alói tõ dáng rabán o tũ bữm. Alói bữn mút tachoát. Alói tõ ẽq táq ranáq o. ⁴ Alói cauq ẽq noau táq yóu alói. Alói táq yúh-yúh. Alói õt sác. Cốp alói yoc ẽ lớiq bũi, hõn tẽ puai ngê Yiang Sursĩ. ⁵ Alói puai rit sang, táq ariang alói yám noap Yiang Sursĩ tê. Ma tâng mút alói, ki alói tõ bữn pruum yõn Yiang Sursĩ cõt sốt alói. Cóp mới pang yong tẽ máh cũai ngkíq. ⁶ Bữn cũai tẽ tốp ki mut tâng đồng cũai canõh yoc ẽ radũng máh mansẽm puai parnai tõ pĩeiq alói pai. Mansẽm ki la sacũl, bữn sa-ũĩ lóih, cốp chái lứq pruum puai ngê tõ pĩeiq. ⁷ Máh mansẽm ki yoc ẽ rien níc sa-ũĩ ngê, ma alói tõ nai dáng tẽ ngê pĩeiq. ⁸ Cũai ki rasuon cốp ngê pĩeiq, yuaq mút pahõm alói la loai lứq, cốp tõ ẽq sa-âm ngê Yiang Sursĩ. Alói la samoát riang Yanêt cốp Yambrê ca rasuon cốp Mõi-se tẽ mbốq. ⁹ Ma tẽ ranáq alói bar nác ki táq, apáh yõn nheq tũh cũai hũm alói táq tõ pĩeiq. Machóng ki tê, máh cũai yoc rasuon cốp ngê pĩeiq tâng dõi nãi. Alói tõ tẽq radũng noàng yóu puai ngê alói, yuaq nheq tũh cũai hũm ngê alói la ngê sacũl.

¹⁰ Ma mới khoiq dáng chơ máh ngê cứq atõng. Mới dáng máh ranáq o cứq đốq táq; mới dáng máh ranáq ntróu cứq yoc ẽ táq. Mới dáng cứq sa-âm samoát samoi; cứq bữn mút samoát cutẽq; cứq ayoq cũai canõh; cốp cứq tanhĩr níc túh coat. ¹¹ Lứq mới dáng chơ noau táq túh coat cứq sa-ũĩ lứq, cốp cứq bớc chũl sa-ũĩ trở. Noau táq cứq tâng vil Anti-õt, vil I-cuni, cốp vil Lutrơ. Máh ranáq túh coat ki, cứq chũuq nheq. Ma lứq Yiang Sursĩ chuai cứq; án aloõh cứq tẽ ốc túh coat ki. ¹² Lứq samoát cũai aléq ma yoc ẽ táq pờq puai Yê-su Crĩt, cũai ki cóq ramóh noau táq án. ¹³ Ma máh cũai loai cốp cũai táq nan puai ngê Yiang Sursĩ, cu rangái alói cõt sâuq achõn ẽn. Alói raphẽq cũai canõh, chơ cũai canõh raphẽq loah alói.

Atõng Yõn Ti-muthê Dáng Tẽ Parnai Yiang Sursĩ

¹⁴ Ma cóq mới sanhũ níc máh ngê mới khoiq rien chơ. Ngê ki mới dáng la lứq pĩeiq, yuaq mới dáng tẽ noau mới khoiq rien ngê ki. ¹⁵ Bo mới noàng cacót mới khoiq rien tẽ Tâm Saráq Yiang Sursĩ. Tâm Saráq nãi tẽq yõn mới bữn ốc rangoaiq, cốp ốc rangoaiq nãi tẽq radũng mới yõn sa-âm ngê Yê-su Crĩt, đốq Yê-su Crĩt chuai amoong mới. ¹⁶ Dũ ốc tâng Tâm Saráq Yiang Sursĩ, lứq Yiang

Sursĩ toáp yõn cũai chĩc máh ốc ki. Ngkĩq dũ ốc ki la o đởq atõng cũai tẽ ngê Yiang Sursĩ, đởq sươq cũai táq ranáq sâuq, đởq chuai cũai yõn táq ranáq o ẽn, cớq đởq yõn alóí dáng cớq táq ntróu yoc ẽ ốt tanoang o yáng moat Yiang Sursĩ. ¹⁷ Nhơ tẽ parnai ki, cũai táq ranáq Yiang Sursĩ bữn dũ ramứh án cớq bữn, đởq táq túc ranáq o Yiang Sursĩ yõn án táq.

4

Phau-lô Patâp Ti-muthê Yõn Táq Cutóng

¹ Cheq ẽ toáp tangái Yê-su Crĩt toáp loah pở cutẽq nâi, cớq án cớt sớt lứq. Bo ki án ẽ rablớh nheq tữh cũai noâng tamoong, cớq cũai ca khoiq cuchĩt. Cứq patâp mới yáng moat Yiang Sursĩ cớq yáng moat Yê-su Crĩt neq; ² Cớq mới atõng níc parnai Yiang Sursĩ. Pĩeiq tangái léq, cớq mới atõng tangái ki. Chõĩ acoan tangái noau pai pĩeiq ngư atõng parnai Yiang Sursĩ. Cớq mới atõng yõn cũai dáng alóí bữn lỏih. Cớq mới sươq alóí chõĩ táq noâng ranáq lỏih. Cớq cớq mới atõng alóí yõn dáng ngê ntróu ẽn la o yõn alóí puai. Ma cớq mới ngcuai atõng, chõĩ coáp ẽq alóí dáng toáp. ³ Nỡ-ra lứq toáp tangái cũai tở ẽq tamứng noâng parnai pĩeiq tẽ Yiang Sursĩ, ma alóí ẽ puai rangứh alóí bữm.

Alóí chuaq níc cũai atõng santoiq ẽm cớq santoiq alóí yoc tamứng. ⁴ Ngkĩq, alóí nguai chíq tẽ ốc pĩeiq, cớ alóí tở ẽq tamứng ốc pĩeiq. Chơ alóí puai parnai noau nsũar sâng. ⁵ Ma cớq mới tutuaiq níc tẽ dũ ramứh ca ẽ toáp pở mới. Cớq mới chũuq ốc túh coat. Cớq cớq mới atõng níc parnai o tẽ Yiang Sursĩ. Máh ranáq ntróu Yiang Sursĩ yõn mới táq, cớq mới táq yõn moâm nheq ranáq ki.

Phau-lô Cheq Cuchĩt

⁶ Sanua tở cứq la samoât riang cớng noau ẽ chiau sang yõn Yiang Sursĩ. Dõĩ tamoong cứq cheq ẽ vớ. ⁷ Cứq la riang sansrứm cớq yiang Satan khoiq riap chơ. Cứq táq moâm chơ ranáq cứq, ariang cứq la cũai lủh tampling khoiq moâm. Cớq cứq khoiq yõng pacái níc máh ốc sa-âm tẽ Yiang Sursĩ. ⁸ Sanua, Yiang Sursĩ, án ca rablớh tanoang lứq, án thữan đởq yõn cứq cớng o tâng paloõng, yuaq án yõn cứq ốt tanoang o yáng moat án. Nỡ-ra Yiang Sursĩ yõn cứq bữn cớng ki tâng tangái án rablớh nheq tữh cũai. Ma án tở bữn yõn ống cứq sâng. Ma án yõn dũ náq ca nguang tangái Yê-su toáp loah pở cutẽq nâi.

Santoiq Parsót Phau-lô Patâp Ti-muthê

9 Cúq sêq mới canhác canhóng toâq pở cúq chái,
 10 yuaq Dê-ma khoiq táq cúq chơ. Án yoc ẽ puai ngê ien khê tâng dôi nâi. Ngkíq án pởq pở vil Tê-salô-naca. Cre-sen khoiq pởq pở cruang Ca-lati, cốp Atít khoiq pởq pở cruang Dal-matia.
 11 Sanua bữn manoaq Luca sâng ớt cốp cúq. Cóp mới dững Mac toâq pở cúq tê, yuaq án têq chuai cúq táq ranáq Yiang Sursĩ. 12 Cúq khoiq ớn Ti-chacơ pởq chu vil Ê-phê-sô. 13 Toâq mới pởq pở cúq, cúq sêq mới dững au tuar cúq. Au ki cúq đởq tâng đống Car-pu, tâng vil Trô-at. Cóp sêq mới dững dếh tâm saráq cúq hữ. Ma hỡn tể ki ễn, cúq yoc ẽ bữn choaiq ngcâr ca cúq đởq pở ki.

14 Alec-sandơ, án ca Chiang dudể, án khoiq táq túh coat cúq sa-ũĩ trỗ. Nỡ-ra Yiang Sursĩ toâp culáh loah tể máh ranáq sâuq án khoiq táq.
 15 Ma cóq mới nhêng o tể án, yuaq án rasuon luat ngư tể máh parnai hếq atõng.

16 Trỗ dâu lứq cũai sốt blớh cúq, tở bữn noau rapai chuai cúq. Nheq tữh cũai táq cúq. Ma cúq sêq Yiang Sursĩ chõĩ noap ốc lờih alóĩ ki táq. 17 Ma noâng Ncháu ớt chuai cúq cốp yỗn cúq bữn bán rêng níc. Ngkíq cúq têq atõng parnai o tể Yê-su Crít, cốp máh cũai tở cõn cũai I-sarel bữn dáng tê. Yê-

su Crít chuai cúq yỗn vót tể bỗq cula samín. 18 Cúq dáng nỡ-ra Ncháu lứq chuai amoong cúq yỗn vót tể dũ ramứh ốc sâuq, cốp yỗn cúq ớt mantái níc tâng ntốq án sốt tâng paloõng. Cóp hái khễn níc ramứh án sốt dôi lờĩ cumo. Amen.

Parnai Cubán

19 Cúq sêq blớh cahan Barit-sin cốp Aki-la, cốp cúq ẽ cahan nheq đống sũ Ô-nasi-phuro hữ. 20 Ê-rat noâng ớt tâng vil Cõn-tô, cốp cúq yỗn Trô-phim noâng ớt tâng vil Mi-lê-tu, yuaq án a-ĩ. 21 Cúq sêq mới cutóng toâq pở cúq nhũang casâi sangết tở yũah toâq. Nheq tữh sểm ai tâng vil nâi blớh cahan mới tê, dếh Yu-bulô, Pudên, Li-nut, cốp Clau-dia.

22 Cúq sêq Ncháu ớt níc tâng mút pahõm mới. Cốp cúq sêq Yiang Sursĩ chuai miat nheq tữh anhia.

Choaiq Thở Phau-lô Chĩc Yỗn Atit Santoiq Atỡng

Phau-lô chĩc choaiq thờ nài coiq sa-óh Atit. Án chĩc sám 63 toâq 66 cumo ntun Yê-su canốt. Atit la cũai póng ca toâq tễ cruang canốh, ma án sa-âm Yê-su Crĩt tề. Phau-lô yỗn Atit noâng ốt tâng vil Crêt, đợc máh cũai sa-âm tâng vil ki cốt rêng cớp toâr achỗn. Saráq nài atỡng Atit bữn pái ốc toâr án cóq táq la neq: Muoi la rườh cũai ayông tộp sa-âm. Bar la arĩen cũai thâu đợc cũai thâu tề arĩen loah cũai póng tâng tộp sa-âm. Pái la dững ốc ratoi saryóq tâng tộp sa-âm, cớp viaq yơng tễ ốc manoaq kêt manoaq.

1 Cúq la Phau-lô chĩc choaiq thờ nài. Cúq la cũai táq ranáq yỗn Yiang Sursĩ, cớp cúq la ayũng atĩ Yê-su Crĩt. Yiang Sursĩ ốn cúq pỡq atỡng máh cũai án khoiq rườh yỗn mút pahỗm alóit cốt sa-âm samoât lứq ể. Cúq yoc atỡng alóit ốc pĩeiq tễ Yiang Sursĩ đợc alóit puai ngê Yiang Sursĩ nheq rangứh rahỗ. 2 Háit nguang bữn tamoong mantái ariang Yiang Sursĩ, án ca tở nai táq ntỡng lauq, khoiq par-ữq bo án tở yũah tềng cớc cutềq nài. 3 Chơ toâq ngư, Yiang

Sursĩ khoiq atỡng parnai án yỗn cũai dáng. Yuaq Yiang Sursĩ dáng cúq atỡng pĩeiq lứq parnai án, ngkiq án ốn cúq atỡng. Yiang Sursĩ la Yiang ca chuai amoong háit. 4 Cúq chĩc choaiq thờ nài coiq sa-óh Atit. Mớit la ariang con cúq, yuaq mớit sa-âm Yiang Sursĩ machớng cúq. Cúq sểq Yiang Sursĩ, Mpoaq háit, cớp Yê-su Crĩt, án ca chuai amoong háit, chuai miat mớit cớp yỗn mớit ốt bán sũan ien khể níc.

Ranáq Atit Táq Tâng Cruang Crêt

5 Bo ki cúq khoiq yỗn mớit ốt loah tâng cỗn Crêt đợc mớit táq yỗn moâm máh ranáq háit táq tở yũah moâm. Cúq yoc mớit rườh cũai táq sốt tâng tộp sa-âm dũ vil tâng cruang ki. Ngkiq cúq khoiq patáp mớit tễ nhũang chơ. 6 Cúq yoc mớit rườh cũai tở bữn noau tềq tểq alóit. Cũai ki cóq bữn ống muoi lám lacuoi. Con acái án cóq sa-âm Yê-su tề, cớp con acái án tở tềq táq yủh-yủh cớp tở trĩh. 7 Yuaq cũai ki táq ranáq Yiang Sursĩ, ngkiq cóq án táq yỗn cũai canốh tở tềq tểq án. Cóq án tở bữn ốit; tở bữn coáp nsóq; tở bữn ham blống; tở bữn tachoât; cớp tở bữn ham práq. 8 Ma cũai ca radững tộp sa-âm cóq roap chỗm o tamoi, cóq bữn mút pahỗm ayooq ốc o, cóq ót pian tở bữn nsóq chớq cũai canốh, cóq táq tanoang o yáng moat cũai, cóq bữn

mút bráh o yáng moat Yiang Sursĩ, cốp cốp dáng rabán o tở bữm. ⁹ Cốp án yống pacái níc máh ốc án khoi q sâng tễ Yiang Sursĩ. Ngkíq án tềq atông ốc p̄ieiq tễ Yiang Sursĩ yỗn cũai canõh yống pacái ốc ki tề. Cốp tềq án atông raloaih lứq ẽn chók cũai ẽ catáng parnai Yiang Sursĩ, đốq cũai ki tở tềq pai ntróu noâng.

*Atit Sươq Cốp Catoaih
Atõng Máh Cũai Crêt*

¹⁰ Bữn sa-ũi náq cũai sa-âm tễ tốp I-sarel tở ẽq trĩh sớt alói. Alói đốq atõng bambar, cốp đốq ẽ táq ntõng lauq. Alói atõng cốp táq rit cút puai p̄ieiq rit I-sarel.*

¹¹ Cốp hái cupât bỗq alói, yuaq alói yoc ẽ paroai máh đống sũ tốp sa-âm na atõng ốc tở bữn p̄ieiq, đốq chuaq loi na ốc tở bữn tanoang.

¹² Bữn manoaq tễ cũai Crêt cõt cũai tang bỗq yiang alói. Án khoi q atõng neq: “Cũai Crêt đốq lứq táq ntõng lauq. Cốp alói táq tachoat lứq. Alói yoc ẽ cha pasai, ma alói aloah táq ranáq.”

¹³ Máh santoiq cũai nâi pai la lứq p̄ieiq. Ngkíq cốp mới sươq alói ca sa-âm chõi táq ngkíq, đốq mút pahõm alói sa-âm pacái lứq. ¹⁴ Sươq alói chõi tamúng parnai tở p̄ieiq ariang máh cũai I-sarel đốq táq ntõng, tở la cũai ca khoi q táh ốc p̄ieiq ca patâp

anhia. ¹⁵ Khân cũai bữn mút pahõm tở bữn lôi h, lứq ranáq alói táq la o. Ma khân cũai bữn mút pahõm lôi h cốp tở bữn sa-âm, neq ranáq alói táq la lứq tở bữn p̄ieiq ntróu, yuaq sarnóm alói chanchóm tở bữn o, cốp mút pahõm alói loai lứq. ¹⁶ Bỗq alói pai alói dáng Yiang Sursĩ, ma ranáq alói táq la mpha tễ ngê Yiang Sursĩ. Cũai canõh kêt lứq alói. Alói tở bữn trĩh cốp tở tềq táq ranáq o ntróu.

2

*Ốc Patâp Yỗn Cũai Thâu,
Cũai Póng, Cốp Cũai Sũl*

¹ Ma mới cốp atõng máh cũai sa-âm dáng alói cốp táq ntróu yoc ẽ puai ngê Yiang Sursĩ samoat samoi.

² Cốp mới atõng máh cũai samiang thâu yỗn alói rabán o tở alói bữm, yỗn alói ốt sangcún, cốp ốt mantoat o níc. Cốp alói sa-âm samoat samoi. Cốp alói ayooq níc yóu. Cốp khân bữn ốc túh coat toâq pở alói, cốp alói chũuq tanhĩr níc.

³ Mới cốp atõng máh cũai ayoaq tề, yỗn alói yám noap Yiang Sursĩ. Cốp alói chõi táq ntõng parnai sasruc, cốp chõi ham blống. Ma cốp alói atõng parnai o ⁴ chók máh mansẽm mbõiq bữn cayac, yỗn mansẽm ki dáng ayooq con cayac. ⁵ Cốp mansẽm ki dáng rabán tở alói bữm,

* 1:10 1:10 Rit ki noau táq tếc cút bĩq ngcâr tễ crong samiang.

cóp yõn alói õt mantoat o níc yáng moat Yiang Sursĩ. Cóc alói cutóng táq ranác tâng đồng alói. Cóp cóc alói ít pahõm cayac. Khân alói táq ngkíq, cũai canõh tở têq mumat ngê Yiang Sursĩ.

⁶ Cóc mới alúp-adũq níc máh samiang póng yõn alói dáng rabán tở alói bữm.

⁷ Dũ ranác mới táq, cóc táq p̄ieiq lứq, yuaq mới la samoat ngõl yõn cũai canõh. Bo mới atõng tễ ngê Yiang Sursĩ, cóc mới apáh mới la cũai tanoang o cóc sangcún.

⁸ Máh santoiq mới táq ntõng cóc mới pai yõn p̄ieiq, dõq cũai canõh tở têq tểq mới pai mới táq tở p̄ieiq. Chơ máh cũai yoc ẽ rasuon cóc mới sâng casiet, yuaq alói tở ramóh muoi ọc lồih ntrúu tễ hái atõng.

⁹ Cóc mới atõng máh cũai sũl yõn alói ít pahõm cũai ncháu alói. Cóc alói táq dũ ranác yõn ncháu sâng bũi. Cóc alói chõi rasuon cóc ncháu alói. ¹⁰ Cóc cóc alói chõi tutuoiq cớng ncháu alói. Ma cóc alói táq o níc chóq ncháu alói. Khân cũai sũl táq ngkíq, cũai canõh hữm o alói puai ngê Yiang Sursĩ. Chơ noau yoc ẽ dáng tễ ngê Yiang Sursĩ, án ca chuai amoong hái.

Yiang Sursĩ Chuai Miat Cũai

¹¹ Yiang Sursĩ khoiq chuai miat dũ náq cũai, yõn alói têq bữn tamoong mantái.

¹² Cỗ Yiang Sursĩ chuai miat

hái, ngkíq hái dáng án yoc hái táh máh ngê mpha tễ ngê án. Hái chõi puai rangũh hái bữm tâng dõi nãi. Yiang Sursĩ yoc hái dáng rabán o tở hái bữm, cóc án yoc hái õt tanoang. Án yoc hái puai õng ngê án sâng bo noâng õt tâng dõi nãi, ¹³ bo hái ngcuang tangái Yê-su Crít toâq loah pở cutểq nãi. Tangái ki hái bữn hữm Yê-su Crít, án ca chuai amoong hái. Án bữn chóc ang-ũr, cóc án la machớng Yiang Sursĩ tễ. ¹⁴ Lứq Yê-su Crít toâp chũuq cuchit tang hái, dõq thái loah hái tễ ọc lồih, yõn hái cõt cũai tở bữn lồih ntrúu noâng yáng moat Yiang Sursĩ. Ngkíq hái cõt cũai proai án, la tốp miar tễ cũai canõh cóc ẽr áiq lứq ẽ táq ranác o.

¹⁵ Mới bữn chóc tâng tốp sa-âm. Ngkíq cóc mới atõng nheq máh ọc cứq khoiq patâp mới. Cóc mới atõng cóc sươq tốp sa-âm, khân alói táq tở p̄ieiq. Cóc máh ranác mới táq, chõi táq yõn noau têq ayê mumat mới.

3

Ổc Patâp Yõn Tốp Sa-âm

¹ Mới cóc atõng loah máh cũai sa-âm yõn alói trĩh máh cũai sôt tâng dõi nãi. Cóc alói thữan ẽ táq dũ ranác o. ² Cũai sa-âm tở têq voõq sâuq tễ cũai canõh. Ma cóc alói õt ratoi cóc dũ náq cũai.

Cóq alóí bữn mút khũn cốp laviei chóc cũai canõh.

³ Tễ nhũang hái la cũai sacũl tê. Hái tở trĩh, cốp hái tamứng níc parnai noau raphếq. Ngkíq tở hái cõt samoat cũai sũl yõn ranáq sấuq, cốp tở hái yoc ẽ puai níc ngê sấuq. Hái ra-ũan, hái sa-on cumíq níc. Khãn noau kêt hái, chơ hái kêt loah cũai ki tê. ⁴ Ma toáq tangái Yiang Sursĩ apáh yõn hái dáng án ayoqq hái, cốp án ẽ chuai hái, ⁵ tangái ki án chuai amoong hái. Án tở bữn chuai amoong hái cõ hái táq ranáq tanoang o. Ma án chuai amoong hái cõ án sâng sarũiq táq. Lứq Yiang Sursĩ toáp táh lỏih hái, nhơ Raviei án ariau mút pahõm hái yõn bráh. Cốp án yõn hái bữn mút tamái ẽn, ariang hái mbõiq sết loah. ⁶ Lứq Yiang Sursĩ yõn hái bữn Raviei án cõt sớt tâng mút pahõm hái cõ nhơ tễ Yê-su Crít, án ca chuai amoong hái. ⁷ Cõ nhơ Yê-su Crít chuai miat hái, ngkíq hái cõt tanoang o yáng moat Yiang Sursĩ. Cốp Yiang Sursĩ yõn hái chõng tê máh mun án pruan đợc yõn máh con án. Ngkíq hái ngcuang bữn tamoong mantái tê.

⁸ Máh ốc nãi la p̄ieiq nheq. Cứq yoc mới atõng níc ốc nãi yõn cũai sa-âm Yiang Sursĩ, đợc alóí chanchóm táq ống ranáq o sâng. Máh ốc nãi bữn kia nheq, cốp tềq chuai nheq tữh cũai. ⁹ Cứq yoc

mới viaq tễ alóí ca blóh tở cõt ốc, tễ alóí ca yoc ẽ ralỏih cốp mới tễ phễp rit tốp I-sarel, cốp tễ choaiq noau chĩc ramứh achúc, achiac alóí. Khãn ralỏih cõ tian tễ ốc nãi, ki tở bữn kia ntróu. ¹⁰ Khãn bữn noau tễ tốp anhia ma yoc ẽ mut cayoah tốp anhia yõn cõt tốp ngcót ẽn, cốp mới sươq cũai ki bar trỗ. Vớt ki, khãn án noâng ẽ táq ngkíq, ki mới tuih aloỏh chíq án. ¹¹ Lứq mới dáng cũai samoat ngkíq bữn mút loai lứq. Ốc lỏih ki táq yõn tở án dáng bữm án táq tở p̄ieiq.

Ốc Patâp Canõh Yõn Atit

¹² Toáq cứq ón A-tama tở la Ti-chacơ toáq pở mới, cứq yoc mới pởq toáp pở cứq tâng vil Nacô-buli. Cứq yoc ẽ ớt tâng vil ki toau nheq casai sangết. ¹³ Cốp cứq sết mới chuai Sê-na cốp Ablỏ. Sê-na la cũai atõng phễp rit. Crong ntróu alóí ốq đợc pởq rana, cứq sết mới chuai alóí yõn bữn crong ki. ¹⁴ Cốp mới atõng máh cũai tâng tốp hái rien cutóng táq níc ranáq o. Ngkíq nõq tềq hái chuai tốp hái bữm. Chõ yõn alóí ớt miat sâng; ốc ki tở bữn kia ntróu.

¹⁵ Nheq tữh cũai ớt cốp cứq, alóí cõiq parnai cahan mới tê. Sết mới cubán cusũan máh yóu ca bữn muoi mút cốp hái cốp sa-âm machớng hái. Cứq sết Yiang Sursĩ chuai miat nheq tữh anhia.

Choaiq Thõ Phau-lô Chĩc Yõn Phi-lamôn Santoiq Atõng

Phau-lô chĩc choaiq thõ nâi coiq sa-óh Phi-lamôn sám 63 cumo ntun Yê-su canõt. Phi-lamôn la cũai sa-âm tẽ vil Cô-lusê, cõp ramứh ranoâng án parchia parhan. Tâng đõng Phi-lamôn, bữn manoaq sũl ramứh Ô-nasim ca khoiq lúh tẽ ncháu án. Ô-nasim ramóh Phau-lô tâng cuaq tũ, chơ Phau-lô atõng án tẽ ranáq Yiang Sursĩ, cõp Ô-nasim mut sa-âm tê. Cõp án chuai Phau-lô sa-ũi ramứh. Choaiq thõ nâi Phau-lô coiq đõq aliam Phi-lamôn, sễq án táh lôih cõp roap loah Ô-nasim ariang sễm ai án bữm.

1 Cũq la Phau-lô chĩc choaiq thõ nâi coiq sa-óh yõu cũq Phi-lamôn, án ca táq ranáq Yiang Sursĩ parnoi cõp cũq. Sanua cũq õt tũ, cõ tian cũq atõng parnai o tẽ Yê-su Crĩt. Cõp Ti-muthê, la sễm ai hái, án coiq parnai sa-óh mới tê. 2 Hếq ẽ cahan tê sễm ỡi hếq ramứh Aphia, cõp hếq ẽ cahan Archip, án ca cutóng lứq táq ranáq Yê-su Crĩt parnoi cõp cũq. Cõp hếq ẽ cahan nheq tữh cũai sa-âm ca đõq rôm tâng đõng mới. 3 Sễq Yiang Sursĩ, Mpoaq hái, cõp Yê-su Crĩt,

Ncháu hái, chuai miat anhia cõp yõn anhia õt bán sũn ien khẽ nic.

*Phi-lamôn Sa-âm Yê-su
Cõp Ayooq Yõu*

4 Cũq đõq câu sễq nic chu Yiang Sursĩ cũq sang, yõn án chuai mới. Cõp cũq sa-õn Yiang Sursĩ khoiq chuai mới, 5 yuaq cũq khoiq sâng noau pai mới sa-âm Yê-su, Ncháu hái, samoât samoi, cõp mới ayooq nheq tữh cũai sa-âm. 6 Hái bữn muoi mứt cõ hái sa-âm Crĩt. Ngkĩq cũq câu sễq Yiang Sursĩ yõn mới dáng raloaih lứq dũ ramứh ớc bốn án yõn hái bữn cõ hái õt muoi mứt cõp Crĩt. 7 Ai ỡi, cũq bũi lứq mới bữn mứt pahõm ayooq nheq tữh cũai. Cõp alói ca khoiq sa-âm cõt práih pról loah la cõ mới chuai alói. Ốc ki aliam mứt pahõm cũq.

Phau-lô Chuai Ô-nasim

8 Cõ Crĩt yõn cũq bữn chóc tâng tốp sa-âm, ngkĩq cũq khõn ỡn mới cóq táq o chóc Ô-nasim, án ca cõt sũl mới tẽ nhũang. 9 Ma cõ Yiang Sursĩ yõn hái manoaq ayooq manoaq, yuaq ngkĩq cũq sễq tẽ mới sâng. Cũq la ramứh Phau-lô. Cũq la cũai thâu chơ, cõp sanua cũq õt tũ cõ tian cũq atõng parnai o tẽ Yê-su Crĩt. 10 Cũq sễq mới táq o chóc Ô-nasim. Sễq mới ayooq táq án nứng. Án la samoât con cũq, cõp cũq la samoât mpoaq án, yuaq án sa-âm Crĩt cõ nhơ cũq

atông án parnai o tể Yê-su bo cứq ốt tũ. ¹¹ Tể nhũang, án ki tở bữn kia ntróu yỗn mới. Ma sanua án cõt kia sa-ữi lứq yỗn mới cớp yỗn cứq tể.

¹² Sanua cứq khoiq ón án chu loah pở mới. Bo án toâq pở mới, nâi la samoât mút pahôm cứq toâq pở mới tể, yuaq mút cứq sâng ayooq lứq án. ¹³ Tể nhũang cứq chanchóm yoc án ốt chuai cứq tâng ntốq nâi, yuaq cứq noâng ốt tũ cớ cứq atông parnai o tể Yê-su Crít. Cứq dáng mới bữn pahôm yoc ể chuai cứq, cớp cứq chanchóm Ô-nasim têq chuai cứq tang mới. ¹⁴ Ma cứq tở ểq táq ngkíq, khân mới tở yũah prum. Cứq tở ểq ếp mới táq muoi ranáq ntróu. Ranáq ntróu mới ể chuai cứq, cứq ểq ốc ki loõh tể mút pahôm mới sâng. ¹⁵ Cõh lơ Ô-nasim loõh tể mới tở bữn đũn, đốq nỡ-ra án bữn ốt mantái níc cớp mới. ¹⁶ Sanua án tở bữn óng cũai sũl sâng. Ma án lứq la sễm ai hái tể, cớ án khoiq sa-âm Yê-su Crít. Ngkíq o yỗn mới ayooq án samoât sễm ai hái tể. Cứq ayooq lứq án. Án khoiq táq o yỗn cứq, ma nỡ-ra án táq o hỡn tể ki ển yỗn mới samoât cũai sũl, cớp samoât sễm ai, yuaq anhia sa-âm Ncháu machóng.

¹⁷ Khân cứq cớp mới ma ratoi lứq, ki cứq sễq mới

tabõp tabéh Ô-nasim la ariang mới tabõp tabéh cứq tể. ¹⁸ Khân án táq lôi h ntróu chóq mới, tở la tu mới, cóq mới nghì nheq ốc ki yỗn cứq. ¹⁹ Cứq Phaulô chĩc santoiq nâi toâq atĩ cứq bữm. Lứq samoât cứq culáh loah máh acán ntróu Ô-nasim tu mới. Ma cứq yoc mới sanhữ tể, mới la tu cứq yuaq mới bữn tamong mantái cớ nhơ cứq atông mới. ²⁰ Ngkíq ai ời, cứq sễq mới chuai nững tể ốc nâi, cớ mới ayooq Ncháu hái. Khân mới táq ngkíq, mút pahôm cứq sâng bũi hỡ ển táq ranáq Crít. ²¹ Bo cứq chĩc choaiq thỡ nâi, cứq dáng samoât mới lứq tamúng santoiq cứq, cớp mới táq hỡn tể santoiq cứq sễq tể mới ển.

Phaulô Yoc Ể Pờq Sa-óh Phi-lamôn

²² Toâq mới roap tabõp tabéh Ô-nasim, ki cứq sễq mới thữan đốq ntốq yỗn cứq bẻq tể. Cứq ngcuang Yiang Sursĩ yỗn cứq toâq pở anhia cớ anhia khoiq câu sa-ữi yỗn cứq.

²³ Yóu mới, Ê-phapra, sễq cahan anhia tể. Án ốt tũ parnõi cớp cứq, la cớ tian án táq ranáq Yê-su Crít tể. ²⁴ Cớp bữn pỗn náq canõh ển yoc ể cahan anhia tể. Pỗn náq ki la Mac, Ari-tac, Dê-ma, cớp Luca. Alóit táq ranáq parnõi cớp cứq.

²⁵ Cứq sễq Yê-su Crít, Ncháu hái, chuai miat anhia.

Choaiq Thở Cơiq Yỗn Cũai Hê-brơ Santoiq Atõng

Sarác nài cũai chĩc cơiq sa-óh máh cũai Hê-brơ (cũai I-sarel). Tở bữn noau dáng ramứh cũai ca chĩc sarác nài, ma án chĩc sám 64 toãq 68 cumo ntun Yê-su canốt. Bo ki noau táq túh coat lứq máh cũai sa-âm, toau bữn cũai tở ẽq sa-âm noãng. Sarác nài aliam alói yỗn sa-âm pacái lứq ẽn, cớp atõng Yê-su toãp la Con Yiang Sursĩ.

Noau chĩc tễ pái ốc toãr tễ Yê-su Crĩt la neq: Muoi, Yê-su la Con Yiang Sursĩ ca tamoong mantái. Án trĩh Mpoaq án, cớp án chĩuq tanhĩr dũ ramứh túh arúc. Án bữn chóc toãr hỡn tễ máh cũai tang bõq Yiang Sursĩ, tễ máh ranẽng Yiang Sursĩ, cớp tễ Mũi-se hỡ. Bar, Yê-su toãp la cũai tẽng rit sang mantái níc, cớp bữn chóc toãr hỡn tễ máh cũai tẽng rit sang canốh. Pái, ống Yê-su toãp tẽq chuai amoong nheq tữh cũai sa-âm yỗn tẽq vót tễ ốc lỏih cớp ốc cuchĩt. Yê-su yỗn ốc tamoong mantái.

Tãng pún muoi chĩt la muoi noau atõng tễ máh cũai sa-âm Yiang Sursĩ samoat samoi. Cớp noau pai neq hỡ: Tở bữn noau tẽq táq

yỗn bũ pahõm Yiang Sursĩ, khãn tở bữn sa-âm.

*Yiang Sursĩ Atõng Nho
Con Án*

¹ Tễ mbõq Yiang Sursĩ atõng achúc achiac hái sa-ữi trỏ cớp sa-ữi ramứh n्ह cũai tang bõq án. ² Ma tãng đỏi parsốt nài, án atõng hái n्ह Con án toãp. Yiang Sursĩ yỗn Con án ndõm nheq tữh ramứh, cớp n्ह tễ án Yiang Sursĩ tẽng dũ ramứh tãng paloõng cớp cutẽq. ³ Ang-ữr tễ Con la machõng ang-ữr tễ Yiang Sursĩ tẽ. Án machõng thág Yiang Sursĩ, cớp dũ ramứh ca cõt tãng cutẽq nài, la cõ n्ह tễ parnai Con Yiang Sursĩ. Moãm án táq yỗn bráh mút pahõm cũai na án pupút máh lỏih alói, chơ án chõn loah chu paloõng cớp tacu coah atoam Yiang Sursĩ, la Puo tãng paloõng.

*Con Yiang Sursĩ Toãr Hỡn
Tễ Ranẽng Yiang Sursĩ*

⁴ Con Yiang Sursĩ la toãr hỡn tễ ranẽng Yiang Sursĩ tễ paloõng, machõng ramứh noau đõq án la o hỡn tễ ramứh noau đõq ranẽng ki. ⁵ Tở bữn ranẽng aléq ma Yiang Sursĩ ngin pai neq: “Mũi la Con cứq.

Tangái nài cứq lứq cõt
Mpoaq mũi.”

Cớp Yiang Sursĩ tở bữn pai tễ ranẽng aléq neq:

“Cứq la Mpoaq án. Án la Con cứq.”☆

6 Ma bo Yiang Sursĩ ẽ yõn Con clúng án toâq pỡ cutẽq nãi, án pai neq:

“Nheq tũh ranẽng Yiang Sursĩ cóq sang toam Con ki.”

7 Cóp Yiang Sursĩ pai tẽ ranẽng án neq:

“Án yõn ranẽng án tẽ paloõng cõt samoât cuyal,

cóp án yõn alóı ca táq ranáq án cõt samoât pla ùih.”☆

8 Ma Yiang Sursĩ pai chóq Con án neq:

“Yiang Sursĩ ời, sốt dõı lơi cumo, la sốt níc pỡ mới!

Mới táq sốt tanoang o lứq.

9 Mới ayooq máh ramứh tanoang o.

Ma mới kêt máh ramứh sáuq.

Yuaq ngkıq, Yiang Sursĩ la Yiang mới,

án ruoh mới cóp yõn mới bữn ọc bốn hõn nheq tẽ máh yóu mới.”☆

10 Cóp Yiang Sursĩ pai ẽn neq:

“Ncháu ời! Tẽ dâu lứq mới tẽng cõt cutẽq nãi, cóp paloõng la atĩ mới tẽng.

11 Paloõng cutẽq nõ-ra cõt pút, ma mới tỡ nai cõt pút.

Paloõng cutẽq cõt ralõh samoât tampác anhõh.

12 Chơ mới pĩen paloõng cutẽq

samoât noau saráu au anhõh.

Mỡ mới tỡ nai rapĩen, cóp anhúq mới la noàng níc.”☆

13 Yiang Sursĩ tỡ nai atõng ranẽng aléq tâng paloõng neq:

“Mới tacu coah atoam cứq toau toâq tangái léq cứq yõn alóı ca yoc ẽ cachĩt mới,

õt pũn talang ayũng mới, cõt sũl mới.”☆

14 Khãn ngkıq, máh ranẽng Yiang Sursĩ tẽ paloõng la ntróu? Ranẽng ki la samoât yiang ca táq ranáq yõn Yiang Sursĩ; chơ án ớn ranẽng ki pỡq rachuai máh cũai ca roap ọc chuai amoong.

2

Cóq Háı Nhẽng Yõn Samoât

¹ Yuaq ngkıq, cóq háı puai samoât samõi parnai háı khoıq sâng chơ. Háı táq ngkıq yõn mút háı õt sabóng o níc. ² Lứq parnai Yiang Sursĩ atõng na ranẽng án tẽ paloõng la lứq pĩeiq. Cóp khãn cũai táq lỏih cóp tỡ bữn trĩh parnai ki, lứq Yiang Sursĩ táq cũai ki puai loah ranáq alóı khoıq táq. ³ Khãn ngkıq, ntróu ẽn Yiang Sursĩ ẽ táq chóq háı, khãn háı tỡ

☆ 1:7 1:7 Ūat Khẽn 104:4 ☆ 1:9 1:9 Ūat Khẽn 6-7 ☆ 1:12 1:12 Ūat Khẽn 102:25-27 ☆ 1:13 1:13 Ūat Khẽn 110:1

ẽq tamúng parnai ca toâr lứq nâi, la parnai án ẽ chuai amoong hái? Tẽ dâu lứq Ncháu hái atõng parnai nâi. Vót ki alóí ca khoiq sâng án atõng, alóí ẽn atõng yõn hái dáng. ⁴ Cóp Yiang Sursĩ apáh yõn hái dáng lứq p̄ieiq alóí pai, yuaq án yõn sa-ũi tếc, cóp án táq sa-ũi ranáq salẽh. Cóp cũai aléq án ruroh, án yõn Raviei án chuai cũai ki têq táq sa-ũi ranáq o.

Yê-su Crĩt Ndõm Nheq

⁵ Yiang Sursĩ tở bữn yõn ranẽng án tẽ paloõng cõt sốt máh cruang cutẽq án ẽ tẽng. Máh ramúh ki cứq ntôm ẽ atõng anhia. ⁶ Ma bữn cũai chĩc tâng tâm saráq Yiang Sursĩ tẽ mbốq neq:

“Ntróu anhia hữm o tẽ cũai, ma anhia chanchóm tẽ án?”

Ntróu o anhia hữm án, ma anhia ayooq án?”

⁷ Anhia yõn án pũn bĩq tẽ ranẽng Yiang Sursĩ tẽ paloõng.*

Anhia yõn án bữn chóc ari-ang puo, đõq noau yám noap án.

⁸ Cóp anhia yõn án sốt nheq đũ ramúh.”[☆]

Tâng tâm saráq ntốq nâi atõng tẽ Yiang Sursĩ yõn máh cũai bữn sốt nheq đũ ramúh. Ma sanua hái tở yũah hữm cũai aléq bữn sốt nheq đũ ramúh. ⁹ Ma hái hữm Yê-su toáp. Án

õt dờ pũn ranẽng Yiang Sursĩ tẽ paloõng, yõn têq án cuchĩt tang nheq tũh cũai, cõ Yiang Sursĩ sâng sarũiq táq cũai. Án chũuq túh coat cóp cuchĩt; chơ Yiang Sursĩ yõn án bữn chóc ariang puo đõq noau yám noap án.

¹⁰ Lứq p̄ieiq Yiang Sursĩ, án ca tẽng đũ ramúh cóp bán kĩaq đũ ramúh, lứq p̄ieiq án yõn Yê-su chũuq sa-ũi túh coat, đõq táq moâm ranáq án. Yuaq Yiang Sursĩ yoc sa-ũi lứq cũai cõt con án cóp chõng chóc án tê. Cõ Yê-su chũuq máh ramúh túh coat ki, ngkĩq án têq cõt nõm tẽ ọc chuai amoong cũai. ¹¹ Án ca táq bráh mút pahõm cũai, cóp máh cũai ca khoiq cõt bráh chơ, alóí bữn ống muoi Mpoaq. Yuaq ngkĩq, Yê-su tở bữn sâng casiet đõq alóí la sẽm ai án.

¹² Yê-su pai cóp Yiang Sursĩ neq:

“Cứq ẽ pau atõng yõn sẽm ai cứq dáng tẽ ramúh mới.

Tâng ntốq alóí rôm, cứq ùat khẽn mới.”

¹³ Cóp án pai ẽn neq:

“Cứq poâng canũm ống Yiang Sursĩ sâng.”

Cóp án pai ẽn neq:

“Cứq õt nâi parnoi cóp máh con ca Yiang Sursĩ khoiq yõn cứq.”[☆]

¹⁴ Yuaq máh con Yiang Sursĩ bữn sâiq cóp aham, ngkĩq Yê-su cõt machóng

* 2:7 2:7 Tở la ‘pũn ranẽng Yiang Sursĩ tẽ paloõng, ma tở bữn dũn’. ☆ 2:8

2:8 ùat Khẽn 8:4-6 ☆ 2:13 2:13 Ế-sai 8:17-18

alóí tê. Ân táq ngkíq yõn têq án cuchĩt, dòq talõh pupúrt yiang Satan, án ca bữn chóc têq cachĩt cũai. ¹⁵ Ngkíq Yê-su têq acláh máh cũai ca cõt samoát sũl nheq dõĩ tamoong, cõ alóí ngcõh cuchĩt. ¹⁶ Háí dáng án toàq tõ bữn cõ ẽ chuai máh ranẽng Yiang Sursĩ, ma cõ án ẽ chuai máh tống toiq A-praham. ¹⁷ Ngkíq, Yê-su cóq cõt machóng tháq sễm ai án, yõn têq án cõt samoát cũai sốt nheq tễ rit sang Yiang Sursĩ. Ân ayooq lứq alóí, cóp án táq p̃ieiq níc máh ranáq Yiang Sursĩ. Ngkíq án táq yõn Yiang Sursĩ têq táh lỏih alóí. ¹⁸ Cutõ án toàp chũuq sa-ũĩ túh coat ca yoc ẽ radũng án táq lỏih. Cõ án chũuq máh ramứh túh coat ki, ngkíq án têq rachuai máh cũai ca chũuq sa-ũĩ ramứh ca yoc ẽ radũng alóí táq lỏih.

3

Yê-su Bữn Chóc Toàh Hỡn Tễ Mỏi-se

¹ Sễm ai ời! Anhia ca khoiq sa-âm, la samoát sễm ai cứq tê, yuaq Yiang Sursĩ khoiq arỏ hái chơ. Sễq anhia chanchóm tễ Yê-su. Ân la ayũng atĩ Yiang Sursĩ cóp án ca sốt nheq tễ rit sang Yiang Sursĩ yõn hái. ² Ân táq p̃ieiq nheq máh ranáq Yiang Sursĩ anoat yõn án táq, machóng Mỏi-se táq p̃ieiq máh ranáq

Yiang Sursĩ anoat yõn án táq tâng dõng sũ Yiang Sursĩ.* ³ Khân bữn cũai aléq ma táq dõng, noau tõ bữn khẽn dõng, ma noau khẽn án ca táq dõng. Machóng ki tê, noau khẽn Yê-su clũĩ tễ noau khẽn Mỏi-se. ⁴ Cu dõng bữn cõt la cõ cũai táq, ma Yiang Sursĩ toàp tễng nheq dũ ramứh. ⁵ Mỏi-se táq p̃ieiq máh ranáq án tâng dõng Yiang Sursĩ. Ma án la samoát cũai táq ranáq tâng dõng ki sâng. Ân atõng saccoaiq máh parnai Yiang Sursĩ ẽ atõng ntun. ⁶ Ma Crít táq p̃ieiq nheq ranáq án tâng dõng Yiang Sursĩ la samoát Con ramia ca ndõm tê dõng ki. Cóp hái la tễ dõng án tê, khân nheq dõĩ tamoong hái sabóng níc, cóp hái sâng clóq nguang máh ramứh hái bữn nõ-ra.

Cũai Ca Tỡ Ễq Trĩh

⁷ Ngkíq Ravieí Yiang Sursĩ atõng neq:

“Tangái nài khân anhia tamứng parnai Yiang Sursĩ pai chóc anhia, ⁸ anhia chỏi coang mút pahõm samoát achúc achiac anhia tễ mbỏq táq bo ớt tâng ntốq aiq.

⁹ Nheq pỏn chít cumo alóí hữm máh ranáq cứq khoiq táq chuai alóí, ma nõng alóí chim cứq.

* 3:2 3:2 Dõng sũ Yiang Sursĩ la sacám tễ nheq tũh cũai puai ngỏ án.

10 Ngkíq cúq sâng ũan lứq
chóq alóí, chơ cúq pai
neq:

Máh cūai ki tở ẽq puai
ngê cúq,
cóp alóí tở ẽq tamúng ố
cúq patáp.

11 Ngkíq cúq thể dũan neq:
'Sốt dơi lơi cumo, cúq tở
yỗn alóí bữn mut
tâng ntốq ien khẽ ca cúq
khoiq thữan đốq.' "☆

12 Sễm ai ơi! Cóg an-
hia kĩaq yỗn samoát chỗi
yỗn noau tễ tộp anhia bữn
mút pahõm sấuq cóp tở
ẽq ẽ trĩh, chơ nguai chíq
tễ Yiang Sursĩ, la Yiang ta-
moong mantái níc. ¹³ Ma
cóg anhia manoaq catoaih
manoaq cu rangái, bo noâng
Yiang Sursĩ atõng hái cóp
noâng hái tềq tamúng. Chỗi
yỗn manoaq aléq bữn mút
coang cở ngê sấuq raphếq
án yỗn sapúl tâng ranáq
lôih. ¹⁴ Nheq náq hái la
pruam muoi mút cóp Crít,
khân hái sabóng níc tâng
máh ramúh hái sa-âm tễ
nhũang toau nheq dơi ta-
moong hái. ¹⁵ Yuaq tâm
saráq Yiang Sursĩ pai neq:

"Tangái nài khân anhia
tamúng parnai Yiang
Sursĩ pai chóq anhia,
anhia chỗi coang mút
pahõm
samoát achúc achiac
anhia táq tâng ntốq
aiq." ☆

¹⁶ Cūai aléq tamúng ma tở
ẽq trĩh Yiang Sursĩ? Nheq
tữh alóí ca Mũi-se dững
aloõh tễ cruang Ê-yip-tô tễ
mbốq. ¹⁷ Cóp cūai aléq Yiang
Sursĩ sâng cutâu mút nheq
pỗn chít cumo ki? Lứq án
sâng cutâu mút chóq alóí ca
táq lôih, alóí ca khoiq cuchít
tâng ntốq aiq. ¹⁸ Cóp cūai
aléq án khoiq thể dũan, tở
yỗn alóí mut tâng ntốq ien
khẽ án khoiq thữan đốq?
Lứq alóí ca tở bữn trĩh án.
¹⁹ Ngkíq hái dáng alóí tở tềq
mut, la cở tian alóí tở bữn
sa-âm.

4

Yiang Sursĩ Thữan Ntốq Ien Khẽ

¹ Yiang Sursĩ noâng ữq
yỗn hái mut tâng ntốq ien
khẽ án khoiq thữan đốq.
Ngkíq cóq hái kĩaq samoát,
cởh lơ hái tở dáng bữn
mut. ² Yuaq hái khoiq sâng
tê parnai o tễ Yiang Sursĩ
machóng alóí ki. Ma parnai
ki tở bữn cởt kia ntrou yỗn
alóí, yuaq alóí ca tamúng
ki tở bữn sa-âm. ³ Ma hái
ca khoiq sa-âm, hái lứq bữn
mut tâng ntốq ien khẽ ki,
ariang Yiang Sursĩ khoiq pai
chơ neq:

"Cúq thể dũan neq: 'Sốt dơi
lơi cumo,
cúq tở yỗn alóí mut
tâng ntốq ien khẽ cúq
khoiq thữan đốq.' " ☆

Ma lứq án khoiq táq moâm ranáq ki tẽ án tabốq tềng paloong cutêq. ⁴ Yuaq tâng tâm saráq Yiang Sursĩ tẽ mbốq, án pai tẽ tangái tapul neq:

“Tâng tangái tapul Yiang Sursĩ rlu,
yuaq án khoiq táq
moâm nheq máh
ranáq án ẽ táq.”[☆]

⁵ Cóp án pai ẽn tẽ ranáq ki neq:

“Cứq tở yõn alóit mut
tâng ntốq ien khẽ cứq
khoiq thữan đốq.”

⁶ Alóit ca tamứng parnai Yiang Sursĩ atõng nhữang, alóit tở tềq mut pở ntốq ki, yuaq alóit tở bữn trĩh án. Ma noâng bữn cũai canõh tềq mut tâng ntốq ki. ⁷ Dữn tẽ ki ẽn, Yiang Sursĩ atõng sĩa tẽ ‘Tangái nãi’, bo án ớn puo Davĩt atõng neq:

“Tangái nãi khân anhia tamứng parnai Yiang Sursĩ pai chốq anhia;
anhia chõit coang mút
pahõm.”[☆]

⁸ Khân Yiang Sursĩ atõng tẽ Yô-sũa đưng cũai I-sarel mut tâng cruang ien khẽ ca Yiang Sursĩ khoiq thữan yõn alóit, ki án tở bữn pai noâng tẽ tangái canõh.

⁹ Ngkíq Yiang Sursĩ noâng ữq ntốq ien khẽ yõn cũai sa-âm án. ¹⁰ Cũai aléq bữn mut ntốq ien khẽ Yiang Sursĩ thữan, cũai ki bữn rlu tẽ máh ranáq án táq, machống

Yiang Sursĩ rlu tẽ toâq án táq moâm máh ranáq án ẽ táq.

¹¹ Ngkíq, cóq hái cutóng lứq đốq hái tềq mut tâng ntốq ien khẽ ki. Hái tở ẽq muoi náq aléq tở tềq bữn mut ỉn cũai tẽ nhữang ki, cõ alóit tở bữn trĩh Yiang Sursĩ.

¹² Lứq parnai Yiang Sursĩ la blễng cóp tamooong. Samoât muoi pla dau bớc bar coah ráiq tở hái yõn sâiq ratáh tẽ ngang, máh ki tẽ parnai Yiang Sursĩ mut pláh tâng mút pahõm cũai. Án apáh nheq máh ốc hái chanchóm cóp nheq máh ranáq hái yoc ẽ táq. ¹³ Tở va manoaq tềq tooq vót tẽ parnai ki. Dữ ramứh tâng mút pahõm hái, parnai ki tở aloõh apáh yáng moat án ca sốt hái.

*Yê-su La Án Ca Sốt Nheq
Tẽ Rit Sang Yiang Sursĩ*

¹⁴ Cóq hái yõng pacái máh ốc hái khoiq sa-âm chơ, yuaq hái bữn manoaq ca sốt nheq tẽ rit sang Yiang Sursĩ chuai hái. Án ki toâr cóp sốt lứq. Án la Yê-su Con Yiang Sursĩ, án khoiq chõn chu paloong. ¹⁵ Yê-su la sốt nheq tẽ rit sang Yiang Sursĩ chuai hái, án dáng mút pahõm hái ieuq cóp bữn lờih, yuaq án khoiq ramóh tẽ máh ramứh ca ẽ radưng án táq lờih, ma án tở bữn táq. ¹⁶ Ngkíq hái tở bữn sâng ngcõh ntróu toâq pở Yiang

Sursĩ sẽq án chuai hái, yuaq án sâng sarũiq táq hái, cóp án chuai miat hái toâq hái bữn túh coat ntrầu.

5

¹ Dũ náq cũi sốt nheq tễ rit sang Yiang Sursĩ tâng dũi nãi, noau rươh tễ cũi canỗh, cóp noau chớh án đợq chuai cũi canỗh máh ramứh alóí yoc ẽ sẽq cóp ngin yáng moat Yiang Sursĩ. Án têq kiac charán cóp sang cớng đợq sẽq Yiang Sursĩ táh lôi h alóí. ² Án ca ndõm rit ki, cóp án sâng sarũiq táq cũi sacũl cóp cũi clóc rana, yuaq án la cũi lôi h machớng alóí ki tê. ³ Toâq án kiac charán đợq sẽq Yiang Sursĩ táh lôi h cũi canỗh, cóp án sẽq Yiang Sursĩ táh lôi h án hỡ.

⁴ Tỡ bữn cũi aléq têq rươh bữm táq ranáq toâr nãi. Cóq Yiang Sursĩ toáp rươh án, ariang Yiang Sursĩ rươh Arôn tễ mbốq. ⁵ Machớng ki tê, Crít tỡ bữn chớng rươh bữm đợq sốt nheq tễ rit sang Yiang Sursĩ. Ma Yiang Sursĩ toáp rươh án, cóp atõng án neq:

“Mới la Con cứq. Tangái nãi cứq lứq cõt Mpoaq mới.”^{*}

⁶ Cóp Yiang Sursĩ pai tê tâng nốq canỗh neq:

“Mới la cũi tễng rit sang Yiang Sursĩ sốt dũi dũi, puai chớc Manchi-sadéc.”^{*}

⁷ Bo Yê-su noâng cõt cũi tâng dũi nãi, án câu sẽq tễ Yiang Sursĩ. Án nham casang lứq, bo án câu sẽq Yiang Sursĩ avĩaq yỗn án vớ tễ ốc cuchĩt. Yuaq án trĩh cóp yám noap Yiang Sursĩ, ngkĩq Yiang Sursĩ tamứng án. ⁸ Tam án la Con Yiang Sursĩ, ma án cóq rien trĩh na ramứh túh coat. ⁹ Từ án táq moâm nheq, chơ án cõt samoât ngól đợq chuai máh cũi ca trĩh án yỗn bữn ta-moong mantái. ¹⁰ Cóp Yiang Sursĩ đợq án la cũi sốt nheq tễ rit sang Yiang Sursĩ puai tâng chớc Manchi-sadéc.

Hái Cõt Carsai Tâng Ngê Yiang Sursĩ

¹¹ Bữn sa-ũri ramứh tễ ốc nãi hếq yoc atõng anhia, ma hếq sâng coat atõng, yuaq anhia cro lứq dáng. ¹² Sanua pĩiq lứq la anhia khoiq cõt thài atõng cũi canỗh, ma noâng cóq noau atõng loah anhia máh ramứh tễ dũi lứq tâng parnai Yiang Sursĩ. Anhia la samoât noâng cha đũi rabũm, tỡ yũah têq cha đũi clâm.* ¹³ Cũi noâng cha đũi rabũm, án tỡ yũah dáng tễ parnai atõng tễ ngê tanoang o, cũi án noâng samoât carnễn. ¹⁴ Ma cũi khoiq cha đũi clâm, án la samoât cũi carsai. Án dáng rươh ốc o cóp ốc sấuq.

^{*} 5:5 5:5 ũat Khển 2:7 ^{*} 5:6 5:6 ũat Khển 110:4 * 5:12 5:12 Parnai sacâm nãi pai tễ cũi nguaiq đợq tóh ma tỡ yũah têq cha sàiq.

6

¹ Yuaq ngkíq, hái chõn rien noâng ốc hái khoi q dáng tẽ ngê Crít. Cóc hái rien ốc tamái ẽn. Ngkíq hái tẽq cõt carsai tâng ngê Yiang Sursĩ. Hái tở bữn atõng noâng ariang tẽ dâu lứq hái ngin lồih cốp nguai tẽ máh ranáq ca tở tẽq chuai amoong hái, chơ hái sa-âm Yiang Sursĩ ẽn. ² Hái tở bữn atõng noâng ngê noau táq batẽm cốp noau satoaq atĩ tâng tở cũai táq tẽc alóit táq ranáq Yiang Sursĩ. Hái tở bữn atõng noâng tẽ cũai tamoong loah tẽ cuchĩt cốp tẽ Yiang Sursĩ rablớh nheq tữh cũai. ³ Khân Yiang Sursĩ chuai, sanua hái rien parnai tamái ẽn. ⁴ Khân bữn cũai táh ngê Yiang Sursĩ, nỏq tẽq cũai ki ngin loah cốp sa-âm loah? Máh cũai ki la samoât alóit khoi q ốt tâng poang chơ. Alóit khoi q chim chơ máh ramứh o Yiang Sursĩ chuai. Alóit khoi q chõng tẽ Raviei Yiang Sursĩ. ⁵ Alóit dáng chơ parnai Yiang Sursĩ la o nheq, cốp alóit sâng chơ máh ốc Yiang Sursĩ ẽ chuai nỡ-ra. ⁶ Ma khân alóit táh ngê ki, noau tở tẽq dũng alóit ngin loah cốp sa-âm loah Yê-su. Bo ki la samoât alóit tẽh loah Con Yiang Sursĩ tâng aluang sangcáng, cốp samoât alóit mumat án yáng moat máh cũai canõh. ⁷ Cứq sacâm tẽ cutẽq ẽn. Yiang Sursĩ yõn ốc bốn pở cutẽq

o. Cutẽq ki nguai q dõq mia, chơ amia bát bai yõn máh cũai táq cutẽq ki. ⁸ Ma khân cutẽq amia ống bát sarlia sâng, cutẽq ki tở bữn cõt kia ntróu. Yiang Sursĩ calõih cốp táh thág cutẽq ki.

⁹ Sẽm ai ơi! Hẽq ay-ooq lứq anhia. Tam hẽq pai ngkíq, ma hẽq tở bữn chanchóm anhia táq ngkíq. Hẽq noap lứq anhia táq máh ranáq p̄ieiq yõn cũai sa-âm táq. ¹⁰ Yiang Sursĩ lứq yõn dũ náq bữn cõng puai loah ranáq alóit khoi q táq. Cốp án tở bữn khlĩr máh ranáq o anhia táq cõ anhia ay-ooq án. Anhia dõq chuai níc cũai sa-âm toau sanua. ¹¹ Cốp hẽq yoc lứq anhia cutóng táq níc ngkíq toau toâq tangái parsót; chơ máh ốc anhia ngcuang, ki lứq anhia bữn. ¹² Hẽq tở ẽq anhia cõt aloah. Ma hẽq yoc anhia tũoiq alóit ca sa-âm cốp tanhĩr yoc ẽ bữn máh ramứh Yiang Sursĩ par-ữq ẽ yõn.

Yiang Sursĩ Par-ữq Cốp Thẽ Dũan

¹³ Toâq Yiang Sursĩ par-ữq cốp A-praham, án yoc ẽ thẽ dũan cốp A-praham. Ma yuaq tở bữn aléq toâr hõn tẽ Yiang Sursĩ, án taléq ramứh án bữm, ¹⁴ cốp pai neq:

“Lứq samoât cứq yõn ốc bốn toâq pở mới,

cóp cùq yỗn mới bữn
tổng toiq rứh rương
sa-ũi lứq."*

15 Chơ vớt A-praham tanhĩr
cóp nguang dũn lứq, Yiang
Sursĩ yỗn án bữn máh ọc án
khoiq par-ũq. 16 Toâq cũai
aléq yoc ẽ thể dũan chóc
cũai canỗh, án đốq taléq
ramứh ca toâr hỡn tể án
bữm. Ngkíq tở bữn noau tềq
rasuon noâng. 17 Máh ki tê,
toâq Yiang Sursĩ yoc atõng
yỗn cũai dáng samoât samoi
án tở nai ralêq máh ramứh
án khoiq pruam, moâm án
pruam, án thể dũan cốp
alói. 18 Yuaq Yiang Sursĩ
par-ũq cốp thể dũan, ọc
ki tở nai cõt ralêq, cốp
hái dáng Yiang Sursĩ tở tềq
táq ntõng lauq. Ngkíq hái
lủh chu Yiang Sursĩ, hái tở
bữn sâng ngcõh ntrứu, ma
cóc hái yống pacái máh ọc
án khoiq pruam cốp hái.
19 Ốc án pruam ki táq yỗn
mút pahõm hái sâng ien
khẽ lứq. Ốc ki la samoât
noau alễu dếc tac apõng
tâng đớq tể plữ tuoc yỗn
cartoâng tuoc, chơ noau tở
bữn ngcõh đớq dũng noâng.
Ngkíq hái nguang nỡ-ra hái
bữn toâq pỡ ntốq Yiang
Sursĩ ốt, la samoât hái yang
aroâiq noau catáng ntốq
Yiang Sursĩ ốt tâng Dõng
Sang Toâr. 20 Yê-su khoiq
mut nhũang tâng ntốq ki
đốq án tềq chuai hái. Án
cõt samoât cũai sốt nheq tể
rit sang Yiang Sursĩ toau sốt

đõi, puai tâng chóc Manchi-
sadéc.

7

Manchi-sadéc

1 Manchi-sadéc nâi la puo
cruang Salem, cốp án la cũai
tềng rit sang Yiang Sursĩ, la
Yiang ca sốt clũi nheq tể
canỗh. Bo A-praham chu tể
rachíl cốp cachĩt máh puo
canỗh, Manchi-sadéc ramóh
án cốp pai ọc bốn yỗn án.
2 Chơ máh crơng A-praham
khoiq ít tể máh puo ki,
án chiau yỗn Manchi-sadéc
muoi pún tể muoi chít pún.
(Ramứh Manchi-sadéc, khân
parlong loah la Puo Tanoang
O. Cốp Puo Salem parlong
loah la Puo Ien Khẽ.)* 3 Hái
tở bữn sâng noau atõng tể
mpoaq tở la mpiq án, tở
la tể tổng toiq án. Hái tở
bữn sâng noau atõng tể án
canốt tở la án cuchĩt. Án la
samoât Con Yiang Sursĩ tê,
án la cũai tềng rit sang Yiang
Sursĩ toau sốt dũ đời.

4 Tềq hái dáng chóc
Manchi-sadéc la lứq toâr,
yuaq A-praham, achúc
achiac nheq tữh cũai I-sarel,
chiau yỗn Manchi-sadéc pún
muoi chít tể máh crơng án
cheng ít tể án rachíl. 5 Yiang
Sursĩ khoiq patâp tổng toiq
Lê-vi yỗn alói ít pún muoi
chít tể nheq máh cũai I-
sarel canỗh. Ma cũai ca
yỗn la machớng tốp Lê-vi
tê, alói la tể tổng toiq A-
praham tê. 6 Manchi-sadéc

* 7:2 7:2 Saráq Tể Dâu 14:17-20

la tở cởn tễ tống toiq Lê-vi, ma noâng án ít pún muoi chít tễ A-praham. Cóp án câu ọc bốn yỗn A-praham, la cũai bữn roap ọc par-ữq tễ Yiang Sursĩ. ⁷ Dữ náq cũai dáng, khân pai ọc bốn yỗn cũai canỏh, cóq án ca pai ki bữn chóc toâr hỡn tễ cũai roap ọc bốn. Ngkĩq hái dáng Manchi-sadéc bữn chóc toâr hỡn tễ A-praham. ⁸ Cóp máh cũai tẻng rit sang Yiang Sursĩ tễ tống Lê-vi, alớ bữn chóc ít pún muoi chít tễ máh cũai I-sarel, ma alớ noâng cóq cuchĩt. Ma Manchi-sadéc, án ca ít muoi pún tễ mbỏq, noau pai án noâng tamooong. ⁹ Cóp tẻq hái pai neq: Tốp Lê-vi đốq ít pún muoi chít tễ cũai I-sarel canỏh. Ma Lê-vi toập la ariang án yỗn pún muoi chít chu Manchi-sadéc bo A-praham chiau pún muoi chít yỗn án, ¹⁰ yuaq bo A-praham chiau pún muoi chít pỡ Manchi-sadéc, Lê-vi tở yũah canỏt. Ma án noâng ớt tâng tỗ achuaih achêh án, A-praham.

Yê-su La Samoât Manchi-sadéc

¹¹ Nho tễ tống toiq tốp Lê-vi, cũai I-sarel bữn phẻp rit Yiang Sursĩ patập na Mũi-se. Khân tốp Lê-vi ca tẻng rit sang Yiang Sursĩ, ma táq pẻiq nheq, ki noau tở bữn pai noâng cóq bữn cũai canỏh ẻn tẻng rit sang Yiang

Sursĩ puai chóc Manchi-sadéc, tở bữn puai chóc Arôn, tống Lê-vi. ¹² Yuaq khân ralẻq chóc cũai tẻng rit sang Yiang Sursĩ, cóq ralẻq phẻp rit tẻ. ¹³ Yê-su Crĩt, án ca hẻq khoiq atẻng anhia, án la tễ tống toiq canỏh; cóp tống toiq ki tở nai bữn cũai tẻng rit sang Yiang Sursĩ. ¹⁴ Hái dáng samoât la Ncháu hái, toảq tễ tống toiq Yuda. Cóp Mũi-se tở nai pai cũai tễ tống toiq Yuda tẻq cởt cũai tẻng rit sang Yiang Sursĩ. ¹⁵ Ngkĩq ranáq nài apáh yỗn hái dáng raloaih lứq phẻp rit ki cởt ralẻq, yuaq bữn cũai tễ tốp canỏh ẻn cởt cũai tẻng rit sang Yiang Sursĩ, la ariang Manchi-sadéc. ¹⁶ Án tở bữn cởt cũai tẻng rit sang Yiang Sursĩ puai phẻp rit cũai đốq ruoh. Ma án bữn chóc cởt cũai tẻng rit sang Yiang Sursĩ cở dũi tamooong án tở nai cởt pút. ¹⁷ Tâm saráq Yiang Sursĩ tễ mbỏq pai neq:

“Mói la cũai tẻng rit sang
Yiang Sursĩ sỏt dữ dũi,
puai chóc Manchi-
sadéc.”☆

¹⁸ Yiang Sursĩ pai ngkĩq, la án đốq chíq phẻp rit tiaq, yuaq phẻp rit ki cởt tở bữn bẻng noâng, cóp tở bữn cởt kia ntrứu noâng. ¹⁹ Phẻp rit Mũi-se tở tẻq táq yỗn cởt pẻiq lứq. Ma sanua Yiang Sursĩ yỗn hái ngcuang ranáq o hỡn ẻn, tẻq hái ớt parnơi

cóp Yiang Sursĩ. ²⁰ Chơ từ Yiang Sursĩ rươh Yê-su cõt cũai tềng rit sang Yiang Sursĩ, án thể dũan. Ma máh cũai tề tồg toiq Lê-vi, án tở bữn thể dũan ntrớu. ²¹ Ma Yê-su cõt cũai tềng rit sang Yiang Sursĩ cồ án thể dũan, yuaq tâm saráq Yiang Sursĩ pai neq:

“Yiang Sursĩ khoiq thể dũan, cốp án tở nai ralêq!

Mớí la cũai tềng rit sang Yiang Sursĩ sớt dũ dũi.”

²² Yuaq ngkíq Yê-su chừng tở án toáp đợq táq tếc Yiang Sursĩ par-ữq phễp rit tamái o hỡn tề phễp rit tiaq.

²³ Máh cũai tềng rit sang Yiang Sursĩ tề tồp Lê-vi la sa-ữi lứq. Ma alớí tở tềq táq dũn, yuaq toáp ngư alớí cóq cuchĩt. ²⁴ Ma Yê-su tamooing mantái níc; ngkíq án tềq tềng rit sang Yiang Sursĩ sớt dũi dũi. ²⁵ Yuaq ngkíq, án tềq chuai amooing tâng dũi dũi cũai ca yoc ẽ toáp pờ Yiang Sursĩ nớ tề án, cồ án tamooing mantái, cốp án rasẽq níc tề Yiang Sursĩ đợq chuai alớí.

²⁶ Lứq p̄ieiq la hái bữn cũai sớt nheq tề rit sang Yiang Sursĩ ca bráh o lứq. Án tở bữn táq pla ntrớu. Án tở bữn lỏih ntrớu thág. Án mpha tề cũai bữn lỏih. Cốp án ớt tâng p̄oing paloõng.

²⁷ Án tở bữn ariang cũai tềng rit sang Yiang Sursĩ puai chóc Lê-vi. Cu rangái cóq alớí kiac charán, chơ chiau

sang yỗn Yiang Sursĩ, đợq sễq Yiang Sursĩ táh lỏih alớí voai, ki nớq tềq alớí sễq yỗn cũai canỏh ẽn. Ma Yê-su táq ống muoi trỗ sâng. Toáp án chiau sang yỗn Yiang Sursĩ, án chiau tở án bữm. ²⁸ Puai phễp rit Mỏi-se, cũai noau chớh yỗn sớt nheq tề rit sang Yiang Sursĩ noâng bữn lỏih. Ma ốc Yiang Sursĩ thể dũan ki toáp ntun phễp rit Mỏi-se. Cốp ốc ki, yỗn Con Yiang Sursĩ toáp sớt nheq tề rit sang Yiang Sursĩ, yuaq Con ki tở nai bữn lỏih mantái níc.

8

Yê-su Sớt Nheq Tề Rit Sang Yiang Sursĩ Yỗn Hái

¹ Chơ nheq máh santoiq hếq atởng adớh, ốc nài la coál. Hái bữn manoaq sớt nheq tề rit sang Yiang Sursĩ chuai hái. Án tacu coah atoam Yiang Sursĩ tâng paloõng. ² Án táq ranáq tềng rit sang Yiang Sursĩ tâng đốg sang Yiang Sursĩ tâng paloõng. Đốg ki la tở cởn đốg cũai táq. Đốg ki Yiang Sursĩ toáp táq.

³ Cũai aléq sớt nheq tề rit sang Yiang Sursĩ, noau ớn án kiac charán cốp chiau sang cớng canỏh hỡ yỗn Yiang Sursĩ. Ngkíq án ca sớt nheq rit sang yỗn hái, cóq án bữn tề cớng chiau sang yỗn Yiang Sursĩ. ⁴ Khân án ớt tâng cốc cutẽq nài, lứq án tở bữn cõt cũai tềng

rit sang, yuaq khoiq bữn chơ cũai táq ranáq chiau công sang puai phễp rit I-sarel. ⁵ Ranáq alóí ki táq, Yiang Sursĩ sapáh yỗn hái dáng tễ ranáq Yê-su táq tâng paloong. Yuaq ngkíq, Yiang Sursĩ atõng Mõi-se toâq án ẽ táq Dõng Sang Aroâiq neq:

“Cóg mới táq yỗn samoât dũ ramứh
ĩn cứq khoiq apáh yỗn
mới hữm tâng cóh
nâi.”^{*}

⁶ Ma Yê-su bữn ranáq toâr hỡn cóp o hỡn tễ ranáq tốp cũai tễng rit sang Yiang Sursĩ tâng dõn nâi. Machóng ki tê, máh ốc Yiang Sursĩ par-ữq cóp cũai nhơ tễ Yê-su, ốc ki toâr hỡn cóp o hỡn tễ máh ốc án par-ữq cóp cũai tễ mbỏq, yuaq Yiang Sursĩ par-ữq táq ốc o cũi tễ nhũang. ⁷ Khân máh ốc Yiang Sursĩ par-ữq tễ nhũang ki o nheq cóp tỡ bữn khlâiq muoi ramứh ntróu, ki Yiang Sursĩ tỡ bữn túh par-ữq noâng trỗ bar. ⁸ Ma án hữm tỡ bữn pĩeiq yũah máh ốc án par-ữq ki, yuaq tâng tâm saráq Yiang Sursĩ tễ mbỏq án pai neq:

“Toâq tangái ntun, cứq
par-ữq ốc tamái
cóp máh cũai I-sarel cóp
cũai Yuda.

⁹ Máh ốc cứq par-ữq tamái ki
la tỡ bữn ĩn cứq khoiq
par-ữq cóp achúc
achiac alóí,

bo cứq tếc atĩ dũng aloỏh
alóí tễ cruang Ê-yip-
tô.

Yuaq alóí tỡ bữn táq
puai máh ốc par-ữq ki.

Ngkíq cứq tỡ bữn noap
noâng cũai ki.

Máh ốc nâi la Yiang
Sursĩ pai.

¹⁰ Ntun nâi cứq ẽ par-ữq cóp
cũai I-sarel neq:

Cứq ẽ chĩc đõq máh
phễp rit cứq tâng mút
pahõm alóí.

Cứq cõt Yiang Sursĩ alóí,
cóp alóí cõt cũai proai
cứq.

¹¹ Alóí tỡ bữn túh
noâng manoaq atõng
manoaq,

cóp sễm ai patâp sễm ai,
pai neq: ‘Cóg anhia
dáng tễ Yiang Sursĩ,’

yuaq dũ náq alóí bữn dáng
chơ cứq,

noap tễ cũai proai miat
toau toâq cũai ca sốt
cũi tễ canõh.

¹² Chơ cứq táh lỏih yỗn alóí,
cóp cứq tỡ bữn sanhữ
noâng máh lỏih
alóí.”^{*}

¹³ Toâq Yiang Sursĩ pai án
par-ữq ốc tamái ĩn, ki máh
ốc án par-ữq tễ nhũang cõt
tỡ bữn blẻng noâng. Cóp
máh ốc tiaq tỡ bữn blẻng
noâng, ki cheq ẽ pút.

9

*Yiang Sursĩ Sapáh Máh
Ramứh Tâng Paloong*

1 Puai máh ốc Yiang Sursĩ par-ữq tễ nhũang, la bữn phễp rit cóq cūai táq puai khân yoc ẽ sang Yiang Sursĩ. Cóp bữn tê Dống Sang Aroaiq cūai I-sarel táq. 2 Dống sang ki bữn bar ntốq. Ntốq dĩ ria ki bữn chớp tóu, cóp bữn cachơng noau chóq bễng chiau sang yỗn Yiang Sursĩ. Ntốq ki la Ntốq Tễng Rit. 3 Ma coah cĩ aroaiq ploah bar, bữn Ntốq Yiang Sursĩ Ồt. 4 Clống ki bữn cớng radống noau táq toaq yễng đốq chống cớng phuom, cóp bữn muoi lám hĩp noau đốq la Hĩp Parnai Parkhán. Hĩp ki noau blom toaq yễng, ma tâng clống hĩp ki noau chóq muoi cudốm táq toaq yễng bữn cớng sana noau đốq 'mana'. Cóp noau chóq ralống khong Arôn ca báiq cốt cỏiq.* Cóp noau chóq máh khlểc tamáu ca Yiang Sursĩ khoiq chĩc máh ốc án parkhán cóp alóí. 5 Ồt pống hĩp, bữn bar lám chề-rup táq tểc ốt ntốq ki. Alóí ốt pống hĩp cóp paliang khlap acrúq đốq cantứp hĩp. Cantứp ki noau đốq Ntốq Yiang Sursĩ Tách Lôih. Ma sanua hếq tở loạp atống nheq tễ máh ramứh ki.

6 Moâm thrũan nheq máh ramứh ki, tốp tễng rit sang Yiang Sursĩ pốq luloah níc tâng ntốq muoi tâng Dống Sang Aroaiq. 7 Ma tâng ntốq

bar, ống manoaq cūai sốt nheq tễ rit sang Yiang Sursĩ sâng tềq mut. Án mut muoi cumo muoi trố, cóp cóq án dửng aham charán chiau sang đốq sểq yỗn Yiang Sursĩ táh lôih án cóp táh lôih máh cūai proai hỡ. 8 Toaq noau táq ngkíq, Raviei Yiang Sursĩ apáh yỗn noau dáng la noau tở tềq mut yũah tâng Ntốq Yiang Sursĩ Ồt bo noàng bữn đống sang ki. 9 Dống sang ki la tểc yỗn cūai tâng đởi ki. Tâng đởi ki noau đốq kiac charán cóp sang cớng canốh hỡ. Ma máh rit noau táq ki tở tềq chuai ntróu yỗn mút pahỡm alóí tở bữn bữn lôih. 10 Máh rit ki atống tễ sana cha, đốq nguaiq, cóp rit mpoí yỗn bráh. Nheq máh ranáq ki atống ống tễ tở cūai sâng, cóp Yiang Sursĩ patáp đở máh ốc ki toau toaq phễp rit tamái.

Yê-su Chiau Sang Tở Án Bữm

11 Ma bo Crít toaq, án cốt cūai sốt nheq tễ rit sang Yiang Sursĩ, cóp án dửng máh ramứh o ca Yiang Sursĩ khoiq yỗn hái. Án táq ranáq tâng đống sang toar hỡn cóp o hỡn tễ đống sang tâng đởi nái. Dống sang án la tở cớng đống sang cūai táq.

12 Crít tễng rit sang Yiang Sursĩ, la án mut loàng pở Ntốq Yiang Sursĩ Ồt. Án tở bữn dửng aham mbểq cóp ntroốq, ma án dửng aham

* 9:4 Ralống nái cốt tểc Yiang Sursĩ rườh Arôn.

án bữm. Chơ án táq yõn têq cūai racláh tễ lôih alóí toâq sớt dõì lợí cumo. ¹³ Noau đốq trutrêh aham mbêq cốp aham ntroõq tangcáh tâng tỗ cūai táq lôih, tỡ la noau ìt bõh tễ ntroõq sang-õng ca noau bõh, chơ yũi tâng tỗ cūai ki. Táq ngkíq noau táq yõn cūai ki cõt bráh loah puai rit. ¹⁴ Ma khân aham ki têq yõn cūai cõt bráh loah yáng moat Yiang Sursĩ, hỡn tễ ki ẽn aham Crít têq táq yõn mút pahõm anhia cõt bráh loah. Nhơ tễ Raviei Yiang Sursĩ, án ca tỡ bữn lôih ntróu thág sang tỗ án bữm yõn Yiang Sursĩ. Ngkíq yuaq mút pahõm anhia cõt bráh o loah đốq anhia têq táq ranáq Yiang Sursĩ.

¹⁵ Crít la samoât cūai partoâq parnai. Án đũng parnai tamái ca Yiang Sursĩ par-ũq yõn cūai. Chơ alóí ca Yiang Sursĩ rườh têq bữn máh mun án pruam chuai alóí sớt dõì lợí cumo. Alóí têq bữn mun ki, la cõ bữn manoaq cuchít tang alóí đốq Yiang Sursĩ têq táh máh lôih alóí khoiq táq bo noâng puai tễ par-ũq tiaq. ¹⁶ Khân bữn cūai táq choaiq tampêq mun án vót án cuchít, tỡ têq táq ntróu yũah choaiq ki bo cūai ki noâng tamoong. ¹⁷ Khân noau dáng lứq samoât cūai ki khoiq cuchít, ki têq noau tampêq máh mun án. ¹⁸ Machóng ki tê, máh ốc Yiang Sursĩ par-ũq

tễ nhũang cóq bữn tê aham, đốq têq máh ốc par-ũq ki cõt rapĩeiq. ¹⁹ Moâm Mõi-se atõng dũ ốc Yiang Sursĩ patáp cūai I-sarel, chơ án ìt aham ntroõq cốp aham mbêq carchóc cốp đốq. Án boq muoi thữ bát noau đốq hi-sóp, chơ án alốq tâng aham cốp trutrêh aham ki tâng choaiq cốp tâng máh cūai ki. Cốp án atõng neq: ²⁰ "Aham nâi cõt tếc yõn cõt rapĩeiq máh ốc Yiang Sursĩ parkhán cốp anhia."☆

²¹ Machóng ki tê, án trutrêh aham tâng Dõng Sang Aroaiq cốp tâng nheq máh crong tadõng tâng đốq sang ki. ²² Lứq samoât, puai phêp rit ki mán dũ ramứh cóq táq bráh nhơ aham, cốp khân tỡ bữn satõh aham, lứq tỡ têq táh lôih. ²³ Ngkíq máh crong noau táq đốq sapáh máh ramứh tâng paloõng, cóq noau táq bráh puai rit ki. Ma máh ramứh tâng paloõng cóq bữn crong sang o hỡn tễ crong ki. ²⁴ Ngkíq Crít tỡ bữn mut tâng đốq sang cūai táq, yuaq đốq sang ki noau táq tũoiq sâng ariang đốq Yiang Sursĩ lứq ốt. Ma Crít mut tâng paloõng, cốp án ốt ngki sanua, đốq partoâq parnai chuai hái yáng moat Yiang Sursĩ. ²⁵ Án ca sớt nheq tễ rit sang Yiang Sursĩ puai phêp rit cūai I-sarel, án đốq mut cu cumo tâng Ntốq Yiang Sursĩ Ồt,

☆ 9:20 Loõh Tễ Ê-yip-tô 24:8

cóp án dững amut dếh aham charán hỡ. Ma Crít tỡ bữn amut cớng chiau sang sa-ũi trỗ. ²⁶ Khân táq ngkíq, Crít cóq chũuq cuchít sa-ũi trỗ chơ, noap tễ tangái Yiang Sursĩ tềng paloõng cutẽq. Ma sanua án toâq muoi trỗ la dũ chơ, bo cheq ẽ nheq dỡi nâi. Án pupút nheq máh lôih cũai, yuaq án chiau sang tỗ án bữm. ²⁷ Dũ náq cũai Yiang Sursĩ anoat muoi trỗ sâng cóq cuchít. Cóp vót ki Yiang Sursĩ rablớh loah alóí. ²⁸ Machóng ki tê Crít cuchít sang tỗ án, la muoi trỗ sâng. Nỡ-ra án toâq loah muoi trỗ ẽn. Ma trỗ ntun ki án tỡ bữn tang noâng lôih cũai, ma án ẽ chuai amoong alóí ca nguang án.

10

Phễp Rit Tiaq La Sapáh Sâng

¹ Phễp rit Yiang Sursĩ atõng na Mũi-se la ariang noau sapáh sâng, yoc atõng tễ ọc o ca toâq nỡ-ra. Ma phễp rit ki tỡ bữn bữn ọc o ki. Ngkíq máh cớng noau chiau sang puai phễp rit ki tỡ tềq táq yõn alóí ca yoc ẽ toâq pỡ Yiang Sursĩ yuaq alóí noâng bữn ọc tanĩq. ² Khân máh cớng noau chiau sang ki lứq tềq táq yõn cũai ca sang Yiang Sursĩ cõt bráh máh lôih alóí, ki alóí tỡ bữn túh chiau sang noâng. ³ Ma cu cumo alóí chiau

sang níc, ariang catoaih alóí yõn sanhữ níc máh lôih alóí táq, ⁴ yuaq aham ntroõq cóp mbẽq la tỡ nai tềq pupút lôih cũai.

⁵ Pân ngkíq, tỡ Crít toâq pỡ cốc cutẽq nâi án atõng Yiang Sursĩ neq:

“Mũi tỡ bữn yoc noau kiac charán cóp chiau sang cớng canõh.

Ma mới khoiq thữan chơ yõn cứq cõt tỗ cũai.

⁶ Mũi tỡ bữn sâng bữi noau bõh charán cóp chiau sang cớng dõq pupút lôih.

⁷ Chơ cứq pai neq: ‘Cứq toâq pỡ nâi

yoc ẽ puai rangứh mới, Yiang Sursĩ ỡi!

Noau khoiq chĩc chơ tễ ranáq cứq táq

tâng tâm saráq phễp rit Yiang Sursĩ.’”[☆]

⁸ Adóh hái sâng Yê-su pai neq: “Mũi tỡ ẽq noau kiac charán cóp chiau cớng canõh, tỡ la bõh charán cóp sang cớng dõq pupút lôih, yuaq mới tỡ bữn sâng bữi tễ máh ramứh ki.” Ma puai phễp rit I-sarel patâp cóq táq ngkíq.

⁹ Chơ Yê-su pai ẽn neq: “Cứq toâq pỡ nâi yoc ẽ puai rangứh mới toâp, Yiang Sursĩ ỡi.”

Ngkíq hái dáng Yiang Sursĩ ralêq phễp rit tiaq, chơ táng phễp rit tamái ẽn.

¹⁰ Yuaq Yiang Sursĩ sâng yoc,

[☆] 10:7 10:7 Ừat Khẽn 40:6-8

ngkíq án táq yõn hái cõt
bráh o yáng moat án, nhơ
Yê-su Crít cuchit tang hái
õng muoi trõ ki toáp.

¹¹ Cu náq cũi tểng rit
sang Yiang Sursĩ puai phễp
rit I-sarel cóq táq níc cu
rangái, cóp chiau sang máh
cơng yõn Yiang Sursĩ; ma
cơng ki tở nai têq pupút
lôi h cũi. ¹² Ma từ Yê-su
chiau sang muoi trõ ki toáp
tở án bữm, ki têq pupút lôi h
cũi tâng dũ dõ. Moâm ki
án tacu coah atoam Yiang
Sursĩ. ¹³ Án tacu ngki,
acoan Yiang Sursĩ táq yõn
dũ ramúh ca tở ẽq trĩh án
cõt pũn talang ayũng án.

¹⁴ Án chiau sang muoi trõ,
ma án táq yõn cũi sa-âm
cõt bráh o sớt dõ yáng moat
Yiang Sursĩ. ¹⁵ Cóp Ravie
Yiang Sursĩ hữ khoiq atõng
tể ranáq ki tể nhũang neq:

¹⁶ “Yiang Sursĩ pai neq:
‘Nõ-ra cúq ẽ par-ũq
cóp alói neq:

Cúq ẽ chĩc đõq máh
phễp rit cúq tâng mút
pahõm alói.’ ”*

¹⁷ Chơ án pai ẽn:

“Cúq tở bữn sanhữ nõng
máh lôi h cóp ranáq
sâuq alói táq.”

¹⁸ Khãn Yiang Sursĩ khoiq
táh lôi h chơ, tở bữn túh cóq
kiac nõng charán sũq Yiang
Sursĩ táh lôi h.

Hái Toáq Põ Yiang Sursĩ

¹⁹ Ngkíq, sễm ai ơ, hái
têq cõt clõq lứq mut tâng

Ntõq Yiang Sursĩ Ồt, la cõ
nhơ tể aham Yê-su. ²⁰ Án
khoiq pớh rana tamái, la
rana tamoong, yõn hái têq
mut pở ntõq ki, yuaq tở án
cõt pacháh, la ariang aroaiq
noau catáng ntõq ki cõt
raháq. ²¹ Hái bữn cũi tểng
rit sang Yiang Sursĩ. Án toáp
sớt neq tâng đõng Yiang
Sursĩ. ²² Ngkíq cóq hái toáp
pở Yiang Sursĩ, bữn mút
pahõm tanoang cóp sa-âm
samoat samoi. Mút pahõm
hái cõt bráh chơ, tở bữn
sâng lôi h nõng, machõng
tở hái cõt bráh tẽ, cõ hái
mpoi tâng đõq bráh. ²³ Cóq
hái lác alũu níc yõng máh
õc hái khoiq sa-âm chơ.
Hái chõ saria sarnóm, yuaq
án ca par-ũq cóp hái, lứq
samoat án táq máh án khoiq
par-ũq. ²⁴ Cóp cóq hái
manoaq chuai manoaq yõn
bữn mút pahõm ayoõq cóp
táq ranáq o. ²⁵ Anhia cóq
rôm parnoi, chõ caryoah
ariang cũi canõh. Cóp cóq
anhia cutõng lứq manoaq
radũng manoaq yõn táq
ranáq o, yuaq anhia dáng
chơ cheq ẽ toáq tangái
parsót.

²⁶ Khãn bữn cũi aléq
khoiq dáng chơ parnai pĩeiq
tể Yiang Sursĩ, ma án táq
clõq níc ranáq tở pĩeiq, tở
bữn ramúh ntrõu têq pupút
lôi h cũi ki. ²⁷ Ma cũi ki õt
croõq níc tangái Yiang Sursĩ
rablõh loah án, cóp ớn án
põq chu ntõq ùih blữ hang

lứq. Nheq từh cũai ca tở ẽq tamúng Yiang Sursĩ cóq õt tâng ntốq ki. ²⁸ Cũai aléq ma tở bữn trỉh phễp rit Môise atống, noau cachĩt cũai ki, tở bữn đốq noâng. Khân bữn bar pái náq ma pai alóihữm án táq lóih, chơ noau cachĩt toáp. ²⁹ Khân lứq ngkíq, nốq anhia chanchóm p̄ieiq noau táq chốq cũai ca tĩn sarúq Con Yiang Sursĩ? Cũai ki chanchóm aham Yê-su tở bữn o ntróu. Ma lứq aham ki toáp táq yỗn Yiang Sursĩ cõt par-ữq ratoih cóp hái. Cóp cũai mumat Ravieih Yiang Sursĩ ca chuaih miat hái. Lứq Yiang Sursĩ táq cũai ki ntâng hữn ẽn. ³⁰ Háidáng chơ án ca pai neq:

“Cứq nài toáp ẽ culáh cóng tể máh ranáq cũai khoiq táq.”^{*}

Cóp noau pai ẽn neq:

“Lứq Yiang Sursĩ rablớh máh cũai proaih án.”

³¹ Túh coat lứq khân cũai ki toáp pở atĩ Yiang Sursĩ, la Yiang tamoong.

³² Cóq anhia sanhữ máh tangái nhũang, bo anhia mbõiq sa-âm, cóp poang tể Yiang Sursĩ khoiq claq tâng mút pahõm anhia. Noau khoiq táq anhia sa-ữi ramứh túh coat, ma anhia chũuq tanhĩr níc. ³³ Noau mumat anhia cóp táq anhia yáng moat cũai clứng. Cóp toáp noau táq yóu anhia, kĩ anhia pruum chũuq parnóih cóp yóu tẻ. ³⁴ Anhia khoiq sâng

sarũiq máh cũai noau cốp cóp chốq tâng cuaq. Cóp toáp noau rapốnh crong cróu anhia, anhia sâng bữi hữr, yuaq anhia dáng anhia bữn crong o hữn tâng paloõng, cóp crong ki tở tẻq noau talốh. ³⁵ Ngkíq chõih táh mút pahõm clốq anhia khoiq bữn tể nhũang, yuaq mút pahõm ki bữn kia lứq yỗn anhia. ³⁶ Cóq anhia chũuq tanhĩr níc, chơ moám anhia táq nheq máh ranáq Yiang Sursĩ yoc anhia táq, lứq án yỗn anhia bữn ramứh o ca án khoiq ữq chơ. ³⁷ Tâng tâm saráq Yiang Sursĩ pai neq:

“Noâng bĩq tangái, án ca pai ẽ toáp, lứq án toáp.

Án tở bữn acoan noâng.

³⁸ Cũai tanoang o bữn tamoong cồ nhơ án sa-âm.

Ma khân cũai aléq carlũn loah cluang cĩ, cứq tở bữn sâng bữi noâng cóp cũai ki.”^{*}

³⁹ Ma hái tở bữn ariang cũai ca carlũn loah cluang cĩ, chơ Yiang Sursĩ táh alóih. Háih cũai sa-âm pacáih lứq; chơ ravieih háih cõt tamoong mantáih.

11

Máh Cũai Ca Sa-âm Tể Nhũang

¹ Háih sa-âm pacáih la ariang háih bữn máh ramứh ca háih ngcuang, cóp ariang háih hữm chơ máh ramứh háih tở yũah hữm. ² Máh cũai tẻ

mbỏq ca sa-âm ngkiq, Yiang Sursĩ pai alói ki o lứq.

³ Cỗ hái sa-âm, hái dáng Yiang Sursĩ tềng paloong cutêq nhơ tể parnai án pai. Ngkiq máh ramứh hái hữm, Yiang Sursĩ tềng đêh ramứh hái tở tềq hữm.

⁴ Cỗ Aben sa-âm, án chiau sang yỗn Yiang Sursĩ crong o hỡn tể Ca-in sang. Ngkiq Yiang Sursĩ pai Aben la cũai tanoang o, yuaq án hữm p̄ieiq crong Aben sang. Aben khoiq cuchit dũn chơ, ma ariang án noâng atõng hái.

⁵ Cỗ Ê-nóc sa-âm, ngkiq Yiang Sursĩ parõn án sarbiet thánq, cốp tở bữn noau hữm noâng án. Ma nhũang Yiang Sursĩ parõn án, án khoiq táq yỗn Yiang Sursĩ sâng bũ pahõm.* ⁶ Tở bữn noau tềq táq bũ pahõm Yiang Sursĩ khân tở bữn sa-âm. Yuaq cũai yoc ẽ toâq pở Yiang Sursĩ cóq án noap samoât, lứq bữn Yiang Sursĩ, cốp Yiang Sursĩ lứq chuai máh cũai ca chuaq án.

⁷ Cỗ Nô-ê sa-âm, án trĩh parnai Yiang Sursĩ patâp, chơ án táq tuoc toâr; yuaq Yiang Sursĩ atõng án nhũang tể máh ramứh ca ẽ toâq noau tở nai hữm yũah. Ngkiq đống sũ án bữn tamoong. Cốp cỗ noau hữm án táq ranáq o, ngkiq noau dáng nheq tũh cũai canõh lứq sâuq. Cốp Yiang Sursĩ noap Nô-ê la cũai tanoang

o yáng moat án yuaq Nô-ê sa-âm.

⁸ Cỗ A-praham sa-âm, án trĩh toâq Yiang Sursĩ ón án loõh tể ntóq án õt, chơ pởq chu ntóq canõh ca Yiang Sursĩ pruam nỡ-ra án yỗn A-praham ndõm. Chơ A-praham pởq sâng, tở dáng chu léq án ẽ pởq. ⁹ Cỗ A-praham sa-âm, ngkiq án õt tâng cruang ca Yiang Sursĩ khoiq par-ữq ẽ yỗn án, ma án õt sanóq cũai tamoi sâng. Án õt đống aroaiq parnơi cốp con châu án, I-sac cốp Yacóp, alói ca Yiang Sursĩ yỗn chõng tê mun ki. ¹⁰ Yuaq án ngcuang bữn vil toâr, vil ca tở cõn cũai táng, ma lứq Yiang Sursĩ toâp táng.

¹¹ Sara, lacuoi A-praham, la cũai cũt, khoiq vót ngư án tềq táq ramia. Ma cỗ án sa-âm, án noâng bữn táq ramia, yuaq án noap samoât lứq parnai Yiang Sursĩ khoiq par-ữq cốp án. ¹² Lứq pai A-praham, la khoiq thâu cúng-racúng chơ, ma rứh tể án cứng lứq, ariang mantõr tâng paloong, cốp ariang chũah tâng tor đờq mựt tở rơi nghì noâng.

¹³ Máh cũai ca hếq khoiq atõng adóh, alói cuchit ma tở yũah bữn roap máh ốc Yiang Sursĩ khoiq par-ữq ẽ yỗn alói. Ma alói khoiq hữm chơ máh ramứh ki, ma noâng yơng. Alói sâng bũ lứq tể máh ramứh ki,

* 11:5 11:5 Saráq Tể Dâu 5:21-24

cóp alóí ngin alóí la samoât cūai tamoi ốt dờ tâng cốc cutêq nâi. ¹⁴ Cūai ca ngin ngkíq, apáh yõn hái dáng alóí lứq chuaq cruang tamái yõn alóí ốt. ¹⁵ Ma khân alóí chanchóm níc tẽ cruang alóí khoiq loõh tẽ nhũang, ki têq alóí chu loah pờ cruang ki. ¹⁶ Ma alóí yoc ẽ bữn cruang o hỡn tẽ ki ẽn, la cruang tâng paloõng. Ngkíq Yiang Sursĩ tở bữn sâng casiet noau đợc án la Yiang alóí, yuaq án khoiq thữan moâm muoi vil yõn alóí.

¹⁷ Cỗ A-praham sa-âm, ngkíq án pruam ẽ kiac sang I-sac con án bo Yiang Sursĩ chim án. Yiang Sursĩ khoiq ữq cóp án, nỡ-ra án bữn tống toiq sa-ữi, ma noâng án pruam chiau sang con muoi án toáp. ¹⁸ Yiang Sursĩ khoiq pai chơ tẽ con ki neq: “Nhờ tẽ I-sac cứq táq yõn mới bữn tống toiq.”[☆]

¹⁹ Ma A-praham noap samoât lứq Yiang Sursĩ têq yõn con ki tamoong loah tẽ cuchit. Ngkíq Yiang Sursĩ yõn loah con ki ariang án tamoong loah tẽ cuchit tẽ.

²⁰ Cỗ I-sac sa-âm, án pai ốc bốn yõn Yacóp cóp Ê-sau puai tẽ ranáq tở yũah cõt.

²¹ Cỗ Yacóp sa-âm, toáp án cheq ẽ cuchit, án tayứng cloaq ralõng cóp pai ốc bốn

yõn máh con Yô-sep, bo án sang toam Yiang Sursĩ.[☆]

²² Cỗ Yô-sep sa-âm, toáp án cheq ẽ cuchit, án atõng saccoaiq tẽ tangái Yiang Sursĩ yõn cūai I-sarel loõh tẽ cruang Ê-yip-tô. Chơ án patáp alóí yõn dừng achu nhang án.

²³ Cỗ mpiq mpoaq Môise sa-âm, alóí cutooq án nheq pái casai noap tẽ tangái mpiq án canõt. Yuaq alóí hữm án nêuq o, cóp alóí tở bữn sâng ngcõh parnai puo ớn.

²⁴ Cỗ Môise sa-âm, toáp án cõt carsai án tở yõn noau đợc noâng án la châu puo Ê-yip-tô, ²⁵ yuaq án sâng, khaq chũuq túh coat parnỡi cóp cūai ca puai Yiang Sursĩ, saláng puai ốc sâuq ca yõn án cõt bũi mahõi sâng. ²⁶ Án chanchóm khân chũuq noau pai án, cỗ tian án puai Crít, la bữn kia hỡn tẽ máh sanốc ntữn tâng cruang Ê-yip-tô, yuaq án ngcuang nỡ-ra án bữn roap cóng o.

²⁷ Cỗ Môise sa-âm, án loõh tẽ cruang Ê-yip-tô. Án tở bữn ngcõh ntrớu puo nhóp án. Ma án chũuq níc, yuaq án khoiq hữm án ca noau tở têq hữm. ²⁸ Cỗ Môise sa-âm, án yõn cūai I-sarel puai máh phệp rit Yiang Sursĩ patáp yõn alóí đợc sanhữ Tangái Loõh,* dếh án trutrêh aham hỡ. Chơ

☆ 11:18 11:18 Saráq Tẽ Dâu 21:12 ☆ 11:21 11:21 Saráq Tẽ Dâu 47:31 * 11:28 11:28 Tangái ki alóí sanhữ tangái Yiang Sursĩ chuai yõn alóí loõh tẽ cruang Ê-yip-tô tẽ mbốq.

ranêng Yiang Sursĩ cachĩt táh máh con clúng cūai Ê-yip-tô, ma tở bữn táq ntróu chók tốp I-sarel.

²⁹ Cỗ cūai I-sarel sa-âm, têq alóí yang đởq mut Cusâu bo Yiang Sursĩ cayoah đởq yỗn cõt ariang rana tâng cutêq khỗ yỗn alóí bữn tayáh pởq. Ma toâq máh cūai Ê-yip-tô puai loah alóí, ki cūai Ê-yip-tô cloâm nheq tâng đởq ki.

³⁰ Cỗ cūai I-sarel sa-âm, alóí pởq viel viang vil Yê-ri-cô. Chơ moâm alóí viel nheq tapul tangái, viang ki cõt ralih.

³¹ Rahap la manoaq mansêm chẻq tở, ma cỗ án sa-âm, án tở bữn cuchĩt muoi prớh cốp cūai tâng vil Yê-ri-cô ca tở bữn trĩh Yiang Sursĩ. Án bữn tamoong yuaq án khoiq ỉt pahôm cūai I-sarel ca pởq tutuaiq vil ki, chơ chuai alóí yỗn loõh pởq ien khẻ.

³² Ma nỏq têq cúq nghĩ nheq cūai sa-âm ki? Khân cúq ruaih nheq máh ranáq alóí táq, lứq tở rơi mỗ. Cúq tở loâp atõng tẻ Kê-dien, Barac, Sam-sôn, Yêp-thê, Davĩt, Samu-êl, cốp máh cūai tang bỗq Yiang Sursĩ. ³³ Cỗ alóí sa-âm, alóí chíh riap cruang canõh, alóí táq ranáq tanoang tapứng, cốp alóí bữn ỏc Yiang Sursĩ par-ữq. Cỗ alóí sa-âm, alóí yĩh bỗq cula samín, ³⁴ alóí pupât ũih hang lứq, cốp alóí viaq vớt tẻ pla dau.

Alóí ki ieuq ma alóí cõt rêng ẻn. Alóí clóq lứq rachĩl, cốp tuih tốp tahan tẻ cruang canõh yỗn sarlõt nheq. ³⁵ Máh mansêm bữn con cayac cuchĩt, ma bữn tamoong loah. Bữn cūai canõh noau táq túh coat cốp cachĩt. Ma alóí chũuq níc, tở ẻq ẻ ngin ỏc noau ỏn alóí cóq ngin đởq cõt racláh. Yuaq alóí sâng o hữn tamoong mantái cốp Yiang Sursĩ. ³⁶ Bữn cūai noau ca-iep cupriaq, noau toân, noau chỏq, cốp noau clừong. ³⁷ Noau táq alóí sa-ữi ramứh: Án ca noau latốt toâq tamáu, án ca noau cũo bar béq, án ca noau tráh toâq dau. Cūai sa-âm ki tác tampác ngcâr cũu cốp ngcâr mbẻq, yuaq alóí ỏq lứq, cốp alóí chũuq noau táq alóí tởiq bap lứq. ³⁸ Máh cūai ca chũuq sa-ữi ramứh túh coat, tở pẻiq alóí ỏt tâng cốc cutêq nâi. Pẻiq lứq alóí la ỏt tâng ntốq o hữn tẻ cốc cutêq nâi. Ma alóí pởq chu nâi pởq chu ki ỏt tâng ntốq aiq, tâng cóh, tâng cựp, cốp tâng hỏng cutêq. ³⁹ Nheq náq alóí ki la Yiang Sursĩ ngin pai pẻiq alóí táq yuaq alóí sa-âm lứq. Ma án tở bữn yỗn yũah máh ỏc án par-ữq ẻ yỗn alóí. ⁴⁰ Yuaq Yiang Sursĩ đởq ramứh o ki yỗn hái chớng tẻ. Toâq đởi hái, nỏq Yiang Sursĩ táq moâm máh ranáq toâr án khoiq par-ữq cốp cūai ki.

12

Hái Nhêng Chu Yê-su

1 Chơ sanua, nheq tũh cũai sa-âm tễ nhũang la samoât alới ốt nhêng níc chu hái ca sa-âm ntun. Cốt samoât hái lúh tampling, aléq rời lúh yong lứq ma chái hỡn. Ngkíq hái cóq táh nheq máh ramứh ntrớu ma catoâng hái, cóp hái viaq tễ máh ốc lôih ca táq yỗn dóm. Chơ hái lúh yỗn toâq cudót rana noau ớn hái lúh. 2 Hái cóq nhêng níc chu Yê-su, án ca plở soi tễ ốc hái sa-âm. Cỗ án ngcuang bữn ốc bũi ntun, án chũuq cuchĩt tâng aluang sangcáng. Án tỡ bữn noap ntrớu noau táq ẽq án sâng casiet. Ma sanua án tacu coah atoam Yiang Sursĩ pỡ ntốq Yiang Sursĩ sốt. 3 Cóq anhia chanchóm níc tễ án ca chũuq tanhĩr máh ranáq cũai lôih táq chóq án. Khân anhia chanchóm tễ án, anhia tỡ bữn cõt lakéh lakiei, cóp anhia tỡ bữn cõt pê pahõm.

Yiang Sursĩ Manrap

4 Anhia tỡ bữn ramóh yũah noau choat tỡ la poaiq anhia cỗ anhia tỡ ẽq táq ranáq lôih. 5 Cóp anhia khoiq khlĩr chơ santoiq Yiang Sursĩ aliam anhia cóp đốq anhia la máh con án. Án khoiq pai neq:

“Máh con cứq ơ! Cóq anhia
trĩh toâq Yiang Sursĩ
sươq anhia,
cóp anhia chổi ũan toâq
án manrap anhia.

6 Cỗ Yiang Sursĩ ayooq, ngkíq yuaq án manrap.

Cóp án manrap đũ náq cũai ca án ngin con án.”☆

7 Cóq anhia chũuq toâq Yiang Sursĩ manrap anhia, yuaq anhia dáng án ngin anhia la con. Tỡ nai sâng noau bữn con ma tỡ nai manrap. 8 Ma khân Yiang Sursĩ tỡ bữn manrap anhia ĩn án manrap nheq tũh con án, ki anhia tỡ cõn lứq con án. Anhia la samoât con sarĩh sâng. 9 Máh cũai mpoaq hái tâng đõi nâi đốq manrap hái, cóp hái yám noap alới. Clũi tễ ki ễn cóq hái yám noap Mpoaq hái tâng paloõng, đốq hái tềq tamoong mantái. 10 Mpoaq hái tâng đõi nâi đốq manrap bo hái noâng carnẽn. Alới ki manrap hái puai mút pahõm alới chanchóm pĩeiq. Ma toâq Yiang Sursĩ manrap hái, án táq yỗn hái bữn kia tễ ốc án manrap, yuaq án yoc hái bữn chống tê ngê bráh o khong án. 11 Bo noau manrap hái, hái tỡ bữn sâng bũi. Lứq hái sâng ngua. Ma ntun ki, máh cũai ca Yiang Sursĩ manrap cõt tanoang o cóp alới ốt ien khẽ.

Catoaih Atõng Ễn

12 Ngkíq cóq anhia carlúh carsõng. Chổi aloah atơq noâng. 13 Cóq anhia pỡq tâng rana tanoang. Ngkíq cũai ca bữn mút pahõm ieuq

tuar tở bữn cłóc rana noâng,
ma án cõt bán rêng o loah.

14 Cóg anhia chi-chuaq yỗn
õt ien khẻ cốp cũa canỗh.
Cốp cóg anhia chuaq yỗn
bữn mút pahỗm bráh o.
Yuaq aléq ca tở bữn bữn
mút pahỗm bráh o, án tở
têq hữm Yiang Sursĩ. 15 Cóg
anhia nhêng yỗn samoât,
chỗi yỗn noau tẻ tốp anhia
ratáh tẻ Yiang Sursĩ ca chuai
miat hái. Chỗi yỗn cũa aléq
tâng tốp anhia cõt samoât
rêh ntáng dách talor cốp toâr
achỗn, chơ táq yỗn sa-ũi náq
cũa cõt rúng pút. 16 Cóg
anhia nhêng yỗn samoât,
chỗi yỗn mansẻm samiang tẻ
tốp anhia bẻq parnơi khân
tở bữn lacuoi cayac. Chỗi
yỗn cũa aléq palỗ ngê Yiang
Sursĩ ỉn Ê-sau khoiạ táq. Án
yoc ẻ cha muoi pẻl, chơ
án chẻq chỏc con samiang
clúng. 17 Anhia dáng, toâq
ntun ẻn án ẻq mpoaq án pai
ốc bốn yỗn án. Án nhiam
luliac u-al, ma án tở têq bữn
noâng ốc án khoiạ táh.

*Ốc Par-ữq Tẻ Mbỏq Cốp
Ốc Par-ữq Sanua*

18 Anhia tở bữn ariang
cũa I-sarel tẻ mbỏq bo Yiang
Sursĩ par-ữq cốp alỏi. Alỏi
hữm cốp têq satoaq cóh
Si-nai. Tốp alỏi hữm pla
ũih tâng cóh ki, canám tẻc-
tẻc, pa-át, cốp rasỗ rapỗh.
19 Alỏi sâng sường lavia, cốp
sường noau pau atỡng. Ma

alỏi rasẻq yỗn sường ki chỗi
pau atỡng noâng, 20 yuaq
alỏi sâng tở rơi tamứng
sường ki. Cỗ sường ki patập
neq:

“Khân cũa tở la charán ma
tatũih cóh ki,
cóg cachĩt án na tám
chóq tamáu.”*

21 Mách ramứh alỏi hữm ki
táq yỗn alỏi sâng ngcỏh lứq,
toau đẻh Mỏi-se pai neq:

“Cứq sâng ngcỏh lứq toau
tỏ chác cangcoaih
nheq.”*

22 Ma anhia khoiạ toâq pử
cóh Si-ôn. Cỏh Si-ôn nài
sacâm tẻ ntỏq noau sang
toam Yiang Sursĩ. Anhia
khaiạ toâq pử ntỏq Yiang
Sursĩ ốt, án la lứq Yiang
tamoong. Ntỏq ki la vil Yaru-
salem tâng paloỏng. Anhia
khaiạ toâq pử ntỏq ranẻng
Yiang Sursĩ ốt cứng lứq,
toau tở rơi nghi. 23 Cốp
anhia khoiạ toâq pử ntỏq
mách con clúng Yiang Sursĩ
rôm, alỏi ca chỗn nhũang
chu paloỏng. Ramứh alỏi
noau khoiạ chẻc đỏq tâng
paloỏng. Anhia khoiạ toâq
pử Yiang Sursĩ, án ca rablỏh
nheq tữh cũa. Anhia khoiạ
toâq pử ntỏq bữn ravieỉ cũa
tanoang o. Toâq máh cũa ki
táq moâm máh ranáq Yiang
Sursĩ ỏn alỏi táq, chơ ravieỉ
alỏi ốt ntỏq ki. 24 Cốp
anhia khoiạ toâq pử Yẻ-su,
án ca partoâq parnai tamái
ca Yiang Sursĩ par-ữq cốp
anhia. Anhia khoiạ toâq pử
aham Yẻ-su ca noau trutrẻh.

* 12:20 12:20 Loỏh Tẻ Ê-yip-tỏ 19:12-13 * 12:21 12:21 Patập Loah 9:19

Aham ki cõt tếc yõn dáng tẽ ramứh o hỡn tẽ aham Abeñ.
²⁵ Cóg anhia nhêng yõn samoât, cõh lơ mút pahõm anhia tỡ ẽq tamúng santonq án atõng anhia. Máh cũai ca tỡ ẽq tamúng ọc Yiang Sursĩ patâp na Mõi-se, cũai ki tỡ têq viaq tẽ noau táq alói. Khân ngkíq, nõq têq hái viaq tẽ noau táq hái, khân hái nguai chíq tẽ án ca atõng hái tẽ paloõng. ²⁶ Bo Yiang Sursĩ khoiq atõng tẽ nhũang ki, srong án táq yõn cutêq cacut. Ma sanua án par-ữq neq:

“Noâng muoi trỗ ẽn cứq ẽ táq yõn cõt cacut sĩa, tỡ bữn ống cutêq sâng, ma dếh paloõng hỡ.”✧

²⁷ Yuaq án pai “noâng muoi trỗ ẽn” hái dáng dũ ramứh ca cacut ki ẽ táq cõt pút nheq, la máh ramứh án khoiq tẽng. Ma máh ramứh tỡ bữn cacut, ki noâng õt níc.

²⁸ Yuaq ngkíq, hái sa-õn lứq hái bữn cruang tỡ têq cacut. Hái sang toam Yiang Sursĩ na mút yám noap cóp ngcõh án, ²⁹ yuaq Yiang Sursĩ hái la samoât pla ùih cat ralũon dũ ramứh.

13

Hái Táq Yõn Yiang Sursĩ Bũi Pahõm

¹ Cóg anhia manoaq ayooq manoaq níc, samoât sêm ai. ² Anhia chõi khĩr cóq

táq moat múh poang chóc cũai tamoi, yuaq anhia tỡ dáng cũai ki la noau. Bữn cũai chũm siem cũai tamoi, ma alói tỡ bữn dáng tamoi ki la ranẽng Yiang Sursĩ tẽ paloõng. ³ Cóg anhia sanhữ táq o chóc cũai tũ sanõq anhia õt tũ cóp alói tẽ. Cóq cóq anhia sanhữ tẽ cũai ca ramóh túh coat, sanõq anhia ramóh túh coat ki tẽ.

⁴ Cõt lacuoi cayac la lứq o, cóp alói bẻq parnoi la tỡ bữn lôih ntrầu. Cũai ca bẻq parnoi ma tỡ bữn lacuoi cayac, tỡ la cooc lacuoi cayac noau, lứq Yiang Sursĩ táq tột cũai ki.

⁵ Tâng dõih tamoong anhia, anhia chõi ham tĩen práq. Ma cóq anhia sâng bũi pahõm tẽ máh crong anhia bữn, cõ Yiang Sursĩ khoiq pai neq:

“Cứq tỡ bữn táh anhia tỡ la õt yong tẽ anhia.”✧

⁶ Yuaq ngkíq hái cõt cłóq lứq pai neq:

“Lứq Yiang Sursĩ toâp chuai cứq.

Cứq tỡ bữn ngcõh ntrầu.

Cũai tỡ têq táq ntrầu chóc cứq.”✧

⁷ Cóg anhia sanhữ cũai ca khoiq radũng tộp sa-âm anhia tẽ nhũang. Alói ki khoiq atõng anhia parnai Yiang Sursĩ. Cóg anhia chanchóm tẽ dõih tamoong alói, cóp cóq anhia sa-âm tũoiq alói tẽ.

⁸ Yê-su Crít la machóng níc, tễ mbỏq toau toâq sanua cớp toau sớt nheq đỏi.

⁹ Anhia chỏi yỗn noau radũng anhia puai sa-ữi ngê mpha tễ parnai o. O lứq la mút pahôm hái cõt pacái nhơ tễ Yiang Sursĩ chuai miat hái. Mút pahôm hái tở têq cõt pacái cỗ tễ hái puai rit tễ sana cha. Rit ki tở bữn chuai ntróu cũai ca táq puai. ¹⁰ Hái bữn tê rit chiau sang Yiang Sursĩ. Ma cũai puai phếp rit I-sarel, tở têq chổng rit hái. ¹¹ Án ca sớt nheq tễ rit sang Yiang Sursĩ puai phếp rit I-sarel, án đốq đững aham charán amut tâng Ntốq Yiang Sursĩ Ớt đốq pupút máh lôih cũai. Ma tở charán ki noau bỗh yáng tiah vil. ¹² Machóng ki tê, Yê-su chũuq cuchít yáng tiah ngoah toong viang vil, đốq án têq táq yỗn máh cũai cõt bráh o nhơ aham án bữm. ¹³ Chơ hái ễn, cớq hái loõh cớp án yáng tiah vil, chũuq túh coat parnơi cớp án. ¹⁴ Yuaq tâng cốc cutêq nâi, ốq vil yỗn hái têq ớt mantái níc, ma hái ngcuang nỡ-ra bữn vil hái têq ớt mantái níc. ¹⁵ Ngkíq hái cớq sa-õn níc Yiang Sursĩ. Hái táq ngkíq la samoât hái chiau sang yỗn Yiang Sursĩ na santoiq khễn ramứh án, nhơ tễ Yê-su partoâq santoiq ki chuai hái. ¹⁶ Anhia chỏi khlir táq ranáq o cớp chuai yóu. Khân anhia táq ngkíq, la ariang cớng anhia chiau

sang táq yỗn Yiang Sursĩ sâng bũi pahôm.

¹⁷ Cớq anhia trĩh cũai sớt tâng tốp sa-âm, cớp ỉt ngê alóí yoc, yuaq alóí la cũai nhêng salĩq raviei anhia. Cớp nỡ-ra Yiang Sursĩ blóh loah alóí tễ máh ranáq anhia khoiq táq. Khân anhia trĩh, alóí lứq sâng bũi pahôm chuai anhia ngkíq. Ma khân anhia tở bữn trĩh, alóí lứq sâng ngua. Cớq khân anhia táq yỗn alóí sâng ngua, la tở bữn cõt kia ntróu yỗn anhia. ¹⁸ Sẻq anhia câu chuai hẻq nứng. Mút pahôm hẻq tở bữn sâng lôih cớp Yiang Sursĩ, cớp hẻq sâng yoc lứq táq níc ranáq p̄ieiq. ¹⁹ Ma cớq sẻq anhia câu chuai cớq sa-ữi ễn, yỗn têq Yiang Sursĩ chuai cớq bữn cháí ramóh loah anhia.

Câu Yỗn Alóí

²⁰ Yiang Sursĩ khoiq chuai amoong loah Yê-su, Ncháu hái. Yê-su la samoât cũai mantán cũu o, yuaq án satóh aham án bữm yỗn cõt rap̄ieiq máh ốc Yiang Sursĩ par-ữq cớp alóí. ²¹ Cớq sẻq Yiang Sursĩ, án ca ndõm ốc ien khễ, chuai yỗn anhia bữn dũ ramứh o đốq anhia têq táq p̄ieiq ranáq án yoc anhia táq. Cớq sẻq án táq tâng mút pahôm anhia ranáq ntróu án sâng bũi yoc ể táq, nhơ Yê-su Crít. Chơ, cớq hái khễn níc Yê-su Crít toau sớt đỏi lơi cumo. Amen.

²² Sễm ai ơi, cứq sễq cucốh anhia! Sễq anhia tamứng máh sântoiq cứq khoiq sươq anhia. Yuaq cứq chĩc choaiq thờ nâi yỗn anhia, ma cứq chĩc bĩq sâng. ²³ Cứq yoc atông yỗn anhia dáng tễ Ti-muthê, la sễm ai hái, noau khoiq acláh án chơ. Khân án ma chái toâq pỡ nâi, cứq ễ dứng án pỡq cớq cứq, bo cứq pỡq sa-óh anhia.

²⁴ Sễq anhia cahan tê máh cũai ndỡm đống sang anhia, cớq nheq tữh cũai sa-âm pỡ ki. Tốp sa-âm tâng cruang I-tali nâi cớq sa-óh anhia tê.

²⁵ Cứq sễq Yiang Sursĩ chuai miat nheq tữh anhia.

Yacō Chĩc Choaiq Thõ Santoiq Atõng

Tâm saráq nâi Yacō chĩc sám 45 toâq 50 cumo ntun Yê-su canõt. Noau pai Yacō la a-êm Yê-su, cóp án cõt plõ tâng tốp sa-âm tâng vil Yarusalem toâq vót Yê-su cuchĩt. Án chĩc thõ nâi đõq atõng nheq tũh con Yiang Sursĩ ca õt parsáng-parsaiq tâng dũ cruang.

Yacō chĩc atõng tẽ ranáq roap chõm cũai sốc cóp cũai cadĩt; chõi táq tở bũn li. Án atõng la chõi pai Yiang Sursĩ radũng cũai táq ngê sâuq, yuaq ngê sâuq chõng loõh tẽ mút pahõm cũai. Máh cũai sa-âm cóq trĩh Yiang Sursĩ, cóq rabán o lieih bũm, cóq bũn mút pahõm bráh o, cóp cóq asẽng tở. Án atõng tẽ ốc rangoaiq ca toâq tẽ Yiang Sursĩ, cóp ốc rangoaiq ca toâq tẽ cũai tâng dõĩ nâi.

¹ Cúq la Yacō chĩc choaiq thõ nâi coi q sa-óh anhia. Cúq la cũai ca pruum táq ranáq yõn Yiang Sursĩ cóp yõn Yê-su Crĩt, Ncháu hái. Cúq chĩc choaiq nâi coi q sa-óh nheq tũh anhia muoi chít la bar tốp tống toi q I-sarel ca õt parsáng-parsaiq tâng dũ cruang.

*Cũai Puai Yê-su Cóq
Tanhĩr Ốc Túh Coat*

² Sẽm ai ơi! Máh ốc túh coat ca toâq pở anhia, cóq anhia noap ốc ki la ốc bũi, ³ yuaq anhia dáng ốc túh coat nâi toâq đõq chim anhia sa-âm Yiang Sursĩ samoât samõi, ma tở bũn. Cóp ốc túh coat nâi chuai mút pahõm anhia yõn rơi tanhĩr. ⁴ Toâq anhia rơi tanhĩr ốc túh coat, ki mút pahõm anhia cõt pacái lứq. Ngkíq mút pahõm anhia tở bũn khláiq muoi ốc o ntróu yáng moat Yiang Sursĩ. ⁵ Khân bũn cũai tẽ anhia ma ốq ốc ran-goaiq, cóq án sẽq tẽ Yiang Sursĩ. Chơ Yiang Sursĩ lứq yõn án bũn ramũh án sẽq. Cóp Yiang Sursĩ tở nai nhóp cũai sẽq tẽ án. ⁶ Ma toâq anhia sẽq tẽ Yiang Sursĩ, cóq anhia sa-âm. Anhia chõi chanchóm Yiang Sursĩ tở bũn yõn ốc anhia sẽq. Cũai aléq ma chanchóm ngkíq, cũai ki la samoât riang đõq canoâq chanchoác bo cuyal phát, chơ cõt chanchoác níc. ⁷ Cũai ngkíq, án tở tẽq nguang bũn roap ốc ntróu án sẽq tẽ Yiang Sursĩ. ⁸ Cũai ki bũn bar mút, ngkíq án saria sarnóm, tở dáng ntróu án ẽ chanchóm.

Cũai Cadĩt Cóp Cũai Sốc

⁹ Máh sẽm ai tâng tốp sa-âm ca cadĩt, cóq alóĩ sâng bũi ỡn, yuaq alóĩ cõt toâr tê yáng moat Yiang Sursĩ. ¹⁰ Ma máh sẽm ai tâng tốp sa-âm ca sốc, cóq alóĩ sâng bũi ỡn yuaq Yiang Sursĩ tở bũn noap ntróu crong sanốc

alói bữn tâng dôi nâi. Yuaq nỡ-ra alói cóq cuchit pút machóng piar bát. ¹¹ Moat mandang claq rêng lứq, chơ cõt phũac dẽh-dẽh, cóp piar bát cõt khỗ cóp saroi. Ngkíq piar ki cõt abuoíq nheq, tỡ bữn o noâng. Cũai sốc la machóng ki tê. Alói táł yoc ẽ bữn sa-ũi sanốc, ma alói tỡ dáng tangái léq alói cuchit.

Ốc Ca Radững Cũai Táq Lôih

¹² Bồn lứq cũai ca tanhĩr óc túh coat, yuaq vót án tanhĩr, án bữn cóng tamoonng mantái. Yiang Sursĩ khoíq ữq ẽ yỗn nheq tữh cũai ca ayooq án bữn tamoonng mantái. ¹³ Cũai aléq ma sâng yoc ẽ táq ranáq lôih, án tỡ têq pai Yiang Sursĩ radững án táq ranáq ki, yuaq Yiang Sursĩ tỡ nai táq lôih, cóp tỡ nai radững cũai táq ranáq ngkíq. ¹⁴ Ma ngê tâng mút pahõm cũai bữm đốq ham táq ranáq sâuq. Ngkíq ngê ki radững cũai táq ranáq lôih. ¹⁵ Khân óc sâuq khoíq dách tâng mút pahõm cũai, cũai ki lứq táq ranáq lôih. Cóp khân ranáq lôih ki cõt toâr achõn tâng mút pahõm cũai ki, nỡ-ra cũai ki cuchit. ¹⁶ Ố sễm ai ói! Cứq sâng ayooq lứq anhia. Ngkíq cứq tỡ ẽq anhia phếq tỡ anhia bữm. ¹⁷ Dũ ramứh o hái bữn, ramứh ki sễng tễ paloõng. Yiang Sursĩ toáp yỗn hái bữn óc ki, cóp hái tỡ bữn khlâiq muoi ramứh o ntróu. Yiang Sursĩ

khoiq tễng dũ óc poang tâng paloõng. Ốc poang ki ralêq níc, tráh cóp pum. Ma Yiang Sursĩ tỡ nai ralêq; cu cumo án machóng níc. ¹⁸ Yiang Sursĩ ruroh hái yỗn cõt con án la cỗ nhỡ parnai p̄ieiq tễ án. Chơ Yiang Sursĩ yỗn hái cõt toâr hõn tễ dũ ramứh án khoíq tễng.

Tamứng Cóp Táq

¹⁹ Anhia la sễm ai ca cứq ayooq lứq. Ngkíq cứq yoc anhia tamứng máh san-toíq nâi cứq atõng anhia. Dũ náq anhia cóq tamứng cháí, ma pai laviei. Cóp chõỉ coáp nsóq, ²⁰ yuaq mút pahõm nsóq tỡ têq táq ranáq tanoang o tễ Yiang Sursĩ. ²¹ Ngkíq, cóq anhia táh nheq máh ranáq sâuq anhia đốq táq cóp ngê lôih anhia đốq puai. Cóp cóq anhia roap ít parnai ca Yiang Sursĩ khoíq chớh tâng mút pahõm anhia, na mút lamên, yuaq parnai ki têq yỗn raviei anhia bữn tamoonng mantái.

²² Cóq anhia táq puai samoât lứq parnai Yiang Sursĩ. Anhia chõỉ tamứng mahõỉ, chơ khlĩr toáp. Khân anhia khoíq sâng parnai Yiang Sursĩ, ma anhia tỡ bữn puai lứq samoât, anhia chống thũ mút anhia bữm. ²³ Yuaq cũai aléq tamứng parnai Yiang Sursĩ ma án tỡ bữn táq puai, án la samoât cũai loang kếng. ²⁴ Án hữm roáp án samoât lứq, ma tữ án pỡq tễ kếng, án khlĩr toáp roáp án. ²⁵ Ma bồn lứq cũai

aléq ma ít samoât samoi máh parnai o tể Yiang Sursĩ, yuaq parnai ki tểq acláh án tể cõt sũl ngê lôih. Cũai ki táq puai níc parnai o, ki án tở bữn tamúng mahõĩ, chơ khĩr toáp. Án táq samoât níc máh parnai ki atõng. Cũai ki bữn ốc bõn tể Yiang Sursĩ puai loah máh ranáq án táq.

²⁶ Khân cũai aléq chanchóm án tanoang o yáng moat Yiang Sursĩ, ma án tở dáng rabán lieih án, cũai ki thũ mút án bữm. Ngê án táq puai tở bữn cõt kia ntróu. ²⁷ Ranáq ca Yiang Sursĩ noap bráh o cốp tở bữn noau tểq pai lôih la neq: Muoi la rachuại cán cumai con cumuìq tể ốc alóit túh coat. Bar la viaq yong tể ranáq sâuq tâng dõĩ nãi.

2

Chõĩ Táq Mpha Chóq Cũai Sốc Cốp Cũai Cadĩt

¹ Sễm ai ời! Anhia khoiq sa-âm chơ Yê-su Crĩt, Ncháu hái, án ca bữn chóc sốt clũĩ nheq tể canõh. Ngkíq anhia chõĩ táq mpha chóq cũai sóc cốp cũai cadĩt. ² Cứq sacâm neq: Bữn bar náq toáp pở đống sang anhia. Manoaq la cũai sóc. Án sóp sambết yễng cốp tâc tampác nêuq o. Ma manoaq ễn la cũai cadĩt. Án tâc tampác anhõh lứq. ³ Đốq anhia yám noap cũai tâc tampác o, cốp anhia mơi án tacu tâng ntốq nêuq. Ma

cũai cadĩt anhia đốq ớn án tayúng, tở la tacu tâng cutểq cheq ayũng anhia. ⁴ Anhia táq mpha cũai nãi cốp cũai ki, cốp anhia táq ngkíq la tở bữn p̄ieiq.

⁵ Sễm ai ời! Anhia tamúng! Lứq ma tở bữn Yiang Sursĩ khoiq ruroh cũai cadĩt yõn bữn mút pahõm sa-âm pacái lứq? Cốp án yõn alóit ndõm tể máh mun án khoiq par-ữq ể yõn cũai ca ayooq án. ⁶ Ma anhia táq yõn cũai cadĩt cõt casiet. Cứq ể blóh anhia neq: Cũai aléq đốq ể táq túh coat anhia, cốp dững anhia toáp pở cũai sốt? Lứq cũai sóc đốq táq ngkíq. ⁷ Cốp đốq lứq alóit acrieiq ramứh Yê-su. Ma ramứh Yê-su anhia yám noap lứq, cốp noau đốq anhia la tốp Yê-su.

⁸ Tâng tâm saráq Yiang Sursĩ bữn ốc patáp toár lứq neq:

“Cóq anhia ayooq yóu machóng anhia ayooq tở anhia bữm.”✧

Khân anhia trĩh ốc patáp nãi, anhia lứq táq p̄ieiq. ⁹ Ma khân anhia táq mpha cũai nãi cốp cũai ki, anhia táh ốc patáp nãi. Cốp Yiang Sursĩ ể tểq anhia táq lôih, yuaq anhia táh ốc án patáp. ¹⁰ Khân cũai aléq ma táh muoi ốc ntróu tể máh ốc Yiang Sursĩ patáp, la machóng án táh nheq máh ốc Yiang Sursĩ patáp. ¹¹ Ống Yiang Sursĩ toáp patáp neq:

“Chõĩ cooc lacuoi tõ la cayac noau.”

Cóp án patâp ẽn neq:

“Chõĩ cachĩt cũai.”*¹²

Khân anhia tõ bữn cooc lacuoi tõ la cayac noau, ma anhia cachĩt cũai, ranáq ki la machóng anhia táh nheq parnai Yiang Sursĩ patâp tê.

¹² Ốc ntróu anhia pai, cóp ranáq ntróu anhia táq, cóq anhia sanhữ neq: Nỡ-ra Yiang Sursĩ pác cũai ca trĩh án, án cayoah tẽ cũai tõ bữn trĩh ốc án patâp, yuaq án patâp máh ốc ki dỏq acláh cũai. ¹³ Khân hái tõ bữn sarũiq táq cũai canõh, nỡ-ra Yiang Sursĩ tõ bữn sarũiq táq hái tê. Ma khân hái sarũiq táq cũai canõh, nỡ-ra Yiang Sursĩ sarũiq táq hái tê, cóp án tõ bữn rablớh noâng hái.

Ủq Sa-âm Ma Tõ Bữn Trĩh

¹⁴ Sẽm ai ơi! Khân bữn cũai aléq ngin pai án sa-âm Yê-su Crĩt, ma án tõ bữn táq ranáq o ntróu, ốc sa-âm ki tõ bữn cõt kia ntróu. Khân án sa-âm ngkĩq sâng, Yiang Sursĩ tõ bữn chuai amoong án. ¹⁵ Cúq sacâm neq: Anhia bữn yóu sa-âm Yê-su, ma án óq tampác tâc tõ la sana cha. ¹⁶ Ma anhia pai óng bỏq sâng chỏq cũai ki neq: “Mới chu ien khẽ nỡ! Sẽq Yiang Sursĩ yõn mới bữn dũ tâc khám cha.” Khân anhia pai ngkĩq sâng, ma anhia tõ bữn chuai ntróu, ki ốc sa-âm anhia tõ bữn cõt kia ntróu. ¹⁷ Ngkĩq, khân cũai aléq pai

án sa-âm ma án tõ bữn táq ranáq o, cũai ki sa-âm lô miat sâng.*

¹⁸ Cõh lơ bữn cũai tẽ tốp anhia ẽ pai neq: “Bữn cũai sa-âm sâng, cóp bữn cũai canõh chuai yóu sâng.” Ma têq anhia ta-õĩ cũai ki neq: “Nỏq têq anhia apáh yõn cúq dáng anhia sa-âm Yê-su, khân anhia tõ bữn táq ranáq chuai yóu? Ma cúq ẽ apáh yõn anhia dáng cúq sa-âm Yê-su samoât samõi, la cõ nhỡ tẽ ranáq cúq táq chuai yóu.”

¹⁹ Anhia khoiq noap samoât chỡ, bữn óng manoaq Yiang Sursĩ toâp la lứq Yiang sớt. O lứq anhia sa-âm ngkĩq. Ma máh yiang sâuq la sa-âm ngkĩq tê, cóp alóĩ ngcõh lứq án. ²⁰ Khân anhia sa-âm ngkĩq sâng, anhia tõ yũah dáng yarũ. Sanua cúq ẽ atõng anhia yõn dáng raloaih lứq, khân cũai sa-âm, ma tõ bữn táq ranáq o, ốc sa-âm ki tõ bữn cõt kia ntróu. ²¹ Anhia sanhữ tẽ A-praham, achúc achiac hái. Án la cũai tanoang o yáng moat Yiang Sursĩ, yuaq án trĩh parnai Yiang Sursĩ. Yiang Sursĩ ón án kiac I-sac, con samiàng án, chiau sang tâng prông sang Yiang Sursĩ. Cóp A-praham trĩh Yiang Sursĩ. ²² Ngkĩq anhia bữn dáng A-praham tõ bữn óng sa-âm Yiang Sursĩ sâng, ma án trĩh máh santoiq Yiang Sursĩ ón án

* 2:11 2:11 Loõh Tẽ Ê-yip-tô 20:13-14; Patâp Loah 5:17-18 * 2:17 2:17 Tõ la ốc sa-âm ki cuchĩt.

hỡ. Ngkíq A-praham apáh án sa-âm Yiang Sursĩ samoát samoi. ²³ Ngkíq cõt rapĩeiq ốc Yiang Sursĩ atõng tẽ A-praham tẽ mbỏq neq:

"A-praham sa-âm Yiang Sursĩ,
ngkíq Yiang Sursĩ noap A-praham la cũai tanoang o yáng moat án."☆

Cóp noau đởq A-praham la yóu Yiang Sursĩ. ²⁴ Chơ anhia tẽq dáng la khân cũai sa-âm ma tỡ bữn táq ranáq o ntróu, cũai ki tỡ bữn cõt tanoang o yáng moat Yiang Sursĩ. Ma khân án sa-âm cóp táq ranáq o, lứq Yiang Sursĩ noap án tanoang o. ²⁵ Machóng ki tê, bữn manoaq mansẽm tẽ mbỏq ramứh Rahap. Bo nhũang án la cũai chẻq tỡ. Ma toát tangái cũai ranẽng tẽ tốp I-sarel toát pỡ vil án, án chuai amoong alóí. Bữn cũai yoc ẽ cachĩt ranẽng ki, ma Rahap chuai alóí yỗn loỏh rana canỏh ẽn. Cỗ Rahap táq ngkíq, lứq Yiang Sursĩ noap Rahap la cũai tanoang o. ²⁶ Khân bữn tỡ, ma ốc raviei, tỡ ki tỡ tẽq tamoong. Machóng ki tê, khân sa-âm ma tỡ bữn táq ranáq o, ốc sa-âm ki tỡ tẽq tamoong tê.

3

Lieih Cũai

¹ Sẻm ai oi! Tỡ bữn o sa-ữi náq tẽ tốp anhia chống ẽ cõt thài atõng cũai canỏh. Yuaq hẻq ca atõng cũai canỏh,

khân hẻq toát tỡ bữn táq puai parnai hẻq atõng, ki hẻq roap tột ntàng hỡn tẽ cũai canỏh. ² Nheq tữh hái táq sa-ữi ranáq lỏih. Ma khân bữn cũai alẻq ma tỡ nai táq ntõng ốc lỏih ntróu, cũai ki tanoang o đũ ốc tàng mút án. Yuaq cũai alẻq ma rơi rabán lieih án, cũai ki rơi rabán nheq tỡ án tê.

³ Cứq sacâm neq: Hái đởq chỏq nhẻm tàng bỏq asẻh yỗn asẻh ki trĩh hái. Chơ ntốq alẻq hái yoc ẽ pỡq, tẻq hái đừng asẻh ki pỡq.

⁴ Cứq sacâm tẽ tuoc ẻn neq: Bữn tuoc toát lứq, cóp cuyal phát clủh tuoc rẻng lứq, ma noàng tẻq cũai đừng tuoc ki chu ntốq lẻq án yoc ẽ pỡq, yuaq tuoc ki bữn cớng abĩat cớt cớt tẻq noau abĩat tuoc ki. Lieih la machóng ki tê. ⁵ Án la cớt cớt lứq tàng tỡ hái, ma tẻq án táq ntõng parnai mantoar yỗn cũai canỏh khẻn hái.

Cứq sacâm tẽ ữih ẻn: Bữn tĩa la-a lứq, ma khân bữn muoi cốc rahũng ữih cớt cớt sảng, tẻq án cahauq cat nheq tĩa ki. ⁶ Lieih cũai la machóng ữih blữ tê. Lieih hái táq ranáq sảuq hỡn tẽ nheq ramứh canỏh tàng tỡ hái. Khân lieih hái loai ốc sảuq, ki nheq tỡ hái cớt sảuq tê. Ốc ki la samoát ữih blữ loỏh tẽ pống sar-loac. ⁷ Tẻq cũai rabán đũ ramứh charán, đẻh chỏm, cusân, cóp đũ ramứh ốt

☆ 2:23 2:23 Saráq Tẻ Dâu 15:6

tâng đờq mứt. Yuaq cūai khoiḡ bán dũ ramứh charán ki chơ. ⁸ Ma tở bữn cūai aléq tềq rabán lieih án bữm. Lieih đờq táq ntởng níc parnai sâuq. Ngkíq lieih hái la samoât pih cusân tềq cachít máh cūai. ⁹ Lieih hái đờq khễn Yiang Sursĩ, Mpoaq hái, cốp lieih hái đờq acrieiq cūai hỡ. Ma ốc ki la machớng hái acrieiq Yiang Sursĩ tề, yuaq Yiang Sursĩ khoiḡ tềng cūai yỗn cõt ariang án tề. ¹⁰ Ốc khễn cốp ốc acrieiq la loõh tề muoi hớng bỗq. Sểm ai ơ! Tở p̄ieiq táq ngkíq! ¹¹ Bữn tở, muoi parluoiq đờq mec ma bữn đờq ểm cốp đờq tở ểm? ¹² Sểm ai ơ! Nỡm tarúng tở nai cõt palái o-li-vê, cốp voar nho tở nai cõt palái tarúng. Cốp muoi parluoiq đờq mec tở nai bữn đờq ểm cốp tở ểm.

Ốc Rangoiq Tề Yiang Sursĩ Yỗn

¹³ Bữn cūai tề tốp anhia ca lứq rangoiq cốp khểuq tở? Khân bữn, cóq cūai ki ốt khữn cốp táq ranáq o níc, ma cóq án chõi táq ểq noau khễn án. Chơ cūai canõh dáng samoât, án la lứq rangoiq. ¹⁴ Khân anhia manoaq sa-on tề manoaq, tở la manoaq ểq hỡn tề manoaq, chõi pai anhia rangoiq. Khân anhia pai ngkíq, lứq anhia pai lauq sâng. ¹⁵ Ốc rangoiq ngkíq tở bữn toâq tề Yiang Sursĩ,

ma toâq tề dõi nâi cốp tề yiang sâuq. ¹⁶ Ntốq aléq ma bữn manoaq sa-on tề manoaq, tở la manoaq ểq hỡn tề manoaq, ntốq ki bữn sa-ữi ralõih cốp sa-ữi ranáq sâuq canõh hỡ. ¹⁷ Ma khân Yiang Sursĩ yỗn hái bữn ốc rangoiq tề án, nhữang lứq mứt pahõm hái tở ểq táq ranáq sâuq. Ntun ển, hái tở bữn ralõih cốp yớu; hái bữn mứt khữn; hái ỉt mứt pahõm yớu; hái sâng ayooq táq cūai canõh; hái táq níc ranáq o; hái tở bữn bữn bar mứt; cốp hái tở bữn táq ntởng lauq. ¹⁸ Khân hái táq yỗn manoaq ốt o cóq manoaq, ki nheq tữh hái ốt ien khể parnoi. Chơ hái tềq táq níc ranáq tanoang o.

4

Cóq Anhia Trĩh Yiang Sursĩ

¹ Yuaq nỏq bữn manoaq ralõih cốp manoaq, manoaq táq manoaq tâng tốp anhia? Bữn cūai táq ngkíq yuaq anhia đờq bữn mứt pahõm ham. Mứt anhia cõt alia bar ploah. ² Anhia ham crớng ma tở dáng bữn. Chơ anhia cachít cūai cốp lỏp crớng yớu. Anhia sa-on cumíq crớng yớu, ma anhia tở dáng bữn. Chơ anhia ralõih cốp carchít. Anhia tở dáng bữn máh ramứh anhia yoc ể bữn, cõ anhia tở bữn sểq tề Yiang Sursĩ. ³ Cốp khân anhia sểq tề Yiang Sursĩ, ma sểq tở bữn p̄ieiq, ki anhia tở

dáng bữn tê, yuaq anhia sêq
puai ọc ham tâng mút anhia.

⁴ Khân anhia pasêq ngê tâng
dõi nâi, la machóng anhia
kêt Yiang Sursĩ. Ngkĩq anhia
la samoât mansêm bữn bar
lám cayac. Cũai aléq yoc ê
puai ngê tâng dĩi nâi, án
tở êq puai noâng ngê Yiang
Sursĩ. ⁵ Anhia chanchóm
parnai Yiang Sursĩ atõng tở
cõt ọc tở? Lứq parnai Yiang
Sursĩ pai Yiang Sursĩ yõn
Raviei án õt tâng mút hái,
dõq kĩaq pasêq hái, êq hái
táq õng ngê án sâng. ⁶ Ma
Yiang Sursĩ chuai miat hái
sa-ữi lứq. Tâng tâm saráq
Yiang Sursĩ án pai neq:

“Yiang Sursĩ tở bữn noap
cũai õt,
ma ạn chuai miat cũai
asêng tở.”^{*}

⁷ Ngkĩq, cóq anhia trĩh
Yiang Sursĩ. Cóq anhia chĩl
yang Satan, chơ yang Sa-
tan lứq pang yong tễ anhia.
⁸ Cóq anhia õt cheq Yiang
Sursĩ, chơ Yiang Sursĩ lứq
õt cheq anhia tê. Cũai aléq
tễ anhia ma bữn lôih, cóq
án ngin máh ranáq lôih án.
Cóp cũai aléq bữn bar mút,
cóq án táh chíq muoi mút.
⁹ Anhia ca bữn lôih, cóq an-
hia sâng ngua. Cóp bo anhia
ngin lôih, cóq anhia u-õi cóp
nhiam. Anhia chõi cacháng,
ma cóq anhia nhiam. Anhia
chõi õt bũi óh, ma cóq anhia
sâng ngua. ¹⁰ Khân anhia
ap cucõh cucũoi yáng moat
Yiang Sursĩ, ngkĩq án achõn
anhia cóp án noap anhia la

cũai tanoang o yáng moat
án.

*Õng Yiang Sursĩ Têq Têq
Cũai*

¹¹ Sêm ại ọi! Anhia
manoaq chõi tểq manoaq;
manoaq chõi tũn apót
manoaq. Khân cũai aléq
ma táq ngkĩq, la samoât án
tểq cóp tũn apót phễp rit
Yiang Sursĩ tê. Cóp khân
cũai aléq ma tểq cóp tũn
apót phễp rit Yiang Sursĩ,
cũai ki tở bữn trĩh noâng
phễp rit ki. Ngkĩq cũai ki
cõt samoât cũai rasũq phễp
rit ki sâng. ¹² Õng manoaq
Yiang Sursĩ toáp tểng phễp
rit cóp tểq tểq cũai. Yiang
Sursĩ tểq chuai amoong cũai,
tở la cachĩt cũai. Ma anhia
õq chóc tểq tểq yóu.

*Hái Tở Têq Dáng Ranáq
Tở Yũah Toáq*

¹³ Sêm ai ọi! Bữn cũai tễ
tỗp anhia dõq pai neq: “Nở
pra hếq pởq chu vil tíh. Hếq
õt pở ki muoi cumo. Cóp
hếq chếq chõng dõq bữn
práq loi sa-ữi lứq.” ¹⁴ Ma
lứq samoât anhia tở bữn
dáng ọc ntróu toáq tangái
parnõ. Rangũh tamoong an-
hia la samoât ntróu? Lứq
rangũh tamoong anhia la
samoât talúc. Talúc sễng,
ma õt mahõi sâng, chơ án
taiq toáp. ¹⁵ Pěiq lứq la
anhia pai neq: “Khân Yiang
Sursĩ yõn, ki hếq tamoong,
chơ táq ranáq nâi tở la táq
ranáq ki.” ¹⁶ Ma sanua an-
hia sâng khẽ lứq achõn tở

bữm. Anhia táq ngkíq la sâuq lứq. ¹⁷ Khân cūai aléq dáng ranáq ntróu o, ma án tở bữn táq, cūai ki lứq bữn lóih.

5

Catoaih Cūai Sốc Ma Rahĩt

¹ Mách anhia cūai sốc ơ! Anhia tamúng cứq pai. Cóq anhia nham u-ôi, yuaq nữ pra bữn sa-ữi ớc túh coat ể toâq pở anhia. ² Sanốc anhia khoiq lamooch cha, cóp tampác anhia khoiq cumũar roauq chơ. ³ Práq yểng anhia khoiq saréh cha chơ. Saréh nâi cõt tếc apáh tể anhia rahĩt. Ốc rahĩt nâi cõt samoât pla ùih, tềq cachĩt anhia. Anhia khoiq parôm sanốc ntữn sa-ữi, ma cheq ể toâq tangái Yiang Sursĩ rablớh nheq tữh cūai. ⁴ Anhia khoiq sâng chơ sường cūai roaiq saro yỗn anhia. Alói cuclốiq cucling níc, yuaq anhia lóp práq cóng alói. Sường alói cuclốiq cucling toâq pở cutữr Yiang Sursĩ Sốt Toâr Lứq. ⁵ Anhia ốt tâng dôi nâi thưng lứq. Anhia sáh saiq tĩen práq. Anhia cõt samoât charán plúm o, ma cheq ể toâq tangái Yiang Sursĩ táq anhia. ⁶ Anhia khoiq rasữq cóp cachĩt cūai tở bữn lóih ntróu, ma alói tở bữn chĩl ntróu anhia.

Hái Cóq Chũuq Ramóh Túh Coat

⁷ Sêm ai ơi! Cóq anhia bữn mút samoât cutềq

cóp acoan tangái Ncháu toâq loah. Anhia nhêng chu cūai chóh bát tâng rô. Án tở bữn nguang ngóh-rangóh ể bữn toâp palâi tể máh ớc án chóh, yuaq án dáng cóq dũn tangái phũac mia voai nốq bữn cõt palâi. ⁸ Machóng ki tề, anhia chõi coáp, ma cóq anhia bữn mút pahỗm samoât cutềq. Cóq cóq anhia sa-âm pacái lứq, yuaq cheq ể toâq tangái Ncháu toâq loah.

⁹ Sêm ai ơi! Anhia manoaq chõi bubéq-bubựp tể manoaq, đọq Yiang Sursĩ tở bữn rablớh anhia. Cheq toâq chơ án ca rablớh hái. Án khoiq tamóc ngoah toong. ¹⁰ Sêm ai ơi! Anhia sanhữ tể cūai tang bỗq Yiang Sursĩ tể mbốq. Toâq alói atõng tể ngê Yiang Sursĩ, alói ramóh túh coat sa-ữi. Ma alói bữn mút pahỗm samoât cutềq. Cóq anhia tũoiq alói ki tề. ¹¹ Lứq hái dáng khân bữn cūai rơi chũuq ớc túh coat, alói lứq bữn ớc bốn sa-ữi. Anhia khoiq sâng chơ tể manoaq ramứh Yop. Bo án ramóh túh coat, án chũuq tanhĩr níc. Moâm ki, Yiang Sursĩ yỗn án bữn sa-ữi hữn tể án bữn tể nhũang ễn. Yiang Sursĩ táq ngkíq, yuaq án sâng sarũiq táq chóq máh cūai.

Ốc Thễ Dũan

¹² Sêm ai ơi! Cứq yoc atõng anhia muoi ớc toâr lứq neq: Ốc ntróu anhia

yoc ẽ pai, anhia chõi cũc paloõng, tở la cutẽq, tở la ramứh canõh. Ốc aléq p̄ieiq, cóq anhia pai p̄ieiq. Ốc aléq tở p̄ieiq, cóq anhia pai tở p̄ieiq. Ngkíq anhia tở bữn tamóh Yiang Sursĩ rablớh anhia.

Ốc Câu Sẻq Tẻ Yiang Sursĩ

¹³ Khân bữn cũai aléq tẻ tốp anhia ma chũuq túh coat, cóq án câu sẻq tẻ Yiang Sursĩ chuai án. Cóp khân bữn cũai aléq tẻ tốp anhia ma sâng bũi, cóq án ũat khễn Yiang Sursĩ. ¹⁴ Khân bữn cũai aléq tẻ tốp anhia ma a-ĩ tacóh, cóq anhia pởq coaiq máh cũai sớt tâng tốp sa-âm. Chơ cũai sớt ki cóq toâq atia đởq nsẻng tâng tở cũai a-ĩ ki, cóp sẻq Yiang Sursĩ táq bán cũai ki. ¹⁵ Khân alới câu cóp sa-âm samoât samoi, ốc câu ki lứq chuai cũai a-ĩ. Cóp Yiang Sursĩ táq yỏn cũai ki cõt bán. Khân cũai a-ĩ khoiq táq lôih, Yiang Sursĩ táh lôih ki tẻ. ¹⁶ Ngkíq cóq anhia pruam ngin lôih cóp manoaq câu chuai manoaq, đởq cũai a-ĩ tẻ tốp anhia tẻq cõt bán. Khân cũai tanoang o ma câu nheq rangứh rahỡ, santoiq án câu, bữn kia lứq. ¹⁷ Ê-li la cũai machớng hái tẻ. Án câu sẻq tẻ Yiang Sursĩ nheq rangứh rahỡ neq: “Chõi yỏn mia sẻng noâng.” Chơ lứq tở bữn mia noâng nheq pái cumo tadĩ. ¹⁸ Moâm ki án câu sẻq yỏn mia sẻng

loah. Ngkíq Yiang Sursĩ yỏn mia sẻng loah chu cutẽq nâi đởq amia loah máh crớng sarnóh.

¹⁹ Sẻm aị oi! Khân bữn cũai aléq tẻ anhia ma c্লóc tẻ ranáq p̄ieiq, o lứq cũai canõh chuai án yỏn píp puai loah ngê p̄ieiq. ²⁰ Cứq yoc anhia dáng neq: Cũai aléq chuai cũai c্লóc rana yỏn píp loah chu rana p̄ieiq, cũai ki lứq chuai amoong ravieq cũai c্লóc rana ki. Cóp Yiang Sursĩ lứq táh máh lôih cũai ki khoiq táq.

Phi-er Chĩc Choaiq Thõ Muoi Santoiq Atõng

Phi-er chĩc choaiq thõ muoi nãi sám 63 toaq 64 cumo ntun Yê-su canõt. Ân coi q sa-óh máh cũai Yiang Sursĩ khoiq rưoh ca õt parsáng-parsai q dũ ntõq tâng cõc cutẽq nãi. Phi-er la tẽ tõp muoi chĩt la bar nác ca rien tẽ Yê-su.

Sarác nãi Phi-er chĩc đõq aliam tõp sa-âm ca ramóh máh ọc túh coat, đõq alói yõng pacái níc máh ọc alói sa-âm. Ân atõng tẽ Yê-su chĩuq cuchĩt cõp tamoong loah, cõp nõ-ra Yê-su lữq toaq loah trõ bar. Máh cũai sa-âm cóq ramóh sa-ũĩ ọc túh coat, đõq chim alói cõp yõn alói bữn mút pahõm riap õt tanhĩr. Cóq alói õt sabóng níc tâng ọc sa-âm, chơ toaq tangái ntun, alói lữq bữn roap cóng tẽ Yê-su Crĩt.

¹ Cũq la Phi-er, cũai ayũng atĩ Yê-su Crĩt. Cũq chĩc choaiq thõ nãi coi q sa-óh máh tõp sa-âm ca õt parsáng-parsai q dũ ntõq tâng cruang Pôn-tu, cruang Ca-lati, cruang Cap-badõc, cruang Asia, cõp cruang Bi-thuni. ² Anhia la cũai Yiang Sursĩ, Mpoaq hái, khoiq rưoh, yuaq án dáng nhũang tẽ mút pahõm anhia. Cõp

Yiang Sursĩ táq yõn anhia bữn mút pahõm yoc ẽ táq ống ranác án, nhơ tẽ Ravieĩ án. Ân yõn anhia dáng trĩh Yê-su Crĩt, cõp bữn mút pahõm bráh o cõ nhơ tẽ aham Yê-su.

Cũq sũq Yiang Sursĩ chuai miat anhia cõp yõn anhia õt bán sũan ien khẽ clũĩ tẽ nhũang ên.

Hái Ngcuang Bữn Mun Tẽ Yiang Sursĩ

³ Hái sa-õn Yiang Sursĩ, la Mpoaq Yê-su Crĩt, Ncháu hái. Yuaq Yiang Sursĩ ayooq táq hái, ngkĩq án yõn hái cõt loah tamái cõp hái ngcuang tamoong parnõi cõp án, cõ án yõn Yê-su Crĩt tamoong loah tẽ cuchĩt. ⁴ Ngkĩq hái ngõh-rangõh ngcuang mun ca Yiang Sursĩ thrũan đõq yõn hái tâng paloõng. Mun ki tỡ nai abuoĩq nsóq, tỡ nai rúng cáiq, cõp tỡ nai ngõt. ⁵ Mun ki Yiang Sursĩ đõq yõn anhia. Cõp cõ anhia sa-âm, ngkĩq chõc án bán kĩaq anhia toau toaq tangái án chuai amoong anhia. Ngẽ án ẽ chuai amoong anhia, án khoiq thrũan nhũang ẽ apáh tâng tangái parsõt. ⁶ Ngkĩq anhia sãng bũĩ õn, tam sanua anhia chĩuq sa-ũĩ ramứh túh coat tâng dõĩ nãi. ⁷ Yiang Sursĩ yõn máh ramứh túh coat ki đõq chim anhia sa-âm lữq ma tỡ bữn. Yẽng la cõng tặc tâng dõĩ nãi sãng. Ma khãn noau yoc ẽ dáng lữq yẽng ma tỡ

bữn, noau đốq chim tâng ùih. Ồc sạ-âm anhia la o clũi tễ yềng, ngkíq tễ cóq Yiang Sursĩ chim anhia sa-âm samoât samoi, ma tở bữn. Khân anhia lứq sa-âm, ki Yiang Sursĩ khễn anhia cớp yỗn noau yám noap anhia tâng tangái Yê-su Crít toâq loah pở cutễq nâi. ⁸ Anhia tở nai hữm Yê-su Crít, ma noâng anhia ayooq án. Anhia tở bữn hữm án sanua, ma noâng anhia sa-âm án, cớp anhia sâng bũ hỡr nheq tễ rangứh rahỡ, tở dáng ntróu ễ tarlĩ noâng tễ ốc bũ ki. ⁹ Cỗ anhia sa-âm ngkíq, raviei anhia bữn tamoong mantái.

¹⁰ Máh cũi tang bỗq Yiang Sursĩ tễ mbỗq khoiq tutuaiq cớp rien níc yoc ễ dáng tễ ngê tamoong mantái ki. Alói khoiq atõng saccoaiq tễ máh ramứh Yiang Sursĩ ễ chuai miat anhia. ¹¹ Alói ravoât yoc ễ dáng cũi aléq cớp dũi ntróu Raviei Crít atõng tâng mút alói, toâq Raviei ki sapáh yỗn alói dáng Crít cóq chũuq túh coat, cớp ntun ki án bữn chóc ang-ữr lứq. ¹² Chơ Yiang Sursĩ atõng yỗn alói dáng máh ốc alói atõng saccoaiq ki, tở bữn toâq pở alói, ma toâq pở anhia. Cớp máh ốc alói atõng saccoaiq ki, sanua khoiq toâq chơ máh ốc ki. Cũi ca dững parnai o ki toâq pở anhia, alói atõng cỗ nhơ Raviei Yiang Sursĩ ca sễng tễ paloõng ón alói pởq

atõng. Dểh ranễng Yiang Sursĩ tâng paloõng hỡ yoc ễ dáng tễ máh ốc ki.

Ốt Bráh O

¹³ Yuaq ngkíq, cóq anhia ốt chéng-cachéng níc. Cóq anhia rabán o tở anhia bữm. Cóq anhia ngõh-rangõh nguang máh ramứh Yiang Sursĩ ễ chuai miat anhia tâng tangái Yê-su Crít toâq loah pở cutễq nâi. ¹⁴ Cóq anhia trĩh Mpoaq anhia tâng paloõng. Chũi puai noâng ranáq sáuq anhia đốq táq, bo anhia tở yũah dáng Yiang Sursĩ. ¹⁵ Yuaq Yiang Sursĩ arô anhia la cũi bráh o, ngkíq dũi ranáq anhia táq, cóq anhia táq bráh o tễ. ¹⁶ Cóq anhia táq ngkíq, yuaq tâm saráq Yiang Sursĩ tễ mbỗq khoiq pai neq:

“Cốq anhia cõt bráh o,
yuaq cứq la Yiang bráh o.”[☆]

¹⁷ Anhia đốq Yiang Sursĩ la Mpoaq anhia. Án la Yiang ca noap dũi náq cũi li-ralı nheq, cớp án rablớh dũi náq cũi puai loah máh ranáq alói khoiq táq. Khân ngkíq, cóq anhia yám noap níc án toau sốt dũi tamoong anhia. ¹⁸ Yuaq anhia dáng chơ na acán ntróu Yiang Sursĩ thái loah anhia tễ ngê ốq kia. Ngê ki toâq tễ achúc achiac anhia. Từ Yiang Sursĩ thái loah anhia, án tở bữn yỗn práq, yềng, tở la crong tềc cõt pút. ¹⁹ Ma án thái anhia toâq crong pasếq lứq, la

aham Crít. Án la samoât cữu con o, tở bữn bớch chũn ntrớu noau kiac đợc tang máh cũai lờih. ²⁰ Yiang Sursĩ anoat Crít cóq táq ranáq nài, tễ nhũang án tở yũah tễng paloõng cutẽq; ma tâng dời parsốt nài án apáh Yê-su đợc chuai anhia. ²¹ Nhợ tễ Yê-su, anhia tẽq sa-âm Yiang Sursĩ, án ca yõn Yê-su tamoonng loah tễ cuchĩt, cóp yõn Yê-su bữn chớch ang-ũr lữq. Ngkĩq anhia sa-âm cóp ngcuang ramứh o tễ Yiang Sursĩ.

²² Sanua mút pahõm anhia cõt bráh o, la cõ anhia trĩh parnai pĩeiq cóp dáng ayooq máh tỗp sa-âm samoât samoi. Chơ cóq anhia manoaq ayooq manoaq nheq tễ mút pahõm. ²³ Nhợ tễ parnai Yiang Sursĩ, la parnai tamoonng cóp tở nài ralẽq, anhia cõt loah cũai tamái. Cóp Mpoaq anhia la Yiang, tở cõn cũai. ²⁴ Tâm saráq Yiang Sursĩ tễ mbốq khoiq pai neq:

"Nheq tữh cũai la samoât bát.

Cóp dời tamoonng cũai la samoât piar bát tâng ruang.

Bát cõt khõ, chơ piar cõt saroi,

²⁵ ma parnai Yiang Sursĩ noâng níc toau sốt dũ dời."*

Cóp noau khoiq atõng anhia chơ parnai o ki.

2

Tamáu Tamoong

¹ Ngkĩq, cóq anhia cachian táh nheq ranáq sấuq. Chõĩ táq ntõng lauq; chõĩ cakẽq; chõĩ sa-on cumiq; cóp chõĩ voõq sấuq yóu. ² Cóq anhia ham parnai Yiang Sursĩ samoât carnẽn mbõĩq canõt ham đợc tóh. Chơ anhia bữn dáng sa-ũri ẽn tễ ngẽ Yiang Sursĩ, cóp anhia bữn tamoonng mantái, ³ yuaq anhia khoiq chim chơ tễ ốc sarũiq táq tễ Ncháu hái.

⁴ Cóq anhia toâq pở Ncháu. Án la samoât tamáu tamoonng cũai khoiq táh, ma tamáu ki Yiang Sursĩ khoiq ruroh cóp án pasẽq lữq. ⁵ Cóq anhia toâq yõn cõt samoât tamáu tamoonng tẽ, chơ chiau yõn Yiang Sursĩ ỉt tâc anhia đợc táq tanang đõng sang Yiang Sursĩ. Ngkĩq anhia cõt samoât cũai tễng rit sang Yiang Sursĩ tâng đõng ki. Anhia chiau sang crõng yõn Yiang Sursĩ tễ mút pahõm anhia, cõ nhợ tễ Yê-su Crít. ⁶ Tâng tâm saráq Yiang Sursĩ tễ mbốq khoiq pai neq:

"Cứq ruroh muoi cõc tamáu pasẽq lữq,

chơ đợc tâng soq đõng cứq táq tâng vil Si-ôn.

Alẽq ca sa-âm tamáu ki, án tở nài pứt ốc nguang."*

⁷ Anhia ca khoiq sa-âm, lữq anhia pasẽq tamáu ki,

ma máh cūai tở bữn sa-âm,
 Yiang Sursĩ pai tễ mbỏq neq:
 “Cốc tamáu cūai táq đổng
 khoi q táh,
 lứq samoât noau hữm
 tamáu ki o hỡn tễ máh
 tamáu canỏh.
 Chơ alới ít cớp chíp bân soq
 đổng.”*

8 Cớp parnai Yiang Sursĩ pai
 neq tễ:

“Tamáu nài cūai cudỏh,
 chơ alới chanchủai.
 Alới cudỏh, chơ alới
 dỏm.”*

Cūai tũl tamáu ki la cỗ alới
 tở bữn sa-âm parnai Yiang
 Sursĩ. Yiang Sursĩ khoi q
 anoat yỏn alới táq ngkỉq.

9 Ma anhia la cūai Yiang
 Sursĩ khoi q rườh. Anhia
 cớt cūai tẻng rit sang Yiang
 Sursĩ, án la Puo. Anhia
 la cūai miar khong Yiang
 Sursĩ. Yiang Sursĩ arô an-
 hia yỏn cớt cūai atởng máh
 ranáq salẻh án khoi q táq.
 Án arô anhia yỏn loỏh tễ
 ntỏq canám, cớp yỏn anhia
 ỏt tẻng ntỏq poang ang-ữr
 ca án khoi q thừan đỏq.*

10 Tễ nhữang anhia tở bữn
 cớt tốp ntrứu, ma sanua an-
 hia la tốp Yiang Sursĩ. Tễ
 nhữang Yiang Sursĩ tở bữn
 sâng sarủi q anhia, ma sanua
 án sarủi q táq anhia.

Cớt Sủl Yiang Sursĩ

11 Sẻm ai ời! Anhia la
 samoât cūai tamoi, samoât
 cūai ỏt đở tẻng cốc cutẻq
 nài. Máh ramứh sac sái q
 hái đỏq yoc, chỡ yỏn ramứh

ki clũom mút pahỏm an-
 hia. ¹² Cớq anhia táq pỏq o
 ỏt parnoi cớp cūai tở yủah
 sa-âm. Khân ngkỉq, toâq
 noau yoc ẻ tũn apót anhia
 táq ranáq tở o, nheq alới
 hữm ranáq anhia táq la o.
 Chơ tangái Ncháu toâq loah
 pỏ cutẻq nài, đẻh alới ki hỡ
 bữn khẻn Yiang Sursĩ.

¹³ Cớq anhia trỉh máh cūai
 sớt tẻng đởi nài, yuaq Yiang
 Sursĩ ẻq anhia trỉh alới, đẻh
 puo sớt lứq, ¹⁴ đẻh ayửng
 atỉ puo ỏn toâq manrap máh
 cūai lỏih cớp khẻn cūai o.
¹⁵ Yiang Sursĩ yoc anhia táq
 ngkỉq đỏq cupât chíq bỏq
 cūai sacủl. Alới tở tẻq pai
 noâng anhia, khân anhia táq
 níc ranáq o. ¹⁶ Anhia la tở
 cỡn cūai sủl, ma anhia chỡ
 ỡo tễ ỏc ki đỏq táq ranáq
 lỏih. Cớq anhia cớt samoât
 sủl yỏn Yiang Sursĩ. ¹⁷ Cớq
 anhia yám noap nheq tữh
 cūai, cớp ayooq máh cūai
 sa-âm. Cớq anhia cucỏh
 sang Yiang Sursĩ cớp yám
 noap puo.

Yẻ-su Crít Chửuq Túh Coat

¹⁸ Máh anhia ca táq ranáq
 yỏn cūai canỏh, cớq an-
 hia trỉh cớp yám noap cūai
 ncháu anhia, tở cỡn ỏng
 ncháu ca lavieỉ cớp táq o
 chỏq anhia, ma đẻh cūai
 tachoât hỡ. ¹⁹ Lứq Yiang
 Sursĩ yỏn ỏc bỗn pỏ cūai
 ca chửuq noau táq alới cỗ
 tian alới ẻ puai rangứh Yiang
 Sursĩ. ²⁰ Khân anhia chửuq

* 2:7 2:7 Ủat Khẻn 118:22 * 2:8 2:8 Ê-sai 8:14 * 2:9 2:9 Loỏh Tễ Ê-yip-tỏ
 19:6

tanhĩr noau táq anhia cõ tian anhia táq lôih, ớc ki Yiang Sursĩ tở bữn khẽn anhia. Ma khân anhia chiũq tanhĩr noau táq anhia ma anhia tở bữn táq lôih ntróu, ớc ki bữn kia yáng moat Yiang Sursĩ. ²¹ Yiang Sursĩ khoiƣ arô anhia yõn chiũq tanhĩr máh ramúh túh coạt. Máh ki tê Crĩt chiũq yõn anhia; chơ án cõt ngôl đợc paryõng hái táq puai án tê. ²² Án tở bữn táq lôih ntróu, cốp án tở nai pai muoi ớc lauq ntróu. ²³ Toâq noau ayê ra-ac, án tở bữn ta-đi loah. Toâq noau táq án, án tở bữn canúh ntróu alóí. Ma noâm án chiau pở Yiang Sursĩ, án ca rasũq pĩeiƣ lứq chóq nheq tữh cũi. ²⁴ Crĩt chiũq đưng tâng tở án toâp máh lôih hái táq, bo án cuchĩt tâng aluang sangcáng. Án táq ngkĩq, đợc tẽq hái cuchĩt tẽ ngê tiaq, la ngê ẽ táq lôih, chơ hái bữn tamooƣ loah tâng ngê tamái, la ngê ca ẽ táq ống ranáq tanoang o. Cõ nhor tẽ tở chác án chiũq bớch chũl, anhia khoiƣ cõt bán loah. ²⁵ Tẽ nhũang, anhia cõt samoât charán cữu clốc rana, ma sanua anhia khoiƣ pĩ loah pở án ca kĩaq rabán raviei anhia.

3

Lacuoi Cóp Cayac

¹ Máh ki tê anhia ca lacuoi, cóq ỉt mút pahõm cayac anhia. Anhia táq ngkĩq,

đợc cayac anhia ca tở bữn sa-âm parnai Yiang Sursĩ, cõt raliƣ loah mút toâq alóí hữm ranáq anhia táq. Tở bữn túh cóq anhia atõng ớc ntróu yõn alóí, ² yuaq alóí hữm máh ranáq anhia táq la o, cóp anhia yám noap alóí. ³ Tẽ ranáq anhia pasang tở chác, chõĩ ẽq nêuq ống yáng tiaƣ sâng, la tẽ anhia pasang sóc pôi ẽq o, ngcuac chúc, cóq ngcõng, sóp sambết, cóp tâc són ayoõh o. ⁴ Ma nêuq anhia cóq loõh tẽ mút pahõm. Nêuq ki la neq: Bữn mút pahõm laviei cóp táq ntõng languat laham. Nêuq ki tở nai cõt pút, cóp bữn kia lứq yáng moat Yiang Sursĩ. ⁵ Máh mansẽm tẽ mbốq ca puai ngê Yiang Sursĩ, đợc alóí cõt nêuq ngkĩq, cõ alóí ỉt pahõm cayac alóí. ⁶ Máh ki tê Sara trĩh A-praham cóp án đợc A-praham la ncháu. Anhia la samoât con mansẽm Sara tê, khân anhia táq pĩeiƣ cóp tở bữn sâng ngcõh ntróu.

⁷ Máh anhia ca cayac, cóq anhia chanchóm ẽ táq yõn bũi mút pahõm lacuoi anhia. Cóq anhia sanhữ alóí ieuq hõn tẽ anhia, yuaq alóí la mansẽm. Alóí bữn chõng tê cóp anhia máh mun Yiang Sursĩ ẽ yõn anhia bữn tamooƣ mantái. Khân anhia táq o ngkĩq, tở bữn ớc ntróu catáng parnai anhia câu sễq tẽ Yiang Sursĩ.

*Anhia Ramóh Túh Coat
Cỗ Táq Ranáq Tanoang O*

8 Nâi la parnai parsôt tể máh parnai adóh. Sẻq anhia bữn muoi mút muoi pahỏm, manoaq chuai manoaq, cớp manoaq ayoog manoaq samoat sẻm ai. Cớq anhia manoaq sarủiq táq manoaq, cớp tở bữn ốt ntrứu. 9 Khân noau táq tở la pai anhia, anhia chỏi carláh đởq; ma cớq anhia pai ốc bốn yỏn cũai ki, yuaq Yiang Sursĩ khioq arỏ anhia cớp pruum satỏh ốc bốn yỏn anhia. 10 Tâm saráq Yiang Sursĩ tể mbỏq pai neq:

“Củai alẻq yoc bủi óh tâng đỏi nâi,
cớq án dáng rabán bỏq,
chỏi loai pampla,
cớp chỏi táq ntởng lauq.

11 Cớq án viaq yờng tể ranáq sỏuq,
chờ táq ranáq o ẻn.
Cớq án ravoat ốc ien khẻ
cớp táq puai ốc ien khẻ ki.

12 Yuaq Yiang Sursĩ nhẻng níc chu củai tanoang o,
cớp án pachẻng cutữ tamửng

toỏq alỏi câu sẻq tể án.
Ma án nguai tể củai táq ranáq sỏuq.”☆

13 Khân anhia ma dec-padẻc yoc ẻ táq ranáq o, ki tở bữn củai alẻq tẻq táq anhia. 14 Ma khân anhia chửuq túh coat cỗ tian anhia táq ranáq tanoang o, Yiang Sursĩ lứq yỏn anhia bữn ốc

bốn. Anhia chỏi ngỏh cũai, cớp chỏi lơng ramủh ntrứu.

15 Ma cớq anhia yỏm noap Crít tâng mút pahỏm anhia, cớp yỏn án cớt Ncháu anhia. Cớq anhia chanchỏm nhửang santoiq ntrứu anhia ẻ ta-ỏi, khân noau blỏh tể ramủh anhia ngcuang tể Yiang Sursĩ. 16 Ma cớq anhia ta-ỏi laviei cớp khủn phẻp. Anhia táq pỏq yỏn mút pahỏm anhia tở tẻq tanỉq bữm. Ngkỉq khân củai alẻq pai sỏuq tể ranáq o anhia táq puai Crít, alỏi lứq cớt casiet táq. 17 Khân Yiang Sursĩ yoc anhia chửuq túh coat, khaq anhia chửuq cỗ tian anhia táq ranáq o, salỏng chửuq cỗ tian anhia táq ranáq lỏih. 18 Lứq Crít toỏp chửuq cuchít tang anhia. Nửm muoi trở ki toỏp án cuchít tang yỏn nheq tữh củai lỏih. Án la củai o, ma noỏng án cuchít tang củai sỏuq, đởq tẻq án đửng anhia toỏq pỏ Yiang Sursĩ. Tỏ án noau cachít, ma Raviei án tamoong mantái níc. 19 Nhỏ tể Raviei ki, Crít pỏq atởng máh raviei ca ốt tữ. 20 Máh raviei ki la raviei củai tở bữn trỉh Yiang Sursĩ tâng đỏi Nỏ-ẻ, bo Yiang Sursĩ acoan Nỏ-ẻ táq moỏm tuoc. Chờ ỏng tacual náq toỏp ỏt tâng tuoc ki bữn tamoong vớt tể đởq. 21 Tỏp Nỏ-ẻ bữn tamoong tâng đởq ki, la cớt tẻc yỏn anhia tẻq bữn tamoong tẻ nhỏ tể đởq batẻm. Đởq ki

tở bữn chuai tở anhia yỗn
bráh, ma án chuai yỗn mút
pahõm anhia cõt bráh yáng
moat Yiang Sursĩ. Cỗ nhơ
Yê-su Crĩt tamoong loah tễ
cuchĩt, Yiang Sursĩ têq chuai
amoong anhia. ²² Cóp Yê-su
chỗn loah chu paloõng, tacu
coah atoam Yiang Sursĩ. Từ
ki án sốt nheq máh ranẽng
Yiang Sursĩ cóp máh ramứh
chóc tâng paloõng hữ.

4

Anhia Táq Mpha Ên

¹ Cỗ Crĩt chũuq túh coat
tâng tở án, ngkĩq anhia cóq
chũuq tanhĩr machóng án
tê. Yuaq cũai aléq khoiq
chũuq túh coat tâng tở án,
ki án tở bữn yoc noâng
ẽ táq lờih. ² Ngkĩq nheq
dỡi tamoong án, án tở bữn
puai noâng ramứh sac sâiq
án dỏq ham, ma án puai
rangứh Yiang Sursĩ. ³ Péq
chơ anhia táq sanỏq cũai tở
bữn sa-âm Yiang Sursĩ dỏq
táq. Bo nhũang anhia dỏq
táq ranáq tanghang cóp yoc
lứq táq ranáq tở o. Anhia
cha tôn-tín cóp bũl blống.
Cóp anhia táq ranáq loài lứq
sang rup yiang. ⁴ Sanua
alới ca tở bữn sa-âm, alới
sâng dỏt lứq anhia tở ẽq
táq noâng ranáq loài cóp
ranáq yúh-yúh cóp alới. Chơ
alới ayê ra-ac anhia. ⁵ Ma
lứq samoât, nỡ-ra alới cóq
ramóh án ca rablớh dũ náq
cũai, dẻh cũai tamoong cóp
cũai khoiq cuchĩt. ⁶ Cỗ
tễ ỏc ki parnai o tễ Yê-su

Crĩt khoiq noau atõng yỗn
cũai ca khoiq cuchĩt. Alới
khoiq chũuq cuchĩt machóng
nheq tữh cũai canỏh tê. Ma
parnai o ki toâq pỡ alới,
dỏq chuai ravieĩ alới têq ta-
moong machóng cóp Yiang
Sursĩ tê.

Ranáq Ca Yiang Sursĩ Ôn Táq

⁷ Cheq ẽ toâq chơ tangái
parsốt. Ngkĩq cóq anhia
rabán o mút pahõm anhia.
Cóp cóq anhia tutuaiq níc
tễ máh ramứh ca toâq pỡ
anhia, yỗn têq anhia câu
sẻq tễ Yiang Sursĩ. ⁸ Ốc
toâr clũi nheq tễ ramứh
canỏh la cóq anhia ayooq
yóu. Khân anhia manoaq
ayooq manoaq, ki manoaq
tở bữn noap lờih manoaq.
⁹ Cóq anhia táq poang moat
mứh chỏq tamoi, cóp chỡ
bubẻq-bubửp. ¹⁰ Yiang Sursĩ
yỗn dũ náq cũai miar bữn
ranáq táq. Ma ranáq ntrớu
Yiang Sursĩ yỗn án táq, cóq
án táq ranáq ki dỏq chuai
loah yóu, yuaq ranáq ki la
tở cởn ranáq án bữm. Ma
ranáq ki la ranáq án chuai
miat puai Yiang Sursĩ yoc.
¹¹ Cũai aléq atõng parnai
Yiang Sursĩ, cóq án atõng ỉn
Yiang Sursĩ khoiq atõng án.
Aléq chuai yóu, cóq án chuai
nheq rangứh rahỡ, ariang
Yiang Sursĩ khoiq chuai án.
Khân cũai aléq táq pẻiq,
lứq noau khẻn Yiang Sursĩ
nhơ tễ Yê-su Crĩt. Cóq hái
khẻn níc Yiang Sursĩ, yuaq
án toáp ndỏm nheq ramứh

sốt cốp النهق ramúh chóc,
sốt dôi lơi cumo. Amen.

Chũuq Túh Coat

12 Sễm ai ơi! Chỗi dót
anhia chũuq sa-ữi ramúh túh
coat sanua. Chỗi chanchóm
salêh ntróu ranáq ki toâq
pở anhia. 13 Ma cóq an-
hia sâng bũi, yuaq anhia
chống tê máh ốc túh coat
ca Crít chũuq. Chơ, nỡ-ra
toâq Yiang Sursĩ apáh chóc
ang-ữr tê Crít, ki anhia cốt
bũi hỡr lứq. 14 Khân noau
pai anhia cồ tian anhia puai
Crít, ốc ki la bốn lứq yỗn
anhia, yuaq Raviei o clũi
nehq tễ canốh, la Raviei
Yiang Sursĩ lứq ốt cốp an-
hia. 15 Khân anhia chũuq túh
coat cồ anhia khoi q cachĩt
cũai, tỡ la tutuoiq, tỡ la táq
ranáq sâuq, tỡ la ramíng
cũai canốh, ki anhia chỗi
chanchóm anhia bữn kia tễ
túh coat ki. 16 Ma khân
anhia chũuq túh coat cồ noau
pai anhia la cũai Yê-su Crít,
anhia chỗi sâng casiet, ma
cóq anhia sa-ỡn Yiang Sursĩ
anhia bữn cưỡu ramúh ki.

17 Cheq toâq chơ tangái
Yiang Sursĩ rablớh nehq tữh
cũai. Khân án blớh hái
nhũang, ki nốq ên án ẽ
rablớh alóit ntun, alóit ca tỡ
bữn trĩh parnai o tễ Yiang
Sursĩ. 18 Yuaq tâm saráq
Yiang Sursĩ tễ mbốq pai neq:
“Khân coat lứq yỗn cũai
tanoang o bữn roap ốc chuai
amoong, nốq ẽn ẽ cốt chóc
máh cũai lơi cốp cũai tỡ
bữn trĩh Yiang Sursĩ?”✧

19 Yuaq ngkíq, máh cũai
Yiang Sursĩ yỗn chũuq ốc túh
coat, cóq alóit táq ranáq o
cốp chiau raviei alóit pở án
ca tễng alóit. Ntróu án ữq,
lứq án yỗn.

5

Cũai Ca Nhêng Salĩq Tốp Sa-âm

1 Sanua cứq yoc ẽ patâp
máh cũai sốt tâng đống sang
anhia. Cứq la cũai sốt
machóng anhia tê. Moat
cứq khoi q hữm máh ramúh
túh coat Crít khoi q chũuq.
Cốp cứq nguang tê bữn
ốt parnoi cốp Crít tâng
paloống. 2 Cóq anhia nhêng
o cũai tâng đống sang an-
hia, machóng cũai mantán
cữu nhêng salĩq máh cữu
án. Anhia chỗi táq pasit
panhut, ma cóq anhia táq
poân pahồm, yuaq anhia
dáng Yiang Sursĩ yoc anhia
táq ngkíq. Anhia chỗi táq
ranáq ki cồ yoc ẽ bữn práq
sa-ữi, ma anhia táq cồ yoc
ẽ chuai yóu. 3 Anhia chỗi
mantoâr chóc tốp sa-âm, ma
cóq anhia nguai ayông alóit.
4 Chơ nỡ-ra, tỡ án ca sốt
cũai mantán toâq, lứq án
yỗn anhia tapưng vuam puo.
Vuam ki ang-ữr lứq cốp tỡ
nai ngót.

5 Machóng ki tê, anhia
cũai póng, cóq anhia ít
pahồm cũai carsai. Cốp
nehq tữh anhia cóq manoaq
chỗi ốt chóc manoaq, yuaq

tâm saráq Yiang Sursĩ tẽ mbõq pai neq:

“Yiang Sursĩ tở bữn noap cũi ốt,
ma án chuaj miat cũi
ca asẽng tở.”^{*}

6 Cóg anhia asẽng tở yáng moat Yiang Sursĩ; chơ toâq ngư, án lứq achõn anhia.

7 Ramứh ntróu anhia clong, anhia chiau pở án, yuaq án bán curiaq anhia.

8 Cóg anhia kĩaq cốp nhẽng níc, yuaq yiang Satan yoc ẽ táq anhia, án la samoât cula samín ốt ríng níc ẽ palõng cáp anhia.

9 Cóg anhia táng chíl loah án, yuaq anhia dáng máh ramứh túh coat anhia chũuq sanua la machóng cũi sa-âm tâng dũ cruang canõh la ramóh tê.

10 Chơ moâm anhia chũuq túh coat ốt mahõi sâng, lứq Yiang Sursĩ toâp yõn anhia cõt o loah, cốp yõn anhia cõt rêng cốp pacái lứq ẽn. Yiang Sursĩ chuai miat nheq tữh ramứh ntróu hái cóq bữn, cốp án arô hái yõn chõng tê chóc ang-ữr án toau sớt nheq dõi, cõ nhơ tẽ Crít. 11 Sẻq yõn ớng án toâp cõt sớt níc dũ dõi lời cumo. Amen.

Parnai Sa-óh

12 Cứq chĩc bĩq sãtoiq nãi cõiq chu anhia nhơ Si-la* chuai cứq. Si-la sễm ai ratoi lứq cốp cứq. Cứq chĩc bĩq parnai nãi đõq catoaih atõng anhia cốp yõn anhia dáng máh ramứh anhia

khoiq sa-âm chơ, lứq pĩeiq Yiang Sursĩ chuai miat anhia ngkĩq. Cóg anhia sabóng níc tâng ramứh ki.

13 Tởp sa-âm tâng vil Babulôn, alói ca Yiang Sursĩ ruroh machóng cốp anhia, cõiq parnai sa-óh anhia. Dẻh ramon cứq, Mac, hỡ cõiq parnai sa-óh anhia.

14 Sẻq anhia manoaq cubán cusũan manoaq cốp manoaq ayooq manoaq. Sẻq Yiang Sursĩ chuai nheq tữh anhia ca sa-âm Crít yõn ốt bán sũan ien khẻ níc.

^{*} 5:5 5:5 Pali Panha 3:34 * 5:12 5:12 Tở la Sin-van.

Phi-er Chĩc Choaiq Thõ Bar Santoiq Atõng

Phi-er chĩc choaiq thõ bar nài sám 66 cumo ntun Yê-su canõt. Choaiq thõ nài án coi q sa-óh tốp ca sa-âm ariang án tê. Án chĩc đõq catoaih atõng alóit tẽ máh cũai táq nan tang bõq Yiang Sursĩ, ma tỡ bữn noap tangái Yê-su Crĩt toâq loah. Alóit pai Yê-su par-ũq khoiq dũn chơ, ma tỡ hữm án toâq. Ma saráq nài atõng yõn máh cũai sa-âm dáng samoát lứq la Yê-su Crĩt lứq toâq loah trõ bar. Ma Yiang Sursĩ noâng ayuang tangái casai, yuaq án tỡ ẽq muoi noaq aléq cõt pút. Ma án ẽq dũ náq cũai tẽq bữn ngin lóih, chơ cachian táh nheq máh ranáq sâuq alóit coi táq.

¹ Cúq Si-môn Phi-er, la cũai táq ranáq yõn Yê-su Crĩt cóp táq ranáq cõt ayũng atĩ án. Cúq chĩc choaiq thõ nài coi q sa-óh anhia ca sa-âm machõng hếq. Cỗ tẽ ốc tanoang o tẽ Yiang Sursĩ hái, cóp Yê-su Crĩt, án ca chuai amoong hái, hái bữn ốc sa-âm ca bữn kia lứq. ² Cúq sếq Yiang Sursĩ chuai miat anhia sa-ũĩ lứq ẽn, cóp yõn anhia ốt bán sũan ien khẽ níc, yuaq anhia dáng raloaih tẽ ngê Yiang Sursĩ cóp Yê-su, Ncháu hái.

Yiang Sursĩ Arô Cóp Rươh

³ Cỗ Yê-su Crĩt bữn chóc tẽ Yiang Sursĩ, án yõn hái bữn dũ ramứh đõq hái tẽq táq ranáq Yiang Sursĩ tâng đõit tamoong hái. Hái bữn dũ ramứh ki, la cỗ hái dáng tẽ ngê Yê-su Crĩt, án ca arô hái, cóp yõn hái bữn chóc ang-ũr cóp mút o lứq machõng án tê. ⁴ Ngkĩq Yiang Sursĩ khoiq ữq chuai yõn hái bữn máh ốc toâr cóp ốc pasếq lứq. Án táq yõn hái cõt muoi mút muoi pahõm cóp án. Khân anhia cõt muoi mút cóp Yiang Sursĩ, ngkĩq anhia tẽq viaq vót tẽ máh ngê tâng đõit nài ca ẽ radũng anhia táq ranáq sâuq. Cũai aléq ma yoc táq ranáq sâuq, nỡ-ra án lứq cuchĩt pút. ⁵ Cỗ anhia khoiq sa-âm Yê-su chơ, cóq anhia cutõng nheq rangứh đõq cõt khũn o tê. Toâq anhia cõt khũn o, cóq anhia rien tũm ẽn yõn dáng sa-ũĩ ngê ran-goaiq tẽ Yiang Sursĩ. ⁶ Toâq anhia dáng sa-ũĩ ngê ran-goaiq Yiang Sursĩ, cóq anhia rien tũm ẽn yõn dáng rabán tỡ anhia bữm. Toâq anhia dáng rabán tỡ bữm, cóq anhia rien tũm ẽn chũuq tanhĩr ốc túh coat. Toâq anhia rơi chũuq tanhĩr túh coat, cóq anhia rien tũm ẽn táq ranáq yõn Yiang Sursĩ sâng bũi pahõm. ⁷ Toâq anhia dáng táq ranáq yõn Yiang Sursĩ sâng bũi pahõm, cóq anhia rien tũm ẽn rachuai sẽm ai anhia. Toâq anhia dáng

rachuai sêm ai, cóq anhia rien tũm ẽn bũn mút pahõm ayooq yõu. ⁸ Khãn anhia khoiq bũn chơ máh ngê o nãi, cóp khãn ngê nãi cõt toâr achõn tâng mút pahõm anhia, ngkíq máh ngê nãi cõt palâi tâng mút pahõm anhia, cóp anhia bũn kia, la anhia bũn dáng samoât lứq tẽ ngê Yê-su Crít, Ncháu hái. ⁹ Ma cũai aléq ca õq ngê o nãi, cũai ki cõt samoât cũai sõm cóp sũt moat, yuaq án khlĩr Yiang Sursĩ khoiq táh lỏih án táq tẽ nhũang.

¹⁰ Ngkíq sêm ai ơi, cóq anhia cutóng táq yõn o hõn tẽ nhũang, yuaq Yiang Sursĩ khoiq arõ cóp rườh anhia. Khãn anhia táq ngkíq, anhia tõ bũn nguai tẽ anhia sa-âm Yiang Sursĩ. ¹¹ Chơ nỡ-ra anhia tẽq õt tamoong mantái tâng ntốq Yê-su Crít sốt. Yê-su la án ca chuai amoong hái, cóp án la Ncháu hái.

¹² Ngkíq, tam anhia khoiq dáng raloaih tẽ máh ngê nãi, cóp sa-âm samoât lứq máh ốc pĩeiq anhia khoiq roap chơ, ma cóq noâng yoc ẽ catoaih anhia yõn sanhữ níc tẽ ngê nãi. ¹³ Maléq dũn cóq noâng tamoong, cóq chanchóm pĩeiq cóq atõng loah anhia, yõn anhia sanhữ níc tẽ ngê nãi. ¹⁴ Cúq dáng tõ bũn dũn noâng cóq cuchĩt ariang Yê-su Crít, Ncháu hái, khoiq atõng cóq

chơ. ¹⁵ Ma cóq cutóng chuaq rana đõq atõng yõn anhia tẽq sanhữ dũ ngê nãi vớt cóq cuchĩt.

Phi-er Khoiq Hũm Ang-ũr Yê-su Crít

¹⁶ Toãq hếq atõng anhia tẽ Yê-su Crít, Ncháu hái, toãq loah pỡ cutẽq nãi, cóp án bũn chóc toâr lứq, ma hếq tõ bũn táq ntõng samoât noau nsũar; ma moat hếq toãp khoiq hũm chơ chóc sốt toâr án. ¹⁷ Bo Yiang Sursĩ, Mpoaq hái tâng paloõng, khoiq yám noap cóp khẽn Yê-su, bo ki hếq õt ntốq ki tê. Bũn srong tẽ Yiang Sursĩ atõng cóp Yê-su neq: “Nãi la Con cóq, án ca cóq ayooq lứq. Ntrớu án táq, la cóq bũi nheq.”

¹⁸ Lứq samoât, hếq toãp khoiq sâng srong tẽ paloõng pai ngkíq, bo hếq õt parnoi cóp Yê-su tâng cóh, cóp hếq hũm Yê-su samblót cõt roãp mpha ẽn.

¹⁹ Cóp clũi tẽ ki ẽn, hếq khoiq sâng cóp dáng tẽ máh santoiq cũai tang bõq Yiang Sursĩ tẽ mbõq atõng tẽ Yê-su. O lứq yõn anhia tamứng cóp noap máh parnai alới, yuaq parnai ki la ariang chóp tóu claq poang tâng ntốq canám, toau poang tarup cóp mantõr priang claq tâng mút pahõm anhia.* ²⁰ Ma nhũang lứq cóq anhia dáng raloaih neq:

* **1:19** 1:19 Poang tarup la sacâm tẽ tangái Yê-su toãq loah pỡ cutẽq nãi. Cóp Yê-su la samoât riang mantõr priang claq tâng tarup, chơ táq yõn mút pahõm cũai sâng bũi ỡn lứq.

Dũ santoiq tâng tâm saráq Yiang Sursĩ tở cởn chớng loỏh tễ mút pahỏm cũai. ²¹ Ma Raviei Yiang Sursĩ toạp atởng yỏn mút pahỏm cũai dáng dũ santoiq ki đợc alới atởng tang parnai Yiang Sursĩ.

2

Cũai Táq Nan Atởng Tễ Ngê Yiang Sursĩ

¹ Tễ mbỏq, bữn máh cũai táq nan alới la cũai tang bỏq Yiang Sursĩ. Chơ alới pỏq atởng máh cũai proai. Machớng ki tê, nỡ-ra lứq bữn cũai toạp pỡ anhia, alới táq nan atởng tễ ngê Yiang Sursĩ. Alới atởng ngê tở bữn p̄ieiq, ẽq máh tốp sa-âm cởt rúng. Cóp alới calõih táh Ncháu nheq tữh cũai, án ca khoiq thái alới. Ngkíq alới chớng táq yỏn raviei alới cởt pút toạp. ² Bữn cứng cũai yoc ẽ puai máh ngê sỏuq alới atởng. Cỏ tễ alới ki, yuaq bữn cũai acrieiq ngê p̄ieiq tễ Yiang Sursĩ. ³ Alới ca táq nan atởng ngê Yiang Sursĩ, alới atởng anhia parnai raphẽq rathũ, yuaq alới yoc ẽ bữn lờ tễ anhia. Tễ nhũang lứq Yiang Sursĩ dadỏq ẽ táq alới, cốp tở bữn dũn noàng án lứq pupút alới.

⁴ Lứq samoât, Yiang Sursĩ apỏng đẻh ranẻng án, ca táq lỏih tâng pỏng sarloac. Ntỏq ki canám pẻc lứq. Noau chỏq ranẻng ki toạp sỏi-sỏ toau yỏn toạp tangái Yiang

Sursĩ rablớh nheq tữh cũai. ⁵ Cóp Yiang Sursĩ tở bữn đợc tê máh cũai tễ mbỏq, bo án tẻng yỏn cởt raloâm đợc toạp pỡ dũ náq cũai loài tâng cốc cutẻq nài. Yiang Sursĩ chuai amoong óng tacual náq tễ đớng sũ Nô-ê sỏng, yuaq Nô-ê la cũai atởng ngê tanoang o tễ Yiang Sursĩ. ⁶ Cóp Yiang Sursĩ chớng bar vil Sadỏm cốp Camỏ-rỏ yỏn cat cởt chít bỏh. Án pupút bar vil ki, đợc cởt tẻc yỏn cũai ca táq ranáq sỏuq tâng dỡi ntun dáng ntrứu án ẽ táq chỏq cũai loài. ⁷ Ma Yiang Sursĩ chuai amoong manoaq Lot sỏng yỏn án loỏh tễ vil ki, yuaq Lot bữn mút tanoang o, cốp án sỏng a-ĩ mút hữm máh cũai tâng vil ki táq níc ranáq sỏuq. ⁸ Lot ỏt mpứng dĩ máh cũai ki. Cu rangái án hữm cốp sỏng níc tễ máh ranáq sỏuq alới táq. Ma án bữn mút tanoang. Ngkíq án sỏng a-ĩ yarĩaq tâng mút án toạp án hữm máh cũai táq sỏuq níc ngkíq. ⁹ Lứq Yiang Sursĩ chuai amoong máh cũai ca puai ngê án. Án acỏq arỏq alới tễ máh ramứh túh coat. Cốp án dadỏq ẽ táq máh cũai sỏuq toạp tangái án rablớh cốp táq alới. ¹⁰ Lứq samoât, án táq ngkíq chỏq cũai ca puai ngê sỏuq tễ mút pahỏm alới cốp mumat chỏc Yiang Sursĩ.

Máh cũai táq nan atởng ngê Yiang Sursĩ, alới clỏq lứq

cóp alói achôn tở bữm. Alói tở bữn sâng ngcõh ntróu tể pai tở o tể máh ramứh sớt tâng paloõng. ¹¹ Ma dếh ranẽng Yiang Sursĩ tâng paloõng, ca bán rêng cốp bữn chóc toâr, la tở khón pai tở o ntróu tể máh ramứh sớt ki yáng moat Yiang Sursĩ. ¹² Ma máh cũai táq nan, alói cõt samoât charán. P̄ieiq lứq noau cốp cốp cachĩt alói. Alói mumat máh ramứh alói tở bữn dãng. Ngkíq nỡ-ra, alói pứt ariang charán tẽ. ¹³ Alói cóq chĩuq túh coat machóng alói khoiq táq chóc cũai canõh tẽ. Alói par-ẽq thág táq ranáq sâuq bo noâng tangái. Alói cõt ariang muoi tếc crong nhợp tốt tâng aroâiq bráh. Ranáq alói táq, ki táq yõn anhia sâng casiet. Alói yoc lứq rathũ raphẽq anhia bo alói cha parnoi cốp anhia tâng tangái rôm cha bũ. ¹⁴ Toâq alói hũm mansẽm aléq, ki mút alói chanchóm yoc ẽ bữn mansẽm ki. Alói tở nai moâm táq ranáq lôih. Alói radũng máh cũai sa-âm tở yũah khâm yõn táq sâuq. Alói rangoaiq lứq chuaq máh mút alói ham. Nỡ-ra Yiang Sursĩ lứq pupút alói! ¹⁵ Alói khoiq táh rana tanoang. Ngkíq alói clocs rana, chơ pỡq tâng rana puai ngẽ cũai mbỏq ramứh Balam, con samiang Bê-ô. Án ham yoc ẽ bữn cóng tể ngẽ sâuq. ¹⁶ Ma bữn aséh dẽn tểq án táq lôih. Aséh

ki pai na sường cũai, đõq catáng án, tở yõn án táq ranáq ỉn cũai yúh táq.

¹⁷ Alói ca táq nan atõng tể ngẽ Yiang Sursĩ la ariang mec óq đõq hoi. Cóp alói ariang talúc cuyal phát dũng. Yiang Sursĩ khoiq thũan muoi ntóq canám tếc-tếc yõn alói õt nỡ-ra. ¹⁸ Yuaq alói atõng ẽq noau chanchóm alói rangoaiq, ma santoiq alói pai la lứq sacũl. Alói pai tở bữn ntróu sami-ang yoc ẽ táq tở o chóc mansẽm. Ngkíq alói radũng máh cũai sa-âm tở yũah khâm, cũai ca mbỡiq loõh tể cũai puai ngẽ sâuq yõn táq loah ranáq sâuq. ¹⁹ Alói pai cũai sa-âm tẽq táq puai mút pahõm alói sâng yoc. Ma alói ca pai ngkíq, lứq alói toâp la sũl yõn ngẽ lôih. Ngẽ ntróu radũng cũai, cũai ki lứq cõt sũl yõn ngẽ ki. ²⁰ Ngkíq, khân bữn cũai viaq vớt tể ngẽ sâuq tâng dõi nâi, cõ alói dãng Yê-su Crĩt, Ncháu hái, án ca chuai amoong hái, ma ntun ẽn ngẽ sâuq ki radũng loah cũai ki táq sâuq, ngkíq án cõt sâuq clũi tể nhũang ẽn. ²¹ Khân alói khoiq dãng chơ rana tanoang o, ma alói pĩh táq loah ranáq sâuq, ki khaq alói tở bữn dãng ntróu thág tể ngẽ Yiang Sursĩ, saláng alói dãng chơ pĩh tở ẽq puai noâng ngẽ ki. ²² Alói ca táq ngkíq, la táq yõn cõt rap̄ieiq máh parnai sacâm neq: “Acho cuta, chơ án pĩh

chu yễ loah carta án,” cớp
 “Alic khoiq mpoi đờq cớt
 bráh chơ, moâm ki án pờq
 roam tâng talĩng sĩa.”^{*}

3

Yê-su Crít Toâq Loah

1 O sễm ai cứq ayoq lứq
 ơi! Bar trở tâng nâi chơ cứq
 chĩc choaiq thờ đờq sa-óh
 anhia. Cứq chĩc cớ ễ anhoac
 anhia yỗn chanchóm samoât
 samơi tễ máh ramứh o cứq
 khoiq atõng anhia. 2 Cứq
 ễq anhia sanhữ loah máh
 parnai cũai tang bõq Yiang
 Sursĩ, án ca bráh o khoiq
 catoaih tễ nhũang. Cớp
 cứq ễq anhia sanhữ loah
 ớc patâp tễ Ncháu hái, án
 ca chuai amoong hái. Máh
 cũai ayững atĩ Yê-su Crít
 khoiq atõng anhia ớc patâp
 ki. 3 Dâu lứq cóq anhia
 dáng neq: Bo cheq ễ toâq
 tangái parsốt, lứq bữn cũai
 ễ ỉt rangứh alới bữm. Alới
 ki ayê ra-ac anhia. 4 Alới
 pai neq: “Yê-su nâi, án ữq ễ
 toâq loah. Nlẻq anhia hữm
 án toâq loah? Tễ tangái án
 ữq ngkĩq, sa-ữi cũai cuchĩt
 chơ, ma tở hữm ntrầu yũah.
 Tễ tangái Yiang Sursĩ tễng
 paloõng cutẻq la patoat ki
 níc.”

5 Alới pai ngkĩq, yuaq
 alới tở bữn chanchóm neq:
 Dâu lứq, nhơ tễ parnai
 Yiang Sursĩ, bữn cớt paloõng
 cutẻq. Án tễng cớc cutẻq
 nâi yỗn loõh tễ đờq cớp nhơ

tễ đờq. 6 Cớp cớ tian tễ
 đờq raloâm, cutẻq tễ mbỏq
 cớt rúng ralõh neq. 7 Ma
 sanua, nhơ tễ parnai Yiang
 Sursĩ, án noâng đờq paloõng
 cớp cớc cutẻq nâi. Án đờq
 toau toâq tangái án ễ rablõh
 cũai cớp pupút neq máh
 cũai lờih. Tangái ki án ễ
 chõng paloõng cutẻq yỗn cat
 neq.

8 Ma sễm ai ơi, anhia
 chõi khữr muoi ramứh
 nâi: Yiang Sursĩ noap muoi
 tangái la machõng muoi
 ngin cumo, cớp muoi ngin
 cumo la machõng muoi
 tangái. 9 Yiang Sursĩ tở bữn
 yũt tễ ranáq án khoiq ữq,
 ariang cũai đờq chanchóm.
 Ma Yiang Sursĩ táq lavie
 lahõi chỏq anhia. Án nguai
 ayuang cớ án tở ễq manoaq
 alẻq cớt cuchĩt pút, ma án
 ễq dũ náq cũai cachian táh
 máh ranáq lờih alới táq.

10 Ma tangái Ncháu toâq
 loah la samoât cũai savẻng
 mut tâng đõng, hái san-
 tar sâng. Tangái ki noau
 sâng hỏ raloâm ralức tâng
 paloõng, chơ paloõng cớt
 pút. Máh crong tâng
 paloõng cớp cutẻq cớt lahữ
 neq ariang cat ừih. Cớp
 neq tữh ramứh tâng cớc
 cutẻq nâi cớt pút neq.
 11 Khân dũ ramứh tâng
 cutẻq nâi cớt rúng ralõh
 neq, ki anhia cớt nõq ễn?
 Cóq anhia chiauh sang tở an-
 hia yỗn Yiang Sursĩ, cớp

táq ống ranáq án sâng.
 12 Cóq anhia ốt ngcuang
 níc tangái Ncháu toáq loah
 cóp táq manriáuq yỗn cháit
 toáq tangái ki, la tangái
 Yiang Sursĩ chống pupút
 paloống cóp táq yỗn dũ
 ramứh tâng paloống cóp
 cutểq cốt lahĩr nheq. 13 Ma
 Yiang Sursĩ khoi q ữq ể tểng
 paloống tamái cóp cutểq
 tamái; ngkíq yuaq hái ốt
 ngcuang. Ntốq ki la ntốq
 noau táq ống ranáq tanoang
 o sâng.

14 Yuaq ngkíq, sểm ai ời,
 cũ anhia ngcuang ramứh ki,
 cóq anhia cutóng níc táq
 ranáq o yỗn Yiang Sursĩ hữm
 anhia tở bữn lờih ntróu yáng
 moat án; cóp cóq anhia
 bữn mút pahỏm ốt ratoi
 cóp án. 15 Cóq anhia dáng
 Yiang Sursĩ ayuang ểq anhia
 têq bữn tamoong mantái.
 Sểm ai hái, Phau-lô, khoi q
 chĩc atống anhia máh ki tê,
 cũ Yiang Sursĩ yỗn án bữn
 ốc rangoai q. 16 Nheq tữh
 choai q thờ Phau-lô chĩc, án
 đốq atống tể ramứh nâi.
 Choai q thờ ki bữn ốc ca coat
 yỗn hái sapúh. Ốc ki, cũai ca
 yoc ể raphểq cũai sacũl, alóit
 pai mpha ển tể ngê Phau-
 lô atống. Cóp alóit táq máh
 ki tê cóp santoi q canỏh tâng
 parnai Yiang Sursĩ. Alóit táq
 ngkíq, la alóit toáp cốt cuchĩt
 pút.

17 Sểm ai ời, anhia dáng
 chơ máh ramứh nâi. Ngkíq
 cóq anhia nhêng yỗn o chổi

yỗn cũai lờih radững anhia
 táq ranáq lờih, chơ anhia
 sapĩl tể ntốq khâm. 18 Ma
 sểq anhia cốt toár achốn
 tâng máh ramứh Yê-su Crĩt
 chuai miat anhia cóp máh
 ramứh anhia dáng tể ngê
 án. Chóc ang-ữr cóp san-
 toiq khển ốt níc cóp Yê-su
 Crĩt, Ncháu hái, án ca chuai
 amoong hái, tể sanua toau
 toáq tangái parsốt. Amen.

Yang Chĩc Choaiq Thõ Muoi Santoiq Atõng

Yang chĩc choaiq thõ muoi nãi sãm 90 cumo ntun Yê-su canõt. An cõiq choaiq thõ nãi dõq sa-õh mäh con ramon an tâng tốp sa-âm. Yang la manoaq tẽ tốp rien tẽ Yê-su. Cõp bo an chĩc thõ nãi, an khoiq thâu lữq chõ. An atõng tẽ Yê-su, cõp an dõq Yê-su la Parnai Tamoong. An ngin an khoiq hũm Yê-su, cõp bũn satoaq tõ Yê-su. Ngkĩq an tẽq atõng pĩeiq cõp raloaih lữq tẽ mäh ranáq Yê-su khoiq táq, cõp tẽ mäh ốc Yê-su khoiq atõng.

Saráq nãi atõng tẽ Yiang Sursĩ la Ốc Poang, cõp catoaih atõng tốp sa-âm cóq tayáh põq tâng Ốc Poang ki. An sươq alóit chõit tamứng mäh santoiq cũai táq nan tang bõq Yiang Sursĩ, cõ alóit ẽ caryoah tốp sa-âm yõn cõt sa-ũri tốp. Mäh cũai ki pai Yê-su tõ cõn Con Yiang Sursĩ Cõt Cũai; alóit chanchõm ốc chuai amoong tõ bũn túh cóq ốt ratoit, tõ la ayooq cũai canõh.

Saráq nãi cõt tẽc catoaih mäh cũai sa-âm cõp sươq chõit pasẽq ngẽ tâng dõit nãi. "Mäh ramứh tâng dõit nãi ca cũai dõq ham, moat cũai

hũm yoc ẽ bũn, cõp mút cũai chanchõm alóit o hõn tẽ cũai canõh, mäh ramứh nãi tõ bũn toáq tẽ Yiang Sursĩ, ma toáq tẽ dõit nãi sâng." (Pún 2:16)

Parnai Tamoong

1 Hẽq chĩc parnai nãi dõq atõng anhia tẽ Parnai Tamoong.* An tamoong cõp Yiang Sursĩ tẽ nhũang Yiang Sursĩ tẽng paloõng cutẽq. Hẽq khoiq sâng sương an, moat hẽq khoiq hũm an, cõp atĩ hẽq khoiq satoaq tõ an. 2 Parnai Tamoong nãi khoiq toáq põ hẽq, cõp hẽq khoiq hũm an. Ngkĩq hẽq tẽq chĩc atõng anhia tẽ ranáq ki. Parnai Tamoong nãi ốt mantái níc tõ nai pút. Nhũang an toáq põ hẽq, an ốt níc cõp Yiang Sursĩ, Mpoaq an. 3 Hẽq chĩc atõng yõn anhia dáng tẽ mäh ranáq hẽq khoiq hũm cõp mäh ramứh hẽq khoiq sâng tẽ an, yuaq hẽq yoc anhia ốt muoi mút cõp hẽq, samoat hẽq ốt muoi mút cõp Yê-su Crĩt cõp Yiang Sursĩ, Mpoaq an, tẽ. 4 Ngkĩq hẽq chĩc parnai nãi ẽq anhia sâng bũi pahõm cõp hẽq, chõ mút pahõm hái bũn moang ốc bũi óh.

Yiang Sursĩ La Ốc Poang

5 Nãi la parnai hẽq khoiq sâng Yê-su atõng, cõp hẽq yoc anhia dáng tẽ: Yiang Sursĩ la ốc poang. Tõ bũn ốc canám ntrõu tẽq ốt cõp an.

* 1:1 1:1 Parnai Tamoong la Yê-su Crĩt.

⁶ Ngkíq, khân bõq hái pai hái õt muoi mút cóp Yiang Sursĩ ma tâng mút pahõm hái noâng ẽ táq ranáq sâuq, ốc ki la samoát hái tayáh tâng ntốq canám cóp táq ntõng lauq sâng. Parnai hái pai tở bữn rapieiq cóp ranáq hái táq. ⁷ Ma khân hái bữn mút pahõm yoc ẽ táq ranáq Yiang Sursĩ, ốc ki la samoát hái tayáh tâng ntốq poang, yuaq Yiang Sursĩ õt ntốq poang. Ngkíq hái manoaq ratoi cóp manoaq. Cóp Yiang Sursĩ táh nheq lóih hái, cõ nhơ tẽ Yê-su, Con án, cuchĩt tang hái.

⁸ Khân hái pai hái tở bữn bữn lóih ntróu, hái phéq tở hái bữm. Cóp tâng mút pahõm hái tở bữn bữn muoi ốc p̄ieiq ntróu. ⁹ Khân hái ngin nheq ranáq lóih hái khoiq táq, ki Yiang Sursĩ lứq táh lóih hái ariang án khoiq ữq chơ, yuaq Yiang Sursĩ táq tanoang tapúng níc. Cóp án yõn mút pahõm hái cõt bráh o, tở ẽq táq noâng ranáq sâuq. ¹⁰ Khân hái pai hái tở nai táq lóih ntróu, ốc ki la ariang hái calauq Yiang Sursĩ, yuaq án pai nheq tữh cũai bữn lóih. Ngkíq parnai Yiang Sursĩ tở bữn õt tâng mút pahõm hái.

2

Yê-su Crĩt Chuai Hái

¹ Mách con ramon cứq ơi! Cứq chĩc máh ốc nâi đõq anhia tẽq viaq táq ranáq lóih. Ma khân bữn noau tẽ anhia táq ranáq lóih ntróu,

Yê-su Crĩt, án ca tanoang o lứq, án rapai chuai hái yáng moat Yiang Sursĩ. ² Án toáp cuchĩt tang hái, cõ tian lóih hái, cóp cõ tian lóih nheq tữh cũai.

³ Khân hái trĩh máh ốc Yiang Sursĩ patâp, ki tẽq hái ngin hái dáng án. ⁴ Ma khân bữn cũai pai neq: “Cứq dáng Yiang Sursĩ chơ,” ma án tở bữn trĩh máh ốc Yiang Sursĩ patâp, ki án táq ntõng lauq sâng, cóp parnai Yiang Sursĩ tở bữn õt tâng mút pahõm án. ⁵ Ma cũai aléq trĩh parnai Yiang Sursĩ, lứq samoát cũai ki ayooq Yiang Sursĩ nheq rangúh rahõ án. Khân hái táq ngkíq, hái dáng samoát lứq hái bữn muoi mút cóp Yiang Sursĩ. ⁶ Cóp cũai aléq pai án bữn muoi mút cóp Yiang Sursĩ, cớq cũai ki táq machớng Yê-su khoiq táq chơ.

Parnai Tiaq Cõt Parnai Tamái Ẽn

⁷ Sẽm ai cứq ơi! Ồc cứq chĩc patâp anhia sanua la tở cõn ốc patâp tamái. Ma ốc nâi la ốc tiaq, anhia khoiq bữn tẽ tangái anhia mbõiq sa-âm parnai o tẽ Yê-su Crĩt. Ồc patâp nâi noau khoiq atõng anhia tẽ nhũang chơ.

⁸ Ma sanua cứq chĩc ốc patâp nâi yõn anhia la ariang ốc patâp tamái tê. Mách ốc patâp nâi la p̄ieiq lứq, cóp Yê-su khoiq apáh ốc nâi chơ. Anhia la apáh tê ốc nâi. Ngkíq ốc canám ntôm taiq,

cóp ốc poang p̄ieiq lứq khoiq
claq chơ.

⁹ Cũai aléq pai án ốt
tâng ntốq poang, ma án kêt
máh sễm ai án, lứq samoât
cũai ki noâng ốt tâng ntốq
canám. ¹⁰ Ma cũai aléq
ayooq sễm ai án, cũai ki ốt
tâng ntốq poang. Ngkíq án
tở bữn ngcõh cudõh. ¹¹ Ma
cũai aléq kêt sễm ai án, cũai
ki ốt tâng ntốq canám. Cóp
án tayáh tâng ntốq canám
tở dáng p̄léc p̄léc, yuaq
canám ki táq yõn án cõt
samoât cũai sũt moat.

¹² Cứq chĩc parnai nâi
yõn anhia ca samoât con
ramia cứq, yuaq lờih anhia
khoiq Yiang Sursĩ táh chơ
cỗ Yê-su Crĩt cuchĩt tang
anhia. ¹³ Cứq chĩc par-
nai nâi yõn anhia ca cõt
mpoaq, yuaq anhia khoiq
dáng Yê-su, án ca ốt cóp
Yiang Sursĩ tễ nhũang Yiang
Sursĩ tở yũah tễng paloõng
cutẽq. Cứq chĩc parnai
nâi yõn anhia cũai póng,
yuaq anhia khoiq chíl riap
chơ yiang Satan. Cóp cứq
chĩc parnai nâi yõn anhia
ca noâng carnẽn, yuaq an-
hia khoiq dáng Yiang Sursĩ
chơ. ¹⁴ Cứq chĩc parnai nâi
yõn máh cũai mpoaq, yuaq
anhia khoiq dáng Yê-su, án
ca ốt cóp Yiang Sursĩ tễ
nhũang Yiang Sursĩ tở yũah
tễng paloõng cutẽq. Cứq
chĩc parnai nâi yõn anhia
ca póng, yuaq anhia la cũai
bán rêng lứq. Parnai Yiang
Sursĩ ốt níc tâng mút pahõm

anhia, cóp anhia khoiq chíl
riap chơ yiang Satan.

¹⁵ Nheq tữh anhia chõĩ
pasẽq ngê tâng dõĩ nâi, cóp
chõĩ ham máh ramứh sâuq
tâng dõĩ nâi. Khân cũai aléq
ma pasẽq ngê tâng dõĩ nâi,
ki án tở bữn pasẽq noâng
ngê Yiang Sursĩ. ¹⁶ Máh
ramứh tâng dõĩ nâi ca cũai
dốq ham, moat cũai hữm
yoc ẽ bữn, cóp mút cũai
chanchóm alớĩ o hõn tễ cũai
canõh, máh ramứh nâi tở
bữn toâq tễ Yiang Sursĩ, ma
toâq tễ dõĩ nâi. ¹⁷ Cóp
máh ramứh tâng dõĩ nâi
cũai dốq yoc ẽ bữn, nỡ-ra
máh ramứh ki cõt pút nheq.
Ma cũai aléq puai rangứh
Yiang Sursĩ, án bữn tamoong
mantái.

*Cũai Yoc Ễ Pupút Máh
Ranáq Yê-su*

¹⁸ Máh con ramon cứq ơ!
Dõĩ nâi la dõĩ parsốt thág.
Anhia khoiq sâng chơ noau
pai nỡ-ra bữn manoaq táq
nan ngin án la Crĩt, ma
lứq án ẽ pupút ngê Yê-
su Crĩt. Cứq atõng an-
hia sanua, khoiq toâq cứng
cũai yoc ẽ pupút ngê Yê-su.
Ngkíq háĩ dáng dõĩ nâi la dõĩ
parsốt. ¹⁹ Máh cũai ki chõng
loõh bữm tễ tốp háĩ, yuaq
alớĩ tở bữn bữn muoi mút
cóp háĩ. Khân alớĩ lứq muoi
mút cóp háĩ, ki alớĩ ốt loâng
cóp háĩ. Ma tữh alớĩ loõh,
alớĩ apáh yõn nheq tữh cũai
dáng raloaih alớĩ tở cõn lứq
tốp háĩ.

20 Ma anhia khoiq bũn Raviei Yiang Sursĩ õt tâng mút pahõm anhia. Ngkíq nheq tũh anhia dáng raloaih tẽ ọc p̄ieiq. 21 Cúq chĩc parnai nãi yõn anhia, tở cõn cõ anhia tở yũah dáng ọc p̄ieiq, yuaq anhia khoiq dáng chơ ọc ki, cốp anhia dáng samoat lứq ọc lauq tở nai loõh tẽ ọc p̄ieiq.

22 Cũai aléq pai Yê-su tở cõn lứq Crĩt, cũai ki la cũai lauq, cốp án yoc ẽ pupút ngê Yê-su. Cũai ki calõih Yiang Sursĩ cốp Con Yiang Sursĩ hõ. 23 Cũai aléq calõih Con Yiang Sursĩ, la machõng án calõih Yiang Sursĩ tê. Cốp cũai aléq sa-âm Con Yiang Sursĩ, la machõng án sa-âm Yiang Sursĩ tê.

24 Ngkíq cóq anhia cayóm đõq tâng mút pahõm anhia máh santomq anhia khoiq sâng chơ tẽ tangái anhia mbõiq sa-âm Yê-su. Khãn anhia cayóm đõq máh santomq ki tâng mút pahõm anhia, ki anhia õt ratoi níc cóp Con Yiang Sursĩ, cốp Mpoaq án hõ. 25 Cốp lứq samoat Yiang Sursĩ khoiq ữq cốp hái chơ, yõn hái bũn tamoong mantái.

26 Cúq chĩc máh parnai nãi đõq atõng yõn anhia dáng tẽ máh cũai yoc ẽ raphẽq anhia, yõn táh ngê Yê-su. 27 Ma Yiang Sursĩ khoiq yõn anhia bũn Raviei án õt tâng mút pahõm anhia. Cõ nhơ anhia bũn Raviei Yiang Sursĩ, ngkíq anhia tở bũn túh noau

atõng anhia ngê aléq p̄ieiq cóp ngê aléq tở bũn p̄ieiq. Lứq samoat Raviei Yiang Sursĩ toáp atõng anhia tẽ nheq tũh ramúh ki. Cốp nheq parnai án atõng yõn anhia dáng, lứq parnai ki la p̄ieiq nheq; án tở bũn atõng anhia muoi ọc raphẽq ntróu. Cóq anhia trĩh nheq parnai Raviei Yiang Sursĩ atõng anhia; ngkíq anhia cõt muoi mút cóp Yê-su Crĩt.

28 Chơ sanua, con ramon cúq ơi, cóq anhia õt níc muoi mút cóp Yê-su, yõn nheq tũh hái tở bũn casiet táq ntróu tâng tangái Yê-su sãng loah p̄õq cutẽq nãi. Chơ tangái ki anhia tẽq tayũng clõq lứq. 29 Anhia khoiq dáng chơ Yiang Sursĩ lứq tanoang o; ngkíq anhia dáng tê cũai aléq táq tanoang o, cũai ki khoiq cõt con Yiang Sursĩ chơ.

3

Hái Cõt Con Yiang Sursĩ

1 Anhia chanchóm yõn samoat, maléq toáp Yiang Sursĩ ayooq hái. Cõ Yiang Sursĩ ayooq hái máh ki, án đõq hái la con án. Chơ hái cõt con Yiang Sursĩ lứq samoat. Ma cũai ca puai ngê tâng dõih nãi, alớit tở bũn dáng hái, yuaq alớit tở bũn dáng Yiang Sursĩ. 2 Sanua, sễm ai ơi! Hái la con Yiang Sursĩ chơ. Ma hái tở yũah dáng raloaih, moâm hái õt tâng dõih nãi, tở hái cõt roáp ntróu ẽn. Ma muoi ọc hái

dáng samoât lúq la neq: Toâq tangái Yê-su Crít toâq loah, hái lúq cõt samoât Yê-su tê, yuaq tâng tangái ki hái bữn hữm roâp Yê-su samoât lúq. ³ Cũai aléq ngcuang ẽ hữm Yê-su tâng tangái ki, cóq cũai ki táq yõn mút pahõm án cõt bráh o, ariang Yê-su Crít bữn mút pahõm bráh o tê.

⁴ Cũai aléq táq lôih, cũai ki khoiq paluan phếp rit Yiang Sursĩ. Cóp khân cũai paluan phếp rit Yiang Sursĩ, ọc nâi toâp lúq lôih. ⁵ Anhia khoiq dáng Yê-su Crít sêng pở cutêq nâi đợq chũuq cuchit tang lôih hái. Cóp anhia dáng án tở nai bữn lôih ntróu tâng mút pahõm án. ⁶ Ngkíq cũai aléq õt muoi mút cóp Yê-su, án tở ẽq táq noâng ranáq lôih. Ma cũai aléq yoc ẽ táq ranáq lôih, cũai ki tở nai hữm Yê-su cóp tở bữn dáng án.

⁷ Con ramon cứq ơi! Chõ yõn noau phéq anhia. Cũai aléq ma táq ranáq tanoang o, cũai ki lúq tanoang o yáng moat Yiang Sursĩ, machóng Yê-su tanoang o yáng moat Yiang Sursĩ tê. ⁸ Cũai aléq ma yoc ẽ táq níc ranáq sâuq, cũai ki toâq tễ yiang Satan. Yiang Satan khoiq táq níc ranáq lôih tễ tangái Yiang Sursĩ tở yũah tễng paloõng cutêq. Ngkíq Con Yiang Sursĩ sêng pở cutêq nâi đợq pupút nheq máh ranáq yiang Satan.

⁹ Cũai aléq ma cõt con

Yiang Sursĩ, cũai ki tở ẽq táq noâng ranáq lôih, yuaq Yiang Sursĩ yõn ngê án õt tâng mút pahõm cũai ki. Ngkíq cũai ki tở têq táq noâng ranáq lôih, yuaq án la con Yiang Sursĩ. ¹⁰ Nâi la tếc yõn hái têq dáng cũai aléq la con Yiang Sursĩ cóp cũai aléq la con yiang Satan: Cũai aléq táq ranáq tở bữn tanoang cóp ốq mút pahõm ayooq yóu, cũai ki tở cõn con Yiang Sursĩ. Án la con yiang Satan.

Manoaq Ayooq Manoaq

¹¹ Lúq samoât, tễ tangái anhia mbõiq sa-âm Yê-su Crít, anhia khoiq sâng chơ ọc patâp nâi: Hái cóq manoaq ayooq manoaq. ¹² Hái chõ táq ariang Ca-in. Án tũoiq yiang Satan, cóp án cachit a-ẽm án. Cỗ nốq án cachit a-ẽm án? Cỗ Ca-in táq ranáq sâuq ma a-ẽm án táq ranáq tanoang o.

¹³ Ngkíq sêm ai ơi, anhia chõ sâng dót ntróu toâq cũai puai ngê tâng dõi nâi kêt anhia. ¹⁴ Khân hái ayooq máh sêm ai hái tâng tốp sa-âm, nâi la tếc hái tở bữn noâng ariang cuchit, ma hái ariang khoiq tamoong loah chơ. Ma cũai ca tở bữn ayooq yóu, cũai ki ariang noâng cuchit. ¹⁵ Cũai aléq ma kêt sêm ai bữm, án la machóng cũai khoiq cachit cũai. Cóp anhia dáng chơ, cũai cachit cũai canõh tở têq bữn tamoong mantái. ¹⁶ Nốq hái têq dáng tễ ọc ayooq?

Hái dáng ốc ki yuaq Yê-su Crít chũuq pút rangúh án tang hái. P̄ieiq lứq, hái la cóq chũuq pút rangúh đõq rachuai sêm ai hái tê.
 17 Khân cũi aléq ma dũ tâc khám cha, chơ hũm sêm ai án ốq, ma án tở bữn sâng sarũiq táq, cũi ki tở têq pai án bữn mút pahõm ayooq tẽ Yiang Sursĩ. 18 Con ramon cứq ơi, khân hái ayooq yóu, cóq hái chõi ayooq ống bõq sâng. Ma cóq hái ayooq yóu nheq tẽ mút pahõm, cóp cóq hái táq yõn cũi canõh dáng hái lứq bữn mút pahõm ayooq.

Hái Tở Bữn Sâng Croõq

19 Khân hái táq ngkĩq, hái dáng lứq samoat hái la con Yiang Sursĩ, án ca atõng níc parnai p̄ieiq. Cóp hái sâng cłõq lứq yáng moat Yiang Sursĩ. 20 Tam mút pahõm hái tanĩq tở hái bữm, hái tở bữn croõq ntróu, yuaq Yiang Sursĩ la sốt hữn tẽ mút pahõm hái, cóp án dáng túc ramúh.

21 Sêm ai ơi! Khân mút pahõm hái tở bữn tanĩq tở hái bữm, ki hái cõt cłõq yáng moat Yiang Sursĩ. 22 Ramúh ntróu hái sêq tẽ Yiang Sursĩ, án lứq yõn hái bữn ramúh ki, yuaq hái trĩh máh ốc án patâp, cóp hái táq máh ranáq án yoc hái táq. 23 Nái la ốc Yiang Sursĩ patâp hái: Cóq hái sa-âm Con án, Yê-su Crít, cóp cóq hái manoaq ayooq manoaq ariang Yê-su

patâp hái tẽ nhũang chơ. 24 Cũi aléq trĩh máh ốc Yiang Sursĩ patâp, cũi ki ốt muoi mút cóp Yiang Sursĩ, cóp Yiang Sursĩ ốt muoi mút cóp án. Cũi Yiang Sursĩ khoiq yõn Raviei án ốt tâng mút pahõm hái, ngkĩq hái dáng samoat lứq Yiang Sursĩ ốt muoi mút cóp hái.

4

Chim Nheq Tữh Cũi

1 Sêm ai ơi! Anhia chõi noap dũ náq cũi ca pai án bữn Raviei Yiang Sursĩ tâng mút pahõm án. Ma cóq anhia chim alóı, yõn anhia dáng raloaih alóı toâq tẽ Yiang Sursĩ ma tở bữn, yuaq bữn sa-ũti náq cũi põq chu nái põq chu ki táq nan atõng tang bõq Yiang Sursĩ ma tở bữn lứq p̄ieiq. 2 Nái la tếc anhia têq dáng cũi lứq bữn Raviei Yiang Sursĩ ma tở bữn: Cũi aléq ngin Yê-su Crít la Con Yiang Sursĩ Cõt Cũi, anhia dáng cũi ki bữn Raviei Yiang Sursĩ tâng mút pahõm án. 3 Ma cũi aléq pai Yê-su tở cõn Con Yiang Sursĩ Cõt Cũi, têq anhia dáng cũi ki tở bữn bữn Raviei Yiang Sursĩ. Ma cũi ki toâq tẽ án ca ẽ pupút ngê Yê-su Crít. Anhia khoiq sâng noau pai nỡ-ra bữn manoaq ki toâq, cóp sanua án khoiq toâq pở cutêq nái chơ.

4 Máh con ramon ơi, anhia khoiq cõt con Yiang Sursĩ chơ. Cóp anhia khoiq riap chơ máh cũi ca atõng parnai tở p̄ieiq, yuaq anhia bữn

Raviei Yiang Sursĩ õt cốp an-hia. Cốp Raviei Yiang Sursĩ la toâr hỡn tẻ án ca õt cốp alóỉ ca puai ngê tâng dời nâi. ⁵ Mách cũai ki chanchỏm ổng ngê tâng dời nâi sâng, cốp parnai alóỉ atởng la puai ngê tâng dời. Ngkíq yuaq máh cũai ca puai ngê tâng dời nâi yoc lứq tamứng parnai alóỉ pai. ⁶ Ma hái la tẻ Yiang Sursĩ. Ngkíq cũai aléq ca dáng Yiang Sursĩ, cũai ki yoc lứq tamứng parnai hái pai. Ma cũai aléq tở bữn Yiang Sursĩ õt nứng án, cũai ki tở ẻq tamứng parnai hái. Nâi la tẻc yỏn hái tẻq dáng tẻ cũai bữn Raviei pẻiq lứq cốp tẻ cũai bữn raviei tở bữn pẻiq.

Ốc Ayooq Toâq Tẻ Yiang Sursĩ

⁷ Sẻm ai ơỉ! Hái cốp bữn mút pahỏm manoaq ayooq manoaq, yuaq ốc ayooq la toâq tẻ Yiang Sursĩ. Cũai aléq ma ayooq yỏu, cũai ki cõt con Yiang Sursĩ, cốp án lứq dáng Yiang Sursĩ. ⁸ Cũai aléq ma tở bữn ayooq yỏu, cũai ki tở bữn dáng Yiang Sursĩ, yuaq Yiang Sursĩ la nỏm ốc ayooq. ⁹ Yiang Sursĩ apáh yỏn hái dáng án ayooq hái neq: Án bữn ổng muoi lám Con toâp, ma án ớn Con ki toâq pỏ cutẻq nâi yỏn hái tẻq bữn tamoong mantái cỏ nhớ tẻ Con án. ¹⁰ Nâi la ốc ayooq pẻiq lứq: Tở cởn hái ayooq Yiang Sursĩ, ma Yiang Sursĩ ayooq hái, cốp án ớn

Con án cuchít tang hái cỏ hái la cũai lỏih.

¹¹ Sẻm ai ơỉ! Yuaq Yiang Sursĩ ayooq hái máh ki, cốp hái manoaq ayooq manoaq tẻ. ¹² Lứq tở nai cũai aléq hữm Yiang Sursĩ. Ma khân hái manoaq ayooq manoaq, ki hái dáng Yiang Sursĩ lứq õt cốp hái, cốp ốc ayooq tẻ án cõt sớt tâng mút pahỏm hái.

¹³ Tẻq hái dáng Yiang Sursĩ õt muoi mút cốp hái cốp hái õt muoi mút cốp án, la cỏ án khoiq yỏn Raviei án õt tâng mút pahỏm hái. ¹⁴ Hẻq khoiq dáng chơ, cốp hẻq atởng níc yỏn cũai canỏh dáng, Yiang Sursĩ khoiq ớn Con án toâq pỏq cutẻq nâi đốq chuai amoong nheq tữh cũai. ¹⁵ Cũai aléq ma ngin pai Yẻ-su la Con Yiang Sursĩ, ki Yiang Sursĩ õt muoi mút cốp án, cốp án õt muoi mút cốp Yiang Sursĩ tẻ. ¹⁶ Ngkíq sanua hái dáng cốp hái noap lứq, Yiang Sursĩ ayooq hái sa-ủi lứq.

Yiang Sursĩ toâp la nỏm ốc ayooq. Cũai aléq bữn mút pahỏm ayooq, cũai ki ớt níc muoi mút cốp Yiang Sursĩ, cốp Yiang Sursĩ ớt níc muoi mút cốp cũai ki. ¹⁷ Ngkíq ốc ayooq tẻ Yiang Sursĩ cõt sớt tâng mút pahỏm hái. Chơ toâq tangái Yiang Sursĩ rablỏh nheq tữh cũai, hái khỏn tayứng clỏq lứq yáng moat Yiang Sursĩ, yuaq bo hái ớt tâng cutẻq nâi, hái bữn muoi mút cốp Yẻ-su. ¹⁸ Cũai aléq bữn mút pahỏm

ayooq, cũai ki tở bữn ngcõh ntróu. Ốc ayooq táq yõn pút ốc ngcõh tâng mút pahõm. Khân cũai aléq noâng bữn ốc ngcõh, cũai ki tở yũah bữn ốc ayooq cõt sốt tâng mút pahõm án, yuaq án noâng ngcõh Yiang Sursĩ táq án.

¹⁹ Hái têt bữn mút pahõm ayooq cõ Yiang Sursĩ khoiq ayooq hái tễ nhũang. ²⁰ Khân bữn cũai pai neq: “Cúq ayooq Yiang Sursĩ,” ma án kêt sễm ai án bữm, cũai ki táq ntõng lauq sâng. Khân án tở bữn ayooq sễm ai ca õt níc cốp án, nõq têt án ayooq Yiang Sursĩ ca án tở nai hữm loâng? ²¹ Nái la ốc Yê-su Crít khoiq patâp yõn hái chơ: Cũai aléq ma ayooq Yiang Sursĩ, cũai ki cóq ayooq sễm ai án hỡ.

5

Hái Chĩ Riap Máh Ngê Tâng Dỡ Nái

¹ Cũai aléq ma sa-âm Yê-su la Crít, án ca Yiang Sursĩ ruroh dõq chuai amoong cũai, cũai ki lứq cõt con Yiang Sursĩ. Cốp nheq tữh con acái Yiang Sursĩ ayooq Mpoaq alớ. Khân alớ ayooq Mpoaq, alớ ayooq dẻh con án tẻ. ² Nái la tẻc yõn hái têt dáng hái ayooq máh con acái Yiang Sursĩ: Khân hái ayooq Yiang Sursĩ cốp trĩh máh ốc án patâp, ngkĩq hái dáng hái ayooq máh con acái án tẻ. ³ Hái têt dáng hái ayooq Yiang Sursĩ, khân

hái trĩh máh ốc án patâp. Cốp máh ốc án patâp tở bữn coat ntróu yõn hái. ⁴ Nheq tữh cũai ca cõt con Yiang Sursĩ têt chĩ riap máh ngê tâng dỡ nái. Cõ nõq hái têt chĩ riap máh ngê tâng dỡ nái? Hái bữn chĩ riap la cõ hái sa-âm Yê-su. ⁵ Cũai aléq têt rachĩ riap máh ngê tâng dỡ nái? Lứq samoat máh cũai sa-âm Yê-su la Con Yiang Sursĩ, alớ toâp chĩ riap máh ngê tâng dỡ nái.

Pái Ramũh Atõng Tễ Yê-su

⁶ Yê-su Crít toâq pỡ cutẻq nái, án cễu bar ramũh tẻc yõn cũai dáng án la manoaq Yiang Sursĩ ruroh dõq chuai amoong cũai. Tẻc muoi la dõq batẻm Yê-su roap. Ma án tở bữn cễu ống tẻc dõq sâng. Ma án cễu tẻc bar hỡ. Tẻc bar la aham ca loẻh tẻ tỏ Yê-su tâng tangái án cuchĩ tang hái. Cốp Raviei Yiang Sursĩ atõng tẻ Yê-su tẻ, yuaq Raviei Yiang Sursĩ la nỡm ốc pẻiq. ⁷ Ngkĩq Yiang Sursĩ yõn pái ramũh dõq cõt tẻc atõng tẻ Yê-su Crít. ⁸ Muoi la Raviei Yiang Sursĩ. Bar la dõq batẻm. Pái la aham ca loẻh tẻ tỏ Yê-su. Ngkĩq pái ramũh nái atõng machõng nheq tẻ Yê-su Crít. ⁹ Khân hái tamứng parnai cũai atõng tẻ Yê-su, ốc ki lứq o. Ma Yiang Sursĩ la sốt toâr hỡn. Ngkĩq o hỡn hái tamứng parnai Yiang Sursĩ khoiq atõng tẻ Con án. ¹⁰ Cũai aléq

ma sa-âm Con Yiang Sursĩ, cũai ki lứq noap máh parnai Yiang Sursĩ atõng tẽ Con án. Ma cũai aléq tở bữn sa-âm Con Yiang Sursĩ, cũai ki la samoât án calauq Yiang Sursĩ, yuaq cũai ki tở bữn noap máh parnai Yiang Sursĩ atõng tẽ Con án. ¹¹ Nâi la parnai Yiang Sursĩ yõn hái dáng samoât lứq: Yiang Sursĩ khoiq yõn hái bữn tamoong mantái, cớp án yõn hái bữn tamoong mantái cõ nhơ tẽ Con án. ¹² Cũai aléq õt muoi mút cớp Con Yiang Sursĩ, cũai ki bữn tamoong mantái. Ma cũai aléq tở bữn bữn muoi mút cớp Con Yiang Sursĩ, cũai ki ốq bữn tamoong mantái.

Ổc Tamoong Mantái

¹³ Cớq khoiq chĩc máh san-toiq nâi yõn anhia ca khoiq sa-âm Con Yiang Sursĩ, đõq anhia dáng, anhia bữn tamoong mantái. ¹⁴ Khân bữn ramứh ntróu hái yoc ẽ sếq tẽ Yiang Sursĩ, hái tở bữn ngõh ntróu sếq tẽ án, yuaq hái dáng khân hái sếq ramứh ntróu puai rangứh án, lứq án tamứng santonq hái sếq. ¹⁵ Cớp khân hái dáng Yiang Sursĩ tamứng santonq hái sếq tẽ án, ki hái dáng samoât lứq án yõn ramứh hái khoiq sếq tẽ án.

¹⁶ Khân anhia hữm manoaq sêm ai táq lỏih, cóq anhia câu sếq Yiang Sursĩ chuai cũai ki yõn bữn tamoong mantái. Khân cũai

ki tở bữn táh ngê Yiang Sursĩ, lứq Yiang Sursĩ chuai án bữn tamoong. Ma khân cũai ki khoiq táh ngê Yiang Sursĩ, cũai ki cóq chũuq cuchĩt thánq. Cớp cớq tở bữn ớn anhia câu yõn cũai táq ngkĩq. ¹⁷ Ranáq ntróu cũai táq ma tở bữn tanoang o, ranáq ki lứq lỏih. Ma bữn lỏih ca tở bữn yõn cũai cuchĩt thánq.

¹⁸ Hái dáng cũai aléq khoiq cõt con Yiang Sursĩ chơ, cũai ki tở bữn táq noâng ranáq lỏih, yuaq Con Yiang Sursĩ õt kĩaq níc án. Ngkĩq yiang Satan tở tẽq táq ntróu án.

¹⁹ Hái dáng chơ hái la tẽ Yiang Sursĩ, ma máh cũai ca puai ngê tâng đời nâi, sớt alóí la yiang Satan.

²⁰ Cớp hái dáng samoât lứq tẽ, Con Yiang Sursĩ khoiq toàq pở cutẽq nâi, đõq pớh mút pahõm hái yõn dáng raloaih lứq tẽ Yiang Sursĩ, la Yiang p̄ieiq. Hái õt muoi mút cớp án, la cõ hái õt muoi mút cớp Con án, Yê-su Crĩt. Yiang Sursĩ toáp la Yiang p̄ieiq, cớp õng án toáp tẽq yõn tamoong mantái.

²¹ Máh con ramon cớq ơi! Cóq anhia kĩaq o mút pahõm anhia. Cóq anhia õt yong tẽ yiang canõh ca tở cõn lứq Yiang.

Yang Chĩc Choaiq Thõ Bar Santoiq Atõng

Yang chĩc choaiq thõ bar nài sãm 90 cumo ntun Yê-su canõt. Yang la manoaq tẽ tốp rien tẽ Yê-su. Bo án chĩc thõ nài, án khoiq thâu lứq chơ. Án coi q sa-óh máh tốp sa-âm, ma án sacâm tốp ki cõt samoât manoaq cũai mpiq ca Yiang Sursĩ khoiq rườh, cốp rườh dẽh máh con án. Saráq nài cakéh lứq, ma án ẽ catoaih máh cũai sa-âm, manoaq cóq ayooq manoaq, cốp cóq tutuaiq yõn samoât tẽ cũai ca atõng raphếq cõ yoc ẽ pupút máh ngê Yê-su Crĩt.

1 Cúq Yang, la cũai thâu ca chĩc choaiq thõ nài coi q sa-óh tốp sa-âm Yê-su Crĩt. Anhia la samoât con cúq ayooq lứq. Ma tỡ bữn ổng cúq sâng ayooq anhia, ma dẽh nheq tữh cũai ca khoiq dáng ngê pĩei q tẽ Yê-su Crĩt la ayooq anhia tê.* 2 Ngê pĩei q ki õt tâng mút pahõm hái sanua, cốp õt cốp hái sõt dõi. Cõ hếq bữn ngê pĩei q ki, yuaq hếq ayooq anhia.

3 Cúq sếq Yiang Sursĩ, Mpoaq hái, cốp Yê-su Crĩt la Con Yiang Sursĩ, chuai miat hái yõn bữn bán sũan ien

khẽ níc, cốp ayooq táq hái. Hái lứq bữn máh ramúh ki, khân hái táq pĩei q cốp bữn mút pahõm ayooq.

Ốc Pĩei q Cốp Ốc Ayooq

4 Cúq sâng bữi lứq bữn ramóh máh cũai tẽ tốp anhia, alói ca puai samoât lứq ốc pĩei q tẽ Yiang Sursĩ, Mpoaq hái, khoiq patâp hái.

5 Yóu ơi! Sanua cúq sếq atõng anhia neq: Hái cóq manoaq ayooq manoaq. Ốc nài cúq patâp anhia la tỡ bữn ốc tamái. Ma hái khoiq bữn ốc patâp nài tẽ tangái hái mbõiq sa-âm Yê-su Crĩt.

6 Ốc ayooq la neq: Dũ ranáq hái táq, hái cóq puai máh ốc Yiang Sursĩ patâp. Ốc patâp nài anhia khoiq sâng tẽ tangái anhia mbõiq sa-âm, la anhia cóq bữn mút pahõm ayooq níc.

7 Ma bữn sa-ũi lứq cũai pỡq chu nài chu ki atõng parnai raphếq. Alói pai Yê-su Crĩt tỡ cõn Con Yiang Cõt Cũai. Máh cũai ki atõng raphếq, cốp alói yoc ẽ pupút máh ngê Yê-su Crĩt.

8 Ngkíq cóq anhia rabán o mút pahõm anhia, dõq máh ranáq hếq táq chuai anhia tỡ bữn óq kia. Nõ-ra Yiang Sursĩ lứq yõn anhia bữn cóng o tẽ máh ranáq anhia táq.

9 Cũai aléq ma atõng luat tẽ parnai Yê-su Crĩt, cũai ki tỡ bữn lứq puai ngê Yê-su Crĩt. Cốp Yiang Sursĩ tỡ bữn

* 1:1 1:1 Tâng parnai Créc án pai: "Cúq chĩc yõn cũai mpiq ca Yiang Sursĩ khoiq rườh cốp con acái án."

ốt cốp cũai ki. Ma cũai aléq
 ma puai samoât samơi ngê
 Yê-su Crît, ki Yiang Sursĩ,
 Mpoaq hái, cốp Yê-su Crît,
 Con Yiang Sursĩ, lứq ốt cốp
 cũai ki. ¹⁰ Khãn bữn cũai
 aléq toâq pữ anhia ma án
 tữ bữn pruum cốp ngê Yê-
 su Crît, cốp án atỡng parnai
 raphếq, ki anhia chỗi mơi án
 mut tâng đống anhia. Cốp
 chỗi tabỗp tabéh án bủi o.
¹¹ Cũai aléq ma roap tabỗp
 tabéh o cũai ki, la ariang án
 pruum cốp ranáq sâuq cũai
 ki táq tê.

Yang Yoc Pữq Sa-óh Alói

¹² Cứq noâng bữn sa-ữi
 santoiq yoc ẽ atỡng anhia,
 ma cứq tữ ẽq chĩc tâng
 choâiq. Cứq yoc lứq pữq
 sa-óh anhia, cốp táq ntỡng
 parnơi cốp anhia. Ngkíq hái
 cõt bủi óh lứq, manoaq táq
 ntỡng cốp manoaq.

¹³ Mách cũai sa-âm tâng vil
 nâi cơiq parnai sa-óh anhia
 tê.

Yang Chĩc Choaiq Thõ Pái Santoiq Atõng

Yang chĩc choaiq thõ pái nài sám 90 cumo ntun Yê-su canõt. Ân coi q sa-óh cũai sõt tâng tốp sa-âm, ramúh Cai-ut. Yang khẽn Cai-ut bữn mút pahõm yoc ẽ rachuai máh cũai sa-âm. Yang catoaih Cai-ut cóq tu-tuaiq tẽ manoaq cũai ramúh Diu-trep. Diu-trep la cũai táq ranáq sâuq lứq, cóp án tỡ ẽq hữm cũai táq ranáq Yiang Sursĩ. Ma Yang khẽn manoaq ramúh Dê-matri, yuaq Dê-matri táq p̄ieiq lứq tâng ranáq Yiang Sursĩ yoc án táq.

¹ Cúq Yang, la cũai thâu chĩc choaiq thõ nài coi q sa-óh yóu cúq, Cai-ut ca ra-toi lứq cóp cúq. Cúq sâng ayooq lứq mới.

² Yóu ời, cúq đốq câu níc yõn mới, cúq s̄ẽq Yiang Sursĩ yõn mới bữn bán sũan ien khẽ níc machõng raviei mới tẽ. ³ Tũ s̄ẽm ai hái toáq p̄r cúq, ki cúq sâng bũi lứq, yuaq alóit atõng cúq mới sa-âm samoát samoi máh ngẽ p̄ieiq tẽ Yê-su Crĩt. Cóp alóit pai mới táq p̄ieiq níc, cõ mới puai ngẽ Yê-su Crĩt.

⁴ Clũi tẽ ramúh canõh la cúq sâng bũi máh con ramon cúq tâng tốp sa-âm táq p̄ieiq

níc, cõ alóit puai ngẽ Yê-su Crĩt.

Cai-ut Cutóng Chuai Yóu

⁵ Yóu ời, mới táq tanoang tapúng lứq toáq mới chuai máh s̄ẽm ai tâng tốp sa-âm, đẽh cũai tẽ ntõq canõh hõ. ⁶ Máh cũai ki khoiq atõng yõn nheq tũh tốp sa-âm tâng ntõq nài dáng mới ayooq yóu. Cóp cúq ẽq mới chuai níc máh cũai sa-âm ca p̄õq pha vil mới, yõn alóit tỡ bữn óq ntróu bo alóit p̄õq atõng parnai Yiang Sursĩ. Khãn mới táq ngkĩq, mới táq yõn Yiang Sursĩ sâng bũi pahõm. ⁷ Máh cũai ki p̄õq táq ranáq Yê-su Crĩt, cóp alóit tỡ bữn roap ntróu tẽ máh cũai tỡ yũah sa-âm. ⁸ Ngkĩq hái ca khoiq sa-âm cóq rachuai alóit ca p̄õq táq ranáq Yê-su. Khãn hái chuai alóit, hái bữn chõng tẽ tẽ ranáq alóit táq p̄õq atõng tẽ ngẽ p̄ieiq.

Diu-trep Cóp Dê-matri

⁹ Cúq khoiq chĩc nhũang choaiq thõ yõn tốp anhia ca sa-âm. Ma Diu-trep tỡ ẽq noap santoiq cúq, yuaq án achõn tỡ bữm yoc ẽ cõt sõt tâng tốp anhia. ¹⁰ Ngkĩq khãn cúq toáq p̄r anhia, cúq tỡ bữn khĩr máh ranáq án táq. Ân voóq sâuq tẽ hẽq, cóp án táq ranáq sâuq canõh hõ. Ân tỡ bữn roap tabõp tabéh máh s̄ẽm ai ca p̄õq táq ranáq Yê-su. Cóp án tỡ yõn noau tẽ tốp anhia chuai alóit. Khãn bữn cũai tẽ tốp anhia ma yoc ẽ chuai alóit ca

pǝq táq ranáq Yê-su, ki Diu-
trep tuih aloõh cũai ki tẽ tǝp
sa-âm.

¹¹ Yóu ời, mới chõĩ tũoiq ố
sâuq, ma cóq mới tũoiq ố o
sâng. Án ca táq ranáq o, án
la tẽ Yiang Sursĩ. Ma án ca
táq ranáq sâuq, án ki tở bữn
dáng Yiang Sursĩ.

¹² Nheq tữh cũai atõng o
tẽ Dê-matri. Cóp máh ranáq
án táq la lứq ratoĩ cóp ngê
pĩeiq. Hếq atõng o tẽ án tê,
cóp anhia dáng santoiq hếq
atõng la lứq pĩeiq.

Yang Yoc Ê Sa-óh Alói

¹³ Cúq noâng bữn sa-ũĩ
santoiq ên yoc ê atõng an-
hia, ma cúq tở êq chĩc tâng
choâiq. ¹⁴ Cúq yoc lứq pǝq
sa-óh anhia, cóp cúq yoc lứq
táq ntõng cóp anhia rato
moat.

¹⁵ Cúq sếq Yiang Sursĩ yõn
mới ốt bán sũan ien khẽ níc.
Máh yóu mới ốt muoi vil cóp
cúq, alói blóh cahan mới.
Cóp cúq yoc ê cahan tê nheq
tữh yóu hái ca ốt cóp mới pở
ki.

Yude Chĩc Choaiq Thõ Santoiq Atõng

Yude chĩc choaiq thõ nãi sám 70 toâq 80 cumo ntun Yê-su canõt. Yude la a-ẽm Yê-su cõp Yacõ. Án atõng yõn cũai sa-âm dáng bữn cũai chõng ngin alõi la cũai sa-âm cõp atõng parnai o tẽ Yiang Sursĩ, ma alõi táq ranáq tanghang, alõi calõih Yê-su Crĩt, cõp alõi táq máh ranáq sâuq canõh. Ngkĩq máh cũai sa-âm cóq chĩ loah máh ngê alõi aloõh ma claiq tẽ parnai Yiang Sursĩ.

¹ Cũq la Yude chĩc choaiq thõ nãi cõiq sa-óh anhia. Cũq la cũai táq ranáq yõn Yê-su Crĩt. Cõp cũq la a-ẽm Yacõ. Cũq chĩc sa-óh anhia ca Yiang Sursĩ khoiq ruoh yõn cõt con acái án. Yiang Sursĩ, Mpoaq hái, ayooq lứq anhia. Cõp Yê-su Crĩt bán kĩaq anhia mantái níc. ² Cũq sễq Yiang Sursĩ yõn anhia bữn ớc sarũiq táq, ớc ien khẽ, cõp ớc ayooq sa-ũri lứq ễn.

Cõ Nỏq Yude Chĩc Choaiq Thõ Nãi?

³ Yóu ơi! Cũq khoiq chanchóm tẽ nhũang yoc lứq ẽ chĩc atõng anhia tẽ ngê Yiang Sursĩ chuai amoong hái. Ma sanua cũq chanchóm cũq cóq chĩc

atõng anhia, ớn anhia curiaq pacái lứq máh ớc anhia khoiq sa-âm chơ. Yiang Sursĩ khoiq atõng yõn hái dáng dũ ớc hái cóq sa-âm tẽ ngê án. Máh ớc ki Yiang Sursĩ yõn muoi trõ sâng; vót tẽ ki án tỡ bữn yõn ntróu noâng. ⁴ Yuaq bữn cũai atõng anhia ớc tỡ pĩeiq. Alõi ki tamblóc yoc ẽ talõh ớc pĩeiq máh hái khoiq sa-âm. Alõi tỡ bữn sa-âm Yiang Sursĩ. Yiang Sursĩ khoiq chuai miat hái toâq án táh lòi hái. Ma alõi ki chanchóm tẽq alõi táq ranáq tanghang, yuaq Yiang Sursĩ tỡ bữn noap noâng lòi alõi. Cõp alõi calõih Yê-su Crĩt, Ncháu hái, án ca sốt nheq tữh cũai. Yiang Sursĩ khoiq yõn cũai chĩc atõng tẽ alõi tẽ mbỏq, pai Yiang Sursĩ khoiq pupap chơ alõi.

Yude Sacâm Tẽ Cũai Tẽ Mbỏq

⁵ Anhia khoiq dáng tẽ máh ranáq Yiang Sursĩ táq tẽ mbỏq. Sanua cũq yoc atõng loah yõn anhia sanhữ máh ớc ki. Tẽ mbỏq Yiang Sursĩ chuai amoong tốp I-sarel. Án dũng aloõh alõi tẽ cruang Ê-yip-tô. Ma vót ki bữn máh cũai I-sarel tỡ bữn sa-âm noâng. Ngkĩq Yiang Sursĩ pupút alõi. ⁶ O yõn anhia sanhữ tê máh ranẽng Yiang Sursĩ ca tỡ ẽq õt noâng tâng ntốq Yiang Sursĩ anoat yõn alõi. Yuaq ngkĩq Yiang Sursĩ chỏq máh

ranêng ki toâq sái-sô cốp yỗn alói ốt tâng ntốq canám toau toâq tangái parsót, la tangái Yiang Sursĩ rablớh nheq tữh cũai. ⁷ Machống ki tê, cóq anhia sanhữ vil Sadôm cốp vil Camô-rơ, dếh máh vil pễr ki. Alói tở bữn trữh Yiang Sursĩ, machống ranêng Yiang Sursĩ tê. Cũai ốt tâng vil ki táq ranáq sâuq lứq. Alói mansẽm samiang tở bữn lacuoi cayac bẻq parnoi, cốp alói samiang ẽ bữn ratuaq samiang, mansẽm ẽ bữn ratuaq mansẽm. Ngkíq Yiang Sursĩ táq cũai ki. Án apống mữ cốp ùih tẻ paloong yỗn cat nheq bar vil ki. Yiang Sursĩ táq ngkíq, án yoc apáh yỗn cũai dáng, nữ-ra án ẽ táq ntróu chóq cũai lờih.

⁸ Alói ca mut talốh tâng tốp hái, alói táq machống cũai tẻ mbỏq tê. Alói la samoât noau mpáu, ma máh ốc alói pai ki tở bữn lứq ntróu. Alói táq ranáq sâuq chóq tở alói. Alói tở ẻq Yiang Sursĩ ndỡm alói, cốp alói mumat máh ranêng Yiang Sursĩ. ⁹ Ma Mi-kêl, án ca sốt máh ranêng Yiang Sursĩ tâng paloong, án tở khốn pai sâuq dếh yiang Satan. Bo Mi-kêl tampỏr cumuiq Môise cốp yiang Satan, Mi-kêl tở khốn pai muoi ốc tở o ntróu tẻ yiang Satan. Ma Mi-kêl pai chóq yiang Satan neq: “Sẻq Yiang Sursĩ toáp manrap mới!” ¹⁰ Ma cũai

ca mut talốh đốq voỏq sâuq tẻ Yiang Sursĩ cốp ranêng án. Ma alói tở bữn dáng ntróu tẻ máh ramứh tâng paloong. Alói dáng ống ramứh tâng dời nâi sâng. Ngkíq alói la ariang charán. Alói táq ranáq sâuq đốq talốh tở bữm. ¹¹ Nữ-ra Yiang Sursĩ ẽ táq yỗn alói ramóh tởiq bap lứq, yuaq alói tũoiq ariang Ca-in táq tẻ mbỏq. Cốp alói táq ariang Balam táq tẻ mbỏq tê. Balam radửng tốp I-sarel yỗn táh ngê Yiang Sursĩ, yuaq án ham sanốc tâng dời nâi. Cốp alói táq ariang Cô-ra táq tẻ mbỏq tê. Cô-ra yoc ẽ cheng sốt, ma Yiang Sursĩ tở yỗn án bữn. Yiang Sursĩ khoiq pupút máh cũai ki tẻ mbỏq. Cốp nữ-ra, Yiang Sursĩ ẽ táq cũai ca mut talốh tốp sa-âm, la machống ki tê. ¹² Cũai ki rôm cha parnoi cốp anhia bo anhia cha pẻl bủi. Ma alói tở ẻq tampống cốp tốp hái, cốp alói tở bữn ngcỏh noau. Alói ki la samoât tamáu cớl ốt pụn đởq. Alói raphẻq anhia ẽ dửng anhia pỏq tâng rana cuchít, samoât tamáu cớl ki táq yỗn tuoc clứh án, chớ tuoc ki cớt pacháh chíq. Cốp alói ki la samoât ramứl. Noau hữm ramứl ki, chớ noau pai cheq ẽ mia, ma cuyal dửng ramứl ki chu ntốq canỏh ẻn. Ngkíq tở hữm mia ntróu. Cốp alói ki la samoât catử aluang palâi ma tở bữn cát. Chớ noau rỏq táh nờm ki dếh

rêh. Ngkíq aluang ki samoât bar trỗ cuchĩt. Trỗ muoi lạ án tỡ bữn cõt palái. Trỗ bar la án tamproq đêh rêh. Mách cũi mut talỏh tâng tốp anhia la machỏng aluang ki tê. ¹³ Mách cũi ki la samoât đởq mứt lampỏh chanchỏc níc cõt rapooh, yuaq alỏi táq sa-ủi ranáq sủuq puai rangủh alỏi bữm. Cỏp alỏi la samoât mantỏr atỡ ntỏq.* Yiang Sursĩ khoiq thữn đởq ntỏq yỏn alỏi ỏt. Ntỏq ki canám níc, Cỏp alỏi tỡ nai bữn loỏh tể ntỏq ki.

¹⁴⁻¹⁵ Bữn manoaq tể mbỏq ramứh Ê-nóc. Ê-nóc la tể tống toiq Adam. Noap tể đỡi Adam tapoât đỡi ẻn, chỏ toâq đỡi Ê-nóc. Ê-nóc khoiq atỏng tể cũi ki neq: “Nỡ-ra Ncháu hái toâq rablỏh nheq tữh cũi, cỏp bữn ỏc vêu ranẻng Yiang Sursĩ tể paloỏng toâq cỏp án tê. Tâng tangái ki Yiang Sursĩ rablỏh nheq tữh cũi. Cỏp Yiang Sursĩ táq tột alỏi ca bữn mứt loái, yuaq alỏi táq ranáq sủuq, cỏp tỡ bữn yám noap Yiang Sursĩ.”

¹⁶ Cũi ca mut talỏh tâng tốp sa-âm, alỏi bubẻq-bubẻp, cỏp tỡ nai bũi tể máh ranáq alỏi táq. Alỏi yoc ẻ puai rangủh alỏi bữm, cỏp achỏn tỡ alỏi bữm. Cỏp alỏi khẻn cũi canỏh, cỗ ẻ bữn lỏi tể cũi ki.

Ớc Patâp Yỏn Tốp Sa-âm

* **1:13** 1:13 Án pai ngkíq yuaq alỏi khoiq táh ngẻ Yiang Sursĩ, ma alỏi puai ngẻ canỏh ẻn.

¹⁷ Ma tốp muoi chít la bar náq ca cõt ayửng atỡ Yẻ-su Crít, Ncháu hái, alỏi khoiq pai chỏ tể cũi mut talỏh tâng tốp sa-âm. Yỏu ỏi, cóq anhia sanhữ máh satoiq tốp muoi chít la bar náq ki khoiq atỏng. ¹⁸ Tốp alỏi pai neq: “Cheq toâq tangái parsỏt, lứq bữn cũi ayẻ ra-ac ngẻ Yiang Sursĩ. Alỏi yoc ẻ puai ỏc sủuq tể mứt pahỏm alỏi bữm.”

¹⁹ Alỏi ca mut talỏh tâng tốp sa-âm, ẻq yỏn cõt cayoah sa-ủi tốp ngcót. Alỏi puai rangủh alỏi bữm, ma alỏi tỡ bữn puai rangủh Ravieí Yiang Sursĩ. ²⁰ Yỏu ỏi! Anhia chỏi táq ariang cũi ki. Mách ỏc anhia khoiq sa-âm la lứq o, yuaq ỏc ki toâq tể Yiang Sursĩ. Ma cóq anhia chuaq rana yỏn mứt pahỏm anhia cõt sa-âm pacái lứq ẻn. Bo anhia câu, cóq anhia sẻq Ravieí Yiang Sursĩ chuai anhia câu. ²¹ Yiang Sursĩ ayooq lứq anhia. Ngkíq cóq anhia ỏt cheq níc án. Cỏp Yẻ-su Crít, Ncháu hái, sarủiq táq anhia. Ngkíq án táq yỏn nỡ-ra hái bữn ỏt mantái níc cỏp án. Cóq anhia nguang níc ỏc ki.

²² Cóq anhia bữn mứt sarủiq táq chỏq máh cũi ca bữn mứt catỏn-tỏn tể máh ỏc alỏi sa-âm. ²³ Bữn cũi canỏh cheq ẻ táq ranáq lỏih, alỏi ki la samoât riang cũi cheq sapủl tâng ủih. Cóq anhia âc aloỏh alỏi tể ủih

ki. Cóp bữn cũai canốh ễn, alới khoiạ táq sa-ữi ranáq lôih chơ. Cóg anhia sâng sarũiq táq alới ki, ma cóq anhia nhêng yỗn o, cớh lơ anhia ễn cớt lôih ỉn alới tê.

Câu Khẽn Yiang Sursĩ

²⁴ Yiang Sursĩ têq rabán kĩaq anhia yỗn anhia tở bữn dóm cớ tian ranáq lôih. Cóp Yiang Sursĩ têq táq yỗn anhia tayứng clốq lứq yáng moat án tâng tangái án rablớh nheq tửh cũai. Tangái ki tở bữn noau têq tểq ntrớu anhia. Ngkíq anhia sâng bũi lứq, yuaq anhia la tanoang o yáng moat án.

²⁵ Bữn ống manoaq Yiang Sursĩ toạp têq chuai amoong hái, cớ nhơ tể ranáq Yê-su Crít, Ncháu hái, khoiạ táq. Cóg hái khẽn níc Yiang Sursĩ, cớ án ang-ữr lứq, cớ án cớt puo toâr lứq, cóp cớ án bữn chóc clũr nheq tể canốh. Ống án toạp cớt sớ tể dâu lứq toạq sanua, cóp toau sớ tể nheq dũi. Amen.

Yiang Sursĩ Sapáh Baih Santoiq Atõng

Sarác Sapáh Baih nài Yang chĩc sám 90 cumo ntun Yê-su canõt. Bo ki, Yang õt tũ tâng cõn Bat-mô. Bũn muoi tangái rlu, Yiang Sursĩ toâq sapáh yõn án hũm sa-ũĩ ranáq salẽh. Yiang Sursĩ ón án chĩc dõq máh óc ki tâng tâm sarác, chơ coiq chu tapul tốp sa-âm tâng cruang Asia. Sarác nài dõq atõng máh tốp sa-âm cóq chĩuq tanhĩr, cóp cóq sa-âm samoât samoi, yuaq máh ranáq ẽ toâq dõq pupút la ntâng lứq.

Bũn máh óc cartooq tâng sarác sapáh baih nài tẽ máh ranáq ẽ toâq to la-ũt la-ũĩ chumát. Ma noâng bũn óc sapáh sa-ũĩ ramúh ẽn. Máh cũai tẽ dõĩ mbõq toau toâq dõĩ sanua, alóĩ doc sarác nài ma tở bũn noau têq dáng raloaih tẽ óc cartooq tâng sarác sapáh baih. Ma dũ náq cũai dáng raloaih la óng Yê-su Crĩt toâp la Yiang sõt. Yê-su khoiq chĩl riap máh cũai par-ũal, cóp án chĩl riap dẽh yiang Satan hỡ.

Yiang Sursĩ sapáh yõn Yang hũm vil Yaru-salem Tamái, la ntõq nõuq o cóp ang-ũr lứq tẽ Yiang Sursĩ. Yang hũm Cũu Con Yiang Sursĩ pớh pớ sarác bũn máh ramúh cũai têq tamooq

mantái. Yiang Sursĩ ẽ culáh cóng yõn máh cũai ca sa-âm samoât samoi, cóp yõn alóĩ bũn mut tâng Cruang Tamái cóp Cutẽq Tamái. Ntõq ki lứq Yiang Sursĩ toâp aclaq ang-ũr.

1 Cúq la Yang chĩc sarác nài dõq atõng tẽ máh ramúh Yê-su Crĩt sapáh yõn cúq hũm. Máh ramúh ki Yiang Sursĩ khoiq yõn Yê-su dáng, dõq án atõng loah yõn máh cũai táq ranáq Yiang Sursĩ dáng tẽ tẽ máh ramúh cheq ẽ toâq. Yê-su ón ranẽng án toâq pớ cúq dõq atõng yõn cúq dáng. ² Tâng tâm sarác nài cúq chĩc tẽ dũ ramúh cúq khoiq hũm chơ. Cúq chĩc atõng parnai tẽ Yiang Sursĩ cóp máh santoiq Yê-su Crĩt atõng yõn cúq dáng. ³ Bõn lứq cũai doc, cũai tamúng, cóp cũai trĩh parnai Yiang Sursĩ atõng saccoaiq, ãn cúq khoiq chĩc tâng sarác nài. Lứq samoât, máh ranáq nài cheq ẽ toâq chơ.

Parnai Cahan Yõn Tapul Tốp Sa-âm Tâng Cruang Asia

⁴ Cúq coiq sarác nài yõn tapul tốp sa-âm õt tâng cruang Asia. Cúq sễq Yiang Sursĩ, Raviei Yiang Sursĩ, cóp Yê-su Crĩt, chuai miat anhia cóp yõn anhia õt bán sũan ien khẽ níc. Yiang Sursĩ la Yiang ca tamooq sanua, cóp tamooq tẽ dũ lứq, cóp toau toâq parsõt.

Raviei Yiang Sursĩ õt yáng moat cachơng Yiang Sursĩ tacu, án bữn tapul ngê têq chuai cũai. ⁵ Yê-su Crĩt la án ca atơng p̄ieiq lứq. Án tamoong loah tẽ cuchĩt nhũang nheq tẽ cũai canõh. Cóp án sốt nheq tữh puo tâng cốc cutẽq nâi.

Án ayooq lứq hái, cúp án acláh hái tẽ cõt sũl ngê sâuq nhơ tẽ aham án. ⁶ Chơ án táq yõn hái cõt muoi cruang, cúp án yõn hái cõt samoat cũai tẽng rit sang Yiang Sursĩ, Mpoaq án. Ống Yê-su Crĩt toáp sốt mantái níc! Cóp hái khẽn án toau sốt dõi lời cumo! Amen.

⁷ Tĩh! Anhia nhẽng! Yê-su toâq mpúng dĩ ramủ! Nỡ-ra dũ nâq cũai lứq bữn hữm án, dẽh alới ca khoiq choat án hỡ. Cóp dũ tộp cũai õt tâng cutẽq nâi lứq nhiam cuclõiq, yuaq alới khoiq táq lờih chỏq án. Lứq samoat ngkĩq! Amen.

⁸ Yiang Sursĩ Sốt Toâr Lứq pai neq: “Cứq la plỡ soi.* Cứq õt sanua, cúp cứq õt tẽ dâu lứq toau toâq parsốt.”

Yiang Sursĩ Sapáh Baih Tâng Cỗn Bat-mô

⁹ Cứq, Yang, la sẽm ai anhia tâng tộp sa-âm. Cứq chũuq túh coat parnơi cúp anhia cỗ tian hái bữn muoi mút cúp Yê-su. Cứq tanhữ níc, cúp bữn roap ốc bỗn tẽ Yê-su machớng anhia tẽ.

Sanua cứq õt tũ tâng cỗn Bat-mô, cỗ tian cứq khoiq atơng parnai Yiang Sursĩ, cúp cỗ cứq atơng ngê p̄ieiq tẽ Yê-su. ¹⁰ Tâng Tangái Rlu sang Yiang Sursĩ, Raviei Yiang Sursĩ cõt sốt tâng mút pahõm cứq. Cóp bữn muoi sương atơng casang lứq yáng cũi cứq ariang noau plóng lavia. ¹¹ Sương ki ớn cứq neq: “Cóp mới chĩc tâng tâm saráq tẽ dũ ramứh mới hữm; chơ mới coiq yõn tapul tộp sa-âm õt tâng máh vil neq: Ê-phê-sô, Sami-na, Per-camum, Thia-turo, Sardi, Phi-ladel-phia, cúp Lau-dusia.”

¹² Chơ cứq luliaq nhẽng chu cũi yoc ẽ hữm án ca atơng cứq. Cứq hữm tapul lám rông tứu noau táq toâq yẽng. ¹³ Cóp cứq hữm ariang manoaq cũai õt mpúng dĩ tapul lám rông tứu ki. Án sóp au tuar toâq pỡ ayũng, cúp án poac khãn yẽng sarvác var. ¹⁴ Sốc plỡ án cloc ariang sóc cũu tỡ la prẽl prĩl; moat án poang trõng ariang ùih blữ. ¹⁵ Ayũng án sáh ariang sapoan mbõiq moâm noau tooc. Cóp sương án la samoat riang hỡ dỡq toâr. ¹⁶ Tâng atĩ atoam, án yõng tapul ốc mantõr. Bữn dau bớc bar coah loõh tẽ bõq án. Cóp mieiq án poang ariang moat mandang claq catẻh toâng. ¹⁷ Toâq cứq hữm án, cứq dớim cheq

* 1:8 1:8 Tâng parnai Créc án pai: “Cứq la al-pha cúp ô-mê-ca.” ‘Al-pha’ la chữq dâu cúp ‘ô-mê-ca’ la chữq parsốt tẽ máh chữq nỡm tâng parnai Créc.

ayŭng án cõt ariang cŭq cuchia. Ma án satoaq atĩ atoam tâng tở cŭq cöp pai neq: “Chõĩ ngcõh ntrõu. Cŭq õt tễ dâu lŭq, cöp cŭq õt toau toâq parsõt. ¹⁸ Cŭq la Yiang tamoong. Cŭq khoiq cuchia, ma sanua cŭq tamoong sõt dõĩ lơi cumo. Cŭq yõng cachũo tễ ọc cuchia cöp tễ ntõq bŭn raviei cũai cuchia õt. ¹⁹ Ngkĩq, cöp mới chĩc máh ramúh mới khoiq hũm chơ, máh ramúh mới hũm sanua, cöp máh ramúh ca ẽ toâq ntun. ²⁰ Sanua cŭq atõng raloaih tễ tapul ọc mantõr mới khoiq hũm cŭq yõng tâng atĩ atoam, cöp tễ tapul rông tóu yẽng. Tapul ọc mantõr ki la sacâm tễ tapul náq ranẽng Yiang Sursĩ ca chuai tâng tapul tốp sa-âm. Cöp tapul rông tóu yẽng, la sacâm tễ tapul tốp sa-âm ki tẽ.”

2

Atõng Tốp Sa-âm Tâng Vil Ê-phê-sô

¹ “Cöp mới chĩc yõn ranẽng Yiang Sursĩ tễ paloõng ca chuai tốp sa-âm tâng vil Ê-phê-sô neq:

“Nài la parnai tễ án ca yõng tapul ọc mantõr tâng atĩ atoam, án tayáh bân mpúng dĩ tapul rông tóu yẽng.

² “Cŭq dáng chơ máh ranáq anhia táq. Anhia cutóng lŭq táq ranáq cŭq, cöp anhia tanhĩr níc. Cŭq

dáng anhia tở ẽq cũai loai õt cöp anhia, cöp cŭq dáng anhia khoiq chim máh cũai ca pai alóĩ la ayŭng atĩ cŭq, ma tở bŭn lŭq. Chơ anhia dáng alóĩ pai lauq sâng. ³ Anhia khoiq tanhĩr sa-ũĩ ramúh túh coat cõ tian anhia puai ngẽ cŭq. Anhia tở bŭn sâng pẽ pahõm ntrõu. ⁴ Ma noâng bŭn muoi ramúh cŭq tẽq anhia: Anhia tở bŭn ayooq noâng cŭq ariang anhia khoiq ayooq cŭq tễ dâu. ⁵ Cöp anhia chanchõm loah tễ bo léq anhia dõm. Chơ cöp anhia ngin lỏih lẻq cõt mút tamái. Moâm ki cöp anhia táq o loah machõng anhia khoiq táq tễ dâu lŭq. Khân anhia ma tở bŭn táq ngkĩq, lŭq cŭq toâq pỡ anhia, cöp cŭq ít rông tóu anhia tễ ntõq án õt. ⁶ Ma cŭq khẽn anhia muoi ramúh neq: Anhia kêt máh ranáq cũai Nu-cula táq, machõng cŭq kêt tẽ.

⁷ “Alẻq bŭn cutũr yoc ẽ tamúng, ki tamúng máh santoiq Raviei Yiang Sursĩ atõng máh tốp sa-âm! Cũai alẻq ma chĩl riap máh ngẽ sâuq, cŭq lŭq yõn án bŭn cha palâi tễ aluang yõn tamoong mantái níc. Aluang ki dách tâng nưong Yiang Sursĩ tâng paloõng.”

Atõng Tốp Sa-âm Tâng Vil Sami-na

⁸ “Cöp mới chĩc yõn ranẽng Yiang Sursĩ ca chuai tốp sa-âm tâng vil Sami-na neq: Nài la parnai tễ án ca õt

dâu lứq cốp ốt toâq parsốt tháng, án khoi^q cuchĩt ma tamooong loah.

⁹ “Cứq dáng chơ anhia chũuq máh ốc túh coat, cốp anhia cadĩt lứq. Ma tở bữn ntróu tễ ốc ki, yuaq tâng mút pahõm anhia bữn moang ốc bốn tễ Yiang Sursĩ! Ngkĩq anhia sốc lứq. Cứq dáng chơ tễ máh cũai đốq tũn apót anhia. Alói pai: alói la cũai I-sarel, ma alói tở cõn lứq cũai I-sarel; alói ki puai ngê yiang Satan.

¹⁰ Anhia chõĩ ngcõh tễ máh ramứh túh coat ẽ toâq pở anhia chumát. Nỡ-ra yiang Satan ớn noau kháng anhia tâng cuaq tũ. Án yoc ẽ chim anhia. Ma ngư anhia chũuq túh coat la muoi chít tangái sâng. Lứq pai noau cachĩt anhia, cóq anhia sa-âm cứq samoât samoi; chơ cứq yõn anhia bữn cóng* têq ta-moong mantái.

¹¹ “Aléq bữn cutũr yoc ẽ tamứng, ki tamứng máh santoiq Raviei Yiang Sursĩ atõng máh tốp sa-âm! Cũai aléq ma chĩl riap máh ngê sâuq, toâq cũai ki cuchĩt, án tở bữn chũuq túh coat tâng pống sarloac.”

Atõng Tốp Sa-âm Tâng Vil Per-camum

¹² “Cóq mới chĩc yõn ranẽng Yiang Sursĩ ca chuai

tốp sa-âm tâng vil Per-camum neq: Nãi la parnai tễ án ca bữn muoi pla dau bớc bar coah.

¹³ “Cứq dáng chơ ntốq anhia ốt. Ntốq ki la ntốq yiang Satan cõt puo. Anhia yõng pacái lứq ngê cứq. Bo noau cachĩt An-tapa cõ tian án atõng ốc pñeiq tễ cứq, mỗ anhia tở bữn calõih cứq. Lứq noau cachĩt án tâng vil anhia toâp, la ntốq yiang Satan ốt, ma anhia tở bữn táh cứq. ¹⁴ Ma noãng bữn bĩq ramứh cứq ẽ tểq anhia. Muoi la bữn cũai tễ anhiã yoc ẽ puai ngê Balam. Tễ mbốq arái Balam atõng puo Balac radững máh cũai I-sarel táq lõih. Ngkĩq alói cha crõng khoi^q noau tu-toõng sang rup yiang canõh, cốp alói mansẽm samiang tở bữn lacuoi cayac béq parnoi.

¹⁵ Cốp bar la bữn cũai tễ anhia yoc ẽ puai ngê cũai Nu-cula. ¹⁶ Ngkĩq cóq anhia ngin máh lõih ki. Khãn tở bữn, cứq lứq toâq toâp pở anhia; chơ cứq chĩl alói ca táq lõih ki na dau bớc bar coah ca loõh tễ bớq cứq.

¹⁷ “Aléq bữn cutũr yoc ẽ tamứng, ki tamứng máh santoiq Raviei Yiang Sursĩ atõng máh tốp sa-âm! Cũai aléq ma chĩl riap máh ngê sâuq, cứq lứq chũm siem alói na mana noau cutooq đốq.† Cốp cứq yõn alói bữn

* **2:10** 2:10 Tâng parnai Créc án pai: “Cứq yõn anhia bữn vuam.” Vuam ki noau đốq yõn cũai lủh tamplĩng chái hỡn tễ canõh. † **2:17** 2:17 Tễ mbốq Yiang Sursĩ chũm siem cũai I-sarel toâq crõng sana noau amứh mana. Alói chốq muoi bẻng tangãn crõng ki tâng Hĩp Parnai Parkhán.

tamáu cloc. Tâng tamáu ki khoiq cứq chĩc ramứh tamái. Ông cũi ca roap tamáu ki toáp têq dáng ramứh ki. Cũi canỏh tở têq dáng.”

Atông Tốp Sa-âm Tâng Vil Thia-turo

¹⁸ “Cỏq mới chĩc yỗn ranễng Yiang Sursĩ ca chuai tốp sa-âm tâng vil Thia-turo neq: Nái la parnai tễ Con Yiang Sursĩ, án ca bữn moat poang trông ariang ỹih bữ, cốp bữn ayũng ariang sapoan sáh.

¹⁹ “Cứq dáng chơ máh ranáq anhia táq. Cứq dáng anhia bữn mút pahỏm ay-ooq, sa-âm, rachuai yóu, cốp tanhĩ ốc túh coat. Cứq dáng anhia táq máh ramứh nái sa-ỹi hỏn tễ anhia khoiq táq tễ dẫu. ²⁰ Ma noâng bữn muoi ramứh cứq tểq anhia. Anhia đốq tamứng parnai mansẻm ramứh Yẻsabel, án ca pai án la cũi tang bỏq Yiang Sursĩ. Án atông cốp radửng máh cũi táq ranáq cứq, yỗn mansẻm samiang tở bữn lacuoi cayac bẻq parnoi, cốp án radửng alói cha crớng noau toỏng sang rup yiang canỏh. ²¹ Cứq acoan án ngin kho máh ranáq lỏih án táq, ma án tở ểq ngin. ²² Ngkíq, nữ-ra cứq táq yỗn án bẻq tâng cachớng túh coat lứq. Máh cũi ca pruam cooc cốp án, khân alói tở bữn ngin kho lỏih alói, ki cứq yỗn alói ramỏh tỏiq bap parnoi cốp mansẻm

ki tẻ. ²³ Cứq ể cachĩt máh con án. Ngkíq nữ-ra dử tốp sa-âm dáng raloaih lứq, cứq la Yiang tutuaiq dáng máh ngẻ tâng mút pahỏm cũi. Cứq lứq culáh cớng anhia, puai loah máh ranáq anhia khoiq táq.

²⁴ “Ma máh cũi canỏh tâng vil Thia-turo ca tở bữn puai ngẻ sâuq, cốp tở bữn dáng ngẻ noau đỏq ‘ngẻ cutooq tễ yiang Satan’, cứq tở bữn ỏn anhia cỏq táq ranáq ntrứu ể. ²⁵ Ma cỏq anhia yỏng yỗn pacái lứq máh ngẻ o anhia khoiq bữn chơ, yỗn toau toáq tangái cứq toáq loah pở cutểq nái.

²⁶ “Cũi alẻq ma chĩl riap máh ngẻ sâuq cốp táq níc ranáq cứq toau sỏt đỏi án, cứq yỗn cũi ki bữn sỏt máh cruang cutểq nái. ²⁷ Cứq yỗn án bữn chớc tẻq pieih padửoiq máh cũi sâuq, samoát án yỏng dũi tac đỏq pieih adẻh cutểq yỗn pacháh prunon nheq. ²⁸ Chớc ki la machớng chớc cứq khoiq roap tễ Mpoaq cứq. Cốp cứq yỗn cũi ki bữn mantỏr priang hỏ.

²⁹ “Alẻq bữn cutửr yoc ể tamứng, ki tamứng máh santoiq Raviei Yiang Sursĩ atông máh tốp sa-âm!”

3

Atông Tốp Sa-âm Tâng Vil Sardi

¹ “Cỏq mới chĩc yỗn ranễng Yiang Sursĩ ca chuai tốp sa-âm tâng vil Sardi neq:

Nâi la parnai tễ án ca yống tapul ốc mantô, cớp bữn Raviei Yiang Sursĩ ca bữn tapul ngê tềq chuai cūai.

“Cứq khoiq dáng chơ máh ranáq anhia táq. Cūai canỏh pai anhia puai ngê cứq, ma lứq anhia tở bữn puai. Nâi la samoat riang noau pai anhia tamoong, ma lứq anhia khoiq cuchĩ! ² Cớq anhia tamỏ! Amoaih loah ốc o ca anhia noâng bữn tễ ngê Yiang Sursĩ. Khân anhia tở bữn táq ngkíq, cớh lơ ốc ki cớt pứt. Cứq hữm máh ranáq anhia táq la tở yũah p̄ieiq lứq yáng moat Yiang Sursĩ. ³ Ngkíq, cớq anhia sanhữ loah máh satoiq anhia khoiq sâng cớp noap chơ. Cớq anhia trĩh máh satoiq ki cớp ngin kho lỏih anhia. Khân anhia tở bữn trĩh cớp ngin kho, cứq toâq pỏ anhia ariang cūai savẽng, ma anhia tở bữn dáng bo lếq cứq toâq. ⁴ Ma bữn bĩq náq tễ tốp anhia tâng vil Sardi, ma tở bữn táq yỏn tampác alói cớt nhọp. Nỏ-ra, alói bữn sớp tampác cloc cớp pỏq parnoi cớp cứq, yuaq p̄ieiq yỏn alói bữn ngkíq. ⁵ Cūai aléq ma chĩl riap máh ngê sâuq, nỏ-ra cūai ki bữn sớp tampác cloc machóng alói ki tề. Cớp cứq tở bữn pupứt ramứh cūai ki tễ pơ saráq bữn ramứh cūai tamoong mantái. Yáng moat Mpoaq cứq cớp máh ranẽng án tâng paloong, cứq ngin cūai ki la cūai cứq.

⁶ “Aléq bữn cutũr yoc ẽ

tamúng, ki tamúng máh satoiq Raviei Yiang Sursĩ atõng máh tốp sa-âm!”

Atõng Tốp Sa-âm Tâng Vil Phi-ladel-phia

⁷ “Cớq mới chĩc yỏn ranẽng Yiang Sursĩ ca chuai tốp sa-âm tâng vil Phi-ladel-phia neq: Nâi la parnai tễ án ca bráh o cớp p̄ieiq níc. Án bữn chớq yống con cachũo tễ puo Davít. Toâq án cloaih toong, tở bữn noau tềq pớh. Cớp toâq án pớh toong, tở bữn noau tềq cataih.

⁸ “Cứq dáng chơ máh ranáq anhia táq. Anhia tở bữn sớt ntróu tâng vil ki, ma anhia khoiq puai ngê cứq cớp sa-âm cứq samoat samoi. Ngkíq, cứq pớh toong yỏn anhia mut, cớp toong ki tở bữn noau tềq cataih. ⁹ Nhêng tít! Bữn muoi tốp cūai puai ngê yiang Satan. Alói pai alói la tễ tốp I-sarel, ma alói tở cớn lứq cūai I-sarel. Alói pai sâng. Cứq ẽ táq yỏn alói sacỏh racól cheq ayũng anhia cớp yám noap anhia. Chơ alói bữn dáng cứq ayooq anhia. ¹⁰ Yuaq anhia chĩuq tanhĩr sa-ũĩ ramứh đọq puai máh ốc cứq khoiq patáp anhia, ngkíq cứq tở bữn yỏn anhia ramóh túh coat ntróu tâng tangái túh coat toâq pỏ dĩ cruang, đọq chim máh cūai ca ốt tâng cốc cutẽq nâi. ¹¹ Tở bữn dũn noâng, lứq cứq toâq. Cớq anhia yống pacái máh ngê anhia bữn, đọq yiang canỏh tở tềq

radũng anhia yõn táh chíq
ngê ki. Khân anhia táh
ngê ki, nõ-ra anhia ỏq cóng.
12 Cũai aléq ma chíl riap máh
ngê sâuq, cứq lứq táq yõn án
cõt samoát tanũl tâng đống
sang Yiang Sursĩ. * Cóp án tở
nai loõh nõng tễ đống sang
ki. Cứq ẽ chĩc tâng cũai ki la
ramúh Yiang Sursĩ cứq cóp
ramúh vil Yiang Sursĩ cứq.
Ramúh vil ki la vil Yaru-
salem Tamái. Yiang Sursĩ
yõn vil ki sễng tễ paloõng.
Cóp cứq ẽ chĩc ramúh tamái
cứq tâng cũai ki tễ.

13 “Aléq bữn cutũr yoc
ẽ tamứng, ki tamứng máh
santoiq Raviei Yiang Sursĩ
atõng máh tốp sa-âm!”

Atõng Tốp Sa-âm Tâng Vil Lau-dusia

14 “Cóq mới chĩc yõn
ranẽng Yiang Sursĩ ca chuai
tốp sa-âm tâng vil Lau-dusia
neq: Nái la parnai tễ án ca
bữn ramúh Amen. Anhia
têq noap ỉt máh santoiq án
pai, yuaq án pai ỏc p̄ieiq níc.
Án toáp sôt đũ ramúh Yiang
Sursĩ khoiq tềng.

15 “Cứq dáng chơ máh
ranáq anhia táq. Anhia
tở bữn sa-âm cứq samoát
samoi, cóp anhia tở bữn táh
tháng cứq. Cứq yoc lứq an-
hia sa-âm samoát samoi tở la
tở bữn sa-âm loâng. 16 Yuaq
anhia bữn mút catõn-tõn,
ngkíq anhia la ariang đờq
cutâu ừ-ừ sâng. Đờq ki
cứq pruih tễ bõq cứq. 17 Cứq

sâng anhia pai neq: ‘Hếq
khoiq sốc bữn chơ. Tở
bữn ỏq ntrầu nõng. Hếq
thương lứq.’

“Ma anhia tở bữn dáng
anhia la tởiq bap, túh cadĩt,
sũt moat, cóp ỏt mu rariat.
18 Cứq atõng anhia neq: Cóq
anhia chõng yễng muoi chít
tễ cứq. Ngkíq anhia lứq cõt
sốc bữn. Cóq anhia chõng
tampác cloc tễ cứq yõn an-
hia sóp, chơ anhia tở bữn ỏt
mu rariat, cóp tở bữn sâng
casiet táq nõng. Cóp cóq
anhia chõng rahâu tễ cứq,
đờq atia tâng moat anhia.
Chơ moat anhia cõt blang
loah. 19 Máh cũai cứq ayooq,
ki cứq sươq cóp manrap
alói. Ngkíq, cóq anhia bữn
mút pahõm ẽr áiq lứq yoc
ẽ sa-âm, cóp cóq anhia ngin
lôi. 20 Sanua cứq ỏt tayứng
yáng tiah ngoah toong, cóp
cứq arô yoc ẽ mut đống
anhia. Khân bữn cũai aléq
ma sâng sương cứq, chơ pớh
yõn cứq mut, ki cứq mut cha
parnoi cóp án, cóp án cha
parnoi cóp cứq. 21 Cũai aléq
ma chíl riap máh ngê sâuq,
cứq yõn cũai ki tacu parnoi
cóp cứq tâng ntốq cứq sôt,
machõng cứq khoiq chíl riap
máh ngê sâuq, chơ cứq bữn
tacu parnoi cóp Mpoaq cứq
tâng ntốq án sôt.

22 “Aléq bữn cutũr yoc
ẽ tamứng, ki tamứng máh
santoiq Raviei Yiang Sursĩ
atõng máh tốp sa-âm!”

* 3:12 3:12 Đống sang Yiang Sursĩ la sacâm tễ nheq tốp sa-âm.

4

Ntốq Yiang Sursĩ Tacu Cốt Sốt Tâng Paloõng

¹ Vót ki cứq hữm muoi ngoah toong noau pớh tâng paloõng. Chơ cứq sâng muoi srong casang lứq ariang noau plóng lavia, machóng cứq khiq sâng tể nhũang chơ. Srong ki atõng cứq neq: “Mới chõn pớ nâi. Cứq ẽ yõn mới hữm máh ranáq ẽ toáq nỡ-ra.”

² Bo ki toáp Raviei Yiang Sursĩ cốt sốt tâng mút pahõm cứq. Chơ cứq hữm muoi cachõng puo đốq tacu tâng paloõng. Cóp cứq hữm manoaq õt tacu tâng cachõng ki. ³ Roáp án claq poang samoat poang claq tể tamáu moat lứq, ramứh yat-pít cốp sardián. Cóp bữn parêng cáng claq chũop ntốq án tacu. Parêng cáng nâi la samoat tamáu ramứh samar-danô. ⁴ Ồt mpễ cachõng puo tacu bữn bar chít la pỏn lám cachõng canõh ẽn. Cóp bữn bar chít la pỏn náq arieih thâu õt tacu tâng cachõng ki. Alói sớp tampác cloc, cốp tapưng vuam yẽng. ⁵ Tể ntốq puo tacu bữn lalieiq cốp srong samoat srong crúm. Cóp bữn tapul lám tabong bữ trông yáng moat ntốq puo tacu. Tapul lám tabong ki la tapul ngê Raviei Yiang Sursĩ chuai cũai. ⁶ Yáng moat ntốq puo tacu, cứq hữm kếng la-ariang đớq mút, cốp raloang lứq. Bữn pỏn lám charán õt

mpễ ntốq puo tacu. Pỏn lám charán ki bữn sa-ũri moat, yoah moat cốp yoah clĩ. ⁷ Charán muoi la ariang cula samín. Charán bar la ariang ntroõq con. Charán pái bữn mieiq ariang cũai. Cốp charán pỏn la ariang chỏm calang crúc. ⁸ Dũ pỏn lám charán ki bữn tapoat lám khlap. Cốp tâng khlap alói bữn sa-ũri moat, yoah tiah cốp yoah clống khlap. Tangái sadâu alói tỡ nai tangút pai neq:

“Bráh o, bráh o, bráh o lứq
la Yiang Sursĩ Sốt Toár
Lứq.

Án la Yiang ca tamoong
mantái,
tể dâu toáq sanua, cốp
toau sốt nheq dũ dõi.”

⁹ Bo pỏn lám charán ki khễn, yám noap, cốp sa-õn án ca tacu tâng cachõng puo, la án ca tamoong mantái níc, ¹⁰ bo ki arieih thâu bar chít la pỏn náq ki sacõh racól yáng moat án ca tacu tâng cachõng puo, cốp alói sang toam án ca tamoong mantái níc. Alói pũot carvang vuam yẽng tể plờ alói, chơ achúh đớq bân ntốq puo tacu. Cốp alói pai neq:

¹¹ “Cucõh Yiang Sursĩ, Ncháu
hếq ơi!

Lứq p̄ieiq hếq khễn anhia
cốp yám noap anhia;
cốp lứq p̄ieiq anhia sốt
dũ ramứh.

Yuaq anhia toáp khiq tểng
dũ ramứh.

Dũ ramúh ki lúq bũn cõ
anhia toáp êq yõn bũn
ngíq.”

5

Cũu Con Ca Cuchĩt Tang Máh Cũai

¹ Moâm ki cứq hũm án ca
tacu tâng cachơng puo yõng
muoi parnĩal choaiq tâng
atĩ atoam. Noau chĩc bar
coah parnĩal choaiq ki, cớp
noau catẽh ta tapul ntốq.

² Cứq hũm muoi ranẽng
Yiang Sursĩ ca bán rêng lúq.
Án blóh casang lúq neq:
“Noau bũn chớc têq cadõh
tẽc ta nãi, chơ pớh parnĩal
choaiq nãi?”

³ Ma tỡ bũn noau õt tâng
paloõng, tỡ la õt tâng cutẽq,
tỡ la õt tâng pũn cutẽq,
mỡ têq pớh cớp nhẽng tâng
clống parnĩal ki. ⁴ Cứq
nhiam níc yuaq tỡ bũn noau
bũn chớc têq pớh cớp nhẽng
tâng clống parnĩal ki. ⁵ Chơ
bũn manoaq tẽ tộp arieih
thâu ki atõng cứq neq: “Chõ
nhiam. Nhẽng chu ki! Bũn
Cula Samĩn tẽ tộp Yuda, cớp
tẽ tống toiq puo Davĩt, án
khoiq riap ngê sũaq chơ.
Têq án cadõh chíq tapul tẽc
catẽh ta, cớp pớh parnĩal ki.”

⁶ Cứq pĩh nhẽng, chơ cứq
hũm muoi lám Cũu Con
tayũng bản mpũng dĩ cheq
cachơng puo tacu. Põn
lám charán cớp máh arieih
thâu õt mpẽn án. Cũu Con
ki la samoat noau khoiq
cachĩt án. Án bũn tapul
lám tacoi cớp tapul ọc moat.

Moat án sacâm tẽ tapul
ngê Raviei Yiang Sursĩ chuai
cũai. Yiang Sursĩ khoiq yõn
Raviei án loõh chuai cũai
chũop cớc cutẽq nãi. ⁷ Cũu
Con ki pớq ít parnĩal saráq
ki tẽ atĩ atoam án ca tacu
tâng cachơng puo. ⁸ Bo án ít
parnĩal, põn lám charán cớp
bar chít la põn náq arieih
thâu sacõh racól yáng moat
Cũu Con ki. Cớp dũ náq
alóí bũn manoaq muoi lám
achúng, cớp manoaq muoi
bẽng tangan yẽng. Tan-
gan ki poãn moang crơng
phuom. Crơng phuom ki la
máh santoiq cũai puai ngê
Yiang Sursĩ khoiq câu. ⁹ Cớp
dũ náq alóí ũat cansái ũat
tamái neq:

“Pĩeiq lúq anhia roap ít
parnĩal choaiq ki.

Cớp pĩeiq lúq anhia
cadõh tẽc noau khoiq
catẽh ta cớp pớh
parnĩal ki.

Yuaq anhia khoiq noau
cachĩt chơ.

Cớp aham anhia loõh
dốq thái máh cũai
yõn têq õt parnoi cớp
Yiang Sursĩ.

Anhia thái cũai tẽ dũ tộp, dũ
parnai,

dũ thữ cũai, cớp dũ cru-
ang.

¹⁰ Anhia khoiq táq yõn cũai
ki cõt muoi cruang.

Alóí cõt cũai tẽng rit
sang Yiang Sursĩ.

Cớp nỡ-ra alóí bũn cõt sốt
tâng cớc cutẽq nãi.”

11 Bo cứq nhêng, cứq sâng sường ranêng Yiang Sursĩ toâq ớc vêu tở rơi noap noâng. Alói ớt pễ cachơng puo tacu, pễ pồn lám charán, cớp pễ máh arieih thâu. 12 Nheq tữh ranêng ki pai casang lứq neq:

“P̄ieiq lứq noau yám noap,
noau khễn,
cớp noau sa-ỡn Cũu Con
ca noau khoiq cachĩt,
yuaq án bữn chớc, bữn sốc
bữn, bữn ớc rangoiq,
bữn ớc rêng,
bữn noau yám noap,
bữn ang-ữr, cớp bữn
noau khễn!”

13 Cớp cứq sâng dũ ramứh ca ớt tâng paloỡng, ớt tâng cốc cutêq, ớt tâng pưn cutêq, ớt tâng dớq mưt, cớp dũ ramứh canốh hỡ, máh ramứh Yiang Sursĩ khoiq tểng chơ. Nheq tữh ramứh ki pai neq:

“Cớq hái khễn cớp yám noap
níc
án ca tacu tâng cachơng
puo cớp Cũu Con ki.
Án bữn chớc ang-ữr cớp án
cốt sốt tể sanua,
toau sốt dời lơi cumo.”

14 Chơ, pồn lám charán ki pai neq: “Amen!”

Cớp máh arieih thâu ki sacốh racốl cớp sang toam án.

6

*Cũu Con Cadõh Tapoât
Tếc Tâng Parnĩal Choaiq*

1 Vót ki cứq hữm Cũu Con ki cadõh tếc muoi ca noau

khoiq catêh ta tâng parnĩal choaiq ki. Cớp cứq sâng muoi lám tể alói pồn lám charán ki arô cứq neq: “Mới toâq pở nãi!”

Sường án la samoât crứm bubữr. 2 Cứq nhêng chu ki, chơ cứq hữm muoi lám aséh cloc. Cũai ca ớt tâng cloong aséh ki yống muoi lám tamĩang, cớp noau yỗn án bữn vuam puo cõt tếc án khoiq chíl riap. Chơ án pỡq, cớp dũ ntốq án pỡq, la án chíl riap níc.

3 Chơ, cứq hữm Cũu Con ki cadõh tếc bar ễn, cớp cứq sâng charán bar atỡng cứq neq: “Mới toâq pở nãi!”

4 Bữn muoi lám aséh cusâu ễn toâq. Cũai ca ớt tâng cloong aséh ki bữn chớc têq táq yỗn máh cũai tâng cốc cutêq nãi manoaq rachĩl rataq manoaq, manoaq carchĩt manoaq. Cớp noau yỗn án bữn muoi pla dau toâr lứq.

5 Chơ Cũu Con ki cadõh tếc pái ễn, cớp cứq sâng charán pái atỡng cứq neq: “Mới toâq pở nãi!”

Cứq nhêng chu ki, chơ cứq hữm muoi lám aséh cũm. Án ca ớt tâng cloong aséh ki yống muoi lám canân. 6 Cớp cứq sâng muoi sường toâq tể pồn lám charán ki pai neq: “Mới yỗn saro mi ống muoi crư cacốt sâng la cóng cũai tuthể muoi tangái. Cớp mới yỗn saro bali ống pái crư cacốt sâng la cóng cũai tuthể tâng muoi tangái

tê. Ma chõĩ talõh đờq nsẽng o-li-vê, cớp chõĩ talõh blõng nho!”

⁷ Chơ Cũu Con ki cadõh tếc põn ên, cớp cứq sâng charán põn ki atõng cứq neq: “Mớĩ toâq pờ nãi!”

⁸ Cứq nhêng chu ki, chơ cứq hữm muoi lám aséh roõh-roõh. Án ca õt tâng cloong aséh ki bữn ramứh Ớc Cuchĩt, cớp bữn manoaq ên puai ntun clĩ Ớc Cuchĩt ki. Manoaq ki bữn ramứh Ntốq Cũai Cuchĩt Ớt. Noau yõn bar náq ki bữn chớch cachĩt cũai, muoi pún tễ põn pún tễ máh cũai õt tâng cớc cutẽq nãi. Án ca cuchĩt na dau. Án ca cuchĩt na panhieih khlac. Án ca cuchĩt na a-ĩ õn. Án ca cuchĩt na charán pla tâng arurih.

⁹ Chơ Cũu Con ki cadõh tếc sõng ên. Cứq hữm pũn prõng sang tâng paloõng bữn ravieĩ máh cũai noau khoiq cachĩt cõ tian alóĩ sa-âm parnai Yiang Sursĩ, cớp cõ tian alóĩ atõng parnai ki. ¹⁰ Alóĩ arô casang lữq neq: “Ơ Yiang Sursĩ Ncháu Nheq Tũh Cũai ơi! Anhia la lữq bráh o cớp anhia táq p̄ieiq níc! Noâng maléq dũn anhia acoan toau toâq anhia rablõh cũai tâng cớc cutẽq nãi? Cớp noâng maléq dũn anhia carláh đờq chớq máh cũai khoiq cachĩt hếq?”

¹¹ Chơ noau yõn dũ náq cũai ki manoaq muoi ploah au tuar cloc, cớp noau atõng alóĩ neq: “Cớq anhia acoan bĩq tangái ên, yõn toau toâq

cuchĩt nheq máh sễm ai cớp yóu anhia ca ẽ cachĩt machớng anhia tê.”

¹² Chơ cứq hữm Cũu Con ki cadõh tếc tapoát ên. Chơ cutẽq cõt cacut hập lữq; moat mandang cõt canám ariang aroaiq cũm catáng chíq; cớp rliang casai cõt cusâu ariang aham. ¹³ Chơ máh mantõr tâng paloõng satooh chu cutẽq, ariang palai aluang satooh toâq cuyal phát ploaq nỡm án. ¹⁴ Paloõng cõt pút ariang choaiq noau p̄ial đờq. Dũ plờ cóh cớp dũ cõn cõt rachâu, chơ rasĩc chu canõh ên. ¹⁵ Chơ máh puo tâng cutẽq nãi, máh cũai sõt canõh, máh cũai sõt tahan, máh cũai sớc bữn, máh cũai chớch toâr, máh cũai sũl, cớp máh cũai tở bữn sũl, dũ náq alóĩ tooq tâng cựp cớp tâng pũn tamáu tâng cóh. ¹⁶ Alóĩ arô cóh cớp tamáu toâr, pai neq: “Ấu, satooh catết tở hếq yõn cõt clõp chíq tễ moat án ca tacu tâng cachớng puo! Cớp yõn hếq viaq tễ atĩ Cũu Con ca cutâu mút chớq hếq, ¹⁷ yuaq khoiq toâq chơ tangái carláh đờq. Tở bữn noau tẽq viaq vót tễ atĩ alóĩ!”

7

Muoi Culám Põn Chít La Põn Ngìn Náq Cũai I-sarel

¹ Vót ki, cứq hữm põn náq ranẽng Yiang Sursĩ tayúng tâng põn púp paloõng cutrúq, manoaq muoi púp.

Alóí catáng cuyal ca toâq tễ pôn angia, tở yỗn phát noâng tâng cutêq, tở la tâng đờq mut, tở la tâng aluang aloai. ² Cóp cứq hữm muoi ranễng ễn toâq tễ angia mandang loõh. Án yống crơng táq tếc yỗn noau dáng cũai aléq la khong Yiang Sursĩ, án ca tamoong mantái. Ranễng ki arô casang lứq pôn náq ranễng ca Yiang Sursĩ yỗn bữn chóc talõh cốc cutêq cóp đờq mut. ³ Án atỡng pôn ranễng ki neq: “Chỗi táq ntrớu yũah chóc cốc cutêq, tở la đờq mut, tở la aluang aloai yỗn toau toâq hếq bữn táq tếc Yiang Sursĩ tâng caliac máh cũai táq ranáq Yiang Sursĩ hái.”

⁴ Cóp cứq sâng noau pai máh cũai bữn tếc ki lạ 144,000 náq. Alóí ki la tễ muoi chít la bar tốp cũai I-sarel. ⁵ Tễ tốp Yuda bữn 12,000 náq. Tễ tốp Ruben bữn 12,000 náq. Tễ tốp Cát bữn 12,000 náq. ⁶ Tễ tốp Asêr bữn 12,000 náq. Tễ tốp Nep-tali bữn 12,000 náq. Tễ tốp Ma-nasê bữn 12,000 náq. ⁷ Tễ tốp Si-mê-ôn bữn 12,000 náq. Tễ tốp Lê-vi bữn 12,000 náq. Tễ tốp I-sacar bữn 12,000 náq. ⁸ Tễ tốp Sa-bulôn bữn 12,000 náq. Tễ tốp Yô-sep bữn 12,000 náq. Cóp tễ tốp Ben-yamin bữn 12,000 náq.

Chứng Cũai Noau Tở Têq Noap

⁹ Vót ki cứq nhêng, chơ cứq hữm clứng lứq cũai, tở rơi nghì noâng. Alóí toâq tễ dũ cruang, dũ tốp, dũ thữ cũai, cóp dũ parnai. Alóí tayứng yáng moat cachơng puo tacu, cóp yáng moat Cũu Con. Alóí sớp au tuar cloc, cóp alóí yống ngoong po. ¹⁰ Alóí arô casang lứq neq: “Yiang Sursĩ hái, án ca tacu tâng cachơng puo, cóp Cũu Con ki, alóí toâp chuai amoong hái!”

¹¹ Ngkíq nheq tữh ranễng Yiang Sursĩ ỡt tayứng mpễ cachơng puo tacu, mpễ máh arieih thâu cóp pôn lám charán. Chơ nheq tữh ranễng ki sacõh racól yáng moat cachơng puo tacu, cóp alóí sang Yiang Sursĩ, pai neq: ¹² “Amen! Cóc hái khễn cóp sa-ỡn Yiang Sursĩ hái, yuaq án bữn chóc, bữn rêng, cóp bữn ốc rangoaiq. Yỗn nheq ramứh sớ toâq pờ án toau sớ đời lơi cumo! Amen!”

¹³ Chơ bữn manoaq tễ máh arieih thâu ki blớh cứq neq: “Cũai ca sớp au tuar cloc ki la noau? Cóp tễ léq alóí toâq?”

¹⁴ Cứq ta-ỡi án neq: “Ncháu ơi! Ông Ncháu toâp dáng tễ ramứh ki.”

Chơ án atỡng cứq neq: “Nài la máh cũai khoi q chũuq túh coat lứq bo alóí ỡt tâng cốc cutêq. Alóí khoi q pooh au tuar alóí yỗn cõt cloc lứq. Cỗ nơ tễ aham Cũu Con ki, au tuar

alói cõt cloc. ¹⁵ Yuaq ngkíq, alói õt tayúng yáng moat Yiang Sursĩ dõq táq ranác án cu rangái cu sadâu tâng dõng sang án. Án ca tacu tâng cachõng puo lúq kĩaq rabán níc alói. ¹⁶ Alói tõ nai sâng panhieih khlac; cõp moat mandang tõ nai claq rêng lúq chóc alói, tõ la ùih táq yõn alói sâng a-ĩ, ¹⁷ yuaq Cũu Con ca õt yáng moat cachõng puo tacu chũm siem alói. Án toáp cõt mantán alói, cõp dũng alói toaq pở dõq mec yõn tamoong. Cõp Yiang Sursĩ chut sarliang moat alói."

8

Cũu Con Cadõh Chíq Tęc Tapul

¹ Bo Cũu Con cadõh tęc tapul tâng parniãl choãiq ki, cõt rangiac ra-ĩap thãng tâng paloõng mán chĩn muoi adéh dõi. ² Chơ cứq hũm noau avõi tapul lám lavia pở tapul náq ranẽng Yiang Sursĩ ca tayúng yáng moat án.

³ Muoi ranẽng ẽn toaq tayúng cheq prõng sang Yiang Sursĩ. Án yõng muoi adéh yẽng cacót, cõp noau yõn án bũn cõng phuom sa-ũi lúq dõq chiau sang yõn Yiang Sursĩ tâng prõng yẽng ca õt yáng moat cachõng puo tacu. Án sang cõng phuom ki parnoi cõp máh santoiq cũai ca puai ngê Yiang Sursĩ khoiq câu. ⁴ Phĩac tể cõng

phuom tâng adéh ranẽng ki yõng yáng moat Yiang Sursĩ, phĩac ki chõn muoi prõh cõp máh santoiq cũai ca puai ngê Yiang Sursĩ câu sễq. ⁵ Chơ ranẽng ki ìt ùih tể prõng, cõp án chóc ùih ki tâng adéh. Moâm ki, án voang adéh chu cutẽq. Chơ bũn crũm cõp srong canõh bubũr; bũn lalieiq, cõp cutẽq cacutr.

Tapul Ranẽng Yiang Sursĩ Plóng Lavia

⁶ Chơ tapul náq ranẽng tể paloõng ca bũn tapul lám lavia, alói thrũan plóng lavia. ⁷ Ranẽng muoi plóng lavia án. Chơ bũn prẽl cõp ùih carchóc cõp aham sễng chu cõc cutẽq. Chơ cat muoi pún tể pái pún cõc cutẽq, cõp cat tê muoi pún tể pái pún máh aluang aloai. Cõp máh bát bai tâng cõc cutẽq la cat nheq.

⁸ Moâm ki, ranẽng bar ẽn plóng lavia án. Chơ cứq hũm ariang cóh toâr blũ ùih noau apõng chu dõq mựt. Chơ muoi pún tể pái pún dõq mựt cõt samoat aham. ⁹ Máh acán tamoong tâng dõq mựt, cuchĩt muoi pún tể pái pún. Cõp máh tuoc tâng dõq mựt, cõt rúng ralõh muoi pún tể pái pún.

¹⁰ Moâm ki ranẽng pái ẽn plóng lavia án. Chơ cứq hũm muoi óc mantõr toâr lúq blũ samoat aroam. Mantõr ki satooh tể paloõng

p̄ieiq muoi pún tẽ pái pún dõq hoi cốp dõq mec. ¹¹ Ramúh mantõr ki la Crong Ntáng. Ngkíq, muoi pún tẽ pái pún dõq ki cõt ntáng. Cứng cũai nguaiq dõq ki cõt cuchĩt, yuaq dõq ki ntáng lứq.

¹² Moâm ki ranẽng pôn ẽn plóng lavia án. Chơ moat mandang, rliang casâi, cốp máh mantõr, cõt rúng muoi pún tẽ pái pún. Ngkíq poang tangái, cốp poang sadâu, la cõt canám muoi pún tẽ pái pún.

¹³ Toâq cứq nhêng, chơ cứq sâng srong muoi lám calang crúc pâr sarõih lứq tâng paloõng. Án pai casang lứq neq: “Bap lứq! Bap lứq! Bap lứq yõn máh cũai tâng cốc cutẽq, cõ bữn pái nác ranẽng ẽn plóng lavia aló!”

9

¹ Moâm ki ranẽng srong ẽn plóng lavia án. Chơ cứq hữm muoi ọc mantõr khoiq satooh tẽ paloõng chu cutẽq. Mantõr nâi bữn chóc têq pớh ntốq pống sarloac. ² Bo mantõr ki pớh pống sarloac, bữn phĩac suol achõn chu paloõng, samoât phĩac tẽ ùih toâr lứq. Chơ tỡ têq hữm noâng poang tẽ moat mandang, cõ tian phĩac tẽ pống sarloac ki. ³ Cốp bữn sampứh lam sa-ũĩ lứq loõh tẽ phĩac cốp sêng chu cutẽq. Lam ki bữn chóc

táq machóng pông cutiang. ⁴ Noau ớn lam ki chõĩ táq rúng bát bai, tỡ la aluang aloai, tỡ la máh crong dát tâng cutẽq. Ma têq án táq máh cũai ca tỡ bữn bữn tếc Yiang Sursĩ tâng caliac. ⁵ Máh lam ki tỡ têq táq yõn cũai cuchĩt thág, ma têq án táq yõn cõt a-ĩ túh coat nheq srong casâi. A-ĩ ki la samoât pông cutiang sũiq cũai. ⁶ Tâng srong casâi ki, cũai chi-chuaq rana ẽq yõn cuchĩt ma alóĩ tỡ ramóh. Alóĩ yoc lứq cuchĩt, ma ọc cuchĩt tỡ bữn toâq pỡ alóĩ.

⁷ Máh lam ki la samoât tốp asêh khoiq thũan ẽ pờq rachĩl. Mieiq án la samoât mieiq cũai; ma tâng plõ án samoât án tapung vuam yẽng. ⁸ Sóc án samoât sóc mansẽm, cốp canẽng án samoât canẽng cula samín. ⁹ Tâng apơm án la samoât án sớp au tac. Cốp khlap án bubữr samoât riang sễ asêh rachĩl pờq cháĩ lứq chu ntốq rachĩl. ¹⁰ Máh lam ki bữn soi ariang soi pông cutiang, têq sũiq cũai. Án bữn chóc táq cũai toâq soi án nheq srong casâi. ¹¹ Sapứh lam ki bữn puo ca sớt án. Puo ki la ranẽng ca ndõm ntốq pống sarloac. Tâng parnai I-sarel noau dõq ramúh puo ki la A-badôn. Cốp tâng parnai Créc, noau dõq ramúh A-pulôn.*

¹² Ngkíq, ramúh túh coat nhũang ki khoiq vớt chơ.

* 9:11 9:11 Bar santoiq A-badôn cốp A-pulôn parlong loah la ‘Án Ca Talõh’.

Ma noâng bữn bar ramứh túh coat ẽn ẽ toảq pữ cũai.

¹³ Moâm ki ranẽng tapoât ẽn plóng lavia án. Chơ cúq sảng sường loỏh tẽ pỏn nhoq prỏng yẽng yảng moat Yiang Sursĩ. ¹⁴ Sường ki atởng ranẽng tapoât ca yỏng lavia neq: “Cỏq mới pỏq acláh pỏn náq ranẽng ca noau khoiạ chỏq đỏq tởng tor crỏng O-phơ-rat!”

¹⁵ Chơ noau acláh pỏn ranẽng ki. Ranẽng ki khoiạ ỏt acoan ẽq yỏn toảq tangái, casai, cỏp cumo nài, yỏn alỏi tẻq pỏq cachĩt cũai muoi pún tẻ pái pún ca ỏt tởng cutẻq.

¹⁶ Ranẽng ki dửng tahan ỏt asẻh pỏq rachĩl. Cúq sảng noau pai tahan ki cứng bar culám trỉeu náq. ¹⁷ Cỏp noau sapáh yỏn cúq hửm cũai cỏp asẻh ki. Cũai ki sỏp au tac tởng aởm alỏi. Au tac ki cusâu ariang pla ủih, ramoong, cỏp rariaq hỡ. Plở asẻh ki la samoât plở cula samín. Cỏp bữn ủih, phỉac, cỏp mữ loỏh tẻ bỏq asẻh ki. ¹⁸ Mách cũai tởng cỏc cutẻq, muoi pún tẻ pái pún cuchĩt toảq ủih, tỡ la phỉac, tỡ la mữ ca loỏh tẻ bỏq asẻh ki. ¹⁹ Mách asẻh ki bữn bar ramứh pla tẻq cachĩt cũai. Muoi la bỏq, cỏp bar la soi, yuaq soi án bữn plở ariang cusân.

²⁰ Ma máh cũai tỡ bữn cuchĩt cỏ tian túh coat ki, noâng alỏi tỡ ẻq ngin kho máh ranáq lỏih atĩ alỏi

khoiạ táq. Alỏi noâng sang yiang sảuq cỏp rup yiang canỏh ca alỏi táq toảq yẻng, práq, sapoan, tamáu, cỏp aluang. Ma máh rup ki tỡ tẻq hửm, tỡ tẻq sảng, cỏp tỡ tẻq pupỏq. ²¹ Mách cũai ki tỡ bữn ngin lỏih alỏi cachĩt cũai, alỏi puai ngẻ cũai mo, alỏi tỡ bữn lacuoi cayac ma bẻq parnoi, cỏp alỏi tutuoiq.

10

Yang Cha Muoi Pơ Parnĩal

Cỏt

¹ Vỏt ki cúq hửm muoi noaq ẽn ranẽng Yiang Sursĩ sẻng tẻ paloỏng. Án bán rẻng lứq, cỏp án acuam ramứl. Bữn prẻng cáng rayư plở án. Mieiq án la ariang moat mandang, cỏp ayửng án la ariang ủih bử. ² Tởng atĩ án yỏng parnĩal choảiq cacỏt, khoiạ noau pớh chơ. Án achủh ayửng coah atoam tởng đỏq mựt, cỏp ayửng coah avẻ tởng cloong cutẻq.

³ Án arỏ casang lứq samoât sường cula samín arư. Vỏt án arỏ ngkíq, bữn crửm bubửr tapul trỏ casang lứq.

⁴ Moâm crửm bubửr, cúq chanchỏm ẻ chĩc máh santoiq sường crửm bubửr. Ma cúq sảng muoi sường tẻ paloỏng atởng cúq neq: “Chỏi chĩc máh ramứh ki! Cỏq mới cutooq đỏq máh santoiq tapul trỏ crửm ki pai!”

⁵ Chơ cúq hửm ranẽng ca tayửng tởng đỏq mựt cỏp

tâng cutêq ayúng atĩ atoam chu paloong. ⁶ Cóp án thể đũa taléq ramúh Yiang Sursĩ ca tamoong mantái níc, án ca têng paloong cóp đũa ramúh tâng ki, têng cutêq cóp đũa ramúh tâng ki, têng đờq mứt cóp đũa ramúh tâng ki. Ranêng ki pai neq: “Péq chơ! Yiang Sursĩ tở bữn acoan noâng! ⁷ Toâq ranêng tapul ki plóng lavia án, Yiang Sursĩ táq moâm máh ranáq cutooq án khoiq chanchóm ẽ táq. Ranáq nãi án khoiq atõng nhũang yõn máh cũi tang bõq ca táq ranáq án.”

⁸ Moâm ki, sường ca khoiq atõng cứq tẽ paloong, atõng cứq sĩa neq: “Cóg mới pờq ít parnĩal choaiq khoiq noau pớh chơ tẽ atĩ ranêng ca tayúng tâng đờq mứt cóp tâng cutêq.”

⁹ Chơ cứq pờq toâq pờ ranêng ki, cóp cứq sễq tẽ án parnĩal choaiq cacót ki. Ranêng ki atõng cứq neq: “Ậu mới ít! Chơ mới cha! Bõq mới sâng ngiam lứq, samoat đờq khĩal, ma púng mới sâng a-ĩ, cõt ariang mới cha công ntáng.”

¹⁰ Chơ cứq ít parnĩal choaiq cacót tẽ atĩ ranêng ki, cóp cứq cha. Tâng bõq cứq sâng ngiam, samoat đờq khĩal. Ma moâm cứq lữn, cứq sâng a-ĩ tâng púng, cõt ariang cứq cha công ntáng.

¹¹ Chơ ranêng ki atõng cứq neq: “Cóg mới pờq

atõng tang bõq Yiang Sursĩ máh parnai án ẽ atõng tẽ sa-ũĩ tốp cũi, sa-ũĩ cruang, sa-ũĩ parnai, cóp sa-ũĩ puo.”

11

Bar Náq Ca Cuchĩt Cóp Tamoong Loah

¹ Moâm ki noau yõn cứq muoi ntreh aluang, chơ ớn cứq neq: “Mới pờq chiaq đống sang Yiang Sursĩ cóp prông ca õt tâng đống ki toâq aluang nãi. Cóp mới nghĩ maléq cứng cũi rôm sang toam tâng đống ki.

² Ma máh nhõh yáng tiah đống sang, ki mới chõi chiaq, yuaq ntốq ki noau yõn cũi tở cũi cũi I-sarel tẽq mut. Nỡ-ra cũi ki cõt sớt tâng vil Yaru-salem, la vil miar khong Yiang Sursĩ, nheq pỏn chít la bar casai.

³ Tâng 1,260 tangái, cứq ớn bar náq pờq pờ ki, đờq atõng tẽ ngê Yiang Sursĩ. Bar náq nãi tặc tampác tanúh.”

⁴ Alói bar náq ca atõng parnai ki la samoat bar nỡm aluang o-li-vê cóp samoat bar rông tứu noau đờq yáng moat án ca Ncháu cõt cutêq nãi. ⁵ Khãn bữn cũi aléq ma yoc ẽ táq bar náq ki, bữn ùih loõh tẽ bõq alói bar náq đờq cachĩt cũi ca yoc ẽ táq alói. Ngkĩq, cũi aléq ma ẽ táq alói bar náq, cũi ki cóq cuchĩt na ùih. ⁶ Alói bar náq ki bữn chóc tẽq catáng đờq mia, tở yõn mia sễng noâng tâng máh tangái alói atõng

tễ ngê Yiang Sursĩ. Alóí bữn chóc têq táq yỗn dờq cõt chíq aham. Cóp alóí bữn chóc têq ón dũ ramứh túh coat toâq pờ cốc cutêq nâi puai pahõm alóí yoc.

⁷ Toâq nheq ngư alóí bar náq ki atõng tễ ngê Yiang Sursĩ, bữn muoi lám charán pla chõn tễ põng sarloac rachíl cốp alóí bar náq ki. Charán pla ki ẽ chíl riap cốp cachĩt alóí. ⁸ Chơ tỗ alóí radốc tâng rana put tâng vil toâr ca noau khoiq téh Ncháu alóí tâng aluang sangcáng. Vil ki la vil Yarusalem, ma Ravieí Yiang Sursĩ dờq vil ki la Sadôm cốp Ê-yip-tô, yuaq ranáq cũai tâng vil ki táq tỡ bữn p̄ieiq yáng moat Yiang Sursĩ. ⁹ Bữn cũai tễ dũ thữ cũai, dũ tốp cũai, dũ parnai cũai, cốp dũ cruang cũai, nheq tữh alóí lứq hữm tỗ bar náq ki nheq pái tangái tadĩ. Cốp alóí tỡ yỗn noau túp cumuiq bar náq ki. ¹⁰ Máh cũai tâng cốc cutêq nâi sâng bũi óh lứq tữ bar náq ki cuchĩt. Alóí cha pêl bũi, cốp manoaq yỗn cớng bũi chu manoaq, yuaq máh cũai tâng cốc cutêq nâi khoiq chiũq sa-ũĩ ramứh túh coat cỗ tian bar náq cũai tang bỗq Yiang Sursĩ ki.

¹¹ Toâq vót pái tangái tadĩ ki, bữn carhỡ tễ Yiang Sursĩ mut tâng tỗ bar náq ki. Chơ alóí tamoong loah cốp yuor tayúng. Máh cũai ca hữm óc ki, alóí sâng ngcõh lứq. ¹² Chơ bar náq ki sâng sường

casang lứq tễ paloõng atõng alóí neq: “Anhia chõn pờ nâi!”

Chơ bar náq ki chõn chu paloõng tâng mpúng dĩ ramứl. Cốp máh cũai ca kêt alóí bữn hữm ranáq ki. ¹³ Muoi próh ki cutêq cacut hập lứq; chơ vil ki cõt rúng ralõh muoi pún tễ muoi chít pún. Bữn tapul ngin náq cũai cuchĩt tâng vil ki. Ma máh cũai noâng tamoong, alóí khẽn Yiang Sursĩ ca ốt tâng paloõng, cỗ alóí sâng ngcõh lứq.

¹⁴ Ramứh túh coat bar khoiq vót chơ. Ma nhêng tíh! Ramứh túh coat pái ẽn toâq cháí lứq!

Ranẽng Tapul Plóng Lavia

¹⁵ Moâm ki ranẽng tapul ẽn plóng lavia án. Chơ bữn máh sường tâng paloõng pai casang lứq neq: “Sanua máh ramứh sốt tâng cutêq nâi chu nheq pờ Ncháu hái cốp pờ Crít, Ncháu hái khoiq rườh yỗn chuai amoong cũai. Án toâp cõt sốt tễ nâi chumat cốp toau sốt dời lơi cumo!”

¹⁶ Chơ alóí bar chít la pỗn náq arieih thâu ca tacu yáng moat Yiang Sursĩ, alóí sacõh racól cốp sang toam Yiang Sursĩ. ¹⁷ Alóí pai neq: “O Ncháu hếq ơi! Anhia la Yiang Sursĩ Sốt Toâr Lứq! Anhia la Yiang ca tamoong sanua, cốp tamoong tễ dâu lứq. Hếq sa-õn anhia khoiq ìt chóc toâr anhia, cốp sanua

anhia cõt sõt ãu ramúh.
¹⁸ Máh cruang cutêq khoiq
 sâng ũan chóc anhia. Ma
 sanua khoiq toâq tangái an-
 hia táq loah cũai ki. Khoiq
 toâq chơ tangái anhia rablớh
 máh cũai cuchít. Cóp anhia
 ẽ culáh cóng chóc máh cũai
 ca táq ranáq anhia. Cũai
 ki la máh cũai tang bõq an-
 hia, cốp ãu náq ca puai ngê
 anhia cốp yám noap ramúh
 anhia, ãnh cũai toâr, ãnh
 cũai cacót. Cóp khoiq toâq
 chơ tangái anhia pupút máh
 cũai khoiq talõh cutêq.”

¹⁹ Chơ noau pớh toong
 ãng sang Yiang Sursĩ tâng
 paloõng. Cóp cứq hũm hĩp
 bũn tếc Yiang Sursĩ par-ũq
 cốp cũai tâng ãng sang
 ki. Moâm ki bũn lalieiq,
 bũn máh srong bubũr, bũn
 crúm, bũn cutêq cacút, cốp
 bũn prẽl toâr lứq.

12

Mansẽm Ca Ớt Mumiaq, Cóp Ngươc Tuang

¹ Vót ki, bũn muoi tếc
 salẽh lứq tâng paloõng. Bũn
 manoaq mansẽm samoât án
 satẽng moat mandang tâng
 tở án, cốp án tayúng tâng
 rliang casái. Cốp án tapúng
 vuam ca bũn muoi chít la
 bar ốc mantỏr. ² Mansẽm ki
 cheq ẽ sết con. Án chuchỏr
 yuaq án sâng a-ĩ, cốp án
 sâng coat lứq ẽ sết con.

³ Muoi prớh ki cứq hũm
 muoi tếc canõh ẽnh tâng
 paloõng. Bũn muoi lám
 ngươc tuang cusáu toâr lứq.

Án bũn tapul lám plờ cốp
 muoi chít lám tacoì, cốp ãu
 plờ tapúng vuam puo. ⁴ Soi
 án cuviat muoi pún tẽ pái
 pún máh ốc mantỏr tâng
 paloõng, chơ voang asẽng
 mantỏr ki chu cutêq. Ngươc
 tuang ki tayúng yáng moat
 mansẽm ca cheq ẽ sết con,
 yuaq án yoc ẽ cha con cót cót
 mansẽm ki. ⁵ Chơ mansẽm
 ki sết muoi lám con sami-
 ang. Nỡ-ra con ki yống muoi
 ntreh ãu tac ãng cõt sõt ãu
 cruang cũai. Ngkíq Yiang
 Sursĩ yõn noau ãng toáp
 con ki chu ntỏq Yiang Sursĩ
 tacu cõt sốt. ⁶ Mansẽm ki
 lủh chu ntỏq aìq, pỏ ntỏq
 Yiang Sursĩ khoiq thũan
 yõn án ốt. Cóp Yiang Sursĩ
 chũm siem án nheq 1,260
 tangái.

Ngươc Tuang Cốt Pê Cốp Ranẽng Yiang Sursĩ

⁷ Moâm ki noau rachít
 tâng paloõng. Mi-kêl, án
 ca sốt máh ranẽng Yiang
 Sursĩ tẽ paloõng, án ãng
 ranẽng ki pỏq rachít cốp
 ngươc tuang. Ma ngươc
 tuang, án ãng máh ranẽng
 án pỏq rachít tẽ. ⁸ Ma ngươc
 tuang ki pẽ. Chơ án cốp
 ranẽng án tở têq ốt noâng
 tâng paloõng. ⁹ Ngkíq noau
 tuih ngươc tuang toâr ki tẽ
 paloõng! Ngươc tuang ki la
 samoât cusân tẽ mbỏq, án ca
 sốt máh yiang sâuq. Án bũn
 ramúh yiang Satan cốp án
 raphẽq ãu náq cũai. Noau

takêl án cốp máh ranêng án chu cutêq.

¹⁰ Moâm ki, cứq sâng sường casang lứq tâng paloông pai neq: “Sanua khoiq toâq chơ Yiang Sursĩ chuai amoong cūai! Sanua Yiang Sursĩ apáh án bữn chóc cõt Pulo! Sanua Crĩt, án ca Yiang Sursĩ ruoh đợq chuai amoong cūai, án cõt sốt tê! Lứq samoât, án ca tayúng yáng moat Yiang Sursĩ tâng paloông đợq cauq máh sểm ai hái cu rangái cu sadâu, khoiq noau tuih aloõh tể paloông chơ. ¹¹ Sểm ai hái khoiq riap án chơ, cõ nhơ aham tể Cũu Con, cốp cõ alóit atõng ọc pñeiq tể Cũu Con. Alóit tở bữn pasêq rangúh alóit, cốp alóit tở bữn ngcõh ntróu noau ẽ cachĩt alóit. ¹² Ngkíq paloông ời, cốp nheq tữh anhia ca õt tâng paloông, cóq anhia õn chõ! Ma bap lứq toâq pở cutêq cốp đợq mứt, yuaq yiang Satan khoiq sểng pở ki chơ. Mứt án sâng cutâu lứq, yuaq án dáng án tở tềq táq dũn noâng ranáq sâuq.”

Ngưoc Tuang Ẽ Táq Mansẽm Cốp Con

¹³ Tữ ngưoc tuang dáng noau khoiq tuih án chu cutêq, án tabỏq rapuai ẽ cốp mansẽm ca sết con samiang. ¹⁴ Ma Yiang Sursĩ yõn mansẽm ki bữn bar lám khlap samoât khlap calang crúc toâr lứq, yõn án tềq pâr chu ntốq aiq, pở ntốq Yiang Sursĩ khoiq thữan yõn án

õt. Pở ntốq ki Yiang Sursĩ chửm siem cốp bán kĩaq án tể ngưoc tuang nheq pái cumo tadĩ. ¹⁵ Chơ ngưoc tuang táq yõn đợq loõh tể bỗq án samoât crõng. Án ẽq mansẽm ki cuchĩt clooc đợq. ¹⁶ Ma cutêq chuai mansẽm ki. Cõt samoât cutêq caha bỗq, cốp nguaiq nheq máh đợq ca loõh tể bỗq ngưoc tuang. ¹⁷ Chơ ngưoc tuang sâng nsóq lứq chỏq mansẽm ki. Mansẽm ki bữn con canõh ẽn. Ngkíq ngưoc tuang pởq rachĩl cốp máh con ki. Máh con ki la nheq tữh cūai ca trĩh ngê Yiang Sursĩ cốp atõng parnai o tể Yê-su. ¹⁸ Cốp ngưoc tuang õt tayúng tâng tor đợq mứt.

13

Charán Pla Muoi Loõh Tể Đợq Mứt

¹ Moâm ki cứq hữm muoi lám charán pla loõh tể đợq mứt. Charán ki bữn muoi chít lám tacoit cốp tapul lám plõ. Dũ lám tacoit tapúng vوام puo, cốp tâng dũ plõ, noau khoiq chĩc santonq acrieiq Yiang Sursĩ. ² Charán pla ki bữn tở ariang cula aruc. Ayúng án ariang sacâu, cốp bỗq án ariang cula samín. Chơ ngưoc tuang yõn charán pla ki bữn chóc tể án. Cốp án yõn charán ki cõt sốt toâr lứq machóng án tê. ³ Muoi lám plõ charán pla ki bữn bớc ariang noau poaiq cheq ẽ cuchĩt. Ma mang-al bớc ki

khoiq cõt bán chơ. Ngkíq
 nehq tũh cũai tâng cõc
 cutêq sâng dõt lứq, cõp alói
 puai ngê charán pla ki. ⁴ Dũ
 náq cũai sang ngược tuang
 ki, yuaq án yõn charán pla
 cõt sõt machóng án tê. Cõp
 alói sang charán pla ki hõ.
 Alói blóh neq: “Noau bữn
 chóc toâr machóng charán
 pla nâi? Cõp noau rơi rachíl
 cõp charán nâi?”

⁵ Ngược tuang ki yõn
 charán pla atõng santoiq õt
 cõp santoiq acrieiq Yiang
 Sursĩ. Cõp charán pla ki
 bữn chóc cõt sõt nehq põn
 chít la bar casâi. ⁶ Charán
 ki tabốq lóc acrieiq Yiang
 Sursĩ, ramứh Yiang Sursĩ,
 ntốq Yiang Sursĩ õt, cõp máh
 alói ca õt tâng paloõng tê.
⁷ Ngược tuang yõn charán
 pla ki chíl riap máh cũai ca
 puai ngê Yiang Sursĩ. Cõp án
 yõn charán ki cõt sõt dũ tốp
 cũai, dũ thữ cũai, dũ parnai
 cũai, cõp dũ cruang. ⁸ Nehq
 tũh cũai ca õt tâng cõc cutêq
 ẽ sang charán pla ki. Ống
 alói ca bữn ramứh tâng pơ
 saráq noau chĩc ramứh cũai
 ca tamoong mantái la tở bữn
 sang charán ki. Pơ saráq ki
 la khong Cũu Con ca khoiq
 chũuq cuchĩt ỉn Yiang Sursĩ
 anoat yõn án tẽ nhũang
 Yiang Sursĩ tở yũah tẽng
 muoi ramứh ntrầu.

⁹ Aléq bữn cutũr yoc ẽ
 tamứng, ki tamứng! ¹⁰ Cũai
 aléq ma Yiang Sursĩ khoiq
 anoat cõq cõt tũ, ki lứq noau
 cõp táq tũ cũai ki. Cõp cũai

aléq ma Yiang Sursĩ anoat
 cõq chũuq cuchĩt toâq dau,
 ki lứq cũai ki cuchĩt toâq
 dau. Ngkíq dũ náq cũai ca
 puai ngê Yiang Sursĩ, cõq
 alói chũuq tanhĩr cõp sa-âm
 samoât samoi.

Charán Pla Bar Loõh Tẽ Cõc Cutêq

¹¹ Moâm ki, cứq hữm muoi
 lám charán pla ẽn loõh tẽ
 cõc cutêq. Án bữn bar lám
 tacoi samoât tacoi charán
 cũu. Ma sường án la
 samoât sường ngược tuang.
¹² Án cõt sõt tang charán
 pla muoi. Án padâm cutêq
 cõp máh cũai ca õt tâng
 cutêq cõq sang ống charán
 pla muoi ki sâng, la charán
 ca khoiq chũl cheq ẽ cuchĩt,
 ma cõt bán loah. ¹³ Charán
 pla bar nâi táq sa-ũi ranáq
 salẽh. Án táq yõn ùih sẽng
 tẽ paloõng chu cutêq yáng
 moat cũai. ¹⁴ Án raphếq
 máh cũai tâng cutêq cõ án
 têq táq ranáq salẽh yáng
 moat charán pla muoi. Án
 ón máh cũai táq muoi rup
 charán pla muoi ki, dõq yám
 noap charán ca noau khoiq
 tráh toâq dau, ma noâng
 án tamoong. ¹⁵ Charán pla
 bar ki bữn chóc têq yõn rup
 charán muoi ki bữn rangứh
 tamoong. Ngkíq rup ki têq
 táq ntõng cõp têq án cachĩt
 dũ náq cũai ca tở bữn sang
 án. ¹⁶ Charán ki padâm dũ
 náq cũai, cũai cõt cõp cũai
 toâr, cũai sốc cõp cũai cadĩt,
 cũai sũl cõp cũai tở bữn sũl,
 yõn alói bữn tếc án tâng

atĩ atoam tở la tâng caliac alói. ¹⁷ Cũai aléq ma tở bữn bữn tếc án, cũai ki tở tềq chềq chỡng ntróu. Tếc ki la ramứh charán pla, tở la thỡq ca tang ramứh charán pla ki.

¹⁸ Ốc nài la yarũ lứq. Cũai aléq ma rangoaiq, tềq án dáng raloaih tể thỡq charán pla, yuaq thỡq nài tang ramứh cũai. Thỡq nài la tapoát culám tapoát chít tapoát.

14

Cansái Ũat Tamái

¹ Moâm ki cứq nhêng, chớ cứq hữm Cũu Con ki tayứng tâng cóh Si-ôn. Ốt parnoi cớp án bữn 144,000 náq cũai ca bữn ramứh án cớp ramứh Mpoaq án tâng caliac alói. ² Cứq sâng muoi sớng tể paloõng ariang hỏ dĩq toâr, cớp ariang crứm bubữr casang lứq. Sớng ki la sớng máh cũai cứng ki tapáih achúng, dĩ náq muoi lám achúng. ³ Alói ca tapáih achúng tayứng to moat chu cachớng puo tacu, chu pỏn lám charán, cớp chu máh arieih thâu. Chớ alói ũat muoi cansái tamái. Cansái nài cũai canỏh tở dáng ũat. Ống alói 144,000 náq sâng dáng ũat cansái ki. Máh cũai ki la cũai Yê-su Crít khoiq thái bo alói noâng ốt tâng cớc cutểq. ⁴ Cũai ki tở nài táq sâuq cớp mansẽm. Ngkíq mút alói ma lứq bráh o. Ntốq léq Cũu Con pỡq,

alói puai án chu ntốq ki. Yê-su Crít khoiq rườh alói tể máh cũai canỏh. Chớ án thái alói, dĩq alói cớt samoât cớng noau chiau sang tể dâu lứq yỏn Yiang Sursĩ cớp yỏn Cũu Con. ⁵ Cũai ki tở nài pai lauq, cớp tở bữn noau tềq tểq alói.

Pái Náq Ranẻng Yiang Sursĩ Tể Paloõng

⁶ Chớ cứq hữm muoi noaq ẻn ranẻng Yiang Sursĩ, án pâr sarỏih lứq tâng paloõng. Án dĩng parnai o dĩq pỡq atỡng máh cũai tâng cớc cutểq nài, tâng dĩ cruang, dĩ tốp, dĩ parnai, cớp dĩ thữ cũai. ⁷ Án atỡng casang lứq neq: “Cớq anhia yám noap Yiang Sursĩ cớp khẻn án! Khoiq toâq chớ tangái án rablớh dĩ náq cũai! Ngkíq, cớq anhia sacỏh racỏl sang toam Yiang Sursĩ, án ca tểng paloõng cớp cutểq, dĩq mút, cớp dĩq mec!”

⁸ Bữn ranẻng bar ẻn puai ranẻng muoi. Ranẻng bar pai neq: “Ralỏh chớ! Ralỏh chớ! Vỉl Ba-bulôn toâr khoiq ralỏh chớ! Án khoiq radửng dĩ cruang cũai táq ranáq tanghang lứq, cớp táh ngẻ Yiang Sursĩ. Nài la ariang án yỏn cũai tâng dĩ cruang nguaiq yỏn cớt bủl tể blớng án, chớ Yiang Sursĩ táq alói.”

⁹ Bữn ranẻng pái ẻn puai bar ranẻng nhũang. Án pai casang lứq neq: “Cũai aléq sang charán pla ca loỏh tể dĩq mút cớp sang rup

charán, cốp bữn tếc charán ki tâng caliac, tở la tâng atĩ án, ¹⁰ cũai ki cớq chũuq nguaiq blống tể Yiang Sursĩ tề. Blống tể Yiang Sursĩ la sacâm tể Yiang Sursĩ bữn mút cutâu lứq chớq cũai ki. Ngkíq Yiang Sursĩ táq cũai ki túh coat lứq toâq ùih cốp mữ yáng moat máh ranẽng án cốp yáng moat Cũu Con. ¹¹ Phĩac tể máh ramứh túh coat ca alóit chũuq, ki suol achõn níc chu paloõng. Máh cũai ca khoiq sang charán pla cốp rup án, dểh máh cũai bữn tếc ramứh charán ki tâng tở alóit, cớq chũuq túh coat níc cu rangái sadâu tở nai tangút."

¹² Ngkíq yuaq máh cũai puai ngê Yiang Sursĩ cớq chũuq tanhĩr níc, la máh cũai ca trĩh máh ốc Yiang Sursĩ patáp, cốp sa-âm Yê-su samoât samoi.

¹³ Moâm ki, cứq sâng muoi sương tể paloõng atõng cứq neq: "Cớq mới chĩc đõq neq: Bõn lứq máh cũai cuchĩt cõ alóit táq ranáq Yiang Sursĩ, tể sanua nãi toau chumát."

Cốp Raviei Yiang Sursĩ pai neq: "Lứq samoât ngkíq. Yuaq cũai ki bữn rlu tể ranáq ntâng alóit khoiq táq. Cốp máh ranáq alóit khoiq táq, lứq alóit bữn cớng tể ranáq ki."

Saro Cốp Palâi Nho Chĩn Chơ Tâng Cốc Cutẽq

¹⁴ Cứq nhêng, chơ cứq hữm ramứl cloc, cốp bữn

manoaq tacu tâng ramứl ki. Roâp samoât cũai. ✧
 Ân tapưng vuam yẽng tâng plờ án, cốp án yõng muoi pla liem bớc lứq tâng atĩ án. ¹⁵ Cốp bữn muoi noaq ranẽng Yiang Sursĩ loõh tể đõng sang Yiang Sursĩ, cốp án pai casang lứq chớq án ca tacu tâng ramứl ki neq: "Cớq mới pỡq roaiq saro toâq liem mới, yuaq saro tâng cutẽq khoiq chĩn chơ. Toâq ngư chơ mới ãt parõm saro ki."

¹⁶ Chơ án ca tacu tâng ramứl ki cuvia roaiq saro toâq liem chu cutẽq. Chơ án bữn nheq saro tâng cutẽq.

¹⁷ Cốp bữn muoi noaq ẽn ranẽng Yiang Sursĩ, loõh tể đõng sang Yiang Sursĩ tâng paloõng. Ân yõng muoi riang liem bớc lứq tể. ¹⁸ Cốp bữn muoi noaq ẽn ranẽng Yiang Sursĩ ca ndõm ùih, án toâq tể prõng sang Yiang Sursĩ. Ân pai casang lứq chớq ranẽng yõng liem bớc ki neq: "Cớq mới roaiq máh ngcốq palâi nho tâng cốc cutẽq toâq liem mới, yuaq palâi nho khoiq chĩn chơ!"

¹⁹ Chơ ranẽng ki roaiq ngcốq palâi nho tâng cutẽq toâq liem án. Ân ãt cốp voang palâi ki tâng ntốq noau pát nho yõn đõq nho hoi tâng raloác. Ntốq noau pát palâi nho la sacâm tể ntốq Yiang Sursĩ táq máh cũai ca án sâng cutâu mút.

20 Ntốq pát palâi nho nâi ốt yáng tiah vil, cốp aham ca loõh tể ntốq ki cõt samoât công yarũ, mán bữn muoi achoang, cốp cuti mán pái culám bar chít ki-lô-mết.

15

*Alóí Ca Chíl Riap Charán
Pla Ũat Muoi Cansái*

¹ Moâm ki, cứq hữm muoi tếc ễn tâng paloõng, toâr lứq cốp salêh lứq. Bữn tapul náq ranẽng Yiang Sursĩ ca ndõm tapul ramứh túh coat parsốt thánq. Noau pai ramứh ki parsốt thánq, yuaq moâm máh ramứh ki, Yiang Sursĩ tở bữn sâng cutâu mút noâng.

² Cứq hữm ariang đờq mút noau táq toâq kẽng carchốc cốp ùih, cốp bữn cũai tayúng kẽng đờq mút ki. Máh cũai ki la cũai khoiқ chíl riap charán pla cốp rup charán ki, cốp alóí tở bữn bữn tếc throq tang ramứh án. Alóí tayúng kẽng đờq mút, cốp alóí yống achúng Yiang Sursĩ khoiқ yõn alóí.

³ Alóí ũat muoi cansái Môise, cũai táq ranáq Yiang Sursĩ, cốp Cũu Con ũat. Alóí ũat neq:

“Ncháu hếq ơi! Anhia la Yiang Sursĩ Sốt Toâr Lứq!

Ranáq anhia táq la toâr cốp salêh lứq.

Anhia la Puo tở nai pút.*

Ngê anhia la tanoang tapúng cốp pñeiқ lứq.

⁴ Ơ Ncháu ơi! Tở bữn noau ma tở bữn yám noap anhia.

Cốp tở bữn noau ma tở bữn khễn ramứh anhia.

Ổng anhia toáp la bráh o lứq.

Nữ-ra dũ cruang cũai toâq sang toam yáng moat anhia,

yuaq alóí hữm ranáq anhia táq la tanoang o.”

*Tapul Tangan Ca Bữn Ốc
Túh Coat*

⁵ Vót ki cứq nhèng, chơ cứq hữm noau pớh tâng đống sang Yiang Sursĩ tâng paloõng, la ntốq Yiang Sursĩ ốt. ⁶ Bữn tapul náq ranẽng Yiang Sursĩ ca bữn tapul ramứh túh coat parsốt, alóí loõh tể đống sang ki. Alóí sóp tampác cloc bráh o lứq, cốp poac sarvác var khán yẽng. ⁷ Chơ muoi lám tể pñ charán ki, án chiau tapul ranẽng ki manoaq muoi tangan yẽng. Tapul tangan yẽng ki la poân máh ramứh túh coat lứq, yuaq Yiang Sursĩ ca tamoong mantái sâng cutâu mút lứq. ⁸ Chơ ang-ữr Yiang Sursĩ cốp chóc án pláh chũop tâng đống sang Yiang Sursĩ samoât pñiác. Ngkíq tở bữn noau têq mut tâng đống sang ki toau moâm tapul ramứh túh coat toâq tể atĩ tapul ranẽng Yiang Sursĩ.

* 15:3 15:3 Tở la ‘Puo dũ cruang cũai’.

16

*Tapul Ramúh Túh Coat
Parsôt Tháng*

1 Moâm ki, cứq sâng muoi sương casang lứq tễ dống sang Yiang Sursĩ, atớng tapul náq ranẽng ki neq: “Cóq anhia pớq tồh tâng cồc cutẽq tapul tangan ca poân moang ramúh túh coat, cồ Yiang Sursĩ sâng cutâu mút lứq.”

2 Chơ ranẽng muoi pớq tồh tễ tangan án tâng cutẽq. Chơ máh cũai bữn tếc charán pla tâng tồ alóí, cớp alóí ca sang rup charán pla cớt bớc paldóng a-ĩ lứq tâng tồ alóí.

3 Moâm ki, ranẽng bar ẽn tồh tễ tangan án tâng đớq mút. Chơ đớq mút cớt samoat aham cũai ca khoiq cuchĩt chơ. Cớp dũ acán tamoong ớt tâng đớq mút ki cuchĩt nheq.

4 Moâm ki, ranẽng pái ẽn tồh tễ tangan án tâng đớq tũm cớp đớq mec. Chơ đớq ki cớt aham. 5 Cứq sâng ranẽng Yiang Sursĩ ca ndõm đớq pai neq: “O Yiang Sursĩ ơi! Anhia la Yiang ca tamoong sanua, cớp anhia khoiq tamoong tễ dâu lứq! Anhia la án ca bráh o lứq. Máh ranáq anhia táq cũai, anhia táq tanoang tapúng lứq, 6 yuaq máh cũai ki khoiq cachĩt máh cũai puai ngê anhia cớp máh cũai tang bớq anhia. Ngkíq lứq p̄ieiq anhia yõn alóí nguaiq aham, yuaq alóí khoiq táq tahóc aham cũai canõh.”

7 Moâm ki, cứq sâng sương tễ prông sang pai neq: “O Ncháu ơi! Anhia la Yiang Sursĩ Sốt Toâr Lứq! Máh ranáq anhia táq cũai, anhia táq p̄ieiq cớp tanoang tapúng!”

8 Moâm ki, ranẽng põn ẽn tồh tễ tangan án tâng moat mandang. Chơ moat mandang bữn chớc tẽq táq cat tồ cũai na ùih. 9 Ngkíq máh cũai ùih cat, alóí lóc acrieiq ramúh Yiang Sursĩ, án ca sốt máh ramúh túh coat nãi. Ma alóí tồ ẽq ngin lỏih alóí, cớp tồ ẽq yám noap Yiang Sursĩ.

10 Moâm ki, ranẽng sớng ẽn tồh tễ tangan án tâng ntốq charán pla tacu cớt sốt. Chơ ntốq charán pla ndõm ki cớt canám nheq, cớp máh cũai ớt ngki, alóí carũot canẽng tabang, cồ sâng a-ĩ lứq. 11 Cớp alóí lóc acrieiq Yiang Sursĩ ca ớt tâng paloõng, cồ tian alóí sâng a-ĩ cớp cồ tian alóí bớc paldóng. Ma alóí noâng tồ ẽq ngin lỏih tễ máh ranáq sâuq alóí khoiq táq.

12 Moâm ki, ranẽng tapoât ẽn tồh tễ tangan án tâng crõng O-phơ-rat. Chơ crõng ki cớt sarẽt khỗ nheq, táq yõn máh puo tễ angia mandang loõh tẽq pớq pha tâng ki đớq rachĩl. 13 Chơ cứq hữm pái yiang sâuq ca bữn roáp ariang cuat, loõh tễ bớq ngược tuang, charán pla, cớp cũai táq nan tang bớq Yiang Sursĩ. 14 Yiang sâuq ki

têq táq ranáq salêh cốp pờq parôm máh puo tễ dũ cruang yỗn pờq chíl Yiang Sursĩ Sốt Toâr Lứq tâng tangái parsốt.

¹⁵ Cứq sâng srong Ncháu pai neq: “Cớq anhia tutuaiq nhêng níc! Cứq toâq samoât cūai savêng! Bỗn lứq cūai aléq ốt trỗ níc, cốp tỡ bữn tũot au, chớ pờq bẻq. Ngkíq tỡ bữn noau ramóh án ốt mu rariat, cốp án tỡ bữn casiet ntróu yáng moat cūai canốh.”

¹⁶ Pái yiang sâuq ki parôm máh puo tâng ntốq cūai I-sarel đởq Ar-ma-cadôn.

¹⁷ Moâm ki, ranêng tapul ễn tỗt tễ tangan án tâng dĩ ria paloông cốp cutêq. Chớ bữn muoi srong tễ cachơng puo tacu tâng đống sang Yiang Sursĩ pai neq: “Khoiq moâm chớ!”

¹⁸ Chớ bữn lalieiq, bữn sa-ữi srong bubữr tandár, bữn srong crừm casang lứq, cốp bữn cutêq cacut hập lứq. Tễ tangái Yiang Sursĩ tễng cūai, tỡ nai bữn cutêq cacut hập ngkíq; trỗ nâi cacut hập clừi tễ trỗ canốh!

¹⁹ Vil toâr ralốh cayoah cốt pái pún. Cốp máh vil toâr tâng dũ cruang la ralốh tê. Yiang Sursĩ sanhữ vil toâr ki, la vil Ba-bulôn. Án yỗn vil ki nguaiq blống tễ cachoc Yiang Sursĩ. Cachoc blống ki sacâm tễ Yiang Sursĩ bữn mút cutâu lứq chốq vil ki.

²⁰ Dũ ntốq cỗn cốt pứt nheq,

cốp máh anũol cóh la tỡ bữn hữm noâng. ²¹ Cốp bữn prễl toâr lứq satooh tễ paloông p̄ieiq tâng máh cūai. Muoi ốc prễl ntâng ariang muoi cốc tamáu. Ngkíq máh cūai lóc acrieiq Yiang Sursĩ, cỗ tian prễl satooh p̄ieiq alóí, cốp alóí sâng túh coat ntâng lứq.

17

Yiang Sursĩ Yỗn Vil Ba-bulôn Roap Tôt

¹ Moâm ki, bữn muoi noaq tễ tapul náq ranêng Yiang Sursĩ ca yống tapul tangan ki, án toâq pờ cứq cốp pai neq: “Mớí toâq pờ nâi! Cứq ễ yỗn mớí hữm ranáq ntróu Yiang Sursĩ ễ táq chốq mansêm ca tacu tâng ntốq bữn sa-ữi đởq, cỗ ễ chẻq tỗ án.* ² Máh puo tâng cốc cutêq nâi khoiq bẻq parnoi cốp mansêm ki. Cốp máh cūai ca ốt tâng cutêq nâi cốt bũl nguaiq blống tễ mansêm ki. Blống nâi sacâm tễ alóí bẻq parnoi cốp mansêm ki.”

³ Chớ Raviei Yiang Sursĩ cốt sốt lứq tâng mút pahỡm cứq, cốp án đừng cứq chu ntốq aiq. Ớt ngki cứq hữm manoaq mansêm tacu tâng cloong charán pla cusâu phĩang. Charán pla ki bữn tapul lám plờ cốp muoi chít lám tacoí; cốp án alểu sa-ữi santoiq acrieiq Yiang Sursĩ tâng tỗ án. ⁴ Án tâc tampác

* 17:1 17:1 Mansêm ki sacâm tễ vil Ba-bulôn.

êng cốp cusâu phĩang. Án alẽu tâng tampác án sa-ữi cớng yẽng, tamáu moat, cốp máh cớng ngoaih canõh hõ. Tâng atĩ, án yõng muoi bẽng tangan yẽng ca poân moang ốc casiet cốp ốc sâuq lứq. Cớng tâng tangan nâi sacâm tẽ máh ranáq sâuq mansẽm ki khoi q táq. ⁵ Tâng caliac mansẽm ki noau khoi q chĩc muoi ramứh bữn ngê cutooq. Noau chĩc neq: “Nâi la Ba-bulôn ca sốt toâr lứq. Án la mpiq máh mansẽm chẻq tở, cốp máh cũai táq ranáq tanghang luat ngư tâng cốc cutẻq.”

⁶ Cứq hữm mansẽm ki cõt bũl, cõ án nguai q aham cũai puai ngê Yiang Sursĩ, cốp máh cũai cuchĩt cõ tian alỏi atõng parnai o tẽ Yê-su.

Toâq cứq hữm mansẽm ki, cứq sâng dót lứq. ⁷ Ma ranẻng Yiang Sursĩ blớh cứq neq: “Nỏq mới sâng dót? Sanua cứq ẽ yõn mới dáng tẽ ngê cartooq tẽ mansẽm nâi cốp tẽ charán pla ca radửng án, la charán ca bữn tapul lám plở cốp muoi chít lám tacoi. ⁸ Charán pla ca mới khoi q hữm ki, tẽ nhũang án tamooq, ma sanua án tở bữn tamooq noâng, ma tở bữn dũn noâng án chõn tẽ pống sarloac. Chơ án bữn tamooq bĩq tangái ẻn, ma nữ-ra án cõt pứt thắng. Máh cũai tâng cốc cutẻq ca tở bữn bữn ramứh alỏi tâng

tâm saráq noau chĩc máh ramứh cũai bữn tamooq mantái, noap tẽ nhũang Yiang Sursĩ tở yũah tẻng paloõng cutẻq, bo cũai ki hữm charán pla, alỏi sâng dót lứq. Alỏi sâng dót tẽ charán pla ki, yuaq tẽ nhũang án tamooq, sanua án tở bữn tamooq noâng, ma nữ-ra án toâq loah sĩa.

⁹ “Cốp hái bữn ốc rangoai q nỏq hái tẻq dáng tẽ ốc nâi. Tapul lám plở sacâm tẽ tapul lám cóh. Mansẽm ki ốt tâng tapul lám cóh ki. Tapul lám plở sacâm tẽ tapul náq puo. ¹⁰ Sỡng náq puo khoi q vớt chơ; manoaq puo noâng sốt; cốp manoaq puo ẻn tở yũah toâq. Ma tử puo ki toâq, án tở bữn ốt dũn. ¹¹ Cốp charán pla ca tamooq tẽ nhũang, ma sanua án tở bữn tamooq noâng, án la puo tacual. Án táq ranáq sâuq machớng alỏi tapul náq puo ca toâq nhũang. Cốp nữ-ra án cuchĩt pứt.

¹² “Muoi chít lám tacoi mới khoi q hữm, la sacâm tẽ muoi chít náq puo ca tở yũah cõt sốt. Toâq alỏi cõt sốt, alỏi sốt parnoi cốp charán pla, ma alỏi cõt sốt tở bữn dũn. ¹³ Muoi chít náq puo nâi puai nheq muoi ngê. Alỏi chiauh chóc alỏi cốp nheq máh ramứh alỏi sốt yõn pở charán pla. ¹⁴ Nheq tửh puo ki pruam chĩl Cũu Con. Ma Cũu Con ki, án rườh cốp arỏ máh cũai ca puai ngê án samoat samoi. Alỏi loỏh chĩl riap máh puo ki, yuaq

Cũu Con la Ncháu dũ ncháu canõh, cõp án la Puo dũ puo canõh.”

¹⁵ Cõp ranẽng ki atõng cứq ẽn neq: “Ntõq bũn sa-ũi dõq ca mới khoiq hũm mansẽm ca chẻq tũ tacu, dõq ki sacâm tẽ dũ thũ cũai, dũ tũp cũai, dũ cruang cũai, cõp dũ parnai cũai. ¹⁶ Muoi chít lám tacoi cõp charán pla ca mới khoiq hũm, nõ-ra alói kêt mansẽm chẻq tũ. Alói ỉt miat nheq mun án, cõp yõn án õt mu rariat. Moâm ki alói cha sâiq án, cõp alói bõh án tâng ùih. ¹⁷ Yiang Sursĩ tẻng máh puo ki yõn táq puai ariang án yoc alói táq. Án yõn alói pruam chiau chóc alói pũ charán pla, dõq ống charán ki sâng cõt sõt toau cõt rapĩeiq nheq parnai Yiang Sursĩ khoiq pai chơ.

¹⁸ “Mansẽm ca mới khoiq hũm, sacâm tẽ vil toâr ca ndõm máh puo tâng cõc cutẽq nãi.”

18

Yiang Sursĩ Talõh Vil Ba-bulôn

¹ Vót ki, cứq hũm muoi noaq ẽn ranẽng Yiang Sursĩ sẻng tẻ paloõng. Án bũn chóc toâr lứq. Poang tẻ roáp án claq chũop nheq cõc cutẽq nãi. ² Án arô casang lứq neq: “Ralõh chơ! Ralõh chơ! Vil Ba-bulôn toâr khoiq ralõh chơ! Sanua noâng ống panoah cõp yiang sâuq õt tâng vil ki. Cõp bũn chóm

lango õt ntõq ki tê. ³ Yuaq dũ cruang cũai khoiq nguaiq blõng án. Blõng ki sacâm tẻ máh ranáq sâuq cũai táq tâng vil ki. Máh puo õt tâng dũ cruang pruam cõp vil ki dõq táq ranáq sâuq. Cõp máh cũai chẻq chõng tâng cutẽq, alói cõt sõt lứq cõ vil ki tâc cha sáh sai.”

⁴ Moâm ki, cứq sâng sường canõh tẻ paloõng pai neq: “O máh cũai puai ngê cứq oi! Cóg anhia loõh tẻ vil ki! Cóg anhia chõỉ táq lỏih riang án; cóg anhia viaq tẻ máh ramứh túh coat ca toâq pũ án! ⁵ Lỏih vil ki la sa-ũi lứq, samoât án acũn ỏc lỏih toâq pũ paloõng. Yiang Sursĩ khoiq sanhũ máh ranáq sâuq vil ki táq. ⁶ Cóg anhia táq chỏq vil ki machõng án táq chỏq anhia chơ. Cóg anhia carláh dõq chỏq vil ki bar trở ẽn hõn tẻ ranáq án khoiq táq. Cóg anhia culáh ỏc tỏiq bap yõn vil ki bar trở ẽn, hõn tẻ án khoiq táq chỏq cũai canõh. ⁷ Án khoiq õt thừong cõp õt la-õq. Ngkíq, máh ki tê yõn án roap ỏc ngua cõp ỏc túh coat. Mút án chanchóm neq: ‘Cứq tacu nãi, cứq la mansẽm puo! Cứq tở cõn cán cumai. Cứq tở nai ramóh túh coat ntrúu!’ ⁸ Ngkíq, máh ramứh túh coat nãi toâq pũ án la muoi tarựp! Cũai tâng vil cuchĩt, alói nhiam u-õi, alói panhieih khlac, cõp vil ki noau chõng nheq. Lứq Yiang

Sursĩ la Ncháu ca sớt clũĩ tẽ canõh. An toâp anoat tõt yõn vil ki."

⁹ Mách puo tâng dũ cruang táq ranáq sâuq parnoi cốp vil ki, alói õt thừơng la-õq cốp án, toâq alói hũm phiác chõn tẽ vil ki, alói nhiam cuclõiq cucling. ¹⁰ Mách puo ki õt yơng tẽ vil ki, yuaq alói ngcõh alói ramóh túh coat ki tẽ. Cốp alói pai neq: "Tõiq bap lứq! Tõiq bap lứq vil toâr ki, la vil Ba-bulôn! Yiang Sursĩ pupút án muoi taláp sâng!"

¹¹ Cốp máh cũai chẽq chõng tâng cốc cutẽq nãi, alói nhiam tanúh yõn vil ki, yuaq tở bữn noau ẽ chõng noâng crơng alói. ¹² Tở bữn noau ẽ chõng noâng yẽng, práq, tamáu moat, crơng ngoaih, sa-ũĩ thữ aroaiq nêuq cốp moat lứq, crơng táq toâq aluang phuom, crơng táq toâq paluac achĩang, cốp crơng táq toâq aluang moat, sapoan, tac, cốp tamáu lêng lứq. ¹³ Tở bữn noau ẽ chõng kẽq, tở la crơng chỏq tâng sana ẽq yõn ẽm, crơng chõng yõn phuom, trâm, siet phuom, blõng, dõq nsẽng o-li-vê, bõt mi, saro, ntroõq, cữu, aséh, sẽ aséh, cũai sũl, cốp cũai noau cốp. ¹⁴ Mách cũai chẽq chõng ẽ pai chỏq vil ki neq: "Mách ramúh o mới yoc ẽ bữn, khiq pút nheq chơ. Cốp máh ramúh thừơng cốp nêuq mới coi bữn khiq pút nheq tẽ. Mới tở nai

ramóh noâng máh ramúh ki!"

¹⁵ Mách cũai sớt cõ alói chẽq chõng tâng vil ki, alói õt yơng tẽ vil, yuaq alói ngcõh ramóh túh coat ki tẽ. Cũai ki nhiam cuclõiq cucling. ¹⁶ Alói pai neq: "Tõiq bap lứq! Tõiq bap lứq vil toâr ki! Tẽ nhũang vil ki samoat mansẽm sóp tampác noau táq toâq aroaiq moat lứq, aroaiq santũm ẽng, cốp cusâu phiang. An alẽu tâng tampác án máh crơng yẽng, tamáu moat, cốp crơng ngoaih canõh hõ! ¹⁷ Ma máh mun án la pút nheq muoi taláp!"

Dũ náq cũai ca ndõm tuoc pỡq tâng dõq mut, cốp dũ náq cũai chõn tâng tuoc ki, alói chẽq chõng cốp cũai pỡ ntốq ki; chơ dũ náq alói õt yơng tẽ vil ki. ¹⁸ Cốp toâq alói hũm phiác chõn tẽ vil ki, alói pai casang lứq neq: "Tẽ mbỏq toau sanua, tở nai bữn vil canõh la ariang vil toâr nãi!"

¹⁹ Moâm ki alói bõc phõn cutẽq púc chỏq tâng plõ, táq tếc alói sâng ngua lứq. Cốp alói nhiam cuclõiq cucling neq: "Tõiq bap lứq! Tõiq bap lứq vil toâr nãi! Mách cũai bữn tuoc pỡq tâng dõq mut cõt sớt nheq, cõ vil nãi khiq cõt sớt tẽ nhũang. Ma sanua án khiq pút muoi taláp."

²⁰ Ở anhia ca õt tâng paloõng ơ! Cốp anhia sâng

bũi ỡn cỗ vil ki ralốh! Anhia ca puai ngê Yiang Sursĩ, anhia ca cõt ayững atĩ Yê-su Crít, cốp anhia ca cõt cũai tang bỗq Yiang Sursĩ, cốp nheq tửh anhia sâng bũi tê, yuaq Yiang Sursĩ khoiq carláh đờq chỏq vil ki, cỗ tian cũai tâng vil ki khoiq táq anhia tễ nhũang!

²¹ Moâm ki, cứq hữm muoi noaq ranễng Yiang Sursĩ ca bán rêng lứq. Án acốq muoi cốc tamáu còl ntâng ariang muoi cốc công toâr lứq. Chơ án apống tamáu ki tâng đờq mứt, cốp án pai neq: “Vil Ba-bulôn la vil toâr lứq, ma noau ẽ apống vil ki rêng lứq, machớng cứq apống tamáu nãi tê. Chơ tở bữn noau hữm noâng vil ki. ²² Noau tở nai sâng noâng sường noau ũat, sường achúng, sường tarĩal, cốp sường kên tâng vil ki. Máh cũai Chiang tở bữn ỡt noâng tâng vil ki, cốp tở bữn sâng noâng sường ralốh. ²³ Tở bữn noau tacát noâng chốp tấu tâng vil ki. Cốp tở bữn noau sâng noâng sường bũi óh bo samiang pỡq racoaiq lacuoi. Tễ mbỗq máh cũai tâng dũ cruang yám noap cũai chẻq chỡng tâng vil ki. Vil ki khoiq raphẻq dũ cruang cũai, ariang cũai mo đờq raphẻq! ²⁴ Tâng vil ki, bữn moang aham cũai tang bỗq Yiang Sursĩ, la cũai ca puai ngê Yiang Sursĩ, cốp cũai noau khoiq cachĩt.”

19

¹ Vót ki, cứq sâng sường cũai cứng lứq ỡt tâng paloống, alóí pai casang lứq neq: “Halê-luya!* Yiang Sursĩ lứq chuai amoong cũai! Ống Yiang Sursĩ hái toáp bữn ang-ữr cốp chỏc toâr lứq! ² Án táq pĩeiq cốp tanoang tapứng níc! Án khoiq táq tột mansẽm chẻq tở. Mansẽm ki khoiq táq ranáq tanghang luat ngư, cốp radửng dũ cruang tâng cốc cutẻq nãi táq ranáq tanghang machớng án tê. Ma Yiang Sursĩ khoiq carláh đờq chỏq án, yuaq án khoiq cachĩt máh cũai táq ranáq Yiang Sursĩ.”

³ Muoi trở ễn, cũai cứng ki pai casang lứq neq: “Halê-luya! Phĩac tễ vil toâr ki suol achỗn mantái níc!”

⁴ Chơ, máh arieih thâu bar chít la pỗn náq, cốp pỗn lám charán, alóí sacốh racốl sang toam Yiang Sursĩ, án ca tacu tâng cachớng puo, cốp alóí pai neq: “Amen! Halê-luya!”

Cửu Con Ĩt Lacuoi

⁵ Moâm ki, cứq sâng sường loốh tễ cachớng puo tacu. Sường ki pai neq: “Lứq khẻn Yiang Sursĩ hái! Nheq tửh anhia ca táq ranáq án cốp yám noap án, cũai toâr cốp cũai cót, cốp anhia khẻn án!”

⁶ Vót ki, cứq sâng sường cũai cứng lứq, samoât hỏ

* 19:1 19:1 Santoiq ‘Halê-luya’ parlong loah la ‘Khẻn Yiang Sursĩ’.

đõq toâr, cõp samoât crúm bubũr casang lứq. Sương ki pai neq: “Halê-luya! Yiang Sursĩ la Ncháu hái, cõp án sớt toâr lứq. Án cõt Puo mantái níc! ⁷ Cóg hái sâng bũi óh lứq! Cóg hái òn apũol! Cóg hái yám noap Yiang Sursĩ! Khoi q toâq chơ tangái Cũu Con ít lacuoi.† Lacuoi ki khoi q thũan chơ. ⁸ Chơ noau yõn án sớp tampác táq toâq aroâi q o lứq. Aroâi q ki noau đõq la aroâi q busín. Aroâi q ki bráh cõp cloc lứq.” (Aroâi q busín sacâm tẽ máh ranáq tanoang o cũai ca puai ngê Yiang Sursĩ khoi q táq.)

⁹ Moâm ki, ranẽng Yiang Sursĩ atõng cừq neq: “Cóg mới chĩc neq: Bõn lứq máh cũai Yiang Sursĩ mới yõn toâq hâu Cũu Con racoâi q.”

Cõp ranẽng ki atõng cừq ẽn neq: “Máh santoi q Yiang Sursĩ atõng la santoi q p̃ieiq lứq.”

¹⁰ Chơ cừq sacõh racól yoc ẽ sang ranẽng Yiang Sursĩ ki, ma án pai chók cừq neq: “Chõn táq ngkĩq! Cừq táq ranáq Yiang Sursĩ machõng mới tê, cõp machõng máh cũai tẽ tốp sa-âm ca atõng tẽ ngê Yê-su. Cóg mới sang toam ống Yiang Sursĩ sâng! Alói ca atõng tẽ ngê Yê-su, ki bũn Raviei Yiang Sursĩ õt tâng mút pahõm alói machõng máh cũai tang bõq Yiang Sursĩ tê.”

Án Ca Ồt Tâng Cloong Aséh Cloc

¹¹ Moâm ki, cừq hũm paloõng ariang noau pớh. Cõp cừq hũm muoi lám aséh cloc. Án ca õt tâng cloong aséh, noau đõq án la Ốc Sa-âm Samoât cõp Ốc P̃ieiq Níc. Án rablớh cõp rachĩl na tanoang tapúng lứq. ¹² Moat án la samoât pla ùih. Án tapúng sa-ũri vuam puo. Án cưỡ ramứh ca noau khoi q chĩc yõn án, ma tỡ bũn noau dáng ramứh ki. Ống án toâp dáng ramứh ki. ¹³ Tampác án noau khoi q alốq tâng aham. Muoi ramứh ẽn noau đõq án la Parnai Yiang Sursĩ. ¹⁴ Clứng lứq tahan tẽ paloõng puai án. Nheq tahan ki õt muoi noaq muoi lám aséh cloc cõp alói sớp tampác táq toâq aroâi q busín bráh o lứq. ¹⁵ Án ca sớt tahan cubõ tâng bõq án muoi pla dau bớc lứq. Na dau nâi án rachĩl riap dũ cruang. Cõp án yõng muoi ntreh dũn tac đõq sớt máh cruang ki. Án táq yõn cũai chũuq túh coat, yuaq Yiang Sursĩ Sớt Toâr Lứq sâng cutâu mút lứq chók alói. ¹⁶ Tâng tampác cõp tâng nlu cũai sớt tahan bũn muoi ramứh noau khoi q chĩc đõq, la neq: “Nâi la Puo dũ puo canõh, cõp Ncháu dũ ncháu canõh.”

Án Ca Ồt Tâng Cloong Aséh Cloc Chĩl Riap

† 19:7 19:7 Lacuoi Cũu Con la sacâm tẽ neq tũh tốp sa-âm Yê-su.

17 Moâm ki, cứq hữm manoaq ranêng Yiang Sursĩ ốt tayúng tâng moat mandang. An pai casang lứq chók nheq tửh chóm pâr tâng paloong neq: “Anhia toâq pở nâi! Nheq tửh anhia rôm pở nâi! Yiang Sursĩ ẽ táq muoi pêl toâr yỗn anhia! 18 Ngkíq anhia toâq cha sâiq máh cũai puo, máh sôt tahan, máh tahan, máh aséh cốp máh cũai ốt aséh. Cốp anhia cha sâiq tễ dĩ thữ cũai, cũai sũl cốp cũai tở bữn sũl, cũai toâr cốp cũai cót!”

19 Vót ki, cứq hữm charán pla, cốp máh puo ca ốt tâng cutêq parnoi cốp nheq tửh tahan, alói rôm ẽ chíl án ca ốt tâng cloong aséh cloc cốp nheq tửh tahan án. 20 Ma noau cốp charán pla cốp án ca táq nan tang bỗq Yiang Sursĩ. Cũai táq nan tang bỗq Yiang Sursĩ khiq táq sa-ữi ranáq salêh, đợq chuai charán pla ki yỗn têq raphêq máh cũai ca c्लũu tếc charán pla, cốp máh cũai sang rup charán pla ki. Charán pla cốp cũai táq nan tang bỗq Yiang Sursĩ, ki noau apống alói na mu-moong tâng pống sarloac bữn ữih cốp mữ blữ níc. 21 Cốp máh tahan charán pla ki cuchit nheq toâq dau án ca ốt tâng cloong aséh cubỗ tâng bỗq. Chơ nheq máh chóm tễ paloong toâq cha pasâi sâiq cũai tahan ki.

20

Crít Cốt Sốt Tâng Cutêq Nâi Muoi Ngin Cumo

1 Moâm ki, cứq hữm muoi noaq ranêng Yiang Sursĩ sêng tễ paloong. Ranêng ki yống cachữo tễ ntốq pống sarloac. Cốp án yống muoi ntreh sái-sô cuti lứq. 2 An cốp ngược tuang ca ariang cusân tễ mbốq. Ngược tuang ki sốt máh yiang sâuq, cốp án bữn ramứh yiang Satan. Ranêng ki chốq yiang Satan toâq sái-sô nheq muoi ngin cumo. 3 Ranêng Yiang Sursĩ ki apống yiang Satan tâng pống sarloac, cốp án cloaih khâm lứq ntốq ki. Ngkíq, yiang Satan tở têq raphêq noâng cũai nheq muoi ngin cumo. Vót muoi ngin cumo noau acláh yiang Satan, ma noau tở bữn acláh án dũn.

4 Vót ki, cứq hữm sa-ữi cachơng ariang cachơng puo tacu. Alói ca tacu tâng cachơng bữn chóc đợq rablớh máh cũai. Cốp cứq hữm máh raviei cũai khiq chũuq cuchit, cỗ tian alói atống ốc pñeiq tễ Yê-su cốp parnai o tễ Yiang Sursĩ. Alói tở bữn sang charán pla tở la rup charán ki. Cốp alói tở bữn bữn tếc charán ki tâng caliac alói tở la tâng atĩ alói. Alói ki khiq tamooing loah chơ, cốp alói cốt sốt parnoi cốp Crít nheq muoi ngin cumo. 5 Ma máh cũai canốh ca khiq cuchit, alói tở yũah tamooing loah toau vót muoi ngin cumo ki. Trỗ

nâi la trỗ muoi yỗn cũai ca khoiq cuchĩt bữn tamooong loah. ⁶ Bỗn lứq cớp o lứq máh cũai ca tamooong loah trỗ muoi. Alóit tỡ bữn cuchĩt noâng trỗ bar, yuaq alóit cõt cũai tẻng rit sang Yiang Sursĩ cớp Crĩt, cớp alóit bữn cõt sốt parnoi cớp Crĩt nheq muoi ngin cumo.

Yiang Satan Cốt Pé

⁷ Toađ muoi ngin cumo ki khoiq vớit chơ, noau acláh yiang Satan tẻ án ốt tũ. ⁸ Chơ án pỡq raphẻq sĩa máh cũai dũ cruang cũai tâng cốc cutẻq nâi. Noau đởq ramứh máh cruang cũai ki la Coc cớp Macoc. Yiang Satan, án parỏm máh cruang cũai yỗn pỡq rachíl. Clứng lứq cũai ki! Sa-ữi hỡn tẻ ốc chũah tâng tor đởq mut. ⁹ Alóit pỡq pláh dũ ntỏq tâng cốc cutẻq nâi. Cớp alóit ớt chũop máh cũai ca puai ngẻ Yiang Sursĩ tâng vil Yarusalem. Ma bữn ữih sẻng tẻ paloỏng pupứt nheq alóit. ¹⁰ Chơ noau ạổng sĩa yiang Satan ca raphẻq máh cũai, tâng pống sarloac. Ớt tâng ntỏq ki, ữih cớp mũ blữ níc. Tâng ntỏq ki bữn chơ charán pla cớp án ca táq nan tang bỗq Yiang Sursĩ. Alóit ki chũuq tỏiq bap lứq cu rangái cu sadâu, toau sốt đỏi lời cumo.

Rablớh Tâng Tangái Pảsốt

¹¹ Moâm ki, cứq hữm muoi lám cachơng cloc toâr lứq ca puo đởq tacu. Cớp cứq hữm

án ca tacu tâng cachơng ki. Cutẻq cớp paloỏng lủh yáng moat án, chơ tỡ bữn noau hữm noâng. ¹² Cớp cứq hữm máh cũai khoiq cuchĩt, đẻh cũai toâr cớp cũai cốt, alóit tayửng yáng moat cachơng puo tacu. Chơ noau pớh máh tâm saráq. Ma bữn muoi tâm saráq ẻn noau pớh bữn ramứh dũ náq cũai ca bữn tamooong mantái. Chơ án ca tacu tâng cachơng ki rablớh dũ náq cũai ca khoiq cuchĩt, puai loah ranáq alóit khoiq táq, ariang noau khoiq chĩc đởq tâng máh tâm saráq ki. ¹³ Chơ đởq mut culáh loah dũ náq cũai ca cuchĩt tâng đởq. Ntỏq cũai cuchĩt ớt culáh loah dũ náq cũai ớt ngki. Cớp máh ping cumuiq culáh loah dũ náq cũai ca ớt tâng ki. Chơ Yiang Sursĩ rablớh dũ náq cũai puai loah máh ranáq alóit khoiq táq. ¹⁴ Moâm ki, noau ạổng ốc cuchĩt cớp ntỏq cũai cuchĩt ớt tâng pống sarloac, la ntỏq bữn ữih blữ mantái níc. Noau đởq ntỏq ki la ramứh Ntỏq Cuchĩt Trỗ Bar. ¹⁵ Cũai alẻq ma tỡ bữn bữn ramứh án tâng tâm saráq noau chĩc ramứh cũai bữn tamooong mantái, ki noau ạổng cũai ki tâng pống sarloac.

21

Paloỏng Tamái Cớp Cutẻq Tamái

¹ Moâm ki, cứq hữm paloỏng tamái cớp cutẻq tamái. Paloỏng tiaq cớp cutẻq tiaq khoiq pứt chơ;

cóp đờq mưt khoi q pưt tê.
² Cóp cúq hữm vil miar
 khong Yiang Sursĩ, la vil
 Yaru-salem Tamái. Vil kị
 sêng tê paloong, toaq tê
 Yiang Sursĩ. Vil ki o lưq,
 riang cumữr khoi q thrũan
 acoan cayac toaq racoai q
 án. ³ Cúq sâng muoi srong
 casang lưq tê cachong ca
 puo tacu, pai neq: “Sanua
 Yiang Sursĩ ốt cóp cũai! Án
 ốt cóp alói, chơ alói cõt cũai
 án samoat lưq. Án tở nai táh
 alói, ma án ốt níc cóp alói.
⁴ Yiang Sursĩ chut sarliang
 moat alói, cóp alói tở bữn
 ramóh ọc cuchĩt tở la ọc
 túh coat noang. Alói tở bữn
 nhiam tở la sâng a-ĩ noang.
 Yuaq dũ ramứh tiaq khoi q
 pưt chơ.”

⁵ Chơ án ca tacu tâng
 cachong puo pai neq:
 “Sanua cúq táq yỗn dũ
 ramứh cõt tamái ễn!”

Chơ án atong cúq ễn neq:
 “Cóq mới chĩc máh santoi q
 nãi, yuaq santoi q nãi la
 p̄ieiq lưq, tềq noau noap ỉt
 samoat samoi.”

⁶ Cóp án atong cúq ễn neq:
 “Khoi q moam chơ! Cúq la
 plở soi. Cúq la ốt tê dẫu
 lưq, cóp cúq ốt toau toaq
 parsốt. Cũai aléq ma sâng
 khlac đờq, cúq yỗn án bữn
 nguai q miat tê đờq mec yỗn
 cũai tamoong mantái. ⁷ Cũai
 aléq ma chíh riap ngê sấuq,
 cũai ki bữn mun neq: Cúq
 Yiang Sursĩ cõt Yiang án, cóp
 án cõt con cúq. ⁸ Ma máh
 cũai táq ranáq sấuq, cóq alói
 ốt tâng pống sarloac. Ừih

cóp mữ tâng ntốq ki blữ níc,
 cóp noau đờq ntốq ki Ntốq
 Cuchĩt Trỗ Bar. Alói ca mut
 tâng ntốq ki la cũai neq:
 Alói ca clac táq ranáq Yê-
 su, alói ca tở ễq sa-âm ngê
 Yê-su, alói ca bữn mưt loai,
 alói ca cachĩt cũai, mansêm
 samiang tở bữn lacuoi cayac
 ma bẻq parnoi, alói ca puai
 ngê mo, alói ca sang rup
 yiang canốh, cóp alói ca táq
 ntong lauq.”

Vil Yaru-salem Tamái

⁹ Moam ki, bữn muoi
 noaq tê tapul náq ranềng
 Yiang Sursĩ ca yống tapul
 bẻng tangan ca poan moang
 tapul ramứh túh coat parsốt
 thánq. Ranềng ki toaq pở
 cúq cóp pai neq: “Toaq pở
 nãi. Cúq yỗn mới hữm
 cumữr ca cõt lacuoi Cừu
 Con.”

¹⁰ Chơ Raviei Yiang Sursĩ
 cõt sốt sĩa tâng mưt pahỗm
 cúq, cóp ranềng Yiang Sursĩ
 đừng cúq toaq pở anũol cóh
 toar cóp sarõih lưq. Tễ
 ntốq ki án yỗn cúq hữm vil
 miar khong Yiang Sursĩ, la
 vil Yaru-salem Tamái. Vil
 ki toaq tê Yiang Sursĩ, sêng
 tê paloong. ¹¹ Vil ki ang-ữr
 machống Yiang Sursĩ tê, cóp
 vil ki báiq sáh ariang tamáu
 moat ramứh yat-pít. Tamáu
 moat ki raloang lưq. ¹² Vil
 ki bữn viang la-a cóp sarõih;
 bữn muoi chíh la bar ngoah
 toong. Noau khoi q chĩc
 tâng dũ toong ki, muoi toong
 muoi ramứh. Ramứh ki
 lạ ramứh muoi chíh la bar
 tốp cũai I-sarel. ¹³ Vil ki

muoi coah bữn pái ngoah toong: Coah angia mandang loõh bữn pái ngoah toong. Coah angia mandang pát bữn pái ngoah toong. Coah angia yáng pỡng cớp angia yáng pữn la machớng ki tê. ¹⁴ Noau táq viang vil ki tâng pỡng muoi chít la bar tamáu tễ. Cớp noau khioq chĩc tâng tamáu tễ ki, muoi tamáu muoi ramứh. Ramứh ki la ramứh tốp muoi chít la bar náq ca rien tễ Cữu Con.

¹⁵ Ranễng Yiang Sursĩ ca táq nẵng cớp cứq, án yớng muoi ntrẽh dũi táq toãq yễng. Án ẽ chiaq vil, ngoah toong, cớp viang vil ki toãq dũi. ¹⁶ Piang pa vil ki sarỡih cớp dẽn la machớng nheq. Ranễng Yiang Sursĩ ki chiaq vil ki toãq dũi án. Muoi coah vil ki bữn bar ngin pỡn culám ki-lô-mết. Piang pa sarỡih cớp dẽn la machớng nheq. ¹⁷ Ranễng ki chiaq viang tê. Viang ki sarỡih bữn muoi culám pỡn chít la pỡn coat,* puai cũai dốq chiaq. Ranễng ki chiaq machớng ki tê. ¹⁸ Noau khioq táq viang ki toãq tamáu moat ramứh yat-pít. Cớp noau táq vil ki toãq yễng muoi chít. Yễng ki raloang samoãt kễng. ¹⁹ Noau pasang tanang viang vil ki toãq muoi chít la bar thữ tamáu moat ramứh neq: Muoi la yat-pít, bar la sapĩr, pái la cal-cadôn, pỡn la samar-danô, ²⁰ sỡng la

sar-danuc, tapoãt la sardĩan, tapul la cru-salit, tacual la barũl, takêh la tupat, muoi chít la cru-saprat, muoi chít la muoi la hua-kin, cớp muoi chít la bar la amết. ²¹ Cớp noau táq muoi chít la bar lám toong toãq muoi chít la bar ốc hốt moat lứq noau dốq ma-carit, muoi toong muoi ốc. Rana tâng vil ki noau táq toãq yễng muoi chít raloang samoãt kễng.

²² Ớt tâng vil ki, cứq tỡ bữn hữm dống sang ntrớu, yuaq Yiang Sursĩ Sốt Toãr Lứq, cớp Cữu Con, alới ớt dũ ntốq tâng vil ki. Ngkíq, ntốq aléq la tẽq nheq noau sang toam. ²³ Vil ki tỡ bữn túh cớq bữn moat mandang tỡ la rliang casai, yuaq Yiang Sursĩ toãp aclaq poang tâng vil ki, cớp Cữu Con la samoãt riang chớp tóu yỗn vil ki. ²⁴ Chớ nheq tữh cũai tẽq hữm cớp tẽq pupốq cõ nhớ tễ ốc poang ki. Cớp dũ náq puo tâng cốc cutểq nãi ẽ dững máh sanóc nẵm alới amut tâng vil ki. ²⁵ Máh toong noau mut loõh tâng vil ki, noau tỡ nai catáih, yuaq tỡ nai bữn sadâu noãng tâng vil ki. ²⁶ Ramứh ntrớu o tỡ la nêuq, cớp ramứh ntrớu cũai dốq khễn, dũ ramứh ki noau dững amut tâng vil ki. ²⁷ Ma ramứh sãuq tỡ tẽq dững amut tâng vil ki. Cũai loãi cớp cũai táq nẵng lauq, tỡ tẽq mut tâng vil ki. Ớng cũai bữn ramứh tâng tâm

* 21:17 21:17 Tỡ la sarỡih sãm tapoãt chít la sỡng mết.

sarác ca noau chĩc ramúh cūai bữn tamoong mantái sâng têq mut tâng vil ki. Tâm sarác ki la khong Cũu Con.

22

¹ Moâm ki, ranẽng Yiang Sursĩ apáh yõn cứq hữm crõng yõn cūai têq tamoong mantái. Dõq ki raloang lứq, cớp hoi aloõh tẽ cachõng puo, la ntốq Yiang Sursĩ cớp Cũu Con tacu. ² Dõq ki hoi tâng mpúng dĩ tâng rana la-a lứq tâng vil ki.

Bar coah crõng ki bữn máh aluang yõn cūai têq tamoong mantái. Aluang ki cõt palái muoi cumo muoi chít la bar trỗ, muoi casâi muoi trỗ. Cớp sala aluang ki la samoât rahâu dõq tahâu nheq tữh cūai. ³ Tỡ bữn ramúh ntróu Yiang Sursĩ khoiq pupap ma tẽ mut tâng vil ki.

Cachõng puo ca Yiang Sursĩ cớp Cũu Con tacu bữn õt tâng vil ki. Cớp máh cūai táq ranáq Yiang Sursĩ õt sang án. ⁴ Máh cūai ki bữn hữm mieiq Yiang Sursĩ, cớp alóí bữn ramúh Yiang Sursĩ chĩc tâng caliac alóí. ⁵ Tâng vil ki tỡ nai bữn sadâu noâng. Ngkíq tỡ bữn noau cóq bữn chóp tóu. Cớp tỡ bữn túh moat mandang claq noâng, yuaq Yiang Sursĩ, Ncháu hái toáp, claq táq yõn vil ki cõt poang níc. Cớp cūai ki cõt sốt mantái níc.

Máh Santoiq Tâng Tâm Sarác Nâi La P̄ieiq Lứq

⁶ Vót ki, ranẽng Yiang Sursĩ atõng cứq neq: “Nheq santoiq nâi la p̄ieiq lứq, têq cūai noap ãt samoât samõi. Yiang Sursĩ, Ncháu hái, án ớn ranẽng án p̄õq sapáh yõn máh cūai táq ranáq án dáng tẽ máh ramúh cheq ẽ toâq. Án yõn Raviei án mut tâng mút pahõm máh cūai ca atõng tang bõq án. ⁷ Cớp Yê-su pai neq: ‘Anhia nhẽng o! Tỡ bữn dũn noâng cứq toâq! Bõn lứq máh cūai ca trĩh máh santoiq pai saccoaiq tâng tâm sarác nâi.’”

⁸ Cứq Yang khoiq sâng cớp hữm dũ ramúh nâi! Moâm cứq sâng cớp hữm máh ramúh nâi, cứq sacõh racól yoc ẽ sang ranẽng Yiang Sursĩ ca yõn cứq dáng máh ramúh nâi. ⁹ Ma án atõng cứq neq: “Chõĩ táq ngkíq! Cứq táq ranáq Yiang Sursĩ machóng mới tê, cớp machóng máh sẽm ai mới ca atõng tang bõq Yiang Sursĩ, cớp machóng dũ náq cūai ca trĩh máh santoiq tâng tâm sarác nâi. Cóq mới sang õng Yiang Sursĩ sâng!”

¹⁰ Chơ ranẽng ki pai ẽn chók cứq neq: “Mới chõĩ cutooq máh santoiq mới chĩc tâng tâm sarác nâi ari-ang Yiang Sursĩ khoiq sapáh baih, yuaq cheq ẽ toâq chơ tangái máh ramúh nâi cõt. ¹¹ Toâq tangái ki, cūai tỡ bữn tanoang o, lứq án tỡ bữn tanoang o níc. Cớp cūai ca bữn mút loâi, lứq án bữn mút loâi níc. Cūai ca tanoang o, lứq án tanoang o

mantái níc. Cóp cūai ca bữn mút bráh o, lứq án bữn mút bráh o níc.”

¹² Cóp Yê-su pai ễn neq: “Anhia nhêng o! Tở bữn dũn noâng cứq toâq! Bo cứq toâq, cứq dũng cóng yỗn dũ náq cūai, puai ranáq alóí khoiq táq. ¹³ Cứq la plở soi. Cứq la coâl cỏiq. Cứq ốt tễ dâu lứq, cóp cứq ốt toau toâq parsốt thánq. ¹⁴ Bồn lứq máh cūai khoiq pooh yỗn bráh au tuar alóí, yuaq alóí bữn cha palâi tễ aluang ca yỗn cūai têq tamoonq mantái. Cóp têq alóí mut tâng vil ki. ¹⁵ Ma yáng tiah vil ki, bữn máh cūai ca đốq táq neq: cūai loái, cūai puai ngê mo, cūai tở bữn lacuoi cayac ma bẻq parnơi, cūai cachit cūai canốh, cūai sang rup yiang canốh, cóp cūai yoc ễ táq ntởng lauq. ¹⁶ Ramứh cứq la Yê-su. Cứq khoiq ớn ranẻng cứq pỡq atởng máh ramứh nâi yỗn anhia ca ốt tâng tốp sa-âm. Cứq la tễ tởng toiq puo Davit. Cứq la mantởr priang claq poang tâng tarựp.”

¹⁷ Raviei Yiang Sursĩ cóp lacuoi Cữu Con pai neq: “Sẻq anhia toâq!”

Cūai aléq ma tamứng santoiq nâi, cóq cūai ki pai tẻ

neq: “Sẻq anhia toâq!”

Anhia ca ễ khlac đởq, cóq anhia toâq. Khân anhia yoc ễ nguaiq đởq yỗn tamoonq mantái, têq anhia nguaiq miat.

¹⁸ Cứq la Yang, cứq sươq dũ náq cūai ca sâng santoiq sapáh baih tâng tâm saráq nâi neq: Khân cūai aléq tữm ốc ntrứu ễn tễ máh santoiq sapáh baih tâng tâm saráq nâi, nỡ-ra Yiang Sursĩ lứq yỗn cūai ki ramóh máh ramứh túh coat ca cứq khoiq chĩc tâng tâm saráq nâi. ¹⁹ Cóp khân cūai aléq ma táh muoi ốc ntrứu tễ santoiq sapáh baih tâng tâm saráq nâi, ki Yiang Sursĩ táq yỗn cūai ki ốq bữn cha palâi tễ aluang yỗn cūai têq tamoonq mantái. Cóp cūai ki tở têq mut tâng vil miar khong Yiang Sursĩ. Tâm saráq nâi khoiq atởng chơ tễ aluang cóp vil ki.

²⁰ Yê-su, án ca atởng yỗn cứq dáng tễ máh ramứh nâi, án pai neq: “Lứq samoât! Tở bữn dũn noâng cứq toâq!”

Amen! Sẻq anhia toâq cháí, Ncháu Yê-su ơi!

²¹ Cứq sẻq Yê-su, Ncháu háí, chuai miat anhia. Amen.